


**CURSUS
PHILOSOPHICI
THOMISTICI,
SECUNDUM
EXACTAM, VERAM...**


João : de#Santo Thomaz





204 · 23 · E · 19





CURSVS PHILOSOPHICI
THOMISTICI,
SECUNDVM EXACTAM,
VERAM ET GENVINAM ARISTOTELIS
ET DOCTORIS ANGELICI MENTEM,
SECUNDAE PARTIS

Pars II. & III.

QVAE DE ENTE MOBILI CORRVTIBILI AD
LIBROS ARISTOT. DE ORIV ET INTERIV, ET DE
Ente mobili animato ad libros Aristotelis de Anima.


Auctore

Admodum Reuerendo & Eximio

P. F. IOANNE a SANCTO THOMA, OLISIPPONENSI,
Ordinis Prædicatorum S. T. M. quondam in alma Complutensi Vniuersitate,
nunc verò Salmaticensi Theologicæ Cathedræ vespertinæ Moderatore ibidemq;
Collegiorum eiusdem Ordinis Regente, Supremi Consilij, sanctæ ge-
neralis Inquisitionis in causis fidei, Censore.

*Nunc primum in Germania excusus, à multis mendis vindicatus, & ex
eiusdem Magistri doctrina illustratus,*

Per A. R. P. F. THOMAM DE SARRIA, Compostellanum, Ord. Prædicatorum
S. T. M. Conuentus sanctæ Crucis Regentem, ac in Coloniensi Vniuersi-
tate publicum & ordinarium Professore.



COLONIAE AGRIPPINAE,
Sumptibus CONSTANTINI MÜNICH Bibliopolæ
ANNO M. DC. XXXVIII.
Cum speciali Gratia & Priuil. S. Cas. Maiest.



AVCTOR LECTORIBVS.



ANDEM emensa nauigatione cursuque Philosophico peracto rehemus portum, & iactis anchoris vela contrahimus, ac nauigationum more salutata terra, vota nostra soluimus, gratias summas diuino Numini referentes breuemq; istam ex Tutelaris nostri ac præceptoris Angelici doctrina excusplam tabellam artium, etsi non viuidis, audis tamé coloribus vt potuimus adumbratam, scolarum eius templo suspendimus; vt hoc saltem, etsi exiguo ministerio, veritatis eius studiosis, qualecunque desiderium nostrum oblaundet. Nam etsi ad tanti splendoris claritatem, imparem oculorum aciem, hebetem radiorum sentiamus vigorem, quia ad intendendam in ipsam pulcherrimi huius solis rotam violenter deceret, non tamen oppressiorem à tanta gloria timemus, quia non opprimetur (Bernardus inquit 62. serm. in Cant.) qui non scrutator est maiestatis, sed voluntatis; quod si interdum & in ipsam intendere aude sed quasi admirans, non quasi scrutans; alioquin scilicet quisque opprimitur non Dei gloria, dum procluius in istam ad illam lenax eceruicem non finitur, nimirum grauem cupiditate. Ego vero non solum Dei Maiestatem, non gloriam reuelantis condensa, sed nec Angeli eius faciem, qui nobis hæc ostendit, & infusa delupei cœlestis luce quasi diuinæ voluntatis interpres reuelat mysteria de profundis liberè intueri audeo, sed magis iuxta Scripturæ vocem (Apocalyp. 22.) Ego quoque Ioannes postquam audissem & vidissem, cecidi vt adorarem ante pedes Angeli, qui mihi hæc ostendebat. Quam pulchre ante huius Angeli pedes diuina adoratur Maiestas, qui tam excelsè de illa sentire contemplarique docet! Quam secure ante huius Angeli pedes debita gratiarum officia Deo reddimus, cuius declaratio sermonum diuinæ voluntatis interpretatione subnixa, fideliter incerta illa & abscondita diuinæ sapientiæ arcana manifestans, illuminat, & intellectum dat paruulis! Ergo iure vt cum Propheta dicam. *Gloria Libani data est ei, decor Carmeli, & Saron* (Isaie 35.) Candidationis enim gloria (id Libanus sonat) deferretur Thomæ, cum splendidissimi Prædicatorum Ordinis suo vbique candore venerabilis totum sibi honorem & gloriam vendicat. Sed & Carmeli decor nuper illi assignatus est, cū è sydereis cœlestis illius Therese flammis flos Carmelitanæ reformationis erumpens, totam pulchritudinem & decorem ex Angelici Doctoris radijs, mystico & scolastico aspirauit affectu. Inde illa æternæ perennitatis monumenta, solidæq; veritatis fastigia quæ ad illustrandam S. Thomæ doctrinam, tum in Theologia, tum in Philosophia pulcherrimi illi exalceati pedes super Complutensis, & Salmanticensis Carmeli montes annunciauere. Quibus hæc nostra vigore exigua & flacciditia, etsi non inferiora voto, adiungi, inferuireque non modicè optamus, vt Angelici luminis vbique coruscante fulgore, veritatem, quæ (vt Hieron. ait præfat. lib. 5. super Ierem.) paucitate suorum contenta est, & multitudine hostium non terretur, triumphantem liceat cernere, quia etsi elaudi, & ligari, vinci tamen nequaquam potest. Tuis ergo obsequijs Lector, si quis veritatis, non nouitatis amator occurreris, hæc quæcumque sunt, offerimus, tuoque iudicio mancipamus, certi quod si quid boni repperis, non nostrum esse, facile poteris deprehendere.

VALLE.

FACVL:

FACULTAS REVERENDI ADMODVM
P. PROVINCIALIS

Frater Hyacinthus de la Placa Sacrae Theologiae Magister & Provinciae Hispaniae Ordinis Praedicatorum humilis Prior Provincialis & servus. Tenore praesentium facultatem concedo tibi Magistro Fr. Joanni de S. Thoma, Sacrae Theologiae in Complutensi Academia publico Professori, in lucem emittendi secundam & tertiam Partem Philosophiae Naturalis super libros Aristotel. de Generatione & Anima, quasi grautorum Patrum huius Provinciae censura, quibus id committimus, approbatas esse censat. In quorum fidem praesentibus subscripsi in nostro Conuentu S. Pauli de Palencia Die 5 Aprilis Anni 1634.

FR. HYACINTHVS DE LA PLACA,
Prior Provincialis.

CENSURA REVERENDI P. M. FR. MARCI SALMERON,
Ordinis B. Mariae de Mercede Redemptionis Captiuorum in Provincia
Castella Provincialis, & Supremi Sanctae Inquisitionis
Senatus fidei Censoris.

IVS S. V. Supremi Senatus Regij, partem secundam & tertiam Naturalis Philosophiae ad libros Aristotel. de Generatione & Anima editas a Reuerendo Patre Magistro fratre Ioanne de Sancto Thoma, Ordinis praedicatorum, apud Complutenses Sacrae Theologiae Publico Vesperorum Moderatore, Sanctae & Generalis Inquisitionis censore, inspexi, & mea quidem sententia continent solidam doctrinam, nec fidei, nec moribus aduersam; imò potius Philosophis ac Theologis vtilissimam. Author enim alijs sui ingenij libris apprime notus, sinuolas satis quaestiones summa disputans dexteritate Stagiritae Philosophi mentem Angelicique praceptoris doctrinam, solidioris studiis, diligenti vtriusque, tum auctoritatem, tum argumentorum indagine exponit. Quae aequum iudico vt in communem studiosorum vtilitatem in lucem prodeant, typisque mandentur. In hoc nostro cenobio Matritensi, Ordinis Beatae Mariae de Mercede Redemptionis Captiuorum, decimo Kalendas Ianuarij. Anno Domini 1634.

FRAY MARCVS SALMERON,
Provincialis & Suprema Inquisitionis Censor.

INDEX

QVÆSTIONVM ET ARTICV.

LORVM OMNIVM QVÆ IN HAC SECVNDA

PHILOSOPHIAE PARTE CONTINENTVR.

Numerus paginam designat.

QVÆSTIO I. De generatione substanti-
tiali. pag. 5.

Art. 1. Quid sit generatio cōmuniter dicta. ibi.

Art. 2. Quibus principijs Philosophia assequa-
tur dari generationem substantialem. 10Artic. 3. In qua actione & mutatione consistat
generatio substantialis. pag. 13Art. 4. Quis sit terminus formalis & quis ad-
equatus generationis substantialis. 19Art. 5. Quod sit subiectum generationis de eius
distinctione & creatione. 25An creatio sit eiusdem rationis in simplicibus
& compositis. 29Art. 6. Vtrum in generatione substantialis fiat
resolutio omnis formæ usque ad materiam
primam. 33Artic. 7. Quomodo vltima dispositio causetur
vel auct generationem substantialem. 39

QVÆST. II. De Corruptione. 48

Art. 1. Quomodo differat corruptio in ratione
mutationis ac generatione & ab annihilati-
one. ibid.Art. 2. Vtrum corruptio & generatio sint ea-
dem actio ratione cuius generatio vnus sit
corruptio alterius. 52Art. 3. Vtrum corruptio sit naturalis & per se
intencia & natura. 56QVÆST. III. De Alteratione in com-
muni. 62

Art. 1. Quid sit alteratio & quoduplex. ibid.

Art. 2. Ad quas species qualitatū datur per se
alteratio. 68

Art. 3. Vtrum alteratio sit vnus & cōtinuus. 72

De cōtinuitate alterationis. 73

De intensiōnibus alterationis. 75

QVÆST. IV. De intentione & remis-
sione. 79Art. 1. Quid sit intentio & remissio, & in qui-
bus formis inueniatur. ibid.Art. 2. Ut intentio fiat per additionē gradus ad
gradum vel per maiorem radicatum in
subiecto. 86Art. 3. Expenduntur argumenta contra sen-
tentiam proposita. 94

QVÆST. V. De actione & reactione 100

Artic. 1. Vtrum aliquid agere posset in seipsum
saltem per accidens. ibid. De Antiperista-
si. 105. De intentione medijs per reflexio-
nem qualitatū. 107

Art. 2. Vtrum simile possit agere in suū simile. 108

Art. 3. Que proportio resistentia requiratur in-
ter agens & patiens ad reactionem. 117Art. 4. Vtrum omne agens in agenda repa-
riatur. 125

QVÆST. VI. De mixtione. 127

Art. 1. Quid sit mixtio & quomodo fiat. ibid.

Art. 2. Quomodo mixtio fiat in liquoribus tam
essentem quam diuersa speciei. 132Art. 3. Quomodo fiat mixtio inter elementa,
& quomodo illa maneant in mixto. 135QVÆST. VII. De condensatione & ra-
refactione. 141Art. 1. Ut rarefactio & condensatio termine-
tur primo & per se & qualitatem. ibid.Art. 2. Vtrum sine rarefactione & additione quā-
titatis possit aliquid fieri maius altero. 149QVÆST. VIII. De nutritione & au-
gmentatione. 151Art. 1. Quid sint augmentatio & nutritio &
quomodo distinguantur. ibid.

INDEX.

<i>Distinctio augmentationis à nutritione.</i>	154
<i>Art. 2. Quomodo intelligatur nutritione fieri ad partem substantia.</i>	157
<i>Art. 3. In qua actione consistat formaliter nutritio & ubi resideat nutritiva facultas.</i>	160
<i>Art. 4. Vtrum augmentatio dum durat & nutritio tota vita sint successivæ & continuæ.</i>	165
<i>Art. 5. Vtrum in nutritione & augmentatione qualibet pars sumentis augeatur & nutriatur.</i>	173
<i>Art. 6. Quomodo vivens maneat idem toto tempore nutritionis & augmenti.</i>	176
QVÆST. IX. De subiecto accidentium & principio individuationis.	179
<i>Art. 1. Vtrum accidentia materialia subiectentur in toto composito vel in sola materia prima.</i>	ibid.
<i>Art. 2. Quid debeat fieri in accidenti ut separatum maneat à subiecto.</i>	190
<i>Art. 3. A quo principio sumatur individuatō substantia materialis.</i>	193
<i>Art. 4. Quid sit materia signata quantitate quæ est principium individuantis.</i>	203
<i>Art. 5. Vtrum accidentia individuentur à subiecto nec possint esse in eodem duo numero distincta.</i>	210
QVÆST. X. De Elementis & primis qualitatibus.	216
<i>Art. 1. Quid sit Elementum & quoduplex & quæ sint qualitates primæ.</i>	ibid.
<i>Art. 2. Vtrum qualitates contrariæ se expellant in gradibus intensis & compatiantur in remissis.</i>	221
<i>Art. 3. Quæ qualitates conveniunt cuilibet elemento.</i>	230
<i>Art. 4. Quomodo detur transitus de vno elemento ad aliud tam in symbolis quam in discymbolis.</i>	234
QVÆST. XI. De mixtis & temperamentis eorum.	237
<i>Art. 1. Quæ sint mixta perfectæ, quæ imperfecta</i>	

<i>& quod temperamentum eorum.</i>	ibid.
<i>Art. 2. Quid sit temperamentum æqualitatis & ad pondus, & an sit dabile</i>	240
QVÆST. XII. De reproductione rei corruptæ.	244
<i>Art. 1. Vtrum repugnet rem productam iterum reproduci.</i>	ibid.
<i>Art. 2. Vtrum omnia corruptibilia habeant determinatam periodum durationis ænaturæ.</i>	250
EX LIBRO METHEORORVM.	
TRACTATUS I. De Meteoris in communi.	265
<i>Cap. 1. Quæ materia, quæ causa, sint meteorologicarum impressionum.</i>	ibid.
<i>Cap. 2. Quæ sint loca in toto universo ubi accedunt Meteorologica impressiones.</i>	266
TRACT. II. De impressionibus cælestibus quæ in ipso cælo videntur.	267
<i>Cap. 1. De Galaxia seu circulo lacteo.</i>	ibid.
<i>Cap. 2. De macula lune.</i>	269
<i>Cap. 3. Num in cælo Meteororum aliquod de nouo generetur.</i>	ibid.
TRACT. III. De Meteoris ignitis in aëre apparentibus.	270
<i>Cap. 1. De Cometarum materia & causa efficienti.</i>	ibid.
<i>Cap. 2. De accidentibus Cometarum.</i>	272
<i>Cap. 3. De Tonitru & fulgure.</i>	273
<i>Cap. 4. De fulmine & eius effectibus</i>	274
<i>Cap. 5. De aliquibus ignibus in aëre apparentibus.</i>	276
TRACT. IV. De coloribus in aëre apparentibus.	277
<i>Cap. 1. De Iride eiusq; significatione.</i>	ibid.
<i>Cap. 2. De varietate colorum aëris, itemq; de halo seu corona, vortigine & hiatu.</i>	280
<i>Cap. 3. De virgis & pareijs.</i>	281
TRACT. V. De Ventis.	282
<i>Cap. 1. De materia & causa efficiente ventorum.</i>	ibid.
	Cap

Cap. 2. De numero ventorum, eorumq; proprietatibus.	283
Cap. 3. De turbinibus Ecephiz, Tryphonis & Præstere.	28
TRACT. VI. De Meteoris humidis genitis in aëre.	286
Cap. 1. De nube & pluuia.	ibid.
Cap. 2. De niue & grandine.	288
Cap. 3. De nebula & glacie.	289
Cap. 4. De Rore, Pruina, Mele, & Manna.	290
TRACT. VII. De mari eiusq; motu & faldedine.	292
Cap. 1. De situ maris.	ibid.
Cap. 2. De motibus maris.	293

Cap. 3. De faldedine maris.	296
TRACT. VIII. De fontibus & fluminibus.	297
Cap. 1. De ortu & origine fontium & fluminum.	ibid.
Cap. 2. Dubia quadam circa ortum & decursum fluminum & fontium enodantur.	300
Cap. 3. De quarundam aquarum sapientibus alysq; qualitatibus.	302
TRACT. IX. De terræ motibus & subterraneis ignibus.	303
Cap. 1. Quæ sit vera causa terremotus.	ibid.
Cap. 2. De accidentibus & effectibus terræmotuum.	304

INDEX QVÆSTIONVM ET ARTI- CVLORVM IN TRES LIBROS DE ANIMA.

QVÆST. I. De Anima in communi, eiusq; definitionibus.	pag. 4
Art. 1. Explicatur prima definitio anime.	ibid.
Art. 2. Verum secundæ definitio anime recte sit tradita, & an sint istæ definitiones essentialles.	12
Art. 3. Verum in quocunque viuento sit tantum una forma substantialis ad omnes gradus.	17
Art. 4. Quæ sit diuisio anime, & quot sint gradus & modi viuentium.	25
Art. 5. Quomodo possint omnes gradus vite in una forma contineri.	31
QVÆST. II. De proprietatibus Animæ in communi.	35
Art. 1. Verum aliqua anime sint diuisibiles, alie indiuisibiles.	36
Art. 2. Verum potentia anime sint ab ipsa distincta, & ab ipsa diuidentur.	45
Art. 3. Verum potentia specificentur & distinguantur per actus & obiecta.	56
QVÆST. III. De Anima vegetatiua eiusq; potentijs.	64

Art. 1. Quid sit anima vegetatiua & quot eius potentia.	ibid.
Art. 2. Quid sit potentia nutritiua, eiusq; obiectum & facultates ei ministrantes.	68
Art. 3. An generatiua distinguatur ab alijs potentijs vegetatiuis, & quæ potentia ei deserviant.	57
QVÆST. IV. De Anima sensitiua & potentijs eius in communi.	79
Art. 1. Verum sensus sint potentia propria vel actiua.	ibid.
Art. 2. Verum sensibile recte diuidatur in commune, proprium & per accidens.	88
Art. 3. Verum seipsum possum supra sensum sentiatur & an ladat sensum.	96
Art. 4. Verum sensibus externis conueniat deceptio, & reflexio supra suos actus.	101
QVÆST. V. De sensibus externis in particulari quo ad se.	106
Art. 1. Quod sit subiectum potentia visiva & medium illius.	ibid.
Art. 2. Quomodo fiat actio videndi & quid sit.	112
Art.	

INDEX.

- Art. 3. Quod sit organum potentia auditiva, medium & actus.* 116
- Art. 4. Quæ sit potentia, actus, & medium odoratus.* 122
- Art. 5. Quid de potentia, medio, & actu gustus.* 128
- Art. 6. Quid de potentia, actu, & medio tactus.* 132
- QVÆST. VI. De obiectis sensuum exteriorum in communi.** 137
- Art. 1. Vtrum requiratur necessario quod obiectum exterius sit præsens ut sentiri possit.* 138
- Art. 2. Vtrum necessario sint ponenda species impressæ in sensibus.* 144
- Art. 3. Expediuntur difficultates articulo præcedente posita.* 149
- Art. 4. Vtrum sensus externi forment idolum seu speciem expressam ut cognoscant.* 156
- QVÆST. VII. De obiectis sensuum exteriorum in particulari.** 161
- Art. 1. Quid sit color qui est obiectum visus. ib.*
- Art. 2. Quid sit lux, & quomodo ad colorem & visum comparetur.* 168
- Art. 3. Quid sit sonus, & in quo subiecto sit.* 175
- Art. 4. Quid sit vox, quid Echo.* 182
- Art. 5. In quo consistat odor qui est obiectum olfactus.* 186
- Art. 6. Quidnam sit sapor qui est obiectum gustus.* 188
- Art. 7. Quod sit obiectum tactus.* 191
- QVÆST. VIII. De sensib. internis.** 197
- Art. 1. Vtrum dentur sensus interni & quod sint.* ibid.
- Art. 2. Quid sit phantasia & reliqua potentia interiores, & in quibus subiectis sint.* 207
- Art. 3. Expediuntur difficultates contra præcedentem doctrinam.* 214
- Art. 4. Quæ sint species impressæ & expressæ in sensibus internis.* 218
- QVÆST. IX. De Anima rationali secundum se.** 224
- Art. 1. Quomodo naturaliter constet animam esse immortalem & per se subsistentem. ib.*
- Art. 2. Quomodo anima rationalis sit entitativè spiritualis & forma corporis.* 233
- QVÆST. X. De intellectu agente & possibili.** 238
- Art. 1. Vtrum sit necesse poni intellectum agentem distinctum à possibili & quid sit. ibid.*
- Art. 2. Quomodo intellectus agens illustret phantasmatum & intellectum possibilem.* 245
- Art. 3. Quod sit obiectum adequatum & specificatum intellectui possibili.* 254
- Art. 4. Vtrum singulare materiale pro hoc statu sit directe cognoscibile ab intellectu.* 262
- Art. 5. Expediuntur difficultates contra doctrinam præcedentis articuli.* 271
- Art. 6. Vtrum memoria, synderesis, speculativum & practicum sint diverse potentie.* 276
- QVÆST. XI. De intellectione & conceptu.** 280
- Art. 1. Vtrum intellectio sit de predicamento actionis vel utilitatis, distinguaturq; realiter à verbo mentis.* ibid.
- Art. 2. Vtrum ad omnem intellectiorem sit necessaria productio verbi.* 290
- Art. 3. An sint tres operationes intellectus & quid sint.* 299
- Art. 4. Vtrum intellectus possit plurimam per modum plurimum cognoscere.* 305
- QVÆST. XII. De appetitu & loco motivo.** 309
- Art. 1. An detur appetitus elicited & quatuorplex sit.* ibid.
- Art. 2. Quæ sit radix libertatis in voluntate.* 316
- Art. 3. Quomodo originetur libertas voluntatis à radice extrinseca quæ est Deus.* 322
- Artic. 4. Circa quæ obiecta versetur libertas.* 328
- Art. 5. Vtrum voluntas sit perfectior potentia intellectu.* 331
- Art. 6. Vtrum voluntas moveat alias potentias imprimendo aliquid reale in illas.* 335

SECUN-

SECUNDA PARS

PHILOSOPHIÆ NATURALIS.

PROOEMIUM.

EST explicatum ens mobile in communi in octo libris Physicorum; & ens mobile incorruptibile, quod est cœlum, de quo in secunda parte Philosophiæ tractari solet, nos autem aliqua de hac materia in prima parte insinuauimus. Sequebatur nunc secundum ordinem pars tertia, quia tamē ab huius scientia Tyronibus posset aliquid intermissum censi, ideoq; cursus noster mancus iudicari: Titulum secundæ partis huic tractatui apposui mus iuxta ordinem nostrū, etiam si secundum ordinē Philosophiæ tertiæ partis titulus apponi deberet. Sequitur igitur in hac tertia parte Philosophiæ & iuxta nostrum ordinem secunda agere de ente mobili corruptibili, & generabili, secundum oēs illos motus, qui ad generationem pertinent, vel ad illam ordinantur, nā secundū quod res generabiles ordinari possunt per motum localem ad acquirendum locum naturalem, & situationem in vniuerso, pertinet de illis agere ad libros de cœlo, & mundo, vbi licet agatur principaliter de cœlo, adæquare tamen agitur de toto vniuerso, quod componitur etiam ex elementis, secundum quod disponūtur per situationem corporum in ipso,

Totum autem, quod pertinet ad ens generabile, & corruptibile comprehendit Aristoteles duobus libris. In primo explicat omnes mutationes ad generationem, & corruptionem pertinentes. In secundo descendit ad explicandum corpora quibus conueniunt istæ mutationes, scilicet elementa, & corpora mixta, quatenus videlicet sunt principia qualitarum actiuarum, & passiuarum secundum quas fiunt istæ mutationes, ipsaque generatio & corruptio.

Mutationes autem, quæ principaliter ad ipsam generationem consequuntur, vel ordinari possunt ad illam, sunt septem. *Prima*, & principalis, est ipsa generatio substantialis, & eius oppositum scilicet corruptio. *Secunda* & quæ propinquius ad ipsam ordinatur est alteratio quæ genericè est vna, diuiditur vero in tres species, simplicem alterationem, intensionem & remissionem. *Tertia* est nutritio, vel loquendo communis ag-

generatio. *Quarta* augmentatio. *Quinta* reactio, & repassio. *Sexta* addensatio, & rarefactio. *Septima* mixtio. Quæ omnia in primo libro tractantur à Philosopho. Circa corpora verò generabilia tria præcipuè cōsiderat in secundo libro, primo circa elementa quibus qualitatibus prædicta sint, & quomodo inter se contrariantur. *Secundo* circa mixta quomodo temperata sint. *Tertiò* circa omnia corpora quæ corrumpuntur, an videlicet possint iterum reproduci hoc ipso, quod semel desinunt esse, quod etiam de quacunque alia re, quæ corrumpitur potest inquiri.

De materia, & subiecto horum librorum.

CONSTAT ex his quæ diximus in quaestione prima Physicorum, subiectum adequatum Philosophia esse ens mobile. Licet autem obiectum formale sit unicum, & impartibile, hoc ipso, quod scientia una est secundum speciem a hominibus, tamen subiectum, seu materia multiplex est, quia una, eadēque scientia de diuersis rebus agit, licet sub unicatione formali. Et ita inquirimus in presenti, quæ pars entis mobilis pertineat ad propriam materiā, & subiectum istius tractatus de generatione, quæ pars quadam est unius scientiæ naturalis. Et se, & oēs conueniunt, pertinere ad istos libros illud ens mobile, quod est generabile, & corruptibile, cum in nulla alia parte Philosophia agatur de illo, nisi hic; in libris enim de anima agitur de ente mobili animato, quod licet corruptibile sit, non tamen agitur de illo secundum quod corruptibile, sed secundum rationem viventis, seu animati, & secundum motus vitales. In libris autem de cælo, ut diximus solum agitur de motu incorruptibili, vel de toto universo, ut componitur ex corporibus simplicibus.

Solum potest esse difficultas, an subiectum istorum librorum sit ens mobile ad formam substantialem, & sic solum generatio ipsa substantialis consideretur per se, de alteratione vero alijsq; mutationibus ad generationem ordinatis, solum tractetur quasi de subiecto secundario, & quasi reductiuè, an verò adequatum subiectum sit ens generabile ut abstrahit à generabili substantialiter, vel accidentaliter, licet principale subiectum sit generabile substantialiter, seu ipsa substantialis generatio.

Respond. in sententia D. Thom. in proœmio libror. de generat. verum videri subiectum istorum librorum esse ens generabile in secundo sensu allato, scil. ut abstrahit à generabili substantialiter, vel accidentaliter, licet præcipuum subiectum sit generabile secundum substantiam, seu generatio ipsa substantialis.

Dicitur

Dicit enim: Quod pertinet ad istos libros tractare de motibus, qui nō sunt communes omnibus corporibus, sed inveniuntur in solis inferioribus (qui utique sunt omnes prater ubi, qui etiam in superioribus corporibus inveniuntur.) Inter quos principatum obtinet generatio, & corruptio, alteratio enim ordinatur ad generationem, sicut ad finem, augmentatio etiā consequenter se habet ad generationem, ubi illi causalis *D. Thom.* alteratio enim, &c. *Non reddit causam cur in istis libris agatur de alteratione, sed cur alteratio sit motus minus principalis, quam generatio, & ita non agitur hic de alteratione solum reductiue, sed tanquam de subiecto minus principali, sicut metaphysica agit de accidente, subiectum autem principale est generatio substantialis, sicut in metaphysica substantia, vel Deus, in logica demonstratio, id enim significat D. Thom. dicens, quod in his motibus principatum obtinet generatio.* Ratione etiam id constat, quia alteratio, & augmentatio, & reliqui alij sunt verē species motus, & per se: ergo de illis agit philosophia tanquam de aliquo pertinente ad illam per se, & non reductiue, sicut etiam agit de motu locali in libris de cælo, & de augmentatione hic: ergo assignanda est aliqua pars philosophia, quæ per se agat de illis, sicut agit de motu locali, non est autem alia pars, in qua tractetur de alteratione, & augmentatione nisi in ista.

Vnde colligitur, quod subiectum istorum librorum est mobile ad formam intrinsecam, secundum quam fit generatio, vel corruptio, vel quæ ad illam ordinatur. Nec propterea agit de aliquo conflato ex substantia, & accidenti, ita ut subiectum eius sit aliquod analogum, tum quia subiectum eius non est accidentis, & substantia, sed mobile ad formam substantialem, vel accidentalem, quod in se quidem substantia est subiectiue, licet terminatiue ad aliquid accidentale terminari possit: tum etiam, quia de accidenti, & substantia potest trahi in aliqua scientia, tanquam de obiecto uniuoco in ratione scibilis, licet sit analogum in ratione entis sicut patet in *Metaphysica*, quæ est unica scientia, & tractat de accidenti, & substantia, eò quod bene possunt res analogicè conuenientes manifestari eodem lumine, & ex eisdem principijs, & sic in ratione manifestabilis, & scibilis conuenire uniuocè.

Obijcies, si pertinet ad istos libros per se agere de augmentatione, & nutritione: ergo non pertinebit per se agere de illa ad libros de anima, cuius oppositum videtur ex *D. Thom.* in initio physicorum distribuentes partes philosophia, iuxta species motus, in quibus augmentatio, quia vitalis est, pertinet ad libros de anima, vel agetur de augmentatione in eadem scientia bis.

Secundò sequitur, quod tractatus iste de generatione precedat tractatum de cælo, si quidem in tractatu de cælo agitur de motu locali, qui imperfectior est

motu generationis, cum terminetur ad ubi, quod est imperfectius quantitate, qualitate, & substantia, ad qua motus isti terminantur.

Ad primum respondetur, in his libris agi de augmentatione, & nutritione, non ut sunt motus vitales, & ab anima viuente, sed ut sunt mutationes quedam corruptiue, vel generatiue partialiter. Non est autem inconueniens, quod de eodembis tractetur in eadem scientia secundum diuersas considerationes sicut in libris de cælo agitur de elementis, quatenus in hoc vniuerso determinatam situationem ad locum postulant, in his autem libris quatenus sunt generabilia, & corruptibilia. In initio autem physicorum diximus de motu augmentationis agi in libris de anima quatenus vitalis motus est, & ab anima procedit, non sub ratione motus corruptiui.

Ad secundum respondet. ad summum probare, quod libri de generatione sunt priores dignitate, quàm libri de cælo, non tamen ordine doctrinae cum potius ab imperfectioribus procedatur. Adde quod licet motus localis ex præciso conceptu ad suum terminum, qui est ubi, sit imperfectior alteratione & generatione, tamen motus localis, qui conuenit cælo prius tractari debet in Philosophia, quàm alij motus, tum quia subiectum talis motus est aliquid dignius, & superius, scilicet ipsum cælum; tum quia habet causalitatem motus eius in reliqua inferiora, & sic dato, quod incipiendum sit ab eo quod est dignius & perfectius etiam à motu locali isto, qui cælo conuenit incipiendum est, quia prout sic causans, est dignior. Denique motus localis vniuersalior est & pluribus conueniens, quàm alteratio, & augmentatio, inuenitur enim in omni corpore; à communioribus autem incipiendum est.

ORDO QVÆSTIONVM.

TOTVM tractatum duodecim quæstionibus absoluentur, nouem circa primum librum, & tribus circa secundum. *Prima*, erit de generatione substantiali. *Secunda*, de corruptione ei opposita. *Tertia*, de alteratione in communi. *Quarta*, de alteratione in speciali, ut de intensiōe, & remissione, &c. *Quinta*, de reactione, & repassione. *Sexta*, de mixtione. *Septima*, de condensatione & rarefactione. *Octaua*, de augmentatione, & nutritione. *Nona*, de subiecto accidentium, & principio indiuiduationis.

Circa secundum librum: *Quæstio decima*, erit de elementis. *Vndecima*, de mixtis. *Duodecima*, de reproductione rei præteritæ.

QVÆ.

QVÆSTIO I.

De generatione substantiali.

RIA sunt à quibus differt generatio, scilicet ab alteratione, à corruptione, & à creatione, & consequenter à transubstantiatione, quæ substantiam rei totaliter attingit; Et ideò declaranda est generatio substantialis secundum quod distinguitur ab istis tribus. Prius tamen præmittendum est de quæstione an est generationis, an datur, & quibus principijs à Philosophia inuenta sit, & quomodo definiatur.

ARTICVLVS I.

Quid sit generatio communiter dicta, & generatio propria viuentium?

GENERATIO communiter dicta potest sumi pro generatione, vt abstractit à substantiali, & accidentali, nam etiam accidens aliquando generari potest, scilicet si accipiat esse per transmutationem ex non esse, vt mutatio, & non solum per transmutationem ex contrario, vt motus. Hoc modo sumpta generatione definitur communissime: Quod est transitus, seu mutatio ex non esse ad esse, in subiecto, siue sit esse substantiale siue accidentale, siue secundum id, siue simpliciter.

At vero generatio substantialis communiter dicta accipi potest pro generatione communiter inuenta in viuentibus, & non in inanimatis, & sic definitur generatio: Quod acquisitio, seu mutatio forme substantialis in materia. Sumiturq; ista definitio ex varijs locis Aristotelis, quibus in explicauit. Nam in octaua Physic. text. dixit: Quod generatio est mutatio de non in ens. Et 1. de generat. c. 4. Quod est mutatio rectius in totum nullo subiecto sensibilis materiae, id est in materia nuda ab accidentibus sensibilibus. Denique c. 5. eiusdem libri dicit: Quod generatio substantialis est mutatio à potentia in actum ad substantiam in actu.

Denique generatio viuentium specialem definitionem habet, quia specialiiori modo procedit. Et definiri solet dupliciter, vno modo communiter, quod est *Processio viuētis ab aliquo*: vbi comprehenditur tam generatio viuentium vniuoca, quam æquiuoca, tam quæ est ab alio viuente, quam quæ est à non viuente, sicut cum animal generatur à cælo. Propriè autem definitur generatio viuētium, quando etiā sit per actionem vitalem generatiuam, & sic diffinitur quod est *Processio viuētis à viuēte à principio vitæ coniuncto in similitudinem naturæ, saltem in specie infinita*, & sic comprehendit omnem generationem vitalem, & rei viuētis substantialis etiam in Deo, vt postea explicabimus.

Est tamen aduertendum latius patere generationem substantialem, quam generationem simpliciter. Generatio enim substantialis dicitur per contrapositionem ad accidentalem, siue id, quod generatur sit pars, siue totum, siue formæ ultimo cōplentis, & terminantis totam generationem, siue formæ non ultimæ, sed tendentis ad perfectam, & ultimam. At verò generatio simpliciter, licet nunquam dicatur de generatione accidentis, quæ semper est secundum quid, tamen nec etiam dicitur de omni substantiali, sed de illa tantum, per quam habetur esse simpliciter, & ultimè completum. Vnde generatio partis non dicitur generatio simpliciter,

ter, sed potius aggeneratio; & de forma embryonis, quæ est imperfecta & quasi in via, & tendentia ad formam hominis, vel equi, non dicitur generatio simpliciter, quia in illo non consummatur generatio, sed vltorius tendit. De quo videatur D. Thom. 1. *de Generat. lect. 4. & 9.*

Circa definitionem generationis substantialis communiter dicitur illa solum se offert difficultas, an sit de essentiali eius ratione, quod sit mutatio, an verò hoc accidentaliter illi conveniat, ita quod possit saluari generatio creata sine mutatione, nam de increata id certum est, cum in ea non sit transitus de potentia ad actum, in quo fundatur ratio mutationis, sed solum est communicatio actus puri assimilationis terminis generati principio generanti.

Circa hoc ergo, aliqui existimant generationem non esse essentialiter mutationem, sed posse esse, hoc tamē sibi accidere. *Fundamentum est*, quia nō est de essentia generationis, quod præcesserit duratione privatio formæ generandæ, licet .n. connaturali modo loquendo generatio non fiat, nisi præcedat alteratio, quæ si disponēs materiā, & inchoās generationē, atq; adeo supponēs privationē formæ generandæ duratione præcedere, tamē potest nō præcedere duratione privatio, si in ipso instanti generationis producat a Deo materia, quæ toto tempore antecedenti nō fuerit, & in illo instanti introducat formā, vt quādo ex speciebus Eucharistiæ generatur aliquid, tunc .n. in instanti generationis subrogatur a Deo materia, quæ maneat in ipso generato, & posset etiā talis materia subrogari, etiā si antecederet nihil aliud præcessisset, quod generet vices materiz, & cōsequenter haberet vices rei privatæ formā, vt si a Deo crearetur materia de novo, & applicaretur illi agens educēs formā, tunc illa generatio nō posset esse mutatio, quia non procedit de privatione ad formam quod requiritur essentialiter ad rationem mutationis, quæ est de non esse ad esse, tunc autem nō datur privatio in toto tem-

pore antecedenti, cum materia non fuerit, neque in ipso instanti generationis, quia sic esset simul privatio & forma.

Nec sufficit dicere quod præcedit privatio in instanti naturæ, licet non in instanti temporis. *Nā contra est*, quia iustans, seu prioritas naturæ nō designat id quod est prius in existendo, & a parte rei, sed solum signat formalitatem, secundum quā aliquid dicitur cōvenire, vel nō convenire alicui, non autē quod de facto conveniat, vel non conveniat, & sic præcedere privationem in instanti naturæ nihil aliud est, quam quod materiæ secundū suam essentiam non cōveniat forma, seu ex se careat tali forma, nō verò quod de facto in re careat, quia in illo instanti non potest carere, siquidē in illo instanti habet formā, ergo non saluatur quod de facto & in re sit mutatio, quia in re non transit de privatione ad formā, quia in re non datur talis privatio. Itē etiā quia de ratione mutationis est vt subiectū aliter se habeat nūc, & prius vt dicit D. Th. 1. p. qu. 41. art. 2. ad 2. sed materia in illo casu nō se habet nūc aliter quam prius, siquidem prius non fuit in rerum natura, ergo non dabitur vera mutatio.

Nihilominus dicendum est, omnem generationē creatam, quæ habet causam materiale ex qua fiat, essentialiter, & intrinsece esse mutationē. Cōstat hoc in primū, quia Philosoph. perpetuo diffinit generationē per mutationē, & ita sentit quod est de eius essentia, & definitione. Patet hoc in isto lib. de Generat. text. 23. vbi diffinit generationem, quod sit transmutatio totius non manente subiecto sensibili. & text. 25. quod generatio est mutatio a substantia in potentia ad substantiam in actu. Et 8. Physicor. text. 62. generatio est mutatio de non ente in ens, & 5. Physicor. text. 7. quod generatio est mutatio de non subiecto in subiectū. Vbi perpetuo assignat Aristot. pro ratione generica generationis mutationem, quod est esse ipsi essentialem. Vnde D. Thom. q. 2. de Potentia artic. 1. ad 15. expresse dicit, quod generatio est species mutationis, ex illa parte, quæ natura per generationem recipitur in ali-

qua materia, qua est mutationis subiectum: ergo supponit quod mutatio est prædicatū genericum mutationis, & consequenter est illi essentialiter. Et idem sumitur ex illis locis, in quibus docet generationem, & corruptionem esse duas mutationes, licet non sint duo motus, ut in *qu. 28. de veritate art. 1. & 6. & 1.2. qu. 113. art. 6.* ut in sequenti articulo ponderabimus. Deniq; definitio motus tradita à Philos. 3. *Phys.* etiam conuenit mutationi instantaneæ, & generationi, ut ex D. Th. & Arist. probauimus 3. *Phys. q. 14. art. 1.*

Ratio est, quia generatio essentialiter versatur inter duos terminos à quo, & ad quē, educit enim, vel introducit aliquam formā quam respicit, ut terminum ad quem, siquidem est tendētia in talem terminum, ab eoq; specificatur, si autem essentialiter habet terminum ad quem, essentialiter etiam respicit terminum à quo, quia est impossibile, quod intelligatur aliquis terminus ad quem fieri de nouo, nisi ex aliquo termino à quo, siuē negatiuo, siuē priuatiuo. siuē positiuo, sed omnis transitus, seu tendentia de termino à quo ad terminū ad quem in subiecto essentialiter est mutatio; cum deseratur vnum, & acquiratur aliud; non enim vtrumque acquiritur, vel vtrumque deseritur, sed vnum accipitur, & aliud relinquitur: idque fit in aliquo subiecto; ergo essentialiter generatio est mutatio. *Et confirmatur,* quia per introductionem formæ in instanti generationis, etiā si priuatio non præcedat tempore, materia formaliter reducit de potentia ad actum, & ipsa forma verè, & proprie educitur ex illa potentialitate materiæ, ergo verè & propriè materia transmutatur. *Consequentia patet* quia inuenitur ibi potentialitas materiæ, & indifferētia reducta in actum per formam, & ipsa forma educta in actu de potentialitate illa materiæ: ergo inuenitur materia mutata de potentia ad actum, & informata per formam, quæ informatio in genere causæ formalis tollit potentialitatem materiæ, & excludit priuationem in facto esse, ergo datur

mutatum esse de facto: ergo etiam generatio, quæ totum hoc efficit est mutatio in fieri, sicut per ipsam formam datur mutatio formalis & in facto esse.

Ad fundamentum oppositum respondetur, quod in casu generationis ex speciebus Eucharistiæ, iam diximus in *qu. 2. Physic. art. 3. ad vltimum,* quod ibi nō variatur naturalis ordo generationis, quia quantitas cōseruata sine subiecto gerit in omnibus vicē substantiæ, & sic recipit dispositiones, antecedentes quibus determinatur materia ad generationē, & cōsequēter gerit vices materiæ priuatæ formæ, & hac ratione præcedit in illa generatione priuatio, non quidē in materiā, sed in substituto materiæ, scil. in quātitate prout gerit vices illius. In instanti autē generationis subrogatur materia à Deo ut cōponens rem generatam, cū eadem determinatione ad formam, quæ ex vi dispositionum præcedebat in quantitate perinde, ac si toto tēpore antè præcessisset materia, quia producit, ut continuata ad id quod gerebat vices materiæ antecederet; & sic generatio illa fit ex priuatione quæ in illo instanti expellitur in facto esse à materia, in toto autē tēpore antecedenti præcessit nō formaliter in ipsa materia, sed virtualiter, scil. in eo quod loco materiæ habebatur. In casu autē quo nihil præcessisset ante de materia, neq; de aliquo, quod gerat vices materiæ, & dispositiones recipiat ad generationem; *Respond.* quod tūc sufficit ad rationem mutationis, qualis tunc inuenitur, quod præcedat priuatio prioritate naturæ, nō tēporis.

Et quando videtur, quod si priuatio non præcessit duratione, nō dabitur in re mutatio de tali priuatione ad esse. *Respond.* in primis quod si tunc tollitur mutatio, etiā tollitur generatio, & quod sufficit ut generatio maneat, sufficit ut maneat mutatio. Vnde addo quod sufficit priuatio non duratione præcedēs, sed in re exclusa & expulsa in illo instanti per formā introductā ab agēte extrinseco vel eductam ē materia, ut detur in illo instanti mutatio, quæ non petit priuationis existen-

existentiam ut in re detur, sed exclusionem priuationis in re, excluditur autem priuatio, etiam si non præcesserit duratio per hoc solū quod potentialitas materiæ ab extrinseci agente immutatur educendo formā; & sic formæ carentia excluditur, non per propriam emanationem, sed per extrinseci agentis actionem, atq; adeo immutationem. Et licet prioritas naturæ non dicat existentiam, seu durationem rei, sed solum quod ex vi naturæ aliquid conueniat, vel non conueniat, tamen hoc sufficit ut dicatur subiectum mutari, quando per actionem extrinseci agentis excluditur priuatio, non quæ inerat formaliter, sed quæ debebat inesse, si per actionem illam non tolleretur educendo formam, vel vniendo.

Ad ultimam autem instantiam, quod mutatio dicit aliter se habere nūc quam prius, *respondet*, quod in mutationibus instantaneis, si illas præcedit aliquis motus per modū dispositionis requisitæ, sicut cōmuniter accidit secundū ordinem naturę, tūc necesse est, quod aliter se habeat nūc quam prius prioritate tēporis, in quo dispositiones illæ & motus illi præcedūt, & similiter priuatio formæ generandæ. Ceterū si mutatio instantanea sumatur secundū præcisum conceptū suum, & remoto eo quod antecedit naturaliter, mutatio dicit aliter esse nūc quā prius prioritate naturæ, dūmodo in subiecto impediatur priuatio ne detur, per actionem agentis extrinseci introducētis formā, inde. n. regulari debet quod sit mutatio, nō ex præ-existentia priuationis. Et ita in illo reali instanti est priuatio nō afficiēdo subiectū, sed in expelli ab illo per actionē extrinsecam, quia illa prioritas naturæ nō est existētiæ, sed expulsionis, & consequēter mutationis pro illo instanti, in quo est introductio formæ.

Et si dicas, nā ad quietē non sufficit quod eodē modo se habeat aliquid nūc, & prius secundū prioritatem naturæ, aliās posset aliquid quiescere in vno tantū instanti, sed requiritur quod se habeat sicut prius prioritate tēporis, ergo similiter requiretur ad

mutationē, quæ opponitur quieti. *Resp.* quietem priuatam. requirere quod aliquid se habeat nūc, sicut prius, & oritate tēporis, non autem quietem negatiuam, & similiter id requirere motum qui constat ex duabus mutationibus, scilicet generatione, & corruptione, non autem mutationem instantaneam ex suo præcilio & conceptu ut quando non habeat adiunctū motum aliquem præcedentē, nec corruptionem formæ oppositā. Motus autem qui propriē opponitur quieti, est ille, qui includit duas mutationes, corruptionis, & generationis, seu qui est motus successiuus, in quo inuenitur esse aliter nūc quam prius prioritate temporis, non verò requiritur ad mutationem instantaneam, sicut neque ad quietem negatiuam.

De generatione viuentium.

Circa definitionem generationis viuentiū duas particulas oportet explicare. Altera est quomodo sit *promissio a principio vitæ coniunctio*. Altera est *in similitudinē naturæ*. Ut prima particula explicetur *est adducendum* quod ad generationem rei non viētis non requiritur, quod res genita vel materia ex qua generatur sint coniuncta generanti, & intra ipsum, sed sufficit quod materia sit iuxta posita, & extrinsecè applicata, ut ex illa aliquid generetur, sicut ignis generat ignē ex ligno iuxta se posito, & applicato nō intra se vnito. At verò viuentia intra se formant id quod generant, & ex sua substantia præbent materiam ex qua generetur, imò quanto perfectior est natura viuētis, tanto res genita coniunctior est principio generanti, ita quod in natura intellectuāli res, quæ procedit ab intellectu, non solū quando fit, & formatur, sed etiā quamdiu existit intra intellectum manet, nec ad aliam potentiam, vel subiectum emittitur. Et ex hoc distinguit D. Thom. 4. *contra Gent. cap. 11. & in 3. distinct. 8. quæst. 1. art. 1.* diuersos gradus emanationis in viuētibz penes hoc, quod res genita sit magis, vel minus coniuncta suo principio generanti, sicut videmus in plan-

is, & animalibus, quod procedit & de-
tur semen ex ipsis in quo est virtus for-
ma reigenitæ, & materia ex qua for-
tur. Vnde ipse foetus in principio colli-
gitur suo generati, vt fructus arbori, foetus
rici animalium, sed tamen inde postea
ratur quādo nascitur, ideoque dicitur
cedere à principio vitæ coniuncto, tum
materia ex qua formatur, & virtus se-
s formatiua à generante deceditur, tū
primo illi colligatur, & intra ipsum
atur, anteaquam nascatur. In vita autē
tiua per ipsas potētias sentientes pro-
tur cognitio, quæ magis intima est suo
ipio, quia sit per actionem immanen-
sed tamen non est totaliter intima, tum
postulat principium ab extra, scili-
eciem impressam, & producit ali-
terminum, scilicet idolum seu ipse-
in alijs potentijs, scilicet à sensu ex-
in sensum communem, & à sensu com-
in phantasiā, & ab illā in memoriā,
tertio de Anima dicetur. In vita autem
ctiua adhuc emanatio cognitionis
gis intima suo principio, quia licet
is requirat species impressas ab ex-
ouenientes, tamē species expressa seu
quod formatur per ipsas, non transit
in potentiam, sed in ipso intellectu
Est tamen altior vita intellectiua in
is, qui ab extra non accipiunt species
neant sensibus, sed intus intellectui
tur, vel infunduntur à Deo, ipsa et-
pecies expressa intra intellectum ma-
tamen, quia est accidens, & nō sub-
ad perfectam generationem nō per-
Quare perfectissima generatio ex o-
rte est in Deo, in quo, & id quod
it, est substantia, & ita coniuncta suo
io, vt sit vnum, & consubstantialē
io iuxta illud Ioannis decimo, *Ego
r vnum sumus*. Totus hic discursus
homī.

nda particula est in *similitudinem*
in qua designatur qualis debeat esse
cedens in generatione, & qualis mo-
Pars II. Poys.

dus procedendi. Requiritur enim ad gene-
rationem viuentis, vt id quod procedit nō
solum sit genitum, sed etiam filius, generā-
tur enim ex viuentē pili, vngues, vermes, &
alia similia, quæ procedunt actiue à viuēte,
& ipso ministrante materiam ex qua for-
mentur, nec tamen procedunt, vt filij, quia
non in similitudinem naturæ. Secundo re-
quiritur, vt ipsa generatio sit essentialiter
assimilatiua, non solum concomitanter, vel
in primo modo per se, sed etiam in quarto
modo per se, ita quod eo modo sit per se il-
la, *generans assimilat* atque ista, *validū ca-
lescit, Med. cui curat*, eo quod generatio est
actio propagatiua naturæ, & ita debet esse
productiua ad imaginem, & similitudinem
generantis quasi expressiua illius quod est
esse in quarto modo assimilatiuam, & non
solum in primo modo per se.

Qua ratione intelligitur quomodo in di-
uinis processio verbi sit generatio, & non
processio Spiritus Sancti, quia processio Spi-
ritus Sancti est quidem processio rei similis
identice, & concomitanter, imò & essentia-
liter in primo modo per se, quia est proces-
sio intra Deū & generali notione, quidquid
est intra Deum est Deus; formaliter autem,
& in quarto modo solū procedit vt impul-
sus diuinus, cui ex eo quod est diuinus, non
tam conuenit similitudo, quam identitas
essentialiter in primo modo per se cum eo
à quo procedit, & sic eius processio non est
assimilatiua. At verò verbum ex ipsa for-
maliratione qua procedit, intra intelle-
ctum procedit, vt imago, & vt simile in
quarto modo per se cum principio gene-
rante, & non solum ratione identitatis,
quia est intra Deum, & ideo propriissime
est generatio, & processio assimilatiua in
substantia, & natura, scilicet in ipso intel-
ligi, & intelligere diuino, sicut si homo
posset producere alterum hominem ex li-
mo terræ, & artificio manus, & similiter
per seminalem propagationē, ille qui pro-
cederet per propagationem esset filius, qui
autem artificiose non esset filius, licet
B vterque

uterque essentialiter esset verus homo. Sic ergo requiritur ad generationem quod aliquid procedat in similitudinem tum ex parte ipsius rei generatæ, tum ex parte modi procedendi assimilatiuo modo, & hoc quantum est ex vi generationis, nam per accidens ex aliquo impedimēto potest aliquid degenerare à perfecta similitudine, sicut monstrum & tunc erit vera generatio, sed deficiens, & proprie degeneratio.

ARTICULVS II.

Quibus principijs Philosophia assequitur dari generationem substantialem?

TOta difficultas apud veteres Philosophos circa inuestigationem generationis substantialis consistebat in eo, quod nō poterant intelligere materiam primam, quæ esset in potentia ad esse simpliciter, & tamen in se esset ens in re, & consequenter non poterant intelligere formam substantialem, quæ daret esse simpliciter materiæ scilicet ipsum primum esse, sic enim materia de se careret omni esse, & consequenter non esset ens; ex non ente autem non fit ens, quia ex nihilo nihil fit, ut late tractat Philosophus 1. *Physic.* & in hoc lib. 1. de *Generatione*, & 1. *Metaph.* c. 2. Et ita diximus in *quest. 3. physicorum*, quod nisi ponatur materia ita esse ens in potentia, quod careat omni esse entitativo ex se, hoc ipso caremus omni principio ad ostendendum dari formam substantialem, quæ det primum esse quod est esse simpliciter & substantiale.

Quare vel ex hoc manifestum fit apud Aristot. & D. Thom. qui illum sequitur, omnino ignotum fuisse, quod materia prima haberet ex se actum entitativum, & existentiam incompletam, eo quod antiqui existimabant materiam esse non ens, & omnino nihil hoc ipso quod esset ens in potentia, ut constat ex Philosopho in hoc 1. lib. de *generatione* text. 12. ubi inquit: *Hoc maxime tenuisse philosophos antiquos in assignanda generatione substantiali, ne ex nihilo præexistens aliquid generaretur.* Quod explicans D. Th.

ibi lect. 6. circa finem inquit: *Quod maxime tenuerunt primi Philosophi, quod aliquid generaretur ex nihilo præexistente, quod enim non est ens actu, nihil est.* Sic igitur videtur, quod non possit esse generatio simpliciter hoc modo: *Quod substantia generetur ex non ente actu, entis autem in potentia.* Existimabāt ergo antiqui, materiam hoc ipso, quod esset ens in potentia esse nihil, & consequenter carere actu entitativo, seu existentia partiali, si enim haberet illam, bene sciret, quod materia esset ens in potentia respectu formarū, & tamen non esset nihil, quia ut sit nihil, omni existentia debet carere etiam partiali, Philosophi vero antiqui inferebant, quod si esset ens in potentia, & non in actu, erat nihil, ergo existimabant carere omni esse etiam partiali, si esset in potentia ens. Aristot. autem reiiciens hanc sententiam antiquorum non dicit materiam habere actum entitativum seu existentiam, licet sit in potentia ad formas, sed dicit materiam nō esse nihil, sed existere quatenus est sub diuersis formis; ratione cuius generatio unius est corruptio alterius, & sic generationem fieri per se ex ente in potentia, per accidens autem ex ente in actu, quia ad generationem per accidens est, quod extiterit materia sub ista, vel illa forma, quæ corrumpitur, per quam habet esse in actu, ut docet 1. *physicor.* text. 66. & 1. de *generatione* text. 17. ut explicat ibi D. Th. lect. 7. circa finem. Si autem materia, ut concurrat ad generationem per accidens est ens actu, id est per formam quæ corrumpitur, manifestè supponit Arist. materiam ex se non habere actum entitativum, vel existentiam partialem, alioquin fieret generatio ex ente in actu per se, quia non per formam, sed per suam entitatem esset existens, seu ens in actu.

Quare, principium ad ostendendum contra antiquos Philosophos, quod detur generatio substantialis & quod introducatur forma substantialis in materia, solū ex duplici capite sumitur. *Primo*, ex esse, quod discernit substantiam ab accidente, sc. esse per

se, quod est primum & substantia alijs, si datur generatio substantialis debet esse per se, & introducere formam qualem esse. *Secundo* sumitur principium corruptione substantiali quae generatio proponitur. Si enim haec datur etiam, & generatio substantialis. Primum ergo modo cedendo necessario sumendum est principium, quod materia sit ens in potentia nullo actu entitativo, quia generatio substantialis supponitur esse illa per quam dicitur esse substantiale seu sit ens simpliciter, & quia antiqui dicebant, quod quidlibet ens, debet esse ens in actu, consequenter inferebant, quod si generatio supponit aliquod ens pro subiecto, debet supponere ens actu, & sic nulla generatio datur, quae possit facere ipsum esse substantiale, & primum, & fundamentale esse, quod est substantiale. Cum ergo iuxta principia Aristotelis dicimus, quod ex nihilo nihil fit, & rursum quod generatio substantialis faciat ens simpliciter dando ipsum esse primum, & substantiale, oportet dicere, quod subiectum ex quo fit generatio substantialis, scilicet materia, neque sit nihil, neque sit ens actu de se, & in potentia per se, & in actu per se, scilicet per formam. Si autem semel ponatur materia de se ens actu, & existens per actu entitativum, non potest probari contrarios, quod forma ei adueniens sit substantialis, & quod generatio sit substantialis, & dans primum, & integrum esse, nisi petatur contra ipsos, quod etiam si supponatur esse parziale in materia; potest per se aduenientem illi, resultare esse substantiale, & partes ipsas substantialiter continere. Ad hoc autem non datur principium a Aristotele, nec potest dari, nisi petatur principium. Nec enim nobis potest constare contra rationes generationem substantialem, & formam substantialem, ut negabant antiqui, dicentes materiam esse totam substantiam rei, in qua potest constare, quod forma alijs, & actio sint substantiales, nisi ratione sit esse substantialis (id est, primi & sub-

stantis omnibus) quod praebent. Si autem praesupponunt aliquod esse parziale in materia, occluditur ista via, & enervatur illud principium. Unde enim probabitur, quod illud esse, quod dat formam sit primum, & substantiale si supponit aliud in materia, cui aduenit? Et si dicatur illud esse parziale: Hoc restabat probandum, & est petere principium, negabant enim antiqui dari formam substantialem, sed materiam esse totam substantiam rei. Unde ergo probatur illa partialia esse materiae primae & formae: ita facere unum, quod constituant generationem simpliciter? Sicut si producit aliqua pars integralis, & coniungitur alteri habenti iam esse, mutatio illa erit aggenerationis, & non prima generatio, quia supponit primum aliquod esse, ita si in materia supponitur esse, & forma producta addit ei aliud esse, etiam si sit parziale, non potest probari, quod sit generatio simpliciter: quia ex ipso primo esse, unde probari debet substantialitas ista, non probatur, siquidem supponitur aliquod esse in materia, & sic dicerent antiqui, quod forma non dat primum esse, & simpliciter esse, sed additionem seu aggenerationem ad esse praesuppositum. In nostra autem sententia cum sit tantum unum esse, quod per formam tanquam per principium convenit composito, & actuatur materiam, idem est dare esse composito per formam, & dare primum esse, & simpliciter esse. Aliunde vero non probatur contra antiquos, istas duas partes esse substantiales, scilicet materiam & formam, nisi vel supponatur dari tales partes, quod negabant ipsi, & sic esset petere principium; vel probetur esse substantiales, ex eo quod necessariae sunt ad generationem & corruptionem, & hoc iterum est quod ipsi negabant, dari scilicet generationem, & corruptionem substantialem, sed solum alterationem, quae latentes formas apparere faceret, vel occultaret. Quare nisi dicatur formam dare ipsum primum esse, & consequenter materiam ita esse in potentia ad formam, quod nullum

in se supponat esse, sed totum habeat per formam, non probatur generatio substantialis contra antiquos.

Ex secundo principio probatur, dari generationem substantialem, videlicet ex ipsa corruptione. Constat enim dari corruptionem substantialem ergo debet dari generatio. *Cōsequentia est bona*, quia si formæ quādo desinunt substantialiter corrumpuntur, ergo quando incipiunt, substantialiter generantur, & non solum apparent de nouo, alias quando desinunt, solum occultarentur. *Antecedens autem probatur*, tūm quia si non esset corruptio substantialis omnis substantia esset incorruptibilis in esse substantiali: tum quia si forma nō corrumpitur, sed manet in materia vel nō distinguitur à materia: ergo etiam manebunt eius propriæ passionēs, nec enim est cur proprias passionēs separemus manente forma, & natura, cuius sunt; cōstat autem quod quando animal, moritur nō manent potentiæ sensitiuæ in terra, vel igne, in quem conuertitur. *Nec dici potest* quod manent ibi istæ potentiæ, sed impeditæ, & latētes, sic enim si in igne, verbi gratia, est potentia videndi, & audiendi, sed tamē impedita, ignis esset cæcus, & surdus, quia habet istas potentias cum impedimento. Tum denique constat dari corruptionem substantialem in homine, quia ipso mortuo anima manet separata à corpore, alias nō moreretur homo, si maneret anima vnita materiæ, & homo esset incorruptibilis substantialiter; nec enim anima latet in materia, nec educitur, sed de foris venit. Recedente ergo anima oportet, quod in materia incipiat esse noua forma, per veram generationem, si quidem forma quam habebat, substantialiter separata est ab illo.

Aliæ probationes solent afferri ab alijs authoribus quæ contra antiquos parū habent efficaciam, verbi gratia, quod materia prima est in potentia passiuā ad omnes formas, quod dantur diuersæ formæ substantiales, quod diuersa accidentia, & operationes sequi debēt ad diuersas formas, eo quod materia de se est indifferens ad omnia. Hæc e-

nim petunt principiū, quia hoc erat, quod ipsi negabant, sc. dari formas substantiales, aut accidentia sequi, ad formā de nouo aduenientē, sed de nouo apparentem in materia, in qua secundum se latitabat, eo quod dicebant materiā esse ens actū, & nō indigere forma substantiali dante illi primū, & substantiale esse, sed supponente materiæ existentia, & sic omnis forma de nouo adueniens erit accidentalis, quia nō conueniet ei propria ratio substantiæ quæ importat primū esse, quod est substās alijs. Quare nisi affirmetur, quod materia est ens in potentia taliter, quod etiam primum esse habet per formam, istæ probationes euacuantur.

Contra generationē substantialem sic explicatā pauca sunt, quæ difficultatē faciant. *Argumentum enim antiquorum quomonebatur, non habet vim*. Dicebant enim non posse dari formam, quæ det primū esse quale debet esse substantiale, sic enim illa forma adueniret subiecto nullū habenti esse, si quidē forma subiecto dat primū esse, ergo illud subiectū est nihil, & ita simpliciter aliquid fieret ex nihilo, quod est non generari, sed creari. *Ad hoc respond.* Ex doctrina Aristot. & D. Th. quod materia prima, nec est nihil, neque est ens in actu seu existens per se, & ratione propriæ entitatis, sed est existēs per aliud, sc. per formam, & ita de se est ens capax existentia, sicut & formæ, licet non sit ipsa forma, nec ipsa existentia. Quod autem est capax existentia vere est ens, & non est nihil, vt cōtradiCTORIē opponitur enti, quia nihil, neque per se, neque per aliud est capax existentia, materia autem, vt subiecta formæ, vere existit non vero sine forma, imò etiam ipsum compositum substantiale, sine modo subsistentia, & sine accidentibus non existit, neque operatur.

Secūdo obijcie. Quia in ipsa substantia quæ generatur, solū inuenitur essentia, & existentia. Essentia fieri non potest, cū remotā existentia non maneant, nisi prædicata essentialia, quæ sunt perpetuæ veritatis, & independentia à tempore. Existentia autem nō est

substantia, sed aliquid accidentaliter
repiens substantiæ, supposito, quod ab-
stinguitur, imò, & ipsa actio generati-
o accidens est de prædicamento actionis:
terminus eius est accidens.

Respondetur, essentiam non fieri, nec pro-
i ex parte connexionis essentialis prædi-
rum obiectiue sumptam, sic enim ob-
iectiue est æternæ veritatis, sed subiectiue,
in se existens producit ipsa essentia, &
substantia, vt subiecta existentia, ita quod
ipsa se habet vt res existens, existentia
autem, vt id quod existit, tanquam terminus ac-
tus productionis, & essendi extra cau-

Et licet existentia dicatur accidentaliter
inconuenire, nō tamen tanquam accidens
dicamentale, sed accidentaliter prædi-
cabiliter, tanquā modus, vel terminus sub-
stantiæ, quæ reducitur ad eius prædicamen-
tum. Reuera tamen essentia ipsa produci-
t vt subiecta existentia, non seorsum ab
ipsa, sicut neque seorsum à productione, sed
cum illa, & natura non producit seorsum
composito, vel supposito, sed in illo. Es-
sentia autem vt subiicitur existentia aliquid
temporale est, & non æternum, neque æter-
næ veritatis, quia per temporalem actionem
fit existentia, & subiectio essentia ad exis-
tentiam. Generatio autem est accidens de
prædicamento actionis formaliter, sed ter-
minatiue respicit substantiam, eo quod exit
in potentia generatiua in virtute substantiæ,
deo est accidens, & tamen ad substan-
tiam producendam tendit.

Denique arguitur, quia si vna generatio
cedit alteri, sequitur, quod plures res
eius diuersæ participant eandem mate-
riam, atque adeo non erunt substantialiter,
ex omni parte diuersæ. Similiter etiam
materia pertinebit ad diuersas species, mo-
do ad vnam, modo ad aliam prout fuerint
diuersæ formæ, quibus vnitur, & sic nō ma-
gis simpliciter eadem, siquidem actuali-
ter, & speciem sumit à forma.

Respondetur, non esse inconueniens, quod
specie diuersæ habeant materiam com-

mune, sicut habent genus, non tamen simul
informando, sed successiue, quia materia
sic est capax omnium formarum, & in poten-
tia ad illas. Et ita non communicant in eadē
materia numero, sed eadem materiæ secun-
dum potentialitatem seruit ad diuersas for-
mas in diuersis compositis, successiue vna
forma excludente aliam, & diuersum com-
positum constituyente, quod nō est inconue-
niens. Nec inconuenit, quod materia parti-
cipet per informationem diuersas species
formarum, & constituat diuersa composita
successiue, quia est in potentia ad illas, de
se autem non habet nisi entitatem potentia-
lem, quam vtique à forma non accipit, sed
recipiendo in se formas, aduatur ab illis, &
reducitur in actu ad illam speciem à qua in-
formatur, cum enim materia sit pars speciei
& compositi, quod constituit, ad multas spe-
cies potest reduci in actu, eo quod ad omnes
est in potentia.

ARTICULVS III.

*In qua actione, & mutatione consistit gene-
ratio substantialis?*

VT cognoscamus, & discernamus substā-
tialem generationē inter multas actio-
nes quæ ad illā concurrunt, oportet duo in-
uestigare. *Primum*, an sit generatio substan-
tialis actio & mutatio distincta à tota actio-
ne dispositiua, quæ per alterationem opera-
tur in materia, an verò posita alteratione
vsque ad vltimam dispositionem, sine noua
actione resultet generatio. *Secundum est*, in
ipsamet generatiua actione, quā debeamus
assignare formalitatem, in qua consistat ipsa
ratio generationis substantialis; inuenitur
nam in actione generatiua ratio educationis vel
productionis formæ, similiter ratio vnionis
formæ ad materiam, ratio etiā conuersionis,
& alia similia, inter quæ oportet discerne-
re, quid formaliter pertineat ad rationē ge-
nerationis. Quod verò attinet ad actiones
subsequentes generationem, nō oportet in-
uestigare, quomodo discernatur ab illis ge-
neratio, quia consummata, & transacta ge-

I N D E X.

<i>Art. 3. Quod sit organum potentia auditiva, medium & actus.</i>	116
<i>Art. 4. Quae sit potentia, actus, & medium odoratus.</i>	122
<i>Art. 5. Quid de potentia, medio, & actu gustus.</i>	128
<i>Art. 6. Quid de potentia, actu, & medio tactus.</i>	132
QVÆST. VI. De obiectis sensuum exteriorum in communi.	137
<i>Art. 1. Vtrum requiratur necessario quod obiectum exterius sit præsens ut sentiiri possit.</i>	138
<i>Art. 2. Vtrum necessario sint ponenda species impressæ in sensibus.</i>	144
<i>Art. 3. Expeditur difficultates articulo præcedente posita.</i>	149
<i>Art. 4. Vtrum sensus externi forment idolum seu speciem expressam ut cognoscant.</i>	156
QVÆST. VII. De obiectis sensuum exteriorum in particulari.	161
<i>Art. 1. Quid sit color qui est obiectum visus. ib.</i>	
<i>Art. 2. Quid sit lux, & quomodo ad colorem & visum comparetur.</i>	168
<i>Art. 3. Quid sit sonus, & in quo subiecto sit.</i>	175
<i>Art. 4. Quid sit vox, quid Echo.</i>	182
<i>Art. 5. In quo consistat odor qui est obiectum olfactus.</i>	186
<i>Art. 6. Quidnam sit sapor qui est obiectum gustus.</i>	188
<i>Art. 7. Quod sit obiectum tactus.</i>	191
QVÆST. VIII. De sensib. internis.	197
<i>Art. 1. Vtrum dentur sensus interni & quod sint.</i>	ibid.
<i>Art. 2. Quid sit phantasia & reliqua potentia interiores, & in quibus subiectis sint.</i>	207
<i>Art. 3. Expeditur difficultates contra præcedentem doctrinam.</i>	214
<i>Art. 4. Quae sint species impressæ & expressæ in sensibus internis.</i>	218
QVÆST. IX. De Anima rationali secundum se.	224
<i>Art. 1. Quomodo naturaliter consistat animam</i>	

<i>esse immortalem & per se subsistentem. ib.</i>	
<i>Art. 2. Quomodo anima rationalis sit entitativè spiritualis & forma corporis.</i>	233
QVÆST. X. De intellectu agente & possibili.	238
<i>Art. 1. Vtrum sit necesse poni intellectum agentem distinctum à possibili & quid sit. ibid.</i>	
<i>Art. 2. Quomodo intellectus agens illustrat phantasmatum & intellectum possibilem.</i>	245
<i>Art. 3. Quod sit obiectum adequatum & specificatum intellectui possibili.</i>	254
<i>Art. 4. Vtrum singulare materiale pro hoc statu sit directe cognoscibile ab intellectu.</i>	262
<i>Art. 5. Expeditur difficultates contra doctrinam præcedentis articuli.</i>	271
<i>Art. 6. Vtram memoria, synderesis, speculativum & practicum sint diversæ potentia.</i>	276
QVÆST. XI. De intellectione & conceptu.	280
<i>Art. 1. Vtrum intellectio sit de predicamento actionis vel qualitatis, distinguaturq; realiter à verbo mentis. ib d.</i>	
<i>Art. 2. Vtrum ad omnem intellectionem sit necessaria productio verbi.</i>	290
<i>Art. 3. An sint tres operationes intellectus & quid sint.</i>	299
<i>Art. 4. Vtrum intellectus possit plura per modum plurimum cognoscere.</i>	305
QVÆST. XII. De appetitu & loco motivo.	309
<i>Art. 1. An detur appetitus elicitus & quomplex sit. ibid.</i>	
<i>Art. 2. Quae sit radix libertatis in voluntate.</i>	316
<i>Art. 3. Quomodo originetur libertas voluntatis à radice extrinseca qua est Deus.</i>	322
<i>Artic. 4. Circa qua obiecta versetur libertas.</i>	328
<i>Art. 5. Vtrum voluntas sit perfectior potentia intellectu.</i>	331
<i>Art. 6. Vtrum voluntas moveat alias potentias imprimendo aliquid reale in illas.</i>	335

S E C U N -

ECVND A P A R S

PHILOSOPHIÆ NATURALIS.

PROOEMIUM.

DOST explicatum ens mobile in communi in octo libris Physicorum; & ens mobile incorruptibile, quod est cœlum, de quo in secunda parte Philosophiæ tractari solet, nos autem aliqua de hac materia in prima parte insinuauimus. Sequebatur nunc secundum ordinem pars tertia, quia tamē ab huius scientia Tyronibus posset aliquid inuisum censerī, ideoq; cursus noster mancus iudicari: Titulum secundæ artis huic tractatui apposui mus iuxta ordinem nostrū, etiam si secundum ordinē Philosophiæ tertiæ partis titulus apponi deberet. Sequitur it in hac tertia parte Philosophiæ & iuxta nostrum ordinem secundæ de ente mobili corruptibili, & generabili, secundum oēs illos motus ad generationem pertinent, vel ad illam ordinantur, nā secundū tres generabiles ordinari possunt per motum localem ad acquirendum locum naturalem, & situationem in vniuerso, pertinet de illis agere libros de cœlo, & mundo, ubi licet agatur principaliter de cœlo, ad are tamen agitur de toto vniuerso, quod componitur etiam ex electis, secundum quod disponūtur per situationem corporum in ipso, motum autem, quod pertinet ad ens generabile, & corruptibile commendit Aristoteles duobus libris. In primo explicat omnes mutationes ad generationem, & corruptionem pertinentes. In secundo descendit explicandum corpora quibus conueniunt istæ mutationes, scilicet elementa, & corpora mixta, quatenus videlicet sunt principia qualitatuum actiuarum, & passiuarum secundum quas fiunt istæ mutationes, ipse generatio & corruptio.

Mutationes autem, quæ principaliter ad ipsam generationem conferuntur, vel ordinari possunt ad illam, sunt septem. *Prima*, & principalissima ipsa generatio substantialis, & eius oppositum scilicet corruptio. *Secunda* & quæ propinquius ad ipsam ordinatur est alteratio quæ generata est vna, diuiditur vero in tres species, simplicem alterationem, intensam & remissionem. *Tertia* est nutritio, vel loquendo communis ag-

Pars II. Physic.

A

gene-

generatio. *Quarta* augmentatio. *Quinta* reactio, & repassio. *Sexta* addensatio, & rarefactio. *Septima* mixtio. Quæ omnia in primo libro tractantur à Philosopho. Circa corpora verò generabilia tria præcipuè considerat in secundo libro, primo circa elementa quibus qualitatibus prædicta sint, & quomodo inter se contrariantur. *Secundo* circa mixta quomodo temperata sint. *Tertio* circa omnia corpora quæ corrumpuntur, an videlicet possint iterum reproduci hoc ipso, quod semel desinunt esse, quod etiam de quacunque alia re, quæ corrumpitur potest inquiri.

De materia, & subiecto horum librorum.

CONSTAT ex his quæ diximus in quaestione prima Physicorum, subiectum adequatum Philosophia esse ens mobile. Licet autem obiectum formale sit unicum, & impartibile, hoc ipso, quod scientia una est secundum speciem ad hominem, tamen subiectum seu materia multiplex est, quia una, eadēque scientia de diuersis rebus agit, licet sub unica ratione formali. Et ita inquirimus in præsentia, quæ pars entis mobilis pertineat ad propriam materiā, & subiectum istius tractatus de generatione, quæ pars quadam est unius scientiæ naturalis. Et se, è oēs conveniunt, pertinere ad istos libros illud ens mobile, quod est generabile, & corruptibile, cum in nulla alia parte Philosophia agatur de illo, nisi hic; in libris enim de anima agitur de ente mobili animato, quod licet corruptibile sit, non tamen agitur de illo secundum quod corruptibile, sed secundum rationem viventis, seu animati, & secundum motus vitales. In libris autem de cælo, ut diximus solum agitur de motu incorruptibili, vel de toto universo, ut componitur ex corporibus simplicibus.

Solum potest esse difficultas, an subiectum istorum librorum sit ens mobile ad formam substantialem, & sic solum generatio ipsa substantialiter consideretur per se, de alteratione vero alijsq; mutationibus ad generationem ordinatis, solum tractetur quasi de subiecto secundario, & quasi reductivè, an verò adequatum subiectum sit ens generabile ut abstrahit à generabili substantialiter, vel accidentaliter, licet principale subiectum sit generabile substantialiter, seu ipsa substantialis generatio.

Respond. in sententia D. Thom. in præmio libror. de generat. verum videri subiectum istorum librorum esse ens generabile in secundo sensu allato, scil. ut abstrahit à generabili substantialiter, vel accidentaliter, licet præcipuum subiectum sit generabile secundum substantiam, seu generatio ipsa substantia.

Disce

enim: Quod pertinet ad istos libros tractare de motibus, qui nō sunt munes omnibus corporibus, sed inveniuntur in solis inferioribus utique sunt omnes prater ubi, qui etiam in superioribus corporibus inueniuntur. Inter quos principatum obtinet generatio, & corruptio, alteratio ordinatur ad generationem, sicut ad finem, augmentatio etiā concenter se habet ad generationem, ubi illi causalis D. Thom. alteratio e- &c. Non reddit causam cur in istis libris agatur de alteratione, sed cur alio sit motus minus principalis, quam generatio, & ita non agitur hic de alteratione solum reductiue, sed tanquam de subiecto minus principali, sicut metaphysica agit de accidente, subiectum autem principale est generatio substantie, sicut in metaphysica substantia, vel Deus, in logica demonstratio, id enim facit D. Thom. dicens, quod in his motibus principatum obtinet generatio. one etiam id constat, quia alteratio, & augmentatio. & reliqui alij sunt species motus, & per se: ergo de illis agit philosophia tanquam de aliquo nente ad illam per se, & non reductiue, sicut etiam agit de motu locali in de cælo, & de augmentatione hic: ergo assignanda est aliqua pars philosophiae, quæ per se agat de illis, sicut agit de motu locali, non est autem alia pars, in tractetur de alteratione, & augmentatione nisi in ista.

Inde colligitur, quod subiectum istorum librorum est mobile ad formam in se, secundum quam fit generatio, vel corruptio, vel qua ad illam oritur. Nec propterea agit de aliquo conflatō ex substantia, & accidente, ita subiectum eius sit aliquod analogum, tum quia subiectum eius non est acci- & substantia, sed mobile ad formam substantialem, vel accidentalem, in se quidem substantia est subiectiue, licet terminatiue ad aliquid acci- ale terminari possit: tum etiam, quia de accidente, & substantia potest tra- i in aliqua scientia, tanquam de obiecto uniuoco in ratione scibilis, licet sit ogum in ratione entis sicut patet in Metaphysica, quæ est unica scientia, & lat de accidente, & substantia, eò quod bene possunt res analogicè conueni- s manifestari eodem lumine, & ex eisdem principijs, & sic in ratione ma- tabilis, & scibilis conuenire uniuocè.

Obijcies, si pertinet ad istos libros per se agere de augmentatione, & nutri- : ergo non pertinebit per se agere de illa ad libros de anima, cuius oppositum mus ex D. Thom. in initio physicorum distribuentes partes philosophiæ, in- species motus, in quibus augmentatio, quia vitalis est, pertinet ad libros de na, vel agetur de augmentatione in eadem scientia bis.

Secundò sequitur, quod tractatus iste de generatione precedat tractatum de cælo, siquidem in tractatu de cælo agitur de motu locali, qui imperfectior est

motu generationis, cum terminetur ad ubi, quod est imperfectius quantitate, qualitate, & substantia, ad qua motus isti terminantur.

Ad primum respondetur, in his libris agi de augmentatione, & nutritione, non ut sunt motus vitales, & ab anima vivente, sed ut sunt mutationes quadam corruptivæ, vel generativæ partialiter. Non est autem inconueniens, quod de eodem bis tractetur in eadem scientia secundum diuersas considerationes sicut in libris de cælo agitur de elementis, quatenus in hoc universo determinatam situationem ad locum postulant, in his autem libris quatenus sunt generabilia, & corruptibilia. In initio autem physicorum diximus de motu augmentationis agi in libris de anima quatenus vitalis motus est, & ab anima procedit, non sub ratione motus corruptiui.

Ad secundum respondet. ad summum probare, quod libri de generatione sunt priores dignitate, quàm libri de cælo, non tamen ordine doctrinæ cum potius ab imperfectioribus procedatur. Addo quod licet motus localis ex præciso conceptu ad suum terminum, qui est ubi, sit imperfectior alteratione & generatione, tamen motus localis, qui conuenit cælo prius tractari debet in Philosophia, quàm alij motus, tum quia subiectum talis motus est aliquid dignius, & superius, scilicet ipsum cælum; tum quia habet causalitatem motus eius in reliqua inferiora, & sic dato, quod incipiendum sit ab eo quod est dignius & perfectius etiam à motu locali isto, qui cælo conuenit incipiendum est, quia prout sic causans, est dignior. Denique motus localis vniuersalior est & pluribus conueniens, quàm alteratio, & augmentatio, inuenitur enim in omni corpore; à communioribus autem incipiendum est.

ORDO QVÆSTIONVM.

TOTVM tractatum duodecim quæstionibus absoluemus, nouem circa primum librum, & tribus circa secundum. *Prima*, erit de generatione substantiali. *Secunda*, de corruptione ei opposita. *Tertia*, de alteratione in communi. *Quarta*, de alteratione in speciali, ut de intensiōe, & remissione, &c. *Quinta*, de reactione, & repassione. *Sexta*, de mixtione. *Septima*, de condensatione & rarefactione. *Octaua*, de augmentatione, & nutritione. *Nona*, de subiecto accidentium, & principio indiuiduationis.

Circa secundum librum: *Quæstio decima*, erit de elementis. *Vndecima*, de mixtis. *Duodecima*, de reproductione rei præteritæ.

QVÆ-

QVÆSTIO I.

De generatione substantiali.

RIA sunt à quibus differt generatio, scilicet ab alteratione, à corruptione, & à creatione, & consequenter à transubstantiatione, quæ substantiam rei totaliter attingit; Et ideo declaranda est generatio substantialis secundum quod distinguitur ab istis tri-
 prius tamen præmittendum est de quæstione an est generationis, an de-
 & quibus principijs à Philosophia inuenta sit, & quomodo definiatur.

ARTICVLVS I.

fit generatio communiter dicta, & generatio propria viuentium?

GENERATIO communiter dicta potest sumi pro generatione, ut abstrahit à substantiali, & accidentali, nam accidens aliquando generari potest, accipiat esse per transmutationem esse, ut mutatio, & non solum per transmutationem ex contrario, ut motus. Hoc sumpta generatione definitur communissime: Quod est *transitus, seu mutatio non esse ad esse, in subiecto*, siue sit esse sub-
 tale siue accidentale, siue secundum
 siue simpliciter.

vero generatio substantialis communiter dicta accipi potest pro generatione communiter inuenta in viuentibus, & non in rebus, & sic definitur generatio: Quod *quisitio, seu mutatio forme substantialis ratione illius in materia*. Sumiturque ista definitio ex varijs locis Aristotelis, quibus explicauit. Nam in octaua *Physic. text. dixit: Quod generatio est mutatio de non ens. Et 1. de generat. c. 4. Quod est mutatio in totum nullo subiecto sensibili materia*, id est in materia nuda ab accidentibus subiectis. Denique c. 5. eiusdem libri dicitur: Quod generatio substantialis est mutatio à potentia in actum.

Denique generatio viuentium specialem definitionem habet, quia specialiori modo procedit. Et defini solet dupliciter, vno modo communiter, quod est *Processio viuētis ab aliquo*: ubi comprehenditur tam generatio viuentium vniuoca, quam æquiuoca, tam quæ est ab alio viuentem, quam quæ est à non viuentem, sicut cum animal generatur à cælo. Proprie autem definitur generatio viuentium, quando etiā fit per actionem vitalem generatiuam, & sic diffinitur quod est *Processio viuētis à viuēte à principio vitæ coniuncto in similitudinem naturæ, saltem in specie infima*, & sic comprehendit omnem generationem vitalem, & rei viuentis substantialem etiam in Deo, ut postea explicabimus.

Est tamen aduertendum latius patere generationem substantialem, quam generationem simpliciter. Generatio enim substantialis dicitur per contrapositionem ad accidentalem, siue id, quod generatur sit pars, siue totum, siue formæ ultimo cōplentis, & terminantis totam generationem, siue formæ non ultimæ, sed tendentis ad perfectam, & ultimā. At verò generatio simpliciter, licet nunquam dicatur de generatione accidentalis, quæ semper est secundū quid, tamen nec etiam dicitur de omni substantiali, sed de illa tantum, per quam habetur esse simpliciter, & ultimāte completum. Vnde generatio partis non dicitur generatio simpliciter,

materia, quæ est mutationis subiectum:

supponit quod mutatio est prædicatū
ricum mutationis, & consequenter est
essentiale. Et idem sumitur ex illis lo-
in quibus docet generationem, & cor-
ionem esse duas mutationes, licet non
duo motus, vt in *qu. 28. de veritate art. 1.*
& *1.2. qu. 113. art. 6.* vt in sequenti artic.
lerabimus. Deniq; definitio motus tra-
a Philos. 3. *Phys.* etiam conuenit muta-
instantaneæ, & generationi, vt ex D.
& Arist. probauimus 3. *Phys. q. 14. art. 1.*
atio est, quia generatio essentialiter ver-
inter duos terminos à quo, & ad quē,
it enim, vel introducit aliquam formā
respicit, vt terminum ad quem, si-
em est tendētia in talem terminum, ab
specificatur, si autem essentialiter ha-
terminum ad quem, essentialiter etiam
cit terminum à quo, quia est impossi-
quod intelligatur aliquis terminus ad
fieri de nouo, nisi ex aliquo termino
siuē negatiuo, siuē priuatiuo. siuē po-
sed omnis transitus, seu tendentia de
ino à quo ad terminū ad quem in sub-
essentialiter est mutatio; cum desera-
num, & acquiratur aliud; non enim v-
que acquiritur, vel vtrumque deseri-
ed vnum accipitur, & aliud relinqui-
dque fit in aliquo subiecto; ergo essen-
ter generatio est mutatio. *Et confirma-*
quia per introductionem formæ in in-
generationis, etiā si priuatio non præ-
tempore, materia formaliter reduci-
e potentia ad actum, & ipsa forma ve-
proprie educitur ex illa potentialita-
terix, ergo verè & propriè materia
mutatur. Consequentia patet quia inue-
ibi potentialitas materiæ, & indiffe-
reducta in actum per formam, & ipsa
educta in actu de potentialitate illa
riæ: ergo inuenitur materia mutata de
tia ad actum, & informata per for-
, quæ informatio in genere causæ for-
tollit potentialitatem materiæ, & ex-
priuationem in facto esse, ergo datur

mutatum esse de facto: ergò etiam genera-
tio, quæ totum hoc efficit est mutatio in fie-
ri, sicut per ipsam formam datur mutatio
formalis & in facto esse.

Ad fundamentum oppositum respondetur,
quod in casu generationis ex speciebus Eu-
charistix, iam diximus in *qu. 2. Physic. art. 3.*
ad vltimum, quod ibi nō variatur naturalis
ordo generationis, quia quantitas cōserua-
ta sine subiecto gerit in omnibus vicē sub-
stantiæ, & sic recipit dispositiones, antece-
dētes quibus determinatur materia ad ge-
nerationē, & cōsequēter gerit vices materiæ
priuatæ forma, & hac ratione præcedit in il-
la generatione priuatio, non quidē in matē-
ria, sed in substituto materiæ, scil. in quāti-
tate prout gerit vices illius. In instanti autē
generationis subrogatur materia à Deo vt
cōponens rem generatam, cū eadem de-
terminatione ad formam, quæ ex vi dispo-
sitionum præcedebat in quantitate perin-
de, ac si toto tēpore antè præcessisset mate-
ria, quia producit, vt continuata ad id q̃
gerebat vices materiæ antecedēter; & sic ge-
neratio illa fit ex priuatione quæ in illo in-
stati expellitur in facto esse à materia, in to-
to autē tēpore antecedenti præcessit nō for-
maliter in ipsa materia, sed virtualiter, scil.
in eo quod loco materiæ habebatur. In ca-
su autē quo nihil præcessisset ante de mate-
ria, neq; de aliquo, q̃ gerat vices materiæ,
& dispositiones recipiat ad generationem.
Respond. quod tūc sufficit ad rationem mu-
tationis, qualis tunc inuenitur, quod præce-
dat priuatio prioritate naturæ, nō tēporis.

Et quando videtur, quod si priuatio non
præcessit duratione, nō dabitur in re muta-
tio de tali priuatione ad esse. *Respond.* in pri-
mis q̃ si tunc tollitur mutatio, etiā tollitur
generatio, & quod sufficit vt generatio ma-
neat, sufficit vt maneat mutatio. Vnde addo
quod sufficit priuatio non duratione præce-
dēs, sed in re exclusa & expulsa in illo in-
stati per formā introductā ab agēte extrin-
seco vel eductam è materia, vt detur in illo
instanti mutatio, quæ non petit priuationis
existen-

existentia n. vt in te detur, sed ex infirmitate privationis n. excluditur autē privatio, etiam si non praesit duratione per hoc solū quod potentialitas in re ab extrinseci agente immutatur educendo formā, sed si forma carentia excluditur, non per propriam emanationem, sed per extrinseci agentis actionem, atq; ad eam immutationem licet prioritas naturae non dicat existentia, seu durationem rei, sed solum quod ex vi naturae aliquid comeniat, vel non emeniat, tamen hoc sufficit vt dicatur subiectum mutari, quando per actionem extrinseci agentis excluditur privatio, non quia inest formaliter sed quia debebat inesse, si per actionem illam non tolleretur educendo formam, vel vniendo.

Ad ultimam autem instantiam, quod mutatio dicit aliter se habere nūc quam prius, respondet. quod in mutationibus instantaneis, si illas praecedat aliquis motus per modū dispositionis requisitae, sicut cōmuniter accidit secundū ordinem naturae, tūc necesse est, quod aliter se habeat nūc quam prius prioritate tēporis, in quo dispositiones illae & motus illi praecedūt, & similiter privatio formae generandae. Ceterū si mutatio instantanea sumatur secundū praecisum conceptū suum, & remoto eo quod antecedit naturaliter, mutatio dicit aliter esse nūc quā prius prioritate naturae, dummodo in subiecto impediatur privatio ne detur, per actionem agentis extrinseci introducētis formā, inde n. regulari debet quod sit mutatio, nō ex praesistentia privationis. Et ita in illo reali instanti est privatio nō afficiēdo subiectū, sed in expelli ab illo per actionē extrinsecam, quia illa prioritas naturae nō est existentia, sed expulsiōis, & consequēter mutationis pro illo instanti, in quo est introductio formae.

Et si dicas, nā ad quietē non sufficit quod eodē modo se habeat aliquid nūc, & prius secundū prioritatem naturae, alias posset aliquid quiescere in vno tantū instanti, sed requiritur quod se habeat sicut prius prioritate tēporis, ergo similiter requireretur ad

mutationē, quae apparetur quieti. *Resp.* quierem privatio nā requirit quod aliquid se habeat nūc in alio, prius prioritate tēporis, non autem quietem argit uiam, & similiter requirere potest qui constat ex duabus mutationibus scilicet generatione, & corruptione, non autem mutationem instantaneam ex suo proprio conceptu vt quando non habeat ad inidū motum aliquem praecedentē, nec corruptionem formae oppositae. Motus autem qui proprie opponitur quieti, est ille qui includit duas mutationes, corruptionis, & generationis, seu qui est motus successivus, in quo inuenitur esse aliter nūc quam prius prioritate tēporis, non verō requiritur ad mutationem instantaneam, sicut neque ad quietem negativam.

De generatore videntium.

Circa definitionem generationis videntium duas particulas oportet explicare. Altera est quomodo sit *proposito a principio videntis communio*. Altera est in *instantaneitate naturae*. Vt prima particula explicetur *est animi videntis* quod ad generationem rei non videntis non requiritur, quod res genita vel materia ex qua generatur sint coniuncta generanti, & intra ipsum, sed sufficit quod materia sit iuxta posita, & extrinsecē applicata, vt ex illa aliquid generetur, sicut ignis generat ignem ex ligno iuxta se posito, & applicato nō intra se vniō. At verō videntia intra se formant id quod generant, & ex sua substantia praebent materiam ex qua generetur, imō quanto perfectior est natura videntis, tanto res genita coniunctior est principio generanti, ita quod in natura intellectuali res, quae procedit ab intellectu, non solū quando fit, & formatur, sed etiā quamdiu existit intra intellectum manet, nec ad aliam potentiam, vel subiectum emittitur. Et ex hoc distinguit D. Thom. 4. contra Gent. cap. 11. & in 3. distinct. 8. quae. 1. art. 1. diuersos gradus emanationis in videntibus penes hoc, quod res genita sit magis, vel minus coniuncta suo principio generanti, sicut videmus in plan-

is, & animalibus, quod procedit & de-
cur semen ex ipsis in quo est virtus for-
mæ reigenitæ, & materia ex qua for-
tur. Vnde ipse fœtus in principio collig-
tur suo generati, vt fructus arbori, fœtus
rici animalium, sed tamen inde postea
ratur quâdo nascitur, ideoque dicitur
cedere à principio vitæ coniuncto, tum
materia ex qua formatur, & virtus se-
s formatiua à generante deciditur, tū
primo illi colligatur, & intra ipsum
natur, anteaquam nascatur. In vita autē
tiua per ipsas potētias sentientes pro-
tur cognitio, quæ magis intima est suo
ipio, quia sit per actionem immanen-
sed tamen non est totaliter intima, tum
postulat principium ab extra, scili-
eciem impressam, & producit ali-
terminum, scilicet idolum seu spe-
in alijs potentijs; scilicet à sensu ex-
in sensum communem, & à sensu com-
in phantasiā, & ab illā in memoriā,
tertio de Anima dicetur. In vita autem
lectiua adhuc emanatio cognitionis
magis intima suo principio, quia licet
bis requirat species impressas ab ex-
ouenientes, tamē species expressa seu
a quod formatur per ipsas, non transit
tam potentiam, sed in ipso intellectu
t. Est tamen altior vita intellectiua in
is, qui ab extra non accipiunt species
careant sensibus, sed intus intellectu
ntur, vel infunduntur à Deo, ipsa et-
pecies expressa intra intellectum ma-
ed tamen, quia est accidens, & nō sub-
a, ad perfectam generationem nō per-
. Quare perfectissima generatio ex o-
parte est in Deo, in quo, & id quod
edit, est substantia, & ita coniuncta suo
ipio, vt sit vnum, & consubstantiale
ipso iuxta illud Ioannis decimo, *Ego*
et vnus sumus. Totus hic discursus
Thomæ.

cunda particula est in *similitudinem*
a in qua designatur qualis debeat esse
cedens in generatione, & qualis mo-

Part II. Phys.

odus procedendi. Requiritur enim ad gene-
rationem viuentis, vt id quod procedit nō
solum sit genitum, sed etiam filius, generā-
tur enim ex viuentē pili, vngues, vermes, &
alia similia, quæ procedunt actiue à viuēte,
& ipso ministrante materiam ex qua for-
mentur, nec tamen procedunt, vt filij, quia
non in similitudinem naturæ. Secundo re-
quiritur, vt ipsa generatio sit essentialiter
assimilatiua, non solum concomitanter, vel
in primo modo per se, sed etiam in quarto
modo per se, ita quod eo modo sit per se i-
lla, *generans assimilat*. atque ista, *validū ca-
lescit, Medici curat*, eo quod generatio est
actio propagatiua naturæ, & ita debet esse
productiua ad imaginem, & similitudinem
generantis quasi expressiua illius quod est
esse in quarto modo assimilatiuam, & non
solum in primo modo per se.

Qua ratione intelligitur quomodo in di-
uinis processio verbi sit generatio, & non
processio Spiritus Sancti, quia processio Spi-
ritus Sancti est quidem processio rei similis
identice, & concomitanter, imò & essentialiter
in primo modo per se, quia est proces-
sio intra Deū & generali notione, quidquid
est intra Deum est Deus; formaliter autem,
& in quarto modo solū procedit vt impul-
sus diuinus, cui ex eo quod est diuinus, non
tam conuenit similitudo, quam identitas
essentialiter in primo modo per se cum eo
a quo procedit, & sic eius processio non est
assimilatiua. At verò verbum ex ipsa for-
mali ratione qua procedit, intra intelle-
ctum procedit, vt imago, & vt simile in
quarto modo per se cum principio gene-
rante, & non solum ratione identitatis,
quia est intra Deum, & ideo propriissime
est generatio, & processio assimilatiua in
substantia, & natura, scilicet in ipso intel-
ligi, & intelligere diuino, sicut si homo
posset producere alterum hominem ex li-
mo terræ, & artificio manus, & similiter
per seminalem propagationē, ille qui pro-
cederet per propagationem esset filius, qui
autem artificiose non esset filius, licet

B

uterque

uterque essentialiter esset verus homo. Sic ergo requiritur ad generationem quod aliquid procedat in similitudinem tum ex parte ipsius rei generatae, tum ex parte modi procedendi assimilatio modo, & hoc quantum est ex vi generationis, nam per accidens ex aliquo impedimento potest aliquid degenerare à perfecta similitudine, sicut monstrum & tunc erit vera generatio, sed deficiens, & proprie degeneratio.

ARTICVLVS II.

Quibus principijs Philosophia assequitur dari generationem substantialem?

TOta difficultas apud veteres Philosophos circa inuestigationem generationis substantialis consistebat in eo, quod non poterant intelligere materiam primam, quae esset in potentia ad esse simpliciter, & tamen in se esset ens in re, & consequenter non poterant intelligere formam substantialem, quae daret esse simpliciter materiae scilicet ipsum primum esse, sic enim materia de se careret omni esse, & consequenter non esset ens; ex non ente autem non fit ens, quia ex nihilo nihil fit, ut late tractat Philosophus 1. *Physic.* & in hoc lib. 1. de *Generatione*, & 1. *Metaph.* c. 2. Et ita diximus in *quest. 3. physicorum*, quod nisi ponatur materia ita esse ens in potentia, quod careat omni esse entitativo ex se, hoc ipso caremus omni principio ad ostendendum dari formam substantialem, quae det primum esse quod est esse simpliciter & substantiale.

Quare vel ex hoc manifestum fit apud Aristot. & D. Thom. qui illum sequitur, omnino ignotum fuisse, quod materia prima haberet ex se actum entitativum, & existentiam incompletam, eo quod antiqui existimabant materiam esse non ens, & omnino nihil hoc ipso quod esset ens in potentia, ut constat ex Philosopho in hoc 1. lib. de *generatione* text. 12. ubi inquit: *Hoc maxime timuisse philosophos antiquos in assignanda generatione substantiali, ne ex nihilo praexistens aliquid generaretur.* Quod explicans D. Th.

ibi lect. 6. circa finem inquit: *Quod maxime timuerunt primi Philosophi, quod aliquid generaretur ex nihilo praexistente, quod enim non est ens actu, nihil est.* Sic igitur videtur, quod non possit esse generatio simpliciter hoc modo: *Quod substantia generetur ex non ente actu, ente aut. in potentia.* Existimabant ergo antiqui, materiam hoc ipso, quod esset ens in potentia esse nihil, & consequenter carere actu entitativo, seu existentia partiali, si enim haberet illam, bene stare, quod materia esset ens in potentia respectu formarum, & tamen non esset nihil, quia ut sit nihil, omni existentia debet carere etiam partiali, Philosophi vero antiqui inferebant, quod si esset ens in potentia, & non in actu, erat nihil, ergo existimabant carere omni esse etiam partiali, si esset in potentia ens. Aristot. autem reiiciens hanc sententiam antiquorum non dicit materiam habere actum entitativum seu existentiam, licet sit in potentia ad formas, sed dicit materiam non esse nihil, sed existere quatenus est sub diversis formis; ratione cuius generatio unius est corruptio alterius, & sic generationem fieri per se ex ente in potentia, per accidens autem ex ente in actu, quia ad generationem per accidens est, quod extiterit materia sub ista, vel illa forma, quae corrumpitur, per quam habet esse in actu, ut docet 1. *physicor. text. 6.* & 1. de *generatione* text. 17. ut explicat ibi D. Th. lect. 7. circa finem. Si autem materia, ut concurrat ad generationem per accidens est ens actu, id est per formam quae corrumpitur, manifestè supponit Aristot. materiam ex se non habere actum entitativum, vel existentiam partialem, alioquin fieret generatio ex ente in actu per se, quia non per formam, sed per suam entitatem esset existens, seu ens in actu.

Quare, principium ad ostendendum contra antiquos Philosophos, quod detur generatio substantialis & quod introducatur forma substantialis in materia, solū ex duplici capite sumitur. *Primo*, ex esse, quod discernit substantiam ab accidente, sc. esse per

se, quod est primum & substantia alijs, a si datur generatio substantialis debet esse per se, & introducere formam qualem esse. *Secundo* sumitur principium corruptione substantiali quae generatio-pponitur. Si enim haec datur etiam, & generatio substantialis. Primum ergo modo cedendo necessario sumendum est principium, quod materia sit ens in potentia villo actu entitativo, quia generatio substantialis supponitur esse illa per quam dicitur esse substantiale seu sit ens simpliciter, & quia antiqui dicebant, quod quidlibet ens, debet esse ens in actu, consequenter inferebant, quod si generatio supponit aliquod ens pro subiecto, debet supponere ens actu, & sic nulla generatio datur, quae possit facere ipsum esse substantiale, & primum, & fundamentale esse, quod est substantiale. Cum ergo iuxta principia Aristotelis dicimus, quod ex nihilo nihil fit, & rursum quod generatio substantialis faciat ens simpliciter dando ipsum esse primum, & substantiale, oportet dicere, quod subiectum ex quo fit generatio substantialis, scilicet materia, neque sit nihil, neque sit ens actu de se in potentia per se, & in actu per se, scilicet per formam. Si autem semel ponatur materia de se ens actu, & existens per actu entitativum, non potest probari contrarios, quod forma ei adueniens sit substantialis, & quod generatio sit substantialis, datus primum, & integrum esse, nisi petatur contra ipsos, quod etiam si supponatur esse parziale in materia; potest per materiam aduenientem illi, resultare esse substantiale, & partes ipsas substantialiter componi. Ad hoc autem non datur principium a Aristotele, nec potest dari, nisi petatur principium. Nec enim nobis potest constare contra rationes generationem substantialem, & formam substantialem, ut negabant antiqui, dicens materiam esse totam substantiam rei, in qua potest constare, quod forma alijs & actio sint substantiales, nisi ratione sit esse substantialis (id est, primi & sub-

stantis omnibus) quod praebent. Si autem praesupponunt aliquod esse parziale in materia, occluditur ista via, & enervatur illud principium. Unde enim probabitur, quod illud esse, quod dat forma sit primum, & substantiale si supponit aliud in materia, cui aduenit? Et si dicatur illud esse parziale: Hoc restabat probandum, & est petere principium, negabant enim antiqui dari formam substantialem, sed materiam esse totam substantiam rei. Unde ergo probatur illa partialia esse materiae primae & formae, ita facere unum, quod constituant generationem simpliciter? Sicut si producitur aliqua pars integralis, & coniungitur alteri habenti iam esse, mutatio illa erit aggeneratio, & non prima generatio, quia supponit primum aliquod esse, ita si in materia supponitur esse, & forma producta addit ei aliud esse, etiam si sit parziale, non potest probari, quod sit generatio simpliciter: quia ex ipso primo esse, unde probari debet substantialitas ista, non probatur, siquidem supponitur aliquod esse in materia, & sic dicerent antiqui, quod forma non dat primum esse, & simpliciter esse, sed additionem seu aggenerationem ad esse praesuppositum. In nostra autem sententia cum sit tantum unum esse, quod per formam tanquam per principium convenit composito, & actuatur materiam, idem est dare esse composito per formam, & dare primum esse, & simpliciter esse. Aliunde vero non probatur contra antiquos, istas duas partes esse substantiales, scilicet materiam & formam, nisi vel supponatur dari tales partes, quod negabant ipsi, & sic esset petere principium; vel probetur esse substantiales, ex eo quod necessariae sunt ad generationem & corruptionem, & hoc iterum est quod ipsi negabant, dari scilicet generationem, & corruptionem substantialem, sed solum alterationem, quae latentes formas apparere faceret, vel occultaret. Quare nisi dicatur formam dare ipsum primum esse, & consequenter materiam ita esse in potentia ad formam, quod nullum

in se supponat esse, sed totum habeat per formam, non probatur generatio substantialis contra antiquos.

Ex secundo principio probatur, dari generationem substantialem, videlicet ex ipsa corruptione. Constat enim dari corruptionem substantialem ergo debet dari generatio. *Cōsequentia est bona*, quia si formæ quando desinunt substantialiter corrumpuntur, ergo quando incipiunt, substantialiter generantur, & non solum apparent de nouo, alias quando desinunt, solum occultarentur. *Antecedens autem probatur*, tum quia si non esset corruptio substantialis omnis substantia esset incorruptibilis in esse substantiali: tum quia si forma nō corrumpitur, sed manet in materia vel nō distinguitur à materia: ergo etiam manebunt eius propriæ passionēs, nec enim est cur proprias passionēs separemus manente forma, & natura, cuius sunt; cōstat autem, quod quando animal, moritur nō manent potentiæ sensitiuæ in terra, vel igne, in quem conuertitur. *Nec dici potest* quod manent ibi istæ potentiæ, sed impeditæ, & latētes, sic enim si in igne, verbi gratia, est potentia videndi, & audiendi, sed tamē impedita, ignis esset cæcus, & surdus, quia habet istas potentias cum impedimento. Tum denique constat dari corruptionem substantialem in homine, quia ipso mortuo anima manet separata, à corpore, alias nō moreretur homo, si maneret anima vnita materiæ, & homo esset incorruptibilis substantialiter; nec enim anima latet in materia, nec educitur, sed de foris venit. Recedente ergo anima oportet, quod in materia incipiat esse noua forma, per veram generationem, si quidem forma quam habebat, substantialiter separata est ab illo.

Aliæ probationes solent afferri ab alijs auctoribus quæ contra antiquos parū habent efficaciam, verbi gratia, quod materia prima est in potentia passiva ad omnes formas, quod dantur diuersæ formæ substantiales, quod diuersa accidentia, & operationes sequi debēt ad diuersas formas, eo quod materia de se est indifferens ad omnia. Hæc e-

nim petunt principiū, quia hoc erat, quod ipsi negabant, sc. dari formas substantiales, aut accidentia sequi, ad formā de nouo aduenientē, sed de nouo apparentem in materia, in qua secundum se latitabat, eo quod dicebant materiā esse ens actū, & nō indigere forma substantiali dante illi primū, & substantiale esse, sed supponente materiæ existentia, & sic omnis forma de nouo adueniens erit accidentalis, quia nō conueniet ei propria ratio substantiæ quæ importat primū esse, quod est substās alijs. Quare nisi affirmetur, quod materia est ens in potentia taliter, quod etiam primum esse habet per formam, istæ probationes euacuantur.

Contra generationē substantialem sic explicatā pauca sunt, quæ difficultatē faciant. *Argumentum enim antiquorum quo mouebatur, non habet vim*. Dicebant enim non posse dari formam, quæ det primū esse quale debet esse substantiale, sic enim illa forma adueniret subiecto nullū habenti esse, si quidē forma subiecto dat primum esse, ergo illud subiectū est nihil, & ita simpliciter aliquid fieret ex nihilo, quod est non generari, sed creari. *Ad hoc respond.* Ex doctrina Aristot. & D. Th. quod materia prima, nec est nihil, neque est ens in actu seu existens per se, & ratione propriæ entitatis, sed est existēs per aliud, sc. per formam, & ita de se est ens capax existentia, sicut & formæ, licet non sit ipsa forma, nec ipsa existentia. Quod autem est capax existentia vere est ens, & non est nihil, vt cōtradictoriē opponitur enti, quia nihil, neque per se, neque per aliud est capax existentia, materia autem, vt subiecta formæ, vere existit non vero sine forma, imò etiam ipsum compositum substantiale, sine modo subsistentia, & sine accidentibus non existit, neque operatur.

Secundo obicitur. Quia in ipsa substantia quæ generatur, solū inuenitur essentia, & existentia. Essentia fieri non potest, cū remotā existentia non maneant, nisi prædicata essentialia, quæ sunt perpetuæ veritatis, & independentia à tempore. Existentia autem nō est

stantia, sed aliquid accidentaliter
ciens substantiæ, supposito, quod ab-
inguitur, imò, & ipsa actio generati-
dens est de prædicamento actionis:
crminus eius est accidens.

Respondetur, essentiam non fieri, nec pro-
x parte connexionis essentialis prædi-
um obiectiue sumptam, sic enim ob-
est æternæ veritatis, sed subiectiue,
e existens producit ipsa essentia, &
ntia, vt subiecta existentia, ita quod
ia se habet vt res existens, existentia
vt id quo existit, tanquam terminus a-
s productionis, & essendi extra cau-
et licet existentia dicatur accidentaliter
nuenire, nō tamen tanquam accidens
icamentale, sed accidentaliter prædi-
ter, tanquam modus, vel terminus sub-
æ, quæ reducitur ad eius prædicamen-
Reuera tamen essentia ipsa produci-
t subiecta existentia, non seorsum ab
cut neque seorsum à productione, sed
lā, & natura non producit seorsum
posito, vel supposito, sed in illo. Es-
a autem vt subijcitur existentia aliquid
orale est, & non æternum, neque æter-
nitatis, quia per temporalem actionē
existentia, & subiectio essentia ad exi-
am. Generatio autem est accidens de
dicamento actionis formaliter, sed ter-
tiue respicit substantiam, eo quod exit-
entia generatiua in virtute substantia,
eo est accidens, & tamen ad substan-
produceendam tendit.

enique arguitur, quia si vna generatio
edit alteri, sequitur, quod plures res
e diuersæ participant eandem mate-
iatque adeo non erunt substantialiter,
e omni parte diuersæ. Similiter etiam
eria pertinebit ad diuersas species, mo-
d vnam, modo ad aliam prout fuerint
ræ formæ, quibus vnitur, & sic nō ma-
t simpliciter eadem, siquidem actuali-
n, & speciem sumit à forma.

Respondetur, non esse inconueniens, quod
specie diuersæ habeant materiam com-

munē, sicut habent genus, non tamen simul
informando, sed successiue, quia materia
sic est capax omnium formarū, & in poten-
tia ad illas. Et ita non communicant in eadē
materia numero, sed eadem materiæ secun-
dum potentialitatem seruit ad diuersas for-
mas in diuersis compositis, successiue vna
forma excludente aliam, & diuersum com-
positum constituyente, quod nō est inconue-
niens. Nec inconuenit, quod materia parti-
cipet per informationem diuersas species
formarum, & constituat diuersa composita
successiue, quia est in potentia ad illas, de
se autem non habet nisi entitatem potentia-
lem, quam vtique à forma non accipit, sed
recipiendo in se formas, actiuatur ab illis, &
reducitur in actum ad illam speciem à qua in-
formatur, cum enim materia sit pars speciei
& cōpositi, quod constituit, ad multas spe-
cies potest reduci in actum, eò quod ad omnes
est in potentia.

ARTICVLVS III.

*In qua actione, & mutatione consistit gene-
ratio substantialis?*

VT cognoscamus, & discernamus substā-
tialē generationē inter multas actio-
nes quæ ad illā concurrunt, oportet duo in-
uestigare. *Primum*, an sit generatio substan-
tialis actio & mutatio distincta à tota actio-
ne dispositiua, quæ per alterationem opera-
tur in materia, an verò posita alteratione
vsque ad ultimam dispositionem, sine noua
actione resultet generatio. *Secundum est*, in
ipsamet generatiua actione, quā debeamus
assignare formalitatē, in qua consistat ipsa
ratio generationis substantialis; inuenitur
n, in actione generatiua ratio eductionis vel
productionis formæ, similiter ratio vnionis
formæ ad materiam, ratio etiā conuersionis,
& alia similia, inter quæ oportet discernere,
quid formaliter pertineat ad rationē ge-
nerationis. Quod verò attinet ad actiones
subsequentes generationem, nō oportet in-
uestigare, quomodo discernatur ab illis ge-
neratio, quia consummata, & transacta ge-

neratione, actiones quæ restant, manifestum est quomodo ab illa distinguantur, & ad generationem constituendam non pertineant, sed illam supponant, ut nutritio, augmentatio, & aliæ similes. A quo vero principio immediate procedat generatio substantialis in illo instanti, in quo perficitur, & in quo forma introducitur dicemus *art. 7.*

*Circa primum sentiunt aliqui, generationem non esse actionem distinctam ab alteratione, sed posita alteratione, quasi resultare & consequi, ad ipsam, & hæc vocatur generatio, & se habet, ut terminus alterationis, non quidem ab alteratione productus, illamque specificans, hic enim est qualitas, sed consequutus & resultans sine noua efficientia propter connexionem naturalem cum illis dispositionibus sicut resultant passionis posita essentia, sine noua efficientia. Fundamentum sumitur, primum ex quibusdam autoritatibus D. Th. in quibus frequenter repetit; generationem esse terminum alterationis. Et specialiter in tract. de natura materia, id est, opus. 4. inquit. *Quod alteratio, per quam spoliatur materia à forma priori, in se requirit subiectum actu existens, quia ipsa est motus, in suo vero termino non requirit subiectum actu existens, terminus autem eius generatio est.* Et loquens de generatione hominis 1. p. q. 113. *art. 2. ad 4.* inquit: *Quod homo generetur sibi simile in quantum per virtutem seminis eius disponitur materia ad susceptionem talis forme.* Vbi generationem etiam reduplicatiue, ut est generatio rei similis constituit D. Thom. in actione seminis dispositiua.*

Deinde sumitur fundamentum ex ratione, quia non possunt accidentia se solis producere substantiam actione substantia distincta ab accidentali (accidens. n. per se producit) neque similiter substantia per se immediate potest talem distinctam actionem producere, cum non sit immediate operatiua. Neque similiter accidens, ut motus à substantia potest illam distinctam actionem producere, quia est eadem difficultas de illa motionem quomodo procedat à substantia, &

non medio alio accidenti. Si autem accidens non recipit nouam, & excellentiorem motionem, ut producat substantiam, ergo eademmet actio, qua producit accidens, non excellentior facta neque eleuatio producit substantiam, & hoc est quod intenditur, quod eadem actio, qua attingit calorem transeat ad substantiam ignis mediante positione caloris resultantem ex connexionem ad illum.

Nihilominus oppositum dicendum est, *generationem esse actionem distinctam ab alteratione, nec substantiam resultare ex alteratione, vel ex qualitate per illam producta sicut propriæ positiones resultant ex essentia, sed per veram efficientiam produci distinctam ab efficientia qua ipsa qualitas per alterationem producitur, nec D. Thom. vnquam dixit substantiam ipsam resultare ex alteratione, vel ex qualitate per illam producta, sed quod generatio (id est actio ipsa) est terminus alterationis, si autem substantia resultaret ex ipsa, non diceretur generatio esse terminus alterationis, sed res ipsa genita, si ergo generatio ipsa est terminus alterationis, ergo est distincta actio ab ea.*

Quod autem D. Thom. ponat ipsam generationem tanquam distinctam actionem ab alteratione constat in primis, quia in 3. cont. gent. c. 69. inquit: *Quod si forme accidentales, que sunt in rebus corporalibus habent proprias actiones, multo magis forma substantialis habet aliquam propriam actionem, non est autem huiusmodi actio disponere materiam, quia hoc fit per alterationem ad quam sufficiunt forme accidentales, ergo forma generantis est principium actionis, ut forma substantialis introducat in generatum.* Ita D. Thom. ubi condistinguit actionem introduceutem formam substantialem ab actione disponente materiam, quæ est alteratio, ad quam dicit sufficere formam accidentalem, ad illam vero requirit formam substantialem generantis. licet non ut principium proximum. Item generatio & corruptio, ita dicuntur terminus alterationis, quod etiam habent vterius suos terminos, & pro ea parte qua vterius habent terminos,

on sunt ipsa substantia genita vel corrupta, sed actio seu tendentia ad ipsam. *Probat*ur ex D. Th. 2. 2. q. 164. art. 1. ad 7. *Respondet* : Quod mors potest sumi vno modo ipsa priuatione vite, alio modo secundum nomen ipsam corruptionem, quae terminatur ad priuationem predictam. De corruptione autem, sicut & de generatione dupliciter si possumus : vno modo secundum quod est minus alterationis ; alio modo corruptio potest accipi cum alteratione precedenti, prout dicitur aliquis mori, dum mouetur in mortem. Et quomodo D. Th. & fatetur corruptionem esse terminum alterationis, sicut & generationem ipsam, & tamen corruptionem dicit ad priuationem terminari, atque adeo similiter generatio terminabitur ad oppositum priuationis, quod est forma, ergo sentit generationem & corruptionem non solum esse, quid distinctum ab alteratione, tanquam terminum productum, seu resultantem, sed tanquam actionem utpotè quae respiciat terminum.

Fundamentum autem assertionis posita est, quia alteratio quae toto tempore antecedente instans generationis procedit, existit in subiecto desinente, & corrupto: ergo non potest ex tali alteratione resultare ipsa substantia genita, nisi intercedat noua, & distincta actio producens ipsam substantiam. *Antecedens conflat* in 5. art. 6. & 7. concediturque, ab autoribus oppositae sententiae, eò quod alteratio non subieciatur in nuda materia, cum sit motus, sed in composito, ante instans, autem generationis non datur compositum generatum, sed corrumpendum in instanti generationis: ergo in illo subieciatur alteratio. *Consequenter probatur*, quia non potest resultare generatio ex alteratione in eo subiecto, in quo existit alteratio, siquidè illud corrumpitur per generationem, & sic in eo non resultat generatio, cum sint incompatibilia, res quae generatur, & subiectum in quo est alteratio illa antecedens ad instans generationis. Si autem resultat generatio in alio subiecto, in quo alteratio non existit, quia corrumpitur ad corruptionem subiecti:

ergo non potest resultare ex ipsa talis generatio, alioquin resultaret ex ipsa, id quod destruit ipsam, hoc autem est impossibile cum resultantia fundetur in connexionem necessaria, & per se vnus cum alio, non autem potest habere connexionem necessariam per modum resultantiae, cum eo, cum quo est incompatible.

Vnde non potest dici, quod ad istam resultantiam non requiritur quod alteratio existat in eodem instanti in quo generatio resultat, sed sufficit immediatè antea extitisse, & virtualiter manere in instanti generationis. In hoc enim fundamus totam vim rationis factae, quia repugnat fieri aliquid per resultantiam, & non per nouam actionem hoc ipso, quod non existit, sed habet impossibilitatem aliquid cum illo, quia resultantia, ut distinguitur ab actione fundatur in connexionem necessario, & per se vnus cum alio, ita ut existente illa, existat alia resultans, quia eadem actione fiunt, & cessant prima, cessat secunda, sicut ipsa passio resultat ex essetia, & existit cum illa, sed alteratio ut est actio & motus, in ipso subiecto, quod corrumpitur definit, & non existit in instanti generationis: ergo ex illa non resultat res genita, nec per resultantiam habet esse ex illa, cum potius sit incompatibilis cum illa in eodem instanti. *Quod si dicatur*, intercedere hanc connexionem, quia dispositio illa necessitat ad generationem. *Respondet*, intercedere connexionem, & necessitatem vnus actionis cum altera actione, id est actionis alterationis, cum generatiua, & sic necessitatur agens ad illam secundam actionem ex suppositione primae, sicut posito assensu praemissarum necessitatur intellectus ad assensum conclusionis, & tamen assensus conclusionis est distinctus actus ab assensu praemissarum. haec tamen connexio actionum supponit generationem esse actionem distinctam alioquin non sequeretur ex vi connexionis ut distincta à prima, non autem quod eadem actione qua sit vnus terminus sine noua actione, resultet alius in vi solius connexionis, sicut passionis propriae.

Ad

Ad primum fundamentum oppositum desumptum ex autoritatibus D. Th. respondetur, quod quando dicit generationem esse terminum alterationis, sensus est, quod est finis illius tanquam actio principalior, ad quam ordinatur alteratio, non tanquam ad rem productam per resultantiam, sed tanquam ad actionem distinctam, quæ præsupposita alteratione ut disponente, oritur necessario à generante, sicut si diceretur quod assensus conclusionis est terminus assensus præmissarum. Quod ex ipsa doctrina D. Thom. manifestum sit, dicit. n. *quodlib. 11. art. 4. Quod per alterationem materia disponitur ad formam & per motum localem corpus luminosum accedit ad situm, in quo illuminat, & secundum hoc dicitur quod generatio & corruptio sunt terminus alterationis, & illuminatio motus localis.* Et similia dicit *1. p. q. 53. art. 3.* ubi parificat motum localem respectu illuminationis cum motu generationis respectu alterationis sed constat quod illuminatio est actio distincta à motu locali, ergo etiam generatio substantialis est actio distincta ab alteratione, & sic explicatur quod dicit D. Thom. *quodlib. 7. art. 9.* quod alteratio habet duos terminos, scil. qualitatem, & formam substantialem, intelligitur enim habere duos terminos non per modum resultantiam unius termini ad alium, sed per modum ordinationis huius actionis ad aliam. Et sic etiam exponitur quod dicit *in opusc. 42.* quod terminus alterationis generatio est, intelligitur enim quod est terminus per modum finis tanquam actio distincta & principalior, non quod ipsa substantia genita per resultantiam oriatur ex alteratione sine noua actione.

Ad id verò quod adducitur ex D. Thom. de generat. hominis, respondetur, quod homo dicitur generare sibi simile in quantum per eius virtutem disponitur materia, non producendo, vel educendo formam ex materia, sicut alie generationes; sed quia disponendo materiam unit illi formam, & sic illam attingit ut unitam, quæ expositio sumitur ex ipso D. Thom. *q. 3. de poten. a. 9. ad 6.*

ubi inquit: *Quod in alijs generationibus generans est causa ipsius forme, in anima autem rationali est causa vnionis talis forme ad materiam per hoc quod disponit materiam ad eam, nec oportet quod sit causa ipsius forme.* An verò licet cum producit formam in alijs generationibus, & datur distincta actio producens formam ab alteratione disponente, ita quando attingitur forma hominis unitiue attingatur distincta actione D. Thom. non dicit. Et in hoc sunt diuersæ opiniones; nam Ferrariensis *cont. Gent. c. 89.* solū videtur admittere, quod homo virtute seminis non producit nisi dispositiones, quibus corpus disponitur, ut sit particeps anime rationalis, ad quas dispositiones necessario sequitur unio anime in corpore, ratione cuius virtus seminis est causa prædictæ vnionis. Et hoc ideo, quia actio hominis non potest terminari intrinsecè ad animam rationalem, quæ spiritualis est, solum ergo terminatur ad id, quod ex parte materie se tenet id est, ad dispositiones.

At verò Caiet. *1. p. q. 115. art. 2.* amplius concedit quam dispositiuam attingentiam, sc. actionem quæ per se terminetur ad vnionem anime ad corpus, non quidem tenentem se ex parte anime, sic enim infunditur à Deo dum creatur in corpore, sed ex parte materie quatenus facit non solum dispositiones, sed etiam quod materia subsit formæ, non quidem attingendo ipsum esse formæ, sed eius inesse, seu communicari ad materiam, quatenus corporeo & materiali modo materia subest, & unitur formæ terminaturque ad animam quatenus eminenter est forma corporea, licet in se sit spiritualis, sic enim saluatur proprius, & formalis quod homo generat hominem, & quod forma humana est formalis terminus generationis, ut informans, & communicata materie.

Ad fundamentum ex ratione petitū respondetur generationem, ut est actio distincta ab alteratione procedere à substantia medijs accidentibus, ut habent rationem instrumenti substantiæ, ut diximus in *q. 12. Phys.* & sumitur ex D. Th. *3. cont. Gent. c. 69. & 1. p. q. 115.*

art.

*art. 1. ad 5. ubi inquit: Quod corpus agit & ad formam accidentalem, & ad formam substantialem, qualitas enim actiua ut calor, etsi sit accidens, agit tamē in virtute forma substantialis, sicut eius instrumentū, & ideo potest agere ad formam substantialem sicut & calor naturalis in quantum est instrumentum anime, agit ad generationē carnis, ad accidens vero agit propria virtute. Nec est contra rationem accidentis, ut excedat suum subiectum in agendo, sed quod excedat in essendo. Ita D. Thom. qui etiam videri potest de hoc 1. p. q. 45. art. 8. ad 2. Fatetur ergo D. Thom. accidens habere sufficientem motionē ut attingat, substantiam hoc ipso, quod est virtus substantiæ quæ in ipsa radicatur, & tanquam aliquid illius, & ut instrumentum eius producit, aliās solum produceret virtute propria, si præcisē secundum quod qualitas est operaretur, & non ut aliquid substantiæ. Quid autem addat ista motio supra ipsam virtutem, ut sit instrumentum substantiæ diximus *quest. 12. citata art. 3.* & videri potest D. Thom. 1. p. q. 115. art. 1. ad 2. ubi inquit: Quod virtus illa actiua quæ est in semine ex anima generantis deriuata, est quasi quadā motio ipsius anime generantis, nec est anima, aut pars anime nisi in virtute sicut in ferra, vel securi non est forma lecti, sed motio quadā ad talem formam, & ideo non oportet quod ista vis actiua habeat aliquod organū in actu, sed fundatur in ipso spiritu incluso in semine. Et idem docet in *quest. de anima, art. 11. ad 2.* Fatetur ergo D. Thom. hanc virtutem nō habere aliam vim præter motionem generantis, quæ non est aliud quàm egressio talis virtutis ab ipso, postquam enim egressa est virtus à generante, non recipit aliam motionem ab ipso.*

Quod si dicas, nam in instrumentis eadem actio quæ attingit terminum proprium, eadem ut eleuata attingit terminum principalis agentis, ergo similiter virtus instrumentalis generantis per eandem actionem quæ est alteratio attingit terminū proprium alterationis qui est qualitas, & eadem ut eleuata attinget ipsam formā substantialem

Pars II. Phys.

ut generatio. *Resp.* hoc iam non pertinere ad sententiam quā impugnamus, quæ dicit resultare ipsam rem genitam posita alteratione, obiectio autem procedit de vera efficientia attingente per alterationē instrumentaliter rem genitam. Veritas tamen est, quod alteratio non est ipsa actio instrumentalis, quæ eleuatione superioris agentis attingit effectum principalem, sed est actio antecedens habens suum terminū qui est dispositio, subiectaturq; in re corrupta, & ordinatur ad actionem generatiuam, tanquā ad principalem, quæ cōsequitur, & inheret in ipsa re generata. Vnde virtus generantis mouet ordine quodā duplici actione ordinata; prima per alterationem ad dispositionem, quæ est proprius terminus eius. Secunda per generationem substantialem in quo agit ex motione quadā substantiæ generantis. Et in hoc illa virtus habet rationem instrumenti, licet .n. prius operetur ut causa principalis effectum proprium, qui est ipsa dispositio, tamen postmodum instrumentaliter, ut virtus substantiæ generantis ipsam substantiam genitam attingit. Nec oportet quod in instrumentis semper sit eadē actio illa quæ præuē operatur dispositionem, & quæ introducit formam principalem, sed potest esse diuersa actio, præsertim quando necesse est corrumpi dispositionem præuiam per productionem formæ principalis.

Secunda difficultas.

Circa secundam difficultatem notandū est, quod generatio habet plures formalitates seu respectus, habet enim rationē mutationis, cōuersionis, educationis, siue vnitionis, productionis, & tandem corruptionis, quæ ex illa sequitur. Habet rationem mutationis respectu subiecti eius, quod est materia prout præcisē reducit potentialitatē eius in actum. Rationem conuersionis habet etiam respectu materiæ cum respectu ad formas, quarū vnā deferit, & aliam accipit, & sic vnā vertit in aliam. Habet rationem educationis respectu formæ prout dependēter à materia, & per eius transmutationem

C

fit,

fit, & existit. Habet rationē vnitionis quatenus tam materiam, quam formam applicat, & immutat ad communicationē eiusdem vnitatis in composito. Habet rationem productionis respectu totius cōpositi, quod de nouo ponit in esse, vel etiam respectu formæ quæ educit. Habet denique rationem corruptionis respectu compositi præcedentis quod destruit, nec oportet quod destruat formam, vt patet in corruptione hominis, sed sufficit quod eam amoueatur à materia, corruptaque compositum.

Omnes istæ formalitates pertinent ad vnā & eandem actionem, quod patet, quia ab vnica virtute, & in ordine ad vnum terminum singularem tendit illa actio. Quæcunque autem actio, quæ est in individuo, respicit terminum à quo, & ad quē, & subiectum, ergo fundat istas omnes formalitates seu respectus, qui in materia, & in forma & in termino à quo & ad quē, & in comparatione eorum ad inuicem inueniuntur.

In qua autē ex his formalitatibus essentialius, & proprius consistat generatio *art. seq.* dicemus agēdo de termino formali generationis, inde n. dependet hæc resolutio, tractando quis sit formalis terminus generationis: constat enim, quod cū generatio sit actio, & mutatio, formalis debet sumi per ordinem ad terminum ad quem, quam secundū n. formalitatem, & respectum ad terminum à quo.

Solū oportet aduertere in præsentī, quomodo generatio dicatur conuersio. Quod constabit explicādo, quid requiratur ad cōuersionem. Requiritur enim ad illam quinque. *Primū*, quod terminus cōuersus, qui est terminus à quo, desinat esse, quia si manet non vertitur in alium. *Secundū*, quod incipiat de nouo terminus ad quem, seu cōuertens, vel absolutē in suo esse, vel saltem secundū aliquem nouū modum essendi sicut alio modo est Christus in Eucharistia, quā in cēlo. *Tertid*, quod inter terminū conuersum conuertentem sit aliqua cōnexio, aut dependentia quatenus vnus succedit alteri, & sic saltem

in ipsa successione connectuntur. *Quartū*, quod sit inter terminos positiuos, quorum vnus corrumpatur, & alius generetur, & quod non corrumpatur absolutē quasi per annihilationem, sed desinendo in aliud in quod conuertitur. *Quintū*, quod maneat aliquid commune vtriq; termino conuerso, & conuertenti, siue per modū subiecti vt in generatione, siue per modum accidentis extrinseci, vt in transubstantiatione; licet videatur probabile quod absolutē potest fieri à Deo conuerso sine hac conditione, vt si conuerteret totā substantiam panis, & eius accidentia in substantiā & accidentia Christi, aut Angeli; sed tamen tunc non haberet ita propriam rationē conuersionis. Vnde constat esse diuersam formalitatē conuersionis & motus, licet vterq; versetur inter terminos positiuos ad constituendam latitudinē & distantiam vincendam per motum, conuersio autem non respicit terminos positiuos, vt constituunt latitudinē, & distantiam pertranseundam per motum, cum possit saluari conuersio sine motu, vt in transubstantiatione, sed vt non fiat aliquid ex nihilo, sed supponatur aliquid transferendum, & transponendum in aliud.

Conuersio aīa est substantialis, alia accidentalis. *Accidentalis est*, quādo fit transitus de vno accidenti in aliud, vt quando album fit nigrum & hæc semper est coniuncta cum motu: *substantialis est*, cum fit transitus ab vna forma substantiali ad aliā, & hæc semper habet coniunctam duplicem mutationem, alteram generatiuam, alteram corruptiuā. Item alia cōuersio est formalis, alia totalis; *formalis est*, quādo manente aliquo subiecto de vna forma fit transitus ad aliā. *Totalis est* quando tota entitas siue substantia, nullo subiecto cōmuni manente transiit in aliā, sicut transubstantiatio in Eucharistia, & hæc non potest fieri naturaliter, quia nulla actio naturalis operatur nisi præsupposito subiecto, seu materia non destruendo illam. De quo vide D. Tho. 3. p. q. 75. *art. 8.* vbi designat modos loquendi in istis conuersionibus.

Ex:

Ex his autem colligitur generationem esse conuersionem, quia licet generatio pro termino formalia quo habeat priuationem, tamen quia hæc priuatio anteceditur, naturali modo est coniuncta alicui formæ positiue ratione cui generatio vnius semper est corruptio alterius, & forma illa quæ corrumpitur non annihilatur, sed definit in alia. adeo verè & propriè intercedit conuersio in generatione substantiali. Et formalitas conuersionis differt à formalitate generationis, quia generatio habet pro termino a quo priuationem, conuersio formam vt mutandam in aliam succedentem. Et sic est vnica actio. sed duplex mutatio, vt dictum est, eò quòd duplex forma mutatur, vna de non esse ad esse, quæ sit de nouo, altera de esse ad non esse, quæ corrumpitur, actio tamè est vna, quia ab vnicò agente dimanat vna causã libas, quæ respicit duplicem terminũ vnum à quo, alterum ad quẽ, inter quos cõstituitur distantia vnica percurrenda per motũ, & actionẽ. In generatione autem & corruptione hominis non fit conuersio in substantiã formæ rationalis, aut ex ipsa quia nõ definit, sed in ipsam vt informantem, vel desinentẽ informare.

ARTICVLVS IV.

Quis sit terminus formalis, & quis adequatus generationis substantialis?

Distinguiamus in generatione terminũ adæquatum, seu totalem, & terminum formalem, seu specificatum. *Primus* solet vocari terminus, vt quod seu qui producit. *Secundus* terminus vt quo. In termino adæquato, seu quod consideramus omnes partes, ipsamque naturã integram, constituentem, & substantiã quã talis natura subsistit, & existentiã, quã existit. Dicitur enim natura subsistere in supposito subsistẽte, sicut partes in ipso toto, non quia natura, vel partes reddantur supposita, seu personæ in seipsis, sed quia residuntur terminatæ, & affectu ipsã substantiã, & personalitate in qua sunt, sicut partes linee terminantur puncto, nõ quia in se sunt puncta huc per se huc per accidens, sed quia vnicò puncto afficiuntur, & termi-

nantur, sicut corpus afficitur albedine, non sit albedo, sic partes redduntur illo puncto terminatæ, & partes naturæ & naturæ ipsa per substantiam & suppositum non redduntur in se aliud suppositum, seu personam, sed vnica eademque subsistens a redduntur supposita, & terminatæ, seu subsistens. Vnde nõ valet illud sophisma, Naturã subsistit per aliud, id est, per personã, suppositum verò subsistit per se, ergo natura & suppositum sunt aliud, & aliud subsistens. *Respondetur ad antecedens*, quòd natura subsistit per aliud quod est ratio subsistendi & sibi comunicatur vt subsistat, *pondeo*, per aliud quod in se sit res subsistens vt quod, *negò*. *Ad consequens* ergo est aliud, & aliud subsistens vt quod *negò cõseq.* vnum vt quo & alterum vt quod *transfert*; sed hoc est esse distinctum in ratione entitatis, nõ diuersi subsistentis, sicut album & albedo non faciunt duo alba vt quod, sed vnũ vt quo & aliud vt quod, albedo enim dicitur alba vt quo, id est, ratio & forma albi, licet sint duæ entitates corpus & albedo. *Formalis terminus* est id, quo constituitur aliquid tanquã actualitate & specificatione. Illud autem quo constituitur in sua specie substantia generata, vel est forma partialis, vel forma totalis. Forma totalis est integra natura, seu constans ex forma & materia vnicis vt condistinguitur contra suppositum, vel personam, & significatur per modũ forme quia significatur vt principium, quo aliquid est tale, sicut humanitas est id quo homo est homo. Forma partialis est illud principium, quod distinguitur contra materiam, & illi vniti componit naturam, resultatque suppositum, seu terminus naturę nisi per assumptionem diuinam impediatur. *Inquirimus ergo in presenti*, in primis de termino totali, an sit ipsum compositum vt natura, an etiam suppositum quod est terminus eius. Secundo de termino formali, an sit ipsa forma vel vnio eius in materia.

In hæc re variæ sunt sententiæ Autorum, de quibus valeri possumus Conimb. 1. de Gener. 6. q. 15. & Cursus Cai. Mel. 1. q. 3. Circa

terminū enim totalem aliqui dixerunt actionem aliquam terminari ad compositum, distinctam ab ea terminatur ad formam, quia sunt res distinctæ. Alij verò dicunt, generationem intrinsecè terminari ad formam, extrinsecè verò & secundariò ad totum compositum & quasi per resultantiam, non vt terminum essentialem. Denique alij ponunt pro termino adequato ipsum compositum quod est natura, excludunt autem ipsum suppositum, vel subsistentiam.

Circa terminū verò formalem etiam diuisi sunt Autores, nam quidam dicunt, solam formam esse terminum formalem, etiam si ipsa non producat, sed sola vnio. Alij vero dicunt, solam vnionem esse per se terminum formalem generationis, non verò formā, eò qd in omni generatione producit de nouo vnio, nō verò semper producit formā, vt quando generatur homo, oportet autē assignare pro termino formali, & specificatiue actionis aliquid de nouo factum, eò quod actio si nihil facit de nouo, non est actio. Alij deniq; dicunt, formam esse terminū formalem, quando per generationem educitur, vel producit, quando vero nō producit, sed vnitur, vnionem esse terminum formalem; de quo Conimbr. vbi sup. Deniq; quidam dicunt, generationē conuenire cum creatione, in eo quod est producere totum, differre autē in eo præcisè, quod siteductiua vnionis.

Dico: Totalis & adequatus terminus generationis substantialis est ipsum compositum, seu totum non solum prout dicit naturā, sed etiam prout dicit suppositū, ita tamen quod subsistentia non se habeat in hoc toto, vt constituens, sed vt terminans naturā constitutam, verè tamen intrinsecè attingitur à generatione, & nō extrinsecè. Hæc concl. est expressa S. Th. qui perpetuo docet ipsum fieri sicut & ipsū esse solū conuenire rei subsistenti, seu hypostasi vt patet 3. p. q. 35. art. 1. vbi inquit: *Naturalitas potest attribui alicui dupliciter vno modo sicut subiecto, alio modo sicut termino: si ut subiecto attribuitur ei quod nascitur, hoc autem proprie est hypostasis nō natura, cū enim nasci sit quod-*

*dam generari, sicut generatur aliquid ad hoc quod sit, ita nascitur aliquid ad hoc vt sit, esse autē proprie est rei subsistentis, nam forma quæ non subsistit, dicitur esse solum, quia eā aliquid est, persona autem, & hypostasis significatur per modum subsistentis. Idem docet de creatione, & de quocunq; alio fieri, quod sit ad re subsistentem 1. p. q. 4. art. 4. Item videri potest Philos. 7. met. ph. text. 27. vbi inquit: *Quod neq; specis sit, nec quocunq; nominari oportet formā, quæ in se subsistit, nec est eius generatio, nec quod quid erat esse.* Vbi S. Thom. lect. 7. inquit: *Quia generatio est eius quod sit, patet est quod generatio non est forma sed compositi, nec iterum: quod quid erat esse rei generata generatur nisi per accidens sed forma, & quod quid erat esse est, quod sit in aëre, id est, in materia non per se.* ita D. Thom. Ex quibus verbis colligitur, quod si id quod generatur tanquam terminus totalis, & tanquam quod non est forma sola, neq; quidditas, seu quod quid, hoc enim est ipsa forma totalis, seu natura, quia sola forma partialis non est quidditas & natura, sed principium eius, restat vt terminus totalis sit ipsum suppositum. Vnde etiam patet, non legisse, aut non aduertisse verba Arist. eos qui dicunt eum non agnouisse suppositum, seu personam in substantijs, si enim dicit: *Quod id quod sit & generatur non est forma neq; quidditas sed compositum, & nomine forme intelligitur forma partialis, nomine autē quidditatis, seu nature intelligitur forma totalis, restat vt nomine compositi intelligatur ipsum suppositum, hoc enim solū est quod distinguitur à natura, seu forma totali.* Et hunc locum Philos. sæpè obseruat D. Th. ad probandum formas nō fieri, sed ipsum compositum, seu subsistens, vt in 1. p. q. 65. art. 4. & alijs locis. Fundamentum autē conclusionis sumitur ex ipsa doctrina D. Th. quia generatio per se primo tendit ad constituendā rem inesse integrè & perfectè, sed natura rei non habet totū esse nisi habeat illud subsistens, & per se, quia hoc est propriū substantiæ vt habeat esse terminatū & subsistens; imò repugnat, quod*

quod habet esse, nisi vel in se subsistens, vel alteri subsistenti unitum, sicut humana natura est in Christo, ergo generatio quamdiu non dat tale esse sic subsistens in se, vel in alio manca est, & non integra, nec censetur dare totum suum effectum, ergo tunc est adæquatus terminus in quo sistit generatio, ubi ipsum esse generatum terminatur & sistit sistit autem in subsistente, ergo subsistens in tali natura est terminus totalis, & ut quod generationis. Et confirmatur, quia ad generans pertinet non solum dare formam, sed consequentia ad formam, sicut sunt propriæ passionis, sed intimior est subsistentia, quam passionis, quia istæ sunt accidentia pertinentque ad ornatum vel operationem substantiæ, substantia vero est terminus intrinsecus, & substantialis eius; unde unio ad subsistentiam Christi fuit substantialis in natura humana, ergo magis pertinet ad generans illam dare, quā proprias passionis. Omitto, quod apud D. Th. existentia est propria hypostasis seu suppositi ut quod naturæ autem ut quo, ut docet 3. p. q. 17. art. 2. & os ostendimus, quest. 7. physicorum, ergo si generatio tendit ad dandum esse, terminus est totalis, & ut quod erit id, cui convenit ut quod, scilicet ipsum suppositum subsistens.

Et ex hoc deducitur ultima pars conclusionis, scilicet ipsam subsistentiam, seu suppositum pertinere ad intrinsecum terminum generationis, & non solum extrinsecum, & remotum, ut videntur sentire. Conimbricæ cit. art. 4. conclus. 2. & alij. Quia ille est terminus intrinsecus, qui directe, & immediate, ac præsupponendo alium primum; sed subsistens non potest esse terminus mediatum ac secundarius, supponens primum productum, quia compositum, & integrum esse primo & per se in ipso subsistente, non ante subiectum, & per se ut subsistens, & ipsa existentia ingreditur terminum intrinsecum generationis tanquam pertinens ad

integrandam, & complendam rem generatam, non ut prædicatum constitutivum, sed ut terminus intrinsecus rei generate respectu esse illius.

Dico secundò, terminus formalis generationis non est unio, sed forma constitutiva rei generate. Unio autem prout dicit applicationem, & coniunctionem extremorum non est terminus sed applicatio, id vero quod resultat ex tali unione, si sumatur per modum suppositi, est terminus totalis, si per modum naturæ, est terminus formalis tanquam forma totalis. Hæc conclusio quæ inter Thomistas communis est, constat ex ipso D. Thom. 3. part. q. 35. sup. cit. ubi postquam dixit, quod natiuitas, & generatio attribuitur tanquam subiecto ipsi personæ, & non naturæ, addit: Quod tanquam termino attribuitur natiuitas natura, terminus enim generationis, & cuiuslibet natiuitatis est forma, natura autem per modum forme significatur. Vbi loquitur D. Thom. de termino formali, non de totali, quod est subiectum, de quo iam dixerat, quod est persona. Et similiter videri poterit in 3. distin. 8. q. 1. art. 2. & optimè in 1. dist. 5. q. 3. art. 1. ubi inquit: Terminus generationis in creaturis potest accipi dupliciter, sicut etiam & principium, dicitur enim principium generationis ipsam generans, & huic principio respondet sicut terminus ipsum genitum. Dicitur etiam principium generationis à quo incipit generatio, & hoc modo principium vel initium generationis est priuatio forme inducenda, & huic principio terminus oppositus est forma per generationem inducenda, ita D. Thom.

Et fundamentum colligitur, quia in termino adæquato & totali alicuius actionis illud est terminus formalis, quod in ipso termino se habet ut forma, quæ per se specificat actionem, & assimilatur genitum ipsi generanti. hæc enim sunt munera termini formalis, scilicet formalizare ipsum terminum totalem, quod utique fit specificando, seu constituendo, & assimilando ipsum genitum rei generanti. Constat autem, quod forma ter-

C 3 mini



mini generati non est ipsa unio, sed aliquid unitum, unio enim se habet, ut communicatio, & applicatio, qua communicantur extrema, ergo forma constituens debet esse extremum communicatum, & unitum, hoc enim est ultimum, quod intendit generans, intendit enim assimilare sibi genitum in forma, & posita assimilatione cessat; non cessat autem in unione, quia unio est applicatio ut forma reddatur unita, ergo magis se habet, ut terminus formalis forma unita, quam unio coniungens. *Et confirmatur*, quia si ista unio qua unitur ista forma, adhiberetur alteri eodem modo illam uniret materiam, ergo proprium distinctivum & constitutivum formale huius generationis non est unio propter unionem, sed propter formam unitam. Unde etiam quando forma non producitur per generationem, sed introducit, & unitur, & sic sola unio producitur, adhuc non producitur, ut constituens formaliter sed ut communicans, & applicans formaliter id quod constituit ut forma.

Ex quo colligitur, quod cum assignatur formalis terminus, & ratione alicuius formalitatis designetur, si sumatur *ly formalis* pro formalitate communicante, & uniante, sic unio est terminus formalis, si sumatur pro formalitate terminante & constituyente, & assimilante genitum generanti sic terminus formalis non est unio, sed forma unita; constat autem quod precipue iudicandum est de termino formali, secundum quod terminat potius, quam secundum quod mediat. Verum quidem est, quod non potest forma constitui formaliter, nisi connotando, & supponendo unionem tanquam conditionem, & applicationem, ipsa autem forma unita se habet ut constituens. Et sic etiam ut supra diximus, *art. 3. ex Cajetan 1. p. q. 113. art. 1.* in generatione humana, licet forma non producatur, sed uniatur, tamen non sola unio, sed etiam ipsa forma unita attingitur a generatione, non secundum esse formae in se, sed secundum inesse, ita tamen, quod unio se habeat ut conditio, & forma unita ut constituens formaliter, & terminans.

SOLVUNTUR ARGUMENTA.

P*rimo arguit. contraprimam conclusionem.* Quia saluatur vera generatio sine hoc, quod producat, vel attingatur suppositum, & similiter sine hoc quod producat natura, ergo neque suppositum est totalis terminus generationis, neque natura formalis. *Antecedens patet*, tum in generatione, quia B. Virgo genuit Christum quae fuit vera generatio, cum fuerit vera mater eius, & tamen non attingit suppositum, neque producendo, quia in Christo non fuit suppositum creatum, neque uniendo illud naturae, quia haec unio non est facta per actionem Virginis, sed per immediatam assumptionem Dei, tum etiam quia suppositum resultat posita naturam tanquam modus, seu terminus illi adiunctus. Unde si nunc humanitas dimitteretur a verbo, resultaret de novo substantia creata, ergo supponit terminum generationis omnino productum per actionem, siquidem quod restat solum fit per resultantiam: ergo suppositum non pertinet ad intrinsecum terminum generationis, ut actio est, sed posito termino actionis resultat, tum denique, quia D. Thom. nullo modo attribuit ipsi supposito rationem termini, sed subiecti generationis, rationem vero termini ipsi naturae, ut patet 3. p. q. 3. art. 1. eo quod natura, quae constat ex unione materiae & formae est integra, & totalis substantia, ergo de se terminat totalem actionem, & sic ut fit terminus totalis producibilis a generatione, non indiget aliquo alio, sed tamen quia illa natura est terminata supposito, & in illo tanquam in subiecto, ideo dicitur suppositum subiectum generationis non terminus, quia non terminat actionem, sed subijcitur seu supponitur naturae terminanti.

Quod secundum vero partem probatur antecedens in generatione divina in qua totalis terminus est persona procedens, natura vero non habet rationem termini etiam formalis, alias distingueretur a principio a quo

quo procedit, & sic non esset vna tantum natura in tribus personis.

Resp. ex. ant. Ad primam probationē resp. aliquos existimare actionem B. Virginis in ipsa productione humanitatis, & existentia eius, ita sistere, quod nō dicitur Mater Dei, id est persona subsistentis in ipsa humanitate nisi materialiter, & secundo, & per accidens sicut si modo Deus assumeret meā humanitatem destructa eius subsistentia, mater quæ me genuit, materialiter & per accidens diceretur Mater Dei, quia esset mater hominis, cuius natura assumpta est à Deo, sic producendo humanitatem in se existentem, & terminantē generationē Virginis dicitur mater Dei quia est mater humanitatis, quæ alia actione nō pertinente ad Virginem assumpta est à Deo. Si enim actio generantis non tangit suppositum, sed sistit in esse naturæ quodcumq; suppositū illi applicetur materialiter se habebit: & ita B. Virg. formaliter, & per se non dicitur Mater Dei.

Nihilominus in sententia S. Thom. B. Virgo propriissime, & formaliter est vera Mater Dei, non minus quam mater Petri est formaliter mater illius hominis. Etenim in generatione hominum, generans non producit formam, neque eius existentiam, vel substantiam, sed formam rationalem in se subsistentem creatur à Deo, & infunditur, generans autem ut materiam illi formæ, & sic illud esse animæ, quod fit à Deo comunicatur à genente ipsi corpori, & nō est aliud esse in ipso corpore, & in toto composito, quam ipsum animæ sic communicatum, quia in ipso composito secundum D. Tho. non datur nisi unum esse, quod quidem prouenit à forma principio quo, conuenit verò composito, supposito ut quod. Vnde cum anima rationalis habeat esse per se existens, seu substantia, licet comunicabile materiæ, idē generatio hominis formalissime dicitur attrahere personam, quatenus hoc ipsum esse personæ, quod comunicatur toti composito, personæ, à genente comunicatur corpori, & facit integrum hominem. Et ita

dicit D. Tho. 1. 2. q. 1. art. 5. ad 2. *Quod anima humana r. manet esse compositi post corporis destructionem, & hoc ideo, quia nō est esse forma, & materia, & hoc idē est esse compositi.* Similiter ergo in Christo est vnicum tantum esse, quod est personæ seu suppositi & comunicatur naturæ, ut docet idem D. Th. 3. p. q. 17. art. 2. Sed tamē hoc esse verbi, seu subsistentia, ordine quodā comunicata fuit prius animæ prioritate naturæ, deinde corpori quia prius natura assumpsit animam, quā corpus, & mediante anima corpus ut docet D. Tho. 3. p. q. 6. art. 1. ita quod in ipsa creatione animæ simul se immiscuit assumptio verbi immediatē propriam subsistentiā, & existentiam animæ, & suā subrogans per assumptionē. Cum ergo in illo pūcto actio B. Virg. generatiua attingit vnionem corporis formati ad animā, quā Deus infundebat, & assumebat, illudmet esse, & subsistentiam, quā inueniebat in anima, comunicabat corpori. Et ita sicut actio generatiua ordinaria illud esse proprium, & naturale animæ comunicat corpori, & hac ratione dicitur formalissime mater hominis, & personæ subsistentis in humanitate, ita generatio Virginis, esse & subsistentiam verbi, quam inuenit in anima assumpta, comunicauit corpori, & ita formalissime dicitur mater illius hominis, seu personæ diuinæ ut subsistentis in illa humanitate cōstante corpore & anima. Nec tamen B. Virgo assumptionem ipsam efficienter attingit etiam instrumentaliter, quia hæc cum ipsa creatione animæ immediate à Deo facta est sed B. Virgo, animam prioritate naturæ assumptam à Deo, ipsa generatione comunicauit corpori, sicut postea in resurrectione vniedo animā corpori sine noua assumptione iterum resultauit Deus homo, assumptio enim animæ virtualiter est assumptio corporis, eod quod anima est de se comunicabilis corpori.

Quod si dicatur, si tota subsistentia Verbi, & eius esse fuit collatum animæ, & mediante anima ad carnem, ergo separatā animā in morte, caro mansit sine subsistentia verbi, sicut

sicut caro hominis mortui manet sine subsistentia animæ quæ separatur. Hoc autē est erroneum, alias filius Dei nō esset sepultus, quando eius corpus sepultum fuit. *Resp.* ex D. Tho. 3. p. q. 50. art. 2. ad 2. ubi hoc argumentum soluit: *Quod Verbum Dei dicitur unitū carni mediante anima, quatenus caro per animam pertinet ad humanam naturam, quam filius Dei assumere intendebat, non autem, ita quod sit medium quasi ligans unita. Habet autem caro ab anima, quod pertineat ad humanam naturam etiam postquam anima separatur ab ea, in quantum, scilicet in carne mortua remanet ex ordinatione diuina quidam ordo resurrectionis, & ideo non tollitur unio diuinitatis ad carnē.* Ita S. Th. ex cuius verbis constat carnē in Christo mansisse unitā Verbo, non quia habeant distinctam subsistentiam quæ sibi suppleatur seorsum à forma, nec quia subsisteret anima cōmunicaretur corpori post mortē, sed quia caro mortua etiā pertinet ad humanam naturam propter ordinē ad resurrectionem, & quidquid pertinet ad naturam humanam nō fuit dimissum à Verbo, ideo corpus illud mansit assumptū non sub forma animæ, nec separatū ab omni forma, sed sub forma cadaueris, quæ ad tēpus assumpta fuit, in quantum requirebatur ad constitutionem corporis humani mortui, quod adhuc ordinabatur ad humanam naturam, ratione resurrectionis.

Ad secundam prob. resp. quod suppositum non resultat ut passio, sed ut terminus naturæ omnino prærequisitus ad eius existentiam, vnde sicut existentia non resultat, sed attingitur ab actione, ita & subsistentia quæ ipsam antecedit, & licet existentia antecederet, adhuc ab ipsa actione attingeretur intrinsece, quia ante subsistentiam existentia ipsa non est terminata, & completa, & sic neque actio constituens rem productam in ratione status totius, ipsum autem totum attingitur ab actione. Quæ vero resultant, sunt accidentia, quæ nec pertinet ad ipsum totum, ut partes, neque ut modi, seu termini totales, sicut subsistentia.

Ad tertiam instantiam dicitur, quod D.

Tho. attribuit rationem termini naturæ, & rationem subiecti hypostasi, seu supposito, quia sustentat, & subiicitur naturæ, & sic nomine termini absolute dicti intelligit terminum formalem tanquam specificatiuum in quod tenditur, nomine vero subiecti intelligit, terminum totalem, eo quod suppositum non est subiectum ex quo fit generatio (id enim est materia prima) sed quod nascitur per generationem.

Ad secundam partem argumenti resp. quod diuinitas non est terminus productus, seu procedens, sed cōmunicatus, & sic est terminus formalis generationis verbi, est enim id in quo assimilatur suo principio, & generatio illa in quantum assimilatiua est cōmunicatiua naturæ Patris, atq; adeo natura, ut natura, est eius terminus formalis cōmunicatus, nō productus; in processione vero Spirit. S. natura ut natura nō est terminus formalis etiā cōmunicatus, sed identicus, amor vero infinitus est terminus formalis, terminus autē productus est persona subsistēs, quæ etiā amor notionalis dicitur.

Secundo arguitur, ad probandum unionē non formā esse terminum formalem, quia semper est id quod producit de nouo, forma autē non semper, ut in generatione hominū, terminus autē formalis debet produci de nouo, quia quod non producit non terminat actionē, quia nō accipit esse, actio autē noua debet dare nouū esse, imò quando educitur forma nō producit, nisi uteducta, & cōsequenter, ut unita subiecto, & per hoc distinguitur à productione creatiua: ergo formalis ratio specifica generationis est terminus ut unitus, si quidē per hoc formaliter, & ultimātē distinguatur à creatione. Deniq; ex sola variatione unionis videmus variari species actionis, ut cū anima rationalis unitur per generationem vel reunitur per resurrectionem, non est variatio penes formam, sed penes diuersā formā unionem: ergo diuersa unio erit ratio diuersæ specificans, & terminus formalis, iste enim est qui specificat.

Ad primam partem argumenti responde-
tur, quod non est necesse formalem termi-
num produci de nouo in sua entitate, suffi-
cit quod in sui participatione, qua median-
te specificat, propriū enim termini forma-
lis est specificare, & formalizare id quod
producitur, ad hoc autem non conducit
per se, quod entitas formæ specificantis de
nouo fiat, sed sufficit, quod ipsa de nouo cō-
municetur specificato, & ita communicatio
seu unio de nouo fiat, non tamen illa unio
est terminus formalis, id est formalizans, &
specificans, sed applicans, & uniens, unde
aliud est ratio formalis termini, aliud ra-
tio nouiter producti in re quæ generatur;
producitur enim de nouo terminus totalis,
cui conuenit esse, & produci ut quod, for-
ma autem, cui conuenit esse ut quod, non
est necesse, quod producat, sed sufficit,
quod communicetur, & sic specificet, &
formalizet; ipsa autem unio non est termi-
nus formalis, id est forma dans specifica-
tionem, sed applicatio termini formalis.
Quæ doctrina sumitur ex D. Thom. q. 3. de
uent. artic. 9. ad 6. ad 10. & 21. & nota-
tur a Caiet 1. p. q. 118. art. 1.

Ad secundam partem argumenti respon-
detur non distingui specificatiue generatio-
nem à creatione, quia forma producit
unita quando educitur, nam etiam in
creatione cum producat, ipsum totum
educuntur partes, ut unita, sed quia ad
creationem pertinet producere totum, ni-
præsupponendo de partibus, sed om-
faciendo de nouo, & ex nihilo tam ma-
am, quam formam, ideo distinguitur
ductione, quæ producit totum præsup-
ponendo vnā partem, scilicet materiam
ius transmutatione educitur forma;
applicata materię totum cōstituit, &
reductionem totum non tam fit, quam
onitur, in creationem vero absolute
nde non ratione unionis formaliter
guuntur, sed ratione termini forma-
i in creatione est totum ens ex nihilo
generatione forma constituens tale
ars I. Physicæ

ens ex præsupposito subiecto, & sic etiam in
creatione materia pertinet ad formalem e-
ius terminum, quia pertinet ad rationem
totius entis.

Ad ultimam partem argumenti responde-
tur negando, quod diuersa unio præcise sit
diuersus terminus formalis in actione sub-
stantiali, qualis est resurrectio, & genera-
tio; in utrisque enim producitur unio, & sic
non potest ex ipsa solum sumi diuersitas
formalis istarum actionum, sed ex ipsa
forma sumitur, ut stat sub diuersa ratione,
& modo communicandi se materię, diuer-
sam enim transmutationem exigit genera-
tio hominis, ut communicans animam cor-
pori, quam resurrectio quæ sine tali forma-
tione, & dispositionibus, sed præsupponen-
do priorem unionem fuisse corruptam, unit
animam corpori, & sic respicit formam ut
reunitam, non ut præcise unitam; similiter
etiam formatio hominis ex terra, sicut in A-
dam, fuit actio distincta a generatione, non
propter diuersam unionem, tanquam ter-
minum formalem, cū utrobique fuerit pro-
ducta unio, sed propter ipsammet formam
sub diuerso modo transmutationis cōmu-
nicatam, & sic fundantem diuersam forma-
litate, seu respectum terminandi actio-
nem, quatenus diuersas mutationes produ-
cit in materia, ut generet, vel ut resuscitet,
vel ut formet ex terra; formalis autem ter-
minus sumitur ex forma cum respectu ad
viam, & ad transmutationes, quibus fit; iste
enim etiam per actionem producantur, ut
ducentes ad terminum. An vero in actione
accidentali verbi gratia, in intensione, sola
unio producat de nouo, an vero formalis
aliqua perfectio quæ addatur qualitati in-
fr. q. 5. inquiretur.

ARTICVLVS V.

Quod sit subiectum generationis, & de eius di-
stinctione à creatione?

TRIPLEX subiectum, seu triplex ra-
tio subiecti distingui potest in genera-
tione. Est enim subiectum mutationis, et
sub-

D

sub.

subiectum productionis, quod magis obiectum dici potest, quia est id ad quem tendit generatio: est denique subiectum denominationis, scilicet res quæ denominatur generata. In generatione ergo mutatur materia de priuatione ad formam, sed non denominatur producta, neque generata. Dicitur autem producta forma quæ educitur, vel compositum, quod de nouo accipit esse. Denominatur autem generatum ipsum suppositum, quod tanquam genitum respicit ipsum generans. Inter hæc subiecta, inquirimus, quod nam ex illis sit subiectum inhesionis, cui inhæreat generatio? Est autem difficultas ex differentia inter alterationem & generationem, quia alteratio tã ex parte sui, quam ex parte sui termini, qui est qualitas, supponit pro subiecto substantiam completam, & in actu, quæ est capax accidentium, actio autem generatiua non supponit, nisi materiam primam, quæ non est capax accidentis, antequam habeat formam substantialem, hæc autem producit per ipsam generationem, ergo non supponitur illi tanquam subiectum. Ex alia vero parte materia prima est subiectum mutationis, quia ipsa sola & non totum compositum est quæ transmutatur de vna forma ad aliã. & in ipsa recipitur forma substantialis, eique immediate vnitur, ergo in ipsa debet esse generatio quia actio in eo subiecto est in quo terminus eius, non enim seorsum à termino recipitur actio, vel mutatio. Et ad idem faciunt autoritates S. Th. & philosophi postea adducendæ.

Dico ergo primo, subiectum mutationis in generatione substantiali est sola materia prima, inhesionis autem non est sola materia prima, neq; materia prima vt subiecta formæ corporeitatis, sed totum compositum, quod generatur per illam. De prima parte conclusionis non potest esse dubium, & in eo sensu loquitur S. Tho. cum pro subiecto generationis assignat materiam primam, & non substantiam in actu, expresse enim loquitur de generatione prout mutatio, &

de subiecto mutationis, vt patet 1. de generat. lect. 10. in fine, vbi inquit: *Comparat prædictas transmutationes, secundum subiectum, quod est tantum potentia, & dicit, quod materia est maxime proprium subiectum susceptible generationis, & corruptionis.* Eodem modo loquitur 1. p. q. 45 art. 1. ad 2. loquens solum de mutatione, & apertius q. 2. de potentia art. 3. ad 4. vbi inquit *Quod in generatione, & est mutatio, & relatio, quæ refertur genitum ad generans, Ratione ergo mutationes non habet pro subiecto ipsum generatum, sed eius materiã, sed ratione relationis habet subiectum ipsum generatum.* In creatione autem est relatio, sed non mutatio, & ideo non est simile. Dixerat autem in solutione ad 3. immediate antea quod relatio illa creationis vt est accidens inhæret subiecto & est posterior illo, quod generaliter de omni accidente probabitur inf. q. 9. scilicet subiectum inhesionis vt quod esse compositum.

Ratio autem huius primæ partis est, quia illud est subiectum mutationis, seu motus, quod est subiectum termini motus, seu terminorum inter quos motus versatur, constat autem quod termini inter quos versatur generatio vt mutatio est, sunt forma, & priuatio, vtrumque autem habet pro subiecto materiam primam, nam ipsa est priuata forma substantiali, & ipsa etiam immediate informatur substantiali forma, ergo ipsa est subiectum huius mutationis, quæ est generatio; vnde in 1. Physic. assignatur triplex principium, scilicet materia, forma, & priuatio pro ipsa re naturali in fieri, seu pro generatione, materia autem non est principium generationis, nisi vt subiectum talis mutationis, quia subiectum mutationis debet esse principium rei mobilis, non solum in facto esse, sed etiã in fieri; & in ipsa generatione, cum in hoc distinguatur à creatione, quod procedit ex transmutatione alicuius subiecti, ergo oportet quod materia sit principium generationis tanquam subiectum, non verò ipsum compositum, quia hoc est principiatum & non principium.

Se-

Secunda pars conclusionis, scilicet quod materia prima ut subest formæ corporeitatis non est subiectum inhaesionis ipsius generationis, *constat manifeste* supponendo, id quod in libris de anima latius expenditur, quod in quocumque composito substantiali tantum est unica forma substantialis, quæ dat omnes gradus específicos, & genericos, non autem una forma dat gradum corporeitatis, alia viventis, alia sensibilis, ut optime prosequitur D. Thom. 1. de Gen. et. 12. infine, & nos in q. 1. de anima probabimus. Quo supposito rectè sequitur quod subiectum generationis non sit materia prima ut subest formæ corporeitatis. Quia nulla forma substantialis ita concomitatur materiam, quod nunquam exuatur illa, sed hoc ipso quod corrumpitur una forma substantialis omnes gradus corrumpuntur, quia omnes illi sunt eadem & unica entitas formæ, ergo corrupta formâ, materia non manet sub aliqua forma, vel gradu corporeitatis ad recipiendam formam de nouo genitam, sed sola & nuda materia recipit illam, & forma præbet materiæ omnem gradum non solum primum & remotum, sicut est gradus corporeitatis, sed etiam ultimum, & specificum, & sic tollit omnem gradum quem forma corrupta præbebat.

Circa tertiam partem conclusionis, scilicet quod subiectum inhaesionis sit ipsum totum compositum sumendo generationem non pro ipsa alteratione præcedente, quam constat recipi in composito antecedente, quod corrumpitur: sed sumendo generationem pro actione illa substantiali distincta ab alteratione, ut modo supponimus distingui ex dictis supra articulo 3. De hoc maior est difficultas etiam inter Thomistas, plures enim existimant subiectum inhaesionis eius esse ipsam materiam primam ut videtur sentire Cajet. 3. p. quest. 35. art. 1. & alij quos citat & sequitur Cursus Carmelitanus hic disput. 2. quest. 5. Alij vero cum Magistro Bannez 1. de generatione c. 4.

q. 11. dicunt totum compositum esse subiectum inhaesionis respectu ipsius generationis.

Dicimus ergo quod suppositis duobus principijs, altero à nobis supra admissio, & probato quod generatio est actio distincta ab alteratione, nec est pura & nuda resultantia: altero infra probando & admittendo, scilicet quod materia prima immediate & per se non est capax inhaerentiæ accidentis, ita ut per materiam sustentetur in esse ipsum accidens, necesse est dicere, quod generatio in quantum est actio de prædicamento actionis non potest habere pro subiecto inhaesionis solam materiam primam. Vnde Cursus Carmelitanus ubi supra numero. 61. fatetur generationem substantialem sumptam pro instantanea mutatione seorsum ab alteratione non esse accidens, sed aliquid substantiale tanquam modus. Rubio autem & alij admittunt, quod aliquod accidens si sit incompletum, & quasi viale possit esse in materia, & non in toto. *Cæterum* nostra sententia quam infra ostendemus affirmat nullum accidens posse per inhaerentiam subiectari in materia tanquam in subiecto quod, sed debet esse in toto composito, hoc autem vel est ipsum generans, vel id quod corrumpitur, vel id quod de nouo generatur. Et quidem generans non est subiectum generationis, cum non sit actio immanens, nisi forte dicatur subiectum actionis transeuntis esse ipsum agens, sed tunc restat inquirere subiectum generationis ut passio est, nam in omni sententia passio non est in agente, & sic restat explicandum, an materia sit subiectum istius generationis sic acceptæ passiue, vel potius ipsum compositum. Et deinde restat difficultas in opinione, quod actio sit subiectiue in passo, & non in agente quomodo generatio inhaereat in agente, si quidem generatio est in passo in hac sententia. Oportet ergo assignare aliud subiectum. Hoc autem non potest esse res quæ corrumpitur, quia in instanti in quo est verum

D 1

dicere

dicere nunc est generatio, est verum dicere nunc non est res corrupta, quia definit per primum non esse, ergo non potest illa generatio, quæ tunc primo existit, inhaerere in ipsa substantia corrupta, ergo solum restat quod inhaereat in substantia genita.

Quomodo autem terminus generationis possit esse subiectum in quo inhaereat explicatur ex eo, quod subiectum mutatum per ipsam generationem est materia prima, quæ est pars componens ipsum terminum, qui est totum. Quare cum actio non inhaereat nisi mediante termino producto, seu ab ipsa actione attracto cum eo enim identificatur actio, & ipse terminus totalis componatur ex materia & forma, seu habeat materiam partem sui in idem coincidit subiectum & terminus, quia terminus substantia est, & sic non habet aliud subiectum cui inhaereat actio nisi in eo, qui est terminus totalis cum quo ipsa identificatur. Cæterum subiectum accidentium semper debet distinguui ab ipso termino quando producit accidentem, eo, quod per talem actionem non producit subiectum actuale, sed supponitur; per generationem autem substantialem subiectum actuale producit quod est compositum. Et licet supponatur materia prima, quæ est principium recipiendi etiam ipsa accidentia, tamen nec est principium quod recipiens ea, sed principium quo id est ratio qua ipsum compositum tanquam subiectum quod habet recipere accidentia, nec etiam est principium sustentandi in esse ipsa accidentia, quia principium sustentans in esse, supponitur habere existentiam, quam præbeat accidentibus; materia autem prima non habet illam nisi per formam ut in q. 3. Phys. ostendimus, & supra art. 1. habet tamen materia esse subiectum respectu formæ substantialis, quia forma non sustentatur in materia præsupponendo esse, sed recipitur ut ex ipsa & materia constituatur compositum quod est habens esse; & sic distinguit D. Tho. inter subiectum & materiam opus. 31. in princ. Cum ergo ge-

neratio id quantum actio sit accidens, oportet quod pro subiecto inhaerentis, & sustentationis habeat compositum, & non solum materiam primam, licet illa sit principium quo recipiendi, & subiectum etiam mutationis, ut dictum est.

Dico 2. Generatio & creatio tam completa & adequata, quam simpliciter dicitur creatio, quam inadequata, & incompleta, quæ dicitur concreatio, qualis est productio materie primæ, aut productio forme dependentis à materia quando fit per creationem, differunt, tum ex parte termini formalis, tum ex parte modi producendi, licet in termino totali materialiter sumpto tam generatio, quam creatio completa conueniant. Hæc conclusio sumitur ex doctrina S. Th. 1. p. q. 45. art. 2. & 3. & q. 3. de potentia art. 1. & 2.

Pro cuius explanatione duo aduerte. Primum, quod licet creatio sit unica, & indiuisibilis actio attingens ipsum totum, & producens partes tamen non æque dominantur omnia creari, sed ipsi toti conuenit creari tanquam rei subsistenti, & habenti esse ut quod, partibus vero conuenit creari, tanquam principijs constituentibus illud totum, & habentibus esse non ut quod, sed ut quo. Hinc nascitur illa distinctio creationis, quod alia est adequata & completa, alia inadequata, & incompleta, prima enim dicitur respectu totius, quod attingitur à creatione, ut absolute, & subsistenter habentis esse. Secunda verò respectu partium quæ attinguntur ut habentes esse in alio & cum alio, à quo dependent & cui subsunt ut sint, & ideo dicuntur concreari. Quæ doctrina est D. Tho. qui pluribus locis docet solum creari propriè res subsistentes seu ipsum totum & compositum, materiam verò & formam non propriè creari, aut fieri, sed concreari ut patet 1. p. quest. 45. art. 4 & quest. 41. art. 2. & q. 7. art. 2. ad 3. & quest. 3. de potentia art. 1. ad 1.

Secundum quod supponimus est, quod tam creatio quam generatio substantialis conueniunt

ueniunt in hoc, quod est producere totum compositum, seu facere rem subsistentem, & completum, cui per se conuenit esse, sed differunt quod generatio supponit ea, ex quibus constare debet hoc totum, vel omnia, vel saltem materiam primam; generatio enim hominis neque materiam facit, neque formam, sed utraque coniungit, alia verò generationes saltem supponunt materiam primam, licet formam educant, & producant. At verò creatio ita producit totum compositum, quod nihil supponit eorum ex quibus coalescit, siue partes, siue totum, sed quidquid entitatis est in re facit, & ita creatio est talis virtutis, quod ex vi sue rationis formalis habet attingere in re creatam omnem rationem entis, siue sit materia, siue forma siue potetia, siue actus. Quare generatio necessario supponere debet creationem nec potuerunt res primo incipere per motum; in quo hallucinati sunt Aliqui antiqui Philosophi, & Arist. ipse qui existimantes non dari alium modum producendi res, quam per motum & generationem, inderunt in illud inconueniens de aternitate mundi, non inuenientes initium quod res primum fuerunt productæ, si omnes per motum productæ sunt, nam hoc modo nper supponebatur aliquid, ex quo mutatio, seu motus fieret, si enim producere aliquid non supponendo aliud ex quo et, sine mutatione produceretur, quia ex nihilo & non ex subiecto fieret. Vt ergo ponamus infinitum processum, & æternitatem generationum in motibus, oportet deuenire ad productionem materiam ex alio subiecto, sed ex nihilo, & sequenter per creationem. Et quia materia non fit sola, & sine forma. sed sub illa pendens ab illa, sicut de facto fuit cum incipio creauit Deus cælum, & terdeo creatio semper est subsistentium compositorum, partis autem est con-

in quibus conclusio posita constare potest, arari differentia inter creationem

& generationem, tam ex parte termini formalis, quam ex parte modi procedendi. Ex parte quidem termini formalis, quia generatio solū habet pro termino formali formam specificantē, siue ut eductam, siue ut unitā, creatio autē habet pro termino formali totam rationem entis, quæ reperitur in composito siue ex parte forme siue ex parte materie, & sic coincidit ibi terminus adæquatus & formalis. Vnde S. Thom. 1. p. q. 45. art. 4. ad 1. explicans illud axioma ex libro de causis prima rerum creatarum est esse, dicit quod ly esse non importet substantiam creatam, sed importat propriam rationem obiecti creationis, nam ex eo dicitur aliquid creatum, quia est ens non ex eo quod est hoc ens, cum creatio sit emanatio totius esse ab ente vniuersali. Igitur formalis ratio, seu terminus creationis non est forma, quæ informat & speciem dat naturæ, sed tota ratio entis, quæ inuenitur in tali re, & sic ex parte termini formalis valde differunt generatio, & creatio, cum id quod est totale in generatione sit formale in creatione.

Ex parte autem diuersi modi procedendi differunt generatio, & creatio, tum ex parte termini ad quem, tum ex parte termini a quo; ex parte quidem termini ad quem, quia creatio facit ipsum totum simpliciter producendum omnia quæ in eo sunt, generatio autem facit totum vniendo partes, non producendo, vel saltem non omnes, quia materiam præsupponit. Ex parte termini a quo, quia creatio est ex pura negatione, seu ex nihilo, quia nullum subiectum supponit, generatio verò ex priuatione, quia supponit subiectum carens forma.

An creatio sit eiusdem rationis in simplicibus, & in compositis?

EX quibus deducitur, creationem eiusdem rationis esse siue cum producit entitatem simplicem. ut Angelum siue cum producit compositam ut cælum, vel terram. Cuius oppositum sentit P. Vazquez 2.

rom. 1. p. disp. 164. c. 4. n. 17. & alij qui eum sequuntur, qui dicunt primo creationem non solum esse subsistentium simpliciter, & totaliter, sed sufficit quod sit productio aliquius quod suppete natura subsistere potest, & non in esse alteri, seu dependere sicut anima rationalis. Secundo addit, quod in qualibet re composita sunt singulae productiones singularium partium, & altera totius, quia ex compositione constat, tale autem compositum secundum eam rationem, qua a partibus distinguitur creari non potest eius esse, quia est ex aliquo nempe ex partibus, quae prioritatem naturae praecedunt, ergo non est ex nihilo sicut requiritur ad creationem, quod enim nihil praecedat tempore, nequaquam requiritur, ut patet si res ab aeterno crearentur, vera enim creatione fierent, & tamen non praecessisset tempore nihil. Addit tertio materiam creari vera & propria creatione, quia de nihilo fit, & licet dependeat a forma, non tamen secundum entitatem suam, alias mutata forma mutaretur in esse, & entitate; imò quodcumque agens introducens formam in materiam faceret illam existere, quia producens formam non solum facit illam esse, sed etiam quod per illam habeat esse, idem enim est producere formam, & effectum formalem illius. Et deinde si Deus conservat materiam mediā formā tanquam principio, & materia est ex illa, non creabitur a Deo quoties producitur ut coniuncta formae, & ita nullum compositum fieret per creationem praeter hominem, quia omne aliud secundum formam non educitur e materia, secundum rationem compositi est ex partibus, non ex nihilo, secundum materiam est ex forma, siquidem fit dependens ab illa. Denique creationem materiae assimilatur creationi animae rationalis, quia illa naturaliter fit cum coniunctione ad formam, haec naturaliter cum infusionem ad materiam, licet de potentia absoluta vnum quodque seorsum fieri possit.

Nihilominus dicendum est, in creatione

qua creatur res composita, non importari partes ac res quibus partialiter creantur singulae partes, & aliam qua ex partibus producat totum, sed una actione produci totum & partes, & sic eiusdem rationis esse creationem rei simpliciter totalis, & rei compositae, quia in utroque intenditur ens in quantum ens, materialiter vero se habet quod componatur ex partibus, vel non. Unde S. Tho. perpetuo excludit a proprietate creationis materiam, & formam & partes, quas solum dicit concreari, ipsum vero totum subsistens proprie creari, ut videri potest in q. 3. de pot. art. 1. ad 12. & 1. p. q. 7. art. 1. ad 3. ubi expresse affirmat materiam, & formam proprie non fieri, neque creari, sed concreari; specialiter autem loquens de materia quā Vazq. dicit creari, compositum vero non est diametro opponitur illi D. Th. qui 1. p. q. 44. art. 2. ponens illud argumentum quod materia non creatur, quia non habet esse aeternum, per creationem autem solum fit ens aeternum, respondet, quod probat argumentum materiam non creari solam sed sub forma, eo quod etiam id, quod tenet se ex parte potentiae in creatura a Deo est. Curius vero q. 45. art. 4. ponens oppositum argumentum scilicet quod illud proprie producitur per primam emanationem, quod supponitur in secunda, sed quod supponitur in generatione est materia ergo materia proprie creatur, & non compositum, quod certe est fundamentum Vazquez. Respondet S. Tho. eadem solutione, qua argumento antea posito, scilicet rationem illam non probare quod sola materia creatur, sed quod materia non sit nisi ex creatione, nam creatio est productio totius esse, & non solum materiae. Sentit ergo S. Th. quod illud esse totius, ut distinguitur a ratione materiae partialiter sumptae terminat creationem, & sic falsum est dicere quod compositum, ut compositum creari non potest, sed solum pars illa, quae non est ex alio, sicut est materia.

Fundamentum autem huius ex quo etiam aperitur deceptio opposita sententiae, in eo

est, quia ad creationem concurrunt duo, alterum ex parte modi producendi, scilicet quod non fiat ex alio præsupposito, sed ex nihilo; alterum ex parte termini producti, scilicet quod producat tota ratio entis, seu totum & integrum esse alicuius rei; unde necessario exigit, quod non fiat esse rei ex transmutatione partis, & coniunctione earum in unum, id enim propriè pertinet ad generationem, non tamen excludit creatio, quod faciat aliquid ex suis partibus, ita quod præbeat ipsi toti omnia eius constitutiva, & partes licet non præsupponat aliquam ut ex transmutatione illius perveniat ad ipsum totum. Et in hoc valde æquivocat, & claudicat fundamentum Vazq. dum confundit fieri ex aliquo ut ex parte constituyente tantum, vel fieri ex aliquo, ut ex principio transmutationis, quod est principium ipsius fieri. Quod enim fiat aliquid ut constans ex aliquo tanquam ex parte vel prædicato constituyente se, non tollit quod fiat simpliciter ex nihilo, si alias nullum principium præsupponit, per cuius transmutationem fiat, hoc enim est quod solum opponitur ipsi creationi, ut est ex nihilo. *Cuius ratio manifesta est*, quia in creatione fieri ex nihilo tenet se ex parte termini à quo, in composito autè constare ex partibus & esse ex illis tanquam ex constituentibus tenet se solum ex parte termini ad quem, cum pertineant ad constitutum talis termini, ergo hoc, quod est esse ex aliquo tanquam ex parte constituyente, non opponitur huic quod est esse ex nihilo simpliciter tanquam ex termino à quo, ergo, neque opponitur ipsi creationi, quia creatio saluatur in hoc præcise, quod sit ex nihilo tanquam ex termino à quo, & consequenter non quod præsupponat aliquid tanquam subiectum transmutatum; si autè subiectum ipsum fiat, ut est pars constitutiva totius, magis fit ipsum totum, quam pars, siquidem non ex præsuppositione partis, ut transmutandæ ad hoc ut fiat totum, sed sine tali transmutatione ipsum totum fit. Si autem non præsupponit par-

tem, ut ex eius transmutatione fiat totum, sed solum facit partem, ut constituentem totum, utique propter ipsum totum facit partem, & tanquam aliquid minus ipso toto facit eam, ergo principaliter respicit totum, & minus principaliter partem, ergo directe per creationem fit ipsum compositum non verò pars quæ est materia, sed ista concreatur tanquam minus principalis ad creationem totius, cui directe convenit esse tanquam rei subsistenti ut *quod*, & consequenter creari ut *quod*, quia creatio directe respicit esse. Itaque fieri ex aliquo ut ex parte constituyente, & pertinente ad esse rei non tollit creationem, neque constituit generationem, sed fieri ex aliquo tanquam ex principio præsupposito, per cuius transmutationem fiat ipsa res hoc constituit generationem, quia generatio transmutatio est.

*Dices S. Thom. in 2. dist. 1. q. 1. art. 3. inquit. Quod esse est per creationem, & alia perfectiones superaddita per informationem & in composito præcipue illud esse primæ partis, scilicet materia, ergo præsupponit S. Tho. creationem primo, & directe terminari ad materiam, & illi convenire esse. Resp. quod illud esse primæ partis scilicet materiæ est esse potentia, & dicitur præcipue esse per creationem ex ea parte, qua non præsupponit aliquod subiectum ex quo fiat, non ex ea parte qua habeat esse absolute, & simpliciter, hoc enim non habet nisi dependenter à forma, & hac ratione dicitur cōcreari, ut ex D. Th. *locis cit.* constat, scilicet ratione esse per formam haberi, non absolute in se.*

Ad instantias adductas à P. Vazquez respondetur ad id quod dicit compositum fieri ex aliquo, scilicet ex partibus, & sic non fieri ex nihilo iam respondimus non fieri ex aliquo ut principio transmutationis, sed ex aliquo ut intrinsece costituente, quod non tollit creationem, neque compositum fieri ex nihilo ut ex termino à quo cum pars constituens solū teneat se ex parte termini ad quæ.

Ad instantias, quas assert ad probandum materiam creari primo, & per se. resp. materiam

teriā fieri ex nihilo nō vt habēs esse, sed vt pars in potentia ad formā rei habentis esse, non est autē inconueniens, quod materia mutetur in esse actūali, si ut mutatur in informatione transcūdo de priuatione ad actū & de vna forma ad aliā, & consequēter de vno esse ad aliud, quod nō est corrumpi n si per accidens & quantum ad successiōnē in esse non quātum ad totalem definitiōnē, quia ipsa entitas materiæ est capax existendi per quācumque formam ex his, quas potest recipere, vnde esse modo sub vna forma modo sub aliā, non est totaliter definire, & amittere esse sed transmutare illud relinquendo vnum modū inadæquatum essendi, & acquirendo aliū intra spherā suarū formarū à quibus habet esse; sicut si humanitas mea modo assumeretur à persona diuina acciperet aliud esse, & subsistere nō tamen corrūperetur, quia ita exueret proprium esse, quod subrogatur aliud loco illius. Et vno verbo, amittere esse adæquatē, & totaliter est corrūpi, amittere esse inadæquatē, & cum subrogatione, & successione alterius, non est definire, nec corrūpi. Nec similiter generans, quod inducit formam in materiam dicitur producere, aut generare materiam, licet faciat illam existere non enim facit materiam quantum ad potentialem suam entitatem quæ est propria entitas materiæ, neque ex aliquo subiecto educit, sicut requiritur ad generationem, sed educendo formam ex illa, transmutat eius esse, & ita non facit illam absolutē existere, eo quod entitas materiæ non est limitata ad esse vnius formæ, sed est capax habendi esse sub quacunque forma & ideo transmutans formas in materia non dat materiæ esse absolutē, sed transmutatiuē de vna forma ad aliā, sicut existens in loco quantumcumque mutantur superficies, dicitur manere in eodem loco, quia habet eundem effectum existendi in loco, prouenientem à diuersis superficiebus successiue, quarum vna subrogatur alteri in locando; & animal dicitur habere idem corpus licet diuersæ partes succedant, quia sub eadem

forma, & dispositione, & ordine succedunt. Sic licet materiæ succedant diuersa esse inadæquate ex diuersis formis, quia tamen succedunt in ordine ad conseruandum eandem entitatem potentialem materiæ, quæ est capax omnium formarum, ideo permanet eadem entitas materiæ sub diuersa successione existentia, & esse formarum, & ideo generans tales formas, licet communicet materiæ effectum formalem, & esse formæ non tamen dicitur materiam corrumpere, aut generare, quia non primo, & adæquate dat esse, sed conseruat entitatem eius in successione diuersi esse: sicut e contra qui diuersas partes materiæ successiue aggenerat animali, licet diuersum corpus materialiter tribuat, non tamen dicitur generare illud, sed sub eodem corpore conseruare. Nec tamen, quia materia fit à Deo sub forma, dicitur fieri ex illa, vt ex subiecto, sed dependenter ab illa vt ab actū. Quare nullo modo potest creatio materiæ assimilari creationi animæ rationalis quia anima fit vt habens in se esse, & subsistens independenter à materia licet comunicabiliter materiæ; & quia comunicabiliter, non suppositaliter, materia autem non fit, vt habens esse independenter à forma, sed vt recipiens à forma:

Ad rationem dubitandi, à principio ad probandum, quod subiectū generationis, quantum ad inhaesionem non sit res generata *respondetur ex dictis*, quod subiectū mutationis non est subiectum inhaesionis sub eadem formalitate, & ratione; est enim subiectum mutationis quatenus est in potentia ad aliquam formam, est vero inhaesionis non solum vt recipit, sed vt est in actū dans esse, & sustentans in esse formam inhaerentem; Vnde cum ratione in materiæ substantia sit in potentia ad formas substantiales, ratione totius habeat existentiam, ita quod ipsa materia secundum se eam non habet, sed prout in toto, inde nt, quod ratione sui sit subiectum mutationis non vero sit subiectum inhaesionis, nisi mediante toto in quo

in quo solum habetur existentia & ratio sustentandi in esse, ut dicemus *infra questione nona*, hoc autem non est res quæ corrumpitur quia definit esse, ergo res quæ generatur.

Sed instabis, nam subiectum formæ educationis, vel unitæ non solum quoad mutationem, sed etiam quoad informationem est materia, & non compositum, ergo & subiectum educationis, seu generationis. *Ante e-*
dens est certum, quia id quod est informabile à forma substantiali non est nisi materia prima, illud autem dicitur subiectum formæ, quod est informabile ab ea. *Consequen-*
tenetur, quia actio identificatur cum termino: ergo quod est subiectum termini seu formæ erit subiectum actionis ad illam. *Confirmatur*, quia in alijs motibus in eo subiecto est actio ubi est terminus, quia subiectum in quo inheret mutatio debet esse commune utrique termino mutationis, ergo cum subiectum utriusque termini seu formæ quæ generatur, sit materia prima, illa enim recipit utramque formam, illa etiam debet esse subiectum generationis, quantum ad inhesionem. Denique faciunt ad hoc auctoritates S. Th. ut in 1. de Gen. lect. 10. & 8. Met. lect. 1. & 1. p. q. 45. art. 2. ad 2. & q. 2. de Pot. art. 3. ad 4. in 2. d. st. 12 q. 1. ad 2. Vbi perpetuo assignat pro subiecto proprio susceptibili generationis, & corruptionis materiam 1.

Respondetur negando consequentiam, quantum ad subiectum inhesionis; & *ad probationem respondetur*, quod actio identificatur cum forma, *distinguo* inadæquatè tanquam cum termino formali *concedo*, adæquatè & tanquam cum termino totali, *nego*. Itaque retorqueri potest argumentum, nam generatio identificatur cum termino totali, terminus totalis est compositum, ergo generatio est in composito, & non in sola materia, & sic subiectum inhesionis non erit subiectum formæ, cum qua identificatur generatio, tanquam cum termino formali tantum, sed subiectum generationis quantum ad sustentationem in esse erit ipsum totum cui directè conuenit esse su-

Pars II. Phys.

sistentiatuum, materia autem prima erit subiectum quo recipiendi, non subiectum, quod sustentandi. *Ad confirmationem respondetur*, quod in alijs mutationibus subiectum, quod mutatur est ipsum compositum, seu ens completum, & in actu, eò quod mutationes illæ sunt ad accidentia, & ideo idem est subiectum inhesionis, & mutationis. Quod secus accidit in generatione substantiali, quæ est ad formam substantialem, ubi non potest assignari subiectum inhesionis, & mutationis sub eadem formalitate, sed subiectum inhesionis est ipsum totum, secundum quod induit esse subsistens & sustentans. est autem subiectum mutationis ratione materiæ, cuius potentialitas mutatur ad formam. Nec oportet manere utrique formæ seu termino commune subiectum inhesionis; sufficit quod maneat subiectum commune mutationis, licet actio inhaereat in composito in quo est tale subiectum mutationis, quia materia prima non est sufficiens sustentare accidentia, nisi dependenter à toto ut subiecto quod; hoc enim est inhaerere illi, ut latius dicemus *quest. 9.*

Ad auctoritates D. Thom. respondetur, loqui de subiecto generationis ut mutatio est non de subiecto inhesionis excludendo compositum, imò expressè in citato loco *quest. 3. de Potent. art. 3. ad 4.* docet generationem secundum rationem mutationis esse in materia prima, secundum vero relationem esse in composito, ut supra retulimus.

ARTICVLVS VI.

Verum in generatione substantiali fiat resolutio omnis formæ vsque ad materiam primam?

Resolui vsque ad materiam primam, idem est quod spoliari materiam primam omni forma tam substantiali, quam accidentali, quando fit generatio. Et inquirimus an tollatur à materia omnis forma tam substantialis, quam accidentalis, quando aliqua de nouo introducitur, quod alijs verbis etiam inquiri solet, an videlicet ea-

B

dem

dem accidentia, quæ erant in corrupto, manent in genito. Et quidem de resolutione omnis formæ substantialis in præsentem non tractamus, sed supponimus totaliter spoliari materiam forma substantiali, quando fit generatio, eò quòd in composito nō sunt plures formæ substantiales, ut ostendimus in *quest. 1. de anima*. unde exclusa una forma substantiali, ut altera introducat, omni forma substantiali præcedente spoliatur.

De resolutione ergo omnis formæ accidentalis difficultus est. Nam ex vna parte videtur non posse omnia accidentia corrumpi, sed in instanti generationis debere permanere, tūm quia in illo instanti debent esse dispositiones, ut reddant materiam dispositam & determinatam ad hanc formam potius, quā ad aliam, alias maneret materia indifferens, & indeterminata ad talem formam. Similiter debent manere in illo instanti accidentia, quæ se habeant tanquam virtus ipsius generantis, si generans non sit illi coniunctum, oportet enim in illo instanti procedere generationem ab aliquo effectiue non à generante, quia ut supponimus non est ibi, non à virtute generantis, vel cœli, aut alterius agentis ibi relicta, quia virtus hæc subiectabatur in re quæ corrumpitur: ergo si desinunt omnia accidentia in illo instanti, perit etiam illa virtus: tūm etiam quia est specialis ratio de aliquibus accidentibus quæ omnino à materia auelli non possunt, v.g. quantitas, quæ sequitur ipsam materiam, sicut qualitas formam, & mediante quantitate redditur materia diuisa, & indiuiduata; constat autem in instanti generationis supponi materiam indiuiduam, & ab alijs materijs separatam: ergo habentem quantitatem, per quam fit ista diuisio; quod specialiter urget in homine, in quo quantitas non potest subiectari nisi in sola materia, quia forma est spiritualis: ergo quantitas materiæ nō euacuatur quando producit homo, & consequenter, neque videntur tolli alia ac-

cidentia quæ mediante quantitate subiectantur in substantia. tūm denique est difficultas de aliquibus accidentibus, quæ non videntur cōpetere rei genitæ, nisi maneat in ipsa materia, sicut videmus in cadauere manere eandem cicatricem, eandem colorem nigrum, eandem signa, &c. Aliquando etiam manet calor foras viscera animalis mortui, qui non potest generari à suo corruptante, præsertim quòd suffocatur ab aqua, neque in aqua potest generare calorem. Similiter si animal in fœm impulsū moriatur in aere non cessante impulsu, non potest in eadem re generari ille nouus impulsus, quia non potest produci à generante ipsum cadauere, cum tale generans non habeat vniuersum impulsū, cum non sit viuens, ergo illa accidentia non extrahuntur ab ipsa materia, nec alia ei similia producuntur, quia non est causa à qua producantur.

Ex alia vna parte obstant duo principia factis nota apud D. Thom. scil. quòd accidentia subiectantur in toto, quo perente perent accidentia; & secundo quòd materia recipit formam substantialem, prius quam accidentalem, ergo exuta forma substantiali, exuuntur omnia accidentia ante recepta, aliàs manerent aliqua recepta immediate in ipsa materia ante formam substantialem.

Hinc est quòd ista difficultas maxime pendet ex alia infra tractanda, *quest. 9.* an. videlicet subiectū accidentium sit sola materia, vel ipsum compositum. Qui enim tenent materiam esse immediatum subiectū accidentium, consequenter dicunt non oportere in introductione formæ substantialis resolui omnia accidentia; & ita tenet hanc sententiam P. Suarez, *d. sp. 14. Metaph. sect. 3.* vbi plures citat ex antiquis, & plures etiā referuntur pro hac sententia à Cominbr. *1. de Generat. cap. 4. quest. 18. art. 1.* præsertim ex nominatibus, ut Gabriel Ocham, Gregorius. Videri etiam potest Murcia, *disp. 1. de Gener. quest. 5.* & alij ex recentioribus.

ihilominus sententia S. Thom. est, in
atque substantia fieri resolutionem ac-
um, ut ut nullam, quod erat in corru-
inquitur in genito. Sed de nouo produca-
onstat hoc ex ipso D. Thom. 1. p. q. 76.
inquit: Impossibile est quod aliqua d. spo-
accidentaliter cadat media inter corpus, &
atque, vel inter quatuorunque formam sub-
stantialem, & materiam suam. Et hoc ibi pro-
positione statim adducenda. Idem docet
de Gener. lib. 10. ubi inquit: Non ma-
iora numero accidens, sed id quod prius
oritur per accidens corruptione subie-
aduenire simile accidens consequens for-
de nouo aduenientem. Et videri etiam
in quest. de spiritualib. creatura, art. 3. ad
quest. de anima, ar. 9. ad 1. Eandem sen-
in communiter sequuntur Thomistæ,
Sonein. Capreol. Bannez, & alij quos
, & sequuntur Conimbr. 1. de Gener.
art. 2. Carmelitani, lib. 1. de Gener.
q. 6. Fonseca 5. Meth. c. 28. q. 20. sect. 2.
idamentum est illud duplex principi-
ra insinuat. Et quidem primum,
quod ipsum totum, & non sola mate-
subiectum accidentium infra quest. 9.
adum à nobis est; ibi videatur.

Secundum principium, quod ponitur à D.
 ubi sup. est quia materia, licet sit su-
 ta formæ substantialis, & accidenta-
 men ordine quodam recipit illas, eò
 quia formæ inter se ordinatæ sunt, &
 entialiter supponit alterā, sicut gra-
 teratius supponit sensitium, & a-
 collectus supponit potentiam, sic esse
 scale supponit substantiale, tanquam
 liter illi coordinatum, & ab eo de-
 is, esse autem substantiale datur per
 in substantialem.

Ad ut radicatus percipiatur distingu-
 est de accidentibus quæ sunt pro-
 fessiones & quæ sunt communia. Si
 cidentia propria certum est, quod
 erent materiæ, neque illi uniuntur,
 tiant forma, eò quod non conue-
 iatiæ, nisi ut dimanantia à forma,

non dimanant autem à forma, nisi ut unita
 materiæ, quia non dimanant ab ea, nisi ut
 habente esse habet autem esse forma, quan-
 do est in materia, vel quia dependet ab illa,
 vel quia creatur in illa, ergo prius est for-
 mam inesse materiæ, & illi dare esse, quam
 materiam recipere accidentia dimanantia
 ab illa, & ita calor in igne producto non
 potest esse idem numero qui erat in ligno
 quando disponebatur ad ignem, quia iste
 dimanat à forma ignis introductæ. Si vero
 accidentia sint communia, vel possunt dici
 communia, quia licet dimanent à forma,
 dimanant tamen secundum gradum com-
 munem, non secundum ultimam differen-
 tiam, sicut quantitas dimanat à gradu cor-
 poris, qui est communis omnibus, tam ele-
 mentis, quam mixtis, & de his accidenti-
 bus eadem ratio est, atque de proprijs,
 quia ut aduertit D. Thom. 1. part. quest. 76.
 art. 6. ad 1. sicut dantur diuersi gradus vi-
 nius, & eiusdem formæ, ita consequuntur
 vnumquodque genus, seu gradum sua pro-
 pria accidentia. Quare ista accidentia pro-
 ut sic dimanantia, & consequuta, necessa-
 rio supponunt formam in materia, ut ab ea
 consequantur, non verò ipsa prius ponun-
 tur in materia, quam forma à qua conse-
 quuntur.

Si verò sint accidentia communia & nul-
 lo modo dimanent à forma, sed fortuito
 conueniant alicui, & tanquam non per se
 connexa, adhuc talia accidentia non reman-
 ent in materia, nec illi conueniunt ante
 formam. Primò quidem quia illa acciden-
 tia non determinant materiam ultimo, ne-
 que disponunt ad introductionem formæ,
 cum non habeant connexionem per se cum
 forma, ergo non est ratio cur ponantur in ma-
 teria antequam forma substantialis ad quā
 est immediatus ordo materiæ, quia materia
 est potentia substantialis, & ideo immédia-
 tē respicit actum substantialem. Vnde si dis-
 positiones per se requisitæ, & determinan-
 tes materiam, non prius recipiuntur in illa
 quā forma, multò minus accidentia non per

seconnexa. *Deinde*, quia habitudo materiæ ad formam substantialem est immediata, & essentialis, antequam respiciat accidentalem, quia materia est potentia substantialis, cuius immediatum, & per se correspondens debet esse actus substantialis ex ordine enim ad actum denominatur, & constituitur potentia. Vnde non solum materia respicit formam substantialem, tanquã principalem ordine intentionis, accidentalem autem ordine executionis, ut P. Suarez dicit, *ubi supra numero 50.* sed formam substantialem respicit quasi immediatum specificatum, & ita debet respicere illam ut prius attractam non solum prius intentione, sed etiam executione, quia quod essentialiter, & primario terminat habitudinem prius attingitur in executione, quàm secundarium, quia prius essentia constituitur in executione, & non solum in intentione, quàm id quod secundarium est. Et præsertim, quia accidens dependet à substantia in existendo, quia substantia per se existit, accidens autem inexistit, & inhæret, quod autem est prius in ordine existendi, est prius ordine executionis, & non solum intentionis, executio enim respicit esse existentis, & ita cum forma substantialis det materiæ esse substantiale, consequenter dat esse in ordine, & linea existendi, quod est prius ordine inhærendi, & consequenter, si ordo executionis est ordo existendi, etiam in hoc ordine debet esse prior forma substantialis, quàm accidentalis. Et hinc est quod quia accidens dependet à substantia secundum ordinem existentia, valde assimilatur dependentia à causa efficiens, quatenus causa efficiens præsupponit esse, ut ab ea dependeat effectus, & ideo Deus mediâ efficientiâ suâ supplere potest dependentiam actualem accidentis à substantia sustentante, quia in hoc idem potest facere efficiens, quod sustentans. Quare materia remota forma substantiali non potest retinere accidentia, & ideo non transeunt eadem numero de

corrupto ad genitum existendo immediate in materia.

Dices sufficere ad sustentanda accidentia esse parziale, quod habet materia, atque adeo licet dicat ordinem primo, & per se ad formam substantialem, adhuc sufficiens esse manet in materia ad sustentanda accidentia præsertim quæ dimanant ab illa, ut quantitas, vel accidentia communia.

Secundò non sequitur corrumpi accidentia, licet mutetur forma, & esse substantiale, quia subrogatur loco eius aliud æquè benè sustentans tale accidens in esse, quæ ratione diximus supra materiam primam non perire adueniente noua forma, licet mutetur eius esse, quia subrogatur aliud æquè benè præbens esse materiæ.

Ad primum respondetur, non sufficere illud esse parziale materiæ ad sustentanda accidentia, tum quia materia non habet esse parziale, sed tantum esse accipit à forma, eò quod forma dat esse substantiale, atque adeo primum esse quod substat alijs, alias non esset substantiale, non ergo supponit aliud prius in materia; tum quia dato, quod haberet esse parziale, adhuc non posset sustentare accidentia, nisi dependenter à toto seu composito tanquam existente ut *quod*, vnde ipsa materia solum est principium sustentandi accidentia ut *quo*, remoto autem vel destructo principio *quod*, & non subrogato alio supplente in omnibus vices eius, principium *quo* neque agit neque recipit. Falsum est autem, quod quantitas dimanat à sola materia, siquidem dimanat à gradu corporeitatis, quem præbet forma, & sic iuxta diuersas formas videmus variari quantitates, alias si eadem quantitas semper inesset materiæ, fortius & intimius vniretur accidens materiæ, quàm forma substantialis, quæ variatur, cum tamen materia prius essentialiter respiciat formam substantialem.

Ad secundum dicitur, non subrogari accidenti aliud æquiualens, quia subiectum diuersum non potest continere idẽ numero acci-

dens, quod aliud subiectum, quia vna sola naturalis non continet effectus aliter totaliter etiam quoad omnem indiuiduationem; sola causa prima potest id totiter continere, & supplere propter omnimodam subordinationem causæ secundæ ad primam in omni ratione entis, de quo dicimus, *quæst. 12. Physicor.* & dicemus *infra quæst. 12.* Et hac ratione Deus sustentans accidens extra subiectum conseruat illud idem numero. At vero materia subrogatis diuersis formis conseruatur eadem numero, quia quælibet forma inadæquate respicitur à materia, & omnium illarum est capax, vt à qualibet conseruetur, accidens vero non respicit plura subiecta, sed adæquate ab vno sustentatur, & indiuiduatur.

Ad primum, à principio de dispositionibus determinantibus materiam, & efficientibus generationem in vltimo instanti dicemus *sequenti articulo*, quia de hoc est specialis difficultas:

Ad secundum resp. quod quantitas non sequitur materiam inhæsiue, & dimanatiue, sed solum sequitur materiam vt est sub forma, & vt accipit ab illa gradum corporeitatis, cuius proprium accidens est quantitas, vt S. Tho. docet *sup. 1. q. 76.* Dicitur autem quantitas sequi materiam, sicut qualitas formam, tum propter similitudinem, tum propter generalitatem, propter similitudinem quidem, quia materia est pure passiuæ, similiter quantitas nullo modo est actiuæ; propter generalitatem autem, quia tam generalis est quantitas materiæ, sicut gradus corporeitatis, nulla autem materia reperitur sine corporeitate, & nulla sine quantitate.

Quod vero dicitur, materiam indiuiduari per quantitatem, & debere supponi indiuiduam in instanti generationis, *resp.* materiam non indiuiduari per quantitatem substantialiter, sed per propriam incommunicabilitatem, quantitas autem solum concurrere non tam ad rationem indiuiduationis, quam ad eius multiplicationem, & di-

uisionem, hæc enim fit per quantitatem, & se habet vt conditio diuidens & requisita necessario, vt eius diuisione posita, non ab ipsa, sed à substantia seu materia sub quantitate diuisa resultet diuersa indiuidualitas substantialis, vt dicemus *inf. q. 9.* agendo de principio indiuiduationis. Hanc autem quantitatem, qua indiuiduatur, & indiuiduat materia, sufficit quod in instanti generationis habeat, prioritate causæ formalis à forma, prioritate dispositiuæ causæ, & materialis à materia, non vero requiritur, quod ipsi materiæ sit corrua, eique perpetuo inhæreat, quod ibi latius explicabitur. Nec hoc habet specialem difficultatem in homine, quia licet forma eius entitatiue sit spiritalis, informatiue tamen, & virtualiter est corporea & vt *quo*, quatenus præbet gradum corporeitatis, à quo sequitur quantitas, sicut & alia accidentia corporea. Et sic ipsum totum quod resultat, simpliciter est corporeum scilicet homo atque aded capax quantitatis vt *quod*, principium autem recipiendi quantitatem vt *quo* est ipsa materia vt subest formæ, quatenus dat gradum corporeitatis.

Ad secundum Respond. illa accidentia quæ remanent in genito non esse eadem numero quæ in corrupto, sed similia, vt expresse docet S. Th. 1. *de gener. lect. 10.* eo quod aliquæ formæ habent talem symbolizationem, & afinitatem, vt petant similia accidentia præsertim in principio suæ generationis quando nondum omnem suam perfectionem obtinent, & inter istas formas est facilis transmutatio, sicut embrionis in animal, animalis in cadauer, & sic cum sint formæ viales & tendentes ad vltiorem formam petunt similitudinem in accidentibus. *Aliquando* autem generans producit accidens simile ei quod erat in corrupto propter necessitatem materiæ ex qua fit generatio. *Pro quo notandum est*, quod formæ, quæ generantur, aut quando de nouo fit augmentatio, vel nutritio, licet accidentia propria siue proprias passionem non habeant ex ma-

teria, multa tamen accidentia communia fortientur ex determinatione materiæ in quam introducitur forma, quia accidentia communia non emanant à forma, sed à generante præbente illa iuxta occurrentem materiam, & circumstantias, sicut patet quod à generante præbetur ubi, & situs, etiam cum aliquid generetur extra proprium locum tanquam accidens commune, & mutabile; cum autem generans ita agat in passum quod etiam repetitur ab illo ut infra dicemus *quest.* nec perfecte vincit passum in omnibus, oportet quod in ipso genito producantur accidentia aliqua à generante, non absolute ut e in se, sed ut modificato, & temperato per reactionem passi, ab illo enim determinatur generans ad producendum aliquas qualitates, quas ex se solum non produceret, unde quando aqua vel ignis, aut ferrum interficit animal, & generatur forma cadaueris siue ab ipsis, siue à cœlo, ut à principali agente, tunc illa accidentia communia producuntur, quæ iuxta passi resistantiam, aut exigentiam, generans potest producere, & ita aliquando producitur calor in visceribus animalis, licet ab agente frigido introducatur forma cadaueris, eo quod illud agens frigidum licet per se & directe solum producat frigus, tamen ut repetitur à calido quando interficit animal, imbutur qualitatibus calidi, & sic etiam aliquid caloris producit cum forma cadaueris: aliquando verò talis calor producitur per antiperistasis, seu circumobstentiam contrarij, & à cœlo ut utro luceat formam cadaueris, tanquam à causa per se. Quid sit antiperistasis dicemus *quest.* sit eadem ratione videmus nutriti non generare aliquando alimentum cum alienis qualitatibus, & nociuis propter repulsionem à materia, quæ suis qualitatibus imbut nutritionem, & similiter generari animal cum alijs qualitatibus licet semen sit bonum propter infectionem sanguinis, qui est materia. Sic ergo agens, seu generans non solum confi-

derandum est quid possit generare ex se, sed quid possit iuxta modificationem quæ habet ex resistantia passi, seu reactione, & secundum virtutem quam inde participat, & similiter secundum virtutem, quam habet à cœlo, & ab alijs circumstantibus à quibus omnibus determinatur, vel accipit vim producendi aliqua accidentia communia, iuxta exigentiam materiæ in qua operatur, atque adeò potest generare similem colorem, cicatricem, & similiter impulsum, & alia similia non vi sua de nouo impellendo, sed continuando impulsum quatenus ex corpore impulso generatur cadauer, & ita virtus impressa ab impellente ipsi animali quod corrumpitur, cum in corruptente non inueniat dispositionem contrariam, à qua extinguatur determinat ipsum corruptens, & communicat illi vim continuandi similem impulsu in cadauere. *Nec obstat*, quod sensus nullam in hoc sentit mutationem, nec enim ad sensum pertinet iudicare de mutatione individuali, quæ sit ex sola corruptione subiecti, quando subrogatur illi accidens eiusdem speciei, sed tunc quando alteratur, & mutatur accidens sine alterius similis substitutione.

Sed adhuc obijciat D. Tho. 4. contra Gent. cap. 81. dicentem, quod materia hominis post eius mortem quæ talis forma fuit subiecta manet sub eisdem dimensionibus ex quibus habebat, ut esset materia individualis, ergo non denudatur materia omni accidente saltem quantitate, per quam sigillatur, & determinatur, ut sit hæc individua materia. Et confirmatur, quia dispositiones antecedentes non habet contrarium à quo corrumpatur per subsequentes, siquidem sunt eiusdem rationis cum illis, ergo manent. Nec disporet quod per defitionem subiecti denuntiam contra est, quia dispositio ultima cum annexa sit ipsi formæ genitæ, non corrumpitur per eius destructionem, cum potius tunc generetur; dispositio autem infra ultimam est compatibilis cum subiecto corrup-

mpendo, ergo non desinit ex sola de
e subiecti, sed à contrario; hoc autem
atur, quia ultima dispositio non est
aria illi antecedenti, quæ est infra vi-
r, sed est eiusdem speciei, verbi gra-
alor ut octo cum calore ut septem.

Resp. D. Tho. intelligi quod manet mate-
re eiusdem dimensionibus radicaliter,
census materia est radix earundem di-
ensionum non formaliter, quia non manet
eius quantitas, nec sub eadem forma, ma-
tamen in materia ordo ad eandem for-
am, id est ad animam ut recuperandam
et resurrectionem diuinitus, & sic manet
eiusdimensio radicaliter. Quod confir-
mat ibidem S. Thom. dicens quod corpo-
reitas est duplex, alia substantialis scilicet
ratio corporis de genere substantiæ, que
non est aliud quam ipsa forma, alia acci-
dentalis quæ est species quantitatis quæ est cor-
pus. Et de hac subdit S. Thom. *Quod licet ce-
dat in nihilum corpore humano corrupto, ta-
men non impedit, quod idem homo numero
resurgat, quia manet eadem corporeitas, ea-
dem manente forma hominis.* Sentit ergo D.
Thom. quod non manet eadem dimensio
quantitativa in materia hominis, sed idem
ordo ad formam, humanam, unde habebit
easdem dimensiones, quia habebit eandem
corporeitatem. Alia loca D. Thom. ex q. 7.
¶ *¶ Sententia partis explicabimus articulo se-
quenti.*

Ad Confr. Resp. dispositiones anteceden-
tes non corrumpi ab ultima dispositione
directe tanquam à contrario, sed indirecte,
& per accidens, quia introducunt formam
incompossibilem præcedenti, & consequen-
ter destruitur subiectum talium dispositio-
num antecedentium, & sic ipsæ desinunt ad
desitionem subiecti in quo erant: non est
autem inconueniens quod per accidens, &
indirecte aliquid corrumpatur à suo fi-
nili, destructo fundamento eius,
cui inuicebatur.

ARTICVLVS VII.

*Quomodo ultima dispositio causatur, vel causetur
generatione in substantiam?*

Supposita sententia in articulo præcedē-
ti explicata, quod forma introducit in
materiam denudatam omni forma, tã sub-
stantiali, quam accidentali, duplex vrget
difficultas in præsentī articulo pertractan-
da. *Prima;* quomodo ultima dispositio pos-
sit causari ad modum, quo ceteræ anteceden-
tes causatæ sunt, alia enim in ipso sub-
iecto, quod corrumpitur introducuntur,
ultima autem dispositio si in ipso subiecto
causaretur, cum ipso corrumperetur, &
sic non coniungeretur formæ substantiali,
quæ de nouo generatur. Si autem produci-
tur ultima dispositio in subiecto, quod de
nouo generatur, tunc non produceretur
per alterationem sicut ceteræ anteceden-
tes, & sic non continuabitur illis, & con-
sequenter non erit causa corrumpendi for-
mam & disponendi materiam ultimatè ad
introductionem formæ, siquidem non exi-
sit in subiecto ante generationem formæ
substantialis, & consequenter non expellit
formam corruptam, neq; materiam ipsam
disponit ut recipiat formam de nouo, siqui-
dem post ipsam formam talis dispositio cõ-
uenit subiecto. quidquid autem infra talem
dispositionem est, compatitur cum forma
corrupta, & sic non expellit illam.

Secunda difficultas est, quomodo ultima
dispositio possit causare formam quæ de
de nouo generatur, siue effectiue, siue ma-
terialiter, siquidem dispositio illa transit
cum subiecto quod corrumpitur, siqui-
dem in sola materia nuda non remanet,
supposita sententia explicata articulo præ-
cedenti, & infra *questionē 9.* explicanda,
quod accidentia nō subiectantur immedia-
te in materia prima, & sic non transeunt de
corrupto ad genitum, ex quo fit quod vlti-
ma dispositio nō potest materialiter deter-
minare materiam, siquidem non inhaeret.

nec

nec afficit illam. Similiter etiam non potest effectiue attingere ipsam formam, quia consequitur post ipsam in subiecto, ergo non potest effectiue illam generare, & sic generabitur forma à dispositione remota effectiue, quæ est minor ipsa vltimâ, quod itare non potest, quia comparitur cum forma corrupta nec habet perfectam, & vltimam virtutem quæ vltimo ordinetur, & connectatur cum forma genita, ergo non potest in illam influere effectiue.

Et vrgetur amplius, quia si vltima dispositio non efficitur à generante in subiecto corrumendo, sed in ipsa re genita, ergo in instanti generationis prius efficietur ipsa forma substantialis, & mediante ipsa emanabit vltima dispositio tanquam accidens illius, ergo non est virtus efficiens ipsius generantis respectu formæ substantialis, cum potius ab ipsa forma emanet. Similiter in instanti generationis debet præsupponi materia præparata, & disposita, vt introducatur forma, sed tunc materia denudatur omni accidenti, & dispositione, ergo omni effectui formali accidentis disponentis, & determinantis materiam, ergo nõ remanet materia determinata, & disposita neque formaliter, neque virtualiter; non formaliter quia nulla forma disponens tunc est, nõ virtualiter, quia nulla alia forma remanet in cuius virtute contineatur illa dispositio, nisi solum quædam connotatio extrinseca, quod immediate antea fuerit dispositio non vltima, quia vltima non fuit in tali subiecto; hoc autem non sufficit vt materia dicatur intrinsece, & realiter determinata, & disposita.

Denique est generalis difficultas, quomodo in illo instanti dispositiones possint operari effectiue, quia præcedentes tunc non sunt, sed desinunt esse, subsequentes autem efficiuntur tunc, ergo non efficiunt ipsam generationem. Et dato quod tunc existant, non possunt agere effectiue in subiectum in quo sunt, vt docet S. Thom. 1. 2. *quest.* 85. *artic.* 1. ad 4. Nec ipsum subiectum agit per il-

las, quia alias eadem pars ageret, & pateretur, esset mouens, & mota.

Difficultates istæ parum vrgent eos qui tenent accidentia subiectionari in materia immediate, & consequenter ea quæ sunt in corrupto posse manere in genito, & sic facile concedunt dispositionem vltimam immitteri à generante in ipsam materiam quando est sub forma corrupta, & sic præparare materiam per dispositionem vltimam, quæ habet ante formam, & consequenter ab ipsa forma non dimanare vltimam dispositionem, pro qua sententia plures citantur à P. Suarez *disp.* 14. *metaphys.* *sect.* 3. Cæterum quia multi alij existimant subiectionari quidem accidentia in materia sola, præsupponendo tamen prius vnionem ad formam substantialem vt Comimb. 1. *de generatione* *cap.* 4. *q.* 4. & probabile reputat Suarez *loc. citat.* *num.* 37. & 40. & 60. ideo adhuc locus est in hac sententia vt dicatur dispositionem vltimam non dari in materia ante formam substantialem, sed ab ipsa forma dimanare. Vnde ipse P. Suarez *tom.* 3. *de gratia* *lib.* 8. *cap.* 13. *num.* 10. licet dicat esse probabilius dispositionem antecedentem non perire in instanti generationis, sed manere in genito, ibique consummari in ratione dispositionis vltimæ, opus positum tamen admittit vt probabile, sed dicit quod in ea sententia oportet respondere, quod vel vltima dispositio non præparat materiam, sed forma recipitur in materia immediate, hoc ipso quod denudatur omni forma, vel si præparat materiam, ipsa prout præparans non est à forma, sed à generante.

Reducitur ergo difficultas ad hoc. an vltima dispositio procedat à forma genita quasi effectiue, & dimanatiue, & tamen præparet, & disponat ipsam materiam, an verò, si præparat materiam non procedat ab ipsa forma, sed ab ipso generante, vel denique an vltima dispositio nullo modo præparet materiam ad formam, sed introducatur in nuda materia, dispositio autem vltima sequatur formam tanquam dispositio ornans

non preparans, & determinans materiam ad talem formam. Quod si vltima dispositio verumque habet, scilicet determinare materiam, & consequi ad formam, restat videre quomodo id faciat in instanti generationis, & praesertim, an dispositio vltima habeat esse virtus effectiua generantis in illo instanti.

Dico ergo primo siue *accidentia subiectur in sola materia, siue in toto composito, dispositio vltima nunquam est si non cum forma qua corrumpitur, sed cum illa qua generatur.* Hæc conclusio tangitain certa in hac difficultate statuenda est. Et probatur, quia dispositio vltima expellit formam oppositam a materia, quia ut dicit D. Thom. *quest. 25. de verit. art. 8. ad vltimum* per calorem in summo expellitur forma aque, & ita non sunt simul. Et patet, quia hæc expulsio fit per impossibilitatem dispositionis vltimæ cum forma corrupta, omnes enim dispositiones antecedentes tendunt ad expulsionem & corruptionem formæ, & id eo opponuntur, & contrariantur illi, ergo vltima dispositio est illa quæ vltimo opponitur, & sic impossibilis est cum tali forma, siquidem nõ restat alia vltiori, quæ d'expulsionem eius faciat, ergo non est simul cum tali forma, quia impossibilitatem habet cum illa: Vnde etiam si accidentia recipiantur in sola materia, tamen quia non potest habere simul oppositas, & inconsistentes formas non potest simul habere dispositionem vltimam, & formam corruptam. Et sicut forma genita ut formaliter repellat corruptam, non requiritur, quod ut cum illa sit in materia, alias duæ forent in illa, sed sufficit quod coniungat illi per successionem & expulsionem per similitudinem, ita ut dispositio vltima expellat dispositionem formam corruptam, requiritur, quod simul existat cum ea, quousque succedat illi expellendo non sistenti. Quod autem dispositio vltima simul cum forma genita affirmat D. *citata de verit. art. 7. ad 11. dicens: Quod*

calor consummatus simul introducitur cum forma ignis. Et sumitur ex dictis, quia illa vltima dispositio, sicut est impossibilis cum forma corrupta, ita est impossibilis & connexa cum forma genita, ergo simul est cum illa. nec enim materia datur aliquando sine aliqua forma substantiali, cum qua sit illa accidentalis.

Dico secundo. *Dispositio vltima bene compatitur hæc duo, scil. quod preparat materiam ad formam terminatiuam, & consummat, quod est non solum dari ad ornatum, sed ad preparationem materiam erga formam, & similiter quod talis dispositio causetur a forma in ordine causa formæ in & secundum dependentiam in in esse.* Vtrumque affirmat D. Th. *q. 20. de verit. art. 8. in fine corporis, & in 4. 1. 1. q. 1. art. 4. q. 1. & 2. & art. 5. q. 2. vbi affirmat dispositio nem vltimam esse effectiuam formæ in genere causa formatu, & tamen præcedere in sem in genere cause materiali.* Sed præsertim videri potest D. Th. in 3. d. 13. q. 3. art. 1. vbi distinguit triplex genus dispositionis. Vno modo ita quod cadit medium inter subiectum, & perfectionem nullam, quæ instrumentum perfectionis illius, sicut diaphanitas disponit ad lucem. Alio modo disponit aliquid ad formam sicut preparando materiam ad receptionem formæ, ita quod præexistat in materia ante formam ordine fiendi non ordine essendi, sicut calor disponit ad formam ignis, non quia in se habet eadem inter formam, & materiam, sed materia appropriatur ad formam ignis per aduentum caloris. Tertiò modo aliquid disponit ad perfectionem aliquam, sicut quod facit ad bonitatem, & decentiam perfectionis sicut decor persona facit ad dignitatem regiam. Ecce Sanctus Thom. distinguit dispositionem preparantem materiam ad formam a dispositione ornante, & conducente ad decentiam & in primo ordine ponit dispositionem vltimam ut calor ad formam ignis, quæ ordine fiendi tantum præcedit non ordine existendi seu ut medium existens inter materiam & formam, & consequenter non prius existens in materia, quam forma.

Paris 11. phys.

¶

Exp.

set efficere, non tamen generare, qui si recipitur in illo, ut efficiat, iam supponit esse generatum, & existens.

Si dicatur, influere saltem effectiue in corruptionem formæ oppositæ; contra hoc instat D. Thom. q. 28. de veris. art. 8. in corpore ubi ostendit gratiam non posse per actus à se elicitos effectiue operari ad remissionem culpæ quod est corruptio formæ oppositæ, sed per informationem subiecti informando enim expellit formam oppositā non efficiendo, & ratio est; quia efficientia non est directe ad corruptionem alias terminaretur per se primo ad nō ens, quod est nihil efficere, sed primo & per se terminatur ad aliquam generationem, seu ad formam, & secundario ad corruptionem alterius, ergo si dispositio vltima non potest effectiue concurrere ad generationem, neque effectiue influere in corruptionem.

Sed ex hac conclusione insurgit grandis difficultas, qua virtute generans quando est absens effectiue attingat ipsum genitum, nā dispositio vltima ut diximus non concurrit effectiue ad generationem, dispositio autem infra vltimam non est sufficiens ad producendam formam genitam, v. g. calor ut septem ad producendam formam ignis; tum quia non potest producere calorem ut octo cum sit illo inferior, ergo neque formam ignis, tum quia illa dispositio antecedens subieciatur in ipso corrupto, quia compatitur cum eius forma, ergo in ipso instanti generationis non existit, ergo neque effectiue operatur. *Nec potest dici* quod manet virtualiter, aut quod illa dispositio antecedens continuatur cum forma genita ut significat D. Thom. 3. p. q. 8. art. 13. ad 2. dicens: *Quod dispositio que via generationis procedit, naturaliter perfectionem sequitur, quam aliquo tempore consequutus est, sicut calor qui sit dispositio ad formam ignis, est effectus profluens à forma ignis, & quasi 9. art. 3. ad 1. dicit: Quod per calorem disponitur materia ad suscipiendam formam ignis, qua tamen adueniente calor non cessat, sed remanet quasi*

quidam effectus talis forme. Contra hoc inflatur, quia si ita est, non fiet in generatione substantiali resolutio vique ad materiam primam, quia illa dispositio præcedens continuatur cum forma genita, & sic manet in materia, vel saltem manet aliqua virtus in qua virtualiter continetur illa dispositio, & hæc virtus aliquod accidens est. Ad hoc ergo.

Dico quarto: *virtus generantis, quæ effectiue operatur ut dicitur, & ex ipsa ab ipso generante tanquam instrumentum illius, non est dispositio vltima, sed cum dispositionibus antecedentibus inuenitur, & in instanti generationis non operatur effectiue, ut existens in subiecto corrupto, neque in subiecto genito, sed in parte propiniori ipsi rei genite.* Supponit hæc conclusio, quod generans dupliciter potest se habere erga materiam ex qua generat, vel enim esse illi indistans & immediatum inmediate supposito, & virtutis, sicut ignis est proximus ligno quod comburit, & tunc virtus effectiua generantis non est nisi in ipso met supposito generante scilicet calor qui est in igne. Aliquando verò generans est distans à materia ex qua generat, & solum est immediatum illi per suam virtutem, sicut sol cum generat herbam, & animal quod mediante semine generat aliud, & tunc etiam datur virtus effectiua distans, & decisa ab ipso agente tanquam instrumentum ipsius, ut dicit S. Thom. q. 3. de pot. art. 11. ad 9. & alijs pluribus locis, & nos probauimus q. 12. Physic. De hac ergo virtute distans in absentia, vel distantia generantis procedit conclusio. *Et prima pars dicitur* quod non est dispositio vltima, sed cum antecedentibus ponitur. Et hoc manifestum est, quia dispositio vltima est effectus coniunctus, & annexus ipsi formæ genitæ, ita quod non existit nisi ubi existit forma genita, sicut calor ut octo, non existit nisi ubi forma ignis, ergo non operatur nisi existente forma ignis, ergo non ipsam formam, seu generationem eius effectiue attingit. *Secunda verò pars,*

F 2 quod

quod illa virtus effectiua non sit in subiecto corrupto quando operatur in instāti generationis, *constat* quia in illo instanti non est illud subiectum, siquidem corrumpitur, ergo neque est illa virtus, quæ inhærebat illi quod autem non est, non operatur effectiue per se ipsum per aliquam autem virtutem, non operatur, quia de hac erit eadem difficultas in quo subiecto sit. *Tertia pars* quod non existat in re genita tanquā in subiecto, neque in eius materia, *constat* ex doctrina S. Th. 1. 2. q. 81. art. 1. ad 4. & q. 110. art. 2. ad 1. & quodlib. 10. art. 3. ad 1. vbi statuit dispositionem, seu accidens non agere effectiue in suum subiectum, sed formaliter actuando illud, ergo dispositio existens in re genita, non potest illam generare, vt de se constat, quia sic supponeretur existens ante subiectum, & consequenter deberet esse in alio subiecto: nec potest supponi vt existens in materia, & agere effectiue in ipsam & ex ipsa, quia cum accidens non possit operari nisi vt *quo* & consequenter ipsum subiectū cui inhæret debet operari vt *quod*, idem esset dicere quod accidens operatur effectiue in subiectum, ac dicere quod subiectū operatur effectiue in se ipsum. Nihil autem se ipsum mouet effectiue, & multo minus materia prima, quæ nullo modo est actiua, sed passiua, ergo non potest accidens existens in materia prima operari in illa effectiue. *Quarta pars conclusionis* scilicet, quod in casu quo generans est distans à materia quam disponit, & ex qua generat, debet assignari aliqua pars proxima, quæ per virtutem à generante decisam cum dispositionibus antecedentibus effectiue agat in partem proximiorē & sic fiat generatio *inde constat*, quia nihil effectiue agit in se ipsum sed oportet distinguere agens, & passum, partem mouentem & partem motam, ergo oportet quod generatio fiat agente vna parte in aliam quando ipsum generans non est ibi præsens vt per se ipsum agat Et hoc etiam bene notarunt Coniimb. in 6. 5. quest. 9. art. 1. *S. Quare nostra.*

Et si insles quia pars proximior non habet in se dispositionem vltimam, v.g. calorē vt octo, sed aliquid infra illam, alias esset in ea ignis genitus, & non solum virtus ad ignem generandum, ergo non potest talis virtus inferior producere dispositionē vltimam effectiue. *Resp.* quod illa virtus licet entitatiue, & formaliter sit infra calorem vt octo, & infra dispositionem vltimā, virtualiter tamen in quantum instrumentum generantis à quo est decisa talis virtus, habet vim ad attingendum effectiue formam substantialem rei genitæ, & ipsam dispositionem vltimam illius. Et hoc sumitur ex D. Th. 1. p. q. 76. art. 1. ad 4. dicente. *Quod in mixto manent qualitate propria elementorū licet remissa, in quibus est virtus formarum elementarium;* cēset ergo quod etiam infra calorem vt octo potest virtualiter manere vis formæ generantis. Itaq; calor qui est infra gradū caloris vt octo, non potest per modū causæ principalis producere nisi calorem similem sibi, & non calorē vt octo, si tamen consideretur non solum vt calor, sed vt calor virtuosus, id est, vt derivatus ab igne tanquam instrumentum eius ad producendum substantiam similem sibi, & consequenter calorem vt octo, sic operatur illum instrumentaliter nō principaliter. Quod si absente, vel destructo generante virtus illa debilior & imperfectior facta sit, aut egressa fuerit, quam vt possit producere substantiam, si eā producit, id fiet virtute causæ superioris, sc. cœli, vel causæ primæ suppletis, quod deest de virtute generantis, & sic plures formæ inanimatæ quandoque producuntur à cœlo, vt quando cadauer generatur ex iugulatione, vel ex suffocatione, ferrum enim non est productiuum directe formæ cadaueris, sed ferri; tamen tollendo dispositiones vitales, v.g. calorem, qui est in sanguine relinquit locum cœlo, vt introducat formam cadaueris. Quid autem sit in virtute illa, quæ est quædam qualitas, esse virtutem substantiæ explicauimus q. 12. *Phys.* quod nō est aliquid superadditum qualitati, sed tantum ab ipsa.

ab ipsa substantia esse derivatam, & aliquid Alius in ordine ad producendum similem substantiam.

Ceterum in generatione viventium specialiter difficultas est, quomodo distinguatur pars efficiens, & pars effecta, eo quod vivens non generatur successivè à parte in partem sicut inanimata, sed organizato corpore & integrè disposito tota generatio in instanti perficitur, & ideo non apparet quomodo à parte vicina procedat ipsa forma viventis & ultima eius dispositio.

Sed respondetur ex doctrina D. Thom. 1. p. quest. 118. art. 1 ad 3. & 4. de potent. art. 11. præsertim ad 8. ubi docet; quod virtus activa seminis non est in toto semine, sed in spiritibus qui in ipso semine includuntur, in quo etià spiritus est aliquis calor ex virtute corporum celestium, quorum virtute agunt ista inferiora, & istæ partes spirituosæ seminis agunt in alias, quæ se habent ut materia, & formant illas, & licet materia illa corpulenta, ex qua fit generatio animalium, varietur per diversas formas quas vocamus formas embrionis usque ad perfectæ formæ introductionem, non tamen destruitur illa pars spirituosæ in qua est virtus activa seminalis, nec mutatur ut dicit S. Thom. solutione illa ad 8. & sic semper manet distinctio inter partes, quæ effectivè agunt, & partes in quibus introducitur forma animalis in illis enim partibus spirituosæ, quæ spumiores sunt non introducitur forma genita, quia ex illis non formatur foetus, sed ex corpulentiori crassiori; materia seminis, & sanguinis; alioquin, ut ibi argumentatur D. Thom. si partes illæ spirituosæ mutarentur, & formarentur ex illis fetus, ut ex materia, destrueretur illa virtus seminalis, & sic non posset virtute seminis usque ad completum perfici generatio. Quid autem fiat de illis partibus habentibus virtutem seminis postquam forma animalis iam est introducta? Respondet D. Thom. quest. illa us. citata ad 4. quod evanescente spiritu, & dissoluto semine, desinit esse illa virtus activa, quæ erat

in semine, eo quod erat vis instrumentalis, quæ cessat productio iam effectus. Itaque resolutur pars illa spirituosæ, & evaporatur in aliquod corpus; & sic semper distinguitur pars agens à parte, in quâ introducitur forma. Et illa qualitas activa seminis licet formaliter sit inferior ad dispositionem ultimam, non tamen virtualiter, in quantum est virtus substantiæ derivata ab ea ad agendum.

Ex quo manifestum est; quomodo dispositio influat effectivè ad introductionem formæ, vel corruptionem; constat enim ex dictis, quod virtus effectiva influens debet esse in alia parte, vel subiecto ab illo quod disponitur, & sic semper distinguitur pars movens, & pars mota, enitaturque illud inconueniens, quod dispositio non existens in ultimo instanti operari possit, existit enim tunc virtus operans in parte proximiori. Similiter etiam constat quomodo materia dicatur disposita siue à dispositione ultimarum, siue ab antecedenti; non per extrinsecam denominationem, sed per realem informationem, quia ante instans generationis disponitur materia quasi in fieri, & tendentia ad formam per dispositiones antecedentes, quæ subieciuntur in ipso toto, quod est corrumpendum, & ipsam materiam determinant ad formam introducendam. In instanti autem generationis determinatur materia in facto esse, & consummatur per ipsam ultimam dispositionem, quæ non recipitur in sola materia, sed in ipso toto, quia semper est connexa cum ipsa forma, sed tamen illa dispositio habet duplicem respectum, seu officium secundum quod correspondet duplici principio, scil. formæ genitæ ad quam consequitur, ut propria passio, & alterationi quâ terminat & consummat; & non est necesse, quod secundum utrumque respectum præparet, & disponat materiam, sed sufficit quod ut terminus alterationis est, illam disponat, non ut proprietas formæ, sed quia de facto inheret, & existit in ipso toto. & in eius materia, ut in principio quo recipiendi,

dem instanti, dicatur autem præcedere sub respectu, & ordine causalitatis materialis, in quantum terminus, & consummatio præcedentium dispositionum, quas virtualiter continet. *Et ita cum instituitur*, quomodo maneat materia præparata virtualiter an formaliter & in qua forma dicatur virtualiter manere illa præparatio? *Respondetur*, in re, & in ipso instanti generationis dari ipsam dispositionem ultimam annexam formæ, quæ tanquã terminus & consummatio præcedentium dispositionum virtualiter illas continet, & continuat præparationem, & determinationem quam illæ faciebant in materia usque ad illud intrans exclusivè.

Ad ultimam difficultatem respondetur, dispositionem quæ est virtus generantis effectivam non esse in subiecto, quod corrumpitur, nec in subiecto quod generatur, quia non agit effectivè in subiectum in quo est in hæsiuè ut ex D. Thom. dicitur in argumento, sed est in parte proximiori, in qua etiam invenitur virtus generantis in eius absentia, ut satis supra ostensum est.

Cæterum P. Suarez *disp. illa metaphysicæ*. 3. num. 28. non quiescit cum doctrina tradita, existimatque non satisfacere illam distinctionem de mutua prioritate inter dispositionem, & formam; & instat contra illam, quia dispositio si est verè præparans, & non solum ornans ac perficiens subiectum, oportet quod determinet, & quasi limite capacitatem eius ad talem formam, ergo etiam determinat ipsum agens ad talè formam introducendam, ergo fieri non poterit ut talis forma effectivè sequatur ex forma introducta. *Consequentia patet*, quia si dispositio fluit à forma, & forma efficitur ab agente, ergo agens non potest determinari à tali dispositione quæ producat formam, sed potius mediante forma determinatur agens ad talem dispositionem.

Confirmatur quia illa dispositio non potest exercere causalitatem materiale, & habere prioritatem naturæ, neque respectu actionis qua fit forma, neque respectu ma-

terix, quam disponit. Non respectu actionis, quia illa dispositio sequitur mediante forma, ergo nō potest habere causalitatem, & prioritatem respectu illius actionis, qua fit ipsa forma, siquidē quando fit forma nōdum existit illa dispositio, nec est facta ut possit tunc causare. Respectu verò materie nō potest habere istam prioritatem, quia non potest disponere materiam nisi informando illam, non autem potest informare illa dispositio materiam in illo priori, siquidē materia ante formam non informatur ab accidentibus, illud autem accidens non potest disponere nisi informando, & in hærendo, quia sine in hærentia non est & sic, neq. disponit; si autem in illo priori non disponit, cui in hæret illa dispositio? non formæ quia sequitur ad illam, & sic pro illo priori nōdum in hæret formæ. Non composito quia præparat ad illud, non verò disponit illud, sed materiam ad illud, ei autem in hæret quod disponit, ergo in hæret soli materiæ atque adeo non est necesse, quod consequatur ad formam, sed inest materiæ ab agente.

Respondetur, dispositionem ultimam non determinare ipsum agens ut efficiat, sed terminare tanquã effectus eius; dicitur autē ultima dispositio determinare agens non ut virtus eius ad efficiendum, sed ut terminus dispositionis antecedentis, quæ erat virtus determinata ipsius agentis, & ab eo decisa. Deinde addo quod agens, neque per ipsas dispositiones antecedentes, quas emittit in materiam, determinatur ad generandū, sed antequam illas emittat, determinatur ad generandam & tanquã medium necessarium, & virtutem agendi emittit illas dispositiones quæ se habent ut effectus eius, & virtus determinata ad generandum formam, & sic dispositiones illæ procedunt ab agente determinato, siquidē in virtute eius determinate operantur. *Nec obstat*, quod dispositiones antecedentes nō sufficiunt determinare materiam vel agens; nō sunt enim sufficientes determinare in facto esse, & consummative, benè tamē in tendentia, & inchoative;

& in

& in quantum virtus sunt substantiæ generantis, etiam effectiue.

Ad confirm. negatur antecedens. Ad probationem ex parte actionis respondetur, dispositionem non suscipere in se actionem qua fit forma, sed præparare materiam in facto esse, ut recipiatur in ea forma, quæ est terminus actionis, & hac ratione disponere dicitur ad actionem in suo termino. Nec requiritur ad munus causæ materialis, quod existentia præcedat, sicut in causa efficiente, sed sufficit quod in re concomitetur, itaque in nulla duratione detur causa materialis sine existentia, ut in *q. 11. phys.* probauimus. *Ad probationem ex parte materiæ resp.* illam dispositionem non posse disponere nisi inhærendo & informando inherentiæ & existentia concomitante, & in re inuenta, non autem inhærentia formalizante, seu cõstituente formaliter omnem prioritatem, & causalitatem materiæ erga formam, vel formæ erga materiam: & ita pro illa prioritate naturæ, seu formalitate & conceptu, quo materia intelligitur substantialiter recipere formam, non intelliguntur dispositiones informare mate-

riam (licet de facto ibi sint) sed solum materiam substantiale compositum cum forma cõstituere. Ipsa autem præparatio & determinatio materiæ erga talem formam solû præsupponitur ibi concomitantè, vel antecedenter, non autem formaliter intelligitur, sed id pertinet ad aliam prioritatē, vel posterioritatē naturæ, est enim ibi antecedenter ratione dispositionum antecedentium, concomitantes autē ratione vltimæ dispositionis, quæ in facto esse illas terminat. Et sic patet ad illam interrogationem ubi nam pro illo priori inhæret dispositio? *Dicimus enim*; quod pro illo priori formali non inhæret, quia illa prioritas non est formalitas inhærendi, sed substantialiter componendi, concomitantes verò, & in re tunc inhæret in composito ut in subiecto *quod*, & sustentante illā, in materia verò ut in subiecto *quo* recipiendi, & determinabili per illas dispositiones, nec est necesse ad hoc ut inhæreat in composito quod partim sit in forma, partim in materia, sed sufficit quod in materia ut in subiecto *quo*, & in toto composito ut in subiecto *quod* ut latius dicemus *infra q. 9.*

Q V Æ S T I O II

De Corruptione.

ARTICVLVS I.

Quomodo differat corruptio in ratione mutationis à generatione, & ab annihilatione.

VT resoluiamus in *3. Phys. q. 14. & 5. Phys. quest. 19. art. 1.* ex Aristot. motus ut distinguitur à mutatione communiter dicta, duas exigit cõditiones. *Prima* ex parte subiecti; quod eius subiectum sit ens in actu, id est informatum forma substantiali, non ens in potentia, quod est materia prima, quæ tamen sufficit ad mutationem. *Secundæ* ex parte terminorum, ut videlicet motus propriè dictus sit inter terminos positivos

& consequenter propriè seu positivè contrarios, ad mutationem verò sufficit oppositio priuatiua de non esse ad esse, vel è contra in subiecto capaci vtriusque. Ex quo apparet corruptionem non esse motum strictè dictum ut contraponitur mutationi, eò quod non est inter terminos positivos, sed versatur ab esse ad non esse. *Dubium autem est in duobus. Primum*, an ex eo quod terminus ad quem corruptionis sit desitio formæ, amittat rationem mutationis substantialis & solum sit priuatio generationis. *Secundum*, an ex eo quod solû est in subiecto capaci differat ab annihilatione qua res totaliter definit in nihilum. Ideoq; manebit dubium

an utraque tam annihilatio, quam corruptio sit mutatio. Et loquimur hic de corruptione in ratione mutationis, nam in ratione actionis sequenti articulo tractabimus, an generatio, & corruptio sint eadem actio, vel quomodo connectantur inter se.

Ergo aliquorum sententia, corruptio nem non esse realem mutationem, sed priuationem tantum actionis, & concursus quo forma præcedens conservabatur, opponitur enim corruptio generationi, & non quia aliquid producit, sed quia destruit: ergo privative se habet, & sic realem mutationem non importat, imò neque identitatem in actione cum generatione, sed connexionem & nexum, quia sicut introducta una forma sequitur aliam extirpari, ita posita generatione, consequitur corruptio, consecutivè ergo se habent non identicè. Et hoc non semper, aliquando enim potest dari generatio sine corruptione, ut si non præsupponatur forma positiva in materia, quæ corrumpatur. *Ratio huius est*, quia corruptio tendit ad negationem, id est ad non esse: ergo non est mutatio positiva, sed negativa; ex termino enim ad quem denominatur mutatio.

Alia sententia est, per aliud extremum quæ sentit corruptionem, ita esse positivam mutationem, ut etiam annihilatio positiva mutatio sit, eo quod annihilationem requiritur virtus infinita, sicut ad creandum: ergo ipsa annihilatio est aliqua mutatio positiva, seu operatio, siquidem fundatur in virtute positiva.

Nihilominus. Dico primo, corruptio essentialiter, & formaliter est mutatio distincta à generatione. Dico essentialiter & formaliter, quia suppono generationem ipsam, cui opponitur corruptio non solum radicaliter, sed etiam formaliter esse mutationem ut probatum est *quæst. præced. art. 1.* Corruptio autem, si est mutatio, cum sit formaliter opposita generationi, formaliter etiam erit mutatio sicut ipsa, quod magis verificatur in corruptione, quam in generatione,

Part II. Physicor.

eo quod ad corruptionem necessario existitur, quod præcedat tanquam terminus à quo ipsa forma, quæ corrumpenda est, & non potest præcedere solum prioritate naturæ eo quod per corruptionem cessat esse forma, nihil autem definit, nisi prius existat cum sit transitus de esse ad non esse; nihil autem existit, nisi in aliqua duratione non autem in sola prioritate naturæ, quæ non est prioritas existentia, sed significationis, & formalitatis, & causalitatis quatenus per illam significatur hoc dependere ab illo, & secundum hanc formalitatem, & non secundum aliam coordinari cum illo. At vero in generatione, cum procedat de non esse ad esse, non supponit aliquam durationem sui termini à quo, & ita sufficit ad rationem mutationis in generatione, quod privatio præcedat prioritate naturæ, sufficit enim ut aliquid subiectum quantum est ex natura sua careat aliqua forma cum capacitate illius, ut indigeat actione acquisitiva talis formæ & consequenter quæ respiciat illam tanquam terminum ad quem talis acquisitionis, & consequenter aliquem terminum à quo respiciat qui utique est privatio, non quæ in illo instanti existat seu afficiat subiectum, sed quæ in illo instanti expellatur, & non permittatur sequi ad naturam. Sufficit autem ad rationem termini à quo, ut in ipso instanti sit in expelli à subiecto non ut existens, & consequenter verificatur mutatio, quod aliter se habeat in isto nunc temporis, quam ante in prioritate naturæ.

Quod ergo corruptio sit distincta mutatio à generatione manifeste asseritur à D. Thom. *question. 28. de verit. art. 1. & 6.* & sumitur ex Philosopho 5. *Physic. cap. 2. lectio. 2.* apud D. Tho. ubi distinguit tanquam duas mutationes eam quæ est de subiecto in non subiectum (hæc est corruptio & eam quæ est de non subiecto in subiectum) hæc est generatio quæ autem est de subiecto in subiectum est motus, quia versatur inter contraria, & non inter contradictoria, Dicitur

G

autem

autem mutatio de subiecto in subiectum, vel de non subiecto in subiectum, intelligendo nomine subiecti non ipsum suppositum seu substantiam, sed ipsum esse vel non esse, seu affirmatum, & non affirmatum, ut explicat D. Thom. *quest. 28. citata artic. 1.*

Ratio autem huius est, quia non solum aliquid mutatur quando acquirit formam sed etiam quando amittit, imò tunc maxime apparet mutatio quando forma aliqua amittitur, ut cum aer amittit lucem, vel corpus albedinem, quia tunc verificatur quod aliter habet nunc quam prius. Quod autem sit distincta mutatio à generatione, patet quia respiciunt distinctos terminos tam ad quem quam à quo, mutatio autem cum consistat in transitu de vno ad aliud, ubi est distinctus terminus à quo, & ad quem, est distinctus transitus, & consequenter distincta mutatio, consistet autem, quod corruptio transit de esse formæ ad non esse illius, generatio autem è conuerso, de non esse aliquid formæ ad esse illius, ergo important distinctum transitum, secundum distinctos terminos à quo, & ad quem.

Quo vero corruptio sit mutatio realis, ostenditur distinguendo de eo quod est reale tanquam quid positium, vel de eo quod est reale, id est à parte rei inuentum, licet à parte rei non ponat, sed tollat, sicut dicimus tenebras, & excitatem dari à parte rei, quia non fiunt, sed vere inueniuntur. Hoc secundo modo distinguit D. Tho. realiter corruptionem à generatione *q. 28. citata art. 6. Et ratio est*, quia hoc modo à parte rei inuenitur, & verificatur ipse terminus formalis seu mutatum esse corruptionis, scilicet desitio formæ, quia de facto corrumpitur forma, ergo & ipsa mutatio seu fieri realiter inuenitur. Non tamen dicitur mutatio positua, quia terminus eius positius non est, ergo, neque ipsa mutatio positua esse potest, nec enim positue fit, aut transit id, quod in se positium non est sicut non esse formæ.

Dices per corruptionem non solum ali-

quid negatiuum resultat, ut terminus, scilicet priuatio formæ, sed etiam aliquid positium, scilicet formam illam manere in potentia materiæ in ordine ad agens supernaturale, quæ antea erat in actu, ergo aliqua positua mutatio inuenitur in materia, scilicet nouus modus potentialitatis, & ordo ad diuersum agens. *Respond.* materiam ipsam nihil positium recipere per ablationem formæ, quod antea non haberet, quia etiam ante dicebat ordinem ad formam, ut educibilem semel ab agente naturali, & pluries ab agente supernaturali. Quareeducta forma, & immutata materia per ipsam, cessat respectus ad agens naturale, ne amplius possit eam educere, non ex mutatione potentiæ in materia, sed ex defectu agentis naturalis extrinseci; quando autem forma corrumpitur, nulla amplius mutatio fit in ipsa potentia materiæ quoad istum respectum continendi formam.

Ex conclusione posita colligitur, quod si in generatione alicuius rei non detur forma aliqua corrumpenda positua, sed tantum priuatio tollenda, ut cum lux destruit tenebras, tunc corruptio, & generatio non sunt duæ mutationes, quia corruptio non inuenit formam quam destruat & transire faciat ab esse ad non esse, sed solum inuenit priuationem ex parte termini à quo, quæ non mutatur de priuatione in aliam priuationem, transitus enim de non esse in non esse, non est mutatio, ergo solum erit mutatio de priuatione ad esse, ergo corruptio priuationis non est alia mutatio quam transitus ad esse, qui utique generatio est. Et ita doceri solet in materia de iustificatione, quod si culpa quæ destruitur non est nisi priuatio in anima, iustificatio est vnica mutatio in quantum ponit gratiam, & remittit culpam, si vero culpa quæ destruitur, relinquit aliquid habituale per modum positui, & conuersionis ad creaturam tunc est duplex mutatio, ablatio illa culpæ, & introductio gratiæ.

De secundo corruptio, & annihilatio differunt

ex parte termini ad quē, qui per annihilationem res totaliter desinit esse tam ex parte formae, quam ex parte subiecti. & ita annihilationis est mutatio proprie dicta sicut neque creatio uel si significetur per modum mutationis. Hæc conclusio manifesta est, quia annihilationis opponitur creationi, & ita sicut creatio nullum concursum habet ex parte causæ materialis, sed solum ex parte causæ efficientis quæ dat totum esse, tam ex parte formæ, quam ex parte materiæ, ita annihilationis non est desinitio rei per concursum alicuius causæ materialis, sed per solam ablationem, & suspensionem concursus diuini perfectantis, & dantis totum esse, unde cum non fiat in aliquo subiecto non est mutatio. Ex quo fit, quod terminus annihilationis dicitur esse totaliter ipsum nihil, non solum, quia totaliter desinit ipsa res quæ corrumpitur, sed etiam, quia nullus terminus positivus illi adiungitur, qui de nouo fiat, in quē desinat ipsa rei destructio, sed pure ex parte termini ad quē inuenitur nihil, & hoc præcipuū est in annihilatione, sc. quod desinat in nihilū, unde quantum aliquid destruitur, siue totaliter, siue partialiter si tamen non desinat in nihilum, sed adiungatur illi aliquis terminus positivus, in quem desinat non est annihilationis. Et hac ratione in Eucharistia non annihilatur panis licet totus destruat & desinat esse, non tamen, desinit in nihilum sed in corpus Christi, & ita est destructio panis per conuersionem, non per annihilationem. *Ratio huius est*, quia annihilationis, ut diximus fit per suspensionem concursus totaliter conseruantis in esse, ergo non solum pertinet ad ipsam totaliter rem aliquam destruere, sed etiam nullum terminum positivum illi adiungere, & subrogare, in quem destructio rei terminetur, siquidem ad ponendum istum terminum positivum requiritur actio, & positio alicuius influxus producentis vel attingentis illum terminum, ergo si annihilationis est suspensio totius concursus, omnem terminum positivum sibi adiunctum excludit,

alias non desinet aliquid per viam annihilationis, sed ex vi productionis alterius termini impossibilis cum re quæ destruitur. Itaque ad annihilationem vtriusque requiritur, & destructio totius esse & desinitio in nihilum, sine alicuius termini ad uncti positione hoc ipso, quod fit per suspensionem diuini concursus.

Sed dices, bene potest Deus annihilare formam non annihilatā materiā & accidens non annihilatō si biecto, ergo non est de ratione annihilationis destructio totius esse, tunc enim licet esse formæ in actu destruat, sed manet in potentia materiæ, sicut quando per corruptionem desinit esse. *Respondet*. Illam annihilationem non esse simpliciter & omnibus modis annihilationem, sicut ē conuerso productio solius formæ vel accidentis a Deo non est simpliciter creatio, sed con creatio, quando fit simul cum materiā, ita suspensio concursus erga solam formam non est annihilationis simpliciter, sed reducit ad annihilationem, tanquam ratio quædam illius, & quia habet modum annihilationis in quantum fit per suspensionem concursus sine hoc, quod illi succedat alia forma, sed desinit in nihilum ille enim concursus conseruat rem illam cum totali dependentia & subordinatione ad Deum, & ideo eius suspensio dicitur annihilationis, licet solum tollat partem entitatis. Quod verò maneat in potentia subiecti, non quidem in ordine ad agens naturale, sed in ordine ad potentiam diuinam non arguit, quod id fiat per actionem positivam quia hoc quod est manere in potentia materiæ non est terminus, vel effectus talis suspensionis concursus, sed in ipsa materiā præhabebatur ex propria natura materiæ, & quia hoc non destruitur per suspensionem concursus, ideo non est annihilationis omnibus modis, tam ut in actu, quam ut in potentia subiecti.

Ex quibus colliges male aliquos affirmare posse per diuinam potentiam aliquā creaturam attingere annihilationem, eo quod

fluentia, & causalitatis in illam. Alio modo quia productio principaliter termino cesat influentia actiua, sed mediante causalitate formali, seu informatione formæ productæ sic expulsio, seu priuatio alterius incompatibilis cum tali forma producta, & sic qui facit rem incompatibilem cum altera, dicitur effectiue illam corrumpere efficientia virtuali non actuali, scilicet mediante termino cuius informatio expellit, & corrumpit a teram formam per modum effectus formalis secundarij. Dicimus ergo quod corruptio non est actio priori modo, sed secundo, non enim producta formam vltimus actio influit ad corrumpendum, neque enim influxus intelligi potest, quia respectu formæ corrumpendæ nihil influit, sed tollit, ergo influxus positius non continuatur, quia non datur vltior terminus positius, ad negationem autem non est necessarius influxus. At vero posita forma, quæ terminus actionis est dicitur virtualiter continere actionem, scilicet terminatiue: hæc autem secum importat impossibilitatem formæ oppositæ, quia habet adiunctam priuationem illius, & sic tangit illam, & expellit non efficientia, sed incompatibilitate orta ex efficietia formæ, id est, ex forma effecta, & terminante efficientiam. Quæ resolutio deducitur ex Diu. Thom. in 2. distinct. 14. quest. 1. art. 2. ad 5. ubi inquit: *Illud quod corrumpit, & generat non ex eodem habet quod generat, & corrumpit, sed ex eo quod formam suam inducit, generat; & sic in quantum ens generat; ex eo autem quod forma sua necessario coniungitur priuationi alterius forma corrumpit.* Vbi Diuus Thomas non ponit corruptionem in influetia actionis sed in ipsa appositione formæ habentis priuationem adiunctam. Vnde non oportet hoc reducere ad meram suspensionem concursus conseruantis formam oppositam, sed ad actionem producentem formam illi impossibilem, quæ impossibilitate posita, & ex vi illius cessat concursus. Et sic etiam saluatur vni-

tas actionis, seu motus propter vnitatem termini positiui, duplex autem mutatio in vi illius efficientiæ, quia duplex terminus tangitur alter agendo alter destruendo, ut explicatum est.

*Circa secundam difficultatem, quomodo scilicet ordinentur istæ duæ mutationes generatio, & corruptio, ita ut generatio vnius dicatur corruptio alterius, aliqui existimant ordinari tantum istas mutationes consecutiue, & successiue, non identice in eadem actione, seu motu. Caterum Diu. Thom. questione 28. de veritat. artic. 6. ad vltimum euidenter dicit: Quod generatio vnius dicitur à Plil. corruptio alterius per con-
conitantiā, quia de necessitate sunt simul, vel propter vnitatem motus, qui ad has duas mutationes terminatur. Vbi nomine motus intelligitur actio habens illam duplicem mutationem Et in prima secunda, questione 113. artic. 6. ad secundum inquit: *Quod infusio gratiæ, & remissio culpe secundum substantiam actus idem sunt.* Et eodē modo comparat generationem, & corruptionem. Sentit ergo quod identificantur in ratione actionis.*

Quare generatio vnius quando habet adiunctam corruptionem alterius dicitur esse corruptio duplici ratione; Primò propter successionem, & ordinem formarum sibi succedentium eo quod formæ sunt incompatibiles, & sic intrante vna, recedit alia; & tunc est sensus, quod generatio vnius est corruptio alterius causaliter, quia connectitur, & succedit generationi corruptioni. Secundò strictius dicitur generatio vnius esse corruptio alterius, non soluma propter successionem formarum, & mutationum, sed propter vnitatem actionis, seu motus, eo quod corruptio non est actio distincta à generatione, sed eadem actio formaliter generatiua, est virtualiter corruptiua ratione termini generati, ut impossibilis cum forma opposita in qua compossibilitate virtualiter manet influentia positiua, ut terminata ad formam genitam ut dictum est.

Diximus in conclusione *quando generatio habet annexam corruptionem* ad denotandum id quod præcedenti articulo significauimus non dari corruptionem, quæ sit vera, & realis mutatio, nisi quando datur forma positiua corrumpenda, si enim solum præcedit priuatio tollenda per formam generatam, vt quando aer tenebrosus illuminetur, tunc ablatio illius priuationis non fit per mutationem negatiuam distictam à generatione lucis, sed per ipsam generationem positiuam sine alia mutatione corrumpitur priuatio eo quod priuatio non tollitur nisi per positium esse, ergo per generationem, quæ est transitus, seu mutatio de non esse ad esse. de priuatione ad formam, licet verum sit, quod per nostros conceptus possumus distinguere in luce conceptum positium constituenti lucidum, & conceptum remotiuium tenebrarum, seu non esse priuationis, eo quod priuatio accipitur à nobis vt ens rationis, atque adeo ad instar esse quod corrumpitur, in re tamen priuatio illa est non esse, & physicè non tollitur nisi per esse, quod totum docet S. Thomas *qu. 28. de verit. artic. 6. in corpore.*

Vnde obiectiones quæ fieri possunt, ex eo quod generatio aliquando datur sine corruptione nihil obstant. tatemur enim nõ omni generationi essentialiter annecti corruptionem, sed tantum illi cui annectitur forma positiua corrumpenda, & si forma corrumpenda fuerit partialis, tunc etiam corruptio partialis erit, & productio aggenerationis. Nec D. Thom. *in 2. dist. 34. supra citata* dixit quod generatio, & corruptio solum ratione differunt sed dixit quod forma ignis, & priuatio aeris sunt idem subiecto, sed ratione differunt, quod est dicere priuationem, & formam non distingui realiter, eo quod priuatio, extremum reale non est, non tamen est dicere, quod ipsa generatio, & corruptio non sint mutationes distinctæ eo modo quo dictum est.

Soluantur obiectiones.

Primò arg. corruptio est priuatio saltem ex parte termin. ad quem, generatio autem est positiua actio: ergo nullo modo possunt identificari, vera enim realitas nõ potest identificari cum eo quod est nihil, & ens rationis.

Secundò, quia eadem ratione, qua probatur generationem, & corruptionem identificari in ratione motus & actionis, probatur identificari in ratione mutationis, quia sicut eadem dispositiua actio & motus sufficit primario introducere formam, & secundo destruere oppositam, ita simplex, & vnica mutatio positiua primario erit transitus ad formam genitam, & secundo transitus formæ oppositæ, nec enim repugnabit mutationem negatiuam identificari cū positiua sicut negatiua actio. *i. e. destructio cum positiua generatione.*

Tertiò, quia si generatio identificatur cum corruptione, generatio erit verus motus, quod tamen negat Phil. *in 8. Physicor. cap. 1. sequela patet*, quia in quantum identificatur cum corruptione habet pro termino a quo aliquid positium & ratione sui vt generatio est, habet terminum ad quem positium, ergo saltem identice est inter duos terminos posituios a quo & ad quem quod est esse motum saltem identice.

Quartò, si generatio & corruptio habent ordinem inter se, oportet quod fundetur in aliqua causalitate seu ordine prioris, & posterioris vnus erga alterum, hoc autem nõ datur; quia vel mutuo se causant, & hoc non quia corruptio non potest habere causalitatem in generationem, cum sit priuatio vel non mutuo se causant, sed altera tantum est causa, & altera effectus, & hoc non, quia in primis corruptio non potest causare vt dictum est, & sic non potest ipsa esse causa, & generatio effectus & quia alias esset per se primo intentata, generatio autem vt consecuta. Si autem generatio est causa & corruptio effectus, prius recipietur forma

ma genita, quam expellatur opposita, & sic non recipietur forma genita in nuda materia, nec supponendo expulsam formam.

Denique si generatio vnius est corruptio alterius, oportet, quod in eodem instanti sint, si enim sunt in diuersis non identificantur, hoc autem esse non potest, quia corruptio tenet se ex parte dispositionis vltimæ, quæ tollit formam impossibilem formæ genitæ, dispositio autem vltima præcedit formam in ipso subiecto in quo fit corruptio, ergo corruptio non identificatur cum generatione.

Ad primum respondetur, negationem alterius formæ bene posse identificari cum aliqua positua forma, priuatio enim & negatio diuersorum non opponuntur, sed imbitur, & identificatur talis negatio cum ipsa forma in qua fundatur. sicut fides habet obscuritatem, & calor priuationem frigoris, & quæcunq; res negationem eius, quod à se distinguitur.

Ad secundum negatur. esse eandem rationem de mutatione & de motu, secundum quod motus significat actionem per modum influentiæ, non enim repugnat eandem numero actionem attingere plures terminos ordinate se habentes vel consecutos, siue negativos, siue positivos, eo quod contingit actionem esse virtualiter multiplicem & ad multa se extendere. sicut & virtus ipsa a qua procedit. At vero mutatio non dicit aliquid efficiens, sed purum transitum inter terminos, & potius dicit aliquid effectum quam effectuum, unde ubi est distinctus transitus inter terminos ibi est distincta mutatio, non autem ubi est distinctus effectus etiam materialiter, est distincta actio efficiens sed tamen id quod materialiter se habet ad rationem actionis, nec multiplicat illam, formaliter se habet ad rationem mutationis eamque multiplicat, quia formalitas mutationis solum consistit in illo transitu effectivo, ut dictum est.

Ad tertium negatur se melius non enim sufficit ad rationem motus strictè dicti, & ut

distinguitur à mutatione habere terminum à quo posituum concomitanter, & propter impossibilitatem adiunctam, sed formaliter & per se. Generatio autem substantialis formaliter, & per se non est à termino posituo, sed à priuatione formæ. Quod autem corrumptat formam substantialem præ-existentm non est, quia habeat illam pro formali termino à quo, per accidens enim, & materialiter se habet ad formam ignis quæ generatur, quod fiat ex stipula, vel, papiro, vel ligno; per se autem quod fiat ex non igne; sed tamen corrumpit formam præcedentem quæcunque illa sit, quia sunt incòpossibiles formæ in eodem subiecto propter priuationem adiunctam, quia vtraque est forma substantialis, & còsequenter prima in subiecto. Unde non admittit aliam tanquam secundam. Non tamen se habet tanquam terminus à quo formalis forma præcedens, tunc enim se habet ut formalis terminus, à quo quando conducit ad constituendam posituam distantiam, vel latitudinem inter terminum à quo & ad quem, tunc autem constituitur positua latitudo, & distantia inter terminos quādo sunt positui & habent medium, ita quod ipsa extrema conducunt ad talem latitudinem, quatenus ex eorum commensuratione aut coniunctione constituitur medium, & per se postulant transitum ex vna forma ad aliam per tale medium. Formæ autem substantiales nō se habent ut extrema, per quorum commensurationem aut coniunctionem constituitur medium, nec per se ex vna forma ad aliam fit transitus per aliquod medium, sed quæcunque forma immediate receptibilis est in materia si dispositio contraria non obstat. Unde solum ratione dispositionis petit transitum per aliquam formam mediam.

Ad quartum respondetur quod inter corruptionem, & generationem datur mutus ordo prioris, & posterioris sicut inter formam expulsam & generatam, est enim expulsio formæ corruptæ prior in genere cau-

sz materialis, forma autem generata est prior in genere causæ formalis. Vnde D. Th. q. 23. de verit. art. 7. inquit *Quoæ expulsio forme precedentis est prior naturaliter in ratione causæ materialis, omnis enim dispositio ad formam reducitur ad causam materiale, denudatio autem materia à forma contraria est quædam dispositio ad formam susceptionem.* Quod vero introductio formæ sit prior in genere causæ formalis docet in 4. di. in 17. quæst. 1. art. 4. quæst. 3. *Quia remotio, inquit, forme secundum ordinem causæ materialis præcedit naturaliter introductionem forme, sed secundum ordinem causæ formalis est e conuerso.* Et idem habet in 1. 2. q. 113. art. 8. ad 1. quia agens per formam agit ad remouendum contrarium, sicut sol per suam lucem agit ad remouendum tenebras, & ideo ex parte solis prius est illuminare, quam tenebras remouere, ex parte autem aeris prius est purgari à tenebris, quam consequi lumen ordine naturæ, licet vtrumque sit simul tempore. Quare philosophandum est de corruptione & generatione, sicut de dispositione vltima, & forma vt supra dictum est, nec requiritur ad istam prioritatem ex parte causæ materialis, quod detur prioritas etiam inexistendo, sed sufficit quod concomitetur existentia, in re, in illa autem prioritate solum explicatur formalitas, & officium illius dependentiæ, & causalitatis. Et licet corruptio sit effectus secundarius formæ genitæ, sicut etiam dispositio vltima, in alio tamen genere causæ, & sub alio respectu, scilicet vt tenet se ex parte causæ dispositiue potest habere modum causæ & prioritatis.

Ad vlt. resp. generationem, & corruptionem dari in eodem instanti temporis, sed in diuersa prioritate naturæ. Dispositio autem vltima non est in aliqua duratione ante ipsam formam genitam, nec in subiecto corrupto, licet secundum diuersas prioritates naturæ antecedat & subsequatur in eodem subiecto genito, sicut supra explicatū est, & idem prorsus dicendum est de corruptione, & generatione.

ARTICVLVS III.

Vtrum corruptio sit naturalis, & per se intenta à natura?

Supponimus ex 2. *Physic. cap. 1.* quod naturale dicitur aliquid ex eo quod habet in se principium sui motus, siue quod est à principio intrinseco naturæ, principia autem intrinseca sunt materia & forma. Illud autem dicitur secundum naturam quæ se habent vt accidentia & affectiones conuenientes naturæ, vel est subiectum cuius esse est à natura. Quæ vero conueniunt à principio extrinseco vel violenter conueniunt vel præter naturaliter, Hoc ergo inquirimus de corruptione an conueniat ratione alicuius principij intrinseci, & ita sit naturalis, an vero ratione principij extrinseci, & ita sit violenta & præternaturalis. *Et difficultas esse potest,* quia ex vna parte corruptio habet aliquod principium repugnans, scilicet ipsam formam, & compositum quod est destruitur per corruptionem, & ita non potest esse ei naturalis corruptio, sed violenta vt potè destructiua eius. Ex parte vero materia non inclinatur per se, & directe in corruptionem quia corruptio est malum & nõ esse, ergo non est terminus appetitus, ergo neque materia, quia materia, appetitus quidam est, & illud est ei naturale quod est ei appetibile. Non ergo corruptio est naturalis, ex aliqua parte.

Et ex hoc nascitur secunda difficultas, an corruptio possit esse per se intenta à natura eo quod malum vt malum intendi non potest, corruptio autem malum est cum sit defectus naturæ, ergo est præter eius intentionem, sicut etiam monstra non sunt ex intentione naturæ, sed ab ea exorbitant, vt potè defectus illius naturæ autem semper intendit id quod sibi est debitum, non quod alienum & exorbitans.

Nihilominus, Dico primo, corruptio simpliciter est naturalis, & non violenta à natura ratione materiae quatenus dicit naturam corruptibilem, sumendo naturale, vt opponitur violento.

violento. Tenet hanc conclusionem expresse S. Thom. I. 2. *question. 85. artic. 6. & question. 5. de malo artic. 5.* Reddit autem materia naturam corruptibilem, tum quia in se habet priuationem, cum aptitudine, & potentialitate ad plures formas, quarum quælibet non potest plenè satiare materiã, hæc enim est dispositio rei corruptibilis, vt docet S. Thom. I. *part. quest. 66. art. 2.* Tum quia admittit compositionem ex contrarijs, vt patet in omnibus corporibus sublunarijs, omne autem corpus ex contrarijs compositum, est corruptibile, cum contraria agant in inuicem, & sic generant & corrumpunt, siquidem generatio, & corruptio est ex contrarijs. Sic ergo fundat D. Thom. quod corruptio sit naturalis, tum *loco proxime citato.* tum in 3. *distinct. 16. quest. 1. artic. 1.* siquidem materia talibus conditionibus est prædita, scilicet potentialitate ad plures formas, & priuatione aliquarum & susceptione cōtrariorum, ergo naturale est ei admittere corruptionē formæ, vbi enim principium, & radix naturalis est, id quod cōuenit ratione talis principij, naturale esse debet, præsertim si hoc ipsum conducat ad bonum commune, quod sine generatione & corruptione rerum stare non potest.

Nec obstat, quod id quod conuenit solum ratione principij passiuī, non videtur esse naturale, quia oppositum eius non est violentum, nec enim potest aliquid pati violentiam solum ratione principij passiuī cum non sit principium resistens agenti. *Ad hæc* non valet illa consequentia, radix seu principium est naturale, ergo & actus, instatur enim in libero arbitrio, quod naturaliter est peccabile cum sit ex nihilo, & tamen peccatum est contra naturam, alioquin peccatum non esset, ergo similiter etiam si ipsa corruptibilitas sit naturalis, non sequitur, quod corruptio non sit contra naturam. *Hæc inquam non obstant.* *Ad primum* enim diximus, *question. 9. Physicor. articul. 4.* quod etiam principium passiuum est naturale vt opponitur violento, & habet in-

Part II. Physf.

clinationem in aliquid à quo si remoueatur taliter, quod non subrogetur illi aliquid æque naturale, dicitur pati violentiam, habetque resistantiam ad illud non actiuam, sed formalem. Et quod sufficiat ad rationem naturæ principij passiuū, docet S. Thom. 8. *Physicor. lect. 8.* vbi inquit: *Esse contraintentionem Philosophi. vt in materia sit principium actiuum, quod quidem dicunt esse necessarium ad hoc quod sit motus naturalis, sufficit enim, quod sit passiuum, quod est potentia naturalis ad actum.* Quare impedimentum talis inclinationis si ipsa totaliter frustretur, erit violentum principio passiuo. Sed aliqui hallucinantur in appetitu seu inclinatione materiæ, quæ est ad plures formas ad quarum totalem collectionem adæquate se habet, ad singulas vero inadæquate, & ideo sublata vna forma in particulari, non violentatur in recipiendo aliam, quia vtraque æque naturalis est, & ideo ablatio vnius non est violenta, cum alia æque naturalis subrogetur, sed si totaliter impediretur corruptio formarum, & acceptio aliarum, in hoc esset violentia materiæ, quia impediretur naturalis eius tendentia ad plures formas successiue, & cum corruptione aliarum. Imò ex hoc deducitur argumentum, quia ideo non patitur violentiam materia recipiendo vnā formā & amittendo aliam, quia est in potentia naturali ad omnes, ergo ablatio vnius non erit violenta, ergo erit naturalis, omnis enim motus, aut sit natura, aut vi, vt Philosoph. inquit. Corruptio ergo, naturalis est principio passiuo, quatenus naturale est illi ex propria inclinatione habere plures formas, & non simul, sed successiue, vnā amittendo, & aliam acquirendo.

Ad tertium dicitur quod illa consequentia non tenet in defectibus voluntarijs qualia sunt peccata, tum quia voluntarium opponitur naturali, vnde licet potentia deficiendi libere naturalis sit, sicut ipsa voluntas naturaliter conuenit homini, tamen

H actus

actus eius voluntarius est, & liber propter indifferentiam potentiae, tum etiam quia peccata sunt contra naturam ut rationalem, non ut limitatam & ex nihilo, unde simpliciter dicuntur contra naturam, quia sunt contra praeceptum quod est in natura, seu proprium ipsius naturae. At vero corruptio fundatur in inclinatione naturali materiae ad plures formas, & in se naturalis est, & non violenta, nec voluntaria, & rursus licet sit contraria formae, quae corrumpitur quantum ad esse suum, & similiter composito ex tali forma, tamen ex alia parte ordinatur ad bonum commune, quod perpetuatur, & constat ex pluribus compositis & rebus, quarum una succedit alteri, quod fit per corruptionem eius, & sic non contrariatur ipsi materiae, ut pendet à tota collectione formarum, quibus subesse potest, sed solum contrariatur uni formae particulari quam excludit; non est autem connaturale materiae solum ab una forma habere esse, sed à multis successine. At vero peccatum voluntatis non ordinatur ad aliquod bonum commune sicut corruptio formae, sed ab eo deordinatur vniuersaliter & ex omni parte.

Ex quo deducitur id quod in loco citato in quaestione 9. Physic. diximus, quod licet corruptio sit contraria formae, eique violenta, & ex hac parte corruptio non sit dicenda naturalis, tamen quia ex parte materiae, naturalis est, simpliciter sortitur denominationem naturalis, & non violenti, non obstante quod istae duae rationes concurrant; eo quod denominatio semper fit ab eo, quod magis praeponderat in aliqua natura, magis autem praeponderat in hac parte id quod se tenet ex parte materiae, quia non solum est naturale, & conueniens ipsi materiae, ut disponitur ad unam formam quod fiat corruptio alterius, sed etiam ad commune bonum rerum corruptibilium conducit, quae ex successione generationum, & corruptionum coordinantur, & ad communem appetitum ipsius materiae quatenus

ad omnes formas extenditur, quod expresse docet D. Tho. q. 1. de malo art. 3. ad 18.

Ad difficultates in principio motas. Ad primam respond. quod corruptio habet aliquod principium repugnans ex parte formae solum ratione sui particularis esse, habet autem aliud principium connaturale ex parte materiae quatenus ex sua natura petit successionem in formis, & hoc ipsum ordinatur ad commune bonum totius ordinis rerum corruptibilium, & ideo simpliciter denominatur naturalis.

Ad secundam similiter dicitur quod corruptio est malum particularis formae, sed bonum materiae, & communi rerum conseruationi. Sed tamen aliud est inquirere quomodo ista corruptio sit naturalis aliud quomodo sit bonum, & appetibile, hoc enim non habet directe, & primario, cum sit priuatio; ut autem naturalis sit sufficit, quod consequatur ex aliquo principio intrinseco, & naturali, siue sit iuxta primam inclinationem naturae, siue iuxta secundariam tanquam requisitum, aut annexum illi, & ordinatum ad ipsam; ut autem sit bonum primario, & per se, requiritur positua entitas, ut statim amplius declarabitur.

Dico secundò. *Corruptio non est intentata ab agente particulari, ut agens particulare est, nec immediate, nec mediate, nec ratione sui, nec ratione adiuncti ordinis ad bonum, sed respectu illius ordinis comparatur per accidens. At vero respectu agentis vniuersalis ordinantis, & providentis totum bonum naturae, tales defectus sunt de eius intentione non primaria, sed secundaria, supposito tamen illo ordine ad bonum commune.* In prima parte conclusionis non omnes conueniunt, sed aliqui sentiunt talia mala, & defectus posse esse de secundaria intentione naturae particularis, & non omnino per accidens se habere, id enim insinuare videtur S. Thom. in 4. dist. 36. quaest. 1. art. 1. ad 1. ubi tamen loquitur de natura secundum se, & ut vniuersaliter se extendit ad agens particulare vel vniuersale, ut statim explicabimus, & eodem

dem modo etiam loquitur *quæst. 23. de verit.*

art. 2.

Pro intelligentia tamen conclusionis est advertendum, quod in aliquo malo, seu priuatione possumus tria reperire. *Primo* ipsum bonum super quod fundatur malum, vel priuatio, tanquam subiectum, vel ex parte subiecti se tenens. *Secundo* ipsum malum formaliter, seu priuatio secundum se. *Tertio* aliquis ordo ad bonum quod ex tali priuatione consequitur, non per se, id est, quatenus malum, & defectus est, sed ut deseruit alicui bono, quod non potest stare, nisi interueniat tale malum, sicut non potest esse acquisitio, & generatio termini ad quem, nisi corrupto, & desinente termino à quo, nec potest ostendi fortitudo alicuius, nisi appositâ persecutione alterius. Est ergo certum, quod ipsa priuatio, seu malum per se, & ratione sui non potest esse aliquid intentum, eo quod caret in se ratione formali, qua intendi potest, scilicet bono, omne enim quod intenditur & appetitur debet intendi, ut bonum & ut conueniens, ergo quod caret hac ratione formali, secundum se non intenditur, sed si intenditur, erit per aliud, quod ei adiungitur, & quo vestitur, unde non primario & per se, sed secundario, & per accidens intenduntur. Sed tamen hoc ipsum, quod per accidens seu per aliud habent, & ratione cuius intendi possunt non pertinet ad omne agens, nec ad omne intendens, quia non omne agens respicit rationes vniuersaliores, sed agens particulare tantum rationes particulares respicit non communes, & ideo prætermittuntur ab ipso, & solum, quia per accidens sunt illi rei coniunctæ ab eo attinguntur. At vero agens, quod respicit rationes communes & vniuersales, id quod respectu particularis agentis est per accidens attactum, & per se omissum, potest respicere ut conducens ad vniuersaliorem finem suum, & sic potest cadere sub eius intentione saltem secundaria.

Ex hac doctrina componuntur varia loca S. Thom. quæ loquuntur de hac re, & veritas ipsa elicitur, quomodo corruptio per accidens se habeat, & quo modo possit esse intenta. Aliquando S. D. affirmat corruptionem, & alios defectus cadere sub intentione secunda agentis vniuersalis, sicut *1. part. quæstion. 22. articul. 2. ad 2. Corruptiones*, inquit, *& defectus in naturalibus sunt contra naturam particularem, sed tamen sunt de intentione naturæ vniuersalis in quantum defectus vnus cedit in bonum alterius, vel totius vniuersi* Idem docet *3. contragentes, capit. 94. circa finem, & capit. 71.* & omnino idem vult & non amplius *in illa distinctione 36. citata, & quæstion. 23. de veritat.* loquitur enim de natura absolutè, non distinguendo de natura vniuersali, vel particulari. Aliquando vero affirmat, similes defectus omnino esse volitos per accidens etiam à Deo, scilicet ratione eius boni cui coniunguntur, ut patet, *1. part. quæstion. 19. articul. 9. & in quæstion. 49. artic. 2. vbi dicit: Quod Deus in rebus causando bonum ordinis vniuersi ex consequenti, & quasi per accidens causat corruptiones rerum.* Et denique *in 3. contragentes, capit. 4. 5. & 6.* Videtur intendere, quod malum semper fit præter intentionem.

Hæc autem sic cohærent, quod defectus isti naturales secundum se sumpti sunt priuationes quædam & mala, secundum quam considerationem per accidens se habent tam respectu agentis particularis, quam vniuersalis; malum enim sub ratione mali non potest esse volitum, neque intentum, cum non sit appetibile, sed ab appetitu fugiendum, sed per accidens solum potest se habere respectu operantis, quatenus vel permittit illud, non quidem appetendo, sed non impediendo, vel in quantum per aliud appeti potest, id est, ut induit aliquam rationem boni, vel aliquem ordinem ad bonum, siue ad bonum commune, siue ad bonum particulare, & sic potest cadere sub aliqua volitione, vel permissione intenta.

H 2

Hæc

Hæc tamen intentio non spectat ad particulare agens, quia ad ipsum non spectat intendere nisi suum terminum ad quem, quidquid autem ex parte termini à quo se tenet, nullo modo intenditur, sed relinquatur, nec etiam secundo, quia ut secundo intendatur, debet secundo se tenere ex parte termini ad quem; corruptio autem præcise se tenet ex parte termini à quo respectu agentis particularis. ergo nullo modo potest cadere sub eius intentione, sed solum per accidens comparatur ad ipsum. At verò agens vniuersale licet in quantum concurrat cum agente particulari ad suam generationem etiam respiciat corruptionem ut terminum à quo, tamen propter suam vniuersalitatem potest secundum aliam rationem illud quod est terminus à quo attingere ut terminum ad quem, tanquam aliquid requisitum ad bonum commune, etiam quoad sui corruptionem, sicut Deus qui omnem creaturam attingit, ut terminum ad quem, & solum pro termino à quo habet nihil, unde de omni creatura habet disponere, siue quoad existentiam, siue quoad corruptionem, unde corruptio respectu ipsius non se habet per accidens tanquam omnia, sed potest esse intenta saltem secundo, ut induit aliquem ordinem boni, & non pure ut priuatio se habet. De alijs verò defectibus, qui ex necessitate materiæ sequuntur dicemus *conclusione tertia*. Et sic concludit D. Thom. 1. q. 19. art. 9 quod Deus malum naturalis defectus, vel malum poenæ vult volendo aliquod bonum, cui coniungitur tale malum. Hoc est ergo esse de secunda intentione, scilicet non posse intendi nisi præsupposito aliquo bono, quod in se res illa non habet, sed ex aliquo cui adiungitur.

Dices, ergo nulla est differentia inter malum culpæ, & poenæ respectu voluntatis, & providentiæ Dei. siquidem etiam ipsum malum culpæ ordinari potest ad aliquod maius bonum, puta ad humilitatem, vel poenitentiam huius, & tamen D. Thom. ibi ponit differentiam inter defectus naturales, &

malum culpæ, quod malum culpæ Deus nullo modo vult, quia non vult bonum cui coniungitur plus quam ipsam diuinam bonitatem cui contrariatur, malum autem poenæ potest velle volendo aliquod bonum cui coniungitur.

Respond. esse latam differentiam inter malum culpæ, & poenæ, quia licet importet priuationem, & defectum, qui non potest ordinari nisi ex coniunctione ad aliquod bonum, tamen quia priuatio mali culpæ opponitur ordinationi ad bonum diuinum, non potest alicui bono coniungi, ratione cuius possit esse volitum & ordinatum, quia omne bonum debet esse volitum per subordinationem ad diuinum, Deus enim solum vult omnia sub ratione diuini boni, & ideo solum potest permittere tale malum, id est non impediri à Deo, & ipsa permissio ordinari potest ad bonum. At verò malum poenæ seu defectus naturalis non opponitur bono diuino, sed alicui bono particulari, unde potest inducere ordinem ad aliquod bonum, quod magis præponderet, & diligatur, quàm illud particulare bonum quod destruit, & ita ratione huius ordinis, seu boni cui coniungitur, non repugnat intendi, & ordinari à Deo, & non solum permittere.

Dico tertio. Monstra, & defini, quid agens naturale qui consequatur dispositionem materiae, ex qua aliquid generatur, respectu agentis particularis, aliquando fiat fortuito, & nullo modo intentum, aliquando secundo voluit, respectu autem agentis vniuersalis intentum esse possunt. De hac conclusione videndus est S. D. in 2. contra Gent. cap. 5. ubi dicit: *Si fit talis priuatio quæ priuat id quod est debitum generati, erit casuale & simpliciter malum, sicut cum nascuntur parui monstruosi, hoc enim non consequitur de necessitate ad id quod est intentum, sed est contrarium, cum agens intendat per se generationem generati, malum autem actionis accidit in naturalibus agentibus ex defectu virtutis actiue. Unde si agens habet virtutem defectiuam, hoc malum consequitur præter intentionem, sed non erit casuale, quia*

quia de necessitate est consequens ad talem agentem, cum tale agens, vel semper, vel frequenter patitur hunc virtutis defectum etiam autem casuale, si hic defectus raro talem comitatur agentem. ita D. Thom. Quapropter agens particulare, quia solum bonum particulare intendit, & secundum formam particularem agit, tantum intendit facere suum effectum meliori modo quo potest & ita ex intentione sua solum datur perfectio effectus, & assimilatio perfecta. Quod verò virtus eius sit deficiens, vel materia sit indebitè disposita, hoc est præter intentionem eius primariam, eo quod non pertinet ad formam suam tales indispositiones, vel defectus disponere, & ordinare, sed potius quantum potest remouere. Sed tamè si omnes remouere non possit, & tamen operatur & sequitur defectus, aliquando sequitur omnino præter intentionem talis agentis particularis, & sic casualiter se habent, sicut sunt illa, quæ ut in paucioribus accidunt, hæc enim casualia sunt, & omnino præter intentionem. Aliquando verò sequuntur defectus non omnino præter intentionem, sed ex intentione secundaria, quæ potius est non recusatio illius defectus, quam intentio positiva eius; ut quando sunt defectus accidentales materia de necessitate vel perpetuo, sicut artifex qui vult facere gladium eligit materiam duram ut ferram, & hoc per se, sed quia rubigo sequitur ferrum, & hæc non conducit, sed potius deficit ab eius fine, non eligit illam ex primaria intentione, sed quia non inuenit materiam conuenientem sine tali defectu, eligit ex secundaria intentione materiam cum illo propter ad maiorem duritiam, quæ conuenit suo fini; & similiter natura in corpore humano eligit materiam conuenientem operationi sensuum. & sic debet esse composita ex contrariis, sed quia ex illa contrarietate sequuntur morbi & senium, & alij defectus, illi sunt præter intentionem generantis, sed ex quo non inuenitur materia congrua sine illis defectibus, eligit cum illis taliter ex intentione secundaria, hæc enim quia

conueniunt ipsi generato ex parte materiae, & dispositionum, quæ consequuntur illam, respici possunt ex parte termini ad quæ utpote conuenientes ipsi rei genitæ ex necessitate materiae, ex qua formatur, idè possunt pertinere ad intentionem saltem secundariam, quia sunt de necessitate consecuti ad materiam electam, eligitur enim cum talibus conditionibus, non quia eligantur illæ conditiones, sed quia non recusantur, & ita aliquo modo attinguntur secundario. Et hac etiam ratione foemina dici solet aliquid occasionatum, quia est præter intentionem particularis agentis, quod intendit meliorem effectum quem potest, scil. masculum, quod vero sequatur deficientior, scil. foemina, est præter eius intentionem propter indispositionem materiae, vel virtutis actiue, ut docet S. Thom. 1. p. q. 91. art. 1. ad 1. & 3. cont. Gent. c. 91. & q. 5. de Verit. art. 9. ad 7.

At verò respectu agentis vniuersalis, scil. Dei nihil horum præter intentionem, quia respicit fines vniuersaliores, & ordinem totius boni communis, ad cuius varietatem, & constructionem pertinent etiam ea, quæ respectu particularium videntur imperfecta vel defectuosa, aut monstruosa, sicut quod femina sint, est necessarium, propter hominum multiplicationem, & multiplex operatio & virtus naturæ apparet etiam quando erratur in disponenda materia, & conueniunt monstra, sicut multæ species rerum manifestantur ex commixtione monstruosa seminum in piscibus & in animalibus, & alijs similibus. quæ omnia non intenduntur à Deo solum propter necessitatem materię ad quam consequuntur illi defectus, sed propter bonum commune, quod manifestatur, & coalescit etiam ex illis rebus quæ solum ex aliquo præsupposito, & per accidens, seu per aliud habent rationem boni.

Ex quibus respondere potest ad quædam quæ obiectiones, quæ fieri solent, ex eo quod peccata, & mala & defectus non intenduntur, id enim iam solutum est ex prædictis. & ostensum est quomodo aliquæ possunt cadere

sub intentione saltem secundaria, quia ex parte rei genitæ se tenent, licet ab agente particulari solum intendatur propter necessitatem materiæ, ab agente autem vniuersali propter conducentiam ad bonum commune. Ostensum est etiam quomodo aliqua relinquuntur per accidens, & permittantur, sicut corruptio respectu agentis particularis, quia tenet se ex parte termini à quo & auersio à bono diuino in peccato, quia nunquam subordinabilis est bono diuino, sub quo diuina voluntas omnia attingit. Denique constat quomodo materia inclinetur ad corruptionem, scil. ratione ge-

nerationis, vt scil. possit potentialitatem ad omnes formas implere. Vnde materia etiam singularis, & indiuidua considerata secundum potentialitatem communem ad omnes formas, & vt subest agenti vniuersali, qui eam creauit, potest intendere secundario corruptionem, quia ad bonum eius pertinet secundario, & propter successionem formarum. Eadem vero materia, vt subest tantum vni formæ, & agenti particulari, quod illam tantum formam intendit, non respicit corruptionem nisi per accidens, & ex parte termini à quo.

Q V Æ S T I O III.

De Alteratione in communi.

POST explicatam rationem generationis, & corruptionis, sequitur agere de alteratione, quæ illi maximè propinqua est, magisque deseruit. Et Primò, consideranda est alteratio in communi, prout comprehendit sub se simplicem motum alterationis, intensiorem, & remissionem, aliosque alterationis modos, seu actiones, quæ per alterationem fiunt, vt mixtis, & condensatio, & similia. Secundò, in speciali considerabimus de istis speciebus alterationis.

Circa primum tria occurrunt consideranda. Primò, de alteratione quid sit. Secundò, ad quem terminum sit. Tertiò, an sit motus continuus. De subiecto autem alterationis communis est quaestio, ac de cæteris accidentibus, & ideo in quaest. 9. tractabitur à nobis.

ARTICVLVS I.

Quid sit Alteratio, & quotuplex?

Alterationis nomen ab altero derivatur, dicitur enim quasi faciens alterum. Sicut autem dicitur in c. de differentia, aliud est esse alterum, aliud esse aliud. Nam ly *alterum* indicat differentiam accidentalem, ly *aliud*, substantialem. Et ita possumus nomen alterationis comunissime accipere pro omni mutatione accidentali in quo-

cunque genere accidentis, sed non loquimur in præfenti de alteratione, ita vniuersaliter sumpta. Strictius ergo sumitur pro mutatione in qualitate, nam in quantitate, & loco, peculiares mutationes sunt, scil. augmentatio, & motus localis: in qualitatibus autem maximè aliquid fit alterum, præsertim quando per illas ordinatur ad aliquam corruptionem, corruptio enim maximè facit alterum. Vnde adhuc sumendo totum prædicamentum qualitatis, oportet distin-

distinguere, quòd quædam sunt spirituales, quædam corporeæ; & quædam naturales, quædam intentionales; quædam contrarietatem habentes, quædam non. Et illæ quæ sunt spirituales, vel intentionales, vel contrarietatem non habentes, ad physicam corruptionem, vel generationem non ordinantur, & ideo licet possint latiori nomine alterationes dici, non tamen dicuntur alterationes physicæ, de quibus præcipuè agimus in præsentī, quia ad corruptionem, & generationem non ordinantur.

Circa qualitates autem etiam contrarietatem habentes duplici via procedi potest, vel per modum mutationis, vel per modum motus; per modum mutationis quando proceditur à priuatione ad formam, vt à non albo ad album, quæ est generatio accidentalis, & tunc nō est à contrario in contrarium, licet qualitas ipsa habeat contrarium; per modum motus, quando proceditur à termino positiuo ad terminum positiuum secundum latitudinem, & distantiam de vno ad aliud, hanc enim dari in qualitatibus manifestum est, vt offendimus in *quest. 19. Physicorum*, sicut calor & frigus, albedo & nigredo, & alia similia, & tunc est vera contrarietas; & similiter penes magis & minus in eadem qualitate datur positiua distantia, & latitudo à positiuo in positiuum, & totum hoc fit eodem subiecto sensibili manente, ergo habet omnes conditiones requisitas ad motum strictè dictum, vt distinguitur à mutatione; & de hac præcipue agimus in præsentī.

Hoc supposito, alteratio ista quæ est motus sic diffinitur ab Aristot. *in hoc primo lib. textu 23. Quod alteratio est quando manente subiecto sensibili transmutatur in eius passionibus, aut contrarijs motibus aut entibus medijs.* Ex quo aliqui sic eliciūt definitionē alterationis, *quod alteratio est motus ad qualitatem sensibilem mediam, aut extremam*, seu ad qualitatem habentem latitudinem contrarietatis. Dicitur *motus* ad excludendas mutationes instantaneas, inter quas præcipua

est ipsa generatio. Dicitur *ad qualitatem*, ad excludendum alias species motus, quæ versantur circa qualitatem, vel locum. Dicitur *ad qualitatem sensibilem*, ad excludendum motus, qui fiunt circa qualitates spirituales vt circa habitus, vel actus. Dicitur *mediam vel extremam*, id est, contrarietatem & latitudinem habentem ad excludendum eas qualitates, quæ contrarietatem non habent vt lux, figura & aliæ similes. Quare licet aliæ mutationes ad qualitatem, largo modo dici possint alterationes, & ad eas reducantur, propriè tamen alteratio respicit qualitates contrarias, & corruptiuas, eò quòd ex natura sua alteratio seruit generationi, & corruptioni, vt instrumentum eius, versaturque circa qualitates deseruientes generationi, & corruptioni, quæ sunt qualitates contrariæ; & ita Aristot. *in hoc lib. lect. 2.* apud D. Thomam facit hanc consequentiam contra antiquos Philosoph. quòd si est impossibile ex aqua fieri ignem, & ex vno elemento aliud, etiam erit impossibile ex albo fieri nigrū & similiter ex alijs qualitatibus, & sic destructa generatione destruitur alteratio, ergo alteratio ordinatur per se ad generationem. Quare rectè D. Th. *in 3. distinct. 15. quest. 2. art. 1. quest. 1.* colligens omnes cōditiones alterationis inquit: *Quod ad hoc quod sit alteratio requiritur ex parte alterati, quod sit res per se subsistens, aliter enim subiectum motus esse non potest, & quod sit corpus, quia solum tale mouetur, & quod habeat naturam contrarietati subiectā, quia alteratio est motus inter contrarias qualitates.* Ex parte verò terminorum requiritur, quòd vna qualitate expulsa, alia introducatur, sic enim de qualitate in qualitatem transitur.

Ex his deducitur differentia alterationis à generatione, & à reliquis motibus. Differt enim à reliquis motibus ex parte termini, quia augmentatio est ad quantitatem, motus localis ad vbi. A generatione vero substantiali differt, & ex parte termini, quia est ad substantiam, & ex parte sub-

subiecti, quia subiectum generationis est materia prima, alterationis verò subiectum sensibile, seu materia informata, & ex parte mutationis, quia generatio est instantanea, alteratio verò successiua, & ex parte termini à quo, quia generatio est à priuatione, alteratio à termino positiuo, & contrario. Differt denique à generatione secundum quid, quia ista non fit per motum, neque à termino positiuo, sed priuatiuo, sicut cum album fit ex non albo.

Sed obijciat, ad probandum quod alteratio non ordinatur per se ad generationem, nam productio albedinis, & aliorum colorum est vera alteratio, & non ordinatur per se ad generationem substantialem. Similiter acquisitio figuræ, & illuminatio, & obscuratio sunt alterationes, nec tamen ordinantur per se ad generationem substantialem. *Confirmatur*, quia alias si non esset possibilis generatio substantialis, non esset possibilis alteratio, siquidem essentialiter ordinatur ad illam, consequens est falsum, ergo: *Minor probatur*, quia alteratio non pendet per se à mutatione substantiæ, licet pendeat à substantia ut à subiecto, ut patet in rebus incorruptibilibus, ut in cœlo, in corporibus beatis, & in damnatis post diem iudicii, in quibus non est possibilis generatio, & corruptio, & tamen dabitur alteratio ut in cœlo illuminatio, & obscuratio, addensatio, & rarefactio. quædam enim partes cœli sunt densiores, alix rariores, imò & contrafactio dari poterit, cum locutio à beatis in cœlo fieri non possit, nisi per contrafactionem ipsius corporis celestis, ut Diu. Thomas admittit in 2. distinct. 2. questione 2. artic. 2. neque enim ibi est aer, qui confringatur, quando formator vox, neque illa formari poterit sine aliqua addensatione corporis contrafacti, quia pars diuisa non penetratur cum alia, sed condensatur. In corporibus beatis erit respiratio, locutio, tactus, & gustus, quæ sine alteratione non fiunt. In damnatis erit calefactio, & frigeffectio, quibus cruciabun-

tur, ergo dabitur alteratio sine ordine ad generationem. Denique si homines essent ab æterno, non posset in eis esse generatio, ut probauimus in 8. *Physicor.* & tamen in eis daretur alteratio, quia nutrentur, & respirarent, & loquerentur, &c. ergo non omnis alteratio per se ordinatur ad generationem.

Respon. alterationem quæ est motus, & versatur inter contraria, per se ordinari ad generationem, ut dictum est. Et *ad probationem in contrarium*, quod attinet ad albedinem, & alios colores dicimus, quod licet immediatè non deseruiant ad generationem tanquam dispositiones actiue illius, ordinari tamen possunt mediate, & in sua causa, eo quod isti colores causantur ex temperie primarium qualicatum, quæ ad generationem, & corruptionem immediatius conducunt, & ideo colores ut ex talibus qualitatibus consecuti, etiam ordinantur mediatè ad generationem, & in sua causa. Acquisitio autem figuræ aliquando fit mediante alteratione, ut cum ex rarefactione, vel condensatione, vel ex alia qualitate partes ita mutantur, ut figuram amittant & mutant, & tunc talis acquisitio figuræ mediatè pertinebit ad alterationem, & eo modo etiam ordinabitur ad generationem. Aliquando verò contingit mutatio figuræ per solum motum localem, ut cum per diuisionem, vel coniunctionem partium per motum localem fit noua terminatio quantitatis, & resultat noua figura. & tunc cum nō sequatur ad alterationem, nec ordinabitur per se ad generationem. De illuminatione autem, & obscuratione iam diximus non esse alterationem strictè dictam, sed largo modo, & sic non ordinatur per se ad generationem sicut alteratio, quæ est per se inter contraria physica.

Ad Confirmationem negatur min. nec enim alteratio solum requirit substantiam tanquam subiectum, sed etiam requirit mutationem substantiæ, quia est initium quoddam substantialis mutationis, eo quod sub-

Ran-

substantia dependet in sui cōseruatione, ab accidentibus vt à dispositionibus, vnde remotione dispositionum est inchoatio corruptionis. *Ad probationem respondetur*, quodd in cœlo non datur alteratio strictè dicta, quæ est inter contraria, illuminatio enim & obscuratio non est de se alteratio corruptiua, licet per accidens in rebus inferioribus quatenus dependent ab influentijs cœli, quæ agunt mediante luce, consequatur ex illis alteratio qualitarum corruptiuarum in istis corporibus. Addensatio autem, & rarefactio in cœlis non datur, licet enim quædam partes inueniantur densiores, scil. stellatæ, aliæ rariiores, scil. diaphanæ, tamen hoc habent ab initio suæ creationis, sicut alia accidentia propria, non autem modo acquirunt illam per alterationem.

Ad id quod adducitur de corporibus Beatorum, respondetur, omnia illa fieri sine motu alterationis, nam respiratio, & locutio fit per motum localem emittentis aerem, & ferientis; nec respiratio Beatis necessaria erit propter cordis refrigerationem vt temperetur calor, sicut in nobis, quia corpora illa cum sint incorruptibilia per alterationem caloris non immutantur. Ad locutionem autem sufficit aerem ferire & motu locali diuidere. Quomodo autem hoc fiat in cœlo, valdè difficile est apud Theologos, supposita cœli incorruptibilitate, de qua in libris de cœlo. Quod enim ex D. Thom. assertur de contractione cœlestis corporis in locutione Beatorum non dicit id D. S. ex propria sententia, sed supposita opinione aliorum, quod in cœlo potest esse addensatio, & rarefactio, quam tamen dicit æquiuocè conuenire cœlo. *Probabilius tamen videtur* formandas esse voces in aere existente in faucibus, & ore Beatorum de quibus *Psal. 149. Exaltationes Dei in gutture eorum*, nec est inconueniens quod aliquis aer inclusus in corporibus Beatorum ascendat super cœlum, licet elementalis sit, sicut corpora ipsa beata virtualiter continent elementa,

Part II. Phys.

quia mixta sunt; ille autem aer licet sit incorruptibilis sicut & alia corpora elementalia post diem iudicij, ex defectu motus cœli, poterit tamen addensari, aut rarefieri per compressionem, aut dilatationem partium factam per motum localem sine alia alteratione, sicut etiam si tunc moueatur aqua, partes eius comprimuntur sine addensatione alteratiua, vt latius explicabimus *infra, quest. 7.* Formata autem voce in illo aere desideratur ad audiendum alterius Beati per cœlum tanquam per medium secundum species intentionales, non secundum alterationem physicam, vel fractionem corporis cœlestis per sonum. Reliquæ alterationes in corporibus beatis circa passionem, & sensationem erunt solum actiones animales sensum penes species intentionales, vel actus elicitos, non autem alterationes naturales & corruptiuæ, vt docet D. Thom. in 4. dist. 44. q. 2. art. 1. quest. 1. ad 3.

De corporibus damnata dicimus, quod patientur non per alterationem naturalem, quæ tunc omnino cessabit cessante primo alterante, quod est motus cœli in cuius virtute alia inferiora alterant, sed alteratione intentionali per emissionem specierum, quæ tunc non cessabit, quia non dependet à motu cœli, sed à luce, & alijs qualitatibus intentionalibus, & ita ignis inferni per species tangibiles maximam sensationem sui causabit in illis corporibus de quo videatur D. Thom. in 4. dist. 44. quest. 7. art. 1. quest. 2. & 3. De homine creato ab æterno dicimus quod sicut careret generatione per tempus infinitum, ita & motu alterationis per idem tempus carere deberet, & mutatione, quæ aliqua generatione fit.

Denique obij. ies, nam qualitas habet essentiam simplicem consistentem in indivisibili, ergo secundum suam essentiam non potest terminare motum, qui diuisibilis est, sed mutationem, solum autem poterit terminare motum ratione alicuius gradus secundum magis, vel minus, quod non pertinet ad alterationem, vt alteratio est, sed

I

vt in

ut intensio, vel remissio. *Antecedens autem manifestum est*, quia qualitas habet speciem constantem ex genere, & differentia, quæ quolibet addito vel subtracto variatur: ergo ipsa in indiuisibili consistit.

Respondetur, quod ut dicit D. Thom. 1.2. *quest. 52. art. 1.* qualitas seu forma potest dupliciter considerari. Vno modo secundum se. Alio modo in ordine ad subiectum, non quod in re forma sit sine subiecto, sed quia est diuersa consideratio formæ, vel secundum se absolutè, vel comparatiuè ad subiectum. Et primo modo species eius, & essentia dicitur indiuisibilis, secundo vero modo habet diuisibilitatem ratione cuius potest fieri per motum. Hoc autem benè intelligitur respectu intensiōis, & remissionis, quæ, ut dicemus *quest. sequenti*, conuenit qualitatibus per cōparationē ad subiecta; respectu tamen ipsius qualitatis ut absolutè, & entitatiuè acquiritur videtur currere difficultas proposita quomodo acquiratur per motum diuisibilem forma indiuisibilis in sua specie, & essentia. *Respondetur ergo*, quodd quando ipsa species alicuius rei essentialiter importat contrarietatem & distantiam seu latitudinem respectu alterius oppositæ, tunc licet formaliter consistat in indiuisibili, quatenus omnia prædicata essentialiter illi conueniant, & in hoc modo conueniendi non potest aliquod addi vel subtrahi, comparatiuè tamen ad oppositum terminum, latitudinem & contrarietatem fundat, & admittit transitum non solum de priuatione ad formam, sed etiam de vna forma ad aliam; cuius signum est, quia per additionem seu commixtionem vnius formæ cum alia fit variatio speciei, & resultat forma aliqua intermedia vel plures intermedie, quæ latitudinem & distantiam constituunt inter extremas. Ratione ergo huius latitudinis & contrarietatis inter aliquas formas, potest per motum diuisibilem acquiri qualitas, quæ licet sit indiuisibilis in ipsa formali ratione constituenti speciem, & essentiam suam absolutè, cō-

paratione tamen ad suum oppositum, habet modum acquisitionis diuisibilem. Et quia ista oppositio & contrarietas exercetur inter formas per cōparationem ad subiectum, ideo adhuc respectu acquisitionis qualitatis per alterationem, saluatur dictū D. Thom. quod qualitas est indiuisibilis secundum se absolutè, diuisibilis autem per cōparationem ad subiectum, prout scilicet in illo exercetur contrarietas.

Circa secundum punctum, scilicet quotuplex sit alteratio. *Respondetur*. Alterationem esse motum genericum ad tres species motus alteratiui, scilicet *simplex alteratio, intensio, & remissio*. *Simplex alteratio* respicit ipsam substantiam qualitatis, ut motu acquirendam, scilicet ex aliquo contrario positiuo. *Intensio* respicit augmentum qualitatis penes maiorem gradum, seu magis perfectum. *Remissio* autem minorationem penes gradum magis imperfectum. Et hoc ideo est, quia inuenitur triplex modus latitudinis, & distantie in qualitate; potest enim considerari latitudo, vel inter diuersas species qualitatis, vel intra eandem. Inter diuersas, ut inter calorem & frigus, & alias contrarias qualitates, & sic processus ex vna ad aliam fundat motum simplicis alterationis. Intra eandem autem speciem inuenitur maior vel minor participatio eiusdem qualitatis in subiecto, quæ diuersam graduationem, & latitudinem constituit penes magis vel minus, ergo diuersus motus fundatur procedendo à minori ad maiorem gradum per augmentum, & à maiori ad minorem per decrementum, & primum vocatur intensio secundum remissio.

Quod si dantur aliæ species alterationis, ut *Mixtio, Addensatio & Rarefactio*, & aliæ similes; oportet aduertere, quod istæ non sunt species diuidentes alterationem secundum formalitatem motus, id est, secundum diuersum modum latitudinis & distantie, sed secundum specificationem desumptam ex parte termini ad quem, sicut addensatio, quia producit densitatem, & rarefactio ra-

ritate

ritatem, & mixtio qualitatem temperatam, differunt inter se, sicut etiam differt calefactio & frige factio, & alia alterationes ex parte diuersorum terminorum à quibus specificantur, licet quia mixtio & addensatio & rarefactio communiores sint & specialiore habent difficultatem, ideo specialiter de eis tractatur in hoc opere.

Dices; cur similiter non dabitur triplex species motus in quantitate, scilicet ad quantitatem secundum se & ad augmentum eius, & ad decrementum, & similiter in motu locali ad ubi secundum se, & ad ascensum & descensum. *Si dicatur,* quod ubi semper acquiritur sub aliquo modo situationis, vel rectè, vel circulariter, vel curue, & ideo ad ubi seorsum non datur motus. *Contra est,* quia etiam qualitas nunquam acquiritur nisi sub aliquo gradu vel intensio, vel remisso, ergo similiter non requiritur distinctus motus ad qualitatem, & ad intensiorem vel remissionem eius. *Confirmatur,* quia in qualitatibus inuenimus alios motus, præter tres istos scilicet motum extensionis erga diuersas partes in qualitatibus corporeis, vel erga diuersa obiecta in aliquibus habitibus, ergo non est ista diuisio adæquata.

Respondetur, esse diuersam rationem de quantitate & qualitate, tum quia quantitas non habet partes contrarias inter quas fiat transitus de vna ad aliam per motum, quia species eius sunt linea, superficies, & corpus, inter quas non est contrarietas, neque motus transeundo de vna ad aliam, imò omnes per se requiruntur in qualibet parte continui: tum etiam quia quantitas quando primo producitur, consequitur ad materiam seu ad substantiam corpoream per modum dimanationis; quando vero præsupposita aliqua quantitate, alia pars superadditur vel tollitur iam est augmentatio vel diminutio, & sic non est locus motui ad quantitatem secundum se: tum denique, quia omnis motus physicus supponit quantitatem, cum fiat secundum contactum, &

diuisibilitatem, ergo supponit subiectum diuisibile & tangibile, quod quantitatem importat. Similiter dicitur de ubi, quod est diuersa ratio, eò quod intra idem ubi non datur latitudo, & distantia ut fiat maius vel minus in ratione loci, eò quod locus adæquatus est locato, & sic nisi locatum crescat vel decrescat, non crescit vel decrescit locus, augmentum autem vel decrementum locati non pertinet per se ad motum localem, ut acquisitiuus est talis ubi. Solum ergo datur latitudo & distantia inter vnum & aliud ubi, seu inter diuersa loca. At vero in qualitate non solum datur latitudo inter duas qualitates contrarias, sed etiam intra eandem potest crescere magis vel minus, & sic oportet, quod detur motus intensiōis & remissionis in eadem qualitate & simplicis alterationis inter diuersas.

Ad confirmationem respondetur, quod motus ille, quo extenditur qualitas aliqua per subiectum, non est motus distinctus ab aliquo ex prædictis, cum enim ista extensio fiat per multiplicationem seu productionem similis qualitatis, non per transitum de subiecto in subiectum, extensio illa qualitatis ad distinctam partem subiecti, perinde se habet, ac nouæ qualitatis productio, quæ si fiat de contrario in contrarium erit alteratio, quæ est motus, si de priuatione ad formam erit generatio accidentis per modum mutationis. At verò quando qualitas aliqua extenditur ad noua obiecta, ut fit in habitibus, in quibus inuenitur diuersa difficultas in attingendo vnum obiectum inadæquatum, quàm aliud, hoc non fit per alterationem physicam & strictè dictam, de qua agimus in præsentī, sed est alteratio largo modo loquendo, quæ fit per actionem intentionalem, vel appetitiuam, quatenus ex parte ipsius habitus, & non solū ex parte operantis, vel applicationis materiæ datur distincta difficultas in attingendo vnum obiectum, quàm aliud. Et in aliquorum sententia hoc non fit secundum perfectionem eiusdem qualitatis, sed secundum additionem

nem formalem, & augmentationem habitus partialis ad habitum præexistentem, & tunc non est alia difficultas in extensione istius qualitatis, quam in extensione, quæ fit per diuersas partes continui, utrobique enim produciuntur noua pars qualitatis, licet extensio habituum versetur circa diuersa obiecta inadequata, verbi gratia, circa diuersas conclusiones intra eandem scientiam. In sententia verò S. Thom. 1. 2. *quest.* 54. *art.* 4. quæ explicauimus in *Logica quest.* 27. *art.* ult. per hanc extensionem non fit noua additio formalis per productionem nouæ entitatis & qualitatis, sed est virtualis additio, quatenus eadem qualitas seu habitus sub eadem ratione formali magis explicatur & extenditur ad obiectum, ad quod antea non se extendebat, quod est nouum modum perfectionis acquirere, non nouam entitatem, ideoque talis motus, cum non sit alteratio propriè dicta, non est mirum, quod non constituat speciem distinctam, sed reducitur ad intensiorem, licet non sit intensio penes magis vel minus circa idem, sed penes extensionem eiusdem circa inadequata obiecta.

ARTICVLVS II.

Ad quas species qualitatis datur per se alteratio?

DE hac difficultate agit Aristot. 7. *Physicorum capite* 3. ibique à pluribus disputatur, hic tamen videtur esse proprius eius locus, ubi de alteratione ex professo agitur.

Supponendum est ergo in prædicamento qualitatis inueniri quatuor species, seu quatuor diuisiones specierum, quas in *Logica quest.* 16. explicauimus, scil. habitum, & dispositionem, potentiam & impotentiam, passionem, & passibilem qualitatem, figuram & formam, de quibus ibi videri potest, & inquirimus, quænam ex istis speciebus sint capaces terminandi primo & per se alterationem.

Deinde suppono; quod dari alterationem primo, & per se ad aliquam qualitatem, nihil aliud est, quàm alterationem ita attingere aliquam qualitatem tanquam terminum, quod non mediet aliqua qualitas vel aliquis alius terminus, ad quem prius talis actio terminetur, tunc autem datur motus secundario ad aliquam qualitatem quando per aliud immediatius attactum mediate, & secundario aliud attingitur, sicut v. g. attingendo & immutando calorem, vel frigus, tanquam terminum immediatum, attingitur sanitas, vel ægrotudo tanquam resultans ex temperamento frigoris, vel caloris, & sic inquirimus, an omnes istæ species qualitatis, vel solum aliqua sit id, quod immediatè, & per se ab alteratione attingitur, an vero solum aliqua ex his possit immediatè attingi, aliæ vero secundariò, & mediatè, & si solum aliqua immediatè terminat alterationem, quænam illa sit.

Sit unica Conclusio. *Alteratio Physica secundum quod de illa loquimur in presenti solum est ad certam speciem qualitatis per se primo, id est, ad passionem vel passibilem qualitatem.* Et Aristot. citatis locis 7. *Physicor.* ubi etiam videri potest 3. Thom. & 1. de *Generat. lect.* 10. & in 1. 2. *quest.* 52. *art.* 1. ad 3. Et loquimur de alteratione physica, ut excludamus alterationem latè sumptam, quæ etiam comprehendit instantaneas mutationes, & actiones spirituales, vel animales, quæ circa habitus vel actus versantur, nec ordinantur ad generationem, & circa hæc potest dari alteratio latè sumpta, quæ est productio qualitatis. Et dicimus primo, & per se, quia secundario, & ex consequenti bene potest dari alteratio physica circa aliquos habitus, vel dispositiones, quæ sunt primæ speciei. *Fundamentum huius sententia est duplex.* Primum, quia alteratio physica ut dictum est per se, & essentialiter ordinatur ad generationem substantialem, & ad corruptionem, generatio autem substantialis, & corruptio exigit contrarietatem in dispositionibus, siquidem per contrarietatem dis-

dispositionum fit expulsio, & introductio formarum, oportet ergo, quod alteratio deferuiens generationi primo, & per se tēdat ad qualitates contrarias, sed contrarię qualitates contrarietate physica, primo & per se inueniuntur in tertia specie qualitatis, ut patet, tū in qualitatibus quę sunt primo contrarię, ut calor & frigus, siccitas & humiditas, quę sunt qualitates tertię speciei, & similiter qualitates, quę ex istis resultāt tanquam qualitates medię, & contrarietatem inter se habentes, quę omnes ad tertiam speciem pertinent: tum etiam quia qualitates istę quę habent physicam contrarietatem primo & per se, faciunt transmutationem subiecti, quod maxime ex contrarietate qualitatum trāsmutatur, & similiter per se immutant sensus secundum contrarietatem quam inducūt, ergo per se habent inducere passionem transmutantem subiecta, vel sensum, & hoc est quod constituit tertiam speciem qualitatis, quę idcirco dicitur passio, vel passibilis qualitas, quia vel transeunt, vel permanenter transmutat subiectum, & immutat sensum, & ut dicit S. Thom. 1. p. quęst. 97. art. 2. passio proprie dicta est, per quam aliquid a sua naturali dispositione remouetur. Ergo alteratio quę primo & per se vertatur circa qualitates physicę contrarias, ut ita ordinetur ad generationem, directe solum respicit tertiam speciem qualitatis, quę per se primo facit transmutationem in subiecto, & in sensu per passionem.

Secundum fundamentum sumitur ex Phil. in 7. physic. cap. 2. discurrentis per omnes species qualitatis, in quibus non datur alteratio physica primo & per se. Breuiter autem probatur, quia habitus, vel dispositiones aut sunt spirituales, seu vitales & pertinentes ad potentias apprehensiuas, siue appetitiuas, aut sunt purę corporales, ut sanitas seu pulchritudo. Si primo modo se habent non pertinent ad pręiens, quia non acquiruntur per alterationem physicam de quo loquimur in pręsenti, sed per actionem

spiritualem, vel animalem, licet pręsupponatur aliqua alteratio primarum qualitatum etiā ad istas dispositiones, seu habitus pręrequiratur, in eo videlicet in quo appetitus, vel phantasia ab aliqua dispositione organorum dependet, quę fit per corporales qualitates. Si verò habitus & dispositio sit purę corporalis, etiam non potest primo & per se acquiri per alterationem, quia tales dispositiones important conuenientiam aliquam, vel disconuenientiam ad subiectū ortam ex aliquo temperamento primarum qualitatum, sicut patet in sanitate & pulchritudine, ergo prius terminatur alteratio ad illas primas qualitates, & mediate ad sanitatem, vel pulchritudinem. Et in hoc consistit vis probationis Arist. in loco citato dum dicit, quod ad habitum & dispositionem non datur per se alteratio, quia se habent ad aliquid, non autem datur motus per se primo in ad aliquid, ut probatur in 5. physic. quod non est ita intelligendum quasi dispositio, & habitus consistant in relatione prædicamentali, quę sola non potest terminare motum per se: in hoc tamen parificatur relationi prædicamentali quia sicut relationes consequuntur ex fundamento, & ideo ad ipsum fundamentū terminatur motus per se primo, ad relationem autem consecutiue, ita quia dispositiones istę corporales resultant ex debita commensuratione, vel proportionē qualitatum, id quod primo attingitur per alterationem. erit qualitas illa ut proportionata, vel attemperata, consecutiue autem ipsa dispositio conueniens, vel disconueniens.

Quod attinet ad secundā speciem qualitatis, sc. potentia & impotentia, constat, nō terminare primo & per se alterationem, nō solum in potentijs spiritualibus quas nō attingit physica & corporalis alteratio, sed etiam in potentijs naturalibus, tum quia nō inuenitur in potentijs latitudo contrarietatis sicut nec inuenitur magis, vel minus ratione sui præcise, tum quia poterant sunt principia innata, tanquā proprię passionis.

ab ipsa natura dimanantes, ergo non acquiruntur per alterationem primo & per se, sed ad generationem consequuntur. De hoc tamen vide quæ dicimus *q. seq. art. 1.*

Denique in quarta specie scilicet figura, & forma, non datur per se primo alteratio physica, tum quia figura non admittit latitudinem contrarietatis, sed habet se sicut numerus, quia quolibet addito, vel subtracto variatur, & sic latitudinem non habet: tum quia figura resultat ex terminatione quantitatis, & ita aliquando producit ad ipsam quantitatis productionem in ipsa prima generatione rei, ut cum aliquis nascitur cum tali, vel tali figura; aliquando verò resultat ex diuisione quantitatis, & tunc etiā non terminat alterationem, aliquando denique ex alteratione aliqua consequitur, ut ex nimia densitate, vel raritate, aut aliquo simili, figura ipsa mutatur, & tunc non primo, & per se terminat alterationem, sed terminatur alteratio primo & per se ad illam qualitatem, ex qua consequitur mutatio in terminatione quantitatis.

Dices; discursum hunc nimium probare, sequitur enim ex illo, quod ad aliquas qualitates medias, quæ resultant ex primis, nō possit dari alteratio primo & per se, sicut ad colorem viridem, vel rubrum & alias qualitates, quæ ex frigore & calore resultant, & tamen pertinent ad tertiam speciem qualitatis ut densitas, & raritas, aliaque similia, ad quæ tamen datur per se primo alteratio.

Resp. esse diuersam rationem, quia istæ qualitates secundæ, quæ resultant ex primis etiam per se alterationem terminare possunt, nec eodem motu attinguntur primo & per se terminato ad aliam qualitatem, & secundo ad se, sed requirunt distinctū motum præter illū, qui terminatur ad primas qualitates, tum quia aliquando fiunt sine alteratione erga illas, sicut cum aliquid dealbatur, vel denigratur non præcedente aliquo frigore vel calore; tum quia quando fiunt isti colores ex temperie primarum

qualitatum, fiunt per mixtionem, sicut alie qualitates secundæ, in mixtione autem corrumpuntur qualitates miscibiles, & sic fit vna tertia, unde necesse est, quod alteratio non sistat in qualitatibus primis, ut in termino consecutivæ autem resultent secundæ, sed potius, quod destruantur primæ, & tanquam ad terminum ad quem tendat alteratio ad secundam quæ est mixta ex illis, & ideo per se datur alteratio ad illam. Secus est in dispositione corporali ut in sanitate, quæ non est qualitas mixta ex corruptione, seu mixtione primarum resultans, sed ex proportionem, & commensurationem, sanitas enim calorem non corrumpit, nec frigus, sed commensurata habet.

SOLVUNTUR ARGUMENTA.

Primò arguitur ad probandum dari per se alterationem ad primam speciem qualitatis, nam quando acquiritur sanitas, vel pulchritudo, aliquo speciali motu, seu mutatione acquiritur, alia est enim mutatio de ægritudine ad sanitatem, quæ est sanatio, quam à frigore ad calorem, quæ est calefactio; inuenitur etiam diuersa contrarietas inter ægritudinē & sanitatem, quam inter calorem, & frigus, & diuersus terminus à quo & ad quem; ergo dantur omnia requisita ut dentur distincti motus, præsertim, quia illa mutatio seu actio, quæ identificatur cum sanitate, non identificatur cum calore, & talis motus, seu mutatio, ut ad sanitatem præcise non est nisi alteratio, nec ad aliam speciem motus pertinere potest, ergo datur alteratio per se primo ad primam speciem qualitatis, saltem eo modo, quo ad qualitates secundas, seu mixtas datur alteratio, licet resultet ex primis. *Et Confir.* quia in prima specie qualitatis datur proprie & per se intensio, & remissio, ergo & alteratio, si quidem intensio & remissio sunt species alterationis, ut *art. præced.* diximus. Datur etiam in illa vera contrarietas, ut inter errorem, & scientiam, vitium & virtutem sanitatem

ratem & ægritudinem, vbi autem est contrarietas primo & per se, ibi est fundamentum motus primo & per se.

Resp. negando quod sit diuersa mutatio formaliter ad ægritudinem vel sanitatem quã ad primas qualitates, ex quarum proportionem, vel disconuenientia consurgunt; & illa contrarietas inter ægritudinem & sanitatem, & diuersitas termini à quo & ad quẽ totum consecutiue se habet, & est materialiter diuersum respectu alterationis, quã fit ad tertiam speciem. Quod deducitur ex ratione D. Tho. 1. 2. q. 52. art. 1. ad 3. vbi inquit: *Quod alteratio primo quidem est in qualitatibus tertia speciei, in qualitatibus vero prima speciei potest esse alteratio per posterius.* Et subdit rationem *quia facta alteratione secundũ calidum & frigidum, sequitur animal alterari secundum sanum & ægrum.* Igitur licet attingatur sanitas, & ægritudo ex vi alienius mutationis, quã quidem in re est alteratio, tamen quia non attingitur vt terminus primo, & per se actus, sed vt consecutus, si quidem semper debet fieri mediãte aliqua alteratione caloris, aut frigoris, aut alterius primæ qualitatis, ideo mutatio ista prout tangit sanitatem, & identificatur cũ illa non est primo & per se alteratio physica, nec sanitas per se immediate acta, sed consecutiue, & ideo potius ex ipso argumento sequitur, quod non detur alteratio primo & per se ad istas dispositiones, sed consecutiue. Secus est de qualitatibus medijs eiusdem tertiæ speciei, quæ ex mixtione primarum qualitatum resultant, & ita exigunt distinctum motum terminatum ad ipsas qualitates medias, & corruptentem ac miscentem primas, quod non contingit in acquisitione sanitatis, vt dictum est.

Ad confirmat. respond. intensionem & remissionem physicam, & corporalem esse species alterationis physice & corporalis, sic tamen non inueniri in habitibus, & actibus spiritualibus; vnde nec in illis datur alteratio physica, de qua in præsentì loquimur, & similiter contrarietas, quæ datur, nõ

est contrarietas physica seu corporea, sed communiter dicta & quæ ad generationem & corruptionem non ordinatur.

Secundo arguit. nã in secunda specie, quæ est potentia & impotentia, potest dari vera alteratio, nam potẽtia potest debilitari, & impotens reddi per aliquam nouã transmutationẽ, sicut visus, qui est acutus & vigorosus in iuvene, potest fieri debilis in senne, & ingenium etiam potest hebetari, & impotens reddi ex aliquo accidenti, istæ autẽ transmutationes non possunt pertinere ad aliam speciem motus, quam ad alterationẽ, ergo alteratio potest versari primo & per se circa potentiam, & impotentiam.

Respond. quod potentia quæ semel dimanauit à natura tanquã à proprio subiecto, non potest tolli, nisi vel per impotentiam oppositam, vel per extrinsecum impedimentum. Primo modo non potest accidere, permanente vna & eadem natura in eodem statu, nec enim potest ab eadẽ natura, modo dimanare potentia, modo impotẽtia sicut ab homine risibilitas, & irrifibilitas. Quod si pro diuersis statibus dimanaret ab eadem natura, modo potentia, modo impotentia, sicut diuersæ passiones solent conuenire pro diuersis statibus, adhuc tamen non terminarent alterationem primo & per se, sed noua dimanatione resultarent. Si vero impotentia consistat in extrinseco impedimento eiusdem potentiæ, tunc alteratio versabitur circa illud extrinsecum impedimentum nõ circa ipsam potentiam; extrinsecum enim impedimentum pertinet ad qualitatem aliquam tertiæ speciei, per quã ipsa dispositio debita organi ita alteratur, quod potẽtia quæ à dispositione organi dependet, non potest stante tali indispositione, debite operari, & hac ratione visus acutus redditur debilis, & ingenium hebetatur quia organum visus impeditur ex aliqua intemperie dispositionum; & similiter imaginatiua vel phantasia redditur indisposita ad subministrandum intellectui, quod pertinet ad ingenium, & ad istas qualitates

qualitates

qualitates dispositiuas potest per se dari
alteratio.

ARTICULVS III.

*Utrum alteratio sit vnus motus, & con-
tinuus?*

VNitas alterationis potest considerari, vel in ratione mutationis, quatenus vnus terminus destruit & alium producit, vel in ratione motus, qui vtramque mutationem includit, quomodo videlicet sit vnus motus vel vna aut plures mutationes. Continuitas autem potest tripliciter considerari in alteratione. Vno modo ratione subiecti in quo est, quod scilicet per partes continuas alicuius subiecti diffundatur qualitas. Secundo ratione temporis, quod scilicet sine vlla interruptione durationis continuetur alteratio. Tertiò ex parte formæ, quod videlicet forma non solum introducatur in instanti, & indiuisibiliter tota, sed aliquid illius continuatiue in tempore, & aliquid in instanti.

Dico ergo primo. *Alteratio in ratione motus est vnus, includit vero duas mutationes, alteram corruptionem termini à quo, alteram quæ est acquisitiua termini ad quem.* Quod istæ duæ mutationes dentur, constat ex his quæ supra diximus agendo de generatione, & corruptione, quæ duplicem istam mutationem important, & in *question. 11. Physicor. articulo. 2.* vbi ostendimus has mutationes esse necessarias ad motum, quia in illo fit transitus de quodam in quiddam & consequenter acquirendo vnum & corrumpendo aliud. Quod vero motus sit vnus pater, quia est vnus transitus & via de subiecto in subiectum, id est de termino positiuo inter terminum positiuum inter quos inuenitur latitudo & distantia vel contrarietas, hæc autem est vna, quando solum sunt duo termini inter quos exercetur, sic autem inuenitur in alteratione cum sit transitus de vno contrario in aliud contrarium, ergo datur vnus motus. Et eadem ratione est vna actio, quia

est vnum agens, & vnum passum, & consequenter vna processio causalitatis.

Sed dices, cur similiter generatio substantialis, & corruptio, quæ sunt duæ mutationes non facient vnum motum, sicut in qualitatibus? Respond. quod etiam mutationes, non efficiunt motum, nisi inter ipsos terminos positiuos fundetur aliqua distantia positiua vel contrarietas vincenda, & non solum esse vel non esse mutandum. *Cum ratio est,* quia in mutatione, vt præcisa mutatio est, solum intenditur acquisitio alicuius esse de nouo, & consequenter ex parte termini à quo solum per se petit non esse, seu priuationem. Si vero hæc priuatio sit coniuncta alicui formæ positiuæ, id erit per accidens ad talē mutationem, quatenus sc. illa priuatio inuenitur coniuncta ad aliquam formam. At vero in motu non solum intenditur acquirere esse de nouo, sed distantiam vincere inter terminos inter quos versatur, & hi debent esse positiui, nam inter priuationem & positiuum non datur latitudo, quia sine medio opponuntur tanquam esse, & non esse, & si aliquid inuenitur de medio, est ratione alicuius positiui præsuppositi: contraria autem habent medium per quod positiue distant, & opponuntur. Vnde cum inter formas substantiales, non attendatur aliqua latitudo contrarietatis, sicut inuenitur in qualitatibus eo quod ex participatione formarum substantialium, tanquam ex extremis non participatur nec cōtemperatur aliquod medium, neque in vna & eadem forma inuenitur magis vel minus, ideo non inuenitur distantia, & contrarietas inter formas substantiales fundans motum, sicut inter qualitates.

Secundo inflatur contra conclusionem nam sequitur ex illa, quod intensio & remissio non sint duo motus cum tamen in articulo. 1. dixerimus illas esse duas species motus. Sequela probatur, nam quando est motus à calore vt vno ad calorem vt septem, ibi est intensio caloris, qui acquiritur & remissio frigiditatis quæ deperditur, tantum enim

onim deperditur de frigiditate quantum acquiritur de calore, ergo illa frigiditatis mutatio, est remissio, & tamen est vnicus motus. siquidem est tantum vna via, & vnus terminus acquisitus, & vnus deperditus, alioquin quoties intenditur qualitas essent duo motus, alter à minori calore ad maiorem, alter remissius frigiditatis à maiori ad minorem.

Respondetur intensionem & remissionem secundum se esse motus distinctos sicut accretionem & decretionem, ascensum & descensum, & tunc sunt contrarij quando versantur circa eandem formam, verbi gratia, intendendo aut remittendo calorem. Quando autem versantur circa diuersas formas, verbi gratia intendendo calorem, & remittendo frigus, vel habebunt se disparatè illi motus, si formæ ipsæ ordinem & connexionem inter se non habeant, vel coordinatè se habebunt si formæ ipsæ consecutiue se habeant, ita vt vna remittat vel expellat aliam. Cæterum quando inuenitur motus intensionis corrumpens frigiditatem, vel attenuans, non est per se motus remissionis, quia non est per se minoratio, sed ex consequenti, quatenus est corruptio frigoris inuenti in subiecto. Quia tamen hoc per accidens est respectu intentionis caloris, ideo ille motus non denominatur remissio, nec fit per modum motus, sed per modum mutationis corrumpentis aliquid de frigore ex consequenti, & per accidens, cum intendatur calor: motus autem non sumit speciem suam, neque constituitur in ratione motus penes id, quod est per accidens & ex consequenti, sed penes id quod est per se, & ex parte termini ad quem se tenet, non ex parte termini à quo tantum. Et ideo quādo intenditur calor licet detur remissio frigoris, non tamen est motus remissionis, quia illa minoratio frigoris præcise se tenet ex parte termini à quo, vt terminus mutatus & destructus, & consecutiue se habens ad acquisitionem caloris, non vt motus per se minoratiuus, cuius termi-

Part II. Physic.

nus ad quem sit minoratio frigoris, & ideo non est per se motus remissionis, sed mutatio destructiua frigoris non per se minoratiua, & temperatiua illius. Potest autem dari aliquando intensio sine remissione oppositi, vt in intensione lucis quæ iam supponit tenebras expulsas, & in intensione charitatis, quæ supponit peccatum expulsum per sui primam introductionem, vnde non semper intensio est coniuncta remissioni etiam per modum mutationis, & per accidens factæ.

De continuitate alterationis.

Dico secundò, alteratio quæ vere est motus, est continuus, vt opponitur discreto si attendamus ad continuitatem, quæ fit per extensionem qualitatis in partibus continui, siue quæ fit penes durationem temporis, siue quæ fit per intensionem formæ. Et dicimus vt opponitur motus discreto, quia si sumamus continuum vt dicit rationem perpetui & nō cessantis, sic alteratio non est continua, sed finitur, & interruptitur sæpiissime. Itaque licet qualitas possit produci in instanti, vt quando fit vltima dispositio, tamen quando fit per verum motum, neque fit in instanti, neque per multas instantaneas actiones, ita quod inter instans, & instans nihil producat de qualitate, sed solum disponatur, vt in instanti fiat productio, vt aliqui senserunt. Sed oppositum tenetur communiter, vt videri potest apud M. Bannez, super primum librum de generatione, quæst. 6 de alteratione, & Cursum Carmelitanum, disp. 4. de alteratione, q. 10. Conimbric. & alios.

Duo ergo nobis probanda sunt: primum, quod alteratio non potest fieri in instanti, sed habet successionem in duratione temporis: secundum, quod in extensione vel intensione qualitatis non solum in instantibus, sed etiam in tempore intermedio inter instans, & instans producit aliquid qualitatis, & non cessat actio alteratiua.

Primum probatum est à nobis, q. 21. Phys. art. 2. quia motus succelsiuus nō habet esse

K

in instan-

in instanti, quia hoc ipso, quod est successivus non est indivisibilis, omnis enim successio dicit partem post partem: ergo dicit divisibilitatem, ergo non coexistit, nec mensuratur instantanea duratione. Deinde deducitur ex doctrina Div. Thom. 1. *part. quest. 53. art. 3.* ut etiam ibi adduximus, quia non potest stare, quod subiectum aliquod toto tempore quiescat sub vna forma, & in ultimo instanti illius temporis sit sub alia forma quasi mutatum ad illam in facto esse, ergo motus nunquā potest perfici in vnico instanti, ita quod ante illud instans nihil sit de motu, & in ultimo instanti sit motus & terminus motus, seu mutatum esse; quia nō potest dari mutatum esse nisi præcedat aliquod moveri, id est, aliqua tendentia ad illam formam acquirendam & oppositam expellendam; ut autem quiescat toto tempore ante, oportet quod ita sit sub vna forma, quod nō sit in via corruptionis ad eam, nec tendentia ad aliam, sed ita se habeat nunc sicut ante; ergo non potest stare, quod in ultimo instanti aliquid sit mutatum, & toto tempore non præcedat moveri, sed quiescere. Quod etiam in instantaneis mutationibus, si ordine & modo naturæ fiant, apparet, præcedit enim aliquis motus, siue per modum dispositionis, siue per modum applicationis, sicut patet in generatione substantiali, & in illuminatione; nam generatio substantialis fit dependenter ab alteratione præcedenti, quæ est motus; & similiter luminosum non illuminat naturaliter in hoc spacio vbi ante non illuminabar, nisi quia hic de nouo producit, vel quia hic de nouo adducitur; si de nouo adducitur, præcedit motus localis, si de nouo producit per generationem naturalem, ut si fiat ignis, præcedit alteratio, & ita naturali modo nunquam ponitur aliquid sub noua forma etiam in instanti, nisi præcedat aliquis motus. Si autem virtute diuina aliquid producat, vel creetur subito, sine aliqua dispositione vel motu præcedenti, hoc non pertinet ad naturalem modum operandi

de quo loquimur in præsentī, & sic etiam non est mirum, quod corpus Christi ponatur sub speciebus panis in aliquo instanti, cum ante nullus esset motus ad illud, quia hoc fit supernaturali virtute non naturali modo. Et hac ratione probat D. Thom. loco citato Angelum non posse moueri in instanti quiescendo toto tempore antecedente in alio loco. Si autem Angelus existit in alio loco per totum & integrum instans, sine vilo tempore, vel motu quiescendo, oportet quod aliud sit instans pro existentia in vno loco, & aliud pro existentia in alio, ita quod in vno loco quiescat non toto tempore, sed toto instanti, & in alio instanti sit in alio loco; sed tunc desitio vnius loci, quæ est in instanti, & per ultimum esse inceptio alterius, quæ est in alio instanti, non mensurantur vnico instanti, sed duobus, & ita motus ille discretus non est in instanti, sed in instantibus. Vnde nunquam verificatur motus, etiam discretus in vnico instanti.

Secundum in hac conclusione probandum est, quod datur motus continuus continuitate se tenente ex parte formæ in hoc sensu, quod si aliquid formæ producit in instanti, aliquid etiam illius acquiritur in tempore, & non cessat actio, & continuatio formæ inter instans & instans; & sic negatur ab aliquibus ista pars. Deducitur tamen ex D. Th. in 2. *dist. 5. q. 2. art. 1.* vbi probat dispositiones ad generationem substantialem præcedere tempore introductionem formæ, quia alteratio est motus continuus & ideo principium eius & medium præcedunt introductionem formæ: ergo alteratio datur in tempore, & non est discreta per instantia. Eandem continuitatem alterationis per tempus medium inter duo instantia ponit S. Doctor in *quod 1. 9. art. 6.* & videri etiam potest in *primo de gener. lect. 24. circa textum 84. & 85. Phys. lect. 7.* & sumitur ex Philosopho in *eodem 5. Physic. tex. 39.* vbi dicit: *Quod continuus omnis motus est, & simpliciter quidem vnum, & continuum esse necesse est.*

Ratio

Ratio autem est, quia vel inter duo instantia continuatur aliquis motus, ita quod non cessat actio, neque quiescit, vel cessat inter instantia, & instanti omnis motus, & actio productiva qualitatis. Si primum, ergo ille motus, & fluxus inter instantia & instantia non potest intelligi sine aliqua forma fluente, quæ in instanti quidē habeat mutatum esse, seu in facto esse fiat, in tempore autē seu motu sit in fieri & moueri, quia motus non est præter res ad quas est motus, & sic si realiter datur motus inter instantia & instantia, realiter datur forma, cum qua identificatur tanquam cum termino fluente & successiue transeunte de non esse ad esse. Si secundum dicatur, est impossibile, quia si in hoc instanti datur qualitas producta, & immediate potest cessare motus, & in sequenti instanti datur aliquid productum, illud non erit acquisitum per motum, nec per alterationem quæ est motus, sed alicui actione distincta à successione & motu, quæ non apparet quæ sit. Deinde, quia inter instantia & instantia agens est debite applicatum ad agendum, & passum capax ad recipiendum, & non impeditum, non minus, quam in sequenti instanti, quia ut supponimus, nec passum est mutatum inter instantia & instantia a sua dispositione, neque agens a sua actiuitate, quomodo ergo suspenditur ab agendo inter instantia & instantia? Denique in motu locali non cessat aliquis moueri inter instantia & instantia, quia paulatim de vno loco ad alium transitur per medium, & vincitur distantia inter duo loca, ergo similiter distantia & contrarietas qualitatum & intensio- nis eius vinci debet per successionem & continuationem motus producendo aliquid inter instantia & instantia.

Nec potest dici, quod inter instantia & instantia, agens producit aliquid, sed non formam, v. g. calorem, sed dispositionem aliquam ad calorem v. g. raritatem vel quid simile. *Sed contra*, nam præterquam quod ad calorem non datur dispositio, cum ipsa sit prima qualitas, adhuc hoc dico idem argumentum fit de illa dispositione, nam vel est qualitas, vel

non: si non est qualitas non est assignabile quid sit & ad quod prædicamentum pertineat, vel si est modus eiusdem qualitatis, quis modus sit præter intensionem, & remissionem, isti enim si producuntur in tempore iam motus intentionis erit continuus. Si autem illa dispositio est qualitas, verbi gratia, raritas ergo iam aliqua qualitas produciunt inter instantia & instantia & consequenter eadem ratio erit de ipso calore.

Dicitur licet in intensione qualitatis motus sit continuus & producat aliquid inter instantia & instantia, tamen quando alteratio est de vna qualitate ad aliam v. g. inter album & nigrum, quid qualitatis produciunt inter instantia & instantia? cum qualitas media non producat diuisibiliter, sed indiuisibiliter, est enim species vera qualitatis habens esse indiuisibile, & terminis mutatum esse. *Resp.* quod cum transitur de albo ad nigrum per mediam qualitatem, v. g. per pallidum, tunc inter instantia & instantia fit pallidum imperfecte, quatenus incipit albedo deflorescere & deficere à perfectione sua, & est albedo in corrupti quod est pallidum in fieri, & hoc fit inter instantia & instantia, quia habet latitudinem illa corruptio albedinis, & acquisitio palloris, & ita secundum aliquid latitudinis fit in tempore, & in facto esse consumatur in aliquo instanti.

De indiuisibilibus alterationis.

Cum continuum constet ex partibus conexis, quæ utique aliquibus indiuisibilibus continuantur, oportet explicare, quomodo in qualitatibus, & alteratione successiua dentur ista indiuisibilia? *Resp.* quod iuxta diuersos modos diuisibilitatis in qualitate debent considerari eius indiuisibilia. Est enim inuenire diuisibilitatem extensionis ratione subiecti quanti, & diuisibilitatem motus ratione successionis, & denique diuisibilitatem formæ penes magis & minus in intensione & remissione. *Quantum ad primum*, sicut accidentia habent extensionem quantitatiuam mediante quantitate, quæ afficit substantiam, & extendit eam, & acci-

dentia quæ in ea sunt, sic mediante quantitate redditur qualitas extensa, & diuisibilis, & consequenter mediante ipsa habebit etiam indiuisibilia continuantia talem diuisibilitatem quantitatiuam. Et sicut substantia non habet diuisibilitatem, nec indiuisibilia, nisi mediante quantitate, ut probatum est in 6. *Physicor. quest. 20. & in quest. 16. Logica*, ita neque qualitas, & alia accidentia materialiter extensa habent indiuisibilia huius extensionis, nisi mediante quantitate, est enim eadem ratio de ipsis & de substantia quo ad hoc.

Quo ad secundum dicimus, quod in alteratione quatenus motus est dantur indiuisibilia sicut in alijs motibus, scilicet, quod indiuisibilia sunt ipsa mutata esse in successionem qualitatis quæ terminant vel continuant ipsam successionem motus sicut explicauimus, *quest. 20. Physicor. art. 1.* hoc autem mutatum esse, ut sumitur ex D. Thom. *1. part. quest. 53. artic. 1.3.* explicatur per hoc, quod mobili non sit in eadem dispositione in quolibet instanti illius temporis in quo mouetur. Et sic quatenus illa dispositio est inferior, dicitur esse in fieri, quatenus terminatiue est in facto esse, dicitur mutatum, & tunc est alia dispositio, & ita siue hoc mutatum esse consistat in aliquo indiuisibili in quo finitur & terminatur siue in aliquo alio modo, vel ratione, tamen illud constituit formaliter mutatum esse, quod constituit mobile in alia atque alia dispositione terminatiue, & in facto esse, ita quod omnes partes, quæ sunt in fieri per tempus, sint in instanti in facto esse, & ex illo facto esse sequatur aliud fieri alterius partis quæ in facto esse sit in alio instanti usque ad ultimum in quo sistit motus. Qualitas ergo sic induens diuersa mutata esse, constituit diuersa indiuisibilia successiua motus alterationis.

Quo ad tertium, scilicet, de indiuisibilibus ipsius qualitatis seu formæ quæ acquiritur per alterationem, *potest esse difficultas* vel intra eandem qualitatem quando intenditur vel remittitur, an ista latitudo in-

tensionis, vel remissionis quæ diuisibilis est, aliquibus indiuisibilibus partes suas debeat continuare, & copulare. Et de hoc pertinet ad sequentem questionem, ubi de intensione, & remissione qualitatum agemus. *Potest etiam esse difficultas*, utrum in ipsa latitudine seu distantia, quæ inuenitur inter duas contrarias qualitates per quam fit transitus de vna ad aliam (ut inter album & nigrum ponitur pallidum, viride, caruleum, &c.) an etiam ponenda sint indiuisibilia, quibus ista latitudo & distantia, quæ diuisibilis est coagmentetur. Sed tamen in hoc non apparet ratio aliqua constituendi indiuisibilia, quia istæ species non sunt continuæ inter se, nec habent partes eiusdem rationis quæ indigeant copulari diuersis indiuisibilibus, sunt enim diuersi colores, vel alia qualitates mediæ inter speciem autem, & speciem coloris, datur latitudo de colore imperfecto & inchoato, ad alium colorem medium perfectum, & de illo ad alium usque ad extremum, cum corruptione prioris, qui expellitur, & tunc non acquiritur aliquod indiuisibile copulatiuum partium, sed species quædam determinata, & certa, quæ tamen quia media est & imperfecta, viam parat & transitum ad aliam, quæ ex temperatura, & medietate alterius confurgit, ideoque latitudinem facit motu vincendam, non indiuisibilibus copulandam.

S O L V V N T V R A R G V - M E N T A.

Primo obijciens contra continuitatem alterationis. Motus alterationis in intensione, non potest esse continuus; ergo falsa est conclusio, quæ loquitur de omni alteratione. *Antec. probatur*, nam id quod produci- tur per talem motum est aliquis modus maioris ac minoris radicationis in subiecto, tales autem modi sunt indiuisibiles in se, ut sequenti questione probabitur, ergo non possunt terminare motum, quia ad illum terminandum requiritur aliqua diuisibilitas, & latitudo inter terminos, ita ut parti motus correspondeat pars termini & indiuisibili

bili motus indiuisibile termini. *Confir.* quia quælibet pars motus vere, & proprie aliquid producit, ergo oportet quod in ipso termino motus aliquid cuiuslibet parti motus correspōdeat, & ita habeat partes priores, & posteriores, ergo si quilibet gradus aliquid indiuisibile est, saltē formaliter totus produceretur per primam partē motus, & sic nihil relinqueretur alteri parti, seu medietati, quod producat.

Resp. non repugnare quod partes motus terminentur ad aliquid indiuisibile, quatenus est partium terminus, sicut partes lineæ terminantur indiuisibili, & similiter in motu omnes partes motus terminantur ipso mutato esse, eo quod omnes partes motus se habent in fieri respectu illius; imò omnis terminus debet esse indiuisibilis, & terminare partes diuisibiles, nō quod cuiuslibet singulatim inhzreat, & adæquate, sed inæquate alicui indesignatæ, ut diximus in q. 20. *Phys. artic. 3.* & ita licet non adæquetur illis informatiue adæquatur tamen terminatiue, quia omnium illarum terminus est. Sic ergo in qualitate quando intenditur, acquiritur gradus aliquis, seu terminus per motum, qui licet in se sit indiuisibilis, utpote terminus, virtualiter tamen diuisibilitatem dicit secundum quod partes præsupponit, & illarum terminus est; & sic non requiritur diuisibilitas in termino secundum se & formaliter, sed ratione partium quas terminat & quas successiue oportet acquiri per motum.

Ad Confir. Resp. quod quælibet pars motus producit aliquid, nempe illud mutatum esse, non tamen quælibet pars motus producit illud adæquate, sed inadæquate, licet enim terminus ille indiuisibilis sit in se, est tamen terminatum plurium, quæ sub illo stare possunt, & illud respiciunt ut factum esse suum: quod si haberet partes priores, & posteriores, nō esset terminus earum, sed compar. Nec prima pars motus producit totum indiuisibile, seu mutatum esse, tum quia ibi nō datur prima pars motus, ubi o-

mnes sunt indesignatæ, & confusæ, tum quia illa medietas producit terminum inadæquate, id est, ut partialiter fieri illius, non integrum fieri eius.

Secundo arguitur, quia in alteratione, & intensiōe non est vnus terminus tantum, sed plures qui continua ipsa actione acquiruntur, ergo non potest esse vnus motus quia nō est vnus terminus a quo sumatur unitas. *Antec. patet*, quia dum continuatur motus alterationis plures termini producuntur, v.g. plures gradus in intensiōe, vel plures qualitates mediæ in alteratione de vna specie ad aliam, ergo terminus non est vnus, & consequenter, neque motus, & sic nec erit continuus. *Confirmatur*, quia si alteratio esset motus continuus, & duraret, verbi gratia, per horam in fine horæ esset infinita qualitas producta, quia sunt infinita instantia, & consequenter infinita mutata esse, ergo si sit intensio per totam illam horam, attinguntur illa infinita, quorum quodlibet augeret intensiōem, & gradum, & consequenter in fine horæ qualitas reddetur infinita.

Resp. quod in alteratione continua datur vnus terminus adæquatus, licet plures inadæquati, habet autem unitatem terminus adæquatus ratione ultimi, in quo sistit motus, & ad quem ceteri ordinantur, sicut in motu locali, quando plura loca attinguntur, vsque ad vltimum, ab illo vltimo sumitur unitas continuata talis motus, & ideo simpliciter est vnus, quia simpliciter terminatur in vno, ut latius diximus *question. 19. Physicar.* Itaque in quolibet instanti potest acquiri diuersus locus inadæquatus, inter instans autē, & instans sit transitus de loco ad locum, & tunc dicitur esse in loco quasi in mutari, non in mutato esse, de quo ibi latius diximus. *Ad Confir. Resp.* in primis argumentum illud procedere, etiam si alteratio sit motus discretus, quia sicut intra vnā horam sunt infinitæ partes diuisibiles ita sunt infinita instantia indiuisibilia eodem modo, quo partes infinitæ & ideo licet inter instans, & instans non sit

motus, neq; actio, eadem manet difficultas quomodo in infinitis instantibus, quę includuntur intra horā fiat intensio illa qualitatıs, & non sint infinita. *Respond. ergo*; quod infinitas illa instantium, & partium infinitarum, quę in quolibet continuo includuntur, est infinitas in potentia, & non in actu, quia est infinitas, quę includitur, & consumitur in partibus aliquotis, & finitis, & ideo est aliquid finitum in actu, & solum infinitum in potentia, vt latius ostendimus in q. 15. & 20. *Physic.* Itaque vt sit infinitum in actu oportet, quod constet partibus infinitis aliquotis, quia debent esse æquales vni tertio, & non communicantes inter se; illę autem partes infinitę sunt proportionales, & inde signatę, & inter se communicantes, vt locis citatis explicauimus, & eodem modo se habent instantia, seu indiuisibilia, quę cum partibus ipsis, & ad earum modum multiplicantur in continuo, vnde solum ex illis resultat infinitum in potentia, hoc est, quia potest designari ex quacumque parte in infinitum diuisibilitas totius, & sic ex eo, quod tota hora duret intensio, solum sequitur, quod qualitas habebit infinitas partes in potentia, & similiter indiuisibilia, finitas autem in actu, vt pote inclusas intra terminos finitos vnius horę.

Tertio arguitur, quia si alteratio est motus continuus non poterit incipere per primum esse, sed per vltimum non esse, sicut alij motus, hoc autem est impossibile, ergo. *Minor probatur*, quia si incipit per vltimum non esse, est verum dicere nunc agens non alterat, immediate post alterabit, in illo ergo nunc, vel agens est debite applicatum passo, & tunc non est ratio, quare non aget posita illa applicatione, vel non est debite applicatum, & tunc nec immediate post aget, quia immediate post non potest compleri tota applicatio, quia diuisibilis est, cum fiat per motum & in parte diuisibili, & sic immediate post non erit totaliter applicatum in facto esse, ergo neque sequetur actio. Similiter etiam est inconueniens

quod qualitas quę est res permanens non incipiat per primum esse, præsertim cum sit dispositio determinata, & in illa assignari debet minimum, & consequenter aliquid certum & determinatum, atque adeo debet incipere per primum esse. *Denique Confirmatur*, quia hæc videtur esse mens Aristot. 8. *Physicor.* tex. 23. vbi inquit: *Quod ducere alterari continuum, est rebus perspicuis aduersari*, & subdit, *quod alteratio non fit per partes sicut congelatio, sed subito sicut cauatıo lapidis ab vltima gutta*, quam constat non esse motum continuum. Et idem affirmat San. Thomas super eundem locum lectione 5. & 6. *Physicor. lecti. 5. & 2. contra gen. cap. 49.* & in alijs locis.

Respond. quod sine dubio alteratio sicut & alij motus, & qualitas per eam producta incipit per vltimum non esse. Et *ad probat. dicitur*, quod siue applicatio agentis ad motum fiat in instanti siue non, tamen applicatum esse de facto, pertinet ad mutatum esse, & est in instanti, in illo tamen non incipit intrinsece motus, sed extrinsece, atque ita non bene sequitur agens est applicatum de facto in hoc instanti, ergo in hoc instanti intrinsece est actio seu motus, non enim sequitur, quod actio sit in hoc instanti intrinsecè, nisi actio ipsa instantanea sit, sed sufficit quod incipiat extrinsecè, quia immediate post erit. Quare non est necesse quod motus sequatur ipsum applicatum esse, nisi iuxta naturam suam, ita quod si aliquid est applicatum in instanti, motus non dabitur in instanti intrinsecè, sed immediate post, & ita in illo instanti incipiet extrinsecè sicut graue cum generatur sursum in eodem instanti incipit moueri non intrinsece, sed extrinsecè. De facto tamen non datur primum applicatum esse, sicut nec primum mutatum esse in motu, applicatio enim per motum fit. Quod vero dicitur qualitatem esse rem permanentem, & ita debere incipere per primum esse, *distinguo*, est res permanens quando est in facto esse determinate concedo, quando est in fluxu & fieri, nego: vel

vel secundo est res permanens incipiens modo permanenti, *negō*, incipiens modo fluenti, & successiuo, & admodum motus, *transit*, & tunc accommodatur ipsi modo fiendi qui est per motum, non modo proprio effendi quem habet in facto esse: qualitas tamē quæ est dispositio ad formam substantialem sub statu illo dispositionis, debet dicere aliquid determinatum, præsertim loquendo de dispositione vltima, nam aliæ latitudinem, & indiuisibilitatem habere possunt, & ita illa incipiet in instanti, & non per modum motus.

Ad Confirmationem Respond. Aristot. & Diu. Thom. *in citatis locis* solum intendere contra aliquos antiquos Philosophos, qui ponebant omnia semper moueri, & nunquā quiescere, quod alteratio non est motus continuus, id est non perpetuo durare, non tamen quod quamdiu durat sit discretus; quando verò dicit quod alteratio nō fit per partes, sed subito, intelligitur de alteratione pro vltimo effectū, & dispositione, non absolute, & secundum se.

QVÆSTIO IV.

De intensione, & remissione.

ARTICVLVS I.

Quid sit intensio & remissio, & in quibus formis inueniatur?

GENERALITER loquendo omne augmentum, vel decrementum dicitur quantitas, in quacumque re contingat, eò quod id quod nobis sensibilis, & manifestius est in augmentis rerum, est quantitas. Tripliciter autem potest inueniri ratio ista quantitatis in qualitatibus, vel formis. Vno modo per extensionem in subiecto; & hoc solum conuenit qualitatibus, quæ inhaerent in subiecto habente partes quantitatis sicut cum albedo diffunditur per aliquod subiectum, & crescit in illo, quia est in pluribus partibus subiecti, & hoc modo dicitur qualitas magna, seu quanta per accidens quantitate subiecti. Alio modo attribuitur quantitas, seu magnitudo qualitati ex parte obiecti circa quod versatur, sicut conuenit habitibus intellectus, vel voluntatis, qui versantur circa aliqua obiecta, & aliquando plura, aliquando pauciora comprehendunt, & secundū hoc dicuntur extendi, vel augeri in ordine ad obiecta: & hæc vocatur extensio virtualis, seu quantitas virtutis, eo quod magna vir-

tus dicitur per ordinē ad obiectum, seu pondus quod ferre potest. Tertio modo dicitur quantitas, seu magnitudo qualitatis secundum participationem maioris perfectionis penes magis & minus, & hoc pertinet ad intensiōem, & remissionem, de quo videri potest S. Th. q. 1. de verit. art. 11. ad 10.

De hac ergo intensiōe duo supponimus in presenti articulo, & alterum quod difficilius est disputamus. Primo supponimus dari tale incrementum intensiōis, & decrementum remissionis, quod pertinet ad quæstionē an est. Hoc autem constat ex ipsa experientia; nā videmus qualitates aliquas crescere, aut decrecere penes magis, aut minus, quod nō potest reduci ad alias duas extensiones, seu magnitudines dictas, nā videm⁹ calorē, vel albedinē, aut lucē aliquando esse perfectiorē, & maiorem, nō quia plures partes subiecti occupet, sed in eisde nec quia subiectū sit densius, vel rarius, siquidē in eodē aere lux solis est perfectior quā lux, stante eadē raritate aeris, & ita hoc augmentū nō pertinet ad quantitatem extēsiōis formalis; similiter neq; pertinet ad extēsiōem virtuale, quia lux & calor & similes qualitates non habent diuersa obiecta circa quæ versantur, sed sub-

subiecta quæ informant. Relinquitur ergo, quod sit quantitas, & augmentum intensio- nis penes magis, & minus.

Secundo suppo: inus definitionem inten- sionis quod pertinet ad questionem quid est? Definiri autem potest intensio, quod est *motus ab imperfectiori esse sive statu eiusdem qualitatis ad perfectiorem eodem subiecto sen- sibili manente.* Remissio vero è contra *a per- fectiori ad imperfectiorem.* Ita tradit M Ban- nez *quest. 2. de alterat.* & dicitur *ab imper- fectiori esse, vel statu,* ut definitio abstrahat ab omni opinione, an fiat intensio penes diuer- sos gradus, vel diuersos modos, vel diuer- sam participationem in esse, de quibus pos- tea dicemus. Dicitur autem *motus* quod est genus ad alterationem, & consequenter ad intensiōem sed quia nō omnis intensio fit per alterationē propriè dictam ut in spirituali- bus qualitatibus, ideo utimur generali no- mine motus, & excluditur etiā per hoc ac- quisitio noui status in aliqua qualitate, vel forma nō per motum, sed per aliquā eleua- tionem vel modum operandi diuersum sic- ut charitas, quæ est in via mutat statum in patria, non per maiorem intensiōem & motum, sed per nouam apprehensiōem ob- iecti clare visi. Denique significatur distin- ctio intensiōis à simplici alteratione per hoc, quod sit eiusdem qualitatis ad perfe- ctorem statum, seu esse, quia alteratio sim- plex producit ipsam qualitatem primo & per se, non autem solum perfectiorem sta- tum, vel esse illius.

Inquirimus autem, quænam formæ sint capaces huius incrementi, & magnitudinis penes magis & minus, quæ est intensio & remissio. Et hæc difficultas per aliquas conclusiones resoluenda est.

Dico primò substantia est incapax augmen- ti intensiōis, & similiter quantitas & relatio. Sententia est expressa Philos. & sequuntur communiter omnes eius interpretes, nam in *cap. de substantia* ponitur inter proprietates eius non suscipere magis, & minus: & de quantitate idem docet in *c. de quantitate;*

& de relatione etiam docet quod non susci- pit magis & minus, nisi ratione sui funda- menti, sicut est inter sior similitudo, quando conuenientia extremorum est maior, licet formæ ipsæ seu res minus sint intensæ in se, & ita sequitur intensio relationis intensiō- nem fundamenti proximi non remoti.

Fundamentum huius conclusionis in com- muni sumi potest, quia ad illa tria prædica- menta primo & per se nō datur motus stric- tē dictus, scilicet qui fit secundum latitu- dinem positiuam, intensio autem motus est. Quod si aliquis motus datur, est secundum extensionem, ut in augmentatione quanti- tatis, nam substantiam constat fieri per mu- tationem, & non per motum, cum non fiat ex eodem subiecto sensibili, sed ex materia prima. Similiter quantitas quando primo producitur, consequitur ipsam generatio- nem sine alio motu; quando autē postea ex- tenditur admittit motum augmentationis, sed nō alterationis, & intensiōis; unde una pars quantitatis addita alteri, nō facit per- fectiōre gradum, sed eiusdem perfectiōis ex- tensiōem facit enim maius, nō melius. Et hoc præsertim, quia species quantitatis varian- tur essentialiter penes diuersam termina- tionem, ut patet in numeris, & figuris, in bi- cubito, & tricubito, &c. ergo de carū ratio- ne est indiuisibilitas, seu terminatio, ergo non admittunt in eadem specie latitudinē. Ad relationem deniq; non datur per se motus, ut in 5. *Phys.* dicitur, & ibidē probauimus q. 19. solum enim relatio resultat posito fun- damento, non ad illam motus datur, & ita non habet intensiōem per se primo, sed si habet est consecuta ex fundamento.

Secundo in particulari sumitur fundamen- tum ex D. Th. in 1. 2. q. 52. art. 1. quia videlicet forma ex qua sumitur species rei quā actu- at, non potest non consistere in indiuisibili, & consequenter non suscipere magis neque minus, si enim id quod speciem constituit haberet latitudinem vel tota illa latitu- do requireretur ad constituendam spe- ciem, vel sine tota posset species con- stitui,

stirui, etiam si aliquid illius de esset. Si primum non saluatur diuisibilitas in tali forma, siquidem non constituitur species per ipsam eius latitudinem, sed per totalitatem & consumationem eius, quod utique indiuisibilitatem dicit. vltimum enim temper est indiuisibile. Si secundum, ergo sine aliqua parte illius latitudinis saluatur species, & sic illud, sine quo saluatur non spectat ad constitutionem speciei, neque est predicatum quidditatum, cum sine ipso quidditas saluetur.

Ex quo deducitur formam substantialem non suscipere magis & minus, quia per se intrinsecè ordinatur ad constituendam speciem substantialem rei, cuius est forma. Et licet qualitas, & alia accidentia etiam habeant suam speciem, & essentiam, tamen formæ illæ non ordinantur ad constituendam speciem sui subiecti, quod informant, sed supponunt constitutam, & ita per se primo non constituunt speciem eius in quo sunt. Forma autem substantialis constituit per se primo speciem eius in quo est & propter hoc forma substantialis habet repugnantiam cum intensione, seu receptione magis & minus, non autem ex hac parte id habet forma accidentalis, licet ut de facto intensio ei conueniat, plures aliæ conditiones requirantur: sed sufficit pro nunc quod forma substantialis in eo, in quo inuenitur dat speciem essentialem & per se; forma autem accidentalis non, sed supponit speciem constitutam. Vnde signanter D. Th. loco citato non dixit ideo formam substantialem non suscipere magis & minus, quia habet speciem, vel dat illam quomodocumque sed quia participans talem formam, habet speciem secundum ipsam. Quare respiciendum est ad munus quod exercet forma in suo participante, seu in suo subiecto, in quo recipitur; si enim subiectum ita respicit aliquam formam, quod per ipsam habet speciem suam, & constitutum suum, talis forma in tali participante non suscipit magis, & minus. Formæ autem a-

liæ, quæ ita adueniunt subiecto, ut per eas participans non habeat speciem, sed potius speciei constitutæ adueniant, ex hac parte non repugnat, quod aliquam latitudinem habeant in tali subiecto, non obstante quod habeant aliquam speciem, sed non constituentem ipsum subiectum in quo participantur, & ideo ex tali participatione in subiecto non repugnat latitudinem penes magis & minus habere.

Quod si dicas, nam omnis species consistit in aliquo indiuisibili sunt enim species sicut numeri, qui quolibet addito, vel subtracto variantur. *Respond.* aliud esse quod species quantum ad sui constitutionem consistat in indiuisibili, aliud quod per ipsum constituatur ipsum subiectum participans talem formam, vel quod ipsa indiuisibilitas sit aliquod predicatum ex constitutiuis talis speciei, hoc enim non inuenitur in omni specie, & ideo non omnes repugnant diuisibilitati, & latitudini, quæ habent in participatione subiecti, licet dicatur quælibet species in indiuisibili consistere propter integritatem, quam requirit, omnium prædicatorum essentialium ad sui constitutionem, non tamen omnis species diuisibilitatem excludit ex parte participationis subiecti, unde sumitur latitudo intensiōis, ut dicemus statim.

Dico secundo in sola qualitate inuenitur intensio non tamen in omni specie qualitatis. Et quidem loquendo de intensione physica, quæ est species alterationis, non est dubium quod sicut alteratio non datur nisi in prædicamento qualitatis, ita neque intensio eius species. Sed tamen ne aliquis dicat quod intensio potest inuenire in spiritualibus, & non solum in alteratione, ideo generalius probanda est conclusio. Et in primis quod in hoc prædicamento inueniatur intensio saltem quoad aliquas eius species, nullo modo dubitari potest, cum manifestè nitatur experientiæ, sicut videmus calorem aliquando magis intendi aliquando remitti, & idem est de alijs primis qualitibus, &

de qualitatibus medijs, vt colore, raritate, & densitate, & similibus.

Discurrendo vero per species istius prædicamenti, quæ sunt capaces intensiõis non solum alteratiuæ (hæc enim ad solam tertiam speciem reducitur sicut ipsa alteratio) sed etiam communiter dictæ, constat in primis, quod habitus & dispositio est capax intensiõis, quia habitus virtutum aliquando sunt feruentiores, aliquando remissiores, & similiter scientiã aliquando est profundior, & efficacior, aliquando obtusior non solum penes extensionem ad diuersas conclusiones, sed circa eandem veritatem potest dari maior claritas, & resolutio ad sua principia, quod pertinet ad maiorem intensiõem, & ita denominatur aliquis magis sciens, vel magis virtuosus, & hoc etiam extenditur ad supernaturales habitus, sicut de charitate dicitur *ad Philip. 1. Oro vt charitas vestra magis abundet, Apoc. vii. Qui iustus est iustificetur adhuc*, & denique in iustitia accepta crescere sanctificatus definit Concil. Trident. *sess. 6. cap. 10.*

Quod attinet, ad secundam speciem, *aliqui existimant*, non suscipere magis & minus, vt intellectus & voluntas, potentia visua, &c. Quia sunt propriæ passiones, & immediate sequuntur essentiam rei per emanationem, non autem per motum, & secundum contrarietatem latitudinis conueniunt subiecto. Oppositum tenet Magister Bannez *1. de gener. cap. 4. question. 1. conclusi. vltima*, ponitque exemplum in potentia visua, quam constat magis ac minus suscipere, & modo esse acutioris visus, modo hebetioris. Certè Aquila videt intensius, quam homo, & inter homines, quidam melius & fortius alij, & incomparabiliter videbunt acutius oculi eiusdem hominis post resurrectionem, quam modo. *Nec obstat*, quod sint propriæ passionēs animæ, quia etiã calor, & siccitas aliæque primæ qualitates sunt proprietates elementorum, & tamen suscipiunt magis

& minus, Caiet. *1. 2. question. 52. articul. 1. in fine* media via incedit, & dicit quod potentia naturales, quæ consequuntur immutabiliter substantias non intenduntur, sicut neque ipsæ substantiæ; quæ vero non immutabiliter consequuntur, sed depēdēter ab aliqua alteratione, vt durum & molle, aliaque similia non inconuenit, quod suscipiant magis & minus. Et quia potentia affixæ organis corporeis dependent à qualitatibus alteratiuis, quibus organa temperantur, ideo videtur, quod illæ possunt suscipere magis & minus, sicut potentia visua potest esse acutior, & similiter auditus, &c. *Et videtur hac sententia satisfactoria*, non enim est ratio cur non suscipiant magis & minus huiusmodi potentia quæ à qualitatibus primis, vel alteratione dependent, præsertim cum experientia suffragetur, quæ in illis intensiõem & remissionem sentit, vt in potentia visua, & molli & duro, & alijs constat. *Nec obstat*, quod per generationem instantaneam fiunt, quia etiam aliqua quæ instantaneæ sunt, possunt intendi vt lux & actus spirituales intellectus & voluntatis. Quod autem aliqua potentia non intendatur ideo est vt Caiet. dicit quia immutabiliter sequuntur, ad aliquam naturam id est independentem à qualitatibus alteratiuis, & præsertim quæ alicui conueniunt secundum vltimum gradum constitutum naturæ. vt intellectus & voluntas ad gradum rationalem, non suscipiunt magis & minus, quia ipse gradus vltimationem quandam dicit. Itaque non est hoc regulandum per hoc, quod aliqua qualitas sit propria passio, vel non, sed per hoc quod aliqua indiuisibilitas sit de ratione alienius formæ, vel non sit, vt supra insinuauimus. Et ita quia quædam potentia sunt immediate consequentia ad substantiã, & independentes ab aliqua alteratione ideo aliqua non recipiunt latitudinē secundum magis & minus, aliæ vero quæ non ita immediate consequuntur, neque independentes sunt ab aliqua alteratione &

mis qualitatibus recipiunt magis, & minus, ratione earum.

Quod attinet ad tertiam speciem qualitatis, non est dubitandum in illa posse inueniri intentionem eam quæ physice alterationis, siquidem in tertia specie qualitatis, ut probauimus, quæstion. præced. inuenitur propriè alteratio physica, & consequenter intentio inueniri potest, quæ est eius species, idque etiam ad sensum patet calore, & frigore aliisque qualitatibus sensibilibus, quæ ad istam speciem pertinent.

Denique in quarta specie qualitatis non inuenitur motus intentionis quia de ratione figuræ quæ ad talem speciem pertinet, est terminatio quantitatis, ex qua resultat, & hæc variatur in specie, quacunque varietate terminationis facta, terminatio autem secundum aliquod indiuisibile fit, & ita non comparitur latitudinè intentionis.

Dico vltimo præter intentionem quæ est motus secundum magis & minus & præter extensionem per partem quantitatis corporis, datur etiam augmentum extensiuum in aliquibus quantitatibus non penes partes subiecti cui inhaeret, sed penes obiecta quæ attinguntur, quia sunt obiecta inadaquata, & secundum quod aliquis habitus diuersa obiecta attingit, magis dicitur augeri extensiuè. Ita sumitur ex D. Th. 1. 2. q. 51. art. 1. ad 2. & 1. 2. q. 24. art. 5. vbi docet quod habitus quidam augentur per additionem respectu obiectorum, sicut scientia quæ paulatim addiscitur, augetur de nouo, circa diuersas conclusiones, quas antea non attingebat, & hoc augmentum non est intentio, quia non versatur circa eandem veritatem sed circa diuersas: intentio autem scientiæ fit per hoc quod clarius & profundius eandem veritatem comprehendat. Circa hoc augmentum extensiuum nota tres propositiones D. Thom. Prima, quod tale augmentum non contingit in omnibus formis seu qualitatibus, sed in illis quæ specificantur ab aliquo extrinseco, seu dicunt ordinem ad aliud. Ita docet 1. 2. quæstion. 32.

art. 1. in fine corp. Secunda est, quod neque in omnibus habitibus dicentibus ordinem ad obiectum specificans, inuenitur illud augmentum; charitas enim dicit ordinem ad obiectum, nec tamen admittit additionem per augmentum extensiuum, ut docet S. Thom. 2. 2. quæst. 24. citata, eo quod quicumque minima charitas implet totam legem, & omnibus tentationibus resistit, & sic qualibet attingit omnia obiecta, scilicet Deum, & proximum, non ergo fit maior per extensionem ad obiecta. Scientia vero indiget ista extensione, quia per distincta media procedit ad distinctas conclusiones probandas, licet omnia coordinata sint inter se, & sub eodem lumine idcirco ad eundem habitum spectant, sed diuersam explicationem obiecti petunt & distinctas species, vel ordinationem earum, ac distincta media probatiua, de quo latius diximus in Logica quæst. 27. art. 3.

Quod si dicas, nam etiam virtutes morales etiam si sint infusæ possunt habere nouam difficultatem circa diuersa obiecta partialia ut in loco citato Logica diximus, imò inde argumentum sumpsimus ad probandū, quod scientia est simplex habitus, licet vincat distinctas difficultates inadaquatas, ergo falso & inconsequenter dicimus in præfati. virtutes morales non suscipere additionem, sed solum scientiam.

Respondetur quod ut diximus citato loco Logica in solutione ad confirmationem primi argumenti, virtutes infusæ ut charitas & fides possunt habere diuersam difficultatem circa diuersas materias non ex parte ipsius virtutis, sed ex parte operantis, quæ est difficultas accidentalis, & tamen vnica qualitas simplex sufficit ad illas superandas, similiter ergo sufficit in scientijs ad superandas distinctas difficultates circa distinctas conclusiones, licet requiratur ad illas diuersa motiua inadaquata, eo quod vniuntur, sub eadem ratione formali, & lumine, sunt enim coordinata inter se illa motiua quatenus vnum deducitur ex

cur ergo non recipiet magis & minus?

Respondetur negando antecedens. Et ad probat. dicitur per intensiorem non variari speciem, sed modum speciei in actuando subiectum, & perfectius reducendo de potentia ad actum, ut sequenti articulo dicitur. Ut autem additio aliqua, vel subtractio variet speciem alicuius formæ debet addere vel subtrahere aliquod prædicatum quidditativum, vel modum talium prædicatorum intrinsecum, & essentialiter requisitum, non autem addere, vel tollere solum aliquem modum diversæ participationis in subiecto, vel additionem novæ entitatis quasi integralis, sicut videmus in substantia materiali plures vel pauciores partes integrales addi, vel subtrahi, sine variatione speciei.

Ad primam repliam dicitur, non fieri intensiorem per additionem novæ entitatis, sed per maiorem radicationem in subiecto, ut dicemus sequenti articulo. Dicit autem D. Thom. ignorare propriam vocem, qui dicunt augeri formam per radicationem in subiecto, & non secundum essentiam, quia radicationem ipsam intelligebant non pertinere ad entitatem accidentis, cum tamen entitas accidentis ex se postulet inherere, & participari in subiecto, & sic magis radicari sine dubio entitatem ipsam involvit, & ita inquit D. Thom. in 2.2. lecto. 1. quod nihil est aliud ipsam secundum essentiam augeri, quam eam magis inesse subiecto, quod est magis eam radicari. De quo plura artic. 3.

Ad secundam repliam respondetur ob stare formæ substantiali ne intèdatur, quia nō habet latitudinem & contrarietatem per quam sit capax motus, & consequenter intensiōis ut iam supra dictum est. Et licet species indivisibilis formæ fieri possit cum augmento divisibili secundum magis & minus, hoc tamen in forma substantiali locum non habet, quia non solum in se habet speciem, sed constituit suum completum, quod informat in specie, ut neque ex parte sub-

speciei, neque ex parte sui participationis, & subiecti participantis, latitudinem fundat, sed si aliquo modo variatur, tota species variatur in se & in participatione subiecti. Secus est in accidente, per cuius participationem subiectum ipsum non constituitur in sua essentiali specie, sed constitutum supponitur, unde ex hac parte non impeditur forma accidentalis intendi & remitti. Nec tamen ex eo sequitur, quod omnes formæ accidentales possint intendi, aut remitti, si alias conditiones nō habeant, ut contrarietatem seu latitudinem, ita quod indivisibilitas in constitutione illarum non sit intrinseca, & de ratione earum sicut in constituendis speciebus quantitatis supra advertimus, & in alijs speciebus qualitatis latitudine carentibus, & indivisibilitatem includentibus.

Quod si duas Aristot. in 8. Metaph. tex. 10. & S. Th. ibi lect. 3. dicere, quod materia forte suscipit magis & minus. Respondet D. Th. 1.2. quest. 52. art. 1. id intelligi de materia secundum materiales dispositiones non secundum ipsam substantiam, secundum quā componit eam forma indivisibilem speciem naturæ.

Secundò obijcies: Qualitas secundum se & antecederet ad respectum ad subiectum habet contrarietatem, verbi gratia calor cum frigore quia habet contrarietatem cum illo, quam non emendicat a subiecto, sed ubi est contrarietas est maxima distantia, ergo etiam est latitudo secundum magis & minus, & consequenter intensio, & remissio; imò ista contrarietas formarum solum est penes gradus, quia in gradibus remissis nō contrariantur qualitates, sed in intensis, in quibus solum se non compatiuntur, ergo non per ordinem ad subiectum dicuntur habere magis & minus, sed secundum se. Item si bene separaret albedinem nivi & albedinem hominis, perfectior esset illa, quam ista, & non per radicationem in subiecto, quia extra illud sunt, ergo secundum se; & sic non repugnabit substantiæ intensiorem acci-

bere. *Deniq;* quia eadem est albedo in concreto & in abstracto: ergo si in abstracto non intenditur nec in concreto: vel è contra si in concreto intenditur etiam in abstracto. Quod si accidens in concreto: ut album sumatur non pro forma existente in subiecto, sed pro composito ex corpore & albedine, hoc non intenditur, quia aliquid quod includit, scilicet corpus non intenditur.

Respond. quod licet aliquæ qualitates secundum se fundent contrarietatem ut inter formam & formam, & non solum secundum participationem subiecti (licet exerceri non possit contrarietas, nisi in subiecto, quia contraria in eodem subiecto mutuo se expellunt) tamen latitudo, & distantia penes magis & minus in intentione formarum non sumitur penes contrarietatem aliquam inter formam & formam, sed penes latitudinem participationis, & radicationis formæ in eodem subiecto. Et quando dicitur, quod ubi est maxima distantia etiam est latitudo penes magis & minus. *Resp.* quod est penes magis & minus in diuersis formis, quæ non sunt extremæ, sed mediæ inter extremas contrarias; magis autem & minus in eadem forma non fundat contrarietatem, & distantiam nisi respectu subiecti in quo radicitur, & participatur; atque ita contrarietas inter formam & formam, siue penes maximam distantiam, siue penes formas medias conuenit formis secundum se; distantia autem penes magis & minus in eadem forma, non conuenit ei nisi secundum diuersam participationem in subiecto. Contrarietas ergo inter formam & formam prouenit ex ipsa natura talium formarum, licet statum perfectum requiratur, ut contrarietas exerceatur, quod non fit nisi in gradibus perfectis, quia imperfecti mutuo compatiuntur in eodem subiecto, ut latius dicemus infra *question. 10.* Ad id vero quod dicitur de albedine hominis, & niuis separata. *Respondetur.* quod una illarum erit intensior altera, non propter maiorem radicationem actualem in subiecto, quia carent, sed pro-

pter aptitudinalem quam retinent & ordinem quem dicunt ad subiectum. Quando autem D. Tho. dicit albedinem separatam habere omnem perfectionem possibilem & non posse intendi, loquitur de albedine si esset subsistens, & neque actu, neque aptitudine respectu subiectum. Denique ad id quod dicitur de albedine in abstracto, & in concreto dicitur, quod est eadem forma, sed non in eodem statu, nec cum eodem respectu, quia in concreto respicit subiectum, in abstracto relinquitur, unde dicit D. Thom. 1.2. *question. 3. articulus. ad 3.* quod intensio & remissio tribuitur accidentibus in concreto, & ita non dicitur magis albedo, sed magis album: album. Vero pro composito non intenditur ratione totius, sed ratione partis, scilicet ratione forme, ut communis subiecto.

ARTICVLVS II.

Utrum intensio fit per additionem gradus ad gradum, vel per maiorem radicationem in subiecto?

CONVENIUNT ferè omnes, ad intentionem qualitatís, aut requiri aut consequi maiorem aliquam radicationem in subiecto, quatenus qualitas intensa firmitior est & tenacior in subiecto, & hoc est radicatio. Ceterum difficultas est, an ad istam firmitatem, quæ etiam augmentum est qualitatís, requiratur additio nouæ entitatís, seu formæ ad eum modum quo fit augmentum in quantitate addendo nouam quantitatem, an vero sine additione nouæ entitatís per additionem noui modi fiat hæc maior radicatio; & de ipso modo etiam est difficultas, an sit nouus modus addens nouam vim informatiuam, seu rationem formalem informandi ipsi formæ, an vero solum addatur nouus modus, qui sit noua explicatio seu applicatio eiusdem formæ sine noua rationis formalis additione. Et utimur nomine *gradus*, communiter in omni sententia, quia *ly gradus* non solum significat diuersam entitatem superadditam, sed etiam diuersum modum, & ita generaliter perfectionem

tionem intensificationis nomine gradus designamus; siue fiat per additionem entitatis & formæ, siue per additionem modi, quia etiam diuersus modus graduat. Vnde Caiet. qui additionem ab intensificatione relegauit 1.2. q. 12. art. 2. tamē expressionem graduum non abhorruit vt ibidem patet §. ad euidentiā.

In hac ergo parte precipue sententia reducuntur ad duas. Prima, quod intensio fit secundum additionem vnius qualitatis ad aliam, quæ additio cum non corrumpat præcedentem, sed illi vniatur, & componat cū illa, habet se tanquā partialis qualitas, sicque imaginatur hæc sententia intensificationem qualitatis ad modum augmenti quantitatis. Secunda sententia docet, quod intensio fit sine additione nouæ qualitatis seu formæ, sed per eiusdem communicationem maiorem in subiecto, quæ nouam terminationem seu modum inducit in qualitate. Primam sententiam sequitur Scotus in 1. distinctione. 17. question. 3. & ex recentioribus Fonseca, Suarez, Vazquez, Rubio, Granados, & alij quos citant, Carmelitani. disp. 4. q. 8. Secundam sequitur, S. Th. in 1. dist. 17. q. 2. art. 2. & q. 1. de virt. art. 11. & 1.2. q. 52. art. 2. & 2.2. q. 2. art. 5. & communiter sequuntur omnes Thomistæ.

Cæterum in utraq. sententia explicanda plures aliæ sententiæ diuiduntur. Nam circa primam sententiam quædam existunt, illas partiales entitates seu gradus, qui formam intensam constituunt esse eiusdem rationis & æqualitatis, nec plus habere gradum secundum vel tertium, quam primum, reddi autem secundum, quia præsupponit primum, cui superadditur, & sic de reliquis. Alij vero existimant gradus illos esse diuersæ rationis, & gradum secundum non esse eiusdem perfectionis & æqualitatis cum primo. Ita Pater Suarez. lib. 16. Meta. p. sect. 1. anim. 29. Ad hæc adduntur indistincta, quæ istos gradus tanquam partes vniunt, & similiter in ipsis gradibus datur latitudo secundum partes aliquotias finitas, & secundum partes proportionales in infinitum.

Et vno verbo; omnia cōsiderantur ad modum augmenti in quantitate. Sunt tamen quæ subordinationem admittant istorum graduum inter se, ita vt secundus præsupponat primum, & tertius secundum, naturali quādam subordinatione, & dependentia, vt a materiali dispositione, & sic habent inæqualitatem indiuidualem, de quo videri potest Murzia disp. 2. de alterat. q. 5. Omitto sententiam illam S.oto antiquiorem cuius meminit Sanctus Thom. cit. loc. sent. art. 1. & postea sequutus est Durandus in 1. dist. 17. q. 5. & 7. & alij quod intensio producat nouam qualitatem totalem destruendo antiquam, hæc enim sententia non ponit eandem qualitatem intendi, & remitti, sed diuersam generari & corrumpi.

In sententia autem D. Thom. explicanda non parum etiam laboratur circa id quod intelligitur nomine radicationis, seu communicationis maioris, & communiter intelligitur esse aliquem nouum modum, sed valde diuiduntur Authores in explicando, quis modus sit, nam aliqui ponunt esse nouum modum qui præbeat qualitati nouam vim informandi subiectum quasi rationē formalem se communicandi. Alij vero solum ponunt modum nouæ terminationis, vel explanationis formæ in subiecto quod pertinet quasi ad vniōem, & applicationem ipsius. Vnde aliqui dixerunt esse nouam vniōem, seu inhaerentiam qualitatis. Alij nouā existentiam. Alij nouam reductionem subiecti de potentia ad actum, esseque distinctum modum ab inhaerentia, & vniōe. Alij putant consistere hunc modum in eo, quod plus abiiciatur de forma contraria, ita quod ipsa forma purior, & impermixtior maneat. Et redit hæc eadem difficultas, quæ circa præcedentes sententias, an videlicet isti noui modi habeant inter se aliquā subordinationem, nea sint eiusdem rationis & æqualitatis, an vero omnes æquales sint, & solum dicatur secundus vel tertius, quia præsupponit priorem.

Dico ergo primo; intensio non fit per additionem

tionem alicuius noue formæ, vel qualitatis siue que corrumpit præstam, & nouam producat, siue quæ supponendo priorem, aliam producat tanquam partilem illique coniunctam, quæ maiorem efficiat. Hæc conclusio est expressa S. Thom. *locus nuper allegatus*, ubi ex professione quætionem istam tractat, & resoluit, & quidem quod non producat formam quæ corrumpat præcedentem, communiter ab omnibus admittitur, quia illa qualitas præcedens non potest destrui a superueniente, quia non est illi contraria, sed eiusdem speciei, nec ex defectu subiecti, vel causæ conferuantis, quia manent, ut supponimus: & quia alias ut diximus non esset intensio augmentum, & perfectio eiusdem qualitatis, sed generatio nouæ, sicut non posset dici quantitas augeri si corrüperetur præcedens, & alia de nouo produceretur.

Secunda veropars, quæ scilicet non fiat in intentione noua pars formæ, seu qualitas quæ addatur præexistenti, manifeste est D. Th. & præsertim videri potest *loc. cit. ex 1.2. solum. ad 1.* ubi inquit: *Quod causa augens habet, facit quidem semper aliquid in subiecto, non autem nouam formam, sed facit quod subiectum perfectius partiet formam præexistentem.* Et ad 2. inquit: *Quod id quod est minus calidum, aut alium non est in potentia ad formam, cum iam actu formam habeat sed est in potentia ad perfectum participationis modum, & hoc consequitur per actionem agentis* Et 2.2. q. 23. art. 1. *formam, inquit, esse maiorem, est eam magis inesse susceptibili, non autem aliam formam aduenire, hoc enim esset, si forma haberet aliquam quantitatem ex se ipsa non comparatione ad subiectum.* Ergo secundum D. Th. maior radicatio in subiecto non fundatur in noua entitate formæ sed in nouo modo participationis formæ. Vnde non solum negat D. Th. fieri intentionem per additionem, ne videatur ponere distinctionem formarum, eo quod ad intentionem pertinet quod eadem forma remaneat; sed ulterius se explicauit D. Th. quod non fit per additionem intensio, quia non acquiritur noua

forma, sed nouus modus, seu participatio formæ, ergo sentit absolute, non fieri intentionem per nouam entitatē, sed per modum.

Nec obstat, quod aliqui obijciunt dixisse D. Thomam, ignorare propriam vocē, qui dicunt qualitatem intendi secundum maiorem radicationem in subiecto, & non secundum essentiam. Ex quo inferunt tenuisse S. D. quod intensio non fit sine additione entitatis. Ceterum sensus D. Thom. clarissimus est, redarguit enim eos, qui volebant qualitatem intendi in subiecto sine hoc, quod intrinsece in se perficeretur; sed solum quia subiectum diuersimode se haberet in participando formam, ipsa forma omnino inuariata manente in se ipsa quod repugnat, & est ignorare propriam vocem, nec enim forma potest communicari subiecto per solam extrinsecam denominationem, sed per intrinsecam immutationem, siquidem perficitur forma ex ipsa communicatione subiecti; siquidem ad hoc intrinsece ordinatur eius essentia, ut subiectum informet, unde *loc. cit. ex 2.2. art. 4. ad 3.* postquam dixit D. Thom. quod ignorant propriam vocē, qui dicunt, charitatem non augeri secundum essentiam, sed secundum radicationem, vel fortiorē subdit, *quia nihil aliud est eam secundum essentiam augeri, quam eam magis in esse in subiecto, quod est magis radicari in subiecto*, ergo augeri secundum essentiam non est apud D. Thom. augeri per additionem, sed est idem, quod magis radicari & inesse subiecto, quod non sine mutatione ipsius entitatis intrinsecæ inuenitur in forma, per modum scilicet ei additum.

Supposito, ergo quod hæc est sententia S. Thom. restat tradere fundamentum huius veritatis. Ad illud autem tradendum supponit S. Thomas tanquam certissimum, quod si augmentum intentionis fiat secundum additionem formæ ad formam, impossibile est hoc intelligere sine aliqua distinctione, & numero formæ ad formam, idē enim sibi ipsi addi non potest, & ipsa separatio graduū quādo qualitas remittitur & perdit illos,

illos manifestè ostendit distinctionem aliquam, eius quod perditur, & eius quod remanet. Quo supposito duo sunt, quæ in sententia D. Thom. impossibilem reddunt intensiorem per additionem qualitatis ad qualitatem. Primum, quia secundum ipsum Diuum Thomam, non possunt duo accidentia numero solo distincta, & eiusdem speciei recipi in eadem parte, & indiuisibili subiecto, ut ostendemus *infra quest. 9.* Si autem intensio fieret per additionem nouæ qualitatis eiusdem speciei, necessario reciperet idem subiectum diuersa numero accidentia, eò quod quælibet ex istis qualitatibus, si sola sumatur, & sine coniunctione cum altera, est sufficiens facere vnum indiuiduum accidentis, ut patet quando ante additionem manebat qualitas in subiecto indiuiduata sine illa noua parte superaddita, id ergo quod postea superadditur, de se etiam indiuiduari postulat à tali subiecto sicut præcedens, ergo iam sufficienter possunt duo accidentia indiuiduari ab eadem parte subiecti; per accidens autem est quod coniungantur in vnum. Et in hoc fundatur id quod D. Thom. 1. 2. *quest. 52. art. 2.* citat ex *Philos. in 4. Physicor. text. 84.* quod non potest intensio fieri per additionem, *quia ex calido fit magis calidum nullo addito in subiecto calido*, reputat enim D. Thom. pro eodem, quod addatur calor, & quod addatur calidum, eò quod calor non potest addi nisi addatur distinctum subiectum à quo indiuiduatur, & sic perinde est addi calorem, & addi calidum. Sed de hoc infra tractandum est *dicta quest. 9.* & ideo in præsentem non oportet illud expendere.

Secundum ergo principium in doctrina D. Thom. est; quia nulla forma potest habere quantitatem, & partes nisi per ordinem ad subiectum, & per accidens, non autem per se, quia aliàs esset composita ex pluribus partibus, & sic non esset pura forma, sed aliquid constitutum, & compositum, quod est contra rationem formæ, quæ debet esse aliquid simplex, & pars componens, non

Part. II. Phys.

autem res composita. Si autem forma adueniens non componit cum præcedenti, nec constituit vnum per se. solum erit qualitas intensa vnū per accidens, id est, plures qualitates remissæ in eodem subiecto constipatæ, unde non esset ita vna qualitas intensa sicut remissa, nec motus intensiorem esset circa eandem qualitatem, quæ magis aut minus esset talis, sed circa diuersas; & vltius qualitas operatiua (sicut calor) quando esset intensa non posset vnica operatione operari, sed deberet plures operationes facere, quia nõ procederet ab vnica qualitate, sed à pluribus, & sic faciens actū qualitatis intensiorem, faceret plures actus, & non vnum, quia procederet à pluribus formis remissis, quarum quælibet haberet operationem suam, quæ omnia valde absurda sunt, & inconuenientia.

Si ergo plures partes componunt vnā qualitatem, vel sunt partes integrantes illius, vel essentielles. Essentiales esse nõ possunt, tum quia sine qualibet illarum saluatur essentia qualitatis ut patet in qualitate remissa, tum quia partes essentielles si componunt vnum per se, debet altera se habere, ut materia, altera ut forma, siue ut potentia, & actus, illæ autem partes siue gradus se habent ut formæ, quia informant subiectum, non autem vna se habet ut materia, altera ut forma, vel ut potentia & actus. aliàs qualitas informaret qualitatem, tanquam forma materiam, neque illa quæ se haberet ut materia, esset actiua & operatiua per se, sed solum quando haberet actū suum, quo informaret, cum tamen videamus quod tam pars remissa caloris, quæ videtur esse materia, quam intensa, quæ videtur esse forma operatiua sint, & actuales. Partes autem integrales esse non possunt, tum quia forma ex illis partibus non potest esse composita, quia de ratione formæ est, quod sit principium compositi, non autem principiatum & compositum, sed simplex principium: tum etiam quia specialiter repugnat formæ, seu qualitati compositio ex

M

parti-

partibus integrantes, quia partes integrantes sunt materiales, & ratione materiæ conueniunt, vt infra dicemus *questione 9.* eo quod partes integrales conueniunt in forma, & differunt penes quantitatem, siquidem sine qualibet illarum saluatur quidditas, & substantia rei, & sic additio partis integralis non facit additionem formæ. Cum autem forma sit id, quo aliquid constituitur tanquam principio, additio formæ per modum partis integralis non addit rationem formæ, sed potius materializat ipsam formam, & multiplicat secundum aliquid materiale non formale, & sic non facit formam perfectiorem, & magis talem in ratione formæ quod pertinet ad intensionem sed materialiter multiplicatam, quod pertinet ad extensionem. *Nec potest dici* quod sint partes integrales similitudinarie, eo modo quo in virtutibus assignantur partes integrales à D. Thom. & Theologis 2. 2. *quest.* 48. & *q.* 128. & *q.* 143. Etenim istæ partes integrales non intendunt virtutes, sed important conditiones quasdam, vel dispositiones, seu habitus adiunctos principaliori virtuti, dantes diuersas operationes, & hæc etiam in virtute remissa inueniri possunt, sicut temperantia habet honestatem, & verecundiam; fortitudo fiduciam, & magnificentiam; prudentia memoriam, docilitatem etiam si sint remissæ; qualitas autem intensa, & remissa non ita differunt, sed vtrique habet eandem rationem actiuitatis, vel operationis, licet non eundem modum perfectionis, non tamen vna se habet vt conditio, vel dispositio ad alteram.

Denique probatur conclusio, quia multiplicatio entitatum, quanto minor fuerit, tanto est conuenientior naturæ, si ergo non fuerit impossibile, neque inconueniens, quod sine additione formæ, & entitatis nouæ fiat intensio, talis additio non erit ponenda: quod autem hoc non sit impossibile, neque inconueniens probabitur amplius *conclusionem seq.* vbi ostendemus posse fieri perfectiorem unionem alicuius formæ sine

additione nouæ entitatis, idque magis explicat vnitatem, & simplicitatem formæ, quia quanto minor fit additio tanto est simplicior in entitate, licet sit multiplex in virtute, pertinet autem ad rationem intensionis, quod formam eadem manente fiat perfectior, & virtuosior, ergo si hoc potest fieri per maiorem communicationem sui ad subiectum, sine additione nouæ entitatis, conuenientius hoc erit ad naturam intensionis.

Dico secundò. *Intensio non fit per additionem alicuius noui modi præbentis formæ nouam vim informatiuam, seu nouam rationem formalem informandi, sed nouam explicationem eiusdem formæ in subiecto tollendo confusio-nem, & potentialitatem ipsius, & reducendo illam ad maiorem vnitatem, & subiectum magis subiiciendo ad talem formam, ex hoc autem consequitur, quod si habuerit contrarium, expellat illud, non tamen in hoc formaliter consistit intensio.* Ita sumitur ex D. Thom. in 1. dist. 17. *quest.* 2. art. 2. ad 3. vbi inquit: Quod non est de ratione intensionis alicuius qualitatis, quod sit per remotionem à contrario, sed hoc accidit qualitati secundum quod est in subiecto participante contrarium, sed hoc est de necessitate intensionis, vt qualitas educatur de imperfecto ad perfectum, sicut patet in diaphano, in quo nihil est contrarium luci, quod potest lumen intendi secundum crementum virtutis illuminantis. Hæc autem imperfectio est ex potentialitate ipsius naturæ, qua subiicitur perfectioni, & actui, cum enim omni potentia receptiua ad multa se habeat secundum istam multitudinem ipsius dissimile est principio agenti, quod est terminatum ad actum vnum & secundum quod ista coniunctio potentialitatis magis subiicitur actui, perfectior perficitur actus, & ipsum perfectum magis efficitur vnum, & magis assimilatur principio agenti. Ita D. Thomas, qui etiam in 2. 2. *quest.* 24. art. 5. in corp. & ad 3. explicat istam intensionem fieri per hoc quod subiectum magis reducatur in actum, & per hoc quod forma magis insit subiecto, & quod fieri maiorem ipsam formam, est

eam magis inesse susceptibili, non autem aliam formam aduenire.

Ut fundamentum huius conclusionis tradatur, & explicetur, duo facienda sunt. *Primum*, ostendere, quod non repugnat vnionem, & communicationem formæ ad subiectum, habere latitudinem, & posse variari sine hoc quod addatur noua entitas formæ. *Secundum*, quod modus iste non debeat addere nouam vim informatiuam, sed nouum modum communicationis, & vnionis. Primum constat aliquibus exemplis, nam videmus quod eadē quantitas sine additione partium, & quantitatis nouæ potest mutare terminationem, & modum existendi in subiecto, ut infra dicemus q. 7. sicut fit in rarefactione, & condensatione. Similiter forma substantialis animæ sine additione nouæ entitatis potest se diuerso modo explicare & vnire materiæ aduenienti per nutritionem, & in vna parte vnum effectum præbere in alia alium, ut in oculo dat potentiam videndi, in manu tangendi, & potest priuari vno effectū & nō alio, & rursus effectum illum quem perdidit præbere, si materia debitè disponatur. Similiter ergo non repugnabit quod eadem qualitas, diuerso modo subiectum actuet communicatione sua, & diuerso modo explicet suos effectus in materiam secundum latitudinem, quam habet; cuius signū est ipsa contrarietas formarum, quæ potest magis perfectè, vel imperfectè tolli. Itaque non repugnat totam formam communicari subiecto, sed non totaliter, & secundum omnem modum, vel effectum, quem potest illi præbere, & sic magis, vel minus assimilare sibi subiectum, & reducere potentialitatem eius ad vnitatē actualitatis, sicut etiam totus Deus videtur à quolibet Beato, sed non totaliter, ideoque potest diuerso modo vniri, & se communicare sine additione entitatis per maiorem explicationem eiusdem. Similiter in gratia videmus, quod vnita vni subiecto explicat aliquem effectum, v. g. facere filium adoptiuum, quem in alio subiecto ut in Christo

propter incapacitatem personæ facere non potest. Et species visibilis in aere non reddit informatum subiectum representatiuè, & intentionaliter, sed solum entitatiuè, in oculo autē etiam intentionaliter informat sine vlla additione entitatis, & similia multa alia exempla suppetunt, quæ manifestè ostendunt eandem formam sine additione entitatiuæ posse explicare diuersos effectus formales, vel eundem diuerso modo, propter diuersam dispositionem subiecti, quæ diuersimodè subijcitur formæ. Imò addo quod etiam si intensio fieret per additionem formæ ad formam, adhuc necesse esset variari vnionem siquidem cum accrescit vna pars ad alteram partem, & ex vtraque fit vna forma, non potest illa vnio, quæ ante vniebat, & solum modificabat formam antecedentem modificare, & afficere illā nouam formam, quæ ex vtraque conflatur, ergo oportet nouam vnionē dari, sicut & nouam formam conflare, nisi fortè dicatur manere plures vniones partiales diuersarum partium eiusdem formæ, quod tamen non tollit dari vnicam totalē, quæ ex omnibus conflatur, sicut datur vnica forma quæ ex omnibus illis partibus fit, vnio autem correspondet formæ, ergo sicut forma totalis est diuersa, ita oportet vtrāque vnionem variari.

Secundum vero explicatur, quia in defendenda sententia D. Thom. duo sunt modi dicendi. *Quidam enim ponunt*, produci per intensiōem nouum modum, qui non solum se tenet ex parte vnionis, sed etiam ex parte ipsius formæ, seu principij informatiui, ita quod addat illi nouam actualitatem, & vim informandi perfectius, quā sine illo modo, & hunc modū distinguunt ab ipsa vnione, & ab existentia, & inhærentia, vocantq; illum modum radicationis. *Et fundamentum est*, quia nulla forma potest præbere effectum formalem perfectiorē, nisi in se ipsa, & tanquā principium quo sit perfectior, & actualior, siue entitatiuè, siue modaliter, ergo præter vnionem oportet, quod forma ipsa perfectior reddatur, & actualior per modū,

perfectiori, sine qua conditione, seu applicatione forma non dat illum effectum perfectiorem, qui entitativus quidem est, sicut effectus formalis remissus, & antea præhabebatur in forma, quia tota ibi erat, sed non explicatur totaliter in subiecto.

Et sic intelligitur mens D. Th. qui perpetuo explicat intensiorem formam per novam explicationem ipsius in subiecto, non per additionem novæ vis informativæ: dicit enim: *Quod intensio fit per hoc, quod subiectum magis ac magis terminetur illa forma, & magis participet illam, & acquirat perfectum participationis modum*, vt 1. 2. q. 52. art. 2. & per hoc quod subiectum magis reddatur in actu ipsius qualitatis, vt q. 1. de verit. ar. 11. & per hoc quod forma magis educatur de imperfecto ad perfectum, vt in 1. distinct. 17. citata, & per hoc quod qualitas magis insit subiecto, & radicetur, in 2. 2. quæstion. 24. articulo. 4. ad 3. Quæ loquutiones indicant modum aliquem applicantem diversimode formam subiecto, non dantem novam vim informativam, & mutantem rationem formalem.

Quod si quæras, quomodo ista unio mutetur per intensiorem non addita nova ratione formali informativa, ita quod ille modus sit nova unio & nova existentia, & inhxerentia formæ in subiecto? *Respondetur*. Quod unio formæ cum subiecto requiritur ad duo. Primo, vt constitutur unum ex forma, & subiecto. Secundo, vt mediante tali unione, & coniunctione, forma habeat esse in subiecto, quia ab illo dependet in existendo. Quantum ad hoc secundum non additur nova existentia ipsi qualitati, quia non additur nova entitas, sed tota entitas formæ iam præhabebatur in subiecto, & consequenter tota existentia, quia existentia sequitur ipsam entitatem vt productam extra causas, unde cum in nostra sententia tota entitas formæ sit in subiecto, etiam si non sit totaliter, consequenter etiam si crescat per intensiorem, non mutatur existentia, siquidem non mutatur entitas, & ita quan-

tum ad hoc non mutatur unio seu inhxerentia in ratione medijs dantis existentiam entitati formæ. Quantum vero ad unitatem, quam facit forma cum subiecto, in hoc crescit unio ipsa seu perficitur, vel potius forma, quæ nova actione immutatur, vt subiectum afficiat, eo quod subiectum est in quadam potentialitate & indeterminatione ad multa, & secundum illam potest subijci diversis formis, aut eidem formæ non vnicò tantum modo & indivisibili, sed vel magis confuse & potentialiter, vel magis actualiter & determinate secundum reductionem ad maiorem unitatem, & similitudinem cum forma. Et sic explicat D. Thom. dist. illa 17. citata radicationem istam per maiorem reductionem ad unitatem, & ad diversum modum terminandi dissimilitudinem seu confusionem & potentialitatem subiecti ad actualitatem & unitatem formæ. Et hoc sufficienter fit per ipsam unionem seu inhxerentiam, quia ad unionem pertinet facere unitatem & tollere confusionem, seu potentialitatem ad multa, quæ est opposita unitati, ergo tunc perfecte forma communicatur subiecto, quando perfecta fuerit ista unitas per ipsam unionem, & hoc est magis radicari, id est magis sibi subijcere potentialitatem subiecti, & eius indeterminationem seu confusionem ad maiorem unitatem reducere ad modum radicis arboris, quæ quanto plus penetrat in terra, tanto firmiorem reddit arborem.

Sed dices, unio vt diximus. *quæst. 6. Physicæ*. non est modus medians inter formam & subiectum, ergo si maior intensio consistit in maiori unione, & illa non est modus, intensio non fiet per additionem modi, cum tamen S. Thom. expresse admittat modum in intensiōe, vt patet in 1. 2. *quæst. 52. articulo. 2. ad 2.*

Resp. unionem in nostra sententia non esse modum tanquam rationem, & medium formale uniendi, quia forma quæ secundum se est actus, secundum se habet rationem formalem faciendi unitatem, siue accidentalem,

siuè substantialem, prout ipsa forma fuerit, & sic quia vnitas quæ resultat nõ est modalis, sed substantialis, vel accidentalis, ideo nec ratio formalis, nec medium vniendi est modus, sed forma ipsa. Non tamen negamus inueniri aliquem modum in vnione antecedentem, vel subsequenter, quatenus extrema debent immutari, vel saltem vnum extremorum, vt vniatur, & dependens fiat, & ad vnitatem cum subiecto immutetur; ipsa etiam immutatio passiuè manens in ipso extremo vnito est modus subsequens vnionem, quod magis pertinet ad depēdentiam seu statum, quem accipit ex vi vnionis forma, quam ad rationem formalem, seu medium vniendi, pertinet tamen ad intensiōnem, quia intentio magis præbet statū formæ in communicando se, quam vim formalem informandi.

ARTICVLVS III.

Expediuntur argumenta contra sententiam propositam.

Multi conantur D. Thom. in contrariam sententiam adducere, & præcipuè fundantur in autoritate illa, quam iam supra explicauimus quando dicit in 2. 2. quæst. 24. art. 4. ad 3. quæst. 1. de virt. art. 11. *Quod propriam vocem ignorant qui dicunt qualitatem intendi per radicationem, & non secundum essentiam*, ergo vult S. Thom. quod intensio fiat per additionem entitatis non autem per solam radicationem. Sed iam hanc autoritatem supra explicauimus, & de ea videndus est D. Thom. quod lib. 9. art. 13. vbi inquit: *Cum dicimus charitatem secundum essentiam augeri, denotatur augmentum subiecti, vt sit sensus, ipsa essentia charitatis augetur, sicut cum dicimus album augetur secundum essentiam suam, non autem designatur forma specificans motum, vt sit sensus, augetur secundum essentiam, id est augmentum eius est motus in esse, vel in essentia, & sic dicitur augmentum esse secundum quantitatem.* Ecce quomodo D. Thom. in-

terpretatur, quid sit augeri secundum essentiam, non quidem per additionem nouæ entitatis, quasi motus augmenti sit ad nouam entitatem sicut ad terminum, sed quia ipsa essentia est res quæ augetur. *Nec obstat*, quod aliquando negat D. Thom. charitatem augeri tanquam subiectum augmenti, negat enim quod charitas dicatur subiectum augmenti quasi in hæsiōis, & vt quod & sustentans non tamen quod dicatur subiectum modificationis, quia ipsa forma est, quæ distincto modo explicatur & communicatur subiecto, & sic modificatur ipsa communicatione.

Minus obstat, quod adducitur ex D. Tho. 3. part. quæstion. 7. artic. 12. vbi expresse admittit dari gradus in calore, & consequenter intensio fiet per additionem gradus non per radicationem. Ac denique additur testimonium Philos. 4. Physic. text. 85. vbi inquit: *Quod sicut ex calido fit frigidum, & è contra, quia eadem quæ erat in potentia, sic & ex calido magis calidum.* Si ergo parificat Aristot. educationem magis calidi ex minus, ipsi educationi calidi ex frigido, sicut hoc fit per nouæ entitatis productionem, ita & illud. Nec sufficit educio noui modi, quia hæc non potest intelligi in formis realibus, nisi per nouam entitatem dependentem à subiecto, ergo vbi datur maior educio formæ, datur & productio entitatis.

Ad hæc facile respondetur, quod in primo loco D. Thom. non intelligit nomine gradus nouam entitatem additā entitati præcedenti, sed nouam participationem eiusdem in subiecto, & hoc conuenienter appellatur gradus, quia sicut anima per gradus quos habet diuerso modo se explicat in materia, stante eadem entitate, & non omnibus partibus præbet eundem gradum, & formalem effectum, ita qualitas diuerso modo explicat actualitatem suam in subiecto; & diuersus gradus non est diuersa entitas formæ, sed eadem diuerso modo se communicans, & effectus præbens.

Ad

Ad secundum locum dicitur, quod ex minus calido fit magis calidum sicut ex frigido calidum, non quantum ad entitatem productam, sed quantum ad modum producendi, quia utrobique fit aliquid de nouo, & habetur terminus *quo*, & *ad quem*, sed tamen quando fit calidum simpliciter, fit ex potentia ad calidum, quando autem fit magis calidum ex minus calido non est in potentia ad formam, sed ad modum participationis formæ ut S. Thom. dicit 1. 2. q. 52. *art. 2. ad 3.* quod vero dicitur non dari educationem nisi sit productio, *distinguo*, educatio formæ quoad entitatem non est sine productione entitatis, *concedo*; educatio formæ quoad nouam explicationem, & modum participationis in subiecto, non est sine productione entitatis, *negō*; solum enim est melioratio formæ educatæ, & solum productio modi, non entitatis formæ.

Secundo arguitur ratione, quia intensio est motus realiter distinctus à prima productione qualitatis, & est vera alteratio, ergo debet producere realitatem distinctam à prima qualitate, & non solum aliquem modum, quia alteratio primo & per se est ad qualitatem & non ad modum, & quia virtus intensi ratione intensiōis habet maiorem virtutem producendi, quam nō intensi, quia producit perfectiores effectus, modus autem non est virtus, neque producit effectus reales, qui illi specialiter correspondant. Nec denique potest dari nouus modus inhærentiæ seu vnionis, nisi addatur noua entitas inhærens, alias eadem entitas duplici inhærentia inhæreret, ergo oportet, quod id quod additur sit distincta entitas sicut est distinctus motus: vbi autem motus sunt realiter distincti, etiā termini realiter debent esse distincti, alias si esset eadem entitas, etiam motus inter se identificarentur, quia quæ sunt eadem realiter vni tertio, sunt eadem inter se. *Confirmatur*: quia alias si intensio non produceret qualitatem, sed modum posset per solam productionem modi qualitas produci, quod patet, quia

motus intensiōis non habet minimum, sed incipit secundum successionem, non per primum mutatum esse, sed per vltimum non esse, ergo si per intensiōem non producitur entitas, sed modus, potest per intensiōem incipere qualitas ab vltimo non esse gradus, & ita tota qualitas incipiet per modos.

Respondetur. intensiōem esse motum realiter distinctum à prima productione qualitatis cum possit à diuerso agente, & pro diuerso tempore procedere, & similiter per se terminatur ad qualitatem tanquam vera alteratio, non tamen ad qualitatem absolute & entitatiuè, sed ad qualitatem sub tali modo; scilicet, ut perficiendam & meliorandam, sicut transsubstantiatio est actio ad corpus Christi, licet non producat illud absolute, sed sub nouo modo; & in hoc differt intensio ab alijs motibus, quia in alijs acquiritur aliquid distinctum ab illo quod inerat, ut in augmentatione noua pars, in motu locali nouum, vbi, & locus; in qualitate vero id quod prius inerat melioratur, & perficitur. Vnde non requiritur, quod nouam formam producat, sed eandem sub perfectiori modo attingat: ad hoc autem, ut motus seu actiones distinguantur realiter, non requiritur, quod termini sint realiter, & entitatiue distincti, quasi materialiter, sed sufficit, quod formaliter, alias omnis modus, qui producitur in subiecto, ut sessio, vbi, &c. non deberet distincta actione reali produci. Quando autem dicitur, quod *quæcumque sunt eadem vni tertio sunt eadem inter se*, in primis intelligitur quando sunt eadem vni tertio simul, & non pro diuerso tempore. Deinde quod sint eadem vni tertio re & ratione, id est sub eadem ratione & formalitate, non eadem vni tertio, quasi materialiter, & secundum diuersas formalitates, vel secundum quod aliquid est virtualiter multiplex, ut intelligit S. Thom. 1. part. *quæst. 23. articul. 3.* alioquin multas habet instantias illud axioma. Quod vero additur qualitatem intensam ratione intensiōis habere plures effectus reales,

reales, qui correspondent ei in quantum intensi. *Respondetur*, istos effectus non correspondere qualitati secundum se, neque soli modo intensiōis superaddito, sed ipsi entitati reali formæ ut subest tali modo, & ideo ut aliqua virtus, vel forma producat novos effectus; non requiritur additio entitatis, sed sufficit eadem entitas secundum diuersam formalitatem, & communicationem sui, sicut eadem anima secundum gradum sensitium producit diuersos effectus reales, quam secundum vegetarium, nec tamen requirit nouam entitatem superaddi ad illos, sed eandem diuerso modo communicari in materia. *Quod vero dicitur* nouam inhaerentiam postulare nouam entitatem. *Resp.* nouam inhaerentiam formæ non præhabita in subiecto, nouam quoque entitatem formæ postulare, formæ verò in subiecto præhabita non postulare nouam entitatem, sed eandem nouo participationis modo subiecto cōmunicare, & sic non tam dat nouam inhaerentiam absolute, quam nouam inhaerentiæ terminationem, ut in ultimo argumento dicitur.

Ad confir. resp. quod si intensio non inueniat qualitatem in subiecto, sed illam primo producat, tunc nō solum producit modum, sed etiam entitatem, si autem inuenit qualitatem productam, solum nouum modum superaddit, non nouam entitatem, sicut transubstantiatio corporis Christi si non supponeret illud in rerum natura, substantialiter illud produceret, modò autem non producit illud, sed conuertit panem in illud sub nouo modo.

Tertio arguitur. quia ubi est realis separatio est realis distinctio, sed separatur vnus gradus ab alio; v. g. secundus a tertio, vel a quarto, ut patet in remissione qualitatis, ergo isti gradus realiter distinguuntur, & præsertim cum videamus quod continuatio calefactionis est similis primæ productioni, & eiuldem speciei, & vera ac propria actio, & mutatio, ergo realem terminum, & entitatem postulat, nec enim est

mutatio sine nouitate, neque actio sine termino producto. *Confirm.* quia actiuitas virtutis agentis fit maior per aditionem partium, & multitudinem formæ, sicut ferrum candens actiuius agit, quam flamma stupæ, ergo etiam intensio fiet per aditionem partium, siquidem illa est intensio quæ facit virtutem aliquam magis actiuam.

Resp. gradus nunquam separari à qualitate, sed qualitatem ab illis, id est à quolibet eorum seorsum, licet non à tota collectione, quod est signum distinctionis modalis, sicut corpus separatur à quolibet situ, vel vbi, nullum vero vbi à corpore. *Quod vero dicitur* de continuatione calefactionis. *Respondetur*, quod cōtinuatur ratione ipsius qualitatis seu formæ participatæ, & sic est actio eiusdem rationis cum prima productione qualitatis, est tamen diuersa ex parte modi participationis; & ad talem modum producendum requiritur distincta actio & mutatio realis, nam etiam modi per realem actionem producuntur ut diximus. sicut vbi, & situs, & alij similes, & sic talis mutatio est cum nouitate essendi saltem in modo qui est terminus productus. *Ad confirmat.* dicemus *questione sequenti* agendo de actione, & reactione, & in *quest.* 7. agendo de densitate, vbi ostendemus, quod ratione densitatis, seu multitudinis partium, non datur maior intensio qualitatis nisi occasione illarum partium agens producat intensiorem qualitatem, de se enim multitudo partium solum conducit ad conditiones actiuitatis, scilicet, ut velocius, vel perfectiori applicatione agens operetur, quibus tamen conditionibus positis potest agens perfectiorem, & intensiorem qualitatem producere, ut ibidem latius dicemus.

Quarto arguitur, quia non potest intensio fieri secundum perfectiorem modum vnionis, vel inhaerentiæ, ergo debet consistere in aliqua additione nouæ entitatis. *Antecedens probatur*, quia vnio & inhaerentia qualitatis non est diuisibilis, sed semper eadem, quia naturaliter inheret subiecto, & sic in-

sic inhaeret quantum potest ; similiter tota inhaeret, & vnitur, ergo non apparet quomodo crescere possit ista vnio , praesertim quando entitas qualitatis est indiuisibilis , vt qualitas spiritalis , & in eodemmet subiecto indiuisibili intenditur. *Deinde*, quia in ipsa remissione non apparet à quo producat minor illa vnio seu radicatio caloris , nam quando calor vt lex remittitur vsque ad duo, non est à quo producat vnio caloris vt duo; non ab agente remittente, verbi gratia, ab aqua remittente calorem , cum potius sit agens contrarium, quod non potest producere calorem vt duo; nec ab aliquo alio agenti, verbi gratia, igne vel aere, quia in illam remissionem non habent influxum , si sit casus quod tunc non detur ignis approximatus, sed solum aqua remittens. Et praeterea, si quilibet modus gradualis, verbi gratia, vt duo vel vt quatuor esset indiuisibilis, tunc si remittitur, aut tota illa vnio perit , aut nihil, si tota perit, remissio erit corruptio, quia pereunte tota vnione perit tota forma vnita, si nihil est intentum. *Et confirm.* quia si intensio consistit in maiori vnione, ergo qualitas vt intensa, non poterit separari à subiecto, siquidem stante vnione non potest separari, sed remota, ergo si intensio consistit in vnione, vt intensa, non poterit separari, & sic si Deus separaret albedinem niuis & albedinem hominis, illa non esset perfectior ista.

Respondetur, vnionem illam habere aliquam latitudinem , sicut supra pluribus exemplis monstratum est. *Et cum dicitur*, quod inhaeret naturaliter quantum potest, *distinguo*, quantum potest iuxta exigentiam subiecti, & dispositionem agentis, *concedo*; quantum potest absolute ex vi formæ, *neg.* Et quia exiguntur tales dispositiones vt qualitas intensa sit, ideo naturalis illa vnio semper facit quantum potest iuxta exigentiam subiecti, & capacitatem; remotis autem omnibus impedimentis & posita dispositione requisita ex parte agentis & pas-

Part 11. Phys.

si, non stat qualitatem non intendi, & ista intensio tunc non fit sine intrinseca perfectione qualitatis, quia ipse ordo participationis ad subiectum sic dispositum, aliquid intrinsecum est qualitati.

Ad aliam partem argumenti, à quo producat gradus remissior remoto agente intendente , *dico* quod procedit à duplici causa, vna per accidens, scilicet ab impediendo perfectiorem illum & intensiorem modum vnionis, quatenus redditur subiectum indispositum , & inhabile sicut qui tollit dispositiones vt anima sit in corpore, occidit hominem. Alia causa est per se, scilicet ipsamet forma ex qua emanat ille modus remissior ex vi prioris actionis, qua vnita fuit subiecto ab agente à quo fuit producta, quæ actio producentis, licet formaliter modo non detur , virtualiter tamen manente forma producta quæ fuit terminus eius, taliter enim fuit vnita subiecto, fortiore illa & perfectiore vnione , quod virtualiter retinet vnionem inferiorem, & remissionem, n^o dispositiones ad perfectiorem tollantur, eo quod minus perfectum virtualiter continetur in magis perfecto, sicut si tollatur punctum terminans lineam, resultat aliud ex vi prioris productionis quantitatis: isti autem modi intensiōis quasi terminationes quædam sunt, quibus forma magis terminat, & subiecit sibi potentialitatem subiecti, determinatur autem, vt resu'tet potius gradus iste, quam ille, verbi gratia vt duo vel vt tria iuxta maius vel minus impedimentum oppositi agentis, & dispositionem subiecti.

Denique ad id quod additur de illo modo si est indiuisibilis. *Respondetur*, quod illa vnio est indiuisibilis entitatiue, sicut & ipsa forma, diuisibilis autem virtualiter, quia vt supra diximus secundum vnitatem, quam facit forma cum subiecto, & actualitatem, qua illud reducit ad sui similitudinem , habet illa vnio crescere magis & minus, eo quod licet forma sit tota vnita, sed non totaliter, & sic bene stat quod

N

entita-

entitatie sit indiuisibilis, respectiue autem diuisibilis seu virtualiter, quia non sub omni respectu, & formalitate, qua participari potest, forma est vnita, etiam si tota vnita sit, vt statim magis explicabimus in sequenti argumento.

Ad confirmat. respond. quod qualitas intensa separari potest, & dicetur intensa non ratione vnionis actualis ad subiectum, ista enim destruitur facta separatione, sed ratione ordinis & habitudinis ad subiectum cui inesse petit non quomocunque, sed cum tali vel tali modo participationis, qui pertinet ad intensionem qualitatis. Vnde sicut in accidente separato non manet inhaerentia in actu, sed in aptitudine, qua respicit subiectum cui debetur, & iste respectus non est in potentia, sed in actu in ipso accidente separato, licet inhaerentia ipsa non sit in actu, ita remanet respectus talis, vel talis modi inhaerentiae secundum quem fit intensio, & licet actu non habeat illam vnionem, actu tamen habet respectum, & aptitudinem vt sic vnatur, & ratione illius dicitur actu intensa per ordinem ad subiectum non cui actu vnitur, sed quod actu respicit, & quod ei debetur, vt vni actu tali modo.

Vltimo arguitur, quia per hoc quod fiat intensio per istam radicationem non euitamus inconuenientia alterius sententiae, quae ponit fieri per additionem partium, nam vel ponimus plures vniones in eadem forma quae sic radicitur, & explicatur in subiecto, vel vnica: si plures, ergo iam admittimus in eodem subiecto plures modos numero diuersos, quod in alia sententia euitare intendimus, ne ponat plura accidentia numero distincta in eodem subiecto. Si vnica vel est diuisibilis, vel indiuisibilis, si indiuisibilis, ergo facta intensione, vel remissione, quilibet vnio corrumpitur, cum intensio consistat in maiori vnione, & consequenter corrumpit minorem, & si est diuisibilis totam corrumpit, corrupta autem vnione corrumpitur

forma vnita, & sic incidemus in illam sententiam quae dicebat intensionem fieri per corruptionem vnus partis, & additionem alterius. Et deinde si quilibet modus intensionis est indiuisibilis, ergo non potest terminare motum intensionis, quia motus non solum requirit indiuisibilia, sed etiam partes, cum motus sit diuisibilis. *Nec potest dici*, quod vnio entitativa est indiuisibilis, & virtualiter diuisibilis: nam cum ipsa qualitas dicatur intendi penes modos, & non penes entitatem, & istos modos dicimus esse vniones, ergo in ipsis debemus ponere diuisibilitatem, & latitudinem; si autem ponimus, quod entitatie sunt indiuisibiles, & virtualiter diuisibiles, rursus restabit aliud modus talis vnionis, quo diuisibilis reddatur, & de illo rursus fiet idem argumentum, an sit diuisibilis, vel indiuisibilis, & sic in infinitum. Si vero dicatur vnionem esse diuisibilem per partes, ruit fundamentum nostrae sententiae, iam enim ponimus partes in vnione, & ita si in illa non repugnat non obstante indiuiduatione eius in eadem parte subiecti, cur repugnabit diuersas partes qualitatis dari in eadem parte subiecti? Imò hinc deducitur argumentum contra nostram sententiam, quia per motum intensionis non solum acquiruntur indiuisibilia, sed etiam partes secundum distantiam, & latitudinem quam habet. Postquam ergo acquisit gradum vt duo, verbi gratia, immediate post non potest acquirere aliquid indiuisibile, sed diuisibile: illud ergo diuisibile, vel est pars modi, vel qualitatis, si qualitatis, habemus intentum; si modi, ergo modus est diuisibilis, & consequenter etiam res vnita.

Respond. vnionem qualitatis intensibilis esse vnica, & eandem entitatie, sicut & ipsa forma vnita cui omnino proportionatur, esse autem diuisibilem terminatiue, & respectiue, quatenus facit maiorem, vel minorem vnitatem subiecti cum forma, eo quod magis illi assimilatur, & tollitur confusio
poten.

potentialitatis, quæ est in subiecto ad plura, & reducitur ad maiorem subiectionem ad ipsam formam, quod est facere maiorem unitatem, & conuenientiam cum illa. Vt enim supra diximus duos effectus sortitur forma ex vnione, primus est habere existentiam dependentem à subiecto cui vnitur, & quantum ad hoc vt diximus non variatur vnio, quia existentia sequitur ipsam entitatem formæ, quæ entitas indiuisibiliter est ea lem vt dictum est: secundus effectus est facere unitatē, & conuenientiam cum subiecto, & in hoc admittit latitudinem, non in ipsa entitate vnionis, quæ non distinguitur à forma, sed in ipsa terminatione & respectu maioris vel minoris conuenientie. Neque hoc est dare modum modi, vel procedere in infinitum, sed ipsa qualitas vnita diuersimodè perficitur in unitate, quam facit vnio quantum ad eius terminationem quæ hinc maior conuenientia eius cum subiecto reducendo confusionem potentialitatis ad unitatem formæ; & sic non restat alius modus vnionis, sed alius effectus ipsius vnionis secundum diuersam terminationem ad subiectum, & diuersam unitatem, quam facit cum illo, & in hac terminatione, seu effectu participationis, & conuenientie vnio illa diuisibilis est, & hoc est virtualiter esse diuisibilem, id est, ratione effectus, & terminationis, entitatiuè autem esse diuisibilem, id est, ex parte entitatis, seu formæ vnite. In istis autem effectibus, seu terminationibus non est dare plures simul in subiecto, sed successiuè, quia cum intenditur qualitas, destruitur præcedens terminatio gradus remissi, & acquiritur noua, quæ perfectior est, & continet totam rationem præcedentis gradus, sicut figura tetragonum continet trigonum, id est, figura sex angulorum figuram trium, & sicut in quantitate quando crescit, destruitur præcedens terminatio, & inducitur noua, non autem duæ terminationes sunt simul, nec duæ figuræ, & sic nunquam saluatur quod duo modi, vel duo accidentia, vel duæ terminatio-

nes solo numero distinctæ sint simul in eadem parte subiecti.

Ad instantiam quæ fit ex parte motus intensiōis, *respondetur*, quod licet qualibet terminatio gradualis sit indiuisibilis, tamen inter vnā terminationem, & aliam datur transitus per modum latitudinis, & distantie in fieri, non quia sint partes qualitatis acquirendæ inter modum, & modum, sed quia ipse modus, qui acquiritur, dum est in fieri, est per modum diuisibilem, dum est in facto esse, est per modum indiuisibilem, sicut in motu locali, mutatum esse est indiuisibile, & inter duo mutata esse non dantur partes permanentes, sed fluxus, & fieri, quod per mutatum esse terminatur, & constituitur in facto esse, nec enim proceditur de vno indiuisibili ad aliud immediatè, sed mediante fluxu & fieri, quod habet latitudinem vincendam. Quare non oportet ad motum siue localem, siue alterationis assignare plures vniones partiales, nec plures partes qualitatis permanentes & in facto esse simul, sed solum in fieri, & tendentia, qua de vno termino, & mutato esse transigitur ad aliud per fluxum, & tendentiam, & cum datur alteratio in qualitate de vno extremo ad aliud, seu de qualitate vnus speciei ad aliam, & transitur per diuersas species medias, inter quamlibet speciem mediam datur motus, & tamen non acquiruntur partes intermedie, sed de vna specie fit transitus ad aliam, medium autem non est species aliqua partialis, quæ ibi inueniatur, sed ipsum fieri qualitatis, & fluxus, tendens de vno extremo ad aliud, est latitudo ipsa vincenda per motum, quia inter quodlibet factum esse datur fieri. Sic ergo non est necesse in intensiōe signare indiuisibilia, & partes entitatiuas permanentes, quarum vna addatur ad aliam, & componat cum alia, sed sufficit dari transitum successiuum, & fluxum, seu fieri de vna terminatione ad aliam: sicut cū in quantitate tollitur vna superficies terminans, & transigitur ad aliam, immediatè post non inuenitur.


terminatio, siquidem immediate post sequitur pars, sed inuenitur tendentia ad terminationem, id est ad aliam superficiem. Quæ verò ab oppositæ sententiæ authoribus de partibus permanentibus qualitatis, & indiuisibilibus eas vniuentibus dicuntur,

est facere qualitatem sicut continuum, & ad modum augmenti extensui quantitatis, sicut D. Thom. dixit imaginari eos qui qualitatem per additionem augeri putant in 1. dist. 17. quest. 2.

artic. 2.

Q V Æ S T I O V.

De Actione, & Reactione.



DE Actione, & reactione agit Arist. à c. 6. huius libri vsque ad 10. Nos autem agimus de illa immediate post tractatum de intensione, quia reactio, & repassio est generalis quedam conditio in alterationibus physicis, & ad corruptionem tendentibus, mixtio autem & similiter condensatio, & rarefactio sunt alterationes minus generaliter conuenientes, & ideo de illis agemus post actionem, & reactionem.

ARTICVLVS I.

Vtrum aliquid possit agere in se ipsum saltem per accidens?

HÆc est prima conditio requisita ad actionem, & reactionem, scilicet vt non sit identitas inter agens & passum, & quod talis conditio requiratur ad agendum per se, & directe in aliquod passum tractauimus 7. Physic. q. 22. an vero saltem per accidens, & quasi consecutue possit aliquid agere in se ipsum, quando scilicet agendo in aliud reflectitur ad se ipsum, in presenti tractabimus; hoc enim fit, vel per reflexionem, vel per antiperistasis. Prius tamen oportet fundamenta illa, quæ tradidimus in 7. Physic. in presenti vberius explicare, ex illis enim dependet tota huius veritatis resolutio.

Igitur tanquam certum in Philosophia proposuimus præfato loco illud axioma Arist. tenendum esse quod omne quod mouetur ab alio mouetur, quod diximus verificari

vniversaliter de omni agente per motum, seu procedente de potentia ad actum, explicaturque à D. Thom. de eo quod mouet, & mouetur per se primo, ad excludendum id quod se mouet ratione partium, ita vt vna pars sit mouens, & alia sit mota, tale enim mobile dicitur non mouere, nec moueri per se primo, sed per partem, id autem quod conuenit alicui per partem, non conuenit per se primo, imo motum in partem nominat Philos. motum per accidens in 5. Physicor. quia ipsi toti conuenit per aliud, id est per ipsam partem quæ distinguitur à toto: alioquin si intelligeremus illud axioma, quod omne quod mouetur ab alio mouetur, id est ab alio supposito distincto, falsificaretur in viuientibus, in quibus vna pars mouet aliam, vel ex vno actu proceditur ad alium, & sic dicuntur mouere se ipsa. Intelligitur ergo prædictum axioma, quod omne quod mouetur, non primo & per se mouet se ipsum, sed ab alio mouetur, siue sit aliud tanquam quoddam distinctum, siue sit tanquam pars, vel tanquam actus.

actus diuersus, sicut ex actu finis fit motus ad media, & ex principijs ad conclusiones: quod autem eadē res primò & per se si mouens, & mota est impossibile, & hoc dicimus esse habendum pro principio in philosophia, quia fundatur in ipsa essentiali natura motus, quæ est de quodam in quiddā, de potentia ad actū, id est per id quod habet de actu, ad id ad quod est in potentia. Vnde Philof. in presenti libro 1. de Generat. tex. 48. intulit contra Democritum, quod si simile ageret in simile, etiam idem ageret in seipsum, quasi hoc sit maximum inconueniens, nec possit vllō modo admitti.

Ex duplici tamen capite potest hoc axioma eneruari, & restringi. Primò dicendo, quod non potest idem agere in seipsum, & in eandem partē motu generatiuo, vel corruptiuo, nihil enim potest se generare, vel se destruere, alijs tamen motibus vt locali, & augmētationis, & multò magis moribus spiritualibus potest idem agere in seipsum, & se mouere. Secundò, quod non potest idē agere in seipsum, vel se mouere secundum eandem rationē, bene tamen secundum diuersam, id est, secundū quod est in actu potest se mouere, & secundū quod est in potentia moueri. Nec sequitur quod erit simul in actu, & potentia eodē modo, sed virtualiter in actu, & formaliter in potentia. In summa sufficit habere virtutem actiuam in se, vt possit agere in seipsum tanquā in subiectum, & per formam in materiā & fauet. S. Thom. q. 8. de Verit. art. 6. ad 7. vbi inquit: *Quod licet aliquid quod est in potētia essentiali, non possit seipsum reducere ad actum, sed per aliud, tamen quod est in potentia accidentali sicut habens habitum, dū nō considerat, potest per seipsum exire in actum, nisi dicatur quod reducitur in actum per voluntatem, qua mouetur ad actum cōsiderandum.* Quod verò dicitur requiri ad motum, quod ex vna parte motus transeat ad aliam, & ideo prius ipsa virtus mouens debet esse in actu mota, quā moueat, & immutet id quod est in potentia, non cogimur intelligere de actu motus,

quo constituatur mouens in actu, sed de ipso motu qui est effectus, qui cum successiue fiat, prius attingitur vna pars, quam alia, & sic dicitur exire de vno in aliud.

Nihilominus explicationes istæ sufficientes nō sunt, sed intelligi debet propositio allata in tota sua latitudine, & vniuersalitate in quocunque genere motus, atque ita vbi inuenitur progressio de potentia ad actum oportet quod non moueat seipsum secundum eandem partem, vel secundum eundem actum. Nec sufficit habere virtutem operatiuam per quam dicatur aliquid esse in actu ad mouendum seipsum vt est subiectum receptiuum motus, sed oportet quod constituatur in actu vltra ipsam virtutem per aliquem motum, quo moueatur ad aliam partem motus, vel ad alium actū. Et hunc motum per quem est in actu ad mouendum, nō potest ab ipsamet virtute habere, siquidem illa vt operetur, exigit motum, ergo quando primò operatur, ab alio habet illum, à se enim habere nō potest nisi operando, nec operari nisi supponendo motum. Ratio huius est, quia virtus mouens, & agens solum est principium quo agendi, & similiter est de se indifferens, & in potentia ad plures actiones saltē in indiuiduo. Ex eo autē quod est principium quo, sequitur quod non sit mouens, sed ratio qua aliquid mouet, quia omne principium quo debet esse alicuius, quod se habet vt principium quod; vnde illud quod mouet, est subiectū in quo est talis virtus, ergo oportet, quod concurrat cum tali virtute actiua; non vt in potentia; neque vt patiens ab ipsa; sed vt in actu & vt agens per illā saltem radicaliter, & vt principium quod, atque adeo prout sic non patitur à tali virtute sed agit mediante illa. Nec oppositum potest percipi, nisi imaginando, quod calor non autem ipsum calidum est calefaciens, seu mouens, quod est dicere calorem non esse principium quo calefaciendi, quia principium quo est id, quod alicui est ratio agendi, & sic supponit alterum cui coniungitur vt agenti, & mouenti quod per talem

calorem; nunquā ergo virtus quæ est principium *quo* est mouens, & subiectū eius est motum ab ipsa, siquidē hoc ipso quod dico virtus mouens, ibi iam intelligitur subiectū mouens, vt quod, ergo non distinguitur ibi virtus vt mouens, & subiectum vt motum, sed vtrumque vt mouens; & eadem ratione neque forma est mouens respectu materiæ, tum quia forma solū est ratio agendi vt *quo*, ipsa quidē substantialiter, & primario, accidentia autē actiua, vt eius instrumenta, & sic eadem ratio currit, ac de illis: tum quia materia sola non est capax motus propriē dicti, sed solū mutationis; motus enim requirit subiectum completum in actu, vt cōstat ex Philos. 1. *Phys.* & ibi aduertimus q. 19.

Ex eo autem quòd ista virtus motiua sit indifferens, & ad plura se habens saltem in indiuiduo, sequitur quod ipsa non sufficit mouere determinatē, & in singulari nisi vt mota, ita vt prius debeat esse in actu determinatē, quam se reducat de potentia in actum. *Et huius ratio est* quia si aliqua virtus est in potentia ad producendum aliquid, & nō in actu, oportet, quod vt producat illud moueatur, seu mutetur de potentia ad actū, quia ex potentia vt potentia, id est, vt est in statu potenciali non procedit actio; licet enim ex potentia actiua, vt actiua est, procedat actio, tamē quatenus habet statum potentialem illa actiuitas, actio non procedit, nisi talis status tollatur, & ipsum tolli est moueri. Vocamus autem statum potentialem, quamdiu aliqua virtus non est vltimo determinata ad aliquam operationem, vel effectum, sed ita potest operari hoc, quod est adhuc suspensa vt operetur aliud, vel potest etiam impediri, & non operari, tunc enim restat aliquid vt vel expediatur, seu tollatur impedimentum, vel vt tollatur suspensio, & determinetur in singulari ad hoc potius, quā ad illud, & multo magis si debeat determinari ad ipsam speciem actus, vel ad aliquam conditionem requisitam. Nihil autē aliud est actuari, seu habere statum actualem agendi, quā vltimo deter-

minari determinatione tollente potentialitatem, & suspensionem nō tollente potestatem, & vniuersalitatem agendi diuerfos actus, eò quòd potentialitas, quamdiu nō est determinata, non est adæquata actui, seu effectui faciendo, nec plenē proportionata; restat enim aliquid semper, quo vltimate illi adæquetur vt exeat actio in singulari. Illa ergo virtus quæ operatur supponendo potentialitatem ad operandū, oportet quod mutetur de tali potentialitate ad actualitatem, & talis mutatio non potest nasci à se, quia vt nasceretur, deberet esse sublata potentialitas, ergo ab ipsa potentialitate tolli non potest, sed supponere quod sit mota, & sic sublata potentialitate operabitur.

Quòd si de se sufficienter sit determinata in actu, & nullo modo in potentia, operabitur non per motum, & transeundo de potentia ad actum (de quo so'um loquimur in præsentī) sed vel per simplicem emanationem, vel per actum excludentem omnē potentialitatem ad agendum, qui est actus purus. Emanatio autem licet respectu essent e; à qua passio dimanat, non dicat motum, sed simplicē dependentiam, tamen quia hæc essentia habetur à generante producente formam, & quæ sunt consequentia ad formā, scil. proprias passiones, respectu talis generantis & mouētis, iam supponitur moueri ab alio, & non à se. Quare virtus procedens de potentia ad actum in operando, oportet quòd procedat vt mota prius tollendo talē potentialitatem, & hoc nō à se, sed ab alio, quia non potest tolli nisi per operationem, operari autē non potest, quamdiu est in potentialitate, ergo prius est sublata potentialitas quā operetur, ergo ab alio debet tolli, & cum nō sit processus in infinitum in mouentibus, oportet, quòd primi motus alicuius operantis reducantur ad causas extrinsecas, & illi tandē ad primam causam.

Nec tamen propter hoc reducuntur omnes isti motus ad proprium generans, sed dicimus quòd ad primam causam, quia vt reducātur ad generans, requiritur quod sint
tales

tales motus, quod pertineant ad ipsum primum datum, seu instans primum naturæ & ad naturam ut generatam, & ad motus qui sunt naturæ ut natura, quia scilicet sunt motus quibus mouetur, non qui præcisè mouent aliud, sicut causa effectio ignis non est operatio ei data à generante, quia in illa non explicatur motus naturæ, quia in illo non mouetur, sed mouet aliud.

Ex qua doctrina colligitur primum, quod etiam viuentia in suis primis motibus, quibus constituuntur in actu, ut possint se mouere in alios actus, indigent mouente extrinseco, eo quod etiam in illis primis motibus verè mouentur, & operantur exeundo de potentia ad actum. Et bene stat quod viuens eliciat actiue illum primum motum, & tamen non moueat se, sed ab extrinseco moueatur, quia ille primus motus non se habet ut propria passio ipso viuente merè passiuè se habente, sed est propria actio, utpote vitalis egrediens, & elicita ab ipso, in virtute tamen generantis, & mouentis extrinsecè, eo quod est vita habita & participata ab alio, & cōsequenter potest esse mota & inchoata ab alio. Et sic motus cordis & primus motus intellectus, & voluntatis ab extrinseco mouente sunt licet ab intrinseco eliciantur, quia cum perfectio viuentis consistat in operari, & non in quiescere, & hæc est operatio vitæ, qua scilicet mouet se, mouetur autem, quia per motum mouet, necesse est, quod à generante detur illi, non solum virtus mouendi, sed etiam virtus mota, id est, constituta in actu ut se moueat, siquidē virtus non est in actu, sed in potentia ut moueat, & operetur, & ita indiget moueri, & esse motā ut moueat, ergo necesse est, quod à generante cōstituatur virtus viuentis mota, quia pertinet ad primum statum naturæ viuentis, & non potest esse mota à se ipsa ob rationē dictam, quia ut se cōstitueret motā, deberet operari; operatio autē cum fiat per motum, supponit esse motā, debet ergo ille primus motus fieri nō à se, sed ab alio extra se, à quo scilicet vita ipsa participatur, ideoque in

primo motu vitæ participata non est necesse, quod se moueat viuens, sed quod participet motum vitæ, & inchoata ē viuat non cōplere, & consummate; incipit enim motu illo se mouere, quatenus cōstituitur in actu ut in sequenti actu se moueat, & quia hoc debetur viuenti in ipso primo instāri, quia est perfectio propria, & illi debita, ideo sicut res inanimata generatur ut quiescens in loco proprio, quia debetur illi quies, per accidens autem, si non sit in loco proprio, mouetur à generante, ut tēdat ad illū, ita oportet quod viuens nō generetur ut quiescens, sed ut motū ut moueat, & sic pertinet ad causam generantē animal dare motū cordis, qui est primus motus vitæ, & ad generans spiritū pertinet dare primū motum intellectus & voluntatis, quo incipiat se mouere in illo genere vitæ, nam etiā vita intellectiua in nobis est participata, & operatur exeundo de potentia ad actum, & sic operatur ut mota.

Secundò colligitur primum illum motum cordis, vel intellectus aut voluntatis, vel quemcunque alium primum motum cuiuscunque rei, non posse esse deficientem, si de facto datur, nisi deficiat ipsū mouens, sicut si generans est debile, poterit quoque producere motum cordis debilitatum, & similiter si intellectus & volūtas posset moueri in primo suo motu virtualiter, vel formaliter ab aliquo agente deficiente posset quoque ille motus esse defectuosus. Et dico *formaliter*, vel *virtualiter*, quia licet in omni operatione quæ de nouo incipit, Deus sit primum mouens, & prædeterminans formaliter, tamē si supponuntur alij actus præcessisse, ita quod illa operatio non sit simpliciter omnium prima, tunc potest in virtute præcedentium actuum incipere motio istius nouę operationis; nec tenetur Deus mouere iuxta modum suum, sed potest se accommodare iuxta modū relictū virtualiter ex prioribus actibus, & ideo in alijs operationibus quæ de nouo incipiunt potest aliq̃s incipere defectuosē sine hoc quod attribatur defectus primo mouenti, sed prius disponenti. Ceterū in motu

qui

qui est omnium primus, nec supponit alium etiam ut disponentem, determinatio eius non potest oriri ex aliquo priori actu, nec iuxta illum accommodari primum mouens ad mouendū, & ita nec formaliter, nec virtualiter mouetur à se, sed solū à primo motore operante iuxta modum suum, & non iuxta accommodationē relictam ex aliquo priori actu in ipso mobili: vnde ex vi talis motus non potest sequi aliquis defectus in mobili. Et licet propter indifferentiam suā potentia & libertatem, possit non operari, & non sequi illum motum primi motoris, quia mouet non cogendo libertatem, nec tollendo, tamen ex hoc non sequitur, quod possit illud mobile deficere, & peccare, sed solum potest nō facere per negationem, aut suspensionem actus, non ex vi dictaminis alicuius deficientis, sine quo nulla omisio, vel commissio peccaminosa est voluntariē. Et ita aliud est posse non facere, quantum est ex meritis potentia & obiecti, quod pertinet ad libertatem ut non operetur coactē, aliud est possenō facere peccando, quod requirit facere cum deficientia in principio volente & in dictamine proponente, quod dictamen in illo statu primæ operationis nō est dabile, cum à solo Deo moueatur, sicut nec in beatitudine ratione status optimi, nec in Christo ratione personæ diuinæ. Et sic à posse non facere ad posse non facere peccando, semper mutatur appellatio etiam respectu eiusdem actus.

3. *Colligitur*, quod actus immanens licet recipiatur in agente, non tamen est idē mouens, & motum primo & per se, & similiter in emanatione passionum, ut frigoris ab aqua calefacta. *De primo constat*, quia licet sit idem agens & recipiens actionem, nō tamen est idem mouens, & motum, quia ut dictum est aliud est elicere actum, aliud mouere, & moueri, nam etiam virtus eliciens debet esse mota ut eliciat, & sic prius est moueri quam elicere actionem. Non est autem contra rationem virtutis actiue, quod sit in potentia ad sustentandum actionem, &

ut sibi inhæreat: est tamen contra rationē potentia actiue ut agat, & eliciat actionem si est in potentia determinabili, & suspensa ad agendum, quæ in determinato non potest tolli ab ipsa per suam operationem, siquidē ut operetur exigit determinari, & ideo esse mouens, & motum opponuntur circa idem tanquam potentialitas indeterminationis, & actualitas determinationis ad agendum, potentia autē sustentans in esse, & recipiēs per inhætionem, non pugnat cum ipsa virtute actiua ad agendum, quia posse sustentare aliquam actionem vel formam etiam fundatur in actualitate essendi, quia perfectius est esse sustentans, quam inhærens. Præterquam quod actio immanens non secundum idem procedit, & recipitur, nam procedit in intellectu à potentia & specie, recipitur autem in sola potentia; in voluntate vero procedit ab appetitu ut actuato per propositionem obiecti & moto à cognitione, recipitur verò in sola potentia voluntatis.

Quod verò attinet ad emanationem propriæ passionis iam ostendimus in *quest. 12. Physicor. & quest. 23* quomodo emanatio nō distinguatur ab actione generantis, & ita iam supponit aliquid distinctum à quo procedat, & à quo sit, quod iterum ostendemus vberius, *quest. 2. de anima art. 2.*

Vltimò sequitur, bene posse aliquid mouere seipsum per hoc quod vna pars moueat aliā, quod etiā verificari potest de motu corruptiuo. *Constat hoc*, quia in viuēte vna pars agit in aliam, & vna pars agra potest corrumpere sanam, & nutritio fit per hoc quod vna pars corrumpit alimentum, & generat carnē in aliquo sibi propinquiori. Non tamen potest effectiue aliquid se generare, quia sic esset ut generaret, & non esset, ut generaretur, & consequenter, neq; potest effectiue se corrumpere procedendo de non esse ad esse, quia corruptio sequitur ad generationem, quæ semper est circa alterum, non circa se.

De Antiperistasi.

Supposito, quod nihil potest agere in se ipsum immediatè, & directè, quod est agere perfectè; restat videre an possit per accidens, scilicet secundum actionem aliquam reflexam. Contingit autem reflexio ista dupliciter; vno modo per hoc solum, quod aliqua actio inueniat aliquod obstaculum ne ulterius transeat, sed qualitas ibi recepta rursus agat in suum agens a quo educta est, vel in medium per quod transiit, & sic in ipso medio intentior reddatur. Alio modo inuenitur qualitas aliqua crescere, ex eo quod agens circumdatur a contrario fortiori, qua circumdatione posita, reflectit qualitas ad se, quia non potest transire per contrarium, sed tunc non sit reflexa ei acualatio à contrario, sed solum circumobstistentia, quæ non potest vincere totam auctiuitatem agentis contrarij, & ideo reflectitur ab illa in se ipsam, magisque intendit se. Et ista circumobstistentia græce dicitur, *Antiperistasis*, quasi circumdatio, & circumobstistentia contrarij. Dari autem istam Antiperistasis, experientiam cōprobat, videmus enim in æstate aquas subterraneas esse frigidiores, in hyeme calidiores, quia in hyeme circumdante frigore, & cōstipante terram, calor qui vel ab æstate, vel ab exhalationibus calidis erat ibi inclusus, non permittitur exire, & ita ad se rediens intendit calorem aquæ: in æstate vero laxata terra permittitur ille calor exire, & aqua redit ad suam frigiditatem. Quæritur ergo quomodo illa qualitas agat in se ipsam, & se intendat, & à quo fiat illa actio antiperistica.

In quo supponendum est, per talem antiperistasis vere intendi, & perfici qualitatem, non solum secundum apparentiam, nec solum secundum condensationem, neque secundum actionem intentionalem sed vera, & propria intensio. Quod licet aliqui negauerint, nihilominus in hac parte experientie fidendum est, quæ est mater Philosophiæ, cum in contrarium non obstat

Part II. Physic.

aliqua ratio, quæ experientiam sensuum corrigat. Et talem antiperistasis ponit Aristot. I. *Metheororum*, & ibi S. Tho. lect. 14. c. 15. ubi hoc reducit ad experimentum, quod iam attulimus de aqua subterranea in æstate & hyeme. *Nec potest dici*, quod ibi est deceptio sensus, quasi manus calida applicata aquæ fontis videatur sibi frigidior, non quia frigida est, sed quia manus est calida. *Nam contra est*; quod eadem manus tangens aliam aquam communem & illam subterraneam sentit differentiam inter hanc & illam, ergo hoc non potest reduci ad solam dispositionem manus, quæ unica tantum est, sed ad diuersam dispositionem aquæ; imò si manus frigida reddantur sicut in hyeme, & tangant illam aquam fontis, & aliam calidam discernunt differentiam frigiditatis in illa, & non in ista, ergo non est ibi deceptio sensus. Similiter hoc nō fit per maiorem ad densationem, vel raritatem aquæ, tum quia aqua densior qualis est aqua maris, si non ponatur intra terram non sentitur frigida, ergo non prouenit illa frigiditas ex maiore densitate, neque calor ex maiore raritate, quia stante eadem raritate, aqua calida redditur, intra terram, & non extra: Præter quam quod eadem manet difficultas, à qua causa proueniat ista maior addensatio, vel rarefactio, & ridiculum videtur negare experientiam de maiore calore, vel frigore, quod experimur in aqua & affirmare de raritate, & densitate, quam non experimur. Denique neque hoc fit per solam actionem intentionalem, & nō per physicam intensioem caloris vel frigoris, nam species intentionales quæ solum sunt representatiuæ, non intendunt alteratiuè ipsam qualitatem. Videmus autem per antiperistasis effectus reales & phisicos, qui non possunt reduci ad species intentionales, ut quando aqua ita frigescit, quod congelatur, aut exhalatio ita calefit per antiperistasis quod igitur: ergo hoc non potest reduci ad actionem intentionalem: præter quam quod calor,

O

vel

P. Suarez *disput. at. 18. Met. sectio. 9. numer. 13.* & Rubio hic dicunt aquam reddi calidam in hyeme, propter exhalationes calidas, quæ à sole extrahebantur à terra, sed non fuerunt perfecte elevantæ, & ideo manserunt circa terram vel aquam, & calefaciunt illam, hoc non sufficit: tum quia non semper extrahitur tanta copia exhalationum ex omnibus locis subterraneis, nec de eo nobis constat & tamen in omnibus subterraneis inuenitur aqua calidior: tum quia manet eadem difficultas, quomodo illæ exhalationes possunt intendere illum calorem in aqua ultra proprium gradum caloris, quem habent ex eo solum, quod circumdantur à frigido. Tum denique, quia iam assignatur pro causa directæ illius caloris agens illud, quod talem calorem illis exhalationibus imprefcit quod fuit sol; unde si intendatur magis ille calor, necesse est recurrere tanquam ad causam directam ad ipsummet solem qui illum calorem primo produxit, vel ad aliquam causam fortiorẽ quæ causam illam intendat, quæ non apparet alia, quam ipse sol vel cœlum.

Ex ista Antiperistasi nascuntur multi effectus, qui mirabiles apparent eò quod habent pro causa contrarium obfistens, sicut quod fulmen generetur intra nubem humidam in exhalatione sicca, quod injecta aqua in calcem viuat, vel in prunas fortius erumpat calor, quia per humectationem cõdensantur aliquæ partes, & resoluuntur plures vapores calidi in calce, vel fortius etiam intenditur calor in prunis contra illud frigus, & humectationem aquæ cõdensantis partes prunarum: & alia multa exēpla possunt occurrere, de quibus agemus in *lib. Meteoror.* In his tamen omnibus non est idem mouens, & motum, sed reducuntur in diuersa, tam ex parte causæ directæ, quam per accidens ut ostensum est.

De intentione mediij per reflexionem qualitatis.

Contingit interdum qualitatem emissam per aliquod medium, inuento ali-

quo obstaculo ipsum medium fortius alterare, sicut radij solis interdum emissi reflectuntur, & ipsum medium calefaciunt; propter quod ista vicina regio aeris calidior est, quam secunda, ubi concresecunt nubes, quia illuc reflexio radiorum non peruenit. *Est dubium* à qua causa fiat illa maior intensio, siquidem tam radij directi, quam reflexi sunt eiusdem intensiois, atque adeo vel simile ager in simile, vel idem in se ipsum. Et non solum fit per istam reflexionem intensior calor, qui virtualiter tantum continetur in luce, sed etiam ipsa lux magis intenditur, sicut videmus, quod lux candelæ si retro ipsam ponatur corpus opacum intensius illuminat ipsum mediũ, quia ab opaco resilit lux ad mediũ. Supponimus autẽ in ista reflectione verẽ intendi qualitates istas, siuẽ calorem, siuẽ lucem, quia experientia cõtinua id testatur, cum videamus nõ solum ipsum corpus opacum, unde fit reflexio, sed etiam medium ipsum reddi clarius, aut calidius, ut patet quia si in ipso medio ponatur scriptura facilius legitur, & melius videtur, ergo signum est ipsam lucem intendi in medio, & ita non potest recurri ad maiorem densitatem, quia aer ipse non est densior in reflexione radiorum, quam in directæ emissionem. Dicere autem quod non intenditur lux illa, sed quod plures luces numero distinctæ in eodem subiecto ponuntur, sicut cum plures candelæ accenduntur in aliquo loco, hoc est impossibile, quia duo accidentia numero distincta non sunt in eodem subiecto, ut quæst. 9. ostendemus, quod si ponerentur, adunarentur in vnum, sicut duæ aquæ fiunt vna aqua, quando coniunguntur, plures autem candelæ magis illuminant aliquem locum, quia quælibet diuersam partem attingit, in qua erat lumen debilius, & sic plus illuminant quam si esset vna tantum candela, & ideo non est simile. Quare inquirendum restat à qua causa proveniat illa maior intensio lucis in eadem parte mediij, nec enim potest ad solam densitatem corporis

opaci unde fit reflexio reduci; tum quia densitas opaca non importat maiorem lucem, neque illam quam recipit intendere potest, cum sit qualitas diuersæ rationis; tum quia lux non transit superficiem primam corporis opaci, alioquin si transiret, illud per quod transit esse transparens, & non opacum, si autem in sola superficie recipitur, ibi non est densitas, ratione cuius lux ipsa magis congregetur, quia densitas non est proprietas superficiæ, sed corporis, cuius tamen partes non penetrat illa lux.

In hac difficultate duo inuoluuntur. Primum & principale est, quomodo in actione reflexa vnum simile agat in aliud simile, & magis intendat illud, v. g. lux vt duo reflexa agat in lucem vt duo directam, & de hoc agemus *in sequenti articulo*, vbi omnes difficultates allatas dissoluemus. *Secundum est*, an in ista actione reflexa idem agat in se ipsum, saltem per accidens & superposita reflexione. *Et ad hoc dicimus in presenti*, quod etiam in actione reflexa, vna pars agit in aliam, non eadem in se ipsam; cum enim illa lux emittitur è luminoso, certum est, quod lux recepta in vna parte, & inhærens illa non transit in aliam, nec enim vnum accidens migrat è subiecto, sed producit aliam lucem, & multiplicat illam ab vna parte in aliam. Unde quando illa lux tangit corpus opacum ibique inhæret, & propter opacitatem non transit vltius, agit illa lux reflectendo in medium, & sic nunquam agit in se ipsam, sed in partem distinctam, siquidè intensiorem qualitatem producit in ipso medio, medium autem distincta pars est à corpore opaco unde fit reflexio. Quomodo autem obistente contrario, & reflectente illuminatione, intensior lux generetur, & à qua causa proveniat illa maior intensio, ad *sequentem artic.* pertinet.

ARTICVLVS II.

Vtrum simile possit agere in suum simile?

Ostenso, quod idem non potest agere in se ipsum, restat videre an possit agere in simile, quod est quasi alterum se. *Est*

autem supponendum, quod tripliciter potest esse aliquid simile, vel dissimile alteri; primo in ipsa specie qualitatis v. g. quod vtrumque habeat, vel non habeat calorem, secundo quantum ad gradus, vt quod vtrumque sit eiusdem gradus caloris, v. g. vt quatuor, vel vt duo; tertio quantum ad conditiones agendi, vel patiendi, vt quod sint eiusdè raritatis, aut densitatis, figuræ vel situs, & reliquarum conditionum, quæ aliquo modo conducere possunt ad agendum vel patiendum. *Inquirimus ergo*, an quando agens & patiens habent istam similitudinem, siue omnes istas tres, siue aliquam illarum, possit agens agere in passum, & loquimur de actione quando incipit, non quando consummatur nam in fine actionis potius agens, & passum debent esse similia cum ad hoc tendat actio vt assimilet sibi passum. Nec est difficultas de agentibus æquiuecis, quæ manifeste sunt dissimilia non solum passo, sed etiam effectibus, sed loquimur de vniuecis, in quibus licet effectus sint similes, ideoque in consummatione actionis etià passum debeat esse simile agenti, tamen à principio debet esse dissimile, vt ad similitudinem istam perducatur.

Dico ergo. 1. quando agens & patiens sunt similia triplici illo modo similitudinis, non potest dari actus; & ita formaliter loquendo simile non potest agere in simile, sed debet aliquo modo esse dissimile à principio. Est communis sensus Philos. traditurque ab Arist. *in hoc l. 1. c. 7.* & ibi à D. Th. *lect. 19.* & alijs multis locis. *Et ratio est manifesta*; quia vnumquodque patitur in quantum est in potentia, & agit in quantum est in actu, ergo passum vt passum nō debet esse simile omnino agēti, quia si esset simile deberet vtrumque esse in actu, vel vtrumque in potentia, & sic non fundaret vnum actionem, & aliud passionē. *Conf.* nam agens, si verè agit, oportet, quod aliquid ponat de nouo, quod antea nō erat, vbi enim non fit aliquid de nouo, nihil fit, sed actum est, & solū ponit id quod antea erat, ergo vt fiat aliquid de nouo oportet, quod modo

modo sit, quod antea non erat, & consequenter sit dissimile passum in principio actionis ipsi agenti, ut potè, non habens in principio, quod postea in fine. Et in hoc fundatur commune dictum, quod agens intendit assimilare sibi passum, & quod actio procedit à victoria agentis supra passum, hæc enim omnia requirunt dissimilitudinem inter agens, & passum à principio actionis.

Dices, inter similia est minus resistentiæ, ergo est facilior actio. Item, similia facilius conseruant suam virtutem sicut duæ manus se calefaciunt, & conseruant calorem, licet æque calidæ sint, ergo simile agit in simile saltem, quando agendo se conseruant. *Resp.* inter duo similia esse minus resistentiæ positiuæ, magis autem negatiuæ, quia est incapitas recipiendi nouum terminum, nisi sit aliqua dissimilitudo in recipiente, alias iam illum haberet, non autem de nouo recipit, & ideo non est facilior actio quando est tanta similitudo, ut non possit aliquid de nouo fieri in subiecto. *Ad secundum dicitur*, conseruationem caloris in manibus non fieri intendendo, & augendo ipsum calorem, nec eundem producendo, sed à contrarijs defendendo: si autem vna manus produceret in altera calorem vel illum intenderet, supponeret in altera, vel non esse calorem, vel non esse tantum.

Dico. 2. si agens sit simile passo in specie, dissimile autem in gradu, & conditionibus requisitis, potest agere in passum. Conclusio est certa & communiter admissa, ipsaq; experientia constat, nam calidum excellens potest agere in calidum remissum, illudque intendere, & assimilare sibi, & tamen constat iam habuisse speciem caloris.

Tota difficultas reducitur ad hoc; an possit simile agere in simile tam in specie, quam in gradu, dum modo sit dissimile ex parte conditionum, puta quia est magis densum, vel rarum, siquidem experientia videtur monstrare, quod calor in materia densa, ut ferrum ignitum, vel carbo vehementiorem calorem producit, quam flamma in stупpa,

& non quia habet calorem intensiorem cum flamma habeat calorem, ut octo, siquidem est ignis, ergo quia habet materiam densiorem.

In hac difficultate aliqui sentiunt densitatem materiæ conducere ad effectum intensiorem, ita ut virtus seu actiuitas sequatur multitudinem formæ in materia, non autem intensiorem formæ ut sentit M. Soto 2. *Phys. quest. 4. ad 5.* Toletus Niphus, & alij. *E contra vero alij existimant*, actiuitatem formæ solum desumi penes intensiorem, & gradus, non penes densitatem, aut raritatem, atque ita non posse agere calidum, ut quatuor quantumcunque densum in aliud calidum ut quatuor magis rarum, atq; ita dicitur perfecte simile agens & passum, quando assilantur in specie & gradu qualitatis, etiam si in densitate, & raritate, alijsque conditionibus dissimilia sint. Ita M. Bannez in cap. 9. de generat. quest. 2. Carm. disp. 8. qu. 2. Conimb. Suarez, Rubio, alijq; plures quos citant. *Quorum fundamentum est*, quia ratio formalis actiuitatis & virtutis sumitur ex forma & ex actu, vnumquodque enim agit in quantum est in actu, est autem in actu per formam quæ tollit potentialitatem, ergo quamdiu non crescit in ista forma & in ista actualitate, non crescit ratio formalis agendi, neque actiuitas; densitas autem, & raritas non pertinent ad formam caloris, v.g. vel frigoris, sed ad aliam qualitatem quæ oritur ex constipatione, vel ampliatione partium materiæ, ergo ex vi illius non est maior actiuitas, nec aliqua dissimilitudo quantum ad rationem formalem caloris respectu passi habentis æqualem gradum caloris. Et ita densitas, & raritas solum pertinebunt ad maiorem extensionem qualitatis, non ad maiorem intensiorem, & actiuitatem, & sic conducent ad aliquos effectus extensiuos, ut quod agens velocius, & citius agat, & ad maiorem sphaeram se extendat. Nihilominus.

Dico tertio, densitas & raritas, & alie similes conditiones ad agendum requisita, non augēt actiui-

actiuitatem, & virtutem agentis formaliter, & directè, conducere tamen possunt indirectè, & per modum cuiusdam dispositionis, vt virtus aliqua qua debiliior erat fortifi.etur, & intensior fiat virtute agentis in medio habente talem dispositionem, quæ non pot. est, ita intensior produci in medio carente illa. Itaque nonnunquam conditiones istæ conducunt vt resultet maior & intensior actiuitas non quidem ab ipsis, sed ab agente, præsupposita tamen tali dispositione, aut conditione ipsorum, & posita tali intensione, poterit corpus densum fortius, & intensius operari, non ratione densitatis, vel aliarum conditionum, sed ratione maioris intensificationis. *Prima pars* satis videtur conuinci fundamento secundæ sententiæ, & constat etiam, quia materia siue densa, siue rara potest esse in potentia vt sit magis vel minus calida, ergo etiam in ipsa densitate potest esse diuersitas graduum caloris: ponamus ergo quod sit calor vt sex in materia densa, inquiramus in alia materia rara, vel possunt etiã esse sex gradus caloris, vel non? Hoc secundum dici non potest, quia possunt in materia rara esse vsque ad octo gradus, siquidem potest inflammari, & in ignem conuerti, ergo à fortiori potest habere sex; tunc ergo vtraque materia, tam rara, quam densa est in potentia ad perfectiorem gradum, scilicet ad septem, ergo non poterit agere, & producere calorem vt septem, sed solum vt sex, siquidem solum operatur ea ratione qua est in actu, non qua est in potentia, sed hos etiam gradus vt sex potest producere calor in materia rara, ergo sunt æqualis actiuitatis, siquidem habent æquales effectus, scilicet calorem vt sex, licet vna tardius altera operetur, ad maiores autem gradus sunt in potentia, ergo ex præcisa ratione densitatis formaliter, & directè non sequitur, quod aliquis calor intensior fiat, nisi aliquid amplius addatur:

Secunda pars conclusionis difficilior est, nec in ea omnes cōueniunt, vt videri potest apud P. Suarez disput. 18. metaphys. sect. 9. Ru-

bio tract. de reactione, & passione qu. 8. Murcia disp. 4. q. 4. Sunt. e in hac parte duo principia ab aliquibus tanquam certa admissa, quæ omnem intensificationem videntur excludere; primum quod ex maiori densitate corporis, & multitudine materiæ, non fit virtus intensior, neq; effectus perfectior, licet eundem effectum velocius producat. Secundum, quod virtus diffusa per medium cum magis, ac magis debilitetur non potest in parte remota intensiorem effectum producere, etiam si ibi inueniat maiorem dispositionem, verbi gratia maiorem densitatem, aut raritatem, & similia: quæ principia admittit Murcia vbi supra sequens P. Suarez citatum sect. 8. nu. 31. sed tamen idem Suarez postea sect. 9. in fine propter argumentum quod deducitur ex actione reflexa, coactus est vnum ex illis principiis negare, & magis inclinatur ad negandum hoc secundum, & reuera nos censemus negandum esse ex doctrina, quam tradidimus 7. Physic. quest. 22. art. 2. & nunc amplius explicabimus.

Sensio ergo, vtrumq; hoc principium esse moderandum iuxta sententiam S. Th. nam in primis, vt oēs fatentur, non repugnat virtutem emissam ab aliquo agente habere in remotis aliquem effectum quem in propinquo non potest propter indispositionem subiecti, vt optime tradit S. Th. 3. Phys. lect. 4. & in 2. dist. 15. quest. 1. art. 2. ad 6. vbi inquit: Quod cuiuslibet agentis habentis situm, actio prius recipitur in medio, quam in termino, non tamen oportet, quod recipiatur in vtroque eodem modo, sed secundum quod exigit dispositio vtriusque, sicut piscis qui detentus in rete stupefacit manum, præter hoc quod stupefaciat rete, quod stupefactionis capax non est. Sicut ergo virtus emissæ, licet longius progrediatur, potest effectum aliquem non debilitatum sortiri in distantia remota (intra suam tamen sphaeram) quia ibi inuenit dispositionem conuenientem, & non ante, & tunc virtus illa, quæ transeundo per medium videbatur debilitata, efficaciter operatur inuenta cōgrua dispositione, cur similiter nō dice-

dicemus, quod licet in medio formaliter sit qualitas debilitata, quia diffunditur vni-
formiter difformiter, tamen virtualiter in
quantū est virtus fortioris agentis retinet
vim efficiendi effectum intensiorem, vbi in-
uenerit densiorem materiam, quæ aptior est,
vt producat intensior effectus, non pro-
pter ipsam densitatem præcise, sed propter
ipsam vim caloris, seu qualitatis diffusæ,
qui potest diuerso modo explicari, & for-
tificari in medio diuersimode disposito, et-
iam si longius distet, quia nunquā illa quali-
tas amittit quod sit virtus agentis fortioris,
& ita quod virtualiter contineat vim pro-
ducendi effectum intensum, vbi inuenerit
dispositionem aptam, licet in se formaliter
debilitata sit.

Et hoc ipsum in terminis loquens de den-
sitate, & raritate mediij ostendit D. Tho. 3.
*Metheor. lect. 6. in digressionem de coloribus Iri-
dis* vbi inquit: *Quod autē lumen in medio ha-
beat debilius esse, quam in corpore lucido, satū
manifestum est, quia medium quod est perspi-
cuum est rariū, & lumen propter raritatem
mediij facile pertransit, & non est multa per-
manentia in eo, sed in corpore illuminato est
densitas, quæ corpus lucidum, & etiam lumen
aliqua lter terminat, & propter densitatem
talis corporis, lumen in eo est maioriū permanē-
tie. Et in huius signum, lumen existens in me-
dio debilius operatur, quā existens in corpore
lucido, vel illuminato, debiliior autem operatio
consequitur debilius esse, quia modus operandi
consequitur modum essendi. Ita D. Th. quibus
vltimis verbis aperte fatetur lumen reddi
intensius in corpore densiori, quam in me-
dio rariori per quod transit, & consequen-
ter in remotiore distātia posse fortius ope-
rari, quam in propinquiori propter diuer-
sam dispositionem recipientium. Denique
coniunctionem diuersorum luminum face-
re intensius lumen, & multiplicare ipsum,
quando radij concurrunt ad idem punctum
aperte docet D. Th. 1. 2. dist. 13. q. 1. art. 3. ad 1.
& super caput 2. Dionys. de diuinis nomin. lect.
2. ergo in sententia D. Th. negandum non est*

quod propter maiorem coniunctionem ra-
diorum vel multitudinem, & spissitudinē
materiæ potest agens intendere suam qua-
litatem quam in medio rariori non intēde-
bat ex defectu dispositionis quamuis id nō
fiat formaliter à densitate, vel raritate, sed
ab agente diffundente illam qualitatem sup-
posita tali dispositione, idque poterit face-
re in remoto, etiam si in propinquiori parte
non fecerit ob defectum dispositionis.

Et fundamentum sumitur ex actione refle-
xa luminis, vel caloris, quia quando lux,
vel calor reflectitur, partes illæ propin-
quiores angulo reflexionis recipiunt inten-
sius lumen, & vehementius, & quanto illud
corpus vnde fit reflexio fuerit densius, aut
tersius tanto lumen intensius producit, vt
quando reflectitur à speculo, vel ab auro,
& hoc non potest fieri ab ipsa densitate, vel
opacitate corporis formaliter loquendo,
nec est necesse recurrere ad causam vniuer-
sale, quæ est cœlum, ergo fit ab ipsa vir-
tute agentis quatenus virtualiter habet
producere intensiorem effectum, tanquam
instrumentum sui agentis, vbi meliorem in-
uenerit dispositionem. Minor constat, quia
densitas, vel opacitas non sunt virtutes
productiue lucis, sed omnino illi dissimi-
les, nec oportet recurrere ad causam vni-
uersalem, nisi quando omnino deficit causa
particularis, quæ in præsentia non defi-
cit, scilicet ipsa virtus agentis diffusa in
quantum instrumentum eius est. Maior au-
tem deducitur ex ipsa experientia, nam ex
reflexione lucis videmus ipsum aerem red-
di clariorem, quia melius ibi aliquid vide-
tur, aut legitur: videmus etiam ex cor-
pore densiore, & tersiore, ita intendi
lucem, vt producat & ei aculetur aliud si-
mile lumen vsque ad aliud corpus, vnde di-
citur 1. Machabeorum cap. 6. *Resulsi sol in
clypeos aureos, & resplicuerunt montes ab eis.*
Videmus etiā calorem per reuerberationē
radiorū ita crescere, quod aliquando gene-
rat ignē, ergo illud calidum intensius fit, &
non solum extensius, siquidem etiam ignem
produ-

producit. Similiter constat ignem inflammare stuppam, vel sulphur distans, & non aerem intermedium, quia inuenit dispositionem in stuppa, ratio cuius potest crescere calor vsque ad octo, qui in medie non crescit, sed formaliter minor erat calor in parte magis distanti siquidem vniformitur difformiter diffunditur, ergo signum est à qualitate minus intensa formaliter, posse produci intensiorem posita tali, vel tali dispositione, eo quod virtualiter est intensior in quantum est virtus, & instrumentum substantiæ, & sic habet vim ad producendam totam intensiorem vsque ad dispositionem ultimam, si inuenit subiectum aptum, & cū illud inuenit in distanti ibi producet illam.

Ad hac varie respondent Auctores. Alii negant in reflexione luminis esse lumen intensius, sed visum videre clarius, quia mouetur ab ipso corpore denso à quo fit reflexio, solum autem lumen fieri maius extensiuè. *Sed obstat* quia ipsum corpus à quo fit reflexio non potest clarius, vel melius mouere, nisi ratione maioris lucis, quæ est ratio mouendi, ergo si intensius, & clarius mouet, etiam intensius lumē est. *Alij dicunt*, in reflexione lucis dari quasi duo luminosa, quia illud à quo fit reflexio iterum per aliam lineam emittit lucem, & illuminat, & sicut quando dantur duo luminosa, v. g. duæ candelæ positiæ in diuersis partibus est maius lumen extensiuè, non intensiuè; ita quando fit reflexio à corpore opaco, fit extensio maioris luminis, quia emittitur per diuersam lineam, nō quod corpus opacum sit efficiens illius luminis, cum potius opacitas contrarietur luci sed quia luminosum illud ibi frangens radios, sit quasi duplex in virtute non in entitate. *Sed contra*, quia illa virtualis generatio luminosi (etiam dato quod fiat per diuersam lineam reflexa illa emissio) non potest intelligi, nisi ponatur noua & maior intensio in ipso corpore, vnde fit reflexio, nam quando duo luminosa ponuntur in diuersis partibus spatij, ideo fit maius lumen, quia in illa parte vbi po-

nitur secundum luminosum, erat lux remissior, & ideo potest ibi ab intensiori lumine so intendi, & ita in toto spatio intensius lumen videtur, ergo si eodem modo fiat in reflexione luminis, oportet quod intensior lux applicetur illis partibus vbi erat minor, vt clarius & lucidius videatur totum medium. Hoc ergo est quod inquirimus, vnde sumatur illa maior intensio luminosi in reflexione.

Alij dicunt esse maiorem lucem solum extensiuè, videri autem maiorem intensiuè propter medium ex omni parte illuminatum posita reflexione quod antea non erat. Quod explicat sic, quia aer iste plenus est paruis corpusculis qualia videmus ad radios solis, corpora autē ista ex directa lucis emissionē irradiantur solum ab vna parte, cum vero fit reflexio irradiantur etiam ab opposita, & ideo medium clarius videtur, & luminosius, quia magis illuminata sunt illa corpuscula, quod est illam lucem extensiuè esse maiorem, id est, penes diuersas partes, non intensiuè. *Sed contra*, tum quia vbi nulla est istorum corpusculorum permixtio vt in regionibus frigidissimis, vbi istæ exhalationes, & corpuscula, aut non eleuantur, aut consumuntur, tamen ibi ex reflexione speculi, vel alterius corporis tersi fit maior lux: tum in corporibus celestibus, quæ sunt pura sine istis atomis, & tamen cum lux solis incidit in partem stellatam, reuerberatur maior lux, quam in parte diaphana, vt patet in luna, & in stellis, ergo reflexio lucis etiam sine illis corpusculis intensiorem effectum habet: tum denique quia cum speculum vel aurum recipit in se radios solis, non solum magis illuminat medium, sed etiam corpus oppositum vt videmus in speculo, & scriptura sacra dicit de Clypeis aureis, à quibus montes resplenduerunt, splendor autem ille in montibus non poterat fieri maior ex corpusculis illuminatis à lumine reflexo, quia lumē reflexum illuminabat illa corpuscula à parte contraria, & auersa ipsis montibus, ergo

ergo maior ei aculatio illa luminis, non fit illo modo per illuminationem athomorum.

Denique alij dicunt, quod per reflexionem non solum ipsum medium illuminatur intensius, sed etiam ipsum luminosum, à quo directe lumen emissum fuit, nisi sit summe intensum sicut sol; si autem non habeat lucem summam, ut lucerna, poterit ab ipsa luce perfici per reflexionem. *Sed hoc*, præterquam, quod non explicat quomodo fiat maior intensio luminis in aere à reflexione luminis solaris, adhuc respectu lucernæ patitur easdem difficultates, eo quod à corpore unde fit reflexio, non potest lumen lucernæ intensius fieri, nisi transeat per medium, quod est inter ipsam lucernam, & corpus opacum à quo reflexio fit, & de illo lumine quod transit per medium usque ad lucernam, remanet difficultas soluenda, à quo fiat talis intensio, non enim potest fieri à corpore opaco unde fit reflexio, quia densitas, & opacitas formaliter nõ faciunt maiorem lucem, neque lucerna, quia nõ recipit in se intensius lumen nisi per medium illuminatum lumine intensiori; & quia alias ipsa lucerna se intenderet, quia totum lumen quod ibi est ab ea procedit, ab opaco enim formaliter solum refrangitur, non augetur lux.

Quapropter dicendum est, quod luminosum, vel calidum emittendo directe lucem, vel calorem, & iterum reflectendo non intendit lucem ultra gradus quos in se habet, hoc enim est impossibile, alias excederet virtutem propriam: neque formaliter fit intensior lux à corpore opaco à quo fit reflexio, eo quod densitas, vel opacitas nõ est ratio formalis producendi maiorem lucem: sed dicendum est quod lux diffusa à luminoso per medium magis, ac magis debilitatur, quia procedit uniformiter difformiter stante medio in eadē dispositione; si tamen tangit corpus tersum vel densum à quo potest fieri reflexio, intēditur illa lux ab ipsa luce remissione, quæ erat in medio, non quatenus formaliter remissa ut de se patet, sed

Pars II. Physicor.

quatenus virtualiter est intensior, quatenus est virtus ipsius luminosi, vel agentis à quo emanavit, à quo habet virtutem ut ubi inuenerit dispositionem talis densitatis, vel tersitatis, possit explicare se in maiorem effectum & intensionem, in quantum est virtus agentis intensi, sicut diffusio ab igne in aere intermedio, quia humidus est non producit flammam, & in sulphure, vel stuppa aliquantum distante producit illam, quia licet ibi calor sit remissior formaliter, quam in aere propinquiori igni, est tamen virtualiter intensior in quantum operatur ut virtus ignis generantis alterum ignem, ubi inuenerit materiam habilem, & non impeditam.

SOLVUNTUR ARGUMENTA.

O *Bñcies primo*, quia lux tangens corpus opacum solum tangit eius superficiem, alias si ultra illam transiret, ultra illam non esset opacum, sed diaphanum sed in superficie non datur densitas, quia hæc petit partes magis coadunatas, ergo si lux non intrat partes, non recipitur ibi intensius ratione densitatis, ergo ab ipso non potest fieri intensior lux magis, quam ab aere medio quod est rarum.

Secundo, quia qualitas diffunditur per spatium uniformiter difformiter, ergo non solum debilitatur in se formaliter, sed etiam ut est virtus agentis, & sic etiam virtualiter non potest intensius operari, quia etiam ut virtus agentis est, remittitur: unde etiam videmus quod calor ignis, si sit multum remotus, non producit ignem, etiam si ibi ponatur corpus densius, & magis siccum, & lux quæ valde debilitata est, non crescit per reflexionem, ergo amittitur illa virtualis intensio.

Tertio, quia alias idem contingeret in antiperistasi, quod tamen supra negauimus, nã posset dici, quod aliquod calidum per antiperistasi sit calidius, quia calor ille virtualiter potest esse intensior,

P

licet

licet non formaliter, & ita potest intensius agere; etiam si procedat à calore minus intenso. Cur ergo in antiperistasi dicimus maiorem intensionem fieri à Cœlo, in actione autem reflexa fieri ab agente directo?

Quarto generaliter loquendo ubi corpus est densius, ibi est plus materiæ, ergo est etiam plus formæ, quia omnes illæ partes formam habent, ubi autem est multum formæ est multum actualitatis & consequenter actiuitatis, ergo intensior actio sumitur à multitudine formæ, & densitate materiæ. Suffragatur etiā experientia, quia videmus ferrū candens non habere calorem vti octo, alias haberet formā ignis, & non ferri quod est falsum, siquidem redit ad accidentia ferri relictum suæ naturæ, & tamen actio ferri candentis est vehementior, quā flammæ, ergo ratione densitatis materiæ, potest idem calor intensius operari.

Ad primum, non desunt qui negant lucem recipi in sola superficie, & consequenter negant dari corpora perfecte opaca, sed aliquid habere transparentiæ, eo quod si lux reciperetur in sola superficie daretur superficies lucis separata ab omni parte diuisibili, repugnat autem separari indiuisibile à partibus. Cæterum non apparet tur negemus corpora perfecte opaca, sicut dantur corpora perfecte transparentia. si autem est capacitas, & potentia respectu vnius contrarij perfecti, etiam & alterius, transparentia autem, & opacitas contraria sunt. In perfecte autem opaco, certum est quod in sola superficie recipitur lux, & non in profunditate partium; nec propter hoc dabitur indiuisibile separatum quia qualitas non habet indiuisibile superficiem per se ipsam, sed per quantitatis superficiem, hæc autem à partibus non est separata; est autē inconueniens quod naturaliter indiuisibile sit separatum à partibus eo quod est terminus earum; quod verò qualitas subiectetur in superficie coniuncta partibus nullum est inconueniens, quia talis qualitas potest suam habere diuisibilitatē in ratione qua-

litatis, & intensionis, licet in ratione extensionis qualitatis non habeat nisi superficialem.

Quidquid tamen sit de hoc, ad argumentum respondemus, quod si lux recipiatur in corpore non solum opaco, sed etiam terfo, ibi non est difficultas, quia corpus tersum aliquid habet transparentiæ, & sic in partes profundiores intrat lux, & propter multitudinem partium, & densitatem, geminantur radij, & crescit virtus agentis supposita tali dispositione. Si vero corpus nullo modo sit tersum, sed totaliter opacū, ita quod lux in sola superficie recipiatur, dicimus, quod licet ibi non recipiatur plus lucis, tamen propter materiæ densitatem, & opacitatem plus ei resistitur ne vltius directè generetur, & multiplicetur & ex tali resistentia retrocedit lux in partem oppositam, & sic geminatur & multiplicatur, licet non in superficie corporis opaci, tamen ab illa in aerem medium fit explicatio noui effectus, & lucis, non quod ponatur lux similis illi, quæ fuerat producta per actionem directam in aere medio, sed quod ipsa lux à superficie opaca retrocedens & coniuncta cum luce directè producta, ipsa geminatione & reflexione disponitur, vt operetur intensius, in quantum virtus est luminosi, habens in se intensiorem lucem virtualiter, quam in illo medio erat diffusa, & sic operatur vt intensior virtualiter, non formaliter. Cuius signum est, quia lux ista sic reflexa nunquam peruenit ad maiorem intensionem quam sit lux ipsius luminosi, vnde primo originata est directè.

Ad secundum respo quod qualitas diffunditur vniiformiter, difformiter amittendo, seu diminuendo formalem intensionem, sed non eodem modo diminuitur virtualis, quæ consistit in hoc quod illa met qualitas & si diminuta & remissa sit, tamen in quantum procedit à tali agente à quo primo & originaliter emanauit, sic est virtus eius, & operatur in vi illius, à quo primo emanauit si inuenit dispositionem conuenientem, ubi

verò

vero dispositionem conuenientem non inuenit, quæ eam faciat amplius explicari, qualitas ipsa formaliter diminuitur ob dispositionem passi non potentis eodem modo multiplicare qualitatem. Quod verò aliquando qualitas ita attenuetur, quod non possit etiam ut instrumentum, & virtus agentis ampliorem effectum producere, hoc ideo est, quia requiritur proportio aliqua in qualitate, etiam ut possit excitari in maiorem effectum tanquam virtus & instrumentum agentis; potest tamen ita esse via corruptionis attenuata & oppressa, ut non possit amplius agere ut virtus agentis sicut etiam tandem amittit esse, hoc enim à posteriori deducitur ex alijs effectibus, licet enim lux possit excitare calorem in subiecto disposito, potest tamen ita attenuari, quod etiam in nulla dispositione possit calorem excitare; similiter ergo poterit ita attenuari ut non valeat etiam per reflexionem intendi: quando autem potest intendi, hoc fit in virtute ipsius agentis principalis per se loquendo, quia illa qualitas sic diffusa, non solum est effectus habens formaliter tantam vel tantam intensiorem, sed etiam est virtus & instrumentum agentis, quod quandiu est in mensura proportionata potest in tantam intensiorem explicari, quantum habet agens, si passum permittat.

Ad tertium Respond. diuersam esse rationem in antiperistasi, quia aliquando fit per intensiorem qualitatis extraneæ, & non habentis radicem in ipso subiecto, unde incipit actio, verbi gratia, quando aqua sit calidior in hyeme posita intra terram, vel exhalatio in nube igitur per antiperistasi, & tunc vel illa qualitas extranea per antiperistasi non crescit ultra virtutem primam à qua introducta est, ut verbi gratia, si exhalationes calidæ, quæ aquam in hyeme reddebant calidam, habebant intensiorem ut quatuor, & à frigido circumstante aliquo modo remittuntur, sed non omnino extinguuntur, tunc si crescit calor per anti-

peristasi in medio, solum vsque ad gradus ut quatuor poterit procedere à virtute illa primo impressa, quæ habebat calorem, ut quatuor tanquam à causa per se, & in hoc casu eodem modo philosophamur sicut in actione reflexa; vel illa qualitas crescit in illa antiperistasi ultra illos gradus ut quatuor, à quibus primo originata est, sicut quando peruenit ad hoc, ut concipiat ignem, & tunc necesse est suppleri illam maiorem vim ab aliqua causa extrinseca, scilicet à causa vniuersali, quæ supplet deficientiam causæ particularis, nec enim est alia, ad quā recurratur quando effectus fit ultra virtutem causæ particularis. Quando verò intenditur qualitas per antiperistasi non in subiecto extraneo, sed proprio, ut cum aqua redditur frigidior in estate, tunc non recurrimus ad causam vniuersalem, sed ipsa aqua est causa per se illius maioris intensiōis, sicut de actione reflexa dictum est.

Ad 4. Respon. quod ubi est plus densitatis, & materiæ, est plus de forma, & de actiuitate extensivæ, quia plures partes sunt participantibus illam qualitatem, & virtutem, non tamen est plus intensiōis, ex vi solius densitatis formaliter loquendo, sed est dispositio, ut posita illa concurrētia, & coadunatione partium participantium eandem qualitatem virtus agentis in maiorem, & intensiorem effectum se explicet, coadunationem enim qualitatis ad talem effectum maiorem conducere, constat ex D. Thom. primo metaph. lect. 14. & alijs locis supra citatis. *Ad argumentum ergo dicitur,* quod solum probat multitudinem formæ, seu densitatem per se conducere ad extensiōem caloris seu virtutis, dispositiue autem & per accidens etiam ad intensiorem effectum potest conducere, ut explicatum est.

Ad experientiam de ferro candente, vel alia materia valde densa, multi dicunt producere maiorem calorem etiam vsque ad inflammationem, & calorem ut octo, quia retinet aliquid ignis intra poros ferri cum enim per ignem euacuetur aliquid ex ferro,

consequenter dilatantur eius partes & aperiuntur pori, & in illis particulæ quædam ignis intrant; quod constat ex scintillis, quas ferrum emittit, & splendore seu rubore igneo quo tingitur. *Neque obstat*, quod materia quo densior est minus habet de poris, & tamen facilius comburit stupam sibi applicatam; *dico enim*, quod licet pauciores habeat poros materia densior quantum est de se. tamen quia plus caloris imbibit plus etiam resoluuntur & euaporantur partes tenuiores, & sic aperiuntur pori per calorem, sed & si pauciores aperirentur, tamen hoc ipso quod aperiuntur & recipiunt ignem ex consortio partium densarum quæ fortius calorem ebibunt, efficiunt ut fortius agat ignis circumdatus tota densitate partium, quam si per modum flammæ poneretur in aere. *Secundo dicitur*, quod materia densa aliquando potest ignire, vel ut instrumentum ignis cuius virtutem defert & participat, vel ut instrumentum lucis, quæ virtualiter est ignitua, sicut cum ex speculis per reflexionem radiorum ignis accenditur; & quia materia densa perfectius retinet & conseruat virtutem ignis seu calorem, & à contrarijs defendit, idè etiam si sit distans ab ipso igne potest ignire, quia virtualiter agit ut instrumentum seu virtus ignis, & producit calorem ut octo in materia apta, quæ in ferro, vel in alia non potest, sicut etiam sulphur distans ab igne accenditur non accenso aere medio, quia virtus vnius agentis melius operatur in vna materia, quam in alia.

ARTICVLVS III.

Quæ proportio resistentiæ requiratur inter agentis, & patiens ad reactionem?

Supponendum est ex M. Bannez 1. de general. cap. 5. quæst. 3. & alijs resistentiam triplicem esse, *negatiuam* quæ nihil aliud est quam incapacitas, & repugnantia ad aliquid recipiendum, & *positiuam* duplicem, alia *passiua* seu materialis quæ est indispositio subiecti seu improprio respectu a-

gentis, & eius virtutis, sicut magna moles lapidis difficulter mouetur propter excessum grauitatis ad virtutem motoris. Alia resistentia *positiua* est *actiua* seu in genere causæ efficientis, sicut vnum contrarium resistit alteri, & expellit illud, sicut frigus resistit calori, & è contra. Solet etiam vocari resistentia *passiua* ab aliquibus materialis, ab aliquibus formalis; materialis quidem, quia tenet se ex parte subiecti; formalis autem, quia conuenit passo ratione alicuius formæ quam habet, quæ reddit illam inhabilem, & indispositam. Itaque resistentia *negatiua* non est superabilis ab aliquo agente, quia supponit incapacitatem, & repugnantiam in subiecto, sicut Angelus, & cælum resistunt corruptioni, resistentia autem *passiua* & *actiua* superabiles sunt tanto magis vel minus, quanto est maior, vel minor proportio agentis erga passum, vel è contra. Et istam duplicem resistentiam admittit D. Tho. in 4. dist. 11. q. 1. art. 3. q. 3. ad 2. & dist. 17. q. 1. art. 5. q. 1. ad 3. *Et ratio est manifesta*, quia resistere nihil aliud est, quam retardare seu impedire aliud ne faciat quod potest, vel non ita facile: vbi autem agentia sunt contraria, cum datur pugna inter illa, quia actio vnius conatur destruere, vel minuere alterum, consequenter datur debilitatio virtutis vnius ab altero; debilitata autem virtus retardatur, & impeditur, ergo resistitur illi, sicut cum ignis agit in aquam vel è contra. Similiter inuenitur aliquando talis dispositio ex parte alicuius subiecti, quod impedit agentem ne agat, vel ne explicet totam suam virtutem, sicut cum calor informans aquam resistit illi, ne redeat in suam frigiditatem, & illa resistentia non est actiua, quia accidens non agit in suum subiectum, ergo est formalis, & sic datur resistentia sine actione.

Quod si dicas, nam ista resistentia *passiua* non potest intelligi, neque antequam agens agat, neque postquam egit, neque dum agit, ergo non datur. *Antecedens quoad primam & secundam partem constat*, quia antequam

quam agens agat nondum ei resistitur, & postquam egit, iam resistantia est superata, vel transacta. *Quoad tertiam, vero probatur* quia quando agens agit, actu ponit effectū, alias non ageret, & sic vel tollit totam formam oppositam resistantem sibi, & tunc tota forma introducit, ut in actione instantanea, vel tollit partem seu gradū aliquem, ut in actione successiva, & tunc illa pars quæ tollitur non resistit, alia vero quæ non tolluntur, nondum resistunt, quia nondum eis applicatur agens. *Et confirm.* quia non apparet, quomodo passum habēs formam resistat oppositæ ratione suæ propriæ informationis, sed potius ratione actionis, qua conseruatur in esse à causa prima, & sic reducitur ad resistantiam actiuam, conseruatio enim illa actio quædam est. *Secundo,* quia resistantia actiua non est aliud, quam actio contraria, ut debilitat virtutem agentis, ut citatis locis docet S. Th. ergo qualitas quæ est actiua tantum habet resistere quantum agere, & eiusdem erit actiuitatis ac resistantiæ, nec dabitur vnum elementum, vel qualitas magis actiua, & alia magis resistitiua contra Arist. 2. *de generatione. text. 8. & 4 Methaph. cap. 1.* ubi ponit calorem & frigus esse qualitates actiuas, siccitatem & humiditatem passiuas.

Ad primum, omiſſa aliorum longa solutione, *respond.* quod resistantia passiuua sit, dum agēs applicatur passo, & ex illo conatur elicere actionem, cum enim agens non possit sine subiecto actionem elicere, quia ab eo ut à causa materiali depēdet, & hoc subiectum oportet, quod sit debite proportionatum & dispositū, ut virtus possit ex eo operari, inde est quod cum agens inchoat, seu facit conatum ad elicendam actionem ex materia, si non inuenit eam ita dispositā, ut possit, vel absolute, vel secundum totā virtutem emittere actionem, dicitur impediri vel absolute, vel quoad totam explanationem virtutis, & hoc impediri est resistantia ex parte passi, seu ex parte indispositionis, & conditionis materialis requisi-

tæ; non ergo impeditur actio, quando iam actu agit, siquidem impeditur ne agat, non quando agit; unde aliud est resistere agenti ex parte materiæ, aliud resistere actioni, eamque retradare seu debilitare, hoc enim fit in resistantia actiua, in qua vnum pugnat & consequenter agit contra aliud, in passiuua autem resistantia, ipsum agens impeditur exire in actionem, vel in tantam actionem propter indispositionem subiecti, vel si ista indispositio superuenit post elicitam actionem, impeditur eius conseruatio seu continuatio, & tunc incipit resistantia passiuua, seu impedimentum non eliciendi, sed continuandi actionem, siue in totum, siue in partem. Nec impeditur ut actio facta non fiat, sed impeditur, vel ne incipiat, vel ne conseruet & continuet actionem.

Ad confirmationem respondetur, quod nō oportet istam resistantiam, seu impedimentum reducere ad actionem conseruationem formæ, sed ad ipsam formam, quatenus nō solum præbet informationem sui, sed etiam causat expulsionem alterius cum tali dispositione, qua reddatur difficilior expulsio formæ à tali subiecto, & sic dicitur impedire seu resistere opposito agenti, ratione dispositionis illius improporionatæ virtuti agentis, licet verum sit requiri actionem causæ conseruantis formam in subiecto, non ut rationem formalem resistendi, sed ut præbentem existentiam indispositioni illi à qua fit resistantia.

Ad secundum respond. qualitates primas non esse æqualiter actiuas, sed quasdam esse magis actiuas, ut calor & frigus, quasdam minus actiuas & magis passiuas, ut humiditatem, & siccitatem; & hoc est quod dixit Arist. non vero dixit quod humiditas & siccitas sūt magis resistitiuæ; sed intelligendū est quod calor & frigus, quia sunt magis actiuæ, sunt etiam magis resistitiuæ resistantia actiua; siccitas autem & humiditas magis resistunt resistantia passiuua, & ideo elementa ubi istæ qualitates prædominantur, di-

cuntur magis resistere actiue vel passiue, prout eis prædominatur qualitas actiue vel passiue resistens. Quando autem ita comparamus istas qualitates, loquimur in sensu formali, & ex meritis proprijs; potest enim iuari, vel infirmari virtus illa, seu actiua vel passiva resistentia ex conditionibus requisitis, & concurrentibus ad agendum, vel patiendū, vt ex maior. vel minori densitate, applicatione, situ & alijs similibus, de quibus iam supra diximus, & amplius de istis qualitatibus elementorū agemus *infr. q. 10.*

Hoc supposito currit difficultas principalis, quænam proportio requiratur inter actiuitatē & resistentiam, vt exeat actio, quod alijs verbis solet inquiri, an semper à proportionē victoriæ agentis supra passum fiat actio, hoc est an requiratur, quod actiuitas sit maior, quam ipsa resistentia passi, an vero sufficiat quod sit æqualis, vel etiam minor. Et dato quod requiratur inæqualitas seu maior actiuitas, secundo est difficultas, an requiratur, quod sit determinata proportio, & superioritas, an vero sufficiat quæcumque indeterminata.

Circa primum est duplex sententia extrema, & duplex media. *Prima extrema* tenet etiam à minori actiuitate dari posse actionem. *Probat* exemplo guttæ cauantis lapidem, cuius maior est resistentia quam actiuitas guttæ; *secundo*, quia alias non posset dari mutua actio, & reactio inter agens & passum, cuius oppositum sequi. art. ostendimus. *Probat* *sequela*, quia si agens, ad hoc vt agat in passum, debet supponere illud esse inæquale, & inferius sibi, vt agat in illud, ergo tale passum non poterit rursus reagere in ipsum agens, quia inferius est illo, vel si potest, aliqua actio dabitur à proportionē minoris inæqualitatis.

Secunda sententia extrema asserit, omnē actionem esse à proportionē maioris inæqualitatis, ita quod omne quod agit vincit passum in eo in quo agit. *Fundatur*, quia hoc ipso, quod aliquod agens agit in passum ponit in eo aliquem effectum & impri-

mit aliquam formam, vel partem formæ, ergo in eo quod imprimit subiicit sibi passum. *Paret* *hec*, quia tale passum nō impedit exire actionem ab agente, ergo subiicitur ei. Et *confirm* quia intentum resistentis est impedire actionem agentis, intentum vero agentis imprimere effectum passum, & assimilare sibi saltem in aliquo, ergo si agens agit, saltem in aliquo consequitur suum intentum, & si passum in eo non resistit: ergo in eo manet inferius, & agēs superius, atq; ita agēs in quantum agit semper vincit, & passum in eo, quod patitur sēper subiicitur, licet secundum aliam rationē possit esse e conuerso.

Sententia media, sunt duæ, prima distinguit duplex genus actionis; altera perfecta, & plena, qua agens totaliter vincit passum, & hæc semper est à maiori actiuitate, siquidem totaliter excedit passi resistentiā, & ex omni parte alia actio est imperfecta, & remissa quæ nō potest vincere resistentiā passi sed conatur, & hæc nō procedit à maiore actiuitate, quia potius cedit resistentiæ passi.

Secunda sententia media distinguit de resistentia passiva & actiua, & dicit quod in passum in quo est sola resistentia passiva, agens non potest agere nisi sit maior actiuitas & excedat resistentiam passi. *Ratio est* quia resistentia passiva est, quæ impedit agens ne agat: ergo si agit non impedit, & sic non datur resistentia, sed vincitur, etiam si violente fiat, ergo excedit actiuitas resistentiam passi. Si vero resistentia sit actiua, potest fieri actio etiam à minore proportionē, quia resistentia actiua seu reactio nō solū fit quando utrumq; agens est æqualis virtutis, sed etiā quando a terum est excedens, & alteri inferiorius, ergo ab agente inferiore potest esse actio. Constat hoc manifeste, quia si ponatur calidum vt octo, & frigidum vt septem, non solum agit calidum vt octo, sed etiam frigidum, alias ad reactionem requireretur omnimoda æqualitas inter agentia, quod est absurdum, nam potius tunc non dabitur actio & reactio cum stante æqualitate mutuo se impediant, & neutrum agat

agat. Ratio autem huius est, quia quando dantur duo agentia, actiuitas vnius non agit in aliud quatenus etiam habet actiuitatem. sed vt passum est, in quantum autem passum potest esse inferius, licet in agendo sit maius, ergo inter resistentias actiuas potest dari actio à minore actiuitate.

Inter has sententias 2. & 4 parum aut nihil differunt quia quarta concedit, quod agens semper est formaliter superius patiente. Quare dicendum est cum secunda sententia, quod agens in eo in quo agit formaliter loquendo superius est, & maiorem actiuitatem habet quam passū resistentiæ, licet materialiter aliquid minoris actiuitatis possit agere in magis actiuum nō in quantum magis actiuū est. sed in quantum in aliquo cedit alteri, eique subiicitur. Et hæc quidem præter fundamenta allata, ipsa experientia actionis & reactionis, de qua in sequenti articulo aperte eam comprobatur, cum non semper vtrumque agens sit equalis virtutis, sed inæqualis, & tamen etiam quod est minus, reagit in id quod maius est.

Sed difficultas est, in intelligendo, quomodo minus actiuum possit debilitare virtutem magis actiui siquidem magis actiuum se toto agit, & sic videtur totaliter impedire actionem minoris actiui. Ad quod respondetur, quod licet actiuum se toto agat, non tamen potest instantanee destruere oppositum actiuum licet sit minus, sed successive, eo quod per motum agit in illud, & cum nō consistat in indiuisibili tale actiuum, sed habeat latitudinem graduum, paulatim, & diuisibiliter debet illam amittere, & sic relinquit locum, vt etiam minus actiuum agat in maius, non quidem vincendo seu superando totum, sed partem aliquam saltē minorem respectu eius, quia minor est, habet superioritatem, & illam vincit, licet plus perdat de sua actiuitate, quia à fortiori agente inuaditur. Quare quod se toto agat, non infert, quod destruat totum de actiuitate opposita, sed iuxta proportionem maioris excessus, quem habet illud totum

maius supra hoc totum minus, plus consumet de ipso, sed non ita extinguet subito, vt non relinquat aliquid quod vicissim agat in illud saltem quantum ad aliquid eius, in quo ei proportionatum est, & sic quantum ad hoc patitur agens intensioris virtutis, non tamen in quantum intensioris virtutis est, sed quoad aliquid minus. Nec tamen ex hoc sequitur, quod agens minoris virtutis poterit consumere actiuitatem maioris, agendo paulatim in partes eius, quia cum à maiore agente debilitetur, non sepe durat in eadē virtute, sed magis, & magis debilitatur, quousque totaliter extinguitur, antequam possit consumere maius actiuū.

Sed dices, ex hoc sequi, quod non distinguitur resistentia actiua à formali seu passiva, quia si agens fortius resistit secundum actiuitatem suam, tantum resistit quantum agit, agit autem secundum omnes partes, ergo secundum se totum resistit & ita non poterit superari in aliquo ab agente inferiori. Si vero superatur in aliqua parte, idē est, quia secundum illam partem non agit, sed patitur, & recipit actionē alterius, ergo resistentia actiua non distinguitur à passiva illius partis. Resp. resistentiā actiuam consistere in hoc, quod agens præsertim fortius debilitat virtutem passī reagētis in se, & sic debilitando & agendo impedit, ne ulterius agat in se, in eo, autē, in quo tale agens repartitur à minori agente, nō resistit, sed potius ei aliquo modo cedit. Resistentia autē passiva, non fit debilitatio virtutē, sed impediendo actionē ex improportionē dispositionis, ne agens agat in tale subiectum, seu passū.

Ad primum fundamentum oppositum pro prima sententia resp. quod gutta cauat lapidem, non quia agat quælibet gutta tollendo aliquid à lapide, sed quia vltima agit in virtute præcedentium, vt D. Thom. docet 2. 2. quæst. 24. art. 6. ad 2. quarum quælibet non tollit, & diuidit aliquam partem lapidis, sed humectando lapidem, & ficcitati eius se opponendo, disponit lapidem, vt vltima gutta tollat particulam lapidis, intro.

introducitur enim aliquam humiditatem, licet valde parum, quousque continuando soluitur aliquid siccitatis, & mollicatur duritia, ita ut ipso ictu ultimæ guttæ cadentis aliqua particula separetur. Et similiter, cum parua aliqua animalia ut formicæ de cursu suo lapidem, vel terram terunt, id faciunt impulsu pedum sæpissime multiplicato, quo particulas aliquas minutissimas terræ, vel lapidis diuidunt, impulsus enim diuisius est, & per multiplicationem, notabilem, separationem faciunt.

Ad secundum respondet. posse agens inferius, & inæquale reagere in superius actiuum non quatenus magis actiuum est, sed quatenus in aliquo remanet passiuum, & inferius quia passiuæ non resistit. *Quod si dicas,* nam illud agens magis actiuum, habet de opposita qualitate plures gradus, v. g. ignis habet calorem, ut octo & omnes gradus simul resistunt oppositæ qualitati, scilicet frigori, si quidem omnes agunt, ergo non remanet in se passiuum respectu agentis minoris actiuitatis, & sic non poterit reagere in illud, propter totalem eius resistentiam, sicut non potest quis mouere lapidem magnum, etiamsi aliquo impulsu id conetur, quia lapis ille se toto resistit, & sic nec multum, nec parum mouetur, nisi impulsus omnes partes afficiat, alias terra quolibet motu moueretur contra id quod diximus q. 23. *Phil.* ergo similiter ignis, quia habet calorem in summo, non poterit admittere aliquid de frigore, ita quod corrumpatur aliquid caloris. *Resp.* quod licet omnes gradus caloris operentur, & resistent actiue, tamen quia subiectum non habet aliam resistentiam, quam actiuam, non inhabilitatis, & indispositionis passiuæ, & actiuitas resistens, & debilitans oppositum, non destruit totum simul, sed paulatim, & per motum, ideo relinquit locum, ut possit recipere in se aliquid frigoris per reactionem passi in ipsam licet multo debilius, quia est minoris actiuitatis. Et sic debilitatur aliquid de calore, licet parum, & id quod debilitatur, seu tol-

litur de calore, non agit, quousque crescente actione & victoria in frigidum, restauratur. At vero in grauitate lapidis non inuenitur resistentia actiua, sed passiuæ reddendo subiectum improporcionatum ipsi mouenti, & cum non possit moueri vna pars alijs non motis, quia continuum est & inanime, ideo non est simile.

Quod si instes, ergo aqua nunquam poterit vincere terram, quia terra in resistentia formali seu passiuæ cætera elementa superat, passiuæ autem resistentia nisi tota tollatur, non recipit actionem agentis, quia subiectum est indispositum. *Respond.* quod siccitas terræ non potest vinci per impulsu, bene tamen per aliquam alterationem, sicut gutta cauans lapidem, ut dictum est. Et ideo distinguendum est resistentia passiuæ diuisibiliter resistente, & per gradus, qui possunt diminui, vel intendi, sicut in qualitatibus alteratiuis quæ habent contrarietatem, hæc enim resistentia successiue tolli potest, & admittere aliquid de opposito, quia paulatim diminuitur, ut cæteræ qualitates contrariæ. Resistentia vero passiuæ grauitatis, & ponderis non fit diuisibiliter, & per gradus respectu impulsus, sed per modum totius, eo quod in continuo inanimato non potest vna pars moueri seorsum ab alia, & ideo nisi agens impediat totum & afficiat impulsu omnes partes non mouet, nec vincit resistentiam ponderis passiuam in continuo.

Ad reliqua fundam. aliarum sententiarum responsum est ex dictis, 3. enim & 4. sententiæ fundamenta concedimus, excepto quod dictum est de resistentia passiuæ.

Quantum ad II. punctum, supra propositum, an requiratur determinata, & aliquota proportio. ut agens vincat resistentiam passiuam? *Respond.* requiri, ita quod sicut non potest substantialis forma suscipi sub qualibet quantitate, sed requiritur determinata quantitas iuxta exigentiam formæ, ita ad agendum supra passum requiritur determinata virtus, habens determinatum aliquod excessum,

nec

nec sufficit quælibet proportio, etiamsi diuisibilis sit, sed potest esse tam minima virtus, vt non sufficiat ad agendum in aliud. *Probatur ratione* D. Thom. 1.2. *quæst. 5. art. 6. ad 2.* vbi inquit: *Quod non omnia calefacia, & illuminata possunt alia calefacere, & illuminare, sic enim illuminatio, & calefactio essent in infinitum.* Quæ sequela manifesta est, quia si quælibet virtus quantumuis minima, potest agere, ergo virtus communicata, & impressa ab ista quantumuis minima, iterum posset agere, & similiter iterum communicata ab illa, & cum sit diuisibilis in infinitum, agere posset.

Dices, impediatur illa virtus minima ab aliquo contrario, & sic non ager in infinitum, sed tunc solum ager, quando non inueniet contrarium, seu passum non resistens, & in hoc dicit opposita sententia, non requiri determinatum excessum, vt agens agat, requiri tamen aliquem quicumque ille sit. Si autem ita diminuaturs virtus aliqua vt nullum excessum habeat supra passum, tunc non ager, sed hoc non est contra oppositam sententiam, quæ dicit non requiri quod excessus determinatus sit, licet ipsa virtus in se determinata esse debeat.

Sed contra, nam si ipsa virtus debet esse determinata vt agat, ergo & excessus supra passum, nam virtus non excedens, est perinde, ac si virtus non esset, ergo eadem ratio est de virtute, & de excessu, ideo enim virtus debet esse determinata vt agat, ne sequatur processus in infinitum, ergo eadem ratione excessus debet esse determinatus, ne posito quolibet excessu agat, quia cum excessus sit in infinitum diuisibilis, sicut & virtus, poterit de se agere in infinitum. Quod si impediatur ab alio, id erit per accidens, & sic terminus, & sphaera actiuitatis in agentibus limitatis non ponetur ab intrinseco, & per se, sed ab extrinseco impediante, & per accidens. Vnde in illuminatione per diaphanum, vbi non est impedimentum, poterit minima lux, verbi gratia candelæ, illuminare vsque ad cælum, & in infinitum.

PARS II. Phys.

Si dicas, quia quicumque excessus ad resistantiã passi sufficit, vt dicatur agens plus posse agere, quàm passum resistere, ergo sufficit ad actionem, quia tollitur aliquid de resistantia passi, in eo scil. in quo agens excedit, ergo in eo ager. Item quæcunque proportio & excessus constituit maioritatem in virtute, ergo sufficit ad agendum, quia vbi est maior proportio virtutis, sequitur actio. *Respondetur ad primum negando antecedens*, quia ille excessus licet sit maior quasi mathematicè, non tamen physicè, & prout requiritur ad agendum, sicut neque res naturalis potest esse in quacunque minima quantitate, licet mathematicè sit in infinitum diuisibilis. *Ad secundum respondetur*, quæcunque excessum constituere maioritatem quasi mathematicam, & indeterminatam, non physicam & virtuosam, qualis requiritur vt ens naturale sit, & operetur.

ARTICVLVS IV.

Vtrum omne agens in agendo repatiatur?

Repati agens in agendo nihil aliud est quàm ita agere in aliquod passum quod vicissim passum agat in illud, & ita illa actio qua passum rursus agit in suum agens dicitur reactio, quæ rediens ad suum agens, & vtens illo tanquam passo. Vnde ad istam actionem & reactionem concurrere debent tres conditiones. *Prima*, quod agens & passum cõmunicent in materia, id est, quod si agens operatur in passum, habeat agens materiam, qua possit pati ab actione passi, defectu cuius Cælum est agens in inferiora, nec tamen patitur ab illis, quia non habet materiam capacem actionis horum, inferiorum, v. g. calefactionis, aut infrigidationis, & multò minus spiritus repati potest à corpore, quia caret eius materia. *Secunda est*, quod agens, & passum non solum sint eiusdem materiæ, sed vtrumque se habeat in potentia ad formam, seu effectum alterius, v. g. frigidum est in potentia ad calorem, & calidum ad frigus, quia carent

Q

illis

illis formis, & contrariæ se habent. Si autem calidum agat in minus calidum ut illud intendat, non repatitur ab ipso, quia non caret eo calore, quem præbet, & lucidum non repatitur à diaphano quod illuminat, quia diaphanum non opponitur luci. Debet ergo passum, & agens contrario modo se habere ut detur actio, & reactio. *Tertia conditio est*, ut agens & patiens sint intra sphaeram actiuitatis vtriusque, extra sphaeram enim actionis non sequitur actio ut per se notum est.

Hæc positis, vnum in hac parte est certum apud omnes Philosophos, scilicet inter agens, & patiens in quibus huiusmodi conditiones concurrunt dari mutuam actionem, & reactionem, id enim continua experientia approbat, & ratio persuadet. Experientia quidem, quia videmus pomum frigidum calefieri à manu, & similiter gelu liquefieri, manum vero ab utroque frige fieri: aciem gladij, percutientem alteru gladium ad inuicem hebetari; & alimentum communicare corpori suas qualitates, ab eius vero calore in carnem conuerti. Similiter constat quod mixtio fit per alterationem miscibilium ad inuicem, ut *sequenti quaest.* ex Aristotele dicemus: si autem elementa mutuo in se non agerent, mixtio non fieret, nec ad inuicem elementa pugnarent, nisi mutuo in se agerent. Denique ratio ipsa id ostendit, quia ex eo quod aliquid sit agens ratione actiuitatis propriæ, non amittit, quod sit in potentia ad aliam oppositam qualitatem, & ex eo quod aliud sit passum, non amittit actiuitatem qua possit agere in aliud: ergo si ista duo debite applicentur, mutuo poterunt agere & pati, quia concurrunt in eis conditiones ad agendum, & patiendum, scil. vtriusque actiuitas, & vtriusque potentialitas; & nullum est impedimentum ad mutuo agendum, cum non sit impedimentum ad pugnandum ad inuicem.

Tota difficultas consistit in explicando, quomodo ista mutua reactio, & repassio fieri possit. Nam propter argumenta quæ-

dam quæ in hac parte sunt difficilia, authores diuisi sunt. *Et quidam dixerunt*, agens & patiens mutuo agere, sed non penes easdem partes, sed agere secundum vnam, & pati secundum aliam, quod est simpliciter non re agere, sed secundum diuersas partes habere actionem, & passionem. *Imò alij addunt* omnino non agere, & pati ad inuicem, sed si agens repatitur, id esse ex virtute Cœlestium corporum. *Alij dicunt*, quod agens, & patiens etiam secundum eandem partem agunt, & reagunt, sed non secundum eandem contrarietatem qualitatum, verbi gratia, calidum, & frigidum non agere mutuo ratione istarum qualitatum, sed ignis agit ratione caloris in summo, quem habet, patitur autem non a frigore contrario calori, sed ab humiditate in quantum est siccus.

Nihilominus communis sententia absolute tenenda est, quod ubi concurrunt conditiones supra positæ etiam penes easdem partes, & secundum eandem contrarietatem qualitatum datur actio, & repassio. Sumitur ex Philos. 1. *de Generat. text. 14.* & D. Thom. *ibidem lect. 20.* & communiter Interpretes in hoc 1. *lib. de Gener.* qui videri possunt apud Conimbric. *hic capit. 9. quest. 3.* Carmel. *disp. 8. quest. 4.* Idque constat ex experientijs, & fundamento allato. Neque euaditur difficultas dicendo, quod non datur actio, & reactio secundum qualitates contrarias, sed secundum disparatas, ut quod aqua per humidum agat in ignem calidum, nam etiam hoc modo contrarietas debet poni, siquidem humidum immediate agit in siccum, & destructa siccitate destruit ignem, sicut ergo inter humidum, & siccum datur actio, & reactio, & tamen est contrarietas immediata inter illa, cur non etiam dabitur inter alia contraria immediata, ut inter calorem & frigus? Similiter etiam secundum easdem partes fit actio, & reactio, scil. penes illas, penes quas se tangunt, nam ubi non se tangunt, saltem per virtutem, non est applicatio agentis & passi, ergo neque actio.

actio & reactio quæ agendo & patiando fit, nec tamen sequitur, quòd etiam idem possit agere in seipsum secundum eandem partem, quatenus est in potentia & in actu; hoc inquam non sequitur, quia idem non potest moueri à se respectu eiusdem qualitatis, seu formæ, sic enim esset in potentia, & in actu respectu eiusdem; in actione autem & reactione subiectum non est in potentia & actu respectu eiusdem, sed respectu diuersorum, agit enim, v. g. calorem, & patitur frigus.

Contra hanc autem resolutionem sunt aliqua argumenta, quæ difficilem semper habent solutionem & ex eis magis dilucidabitur sententia proposita: Reducuntur autem ad duas classes. Quædam procedunt ad probandum, quod non potest dari actio, & reactio secundum eandem partem, sed secundum diuersam. Quædam vero ad probandum quod non potest dari secundum eandem contrarietatem qualitatum.

Ex primo capite arguitur, quia si mutuo agerent aliqua contraria, posset idem subiectum secundum eandem partem moueri duplici motu contrario, v. g. frigesieri, & calefieri; ponamus enim quòd ignis diffundit suum calorem per aerem, & aqua per eundem aerem diffundit suum frigus, & mediantibus virtutibus sic diffusis ad inuicem agunt, & patiuntur, ergo ille aer medius simul frigesit, & calefit, quod est moueri motibus contrarijs, qui si sint in gradibus intensis sunt impossibiles, vnde inter agentia contraria intensa non poterit dari actio, & reactio per aliquod medium. *Confirmatur*, quia si agens calidum agit in frigidum, & repatitur ab eo, sequitur quòd pars vltima illius agentis calidi infrigidetur à passo frigido, & sic manet minus calida, quam reliquæ partes talis agentis, ergo reliquæ partes quæ calidiores sunt, agent in illam partem minus calidam, seu infrigidatam, vna enim pars eiusdem continui potest agere in aliam, dummodo non sit eiusdem similitudinis, & actualitatis, ergo si

mul eadem pars calefiet ab alijs partibus talis continui, & frigesiet ab agente frigido à quo repatitur.

Variè ad hoc argumentum solet responderi. Quidam dicunt, quòd non potest dari actio, & reactio, nisi agens & patiens sint coniuncta, non autem per medium, vt euitetur difficultas argumenti. Sed hoc in se est falsum, & non euitat inconueniens. Est falsum, quia actio & reactio datur, quandocunque passum est intra sphaeram agentis, vt in tertia conditione diximus, & sic non requiritur, quòd sint immediata, sed sufficit quod intra sphaeram. Non euitatur inconueniens, quia si virtus vtriusque diffunditur per aerem, tandem peruenient ad aliquam partem, seu punctum, vbi immediate se tangent, ergo ibi curret eadem difficultas quomodo moueatur illa pars duplici motu contrario. Curret etiam difficultas tacta in confirmatione, quando vtrumque agens se contingit, & pars vltima tangens mouetur à contrario, & moueri potest à partibus eiusdem agentis. *Alij dicunt* illud medium moueri ab vtroque agente contrario, sed penes diuersas partes medij, & non per eandem lineam, illa enim diuersa agentia diuersas partes medij tangunt, & per illas diffundunt suam virtutem, & sic penes diuersas partes mouetur medium motu contrario: cum autem illæ virtutes sic diffusæ perueniunt ad hoc, vt inuicem coniungantur, tunc partes medij agunt ad inuicem reducendo se ad aliquod temperamentum, quousque fortius agens vincat, & totum medium ad se reducat. *Addunt alijs*, quòd cum peruenierint illæ virtutes sic diffusæ ad vnum punctum, seu terminum (antequam enim perueniant non mouentur eadē partes, sed diuersæ illis motibus contrarijs) tunc illa pars seu terminus non mouetur duplici motu contrario, quia cum illa duo contraria pugnent inter se, vnum resistit, & aliud agit, vnde tantum mouetur ab vno contrario, resistit verò per aliud cuius virtutē in se recipit, & conatur expellere alterū, ne recipiat.

Q²

Vtra-

Vtraque tamen solutio non soluit punctum difficultatis. Et supponimus ex supradictis, quod actio, & reactio nō saluatur, si ita fiat per diuersas lineas, & partes quod nunquā coniungantur, nec immediatē, nec mediatē per virtutem suam; hoc enim non est ad inuicem agere, sed vnam partem agere, aliam pati, quod est idem ac disparate se habere, vel sicut diuersa supposita, quorum vnum agit, aliud patitur. Loquendo autē de agentibus quæ ad inuicem se tangunt, & vnum applicatur alteri penes eandem lineam, seu partem, tunc prima solutio non tenet, quia licet toto illo tempore, quo illas virtutes per diuersas partes diffunditur, eadem pars non moueatur motibus contrarijs, tamen quando postea miscentur, & in aliquo medio, seu puncto temperantur, & modificantur, ibi mutua actio debet esse, nec enim fit temperamentum nisi per mutuam actionem, & curret argumentum de motibus contrarijs in illa parte. Secunda autem solutio corrumpitur, quia quando illæ virtutes diffusæ perueniunt ad idem punctum, & se reducunt ad temperamentum, hoc faciunt, quia ad inuicem se debilitant, & pugnant inter se, ergo ista resistentia non est passiva, sed actiua, siquidē sit penes virtutes actiuas, ergo sit duplex motus contrarius, quorum vnus resistit alteri debilitando, & agendo, ergo in illa parte, vbi datur pugna ista, & resistentia actiua, datur ille motus cōtrarius.

Quare cum rora differentia inter agentia, quæ immediatē se tangunt & quæ per medium agunt in eo consistat, quod quando immediatē coniunguntur, datur mutuus contactus illorum duorū agentium, & consequenter datur duplex superficies, quia ea quæ se tangunt, non in eadem superficie cōueniunt, sed si se tangunt, sunt contigua, & consequenter plures superficies petunt quæ sunt simul, tunc in istis superficiebus non est inconueniens, quod vna patiatur ab alia, & simul vna agat in aliam; patitur enim vnum, verbi gratia, calorem & agit aliud verbi gratia frigus. Cæterum quando per

medium diffunduntur virtutes, & qualitates oppositæ perueniunt ad vnam superficiem, in quā exercent suos diuersos motus, qui cum diffundantur per idē medium, seu continuum, & in ipso continuo non dantur duæ superficies immediatæ, sicut cum duo agentia se tangunt, oportet quod in vna ad inuicem coniungantur, & operentur; & tunc dicimus quod illa superficies in qua coniunguntur illæ virtutes non mouetur motibus contrarijs intensis, sed remissis, quia temperantur, & modificantur, & in hoc non est inconueniens, sed solum ne moueatur idem mobile motibus contrarijs intensis; moueri autem duplici motu contrario remisso, vel altero intenso, altero remisso non repugnat, vt diximus *quæst. 12. Phys. art. 5.* quod ideo est, quia qualitates in gradibus remissis se compatiuntur, ergo & actiones; si autem vnus gradus fuerit intensus, dummodo non sit in summo, compatiatur secum aliquem gradum remissum oppositum, ergo bene potest esse quod eadem superficies moueatur duplici illo motu caloris, & frigoris; si vterque quidem temperatur, & mitigatur; ab vtroque motu remisso mouebitur; si autem alter manet intensus, alter verò remissus, etiam ab vtroque mouebitur, licet non sentiat, nisi motus intensus, quia prædominatur; & in summa, si subiectum est capax duplicis qualitatis contrariæ in gradibus remissis, vel vnus in gradu remisso, alterius in intenso, non repugnabit tali duplici motu contrario moueri, & ad mediocritatem reduci, quousque alterum vincat, & totaliter destruat alterum, de quibus plura dicemus *inf. quæst. 10. art. 2.*

Sed instabis, quia quando duæ virtutes in gradibus intensis coniunguntur, non potest ex vtraque exire vnica actio, & vnus motus, quia diuersa agentia sunt; ergo neque vnus effectus, seu qualitas, v. g. tepiditas, ergo duæ qualitates exhibunt, calor scilicet & frigus, & sic mouebitur illa superficies, vel pars duplici motu contrario.

Respon-

Respond. quod illæ qualitates oppositæ non vniuntur per se ad faciendum vnum effectum, sed quilibet conatur suum producere, sed quia ad inuicem impediuntur, operantur remissè, & faciunt illam qualitatem sic temperatam; nec enim impediuntur omnino operari, sed impediuntur operari intense; ideo possunt reduci ad operandum remissè, & subiectum moueri potest duplici motu conuario remissio, quo vsque præualeat vna ex illis qualitatibus, & aliam consumat. Quod si omnino manerent æquales, ita vt neutra remitteretur, non daretur actio propter æquale impedimentum vtriusque.

Ad Conf. principalis argumenti resp. quod illa pars vltima aquæ quæ calefit ab igne non frigescit à partibus suis immediatis effectiue, neque per emanationem à se propter impedimentum contrarium ignis calefacientis; & ita siue sit qualitas natia & emanans, siue extranea, dum occupatur à contrario intense agente, non potest simul recipere contrarium qualitatem.

Sed dices, quomodo illa vltima pars aquæ impeditur frigesieri, & recipere suam propriam qualitatem, & nõ impeditur frigesfacere seu reagere in contrarium, siquidem aqua mediante illa vltima parte, quæ tangitur ab igne reagit in ignem, est enim pars immediata illi, ergo debet habere similem frigiditatem qua reagit in ipsum ignem, ergo à partibus immediatis, vel per emanationem naturæ à se. *Resp.* quod impeditur illa vltima pars frigesieri, id est superaddi sibi frigus propter agens contrarium, v.g. ignem, quod fortius est ad impediendum motum contrariū frigesfactionis, & receptionem frigoris. Non tamen impeditur pars illa vltima frigesfacere, quando à principio applicatur igni, quia tunc nondum est totaliter destructa sua frigiditas, quā habebat, & ita donec destruat ab igne, reagit per illam & aliquo modo frigesfacit, quousque calore ipso superante totaliter vacatur, & tunc etiam impeditur, seu de-

finet frigesfacere, nisi frigus ipsum instauretur per aliquam causam vincentem fortitudinem ignis, & tunc vicissim impeditur ignem, ne ab illo calefiat, & sic nunquam mouebitur motibus contrarijs intensis.

Secundo arguitur, quia sequuntur plura inconuenientia ex eo, quod mutua actio, & reactio detur. *Primum,* quia non posset aliquid agere secundum totam suam intensiōnem, v.g. ignis non poterit agere calorem vt octo in aerem, vel in aquam, quia dū agit, repatitur, & per passionem aliquid diminuitur, alias nihil repateretur, ergo illud minus producit, & nõ qualitatem eandem. *Quod si dicatur* vinci illam diminutionem à naturali virtute agentis, & sic demum producere qualitatem intensam. *Contra est,* quia sic prius ager ipse agens in parte sui, quæ repatitur, vtpote proximiorē, quam in agens contrarium, & sic dum conatur expellere illius vltimæ partis repassioem, vel non ager in contrarium, vel illa pars mouebitur motibus contrarijs, quia cōtinuo repatitur à contrario, & à se reducitur ad pristinam virtutem. *Secundum inconueniens est* quod idem subiectum maneret superius & inferius respectu eiusdem, siquidem eadem qualitas quæ patiēdo mouetur, agendo intenditur, quia actio nõ est nisi à proportionē maioris inæqualitatis. *Tertium* in casu quo subiectū esset præditum calore vt quatuor, & frigore vt quatuor; si aqua & ignis ageret in tale subiectum, vterque aliquid produceret de nouo, quia ageret & reaperet, & non produceret, quia neuter posset excedere illum gradum vt quatuor, quia de calore & frigore non potest haberi ultra octo gradus, tunc autem sunt octo habendo quatuor ex vno, & quatuor ex alio. *Quartū,* Non posset elementa agere in inuicem nisi per mixtionem nam cum aliquid agit, & repatitur ab alio, illa pars quæ repatitur temperatur, & modificatur ex illo quod recipit, & ex eo quod habet, ergo sit mixtio, & sic idem esset actio & reactio quod mixtio. *Denique* quia ignis, v.g. nõ solum resistit aquæ

& augmentationis nō est necesse dari actionem, & repaſſionem, ſi enim manus mouet lapidem non eſt nec eſſe moueri ab eo, & quod creſcit in augmentatione, non decreſcit ex alia parte per diminutionem, ergo nec erit idem in motu alterationis.

Reſponde. quod agens in æquale reagit in agens fortius, nō quatenus agens eſt, ſed vt in potentia exiſtit reſpectu qualitatis contrariæ, & reſpectu talis potentie agēs illud remiſſum fortius eſt in actiuitate. Sed tamē quia in agendo, ſimpliciter aliud agens eſt fortius, ideo agens minoris actiuitatis non agit ſimpliciter in illud, ſed agit remiſſe, & imperfecte, & in corrumpi, ſiquidem debilitatur, & deſtruitur à fortiori agente, & talis modus agendi poteſt eſſe à minori actiuitate. *Quod ſi dicam*, quomodo frigidum vt quatuor poteſt diminuere de calido vt octo ipſum gradū octauum qui cæteris eſt perfectior ſiquidem reducit calidum vt octo ad calorem vt ſeptē, & vt ſex; ergo tollit gradum octauum. *Reſpondetur*, quod licet gradus vt octo, vel vniū vt octo ſit perfectior cæteris, tamē hoc ipſo quod perfectior eſt, neceſſario compatitur minus de oppoſito, & deſtruit non ſolum id quod maius eſt, ſed etiam quod minus de forma oppoſita, ſi autem aliquid de ipſa compatitur, hoc ipſo

minus perfectionis habet. Et ſic minor gradus non opponitur, nec deſtruit minorem oppoſitum, quin potius cum eo comparitur cum ſimul ſint in gradibus remiſſis, ſed opponitur perfectiori, vt perfectior eſt, & imperfectum excludit.

Ad id vero quod Ariſtot. dicit de igne, quod non dicitur frigidus, intelligitur quantum ad denominationem, ſicut aqua dicitur calida etiam denominatiue, eo quod frigus nunquam poteſt prædominari igni, ſicut calor aquæ, vt ab ea denominetur frigidus, quia ſemper denominatio ſit ab excellentiore prædominante, bene tamen poteſt ignis recipere aliquid frigoris, alias nunquam extingueretur, ſi oppoſitam diſpoſitionem non ſuſciperet.

Ad confirmat. reſpondetur in alijs motibus non ſemper dari contrarium agens à quo fiat reactio, nec enim ſi ego proijcio lapidem, neceſſe eſt quod lapis habeat vim motiuam reſpectu mei; nec eſt neceſſe, quod quando aliquid augetur agendo in alimentum, ipſum alimentum habeat vim diminuendi id à quo immutatur. Et ideo non ſemper ſequitur in alijs motibus repaſſio, ſicut inter qualitates contrarias, quæ ad inuicem agunt ratione contrarietatis actiue.

Q V Æ S T I O VI.

De Mixtione.

Quia mixtio ſit per mutuam actionem & repaſſionem, ideo valde affinis eſt mixtio actioni, & reactioni, & ſic agimus de illa, antequam de rarefactione, & condensatione.

ARTICVLVS I.

Quid ſit mixtio, & quomodo fiat?

Communis & accepta mixtionis diffinitio eſt quod mixtio eſt *miſcibilium*

alteratorum unio, quam diffinitionem tradit Philo. in hoc lib. 1. de gener. cap. 10. & ibi D. Thom. lect. 25. & communiter Philoſophi conſentiunt.

Pro qua definitione explicanda, duo aduerte:

uerse. Primo, quod mixtio dupliciter fieri potest, vno modo improprie, & large pro omni coniunctione aliquorum in vnum, etiam si ex illis non fiat vnum simpliciter, quod potius est conspiciatio quædam plurimum, quam vera mixtio, fit enim per iuxta positionem partium minimarum congregatarum in vnum, sicut cum diuersa grana misceantur hoc est simul confuse aggregantur, vt farina hordei, & tritici, vel alia grana minuta; secundo modo sumitur mixtio strictè & rigorose, prout non solum aggregantur plura per iuxta positionem in vno loco & conspiciationem, sed per veram vnionem hoc est resultantiam vnus per se; & ad hoc requiritur mutatio extremorum, vt nō maneat vnumquodq; in se ipso. *Primo modo* aliqui ex antiquis acceperunt mixtionem vt refert & impugnat Arist. *loco cit. tex. 81. & 86.* quæ tamen nō est propriè mixtio, sed aggregatio multorum, quia quodlibet granum, vel quælibet pars minima non manet continuata alteri, sed contigua & seorsum separata, mixtum autem quod simpliciter est tale, debet esse eiusdem rationis in toto, & in parte, & consequenter habere partes continuas, in illa autem mixtione quælibet pars minima conseruat suam speciem, non ergo ex illis fit mixtum, sed aggregatum, ergo neque ibi est vera mixtio.

Secundo est notandum, ad mixtionem rigorose dictam quatuor requiri condiciones. *Prima* pertinet ad substantiam. *Secunda* ad quantitatem. *Tertia* ad qualitatem. *Quarta* ad vbi. *Prima est*, quod mixtio præsupponat diuersas substantias ex quibus fiat & tendat ad vnā quæ ex illis faciendā est, hoc enim est quod dicit Philof. *loco citat. tex. 83.* quod oportet miscibile existere separabile, si enim separata non essent, non oporteret mixtionem facere ex pluribus. Quod vero tendant ad vnum patet, quia si vnum non fierent, mixtio non esset, sed vel aggregatio multorum, vel generatio simplex vnus ex alio non mixtio, quando enim elementum generatur ex aliquo, non est ibi mixtio, quia

non fit mixtum, eo quod non generatur ex pluribus inter se immutatis, & vnitis, sed potius resolutis in tale elementum. *Secunda conditio est* ex parte quantitatis, requiritur enim ad mixtionem quod miscibilia mutuo diuidantur ad hoc, vt vnum ineret per partes alterius, quia si extra manet, poterit quidem alterare vel generare ex illo aliquid, sed non misceri cum illo; vnde quando duo liquores misceantur, videmus vnum diuidere alterum, & permeare illud, & Arist. *in tex. primo huius c. 10.* inquit quod oportet miscibilia esse terminabilia & passiva, hoc autem vt ait D. Tho. est bene terminabile, quod est bene diuisibile in parua, sicut corpora humida, quæ ideo sunt magis miscibilia. *Tertia conditio est* ex parte qualitatis, quod scilicet sint actiua, & passiva secundum qualitates, nō ita tamē quod vnum prædominetur alteri, adeo vt trahat illud ad se tanquam partem, sicut fit in augmentatione, sed requiritur, quod ex utroque fiat vnum tertium temperatum, & ideo requiritur ista qualitatum actiuitas, & passibilitas, quia quando ex elementis fit mixtum vel ex liquoribus, non debent manere qualitates in toto suo vigore & cruditate, sicut sunt in elementis, sed temperari ad inuicē, & sic requiritur mutua alteratio, sicut explicat Philof. *loco citato tex. 89.* & D. Thom. *ibi lect. 21.* *Quarta denique conditio tenet* se ex parte vbi, scilicet quod conueniant in vnum locum miscibilia, alias non fiet mixtio, nec resultabit vnum, nec dabitur mutua actio & passio, si non applicentur localiter in vno loco. Aquo autem agēte fiat mixtio præsertim elementorum, dicemus respondendo ad argumenta.

His positis, dico primo. *Datur de falso mixtio qualis à nobis explicata est.* Ita Aristot. contra aliquos antiquos, qui mixtionem negabant, vt patet *in text. 83.* vbi potest videri D. Thom. & constat tum experientia, quia videmus multa ad inuicem misceri; id est ex pluribus in vnum tertium conuenire, vt ex varijs liquoribus in quibus sim-

plicia

placia non penitus extinguuntur quoad virtutem, licet formæ substantiales non remaneant, quod est signum manifestissimum mixtionis, in generatione enim quæ mixtio non est, vnum penitus extinguitur quoad formam & virtutem, sicut si ex terra sit ignis nihil de terra manet, si gutta vini cadat in fluuium, nihil de vino manet, & ideo illa non est mixtio; sed simplex generatio, ergo vt mixtio sit, aliquid manere debet; tum etiam, quia videmus corpora aliqua non esse simplicia sicut elementa, sed mixta seu composita, siquidem in eis inuenitur aliquid de omnibus elementis videlicet qualitates elementales, ergo oportet quod talium corporum generatio sit mixtio non simplex generatio: tū denique, quia in corporibus datur mutua actio, & reactio, vt in *question. præcedenti* ostensum est, ergo oportet dari mixtionem, siquidem ex ista mutua reactione ipsæ qualitates miscentur, & temperantur, ergo tanta potest esse corruptio, quod illa corpora non maneant, in suo statu, nec cum debitis dispositionibus, & consequenter quod fiat aliquod tertium ex illis, quod est mixtum. *Quod si inquiras*, an omnia quatuor elementa concurrant ad compositionem mixti? De hoc dicemus amplius, q. 11. non enim desunt qui id negent solum, quia existimant ignem non posse descendere ad locum mixti, id est ad terrā, vbi fiunt mixta, quia alias ignis violenter moueretur. *Sed tamen hoc fundamentum debile est*, tum quia in terra verus datur ignis, qui non est mixtum, sed corpus elementale, licet non ita purum sicut in sua sphaera, ergo ex illo possunt mixta generari; tum quia non repugnat aliquam exhalationem inflammari sursum ab igne elementalī, & decidere in alias exhalationes, aut etiam vsque ad terram, sicut fulmen, quæ licet sint exhalationes ignitæ, tamen secum deferunt ignem, cum videamus comburere, & inflammare multa, ergo non est negandum posse ignem descendere, & in mixtis ex tali inflammatione generatis virtualiter manere & ad alia communicari.

Part II. Phys.

Dico secundo, *optima est definitio Aristot. tradita de mixtione*. Eam acceptant communiter omnes Philosophi, licet non defuerit aliquis, qui illam reprehenderit tãquam vitiosam eo quod traditur per æque ignotum, scilicet per miscibile, tam ignotum est enim quid sit miscibile, quam quid sit mixtio; & quia in ea circulus committitur, quia mixtio definitur per miscibile, & miscibile per mixtionem. Ceterum conclusio nostra manifesta est, quia per hanc definitionem explicatur natura mixtionis, vt distinguitur à simplici generatione quæ simpliciter fit ex vno quod corrumpitur, sicut cum ignis generatur ex ligno. At vero in mixtione datur generatio ex contemperatione, & congregatione aliquorū quæ inter se diuisa sunt, vnde oportet fieri per modū vñionis seu congregationis contemperantis, & coniungentis multa diuisa in vnum tertium. Vnde hæc definitio præsupponit definitionem generationis substantialis in communi, scilicet quod sit mutatio de non esse substantiali ad esse substantiale in materia, explicat autem id in quo differt generatio mixtiua à simplici generatione non miscente, neque congregante aliqua, ex quibus vnum tertium formetur. Et ideo D. Thom. in hoc primo libro de generatione lect. 21. in fine explicans hanc definitionem Aristot. dicit: *Quod mixtio est miscibilium alteratorum corruptorum secundum formas, vñio*. Itaque ly *vñio* idem est quod actio congregatiua seu factiua vñius ex multis substantialiter, & ita non significat vñionem materiæ cum forma quæ est communis omni generationi, sed ex pluribus quæ corrumpuntur contemperationem, & congregationem in vñū, & ideo requiritur, quod alterentur miscibilia, non quacumque alteratione, sed corruptiua illorum, & redigente illa ad vnum tertium.

Sic ergo, in ista diffinitione tria essentialiter requisita ad mixtionem explicantur, scilicet ex parte termini *aguo*, ex quibus fiat; ex parte termini *ad quem*, quid fiat; ex

R

partē

parte *actionis*, quomodo fiat, quod est plenè explicare mixtionem. Ex parte termini *à quo*, quod non fiat ex vno tantum quod totaliter corrumpatur, sed ex pluribus miscibilibus, id est in se quidem distinctis, sed in vnū cōgregabilibus. Additur *alteratorū*, propter duos; *Primo*, vt intelligatur quod mixtio primo & per se debet fieri in qualitatibus, quæ alteratione ipsa confunduntur, & in vnā virtutem seu qualitatem mediam conueniunt, hæc enim debet manere in mixto, si verum mixtum fiat, ad distinctionem eorum quæ miscentur sine alteratione solum per diuisionem minimarum partium simul congregatarum. *Secundo*, vt significetur talis alteratio quæ sit corruptiua miscibilium vt ex D. Thoma aduertimus, alias non fieret vnum ex ipsis miscibilibus. Ex parte termini *ad quem*, explicatur, quod fiat vnum tertium ex illis, & non quodlibet eorum maneat. Ex parte etiam actionis seu modi procedendi significat ipsa vnio actionem mixtiuam, id est quæ non solum sit vnitiua formæ, & materiæ, sed congregatiua plurium miscibilium in vnum.

Ex quibus colligitur quomodo mixtio differat à generatione substantiali, & quomodo illam includat: differt enim à generatione substantiali simplici, non à generatione substantiali communiter dicta, quam tanquam genus includit, addit autē supra generationem simplicem fieri per modū vnitiui, & congregatiui, manentibus qualitatibus ad medium reductis. Et quando Philosophus probat mixtionem differre à generatione, non loquitur de generatione in genere, sed de generatione simplici, quæ est species generationis, & nomine generationis absolute nominatur, sicut dispositio dicitur species condiuisa contra habitum, cum tamen etiam detur dispositio generica ad habitū. Nec propterea negandum est dari formam substantialem in mixto cui qualitas temperata debita sit, nam vt docet S. Th. 4. *consequent. c. 81. Forma mixti dupliciter intelligi*

potest, vno modo, vt per formam mixti intelligatur forma substantialis corporis mixti. Alio modo dicitur forma mixti, qualitas quadam composita, & continetur perata ex mixtione simplicium quantitatum, quæ ita se habet ad formam substantialem corporis mixti, sicut se habet qualitas simplex ad formam substantialem corporis simplici. Atque ita mixtio non ad solam qualitatem terminatur, sed ad substantiam, & ita differt ab alteratione, quia non solum illam præsupponit, sed etiam substantialiter generat: generatio autem simplex dicitur illa, quæ vel generat corpus simplex, scilicet elementum, vel quæ generat modo simplici, id est non per congregationem & temperationem multorum, sed simpliciter corrupendo vnum & generando aliud, sicut si gutta aquæ iniiciatur in magnam quantitatem vini, non fit ibi vnum tertium ex miscibilibus, sed ex vno fit aliud, scilicet ex aqua vinum.

Vnde colligitur Philosophus non definisse mixtionem per aliquid ignotius, nam miscibile prius explicauit per suas condiciones, deinde mixtionem per miscibile. Et similiter non commisit circulum, quia miscibile non per mixtionem ipsam notificauit præcise, sed per alias condiciones ad miscibilia requisitas, vt constat ex textu, & sic potuit Aristoteles per miscibile iam aliunde explicatum mixtionem explicare.

SOLVUNTUR ARGUMENTA.

Primo arguitur ad probandum mixtionem non dari in rerum natura argumento illo antiquorum, quia vel corrumpuntur miscibilia ad mixtionem, vel non: si non corrumpuntur, ergo non magis sunt mixta, quàm prius, sed solum congregantur in vnum, non fiunt vnum: si corrumpuntur, ergo ex illis non fit mixtio, quia ex non entibus, non fit mixtio. *Confirm.* quia mixtio, vel fit per diuisionem partium vel per penetrationem, hoc secundum naturaliter esse non potest: primum vero si fiat, in primis solum mixtio

erit per iuxta positionem vnius partis ad aliam; deinde vel soluitur continuum in omnem suam partem vel non. Primum esse non potest, quia quælibet pars est diuisibilis, & sic non potest diuidi in omnem suam partem, ita vt amplius diuidi nō possit; nec secundum, non est maior ratio cur diuidatur in istas partes, quàm in illas.

Resp. miscibilia corrumpi formaliter, sed manere virtualiter in mixto ratione qualitatum; & mixtio fit ex miscibilibus quæ actu existunt in principio, quando mixtio inchoatur, non existunt autē in termino quando generatur mixtum ex illis corruptis. *Ad confir.* *Resp.* mixtionem fieri per diuisionē in partes minimas, nec tamen vna solum manet iuxta aliam, sed agit in illam, quia actio & reactio facilius transmutat rem sic diuisam & comminutam in partes minimas, & inde resultat forma mixti. Quando autem quæritur an diuidatur in omnem suam partem? *Respond.* non diuidi in omnem suā partē quasi mathematicè, hoc enim est impossibile, cum omnis pars sit semper diuisibilis, sed soluitur in partes minimas naturales, in quibus scilicet conseruari potest species talis corporis, vt adinuicem agant; aliquando etiam fiet in maiores partes, prout agēs, à quo fit mixtio, magis, vel minus comminuerit illas, & materia ipsa patiatur, & ad mutuam actionem, & reactionē sufficiat.

Secundo argum. mixtio quæ fit ex elementis non est naturalis, neque violenta, ergo nulla. Non est violenta, quia sic non esset à natura ordinata ad producenda corpora mixta, nec productio mixti esset productio rei naturalis. Non est naturalis, quia elementa aliqua debent extra locum suum poni, vt ex eis fiat mixtum, sicut aer & ignis debent descendere ad locum inferiorem, vbi fit mixtum, & præsertim non apparet, quomodo mixta quæ fiunt intra mare ex concursu aeris, & ignis fieri possint. *Confir.* quia si elementa conueniunt ad mixtionem, oportet quod moueantur ad locum, in quo fit mixtio ab aliquo mouente; non à se, quia

de se vnum quodque elementum tendit ad suum centrum, non ad locum cuiuscunque mixti, neque elementa intendunt formā mixti, sed suam propriam generare quantum est de se, præsertim cum elementum sit imperfectius, quam mixtum, & sic non potest ex propria virtute intendere eius generationē, & se mouere ad illam; neque mouentur elementa ab alio mixto, quia loqui possumus de primo mixto, quod factum est ex elementis, & nō supposuit aliud prius mixtū, à quo mouerentur elementa; neque mouentur à cœlo, quia est causa vniuersalis & remota, nec potest esse immediata causa omnium mixtorum, vt patet in animalibus perfectis.

Respondetur; mixtionem esse naturalem vt potē à natura ordinatam, & ad naturalis entis productionē terminatam. *Nec obstat,* quod alicui elemento fiat violentia, quia hæc violentia tenet se ex parte elementi, quod corrumpitur, & transit in mixtum, non autem ex parte ipsius mixti, quod producitur; nullum est autem inconueniens, quod in generatione naturali corruptum aliquam patiatur violentiam, licet enim sit violentia respectu corrupti, est tamen naturalis materiæ, & ad bonū vniuersi ordinata, & ita simpliciter est naturalis mixtio, licet præsupponat aliquam violentiam ex parte eius, quod corrumpitur. *Nec est necesse,* quod elementa omnia formaliter intrent in quemcunque locum vbi formatur mixtum, sufficit quod virtualiter, & per suas qualitates intrent, sicut in profundo maris inuenitur calor in piscibus ad operationes vitales, qui calor est virtus quædam ignis, & potest participari à cœlo.

Ad Confirmationem respondetur, quod elementa ex proprijs non mouentur ad mixtionem, benè tamen à causa superiori, v.g. à cœlo, vel à Deo, qui in principio produxit omnia mixta ex elementis, & licet aliqua dicantur facta esse ex aqua, vel ex terra, non propter hoc tollitur, quod omnia elementa saltem virtualiter concurrant ad mixta, cum etiam in piscibus vt diximus inue-

niatur calor, qui est virtus ignis, sed dicuntur fieri ex illo elemento, quod magis prædominatur in tali mixto, de quo D. Thom. 1. p. q. 71. in corp. & ad 1.

Ad instantias autem confirm. respondetur, quòd elementum secundum se, & ex proprijs solum mouetur ad suum centrum, & ad generandum suum simile, tamen ex impressione causæ superioris potest agere ad productionem mixti, sicut sola terra non germinat herbam nec producit metalla, sed ex impressione cœli. *Et quando dicitur*, quòd cœlum est causa vniuersalis, & remota, & non potest in omnia mixta. *Respondetur*, quòd respectu aliquorum mixtorum est sufficiens causa vt respectu herbarum, & metalli, & similibus, respectu verò animalium perfectorum non est causa sufficiens, & ita oportuit quòd prima animalia producerentur à Deo, deinde cœlum cum prædictis animalibus concurrat ad generandum.

Tertio arguitur, contra definitionem mixtionis, quia vnio non est aliquid præter relationem, vt diximus in *quæst. 6. Physicor.* sed relatio non pertinet ad speciem generationis quæ est actio, ergo mixtio quæ est species generationis inconuenienter definitur per vnionem. *Confirmatur*, quia mixtio differt à simplici generatione ex parte termini *ad quem*, seu formæ ad quam terminatur, scil. ad formam mixti, ergo sicut generatio definitur, quod est transitus à priuatione formæ substantialis ad formam substantialem in materia, ita mixtio quæ est species generationis deberet definiri quòd sit transitus à priuatione formæ mixti ad formam mixti, non autem per hoc quod sit vnio, formaliter enim est transitus, quia est generatio, non autem vnio, quia non est relatio.

Respondetur, quòd ly *vnio* in definitione mixtionis non significat ipsam relationem, vel modum vnituum extremorum, sed est actio vnitua & generatiua tali modo, id est ex congregatione miscibilium in vnum, quod temperatur, & congregatur ex omnibus, non autem ex vno tantum generatur, & sic

sub nomine vnionis non intelligitur vnio in facto esse, quæ de formali importat relationem inter extrema conuenientia in vnitatem, quam per vnionem acquirunt, quatenus ad inuicem se communicant, & ideo præsupponere debent actionem aliquam & passionem, qua vnum communicetur alteri ad talem vnitatem constituendam, non quidem per aliquem modum superadditum tanquam per rationem formalem, eò quòd ista vnitatis in qua extrema conueniunt, non est formaliter vnitatis modalis, sed substantialis, vel accidentalis, & ideo non habet pro medio, & ratione formali modum, sed ipsam extremorum communicationem quæ fit per eorum entitates tali actione, vel passione applicatas; & ista actio sic tendens ad communicandum vocatur etiam vnio actiua, & hæc intelligitur nomine vnionis in definitione mixtionis, non quidem actio vniens materiam formam, quia hoc est commune omni generationi, sed qua vniuntur miscibilia, ad hoc vt corrupta inter se vnum mixtum faciant, & ideo stat, quòd vniuntur per mixtionem, licet corrumpantur, quia non vniuntur formaliter tanquam extrema componentia, sed virtualiter in vno tertio, quod resultat ex talibus miscibilibus in vnum contemperatis.

Ad Confirm. respondetur, Quòd mixtio est transitus de forma miscibilium ad formam mixti, sed quia non est simplex transitus, sed congregatiuus ex multis, nomine vnionis designatur, eo modo quo dictum est.

ARTICVLVS II.

Quomodo mixtio fiat in liquoribus tam eiusdem, quam diuersæ speciei?

DVplex est genus miscibilium, quædam sunt vt liquores, quædam vt elementa: in hoc articulo agemus de liquoribus, in sequent. de elementis. Circa mixtionem liquorum, *supponimus*, posse in illis dari mixtionem latè sumptam, quæ fit per solam aggregationem partium in vnum locum, id enim manifestè constat experientia, cum vi-

deamus aliquos liquores inter se confundi. *Difficultas est in duobus.* Primum, an inter istos liquores intercedat propria mixtio, quæ faciat vnum tertium ex corruptione eorum. Secundo specialiter quando miscentur duo liquores eiusdem speciei, & eorundem accidentium, an possit fieri vera & propria mixtio cum corruptione miscibilium, & generatione vnius tertij.

Dico primò; *Inter liquores diuersæ speciei habentes contrarias qualitates datur vera, & propria mixtio.* Conclusio est satis nota, sumiturque ex D. Thom. 3. p. quæst. 77. art. 8. ubi inquit: *Quod si permisceatur aliquis liquor in tanta quantitate, quod possit diffundi per totum vinum, totum fieret permixtum, quod autem est commixtum ex duobus, neutrum miscibile est, sed utrumque transit in quoddam tertium ex his compositum, unde sequeretur quod vinum prius existens non remaneret, sed liquor permixtus esset alterius speciei, puta si permisceatur aqua, solueretur species vini, & esset liquor alterius speciei.* Et idem docet in 4. distinct. 12. quæst. 1. art. 3. quæst. 6. Ratio est, quia inter liquores habentes contrarias qualitates concurrunt eonditiones veræ mixtionis, siquidem ex parte quantitatis cum sint humida facile possunt diuidi, ut aduertit Philof. in hoc primo libro text. 89. similiter ex parte qualitatis habent quidditates contrarias, ergo sunt capaces alterationis corruptiuæ, quia hæc fundatur in contrarietate qualitatū, & consequenter sic possunt temperari, ut corrumpantur liquores, & fiat vnum tertium.

Circa liquores vero eiusdem speciei, qui non habent qualitates contrarias, & tamen ad inuicem diuiduntur, & copulantur, *difficultas maior est*, nam ex vna parte videtur fieri vnum mixtum simpliciter ex illis, quia fit vnum numero per copulationem partium, sicut ex duabus aquis in vno vase fit vna aqua numero. Ex alia vero parte non datur alteratio, cum non habeant qualitates contrarias, ergo neutrum alte-

ratur alteratione corruptiua, quæ essentialiter requiritur ad mixtionem, corruptio autem non datur de vno individuo in aliud, quia simile non agit in simile, sed de vna specie in aliam. Item, quia alias si fieret mixtio ex duobus liquoribus eiusdem speciei cum corruptione vtriusque, sequeretur quod si vinum consecratum adderetur alteri vino consecrato, ibi desineret esse corpus Christi, cum tamen vtrumque consecratum sit. *Sequela patet*, quia fit alterum numero distinctum ab vtroque miscibili, & illud tertium non est consecratum, quia de nouo fit, ergo sub illo non manet corpus Christi. Quod à fortiori sequitur si aliquod vinum non consecratum misceatur consecrato, tunc enim etiam resultabit vnum numero distinctum, quod consecrationi non fuit subiectum. Et ita aperte affirmat S. Thom. citato loco ex 3. par. Quod confirmatur, quia ut dicitur cap. Cum Martha, & celebrat. Missarum, quando vino consecrato infunditur aliud vinum, hoc secundum nec transit in sanguinem, nec sanguini commiscetur, ergo supponit decretalis, quod non fit mixtio ex liquoribus eiusdem speciei. Ad hoc.

Dico secundò, *quando coniunguntur duo liquores eiusdem speciei, non habentes qualitates contrarias, tunc non fit corruptio, q. mixtio, sed sola continuatio vnius liquoris ad alium.* & in tali casu non dicit D. Thom. fieri aliud numero, vel desinere sanguinem sub speciebus consecratis si eis misceatur aliud vinum. Prior pars quæ est communis Thomist. ut asserit M. Nunno 3. par. quæst. 77. art. 8. circa 4. conclusionem D. Thom. probatur, quia ad mixtionem de qua in presenti loquimur, non sufficit diuisio partium, & continuatio earum, ut fiat mixtio sicut probat Philof. in hoc 1. lib. text. 84. & 85. alias mixtio esset aggregatio partium, & iuxta positio, & sic quando ignis aggenerat sibi alium ignem, diceretur ibi fieri mixtio, cum tamen nullum fiat mixtum. Quare mixtio generatiua essentialiter requirit alterationem miscibilem, & talem quæ corrumpat

miscibilia, ut fiat; ergo ubi non est alteratio & corruptio penes formam non est mixtio, ubi autem non est contrarietas qualitatum, non potest esse alteratio corruptiva, quia omnis corruptio in contrarietate fundatur, ergo inter liquores non habentes qualitates contrarias, non potest fieri mixtio de qua loquimur in presenti, quæ fit ex contemperatione, & corruptione miscibiliuin, sed solum poterit dari continuatio vnius partis cum alia, ut cum aqua miscetur aquæ nullo mixto producto, sed elemento continuato.

Secunda pars constat ex eodem contextu D. Thom. quæst. illa 77. citata. art. 8. dicit enim, quod corpus & sanguis Christi manet in speciebus, quam diu illæ species manent eadem numero, quia consecratur hic panis, & hoc vinum, unde si fiat tanta permixtio liquoris cuiuscumque, quod pertingat ad totum vinum consecratum & fiat permixtum, erit aliud numero, & non remanebit illi sanguis Christi. Quæ verba procedunt ex suppositione, quod fiat mixtio liquoris cum liquore, & fiat permixtum, atque adeo supponendo corruptionem, & non solam continuationem utriusque liquoris. Et solut. ad 2. inquit: Quod permixtione facta corruptuntur species vel in toto, vel in parte, ergo supponit fieri permixtionem corruptivam, & consequenter alterationem fundatam in contrarietate qualitatum, non vero solam continuationem specierum de hac enim nõ dicit quod sufficiat ad hoc, vt definat ibi corpus Christi, imò oppositum approbare videtur in 4. ad Anib. disp. 12. quæst. unica art. 3. ad 3.

Dico tertio, quando liquores sunt eiusdem speciei, sed habent qualitates contrarias, potest dari vera mixtio & corruptio miscibilium, & in hoc casu loquitur S. Thomas quod non manebit sanguis in speciebus consecratis, si miscetur alius liquor eiusdem speciei, qui facit vt sit aliud numero, vt patet ex verbis ipsius citato loco, si esset, inquit, eiusdem speciei liquor adiunctus, puta si vinum permi-

sceretur vino, remaneret quidem eadem species, sed non remaneret idem numero vinum, quod declarat diuersitas accidentium, puta si vnum vinum esset album, & aliud rubrum, ergo ex hac declaratione colligitur, quod loquitur S. Thomas de liquoribus eiusdem speciei habentibus diuersa accidentia. Prefertim hoc adiuuatur ex alio loco in quodl. 10. art. 3. ubi tractans eandem quæstionem, & impugnans eos qui dicebant per quamlibet guttam liquoris mixtam speciebus, definire ibi esse sanguinem Christi inquit: Quod ipsa additio non est illi essentiam dimensionis, sed variat terminationem eius, quæ quidem variatur non solum per additionem, sed etiam per diuisionem, unde si talis variatio sufficeret ad hoc, quod definat esse sub speciebus corporis, vel sanguis Christi, sequeretur, quod per diuisionem specierum, defineret esse similiter, quod patet esse falsum. Quare secundum D. Thom. per additionem, vel continuationem liquorum non soluitur substantia miscibilium, vel specifica, vel numerica, per mixtionem autem soluitur, quia est cum corruptione. Et ex hoc probatur prima pars conclusionis, quia in liquoribus eiusdem speciei si dentur accidentia opposita, ratione quorum vnũ sit actiuius altero, sicut indicat diuersus color, vel acrimonia talium liquorum, tunc datur sufficiens contrarietas ad corruptionem in qualitatibus, & datur etiam diuisio partium inter ipsos liquores, vt videmus fieri, ergo datur quidquid requiritur ad veram mixtionem, scilicet diuisio, alteratio, & corruptio. Nec obstat quod sint eiusdem speciei, quia bene potest vnum indiuiduum sortiri qualitates oppositas alteri, ratione quarum agat ad corruptionem alterius in aliud tertium in quo illæ qualitates maneant temperatæ, cum nõ solum vnũ indiuiduum, sed etiam vna pars possit agere in aliam in eodem indiuiduo, vt patet in viuientibus, deficiente enim alimento vna pars agit in aliam, & consumit illam, unde redditur animal maius incrementum, & tenne, ergo similiter poterit vnum indiuiduum

aliquid esse fortius altero; sicut vinum vinum est fortius altero, & per suam qualitatem agit in illud, & dissolvere illud, contemperando in vno tertio, tunc enim non agit simile in simile, quia dissimilia sunt secundum qualitates oppositas.

Ex quo patet ad rationes dubitandi à principio. Ad primum enim respondetur, quod quando duo liquores sunt omnino similes in specie, & qualitatibus, tunc vnum non corrumpitur ab alio, nec miscetur, sed continuatur precedenti, & sic non fit aliquid distinctum numero, sed idem numero fit maius per continuationem, sicut animal crescit per augmentationem; si verò sint diuersarum qualitatum, quæ possunt in vnum contemperari, tunc fit mixtio, & resultat vnum tertium indiuiduum corruptis miscibilibus. Neque est necesse, quod omnis corruptio sit de vna specie in aliam, sed potest esse de vno indiuiduo in aliud, ut iam explicauimus.

Ad secundum dicitur, quod si vinum consecratum misceatur alteri consecrato, potest hoc fieri dupliciter; vno modo quando vtraque species vini habet easdem qualitates, v. g. est eiusdem acrimoniæ, caloris, &c. alio modo quando habet diuersas qualitates, quarum vna potest alteri misceri, & contemperari. Primo modo est certum quod non fit mixtio, sed continuatio vnius speciei ad aliam, & sic non corrumpit miscibilia; illis autem non corruptis, non definit esse sanguis; sicut argumentatur S. Thom. quia etiam si diuidatur, & fiant plura indiuidua ex speciebus vini, vel panis, non definit ibi esse corpus Christi. Si secundo modo fiat, ita quod inter ipsas species vera mixtio conficiatur, tunc censent aliqui esse probabile, quod ibi desinat esse sanguis Christi, id quod fit vnum tertium indiuiduum corruptis miscibilibus, & super illud non cecidit consecratio; quod videtur insinuare S. Thom. d. c. 77. & expresse tenet M. Nunno citatus, licet dicat non esse certum. Existimo tamen non loqui

in illo casu S. Doctorem, quò duæ species consecratæ miscentur, quia licet fiat vnum tertium indiuiduum, quia tamen omnes eius partes fuerunt consecratæ, totum remanet consecratum ratione partium, sicut è conuerso quando diuiditur hostia, & fiunt duo indiuidua, quodlibet retinet consecrationem, quia licet non fuerint consecrata ut duo indiuidua, quia tamen fuerunt consecrata in suo principio à quo diuidantur & multiplicantur, ideo retinent consecrationem. At verò si vinum non consecratum habens diuersas qualitates misceatur consecrato, ita quod totum peruat, & perfundat, in hoc casu fit alterum indiuiduum ex utroque, & cum non sit consecratum in omnibus suis partibus, & in se fit aliud numero distinctum ab eo quod consecratum fuit, probabile est desinere in illo toto esse sanguinem, & in hoc casu loquitur S. Thom. sed quia non est omnino certum, vinum illud religiosè seruandum est.

Ad Confirmationem respondetur, decretalem solum dicere, quod vinum appositum speciebus non consecratis non miscetur sanguini intus contento, nec illud perfundit; aut tangit, cum non sit ibi modo conaturali & extenso non tamen docet non misceri speciebus, ut fiat vnum tertium; quo resultante desinat ibi esse sanguis.

ARTICVLVS III.

Quomodo fiat mixtio inter elementa, & quomodo illa maneant in mixto?

DE elementorum mixtione duæ possunt esse difficultates. *Prima*, an verè omnia quatuor elementa misceantur, ita quod ex illis componatur mixtum. *Secunda*, quomodo dicantur manere elementa in mixto virtualiter, & non formaliter, & quid sit virtualiter manere.

De primo differuit Aristot. in hoc lib. 2. c. 8. text. 10. ubi ostendit, omnia elementa esse in quolibet mixto, & ad illud concurrere. Et quidè quod omnia elementa possint esse in quolibet mixto, seu concurrere ad illud

iam supra diximus ostendendo quomodo etiam ignis possit ad constituendum mixtum concurrere. Quod verò de facto in omni mixto inueniantur omnia elementa, asserit Aristot. *citato loco*; quod non est intelligendum, ita vt quando quodlibet mixtum generatur, ibi formaliter conueniant omnia elementa, cum hoc vix accidere possit, vt in animalibus, & his quæ generantur intra aquam manifestum est, sed sufficit quod virtutes elementorum, quæ in prioribus mixtis fuerunt contemperata, de vno mixto ad aliud transfundantur. Et quidem ex eo quod inueniatur in mixtis grauitas, manifestum est in illis concurrere elementa graui, & non solum terram sed etiam aquam, quia alias haberent siccitatem sine aliqua humiditate, & sic non possent continuari, & coagulari, sed magis in puluerem reducerentur, quia nimia siccitas in pulueres reducit. Alia autem duo elementa, scilicet ignis & aer etiam concurrunt in mixto, quia si terra, & aqua concurrunt, oportet, quod concurrant contemperata, & alterata, non possunt autem alterari, ita vt temperentur, nisi à suo contrario, quia si frigus aquæ, verbi gratia est in summo, non poterit temperari à calore modico, sed à concursu alterius caloris summi, qualis est in igne, si enim esset calor modicus, consumeretur à frigore summo, non autem temperaretur. Vt ergo ex elementis fiat temperatio mixtorum, necesse est omnia elementa concurrere, si duo concurrunt vt terra, & aqua propter grauitatem mixtorum, & coagulationem, quæ elementa communiter dominantur in mixtis, vt infra dicemus ex D. Thom, si quæ enim mixta ascendunt, vt quædam metheora ignita, aut etiam vapores, hoc non fit ex propria earum natura, sed ex virtute solis eleuantis, vel ignis deferentis; vnde vapores relictæ suæ naturæ resoluuntur in aquam, sicut etiam aues, licet virtute vitali volare possint, tamen naturali pondere decidunt.

Secunda difficultas longior est, pluraque habet explicatu difficiliora; nam cum mixtio fiat ex substantia elementorum & qualitatibus dubitatur, tam ex parte formarum substantialium, quàm ex parte qualitatum quomodo fiat mixtio. Ex parte quidem formarum dubitantur duo. *Primum*, an formæ elementorum substantiales formaliter maneant in mixto. *Secundò*, an dato quod formaliter non maneant, an maneant virtualiter, & per modum gradus, sicut vegetatiuum, & sensitiuum in anima. Ex parte verò qualitatum similiter dubitantur duo. *Primum*, an qualitates elementorum maneant in mixto formaliter, vel solum virtualiter ratione alicuius tertiæ qualitatis ex illis resultantis. *Secundò*, an hoc sufficiat, vt dicantur elementa manere in mixto.

Ad primam difficultatem respondetur, certum esse quod in mixto non manent actu formæ substantiales elementorum. Est communis ferè omnium Philosophorum, licet Auicenna senserit manere formas elementorum substantiales integras in mixto qualitates autem ad medium reduci. Auerroes autem dixit manere easdem formas elementorum, sed non perfectas, & integras, sed remissas, & imperfectas. Nihilominus oppositum constat ex Diuo Thoma 1. *part. questione 76. artic. 4. ad 4. & 2. cont. Gent. distinct. 15. questione 1.* & communiter omnes sequuntur, de quibus videri potest M. Bannes in hoc 1. libro de Generat. cap. 10. *questione 2.* Ratio est tum generalis, quia plures formæ substantiales non possunt esse in eodem composito, quia alias non esset per se, & simpliciter vnum vt probabitur in libris de anima, *questione 1.* Tum specialiter, quia formæ elementorum non possunt simul actuare eandem materiam, quia petunt qualitates contrarias in summo, atque adeo non possunt compati in eadem parte materiæ. Quod si sunt in diuersis partibus, quarum quælibet habet diuersam formam elementi, non dicitur mixtum, sed

sed congregatum ex pluribus partibus, habentibus diuersas formas specie, quod non est facere vnum mixtum per se. Similiter etiam non possunt manere istæ formæ imperfectæ, tum quia formæ substantiales non possunt intendi, & remitti, sed vel tota forma est in materia, vel nihil, si autem non remittuntur, ergo, vel manent integræ, vel sunt alix, & non ipsæ formæ elementorum; ponere enim aliquas entitates quæ sint principia formarum, & non formæ ipsæ, omnino absurdum est, cum ad compositum naturale solum concurrant tanquam extrema materia & forma, non autem alia entitas: præter quam quod, totum hoc est ponere plures formas substantiales, licet imperfectas in eadem materia, & sic inciditur in idem inconueniens.

Quare ex substantia elementorum sola materia manet in mixto formaliter, formæ autem miscibilia corrumpuntur, ideo enim alterantur miscibilia, vt corrumpantur, & sic explicauit Diu. Thomas in hoc lib. 1. lection. 25. in fine definitionem mixtionis, quod sit *miscibilia alteratorum, & secundum formam corruptorum, vno*. Nec Arist. vnquam docuit miscibilia manere actu in mixto, sed in potentia & virtualitate, quod explicat ratione qualitatum suarum, in quibus tanquam in virtute formæ continentur, vt infra dicemus. *Nec obstat*, quod secundum hanc doctrinam ex duobus elementis, aut ex tribus poterit fieri mixtum, & non requiritur, quod semper concurrant omnia quatuor, quia illud quod habet aliquam qualitatem in summo, etiam poterit temperari per reactionem à minori qualitate, verbi gratia frigidum aquæ quod est summum poterit temperari à calido aeris quod est excellens, vel ab alio minori, & sic ruit fundamentum quod Aristot. & nos ante posuimus, omnia quatuor elementa esse necessaria in mixto. *Respondetur enim*, quod si elementum habens calorem in summo patitur ab opposito quod non est etiam in summo, licet primo congressu repatiatur,

Part II. Physic.

& contemperetur, non tamen sistit in illo temperamento, sed vltius procedet vsque ad vincendam illam qualitatem minorem, eo quod illa qualitas in summo habet actiuitatem fortiorem emanentem continuo à natura, & per illam continuam emanationem vincet repassioem minoris, & remissioris qualitatibus; vnde vt redigatur ad temperamentum & mixturam permanentem, oportet, quod alia qualitate etiam summa habente similem emanationem à natura resistatur illi, vel suppleatur à causa vniuersali, id quod deberet fieri ab elementalibus, quod est recidere in idem, illa enim virtualiter est tale elementum. Quare si duo elementa concurrant ad aliquod mixtum, oportet alia duo opposita concurrere, vt temperamentum permanentem fiat ex vtrâque.

Circa 2. difficultatem dissensio est inter Scotum, & Caietanum, aliosque Thomistas, nam Scotus in 2. dist. 15. *quest. vnica*, videtur concedere, quod formæ elementorum manent virtualiter in mixto, non solum virtualitate accidentali ratione qualitatum, sed etiam virtualitate substantiali ratione graduum, quia forma substantialis mixti continet formam elementorum per modum gradus sicut anima continet vegetatiuum, & sensitiuum. Caietanus verò 1. parte, *questionis 76. artic. 4.* & alij Thomistæ tenent formam mixti non continere substantialiter formas elementorum virtuali illa continentia, sed solum accidentali, & ratione qualitatum elementarium, vt postea dicemus.

Fundamentum Scoti est, quia etiam antecedenter ad mixtionem qualitatum forma ipsa substantialis est essentialiter forma mixti, ergo essentialiter est ex formis elementorum, & continet illas, mixtum. e. vt mixtum continet virtualiter miscibilia ex quibus est, alias esset corpus simplex, ergo cum antecedenter ad qualitates detur ista forma mixti, & corpus mixtum, antecedenter ad qualitates datur virtualis continentia elementorum. Deinde, quia qualitates,

tates, & formæ elementorum pereunt, & id quod de illis manet est in gradu ita imperfecto quantum ad qualitates, quod nullo modo potest virtualiter continere ipsam formam elementi siquidem qualitas mixta, & temperata non est virtus elementi, ergo non potest elementum manere in mixto virtualiter ratione qualitatum, siquidem qualitates quæ manent non sunt virtutes elementorum, sed deficientes ab illis, ergo solum possunt contineri elementa in mixto virtualiter ratione gradus substantialis. Quod si sufficit retinere qualitates elementorum debilitatas, & in statu imperfecto, ut dicantur elementa manere in mixto, posset aqua quando calefit dici mixtum, quia retinet omnes quatuor qualitates, licet in statu imperfecto, scilicet calorem quia calefit, & aliquid frigoris, quia totum non expellitur, & humidum in gradu excellenti cum aliqua siccitate, tum naturaliter habitatum ab igne augmentata.

Fundamentum vero sententia Caietani ex eo desumitur, quia si daretur in forma mixti continentia illa substantialis elementi, oporteret quod in mixtum haberet gradum elementalem sicut anima habet gradum vegetativum, ita quod natura mixti esset principium operationum propriarum mixti & operationum propriarum elementarum ratione gradus elementalis, sicut ratione gradus vegetativi operatur anima, ea quæ sunt propria natura vegetativæ, vere enim & proprie nutritur, generat, &c. & sic lapis, ubi gratia ratione gradus elementalis deberet ignire, aut madefacere sicut aqua, quod nequaquam habet, ergo non habet gradum illius elementi siquidem non habet operationem. *Præterea*, vel contineret mixtum per modum gradus, omnes formas quatuor elementorum, vel solum alicuius determinati elementi. Si omnium, deberet omnium operationes exercere, quæ tamen ob sui contrarietatem se impedirent, sicut ob gradum ignis deberet ignire, ob gradum aquæ infrigidare, &

humectare, &c. quod est contra experientiam. Si alicuius tantum elementi, ergo iam virtualiter contineret reliqua elementa sine continentia substantiali virtuali, atque adeo bene stat, aliqua elementa contineri in mixto, & non ratione gradus substantialis, idem ergo diceretur de omnibus elementis. *Denique*, elementum non est aliquid commune respectu mixtorum, sicut vegetativum, aut sensitivum respectu animalium, sed elementa sunt corpora condita contra mixtum: ergo non potest contineri elementum in mixto tanquam gradus.

Ad primum fundamentum Scoti respondetur, ante qualitates dari formam mixti quæ ex elementis seu miscibilibus corruptis resultat, & quia fit ex corruptione illorum, non continet ea per modum gradus, continentia substantiali, sicut neque liquor mixtus liquores ex quibus miscetur, sed solum illa forma, quæ resultat ex calibus miscibilibus continet virtualiter, & radicaliter qualitates illas, quæ erant in elementis seu miscibilibus, & hoc modo dicitur contineri virtualiter accidentaliter elementa, non virtualiter substantialiter.

Ad secundum respondetur, quod formæ elementorum pereunt in substantia, & manent in virtute seu qualitate, non quod maneat eadem qualitas numero, sed quod succedat aliqua similis à primis miscibilibus derivata. *Et cum instatur*, quod illa qualitas, sic derivata non est virtus elementi, sed mixti, cum sit modificata & temperata. *Respondetur* esse virtutem elementi non in statu perfecto, sicut est in ipso elemento, sed cum aliqua modificatione, sicut aliquid ab elemento derivatum, eiusdem tamen essentialis rationis cum ipsa virtute elementi, si enim haberet illam in summo, haberet illam per modum ultimæ dispositionis ad elementum, & sic non esset virtus participata, sed propria ipsius elementi. Quia tamen est ab elemento ipso derivata, licet modificata iuxta naturam mixti, dicitur virtualiter

per continere elementum, sicut multæ qualitates quæ à cælo participantur in inferioribus, vel lux vel aliæ similes participatiue sunt qualitates coelestiales, licet non in ea perfectione, qua in cælo sunt. *Quod verò additur*, quod hoc modo posset vnum elementum dici mixtum quando participat omnes qualitates elementales, *negatur consequentia*, quia quando tale elementum non corrumpitur, licet disponatur per qualitatem alterius elementi ad corruptionem, non potest dici mixtum, quia non habet illas qualitates, vt redactas ad temperamentum ex vi sue formæ, sed quasdam vt proprias, alias vt disponentes ad corruptionem.

Circatertiam difficultatem, aliqui existimant, qualitates elementorum non manere formaliter in mixto, sed virtualiter ratione aliquius qualitatis mixtæ seu mediæ virtualiter continentis illas extremas, & hoc ideo, quia forma mixti substantialiter est vna, ex corruptis miscibilibus confurgens, ergo debet ei correspondere tanquam propria vna qualitas etiam mixta, quod etiam videtur asserere Aristotel. in hoc 2. lib. text. 4. dicens quod ex calido & frigido fit vnum medium, quod non est alterum illorum simpliciter.

Nihilominus oppositum dicendum est, manere scilicet in mixto formales qualitates elementorum, verbi gratia formalem caliditatem, vel formalem frigus, redactas tamen ad mediocritatem. Itaque cum frigidum & calidum miscentur, vtrumque amittit intentionem suam, quod pertinet ad modum, sed non amittit substantiam suam, scilicet rationem ipsam caloris & frigoris, sine illa tamen perfectione, & excellentia intensioris, & sic censet San. Thom. 1. part. quest. 76. artic. 4. ad 4. *Manent*, inquit, *qualitates propria elementorum, licet remissa, in quibus est virtus formarum elementalis*, & q. 1. de malo art. 5. ad 6. inquit: *Quod ita contraria sunt qualitates in corpore mixto, sicut sunt contraria elementa in mundo. Vnde sumitur ratio, quia in corpore mixto videmus qualitates*

non solum quoad sensum habere eandem immutationem quam in elementis, scilicet calidi & frigidi, sed etiam pugnare, & contrariari inter se, sicut in corpore animalis contrariæ qualitates pugnant & agunt ad inuicem, ergo signum est formaliter manere qualitates elementales. *Denique*, si istæ qualitates non essent formaliter in mixto, nequisset formalis contrarietas, & consequenter non corrumpetur mixtum ex causa intrinseca, siquid corrumpio accidit penes contraria, quæ in vno in se agunt, vna autem qualitas ex omnibus collata non agit in se ipsam, vt se corrumpat, ergo si ab intrinseco corrumpuntur, ab intrinseco habent contrarietatem, & consequenter qualitates elementorum formaliter, quia in illis solum contrarietas ista exercetur.

Ad oppositum fundamentum respondetur, non debere formæ mixti correspondere vnam qualitatem, sed sufficere, quod correspondeat vna proportio & temperamentum plurium qualitatum, eo quod ex earum temperamento confurgit mixtum, & ideo retinet illas ad mediocritatem redactas, quia tamen forma mixti est vna, poterit etiam fortiri aliquam qualitatem, quæ vna sit, v. g. aliquam virtutem actiuam, sicut magnes attrahit ferrum, vel aliquæ colorem proprium ipsius mixti, aut aliquid simile, sed istæ qualitates consequuntur formam mixti, non ex earum temperamento mixtio fit.

Ad testimonium Aristot. respondetur, Aristotelem non dicere, quod ex calido & frigido fit vnum medium, quod non continet formaliter ipsum frigus & calorem, sed quod vtrumque continet in vno medio, id est redacto ad vnum temperamentum, vel mediocritatem, non vero quod aliqua tertia qualitas resultat eminenter continens frigus & calorem.

Instabis, quomodo sunt qualitates illæ elementorum, siquidem propriæ passionibus nequeunt communicari alijs subiectis, istæ autem qualitates elementorum sunt propriæ passionibus eorum; & dato quod possent

communicari, non tamen exercendo contrarietatem, quod impedit ut formaliter sint simul, adhuc autem ut remissa, contrariantur illæ qualitates. *Respond.* quod propriæ passionēs alicuius bene possunt esse in proprio subiecto essentialiter, in alijs autem participatiuè, sicut lux est in sole ut in proprio subiecto connaturaliter, in aere autem participatiue. *Ad aliam partem argumenti respondetur,* quod qualitates remissæ exercent quidem contrarietatem inter se, sed non perfectè, & adæquate, sed imperfectè, & quantum ad aliquid, quia enim remissæ sunt, non subiiciunt sibi totaliter, nec replent totam latitudinem subiecti, unde non omnino se expellunt ab illo, id enim esset simpliciter & perfectè contrariari, de quo latius dicemus *inf. q. 10.* Opposito autem modo se habet in qualitatibus intensis. Datur tamen aliqua cōtrarietas in qualitatibus remissis, quia aliquo modo ad inuicem agunt & patiuntur, quod sine aliqua contrarietate fieri non potest, & ita est ibi contrarietas essentialiter, sed non in omni perfectione.

Circa vltimam difficultatem respondetur, elementa dici virtualiter manere in mixto, quia manent qualitates quæ sunt virtutes elementorum in ipso. Ita sumitur ex D. Th. 1. de gener. l. 1. c. 24. in fine & 1. p. q. 76. a. 4. ad 4. ubi inquit: *Quod secundum Philosophum in 1. de gener. forma elementorum manent in mixto non actu, sed virtute, manent enim qualitates propriæ elementorum licet remissæ, in quibus est virtus formarum elementaliū.* Et videri etiam potest 2. cont. gent. c. 55. & opusc. 33. & alijs locis. Itaque elementa manent in mixto non formaliter, aut virtualiter substantialiter, sed virtualiter accidentaliter, sicut dicitur aliqua forma manere in sua dispositione non vltima, vltima enim semper est annexa ipsi formæ, sed remota & ad mediocritatem redacta. *Ratio sumitur ex dictis,* quia non est alius modus continendi elementa, nisi vel substantialiter, vel accidentaliter; substantialiter non possunt contineri ele-

menta in mixto, neque formaliter, neque virtualiter tanquam in gradu: ergo virtualiter accidentaliter eo modo quo dictum est.

Sed dices, virtus manens in mixto non potest producere elementa, nec enim calor lapidis, vel ferri est talis ut possit producere ignem; ergo prout est in mixto non continet virtualiter elementa, illud enim continet virtualiter, quod continet aliquid tanquam in virtute productiua illius. *Secundo,* mixtum factum ex liquoribus non continet illos, eo quod non potest illos producere ex quibus factus est: ergo neque dicetur continere elementa virtualiter, quia elementa producere non potest. *Tertio,* quia si ex eo dicitur mixtum continere virtualiter elementa, quia continet qualitates eorum in gradu remisso, etiam dicetur mixtum continere virtute omnia mixta, & vnum elementum aliud; consequens est falsum, ergo. *Sequela patet,* quia mixtum continet omnes quatuor qualitates, ex quibus alia mixta componuntur, similiter vnum elementum continet qualitatem alterius, v.g. aer habet calorem non in summo sicut ignis, sed minus intensum, ergo dicetur continere ignem virtualiter, quia in gradu remisso continet virtutem eius, scilicet calorem.

Ad primum respondetur, virtutem mixti posse virtualiter producere elementum, non immediate, sed mediato & crescente dispositione, quam habet, quæ non est vltima respectu elementi, sed remota ut diximus, & ita crescente eius intensione, & perueniente ad eam perfectionem, quam habet in elemento, poterit produci ex mixto, & sic ab intrinseco habent mixta resolui in elementa saltem mediate.

Ad secundum respond. quod quando vnum mixtum fit ex alijs mixtis, ut ex liquoribus, si retinet non solum qualitates elementales quæ sunt communes omni mixto, sed etiam particulares, & proprias illorum liquorum, dicetur etiam continere illos liquores virtualiter, sicut vinum temperatum ex aqua continet eius qualitatem, si vero temperatur

tur

aut ex alio liquore, illius qualitatem imbibit. Si autem ita solvatur species liquorum, quod non inaeuant qualitates proprias, sed solum qualitates communes elementorum, tunc non dicitur mixtum virtualiter continere illa mixta. Et quia certum est qualitates elementales semper manere in omni mixto, quia sunt omnibus communes, non autem est certum manere semper proprias virtutes mixtorum in alijs mixtis, ideo absolute dicitur, quod elementa manent virtualiter in mixto, non vero quod vnum mixtum maneat in alio.

Ad tertium *resp. ex dictis*, non posse dici, quod vnu mixtum continet virtute alia mixta, nisi eorum qualitates retineat, quod non semper fit, sicut si aliquid fiat ex magnete non continet virtutem attractivam ferri, conti-

net autem qualitates seu virtutes communes elementorum, & ideo absolute dicitur de mixtis, quod continent elementa, id est proprias virtutes elementorum. Vnum autem elementum non dicitur continere aliud virtutem, quia qualitas, quam habet, non derivatur ex alio elemento, & sic non est virtus eius: tum quia, etsi vnum elementum habeat aliquid de vna qualitate alterius, sed non de omnibus, quae in tali elemento sunt, sicut aer licet contineat aliquem calorem, qui inuenitur in igne, non tamen continet aliquid de siccitate ignis, & sic non continet virtute elementum ignis, quia non participat de omni eius qualitate, sed solum de parte. Plura de mixtis dicemus, *quod hic enim non de natura mixtorum, sed de mixtione agimus.*

QVÆSTIO VII.

De condensatione & rarefactione.

ARTICVLVS I.

Vtrum rarefactio, & condensatio terminetur primo, & per se ad qualitatem?

Nihil notius est densitate & raritate in corporibus, id enim quotidie videmus, & experimur, eorum quoque sensibiles effectus penes quos definiuntur seu describuntur notissimi sunt, scilicet dilatatio partium quantitatis in raro, contractio seu compressio in denso. Vnde Philosophi in predicamento definiunt rarum esse id quod habet parum materiae sub magnis dimensionibus: densum autem e contra: *Quod habet multam materiam sub parvis dimensionibus.* Vnde autem proveniat quantitati sic disponi, quod possit multum materiae sub parvis dimensionibus concludere, vel parum materiae sub multis, an ex aliqua qualitate superaddita, vel ex aliqua alia entitate, vel modo, obscurum est & difficile.

In eo autem authores divisi sunt; & reducuntur omnes opiniones ad tres. *Prima affirmat*, novam quantitatem acquiri per rarefactionem, & perdi per condensationem. Quod aliqui ex antiquis sic acceperunt, ut dicerent in quacumque condensatione, vel rarefactione totam quantitatem perdi, & novam subrogari. Alij vero solum partem aliquam acquiri, & partem perdi. Quod tribui solet Scoto in 4. *diffinit. 12. quest. 4.* Mart. Haeuco, & alijs, quos citat P. Rubiō *tract. de rarefact. quest. 1.*

Secunda sententia affirmat, raritatem, & densitatem fieri penes diversam positionem partium, & ad illam terminari. Sed hoc explicatur dupliciter. Primo, dicendo quod raritas, & densitas fit per solum compressionem, aut dilatationem partium, eo quod in corporibus inveniuntur pori, id est subtilissima quaedam foramina, quae alijs subtilioribus corporibus replentur, & cū sit ad-

densatio conspiciantur isti pori, cum vero sit rarefactio laxantur, & totum hoc pertinet ad positionem partium in loco secundum maiorem, vel minorem compressionem. *A. y.* vero sic explicant, quod addensatio, & rarefactio non consistunt in sola compressione, vel dilatatione partium, quod pertinet ad situm, sed in ipsa praesentia locali: maiori, vel minori, quod pertinet ad extensionem in ordine ad locum seu ad ipsum vbi.

Tertia denique sententia affirmat condensationem & rarefactionem non terminari ad quantitatem, vel ad vbi, sed ad quandam qualitatem sic disponentem ipsam quantitatem, quod petat maiorem extensionem ad locum vel minorem. Itaque non negat haec sententia dari in densitate contractionem praesentiae, & extensionis localis, in rarefactione autem dilatationem, sed dicit hoc esse effectum ortum ex aliqua dispositione quantitatis, quae sic disponitur per aliquam qualitatem, ut illum effectum habeat, sicut quantitas terminatur per superficiem, & inde resultat qualitas aliqua quae est figura. An vero semper requiratur ista qualitas, ut detur iste effectus, vel solum connaturaliter petat illam, postea disquiratur.

Dico primo, addensatio, & rarefactio non important aliquam additionem vel diminutionem quantitatis, neque totalem, neque partialem. Assertio est contraria inter autores secundae & tertiae sententiae, quos postea referemus. Sumiturque ex definitione Philo supra allata: *Densum est quod habet multam materiam sub parvis dimensionibus.* Vbi nomine dimensionis non intelligitur ipsa quantitas, ut ordinat partes in ordine ad totum, sed ut extendit, & diffundit illam in ordine ad locum, ratione cuius sumitur externa mensura quantitatis, seu dimensio eius, nam si loquamur de ipsa quantitate secundum se, haec non additur, nec tollitur, nisi addita vel ablata materia, cuius partes extendit; unde repugnat habere multam materiam, id est multas partes materiae, & non multam quantitatem,

vel e contra. *Et fundamentum conclusionis hinc desumitur*, quia quando acquiritur noua quantitas, vel pars quantitatis, acquiri debet noua materia, in eadem enim parte materiae non potest dari noua quantitas, vel pars quantitatis, sic enim penetraretur cum praecedenti, ergo oportet pro noua quantitate, nouam addi materiam, quae de nouo ordinetur in ratione partis partis, & ideo semper augmentatio est coniuncta cum aliqua aggeneratione, vel nutritione, ergo si in rarefactione & condensatione, noua pars quantitatis adderetur, vel diminueretur, oporteret etiam addi nouam materiam, & sic deberet fieri noua mutatio substantialis, quod tamen est falsum, cum videamus rarefieri, vel condensari aquam & ceram, sine noua generatione aquae vel cerae, alias maneret augmentata illa materia, essetque multum materiae, non parum, sub magnis dimensionibus. contra definitionem, & ideo optime S. Th. rarefactionem comparauit intensiori, sicut enim intensio fit non addita qualitate, nec in diuersa parte quantitatis, ita rarefactio fit eadem materia manente, & non augmentata. Denique si fieret noua accessio materiae seu substantiae sicut & quantitatis, oporteret disponi illam materiam alijs accidentibus, ut videlicet converteretur, vel adderetur praecedenti, sicut videmus fieri in nutritione, & aggeneratione, sine quibus tamen rarefactio fit, & condensatio; & sine corporum circumstantiarum corruptione, ergo non aggenerat sibi nouam substantiam, & consequenter, neque nouam quantitatem.

Dico secundo, rarefactio & condensatio non terminantur solum ad vbi, siue ad distantiam vel propinquitatem partium vel ad situm, & positionem earum, neque consistunt in sola repletionem vacuitatum, quae sunt pori, aut compressionem partium, sed haec sunt effectus consecuti ad densitatem, & raritatem, & aliquando possunt fieri sine formali densitate & raritate. Ratio conclusionis est, quia raritas, & densitas est aliquid pertinet ad partes corporis in ordine ad se, & non in ordine ad locum, licet effectum

Et cum aliquem habere possint etiā in ordine extensionis vel situationis in loco, ergo non potest primo, & per se extenuari ad vbi vel situm. *Anteced. probatur*, nam in corpore Christi domini in Eucharistia, in quo nulla est commensuratio ad locum, est raritas, & densitas, nā ossa densiora sunt carnes, sicut & duriora, & sanguis rarior vtroque, alioquin si ista diuersitas in partibus nō seruaretur, non manerent diuersæ partes etheregenæ, & organicæ. Similiter densitas, & raritas nō solum sunt in externa superficie, aut ordinatione circa locum, sed etiam intra partes; facta enim diuisione inueniuntur partes intra constipatæ, & densæ, ergo non solum terminantur ad vbi, densitas, & raritas. Quod amplius constabit ex sequenti asseritione ostendendo, quod raritas & densitas sunt qualitates.

Quod vero non consistat in repletionē vacuitatis vel dilatazione, ita quod rarum sit quod dilatat poros, densum quod replet, vel comprimit, manifestum est in aere, & in cælo, nam partes aliquæ cœli inueniuntur densæ sicut partes stellatæ, & aliz minus densæ, scilicet diaphanæ, & tamen ibi non sunt pori, quia non replentur alio corpore subtiliori, quod non sit cœleste, cum ibi non sit corpus elementale. Aer similiter est rarus, & non habet poros, tum quia est fluidæ substantiæ, & fluendo repletet illos, alias detineretur aer vel aqua inter porum & porum ne sueret, tum etiam quia in aere si essent pori deberent repleri alio corpore subtiliori, quod tamē non est dare, nisi forte ignis, qui tamen non in omni parte aeris esse potest. Denique non consistit densitas in compressione partium tantum, vt patet de densitate corporis Christi in Eucharistia, in qua partes non possunt cōprimi, & in cælo densitas non fit per compressionem partium localem. Denique compressio partium, vel fit per localem motum, tunc situationē, vt quia vna occupat minus, vel magis de spacio, vel fit per internam dispositionem partium, sicut ex maiori frigore fit constri-

ctio, & ex calore dilatatio, licet sequatur tanquam effectus diuersa illa occupatio loci. Si primo modo tantum, constat non saluari raritatem, & densitatem vt patet si in duobus vasis eiusdem positionis ponatur liquor densius in vno & rarus in alio, tunc vterque occupat eandem positionem loci, & non habet eandem raritatem, nec densitatem. Si secundo modo, ergo densitas, & raritas non dicunt solam compressionem partium & sitalem positionem, sed internam aliquam dispositionem, & hæc pertinet ad qualitatem, vt iam dicemus, & simul explicabimus, quando sine formali densitate vel raritate possit manere compressio, vel dilatio partium externarum.

Viso igitur raritas, & densitas formaliter sunt physica, & naturales qualitates, & ita rarefactio & addensatio sunt alterationes, datur tamen etiā densitas aut raritas figuralis & extrinseca, quoniam est qualitas, sed finis, & se habet vt effectus densitatis & raritatis quæ est qualitas, licet aliquando nō repugnet hos effectus sine qualitate fieri. Hæc conclusio quantum ad primā partem, quod densitas & raritas sint qualitates, est expressa Philos. 7. Phisic. text. 21. & 4. Phisic. or. text. 86. & Diu. Tho. ibidem, & 1. de generat. lectio. 14. vbi inquit: Quod transmutatio raritatis & densitatis non potest dici augmentum, sed alteratio, fit enim secundum transmutationem passibilem qualitatum scilicet rari & densi. Et 3. part. questio. 77. articl. 2. ad 3. Rarum inquit, & densum sunt qualitates quædam consequentes corpora ex hoc, quod habent multum vel parum de materia sub dimensionibus. Et eandem sententiam sequuntur communiter Autores, qui videri possunt in Cursu Carm. 1. de gen. disp. 7. q. 2. & 3. Conimb. lib. 1. de gen. c. 1. q. 17. Rub. tractat. de rarefaction. qu. 2. Nec obstat quod Arist. in cap. de qualitat. inquit: Quod rarum & spissum, asperum, & lenè quædam positione magis videntur partium mensurari. & Diu. Tho. 1. de gen. lect. 1. super text. 8. dicit: Quod rarum, & densum non sunt qualitates physicae, sed positio partium inter se secundum propinquum in densum.

in denso, & remotum in raro. Non inquam obstat, loquuntur enim de raritate, & densitate situali quæ solet esse effectus raritatis & densitatis formalis, sicut datur figura externa situalis, & interna, quæ est qualitas, nã contracta manu vel extensa variatur figura situalis, nō autē intrinseca, quæ est qualitas. Similiter datur raritas & densitas, quæ pertinet ad dispositionem internā partium quantitatis & conducit ad generationem & corruptionē & cōmuniter cōiuncta est cum aliqua mollitudine, vel duritia, & sic debet esse qualitas. Ipse autem situs compressio- nis, vel dilatationis partium, situalis densitas, vel raritas est. *Et sic probatur ista conclusio*, quia in densitate & raritate inuenitur contrarietas, inuenitur intensio & remissio, vnum enim est magis densum quam aliud, inuenitur dispositio conducentis ad generationem, vel corruptionē, sicut animal si nimium, rarefiat, & intumescat, corrumpitur, si partes solidantur, conualefcit; & in diuersis partibus exigit diuersam densitatē vel raritatem, sicut ossa debēt esse densiora, quam carnes, & carnes quam sanguis, ergo conducunt ad conseruationem, & ad generationem & corruptionem. Et sicut hac ratione locus naturalis addit supra mathematicum, qualitates aliquas conseruatiuas, quia conseruat locatum, ita raritas & densitas, quia ad conseruationem, & ad generationem, & corruptionem disponunt, ad qualitatem pertinebunt. Denique sunt tangibiles per sensum, vt experientia demonstrat, ergo ad qualitatem pertinent; sicut molle, & durum, frigidum, & calidum.

Et si quæras, ad quam speciem? Resp. quod ad terciā, eo quod resultare possunt ex mixtione aliarum qualitatum, puta ex frigore, vel calore, per se etiam ordinantur ad generationem, vel corruptionem, & sensibus passionē inferunt, ergo passibiles qualitates sunt. Vnde sequitur qd alterationē per se terminare possunt, quia alteratio est ad terciā speciem qualitatis. *Nec obstat*, quod in cœlo inuenitur raritas, & densitas, quia æ-

quiuoce dicitur in cœlo & in nobis rarum & densum, vt dicit D. Tho. in 2. dist. 2. qu. 2. art. 1. ad 1. *Et constat*, eandem qualitatem posse quandoque ex diuersis causis prouenire, vel ad effectus diuersos ordinari, sicut figura aliquando resultat ex alteratione qualitatum dissoluentium partes quantitatis, aliquando sine tali alteratione ex sola diuisione per motum localem; & similiter lux in inferioribus deseruit ad generationem, & corruptionem non in cœlo: sic densitas & raritas in inferioribus deseruit ad hoc, vt res sit generabilis, vel corruptibilis, in cœlo autem vt sit actiue generans, vel corruptens, quod est æquiuocè dici, quoad hunc effectum; simpliciter tamen sunt eiusdem speciei, quia eodem modo immutant sensum quod est principale in qualitate passibili.

Quod vero aliquando detur densitas & raritas situalis penes diuersam positionē partium sine qualitate, *constat*, quia id quod pertinet ad positionem partium, & situm, est effectus huius densitatis, vel raritatis, quæ est qualitas, non repugnat autem effectum aliquem ex diuersis causis prouenire, sicut de figura diximus. Similiter ergo potest per compressionem partium, vel laxationem fieri aliquis effectus raritatis vel densitatis, qui sit situalis densitas, vel raritas sicut quando aquam, vel aerem diuidimus, tunc partes diuise non penetrantur cum alijs, sed comprimuntur, alias nō posset fieri diuiso, & hæc compressio densitas quædam est, sumpta densitate pro effectū, seu positione situali, non pro qualitate, nec requirit alterationem corruptiuam, sed motum localem, alias omnis motus localis qui sit extra vacuum exigeret alterationem producentē densitatem, aut raritatē, siquidem motus localis nō potest fieri, nisi diuidendo aliquod corpus, & partes diuise non possunt penetrari cū alijs, ergo debent comprimi, & condensari, & tamen ibi non datur alteratio, sed solum motus localis. Vnde etiam post diem iudicij dabitur motus

tus corporum præsertim gloriosorum, qui motus diuidet aerem, vel aquam faciendo dictam compressionem partium, & tamen tunc non erit alteratio physica. Si tamen talis compressio, vel laxatio partium fieret, quod etiam ad corruptionem vergeret, tunc non fieret sine alteratione, & consequenter nec sine qualitate.

Dico vltimo, De densitas & raritas non se habent ut quantitates actiua, sed passiuæ, ita tamen disponentes subiectum, ut qualitates actiuæ illis adiunctæ magis, vel minus disponantur ad operandum. Conclusio hæc deducitur ex dictis in questione præcedenti, quia raritas & densitas sequuntur ordinationem partium quantitatis, sicut figura terminationem. facit enim densitas multas partes materiæ sub parua dimensione loci, & raritas e contra, ergo sicut quantitas non est actiua, neque figura, ita neque densitas, & raritas. Vnde non videmus, quod raritas, & densitas per se solum similes qualitates producant, sed vtuntur actiuitate aliarum, v.g. calore, vel frigore etiam ad producendam raritatem, vel densitatem, lapis enim quantumcunque adiungatur ceræ, vel luto, non addensabit illa, sed mediante frigore addensantur, vel per compressionem partium, ergo densitas & raritas non sunt actiuæ. Si verò qualitas actiua recipiatur in quantitate densiori, celerius, & efficacius operabitur, ut ipsa experientia testatur, & *quest. præcedenti* diximus, quatenus partes sic addensatæ conducunt ad efficaciorum operationem, sicut etiam figura rotunda magis conducit ad motum, quam quadrata, & ad penetrandum magis acuta, quam obtusa.

SOLVUNTUR ARGV- MENTA.

Primo arguitur ad probandum per rarefactionem acquiri maiorem quantitatem, quia posita rarefactione sunt plura indiuisibilia in actu, quam antea, ergo plus quantitatis. *Consequenter patet*, quia indiuisibilia non possunt esse sine partibus, ergo additis indiuisibilibus, adduntur partes. *Ante-*
Pars II. Physic.

cedens probatur, quia posita rarefactione aquæ in vase cuius medietatem solum occupabat ante rarefactionem, postea crescit terminatio quantitatis, & correspondentia ad alia puncta, seu indiuisibilia vasis, vel loci ad quæ antea non correspondebat, ergo sunt noua indiuisibilia, nam antiqua correspondent eisdem, quibus antea, & non possunt diuersis indiuisibilibus vasis correspondere.

Confirmatur, quia per addensationem minor locus occupatur, quam antea, ergo si non diminuitur quantitas; partes illæ penetrantur. *Pates consequentia*, quia tunc quantitas maior occupat idem spacium, quod minor, ergo intra locum minorem ponuntur partes, quæ antea plus loci occupabant, ergo penetrantur in illa. *Nec potest dici* quod hoc fiat per qualitatem sic disponentem partes quantitatis, vel per nouum situm. *Nam contra est*, tum quia non pertinet ad qualitatem ordinare, & extendere partes quantitatis; si autem fiat sola situatione, non pertinebit rarum, & densum ad qualitatem: tum etiam, quia restat explicandum, quomodo ista qualitas tollat penetrationem partium, quæ modo occupant minorem locum, quam antea.

Respondetur, circa hoc argumentum diuersimode Authores sentire. *Quidam censent* tot puncta, & indiuisibilia inueniri actum in quantitate maiori, & minori, exemplo illo vulgari de circulo minori incluso in maiori, omnes enim lineæ quæ transeunt à centro ad circulum maiorem transeunt per minorem, ergo tot puncta, seu lineæ sunt in vno atque in altero. Ita *Conimb. I. de generat. capit. 5. questione 17. articul. 4.* Alij, ut Rubio censent e contra non esse tot puncta in minori quantitate quam in maiori, posse tamen eandem quantitatem cum eisdem punctis respondere pluribus, vel paucioribus punctis alterius corporis, vel quantitatis solum ratione diuersæ dispositionis, vel situationis eiusdem quantitatis, ut in illis circulis patet quia si
T ex illis

ex illis fierent lineæ rectæ extendendo ipsos circulos, tunc non omnes lineæ vnius transirent per lineas alterius, quia vna illarum excederet alteram, si tamen in circulum redigantur, quidquid transit per maiorem circulum, transit per minorem, & eadem ratione eadem puncta aquæ condensatæ, facta rarefactione correspondent alijs punctis vasis, vel loci propter diuersam dispositionem quantitatis.

Neutra tamen solutio intelligibilis est. Nam quantitas maior excedit minorem in multitudine partium designatarum, & aliquotarum, ergo debet excedere in punctis designatis, quibus partes illæ viuuntur, non enim stat ponere plures partes actu, nisi addantur plura puncta, & indiuisibilia, quibus tales partes vniuntur; & certe illud quod dicitur de duobus circulis inæqualibus, quorum vnus includatur in altero, si extendantur in lineas rectas manifeste hoc demonstrat; manebit enim linea illa circuli minoris multo minor quam linea circuli maioris, & tunc si vna ex illis iuxta aliam ponatur manifeste videbitur, quod lineæ minoris circuli non omnibus indiuisibilibus, & lineis alterius correspondent, ergo plura puncta, vel plures lineæ sunt in maiori circulo, quam in minori; ex quo etiam conuincitur, quod ratione diuersæ situationis, & positionis linearum non potest punctum vnius correspondere pluribus punctis alterius, diuersa enim positio non potest tollere naturam talium indiuisibilium, ergo si in vtraque positione manet indiuisibile vnum & idem, non potest pluribus alterius correspondere, siquidem vnum indiuisibile non potest correspondere parti, quia est illi improporionatum, ergo neque pluribus indiuisibilibus, quia plura indiuisibilia pertinent de facto ad diuersas partes, vnum enim non est immediatum alteri, ergo non potest correspondere pluribus nisi respondeat parti interiori. *Et ad argumentum* de lineis quæ ducuntur ad centrum à maiori circulo per

minorem. *Respond.* omnes illas diuisione transire per circulum minorem, sed tamen non omnes quæ inueniuntur in circulo maiori in actu inueniuntur in minori, nec est possibile quod omnes quæ sunt in maiori circulo collectiue sumptæ transeant per minorem ad centrum, nisi vna linea transeat super aliâ, licet quælibet diuisione, quæ transit ad centrum, per minorem circulum transire debeat, sed collectiue non omnes capiuntur in circulo minori, nisi vna sit super aliam, siquidem plures partes in actu, & consequenter plures lineæ, & puncta debent esse in maiori circulo, quam in minori. Sunt autem in potentia infinitæ partes, & puncta in vtroque circulo, loquendo de partibus proportionalibus, & se comunicantibus, non de partibus, & lineis in actu componentibus, vt late monstrauius in *quæst.* 15. & 20. *Physic.* Nos autem in præsentī loquimur de lineis & punctis, quæ sunt in actu, & de his dicimus non esse tot in maiori quantitate, & in minori, nec vnum posse correspondere adæquate multis.

Ad argumentum ergo factum Respond. aquam rarefactam plura puncta, & indiuisibilia habere, quam antea, non tamen plures partes, sed maiorem explicationem, & dilatationem earundum partium. Explicatio enim, & extensio partium quoad locum fit per nouam terminationem quantitatis, & consequenter per additionem indiuisibilium & punctorum, quibus fit noua terminatio, & extensio quantitatis ad locum, quia vt statim dicemus eadem pars, quæ nectitur vnico indiuisibili cum alia, potest pluribus connecti, eo quod indiuisibile inadæquate correspondet parti, & non adæquate, ideoque locum habet, vt pluribus indiuisibilibus respondeat eadem pars, & tunc dicitur dilatari, cum pluribus indiuisibilibus explicatur extensio partis in loco, tunc autem contrahitur, quando vnico indiuisibili, vel paucioribus connectitur. Et ita non est bona consequentia, sunt plura indiuisibilia, ergo plures partes, sed vel plures

res partes vel maior explicatio earundem erga locum.

Ad Confirm. Respondetur in condensatione comprimi partes non penetrari, nec occupare locum a terius quantitatis totalis, sed locum sibi adæquatum & commensuratum iuxta partium dispositionem. Quomodo autem compressio partium intelligatur sine penetratione, cum partes quæ ante diuersum spacium occupabant, modo occupent vnum difficile intelligitur. Sed omisissis alijs explanationibus, *probabilius videtur* iuxta doctrinam à nobis traditam 6. *Physicor. questione 10. art. 1. & 3.* quod punctum afficit partem lineæ non adæquatè, sed inadæquatè, quia non proportionantur adæquatè pars diuisibilis, & punctum indiuisibile, & idem est de alijs indiuisibilibus respectu suarum partium. Quia ergo quodlibet punctum afficit aliquid de parte, quia immediatè post punctum sequitur pars, quæ diuisibilis est, & non adæquatur illi, in hoc potest esse magis, & minus, vt videlicet illa entitas diuisibilis, quæ afficitur immediate ipso puncto, afficiatur magis, vel minus inadæquatè, si enim non totaliter, & adæquate illi correspondet, vtique nec indiuisibili, & vnico modo correspondet, sed potest plus, vel minus correspondere. Quare quando quantitas rarefit, non est necesse addere plures partes, vt dictum est, sed plura puncta, quia pars quæ correspondebat inadæquate vno puncto, fit correspondens pluribus, & sic laxatur. Quando autem addensatur, fit illa pars correspondens inadæquate vni puncto, cum tamen possit correspondere pluribus. Et ideo non penetrantur illæ partes, quia ad penetrationem requiritur, quod existentibus pluribus partibus distinctis secundum diuersa indiuisibilia, secundum eadem ponantur sub eodem spacio, sed si minuuntur puncta, seu indiuisibilia, & partes reducuntur, vt sint sub paucioribus punctis, tunc dicuntur comprimi, seu addensari, nec

tamen penetrantur, quia nunquam sub diuersis punctis, vel indiuisibilibus existentes, in eodem spacio ponuntur quod ad penetrationem requiritur, penetratio enim exigit quod plures partes in actu, id est, terminatæ diuersis indiuisibilibus ponantur sub eodem spacio, non autem penetratio fit per hoc, quod partes quæ antea habebant plures terminationes modo habeant vnā, & fiant partes quasi in potentia. Vnde dicit Philosoph 4. *Physicor. text. 84* quod rare fieri est, quod magna dimensio, quæ prius erat in potentia, fiat in actu, quod vtique intelligitur de dimensione quoad terminationem localem, quod fit per puncta & indiuisibilia.

Secundo arguitur, ad probandum quod rarefactio, & condensatio per se primo terminentur ad quantitatem, non ad qualitatem; nam rarum diffinitur *quod habet parum de materia sub magis dimensionibus*, densum verò è contra, vbi nulla mentio fit qualitatis sed solum dimensionis, dimensio autem, siue in ordine ad totum, siue in ordine ad locum, ad quantitatem pertinet, vel saltem ad situm. Deinde, quia videmus per rarefactionem magis explicari, seu extendi quantitatem quoad locum, ergo acquiri debet noua quantitas, nam extensio quoad locum est propria passio, & modus quantitatis, ergo noua extensio ad locum, nouam requirit quantitatem. *Denique*, quia alias quantitas susciperet magis & minus, siquidem eadem quantitate existente, magis, vel minus explicat partes substantiæ, sicut intensio albedinis consistit in hoc quod magis, vel minus se explicat in actum, & radicatur in materia, imò sicut intensio non acquiritur, nisi acquisito nouo gradu ex parte qualitatis, ita nec rarum, & densum sine noua parte quantitatis. *Confirm.* quia sine aliqua qualitate ponitur rarum vel densum, ergo superflue qualitas ponitur. *Antecedens constat*, tum quia ista qualitas raritatis non suscipitur nisi in subiecto habente partes

dilatatas, & densitas in habente partes compressas, ergo non prouenit à qualitate illa partium dispositio, seu positio, sed supponitur; tum quia posita ista dilatatione partium sine alia qualitate, intelligitur sufficienter rarefactio, ad quid ergo illa qualitas deseruit? Dilatatio enim per situationem, vel positionem partium in loco sufficienter intelligitur; tum denique, quia si extensio in loco est modus & proprietas quantitatis, non indiget qualitate, ut ab illa dimanet.

Respondetur ad principale argumentum, negando assumptum. Ad primam probationem dicitur, nomine dimensionum rari & densi non intelligi ipsam quantitatem secundum se, sed secundum commensurationem ad locum, quam eadem quantitas variare potest secundum densitatem, & raritatem. Ceterum raritas ipsa, & densitas non consistunt in hoc, quod de facto quantitas sit ita extensa, & situata, hoc enim est effectus illius, & in corpore Christi in Sacramento datur densitas, & non situatio in loco, sed consistit in tali dispositione partium, quæ petit illam situationem pro effectui. Et ita licet non fiat mentio qualitatis in definitione rari, & densi explicite, intelligitur tamen implicite, quia idem est dicere rarum est quod habet parum materiæ, ac dicere quod est dispositum habere parum materiæ sub magnis dimensionibus. Quomodo autem in speciebus Eucharistiæ detur rarefactio, & addensatio, cum nulla ibi sit materia. *Respondetur* non esse ibi substantiam formaliter, sed suppleri in quantitate, quatenus per separationem gerit vices substantiæ.

Ad secundam probationem dicitur extensionem ad locum esse propriam passionem quantitatis, sed quod sit tanta vel tanta, accidit illi, & per aliquam qualitatem disponitur, neque est necesse ut detur maior extensio, quod addatur noua quantitas, sicut etiam ut graue moueatur velocius circa finem, quam in principio, non indiget ad-

ditione grauitatis, ita quælibet quantitas ut diuersimode extendatur, & situetur erga locum, non indiget additione quantitatis, & partium, licet qualitas aliqua detur sic disponens partes, ut nouis indiuisibilibus corresponsdeant, ita quod magis laxentur, vel minus.

Ad tertiam probationem dicitur, quantitatem non suscipere magis, vel minus per hoc, quod fiat illa maior vel minor extensio, sed raritatem ipsam, vel densitatem suscipere magis, vel minus. Ipsa autem quantitas in ratione ordinandi partes extra partes, non radicatur magis vel minus in subiecto, ut illa maior, vel minor extensio fiat, quantitas enim in ratione quantitatis non potest magis radicari in eadem parte subiecti, neque accipere aliud augmentum quàm penes additionem partium, quæ non est intentio, cum non fiat in eadem parte subiecti, sed in diuersis, alias penetrarentur illæ partes. Rarefactio autem quæ magis dilatat partes non facit magis radicari, & perfici quantitatem in subiecto sed facit magis radicari ipsam raritatem, quæ est qualitas, & in ordine ad locum dilatari quantitatem.

Ad confirmationem Respondetur negando antecedens. Ad primam probationem dicitur, raritatem non subiectari nisi in habente partes dilatatas, non ante ipsam raritatem, sed per ipsam, sicut anima dicitur actus corporis organici, quod tamen per ipsam animam, & corpus est, & organicum. Nec tamen raritas petit partes esse dilatatas actu, sed solū aptitudine, sicut in corpore Christi in Sacramento habet raritatem, & densitatem sine situatione in loco. *Ad secundam probationem dicitur*, quod posita dilatatione partium quoad situm intelligitur raritas, & densitas præsuppositiue, quia qualitas, quæ est raritas, est causa illius dilatationis & situationis partium, quæ est effectus eius, si tamen aliquando detur ista situatio sine tali qualitate non erit raritas formalis, quæ est dispositio partium ordinata ad conseruationem,

vel

ARTICULVS II.

Utrum sine rarefactione, & sine additione quantitatis possit aliquid fieri maius altero?

Aliqui affirmant, citaturque pro ea sententia Durandus in 2. distinct. 18. quest. 1. Mag. Sententiarum ibi, Henricus, & alij. Et sumitur fundamentum ex dictis articulo precedenti, quia rarefactio est motus ad qualitatem non ad quantitatem vel extensionem ad locum, nisi ex consequenti: ergo poterit Dens, sine rarefactione extendere quantitatem in loco, & eam magnam facere, neque additis partibus quantitatis, neque addita qualitate rarefactiva, nam sicut materia est in potentia ad magnum, & paruum mediante raritate vel quantitate secundum agens naturale, ita per potentiam obedientialem poterit fieri maius non addita quantitate vel raritate, quia hoc solum est medium naturale seu naturalis agentis. *Confirmat.* Probabile est Deum posse ponere unum corpus in diuersis locis stante eadem densitate, ergo etiam poterit ponere illud in loco immediato sibi, & tunc continuabitur cum eo & erit maius, quia occupabit plura loca, & sine additione quantitatis, quia est idem corpus, & sine rarefactione, quia retinet eandem densitatem. *Confirm.* secundo, quia Deus fecit Euam ex costa Adami, non per rarefactionem, sic enim non esset similis carnis & ossium, si ita rareficeret, neque ex materia alia adiuncta, quia hoc debuisset esse maior, quam costa Adami, atque adeo ex illa potius diceretur facta Eva, quam ex costa, ergo &c.

Oppositam sententiam tenet San. Thom. 1. part. quest. 92. art. 3. ubi inquit: Dicere materiam multiplicari absque rarefactione, est dicere contradictoria esse simul, scilicet diffinitionem absque diffinito. & in 2. distinctione 18. question. 1. contra Mag. sent. & alios affirmat, quod est intelligibile, sine additione materie seu quantitatis fieri aliquid maius, nisi per rarefactionem. Et D. Thom.

T 3

sequun-

vel corruptionem, sed erit aliquid perti-
nens ad situationem partium ex motu loca-
li consecutum sine formali raritate, ut su-
pra expositum est. *Ad tertiam probationem
dicitur*, quod licet extensio ad locum sit
passio quantitatis, tamen quod sit tanta,
vel tanta est accidens, & pertinet ad quali-
tatem, quatenus conducit ad temperamen-
tum partium, ut melius conseruentur, vel
corrumpantur. Nec esset repugnans dicere,
quod qualitas sit passio quantitatis, sicut
patet in figura, licet raritas & densitas in
corporibus inferioribus, quatenus fiunt ex
mixtura primarum qualitatuum, non possit
sequi immediate ad quantitatem, sed me-
diantibus primis qualitatibus.

Si queramus, an rarefactio requirat motum
localem, quo fiat illa maior extensio loci
præter alterationem qua fit raritas ipsa?
Affirmant Conimb. hic quest. 17. art. 5. Cete-
rum non est necesse ponere motum localem
distinctum ab ipsa alteratione, sed hoc est
in commune omnibus motibus, seu muta-
tionibus, quæ terminationem quantitatis
attingere, vel variare possunt, quod habent
vim producendi aliquod ubi non directe,
& per se, sicut motus localis, sed consecuti-
uè, & mediatè, prout ubi sequitur ad exten-
sionem quantitatis, sicut generatio substan-
tiæ producit ubi mediatè, quatenus generat
substantiam in loco, & augmentatio pro-
ducit ubi, quatenus addendo quantitatem,
ponit illam in loco, & similiter id habet il-
la alteratio quæ laxat, vel contrahit partes
quantitatis. Quare non est necesse assigna-
re terminum à quo localem, qui deferitur;
quia non acquiritur locus seu ubi per mo-
tum localem, qui deferat unum locum, &
acquirat alium, sed per actiones variantes
terminationem quantitatis, quæ mediate
acquirunt ubi non destruendo antiquum
absolute & totaliter, sed addendo nouum;

destruunt tamen antiquum quoad

terminationem, quam
ante habebant.

sequuntur plures, qui videri possunt apud Conimbric. *cap. 5. de generat. quest. 18. artic. 1.* & Rubio in *tractatu de condensat. quest. 3.* intelligitur autem hoc de rarefactione tam secundum qualitatem, quam secundum situm seu positionem loci, ut statim dicemus. Et probatur, quia implicat intelligi quantitatem fieri maiorem sine nouis terminis quantitatis, qui antea non erant; termini autem quantitatis non sunt nisi, vel in ordine ad se, vel in ordine ad locum. Si in ordine ad se, id est ad ipsas partes secundum se, necessario additur noua pars, stantibus enim eisdem partibus, non mutantur termini intrinseci quantitatis, qui consistunt in hoc, quod est habere plures vel pauciores partes, ergo stantibus eisdem partibus, & non habendo plures quam ante, quantitas non est maior secundum ordinem partium ad intra, quam ante. Si vero mutantur termini in ordine ad locum, additur maior dimensio, seu extensio ad locum, sine additione partium, & hoc est rarefieri, quia in hoc consistit definitio rarefactionis. Itaque id quod est maius altero secundum quantitatem, in conceptu suo essentiali dicit, vel quod habeat plures partes, quam id quod est minus, vel quod correspondeat pluribus partibus loci secundum extensionem, & primum est additio quantitatis, secundum rarefactio.

Sed inquires, an dilatatio partium, vel compressio actualis in loco necessario debeat fieri per ipsam qualitatem, quae est raritas, & densitas, tanquam per medium naturaliter requisitum vel etiam essentialiter? Aliqui affirmant esse essentialiter ut Rubio in *tractatu de rarefactione, questione 3. num. 164.* & Conimbric. *hic quest. 13. artic. 2. & 3.* licet oppositum etiam probabile putent. Et cum vigetur argumentum, quia effectus formalis illius qualitatis quae est raritas non est ponere partes sic extensas, quoad situm, sed reddere corpus sic dispositum, ut illam situationem petat, ac proinde separari posse illam situationem ab illa qualitate. Respon-

dent, quod qualitas illa necessario connotat illam partium situationem, & sine illa intelligi nequit, sicut nec effectus albi sine albedine, alias posset manere densitas, quae est qualitas, corpore ipso situaliter rarefacto, & laxato, quod repugnat, non autem repugnaret si haec situalis extensio inueniri posset sine raritate quae est qualitas, haec enim sola contrariatur densitati. Sed contra hoc vigeo, quia extensio situalis, vel compressio est secundarius effectus raritatis vel densitatis, & est separabilis ab illa, ut patet in corpore Christi in Eucharistia, ubi manet densitas carnis, & ossis, aut raritas sanguinis, sine vlla extensione quoad locum, ergo si potest manere raritas sine extensione ad locum, etiam cum parua extensione manere poterit, aut densitas cum magna. Et hoc ideo est, quia raritas non dicit ipsam actualem extensionem ad locum, sed aptitudinem ad illam, quae stare potest cum opposito actu sicut grauitas cum ascensu, & aptitudo accidentis ad inhaerendum cum actuali separatione a subiecto, sic raritas quae est aptitudo ad dilatationem loci stat cum actuali compressione partium, ergo non est qualitas medium essentialiter ad actualem extensionem dilatandam, vel comprimendam, sed sine qualitate, quae est raritas & aptitudo ad dilatationem situs partium, imò cum opposita qualitate quae est densitas poterit dari illa maior situatio in loco, licet connaturaliter exigit qualitatem quando fit cum alteratione, sicut ascensus sursum potest dari in graui, non media leuitate contraria. Et ideo sine additione partium, vel raritate situali, siue cum qualitate fiat, siue non, non potest fieri aliquid maius, quam antea. Unde D. Thom. *locis supra citatis* in raro & denso non nominauit qualitatem, sed solum dimensiones, quod pertinet ad situm, alias eius ratio non concluderet, scilicet quod esset ponere definitionem sine definito, si quidem definitio raritatis, ut est qualitas non est habere actu partes materiae sub magnis dimensionibus, sed habere

habere dispositionem seu aptitudinem ad magnas dimensiones sub parua materia.

Ad rationes dabitandi in oppositum. Ad primam respondet. rarefactionem alteratiuam esse motum ad qualitatem, & ideo sine illa non inueniri, rarefactionem autem non alteratiuam posse sine qualitate inueniri, non tamen sine dilatactione aliqua situalli, quæ connaturaliter exigit qualitatem, nõ essentialiter, ideoque sine rarefactione saltem situalli vel additione partium, non poterit fieri aliquid maius, bene tamen sine qualitate. Et quando dicitur, quod materia est in potentia obedientiali ad magnum & paruum sine raritate, *negamus anteced.* quia nõ solum raritas est medium naturale, sed etiam essentialiter loquendo de raritate non solum ut est qualitas, sed etiam ut est situs, ut dictum est; est enim pertinens ad ipsam definitionem rari, ut S. Tho. dicit habere magnas dimensiones cum parua materia.


Ad primam confirmationem respond. illam opinionem à nobis non admitti, ut ostendimus. 4. *Physicor. question. 16.* sed ea data non concessa *respond.* quod si idem corpus poneretur in duplici loco immediato ita

quod non solum esset contiguum, sed continuum, hoc ipso reduceretur ad eundem locum, & non occuparet maiorem, quia esset continuum sibi ipsi, nihil autem sibi ipsi continuatum facit additionem, si autem esset contiguum, & non continuum esset duplex superficies & non vna, & sic non esset eadẽ quantitas, sed diuisa utpotè duplici superficie terminata, unde non facit maiorem rem, sed quasi duplicem.

Ad secundam confirmationem respondetur costam Adami fuisse ædificatam in mulierem per accessionem nouæ materiæ, vel factæ per creationem de nouo vel per cõuersionem alterius, ut censet D. Thom. *locus citatis.* Et *ad replicam respondet dist. illa 18. cit. ad 2.* Quod non dicitur facta mulier ex illa materia superaddita, sed ex costâ, quia costâ fuit primum mediante quo reliqua materia pertinuit ad formationem mulieris, sicut licet embrio accessione nouæ materiæ crescat, & fiat in debita quantitate, non tamen dicitur fieri ex materia accedente, sed ex semine, & prima materia, quæ se habet ut fundamentum formationis totius corporis.

Q V Æ S T I O VIII.

De nutritione, & augmentatione.



Agimus de his motibus in presenti, non quatenus ab anima sunt, & proprie competunt corpori animato. sic enim ad libros de anima spectant, sed prout fiunt cum aliqua generatione vel corruptione, & sic communiter se habent ad ipsam aggenerationem.

ARTICVLVS I.

Quid sint augmentatio, & nutritio, & quomodo distinguantur?

DVo hæc in presenti tractamus, quia inter se valde affinia sunt, quid sint augmentatio, & nutritio, & quomodo distinguantur.

Circa primum supponimus definitiones nutritionis, & augmentationis, & inquiri-

mus, an talis vera nutritio inueniatur in rerum natura: Nutritio definitur: Quod sit *conuersio alimenti in substantiam aliti.* Augmentatio: Quod sit *motus à minori ad maiorem quantitatem.* Aggeneration: Quod sit *acquisitio partialis substantiæ*, sicut etiam videmus in igne acquirente & conuertente in se partes papiri.

Igitur nutritionem aliqui negauerunt dari etiam in viuētibus, sed solam substan-

tiam in qua primo aliquid generatum est, pertinere ad substantiam viuentis eiusque partes dilatarī, non autem nouam substantiam ex alimento acquirere, sed solum cedere illam substantiam alimenti in pabulum caloris naturalis. Quæ fuit opinio Mag. sent. in 2. distinct. 30. Similiter fuerunt aliqui Philolophi antiqui, vt refert Aristot. 2. de anima text. 40. qui etiam non viuentia dicebant nutriri, imò omnia animalia dicebant virtute ignis nutriri, videmus enim ignem depascere alia corpora, & in se convertere.

Nihilominus circa hoc fit vnica conclusio. Veritas nutritio datur in viuentibus per conuersionem alimenti in substantiam aliti non tamen in non viuentibus. Prima pars est communis Theologorum, & Philosoph. eamque contra Mag. docet San. Thom. 1. parte, questione 119. articulo primo & in secundo, distinctione 1. questione 2. articulo 1. & quodbb. 8. articulo 1. Et fundamentum sumitur ex duobus. Primum, quia videmus corpus hominis crescere, & omnes illæ partes primo & per se informantur ab anima, siquidem videmus illas sentire & viuificare, sicut alia partes, ergo vel adueniunt per creationem nouæ materiæ, vel per conuersionem alimenti in ipsam vel per maiorem rarefactionem. Non per creationem nouæ materiæ, quia creatio materiæ non est opus naturæ, sed potentiæ creatiue, & sic nutritio quæ est operatio partis vegetatiue non esset opus naturale, sed excedens naturam. Si est per conuersionem, est id quod intendimus. Si per rarefactionem, sequitur, quod corpus hominis augmentati esset rarius & minus solidum, quam recenter nati, cuius contrarium ad sensum videmus. Denique probatur conclusio, quia nutritio ordinatur ad restaurandum id quod deperditur per calorem naturalem: ergo id quod restaurat, debet pertinere ad veritatem humanæ naturæ, alias non subrogaretur in locum eius, quod deperditur. Nec dici potest, quod illa prima substantia, quæ accipitur in generatione,

non tangitur à calore naturali, siquidem constat, quod est substantia corruptibilis, sicut & generabilis, ergo per alterationem mutari potest, & deperdi, sicut tandem in ipsa morte deficit, & perit, ergo potest etiam à principio illa prima substantia paulatim deperdi, & loco eius alia subrogari.

Secundæ pars conclusionis, scil. quod non viuentia non nutriantur est sententia Philo. 2. de anima text. 40. & D. Th. ibi lect. 9. & in hoc lib. 1. de generatione text. 40. lect. 17. Ratio est, quia id proprie nutriri dicimus, quod per virtutem, quam habet consumit aliquid de propria substantia, & restaurat illud per conuersionem materiæ iuxta positæ in propriam substantiam, constat autem quod hoc non inuenitur in non viuentibus, siquidem neque virtus propria rei non viuentis, v.g. ignis vel aquæ, consumit aliquid de propria substantia, sed de aliena, neque per conuersionem extraneæ materiæ restaurat deperditam substantiam, & conseruat præcedentem: ergo non habet propriam nutritionem, qualis fit per intusceptionem alimenti, & conuersionem in propriam substantiam. Inuenitur tamē nutritio quædam similitudinaria in rebus inanimatis, quatenus ab extrinseco agente contrario possunt aliquid deperdere, licet nō per virtutem propriam, & per aggenerationem aggregare sibi aliquid de materia iuxta posita, q̃ potius de se est generatio & multiplicatio quædam ex applicata materia, licet per continuationem aggregetur præcedenti.

Sed obijciat, quia nō potest restaurari substantia perditæ per calorem substantialem tum quia humidum radicale nequit restitui, vt medici docent, & similiter Theologi, qui in eo ponunt mirabile effectū arboris vitæ, quod restaurabat humidum radicale deperditum per calorem naturalem ergo nutritio ex communi alimento facta ad id non sufficit tum etiam quia alias posset homo non mori, nec infirmari ex causa naturali & tantum de alimento, & tam temperatesumeret quantum deperdit de propria

propria substantia, sic enim perpetuo sustentaretur ne periret humidum radicale. *Confirm.* ex illo *Matthæi 15. Omne quod intrat in os, in ventrem vadit, & in secessum emittitur*, ergo nihil transit in substantiam alicui, siquidem omne emittitur. *Confirm.* 2. quia ad veram nutritionem requiritur, quod anima viuentis vniatur materię alimenti conuertendo ipsum in propriam naturam, hoc autem est impossibile, præsertim in homine, quia ad hoc deberet noua vnio animæ fieri ad illam nouam partem, cum tamen tota anima erat vnita partibus præexistentibus, quomodo ergo potest mutari illa vnio ad nouam partem? & præsertim cum sit vnio spiritalis, sicut ipsa anima quomodo potest fieri virtute corporea, qualis est calor seu virtus potentie nutritiue?

Respondetur negando minorem. Ad primam probationem dicitur, quod humidum radicale potest reparari per humidum nutrimentale, sed non in eo vigore, & perfectione, qua fuit in principio, eo quod omne agens agendo repatitur, & debilitatur. In hoc autem lignum vitæ habebat excellentiam, quia habebat vim fortificandi humidum radicale contra debilitatem prouenientem ex admixtione extranei, & reddere ita purum, sicut à principio, vt docet S. Thom. 1. parte, *quest. 97. artic. 4.* Et indigeret homo sæpius sumere de illo fructu, quia habebat limitatam virtutem, nec poterat reparare debilitatem, quæ ex alimento postea sumpto proueniret, nisi iterum sumeretur. Quare homo non potest semper viuere, quia ita afficitur peregrinis qualitatibus ab humido extraneo, & nutrimentali, vt tandem humidum radicale dissoluatur, & pereat animal. Videatur D. Th. 1. part. 9. *cap. 119. supra citata ad 3. & 4.*

Ad primam confirmationem respondet. ex D. Thom. *ibidem* quod in illa autoritate ly *omne* intelligitur in sensu distributionis accommodæ, id est ex omni, quod intrat in os, aliquid emittitur; quod quadrat intentioni Christi Domini, quod ea quæ intrant

per os non coinquinant hominem, cuius ratio redditur, quia omne quod intrat, si inquinat hominem est ratione eius, quod impuritatis habet, hoc autem, quod impuritatis habet emittitur, & sic omne quod intrat non inquinat, quia quod inquinare potest, emittitur.

Ad secundam confir. respond. non esse particularem difficultatem in nutritione, sed eadem procedit in generatione hominis, quomodo vnio animæ ad corpus corporalis sit. Et dicimus hanc vnionem nullo modo esse spiritualem, quia neque ipsa substantia spiritalis sit dependens à corpore, nec ipsa vnitas totius compositi resultans vnitas spiritalis est, sed corporea, sicut & ipsum compositum, cuius est illa vnitas, nec habet fundamentum in aliqua mutatione & actione spiritali sed corporali, quia disponitur, & applicatur per alterationem materia ad talem formam, & sic si tota immutatio & dependentia, in qua fundatur ista vnio tenet se ex parte corporis seu materiæ, tota vtique corporea est. Quod vero dicitur, quomodo si tota anima est vnita corpori possit alijs partibus etiam tota vniri. *Respond.* quod anima est virtualiter multiplex, licet entitatiue indiuisibilis, & sic potest esse vnita tota, sed non totaliter, nec omni modo quo communicabilis est, nec explicata in omnes partes, quibus potest de nouo communicari, sicut de intentione formarum diximus *supra quest. 4.*

Secundo obijcies ad probandum, quod etiam non viuentia augeantur, quia ignis adhibito combustibili, & vinum ad mixtā aquā per propriam virtutem conuertunt illa in propriam substantiam, ergo nihil deest, quo minus dicantur augeri. *Si dicatur* deesse aliquas condiciones augmenti, scilicet quod secundum omnes partes augeatur viuentis, & quod hoc fiat per intus susceptionem non per iuxta positionem. *Contra est*, quia etiam prima conditio reperitur in non viuentibus, vt cum vinum miscetur aqua, omnes partes eius ab aqua tanguntur, quia

omnis eius virtus debilitatur. Secunda etiam conditio non deest, quia lapis, verbi gratia vel ferrum, & alia metalla intra poros suscipiunt aliqua corpora, quæ conuertuntur in ipsa; præter quam quod ista conditio non videtur necessario requisita ad augmentationem, si enim motus localis, & alteratio, sunt veri motus, etiam si fiant ab extrinseco, eorum solâ augmentatio petit ab intrinseco fieri, & per intusceptionem? Vnde Diu. Thom. 2. de anima lect. 8. aperte dicit in elementis solum ignem nutriri.

Respond. Hæc omnia non sufficere ad nutritionem proprie dictâ, licet sufficiant ad impropriâ, quæ in re est generatio & multiplicatio alicuius ex materia sibi cõuncta per accidens autê, quia res genita propinqua est generanti, & illi fit continua, videtur augeri res inanimata. Ad propriam autem augmentationem, ut distinguitur a virtute generatiua, requiritur, quod per se primo aliquid immutetur, & conuertatur loco partium quæ deperditæ sunt ex ipsa virtute intus depascente proprias partes, & sic intus suscipiente ad restaurandum illas. Et hoc non inuenitur in non viuentibus. *Nec obstat*, quod ignis videtur aliquid deperdere & aliquid acquirere, ut cum alpergitur aqua vel oleo, guttæ illæ aliquid de igne extinguunt, & rursus ignis ille oleum vel aquam ipsam in se conuertit. *Respond.* enim, quod hæc deperditio & acquisitio fit propter mutuam actionem & reactionem, non autem propter specialem rationem nutritionis, hæc enim non consistit solum in deperditione, & acquisitione, quæ nascitur ex cõmuni ratione actionis, & reactionis, sed ex eo quod aliquid per virtutem propriam agat in partes suas, easque depascat, & in earum subrogationem per intusceptionem aliquid in se conuertat. Vnde si in non viuentibus inuenitur conuersio alienius in propriam substantiam etiam si intra poros eius ingrediatur (licet communiter fiat per iuxta positionem extrinsecam) tamen hoc non fit propter virtutem restauratiuam

deperditi, sed generatiuam, & agentem in quodcumque sibi approximatum vel iuxta positum, atque ita in non viuentibus generatio rei proximæ, & si illi continuabilis, facit per accidens, quod per se, & propriè nutritio in viuentibus. Et licet alij motus non semper petant fieri à principio, & virtute intrinseca, augmentatio tamen id petit, quia est motus vitalis, & nutritioni coniunctus, & ordinatus ad restorationem partis intrinsecæ, quæ fuerat deperdita à propria virtute.

Ad locum D. Thom. dicimus loqui de nutrimento improprio, & similitudinario, qualis fit per generationem rei approximata, & continuabilis cum generante, licet id in igne magis appareat propter actiuitatem fortio rem in materiam sibi appositam. Et non dixit D. Thom. absolute ignem nutriri, sed quod est in eo similitudo augmenti & nutrimenti, & videtur nutriri.

Distinctio augmentationis à nutritione.

Circa secundum punctum in titulo articuli propositum, dubium est, an sint motus, & actiones distinctæ realiter augmentatio & nutritio, ita quod augmentatio, ut tendit ad quantitatem sit distinctus motus realiter à generatione. De quo egimus in 1. *Physicæ. quæstion. 19. art. 3.* Vbi ostendimus ad quantitatem dari per se motum distinctum à nutritione. In præsentī ergo vberius explicanda est ista distinctio. Et supponimus, non loqui de augmentatione largo modo, prout respicit, quodcumque augmentum in quocumque genere, siue qualitatis, siue quantitatis, sed specialiter in genere quantitatis, & non de illo augmento quod fit per rarefactionem, sed quod fit per additionem partium non solum per iuxtapositionem, quod in re fit per veram generationem, sed quæ fit specialiter in viuentibus per motum à minori ad maiorem quantitatem per intrinsecam virtutem. De hac inquirimus an sit distinctus motus à nutritione, quia illa tendit ad quantitatem, ista ad substantiam.

Multi ergo negant ad quantitatem dari per se motum ex duplici principio inducti. Primo, quia existimant quantitatem semper se habere ut propriam passionem corporis, siue partialis sit, siue totalis, ac proinde non terminare actionem aliquam seorsum ab ipsa productione corporis, eo quod propria passio nunquam producitur distincta actione a productione essentiae, ad quam consequitur, sicut etiam ipsa quantitas totalis, quando producitur, ut consecuta ad primam generationem substantiae. Secundo, quia existimant quantitatem immediate inherere materiae, & sic transiente materia de vna forma ad aliam, etiam quantitas transit, ergo non requiritur motus distinctus productivus quantitatis, sed sufficit actio uniens formam materiae, & consequenter quantitatem unius, quantitati alterius. Solum ergo faciunt augmentationem motum per accidens, id est ratione alterationis adiunctae non per se, & ratione quantitatis, quam producat, quia haec non acquiritur, sed supponitur in materia, atque adeo quando vna quantitas additur alteri, solum producitur aliquod indivisibile uniens illas, sicut etiam nutritio in nobis solum producit unionem animae ad novam partem materiae. Denique Aristot. in hoc lib. de generat. tex. 41. inquit: Quod nutritio, & accretio est idem, ratio autem diversa.

Accumulatur autem nova difficultas ex alio capite, quia in nostra sententia substantia secundum se non habet partes, sed solum per quantitatem, ut docuimus in Logica q. 16. art. 1. & in Physica q. 20. ar. 2. ergo substantia ut distinguitur a quantitate non potest terminare nutritionem, siquidem nutritio non est ad totam, & integram substantiam, sed ad partem, hanc autem non habet substantia nisi per quantitatem, ergo non est alia actio terminata ad partem substantiae, & ad quantitatem, quia per illam substantia habet rationem partis.

Nihilominus opposita sententia communis

est inter Philosophos, ut testatur Rubio hic tractatu de augmentatione q. 2. & Carmelitani diff. 5. q. 1. Et quidem augmentationem esse vere & proprie motum, terminarique ad quantitatem, perpetuo docet Arist. qui tres species motus nominavit, alterationem, augmentationem, & lationem, ut constat 5. Phys. cap. 2. & in postpraeedicamentis cap. de motu inter alias species motus numerat accretionem, & decretionem, idque etiam probauimus & defendimus in q. 19. Physic. art. 3. Nunc solum restat probare, quod augmentatio a nutritione distinguatur. Quod aliqui probant, quia distinctum est subiectum nutritionis, scilicet ipsa materia alimenti ex quo fit noua pars substantiae, & subiectum augmentationis, in quo ponitur quantitas. Alij ex distinctione termini primarij vtriusque, quia nutritio est ad substantiam, augmentatio ad quantitatem. Alij ex operatione nutritionis, quia potest fieri nutritio, & impediri a Deo resultantia nouae quantitatis, & sic separabitur nutritio ab augmentatione. Sed tamen istae rationes inefficaces sunt nisi aliquid addatur, quia in ipsa generatione substantiali instari possunt, nam forma producitur in materia, quantitas vero, & propriae passionis in ipso composito, similiter distinctus terminus est ipsa substantia, & propria eius passio in ratione rei productae, potest etiam impediri ne resultet propria passio a natura quando generatur, & tamen negari non potest, quod eadem actione generatur natura, & producitur propria passio consequens, ergo similiter posset aliquis dicere quod producitur eadem actione substantia partialis in nutritione, & quantitas partialis tanquam quid consecutum ad illam, non obstante quod sint distincti termini entitativi, & habeant distinctum subiectum, &c.

Quare aliter probanda est conclusio posita sicut probauimus in quaestione 19. Physicorum citata. Et est duplex ratio. Prima, quia quantitas partialis non est obiectum augmentationis absolute loquendo, sed sub

ratione augmentata, & crescentis, ad quod non sufficit productio nouæ partis substantiæ, quæ nutritur, & quantitas, quæ ad illam sequitur, sed quantitas ut superaddens præexistenti, ad quod requiritur, quod ita acquiratur quantitas, quod plus acquiratur de illa, quam deperdatur, & quantum ad istam formalitatem non est propria passio, sed accidens, & petit fieri distincto motu, nec enim hoc semper conuenit quantitati. *Et hinc sumitur secunda ratio*, quia augmentatio non durat tantum, quantum nutritio, nutritur enim animal quamdiu uiuit, & in omni nutritione sicut acquiritur noua pars substantiæ, ita & noua quantitas partialis; augmentatio autem non durat per totam vitam, nec enim semper animal crescit, licet semper nutriatur, ergo signum est, quod ad augmentationem non sufficit noua nutritio, nec sola emanatio quantitatis partialis, quia hoc totum inuenitur in omni nutritione, nec tamen inuenitur semper augmentatio, ergo aliquid amplius requiritur ad augmentationem, quam emanatio partialis quantitatis; hoc autem non est aliud quam respicere quantitatem ut crescentem, & super addentem ad aliam, sub hac enim ratione non est quantitas propria passio, nec sola actione nutritionis fit, sed nouam actionem, seu mutationem requirit, nutritio enim solum respicit nouam partem substantiæ, & ex consequenti nouam partem quantitatis prout emanat ab illa, augmentatio autem respicit quantitatem ut maiorem; est enim motus à minori ad maiorem quantitatem, illa autem formalitas maioris, & minoris non est in quantitate propria passio, sed aliquid accidentale, & ideo quantitas ut stat sub illo respectu, & formalitate terminare potest nouum motum. Et hæc ratio probat, quod non solum per accidens, & ratione alterationis, sed per se & ratione quantitatis habet terminare motum, quia habet fundare illam formalitatem secundum rationem maioris, & minoris.

Ex quo manet explicatus formalis terminus nutritionis, nec enim est sola unio, sed ipsamet forma substantialis, non sicut in generatione, scilicet ut totaliter, & de nouo introducta in totam materiam, sed ut de nouo applicata, & informans partem inadequatam materiæ. Comparatur autem nutritio ad aggenerationem sicut aliquid specificum, & particulare ad genericum, & commune, quia aggeneratio est sola acquisitio substantiæ siue fiat in uiuentibus, siue non, nutritio autem solum est vitalis acquisitio substantiæ, sicut generatio communiter dicta est aliquid superius ad generationem vitalem. Augmentatio autem dicit pro formali termino quantitatem, ut maiorem modo explicato, & statim explicando.

Ad fundamenta opposita respondimus quæst. 19. citata, & ostendimus, quod quantitas licet secundum se sequatur ad corpus partialiter, vel totaliter tanquam propria passio, tamen in quantum maior, & ut crescens, sic non est propria passio, sed requirit specialem mutationem, qua plus acquiratur de quantitate, quam deperdatur. Si respondes, quia quantitas ut maior, vel minor solum addit relationem maioris, vel minoris, ad relationem autem non datur per se motus. Respondetur, quod quantitas ut maior formaliter importat relationem, & sic non potest terminare per se motum, fundamentaliter autem dicit formalitatem aliquam ad quam potest per se dari motus, sic enim est quantitas ut coniungenda præcedenti sine tanta, vel maiori de perditione, sic enim fit motus à minori ad maiorem quantitatem, quod non potest per solam nutritionem fieri secundum se, quia licet semper partem quantitatis attingat, non tamen semper acquirit illam cum fundamento augmenti, & maioritatis, id est, cum coniunctione nouæ quantitatis sine de perditione antiquæ. Quod uero dicitur materiam esse subiectum quantitatis independentem à forma, hoc omnino negamus, ut ostenderetur inf. quæst. 9. materia

materia enim solum se habet vt subiectum quo inhaesionis tanquam ratio recipiendi, non vt ratio actualitatis sustentatiuæ, nec quæpitas sequitur materiam nudam, sed ratione formæ corporeitatis.

Ad authoritatem Philos. resp. ex D. Thom. citato loco de Gener. lect. 17. Aristot. loqui de nutritione, & augmentatione ex parte materię circa quam versantur, quia ex eodem alimento aliquis nutritur, & augetur quantum diu augmentatio durat, non tamen loquitur de augmentatione, & nutritione pro ipsis actionibus, quasi sint eadem actio, vel mutatio, nam circa eandem materiam possunt diuerse actiones, seu mutationes versari secundum diuersam formalitatem. Præterquam quod frequenter Aristoteles dicit aliqua esse ratione diuersa, id est, essentia, & diffinitione, seu formalitate, & sic intelligitur in præsentī, non autem ratione, id est, solum per intellectum.

Ad vltimam difficultatem dicemus articulo sequenti.

ARTICVLVS II.

Quomodo intelligatur nutritio fieri ad partes substantię?

HÆc difficultas currit in nostra sententia quam tradidimus in Logica quest. 16. art. 1. & in Physica quest. 10. art. 2. quod substantię non conuenit habere partes formaliter, nisi per quantitatem, ex se autem solum radicaliter, & tamen constat ex dictis quod nutritio terminatur formaliter ad substantiam non totalem, sed partialem.

In præsentī ergo breuiter fundamentum quod in citatis locis posuimus resumendum est. Denegamus itaque partes formaliter ipsi substantię, & solum concedimus illi radicaliter; per quantitatem autem dicimus constitui partes formaliter in esse, & formalitate partis, quia formalitas partis requirit diuisibilitatem, & ordinationem, qua vna ponatur extra aliam, & addat aliquid ad aliam, si enim est intra illam & non coordinata, & extra, manebit penetrata &

confusa cum illa, vnde omnes partes reducuntur ad carentiam diuisibilitatis, neque enim potest aliquid diuidi, nisi accipiendo vnum, & relinquendo aliud, vbi autem omnia sunt confusa, & penetrata intra alia, non sumitur vnum, quin tollatur aliud. Si ergo substantia ante quantitatem haberet partes sub formalitate partium, id est, vt ordinatas, & diuisibiles in ordine ad se, licet non in ordine ad locum, & hoc substantialiter haberet, & non mediante aliquo accidenti, oporteret quod illæ partes substantialiter non se totis, sed penes extremitates, seu indiuisibilia vnirentur. Si autem per indiuisibilia vniuntur, ergo habet substantia sufficiens principium impenetrationis ex vi vnionis substantialis partium, & sic superfluit quantitas, siquidem proprium quantitatis est extendere partes resistendo penetrationi, non quidem actualiter, quia diuina virtute possunt duæ quantitates penetrari, sed secundum aptitudinem, sicut accidens petit inherere aptitudinaliter. Sequela probatur, quia si in substantia ante quantitatem vnirentur cū formalitate partium, quæ est ordinatio, & diuisibilitas in ordine ad se, ergo sine confusione, & non se totis vnirentur, confusio enim opponitur ordinationi, ergo nulla pars quantumvis minima est intra aliam, nec se tota vnitur alteri, ergo debet vniri per aliquid indiuisibile, seu per extremitatem, quia si per aliquid diuisibile, aliquid illius esset intra alteram, ergo si omnino est extra per aliquid indiuisibile vnitur. Si ergo dantur indiuisibilia substantialia, vt partes ordinentur inter se, & non penetrantur, nec se totis vniantur, ergo habent in se sufficiens principium resistendi penetrationi tum inter se, quia non se totis vniantur, tum corpori contiguo, & propinquo, nec enim stat, quod aliquid resistat penetrationi partium inter se ne confundantur, & non resistat corpori contiguo, ne penetreretur, quod enim sufficit ad impenetrationem continuitatis, sufficit ad impenetrationem contiguitatis. Et præ-

tertium, quia si datur indiuisibile substantiale continuatum partium, etiam dabitur terminatum, ut in eo subiectionetur indiuisibile quantitaris terminatum, quia non potest in hac sententia in partibus subiectionari, ergo sicut indiuisibile substantie continuatum facit, quod partes continuatae non penetrantur inter se, nec se totis vniuntur, ita indiuisibile substantie terminatum faciet, quod cum alio corpore contiguo non penetraretur, sed maneat indiuisibile terminatum iuxta indiuisibile alterius corporis quod est non penetrari, nec se totis coniungi.

Dices, ergo substantia materialis quantum ad id quod entitatis substantialis est, tota est sub tota quantitate, & tota sub parte, non autem pars sub parte, & tota sub tota quantitate, hoc autem est contra ipsum effectum formalem quantitatis, quia quantitas extendit partes substantiae, & ordinat illas vnam post aliam, ergo facit quod pars substantiae sit sub parte quantitatis, & tota sub tota. *Sequela vero probatur*, quia si ita est, quod pars substantiae correspondet parti quantitatis, & non tota cuilibet parti, ergo iam ex parte substantiae, & quantum ad id quod substantiale est, datur distinctio partis a parte, quae non potest formaliter a quantitate provenire, quia quantitas accidens est, illa autem ratio partium substantiae in ratione substantiali accidentalis non est, ergo eueritur fundamentum allatum, quod substantia non habet ex se partes substantiales, siquidem subtracta quantitate, non solum accidentales habet, quae sunt quantitatis, sed etiam substantialis eis correspondentes.

Respondetur. In hoc latere æquivocationem, & posse esse differentiam in modo loquendi. Oportet enim distinguere, quid habeat substantia secundum se remota quantitate, quid formaliter habeat per quantitatem, quid denique exerceat substantialiter, supposita tamen quantitate ut conditione. Nam substantia secundum se, & remota quantitate, non habet formalitatem

partium, quia remouetur principium diuidendi, & distinguendi partes ut ordinatas, & sub formalitate ordinationis, quae vna est extra aliam. Ex ipsa autem quantitate formaliter solum habetur accidentalis distinctio partium, quia effectus formalis non potest excedere suam formam. Ex ipsa autem substantia posita quantitate ordinante, & distinguente accidentaliter tanquam conditione, resultat unio substantialis partium sic ordinarum, sicut quando per quantitatem fit diuisio, ex ipsa materia resultat incommunicabilitas, & indiuiduatio substantialis, ut *infra* dicemus *quest. 9.* *Ratio autem est*, quia si posita diuisione quantitatis non solum accidentaliter, sed etiam substantialiter differunt, alias Petrus, & Paulus non essent duo indiuidua substantialiter diversa, ergo quando fit continuatio & unio quantitatis ad quantitatem, etiam substantialiter partes vniuntur, alias illud compositum ex partibus non esset vnum totum substantiale, sed substantialiter essent duo, & accidentaliter vnum, & sic quando indiuiduum augmentatur, & non maneret idem indiuiduum substantialiter, ergo necesse est, quod supposita unitate quantitatis inter partes, fiat etiam unio substantialis inter ipsasmet partes, ut illud indiuiduum substantialiter sit vnum. Vnde D. Thom. in 3. dist. 13. *quest. 2. art. 2. quest. 2.* dicit: *Quod in corpore naturali inuenitur triplex unio membrorum ad inuicem. Prima est secundum conformitatem naturae, quia omnia membra constant ex similibus partibus, & sunt vni rationis, sicut manus, & pes ex carne, & osse, & sic dicuntur membra vnum sicut genere, vel specie. Secunda est per colligationem eorum ad inuicem per nervos, & iuncturas, & sic dicuntur vnum continuatione. Tertia est secundum quod diffunditur vitalis spiritus, & virtus animae per totum corpus. Quarta est secundum quod omnia membra perficiuntur per animam, quae est vna numero in omnibus membris.* Ecce quomodo D. Thomas in ipsis membris quae utique sunt partes integrales distinguit unionem per modum

dum continuationis, quæ sine dubio est quantitatis, ab vnione quæ est secundum conformitatem naturæ, quæ est vnio substantiæ, siquidem in substantia conformantur partes naturæ. Similiter in *questione de Anima artic. 10. ad 16.* dicit: *Quod anima est forma substantialis corporis dans esse, & speciem toti, & partibus, & totum ex partibus constitutum est vnum simpliciter*; & loquitur de partibus integralibus ipsius corporis, de quibus procedebat argumentum, & loquebatur in articulo. Sentit ergo D. Thom. partes ipsas vniri substantialiter, & tanquam extrema vnita constituisse totum faciendo vnum simpliciter, quod vtrique est substantiale.

Ex quo colligitur, partes quæ in nutritione, vel augmentatione adueniunt, non fieri vnum substantialiter per identificationem vnus partis cum alia, nam ea quæ physice identificantur, separari non possunt nisi ablata identificatione, hæc autem tolli non potest per ablationem vnionis, & compositionis, siquidem non datur in illa sententia; neque per ablationem alicuius modi, quia non est identificatio illa rei cum modo, nec enim modus aliquis in substantia aduenit per aduentum partium, quis enim est iste substantialis modus? Ergo non potest modalis identificatio in substantia dari. Si autem identificatur realitas substantiæ cur non poterit separari, & tolli vnum non ablato alio? si autem separari possunt, vt de facto separantur, non datur identitas, sed vera compositio in vno esse, sicut inter materiam & formam, quæ possunt separari. In partibus autem integralibus fit separatio etiam substantialis, vt cum diuiduntur partes, & resultant diuersa indiuidua; ergo quando coniunguntur, non erant identificata, sed vnita, quia separabilia; nec per identitatem vnum, sed per compositionem, nec enim vnitas identificationis addit super vnitatem compositionis nisi quod ista est ex extremis separabilibus, illa caret extremis, & ita non habet aliquid separabile, sed idē.

Et mirum est, quod cum materia & forma componunt vnum non identificantur, sed vniuntur, & tamen sunt partes essentielles physice, partes autem integrales non vniuntur, sed identificantur, cum tamen dicat D. Thom. ordinari ad vnum totum constituendum *quest. de spirit. creat. art. 4. ad 14.* Quare facta additione partium, & distinctione earum secundum quantitatem, etiam fit vnio substantialis inter ipsas partes sic quantitative distinctas, & continuatas, sicut facta diuisione, & separatione, fit etiam distinctio substantialis, & non solum accidentaliter inter indiuidua.

Nec obstat, quod aliquando S. Doctor videtur asserere, quod formæ aliquæ, seu naturæ habent hanc totalitatem partium per accidens, & ratione quantitatis ratione vero essentia, seu substantiæ totum est in toto, & totum in parte, vt patet in 1. *part. quest. 75. art. 8. & 2. cont. Gent. cap. 72.* & alibi sæpe, imò in 3. *ad Anibal. distinct. 21. art. 1. ad 4.* dicit quod in diuisione continui non fit omnino nouum corpus licet vnum diuidatur in multa. Respondetur, sensum D. Thom. esse, quod tota forma, & substantia est in qualibet parte si sumatur secundum modum substantiæ sine quantitate; posita tamen distinctione partium per quantitatem, non negat D. Thom. fieri vnionem, & compositionem substantialem, non autem solam identificationem, sicut etiam fit substantialis diuersitas, si fiat diuisio per quantitatem. Et quando dicit, in diuisione continui non fieri omnino nouum corpus, licet vnum diuidatur in multa, sensus est manifestus, quod non fit nouum corpus nouitate generationis ex materia, bene tamen nouitate multiplicationis, & diuisionis corporis, quia modo ponuntur in actu, quæ ante erant in potentia multa, & vnū in actu. Quare ante diuisionem non sunt plura in actu pluralitate existentia, & diuersi esse, sunt tamen plures partes substantiales pluralitate extensionis, & continuationis, quæ formaliter fit per ipsam quantitatem ordinantem par-

partes, & continuantem, ea tamen continuitate posita, fit substantialis unio inter ipsas partes quatenus facta distinctione per quantitatem, illa entitas substantialis, quæ subijcitur parti quantitatis, inadæquate comparatur ad totum substantiale, & diuisibilis, & separabilis est ab illo, & propterea indiget uniri & componere cum altera entitate sibi adiuncta, & hoc est dari unionem, & non identificationem inter partes substantiales, supposita tamen distinctione facta per quantitatem.

Ex hoc autem patet ad argum. cuius occasione hæc omnia dicta sunt, sc. quomodo per nutritionem acquiratur pars substantiæ, cum rationem partis habeat à quantitate. *Dicimus enim*, quod per nutritionem acquiritur pars substantiæ, sed tamen affecta quantitate, & ita ex quantitate, qua est affecta habet formalitatem partis; ex se autem solum radicaliter est pars, & per nutritionem formaliter, & directe non acquiritur formalitas partis, quæ est quantitas, sed entitas substantiæ inadæquate se habens ad totum, quæ radicaliter est pars, & subijcitur illi quantitati, à qua habet formalitatem partis; & rursus per nutritionem, illa entitas quæ habet formalitatem partis secundum quantitatem, trahitur ad esse totius per veram, & substantialem compositionem, & unionem tanquàm entitas inadæquate participans esse totius, & consequenter non ut totum, sed ut componens totum compositione substantiali, licet coordinationem, & formalitatem partis habeat per quantitatem. Itaque sicut generatio directe producit substantiam totalem, & indiuiduam licet in ratione diuisionis, & designationis à quantitate dependeat, & sub ea indiuiduetur, ita aggenerationis, seu nutritio respicit directe substantiam partialem, licet formalitas partis à quantitate dependeat ordinante, & continuante partes, sicut indiuiduatio dependet à quantitate ut diuidente & separante. Plura de hoc videri possunt *citato loco. Logica, quest. 16. & q. 20. Physic.*

ARTICVLVS III.

In qua actione consistat formaliter nutritio, & ubi resideat nutritiua facultas?

Plures actiones concurrere ad nutritionem, & augmentationem certum est, quarum aliquæ sunt præuix; aliæ consummatiuæ; sicut etiam in generatione animalium plures præcedunt actiones, non solum disponentes, sed etiam formas inter medias generantes, quousque deueniatur ad ultimam, in qua generatur ipsum animal. Cum ergo nutritio ad hoc tendat, ut alimentum conuertat in substantiam aliti, & alimentum à principio sit valde dissimile, eget pluribus alterationibus & decoctionibus, quousque assimiletur ipsi viuenti, & in eius substantiam conuertatur. Similiter cum substantia ipsa animalis habeat tot & tam diuersas partes, quæ diuersa indigent mutatione alimenti, sicut aliter nutritur caro, aliter nervus, aliter ossa, aliter fit sanguis, aliter spiritus, aliter semen; oportet varias esse actiones, quibus alimentum distribuatur, & nutritio fiat.

Breuitè autem (quia res ista magis ad Medicos pertinet) proponemus mutationes, quæ in alimento requiruntur, quousque totaliter conuertatur in partes solidas. Igitur antequam alimentum exuat formam inanimatam, & induat formam viuentis, præcedunt duæ mutationes, altera in ore animalis, altera in ventriculo antequam transcat in formam sanguinis. In ore fit mutatio masticando, & conterendo cibum, alteratio autem fit per ipsam saliuam, & humorem oris quæ ad alterandum cibum plurimum valent; ut docet Galen. *lib. 1. de simplicib. c. 6.* In ventriculo autem, qui habet substantiam nervosam, membraneam, fibrisque contextam ut facile contrahi, & dilatari possit, congregatur cibus deductus per fauces, & ibi fouetur calore ventriculi, sicut in lebere ad ignem res concoquuntur, quousque fiat ex alimento ibi posito massa quadam liquida, quæ vocatur chylus, estque albi coloris, & ibi

& ibi fecernitur, quod impurum & grossum est ab eo, quod est magis purgatum, & succus ille magis defecatus per venas quasdam, quas melsaraicas seu mesenterij vocant, deferretur ad iecur, ut ibi transmutetur in sanguinem, quod verò crassum & excrementitium est, ad intestina detruditur, ut foras mittatur.

Deducto alimento in forma illa liquida à ventriculo ad iecur, transiit ibi in sanguinem maiori virtute & calore decoctus, & depuratus, & ideo non potuit ista decoctio fieri in ventriculo, quia perit maiorem calorem & virtutem, ut magis purificetur transeunde in formam sanguinis. In illa autem massa sanguinaria in iecore facta, refluunt etiam alij tres humores, scilicet flava bilis seu cholera, atra bilis seu melancholia, & pituita seu phlegma, de quibus videri potest, Galen. 2. de naturalib. facultatib. cap. 9. & lib. 4. de usu partium, cap. 3. An vero sanguis induat formam viventis, licet respectu partium solidarum adhuc habeat esse alimentum proximum dicemus statim.

Ex iecore fit multiplex & varia distributio tam sanguinis quam aliorum humorum in varias partes corporis, & receptacula. Nam imprimis natura separat choleram, & melancholiam, quæ ad nutrimentum aptæ non sunt, & emandat choleram ad folliculum fellis ipsi iecori vicinum, melancholiam ad splenem, pituita vero simul cum sanguine miscetur per corpus & venas, quia facile in sanguinem mutatur. Quod si ex atra, aut flava bile non fiat discretio, sed pariter cum sanguine inuoluatur per venas inde confurgit ægritudo, & mala animalis dispositio. Alius vero humor fecernitur ex iecore, qui cedit in lotium, seu urinam, sed quod à ventriculo descendit ille humor cum massa alba seu chilo, quasi eius vehiculum, & quia amplius non deseruit conuersa illa massa in sanguinem, redundat in urinam & foras emittitur. Scio aliquos negare, quod omnes quatuor humores fiant in hepate, sed solum sanguinem, cui cognata est hepa-

tis conditio, quæ eiusdem coloris est. Sed tamen quod diximus, cõmuniter sentit Medicorum schola, cum Galeno 2. de facultatibus cap. 1. tum propter experientiam, quia inueniuntur simul omnes quatuor humores in iecore ante massæ discretionem, tum quia virtus quæ est in iecore sicut habet efficaciam ad conuertendum materiam sibi ministratam à ventriculo in sanguinem, ita in reliquos humores, qui non sunt maioris perfectionis, nec maiorem decoctionem requirunt.

Sanguis autem, qui nutriendo animali deseruit, bifariam ex iecore diffunditur; pars trahitur ad cor ut ibi formentur spiritus vitales, qui purissimus, & delicatissimus sanguis sunt, & ad cerebrum, ubi spiritus animales generantur, qui ad functiones partis sensitivæ, & sensui operationis deseruiunt. Pars deriuatur per venas quæ varijs ramulculis totum pervadunt corpus, ut ipsi nutriendo deserviat. Et primum ab ipsis venis fugendo attrahitur sanguis, deinde à partibus adhaerentibus per poros; adiungiturque ipsa pituita, quæ cum sanguine fertur ut perlabatur per venas, & per totum corpus. Et denique sanguis positus in poris, transit à forma liquida in solidam, siue in carnem, siue in ossa, aut nervos, & similia; & tunc consummatur tota nutritio, quia pars solida non amplius deseruit pro nutrimento, sed solum est pars nutrita; sanguis autem licet sit pars nutrita ex alimento externo, seruit tamen tanquam alimentum internum pro parte solida nutrienda.

Denique sanguis attractus ad cor maiori virtute decoquitur, ita ut purissimus evadat, suntque spiritus vitales ad pulsationem requisiti. & ad functiones vitæ, quia in eis præcipue residet calor vitalis, siquidem à corde non poterat calor derivari, nisi per aliquem liquorem seu humorem; in quo talis calor vivificus insideret; & sicut calor ille est purior, & validior, ut potè ab ipso principio vitæ profectus, ita maximè depurat, & attenuat ipsum

sanguinem, in tantum, quod spiritus mortuo animale euanescent propter tenuitatem suam. Similiter quia cerebrum est principium vite sensitivæ, sanguis eo delatus per venas, maxime purificatur, fiuntque spiritus animales, quibus calor ad sentiendum requisitus ad sensus, & ad nervos defertur, & in istis spiritibus insident imagines, seu species, siquidem dormiente animali per commotionem spirituum, variz formæ offeruntur, quæ somnia efficiunt. Scio Aristot. sentire, sanguinem non in iecore formari, sed in corde; in eoque etiam effici spiritus, tum vitales, tum animales, quia putat cor esse principium vite sensitivæ. Medici tamen censent officinam sanguinis esse iecur, ibique formari, tum ipsum, tum alios tres humores, quia iam ibi habet colorem rubeum, & inde distribuitur per venas, in quibus verus sanguis inuenitur. In corde autem generari non sanguinem absolute, sed purissimum qui sunt spiritus vitales, in capite autem fieri animales. Hæc sufficit breuiter delibasse pro intelligendo artificio nutritionis. Plura de his apud Medicos videri possunt, & apud Combric. *super cap. 5. de Generat. quest. 3. Rubio tract. de augment. quest. 1. & 2.*

His positis, restat explicandum. an nutritio solum consistat formaliter, & proprie in illa ultima conuersione, qua alimentum internum conuertitur in partem solidam, an etiam in illa conuersione, qua alimentum externum conuertitur in sanguinem & humores, quod dependet ex illa celebri questione, an sanguis informetur ipsa anima, vel tantum sit humor nutritivus. ex quo etiam deducetur in qua parte tanquam in subiecto sit facultas nutritiva. Quomodo vero in ipsis poris fiat nutritio, & aliorum humorum emissio, dicemus *infra articulo 5.*

Ad hanc ergo questionem dico primo: *Nutritionem ibi proprie, & formaliter inueniri, vbi alimentum transit in partem solidam, i: a quod non amplius remanet alimentum, sed*

alium, & nutritum & imperfecte tamen, & inchoatiue inuenitur nutritio in ipsa sanguinis & humorum formatione, iuxta sententiam quam statim approbabitur, quod sanguis animatur. Itaque de actione nutritivæ loqui debemus sicut de generatiua in viventibus, sicut enim generatio non perficitur vnica actione, sed pluribus, quæ per diuersas formas transeunt vsque ad vltimam, in qua consummatur generatio, vltimam formam introductam, vt explicat S. Thom. *quest. 3. de Potent. ar. 9. ad 4.* constat enim quod prius disponitur materia, seminis, & sanguinis, & efformantur membra, & introducit forma embryonis, & tandem forma animalis perfecti; ita in nutritione prius alimentum diuersis dispositionibus transmutatur, & diuersas formas substantiales induit, nec enim eadem forma substantialis, quæ erat in pane, vel in alio cibo, manet in massa liquida, quæ fit in ventriculo, & multo minus in sanguine. Specialiter autem cum nutritio essentialiter habeat fieri ex alimento, oportet quod ibi consummetur nutritio, vbi consumitur alimentum, transitque in rem alitam, tunc autem transit in illam, quando non amplius manet nutrimentum, si enim nutrimentum in apte, adhuc non est consummatum nutritum, sed nutritibile, restatque aliquid transmutandum, vt pure nutritum sit, ibi ergo consummatur nutritio, vbi fiunt partes solidæ, quia partes solidæ, ita sunt nutritæ, quod amplius non nutriunt, nec se habent vt nutrimentum, sanguis autem si nutritur, etiam ulterius potest esse nutrimentum.

Ex quo deducitur; facultatem nutritiuam iuxta diuersas functiones quas exercet, in diuersis organis seu partibus debere poni. Etenim facultas naturalis, pro ea parte, qua facit sanguinem, qui ita est nutritus, quod etiam est nutrimentum partium solidarum, est in iecore, quia ibi est virtus formatiua sanguinis. Virtus autem formatiua spirituum & nutritiua illorum est in corde, quia ibi spiritus formantur, & inde distribuuntur. Similiter facultas nutritiua spiri-

enim animalium est in illa parte, ubi talis spiritus formantur, nempe in cerebro, ut iam supra diximus. Denique facultas naturalis, quæ conuerit substantiam humidam, scilicet sanguinem in partes solidas, est in toto corpore diffusa, & in ipsis partibus solidis, quæ agunt in sanguinem vel humorem alium positum in poris, & inde coagulant illum in partem solidam, sicut caro nutritur ex sanguine posito in poris, & alia partes solida, ut ossa, nervi, cartilagine, & alia similia ex proportionato sibi alimento.

Dico secundo, *probabilius est sanguinem & spiritum viuere & informari forma animalis saltem quoad gradum vegetatiuum*. Distinguiamus solum illum duplicem sanguinem, quorum primus est nutritivus, & habet veram formam sanguinis, nam si quis alius inuenitur illo imperfectior non est verus sanguis, sed humor non plene decoctus, licet aliquo modo sanguini immixtus, & eius colore tinctus. Hanc conclusionem negant aliqui existimantes sanguinem etiam spirituosum non viuere, sed esse in venis, & corpore, sicut aqua in vase. Ita Conimb. cap. 4. huius lib. q. 14. art. 2. cum alijs multis quos citant, & Rubio tract. de augmen. q. 1. Et fundatur rubio in Arist. in 2. de part. animal. c. 3. qui dicit: Quod sanguis non est continuus carni, neque cognatus, sed in corde, ut venis quasi in vasa continetur. & in 2. de dist. anim. cap. 17. inquit: Quod palpitat intra vena sanguis omnium animalium, quibusq; simul undique mouetur. Secundo, quia sanguis est quid liquidum, ergo non potest continuari corpori solidi, sed in eo contineri. Tercio, quia sanguis est alimentum pro partibus solidis, ergo non potest habere eandem formam cum illis, si quidem de ratione alimenti est, quod conuerteretur in substantiam aliam, ergo transig de vna forma ad aliam, & consequenter non habet eandem formam cum re nutrita. Denique videmus, quod quando sanguis emittitur ex vena extra corpus, continuatur in qui fluit extra cum eo qui est in vena, sed qui est extra non animatur, ergo neq; qui est intra.

Nihilominus oppositum est probabilius, & conformius D. Thom. qui sentit sanguinem pertinere ad veritatem humane naturæ, & ideo communerat illum cum alijs partibus, quæ resurgent in homine tanquam partes humane naturæ, ut patet in 3. p. q. 94. art. 2. & quodl. 5. art. 3. & in 4. dist. 4. q. 1. art. 1. ubi optime distinguit de sanguine, seu humore, pro ut est in statu transmutationis de forma humoris in formam membri, & sub hoc statu non resurgit, sed secundum se ut habet formam determinatam sine statu transmutationis, sic resurgit. Quando autem dicit D. Thom. 3. p. quest. 35. art. 1. ad 1. quod sanguis non est actu pars, sed potentia tantum, ipse se statim explicat, quod sanguis est potentia caro, ex sanguine enim fit caro, & ideo sanguis non est actu talis pars. Et cum 1. p. quest. 119. art. 1. ad 3. inquit: Quod humidum nutritivale nondum pertinet ad suscipiendum perfectam naturam speciei, sed est in via ad hoc sicut sanguis. bene ibi aduertit Caietan. non dixisse D. Thom. absolute quod non participat naturam speciei, sed quod non perfecte participat, & ideo non concluditur, quod non sit pars animata, sed quod non sit perfecta pars, sicut membrum, seu caro. Sequuntur D. Thom. communiter eius discipuli Caietan. citatis locis, & M. Baneza. de Generat. cap. 4. quest. 13. art. 1. Et pro eadem sententia stat Aristot. in ultimo loco nuper allegato pro sententia contraria, ubi expresse dicit, quod sanguis animatur, & feruet, ergo sentit ita contineri in venis, quod etiam animatur ab anima. Et ratio est, quia sanguis participat accidentia vita, habet enim calorem, imò est caloris vehiculum, augeatur etiam & crescit, ut quotidie experimur, & mouetur in toto corpore, pertinet etiam ad veritatem naturæ animalis multo magis quam vngues, & pilis, qui tamen informantur eadem forma totius, licet non eodem gradu, quia non sentient, ergo non est aliqua ratio, cur dicamus non informari sanguinem eadem animâ, licet non eodem gradu. Item est magnum inconueniens,

quod ad constituendum vnum corpus, & naturam, quæ est vnum ens simpliciter, concurrat aliquid, quod non informatur eadē forma, & consequenter non est continuum, sed contiguum alteri, sic enim ex sanguine & ex alijs partibus non consurget vnum ens per se, sed vnum per accidens, scilicet conflatum ex diuersis rebus discontinuis, natura autem animalis est vna tanquam vnum ens simpliciter, ergo sanguis non pertinet ad veritatem humanæ naturæ, quia non pertinet ad unitatem eius simpliciter. Nec obstat dicere, quod sanguis est pars non integralis, neque essentialis, sed vt quid necessarium ad seruandā vitam. Nam quomocunque appelletur, non informatur eadem forma totius, nec continuatur in eodem supposito, sed solum aggregatur illi vt res distincta, ergo non componit vnum simpliciter cum alijs partibus, & consequenter non pertinet ad veritatem talis naturæ, quia non componit, nec constituit illam, sed se habebit sicut dispositiones, quæ etiam requiruntur ad conseruandam vitam.

Sed inquires, an hoc quod dicimus de sanguine, intelligendum sit de alijs humoribus, & etiam de lacte, & semine, & qua vita dicantur viuere. Respondetur, omnes istos humores, qui cum sanguine, vel ex sanguine generantur vitali forma informari, habent enim accidentia vitæ & nutriuntur, atque augentur, sicut constat de lacte, & semine, quæ augentur, & calorem vitalem participant quandiu sunt intra animal, & similiter est de cholera & pituita, quæ pertinent ad integritatem, & compositionem corporis animalis, quod non minus ex quatuor humoribus, quam ex quatuor elementis.

Nec obstat, quod dicit S. Thom. 1. parte, quest. 119. art. 2. quod semen non informatur anima, & idem docet in 3. de potent. art. 12. & similiter in 4. distinct. 44. quest. 1. art. 2. quest. 3. docet quod lac, & semen non resurgunt in hominibus. Non inquam ob-

stat, quia sensus est, quod semen non informatur anima perfectè, sicut caro & reliqua membra, sed imperfectè, & cum tendentia ad vltiorem informationem, vel formationem, quia semen est in potentia, vt ex eo fiat caro, & membra fœtus. Atque ita in eo gradu & ratione, qua sanguis dicitur informari anima, licet ex eo nutrantur partes & fiant membra, pertinet etiam semen, licet ex eo formetur fœtus, dicit enim Diuus Thomas in secundo, distinct. 30. quest. 2. art. 2. ad 2. Quod sanguis aliquo modo dicitur esse de substantia generantis, & multò amplius semen quod est ad vltiorem digestionem perductum. Quare si in sententia S. Thom. sanguis informatur anima licet non secundum omnem gradum, à fortiori semen, alias non verificaretur, quod generans de sua substantia generat filium, si semen non est substantia eius, sed distinctum suppositum, sicut aqua in vase, ita quod non decidatur, nec diuidatur à toto, quia ei non continuatur. Sed tamen est aduertendum, quod sicut in sanguine consideratur, & ipsa substantia sanguis, quæ informatur anima, & status eius quatenus est in transmutatione & via ad nutriendum. Et formandum membrum, scilicet carnem vel ossa, & in hoc statu resurget in hominibus, quia est status corruptibilitatis, non integritatis naturæ, ita neque resurget semen & lac, quia sunt humores solum deservientes statui generationis, & corruptionis. Vnde videmus sine ipsis saluari veritatem humanæ naturæ, sicut in pueris non est semen, quia totum nutrimentum ipsis necessarium est ad augendum corpus, & in his quæ non genuerunt non est lac, sed hoc non obstat, quia etiam sine manu, aut pede saluatur essentialiter humana natura, & tamen informantur eadem anima, & pertinet ad eius integritatem. Semen tamen decisum, & lac emissum perdunt actualem informationem vitæ, quia discontinuantur à viuente, sed nos loquimur de illis, quandiu sunt conseruata, & non emissa.

Quando autem inquiritur, quo gradu vitæ informantur illi humores. Respondetur, quod informantur gradu vitæ imperfecto, scilicet vegetatiuo, quia non sentiunt sicut neque vngues, & capilli, sed crescunt & nutriuntur, & ita sanguis, quando extrahitur non dolet, sicut nec capillus, quando eonditur. Quare Dñus Thomas, in loco super citato ad tertium inquit: Quod humores sunt de perfectione corporis humani, sicut & alia partes, quamvis non perueniant ad totam perfectionem, sicut alie partes. Sicut autem partes omnes vniuersi perfectionem à Deo consequuntur, non equaliter, sed secundum suum modum vniuiusque, ita etiam humores aliquo modo perficiuntur ab anima rationali, non tamen eodem modo, sicut partes perfectiores. Qui locus manifestissimus est pro nostra sententia, nec enim perficiuntur ab anima rationali, nisi, ut à forma.

Ad fundamenta oppositæ sententiæ respondetur notando sententiam Caiet. 1. part. quæstion. 110. artic. 2. quam sumptit ex D. Thoma, de sensu. 44. artic. 1. quod, in sanguine & similibus humoribus est duplex respectus, seu obiectum, nam & habent rationem partis integris, licet minus perfecte, & habent rationem sui & tendentiæ ad perfectiores, quæ ex imperfectis omnibus formantur, sicut elementa in mundo comparantur ad mixta, ut corpora minus perfecta ex quibus mixta formantur, sunt tamè partes vniuersi, licet minus perfecta. Et in toto quantitatiuo linea, & superficies vix habent partes in suis extensionibus, tamè respectu profunditatis seu corporis sunt termini seu indiuisibilia, ita nõ repugnat aliquid quod absolute sit vera pars in corpore, & tamen comparatiue ad alias partes perfectiores, sit materia, ex qua formantur, & ita sanguis est pars imperfecta, & præbens materiam ex qua alie partes solidæ formantur. Quod alio modo distingui potest de sanguine, quoad substantiã, vel quoad itatem transformationis de liquido in solidum, & pri-

mo modo est pars in se, secundo modo est deteruens parti perfectiori.

Sic ergo dicturus ad auctoritates Aristotelis, quod sanguis est infra venas sicut aqua in vase quorum ad rationem liquidæ, sed tamen vt liquor animatus, quia vt ibi dicit Aristoteles, sanguis animatur, & feruet iuuenis. Nec obstat quod aliquando sanguis excludatur tanquam sudor, & excrementum, Respondet enim, quod vel ille humor non est sanguis perfectus & excoctus, sed adhuc informis, licet colore sanguinis tinctus ex laxatione nimia corporis, qua ille humor sanguine percolletur cuiusque colore tingitur, vel si cludatur verus sanguis, id contingit, aut ex ruptione venæ, aut ex nimia pororum laxatione in quibus sanguis continetur, non quia in se excrementum sit.

Ad primam rationem respondit, quod licet sanguis sit substantia liquida, potest tamen alijs membris continuari medijs quibus fibris, quæ in corporibus animalium habentium crassam sanguinem, vt in tauris manifestius apparent. Item continuatur alijs membris in suo principio, scilicet in iecore, & in corde, vbi sanguis decoquitur, & ibi animæ informationem habet, & continuatur, licet, quia liquidus est, dicatur esse in illis, vt in vase. Tertio, continuatur in partibus cum membris solidioribus, quatenus paulatim coagulatur, & solidatur cum illis. Nec est inconueniens, partem solidam continuari coagulata, & coagulata liquidæ, sicut lapidum extra parte concreuit, continuatur alteri parti liquidæ, & pars aquæ congelata alijs parti adhuc liquidæ. Quod vero additur de sanguine dū emittitur à venis, & de lacte dū exprimitur, & de semine dū eraculatur, respondetur, non continuari tales humores extra missos, sed decidi, & ita licet videantur continuari sanguis qui est in vase, & qui est in aere, & qui in vena, ibi tamen dum exonerantur, corrumpitur, & amittit vitam, aliaque formam induit, sicut cadauer, licet aliquid caloris vel finis & virtutis retineat, Neque hoc est mirum, cum etiam

etiam membrum aridum videatur continuari sano, & virga sicca viridi, & tamen non continue, sed contigue se habent, quia habent diuersas formas. Discontinuat autem sanguis, quia rumpuntur fibræ, quæ tenuissimæ sunt, & sic decedit à vena, mutaturque in aliam speciem & formam, sicut cadauer.

Ad secundum fundamentum dicitur, quod sanguis est nutrimentum intrinsecum & decoctum non extrinsecum. Non est autem inconueniens, quod nutrimentum in sua vltima decoctione sit informatum anima, non quoad gradum perfectum, sed quoad vegetatiuum, transit autem in formam membri solidi, quod nutrit, non induendo nouam formam, sed nouum gradum, & nouum modum informationis substantialis. *Et cum vrgetur*, quod tunc nutritio vltima, qua fit conuersio in partem solidam, non erit substantialis mutatio, quia non est à priuatione formæ ad formam. *Respondetur* quod est substantialis mutatio perfecte, & consummative, & à priuatione gradus perfecti ad perfectum. Vt autem inueniatur ibi transitus à priuatione formæ ad formam, sumenda est tota collectio mutationum à mutatione cibi seu alimenti, ex tertia vsque ad vltimam mutationem in formam carnis, vbi est vltimus terminus intentus, licet quia paulatim fit, quando est in vltimo complemento iam non est mutatio de forma in formam, sed de priori gradu forma in vltimū, seu in modum informandi perfectum & substantialem, quod etiam substantialis mutatio dici potest.

ARTICVLVS IV.

Vtrum augmentatio dum durat, & nutritio tota vitæ sint successiua, & continua?

DVplex est controuersia de continuitate horum motuum. *Primo*, an durent continue, id est toto vitæ tempore. *Secundo*, an sint motus continui & successiui, id est non discreti, nec instantanei, sed diuisibiliter, &

per partes continuantur, & rursus, an si per partes continuantur, habeant continuitatem regularem, id est quod si tantum acquiritur in tanto tempore, dimidium in medietate acquiratur, & quarta pars, in quarta parte temporis, an vero irregulariter, sicut cum excavatur lapis à guttis cadentibus, ita tollitur pars lapidis in hoc tempore, quod tamen in medietate temporis non tollitur dimidia pars lapidis, sed disponitur toto illo tempore, vt in vltimo tollatur.

Quoad primum, duo videntur certa. *Primum* quod nutritio proprie loquendo, & nisi aliquod impedimentum per accidens obstat, durat toto vitæ tempore post primū instans, & post aliquantulum temporis, quod requiritur vt alimentum apponatur, & disponatur vt conuerteri possit in substantiam aliti, in quo tamen tempore incipit alteratio, & dispositio ad alimentum conuertendum, & sic iam inchoatiue est nutritio. *Secundum est* quod augmentatio non durat toto vitæ tempore secundum quod à nutritione distinguitur. *Primum probatur*, & explicatur ex Aristotele dicente in hoc primo libro: *Quamdiu saluum manet animal, etiam si decretionem subeat, nutritur, sed non semper crescit*, vbi etiam videri potest S. Thomas, *lectione decimaseptima*. Et explicatur sic, quia non est necesse, vt ita duret nutritio toto vitæ tempore, quod si in quocumque etiam breuissimo tempore non detur, pereat animal; sed quod semper sit indigentia alimenti, & nutritionis, quamdiu viuit animal, ita vt in nullo statu vitæ ponatur terminus huic indigentia naturaliter loquendo, sicut naturaliter ponitur status, & terminus augmentatiōi, ita vt amplius non crescat. Quod si aliquo tempore cessat, vel propter morbum, & debilitationem, vel propter carentiam alimenti, non statim peribit animal, incipiet tamen in statu corruptionis esse. *Ratio*, huius perpetua necessitatis præter quotidianam experientiam, sumitur ex ipso viuentium tempore.

peramento, quod constat calido, & humido, & calor debet esse abundans, eò quod functiones, & operationes viuientium calore ministrantur; calor autem propter sui acrimoniam agit in humidum, atque illud depascit, sicut videmus in igne, qui lignis, aut oleo, aut alijs combustibilibus conseruatur, & ita si humidum ipsum in viuentibus non instauretur, etiam euanesceat. Et ideo quia calor continuè perdit de substantia humidi, si debet durare, oportet, quod continuo conuertat alimentum extrinsecum, aut intrinsecum in suam substantiam, ipsumque intrinsecum alimentum si continuè non sustentetur, & foueatur ab extrinseco, breui peribit. Et hæc est ratio, quare nutritio toto vitæ tempore dureret, quia toto vitæ tempore, aliquid deperditur per calorem consumentem humidum, & consequenter deperditum indiget reparari. Sed quia non semper æqualiter calor agit in humidum, nec semper est eadem dispositio caloris, vel humidi, nec appositio alimenti, in hoc est latitudo, & aliquando interruptio, licet non statim moriatur animal; sed incipit disponi, ut moriatur, si desit alimentum. Unde etiam colligitur ratio quare aliqua animalia dicuntur aliquibus temporibus sine alimento viuere, ut glres, vrsi, aliqui serpentes, & si qui similes (si historiarum veræ sunt) hoc enim ideo est, quia licet exterius alimentum non recipiant, habent tamen internum aliquem humorem crassorem, seu piritam, quæ tempore illo à calore naturali concoquitur vice alimentum, & ob caloris defectum lentè, & paulatim illum consumunt. Si qui verò homines dicuntur plures dies vixisse, aut annos sine cibo, vel id fabulosum est, vel causam naturalem non habuit, sed vel per verum miraculum, vel à Dæmone cibi aliqui ministrati sunt, aut ipsi sibi occultè ministrabant, aut ob aliquam caloris naturalis debilitatem ita paruum consumeabant, ut viderentur non comedere.

Quod verò augmentum non dureret toto tempore vitæ experientiâ manifestum est, & asseritur ab Aristotele loco nuper citato, & tertio de anima textu 59. & à Diuo Thoma super eadem loca, & secunda secunda quæstione 147. articulo quarto ad secundum, & in secundo distinctione 30. quæstione secunda articulo primo ad quintum, & prima parte quæstione 119. articulo primo ad quartum. Quod semen non informatur anima, & idem docet in 3. de potent. articulo 12. & similiter in quarto distinctione 44. quæst. 1. artic. 3. quæst. 3. Et fundamentum deducitur, tum ex continua reactione, qua alimentum ipsum agit in calorem naturalem, siquidem ipsum debilitat, & minuit, calor autem deficiens non potest tantum de alimento conuerrere, quantum deperdit; & sic non potest augeri animal: augmentum enim prouenit ex eo quod plus acquiritur, quam deperditur: tum etiam, quia id quod acquiritur, cum sit extraneum, etiam suas qualitates imprimit humido nutrimentali, quod aduenit de nouo, & sic non est ita purum, sicut humidum primum radicale: vbi cumque enim fit mixtio extranei non ita purificatur virtus, sed per ipsam mixtionem languescit, & mutatur; & consequenter relinquatur illa virtus minus conducent ad augendum; quia virtus permixta, & extraneata minus potest se explicare, & augeri, quam fortis, & pura: tum denique, quia si viuentiæ semper augerentur acquirerent tantam quantitatem, quod non possent vnica anima eam informare, & ab vno corda viuificare, nisi eius virtus etiam augeretur, & fortificaretur, unde quanto magis viueret animal, tanto adhuc posset diutius viuere secundum naturam, quia maiorem haberet virtutem.

Sed obijcies, quia si calor naturalis debilitatur per continuam reactionem alimentum, & ideo minus de alimento conuertit, etiam minus de humido consumit, in eodem enim calore fundatur, quod consumat de proprio, & acquirat de alieno, & consequenter

quenter non bene infertur cessare augmentum, quia plus perdit, quā restaurat, siquidem ea ratione, qua non restaurat propter debilitatem caloris, neque etiam consumit. *Secundo*, quia videmus iuuenē habere fortio- rem calorem, & melius alimentum decoquere, quam infantem, & tamen infans augetur, non iuuenis, ergo male fundatur ista ratio in fortitudine, & perfectione caloris. *Tercio*, quia nouā materiā additā, additur viuēti nouus calor, ergo & noua virtus, ergo quando augetur animal non decrescit virtus, sed augetur, diminutio autem accidit ex debilitatione virtutis, nō autem debilitatur, sed crescit crescēte subiecto, & sic in quacunq; nutritione, cum noua pars aggeneretur præexistenti, neuum etiam augmentum, & noua virtus ei adueniet. Denique quia posset animal sustentari cibo facilis digestionis, quando perueniret ad terminum augmenti, & tunc facilius conuerteret tale alimentum, quam perderet de propria substantia, ergo tunc augeretur.

Ad primum respondetur calorem debilitatum minus consumere de humido nutrimentali, & aduentitio, præsупponitur tamen plus consumpsisse de radicali, quando peruenit ad illum statum caloris debilitati per ætatem. De humido autem aduentitio, quanto minus consumitur, tanto magis animal grauatur, indeque potius generantur morbi, & tandem animal moritur. Similiter quanto magis calor debilitatur, tanto difficilius decoquit alimentum extraneum, quia magis dissimile, & crassius est, facilius autem cōsumit humidum propriū, & partes suas, sunt enim facilioris euaporationis à calore naturali. Tempore autem quo durat augmentum, quia purior adhuc est substantia, & humidum radicale, consequenter calor vitalis magis virtuosus, & purior est, ideoque plus potest de alimento conuertere, quam de propria substantia deperdere.

Ad secundum Respond. Quod calor in iuuenē est fortior quasi accidentaliter, nō quasi essentialiter, id est entitative, & in ratione

caloris est fortior, sed non vitaliter, aut animaliter, quia non est ita purus propter admixtionem extranei, licet propter maiorem soliditatem, & densitatem partium corporis, & pluralitatem partium calor in iuuenē fortior sit, & vegetior, pluresque actiones operetur, quæ maius robur postulant. Et quia humidum aduentitium minus consumitur à calore, ipsumque magis impurum reddit, ideo nec tantum perdit de isto humido quantum adolecēs, vel infans, nec tamen plus acquirit de augmento. *Nec obstat*, quod aliquando cessante statu, & ætate augmenti, pinguescat animal quod etiam pertinet ad augmentum, crescit enim in latera. *Sed respondetur*: Quod animal non dicitur augeri nisi quando crescit secundum longitudinem, ita quod ossa, & partes solidiores fiant maioris quantitatis, augmentum verò illud in sola pinguedine, vel carne, etiamsi diffundatur in latera, & multo magis si solum crescat in humore aliquo magis turgido, non est augmentum simpliciter, & quo ad omnes partes animalis, sed solum secundum quid, & quo ad aliquam partem, scilicet quoad carnem vel humorem, &c.

An verò dentes semper crescant? Aristot. affirmat lib. 2. de generatione animalium cap. 4. & saltem non decrescunt, quia propter necessitatem cibi conterendi prouidit natura ne ipso continuo attrito decrescant, sed aliunde suppleatur eorum defectus, alias totaliter deficerent cum animalis dispendio.

Ad tertium Respond. Quod calor de nouo adueniens in materia acquisita non est eiusdem puritatis & efficaciz in ratione vitalis, sicut primus calor insitus, in quo generatur viuens, licet propter spissitudinē, & soliditatem sit fortior, sicut calor in ferro candenti, sed non secundum vim vitalem, in hoc enim magis, ac magis debilitatur ipsa continua reactione, & repassione, neque enim in quocunq; calore consistit perfectio vitalitatis, siquidem si nimis excolescat, potius

potius interit animal. Illud ergo temperamentum vitalitatis numquam ita perfecte inuenitur in materia acquisita sicut in primo insita & generata.

Ad quartum dicitur; quod cibus quantumcumque delicatus, aut facilis digestionis semper est impurior ipso humido radicali, & insito. Vnde licet ex hoc possit dilatari vita, si minus impurum reddatur humidum ex cibo minus crasso, & indigesto, tamen tandem consumetur, quia aliquid impuritatis miscetur, & solum proprium erat arboris vitæ humidum radicale ad illam priorem puritatem reducere.

Circa secundam difficultatem, scilicet an nutritio, & augmentatio sint motus successiuus, & continui à tempore, quo animal incipit nutrir. *Aliqui existimant* non esse motum continuum, nec successiuum. Quam sententiam sequitur Tolet. 1. de generation. q. 11. & Pomponatius lib. de nutrit. & augmentat. cap. 19 & alij, & probatur primo ex D. Th. 2. 2. q. 14. art. 6. ubi inquit: *Augmentum corporale in animalibus, & plantis non est motus continuus, ita scilicet quod si aliquid augetur in tanto tempore necesse sit, quod proportionaliter in qualibet parte illius temporis aliquid augeatur si. ut contingit in motu locali, sed per aliquod tempus natura operatur disponens ad augmentum, & nihil augens actu, & postmodum producit in effectum id, ad quod disposuerat augendo ipsum animal, vel plantam in actu.* Ita D. Thom.

Secundo probatur ratione difficili. Quia si nutritio sit motus successiuus, & continuus, sequitur quod substantia alita incipiat per ultimum non esse, & substantia alimenti definat per ultimum esse utrumque autem repugnat modo incipiendi, & definendi substantiæ. *Sequitur constare,* quia motus successiuus non incipit in instanti intrinseco, quia in instanti non datur successio, & sic non est verum dicere, nunc est, quod pertinet ad primum esse, sed nunc non est, immediate post erit, quod pertinet ad ultimum non esse. Similiter cum ad inceptio-

nem nutritionis definat nutrimentum, quia quam diu non est nutritio, nutrimentum non est conuersum; si est verum dicere nunc non est nutritio, & immediate post erit, etiam erit verum dicere, nunc est nutrimentum, & immediate post non erit, ergo nutrimentum desinet per ultimum esse. *Minus vero probatur, quoad primam partem,* cum quia omnis substantia incipit per primum esse, ut diximus in 6. *Physic.* neque enim minus consistit in indiuisibili substantia ut aucta, quam ut primo generata, nec minus procedit de priuatione ad formam, quod est carere latitudine, nec minus exigit determinatam quantitatem, atque adeo non potest in quauis minima introduci. *Deinde,* quia si in aliquo instanti est verum dicere, nunc non est forma viuientis in alimento, & immediate post erit, vel in illo instanti est completa, & ultima dispositio, vel non, si est ergo & forma, quia ultima dispositio non est sine forma. Si non ergo vel deest aliquid diuisibile, vel indiuisibile: si indiuisibile, non poterit incipere immediate post, quia immediate post non sequitur indiuisibilis duratio: si diuisibile, ergo immediate post non incipiet, siquidem prius immediate post incipiet medietas illius diuisibilis, quam tota, ergo immediate post non erit tota, & completa, atque adeo nec ultima dispositio. *Quoad secundam veropartem probatur,* quia si aliqua substantia definit per ultimum esse, sequitur vel dari duo instantia immediata, scilicet instans ultimum definitionis, & primum inceptionis sequentis formæ, aut dari materiam sine forma pro aliqua duratione, si definente una forma, altera expectat aliquod tempus ut incipiat.

Denique sequitur, quod alimentum possit definire, vel forma viuientis introduci antequam materia sit plene disposita, quia si disponitur successiue, & continue, & sic conuertitur alimentum in substantiam aliti, quando peruenerit ad ultimas partes alimenti, in quibus conseruari possit versus

minimum, prius attiuegetur medietas vnius partis motu successiuo, quam alia medietas, ergo in illa vltima medietate desinet alimentum ratione minimi antequam introducatur vltima dispositio, siquidem hæc successiue introducitur.

Postremo, iussragatur Aristot. qui 8. *Physicor. text. 23.* docet diminutionem continue non fieri, exemplo lapidis excauati à guttis cadentibus, quæ non continue diminuunt partes lapidis, ita vt si tanto tempore extrahatur tanta pars, in medio illius temporis extrahatur medietas, sed toto illo tempore disponitur, & in vltimo pars extrahitur, ergo idem dicendum erit de augmentatione.

Omitto inconueniens, quod aliqui inferunt: quia si nutritio incipit immediate post instans, alteratio desinet in illo instanti quia immediate post iam est substantia, ad quã disponebat alteratio. Omitto hoc, quia iam supra *quest. 1.* diximus, vltimam dispositionem non introduci ab alteratione formali, sed ab ipsa generatione substantiali, quæ est alteratio eminenter, quia introducit simul cum forma substantiali. Vnde in ea duratione, qua introducitur forma substantialis siue in instanti, siue post instans iam est vltima dispositio, & desinet alteratio, quæ immediate anteponebat aliquid infra dispositionem vltimam.

Nihilominus dicendum est; *augmentationem & nutritionem esse mutationes successiuas & continuas, prout ly successiuum, & continuu opponitur instantaneo, siue vni instanti, siue discretis nō tamen est continuu, si ly continuu dicat regularem proportionē, ita vt si augeatur tantum in tanto tempore, immediate eius augeatur dimidium, & in quarta parte temporis quartum: sed nutritio, & augmentatio admittit irregularitatem, & consequenter aliquid discontinuationis propter dependentiam, quam habet nutritio à dispositione alimenti, quæ non semper est æqualis, & à virtute subiecti, quod quandoque infirmatur, & non semper est in eadem dispositione. Hæc*

conclusio secundum vtramque sui partem explicat mentem Philosophi, & D. Thom. Nam pro ea parte, qua Philosophus ponit augmentationem esse motum proprie dictum 5. *Physicor. cap. 2.* consequenter affirmat non esse instantaneum, nec per sola instantia fieri, vnde expresse Diuus Thomas 3. *part. question. 33. artic. 1. in corp. & ad 4.* affirmat, *augmentationem non esse actionem instantaneam, sed successiuam.* Idem est autem de nutritione, quæ augmentationem concommitatur. Quod verò non sint motus continui in secundo sensu, id est regulares, & secundum proportionem assignatam constat ex locis Arist. & D. Tho. allegatis in primo, & vltimo argumento

Ex his sumitur fundamentum conclusionis, quod est duplex: *Primum* quia augmentatio est verus motus, vt distinguitur contra mutationem, vt in 5. *Physic. citato* dicit Arist. & nos probauimus *ibi quest. 19.* sed motus non potest esse in instanti vt ibi probauimus *quest. 14. & 21.* ergo augmentatio est motus successiuus.

Secundum fundamentum est, quia ad nutritionem, & augmentationem non requiritur determinata quantitas, sicut ad primam generationem, ergo augmentatio, & nutritio successiue debet fieri diffundendo qualitatem vni formiter difformiter. *Ante. probatur*, quia in nutritione, & augmentatione supponitur viuens habere iam quantitatem requisitam ad suam consistentiam tam quoad organa, quibus operari potest, quam quoad debitam mensuram vltra minimum, in quo esse non potest, ergo iam non requiritur determinata quantitas in alimento conuertēdo, neque propter ipsius viuentis exigentiam, quia iam habet sufficientem quantitatem vltra minimam, neque propter partem de nouo aggregandam, siquidem non magis requiritur quantitas vt informetur de nouo pars aggreganda, quàm vt iam aggregata contineantur sub forma, quando enim adueniunt de nouo, & vniuntur, tanquam partes adueni-

unt, ergo non exigitur ad illas maior quantitas, quam ut partes totius esse possint, & cum alijs partibus totum componere, ut autem aliquid possit esse pars, non requiritur determinata quantitas, ergo neque ut aggregetur tanquam pars. Imò quantò minor est pars, tantò perfectius aget in illam, & conuertet in se sicut ignis minores partes stupæ, vel ligni conuertit in se, neq; expectat ut ad determinatam partem crescant, ergo ad aggenerandum rei iam productæ aliquam materiam, non conducit determinata quantitas, sed quantò minor est perfectius aggenerabitur. *Vnde patet consequentia*, quia si non requiritur determinata quantitas, sed quæcumque minor, ac minor est capax aggenerationis, non obstat aliquid continuitati augmentationis, nisi ex parte qualitatis, quæ est dispositio, non detur continuitas. Ex hac autem parte non deficit; quia dispositio illa fit per alterationem, quæ est motus continuus, & ipsa qualitas dispositiua diffunditur vniuniformiter difformiter, ita ut si in hac parte datur dispositio vltima, in parte immediata detur immediatū infra illam, & in alia minus, ac minus vsque ad non gradum, ergo continuando actionem aggenerantis, cunctinabitur etiam introductio dispositionis in parte minori, ac minori immediatè cōsequenter, & sic eadem proportionem in eis iuducetur forma aggenerantis.

Quod si inquiras: Quæ sit ratio ponendi istum modum diffusionis qualitatis vniuniformiter difformiter? *Respondetur in primis id constare experientia*, nam quantò aliquis magis appropinquat ad ignem tantò fortius calefit, & quanto magis recedit, minus, ergo calor non diffunditur ab igne æqualiter in tota sua sphaera, sed in vna parte magis, in altera minus. *Secundo constat ratione*: quia qualitas non diffunditur ab agente per hoc, quod eadem numero transeat de vno subiecto ad aliud, sed per multiplicationem producit ab vna parte in partem immediatam, & sic est diuersa qua-

litas in vna, & in alia, quælibet autem pars medijs, in quo multiplicatur qualitas, imperfectiori modo recipit qualitatem, quam sit in subiecto proprio, ergo imperfectius illam producit, & sic quantò magis elongatur ab ipso primo agente tantò magis debilitatur ipsa qualitas à sequentibus partibus producta. *Minor constat*, quia si æquali modo reciperent omnes partes medijs qualitatem, nūquam agens haberet terminum ab intrinseco & per se, quia si non debilitaretur eius virtus, tam intensum effectum produceret in parte immediata, quam in parte diuanti; & rursus illa pars distans æque poterit effectum suum ponere in parte immediata, quam in distanti, & de qualibet est eadem ratio ergo poterit sine termino producere in quacumque distantia, nisi ponatur impedimentum extrinsecum, & sic ab intrinseco nō esset determinata sphaera virtutis. Si autem qualitas paulatim diminuitur, nec ponitur æqualiter in omnibus partibus, ergo necesse est, quod due partes non sint similes, neque æquales, sed altera magis, altera minus participet. & hoc est multiplicari vniuniformiter difformiter, id est cū dissimilitudine per oēs partes sed cū vniuniformitate in obseruando istā inæqualitatem.

Ad argumenta facta in contrarium. Ad primum ex auctoritate D. Th. respon. ex dictis, quod augmentatio non est continua continuitate regulari, ita quod si in tanto tempore crescit in medietate temporis crescat dimidium, non tamen negat continuitatem successiuam, quæ opponitur instantaneis mutationibus, ut ex eodem D. Th. diximus. Quod autem dixit D. Th. quod aliquo tempore operatur natura disponens, & non agens actus, verificatur in duobus casibus, tum in tempore immediato post primum instans generationis in quo alimentum non statim est dispositum, tum si ex aliqua infirmitate, vel ex defectu alimenti discontinuetur ipsa dispositio requisita ad introducendam formam viuientis, & sic necesse sit iterum consumere tempus, ut disponatur.

Extra hos casus si dispositio currenti modo introducatur, & sine impedimento, per motum continuum fit.

Ad secundum respond. Quod introductio formæ substantialis generatiue & totaliter, quando primo fit, debet incipere per primum esse, & opposita desinere per primum non esse: continuatio autem, & aggeneratio substantiæ partialis non est inconueniens, quod incipiat ad modum motus, & per ultimum non esse, & iuxta modum diuisibilitatis partium. Et *ad primam impugnationem primæ partis. Resp.* Quod substantia secundum se, & ut totaliter fit prima generatione, indiuisibilis est, & modo indiuisibili fit, in quantum fit integra, & totaliter, ut autem subest quantitati, & ad modum partis, & diuisibilitatis acquiritur, modo etiam diuisibili fit, & secundum latitudinem partium, & tunc non fit absolute à priuatione formæ, sed à priuatione formæ, ut tanta, & in tanta materia, & in tali parte, quæ diuisibilis est, & ratione eius induit modum diuisibilitatis. Et licet nutritio fiat aliquando sine augmentatione non tamen fit sine noua quantitate, quæ constituat rationem partis in substantia, quæ de nouo acquiritur non absolute, sed ut aggenerata, & secundum rationem partialem. *Quando autem dicitur*, quod à priuatione ad formam non est transitus diuisibilis *Respon.* Quod absolute ita est, sed per accidens, & ratione adiunctæ diuisibilitatis datur latitudo, & transitus diuisibilis quatenus transit non à priuatione substantiæ absolute, sed à priuatione substantiæ ut tanta ad hoc ut tanta sit, neque ad hoc exigitur determinata quantitas in ipsa parte, quæ aggeneratur, sicut requiritur in toto quando de nouo generatur, ut iam ostensum est, sufficit enim ad aggenerationem determinata quantitas præsuppositiue, in eo scilicet cui addenda est noua pars substantiæ non in ipsa parte, quæ de nouo acquiritur, siquidem acquiritur ut pars, & per modum diuisibilis, non per modum totius ut totum, & vnum est.

Ad secundam impugnationem huius primæ partis Respondetur, supponendo, quod vltima dispositio in nutritione eodem modo concomitatur formam substantialem, ut partialem, seu partialiter introductam, sicut vltima dispositio ad generationem concomitatur ipsam formam substantialem, ut primò introducendam, & per modum totius, ita quod eodem modo seruetur prioritas, & posterioritas inter vltimam dispositionem, & formam substantialem in vna atque in alia. *Quo supposito resp.* ex his, quæ diximus, q. 21. *Phys. art. 2.* quod bene potest qualitas certa, id est determinati gradus, qualis est dispositio vltima incipere in parte incerta & indesignata per vltimū non esse. Et ita in ipsa aggeneratione, quando in aliquo instanti est verum dicere, nunc non est dispositio vltima, siue introductio formæ, & immediate post erit, & inquiritur, an in illo instanti desit aliquid diuisibile vel indiuisibile. *Resp.* deesse aliquid diuisibile indesignatum, & indeterminatum, nō determinatum. *Et quando inflatur*, ergo immediate post non incipiet, *nego conseq.* quia per se loquendo immediate post sequitur aliquid diuisibile indesignatum, & sic per partem motus, qui immediate post erit, vincitur illa pars diuisibilis talis qualitatis, quæ restat acquirenda.

Quod si urgeas. Nam in nostra sententiā immediate post iam non sequitur motus alterationis, sed actio ipsa substantialis, à qua mediate fit ipsa dispositio vltima, ut *supra, questio. 1.* diximus, ergo non vincitur illa pars diuisibilis per motum, quod si per generationem vincitur, iam supponitur res genita quando dispositio vltima introducitur, & vincit illam diuisibilitatem, quæ deerat ut res generaretur. *Resp.* quod aliqui dicunt deesse aliquid diuisibile, & vinci per motum in tempore immediato siquidem etiam motus diuisibilis est. Quod & nos diximus, q. 21. *Physicor.* loquendo de motu, qui immediate post illud instans incipit. Loquendo autem de actione sub-

stantiali.

stantiali, quando immediate post instans incipit, sicut in nostro casu, cum immediate post non desit aliquid acquirendū per motum alterationis, quia iam iste cessat, sed per actionem substantialem, quæ introducit formam, & dispositionē ultimam (supponimus enim non deesse aliquid præter talem ultimam dispositionem) ideo dicendum est, quod quando immediate post instans incipit actio substantialis nutritionis, iam in illo instanti non deest ex parte qualitatis disponentis, scilicet ultimæ dispositionis, nisi aliquid indiuisibile, scilicet ipsa ultima dispositio, quæ est terminus reliquarum partium dispositionis, terminus autem aliquid indiuisibile est, sed tamen aliunde, scil. quia introducit in parte incerta, & indesignata continui, idē ex parte talis quantitatis (quæ etiam ad dispositiones pertinet) diuisibili modo introducit illa ultima dispositio, sicut & forma substantialis, & per ultimum non esse incipit, sed hoc est per accidens, ut iam diximus, quatenus substantia acquiritur ad modum partis, & in parte incerta, forma autē certa, & indiuisibilis in parte incerta incipit per ultimum non esse ut diximus, q. 21. *Physi. art. 2. in 2. reg.*

Ad secundam partem argumenti, Respondetur, quod alimentum quoad illam partem, in qua incipit conuersio per ultimum non esse necesse est quod desinat per ultimum esse, quia inceptio vnius, & desinitio alterius proportionatē se habent in hoc, sed hoc totum est per accidens, & quia illa pars substantiæ definit ut tanta, & diuisibiliter, non ut tota, & indiuisibiliter.

Ad tertiā respondetur. Quod ut diximus, *quest. 8. Physi. art. 3.* quando in alimento conuertendo peruenitur ad illas ultimas angustias, ut iam non sit quantitas, in qua etiam via corruptionis cōseruari possit forma alimenti, illæ dispositiones, quæ non perueniūt ad ultimam per accidens redduntur ultimæ, quatenus sublata quantitate requisita destruuntur omnes dispositiones.

conseruantes formam alimenti, & consequenter ipsa forma soluitur a materia. & agens potest utendo generatione introducere formam suam. Sic ergo per accidens ex remotione quantitatis, & consequenter reliquarum dispositionum, quæ in eo fundatur, potest introduci forma substantialis, & dispositio ultima eam consequens, quia non manet impedimentum in materia, & generans vel virtus eius est sufficienter approxinata, ut substantialem generationem in illa eliciat.

Ad ultimum respondetur, Philosophum stare pro nobis, quia solum negat continuitatem, quæ importat regularitatem non verò negat continuitatem quæ opponitur instantaneæ mutationi, hoc enim non deseruiat ad eius intentum, sed primum, quia ibi intendebat nullum motum esse continuum, id est perpetuum nisi localem, & circularem, ad quod sufficit, quod augmentatio non est perpetua, sed sæpè interruptitur propter indispositionem subiecti aut defectum alimenti, & in hoc tenet similitudo de excavatione lapidis per guttas, quia licet quando fit non fiat in instanti neque enim pars, quæ extrahitur potest separari, & remoueri nisi in tempore, tamen propter dispositiones requisitas ex parte guttarum mollicantium, sæpè interruptitur, sicut etiam augmentatio. Ultima autem gutta extrahens partem, diuisibili motu extrahit, non tamen tali proportionē, quod si tanta pars extrahitur tanto tempore, medietas eius medietate temporis extrahatur.

ARTICVLVS V.

Vtrum in nutritione & augmentatione qualibet pars viuētis augeatur & nutriatur?

Restat in his ultimis articulis examinare conditiones, quas Aristotel. ponit in augmentatione quæ sunt tres. *Prima*, quod aliquid de nouo adueniat, seu addatur. *Secunda*, quod qualibet pars augeatur. *Tertia*, quod res augmentata eadem maneat. *Prima* per se est satis nota, de *secunda* age-

mus in hoc articulo, de tertiâ in sequenti.

De secunda ergo conditione triplex oritur difficultas. Prima, an ita augeantur omnes partes viventis, quod non solum partes aliquotæ, sed etiam proportionales. Secunda, quomodo alimentum quod est in poris intrat ad partes solidas inter porum, & porum, sine penetratione. Tertia, quomodo ex eisdem partibus emittantur partes, quæ corrumpuntur, & euaporantur, & aliæ excrementitiæ particulæ per eosdem poros, sine hoc quod penetrantur cum alimento, quod est in eisdem partibus.

Ad primum aliqui existimant in augmentatione non solum partes aliquotas, & certas augeri, sed etiam proportionales. Et fundantur in eo, quia Aristotel. docet omnes partes augeri, sine ulla distinctione, ergo & partes proportionales, quia verè sunt partes. Deinde, quia partes aliquotæ non habent aliam entitatem distinctam à proportionalibus ergo si augetur aliquota, debet augeri etiam proportionalis. Denique, quia augeri aliquid immediate, & per se potest sumi dupliciter. Vno modo quia non per aliquid extrinsecum, sed sibi intrinsecum: alio modo, quia non secundum partem tantum, sed secundum omnes partes augeatur. Primo modo tam pars aliquota, quam proportionalis dicitur augeri, quia mediante ultima parte, seu extremitate suscipit incrementum. Secundo modo, nec pars aliquota, nec proportionalis augebitur, quia alimentum solum applicatur ipsi extremitati, non intus per omnes partes transit, aliàs vel augmentatio esset mixtio, vel penetratio partium.

Nihilominus partes proportionales non possunt dici augeri continuate, seu magnitudine, sed solum aliquota, & determinata, quibus additis adduntur, etiam novæ partes proportionales pluralitate quasi multitudinis in potentia non incrementi, quia scilicet, plures partes possunt accipi proportionaliter, quam antea Sumitur ex Diuo Thoma 1. de generat. lection. 15. qui explicans illud dictum

Philosophi. Quod de ratione augmenti est, ut quodlibet signum sensibile maius, minusve reddatur, inquit, quod quodlibet signum sensatum, id est qualibet pars sensibilis eius, quod augetur fiat maior in augmento, aut minor in diminutione. Nec valet dicere Arist. solum voluisse dicere, quod per ipsas partes sensibiles motus augmentationis redditur sensibilis, licet non propterea neget partes etiam proportionales augeri. Sed contra est, quia hoc commune est omni motui sensibili, ut fiat in magnitudine habente partes sensibiles, & sic nihil speciale diceret Philosoph. & D. Tho. de motu augmentationis, quomodo petat partes eius augeri, & deinde, quia si motus, ut sit sensibilis, requirit partem sensibilem, & aliquotam, ergo cum pars proportionalis per se sensibilis non sit, sed per aliquotam, quia non est designabilis, ergo per se non terminat motum sensibilem, ergo neque motum augmentationis, qui essentialiter est species motus naturalis, seu sensibilis. Ratio autem conclus. est, quia partes proportionales si cresceret, aut minuerentur possent fieri maiores, vel minores, & sic crescendo per augmentum fierent designatæ, siquidem crescente quantitate, usque ad aliquem terminum deberet crescere, & partes sub illo termino essent designabiles. Deinde quia partes proportionales non minus sunt infinitæ in parva quantitate, quam in magna, quia in utraque indeterminatæ, & indesignabiles sunt. Crescente ergo quantitate, vel partes illæ manent indeterminatæ, & indesignatæ sicut antea, vel non. Si non ergo fiunt designatæ, & aliquotæ, & sic in aliquotis fiet augmentum, & cum essent in infinitum partes illæ proportionales numerabiles, si fiunt aliquotæ, & designatæ, manebunt infinitæ partes designatæ, quod est reddi infinitum in actu. Dicere autem quod aliquæ indesignatæ, fiunt designatæ & augentur, præterquam quod non est maior ratio de una, quam de alia, iam hoc erit negare quod non omnes partes simul augentur. Si verò æque in

indesignatae manent sicut antea, ergo non augentur, neque crescunt magis, quam antea in ratione continui, & diuisibilis, licet quia adduntur nouae partes aliquotae etiam plures proportionales addantur, quae in illis includuntur additione pluralitatis, non incrementi, sed illa pluralitas non est in actu seorsum, sed inclusa in partibus aliquotis.

Ad rationes oppositas, Resp. ad Arist. dicimus, quod docet omnes partes augeri, sed quomodo augeantur, non dicit, augentur enim partes aliquotae etiam secundum cōtinnitatem, quia maiores fiunt, & in plures partes sunt diuisibiles, partes autē proportionales nō fiunt maiores secundū cōtinnitatem, quia non sunt capaces, ut maiores sint, hoc ipso quod indesignatae sunt, quia licet quaelibet pars designata sit diuisibilis, tamē non est determinatē diuisibilis, nisi per aliquotam: Vnde aliquota crescit, vel minuetur accipiēdo terminum maiore, vel minorem, quod pertinet ad diuisibilitatis determinationē, sed solū partes proportionales crescent in numero adueniente noua parte aliquota, quia pluriēs designari potest, & in plures partes proportionales diuidi.

Ad 1. rationem dicimus: quod partes aliquotae non habent aliā entitatem à proportionalibus, sed non eundem modū, quia aliquotae habent extensionem determinato modo, & ideo determinatē crescere, vel minui possunt, proportionales autem sunt indeterminatae, & ita nō sunt capaces crescendi & decrescendi continuē, quia augmentum non fit nisi accipiēdo nouum terminum maiorem, vel minorem, & consequenter determinatum.

Ad 2. resp. quod augmentum appositum extremitati partis augeat aliquotam continuē, & secundum determinatum terminū, proportionales autem nō continuē, nec secundum terminum determinatum, sed ad modū numeri, quia pluribus modis redditur ipsa quantitas diuisibilis.

Circa secundam, & tertiam, difficultatem supponimus alimentum nō deduci ad partes solidas, nisi per poros, qui sunt tenuis-

sima quaedam foramina, quae replentur corpore tenui alimenti, & per quos exit sudor, vel aliae euaporationes, est tamen inter porum, & porum pars aliqua solida, alias totum esset vacuum. Est autem necesse ponere istos poros, quia alias non possent minutiora corpuscula, vel liquida, aut euaporabilia subintrare, vel exire a corpore, nisi vel penetrando alias partes, quod est impossibile, vel diuidendo, quod esset corrumpere, & dolorē causare. *Neq; obstat,* quod Arist. in hoc 1. lib. tex. 30. refutat aliquorum sententiā, qui admittebant poros, ut medijs illis fieret augmentatio, sic enim inquit Arist. fieret augmentatio per iuxtapositionem. *Respond. anim,* ut constat ex littera & ex D. 1. liq. ibi lect. 23. circa finem, illos Philosophos posuisse poros ut in illis essent quaedam corpuscula, seu athoma quae cōponerent additionē sine vlla transmutatione, hoc autē esset destruere augmentationē, & alterationē.

Hoc posito resiat difficultas, quomodo ex ipsis poris partes solide augeantur, ita quod transeat alimentum ad partes inter porum, & porum, & tamen non diuidat illas, nec penetret. Et similiter partes, quae resoluuntur, & deperduntur per calorem debent euaporari, & emitti per ipsos poros, ipsi autem pleni sunt alimento, ergo penetrabuntur, cum ipso alimento existendo simul, & transeundo per ipsum porum,

Respondetur Neque penetrationem fieri, nec diuisionem in nutritione, quia alimentū liquidum, seu sanguis positus in poro, à vicina parte carnis per virtutem nutritiuam coagulatur in carnem, & vnitur illi extremitati partis tangentis porum, & in ea parte sic coagulata fiunt etiam pori de nouo, resoluitur autem aliquid carnis in euaporationem excrementitiam, & illa potest transire per porum, quia facta coagulatione sanguinis in carnem, iam sanguis occupat minus loci in poro, & in ipsa parte noua carnis fiunt etiam pori de nouo, & sic datur locus sudori, vel euaporationi exeunti: sicut posito lebere aqua ad ignem, & calefacta parte immediatiori, pars superior quae fri-

frigidior est, descendit, & pars calida leuior effecta ascendit, sine vlla pénétratione, quia pars frigidior sua grauitate scindit partem subtiliorem, & calidiorem. Sic coagulata parte sanguinis in carnem occupat minus loci, quia densior facta est, & sic dat locum vt alia pars subtilior intret, vel alia emittatur. Similiter cum illa pars sanguinis coagulatur in carnem, vnitur extremitati partis non autem scindit, vel intro-mittitur in partem solidam. sed pars solida paulatim resoluitur vi caloris, & illi paulatim succedunt illæ nouæ, quæ coagulantur, & sic pars præcedens non penetratur, nec diuiditur, sed eius extremitati vnitur; interiores autem partes vi caloris paulatim resoluuntur, & sic penes extremitates fit augmentatio. Denique pori isti facile dilatantur, vel constringuntur, sicut fit in vtribus secundum quod magis, vel minus replentur alimento, præsertim in partibus tenerioribus, & facile cedentibus, & tunc plus vel minus intrat de alimento, aut exit de excremento faciendo constipat omnem aliquam partium quantum requiritur, vt magis porus dilatetur, & sic non est necessarium recurrere ad pénétrationem, vt exeant illi vapores per poros, quando pleni sunt, sed ad constipationem, vel condensationem aliquam. Neque ex hoc sequitur fieri nutritionem per iuxtapositionem tantum, sicut cum aquæ additur aqua, sed vltra illam etiã requiritur cōuersio partis iuxta positæ in substantiã alitæ, & deperditione alterius, quæ per illam nouam reparatur.

Sed quæres, cur aliquæ partes non crescunt, sicut palpebræ: alia vero partes etiã cessante augmentatione totius semper crescunt, vt capilli, & vngues. *Resp.* partes corporis non esse eiusdem temperamenti, & qualitatis, & ita non eodem modo recipere augmentum, sed aliquas tardius, vel parum crescere sicut palpebræ, alias toto vitæ tempore, sicut dentes propter necessitate continuo attritu ciborum destruantur, quædam etiam propter abundantiam ma-

teriz, & facilitatem transmutandi perpetuò augentur, sicut capilli, & vngues, semper enim suppetunt excrementitiæ fuligines, ex quibus capilli coaugmentantur, & ista excrementa in quacumque ætate abundant, nisi propter aliquod impedimentum, aut dispositionem contrariam impediatur illa capillorum formatio, vt in caluis, possunt tamē semper crescere, quia calor semper habet sufficientem virtutem ad plus resoluendum, & conuertendum de istis excrementis in capillos, & vngues, quia minori indigent decoctione. Quod verò aliqui crescant magis in quibusdam partibus, quam in alijs, per accidens est propter abundantiam caloris in aliquibus, & defectum in alijs partibus, vel etiam propter abundantiam, aut defectum alimenti.

ARTICVLVS VI.

Quomodo viuens maneat idem toto tempore nutritionis, & augmenti?

HAEC est vltima conditio, quā Aristot. exigit ad rationem augmentationis. vt id quod augetur semper maneat idē, vt patet in hoc libro text. 33. & 34. & ibi D. Tho. lect. 1. Et ratio est aperta quia si id quod augmentatur non maneret idem. corrumpetur, & desineret esse. & consequenter aliud generaretur, & sic non fieret augmentatio eiusdem, sed corruptio vnus & generatio alterius, & ita augmentum esset in perditionem, & malum, rei augendæ, cum tamē augmentatio, & nutritio ordinentur ad cōseruationem eiusdem subiecti, & continuationem eius; si autem corrumpetur, cessaret finis talis nutritionis, transfiretque in generationem, & corruptionem, si autem non corrumpitur, ergo manet idem, quod antea, quia non desinit esse.

Ceterum ex ipsa natura nutritionis oritur dubitatio circa istā conditionē, & quod nutritio fit per nouarum partiū accessionē & antiquarū deperditionē, ergo nō manēt eadē partes quæ antea, imò tandē omnes corrumpuntur, & alia adueniunt, ergo neq; manet idē totū, quia hoc nō est aliud, quam
suz

sux partes. *Nec soluitur hoc dicendo*, quòd manent eadem partes formales, & non materiales. *Contra enim est primò*, quia partes formales non sunt aliud, quàm materia ipsa, & entitas partium sub tali forma, & modo, ergo desinente ipsa materia per successionem nouarum partium, etiam forma, quæ in tali materia erat soluitur, & sic non stat materiales partes deperdi, & non formales. *Secundò*, quia vnitas numerica partium, & totius dependet à materia, & quantitate eius, vt à principio indiuiduationis, ergo si partes materiales deperduntur, etiam principium identitatis numericæ soluitur, atque adeo non manet idem numero viuens, neque idem numero totum, sicut neque partes. *Tertio*, quia in animalibus imperfectis, & plantis cum noua parte materiæ aduenit noua pars formæ, ergo saltim in illis mutantur partes formales, quia mutatur ipsa forma, seu anima.

Ad primum respondetur. Quod Philosophus in hoc 1. de Generat. text. 35. & 36. dicit, quod pars secundum speciem, seu formam manet, & secundum materiam aduenit, & recedit in augmento, atque ita manet idem numero formaliter non materialiter. Quod aliqui sinistrè voluerunt interpretari, quod manet caro secundum speciem, id est, ea quæ primò accipitur à generate, aduenit verò & recedit ea, quæ sumitur ex alimento. Quæ expositio excluditur à D. Thom. 1. p. quest. 119. art. 1. ad. 2. & supra à nobis exclusæ est, quia cum calor naturalis agat in omnes partes alterabiles, non est ratio cur non agat in illas, quæ per primam generationem acceptæ sunt. An verò omnes partes etiam duriores, vt ossa totaliter per calorem consumantur, vel aliquid semper de eis remaneat; *Aliqui affirmant*, sed res est omnino incerta propter varietatem temporis vitæ, nam animalia, quæ longissimo tempore viuunt non est dubium, quin calor etiam duriores partes ab initio generationis acceptas tandem transmutet, & consumat, quæ tamen breuioris

Part 11. Phys.

vitæ sunt, fortassis non consument omnes istas partes duriores, prout magis, vel minus durauerit vita.

Quare S. Thom. distinctionem illam Philosophi explicat de carne secundum speciem, & secundum materiam iuxta diuersam considerationem, si enim consideretur secundum id, quod est formale in ipsa, sic manet eadem caro, secundum verò id quod est materiæ, sic non manet, sed paulatim consumitur, vt videmus in continua nutritione ignis per ligna. Hoc autem formale intelligitur, dispositio illa sub qua manet caro quantum ad figuram, temperamentum, ordinem ad reliquas partes, & ad formam. Et intelligitur manere hæc formalitas, seu dispositio vnitate continuationis sub partibus materiæ succedentibus, non vnitate indiuisibilitatis, de quo videri potest D. Thom. 4. contra Gent. cap. 81. ad 4.

Ad primam replicam contra hanc solutionem respondetur, quod quando dicuntur partes materiales deperdi, & non formales non intelligitur, quòd succedentibus partibus materiæ eadem forma accidentalis ita permaneat, quod transeat de subiecto in subiectum, hoc enim esse non potest, sed sicut deperduntur partes materiales, ita & accidentia prout illis affixa quod est etiam ipsa accidentia materialiter sumpta transire, dicuntur autem partes formales non deperdi, quia sub eadem continuatione ordinantur partes eodem modo ad componendum ipsum totum, non vnitate indiuisibilitatis, quæ illi non debetur, sed continuationis. Cuius rationem accipere possumus ex D. Thom. dicta quest. 119. art. 1. ad 4. & ex notatis à nobis quest. 6. Physicor. art. 1. quia quando in igne, vel viuenti paulatim consumpto alimento aliud substituitur, semper manet idem numero, qui semper, quod additur, transit in præexistens. Quæ ratio consistit in hoc, quòd quando continuè, & paulatim aliquid additur alteri, id quod superadditur, ipsa continuitate fit vnum cum præexistente, & rursum

Z

cum

cum aliud superadditur etiam sit vnum cum illo; unde licet successinè deperdatur, tamen ratione illius continuationis semper verificatur aliquid de ipso toto manere cum parte superueniente, & consequenter ratione talis continuationis sub similibus accidentibus, & dispositione manere eandem unitatem numericam, non quidem ita perfectam sicut quæ indiuisibiliter sunt vnum, sicut Angelus, vel cœlum, sed unitate continuationis. Si verò tota simul materia vnius auferetur ab eo, & alia totalis de integro substitueretur non esset idem numero, quia talis nequè identicè, neque continuatione cum alia vnum esset.

Quod si iustes: In hoc non poni maiorem unitatem in viuenti, quam in fluuiio, vel populo, quæ dicuntur vnum, licet partes fluant, & homines mutantur, quia fluunt sub eadem habitudine, & dispositione, & ordine, quod est habere solum unitatem ordinis, non substantiæ. *Respondetur*, esse latam differentiam, quia populus non dicitur vnus unitate aliqua physica secundum continuationem partium, quia homines sunt diuersi numero solum habentes coadunationem conuictus, quæ est unitas moralis, & secundum quid, quatenus sub eisdem legibus, & societate viuunt. Fluuius autem etsi habeat omnes partes continuas, & fluentes, tamen vna pars non continuatur alteri per conuersionem, & commixtionem, sed per successionem præcisè, quia vna est post aliam, unde partes, quæ modo succedunt, nullam habent unitatem cum partibus, quæ à viginti annis habebantur in fluuiio, quia pars succedens non commisceatur, & conuertitur in substantiam totius, sed emittitur consecutiue post aliam. Oppositum verò est in partibus animalis, in quibus non præcisè vna emittitur post aliam, sed conuersione ipsa in substantiam præexistentis pertinet ad eandem unitatem cum ipso secundum conuersionem, & continuationem, non pura & sola successionem. Et præterea in animalibus perfectis datur

etiam unitas formæ indiuisibilis, vt dicemus q. 2. de anim. a. 1. & sic animal ita est dispositum, quod potest retinere aliquid omnimodè, & indiuisibiliter vnum siue formam, siue aliquas partes duriores saltem pro aliquo tempore, fluuius autem nullo tempore idem est permanenter, & indiuisibiliter, sed sola successionem est vnus.

Ad secundam replicam supra positam respondetur, quod unitas numerica sumitur ex materia signata, & subordinata ad quantitatem, & reliquas dispositiones, ex quibus pendet unitas, vel diuisio, vt q. seq. dicemus. Vnde sic materia debet esse vna sicut unitas ipsa numerica, quam præbet vna est, si enim est vna continuatione, sufficit quod materia signata tanquam principium unitatis eius non sit identicè vna etiam materialiter, sed sufficit quod continuatione sit vna, & secundum partes formales, seu secundum sigillationem continuationis, non indiuisibilis unitatis. Secus est, si unitas numerica sit omnino indiuisibilis, & identica sicut in cœlo, tunc enim requiritur etiã similis identitas in materia, quæ est principium illius numericæ unitatis.

Ad tertiam respondetur. In illis animalibus aduenire nouam formam, sicut & nouam partem materiæ, sed vtrinque continuatione fieri vnum, & subordinationem ad idem totum, quod componunt, ratione cuius partes materiæ dicuntur manere eadem formaliter, etiam si non habeant formam indiuisibiliter eandem. Quod si etiam detur forma substantialis indiuisibiliter eadem maior aliqua unitas dabitur, sed tamen hoc non requiritur, sed poterit saluari unitas numerica simpliciter unitate continuationis, & subordinationis prædictæ componentis semper vnum totum permanens per conuersionem vnius in aliud non per solam successionem. Itaque unitas numerica non eodem gradu inuenitur in omnibus, sed est maior, vel minor, secundum quod magis accedit ad indiuisibilitatem, vel immutabilitatem partium, aut recedit.

Q V Æ S T I O IX.

De Subiecto accidentium, & principio indiuiduationis.

ARTICVLVS I.

Vtrum accidentia materialia subiectionentur in toto compositio, vel in sola materia?

D V P L E X subiectum solet communiter distingui, scilicet *Denominationis*, & *Inhesionis*. Subiectum denominationis est illud, quod denominatur à forma, id est, suscipit predicationem eius. Subiectum inhesionis est illud, cui vnitur forma, id est, suscipit actualitatem, & esse eius. In subiecto denominationis includitur omne illud de quo verificatur predicatio formæ, siue sit subiectum principale, siue minus principale, siue extrinsecæ denominationis, siue intrinsecæ; nam non solum dicitur lapis albus qui est subiectum principale, sed etiã quantitas dicitur alba, quæ est subiectum minus principale, & paries denominatur visus extrinsecè, homo autem videns intrinsecè. In subiecto inhesionis comprehenditur subiectum quod, id est, ipsum subsistens, seu suppositum, quod se habet vt agens, vel recipiens tanquam subiectum vltimum, & subiectum quo, id est, id quod est ratio, seu medium recipiendi.

De subiecto denominationis nulla est difficultas apud Auctores, quod accidens denominare possit ipsum suppositum, sicut cum dicitur homo albus, nec nos dubitamus posse partem denominari etiam ab accidentibus, vt cum dicuntur capilli crispì, oculi cærulei, superficies alba, &c. licet in verificanda denominatione totius, & partis obseruanda sit regula S. Thom. 3. part. quæst. 16. art. 8. quod quando aliqua forma indifferenter potest denominare totum & partem, si solum sit in parte, non denominat totum ab-

solutè, sed solum secundum restrictionem partis, sicut Aethiops non denominatur albus ab albedine dentium, eò quod albedo nata est conuenire toti corpori & parti. B. contra verò, si solum aliquod accidens natum sit conuenire parti, & non toti, absolute denominat totum, licet soli parti conueniat, sicut homo dicitur videns absolute, licet solum oculis videat. & crispus, licet solum crispetur in capillis. Et hac ratione Christus non dicitur absolute creatura, quia hoc predicatum est transcendens fudatum in ipso esse limitato, quod non conuenit soli naturæ, sed personæ, imò primò conuenit personæ, quàm naturæ. Dicitur tamen absolute seruus, quia seruitus fundatur non in ipso esse, sed in dependentia aliquius ab alio in suis operationibus, seu motu, seruus enim non se mouet, sed mouetur ab alio sicut instrumentum, principium autem motus est natura, non persona.

Quare tota difficultas est de subiecto inhesionis immediato, ad quid videlicet immediate terminetur inhaerentia accidentis, & à quo immediate sustentetur in esse?

Sententia præcipua in hac parte reducuntur ad duas. Prima tenet, materiam primam esse subiectum sufficiens inhesionis accidentium. Secunda asserit, solum compositum esse immediatum eorum subiectum. De forma autem nulla fit mentio, quia non est ratio recipiendi, sed actuandi, & dandi esse, & ita, si est non subsistens, est eadem ratio, ac de materia respectu accidentium dimanantium ab illa: de forma autem subsistente vt anima rationali est eadem ratio, ac de composito, quia est subsistens, & de facto est subiectum intellectus, & voluntatis.

Prima sententia communiter tribuitur Auerroï qui posuit quantitatem, seu dimensiones interminatas esse coæuas materiæ, ut refert S. Thom. præsertim *opusc.* 32. *cap.* 4. & sæpè iuxta eandem sententiam videtur loqui ut in 4. *distinct.* 12. *quest.* 1. *art.* 2. *quest.* 4. & 4. *contra Gent.* *cap.* 81. & alijs in locis, & plures ex antiquis sequuti sunt eandem sententiam qui citantur à M. Bannez 1. *de Generat.* *cap.* 4. *quest.* 9. *art.* 3. & à P. Suarez *disp.* 14. *met.* *sect.* 3. *in princip.* Ex recentioribus autem aliqui non solum quantitatem interminatam, sed etiam figuratam & terminatam tribuunt materiæ tanquam subiecto, ita quod eadem quantitas cum materiâ transeat de corrupto in genitum. Sed diuiduntur, nam aliqui tribuunt materiæ secundum se, & independentem à forma, quod recipiat quantitatem & accidentia; pro qua parte plures ex antiquis citat M. Bannez *loco cit.* *art.* 1. Alij existimant materiam esse subiectum inhesionis accidentium, supposita tamen forma substantiali à qua primò actuatur; pro qua sententia stat P. Suarez *cit. loco à num.* 3. pluresque citant, & sequuntur Conimbric. 1. *de Gener.* c. 4. q. 4. *art.* 1. Addunt tamen in fine articuli non dependere materiam in hoc munere sustentandi accidentia à forma, ut à conditione sine qua nō, sed ut à causa habilitante ipsam materiam & perficiente inesse, ut possit sustentare accidentia, nam ex se sufficiens nō est, quia sine forma non habet esse. Denique multi putant accidentia pendere à materiâ ut à causâ materiali, à forma verò ut à causâ, à qua effectiue dimanant accidentia, & suscipiuntur in materiâ, & ideo quando fit transitus in materiâ de vna forma simili ad aliâ similem, possunt qualitates corruptæ transire ad genitum, eò quod non repugnat qualitatem quæ procedit ab vno, ab alio simili conseruari.

Sententiam autem D. Thom. communiter sequuntur Thomistæ ut Caiet. *ad cap.* 7. *de ente & essentia.* Capreolus in 2. *dist.* 3. q. 1. *art.* 3. Durandus in 8. in 2. parte *dist.* *quest.*

4. *num.* 15. & videri potest M. Bannez *citato loco*, & Flandria s. *Metaphys.* 9. 16. *art.* 17. licet concedat relatiua accidentia subiectari posse in sola materiâ, sicut relatio quæ materiâ respicit formam.

Ut ergo sententia D. Thom. explicetur oportet duo aduertere. Primum, quid requiratur ut aliquid sit subiectum inhesionis. Secundum, quid sit ipsum inhaerere, & quid ad illud requiratur. Quantum ad primum, duæ conditiones requiruntur, ut aliquid sit subiectum inhesionis. Prima est potentialitas ad formam accidentalem recipiendam. Secunda actualitas ad sustentandum inesse. Quantum ad secundum requiruntur alix duæ conditiones; prima quod sit forma realis, id est, realitas, & nō modus; secunda quod eius actualitudo non det esse simpliciter, seu primum esse subiecto, sed supponat primum esse, præbeat autem esse dependens, & consequutum. Vnde in hoc maximè differt forma substantialis ab accidentali, quod licet vtrique vniatur, & dependeat à subiecto, tamen forma substantialis solum dependet à potentialitate subiecti, ut in eo recepta, incommunicabilis reddatur, non tamen dependet ab eius actualitate, sed potius informat puram potentiam, quæ est materia prima, forma autem accidentalis nō solum dependet à potentialitate subiecti, in qua recipitur, sed etiam ab eius esse à quo sustentatur, quia esse quod dat formam accidentalem, est esse secundarium, & consequutum, quod necessario supponit primum, & ideo dicitur inhaerens, quia dependet ab ipso esse subiecti tanquam à primo esse præsupposito, non autem dat primum esse. Vnde dicit D. Thom. *opusc.* 31. *in princip.* Quod proprie id quod est in potentia ad esse substantiale, est materia prima, quod autem est in potentia ad esse accidentale, dicitur subiectum, subiectum enim dat esse accidenti, quia accidens non habet esse nisi per subiectum, vnde dicitur, quod accidens sit in subiecto, non autem dicitur quod forma substantialis sit in subiecto, & secundum hoc differt materia à subiecto, quia subiectum est

est, quod non habet esse ex eo quod aliquid ei aduenit, sed quod est per se, & habet esse completum, vt homo non habet esse per albedinem: sed materia dicitur quod habet esse, ex eo quod sibi aduenit, quia de se est esse incompletum, imò nullum esse habet, vt Commentator dicit in secundo de anima. Vnde simpliciter loquendo forma dat esse materiæ, accidens autem non dat esse subiecto, sed subiectum accidenti.

Dices etiam materia prima requirit existentiam vt recipiat formam substantialem, alias reciperetur in nihilo, seu in non ente, ergo ista doctrina non subsistit: Item accidens non recipitur in ipsa existentia subiecti, nec in quantum est ens actu, sed vt est in potentia ad tale accidens, vt ad formam sicut dicit Diu. Thom. 1. contra gent. cap. 23. & 1. p. questione 3. artic. 6. quod subiectum accidentis comparatur ad ipsum vt potentia ad actum, quia accidens quædam forma est faciens esse in actu secundum esse accidentale.

Respondetur ad primum, quod materia prima ad recipiendum formam substantialem requirit esse concomitanter, sed non præsuppositiuè, & vt id, ratione cuius recipit, in re tamen semper existit, & recipit existendo, quia à forma ipsa substantiali habet esse, & sic nõ recipitur in nihilo, sed in ente, quod ex se est capax existentia, & in potentia ad illam, vt autem subest formæ de facto per illam est existens, & in actu. Ad recipiendum autem istam formam, quæ dat primum, & substantiale esse, non prærequiritur aliquod esse in materia, sed capacitas & potentia adesse, in quo iam differt ab ipso nihilo, & non ente, quia nihil neque habet existentiam, nec est capax illius, materia autem est capax existentia, & actualitatis, non solum obiectiuè, sed etiam subiectiuè, existendo autem recipit formam, non quia præcedat existentia, sed quia concomitatur. At verò forma accidentalis, quia non dat primum esse, sed secundarium & consecutiuum, ideo necessario supponit

subiectum esse existens antecedenter, & ab eius esse redditur dependens tanquam ab esse fundamentali, quod substat illi, & in quo consolidatur ipsum esse accidentis.

Ad 2. dicitur, quod accidens recipitur in subiecto, prout est in potentia ad effectum formalem, & specificum accidentis, qui communicatur subiecto tanquam actualitas eius: at verò idem accidens quoad exercitium existendi depēdet ab existentia subiecti, quæ est existentia per se, non vt à ratione formali recipiendi, sed vt à terminante existentiam accidentis, quod per se stare non potest, sed in alio, & ita ab illo, vt ab esse primo per se substante terminatur, & dependet in exercitio existentia accidentis. Et ideo potest à Deo suppleri, vt sine substantia sustentante esse accidentis permaneat, quia solum dependet ab ipso quoad exercitium existendi, & quoad terminationem in alio, exercitium autem existendi melius supplere potest causa prima efficiendo, quàm substantia sustentando, & terminando. Vnde substantia non est causa pure materialis respectu exercitij existendi accidentium, sed aliquid habet admixtū de formali in ratione terminantis, & sustentantis, quatenus ipsum esse subsistens subiecti communicatur accidentibus, non vt reddat ea subsistentia, sed vt in alio existentia, sic tamen terminata, vt non amplius alteri communicari indigeant vt sustententur in esse, sicut etiam quando alicui substantia de nouo adueniunt partes pertinentes ad esse totius, trahuntur ad subsistentiam totius, non vt subsistant seorsum, & totaliter, sed vt inadequate, & in alio, & tanquam partes dependentes à toto, ita accidentia, vt secundario existant; & hoc est inhzrere, id est sic dependere vt secundario terminentur ab ipso esse substantia, & reddantur existentia in alio non per se primo.

Sit ergo vnica conclusio; in sententia Di. Thom. quod materia est pura potentia; nullo modo potest ipsa materia etiam supposita forma vt conditione tantum esse per se sola subiectum.

etiam inhesionis accidentium materialium, sed ipsum compositum est subiectum inhesionis, materia autem solum est receptiva accidentium tanquam subiectum quo, quatenus est id quo compositum recipit accidentia post receptam formam substantialem in materia, & loquimur de accidentibus materialibus, quia accidentia sibi virtualia ut intellectus & voluntas in sola anima recipiuntur que subsistens est sine ulla dependentia à materia. Hæc sententia sine dubio est D. Thom. qui communiter docet materiam primam non esse subiectum accidentium, ut affirmat in cap. 7. de ente, & essentia, & 1. p. q. 76. art. 6. & q. 77. art. 6. ubi inquit: *Quid quis forma substantialis facit esse simpliciter, eius subiectum est ens in potentia tantum, forma autem accidentalis non facit esse simpliciter, sed esse tale aut tantum, aut aliquo modo se habens, subiectum enim eius est ens in actu.* Nec oppositum huius docuit S. D. q. 25. de verit. art. 5. vel 6. ut ibi manifeste videri potest.

Fundamentum huius sententia sumitur ex dictis, quia in materia prima non inveniuntur conditiones, & requisita, ut formaliter, & proprie sit subiectum inhesionis accidentium, bene tamen ut sit principium componendi tale subiectum, & id quo subiectum redditur recipiens, forma verò est principium quo redditur actuatum ad sustentandum. Quod desint materie conditiones dictæ probatur, quia subiectum inhesionis debet constare illis duabus conditionibus, scilicet actualitate ad firmandum, & terminandum in esse, potentialitate ad recipiendum; ex parte autem actualitatis materia prima caret ex se omni actualitate tam formali, quam entitativa, ut probauimus in 1. Physicor. quest. 2. & super question. 1. & dato quod aliquod esse haberet, illud est imperfectum, & non sufficiens ad existendum simpliciter sine forma, nec per se solam constituit esse substantis & subsistens in actu, sed solum est principium compositi subsistentis & substantis, ergo non constituit rationem subiecti ac-

cidentium. *Probatur consequentia*, quia quod est proprie subiectum, & non solum principium subiecti seu subiectum quo accidentium, debet esse substantis & simpliciter habens esse; nam accidens dependet in suo esse ab illo, quod est esse simpliciter; nec sufficit esse inchoatū seu principium essendi, quia accidens non acquirit esse in subiecto, nisi ut accipiat terminationem, & sustentationem in suo, siquidem de se accidens est forma, & principium existendi, sed quia imperfecta & secundum quid exigit non sistere, nec terminare hoc esse in se, sed in alio subsistente, nec sese habet ut forma substantialis, quæ ipsum primum esse constituit, accidentalis autem supponit illud & dat esse secundarium & dependens à primo, materia autem est pars seu principium illius primi esse substantis & subsistentis, nec in se habet illud, quia cum forma substantiali constituit vnum esse simpliciter, ergo constituit vnum esse subsistens, & substantis, ergo secundum se, & sine forma non habet illud esse substantis, nisi tantum ut quo, & ut principium substandi. *Et confirmatur* quia primò & per se substantis esse substantia prima, ut docet Philosoph. in cap. de substantia, est enim proprietas eius, quod sit maximè substantis, & cōsequenter principaliter & primò, at substantia prima non est sola materia, sed compositum, quia est hoc aliquid, ut ibi dicit Aristot. materia autem non est hoc aliquid ut constat ex 7. Met. & 5. Physicor. ubi probat Philosoph. materiam non esse subiectum motus, quia non est hoc aliquid, & constat manifeste, quia hoc aliquid seu primò substantis est id, quod substat predicatis superioribus & accidentibus, id ergo se habet ut substantis accidentibus, tanquam prima substantia, quod substat predicatis superioribus, illud autē substat predicatis superioribus, quod subicitur illis, & de quo illa prædicantur, sed non prædicantur de materia prædicata superiora, ut homo, animal, &c. Quia materia est pars, sed non id de quo ista prædicantur, ergo non est hoc

est hoc aliquid, neq; maxime, & primò substantans, ergo neque formaliter, & per se est subiectum accidentium, quia subiectum debet esse substantans, & terminans, & sustentans accidentia, ergo si id facit materia, erit in virtute primi substantis seu primæ substantiæ, quia id quod est primo & maxime tale est causa à qua participant ea quæ non sunt maxime talia similem effectum, ergo materia si substat in virtute primæ substantiæ id habet, non in virtute propriæ actualitatis, etiam dato quod illam haberet, quia non habet illam ut prima substantia, sed ut componens primam substantiam, & ut pars illius; ab ipsa vero prima substantia per se dependebit accidens ut à terminante & sustentante eius esse, non ut à conditione tantum.

Quod vero ex parte potentialitatis materia prima non sit immediatè susceptiva accidentium *patet*; tum quia potentialitas illa essentialiter respicit formas ordine quodam, primo substantialem deinde accidentalem primo enim respicit eam cum qua constituit naturam, & esse simpliciter, quod est esse substantiale, deinde eam cum qua constituit esse accidentale, & secundum quid. *Et huius ratio est*, quia a potentialitas materiæ est potentialitas substantialis, ergo essentialiter ordinatur, & specificatur ab actu substantiali, ergo immediatius recipit formam substantialem, quam accidentalem, siquidem potentia susceptiva duarum formarum, illam immediatius respicit quæ est illi magis proportionata, & ad eius specificationem per se pertinet, ergo cum forma substantialis sit actus specificans potentiam substantialem illique immediate proportionatus, essentialiter materia respicit illam immediatius, quàm formam accidentalem, & consequenter, sicut non est capax recipere formam accidentalem nisi mediate, id est mediante forma substantiali, ita nec erit capax recipere, quia eo modo recipit, quo respicit. Denique sit argumentum in actibus

sensuum, & in virtutibus operatiuis, actiones enim immanentes subiectantur in eo principio à quo eliciuntur alioquin non essent immanentes, sed non eliciuntur à potentia subiectata in sola materia, siquidem non habent à materia actiuitatem & influxum, sed ab anima, cuius instrumentum & virtus est illa potentia, & eodem influxu, quo potentia operatur, substantia, cuius est potentia influit, & sic cum influat forma mediante tali virtute oportet, quod ipsi sit vnita, & non soli materiæ. Si autem talis potentia, & actus eius est vnita non solum materiæ, sed etiam formæ, idem dicemus de quantitate, & reliquis accidentibus, tum quia est eadem ratio, tum quia illa virtus sensitua, & actus eius debent recipi in parte organica, & modo extenso, alias non operaretur materialiter, ergo sicut potentia, & eius actus respiciunt vtrumque principium, scilicet formam & materiam ut subiectum inhesionis, ita & quantitas mediante qua inhaerent.

Ultima denique pars conclusionis, quod materia sit subiectum, *quo* seu principium recipiendi, *constat* quia materia est prima radix potentialitatis & receptionis in composito cum sit pura potentia, & primum in genere recipiendi, vnde quidquid in composito recipitur habet pro principio *quo* & prima radice recipiendi ipsam materiã, similiter forma substantialis est prima radix & principium actualitatis & esse, siquidem est principium ipsius esse simpliciter, seu esse substantialis, quod datur per formam, vnde autem oritur esse simpliciter, à fortiori depēdet esse secundum quid, ergo materia & forma solum se habent ut principium *quo*, quia sunt constitutiva ipsius subiecti à quo dependet accidens quantum ad rationem potentialitatis per materiam, & actualitatis per formam.

Quare non est imaginandum, quod subiectum inhesionis sit compositum, taliter quod cuilibet parti æque inhaereat & recipiatur in illa accidēs, sed recipitur mediante

diante materia, vt principio *quo* recipiendi, & in forma non recipitur, sed à forma dependet tanquam à principio dante actualitatem & esse, quod quia est esse simpliciter terminat, & firmat in existendo accidens, quod dat esse secundum quid; Et sic tam materia, quam forma se habent vt principia subiecti inhesionis, sed non æqualiter, nec vtrumque recipiendo, sed alterum vt principium recipiendi, alterum vt principium actualitatis & esse simpliciter & per se, à quo dependet esse secundum quid accidentis. Nec requiritur ad recipiendum accidens in composito, quod quælibet pars recipiat, sed sufficit quod una pars sit ratio recipiendi vt principium *quo*, sicut visio non recipitur in omni parte hominis, sed solum in oculis & ratione eorum conuenit toti homini videre, sic accidens mediante materia recipitur tanquam principio *quo* recipiendi, licet etiam à forma dependeat, vt à principio dandi esse. Et hac ratione ipsum compositum dicitur subiectum *quod* accidentium, non solum quia est subiectum denominationis, sed quia est habens in se conditiones, & principia requisita ad inhesionem, scilicet principium potentialitatis ex parte materie, & actualitatis ex parte forme. Nec est in accidente duplex unio ad vtramque partem compositi, quia non se habet vtræque vt extremum, sed extremum integrum est compositum materia autem & forma non sunt extremum cui fit unio, sed principia constituentia tale extremum, & ideo est tantum vnica unio non duplex, etiam partialis, quia illæ duæ partes scilicet, materia & forma, non sunt duæ partes tanquam duo extrema unionis, sed vt constituentes vnum extremum, in quo indiuisibiliter sint omnes conditiones, vt sit subiectum accidentium, non in qualibet parte seorsum conditiones istæ inueniuntur.

Sed inquires, an hoc compositum, quod dicimus esse subiectum, sit ipsa natura quæ componitur ex materia & forma, an vero

suppositum; si enim est natura, cum sit etiam principium *quo*, nondum assignamus principium *quod* inhesionis, sed solum principium subiecti inhesionis; si vero ipsum suppositum est subiectum *quod*, ergo variato supposito variabuntur accidentia, & ita si modo Verbum dimitteret humanitatem, vel si assumeret meam, omnia accidentia humanitatis variarètur. *Respondetur*, quod sine dubio suppositum est subiectum inhesionis vt terminus, sicut materia, & forma principium *quo*, alterum recipiendi, alterum actuandi vt diximus. Quare accidentia humanitatis Christi non sunt inhesionis in verbo per modum receptionis, sunt tamen terminata à Verbo mediatè, mediante scilicet terminatione humanitatis, ex consequenti enim manet terminatum, & ab existentia eius dependens quidquid illi unitum est, & adiectum. Vnde si humanitas dimitteretur à Verbo, non mutarentur accidentia, sicut mutantur soluta unione forme, & materie, quia à materia & forma dependent accidentia vt à principiis immediatis, à substantia autem vt à termino mediato; variatis autem principiis quibus immediatè aliquid unitur, definit quoque forma unita, non autem variato eo quod se habet vt terminus, & vt quid mediatum; sicut in Eucharistia destructa substantia panis & vini; quia tamen manet quantitas, cui immediate vniuntur accidentia, illa non destruuntur; si tamen destrueretur quantitas, destruerentur accidentia ei coniuncta, etiam si substantia maneret.

Et si petas an quantitas se habeat vt principium *quo*, sicut materia, quia est ratio & medium recipiendi accidentia materialia eo modo quo intellectus est ratio recipiendi intellectionem. *Respondetur* quod quantitas non est principium tanquam radix ad recipiendum accidentia, & ita propriè non est principium *quo* recipiendi, sed mediū, quia videlicet quantitas non est principium substanciandi, quod pertinet ad rationem subiecti inhesionis, sed dicitur esse medium recipien-

recipiendi, quatenus inter ipsa accidentia est ordo, ita quod omnia non æque immediate conueniunt substantiæ, sed vnum est dispositio ad aliud, vel ratio quare vnū conueniat subiecto, sicut propriæ passionēs, quæ inter se habent ordinem, vna est ratio, quare altera dimanet, sicut volūtas ratione intellectus, & quantitas disponit ad recipiendum qualitatem, & potentia cognoscens ad recipiendum actum cognoscitiuū. Non tamen dicitur accidens esse medium quasi præbeat rationem, vel virtutem sustentandi, sicque constituat rationem subiecti. Et sic colligitur ex D. Thom. 1. part. quest. 77. artic. 7. ad 2. vbi inquit: *Quod accidens non potest per se esse subiectum accidentis, sed vnum accidens per prius recipitur in substantia, quam aliud, sicut quantitas, quam qualitas.* Et similiter 1. 2. question. 7. artic. 1. ad 3. inquit. *Quod duo accidentia aliquando comparantur ad subiectum sine ordine, vt album & musicum, aliquando cum aliquo ordine, puta quia subiectum recipit vnum accidens alio mediante, sicut corpus recipit colorem mediante superficie, & sic vnum accidens dicitur alteri inesse.* Videantur quæ diximus in logica, quest. 15.

Sequitur ex dictis; potentiam susceptiuam accidentiū debere entitatiuè esse substantialem, siquidem non quomodocunque est receptiua, sed etiam sustentatiua accidentium, ad sustentandum autem requiritur perfectius esse, scilicet esse simpliciter, à quo dependeat esse rei, quæ sustentatur & inhæret. Cæterum relatiuè, & terminatiue, dici potest potentia receptiua accidentium accidentalium ad differentiam potentie receptiue substantialis formæ, ad eum modū quo potentia obedientialis entitatiue est naturalis, secundum capacitatem autem subiicitur principio supernaturali, & terminatur ad formam supernaturalem. Quod vero potentia, & actus debeant esse in eodem genere, intelligitur de potentia, & actu, quæ omnino adæquantur, non de potentia, & actu, quæ se habent excedenter.

Pars II. Physic.

De quo axioma vide explicationes positas, quest. 12. *Physic. art. 2.*

SOLVUNTUR ARGUMENTA.

Primò examinari oportet fundamentum P. Suar. disp. 14. met. sect. 3. vbi tenet, quod materia prima esse potest & aliquando est subiectum proprium. cui soli quantitas inhæreat, quia materia de se habet potentialitatem ad recipiendum accidens, & habet sufficiens esse ad ipsum sustentandum, cum non careat existentia, siquidem est ens actu & extra causas, aliàs esset nihil; quod autem dependeat à forma, non refert, quia dependet ab illa vt à causa extrinseca, sicut etiam compositū dependet à dispositionibus, & tamen non recipit accidentia per ipsas, ergo materia secundum se est sufficiens subiectum inhætionis accidentium. *Antecedens probatur*, nam materia habet entitatem sufficientem ad sustentandum formam substantialem, ergo à fortiori vt sustentet accidentia, quia sunt debilioris entitatis, & sic minus actualitatis supponunt in subiecto. Quod vero, ita de facto contingat, quod soli materiæ vniantur accidentia, probat exemplo hominis, in quo quantitas non potest vniri formæ, quia spiritualis est, ergo soli materiæ, quia non restat aliud in quo vniatur. Eodem autem modo vnitur quantitas in corpore humano, & in alijs corporibus. *Deinde*, quia accidentia eadem manent in genito & corrupto, vt idem color eadem figura, &c. *Item* quia materia debet determinari per dispositionem ad formam, & per ipsas debet forma educi, quantitas etiam prius debet diuidere partes materiæ, quam illi applicari forma, quæ solum applicatur tantæ, vel tantæ materiæ, ergo prius debet recipere quantitatem & dispositiones, quæ formam substantialem. *Et confirmatur*, quia accidentia nullo modo pendent à forma, nec forma habet causalitatem in ipsa, nec enim materialiter causat ea, cum non dicat potentialitatem receptiuam illorum,

A 2

ncs

nec formaliter, cum non informet accidentia, sed materiam, neque efficienter, cum multa accidentia non emanent à forma, nec forma efficiat sine accidentibus, ergo.

Respondetur, quod materia non est ens actus sine forma, cum ab ipsa participet existentiam, ex se autem solum habet capacitatem receptivam esse substantialis mediante forma, ut sæpè probatum est. Et dato quod ex se haberet aliquod esse non communicatum per formam, sed independens ab illa, non tamen est sufficiens ad sustentandum accidentia, quia non est esse subsistans & terminatum in se, ut possit terminare esse accidentis, ut dicatur esse in alio: nec potest immediate respicere esse accidentale quod est secundum quid, nisi prius respiciat esse simpliciter, quod est esse substantiale. Quare non dependet materia à forma, ut à conservante, sicut compositum dependet a dispositionibus, siquidem forma non potest conservare materiam, nisi mediante aliquo effectu formali, iste autem effectus formalis non est dispositivus materiæ, quia est substantialis informatio, dat enim effectum formalem præbendo ipsum esse substantiale, vel determinando indifferentiam, & potentialitatem ipsius esse, quod habet materia, ergo oportet quod materia in suo esse dependeat a forma, si conservatur ab illa, siquidem determinatur per formam, & accipit esse substantiale à forma. Quod vero materia habeat sufficientem vim ad sustentandam formam substantialem, non arguit quod possit sustentare accidentalem, quia formam substantialem non sustentat dando illi esse, sed accipiendo ab illa, & tantum præbet ei modum existendi receptibiliter, & non permittendo ulterius communicari, accidentalem autem formam sustentat, dando ei esse, tanquam per se terminans & subsistans illi, & ita ad primam sufficit potentialitas receptiva esse substantialis, ad secundam vero requiritur substantialis actualitas, & completa ac per se, quæ secundarium esse accidentis sustentat.

Ad id vero quod dicitur de homine sustentante quantitatem, & reliqua accidentia, *ex dictis constat*, quod forma humana non concurrit recipiendo, sicut nec alia forma, quia nec est subiectum quod recipiens, cum non sit totum, sed pars, nec est subiectum quo recipiendi cum non sit principium recipiendi, sed actuandi, quod etiam requiritur ad inhaesionem ex parte subiecti, sicut & conditio potentialitatis ad recipiendum, cuius principium est materia. Et non repugnat animam rationalem esse rationem, & comprincipium ad inhaesionem accidentium materialium, licet in se sit entitas spiritalis, quia non concurrit ad talem inhaesionem, quatenus spiritalis est, sed in quantum dat gradum corporeum & sensitivum, sicut enim non repugnat, quod anima sit entitas spiritalis, & propter eminentiam suam eliciat operationes corporeas sensuum, & præbeat effectum formalem corporeum constituendo corpus & animal, ita non repugnat, quod se habeat ut principium, quoad terminanda accidentia corporea in esse: accidentia tamen in materialia ut intellectum, & voluntatem, immediate sola anima recipit, quia ut spiritus recipit, & sic est subiectum subsistens & ut quod & non solum ut quo.

Ad id quod dicitur de accidentibus manentibus in genito, & corrupto iam *supra negatum est* & explicatum, q. 1. art. 7.

Ad confirmationem respondetur, quod forma concurrit ad inhaesionem accidentium non ut principium recipiendi, quod est potentialiale, sed actuandi, non quidem ipsamet accidentia constituendo cum eis aliquam naturam sed informatione actuante materiam, & quia dat esse substantiale quod est esse primum & esse simpliciter, ideo est ratio terminandi & sustentandi esse secundarium, quod est esse accidentale, siquidem per formam substantialem præbetur esse subsistens, à quo ut à primario termino dependet esse inhaerens, quod non est in se, sed in alio.

Secundo arguitur, illi subiecto inhaerent accidentia, de cuius potentia educitur forma substantialis, sed educitur de sola materia, ut constat, ergo accidentia inhaerent soli materiae. *Confirmatur*, quia saltem generatio substantialis, quae est actio, non potest habere pro subiecto ipsum compositum, sed solam materiam primam, quia ex sola illa educitur eique vnitur forma, & similiter relatio quam habet materia ad formam, & ad Deum creatorem, & ad aliam materiam sibi similem, vel dissimilem, non possunt subiectari nisi in ipsa materia, quia solam ipsam denominant, & non compositum, ergo.

Respondetur negando maiorem. Nec obstat quod accidens disponens materiam debet educi ex eodem subiecto, ex quo educitur forma ad quam disponit; dicimus enim quod bene stat accidens inhaerere composito, & tamen determinare ac disponere materiam, quia accidens quando inhaeret composito, mediante materia tanquam principio quo receptionis recipitur, & sic sufficienter datur locus ut ipsam materiam disponat, & dicatur educi ex ipsa tanquam ex principio quo recipiendi, quia sicut in composito inhaerent accidentia mediante potentialitate materiae, per quam recipiuntur tanquam per principium quo, ita ex eius potentialitate in eodem sensu dicantur educi, ex composito autem simpliciter tanquam ex subiecto quod.

Ad confirmationem respond. quod attinet ad generationem, ipsam inhaerere esse in toto composito generato, tanquam in subiecto quod, a quo dependet ut forma quaedam in suo esse, eius tamen exercitium in ratione actionis eductivè solum respicere pro subiecto educationis ipsam materiam. Quod vero attinet ad relationem, siue creationis vel potius concreationis materiae ad Deum, siue materiae ad formam, vel ad aliam materiam, dicimus quod aliqua sunt, quae solum habent materiam pro fundamento, sicut illae in argumento relatae, non tamen ha-

bent illam solum pro subiecto inhaesionis, eadem enim ratio est de relatione, ac de reliquis accidentibus, sicut etiam relationes fundatae in ipsis accidentibus, verbi gratia in albedine, vel actione, licet proximè fundentur in accidentibus, inhaerent tamen toti composito ut in subiecto substante, sic etiam relationes, licet fundatae in materia, tamen inhaerent toti, ut substanti. Quod vero denominent solam materiam, & non compositum a quo sustentantur, non tollit quominus composito inhaereant, & non materiae, quia denominatio fit in subiecto iuxta applicationem, & exercitium in illo; contingit autem applicari uni subiecto secundum formalitatem & respectum sustentandi formam in esse, & sic denominat subiectum sustentans unionem, alij autem applicatur secundum exercitium, & formalitatem extremi, seu partis unitae, & sic non denominat subiectum unitum, quia non est pars, sed materiam. Itaque diuersis applicatur & denominat secundum diuersam formalitatem, & effectum. *Nec obstat*, quod relatio identificatur cum fundamento, & sic si fundamentum non inhaeret quod est materia, nec etiam debet inhaerere relatio, quae identificatur cum illa. *Respondetur enim*, quod id, quod identificatur cum alio ut modus, bene potest in suo esse dependere a toto, & quantum ad formalitatem modi, quam superaddit, inhaerere quantum vero ad materiale, & identicum, cum quo entitative est idem, non inhaerere; sed hoc est tantum materialiter, sc. quia illa entitas cuius est modus non inhaeret: sicut sessio non distinguitur realiter a sedente, & tamen entitas sedentis non inhaeret, ipse vero modus inhaeret, id est dependet in suo esse ab esse substantiae.

Tertio arguitur, nam si accidentia inhaerent toti, & non soli materiae, sequitur quod agant ad corruptionem sui, imò ipsum subiectum agat ad sui corruptionem consequens est falsum, ergo *sequela patet* quia calor, verbi gratia, agit ad corruptionem aquae in qua

est, ergo agit per se ad corruptionem sui cū per se agat ad corruptionem causæ sui, quæ est aqua. Et similiter ipsa aqua, quæ est subiectum, agit per calorem in se receptum, nam cum calor sit qualitas actiua, & insit aquæ, non ipsa sola, sed subiectum per illam operatur, calidū enim est, quod calefacit, non calor; ergo si per calorem destruitur aqua, & aqua est subiectum caloris, aqua agit ad sui destructionem. Similiter etiam sequeretur, quod aqua calida non posset calorem à se expellere, & se reducere ad frigiditatem, quia impossibile est quod tota aqua sit agens, & patiens, ergo non potest tota esse subiectum caloris, & tota agere in calorem corrumpendo illum. *Quod si dicatur*, calorem non se habere vt virtutem efficientem in aqua, sed vt dispositionē ad formam ignis, *tunc fit instantia*, quia accidentia disponunt materiam ad formam, & non compositum, ergo inhærent illi, siquidem non disponunt nisi inhærendo, & ita sicut denominant materiam dispositam, ita & sustentantem talem dispositionem. *Confirm.* quia potest continuari aliquis motus in corrupto, & in genito, vt quando canis cadens è turri moritur in medio, non discontinuando motum, ergo non potest subiectari in composito, quia sic discontinuaretur.

Respond. negando, quod calor, vel aqua calida agant effectiue ad sui corruptionem, quia vt supra diximus *quest. 1.* ex D. Thom. accidens nunquam effectiue in suum subiectum, sed vna pars continui agit in aliam, & vnum contiguum in aliud, & sic calor nunquam destruit se effectiue, sed illud efficiens quod agit in calidum, vel illa pars quæ agit in aliam, destruit illum calorem; & quando vna pars agit in aliam, & multiplicat calorem, aliqui dicunt aquam, vel subiectum in quo multiplicatur solum se habere vt deferens, nō vt causa principalis produciens. Cæterum non videtur posse intelligi, quod medium sit deferens, nisi sit etiam produciens, quia non defertur, nec transit i-

dem numero accidens de subiecto in subiectum, vel de parte in partē, ergo multiplicatur accidens per sui communicationem, & consequenter per productionem, quia nouum, & distinctum accidens est. Quod si producit, ergo vt causa principalis se habet, quia assimilat passum, seu effectū productum formæ illi per quam agit vna pars in aliam, quod est signum esse causam principalem in agendo, quia causa principalis est illa, cui immediate & per se assimilatur effectus, licet quia nō est accidens propriū, nec habet radicem in tali subiecto, sed solū participatiue, & per modum transeuntis, dicitur habere modum causæ instrumentalis, quantum ad modum habendi formam, non quantum ad ipsam formam habitam, quæ per se & principaliter est operatiua alterius sibi similis, verbi gratia, calor caloris. *Ad id vero* quod dicitur de aqua reducēte se ad frigiditatem, *diximus in 8. Physic. q. 23. & supra q. 5. art. 1.* quod illa reductio fit à generante mediante forma aquæ, quia est propria passio, quæ semper reducitur in ipsum generans tanquam in efficiens. Quod verò attinet ad dispositiones, iam diximus quod in re dispositiones nunquam inhærent in sola materia, quia in re semper est informata forma, & sic semper datur compositū cui inhæreant, quia tamen mediante materia tanquam principio quo receptionis inhærent, ideo materiam dicuntur disponere, & determinare, sed ab ipso composito sustentari.

Ad Confirm. respondimus supra questione 1. art. 7. illum motum non esse continuum ex parte subiecti cū corrumpatur illud in quo prius erat, sed discontinuari in ipso instanti generationis, licet quia solum illo instanti discontinuatur per quietem negatiuam, & non priuatiuam, videatur continuari ex parte temporis.

Vltimo arguitur, quantitas sequitur materiam sicut qualitas formam, ergo saltem quantitas debet inhære materię, quia si sequitur materiam præcedit formam, & sic erit

fic erit in sola materia, quod præsertim ut iam dictum est verificatur in homine, in quo quantitas nullo modo potest inhaerere formæ quæ spiritualis est, ergo soli materiæ. *Et confirm.* quia diuersæ formæ nõ recipiuntur in eadem materia sed in diuersa, est autē diuersa per diuisionē quantitatis, ergo prior est quantitas in materia tanquam diuidens, & efficiens ipsam, quā quod forma recipiatur. Denique hæc videtur sententia S. Thomæ, quia in 4. *distinct.* 12. *quest.* 1. *art.* 2. *q.* 4. docet ex Auerroe, quod oportet intelligere dimensiones interminatas ante aduentum formæ substantialis, alias non posset intelligi diuisio materiæ, ut in diuersis partibus materiæ diuersæ formæ substantiales essent, similiter in 4. *cont. Gent.* cap. 81. dicit, quod anima rationalis manet post mortem, materia etiam quæ tali formæ fuit subiecta, manet in eisdem dimensionibus, ex quibus habebat, ut esset materia indiuidualis; ergo secundum D. Thom. materia secundum se est subiectum quantitatis.

Respondetur. quod illud axioma quantitas sequitur materiam, & qualitas formam intelligitur sic, quod sequitur ad compositum ratione materiæ, & qualitas ratione formæ, vnde non oportet quod subiectentur nisi in ipso composito. Imò non est intelligendum, quod quantitas sequatur ad materiam nudam sine forma, cum constet sequi ad gradum corporeitatis, qui præbetur à forma; sed intelligitur sequi materiam, vel quia solum inuenitur in rebus materialibus, qualitas autem sequitur actum, etiamsi immaterialis sit, & sic proprium est qualitatis qualificare, sicut & formæ; tum etiam quia quantitas se habet in genere accidentium sicut materia in genere substantiæ, quia non est actiua, sed medium receptiuum aliorum accidentium, & inter reliqua primum, quæ omnia proportionem, & analogiam dicunt ad materiam primam, & ideo dicitur sequi illam secundum istas condiciones.

Ad Confirmationem respondetur, diuersas

formas recipi in diuersis partibus materiæ, siue in materia diuisa per quantitatem non existentem ante formam, sed concomitantē ipsam, & consequentem eam, sicut aliæ dispositiones, quarum vna & prima est quantitas, sed tamen quia dispositiones ut supra *quest.* 1. latè tractatum est, licet in genere causæ formalis sequantur formam, tamen in genere causæ materialis qua determinant, & disponunt materiam præintelliguntur ad formam prioritate naturæ, seu dependentiæ, non existentiæ, ita quantitas secundum quod intelligitur diuidere materiam, & coaptare illam formæ, ut tanta materia & non plus subiiciatur formæ, sic intelligitur præcedere formam præcedentiā naturæ, quia sic consideratur per modum dispositionis materialis, & sic vocatur quantitas interminata sub præcisa ratione qua facit diuisionem, ut dicemus *articulo* 3. eadem tamen quantitas ut formata, & suis terminis figurata, sequitur formam, & in re ac secundum durationem semper existit cū forma, & dependenter ab illa.

Ad D. Thom. dicimus, quod in primo loco utitur sententia Commentatoris quantum ad hoc quod est quantitatem interminatam præintelligi in materia prioritate naturæ, nam quod non præexistant in materia dimensiones secundum durationem, expresse reprobauit in Auerroe S. Thom. *opuscul.* 32. *cap.* 4. In secundo loco loquitur D. Thom. ex suppositione, & ad hominem contra gentiles negantes resurrectionem, quos conuincit ex his quæ ipsi concedebant, scilicet materiam semper habere easdem dimensiones, ut dicebat Commentator. sic soluit Ferrar. ibidem & Bannez hic *quest.* 9. *art.* 3. Potest tamen etiam dici, quod materia dicitur à D. Thom. manere sub eisdem dimensionibus, quatenus tali formæ fuit subiecta, ut sit sensus, quod materia quæ ut subiecta formæ sub eisdem dimensionibus manet post mortem, non quia maneant eadem dimensiones, sed quia fuit subiecta formæ sub talibus dimensionibus, & manet in

materia ordo ad illas dimensiones, sicut & ad formam cui sub illis fuit subiecta, non tamen ipsæ dimensiones actu manent, sed ordo ad illas. Et hoc ideo est, quia ibidem paulò post dicit D. Thom. quod corporeitas quæ est forma accidentalis secundum quam dicitur corpus esse in genere quantitatis, in nihilum cedit corpore humano corrupto, ergo sentit D. Thom. quod quantitas non manet actu, hæc enim est corporeitas quæ est forma accidentalis.

ARTICVLVS II.

Quid debeat fieri in accidente, vt separatim maneat à subiecto?

Supponimus accidens reale, quod verè, & propriè est inhærens, posse separatim à subiecto conseruari; & dicimus accidens inhærens, quia modus qui non habet esse distinctum realiter à subiecto, sed identificatur cum eo, ideo non est capax existendi separatim ab eo, quia si realiter separaretur hoc ipso haberet esse realiter distinctum à subiecto, quia separatim. Accidens, ergo præsertim absolutum, quod non est modus, sed realiter distinctum, sine subiecto conseruari potest à Deo, vt patet exemplo quantitatis, quæ in Eucharistia sine substantia panis, & sine alio subiecto inhærens conseruatur à Deo. Et deinde, quia vis sustentatiua accidentium conuenit substantiæ non informando ipsum accidens, sed suo esse coniungendo, & mediatè terminando quoad exercitium existentiae, non quoad informationem aliquam, seu genus causæ formalis dantis speciem accidenti; & ita coniunctio illa ad substantiam ordinatur ad hoc, vt accidens conseruetur in esse, & actu existat non in se, sed in alio, quia non est capax existendi in se, & per se, sicut substantia; cum ergo existat in alio tanquam in extrinseco sibi vt conseruetur in esse, & habeat existentiam sic dependentem, & terminatam, totum hoc potest Deus supplere sine tali causa sustentante, quia o-

mnis conseruatio existentiae excellentius fit à prima causa efficiente, quam ab aliqua causa creata extrinseca, siue materiali, siue efficiente, siquidem id facit in virtute primæ causæ, & sic eâ remotâ, adhuc in virtute Dei sustentari potest, quia illa dependentia à substantia solum est dependentia in existendo non in constituendo naturam accidentis. Si tamen effectus hic non esset sola conseruatio in esse, sed aliquis alius effectus formalis, non pertinens præcisè ad exercitium existentiae, sed ad aliquam specificationem, vel formalitatem intrinsecam, non posset à solo efficiente Deo suppleri, quia efficiens supplet existentiam, quam propriè respicit, & præbet, non autem specificationem, vel formalitatem aliquam constitutiua. Et in hoc consistit ratio S. Thom. 3. part. quæst. 77. art. 1. quod idcirco potest Deus conseruare accidens sine subiecto, quia effectus magis dependet à causa prima, quam à causa secunda, & ideo remotâ causa secunda per quam conseruabat esse accidentis, adhuc se sola potest illud conseruare. Quare solum supplet Deus effectum causæ secundæ, in eo, quod est conseruare esse, non in eo quod est constituere, vel quoad specificationem formalizare. Et ita non supplet Deus causam materiale exercendo officium causæ materialis, vel formalis, sed solum id, in quo illa causa erat conseruatiua existentiae, in hoc supplet per efficientiam id, quod illa faciebat per terminationem, vel sustentationem.

Sed tunc est difficultas, quid producat Deus in accidente, & quid in illo fiat, vt se solo & sine substantia sustentetur in esse. In quo aliqui sentiunt, quod additur aliquis modus in se accidenti, quando sustentatur extra subiectum, & redditur per se existens. Quod insinuat Caiet. 3. p. q. 77. art. 1. licet obscure loquatur, & esse probabile fatetur Suarez 3. tom. 3. p. disp. 56. sect. 1. Oppositum verò tenet Scotus 1. 4. disp. 12. q. 1. M. Soto ibi, & Nunno super locum citatum 3. p. D. Thom.

Nihilominus dicimus, quod *accidens per separationem non acquiritur esse secundum antiquum remanet*, ut saepe affirmat D. Thom. *quest. 77. citata. praesertim art. 1. ad 3. ubi dicit: Quod remanent accidentia virtute divina in illo esse induratum, quod antea habebant.* Et loquitur de illo quod habebant in substantia panis & vini. Ratio est, quia actio divina conservans esse accidentium, non mutat earum entitatem, alias non conservaret eandem, ergo neque mutat esse proprium, hoc enim non mutatur entitate immutata, nec venit illis aliquam existentiam extraneam, quia non potest assignari quantum sit, nec enim est divina, cum non vniantur accidentia Deo; nec creata esse potest, cum nulla detur aliena, quae illis accidentibus uniatur, nec possit existentia vnius creata servire alteri propter sui limitationem. Actio ergo divina separans accidentia non est productiva novi esse, sed conservativa antiqui, licet non cum dependentia antiqua.

Nec obstat, si dicas, quod inherencia accidentis, & existentia sunt idem realiter, vel saltem inherencia est medium recipiendi accidentium existentiam, sicut subsistentia est medium recipiendi existentiam substantiae, ergo non potest remoueri inherencia nisi remoueat existentiā.

Respondetur, quod inherencia est modus existendi distinctus ab ipsa existentia accidentis sicut in substantia distinguitur subsistentia ab existentia, & sic separari potest existentia ab inherencia, & manere sine illa, saltem ut modus sine modo, eò quod inherencia essentialiter est modus dependentiae à causa materiali, & subiectiva tantum, seu à causa substantiae, existentia verò praecipue à producente; & quia Deus est principaliter producat, potest istam sine illa conservare. Et ex hoc amplius constat differentia inter existentiam substantiae, & accidentis, quod existentia substantiae est existentia perfecta, & per se, & dat primum esse, & sic per se requirit, & supponit subsistentiam,

quae est terminus totius, quia illud esse primum conuenit toti, seu termino, non parti, quae dependenter à toto habet esse, & consequenter supponit ipsum totum tanquam prius. Vnde remotā subsistentiā remouetur talis existentia substantialis, prout est existentia perfecta & per se; parti enim non conuenit nisi ut *quo*. At verò accidens non habet existentiam perfectam, & totalem, sed indigentem alteri adiungi, ut ibi terminetur, & non decingat; unde prius conuenit ei talis existentia, quam inherencia, per quam perficitur, cum alteri innitatur, & terminata reddatur, non sicut existentia substantiae, quae ex se postulat non inniti alteri, sed per se subsistere. Et ita sublato subiecto, cui innititur accidens, conservat Deus sine ista innitentia ipsum esse, quod antea conservabat.

Secundò dico; quod non est necesse producere novum modum positum superadditum accidenti separato, ut existat per se, sed sufficit conservare illud esse sine illa inherencia, & sic solum consequitur modus privativus, scil. *existere sine illa dependentia*; sicut ad hoc quod Deus producat se solo effectus aliquos in rerum natura, v. g. sanitatem sine medicina, & lucem sine sole, aut hominem sine generante, non indiget ponere novum modum in ipsa re sic producta, sed solum remotis causis secundis dare illis esse quod per tales causas daret, ergo similiter ad separandum accidens sufficit separata causa secunda illius esse conservare, ergo non requiritur alius novus modus superadditus. Et praesertim quia ille modus, nec potest esse substantialis, nec accidentalis: non substantialis, quia nulli substantiae est debitus, vel proprius, substantiae enim debetur modus existendi per se sine aptitudine ad inherendum, illud autē accidens manet cū aptitudine ad inherendum, & solum actuali inhaerentia destituitur, ergo non accipit modum substantialem. Nec etiam est accidentalis, quia modus accidentalis non potest extra subiectum sustentare, & constituere, cū ex-
peta

petat subiectum, & respiciat illud hoc ipso quod accidentalis est, & positivus constituens subiectum in modo accidentali essendi, seu proprio accidentis; ergo non datur, sed sola continuatio existentiae cum privatione dependentiae à subiecto, sicut quando anima separatur à corpore, licet amittat modum informandi positivum, non tamen acquirit novum modum nisi tantum privativum; scil. existere sine corpore, & habere suum esse non communicatum corpori.

Sed obijcies, ille concursus Dei quo sustentantur accidentia sine subiecto, non est idem quo sustentabantur ante mediante substantia, sed perfectior, & efficacior, ergo habet distinctum terminum, & distinctam perfectionem in illo, ergo vel novum esse, vel novum modum.

Secundò D. Thom. affirmat *quest. illa 77. art. 1. ad 4.* quòd quantitas separata, ita habet esse, quòd componitur ex *quo* est, & *quod* est, quòd antea non habebat, & *art. 1. ad 2.* dicit, quòd accidens accipit modum substantiae, & *art. 3.* quòd accipit virtutem substantiae, ergo habet aliquid positivum, quòd ante non habebat. *Tertiò* connaturalius est, ut quando tollitur aliquis modus, praesertim si sit modus terminans esse, succedat alius, sicut ablata terminatione quantitatis, ut figura aut situs, aut ubi, succedit alius modus, ergo sublata inhaerentia, alius modus succedit, & praecipuè, quia nobilior modus existendi separatè, & sine dependentia à subiecto, quam cum illa, existere autè sine dependentia non potest esse sine aliquo positivo & non per solam negationem dependentiae, ergo à fortiori modus existendi separatè à subiecto. Quod si illa perfectas non est positivus aliquis modus euacuatur fundamentum ad ponendum contra Scotum, quòd subsistentia sit modus positivus. Denique concursus, quo per materiam conservabatur accidens erat idem cum concursu ipsius causae secundae sustentantis, modo autem invenitur sine tali concursu causae secundae, & sine educatione, & dependentia à

subiecto, ergo est distinctus, & consequenter distinctum terminum habet in ipso accidente.

Ad primum respondetur, quòd ille concursus quo Deus conservat accidens separatum distinctus est ab illo quo conservatur in subiecto, non ex parte rei productae, vel modi superadditi, sed ex parte modi producendi, quatenus conservatur illud accidens cum concursu non identificato cum sustentatione materiae, antea autem conservabatur cum concursu identificato cum tali subiecti sustentatione, ista autem diversitas modi agendi non infert novum modum positivum superadditum ipsi rei productae, sed sufficit quòd tollat aliquam dependentiam, quam antea habebat, idem enim quòd Deus producit concurrente cum alia causa, potest producere agendo se solo, ut in exemplis supra adductis patet, sine hoc quòd novum modum producat, superadditum ipsi rei productae.

Ad secundum respondetur, quòd D. Thom. non explicat quòd iste modus, quo existit accidens separatum, sit modus positivus ei superadditus, sed sufficit quòd sit privativus, ut explicatum est. Et quando dicit, quòd accidens separatum est compositum ex esse & quòd est. ly *quòd est*, non importat essentiam accidentis cum modo positivo, sed sufficit ipsa essentia accidentis cum remotione inhaerentiae, sic enim componit cum sua existentia tanquam id quòd est, id est, tanquam entitas actu non existens in alio, nec informans ut *quo*, & consequenter ut *quod*, & ad hoc sufficit negatio inhaerentiae cum conservatione existentiae, & consequenter cum compositione cum ipsa. Dicitur etiam habere modum aut virtutem substantiae, non positivum modum accipiendo, sed inhaerentiam relinquendo, in quo se habet ad instar substantiae.

Ad tertium respondetur, quòd etiam hic succedit aliquis modus modo inhaerentiae, sed privativus non positivus; nec enim semper succedit positivum alteri positivo, ut pa-

ut patet cum mortuo filio non succedit Patri altera relatio, sed priuatio relationis, & luci succedunt tenebræ, & visui cæcitas; cur ergo non poterit succedere modo inhærentiæ priuatio eius? *Et quando dicitur, quod est nobilior modus existendi in accidente separato, Respondeo, quod est nobilior per remotionem actualis dependentiæ quæ est quædam imperfectio, non per modum superadditum positivæ postulanti illam perfectionem sicut modus substantiæ, quæ habet perfectiorem intrinsecam. Et sic concursus Dei sic conseruans perfectior est, quatenus per se sine causa secunda agit, non quia perfectiorem effectum, seu modum producat sicut in superioribus exemplis ostensum est, & sicut anima rationalis ex separatione habet perfectiorem statum essendi, quam cum existentia in materia, quatenus ab illa aliquo modo aggrauatur, & materializatur, nec tamen nouum modum positivum oportet quod acquirat. Quod verò additur de ipsa substantia, Respond. quod substantia non solum habet negationem actu dependendi, sed non habet capacitatem, nec aptitudinem ad inhærendum, & ita debet habere modum sic existendi, quod excludat omnem potentiam dependendi, non autem quod solum remoueatur actualis dependentia in accidente autem solum actualis inhærentia remouetur; vnde sufficit in ea actualis priuatio sine modo positivus; in substantia autem modus positivus requiritur, quia ab intrinseco reddit incapacem inhærentiæ.*

Ad vltimum, iam diximus concursum diuinum quo sustentatur accidens esse distinctum ab eo quo sustentabat mediante subiecto, quia nō identificatur cum illo, sed remoto illo operatur, nec tamē sequitur quod producat nouum modum positivum, sed idem esse cum remotione dependentiæ à causa secunda, ut explicatum est.

Part II. Physicor.

ARTICVLVS III.

A quo principio sumatur indiuiduatio substantiæ materialis?

PRO CLARIORI noticia terminorum oportet supponere, quid sit formaliter indiuiduatio in substantia, quid eius principium, & quis terminus. Indiuiduatio ergo potest considerari & Mathaphysice, & Logice, & Physice, Methaphysice dicit vltimum gradum in serie cuiuscunque radicamenti, sicut genus supremum dicit gradum primum; & iste gradus vltimus fit per differentiam vltimam, quæ est indiuidualis contrahens speciem, Logice dicit relationem subijcibilitatis ad prædicata superiora, & prædicabilitatis de vno tantum, id est de se ipso, & vtrumque est secunda intentio. Physice est ipsa vnitas numerica, qua aliquid ita est vnum, quod est indiuiduum in se & diuisum à quolibet alio, sicut illud definit S. Thom. 1^a part. quæstion. 29. articul. 4. Itaque qua parte dicit vnitatem incommunicabilem & vltius indiuisam dicit indiuiduationem, ut in vno tantum; qua parte dicit diuisam à quolibet alio, supponit vel admittit multiplicationem indiuidualem, ita quod vnum indiuiduum diuidatur & separetur etiam à quolibet indiuiduo sub eadem specie constituto, si detur. Vnde in hac difficultate non possumus loqui de indiuiduatione substantiæ materialis, quin etiam loquamur de eius multiplicatione, & vtriusque rationem assignemus.

Principium indiuiduationis, dicitur fundamentum illud vel radix, vnde sumitur ista vnitas sic indiuisa seu vltius indiuisibilis in plura, & diuisa à quolibet alia etiam similis vnitatis indiuidualis. *Et inquirimus* an desumatur ex principiis constitutivis & proprijs ipsius naturæ, an vero ex aliquo quod sit extra conceptum naturæ, & quidditatis. Oportet enim quod ad indiuiduationem mul-

Bb

tiplican.

triplicandam concurrant duæ conditiones; prima, quod id quod indiuiduat pertineat ad substantiam & substantialem unitatē faciat siquidem indiuiduum substantiæ etiā pertinet ad Prædicamentum substantiæ, tanquā vltimū in eius linea, secunda, quod ita multiplicet substantiam substantialiter, quod non essentialiter, nec formaliter, quia indiuidualis distinctio non opponitur unitati formali, prout specifica est, sed totam speciē, & quidditatē conseruat in vno indiuiduo & in alio, non autem formale distinctionem specificam, & quidditatiuam facit.

Terminus indiuiduationis est substantia seu supposita litas, quæ per se solum inuenitur in indiuiduis substantialibus, quæ per se terminantur & per se sistunt in esse; accidentia autē non habent in se terminationem & substantiam, sed per inhaerentiam ad rem substantentem redduntur terminata. Et non indiuiduatur substantia per istum terminum, sed per illam modificatur, seu terminatur, quatenus redditur vltiori supposito incommunicabilis, videmus enim quod humanitas Christi domini non habet propriam substantiam, & tamen habet propriam singularitatem, quia vt singularis & distincta ab alijs naturis assumpta est, non autem per ipsum Verbum singularizata est.

Ex quo nascitur, quod cum substantia se habeat vt terminus, & modus vltimus substantiæ, non repugnat ex eadem natura singulari si impediatur, aut remoueat propria substantia, postea dimanare aliam numero diuersam à priori sine vl a singularitatis diuisione, sicut ex eadem numero quantitate si remoueat superflues, vel punctum terminans dimanabit aliud, sic ab eadem numero natura etiam si multiplicabilis non sit, quia singularis est, siue sit corporea, siue incorporea, illæ plures substantiæ sic succedentes dimanabant, & sub eodem ordine ad principium indiuiduans continentur, quia dimanat ab eodem principijs in virtute primæ genera-

tionis, quæ ita produxit hanc naturam singularem sub ista numero substantia, quod si impediretur, succederet alia loco illius, quæ omnes per modum vnius censentur sub tali natura singulari, & eius principijs & generatione, & ita hæc diuersa successio non multiplicat naturam, siquidem etiam eidem singulari naturæ conuenit, siue materialis, siue immaterialis, sit. Quamquam in hoc hæere potest sententia, & non improbabiler defendi, quod ab vnica & singulari natura solum potest emanare vnica substantia propria, ita quod si semel habuit propriam, & illa impediatur per assumptionem hypostaticam, si iterum dimittatur talis natura, non emanabit alia substantia, sed peribit substantia, eo quod substantia, & existentia non se habet sicut propriæ passionēs, quæ supponunt naturam existentem, non ad constituendam existentiam pertinent, sicut terminus substantiæ, & existentia, quibus sublatis perit & definit natura, sicut etiam cum motus cordis cessat, non potest alius emanare, quia perit natura, multo ergo minus dimanabit existentia, vel substantia semel ablata. At vero si nunquam propria substantia emanauit, sicut modo in humanitate Christi, quæ nunquam habuit propriam substantiam, si dimitteretur, emanaret in vi primæ generationis.

Varia sententia.

CIRCA principium ergo indiuiduationis variæ sunt Philosophorum sententiæ, quæ varietas inde orta est, quia multa requiruntur ad singularitatem quæ non videntur in vnā radicem & principium redaci posse. Nam in indiuiduatione inuenimus unitatem, & sic videtur sequi ad entitatem; inuenimus etiam diuisionem à quolibet alio, & sic videtur sequi quantitatem; inuenimus quod sit vltimus gradus in serie prædicamentali & sic videtur sequi ad eandem formam ad quam sequuntur alij gradus; inuenimus, quod non

non constituit gradum quidditatum, neque facit differre essentialiter, cum omnia individua sint eiusdem rationis, & sic videtur sequi ad accidentia, quæ extra quidditatem sunt. Denique individuum habet incommunicabilitatem, quia non est commune, nec communicabile pluribus, & sic videtur sequi materiam.

Ex his diuersæ sententiæ derivata sunt, quæ præcipue reducuntur ad quatuor, prima affirmat vnumquodque indiuiduari se ipso & ex propria entitate, & sicut se ipsa habet unitatem formalem, & omnis veritas est passio entis, ideo ipsam entitatem ponit pro principio indiuiduationis. Ita tenet P. Suarez *disput. 5. met. sect. 4.* & pro ea citantur alij antiqui v. Niphus, Zimara, Auicina, Averroes, & alij.

Secunda sententiæ, per aliud extremum est Scoti, qui videns indiuiduationem non addere prædicatum quidditatum, nec facere differre quidditativè, dixit indiuiduationem fieri per aliquid distinctum, & tanquam extrinsecum adueniens naturæ, quod vocavit hæccitatem, cuius effectus formalis est reddere naturam indiuisibilem in partes subiectivas. Nec oportet querere intra naturam principium singularitatis, sed solum in natura est potentia & indifferentia, ut sit hæc vel illa, sed per additionem entitatis extrinsecæ id debet fieri, sicut per entitatem ab extra aduenientem, quæ est prædeterminatio, indifferentia potentiæ operantis determinatur, ut iuxta modum suum singularem & certum effectum operetur, & sicut per additionem existentie redditur ipsa essentia actu existens. Ita sumitur ex Scoto in 2. distinct. 3. *questio. 6.*

Tertia sententiæ, attendens ad diuisionem, quam facit indiuiduatio intra eandem speciem, & quia actus est qui distinguit, assignat pro principio indiuiduationis aliquam formam. Quidam formam substantialem, quod attribuitur Averrois 1. *de anima, c. 7* & Auicennæ lib. 6. *naturalium. part. 1.* alij quantitatem, quod Scotus citat. loco,

questio. 4. attribuit Gotifredo, & ex parte sequuntur, Soncinas 7. *met. questio. 34* Ferrar. 1. *contra gent. cap. 21.* Capreolus in 2. *distinctio. 3. questio. 1.* quatenus ex duobus quæ ad indiuiduationem requiruntur, scilicet quod sit incommunicabile multis, & distinctum numeraliter ab alijs, hoc secundum tribuunt quantitati, fauetq; D. Th. in 4. *dist. 11. q. 1. art. 1. q. 3. ad 3.* & alijs locis postea citandis.

Quarta sententiæ, attendens admodum proprium indiuiduationis, & singularitatis, qui est incommunicabilitas, affirmat materiam primam esse principium indiuiduationis, id est vltimum subiectum incommunicabile. Sed cum materia de se sit pura potentia, & indifferens ad plura individua, modo ad plures species, indiuiduatio autem supponit naturam specificam constitutam, ideo quidam assignauerunt pro principio indiuiduationis materiam ut informatam forma substantiali, quia actus est qui distinguit; Alij vero ponunt materiam, ut signatam quantitate, seu cum ordine ad quantitatem esse principium indiuiduationis, quod frequenter dicit S. Tho. & sequuntur Thomistæ. Inter quos tamen est magna varietas declarandi istam signationem quantitatis, an sit ipsa quantitas ut actualiter informans materiam, an vero radicaliter præhabita in materia, an solum ut connotata, & per modum conditionis inclusa; de quo postea agemus. Nec defuerunt, qui substantiam & existentiam pro principio indiuiduationis assignarunt, ut refert Scotus loco cit. q. 3. eo quod habent rationem vltimi termini incommunicabilis.

RESOLVTIO.

DICO primo non potest natura specifica ex sola entitate sua quæ præcise includit prædicata quidditativa, esse principium adequatum indiuiduationis. Itaque sola entitas & essentia rei se ipsa & sine alio ordine, vel extrinseco superaddito, non est principium indiuiduationis. Vbi non loquimur de entitate

superiora, ergo debet indiuiduatio ex principiis intrinsecis oriri. *Respondetur*, indiuiduum esse quid intrinsecum per modum terminantis, & modificantis seu per modum subiecti potius quam prædicati, siquidem est id quod omnibus prædicatis superioribus subiicitur; unde pertinet ad rem per modum constituentis subiectum, non naturam, & per modum modificantis quidditatem. Nec requiritur, quod oriatur ex essentialibus principiis, sicut propriæ passionis, sed sufficit quod conueniat per denominationem intrinsecam, & tanquam modificatio intrinseca, & secundum id quod pertinet ad statum rei, magis quam ad intrinsecam entitatem, & constitutionem. Hic tamen status, & hic modus ita conuenit rei, quod dicit ordinem, & connotationem ad aliquas conditiones extrinsecas, & non omnino absolute ex intrinseca quidditate conuenit.

Secundo probatur conclusio, quia unitas indiuidualis in quantum indiuidualis, & similiter indiuidualis multiplicatio non conuenit naturæ, neque in primo, neque in secundo modo per se, licet conueniat in tertio, qui non est modus prædicandi, sed existendi, sicut nec quartus modus per se est prædicandi sed causandi. Si ergo non conuenit naturæ, neque in primo modo dicendi per se, neque in secundo, ad hoc ut ei conueniat, indigebit aliquo principio extra naturam, quod sit ratio conueniendi, & sic non omnis entitas seu quidditas secundum se considerata est principium & radix distinctionis, & unitatis numericæ. *Consequentia patet*, quia quod non conuenit alicui ex propria & intima connexionem, ergo conuenit per aliud quia in intrinseca eius ratione non est sufficiens principium conueniendi. *Antecedens verò probatur*, quia quod conuenit alicui per se, conuenit omni, omne enim quod est per se, est de omni, ut docet Aristotel. in primo Poster. & communiter omnes Logici, sed constat, quod singularitas non dicitur de omni, siquidem sine hac vel il-

la singularitate determinata, inuenitur natura & totus eius conceptus quidditativus, ergo quod sit hæc singularitas in tali natura, non per se illi conuenit, neque de omni, sed per aliud quod est extra conceptum naturæ.

Respondetur primo, quod singularitas vagæ, essentialiter & intrinsece conuenit naturæ, siquidem omnis natura hoc ipso quod realis est, debet esse singularis; & hoc sufficit, ut dicatur conuenire per se, ita quod non indigeat alio principio ut conueniat, licet singularitas ut determinata & hæc, non per se conueniat, sed per aliud, quia per aliud determinatur. *Secundo*, quod dato quod indigeat alio principio præter naturam ut conueniat, illud erit ipsum efficiens, per quod producit in rerum naturam, & fit entitas realis seu extra causas, atque adeo fit singularis, non autem indiget alio principio formali seu radicali, præter ipsam naturam, & entitatem rei.

Sed contra primam solutionem instatur, quia in præsentem non inquirimus principium indiuiduationis in communi & vagæ, sed determinate, & secundum ultimum determinatum prout redditur hæc, & discernitur ab omni alio indiuiduo in singulari, ergo impertinenter recurritur ad indiuiduum vagum, sed oportet assignare principium ultimum determinans etiam indiuiduum vagum ut sit hoc determinate: sicut stat bene conuenire per se aliquid vagæ, & secundum disunctionem alicui, ut quantitati habere aliquam figuram vel ubi, & tamen hæc figura, vel hoc ubi determinate non conuenit ei per se, & sic semper restat assignare principium, & rationem, ob quam talis determinata indiuiduatio, vel figura, aut ubi conueniat, esto in communi & vagæ per se respiciatur; sicut enim indiuiduatio vaga & in communi petit principia indiuiduantia in communi, ita determinata indiuiduatio, principia determinata; & hæc oportet assignare, sola enim entitas secundum se communis est ad hanc vel illam indiuiduationem.

Contra secundam autem solutionem, quam etiam infra impugnabimus, instatur, tum quia causa efficiens æque respicit naturam & indiuiduationem eius, vtrumque enim producit, ergo de se non est principium proprium indiuiduationis vt à natura distinguitur; tum quia causa efficiens solum est executiua, & præbens esse extra causas, iuxta id quod vnaquæque res petit secundum exigentiam suam, ergo efficiens non potest esse ratio intrinseca & fundamentum seu principium propter quod aliquid conuenit alicui, sed supposita ratione conueniendi, ad efficientem solum spectat ponere illam in esse; & sicut in ipsa natura debet dari intrinsecum principium omnium prædicatorum, quæ illi conueniunt; efficiens autem solum est causa extrinseca produciens, & dans esse, ita debet assignari principium intrinsecum indiuiduationis & non solum causa extrinseca produciens, & illud est, quod inquirimus, atque ita non negamus efficiens esse principium indiuiduationis, sed extrinsecum & executiuum, non intrinsecum & formale determinans intrinsece indifferentiam naturæ, vt indiuiduetur, hac potius indiuiduatione, quam illa, & sic ex efficiendi sumitur indiuiduatio executiuè, & tanquam à principio ponente illam in esse extra causas, non autem vt à principio intrinseco formali; vnde etiam efficiens plurium indiuiduationum seu indiuiduorum est productiuum, & non solum ratio vnius tantum indiuiduationis.

Tertio probatur conclusio destruendo fundamenta Suarez. *Primo*, quia vnitas est passio entis, ergo ad entitatem realem per se ipsam sequitur vnitas realis, hæc autem necessariò est singularis, quia in re non datur vnitas abstracta, vnde hoc ipso, quod ponitur in rerum natura sine alio addito fit singularis, ergo vnitas transcendens quatenus realis, debet coincidere cum numerica. *Secundò*, quia indiuiduatio pertinet ad lineam Prædicamenti, & ad gradum Metaphysicum, si-

quidem de indiuiduo prædicantur alia prædicata superiora, sed omnes gradus metaphysici profluunt ab eadem entitate & forma, & se ipsis conueniunt illi, ergo sicut alij gradus proueniunt ab eadem entitate, & non distinguitur in re, sed solum per intellectum, ita & indiuiduatio, atque adeò non indigebit alio superaddito ad habendam istam indiuiduationem & vnitatem, sed sicut se ipsa est realis entitas, ita se ipsa est realis & singularis vnitas. *Tertiò*, quia non dependet indiuiduatio ab accidentibus, vt à principio, quia accidentia non possunt esse principium substantialis vnitatis, & possunt variari accidentia, etiam ipsa quantitas, non variata indiuiduatione naturæ & substantiæ, ergo non sumitur ab accidentibus indiuiduatio; nec etiam à materia, quia hæc est potentialis, & indifferens ad plures formas específicas, ergo etiam ad plures indiuiduas, ergo ipsa indigebit indiuiduari ex alio principio, non autem erit principium indiuiduationis. Si autem non indiget, sed se ipsa indiuiduatur, cum tamen sit communis & specifica, cur etiam aliæ naturæ substantiales, licet ex se communes sint, per se ipsas non indiuiduantur? & ex alia parte forma est quæ distinguit, & est in actu per se, & non indifferens, & in potentia, ergo potius ipsa erit principium indiuiduationis.

Ad primum respondetur, quod vnitas est passio entis, & sequitur ad totum ens, sed iuxta diuersas considerationes vnitatis sequitur ad diuersas considerationes entis, nam vt est vnitas formalis, & specifica sequitur ad entitatem ex parte formæ, & actualitatis, vt autem illa vnitas est incommunicabilis, & indiuidua, sequitur ad entitatem, vt habet in se principium incommunicabilitatis. Et ita si est natura materialis, quæ ratione materiæ incommunicabilitatem habet, vnitas vt indiuidua sequitur ad vnitatem ratione materiæ vt est principium incommunicabilitatis. Et sicut vnitas

tas communis & vniuersalis sequitur ad ipsam entitatem vt est in statu abstractionis, & non remoto illo statu, ita vnitas vt indiuidua, quia pertinet ad statum contractionis sequitur ad entitatem non absolute, sed vt est in tali statu contractionis, & incommunicabilitatis quod habet ratione materię. Itaque ad entitatem realem sequitur vnitas realis, sed iuxta modum, & statum entitatis sequitur modus & status unitatis, quod enim sit vnitas singularis, vel vniuersalis, aut vnitas formalis, & specifica sequitur ad entitatem non absolute, & secundum se consideratam, sed vt est sub tali statu & modo. Et cum dicitur quod natura hoc ipso quod ponitur in re non est vniuersalis, sed singularis, respondetur, quod hoc ipso quod ponitur in re, non ponitur nuda, & absoluta ab omni circumstantia, & statu incommunicabilitatis sed cum illo & ita redditur vnitas singularis, & indiuidua, non ratione entitatis absolute sumptę, sed circumstantionatę, & incommunicabilis. Itaque aliud est, quod natura posita in re est singularis, aliud ex quo principio, & radice habet quod sit singularis & hæc, & licet natura secundum se sit indifferēs ad plura indifferentia negatiua, tamen ista indifferentia tolli debet non per principium essetiale sed per modificatiuum essetię, eò quod illa indifferentia solum est vt natura modificetur, & materializetur per singularitatem, & indiuiduationem, non autem vt amplius quidditatiue constitutatur.

Ad secundum respon. quod indiuiduatio pertinet ad gradum metaphysicum non vt prædicatum constitutiuum & quidditatiuum sed modificatiuum, & pertinet ad statum naturę, vnde magis habet rationem subiecti, quam prædicati, quia est vltimum, cui alia insunt. Sumitur autem indiuiduatio ab eadem entitate, à qua reliqui gradus sed non sub eadem habitudine sed connotando accidentia aliqua à quibus dependet indiuiduatio. Nec intelligitur sumi ab eadem entitate, id est à forma partiali, à qua

alij gradus desumuntur, & non à materia, sufficit enim quod sumatur ab eadem forma totali, verbi gratia, ab humanitate, quę etiam includit materiam, seu principium incommunicabilitatis, & sub ista habitudine entitatis, seu formę, non vt dicit constitutionem quidditatis, sed vt dicit rationem, & habitudinem incommunicabilitatis sumitur gradus indiuidualis, sicque non totaliter ab extrinseco prouenit, vt contra Scotum statim dicemus, sed ab ipsamet entitate, à qua reliqui gradus desumuntur, sub diuersa tamen habitudine, & connotatione alicuius extrinseci. Ad verificandam autem prædicationem aliquam, non est necesse, quod aliqua identificentur ex omni parte, & omni modo, sed sufficit materialis identificatio, sicut patet in prædicatis accidentalibus, vt cum dicitur corpus est album, identificantur enim ratione suppositi habentis albedinem, vt docet D. Thom. 1. p. q. 13. art. 1.

Ad 3. Respond quod ab accidentibus non fit indiuiduatio substantialis, vt à ratione formali, & principio, seu radice propria, sed vt à conditionibus requisitis, vt exerceatur indiuiduatio, sicut postea dicemus, & sumitur ex definitione Porphyrij, cum dicit: *Quod indiuiduum est cuius collectio proprietatum non est in alio.* Est autem materia principium, & radix huius indiuiduationis, non quatenus est in potentia, & indifferens ad plures formas, sic enim potius est principium generis, quod est totum potentiale, sed dicitur principium indiuiduationis, quatenus est vltimum subiectum, ultra quod non fit communicatio, & sic reddit ipsas formas, & totam entitatem non communicabilem pluribus, quod est proprium indiuidui, quod non est commune multis, & sic principium incommunicandi est principium indiuiduandi. Vnde patet quod materia secundum diuersas considerationes, & est ratio habendi communitem, & indiuiduationem; communitem quidem, quatenus est indifferēs, & com-

communis ad plures formas, indiuiduationem autem, quatenus est principium nõ communicandi alijs subiectis, seu partibus materiæ, quatenus vltimum subiectum est sed tamen non exercet hanc incommunicabilitatem inter partes materiæ, nisi supposita separatione, & diuisione, quæ fit per signationem quantitatis tanquam per conditionem requisitam, vt statim dicemus. *Quod vero dicitur*, quod eadem materia indiuiduatur se ipsa, *dicimus* quod indiuiduatur se ipsa, vt principio indiuiduationis totius, & consequenter etiam sui; vnde non inuenitur sub diuersis formis materia eadem numero positiuè, sed negatiuè, materia enim de se, remota omni forma non habet vnitatem positiuam, & indiuiduatam, sed indifferentem ad formas, & ad indiuiduationes earum, est tamen principium indiuiduandi cum ordine ad designationem accidentium vbi transit materia de vna forma ad aliam. Et manet quidem materia eadem secundum se, id est secundum rationem potentialitatis suæ, non tamen cum eadem signatione quantitatis, & accidentium, & sic non manet positiuè indiuiduata ex se ipsa, licet in re semper id habeat, sed ex se solum est principium indiuiduationis. Et sic dicit S. Th. 1. de gen. lect. 5. in fin. *Quod materia eorū que transmutantur aliquantulum est eadem, aliquantulum alia, est enim eadē subiecto, sed non secundum esse, quia aliam rationem, & aliud esse accipit secundū quod est sub diuersis formis, & secundū quod ordinatur ad diuersas formas.*

Deniq; ad id quod dicitur, quod forma est principium indiuiduationis; quia actus est qui distinguit. *Resp.* quod actus est qui distinguit formaliter, sed modus distinguendi materialiter, & incommunicabiliter, est ex parte materiæ, vt ex principio, supponendo tamen quod materia sit in actu per formam, quia sine forma non datur indiuiduatio in actu, sed hoc requiritur concomitanter, & propter existentiam, nõ quia forma sit radix, seu ratio propria indiuiduationis, vt precise dicitur modū distinctionis

indiuidualis, de quo statim plura dicemus

Dico secundo, non potest assignari pro principio indiuiduationis hæcceitas ab extrinseco totaliter adueniens substantiæ, & non ab aliquo principio intrinseco materiali proueniens. In hac conclusione excludimus sententiam Scoti. *Et notandum est*, quod hæcceitas potest dupliciter sumi; vno modo vt sit idem quod differentia indiuidualis, seu vnitatis numerica, quæ formaliter constituit, & reddit naturam hanc, & singularem, & sic non est dubium dari hæcceitatem, si enim datur effectus formalis hæcceitatis, seu differentia indiuidualis, scilicet esse hoc, quod mirum, quod detur hæcceitas, quæ est forma ipsa, seu differentia indiuidualis? Quod si Scotus non amplius vellet dicere, quam quod natura redditur indiuidualis formaliter per differentiam indiuidualem verissima est, nec vllus ei contradicit; sed non tangit tunc punctum difficultatis, quia in præfenti supponimus dari differentiam indiuidualem, inquirimus autē de principio talis indiuiduationis seu vnitatis, quia cum omnes gradus metaphysici, & prædicta quidditatiua ex vnica forma proueniāt, restat difficultas, an gradus indiuidualis qui quidditatem non cōstituit in ratione quidditatis, sed in ratione modificantis, & incommunicabilis vnitatis, ne de pluribus prædicetur proueniat etiam ab eadem forma, vel à materia, vel à quo? Si vero intendit hæcceitatem esse non solum differentiam indiuidualem, sed nõ dari aliud principium indiuiduationis intra ipsam entitatem à quo illa hæcceitas proueniat, sed esse formam ab extrinseco aduenientem, sicut albedo, vel aliud simile accidens, in hoc ei contradicimus. *Et ratio est*, quia illa entitas quæ dicitur hæcceitas vel est substantialis vel accidentalis. Non accidentalis, tum quia constituit indiuiduum substantiale seu primā substantiā in linea, & prædicamenta substantiæ, ergo non potest esse accidentalis entitas; tum quia, nec est accidēs propriū, neq; cōmune, non propriū, quia hoc dima-

nat à principijs naturæ, & sic omni tali naturæ conuenit, indiuiduatio autem non conuenit omni naturæ, sed vni tantum indiuiduo; non commune, quia hoc potest adesse, & abesse, seu variari sine corruptione subiecti, principium autem indiuiduationis, vel hæcceitas illa non potest adesse sine corruptione huius subiecti indiuidui. Si autem est substantialis entitas, ergo in aliqua substantia fundatur, & ratione illius conuenit, quia vel est entitas substantialis, vel modus; si entitas, non distinguitur ab ipsa re quæ est substantia, & sic non venit ab extrinseco, sed est idem cum entitate quod est declinare in aliam extremam sententiam; si autem est modus substantialis, fundatur & originatur in ipsa substantia, alias substantialis non esset si substantiam non afficeret substantialiter, neque naturalis esset, si ex ipsa substantia naturali non originaretur, siquidem modus naturalis id entificatur cum substantia, & proportionatur illi, ergo originatur ab ea, vel oportebit assignare aliud principium substantiale à quo originetur, & sic illius erit indiuiduatio, non autem alterius, à qua non originatur, & sic necessario ponendum est pro principio hæcceitatis, & singularitatis aliquid intra ipsam substantiam, & hoc dicimus esse materiam, non autem hæcceitatem ab extrinseco tantum aduenientem.

Dices, sufficit, quod iste modus substantialis ab extrinseco efficiente proueniat, non autem habeat pro principio ipsamet substantiam, aut eius materiam; tum quia aliquando modus substantialis potest ab extrinseco prouenire, vt modus transubstantiationis, aut vnionis substantialis, quæ prouenit tantum ab efficiente, tum quia ideo requirimus nos prædeterminationem physicam in causis efficientibus subordinatis, vt determinenter ad producendum indiuiduum, cum de se sint indifferentes ad plura, & tamen illa prædeterminatio totaliter est ab extra, scilicet à causa

prima, & non nascitur, nec fundatur in ipso subiecto operante, vt in principio illius ergo neque hæcceitas.

Respondetur, quod iste modus singularitatis, sicut & ipsamet natura debet prouenire ab efficiente extrinseco in genere causæ effectiuæ, & per modum exequentis, cum quo tamen stat, quod requirat pro principio radicali, & fundamentali aliquid tenens se ex parte subiecti, efficiens enim non producit inesse effectum, nisi iuxta principia à quibus dependet, & iuxta proportionem sui fundamenti à quo oritur, & fundatur, sicut etiam propriæ passionēs producuntur ab efficiente, dependenter tamen à natura à qua originantur, & deriuantur, & similiter existentia, & subsistentia ab ipso efficiente procedunt, sed tamen iuxta principia naturæ cuius sunt, nec tamen ipsa existentia & subsistentia sunt principia indiuiduationis, vt iam supra diximus, sed termini, & complementum, vnde datur in humanitate Christi indiuiduatio naturalis, nec tamen oritur ex subsistentia naturali. De modo autem transubstantiationis, vel vnionis hypostaticæ si datur, non est ponendum aliquod principium in natura, quia non sunt naturales, sed supernaturales. *Quod verò dicitur de prædeterminatione*, *Respondetur*, quod potest considerari, vel entitatie, vt res quædam est in se indiuiduabilis, & sic indiuiduatur à subiecto, sicut reliqua accidentia, vel modi inherentes de quibus dicemus infra. Si autem consideretur sub præcisa ratione efficientis, & in eius linea quatenus est vltima applicatio causæ inferioris ad agendum ex subordinatione ad superiorem, à qua dependet in agendo, sic necessario debet ab extra prouenire, & non habere aliud principium quam efficiens superius, quia propria eius ratio in hoc solum consistit, quod determinatio, & applicatio efficientis sit. Substantia autem vt indiuiduetur in se formaliter debet etiam à causa materiali dependere, & à principijs naturæ, quam indiuiduat, licet in

quantum effectus producendus, debeat à causa efficiente dependere & fieri.

Dico tertio. Primum & radicale principium individuationis non potest esse forma substantialis, nec accidentalis, licet ad illam requiratur. De forma substantiali id sæpius docet D. Tho. dicens non esse hanc, & singularem per se, sed ex materia cui adiungitur, seu ex ordine ad illam, ut specialiter videri potest in 1. contra gent. cap. 93. ratione 2. ubi inquit: *Quod differentia, quæ ex forma procedit inducit diuersitatem speciei, quæ autem ex materia, inducit diuersitatem secundum numerum.* Et 10. Met. lect. 11. *quacumque*, inquit, *contrarietates sunt in ratione, id est ex parte formæ, faciunt differre speciem, quæ vero sunt ex parte materia, quæ sunt propria indiuidui, quod est acceptum cum materia, non faciunt differre speciem.* Et denique pro communi principio habet D. Tho. quod nulla forma, vel natura multiplicat numerum, nisi in diuersitate materiæ, ut videri potest in 2. dist. 3. q. 1. a. 4. & 1. p. q. 50. a. 4. & de ente & essentia cap. 6. *Ratio autem & fundamentum est*, quia forma ut forma, est principium speciei, ergo est principium alicuius communicabilis in plura, seu communis ad multa, ergo prout stat sub conceptu formæ, non est principium individuationis, sed oportet quod induat aliud principium, quam formæ, sc. rationem incommunicabilis ad plura, quam si forma habet ex se, erit forma immaterialis, non informans materiam, si autem ex se id non habet, sed ex materia, quia illi communicatur, indiuiduabitur ex materia. Unde roboratur hæc ratio, quia principium individuationis debet virtualiter, & in radice continere id quod ipsa indiuiduatio formaliter, sed indiuiduum est id quod non est communicabile multis, sed de vno tantum prædicari potest, ergo principium talis individuationis debet esse principium talis incommunicabilitatis ad plura, forma autem ut forma non est principium incommunicabilitatis, nec unitatis ut indiuiduæ, sed ut formalis, & specificæ, & ut communis multis, cum enim forma

ex vi formæ non sit recipiens, sed receptibilis, ex ipsa ratione formæ, communicabilis est, quia recipi est communicari, & sic de se importat conceptum communicationis ad alia in quibus recipiatur, & consequenter ad quæ comparatur tanquam ad inferiora, & subiecta sibi. At verò materia est recipiens, & ideo non communicatur alteri ut inferiori & subiecto sibi, sed si communicatur formæ, potius est ut extremum, cui forma se communicat, quam extremum quod communicatur, nec enim est id quod recipitur, sed id in quo recipitur, & cui fit communicatio, sicut non proprie dicimus humanitatem communicatam Verbo, sed Verbum humanitati, nec vas liquori, aut hominem gratiæ, sed gratiam homini, & liquorem vasi. Tandem, quia forma est principium differentiarum, & distinctionis formalis, distinctio autem indiuiduorum est materialis, ergo magis habet pro fundamento materiam quam formam: *Minor patet*, quia duo indiuidua non differunt quidditatiue, licet substantiæ sint, quia omnia prædicata quidditatiua quæ sunt in vno, sunt in altero, aliàs non participaret infimam, & ultimam speciem, si disconuenirent in aliquo prædicato quidditatiuo, & essentiali, quia hoc ad ipsam naturam, & speciem pertineret, quidditas enim & natura, species rei est, & quæ differunt quidditate, specie differunt, ergo si conueniunt duo indiuidua in specie infima, conueniunt in omnibus prædicatis quidditatiuis, & specificis, & consequenter non differunt inter se in aliquo prædicato quidditatiuo.

Quare sicut videmus, quod partes integrales non differunt essentialiter, siquidem participant eandem formam, sed materialiter, licet substantialiter, ita & indiuidua, quia ut aliqua fiant indiuidua, sufficit partes integrales diuidere, & soluere continuitatem earum, ergo, si quando sunt continue non differunt essentialiter, neque quando discontinuantur, quia discontinuatio sola non importat aliquod essentialē, & quidditatiuum.

eatium prædicatum faciens differentiam, sed solum materiem diuisionem, & consequenter non facit diuisionem formalem, licet faciat diuisionem formæ, & substantiæ, ergo oportet, quod ista distinctio non proveniat ex ipsa forma secundum quod facit officium formæ, id est, ut præbet formalem effectum diuidendo, & distinguendo formaliter, sed ex aliquo alio præter formam, diuidere enim, seu distinguere formam, & non secundum formalem distinctionem, est distinguere formam non secundum quod facit officium formæ, sed secundum aliquid illi adiunctum quod forma non fit, seu non exercens officium formæ. Sicut autem materia non potest esse principium distinctionis formalis, licet recipiat illam: ita è conuerso, licet forma diuidatur secundum distinctionem non formalem, illamque participet, non tamen potest provenire ab ipsa forma ut à principio, sed ab alia parte, quæ est materia.

Secunda verò pars conclusionis, scilicet de forma accidentali, manifeste traditur à Diu. Th. *opusc. 70. q. 4. a. 2. & opusc. 15. c. 7. & opusc. 29. & 7. Met. lect. 5. & in 4. dist. 12. q. 1. a. 2. quæstiunc. 3. ad 3.* Et ratio est manifesta, quia indiuiduatio substantiarum materialium, & distinctio earum, substantialis est, ergo oportet quod principium eius proprium, & radicale sit substantiale, nec enim accidentia possunt esse prima radix distinctionis substantialis, sed semper id quod substantiale est, reducendum est ad substantiam tanquam ad radicem, ergo cum indiuiduatio substantiæ sit aliquid pertinens ad ipsam lineam, & prædicamentum substantiæ, necesse est quod reducatur in aliquid substantiale ut in ultimam radicem. Deinde, quia primum principium indiuiduationis debet esse principium incommunicabilitatis ad aliquid sibi inferius, quantitas autem, & reliqua accidentia de se communicabilia sunt tanquam formæ, ergo non possunt esse primum principium incommunicabilitatis in substantia, imò potius ipsa quantitas,

& accidentia indiuiduatione indigent in se ipsis, eamque habent à subiecto ut *artic. 5.* dicemus, ergo non sunt principium radicale indiuiduationis, licet possint deferuire ad illam ut conditio. *Objectiones contra hanc resolutionem sequent. artic. ponentur.*

ARTICVLVS IV.

Quid sit materia signata quantitate, quæ est principium indiuiduans?

EXpressa D. Thom. sententia est innume-
ris locis, materiam quantitate signatam esse primum principium indiuiduationis, & specialiter videri potest, *opusc. 29. & opusc. 32. & opusc. 15. c. 7. & opusc. 70. q. 4. a. 2. & in 4. dist. 12. q. 1. art. 2. q. 3. ad 3. & 3 p. q. 77. ars. 2. & 1 p. q. 29. art. 1. de ente, & essentia c. 6. & 7. Met. lect. 15. Fundamentum sumitur ex dictis præced. art. vbi ostendimus indiuiduationem importare unitatem, non quomodocumque, sed cum modo incommunicabilitatis ad inferiora; similiter multiplicatio indiuidualis in substantia requirit illas duas condiciones, sc. quod faciat distinctionem substantialem, & non essentialem: quæ omnia non possunt à forma provenire, ut exercet officium formæ, benè tamen à materia, non sub indifferentia & potentialitate, sed ut determinata & signata, ut statim dicemus. Et præterea ex Aristot. probatur, quia in 5. *Metaph. text. 12. & 10. Metaph. text. 25.* Et alijs locis expresse affirmat ea esse vnum numero, quorum materia est vna, quæ vero differunt secundum contrarietatem, & distinctionem formæ, differunt specie. Expresse etiam 12. *Met. text. 49.* probat Deum esse vnum numero, quia caret materia, & quæcumque numero sunt multa, materiam habent. Quæ auctoritas valde premit authores oppositæ sententiæ; & aliqui, ut Scotus dicunt Philosoph. non loqui de materia proprie dicta, sed de hæc-ceitate. Vazquez verò 2. *tomo 1. p. disp. 181.* fatetur Arist. loqui de materia prima, sed ad locum Aristotel. non respondet, nec ad illum etiam respondet P. Suarez *lib. primo de Angelis**

Angelis cap. 15. & disp. 5. Met. sect. 2. à numer. 23. sed ad alia loca Aristot. in quibus non facimus tantam vim, unde contra ipsos non est quod urgeamus auctoritatem Philos.

Contra Scoti verò interpretationem vrgemus, quia si nomine materiæ intelligeret Philosoph. hæceitatem, quando probat, quod Deus est vnus numero, quia caret materia, sensus esset quod est vnus, quia caret hæceitate, quod est absurdum, sic enim sine hæceitate esset vnus numero. Vel si intelligitur, quod ideo Deus est vnus numero, quia non habet materiam, sed hæceitatem loco materiæ, petit principium, cum enim hæceitas sit ipsa differentia numeralis, & indiuidua, sensus esset, quod Deus est vnus numero, quia est vnus numero, vel ideo non est multiplicabilis numero, quia non habet hæceitates plures, quod est petere principium, de hoc enim inquiritur, cur non habeat hæceitates, & differentias numerales? *Secundò* quia probat Philosoph. Deum esse vnum numero, quia caret materia, ita quod est spiritualis, & immaterialis, ergo de illa materia loquitur, per cuius carentiam aliquid redditur spirituale, & immateriale, sed redditur aliquid spirituale, & immateriale per carentiam materiæ primæ, seu materiæ corporalis, non hæceitatis, ergo de ea loquitur Philosoph. quando dicit Deum esse vnum numero, quia non habet materiam. *Minor constat*, quia per carentiam hæceitatis dicitur aliquid vniuersale, non verò spirituale, neque actus purus; Deus autem dicitur carere illâ materiâ, quam si haberet non esset spiritualis, neque actus purus, ergo ratione carentiæ talis materiæ dicitur aliquid non multiplicari numero. *Et aduertendum est*, quod istæ probationes Philosophorum quibus probant vnitatem Dei, aut eius perfectionem non sunt continentendæ, sed explicandæ, quia per ipsas cognouerunt verum Deum. Testatur autem Apostolus *ad Roman. 2.* Quod cum ipsi cognouissent Deum, non sicut Deum glorificauerunt. Si au-

tem probationes quas afferunt ad vnitatem Dei probandam, & alia similia non valent, sequitur, quod non cognouerunt verum Deum, qui vnus est.

Dico secundo, signatio materia non fit formaliter per ipsam quantitatem tanquam per formam inherentem materiæ, & afficiens ipsam, sed fit per intrinsecum ordinem materiæ ad quantitatem, vt ad formam diuidentem & separantem, & ita quantitas potius est terminus signationis materiæ ad quam dicit ordinem, quam forma intrinsece signans, & hoc modo dicitur se habere, vt conditio & connotatio indiuiduationis, & in isto genere scilicet vt conditio, quantitas est primum, licet materia sit primum, & radicali indiuiduandi principium. Itaque materia signata quantitate, idem est quod materia ordinata ad quantitatem, vt diuidentem, quæ diuisio licet non fiat sine informatione quantitatis, & quantitas vt dispositio quædam est dimanat à forma, tamen sub ratione diuidentis præcedit in genere causæ materialis ipsam formam, sicut de dispositionibus sæpius dictum est, licet in genere causæ formalis è conuerso sit.

In hac conclusione explicanda satis varians Thomista, nam cum in indiuiduo reperiantur duo, quia & est vnitas in communicabilis pluribus, & est diuisio seu separatio ab alio indiuiduo, dicunt aliqui concurrere ad vtrumque materiam, & quantitatem, illam vt subiectum vltimum incommunicabile, hanc vt formam diuidentem, & separantem, ita tamen quod quantitas concurrat vt actu informans, quia sic actu diuidit. Ita Ferrar. 1. *contra gent. cap. 27.* & Soncinas 7. *met. quest. 34. & alij.* Quidam vero ponunt materiam vt ordinatam ad hanc quantitatem, non vt informatam illa, esse principium indiuiduationis. Sed diuiduntur quia aliqui intelligunt materiam determinari ad hanc quantitatem per aliquem modum substantialem super additum, qui est quasi determinatio & signatio materiæ in ordine ad quantitatem. Alij vero simpliciter dicunt, ipsam materiam signari, non quantitate

titate ipsa actu informante, nec modo substantiali superaddito quo determinetur, sed ipso ordine & habitudine, qua respicit talem quantitatem.

Vt autem inter has varietates sensum nostrum explicemus, dicimus, quod in materia ly esse signatam potest dicere duo. Vno modo id quod est esse notatam & designatam, quod pertinet quasi ad manifestationem & apparentiam designationis erga nos. Alio modo ly signata est idem quod clausa, & incommunicabilis reddita etiam respectu alterius materie, & individui, & hoc supponit separationem, & diuisionem ab alio cum reclusionem in se. Et primo modo non est dubium materiam signari ipsa quantitate ut informantem & reliquis accidentibus, hæc enim reddunt nobis materiam sensibilem & designabilem, sed non loquimur in hoc sensu in presenti, sed de ipsa indiuiduatione substantiali loquimur. Et sic dicimus, quod in secundo sensu materia sola non sufficit indiuiduate non intellecta quantitate, quia materia & habet habitudinem seu respectum ad formam, & ad aliam materiam similem sibi. Secundum habitudinem ad formam, importat potentialitatem, & confusionem ad multa, & sic non fundat indiuiduationem, sed potius est principium generis, quatenus est principium potentialitatis ad plures formas quibus actuari & determinari potest, & sic species constituitur ex materia & forma, & sic materia potest concipi in communi, in id esse principium gradus communioris, scilicet generis. At vero respectu alterius materie sibi similis, incommunicabilis redditur, licet possit per mixtionem misceri, & confundi cum alia, sed tunc fiet corruptio formarum & accidentium, nec stabit diuisio materialium: stante autem diuisione, pertinet ad materiam, & non ad formam facere istam incommunicabilitatem, quia pertinet ad ipsam rationem ultimi subiecti, unde nec formam ultra communicari sinit, nec ipsa alteri materie communicabilis est substantialiter, hoc ipso quod diuisa est: sed ut sit

diuisa, requiritur quantitas non ut precise informans, sed ut separans, & diuidens, qua diuisione facta, ex materia nascitur substantialis incommunicabilitas, & multiplicatio,

Hoc posito dicimus, quod signatio materie non fit per ipsam inhzrentiam quantitatis, seu per quantitatem ut informantem, neque per aliquem modum absolutum superadditum materie. Non per quantitatem ut informantem, tum quia quantitas, sicut & alia accidentia inhzrent toti composito, ergo signatio materie non fit per ipsam informationem quantitatis, siquidem informatio non est in ipsa materia, sed in composito, ergo signatio materie per aliud, quam per informationem sumenda est, tum quia etiam si Deus separaret quantitatem a substantia, adhuc maneret indiuiduum & tamen non maneret informatio quantitatis, sed ordo ad illam, ergo quantitas non indiuiduat per informationem actualem, sicut etiam anima separata per ordinem ad corpus indiuiduatur ut docet D. Th. 6. c. de ente & essentia, & accidens separatum manet indiuiduatum per ordinem ad subiectum: tum etiam, quia ipsa quantitas in quantum informans indiget indiuiduari sicut & alia accidentia, ergo prout sic formaliter non est indiuiduans, sed indiuiduata, nulla .e. forma in quantum forma se ipsa est indiuidua, ut docet D. Thom. opuscul. 70. quest. 4. artic. 2. tum denique quia quantitas, & reliqua accidentia ratione informationis solum dant esse accidentale, sed indiuidua non solum quantum ad unitatem, quam habent in se, sed etiam quantum ad distinctionem ab alio substantialiter se habent, differunt enim differentiis indiuidualibus, quæ sunt intra genus & lineam substantiæ, quia indiuidua substantiæ ad prædicamentum substantiæ pertinent, ergo non potest præberi iste effectus ab aliqua forma accidentali, quia non solum ratione constitutui, sed etiam ratione distinctui duo indiuidua substantiæ substantialiter distinguuntur, & sic dicit D. Thom. opuscul. 70. stat. ad 4. Quod ea quæ differunt non vera

illud sensibus, vt designatum *opus*. 29. & *opus*. 31. cap. 3. & *opus*. 70. *quest.* 4. *art.* 2. ad 2. de eadem sententia videri potest Caiet. 1. p. *quest.* 29. *articul.* 1. Mag. Bannez 1. de *generat.* cap. 5. *quest.* 3. *artic.* 8. Gonçalez 1. part. *disput.* 23. Theologi Carmelitani *tractat.* 1. *disput.* 1. *dub.* 5. Et ratio sumitur ex dictis, quia sic saluamus principium indiuiduationis substantiale ex parte rationis formalis distinctiue, & facientis incommunicabilitatem; saluamus etiam quantitatem & proprietates indiuiduales quarum collectio ad indiuiduationem requiritur vt constat ex definitione indiuidui, & non vt formaliter constituentes, quia indiuiduum constitutum, substantiale est, ipsæ vero accidentia sunt, ergo vt conditiones requisitæ quod amplius ex argument. solutione elucidabitur.

SOLVUNTUR ARGV- MENTA.

Primo arguit. contra dicta, quia iste ordo quem ponimus, patitur easdem difficultates, ac modus absolutus, vel alia accidentia actuantia, quæ reijcimus; siquidem etiã ordo ille informat materiam, & indiuiduatione indiget. Item quia quantitas non diuidit materiã, nisi afficiendo ipsam & compositum, ergo informando indiuiduat, & consequenter iam supponit subiectum indiuiduatum. Item quia si se habet tantum vt conditio, poterit Deus eã supplere, vt patet in applicatione agentis ad passum. Item in natura diuina & humanitate Christi, sine incommunicabilitate datur indiuiduatio, vtraque enim est comunicabilis supposito; & sine diuisione in Angelo datur indiuiduatio, ergo non requiritur quantitas vt conditio. Denique, vel materia signatur per quantitatem vt terminatam, vel vt terminatã, terminata esse nõ potest, cum stante eodem indiuiduo, terminatio quantitatis variari possit, modo, enim est maior, modo minor; in-terminata esse non potest, cū in se indiuidua non sit, nec determinata, sed variari possit.

Ad primam probat. resp. quod ordo ille est

ad quantitatem vt diuidentem qua diuisione supposita, exercetur incommunicabilitas substantialis ipsius materiæ, & oritur ab ea respectu materiæ per quantitatem diuise; & ita ordo non indiuiduat formaliter substantialiter, sed requiritur vt conditio ad hoc, vt materia exercere possit incommunicabilitatem substantialem respectu extremi diuisi. Ad secundam probationem resp. quod quantitas nõ diuidit nisi actuando, *distinguo*, actuando formaliter nego, comitanter concedo; diuisione enim vt diuisione non est informatio, sed duplicatio, & discontinuatio actuationis; actuatione enim saluatur in vno, sicut mea quantitas actuat me totum, diuisione autem formaliter dicit huius actuationis discontinuationem, quæ quidẽ actuationem supponit, sed non dicit illam formaliter: imò quantitas vt actuans, indiuiduari indiget in se, sicut cætera accidentia: vt autem diuidens, determinat, quod tantum, vel tãtum de substantia subiiciatur formæ, & sic est conditio ad determinandũ, & determinatẽ indiuiduandum substantiã.

Ad tertiam probat. dicitur, quod quantitas diuidens non requiritur ad indiuiduationem ex parte vnitatis, sed ex parte multiplicationis indiuiduorum, & vt exerceri possit incommunicabiliter substantialis respectu huius & illius. Vnde est conditio intrinsece requisita ad multiplicationem nec enim alium modum multiplicandi materiã nouimus, nisi per diuisionem, neque hanc fieri nisi per quantitatem, cuius est distinguere partes, & ita non est cõditio, quæ suppleri possit, sicut neq; suppleri potest existentia ad efficiendum, apprehensio ad finalizandum, sic diuisione ad multiplicandum materialiter in substantia, siue partes, siue totum.

Ad quartum respondetur, quod comunicabilitas naturæ ad personalitates nihil obstat singularitati, sed iuuat ad illam, quia singularitas & indiuiduatio solum dicunt incommunicabilitatem ad inferiora, seu ad alia à se diuisa, non autem ad suum terminũ per quem redditur subsistens natura, & vltiori

teriori termino seu supposito incommuni-
cabilis. Esse autem communicabilem pro-
prio termino per quod indiuiduat. o reddi-
tur subsistens in se, nihil obstat singularita-
ti, sed illam reddit ultimo completam &
terminatam; mō & communicari acciden-
tibus nihil obstat incommunicabilitati in-
diuiduationis.

Ad ultimam dicitur, quod D. Th. opusc. 70. quæst. 4. art. 2. affirmat, quod quantitas quæ signat materiam est quantitas interminata: Dimensiones, inquit, possunt dupliciter consi- derari, vno modo secundum earum termina- tionem, & sic non possunt esse principium indi- uiduationis, quia cum talis dimensionum ter- minatio varietur frequenter circa indiuiduum, sequeretur, quod indiuiduum non maneret idē numero semper: alio modo possunt considerari, sine ista terminatione in ratione dimensionu tantum. quamuis nunquam sine aliqua deter- minatione esse possint, sicut nec natura caloris sine determinatione albi vel nigri, & sic collo- cantur in genere quantitatis, ut imperfectum: & ex his dimensionibus interminatis efficitur hac materia signata, & sic indiuiduat formā, & sic ex materia causatur diuersitas secundū numerum in eadem specie. Vnde patet, quod materia secundum se considerata non est prin- cipium diuersitatis secundum speciem, nec se- cundum numerum, sed sicut est principium di- uersitatis secundum genus prout subest cōmuni formæ, ita est principium diuersitatis secundū numerum, prout subest dimensionibus intermi- natis. Subdit autē solutione ad tertium, quod cum nullum accidēs habeat rationem pro- priam diuisionis nisi quantitas, dimensio- nes ex se ipsis habent quandam rationem indiuiduationis secundum determinatum situm prout situs est differentia quantitatis, ideo habet duplicem rationem indiuidua- tionis vnā à subiecto sicut & quodlibet a- liud accidēs, aliam ex se ipsa, quatenus ha- bet situm, ratione cuius etiam abstrahendo à materia sensibili imaginamur hanc lineā & hunc circulum. Quare secundum D. Th. quantitas interminata nihil aliud est, quam

quantitas ut præcise facit diuisionem & differentiam situs, & sub hac ratione quæ est cōmunis omni quantitati dicitur signa- re materiam, quatenus diuidendo illam ponit conditionem requisitam, ut exerceat materiam suam incommunicabilitatem, ut dictum est. Et ex materia sic indiuiduata in- diuiduantur formæ tam substantiales, quā accidentales in ea receptæ, etiam ipsa figu- ra & formatio quantitatis, qua redditur terminata, ideoq; ut supra diximus per re- spectum ad quantitatem ut diuidentem (& hoc est interminatam) non autem ut infor- mantem & actuantem, sumitur signatio materiæ prout diuidens.

Secundo obijcies, nam materia non potest respicere quantitatem, nisi prout continet illam, & est informabilis ab illa, sed non continet nec respicit quantitatem, nisi me- diante forma substantiali, ad quam prius terminatur eius respectus, quam ad acci- dentalem, qualis est quantitas, ergo potius signatur per formam substantialem, quam per quantitatem, nec enim prius continet quantitatem ut hanc, quam formam sub- stantialem ut hanc.

Confirmatur, quia quantitas non habet pro radice, & principio materiam, sed cor- pus, ergo non respicitur à materia nisi me- diante corpore & consequenter mediante forma corporeitatis. Confirmatur secundo, nam materia de se est indifferens, ut conti- neat hanc quantitatem vel illā, sicut & for- mam à qua dimanat, ergo non continet hanc quantitatem, nisi prius materia sit hæc, er- go est hæc ante quantitatem, seu non per quantitatem, siquidem, quia est hæc conti- net hanc quantitatem: imò sit circulus in isto modo indiuiduandi, siquidem materia est hæc, quia signatur ab hac quantitate, & quantitas est hæc, quia continetur in hac materia.

Respond. distinguendo maiorem principalis argumenti: non respicit quantitatem, nisi pro- ut continet illam & formatur ab ea, distin- guo, formatione & continentia inhæsionis tantum,

tantum, *nego*; formatione dispositionis sub prioritate causæ materialis ad formā, & ad sui etiam formationem & inhæSIONem *concedo*. Ad *minorem distinguo*, non continet, nec respicit quantitatem, nisi tantum mediante forma substantiali, quatenus quantitas se habet ut informans & actuans *transseat*, sub causalitate, & prioritate dispositionis & diuisionis *nego*, ut dispositionem enim prius materia respicit quantitatem, quam formam substantialem, licet in genere causæ formalis sit è conuerso, eo quod per dispositionem sub præcisa formalitate dispositionis determinatur ad formam substantialem materia. Prima autem dispositio materiæ est à quantitate ut diuidente, & segregante hanc materiam ab illa, & sub hoc officio, & respectu diuidendi præcise dicitur quantitas interminata, quia licet in re nunquam sit, nisi sub aliqua terminatione & figura, tamen secundum se, alia est formalitas, & respectus quantitatis, ut diuidentis & distinguentis, alia ut terminantis & informantis; & primum quo disponitur materia ad formam, est diuidi & segregari ab alia parte seu materia, quæ ab illa forma pro illo statu non potest informari, & sub hac separatione præintelligitur in materia quantitas ante formam substantialem prioritate dispositionis, licet eadem sub ratione informationis accidentalis præsupponat formam & non nisi mediante illa, subiecto conueniat. Nec est absurdum, quod eadem forma sub diuersis respectibus & considerationibus præcedat & sequatur formam substantialem, causæ enim adinui cem sunt causæ, & secundum vnum respectum est effectus, secundum aliam causa, ut supra late tractatum est *quest. 1. art. 7.*

Ad primam confirmationem respondetur, quod quantitas ut propria passio sequitur formam, ut dispositio antecedit illam, sicut de alijs dispositionibus dictum est *loco citato*, & non solum coaptat materiam formæ extendendo eius partes & informando illam, sed etiam diuidendo, & separando

Part II. Phys.

ab alia, ut per hanc diuisionem tanta vel tanta materia subiiciatur formæ. Quod autem in diuerso genere causæ præcedat & sequatur materiam, non est inconueniens, sicut de alijs dispositionibus dictum est *præfato loco*.

Ad secundam confirmationem respondetur, quod materia est indifferens ad hanc quantitatem, vel ad illam tanquam ad formam, qua actuari debet materia, & ideo non recipit hanc quantitatem singularem; antequam ipsa materia singularis, & determinata sit, sed tamen ipsa quantitas ut diuidens antecedit ipsam singularitatem sui subiecti tanquā conditio requisita, ut materia exerceat suam distinctionem, & incommunicabilitatem substantialem erga aliam materiam, & sic per talē diuisionem signatur materia, quatenus separatur & diuiditur ab alia, ut substantialiter possit erga illam, suam in comunicabilitatem exercere. Unde non committimus circulum, tum quia proceditur in diuerso genere causæ à materia ut à radice primæ incommunicabilitatis ad quantitatem, ut ad conditionem diuidentem, & designantem; in diuerso autem genere causæ, circulus non est vitiosus; tum etiam quia quantitas non est ratio multiplicandi indiuiduationem prout determinata seu terminata, sed præcise prout diuidens, sub hac enim præcissione sufficienter ponit conditionem requisitam, ut materia exerceat suam incommunicabilitatem respectu alterius, & sit ratio indiuiduandi formas sibi aduenientes, & sic à quantitate ut diuidente, & nondum ut indiuiduata, ad materiam ut recipientem, & indiuiduantem eandem quantitatem, non fit circulus, nec est nouum, quod aliquod subiectum respiciat formam secundum rationem, aut gradum communem, & illa ratio communis sit conditio, aut medium, ut aliæ rationes in particulari respiciantur, sicut ab anima secundum rationem animalis habet corpus potentias sensitivas, sine quibus non disponitur ad vitam rationalem, licet

Ad

in re

in re sensus non dentur in homine sine rationalitate, & rursus qui habet animam rationalem tanquam formam, habet sensus ab illa ut à causa formali.

Ultimo arguitur, quia distinctio numerica est substantialis, & actualis, ergo non est à quantitate, quia est accidens, nec à materia, quia non est actus; actus autem est qui distinguit. Quod si à quantitate ut à conditione indiuiduatur, cur non etiam à forma ut à conditione? Præsertim cum quantitas ipsa sit variabilis, & modo maior, modo minor, & similiter ipsa quantitas indigeat indiuiduatione, sicut alia accidentia, ergo non est principium indiuiduandi. Denique quia diuisio, & receptio quantitatis est in corpore, & non in sola materia, ergo potius dicendum est quod corpus est principium indiuiduationis, quam materia.

Respondetur ex dictis, quod distinctio numerica est substantialis, quia habet pro ratione, & principio radicali substantiam, quantitatem autem tanquam conditionem, quatenus diuidens est, diuidere autem non conuenit formæ substantiali ratione sui, nec alteri formæ accidentali, & sic quantitas & non alia forma est distinctio. Actus autem est qui distinguit, distinctione formali, potest tamen habere modum distinctiōis indiuidualis à materia, quatenus est prima ratio incommunicabilitatis, distinctio autem indiuidualis dicit pluralitatem unitatum cum tali modo, scilicet incommunicabilitatis. Quod autem ipsa quantitas varietur, & indiuiduetur, hoc conuenit illi in quantum est quantitas terminata, & informans subiectum sicut reliqua accidentia, sic enim quantitas accidentaliter, & materialiter in eodem indiuiduo variari potest secundum varias terminationes, sed formaliter, & quantum ad rationem diuidendi, & separandi ab altero indiuiduo semper manet eadem. Itaque non magis variatur quantitas, quam varietur indiuiduum, quod utique sub eadem absoluta unitate, stat bene quod recipiat diuersas partes, & diuer-

sam quantitatem mutet diuerso modo terminantem, aut figurantem, sed eodem modo diuidentem, ad eum modum quo verificatur, quod manet semper idem corpus numero, & eadem materia. Denique licet corpus sit id quod diuiditur, & informatur per quantitatem, materia tamen est principium incommunicabilitatis, & ideo est principium indiuiduationis.

ARTICVLVS V.

Verum accidentia indiuiduentur à subiecto, nec possint esse in eodem duo numero distincta?

IN sententia S. Thom. certissimum est indiuiduationem accidentium sumi à subiecto in quo sunt, seu in ordine ad illud; quod innumeris locis affirmat D. Thom. & specialiter videri potest 1. p. quæst. 29. art. 1. & quæst. 39. art. 3. & opuscul. 2. & 36. & 2. 2. quæst. 24. art. 5. quæst. 1. de verit. art. 11. & 3. part. quæst. 35. art. 5. & 9. 77. art. 2. & alibi sæpe. Fundamentum est; quod ipse D. Thom. communiter repetit, præsertim 7. Met. lect. 15. & opuscul. 70. quæst. 4. art. 2. quia nulla forma receptibilis est de se indiuidua & singularis, nisi per ordinem ad subiectum recipiens, de se enim potius forma est communicabilis, nisi per subiectum detineatur, & limite- tur. Quare omnis incommunicabilitas nascitur tanquam ex principio ex subiecto recipiente, nisi forma sit separata, & per se incommunicabilis subiecto; tunc enim ex ipso modo talis forma redditur singularis, & incommunicabilis. Si autem ex subiecto redditur incommunicabilis, ex ipso etiam habet indiuiduationem. Ratio autem, cur formæ de se sint communicabiles multis, quantum est ex vi conceptus, & officio formæ, iam supra diximus, & attigit D. Thom. 4. contra gent. cap. 81. & Caiet. cap. 6. de ente, & essentia in quæst. de principio indiuiduationis ad 6. quia formæ solum possunt singulari, vel distinctionem formalem oppositam unitati formali, vel distinctionem formarum,

marum, licet non modo formali. Prima solum pertinet ad pluralitatem specificam, sicut è contra vnitas formalis ad vnitatem specificam, quæ de se est communis multis. Secunda verò necessario debet conuenire formæ ex alio principio, quam ex vi formæ, seu per ordinem ad aliud, cum in se non sit nisi forma informans, quia autem receptibilis est in alio, ordinem dicit, & habitudinem ad illud, in quo semel recepta forma non potest transire ad aliud, neque fieri cõmunis multis, ergo inde vt ex principio, vel per ordinem ad illud habet incommunicabilitatem, & consequenter indiuiduationem, quia principium indiuiduationis vt sæpe dictum est, est incommunicabilitas, & diuisio secundum modum incommunicabilitatis.

Dices, ex se habet forma communicabilitatem ad subiectum, & in hoc genere red dicitur per materiam vltius incommunicabilis ad aliud, vt ad subiectum quod informet. Cæterum de se forma accidentalis non est communicabilis ad formas alias inferiores cum ipsa sit infima, & in hoc cõsistit ratio indiuiduationis, non in primo. *Sed contra*, quia si forma accidentalis est vna numero ex se, & incommunicabilis pluribus inferioribus, etiam erit incommunicabilis multis tanquam subiectis, & sic vtramque incommunicabilitatem habebit à se, non vnā à subiecto, aliam à se. *Patet antecedens*, quia accidens hoc ipso quod est vnum numero, ex se non potest transire de subiecto in subiectum, & multo minus manendo in vno, poni in alio, ergo hoc ipso quod est vnum numero, & incommunicabile inferioribus tanquam formis numero diuersis, etiam erit incommunicabile pluribus subiectis, & sic ex omni parte indiuiduabitur per se, redeuntque argumenta supra facta contra indiuiduationem rei per se ipsam. Si enim id non conceditur substantiæ, multo minus accidenti. Deinde quia si forma accidentalis de se est communicabilis multis subiectis, redditur

autem incommunicabilis per hoc subiectum determinatum, ergo de se est communis & vniuersalis per modum quinti prædicabilis, quæ est prædicatio accidentis de subiecto, licet non sit communis, nec prædicabilis per modum secundi prædicabilis, quæ est speciei de indiuiduo, scilicet formæ de hac & illa forma; sed vniuersalitas quinti prædicabilis nõ conuenit accidenti, quod est vnum numero, ergo vt sit vnum numero, dependet etiã ab incommunicabilitate per modum quinti prædicabilis, quod est respectu subiecti. *Minor patet*, quia accidens vnũ numero, v.g. hæc albedo, non potest verificari denominatiue de pluribus subiectis, sed solũ de vno, sicut enim albedo facit album, ita hæc albedo hoc album, & non amplius, ergo solum potest prædicari de vno, ergo quod est vnum numero per modum secundi prædicabilis non est commune modo quinti prædicabilis.

Sed inquires, an ipsa materia prima sit principium indiuiduationis radicale solum & remotum, vt quo indiuiduationis accidentium, an verò solũ ipsum compositum, cui inhaerent? *Resp.* solũ à composito quod est ens completum in actu, nõ à materia indiuiduari, vt docet S. Thom. *opusc. 29. circa finem.* Licet enim accidens indiuiduetur à composito quod est subiectum, & subiectum ipsum à materia prima vt à radice, tamen hoc est in linea indiuiduationis substantialis, quæ quidem præsupposita esse debet ad accidentalem, sed tamen formaliter loquendo radix illius indiuiduationis accidentium sistit in ipso composito, quia sistit in ente completo & in actu, hoc enim est subiectum sustentatiuum accidentium, vt accidentia sunt, & licet materia prima sit principium quo, sustentandi accidentia ex parte receptionis, tamen non est determinatè & formaliter radix indiuiduanti accidentia nisi prout in actu sit per formam in composito, de se enim est principium commune ad formas substantiales, & accidentales, immediatè quidem

Dd 2

substan-

substantialium, mediatè accidentalium, & ita per se loquendo, & in linea indiuiduationis accidentalis determinatè sistit hæc radix in ipso subiecto, quod est compositū, sicut resolutio fidei, vt fidei est, sistit in Deo vt dicente, & testificante, licet præsuppositiuè requiratur quod sit intelligens, & sit immaterialis, & actus purus; sed hæc resolutio non est fidei vt fidei, sed cognitionis discursiue, qua veritas diuina cognoscitur reduciendo ad suas rationes, & principia.

Dices, saltem quantitas indiuiduatur à se, quia est prima in suo genere, scilicet vt conditio requisita ad indiuiduandum. Vnde D. Thom. 3. p. q. 77. art. 2. *Et quodlibet 7. artic. 10. & alijs locis* fatetur, quantitatem se ipsa indiuiduari. Respond. de hoc satis nos dixisse art. preced. quod quantitas consideratur dupliciter: vno modo quantum ad effectum diuidendi partes materiæ, & quantum ad hunc effectum à se indiuiduatur, id est partes propriæ quantitatis non ab alia quantitate diuiduntur, sed per se ipsam, reliquæ vero formæ, & substantiæ per quantitatem. Et ita in hoc habet aliquid speciale inter cetera accidentia. Alio modo consideratur quantum ad effectum formalem quem præbet informando, sicut alia accidentia, extendit enim partes substantiæ, & terminat, & sic consideratur vt quantitas terminata, & sub hac consideratione quantitas indiuiduatur à subiecto sicut alia accidentia, & non se ipsa tantum. participat enim esse à subiecto sicut alia accidentia. Vnde dicit S. Thom. opusc. 70. q. 4. art. 2. *Quod quantitas habet duplicem modum indiuiduationis, vnum ex subiecto, sicut & quodlibet aliud accidens, alium ex se ipsa in quantum habet situm ratione cuius in abstractendo à materia sensibili, imaginamur hanc lineam, & hunc circulum.* Quare qua parte indiuiduatio importat diuisionem ab alio, numeraliter dependet à quantitate, vt à conditione requisita, & faciente diuisionem, & in hoc aliæ formæ etiam substantiales dependent à quantitate, ipsa verò non de-

pendet ab alia vt à tali cōditione. Qua parte verò indiuiduatio dicit vnitatem indiuisam in se, dependet quantitas à subiecto, à quo habet accidens esse, & consequenter etiam sustentatur in vnitatem. Nec Diu. Thom. in alijs locis adductis loquitur, nisi de quantitate vt facit diuisionem, in quo quantitas præbet conditionem requisitam ad indiuiduandum tanquam primam in illo genere.

Difficultas ergo restat in hoc articulo, quæ & præcipua est circa id quod sæpe affirmat D. Thom. quod duo accidentia solo numero distincta non possunt esse in eodem subiecto, leu in eadem parte, eo quod ab illo indiuiduantur, vt expresse affirmat 3. p. q. 35. art. 5. & in 3. dist. 23. quest. 3. art. 4. questiu. 3. & in 4. dist. 12. quest. 1. art. 1. questiu. 3. & alijs multis in locis. Et quidem multi in hoc etiam conueniunt saltem loquendo de accidentibus absolutis, sed nō ex eodem fundamento, aliqui enim id probant ratione superfluitatis; alij propter identificationem, quia posito accidente eiusdem speciei cum alio in eadem parte subiecti redigitur in vnum cum illo, sicut si misceantur duo liquores.

Ceterum fundamentum D. Th. sumitur ex principio indiuiduationis sæpe iam dicto, quia forma ex vi formæ non habet principium diuisionis numeralis, sed formalis, ergo debet sumi ex aliquo principio extra formā, quod se habeat vt principium materiale recipiens, & reddēs incommunicabilem talem formam, atq; adeo accidens cum in se solū habeat rationem formæ, materiam verò nō includat intrinsece, sed solum dicat ordinem ad illam, ex isto ordine multiplicabitur multiplicatione non formali, quæ est numerica. Si autem ex parte istius principij materialis non incipit diuisio, non remanet in ipsa forma aliqua ratio multiplicationis indiuidualis. Et he rectè dixit Caiet. 3. p. q. 35. art. 5. fundari hanc doctrinam D. Th. in illa maxima, *quod vnus diuisio sit, aut per principia formalia, aut per quantitatem.* (116)

seu diuisionem materiale, & ita remota diuisione materiali, & quantitatiua ex parte subiecti, & stante vnitate formali ipsius formæ non datur principium multiplicationis numericæ. Cuius intelligentia consistit in hoc, quod semper diuisio numerica debet causari, & oriri ex aliquo principio materiali diuiso. Quod si hoc principium materiale non multiplicatur, semper forma manebit vna ex vnitate principij extrinseci indiuiduantis, hoc autem principium indiuiduans accidentia est subiectum in quo recipitur, quia ex ipso prouenit incommunicabilitas, vt satis probatum est supra, ergo si hoc principium materiale non diuiditur, ita quod ab ipso incipiat distinctio materialis, non poterit dari multiplicatio indiuidualis formæ accidentalis. Quod si forma accidentalis semel indiuiduatur per ordinem ad hoc subiectum, in quo producit, siue sit subiectum proprium, siue extraneum, etiam si postea separetur, vel in alio subiecto ponatur, non amittit indiuiduationem, quia retinet ordinem, & respectum ad illud primum subiectum vnde indiuiduatum fuit. Nec est inconueniens, quod duæ albedines indiuiduatæ à diuersis subiectis, diuinitus separentur ab illis, vel etiam vniantur in vno tertio subiecto conseruata cuiusque indiuiduatione; nam tunc erunt plura indiuidua accidentia in vno subiecto per accidens, non tamen per se indiuiduabuntur ab illo, sed à diuersis subiectis in quibus producta fuere, & per ordinem ad quæ indiuiduationem suam primò factam præsupponunt.

Nec obstat, quod illæ vniones in illo tertio subiecto in quo recipiuntur, etiam sunt eiusdem speciei, nec ab alio indiuiduantur, quam ab illo met subiecto, ergo saltem illæ duæ vniones recipientur simul in eodem subiecto tanquam duo indiuidua eiusdem speciei. *Respondetur enim*; quod illa vnio si sumatur pro inhærentia accidentis, est modus identificatus cum ipso accidente, & multiplicatur numero ad multiplica-

tionem ipsius entitatis realis accidentium. Vnde in illo casu in quo supponitur ipsa accidentia esse indiuiduata non ab illo subiecto in quo sunt, sed ab alijs quorum propria sunt, iam possunt ipsa accidentia indiuiduare in se modos, non ratione subiecti cui de nouo coniunguntur, sed ratione suæ entitatis indiuiduatæ ex alijs principijs, & subiectis ad quæ ordinem dicunt; sicut etiam quando separata sunt à subiectis, modos aliquos in se recipiunt, & indiuiduant. Si autem loquamur de vnione, non pro inhærentia, sed pro immutatione, qua subiectum immutatur ad illa accidentia suscipienda, illæ immutationes sequuntur actionem Dei transferentis accidentia ad illud subiectum, quæ cum diuersa immutatio sit à naturali alteratione producente accidens in subiecto, diuersæ etiam speciei vnionem dicet ex parte immutationis. Quare si duo accidentia diuersa numero supernaturali actione vni subiecto vniantur, id debebit fieri immutatione diuersæ speciei, vt non sint duæ vniones eiusdem speciei ab eodem subiecto indiuiduatæ. Qua etiam ratione, si vnā humanitatem plures personæ diuinæ diuersis vnionibus assumpserint, debebunt esse vniones diuersæ speciei, quia ad diuersas personas terminantur.

SOLVUNTUR ARGV- MENTA.

Primò *obijcies*; si non potest plura accidentia eiusdem speciei recipere subiectum nisi diuidatur, ergo neque plura indiuidua diuersæ speciei, nam illa verè plura indiuidua sunt, ergo etiam ad dandas illas diuersas indiuiduationes, diuersitas subiecti requiretur quod est apertè falsum. Similiter etiam non poterit idem subiectum recipere duo accidentia numero distincta successiuè, nisi etiam successiuè plurificetur, non plurificatur autem successiuè subiectum: Quod verò tempus discontinuetur non refert, quia tempus solum est circumstantia, non radicale principium indiuidua-

uiduationis, & sic non requiretur diuifio radicalis principij quod est fubiectum. Ac tandem videmus plura lumina eſſe in eodem fubiecto ſi applicentur plura luminofa, cuius ſignum eſt, quia fiunt plures vmbrae, quae ſolo numero ſunt diſtinctae, ſicut & luceſ.

Reſpondetur quod in receptione plurium accidentium ſpecie, non fit multiplicatio numeralis, ſed ſpecifica, poſita tamen in ſuis indiuiduis. Et ideo non indiget diuidi principium materiale, cum diuiſo fiat ex parte formae, & diſtinctionis formalis, ſed ſufficit ponere in ſubiecto capacitatem plurium formarum ſpecie diuerſarum, quae vt D. Thom. docet *S. de Verit. art. 11.* recipiuntur ſecundum diuerſas potentias ſubiecti, id eſt, ſecundum diuerſos reſpectus participandi formas, ſicut dulcedo recipitur ex participatione humidi, albedo ex participatione lucis. Hae autem capacitas non inuenitur in materia prima ad plures formas ſubſtantiales ſimul habendas quia quaelibet forma ſubſtantialis habet priuationem alterius, quia quaelibet dat primum eſſe, & eſſe ſimpliciter. Ceterum quando non dantur formae diuerſae ſpeciei, ſi multiplicatio debet fieri, cum non oriatur ex parte formae, vt forma, ſeu diſtinctionis formalis, oriri debet ex diuiſione principij materialis, ad quod cum dicat forma habitudinem, reſultat multiplicata indiuiduatio in forma.

Ad ſecundam partem argumenti reſpondetur, quod in caſu ſucceſſionis formarum eiufdem ſpeciei, non eſt neceſſe ſubiectum entitatiue diuidi in actu, quia non datur multiplicatio formarum in actu, ſed vna tantum eſt in actu, alia vero praeterijt, & in actu non eſt; vnde ſicut multiplicatio eſt in potentia, vnitas vero in actu, ita ſufficit vnum ſubiectum materiale in actu, licet in potentia & virtualiter ſe habeat ad plura. Et ſic tempus non eſt principium radicale multiplicandi, ſed ſolum circumſtantia, eſt tamen principium conſumendi vnum quod praeterijt, & relinquiendi in

actu ſolum vnum quod exiſtit, & indiuiduatur actu.

Ad tertiam partem argumenti reſpondetur, quod duplex luminofum, cum non penetretur, ſed quodlibet fit in diuerſa parte mediij, diuerſum quoque lumen efficit, vel intendit ſecundum diuerſas lineas. Quod vero fiant duae vmbrae, etiam fiunt in diuerſis partibus ſpacij, ſicut & ipſae luceſ diuerſae ſunt, à quibus corpus opacum per diuerſas lineas tangitur.

Secundo arguitur, in hiſ quae relatiue ſe habent; cum enim relatiua reſpiciant terminum extra ſe, ex multiplicatione illius, & non ſolum ex ſubiecto habebunt multiplicari, cur enim non à terminis multiplicabuntur ſicut à ſubiectis? Et ſic vnus pater ad plures filios habet diuerſas relationes, ſiquidem pereunte vno filio manet reſpectus ad alios, & idem eſt de albo reſpiciente plura alba vt ſimilia. Tum duae ſpecies intentionales, vel duae viſiones, aut conceptus repraeſentantes duo indiuidua eiufdem ſpeciei non differunt, niſi numerice ſicut obiecta ipſa, & tamen ſunt ſimul in eadem potentia. Similiter charitas habuit in Chriſto duos actus, erga Deum alterum neceſſarium, quo fruebatur, alterum liberum, quo merebatur diligendo Deum, & tamen erant eiufdem ſpeciei, ſicut charitas ipſa à qua procedebant. Denique cauſa efficiens, & finalis duas numero actiones efficere, & finalizare poſſunt, ergo & cauſa materialis plures numero formas recipere.

Reſpondetur aliquos ſentire, quod plura accidentia relatiua, vel reſpectiue ſe habentia ad diuerſos terminos, ſeu habent ad diuerſos ſtatus, vel modos poſſunt multiplicari numero in eodem ſubiecto. S. d. eſt expreſſe contra D. Thom. 3. p. q. 35. art. 5. vbi loquitur de relatione ad plures filios, quam dicit non multiplicari in vno patre, quia fundamentum eſt vnum, ſcil. potentia generatiua vt reducta ad actum, & quod fit per plures actiones vel ad plures terminos materialiter ſe habet, nam etiam vnica actio-

actione contingit plures filios generari & nasci ex vno partu, & tunc relatio est vna, quia fundatur in vnica actione, termini autem materialiter solum plures; eodem autem modo se habet relatio ad plures filios natos per plures actiones, vel per vnā; de quo latius egimus in Logica q. 12. art. 6. Itaque relatio patris potest attingere ad æquatē omnes procedentes ab isto, quia sub hac ratione fundatur ista relatio. Mortuo autē vno filio manet relatio eadē ad alium quasi intensiuē, sed non quasi extensiuē, & ad æquatē: Et idem est de conuenientia albi ad plura alba, vel pauciora

Et ad instantiam, cur non sumetur multiplicatio à diuersitate terminorum ad quos, sicut à diuersitate subiecti? Respondetur, causam esse, quia terminus ad quem non respicitur per se, vt principium materiale, & diuisionis materialis, sed vt formale, & specificatiuum, quia species sumitur ab obiecto, & à termino ad quem. Quod vero ratio ista formalis inueniatur in pluribus, vel paucioribus, pertinet ad materiale eius, & facit ad extensionem talis actus, non ad principium multiplicandi ipsum, quia non est principium incommunicabilitatis, & incommunicabilis multiplicationis, sed est subiectum habens in se rationem formalem, quam respicit talis actus, & ita respiciendo rationem formalem, respicitur id, in quo inuenitur tanquam materiale attractum, non vt incommunicabile reddens. Cuius signum est quia eadem actio potest diuersos terminos materiales attingere, quasi inadæquatē contentos sub eadem ratione formali. At verò subiectum, seu causa materialis, ita formas recipit, quod incommunicabilitatē ex ipsa receptione præbet, atque adeo indiuiduationē; & si multiplicatur, indiuiduatio multiplicabitur. De causa vero efficiente, & finalizante, dicimus quod non se habent vt intrinseca indiuiduationis principia incommunicabilitatem fundantia, sed vt extrinseca, vel exequendo, vel alliciendo, seu dirigendo. Vn-

de quod plures actiones numero distinctas attingant, vel non attingant non ex efficiēti præcisè sumitur, aut fine, sed ex dispositione materiæ à qua in hac parte efficiens pender, & cui se accommodat, vt plures numero actiones habere possit, materia vero ex se habet hoc principium.

Ad aliam partem argumenti de speciebus, conceptibus, & actibus respondetur, quod respectu obiectorum se possunt habere dupliciter. Primò quod talis species, vel cognitio ad æquatē se habeat ad istud indiuiduum; secundò quod inadæquatē quia attingit plura vt contenta sub vna ratione, aut medio. Si hoc secundo modo, non multiplicantur species vel actus, sed eadem species multis actibus deseruit, & eadem numero visione plura in hoc medio contenta video, quia illa pluralitas est materialis ex parte obiecti attracti, quæ nō est principium multiplicandi indiuidualiter visiones. Si primo modo, sunt actus aut repræsentationes specie distinctæ, quia id quod indiuiduationis est in obiecto respicitur per se, & vt adæquans talem actum, & consequenter vt specificatiuum eius, & ideo tales differentie indiuiduantes, quia sumuntur vt rationes adæquandi & per se distinguendi actus, sumuntur vt specificantes, & licet in se entitatiuē solum indiuidualiter differant, tamen obiectiuē sunt specificatiua diuersa.

Quod verò attinet ad actus charitatis, aliqui tenent Christum Dominum non habuisse nisi vnum numero actum charitatis regulatum à visione beatifica, qui vt ferebatur in Deum erat necessarius & non meritorius, vt autem in creaturas, ferebatur liberè, & sic poterat esse meritorius, de quo videri potest Aluarez 3. part. disp. 45. & in id aliqui Thomistæ inclinant. Alij nec improbabiler existimant charitatē habere plures actus specie incompleta, & imperfecta distinctos, sicut distinguuntur diuersi actus religionis, vt deuotio, oratio, votū, adoratio, &c. Et fortitudo habet duos actus, agredi, & sustinere, & aliæ virtutes similiter, quos

quos actus simul exercere possunt, atque adeo non solo numero distinguuntur, licet procedant ab habitu eiusdem speciei, sed habent diuersam speciem incompletā, sicut duæ partes eterogeneæ in homine: sic charitas habet duos actus distinctos, vt fatetur D. Thom. 2. 2. q. 44. art. 2. ad 1. alium erga Deum, alium erga proximum, qui possunt esse simul, ergo plus quàm numero distin-

guantur. Quid ergo mirum, quòd etiam erga Deum possit eadē charitas habere duos actus specie quasi incompleta & partiali distinctos, alterum necessarium fruitionis regulatum visione beata, alterum liberum regulatum scientia infusa non vidente clarè Deum, & consequenter tales actus sint simul, sicut actus erga Deum, & erga proximum? Sed de his plura Theologi.


CIRCA LIBRVM SECVNDVM.

QVÆSTIO X.

De Elementis, & primis qualitatibus.

ARTICVLVS I.

Quid sit elementum, & quotuplex, & quæ sint qualitates primæ?



ELEMENTVM sumi potest dupliciter. Vno modo latè, & communiter prout complectitur prima principia, & causas intrinsecas rerum, quæ ratione 1. *Physicor. q. 2. art. 1.* ex D. Thom. diximus tria ista, scil. principium, causa, elementum, habere se sicut magis, & minus commune, saluari autem elementum per hoc quod sit aliquid principium, & causa intrinsecè componens. Causa autem magis communiter se habet, & complectitur etiam principia extrinseca, à quibus aliquid procedit cum dependentia, & participatione. Principium autem adhuc communius dicitur id, à quo aliquid procedit, etiam si sine dependentia, & participatione, vt in diuinis. Alio modo sumitur elementum strictius pro principijs, quæ in se etiā sunt composita, & principiata, vt potè corpora composita ex materia, & forma, quia

tamen sunt corpora simplicia dicuntur elementa, quatenus distinguuntur à mixtis, quæ ex illis componuntur. Et sic sumuntur pro quatuor vulgaribus elementis, terra, & aqua, aere, & igne; de quibus agitur tum in 3. *de celo*, tum hic; sed ibi agitur de illis secundum quod petunt determinatam situationem in vniuerso; in præsentī autem prout sunt prima generabilia, & corruptibilia, sicque ad generationem, & corruptionem spectant. Definitur autem elementum, *quod est corpus, in quod cetera corpora diuiduntur, in quibus inest actu, vel potentia, ipsum autem est indiuisibile in diuersa secundū speciem.* *Ly* corpus ponitur loco generis, & excludit illa elementa, quæ sunt prima principia corporum, vt materia, & forma, non autem sunt corpus, neque enim materia est corpus, sed principium corporis. Reliquæ particulæ ponuntur ad distinguendum ista elementa à reliquis mixtis, quæ non sunt corpora simplicia, & dicitur non diuidi in alia corpora, id est, resolui per alterationem, & corruptionem, mixta enim resoluntur in elementa, elementa verò non resoluntur in alia,

alia, sed vnum corrumpitur ab alio, vel in vnum tertium, quod est mixtum, conspirat; dicitur autem inesse elementum actu, vel potentia in mixto, quatenus elementa virtualiter manent in mixto per suas qualitates, vt *supra* *quæst.* 1. dictum est. Et licet etiam partes integrantes sint in corpore, actu, vel potentia, & in eas diuidatur totum, non tamen diuiditur per resolutionem alteratiuam, sed per diuisionem quantitatiuam, ipsæ autem partes etiam resoluuntur in elementa.

Quotuplex autem sit elementum etiam *ex tract. in 3. de celo* constat, omissis enim antiquorum opinionibus, constat ponenda esse quatuor elementa, quæ supra numerata sunt. Id probat Aristot. tum *in 3. de celo* ex motibus localibus, & situatione in vniuerso, & ex grauitate, & leuitate, quæ omnes probationes in idem redeunt, quia solum sunt quatuor loca infra cœlum, scil. summum, quod tangit cœlum, infimum, quod est centrum terræ, alterum prope summum, & alterum prope infimum, & sic correspondet etiam leuitas summa supremo loco, grauitas summa infimo, medijs autem locis grauitas, & leuitas media, & sic sunt quatuor elementa, quæ petunt ista quatuor loca, & leuitates, & quæ grauitates. In præsentia autem probat numerum elementorum ex numero qualitatum contrariarum, scil. calore, & frigore, siccitate, & humiditate. Cū enim istæ sint qualitates primæ propriæ, & per se cōueniunt primis corporibus, quæ vocamus elementa, ex his autem aliqua debent cōpetere in summo ipsis corporibus simplicibus, si n. nulla cōpeterent in summo, sed oēs temperatè & moderatè, cōpeterent eo modo quo mixtis, in quibus omnes qualitates sunt moderatæ. Conueniente autem aliqua qualitate in summo, solum possunt fieri quatuor combinationes inconuenientia istarum qualitatum, ergo solum possunt dari quatuor elementa. *Min. prob.* quia solum possunt fieri istæ combinationes sc. calidum & siccum, calidum & humidum, fri-

gidum & humidum, frigidum & siccum. Aliæ vero duæ, quæ possunt fieri inter qualitates contrarias, vt frigidum & calidum, siccum & humidum, non pertinent ad rem, nam si vtraque est in gradu intenso non possunt esse simul in eodem subiecto. Si autem altera est intensa, vel est intensa in summo, & sic totaliter excludit oppositam, nec facit combinationem cum illa, vel est intensa citra summum, ita quod admittat aliquid de opposito in gradu remisso, & hoc magis pertinet ad mixta, quàm ad elementa, quia mixta sunt illa, quæ possunt habere omnes quatuor qualitates inter se temperatas: tunc autem illud corpus, quod haberet calidum & frigidum, non repugnaret habere omnes quatuor qualitates, posset enim etiā alias duas, scil. humidum & siccum eodem modo temperatas habere, sicut calidum & frigidum, supposito, quod nullam haberet in summo; ergo vt aliquid sit elementum non habens omnes quatuor qualitates, oportet, quod aliquam habeat in summo, vt ratione eius aliquam totaliter excludat.

Caterum, quia hæc ratio supponit dari quatuor primas qualitates, oportet explicare quid sint, & quomodo sint primæ. Quia ergo primum dicitur in aliquo genere per negationem alicuius prioris, illæ dicuntur primæ qualitates, quæ non habent alias priores saltem in illo genere. Vnde definiri possunt primæ qualitates ad modum primorum principiorum: *Quæ nec ex alijs qualitatibus, nec ex seipsis mutuo fiunt, sed alia ex ipsis.*

De istis autem primis qualitatibus possumus loqui, vel absolutè in omni genere qualitatis, vel strictius in genere corporali, vel adhuc strictius in genere corruptibili. Primo modo certum est qualitates spirituales, tam dignitate, quàm causalitate esse priores, quia per ipsas mouetur prima corpora; à quibus dependent primæ qualitates corporales. Secundo modo datur etiam aliqua qualitas prior istis primis qualitatibus, sicut sunt qualitates cœlestes, inter

quas principalior est lux, tum quia primò facta est à Deo, cum dictum est *Genes. 1. Fiat lux*; tum quia est immaterialior cæteris, & minus pendens à motu; manebit enim illuminatio etiam cessante motu cœli, tum quia conuenit perfectissimo corpori, scil. Soli, & Cœlo Empyreo. Similiter figura, & forma sunt qualitates communes corpori corruptibili, & incorruptibili, nec semper sequuntur ad alterationem primarum qualitatum, sed ad solam diuisionem continui, vel ad creationem ipsius corporis incorruptibilis. At verò tertio modo dantur primæ qualitates generabiles, & corruptibiles, quæ sunt prima contraria in qualitatibus physicis, & sunt illa quatuor, scil. calor & frigus, siccitas & humiditas. Et dicuntur primæ qualitates, quia in genere alteratiuo & corruptibili, ipsæ primò deseruiunt ad omnem generationem substantialem, tam mixtorum, quam elementorum, & ideo propter suam vniuersalitatem in deseruiendo ad generationem, sunt primæ, & deinde, quia deseruiunt ad primam sensibilitatem, & primum sensum omnium, qui est tactus, sunt enim per se primò tangibiles, tactus autè est primus sensus & fundamentum cæterorum. Et denique, quia omnes aliæ qualitates corruptiue, & alteratiue in istis inferioribus, resultant ex istis tanquàm ex prioribus, & simplicioribus, sicut odor, sapor, color, grauitas, leuitas, molle, durum, & alia similia, quæ sunt qualitates mixtæ, quia propriè conueniunt corporibus mixtis, & sic resultant ex alijs prioribus, quæ conueniunt corporibus simplicibus, & non sunt aliæ, quam illæ quatuor dictæ, quas in elementis reperiri constat.

Quod si dicas; nam præter istas qualitates dandæ sunt aliæ virtuales in elementis, quæ dicuntur tales, quia medijs ipsis substantia elemēti producit ipsas quatuor primas qualitates, nam cum aqua, v. g. vehementer calefit, nihil retinet de frigiditate formali, siquidem non sentitur in ea aliquod frigus, & tamen retinet aliquid de virtuali,

quia potest expellere per se illum calorem, & ad frigiditatem reduci, illa autem frigiditas non potest immediatè à substantia aquæ dimanare, quia substantia non est per se actiua, ergo ab aliqua qualitate quæ dicitur virtualis frigiditas, & idem est in alijs elementis. *Respondetur,* aliquos ita sentire, quòd dantur istæ virtuales qualitates, quales etiam inueniuntur in aliquibus mixtis, sicut piper & vinū dicuntur virtualiter calida, & alia inueniuntur virtualiter frigida. Cæterum in elementis non possumus illas admittere sicut in mixtis. Nam istæ qualitates virtuales in elementis, vel sunt eiusdem speciei cum formalibus, vel non. Si sunt, ergo superfluent, ad quid enim duæ qualitates eiusdem speciei? Et currit eadem difficultas, quo modo scil. istæ qualitates virtuales à subiecto possint dimanare, nā si dimanant per alias, erit processus in infinitum: si per se ipsas, cur similiter non dimanabunt qualitates formales? Si non sunt eiusdem speciei, quomodo possunt esse ratio producendi qualitates formales, cuius speciei non sunt? siquidem simile solum agit sibi simile. Item quia vel illa qualitas virtualis est per se sensibilis vel non. Si non, est qualitas ignota, & non conuenit primo corpori per se sensibili, quale est elementū, omnes enim qualitates eius sensibiles sunt, si est sensibilis, ergo erit eiusdem speciei cum alijs, quæ similiter sensibiles sunt. Et cum alias non indigeat substantia ad emanationem qualitatis sibi conuenientis alia qualitate media, vt fiat ista emanatio, superflue ponuntur istæ qualitates virtuales, vt primæ formales emanent. Quòd verò in aliquibus mixtis istæ qualitates virtuales inueniantur, non est ad illud munus, vt videlicet aliæ qualitates mediantibus illis emanent, sed vt ipsa agant in alia, piper enim non se calefacit, sed stomachum, cum enim mixta fiant ex commixtione elementorum, contingit in aliquibus tale fieri temperamentum, vt calor vel frigus prædominetur, & cum illud temperamentum mixti à calore stomachi dissoluitur,

pro-

prodit fortius illa qualitas prædominans, scilicet calor vel frigus, & acius operatur.

Sed inquire, quare ab Aristotele quædam ex istis primis qualitatibus vocentur actiua, quædam passiva? Respondetur, Aristot. tum in hoc lib. 2. text. 8. tum in Meteor. dicere, quod ex istis qualitatibus calor & frigus sunt actiua; siccitas, & humiditas passiva. Quod non est sic intelligendum, quasi ipsa siccitas & humiditas absolute, & secundum se non sint actiua, agunt enim ad inuicem, & produciunt sibi similia; humiditas enim humectat, siccitas exsiccat, & expellunt se tanquam contraria. Intelligitur ergo, quod comparatiue ad mixtum, & in ordine ad constituendum illud, siccum & humidum magis materialiter se habent & passiuè, quam calidum & frigidum. Vnde ea, in quibus humidum prædominatur, sunt benè passiva, quia facilius terminantur terminis alienis, quod pertinet ad humidum, vel retinent proprios, quod pertinet ad siccum, quæ autem sunt vehementiora in agendo, magis participant de calore aut frigore, quia pertinet ad calidum & frigidum congregare vel disgregare, quod importat actionem.

Ex dictis colligere possumus, quomodo explicandæ sint definitiones istarum primarum qualitatum, quas Aristot. in præsentibus definit iuxta actiuitatem, vel passiuuitatem earum. Calidum ergo definitur, id quod homogenea, & similia congregat, frigidum, quod congregat dissimilia, humidum, quod facile terminatur alieno termino, & difficile proprio, siccum è conuerso, quod difficile terminatur termino alieno, facile proprio. Quæ definitiones intelliguntur more physico, id est, quod tales qualitates istos effectus petunt, quantum est ex se, licet per accidens impediri possint. Nam calidum dicitur congregare homogenea, quia id petit ex vi suæ actiuitatis; imò si aliquando videtur congregare ea, quæ sunt diuersi generis, aut laxare, & resoluerè ea, quæ sunt eiusdem, vt cum congregat plures cibos, & ex illis

facit liquorem in stomacho, aut cum resoluit glaciem plumbum, æs, & similia; id facit non congregando ea, quæ sunt diuersi generis manentibus in diuerso genere, sed potius vnani quandam substantiam tertiam ex illis educendo, verbi gratia, liquorem tertium, quem facit esse vnum, & consequenter congregat rem vnus generis; & similiter resoluendo glaciem, aut liquefaciendo plumbum, facit vnum esse, quæ sunt vnus generis, quia per ipsam resolutionem, & liquefactionem, segregantur, quæ sunt vnus generis ab alio, sicut quod admixtum est plumbo, & alijs metallis secernitur, & in alimento, quod impurum est ab eo, quod est purum, & ita semper, quæ sunt vnus generis congregantur à calore, & disgregantur, quæ sunt diuersi generis. Frigus verò si congregat, non id facit resoluendo, sed potius spissando, & ideo non excernit, sed vnum cum altero aggregat. Per accidens tamen dicitur frigus dissoluere, non rarefaciendo, sed quia recedente calore, manent partes suo officio impeditæ, & solutæ, vt cum dicuntur membra solui frigore, quia recedentibus spiritibus vitalibus membra manent impedita. Similiter siccum dicitur difficile terminari alieno termino per se, & ex vi siccitatis, non per accidens, sicut ignis v. g. ex vi siccitatis difficile terminatur alieno termino, imò de se libertatem querit, & si nimis occludatur perit, tamen quia dominatur calor, & facit ipsum ignem rarum, hac ratione non operatur sola siccitas, sed etiam raritas, quæ facile cedit alieno termino. Et similiter pulueres minutissimi propter suam tenuitatem admittunt multum de aere inter partes minutas, & sic si non constipentur, facile cedunt.

SOLVUNTUR ARGUMENTA.

Contra numerum elementorum fit argumentum de igne: quia si esset elementum, deberet habere locum determinatum in vniuerso, sicut reliqua elementa habent, sed

hoc est falsum, ergo. *Min. prob.* quia si haberet talem locum deberet esse supra aerē, quia ignis maximè levis est, sed non competit ei esse supra aerem, tum quia Aristot. 1. *Meteor. cap. 4.* dicit: *Quòd id quod prope lunam est, non est ignis, licet à nobis ignis vocetur*, tum quia ibi neque lucet, neque calefacit, si autem ibi esset non posset tam vastum corpus non sentiri & in luce, & in calore: tum quia caret pabulo in tanta altitudine, ergo non potest ibi conseruari. *Confirmatur*, quia elementa apud nos inveniuntur, cum qualitatibus mixtis, ut aqua cum sapore, datur enim aqua dulcis, vel salsa, vel amara; inuenitur etiam terra cum peculiaribus virtutibus ad diuersos effectus, qui exigunt temperamentum particulare, ergo non est elementum, sed mixtum.

Respondetur, concedendo proprium locum ignis esse supra aerem, & prope cœlum, hoc enim petit naturalis inclinatio eius, quia habet maiorem leuitatem, quam aer, esset autem contra naturam dare igni talem inclinationem, & perpetuo priuare illum tali loco. *Ad locum ergo Aristot. dicimus* quòd non negat prope lunam esse ignē quoad substantiam elementi, sed quoad conditiones quas habet apud nos, & ratione quarum vocatur ignis, ibi enim propter suam tenuitatem potius videtur esse flamma, apud nos autem propter nimiam concretionem dicitur ignis. Sicut glacies non est elementum aquæ, sed excessus frigoris concreui in aqua.

Ad secundam probationem respondetur, quòd ignis ibi non lucet propter nimiam raritatem, ut enim aliquid luceat, requiritur, quòd sit corpus terminatum, & ipsū, ut emittat radios, sicut etiam cœlum empyreum non lucet, licet sit lucidissimum propter suam raritatem, ut aduertit D. Th. 1. p. q. 66. art. 4. Non calefacit autem ignis hæc inferiora, quia calor ignis funditur in directum, & ad latera, quia ibi diffundit suam virtutem, in quod tendit, in inferiora autem non tendit, & sic non diffundit calo-

rem ad hæc inferiora, vel ita parum, quod ad tantam distantiam non sentitur. *Ad tertiam dicitur*; quòd ignis in propria sphaera non indiget pabulo, sicut apud nos, quia hic patet multis contrarijs, & cum sit substantia valde tenuis, facile interimitur, nisi in aliqua densiori materia fortificetur, quod non currit in sphaera propria.

Ad Confirmationem respondetur, aliquos sentire non dari purum elementum, sed solum elementa inueniri in mixtis, contra quos videri potest M. Bannez 2. de gen. c. 3. *quest. 1. circa vltimum argumentum. Dicendum ergo*, quòd elementum potest dici purum dupliciter. Vno modo substantialiter, id est, quòd non habeat aliam formam substantialem, quàm elementi. Alio modo accidentaliter, & quoad suas qualitates, de quibus possumus loqui dupliciter, vel prout sunt in proprijs locis, vel extra illa. Igitur quoad formam substantialem omnia elementa etiam extra loca naturalia sunt pura, quod patet, quia ex hoc, quod ponuntur extra propria loca nō corrumpuntur, nec fiunt mixta, ergo manent substantialiter elementa. Quoad qualitates autem certum est, alicubi inueniri elementa pura, sicut ignis in sua sphaera, aut prope concavum lunæ, ubi nullum aliud corpus reperiri potest, à quo reddatur impurus; & terra etiā in profundioribus partibus, quod non perueniunt alterationes cœli, erit pura propter exclusionem alterius corporis mixtionem facientis. Et probabile est etiam in profundo maris inueniri aquam puram, sed ibi nec habebit saporem, nec colorem. Quòd vero aqua vsualis apud nos saporem habeat, extraneum est ipsi, & non ex proprijs; & præsertim falsedo maris ex adultis exhalationibus provenit, & à Deo attributa est illi propter generationem piscium & commoditatem nauigationis, ut dicemus in *Meteoris tract. 7.*

Secundò arguitur: quia numerus quatuor elementorum, neque deducitur ex motu corporum simplicium, neque ex loco eis debi-

debito, neque ex combinationibus primarum qualitatum, ergo ex nullo principio. *Antecedens probatur*, nam si attendamus ad motum sunt tres differentię, scilicet à centro, ad centrum, circa centrum, ergo erunt tria elementa. Si attendamus ad locum, sunt duo, scilicet sursum, & deorsum, duę etiam virtutes mouendi, scilicet grauitas, & leuitas, ergo solū duo elementa. Si attendamus ad combinationes primarū qualitatum, illę possunt fieri multò plures, quā quatuor, possunt enim coniungi istę primę qualitates secundum diuersos gradus pluribus modis, vt calidum in summo, & sic cum infra summum, & similiter calidum, & siccum in summo, idemque de calido, & humido, & de frigido, & sicco dici potest. In gradibus autem remissis plures etiam combinationes fieri possunt, cum etiam contrarię qualitates in gradib. remissis simul esse possint, & non solum qualitates non contrarię. Plures ergo combinationes possunt fieri, quam quatuor, & consequenter plura elementa.

Resp. Quod quando colligimus numerū elementorum ex motu simplicium corporū, intelligitur de simplicibus corporibus corruptibilibus, incorruptibile enim quod est cœlum mouetur circulariter, seu circa centrum, vt monstrat eius figura, & quotidiana experientia. Motus ergo simplicium corporum corruptibilium solū est à centro, vel ad centrum, sed duobus conuenit per extremum, scilicet terrę in ipso centro, & igni distantissime à centro, id est prope cœlum; alijs duobus medio modo; scilicet prope centrum aquę, & prope ignem, æri. Idem dicimus de loco, quod est duplex loquendo quasi in genere, scilicet sursum, & deorsum, sed diuiditur in quatuor modos, scilicet sursum, & deorsum per extremum, & sursum, & deorsum medio modo. Grauitas etiā, & leuitas inuenitur, vel in summo vt in terra & igne, vel medio modo vt in aqua & ære. Quod verò attinet ad alias combinationes iam supra diximus illas nō

esse posibles proelementis, sed vel promixtis, si qualitates contrarię reducantur ad temperamentum, vel si pro elementis sunt posibles qualitates in gradu remisso, id necessario debet esse cum exclusionē sui contrarij, nam si vtrumque contrarium admittatur in gradu remisso, habebit temperamentum omnium qualitatum primarum, quod est proprium mixti. An verò detur elementum, cui conueniant duę qualitates in summo, vel duę in gradu excellenti, & nulla in summo, dicemus *art. 3.*

ARTICVLVS II.

Vtrum qualitates contrarię se expellant in gradibus intensis, & compatiuntur in remissis?

Contrarias qualitates mutuo se expellere, tum experientia quotidiana monstrat, tum definitio ipsa contrariorum tradita ab Arist. 10. *Met. cap. 6.* contraria sunt, *quę sub eodem genere maxime distant, & ab eodem subiecto mutuo se expellunt.* Difficultas ergo est, an ista repugnantia, & expulsio fiat ratione ipsius entitatis qualitatum, an solum ratione gradus, & status, quę habent, ita vt solū in gradibus intensis contrariantur, non in remissis. Inde enim dependebit cognoscere, in quo fundetur ratio contrarietatis, & cur vnum contrarium expellat alterum, deseruietque hęc doctrina etiam pro contrarijs moralibus, & intellectualibus.

Dico primo: *Contrarietas, quę est specialis oppositio, licet originetur à contradictoria, & priuatiua, aliquid tamen speciale addit supra illas, scilicet quod in ea inueniatur medium cum positiuis extremis.* Constat hoc ex 10. *Met. tex. 15. lect. 6. apud D. Thom. & opus. 37. de oppositis.* Et ratio est, quia de ratione cuiuscumque oppositi est, quod repugnet suo opposito, si enim non repugnat illi, sed solum conuenit cum illo, & simul possunt esse non est oppositum illi, sed appositum, & conueniens. Debet ergo vnum includere

Ec 3 nega-

negationem alterius, quia repugnantiam, & exclusionem alterius habet; excludere autem non potest nisi negando illud. Omnis autem negatio, & positio principaliter inueniuntur in contradictorijs, deinde in priuatiuis, cæcitas enim importat negationem visus, in contrarijs album negationem nigri, & in relatiuis filius non est pater illius, cuius est filius. Hæc autem sunt omnia genera oppositorum.

In quo autem consistat specialis repugnantia contrariorum, difficile satis explicatur. Specialem enim repugnantiam habere constat, quia specialiter distinguitur ab alijs speciebus oppositionis, inter quas vna est ipsa contrarietas. Difficile autem explicatur propter aliqua, quæ mutuo se expellunt, & sub eodem genere inueniuntur maxime distare & tamen contraria non sunt, vt duæ formæ substantiales, v.g. forma ignis, & aquæ sub genere corporis, duæ formæ animalium, v.g. hominis, & vermis sub eodem genere animalis, maxime enim distant inter se quia plura habent intermedia minus distantia, seu disconuenientia, neque enim requiritur ad maximam distantiam, quod in ipsis formis inueniatur magis, & minus, aut quædam successiua expulsio, tum quia dantur aliqua contraria immediata, quæ non successiue, & paulatim, sed indiuisibiliter, & non per partes se expellunt, vt par, & impar, sanum, & ægrum, & ideo necesse est alterum eorum inesse in subiecto capacis; alia verò sunt mediata, vt album, & nigrum, neque enim necesse est alterum inesse; & similiter error, & scientia, odiū, & amor sunt contraria, & tamen non se expellunt successiue, sed simul, ac totaliter.

Dicendum tamen est, hanc specialem repugnantiam consistere in eo quod diximus, quod contrarietas habet medium cum positiuis extremis, quanto enim aliqua oppositio minus latitudinis habet, & magis coarctat, vt vnū affirmetur, seu assumatur, & aliud relinquatur, tanto maior est, & quāto plus habet latitudinis, & minus coarctat-

tionis, tātō magis relinquit de medio, quia non est necesse alterum extremorū assumere, sed potest assumi medium, tanto autem extrema magis se coarctāt, & minus relinquunt de medio, quāto vnum ex ipsis extremis vniuersalius est, & minus determinatam distantiam relinquit in repugnando alteri. Et ita contradictio caret omni medio, & latitudine, & distantia, tam ex parte ipsarum formarum inter se, quā ex parte subiecti in quo sunt, quia versatur inter puram negationem, & affirmationē, id est inter esse, & non esse. Priuatio autem, & forma etiam inter se carent medio, cum priuatio sit quædam negatio formæ, sed tamen ratione subiecti potest habere mediū, quia requirit subiectum determinatum, vt talis negatio priuatio sit, & quia non semper tale subiectum determinatum inuenitur potest dari medium sicut lapis, neque est cæcus, neque videns, quia subiectum non est capax visus, & consequenter, neque cæcitas. At verò contraria, licet priuationem includant, aut fundent, tamen habent illam imbibitam in aliquo positiuo, quia contraria, positiua extrema seu formas requirunt, inter quas contrarietas versatur, quæ tamen debent recipi in eodem subiecto, quia contraria debent versari circa idem, id est circa subiectum capax vtriusque. Quare non solum ratione determinati subiecti, id est habentis capacitatem vtriusque contrarij, sed etiam ex parte ipsorum extremorum, oportet quod fundetur determinata distantia, & oppositio inter ipsa contraria, eo quod contraria debent esse comparabilia ad inuicem, quia vnum dicitur melius altero, sicut virtus melior vitio, scientia errore, albedo nigredine, sanitas ægritudine, &c. quæ autem sunt sub diuerso genere, non sunt comparabilia sed magis distant, quā vt comparari possint, quia non possunt ad inuicem transmutari, neque vnum meliorari præ alio, sicut non dicitur album melius quantitate, vel figura, sed vnum dicitur melius

lius per comparisonem ad suum oppositum sub eodem genere ; & ideo oportet, quod contraria , quia comparabilia sunt adinuicem , & transmutabilia , contineantur sub eodem genere, & consequenter habeant determinatam distantiam, non solum ratione subiecti , sed etiam ratione sui generis , quod non habent priuatione , neque contradictorie opposita , quia extrema, inter quæ versantur , non sunt sub eodem genere , scilicet negatio , & forma, vltius autem non opponuntur in respiciendo , sicut relatiua , sed in transmutando , & expellendo ab eodem subiecto.

Additur verò in definitione contrariorum, quod non solum sint sub eodem genere , sed etiam *quod maxime distent* , id est, quod sub illo genere se habeant vt termini, seu vltima , inter quæ fit transmutatio , & processus de vno in aliud, in illis enim quæ differunt genere physico, non est accipere transmutationem de vno in aliud , neque est medium per quod fiat transitus , quia nõ communicant in materia (genus physicum vocatur materia) sicut qualitas non transit in substantiam, nec substantia in quantitatem, sed transmutatio fit in his , quæ sunt in eodem genere. Vnde cū in ista transmutatione sit processus de vno in aliud , & sistatur in aliquibus vltimis , ne procedatur in infinitum , illa quæ vltimo sistunt processum & transmutationem, dicuntur maxime distare quia extreme distant. Vnde ex transmutatione recte colligitur contrarietas, vt collegit Phil. 10. Met. & D. Thom. *ibi l. 8. 6.*

Vt autem ex his constare possit quomodo in formis substantialibus non inueniatur contrarietas proprie dicta, *est notandum* , quod ista transmutatio est duplex, alia sine motu , sicut quæ fit in materia prima , vt est pura potentia ad formas substantiales, alia cum proprio motu, quando scilicet potest inueniri inter formā , & formam aliqua continuatio, vel secundū ma-

gis, & minus, vel secundū additionem, aut minorationem formæ, quæ illam variare faciat, in formis enim substantialibus fit variatio, sicut in numeris, in quibus quælibet additio variat speciem, in qualitatibus autem contrarijs & Physicis fit variatio ad modum continuitatis , ex eo enim vna forma transmutatur in aliam , quia aliqua additione, vel diminutione fit alia, sicut album degenerando in pallidum, & in viride fit nigrum, & calidum diminuendo gradus caloris fit tepidum , & transit in frigidum. Prima ergo transmutatio nõ peruenit ad contrarietatem propriam , sed est principium contrarietatis, quia quælibet forma substantialis habet adiunctam priuationem alterius , priuatio autem est principium contrarietatis, & sic principia naturalia dicuntur esse contraria cōtrarietate inchoata, quæ est priuatio, & forma, vt diximus 1. *Phys. quest. 2.* Secunda verò contrarietas est formalis, & propria. *Ratio est*, quia prima transmutatio non fit secundum distantiam determinatam vincendam per motum , & per modum cuiusdam continuitatis sed per modum mutationis , & hoc ideo est , quia quælibet forma substantialis hoc ipso, quod substantialis est , dat primum esse, quod est esse simpliciter, & sic excludit aliā per impossibilitatem, quia repugnat in eodē subiecto duas formas esse æquè primas, & dare primum esse, quod est esse simpliciter , & sic non opponuntur penes aliquam distantiam maximam , & positiuam sub eodem genere, sed penes primum, & totale esse, & non primum, seu non totale, inter quæ non est latitudo , nec distantia diuisibilis , sed indiuisibilis oppositio , de quo etiam diximus *questionē secunda Physic. & questionē 19. & supra etiam questiones.*

Secunda autem transmutatio cum habeat transitum diuisibilem, & determinatā distantiam ex parte ipsorum extremorum, seu formarū inter quas versatur , quatenus inter ipsas formas est aliqua continuatio,

vel

vel successio secundum magis, & minus, ratione cuius una forma facilius, vel difficilius remouetur à subiecto, & dat locum alteri ex ipsa propria ratione sui, quod etiā inuenitur in ipsis habitibus, & actibus, sicut remissio amoris dat locum odio, & qui remittit virtutem, paulatim admittit vitiū: ideo fundatur perfecta, & consummata contrarietas in huiusmodi transmutatione, quia inuenitur in ea perfecta latitudo, secundum quam formæ sint transmutabiles, & distant maximè sub eodem genere, quæ est definitio contrariorum.

Sic ergo formæ substantiales licet sint sub eodem genere, & possint habere distantiam secundum maiorem, vel minorem cōuenientiam, non tamen habent rationem magis, vel minus in accedendo, vel recedendo ad inuicem, ita quod transmutentur de una ad aliam per motum. Dupliciter enim potest sumi distantia. Vno modo, vt opponitur cōuenientiæ & similitudini, & sic est idem, quod dissimilitudo. Alio modo vt dicit recessum continuitatis, & propinquitatis; & sic primo modo est distantia in relatione, secundo in quantitate, seu diuisibilitate. Et primo modo potest inueniri in substantia, quia quædam magis cōueniunt, & alia minus sub eodem genere, & ita magis participant de similitudine, vel dissimilitudine. Secundo autem modo non est distantia in substantijs, quia non est diuisibilitas, in qualitatibus autem est distantia secundum latitudinem diuisibilem, vel inter formam, & formam, quatenus formæ tales sunt quod per additionem, vel minorationem variātur, vel quatenus penes magis, & minus crescere, aut decrescere possunt, & ratione illius magis, vel minus excludere formam oppositam, & cum maximè excludit, seu opponitur illi tunc maximè distat. Formæ ergo quæ ex sua propria ratione non possunt fundare exclusionem per modum latitudinis, & diuisibilitatis, sed per se, & ab extrinseco sine vlla latitudine, & diuisibilitate se excludunt, contra-

rietatem non fundant. Quæ doctrina videri potest in D. Thom. 10. Met. lect. 6. & 11. Met. lect. 12.

Ad id vero quod dicitur de actibus erroris, & scientiæ, odij, & amoris. Resp. quod etiam habent latitudinem diuisibilem, quia suscipiunt magis, & minus, & consequenter per se, & ab intrinseco, se magis, vel minus excludunt ab eodem subiecto, secundum quod forma opposita est magis radicata, & intensa, & difficilius expellitur. Et licet etiam aliquæ formæ substantialis difficilius expellantur, quam aliæ, id tamen nō est ex ipsa ratione formæ, quæ ex propria ratione habeat magis, vel minus inesse, sed propter dispositiones, quibus forma introducit, & conseruatur in subiecto, & istæ suscipiunt magis, & minus. *Quod verò dicitur, de contrarijs mediatis, vel immediatis. Respond.* omnia contraria habere medium ex parte latitudinis formarum, quia suscipiunt magis, & minus, si talia contraria sint de genere qualitatis, nā par, & impar sunt de genere numeri, non tamen omnia habent latitudinem, & medium ex parte capacitatis, & indifferentiæ subiecti, quia in aliquibus subiectum ita est determinatum, vt vnum vel alterum cōtrarium necessario debeat habere, & respectu subiecti sic determinati, & dispositi dicuntur contraria aliqua immediata, quæ vero subiectum habent, non ita determinatum, vt necessario habeat alterum contrariorum. respectu illius dicuntur mediata; & ita explicat D. Th. 10. Met. citato lect. 10.

Dico secundo: *contraria in gradibus intensus naturaliter repugnant esse simul, non tamen de potentia absoluta quantum est ex vi contrarietatis, licet ex aliquo adiuncto aliquando sit impossibile. Prima pars satis manifestata est, tum experientia, quia crescente calore videmus non compati frigus; tum ex definitione, quia contraria pugnant inter se, ergo aliquod debet vincere, & aliud cedere, seu expelli, aliàs pugna nō terminaretur, sed quando vnū contrarium est in gradu intenso,*

intenso, perfectè sibi subijcit subiectum, & vincit illud, ergo oportet, quòd expellat aliud oppositum, quia est impedimentum, ne perfectè subijciat sibi subiectum. Denique motus est inter contraria, ergo accessus ad vnum habet pro termino à quo recessus ab alio, sed terminus à quo excluditur per terminum ad quem; ergo vnum contrarium expellit aliud.

Secunda pars inuicem habet difficultatem, & negatur ab aliquibus, eò quòd contraria afferunt secum priuationem, & si ponantur simul, sequitur quod simul erit forma, & sua priuatio, quod nec de potentia absoluta stare potest; praterquam quod in aliquibus est omnino impossibile, v. g. quod sine simul error & scientia, odium & amor, par & impar, & alia similia. Quare oportet reddere rationem cur quædam possint simul reperiri diuinitus, quædam non.

Dico ergo, quòd cū omnia contraria fundentur in priuatione, omnia conueniunt in hoc quod debent esse in se priuata alio contrario, quia qualibet forma & natura propter sui limitationem habet priuationem alterius. Cæterum hæc non est propriè priuatio contrariorum, sed negatio quædam imbibita in essentiali conceptu cuiuscunq; entis limitati, sicut homo habet negationem lapidis, & leonis, &c. Secundò habent contraria priuationem respectu subiecti quatenus se expellant à subiecto, in quo inhaerent, & non solum à ratione & prædicationis essentia, seu formæ in se. Et hoc modo non conuenit omnibus formis ista priuatio, quædam enim se compatiuntur in subiecto, vt calor & color, & similia, alia verò se expellunt, & sunt contraria. Sed in his adhuc est differentia, quia quædam habent istam priuationem expulsiuam formæ oppositæ à subiecto quasi secundario, & consecutiue ad informationem ipsius formæ in subiecto: quædam vero habent illam quasi antecedenter, & ex parte subiecti requisitam, vt talis forma in illo subiecto subiectetur, illudque informet, ita quòd subie-

ctum non possit suscipere vnum contrariū, nisi prius in se supponat priuationem alterius. Quando ergo primo modo se habet contrarietas in formis, cum priuatio, seu expulsio alterius sit effectus secundarius post informationem formæ, non repugnat de potentia absoluta impediri, quia est priuatio secundario consecuta, non pertinens ad essentialem informationem formæ sicut etiam stat bene duas quantitates penetrari, & non se expellere à loco, quia expulsio illa est effectus secundarius quantitatis. Deinde nisi aliud obstat, bene poterit talis effectus secundarius impediri in formis contrarijs, etiā si sit priuatiuus, & expulsiuus alterius formæ, quia videlicet ipsa priuatio formæ non est requisita antecedenter, & ex parte subiecti ad hoc, vt aliud contrarium recipiat. *Ratio huius est*, quia omnis expulsio aliquorū à subiecto, nascitur ex aliquo, quod per se est expulsio, per se autem primo, expulsio est inter esse & non esse, quæ est prima ratio omnium oppositionum, non ex aliquo præsupposito consecuta, & ideo contradictoria oppositio est radix, & principiū cæterarū oppositionum, ergo in his, in quibus per se primo, & essentialiter inuenitur ipsa ratio exclusionis, nullo modo potest etiam de potentia absoluta esse coniunctio, eò quòd essentia vnius in ipsa exclusione consistit. Vbi autem vnum essentialiter non est exclusio alterius, poterit vnum esse cum alio, etiamsi exclusio naturaliter sequatur ad alterum ad modum propriæ passionis, quia potest impediri ista resultancia. Si autem antecedenter prærequiratur ex parte subiecti negatio alicuius, vt recipiatur forma opposita, non poterit tunc coniungi in tali subiecto, quia ipsa negatio, quæ præsupponitur essentialiter est exclusio.

Quòd si dicatur, requiri ex parte subiecti negationem contrarij non essentialiter, sed naturaliter, imò illa negatio, & expulsio est causata ex opposita forma introducta, non autem prius acquiritur in subiecto quàm forma ad quam sequitur, vt negatiuum ad

positiūm, non ergo distinguitur ab expul-
sione consecuta, & sic poterit esse aliquid
simul videns, & credens, amans, & odians i-
dem obiectum; agrum & sanum in eadem
parte. *Contra est*, quia hoc ipso quod requi-
ritur ex parte subiecti priuatio, non perti-
net ad dispositionem, cum priuatio non sit
aliquid positiūm determinans & dispo-
nens, sed pertinet ad habilitatem & capa-
citatem subiecti, ut recipiat aliquam for-
mam, unde si sine tali priuatione est inca-
pax, nullo modo sine ea forma recipi potest:
credes enim, v. g. requirit ut subiectum sit
capax credendi, quod sit non videns, quia
requirit obiectum esse non visum denomi-
nativē à negatione videntis, & requirit sub-
iectum esse in motu. seu non possidere per-
visionem, videns autem requirit in subiectum
quiescens in re visa, quies autem est priua-
tio motus. Similiter odians requirit subie-
ctum fugiens, quod excludit quietem, quæ
est in amore, & id est in tristitia & gaudio,
& alijs quæ opponuntur penes fugam, &
prosecutionē, seu quietem; agnatio etiam
est tendentia ad mortem, sanū vero est quies
in forma vitali, id est, petit quod infirmet
anima sine motu ad corruptionē. *Quod vero
dicitur* talem negationem, seu exclusionem
cautari, & consequi ad formam oppositam
introducendam. *Respondetur*, quod sine illa ne-
gatio ex parte subiecti requisita canitur à
forma, v. g. ab actu fidei, negatio videndi,
sive præsupponatur ab alia causa in subie-
cto, quod est verius, tamen illa reuera re-
quiritur ex parte subiecti, ut sit capax talis
formæ & ideo non relinquatur in subiecto
seme! habente talem formam capacitas ad
oppositum, quia obstat priuatio eius requi-
sita ex parte subiecti ut recipiat aliam. Ca-
terum in alijs formis expulsio vnius formæ
præcisè sequitur formam & conditionem
eius, quæ introducit, quatenus incom-
possibilis est cum altera, & sic præcisè est
expulsio eius; expulsio autem semper se-
quitur causam expellentem, id est, formam
tanquam secundarius effectus eius, tanqua-

negatiūm ad positiūm. Quando verò ne-
gatio habilitat, & disponit subiectum, ut
possit recipere aliquam formam, illa nega-
tio non est præcisè expulsio, & secundarius
effectus formæ, nec requisitum in subiecto
ut expulsio formæ, sed ut conditio perti-
nens ad habilitatem eius ut recipiat, & id-
eo posita receptione, non stat oppositum
poni, posita verò causa expulsionis, stat im-
pediri effectum qui est expulsio. Et sic intel-
ligo D. Thom. 1. 2. *quasi*. 67. art. 3. quando
dicit, quod opinio; & fides opponuntur
cum scientia, seu evidentia ex parte subie-
cti, & non solum ex parte medijs, vel obie-
cti, quia scilicet requiritur ad hoc, ut sub-
iectum sit capax fidei, quod sit non videns,
& sic præsupponitur exclusio scientiæ, ut
reclinatur fides.

Est quæritur, quænam sunt istæ formæ, quæ
ex parte subiecti supponunt priuationem,
seu exclusionem formæ oppositæ, ut subie-
ctum sit capax suscipiendi illa? *Respondetur*
primò, esse formas quæ sunt contrariæ im-
mediatæ, in quibus etiam includuntur actus
illi evidentes & invidentes, sive & prole-
cutionis. *Secundo*, formæ substantiales.
Tertio, formæ situales, quæ distantiam ali-
quam important. *Prima quidem forma*, ut
recipiantur, exigunt, quod subiectum sit in
aliqua quiete, vel motu, seu priuatione op-
posita, ut explicatum est; quod in contra-
rijs mediatis non currit, nam calor, v. g. ut
recipiat in subiecto solū requiritur quod
sit in potentia calidum, & nihil amplius.
Secunda verò forma, quia se habent ut for-
mæ substantiales, quæ dant primum esse, &
consequenter supponunt non dant aliquam
priorem formam dantem prius esse. *Tertia*,
quia ubi est diversitas distantie non potest
vna distantia simul esse cum altera, quia sic
esset indistans ab illa, ergo nequeunt esse si-
mul formæ illæ, quæ diversitatem istam di-
stantiæ includunt.

Sed obijciat: Nam in habitibus intelle-
ctus, & voluntatis curret ratio allata; quia
poterunt simul esse habitus virtutis & virtutis,
erro;

oris, & scientiæ, & opinionis, siquidem
 istis ut recipiantur in subiecto, non
 supponunt priuationem oppositam, sed
 iam expulsio vnius consecutiue se habet
 alterum, ergo poterunt simul denomina-
 subiectum, & sic poterit aliquis simul
 hominari temperatus & intemperatus,
 verbus & humilis, sciens & errans. *Re-
 spondetur*, quod habitus isti sint virtutis ac-
 citæ, non repugnant simul esse cum habi-
 tus oppositis in gradibus remissis, sed in
 entis, sicut alia omnia contraria, si phy-
 e tantum considerentur, & ita vnus actus
 ij non expellit habitum virtutis acqui-
 quoad suam entitatem physicam, vt con-
 ex D. Thom. 1. 2. *quest. 71. artic. 4.* at-
 adeo requiruntur plures actus gene-
 res habitum vitiosum, & ille expellet
 rutes secundum legem aliorum contra-
 rium; opponuntur enim habitus: sicut
 elinationes oppositæ, quæ in actum non
 explicant, & ita solum opponuntur ra-
 one contrarietatis physice, sicut alia con-
 traria. Cæterum quantum ad denominationem
 , non denominat vterque habitus sub-
 ctum duplici ratione. *Primo*, quia in con-
 trariis, solum denominat forma prædomi-
 ans, vt si in subiecto sit calor vt sex, & fri-
 us vt duo, simpliciter denominatur calid-
 um, non vero calidum & frigidum. Et ita
 le habitus faciet denominationem (etiam
 solum attendamus ad physicam informa-
 onem) qui fuerit perfectior & intensior.
Secundo, quoad denominationem habituum
 moralium, ille habitus simpliciter denomi-
 at, qui nõ solum est entitatiue in subiecto,
 sed supponit conuersionem ad finem suum in
 subiecto, semper .n. finis prædominatur in
 denominando subiectum inclinatum ad a-
 liquid, etiam si minus intensos actus, vel ha-
 bitus habeat in subiecto, quam qui opposi-
 tum finem respiciunt, quia conuersio finis
 caput totum suppositum. Et quia non potest
 aliquis simul esse conuersus ad duos fines
 primos peccari & virtutis, ideo non potest
 simul denominari superbus & humilis, te-

peratus & intemperatus, licet habeat v-
 trumque habitum entitatiue, sed solum ab
 illo, ad cuius finem est conuersus. Habitus
 autem erroris & scientiæ nunquam possunt
 esse simul, quia scientificus habitus semper
 est perfectus ratione euentiæ, qua perfe-
 ctè conuincit subiectum, & ita non compa-
 titur cum opposito, sicut forma intensa quæ
 vincit subiectum.

Dices: cur actus contrarij vitales ita si-
 bi contrariantur, vt nullo modo simul esse
 possint, habitus autem non? *Respondetur*,
 quod actus si solum essent productiui suo-
 rum habituum tanquam actiones & motus
 ad illas, & non amplius, eodem modo con-
 trariarentur, sicut ipsi habitus, seu formæ
 productæ, sicut in alterationibus physicis,
 verti gratia, calefactione & infri-
 idatione, est eadem contrarietas, quæ in ipsis qua-
 litatibus productis, vt diximus in *Physicis*,
quest. 12. art. 1. ult. At verò actus potentia-
 rum non solum sunt actiones productiue
 habituum, sed etiam in seipsis sunt perfe-
 ctiores & dispositiones potentie, quæ ra-
 tione sui, & non ratione habituum habent
 suam oppositionem. Et quia actu explicant
 ordinem ad obiectum, & priuationem, vel
 positionem in ordine ad illud, & non solum
 informationem subiecti, habitus autem so-
 lum informat subiectum, & ponit in eo in-
 clinationem, & nõ actu se explicat erga ob-
 iectum. ideo contrarietas habituum non tan-
 ta est, sicut in actibus, nec tam perfecta.

Dico vltimo: *in gradibus rer. istis natura-
 liter possunt esse qualitates contrarie, si alias
 inter illas non sit essentialis oppositio, & præ-
 quer quæ sita ex parte subiecti, vt recipiatur quali-
 bet illarum formarum.* Sumitur hæc conclu-
 sio ex D. Thom. *quest. 8. de Verit. artic. 14.*
 vbi inquit: *Quod quando sint forme in fieri,
 possunt esse simul, vt dum aliquis dealbatur,
 adhuc est in nigredine.* Dum autem est in
 gradibus remissis adhuc est in fieri, quia
 adhuc deest aliquid acquirendum. Et i. *par.*
quest. 76. artic. 4. inquit, *quod in mixto sunt
 qualitates contrarie; constat autem illas*

esse temperatas, & remissas. *Ratio autem sumitur à priori, & à posteriori.* *A priori*; quia istæ formæ habent latitudinem in crescendo, ergo etiam in expellendo: ergo aliquid contrariæ formæ potest esse, antequam alia opposita sit totaliter expulsa, & sic nisi aliquid obster ex parte subiecti per modum incapacitatis, & repugnantiz, ut diximus, quantum est ex vi formæ habentis latitudinem, non repugnat, quod contraria forma paulatim, & cum aliqua latitudine intret, & sic non totaliter excludat aliam, sed in aliquo gradu cum illa compatiatur. *A posteriori autem id constat*, ex mixtione, & mutua actione, & reactione; hæc enim non saluantur, si qualitates contrariæ compatibiles non sint in gradibus remissis, nam mixtio esse non potest, nisi maneant formæ elementorum in mixto, non substantiales, sed accidentales reductæ ad temperamentum; illæ autem sunt contrariæ. Item, non potest actio & reactio dari, nisi agens habeat formam, qua agat, & recipiat oppositâ qua patiatur, ergo tunc debent esse qualitates contrariæ in subiecto, & non in gradibus intensis, quia ipsa actione, & repassione debilitantur & temperantur, ergo in remissis, vel saltem una in gradu intenso, & altera in remisso.

SOLVUNTUR ARGV- MENTA.

Primò arguitur ad probandum repugnare, quod duo contraria possint esse simul in eodem subiecto in gradibus intensis etiam de potentia absoluta, quia hoc implicat, ergo. *Antecedens probatur*, tum ex Arist. 4. Meth. text. 27. d. cente; *Quod cum fieri nō possit, quod contradictoria de eodem simul sint vera, perspicuum est, neque contraria simul in eodem esse posse*, tum etiam ratione, quia in vno contrario includitur privatio alterius ex propria natura talis contrarij, privatio autem est negatio formæ in subiecto apto, ergo vnum contrarium non potest esse cum altero, sicut nec privatio cum forma oppo-

sita, præsertim, quia posita illa forma in subiecto, non potest impediri eius effectus formalis, quorum vnus est privatio. *Confirmatur*, quia ipsa informatio vnus contrarij est formalis etiam expulsio alterius, & non effectiua, siquidem vna forma non expellit aliam nisi in genere causæ formalis, & consequenter ipsa informatio est expulsio, ergo simul cum tali informatione non potest stare alterius contrarij informatio, alias esset simul informans, & expulsa, quod est esse informans, & non informans.

Respondetur, quod contraria includunt oppositionem contradictoriam, aut privatiuam non primò, & per se, sed consecutiue & secundario, quia sequitur ex informatione vnus exclusio alterius. *Et ad probationē ex Aristot. respondetur*, quod intelligitur de contrarijs secundum effectū secundarium, qui est expulsio, secundum quem bene sequitur, quod non possunt contraria simul inesse, quia includunt in se contradictoria, mediata scil. & secundario, non primario, ut dictum est. Vnde subdit ibi Aristot. *Quod impossibile est contraria simul eidem inesse, sed aut ambo secundum aliquid, aut alterum secundum aliquid, alterum simpliciter.* Fateatur ergo quod secundum aliquid, id est, secundum gradus remissos possunt simul inesse, licet non perfectè, & secundum gradus intensos. *Ad probationem vero ex ratione dicitur* quod vnum contrarium importat priuationem alterius ex consequenti, & secundario, potest autem diuinitus impediri & separari, faciendo, quod illæ duæ formæ tantum informant subiectum, quoad positium, non quoad priuatiuum. Vnde illa priuatio, si ponatur in subiecto, & de facto sit consecuta, priuatum reddit illud formā oppositā; sed nos dicimus fieri diuinitus, ut non consequatur illa priuatio, sed ponatur in subiecto opposita forma.

Ad confirmationem respondetur, quod informatio vnus contrarij est expulsio alterius in genere quidem causæ formalis, non tamen primario, sed consecutiue, & secundario,

dario, nam etiam forma in genere informādi habet suos effectus secundarios, sicut gratia habet pro effectū secundario reddere filium adoptiuum. quantitas extendere substantiam quoad locum; & tamē sine istis effectibus possunt istæ formæ reperiri diuinitus. Similiter ergo contraria sine effectū priuatiuo.

Secundo arg. quia duæ formæ eiusdē speciei, & duæ formæ substantiales non possunt in eodem subiecto esse simul, ergo neque duo contraria in gradibus intensis. *Antecedens constat ex precedent. quest. Consequentia veroprobat.* quia plus distant nigredo, & albedo. quam albedo intensa, & remissa, ergo magis repugnabunt esse simul. *Confirmat.* quia non potest idem simul denominari à duobus contrariis, nec moueri duplici motu contrario. Si autem non repugnaret esse simul duo contraria, ab utroque denominaretur subiectum, siquidem ab his informatur, & ad utrumque moueretur, siquidem acquirit illa, ergo repugnat esse duo contraria præsertim intensa in eodem subiecto, si enim intensa sunt, subiectum denominant.

Resp. duas formas substantiales non posse esse simul propter rationem sæpius allatam, quia utraque dat primum esse, & simpliciter esse, & sic necessario supponit omnem aliam exclusam, quæ prima etiam sic. Formæ autem accidentales eiusdē speciei licet magis conueniant specificæ & entitative, quā duæ contrariæ diuersæ speciei, repugnat tamen quod sint simul in eodem subiecto; quia hoc ipso, quod sunt in eodē, non plurificantur, sed vnū fiunt. Vnde propter maiorem conuenientiam magis repugnat, quod tanquam distincta & diuisa in eodem subiecto sint; & multo magis, quod vna sic intensa alia remissa, quia istæ terminationes sunt oppositæ, & vna importat exclusionem alterius, remissio enim importat talem gradum qualitatis sine vteriori additione gradus, nam si vteriorē haberet, non esset remissa; & sic repugnat simul con-

iungi cum intensa. Quod respectu qualitatum diuersæ & contrariæ speciei non currit.

Ad confirmationem respondetur, quod denominatio fit à qualitate prædominante, ut dictū est, ut si sit calor ut sex, frigus ut duo, simpliciter denominatur calidum. Si vero per diuinam potentiam duo contraria sint in gradibus intensis in eodem subiecto, utrumque denominabitur positivè, non tamen cum priuatione alterius, quia hæc impeditur diuinitus, sic enim afficit forma subiectum, quod non excludit contrarium, & sic denominabitur calidum & frigidum, non calidum, & non calidum. De motibus vero contrariis, qui tendunt ad formas contrarias, dicimus esse eandem rationem, ac de ipsis formis, quas acquirunt, & eo modo quod erunt illæ formæ compatibles, erunt & motus. Si vero sint contrarij motus penes accessum & recessum, si sit accessus & recessus circa eandem formam ut generatio & corruptio eiusdē, simul iungi non possunt. Circa diuersas vero ut generatio vnus, & corruptio alterius, oppositi motus nō sunt, sed potius connectuntur, licet in casu quo Deus coniungat duas qualitates oppositas, ita datur generatio vnus, quod non corruptio alterius, siquidem simul conseruantur.

Vltimo arguitur contra id, quod dicimus, quod in gradibus remissis naturaliter contraria esse possunt, nam contraria remissa verè sunt qualitates contrariæ: ergo eis conuenit definitio contrariorum, hæc autem est, quod ab eodem subiecto se expellant, ergo etiam qualitates remissæ ab eodē subiecto se expellunt. *Antecedens patet*, quia aliàs si contrariæ non essent, tota contrarietas qualitatum consisteret in gradibus, non in ipsa substantia qualitatum. *Confirm.* quia qualitas remissa potest agere sibi similē, ergo expellere contrarium, sed non contrarium excedēs, & intensum, ergo remissum, ergo qualitas remissa expulsiua est oppositæ qualitatis remissæ ab eodem subiecto. *Confirm.* secundo, quia a has sequitur, quod poterit subiectum denominari à duabus

formis contrarijs, verbi gratia à calore, & frigore, & moveri motibus contrarijs in gradu remisso, imò poterit aliquid summè calidum imprimere calorem intensum, v. g. vt sex, in frigidum vt duo, nihil destruiendo de frigore, quia comparitur cum illo gradu caloris vt sex, frigus vt duo, ergo non expellit illud.

Respondetur, Quod contraria remissa habent contrarietatem imperfecto modo, & quasi in fieri, vnde non exercent omnem rationem contrarietatis propter latitudinem, quam habet subiectum respectu vtriusque contrarij, quæ non est superata à contrario remisso. *Et quando dicitur*, quod contraria mutuo se expellunt *Respondetur*, quod mutuo se expellunt actu, vel aptitudine, in aliquo enim statu, & gradu non se expellunt actu, sed compariuntur in latitudine subiecti. *Et cum iustatur*, quia alias contrarietas esset ratione graduum, non verò ratione entitatis. *Respond.* quod est ratione entitatis posire in debito statu, & modo, ita quod ratio contrarietatis est in ipsa entitate, requiritur autem intensio, vel remissio, tantquam conditio & status, pro modo expulsionis, & sic non absolute se expellunt in quocunque gradu, sed quantum introduciuntur de vno, tantum expelluntur de alio in gradu sibi repugnanti, in gradu autem imperfecto non se expellunt.

Ad primam confirmat. respondet. Quod calidum in gradu remisso poterit agere sibi simile in subiecto, vbi non inuenerit similem gradum caloris, sed tunc non expellet de frigore opposito nisi illud, quod repugnat ad introductionem talis caloris, & quia in gradu remisso illi non repugnat, si solum inuenerit frigus in gradu remisso, nihil de illo destruet. Si autem in gradu intenso tantum, de illo remittet, quantum requiritur, vt simul cum illo esse possit iuxta mutuam actionem, & reactionem, vt si sit calor vt septem, & applicetur frigidum, vt quatuor, reducet illud ad mediocritatem vt sex, vel vt quinque & reliquum remanebit de frigiditate.

Ad secundam confirmat. respond. illa inconuenientia non sequi, quia vt iam diximus denominatio non fit nisi à qualitate predominante, & ita denominabitur in gradibus remissis non absolute calidum, & frigidum, sed tepidum; motus autem contrarij non repugnant in gradibus remissis, sicut nec ipse qualitates, vt dictum est. *Ad tertiam inconueniens, Respondetur*, quod in illo casu, si subiectum est frigidum vt duo, sine aliquo alio calore tunc calidum vt sex aget in illud frigus, & destruet, quia licet gradus frigoris vt duo sint compatibles cum sex gradibus caloris, per accidens tamen, quia introduciuntur calor per alterationem, & mutuam actionem, & reactionem, ideo destruet aliquid de frigore, & tandem consummet illud; hoc tamen est propter introductionem caloris illo modo factam; ex parte autem subiecti, non repugnat cum calore vt sex frigus vt duo loquendo in genere causæ formalis; si autem subiectum habeat frigus vt duo, & simul aliquid caloris v. g. vt vñ vel duo; tunc calidum, vt sex non expellet frigus, quia aget intendendo calorem, quamdiu comparitur cum frigore vt duo, non alterando & reagendo in frigus.

ARTICVLVS III.

Quæ qualitates conueniant cuilibet elemento?

Constat in quolibet elemento ad minus duas qualitates inueniri: videmus enim aquam esse frigidam, & humidam, ignem calidum, & siccum. *Difficultas vero est in duobus.* Primum assignare cuilibet elemento quænam qualitas conueniat in summo, an vero duæ in summo conuenire possint. *Secundum* si veraque non conueniat in summo, sed vna in gradu excellenti citra summum, an opposita citius conueniat ei in gradu remisso pro ea parte latitudinis, quæ illi deest vsque ad summum, verbi gratia si conuenit siccitas igni in gradu excellenti vt sex, an conueniat ei humiditas opposita, vt duo.

Circa primum, sunt dua probabiles sententiae. Prima assignat unicuique elemento vnam qualitatem in summo, aliam in gradu excellenti hoc ordine. igni calorem in summo, siccitatem in excellenti gradu. Aeri humiditatem in summo, calorem in excellenti gradu; aqua frigus in summo, humiditatem in excellenti gradu. Denique terre siccitatem in summo, frigus in excellenti gradu.

Quae sententia valde communis est in philosophos, ut testatur Magist. Bañez, *lib. 2. question. 2. Conimbric. lib. 2. de generatione. caput. 3. question. 4.* & expresse testatur teneri a Philosopho, *hoc lib. 2. text.*

Secunda sententia specialiter tenetur à Thom. ibidem scilicet. 3. in fine, qui affirmat calorem in summo conuenire igni, siccitatem terrae. Aer est magis humidus, in calidus, aqua vero est magis humilior aër, sed non ita frigida sicut terra. Siccitas autem conuenit magis igni, in terra. Haec tamen D. Thomas, non uno certo affirmat, sed probabiliter, etiam admittit, *primo parte, question. primo, ad questionem secundam*. D. sum terra habere pro principali proprietate, siccitatem. Quare licet unum hoc, conuenit rigiditas in summo terrae, sed non, quia non est aliud elementum cui veniat.

Fundamentum primae sententiae sumitur ex duobus quae supponit. Primum, quod libet elemento aliqua qualitas in summo debet conuenire. secundum quod nulli petunt duae qualitates in summo. *Proprietas*, tum quia istae qualitates primae debent habere aliquod subiectum commune, & proprium ergo illi debet competere qualitas in perfectissimo gradu, naturaliter competere potest, siquidem sumitur per ordinem ad proprium & naturale subiectum, tum quia si in elemento nulla qualitas inueniretur in summo infra summum gradum, esset capax contrariae oppositae in aliquo saltem gradu. Quoad illam partem quae sibi deest

vsque ad summum, siquidem subiectum capax vnius contrarij, est etiam capax alterius, nisi habeat illud in summo; deinde cum quodlibet elementum habeat duas qualitates, si neutram habet in summo, habebit aliquid de qualitatibus contrarijs, & sic habebit omnes quatuor qualitates, quod est proprium mixti, non elementi. *Secundum probatur*, quia alicui elemento, verbi gratia aeri, non conuenit duplex qualitas in summo, cum enim sit calidus, & humidus, si calor competeret in summo, esset ita actius sicut ignis, & adhuc fortius, quia est densior. Eadem autem ratio videtur de vno elemento, ac de omnibus. Deinde, quia cum qualitas in summo sit dispositio vltima ad formam substantialem, si competeret duplici elemento eadem qualitas in summo, verbi gratia siccitas quae conuenit igni, etiam terrae, esset in duobus eadem dispositio vltima ad formas diuersas speciei, quod est inconueniens, quia vltima dispositio est propria eius ad quod est.

Ex his suppositis inserta haec sententia, igni non posse conuenire calorem & siccitatem in summo, ergo altera tantum qualitas debet conuenire, & haec est calor, cum ignis sit actiuissimus. Debet ergo siccitas alteri elemento conuenire in summo, & non potest, nisi terrae, tum quia de reliquis elementis aere, & aqua constat, quam parum siccata sint & quam fluida, tum quia per excellentiam vocatur arida, *Gen. 1. tum* quia maxime conuenit terrae diffinitio siccitatis, quod videlicet difficile terminetur alienis terminis, hoc enim magis conuenit terrae quam alijs elementis. In reliquis elementis, aer non potest esse summe frigidus, tum quia alias nihil haberet de calore, cum tamen sit excellenter calidus, tum quia parum haberet de leuitate, cuius comes est calor, frigus autem densitatis, & grauitatis, ergo competet illi humiditas in summo, quod etiam definitio humiditatis testatur, scilicet quae facile cedit terminis alienis, nihil autem facilius cedit & diuiditur quam aer. Frigus autem in summo conue-

conueniet aquæ, tum quia non restat aliud elementum cui conueniat, tum quia aqua est magis contraria igni quam terra, cum ignis intra terram conseruetur, non intra aquam, ergo cum ignis sit calidissimus, aqua erit frigidissima.

Fundamentum autem secunda sententia sumitur ex qualitatibus terræ & aquæ, inde enim fit argumentum ad qualitates ignis & aeris. Nam quod terræ conueniat summa frigiditas deducitur ex duobus. *Primo* ex maxima distantia à cœlo, cuius lux & motus est causa caloris, & ita quod naturaliter maximè distat à cœlo, debet esse maximè expers caloris. *Secundo*, quia etiam inter ipsa elementa, magis distat ab igne, & sic magis debet ei contrariari, sicut in situ, ita & in qualitate. *Tertio*, quia terra est densissimum corpus inter elementa & maximè graue, proprium autem frigoris est constipare & condensare & grauitatem inducere, sicut è contra calor est causa leuitatis & raritatis, & summum calidum, scilicet ignis est maximè rarum & leue, ergo maximè denum & graue, erit summe frigidum; imò si terra esset summe sicca, naturaliter esset redacta ad pulueres, quia summe siccum puluerizatur, ut docet Aristotel. *hoc 2. lib. text. 49.* & ibi S. Th. *lect. 8.* E contra vero, si aqua esset summe frigida, esset naturaliter congelata, videmus enim crescente frigore aquam gelari, & indurari, cum tamen naturaliter sit fluida. *Nec dici potest*, quod gelu contingit in aqua aliquibus exhalationibus permixta, non in aqua pura. *Contra enim est*, tum quia mare est plenum istis exhalationibus, ratione quarum habet salsedine, & tamen non congelatur; tum quia ad gelu non videtur conducere illarum exhalationes, & concretiones terrestres, imò aqua quanto subtilior est, & magis purificata & tenuis, facilius congelatur, frigus enim de se compressiuum est partium fluidarum, quia fluidæ sunt magis coagulabiles, ergo remotis istis exhalationibus, vel saltem imminutis, quando aqua subtilizatur per i-

gnem, & relinquitur ad gelu, melius congelabitur.

Quod verò aqua humidior sit, quam aer, & consequenter in summo humida, deducitur, tum ex effectu, quia ad sensum videtur res magis humectari, & madefieri ab aqua, quam ab aere, tum etiam quia aqua est maximè terminabilis alienis terminis, ut docet Aristotel. *4. Meteor. text. 29. lect. 7.* apud D. Thom. & in hoc secundo libro de gen. text. 49. hæc autem est definitio humidi, quod sit terminabile alienis terminis: tum quia aer magis exsiccatiuus est, quàm aqua, videmus enim res humectatas ab aqua, exsiccari ab aere, non è contra. *Nec dici potest*, quod aer exsiccet per accidens ratione exhalationum siccantium, quæ per illum sunt sparsæ. Etenim si aer ita esset humidus, non permetteret in se istas exhalationes siccas, sicut nec aqua illas permittit, humiditas enim nimis excedens corrumpere exhalationes siccas humectando illas, ergo si aer non corrumpit eas, ideo est, quia non est ita humidus, sicut aqua. Et similiter si aer exsiccet ratione caloris consumentis humidum, cur non etiam consumet humiditatem propriam, sicut uiuentia ratione caloris, proprium humidum consumunt? Denique pisces, qui sunt in aquis humidiores sunt, quam volucres, quæ sunt in aere: humor etiam phlegmaticus, qui correspondet aquæ maximè humidus est inter omnes humores, ergo & aqua inter omnia elementa.

Quod si semel terra non habet summam siccitatem, neque aqua summum frigus, restat quod summam siccitatem attribuamus non aeri, qui satis humidus apparet, sed igni, aeri vero attribuamus frigus, & humiditatem in gradu excellenti, non in summo. Atque ita vnum elementum, scilicet ignis habebit duas qualitates in summo, aliud vero sibi immediatum, scilicet aer neutram habebit in summo. Reliqua duo elementa habebunt alteram in summo, alteram in excellenti gradu, ut dictum est.

Vtraque hac sententia probabilis est, & in
D. Thom.

D. Thom. vtraque habet fundamentum, vt vidimus, & vtriusque argumentis facile responderi potest, vt inter arguendum insignatum est, cum enim elementa non videamus in sua totali puritate, sed inter hæc corpora, quibus facile admiscetur, non possumus ex sensu, & experientia, sed solū discursu probabili, rem hanc indagare.

Circa secundam difficultatem, scilicet an in elementis detur aliqua qualitas remissa contraria illi, quæ est in gradu excellenti, v. g. si in terra est frigus in excellenti gradu, sit aliquid caloris? *Respond.* hoc debere decidi iuxta opiniones iam relatas in præced. difficultate. Nam qui tenent in elemento posse dari duas qualitates non in summo, consequenter tenentur asserere, nihil de oppositis qualitatibus, dari in eo, quia si darentur oppositæ qualitates, omnes quatuor qualitates essent in vno elemento, quod tamē est proprium mixti. Et præterea, etiam si ponatur vna qualitas in summo, & alia in excellenti gradu, nō poterit dari tertia qualitas in gradu remisso, tum quia ideo Aristoteles docet in hoc secundo libro tex. 25. & 26. facilius generari vnum elementum ex suo symbolo, quam ex dissymbolo, quia in elemento symbolo solum vna qualitas debet corrumpi, in dissymbolo autem duæ, ergo si darentur in quolibet elemento tres qualitates tot deberent corrumpi in symbolo, quot in dissymbolo, nempe duæ contrariæ, altera in gradu excellenti, altera in remisso, licet in elemento dissymbolo intensius inueniantur qualitates corrumpendæ, quam in symbolo. Imò omnia elementa essent symbola, quia in omnibus dabitur aliqua qualitas, in qua conueniat cum alio elemento, vbi autem est conuenientia est symbolizatio. *Nec obstat*, quod conueniat in qualitate remissa quia hoc nō tollit conuenientiam illam esse veram, ergo & veram symbolizationem. Quod tamen opposita sententia existimat nō virgere, quia elementa symbola, vt sequenti articulo dicetur, consistunt in hoc, quod sint similia, non quomodo cū-

Part 11. Phys.

que, sed in qualitate aliqua prædominante, non in qualitate remissa. Quam sententiam defendit Rub. hic tract. de primis qualitatibus q. 2. Carmelitani disp. 10. q. 1. & alij.

Opposita sententia à plerisque defenditur, de qua videri possunt Conimbricenses lib. 2. de gener. c. 3. quest. 5. Astudillo q. 4. & alij. Et reuera habet fundamenta satis efficacia, quia corpus, quod est capax vnius contrarij, est capax alterius, nam etiam elementū habens aliquam qualitatem in summo potest aliquid recipere de opposita saltem via corruptionis, vt cum aqua amittit aliquid de frigiditate, & calorem admittit, ergo si in statu naturali postulat aliquam qualitatem non in summo, etiam in eodem statu erit capax oppositæ in gradu remisso. *Nec potest dici*, quod non habet de facto talem qualitatem remissam, ne diminuat aliquid de illa qualitate, quam habet in summo, nam si ignis, v. g. haberet aliquid de humiditate, etiam propter eam calor diminueretur, & aqua habens summam frigiditatem, si haberet aliquid siccitatis oppositæ humiditati semper esset congelata, & non fluida. *Sed contra est*, quia actiuitas caloris non remittitur nisi per suum contrarium, illa autem humiditas parua, & remissa nihil obest calori, nisi aliquid tollat de siccitate debita igni, nam si nihil tollit, remanet tota dispositio naturalis ignis, non tollit autem de siccitate debita, quia si ignis perit siccitatem citra summum, verbi gratia, vt sex, quod habeat humiditatem vt duo, nihil tollit de gradu vt sex, si autem de illo tolleretur, impediret rationem ignis, non quia esset contra calorem, sed quia contra siccitatem debitam. Aqua autem non congelatur ob siccitatem natiuam, quam habet in gradu remisso, sed ob admixtam, & extraneam, quæ facit quasi glutinosam materiam, & consequenter congelationem. Denique si elementum habens qualitatem in gradu excellenti, v. g. ignis siccitatem vt sex, non haberet oppositā qualitatem in gradu remisso, posset illa siccitas crescere vsque ad octo in

Gg

instanti,

instanti, siquidem caret contrario. Non sufficit autem ad successionem motus ipsa latitudo intensificationis, sed etiam requiritur contrarietas vincenda, ut patet in luce, quæ admittit latitudinem intensificationis, & tamen fit in instanti, quia caret contrario. Vnde aliqui oppositæ sententiæ dicunt, quod solum ab extrinseco ille motus erit successivus propter resistantiam formæ substantialis, quæ non potest corrumpi, nisi dispositiones aliæ introducantur, quæ per motum debent fieri. Sed hoc est, quod ista sententia conatur inferre tanquam incôueniens, quia si non est resistantia non erit successio in introducenda dispositione, nec ab intrinseco motus erit successivus, sed per accidens. Quare utraque sententia (ut diximus) eam habet probabilitatem, quam sententia relata in prima difficultate, & iuxta illas, altera defendenda est ex istis.

ARTICVLVS IV.

Quomodo detur transitus de vno elemento ad aliud, tam in symbolis, quam in dissymbolis?

Dvo sunt supponenda, & in duobus alijs est difficultas. Primum quod supponimus est, quod elementa illa dicuntur symbola, quæ habent conuenientiam in aliqua qualitate, dissymbola verò quæ non habent, ex Arist. in hoc 2. lib. text. 25. Intelligitur autem, quod habeant conuenientiam in aliqua qualitate prædominante, nam si solum conueniunt in aliqua qualitate remissa, in alijs verò intensius disconueniunt, maior erit disconuenientia, quam conuenientia: & ita simpliciter dicentur esse dissymbola, & disconuenientia, & secundum quid conuenientia. Secundo est certum, quod tam symbola, quam dissymbola elementa possunt ad inuicem transmutari vnum in aliud, siue mediata, siue immediata, siquidem habent materiam communem & capacem omnium illarum formarum.

Difficultas verò prima est, an vnū elemen-

tum immediate possit transire in quodlibet aliud, an verò prius debeat transire in aliquod mixtum vel saltem in elementum magis symbolum, quam in magis dissymbolum. Et ratio dubitandi est, quia terra, & aqua, v. g. non possunt transire ad inuicem, nisi prius utraque qualitas aquæ, v. g. remittatur, ut enim corrumpatur prius debent qualitates remitti, cū paulatim, & successiue destruantur. Cum ergo remittitur frigiditas, & humiditas aquæ, prius peruenitur ad gradum ut quatuor per introductionem caloris, & siccitatis, quam perueniatur ad calorem ut octo destruendo totam frigiditatem, ergo in illo puncto, in quo miscentur omnes illæ quatuor qualitates generatur mixtum, antequam transeat ad contrarium elementum, siquidem remittentibus se illis qualitatibus, oppositæ quoque introducuntur ut remissæ, & temperatæ, & consequenter ut deseruiunt ad mixtum.

Secunda ratio dubitandi, quia non potest fieri immediatus transitus de vno elemento ad aliud, etiam inter elementa symbola, ergo à fortiori neq; inter dissymbola. Antec. patet quia inter terram, & ignem, v. g. quæ sunt symbola in siccitate requiritur quod illa densitas terræ transeat in magnam raritatem, quod nō potest fieri immediate, siquidem prius debet attingere eam raritatem, quæ est in aqua, quam eam, quæ est in igne, quia maior est. Inter elementa autem dissymbola ut ignem, & aquam aqua calefacta non transit in ignem nisi prius attenuata, & resoluta in vapores, atque adeo prius transiendo in aerem. *Horum ratio est*, quia de extremo ad extremum non fit transitus in qualitatibus nisi per medium, ergo cum elementa dissymbola sint extrema, non fit in eis transitus, nisi per aliquod medium, præsertim secundum densitatem, & raritatem.

Secunda verò difficultas, nascitur ex priori, quomodo dixerit Philosophus in hoc secundo libro text. 25. quod facilius est transitus inter elementa symbola, quam dissymbola.

bola. Contra enim est, quia hæc transmutatio fundatur in contrarietate elementorum ad inuicem, & actiuitate transmutantis, sed inter dissymbola est maior contrarietas, cum contrarientur secundum duplicem qualitatem, & consequenter duplici actiuitate agant, ergo non minus conuertetur elementum dissymbolum, quam symbolum, quia si in hoc vna tantum qualitas agit, in illo duplex, & aliquando est maior actiuitas, vt cum ignis agit in aquam per calorem, qui maximè actiuus est, facilius ergo conuertetur aqua in ignem, quam in aerem. Et sic experientia videmus, quod guttæ aquæ iniectæ in ignem facilius conuertuntur, quàm paræ particule terræ, & tamen terra est symbola igni.

Nihilominus ad primam difficultatem Respond. ex quolibet elemento posse immediate generari aliud, & non solum mediate. Aliqui oppositum sentiunt, tum generaliter de quolibet elemento, vt aliqui apud Toletum in hoc libro q. 8. tum specialiter de elementis dissymbolis, vt Rub. tract. de generat. elementorum q. 1. cum alijs. quos citat. Nostra tamen resolutio est expressa D. Thom. hoc secundo libro lect. 4. §. Prosequitur, vbi concludit, *vniversaliter manifestum est, quod quodlibet elementum ex quolibet generatur*; & hæc ipsa sunt verba Aristot. ibidem tex. 24. Nec sufficit dicere, quod quodlibet elementum ex quolibet generari possit mediate, non tamen necesse est, quod immediate generari possit ex quolibet. Hoc inquam non sufficit, quia hac ratione etiam dici potest, quod quodlibet mixtum quantumcumque perfectum saltem mediate potest generari ex quolibet, & tamen non dicimus, quod homo potest fieri ex lapide. Nec tamen nos dicimus semper ita contingere, quod ex quolibet elemento fiat aliud immediate, sed quod potest ita fieri, neque ex vi suæ dispositionis repugnat, atque ita non se habet sicut animalia, quæ naturaliter ad sui transmutationem exigunt transire per diuersas for-

mas, & generationes, vt aduertit S. Thom. *quest. 3. de potent. artic. 9. ad 9.* hoc enim elementa non exigunt ex natura sua, sed potest immediate fieri transitus de vno elemento ad aliud nisi per accidens ex debilitate agentis, aut ex alio impedimento oppositum contingat, sed ex se potest esse tanta actiuitas elementi supra aliud quod immediate illud in se conuertat, sicut si in maximum ignem iniiciatur gutta aquæ. Et ratio est, quia elementa etiam dissymbola non habent qualitates ita consistentes in proportionem quod ea conuenientia & proportionem, remota, amittant formam suam, sicut in viuientibus, sed habent pro dispositione qualitatem in tali intensione, quod etiam si remoueat ab illa, non statim amittant formam substantialem, sed potest à contraria qualitate intensio alterari quousque generetur aliud elementum contrarium, sicut patet in aqua, quæ retinet formam elementi etiam si nimium calefiat, aut euaporetur, quousque tota resoluatur in aliud elementum, ergo non est necessariū, quod in transitu de vna qualitate extrema ad aliam per qualitatem remissam, fiat amissio formæ elementalis, & acquiratur forma mixti, vel alterius elementi symboli, sed potest conseruari forma elementi, etiam amittendo de qualitate propria, & acquirendo de contraria, quousque elementum contrarium sit genitum, nam tota illa remissio qualitarum non ponitur in elemento in tali temperamento, sicut requiritur ad mixtum, sed in illo, in quo adhuc compatitur elementum viâ corruptionis, vt magis explicabitur soluendo opposita argumenta. Et hæc est ratio Aristot. & D. Thom. vbi supra, quod quia omnia elementa habent contrarietatem ad inuicem, ideo quodlibet elementum potest generari ex quolibet immediate, quia ratione huius contrarietatis potest vna qualitas, ita continuatè agere in aliam, quod vincat illam totaliter, & generet elementum sibi simile. Et licet contrariæ qualitates ad inuicem agen-

do repatiuntur, nō tamen semper prorumpunt in aliquod temperamentum permanentem factum, sicut requiritur ad mixtum, sed vna ex qualitatibus, quæ actiuior est, continuat actionem in elementum, & tandem vincit illud.

Ad secundam difficultatem. Respond. Quod per se loquendo, & ex natura rei, est facilius transitus inter elementa symbola, licet per accidens possit oppositum contingere. Quod explicatur dupliciter; primò, quia elementa symbola non solum habent maiorem conuenientiam in ipsis qualitatibus primis, sed etiā in alijs, quæ iuuant ad modum habendi illas, sicut aer non solum cōuenit cum igne in calore, sed etiam in raritate, ratione cuius facilius recipit impressionem ignis, quam aqua, imo quam aliud elementum etiam symbolum vt terra. Secundo id explicatur ratione ipsius contrarietatis inter qualitates primas, quia licet in elementis dissymbolis pugnent duæ contrariæ qualitates contra duas, in symbolis verò vna tantum, tamen non æqualis actiuitatis sunt illæ duæ, neque ita facile vtraque operatur, sicut quando sola vna qualitas alteri contrariatur, sicut ignis contrariatur aquæ secundum calorem, & siccitatem, sed difficilius siccitas ignis tollit humiditatem aquæ, quam humiditatem aeris; tum quia humiditas aeris est rarior, & sic minus resistens; tum quia magis iuari potest siccitas ignis à calore sibi coniuncto respectu aeris, quam respectu aquæ, cum in aqua occupetur vtraque qualitas circa suū oppositum in gradu summo, aut excellenti, in aere verò solum occupatur circa vnam, & ideo iuari potest ab altera in sui introductione, nam etiam calor coniunctus siccitati ad ipsam siccitatem citius introducendam iuuat; tum denique quia siccitas, non ita actiuæ est, sicut calor, & ideo lentiori modo agit in humiditatem, quam calor in frigus. Itaque duæ qualitates quando vtraque habet suum contrarium, in quod agat, non ita se iuant ad inuicē sicut quan-

do vna tantum qualitas est corrumpenda. Nec tamen semper ista facilitas transmutandi elementum symbolum æquè reperitur, sed potest aliquando impediri, vel propter maiorem densitatem, vel propter minorem actiuitatem qualitatis symbolæ, nam terra, v.g. licet sit magis symbola cum igne ratione siccitatis, quam cum aere, difficilius tamen transmutat in se ignem, quam ignis terram, vel etiam quam ipse aer, aut aqua terram transmutent, quia siccitas terræ parum est actiua, & eius etiam densitas difficilius generatur.

Ad rationes dubitandi pro prima difficultate. Ad primam Resp. quod aliquando actiuitas elementi agentis est tantum circa elementum, in quod agit, quod fortiolem imprimit qualitatem, quam requiratur ad temperamentum mixti, vt cum in magnum ignē iniicitur gutta aquæ. Deinde dicitur quod etiam si paulatim remittantur qualitates vnius elementi, & introducantur oppositæ non est necesse, quod statim corrumpatur, & generetur mixtū, vt probatum est exemplo aquæ nimium feruentis, quæ tamen non habet calorem vt octo, & consequenter aliquid de frigore retinet, & similiter de humiditate, & siccitate, neque enim generatur mixtum ex quocumque qualitatū cōcursu, sed ex tali temperatura, quæ habeat modum permanentis, non mere transeuntis ad aliud elementum. Et sic elemento non conueniunt quatuor qualitates in suo naturali statu, & ex propria natura, via autem corruptionis non repugnat.

Ad secundum Respond. similiter, quod elementa densiora, cum rarefiant, possunt prius peruenire ad raritatem elementi medijs, quam extremi, non tamen necesse est, quod amittant formam propriam, & transeant in elementum medium, sed sub illa raritate possunt adhuc retinere formam suā, in statu tamen non naturali, sed via corruptionis, illam enim raritatem habent per modum transeuntis. Et sic argumentum non probat prius debere generari elementum medium,

v.g. ex

v. g. ex terra aerem, quam ignem, sed prius debere accipere statum medium, sub forma tamen terræ attenuatæ per modum exhalationis, aut quid simile, & via corruptionis tendentis; & similiter aqua attenuatur in vapores, qui tamen substantialiter sunt aqua, siquidem concrefcente frigore aqua fiunt, & ita illa attenuatio nondum constituebat aerem, sed via corruptionis conuertebat aquam.

Ad argumenta secunda difficultatis respondetur ad primam; quod transmutatio fundatur in contrarietate requisita inter terminos in principio transmutationis, quatenus requiritur recessus à termino à quo, & accessus ad terminum ad quem, sed tamen facilitatio transmutationis fundatur in maiori conuenientia, quatenus ponit minorem repugnantiam ex parte impedimentorum, quibus retardatur accessus ad terminum ad quem. *Ad secundum dicitur,* quod licet sint in elementis dissymbolis duæ qualitates contrariæ contra alias duas, non tamen æquali actiuitate, & modo, tum ex parte raritatis, vel densitatis, tum ex eo, quod altera est minus actiua, tum quia non se adiuuant mutuo, sicut quando vna sola qualitas est vin-

cenda. Quod verò etiam in elementis symbolis non solum duæ, sed etiam omnes qualitates sunt corrumpendæ, id est, per accidens propter defitionem subiecti, non propter contrarietatem qualitatum, quæ per se conducunt ad faciliorem, vel difficiliorem transmutationem. *Ad vltimum dicitur,* non fieri æqualem comparisonem inter particulam terræ, & aquæ iniectam igni, quia ista densior est, quàm illa, sed si attenuetur particula terræ per exhalationem tanta tenuitate sicut aqua, facilius conuertetur ab igne.

Quomodo verò ex duobus elementis possit vel non possit generari aliud tertium, nō est difficultas tanti momenti, nam per se, & in quarto modo semper vnum elementum generat sibi simile. Per accidens autem potest aliquando ex contrarijs elementis vnum tertium generari propter aliquod impedimentum generandi proprium, licet in elementis symbolis id, aut vix, aut nunquā contingat, eò quod qualitas symbola vnius intenditur ab alia symbola, non expellitur. Videatur Aristot. *hic text.* 19. & D. Thom. *lect.* 4. M. Bañez *quæst.* 3. & alij Interpretes.

Q V Æ S T I O XI.

De Mixtis, & temperamento eorum.

ARTICVLVS I.

Qua sint mixta perfecta, quæ imperfecta, & quod temperamentum eorum?



MIXTA generaliter loquendo sunt ea corpora quæ ex elementis fiunt tanquam ex simplicibus corporibus: atque ita omne corpus quod non est elementum, sed ex elementis dicitur mixtū quasi ex illis compositum, & aliud dicitur perfectum, aliud imperfectum. Quod mul-

tipliciter intelligi potest. *Primò,* ratione diuersorum graduum, sicut perfectiora sunt viuentia non viuentibus; & inter viuentia, sensitiua sunt perfectiora, & inter sensitiua datur etiam magna latitudo secundum quod magis vel minus participant de sensibus. Vel *secundò* diuidi potest perfectio, & imperfectio mixtorum, secundum quod magis, vel minus elegantur à corpore simplici, seu elementalī, & sic ea quæ pluribus corruptionibus indigent vt resoluantur in elementa, perfectiora sunt, quia plus distant

à potentialitate & imperfectione elementorum. Quæ verò immediatè sunt resolvable in ipsa elementa imperfectiora mixta sunt, quia minus distant à simplicitate, & potentialitate elementi, & hac ratione mineralia, & quædam aliæ impressiones meteorologica dicuntur mixtæ imperfecta, quia immediatè, vel quasi immediatè sunt resolvable in ipsa elementa; licet reuera aliqua ex his meteoris substantialiter sint elementa, quia eorum substantia est vapor, vel exhalatio, quæ substantialiter sunt terra, & aqua attenuatæ, aliquando verò sunt composita ex duobus solum elementis, vel tribus, ideoq; hæc propriè dicuntur mixta imperfecta, de quo M. Bañez *in hoc libro secundo cap. 3. quest. 1.* Denique dicuntur mixta perfecta vel imperfecta, ratione status, scilicet quod est in fieri, & tendentia ad perfecti mixti generationem, dicitur esse imperfectum ratione status, ut v. g. quando animalia generantur, & prius transeunt per formas imperfectas, verbi gratia, per formam embrionis ad formam equi, tunc enim dicitur animal esse in statu imperfecto, & in via, & tendentia, & similiter cum ex elementis fit transitus in mixtum, dicitur esse imperfectè mixtum, quia est in fieri, & tendentia.

Est autem commune mixtis præsertim si perfecta sint, quod consistant ex quatuor elementis, ut probat Aristot. *in hoc lib. tex. 49. lect. 8. apud D. Thom.* & nos iam supra probauimus *quest. 5. de mixtione.* Elementa autem non concurrunt ad mixtum, nisi ut temperata & modificata, & consequenter ut corrupta, utpotè non habentia illam intensiorem qualitatem quæ inuenitur in ipsis mixtis secundum se; quando autem non solum intensio illa qualitatis actu deest, sed nec radicaliter competit, quia non manet radix quæ tam intensam qualitatem petat, tunc fit mixtum, quia fit alia substantia ab elementali, ex elementis tamen consurgens. Quod enim aliquando actu desit illa intensio, non constituit mixtum in actu, ut patet cum

aqua vehementer calefit, & tamen nondum amittit formam aquæ, neque est mixtum in fieri, quia ex tali calefactione & remissione frigoris, potest fieri transitus ad ignem.

Ex his nascitur difficultas apud quosdam, quidnam sit illud temperamentum, quod ad mixtorum constitutionem requiritur. Non quidem temperamentum substantiale, nam hoc non est aliud, quàm ipsa forma substantialis mixti, quæ dici potest temperamentum ipsum, vel quia ex temperatis & modificatis elementis resultat, vel quia est radix & principium qualitatum temperatarum, & quæ sunt propriæ mixtorum. Quòd vero ipsæ formæ substantiales mixtorum sint formaliter compositæ ex formis elementaribus, sicut aliqui dixerunt apud D. Thom. *opuscul. de mixt. element. & in hoc 2. lib. lect. 1.* iam supra reiecimus *quest. 5.* Difficultas ergo solum esse potest de temperamento accidentali, an videlicet illa temperatio primarum qualitatum, qua mixtum ipsum componitur ex qualitatibus miscibilium, sit qualitas aliqua tertia distincta ab illis, vel solum ipsæ qualitates elementales ad mediocritatem redactæ. *Nam quidam voluerunt,* formaliter in mixtis non interuenire quatuor primas qualitates, sed ex illis corruptis vnā quasi simplicem ab illis distinctam resultare, quibus fauere videtur D. Thom. *in hoc 1. lib. lect. 24. & opuscul. de mixt. elementorum,* ubi ponit, quòd remissis qualitatibus elementalibus constituitur quædam qualitas media, quæ est propria mixti. *Alij censent,* manere quidem quatuor illas qualitates formaliter in mixto, sicut dari experimur calorem & frigus in mixtis, v. g. in animalibus, & siccitatem & humiditatem (quod etiam fatetur D. Th. *1. part. quest. 76. art. 4. ad 4.*) præter illas tamen inueniri aliam quintam qualitatem simplicem, quæ omnes illas attemperet & in proportionem reducat. Et certè aliquas qualitates mixtorum proprias inueniri præter qualitates primas ad medium redactas, negari non potest, ut sunt quædam occultæ virtu-

virtutes herbarum aut lapidum, vis attractiua magnetis, potentia vitalis, in viuentibus, & alia similia. Sed tamē ista sententia, pro officio proportionandi qualitates primas ponit illam quintam qualitatem. Alij alias quasdam medias qualitates inueniunt inter calorem & frigus, inter siccitatem & humiditatem, quod ferē non recedit à prima sententia. Alij denique sentiunt proportionem primarum qualitatum non esse aliud, quā ipsas primas qualitates ad mediocritatem redactas & coniunctas sine alia noua qualitate superaddita vel proportionante istas, vel virtualiter continente.

De his opinionibus iam supra diximus *question. 5.* Certē manere primas qualitates formaliter in mixtis nullatenus negari potest, cum illarum effectus manifestē videamus, verbi gratia, calefacere & frigefacere, & insuper habere inter se istas qualitates mutuam actionem & passionem, siquidem mixta habent intra se principium corruptionis, quod non esset, si intra se non haberent qualitates contrarias formaliter, eō quod vna sola qualitas simplex non potest exercere contrarietatem, & consequenter corruptionem, quæ sine contrarietate non fit. Requiritur ergo pluralitas qualitatum contrariarum etiam in mixtis & viuentibus ut intra se habeant causam corruptionis. Similiter non exigitur qualitas illa quinta vel media, aut superaddita ad hoc præcisē, ut illæ qualitates proportionentur, & ad moderationem reducantur, hoc enim superflue fieret per qualitatem superadditam, cum ipsæ primæ qualitates si remittantur, hoc ipso moderatæ & temperatæ maneat, & mutuo se compatiantur in subiecto, ergo illa qualitas superaddita, neque est necessaria, ut illæ primæ qualitates redantur moderatæ, nec ut compatiantur simul in subiecto, nam hoc ipso, quod sunt in gradibus remissis vtrumque habent, & reddunt subiectum in quo inhaerent temperatē dispositum. Nec potest asserri instantia

de conceptu secundæ operationis intellectus, qui est distinctus à conceptibus primæ operationis, & probabile est, quod est quidam simplex conceptus formatus ex primis conceptibus apprehensiuus. *Sed hoc non obstat*, quia in mixtis illa qualitas simplex non habet aliud officium speciale præter illam proportionem, & moderationem primarum qualitatum, quas constat temperari, hoc ipso, quod remittitur, & diminuitur earum intensio, ad istam autem remissionem non opus est qualitate superaddita, sed absentia gradus intensioris. At verò in intellectu secundum diuersam combinationem conceptuum, fit diuersa repræsentatio, quæ vtique diuersam qualitatem requirit, & non solam diminutionem intensiois, & graduum in conceptibus, & si illa repræsentatio reducitur ad vnitatem ex ipso modo repræsentandi, etiam vnicum exigit conceptum & qualitatem, ideoque in secunda operatione intellectus, seu in propositione mentali probabiliter ponitur nouus quidam conceptus ad vnitatem repræsentabilem reducens, & distincto modo repræsentans, quā simplices primæ operationis conceptus.

Denique, quod præter qualitatis primas ad mediocritatem temperatas, dentur aliæ qualitates, quæ sunt propriæ mixtorum, non quidem tollentes primas, sed supponentes, & eis ut instrumentis vtentes, manifestum est in exemplis adductis de virtutibus occultis & potentijs vitalibus, quæ licet ad constitutionem organi, & exercitium suum exigant calorem, aliasque qualitates, tamen illæ potentiæ sunt distinctæ à calore & frigore, & similibus, utpotē cum sint vitales potentiæ, & actiones habeant vitales à calore, & alijs qualitibus distinctas, licet per illas tanquam per instrumenta ministratas, ut latius probabitur in lib. de anima, q. 2. & 3.

Quod si dicas, nam sanitas & morbi, aliaque similia quæ resultant ex conuenienti dispositione

Animal, cap. 16. & D. Thom. 1. part. quaest. 91. artic. 3. ad 1. sed tactus solum sentit excellentiam tangibilium, ut dicit Aristot. 2. de anima text. 118. id enim sentit, in quo vincitur eius proportio, & temperatura, ergo oportet, quod tale sensorium habeat æqualitatem illarum qualitatium ad pondus nam si aliqua qualitas excederet in ea, non sentiretur excellentia talis qualitatis. Similiter temperamentum ad pondus est omnium perfectissimum, quia perfectissimè distat ab extremis scilicet à qualitatibus summe intensis: ergo debetur alicui perfectissimo mixto, quale est homo, præsertim in suo perfectissimo statu, sicut fuit in statu innocentie, vel erit in statu gloriæ, vel fuit in Christo Domino, licet in rei veritate non secundum omnes partes conveniat animali seu viventi, quia partes aliæ sunt etherogenæ, & diversam temperiem, atque mixturam postulantes. Confirmat. authoritati D. Tho. qui 1. part. quaest. 91. artic. 1. in corp. & ad 3. docet, quod in homine est maxima æqualitas complexionis, & elongatio à contrariis: ergo est temperamentum æqualitatis ad pondus, quia hoc est maximæ æqualitatis.

Nihilominus dicendum est; quod licet ex parte ipsius mixti non repugnet habere aliquod temperamentum ad pondus, repugnat tamen ex parte agentium naturalium & ex parte modi agendi, quia semper agunt secundum aliquam qualitatem predominantem, & multo magis id repugnat in viventibus præsertim secundum omnes partes quæ postulant diversa temperamenta. Plures sequuntur, hanc sententiam qui videri possunt in Cursu Carmelitano, disputation. 12. quaest. 1. & Bannez, libr. 2. capit. 7. quaest. 1. Et videtur esse manifeste D. Thom. in 3. distinct. 16. quaest. 1. ad 4. ubi inquit: Quod impossibile est quod complexio perveniat ad tantam æqualitatem, quin alterum contrariorum predominetur, quia alias non fieret mixtio nisi vnum ageret in alterum dominans ad medium reducendo, altero resistente, & præcipuè hoc oportet

in corpore humano, quod calor operetur propter operationes animæ quæ indigent calore, ut instrumento, ut dicitur in 2. de anima Ratio autem est, quia licet elementa concurrant ad mixtum præbendo illi materiam unde fiat, tamen etiam aliquod illorum debet esse actius, & prædominari efficienter in alterum, semper enim actio est à proportionem maioris inæqualitatis, ergo oportet quod illud quod est fortius, etiam vehementius imprimat suas qualitates, quia ex fortiori causa sequitur fortior & maior effectus, & sic non erunt omnes qualitates æquales ad pondus hoc ipso, quoad ad agendum requiritur excessus agentis super alia. Nec potest hoc temperari dicendo, quod elementa magis activa possunt esse minoris quantitatis, & densitatis, ea vero quæ minus activa sunt esse magis densa, & ita quod vni deest de intensione & activitate, recompensatur in alio per densitatem, sicque ad æqualitatem ponderis concurrunt. Sed contra hoc est, quia hoc toto posito adhuc impediatur actio, quæ semper est à proportionem maioris inæqualitatis: ergo si ad hoc, quod resultet æqualitas temperamenti ad pondus, supponitur æqualitas agendi in concurrentibus, & agentibus, siue hoc fiat per illam recompensationem siue non, tollitur actio, nec enim intelligendum est, quod vnum ex miscibilibus se habeat pure passive, & aliud active, sed utrumque active, & contrarie concurrat, & destruendo alterum, ergo si supponuntur qualitates ad pondus libratæ in effectibus, & in agentibus, quocumque modo id fuerit, impediunt se in agendo, siue propter æqualitatem intrinsecam, siue recompensatam in ipsis qualitatibus extrinsece.

Difficilius est, si dicatur posse fieri mixtum non per actionem ipsorum miscibilium inter se, sicut quando est vera mixtio, sed ab aliquo tertio, verbi gratia, à coelo vel alia causa universionali quæ efficaciam habeat temperandi ad pondus omnes qualitates ab elementorum ad mixtionem concurrentium.

Hh

Nihil

Pars II. Physic.

Nihilominus etiam in hoc currit ratio facta: quia cœlum non efficit mixtum, nisi ipsa elementa adiuuando, & mediantibus qualitatibus talium elementorum, quæ in mixtis relucet, ergo oportet, quod aliqua qualitas elementi sit vincens, & prædominans, alias non resultaret actio. *Et ratio huius est*, quia cœlum non producit mixtum, nisi interueniente motu & alteratione, quia est primum alterans, & consequenter, ita imprimit in elementa, quod mouet eorum qualitates, vt alterentur & alterent, faciantque veram mixtionem, ergo eodem modo requiritur, quod vna qualitas superet, & dominetur alijs, vt possit agere in illas etiam præsupposito motu cœli eas alterante, ergo non possunt, ita æqualiter temperari ad pondus, quod vna qualitas maneat omnino æqualis alteri. Solum ergo poterit à Deo produci ista æqualitas ad pondus, faciendo vnum mixtum sine aliqua alteratione præcedente, & mutua reactione miscibilium.

Secunda vero pars de viuentibus manifestata est, quia partes etherogenæ diuersum exigant temperamentum sicut diuersus gradus caloris debet esse in corde ad generandos spiritus, quam in manu vel pede ad mouendum: & ossa sunt sicciora, & duriora, quam aliæ partes, ergo non possunt esse æqualiter temperata ad pondus, essent enim homogenæ. *Neque dici potest*, quod si vna pars excedit in calore, alia excedit in frigore, & sic recompensando vnam cum alia, totum viuens redditur æqualis temperamenti. *Nam contra est*, quia hoc non est ponere temperamentum ad æqualitatem in quolibet membro, sed quolibet esse inæquale alteri, reddi autem ipsum totum æquale secundum proportionem; præterquam quod calor semper debet vincere in animali; quia est principale instrumentum vitalium actionum. *Si vero dicatur*, quod licet diuersæ partes animalium diuersum habeant temperamentum, tamen sensus tactus, qui per totum

corpus est dispersus, habet temperamentum ad pondus *Contra est*, quia tactus non consistit in indiuisibili temperamento, cum in quibusdam partibus efficacior sit, & viuidior, quam in alijs, vt in extremitatibus digitorum, & consequenter in aliquibus habeat aliquam qualitatem magis prædominantem, & minus ad æqualitatem reductam, quam in alijs. Præterquam quod sensus tactus non reddit totum animal temperatum ad pondus, cum multæ aliæ qualitates restent dissimilares temperamenti & diuersarum qualitatum, in quibus habet aliquem excessum, sicut in corde debet esse maior calor, quam in alijs partibus; vnde quod in sensu actus temperentur ad æqualitatem, non facit quod absolute illæ partes sint redactæ ad pondus, sed secundum quid, id est, vt exigitur ad sensum tactus.

Quod vero addimus, non dari etiam qualitatem ad pondus in virtutibus motiuis, eodem ferè nititur fundamento, quia si daretur æqualitas ad pondus in virtutibus localiter motiuis, istud corpus non posset moueri ad aliquem locum naturalem ex proprijs principijs, & sic non esset corpus naturale, imo non haberet determinatum locum in vniuerso, quia sit esset in aliquo corpore æqualis leuitas & grauitas ad pondus, tantum ageret vna quantum alia, & sic si grauitas traheret deorsum, impediretur à leuitate mouente sursum. Vnde nulla ageret, quia à proportionem omnimodæ æqualitatis non datur actio, & ita non haberet locum determinatum, omnia enim loca grauium & leuium sunt sursum vel deorsum, neutrum autem tali corpori competere, impediens se grauitate & leuitate. Nec potest dari locus medius inter aerem & aquam, verbi gratia, quia cum inter ista duo non mediet aliquis locus in vniuerso, sed sint sibi immediata, manifestum est quod in vniuerso non datur naturaliter locus pro aliquo corpore, quod in æquilibrio esset graue & leue. Quod si a Deo fieret,

fieret, vel non deberetur sibi locus naturalis in vniuerso, sed æque bene esset vbi-
cumque poneretur, sicut si al qua pars cœ-
li poneretur in hoc mundo inferiori, vel
pertineret reductiue ad duplex elemen-
tum, scilicet, aquæ & aeris, & in quolibet
inueniri posset, sicut animalia quæ viuunt
in terra, & in mari. Si autem dicatur, quod
posset præponderare in illo corpore gra-
uitas habendo maiorem densitatem, vel le-
uitas habendo plus caloris, qui actiuior est,
licet in intensiōe essent pares. *Contra est*,
quia leuitas petit raritatem, si oritur à
calore partes ipsas resoluit. Vnde corpo-
ra magis spissa leuia non sunt, & aer inspif-
satus minus leuis redditur, ergo illa rari-
tas impediret illam densitatem stante æ-
qualitate leuitatis, & grauitatis & si-
militer calor, qui est causa leuitatis miti-
garet frigus, qui est causa grauitatis. Et li-
cet calor sit actiuior frigore, id erit in ge-
nere alterandi, non in genere localiter
mouendi, ergo ipsa æqualitas grauitatis &
leuitatis, si est ad pondus, etiam concomi-
tanter habet æqualitatem in alijs ad eas
concurrentibus.

Ad primum à principio respondetur, repu-
gnare, quod qualitates illæ, ita refrangan-
tur ad æqualitatem, propter modum na-
turalem agendi vnius in alteram per mu-
tuam actionem, & reactionem quæ neces-
sario supponit aliquam ex illis qualitati-
bus prædominari. Et sic non repugnat ex
parte subiecti recipere illas qualitates in
æquilibrio si dentur, sed ex parte modi a-
gend. naturalium agentium. *Ad instantiam*
positam de repugnantia. Resp. quod in illo
casu si peruenitur ad æqualitatem qualita-
tum per modum transeuntis, in illo puncto
cessabit actio, sicut in puncto reflexionis
datur quies: sed si immediate post detur
actio & motus, necessaria aliqua qualitas
prædominabitur, & non erunt ad pondus.
Quod si instetur, quod potest esse quod qua-
litates illæ sint æquales in intensiōe, & gra-
dibus, licet dissimiles in actiuitate, plus

enim agent quatuor gradus caloris,
quam quatuor humiditatis. *Respondetur*,
quod hoc ipso, quod excedit vna aliam in
actiuitate, agit in illam, & resoluet, sic-
que reducet ad minorationem, & sic nun-
quam manebit temperamentum in illa æ-
qualitate graduum, nisi totaliter cesset ac-
tio, quod quidem pro aliquo puncto, &
quasi per modum transeuntis intelligi po-
test, sed permanenter per modum tempe-
ramenti dari non potest, cum actio altera-
tiua id non permittat.

Ad confirmationem respondetur, sensum
tactus requirere proportionem non qui-
dem æqualem ad pondus & quasi mathe-
maticam, sed physicam, & secundum ali-
quam latitudinem, cum videamus in qui-
busdam partibus esse tactum viuaciorem,
quam in alijs, & in quibusdam animalibus
plus, in alijs minus, quod non esset si ad
sensum tactus exigeretur mathematica, &
indiuisibilis qualitatū proportio. Quod
vero non sentiatur, nisi excellentia tangibi-
liū, verum est, sed ad hoc sufficit quod ex-
cedat illam proportionem, quam habemus
in tactu, & sic argumentum conuincit non
omnes qualitates sentiri per tactum, sed
tantum quæ excedunt illam proportionem
tactus, quæ non est æqualitas ad pondus,
sed secundum proportionem & excessus
proportionis illius est qui sentitur. Nec
Philos. in illo loco de anima dixit requiri
omnimodam medietatem; & æqualitatem
ad tactum, sed sufficit proportionalis, &
sic dixit, *veluti medietate quadam existente*,
vbi particula *veluti* diminutiua est, & à
mathematico rigore temperans. *Ad id ve-
ro* quod additur, quod æqualitas ad pon-
dus est perfectissima. *Respondet* quod est
perfectissima quasi mathematice, & quan-
tatiue considerata, sed non physice, & in
ordine ad finem alterationis, & motus,
quia semper requirit qualitatem actiuam
prædominantem, & sic perfectissimum
temperamentum iudicandum est, non ex
perfectissima æqualitate, sed ex perfectis-
sima

tex. 37. inquit: *Non posse redire eandem numero / auitatem.* Sequuntur communiter auctores qui videri possunt in cursu Carmelit. *hic disp.* 13. *quest.* 1. & apud Conimb. *quest.* 1. *art.* 3. Aliqui existimant hoc fieri non posse, quia determinatio causæ ad hunc singularem effectum potius, quam ad alium pertinet ad causam primam, quæ indifferentiam causæ secundæ erga singulares actiones, & effectus tollit, ac determinat. Et quia postquam Deus determinauit ad hanc actionem numero, non amplius ad eam determinat, ideo non amplius redit ista actio numero, & consequenter, neque iste effectus numero, quia dependet à tali numero actione. Sed restat istis auctoribus ostendere, an illa denegatio determinationis diuinæ sit indebita causis secundis ex principijs naturæ earum, vel ex sola Dei voluntate. Si hoc secundum, ergo ex sola natura rei non repugnat idem numero redire, quod est incidere in opinionem Scoti, siquidem ad solam Dei voluntatem reducitur, quod denegetur talis concursus. Si primum, restat ostendere ex quonā principio naturæ sit indebita talis determinatio semel data.

Quapropter conuenimus cum hac sententia (in hoc enim est sententia communis) quod vt aliquid semel corruptum redeat idem numero, requiritur quod redeat etiam eadem numero actio, quæ illam produxit. siquidem singularitas & vnitas rei in facto esse, quando fit in rerum natura, dependet à singularitate, & vnitatem actionis, actio enim importat rem ipsam in fieri, & tendentia ad esse, vnde si fieri est diuersum, non potest factum esse, & terminus esse idem, nisi actio diuersa talis eminentiæ sit, quod ex omni parte contineat totum quod est in altera actione etiam indiuidualiter, quod solum inuenitur in actione diuina respectu creaturæ. Et hac ratione probauimus in *questione* 12. *Physicor.* non posse eundem effectum procedere à duplici causa totali

creata, quia nec potest eadem actio emanare à duplici causa creata, nec actio vnus totaliter, & omni modo continere actionem alterius, etiam quoad indiuiduationem, propter limitationem actionis singularis creatæ. Atque ita quod redeat eadem actio numero, à qua dependet vnitas singularis istius effectus in suo fieri, seu quotiescumque fit vel est, quia redit eadem actio formalis creata, per quam primo effecta est, vel quia redit eadem actio eminentialiter, id est illa actio quæ eminenter continet totam actionem quæ res illa facta est, etiam in quantum singularis est. Et hoc dicimus non posse inueniri in aliqua actione creata, sed solum in diuina, quia non potest aliqua actio creata cuius limitata sit continere omnia principia indiuiduantia alterius actionis, scilicet eandem materiam sub eadem signatione, accidentibus, ac tempore, à quibus omnibus dependet indiuiduatio actionis, & consequenter effectus eius vt producti, quæ tamen omnia subsunt actioni diuinæ, quia vnica actione tendit in omnes effectus, non vero pro quolibet effectum habet suam distinctam actionem; & ita quia etiam cessante effectum non cessat actio Dei, eo quod etiam antequam effectus producantur in tempore, erat actio Dei æterna, quia non distinguitur ab eius substantia, ideo potest Deus id quod desijt reproducere, quia semper manet eadem actio Dei, qua produxit. *Et hæc est ratio S. Thom. in 2. distin. 1. questione 1. art. 4. ad 3. vbi inquit: Quod Deus non habet operationem determinatam ad aliquem effectum, in d. vna sola operatione potest omnes effectus quos vult producere, vnde eundem effectum specie quem natura producit, potest Deus sine natura operante facere.* At verò quod actio creata formalis, quæ præterijt redeat eadem numero, fieri non potest, non solum quia Deus non vult præbere eundem numero concursum, quem antea præbuit, sed quia illa actio, quæ præterijt, non potest eadem numero redire

nisi redeat idem numero tempus, seu motus à cuius continuitate, & vnitate dependet vnitatis illius actionis quæ desijt esse & ipsa definitione discontinuata est. Non potest autem idem motus, & idem tempus numero postquam præterijt redire, siue sit tempus continuum, siue discretum, aut spirituale, vt, *sequenti conclusionem* dicemus, à qua dependet veritas istius.

Dico secundò. Neque per potentiam absolutam potest res successiua semel transacta iterum reproduci, & idem est de quibuscunque actionibus quæ fiunt, aut dependent ab aliquo motu. Hæc sententia est expressa D. Tho. quodlib. 4. art. 5. & communiter sequuntur Autores supra relati Et *præcipuum fundamentum* sumitur ex doctrina D. Tho. citato loco, quia si res successiua semel transacta reproducetur, erit & non erit idem numero, & corresponderet eidem tempore imaginario, & non corresponderet, habebit prius, & posterius respectu eiusdem, & denique erit successiuum fluens, & non fluens, sed permanens. Quæ omnia manifeste implicant. Quòd autem sequantur *probat*ur, quia si motus hesternus, hodie reproducitur, ergo est idem numero qui fuit heri, & qui fuit hodie, vel ergo est vnum per continuitatem, vel per identitatem. Non per continuitatem, quia motus hesternus, & hodiernus interrupti sunt per cessionem talis motus vt supponitur, siquidem iam ille motus transiit, & cessauit. Non per identitatem, quia identitas magis exigit vnitatem, & magis opponitur interruptioni, quam continuitas, ergo si interruptitur, & diuiditur motus non poterit esse idem numero, sed interruptitur per intermediam quietem, vel cessionem, ergo implicat, quod sit vnus per identitatem, qui transiit heri, & qui hodie reproducitur, vnum enim, & diuisum, seu interruptum contradictorie opponuntur, motus autem, & tempus cessionem interruptuntur, & diuiduntur sicut superficies quantitatis interposito aliquo corpore

medio diuiditur, & non remanet vna seu indiuisa.

Nec obstat dicere; quod habeat easdem partes motus hodie, & heri. Nam *contra est* quia habendo easdem partes, simul habet diuisionem, & interruptionem in illis, quia illæ partes transierunt, & interruptiones sunt cessionem intermedia, & tamen per reproductionem fit vnum & idem, quod est non esse interruptum, sed indiuisum, ipsa enim interruptio facit diuisionem, seu potius est diuisio in successione.

Secunda & tertia implicatio prob. quia si tempus præteritum, v. g. hora immediate præterita immediate postquam est præterita, reproducetur, vel sic reproducta faceret maius tempus, vel omnino idem. Si omnino idem, ergo esset permanens, & non fluens, & sic non corresponderet diuerso tempori imaginario, quod repugnat, & est contra ipsam rationem temporis, cuius essentia consistit in hoc, quod positue faciat id quod tempus imaginarium negatiue, si autem tempore imaginario transeunte, tempus posituum non transit, sed est idem numero hora præterita, & quæ modo est, ergo manet res permanens, & non successiua, quod est contra essentiam temporis. Et hoc patet quia tempus non fluit, nisi desinente vna parte & incipiente alia, componitur enim ex futuro præterito, & præsentis. si autem reproducetur idem tempus præteritum, non constaret ex præterito, & præsentis, sed solum ex præsentis, præteritum enim fit præsens, & sic non fluere per definitionem vnius partis, & accessionem alterius, sed staret in eodem. Quare identitas temporis reproducta contradicit successioni, & fluxui temporis, atque adeo eius essentia, & quidditati. Si autem tempus hesternum, seu hora immediate præterita reproducta faceret maius, & superadderetur ad præteritam, ergo iam non idem tempus, quia idem respectu eiusdem, non facit maius, & sic erit idem tempus & non idem. Et

præ-

præsertim, quia idem tempus positium non potest correspondere durationi imaginariæ hesternæ, & hodiernæ, quia si corresponderet vtrique, faceret additionem, quia aliquid maius posset mensurari per illud tempus sic correspondens vtrique, quam si vni tantum durationi corresponderet. Si autem vtrique non correspondet, non erit idem tempus heri præteritum, & hodie reproductum. *Nec valet dicere*, quod tempus verum, & positium potest coexistere diuersis partibus temporis imaginarij, eo quod hæc coexistentia non est per aliquem realem modum, sed per cōparationem intellectus: quod non currit in corpore posito in duplici loco adæquato, quia debet existere per diuersa vbi, & per diuersas præsentias, quibus in spatio ponitur. *Contra eni m est*, quia siue ista coexistentia temporis fiat per modum superadditum siue non, tamen constat quod duratio positiua, quæ correspondet tanto tempori imaginario, non potest fundare correspondentiam alteri tempori imaginario, quia idem non potest esse distans a se, & additum sibi, tempus autem imaginarium hodie & heri est distans negatiue, ergo non potest sine distantia positiua repleri, sicut nec distantia localis sine nouo corpore, ergo tempus positium quod repleuit tempus imaginarium hesternum, non potest replere hodiernum, sine distantia positiua sui, sicut tempus imaginarium distans est; distantia autem positiua cum identitate omnimoda implicat. *Si inquis* de tempore Angelico an possit à Deo reproduci cum à motu non dependeat? *Resp.* quod licet non dependeat à motu corporeo, includit tamen prius & posterius in actibus, licet quilibet actus in se sit indiuisibilis, ideoque necessario exigit componi ex trāsitu vnius, & aduentu alterius; hoc autem destruitur, idem reproductur; sicque eadem ratio currit, ac de tempore successiuo non discreto.

SOLVUNTUR ARGV-
MENTA

Contra primam conclusionem argu. quia tota ratio propter quam diximus non posse idem numero reparari per naturam, est quia non potest eadem numero actio redire semel extincta. *Contra quod sit instantia* 1. Quia non repugnat per diuersam actionem conseruari idem numero effectus, qui per aliam factus est, sicut calor factus per hunc ignem, potest conseruari per alium, & per eundem motum cœli continuum cōseruatur hodie idem homo, vel lapis qui heri conseruabatur, & tamen pars motus cœli quæ est hodie, non fuit heri, ergo non repugnat per diuersas actiones vel diuersas partes actionis eundem effectum numero attingi, & consequenter reproduci, si destruat. 2. Quia si ista ratio aliquid probat, etiam probaret Deum non posse idem numero reparare, eo quod actio Dei, vt passiuæ immutans, etiam transit, v. g. actio qua factus est Adam, vel actio qua infusa est gratia iam perditā, & quicumque concursus Dei semel datus, statim transit, ergo æque probat illa ratio de causis naturalibus quod non possint idem numero reproducere, atque de Deo *Conf.* quia stante eodem efficiente, & eadem numero materia, & quantitate alijsque accidentibus, manent eadem principia indiuiduantia, ergo poterit idem indiuiduum reproduci, nam quod sit diuersum tempus nō refert quia tempus non est principium indiuiduans intrinsecū, sed extrinsecum. Nec desunt aliqua exempla id suadentia, vt cum ex vna aqua plures fiunt, & iterum congregantur idem, totum sit quod antea erat, & cum auricula, vel natus præcisus vnitur iterum animali, manet eadem pars viuā quæ ante, ergo idem numero reparari potest.

Resp. ad 1. instan. quod idem effectus numero potest à diuersis numero actionibus conseruari conseruatione extrinseca non intrinseca. Vocamus conseruationem extrinse-

trinfecam, quæ fit per remotionem contrariorum, & applicationem conuenientium extrinsecorum: intrinfecam, verò, quæ fit per effluxum ab aliqua causa, sicut lux cōseruatur à luminoso, calor verò cōseruatur fouendo illum & applicando materiam conuenientem & remouendo contraria. Id ergo quod cōseruatur per effluxum ab aliqua causa, si mutetur actio influens, non manebit idem numero effectus, quia est eadem ratio de ista actione sic continuante, atque de prima producente. Si verò cōseruatio sumatur secundum extrinfeca, potest cōseruari idem numero effectus per diuersam actionem, quia per illam non procedit effectus, neque dimanat à causa. sed solum ea quæ extrinfeca sunt illi applicantur, vel ab ea remouentur, quod non variat entitatem indiuiduam; si autem res semel perit, vt reproducatur non sufficit causa cōseruans per extrinfeca, sed per influxum dans esse de nouo. Quod verò eadem actio continuata cōseruet eandem, rem numero cum tamen actio illa habeat diuersas partes, ideo est quia etiam res cōseruata habet durationem vnā continuatiue & secundum diuersas partes, non indiuisibiliter vnā.

Ad 1. instan. Resp. quod actio Dei passiuæ sumpta, & concursus ad extra quæ obiectatur in creatura; perit pereunte effectū, sed quia restat actio quæ se tenet ex parte Dei, in qua continetur eminenter res illa, quæ perijt & concursus quo facta est, & omnis alia actio causæ creatæ, etiam quoad indiuiduationem, ideo potest eundem effectum numero causæ creatæ se solo producere, & etiam reproducere, quod causa creata non potest.

Ad confir. resp. quod ex eodem agente, & materia sub diuersis circumstantijs præsertim temporis, non potest produci idem effectus numero, licet enim tempus sit extrinfecum ipsi indiuiduo in facto esse, non tamen ipsi indiuiduo in fieri, & actioni quæ fit & producitur, quatenus fit per actio-

nem quæ est mutatio, tempus autem fundatur in motu, seu mutatione, & secundum vnitatem, vel discontinuitatem motus, datur vnitas & discontinuatio temporis. Et ita cum in præsentia agatur de reproductione eiudem indiuidui, quod pertinet ad fieri & ad actionem, optime ex diuersitate temporis colligitur diuersa actio creata, seu mutatio, ex diuersa autem actione, diuersitas effectus producti.

Ad exempla autem quæ afferuntur Resp. quod in illa diuisione aquæ, si redit idem indiuiduum, ideo est quia mansit tota entitas partium eius sub diuersa terminatione, vnde potest iterum coniungi, & fieri indiuiduum entitatiue, sed non terminatiue, sub diuersa enim terminatione; seu modo quantitatis ponitur, & ita terminatio quantitatis penes diuersas partes semel ammissa, non redit, entitas autem modo diuisa, & iterum coniuncta redit, quia simpliciter non perierat manentibus partibus eius diuisis, & solum variatur terminatio, & vnio partium quæ non variat essentialiter indiuiduum. *Sed melius dicitur* diuersum indiuiduum aquæ fieri, quando iterum coniunguntur partes illæ diuersæ, præsertim si in partes notabiles totaliter sit diuisum, ita vt prior indiuiduatio substantialis amissa fuerit, hæc enim reparari non potest, si autem mansit maior pars integra, & solum parua particula diuisa sunt, & iterum unitæ; currit prima solutio. *In secundo autem exemplo* non amittitur indiuiduatio totius, eo quod solum modica quædam pars fuit abscissa, & ideo non mirum quod maneat idem indiuiduum, non tamen manet eadem pars, quæ de nouo vnitur in ratione partis & terminationis, sed est noua auricula vel nasus si omnino præcisus fuerat, quia tunc facta præcisione non mansit illa particula informata anima, nec sub eadem quantitate. Vnde si de nouo informatur naturaliter, noua pars facta est. Secus si supernaturaliter restitueretur, vt cum Dominus restituit auriculam Malcho, tunc

eum id sit per actionem diuinam, quæ continet eundem numero effectum, qui amissus fuerat, quoad omnia, quod non continet agens naturale vt dictum est.

Secundo arguit. contra 2. conclusionem, quia non minus in potentia Dei continetur eadem actio & motus successiuus, quo aliqua res fuit producta, quam res ipsa, quæ fuit producta & iterum corrupta, siquidem vtrumque est effectus Dei, & ab eo participatur, ergo si res semel facta, & corrupta reproduci potest, etiam actio, & motus successiuus qui præterierat. *Confirm.* quia potest Deus actionem instantaneam præteritam reproducere, v. g. illuminationem, quia hæc cum instantanea sit non dependet à successione temporis magis quam res ipsa permanens, ergo similiter non repugnabit actionem successiuam iam præteritam reproducere, nec enim videtur esse dispar ratio. *Confirm. 2.* quia si motus non potest reproduci, maxime propter dependentiam à tempore, hæc autem dependentia, vel est à tempore reali, vel ab imaginario. Si à reali est petere principium, quia hoc tempus essentialiter est ipsemet motus, & sic repugnare reproductionem motus propter tempus, est repugnare reproduci motum propter motum. Si ab imaginario, præterquam quod hoc tempus, est aliquid fictum, à quo non pendet per se ens reale, etiam adhuc instatur, quia sicut albedo quæ intrinsicè indiuiduatur ab hoc subiecto, potest manere separata ab illo retinendo ordinem ad illud, ita non repugnabit manere hoc tempus reale & verum in alio tempore imaginario, cum ordine tamen ad imaginarium præteritum.

Resp. Deum continere illam actionem, & motum in sua omni potentia iuxta modum, & naturam eius, id est vt dependentem intrinsicè in sui vnitatem à continuitate temporis, quam dependentiam non habet vnitatis rei permanentis, & ideo ista reproduci potest eadem numero, non prima. *In-*

Part II. Physicor.

stabile, ergo aliquid est redditum impossibile omnipotentia Dei; & cum omni potentia requirat necessario possibilitatem cuiuscunque creaturæ, reddita vna impossibili, mutaretur tota potentia Dei. *Consequenter,* quia iste motus, & ista actio erat possibilis produci, illa vero transeunte iam non est amplius possibilis, ergo redditur illa creatura impossibilis. *Respondetur* nihil esse immutatum de omnipotentia Dei, nec de possibilitate creaturæ, quia ille motus numero, sic erat possibilis pro illo tempore & impossibilis pro alijs postquàm transiuit, & ita eodem modo se habet nunc, sicut antea, nec nouam impossibilitatem acquirit, sed nunc est possibilis pro illo tempore quo fuit, & impossibilis pro alio, quod etiam habuit ab initio. Quod nõ currit in re permanenti, quæ est terminus illius motus, & à quo sumit speciem, motus enim sumit speciem ab illo, cum quadam dependentia ab vnitatem temporis in suo fieri, quod non habet ipse terminus in facto esse.

Ad 1. confirm. respond. actionem instantaneam dependere ab instanti temporis, sicut actionem successiuam à successione, & ideo reproduci non posse in alio instanti: actiones autem immanentes si qualitates sunt, poterunt sicut alie qualitates reproduci à Deo non vitali modo, sed vt quædam entitates sunt; modo enim vitali dicunt essentialem ordinem ad potentiam creatam vitalem, à causa autem creata nullus effectus potest reproduci. Si vero actiones sunt & non qualitates, eodem modo loquendum est de illis, ac de alijs actionibus instantaneis.

Ad 2. confirm. respond. motum dependere non solum à tempore positiuo, quod in re motus quidam est, sed connotare essentialiter tempus imaginarium, vt correspondens ipsi tempori positiuo, sicut locus positiuus correspondet, & replet locum imaginarium. Et licet tempus imaginarium sit quædam negatio, quæ non se habet vt causa à qua dependeat ens posi-

li

uum,

tiuum, potest tamen se habere ut aliquid essentialiter requisitum, sine quo non inuenitur, sicut sine negatione leonis non inuenitur homo, & sine obscuritate non inuenitur fides, & sic de multis alijs, à quibus tamen negationibus non dependent ut à causis. Et ad ultimam instantiam respon. non posse saluari tempus positium sine correspondentia de facto ad imaginarium, & cum sola aptitudinali, eo quod de essentiali ratione temporis est, quod sit ens actu successuum & fluens, non verò successuum in potentia, & aptitudine; unde actu debet habere partes distantes. & succedentes: ergo & actu correspondentes distantiae durationis imaginariae: seu replentes illam, sicut locus posituus, imaginarium. At vero accidens essentialiter non est inherens actu, sed aptitudine, ideoque saluatur eius indiuiduatio per ordinem ad subiectum, non per actualement correspondentiam, quae fit per coniunctionem ad illud.

ARTICVLVS II.

Utrum omnia corruptibilia habeant determinatam periodum durationis à natura?

LOquimur de termino naturaliter imposito durationi corruptibilium iuxta intrinsecam dispositionem & temperamentum, nam respectu causae violentae, & extrinsecae, à qua aliquid corrumpi potest, non potest certus terminus designari, quia se habet per accidens & fortuito.

Respondeo, ergo omnia corruptibilia habere ab intrinseco determinatum terminum suae durationis eo modo quo corruptibilia sunt, non tamen omnia eundem habent terminum. Ita sumitur ex Aristot. in presenti lib. c. 10. tex. 57. & ibi communiter interpretes, ut Mag. Bañ. Cohimb. & alij. Et videri etiam potest D. Tho. in 2. dist. 19. q. 1. art. 4. Dixi, eo modo quo corruptibilia sunt propter elementa, quae per partes corrumpi possunt,

sed non integrum elementum. Imponitur autem rebus terminus durationis. Primo quidem à diuina voluntate & ordinatione. Unde dicitur Iob. 14. *Constitui illi terminos eius, qui praeferiri non poterunt.* Et omnia tandem finienda esse saltem pro die iudicii constat ex illo 2. Petri 3. *Cum igitur haec omnia dissoluenda sint, & c.* Secundo terminus durationis corruptibilium dependet à causa vniuersali quae est coelum, quia est in perpetuo motu atque adeo causare debet contrarietatem aliquam, & alterationem, quae vnicuique rei finem afferat, & corrumpat, aliamque generet. Tercio oritur iste terminus ex causa intrinseca corruptibilium mixtorum, quia sunt composita ex contrarijs, quae ad inuicem agunt, & patiuntur, & consequenter causant alterationem, quae est via ad corruptionem. Et cum vis actiua, & resistiua sint finitae & limitatae, oportet quod finitum & limitatum terminum habeant agendi, & patiendi, atque adeo tandem desinant.

Secunda veropars conclusionis ipsa experientia manifeste constat, cum quaedam animalia sint longioris vitae, quam alia, ut homines, quam oves, vel equi, & inter res inanimatas, lapides quidam & metalla, quam vinetia. Ad quod multum iuuat complexio, quod fit magis vniiformis, & habeat partes magis homogeneas, haec enim melius conseruantur, ubi autem est multiplex varietas, & diuersa temperies partium, ibi est plus contrarietatis, & consequenter plus corruptionis, quia accidentia sunt magis diuersa & opposita. Facit etiam maior humidi concoctio & tenacior, humida enim minus tenacia & fluida, magis dilabuntur, ut humida aquea, quae permiscuntur frigido, quod est temperamentum minus vitale. Facit etiam durities, membra enim magis compacta & solida diutius durant, ut videmus in ossibus; unde etiam in animali mortuo facilius carnes, & adhuc facilius viscera & interiora organa, quae molliora sunt, corrumpuntur. Denique

que loci temperies multum iuuat, & alia extrinsecus influentia celestes.

Sed obijciens primo, nam elementa non sunt composita ex contrariis, ergo solum ipsa ab intrinseca causa non sunt corruptibilia, neque certam habent durationis periodum. *Secundo* si res inanimata propter compositionem ex contrariis certum terminum habent, ergo in eis vnum contrarium agit in aliud, & sic vna pars rei inanimata agit in aliam, & rursus conuertet aliquid de corpore sibi adiuncto vel intra poros posito: ergo nihil ei deerit vt dicatur nutriri sicut viuientia. *Tertio*, quia mors per peccatum inducta est, non est ergo naturalis homini, quin potius naturale est homini, & cuiusque rei desiderium perpetuandi suum esse, non ergo a natura determinatur certus durationis terminus. *Quarto*, per lignum vite reddebatur homo immortalis, ergo non erat ei naturalis periodus vite, alias non posset illo naturali cibo prolongari. Similiter arte medica per aurum potabile, seu quintam essentiam auri liquati, longissime protrahitur vita, ergo non est naturaliter, & necessario constitutus vite terminus. *Denique* in prima mundi etate homines longissime vivebant, ergo periodus vite, etiam nunc poterit ad illorum terminum naturaliter extendi, ergo non est prefinitus terminus naturaliter saltem ita brevis sicut nunc, poteritque arte aliqua prolongari.

Ad primum responderetur, quod elementa ab intrinseca natura habent esse passiuè corruptibilia, non actiuè agente vna parte in aliam, nec per contrariorum admixtionem intrinsecam, quia compositionem miscibilium non admittunt, nec sunt resolubilia in alia elementa, & sic ab intrinseco non habent quasi actiuam corruptibilitatem ex contrariis, sed passiuam, vnum elementum in aliud. Mixta vero inanimata ab intrinseco habent causam corruptionis, quia sunt ex contrariis & semper aliqua qualitas predominatur, vt docet S. Th.

in 1. diff. 19. q. 1. a. 4. ad 2. sed tamen, quia homogenea sunt, & omnes partes habent eandem dispositionem, vix potest vna agere in aliam, ideoque fere semper indigent adiuuari ab extrinseco corruptente. Cum vero ignis remoto combustibili deficit, non est, quia ab intrinseco vna pars agit in aliam, sed quia propter tenuitatem suam non potest a contrariis defendi, nisi alicui densiori materie innitatur.

Ad 2. resp. inanimata carere determinatis partibus & organis a natura destinatis, vt vna agat in aliam & subministret alij, & ideo per se non habent nutriri per intus summptionem quia nutritio requirit determinata organa & partes destinatas a natura ad reparationem eius, quod deperditur licet propter mixtionem contrariorum vna pars possit agere in aliam quando in aliqua predominatur aliquod contrariorum, tamen hoc de se & que potest conuenire cuilibet parti vbi qualitas predominetur, cum omnes homogenee sint, nec a natura sint destinatae aliquae partes & organa specialia ad talem reactionem & reparationem. Quod vero conuertat in se id quod iuxta ponitur, potius est generare sibi simile, & per accidens aggregare, quam nutrire, vt latius supra diximus q. 8.


Ad 3. respon. quod mors est naturalis, & debita homini considerato secundum sua naturalia vt componitur ex contrariis, est autem poenalis homini considerato secundum statum, quem acceperat a Deo ex originali iustitia, in quo locum non habebat mors, & ideo eo amisso in poenam inducta est, sicut rebellio appetitus sensitiui etiam in pura natura esset, & tamen facta est poenalis supposita amissione status. Videatur S. Tho. 2. 2. q. 16. art. 1. ad 1. & 1. 2. q. 85. art. 5. & 6. Quod vero cuilibet sit naturale desiderium se perpetuandi, dicimus esse hoc desiderium eo modo, quo res possunt, non quidem durandi sine termino in eodem individuo, id enim per naturam impossibile est, sed perpetuitas intenditur absolute in

specie per multiplicationem, in indiuiduo quantum potest secundum leges naturæ.

Ad 4. respond. quod lignum vitæ non reddebat hominem simpliciter immortalem, sed restaurabat puritatem humidi radicalis ab admixtione extranei, & fortificabat virtutem naturalem, idque limitate & ad tempus, quia virtus eius erat finita, & sic debebat iterarieius sumptio, vt longius protraheretur vita, vt docet S. Tho. 1. p. q. 97. ar. 4. Vnde non tollebat periodum determinatum vitæ, sed ampliabat. An verò effectus illos naturaliter faceret? S. Tho. in 2. dist. 19. q. 1. art. 4. ad 5. videtur concedere, quod virtus illa ligni erat naturalis, sed non dabat immortalitatem simpliciter, vt dictum est. At verò in corp. 2. dicit *Quod lignum vitæ subueniebat homini, quia virtute diuinitus concessa alimentum assumptum in perfectam assimilationem assumebatur.* Virtus autem diuinitus concessa non videtur naturalis, & ex principijs naturæ orta. Vnde dubius est Magist. Bann. in hac re 1. p. q. 97. a. 4. dub. unico ad 4. Si tamen dicatur supernaturalis illa virtus, videtur pertinuisse ad vim miraculosam, & solum instrumentaliter fuisse in illo fructu, non radicaliter, sicut si alicui rei concederetur virtus sanandi cæcitatem. *Ad illud vero de quinta essentia anni liquati,*

dicimus esse merum commentum, nulla enim ars potest ita purificare humidum & fortificare virtutem debilitatam, licet reparare & a cōtrarijs aliquialiter defendere possit, & a morbis aliquibus præseruare.

Ad ult. resp. quod in prima mundi ætate etiam dabatur certa vitæ periodus, & terminus, sed longior, quam nunc propter maiorem naturæ virtutem, quam nunc, maiorem alimentorum naturalium efficaciam, præsertim non dum terra per salsedinem aquarum diluuij pœne sterilizata; maiorem aeris salubritatem, & hominum, sobrietatem, & vigorem omnium pene causarum naturalium. Et nihilominus, D. Th. in q. 4. de malo art. 8. ad 11. & in 2. dist. 32. q. 1. ar. 3. ad 4. existimat virtute diuina fuisse tunc concessam diuturnitatem longiorem ad multiplicationem generis humani. *Es hac sufficiant pro expositione librorum de generatione, ad laudem & gloriam Saluatoris nostri Iesu Christi, B. Virginis, & S. Th. Aquinatis.*



SVMMA TEXTVS LIBRORVM.

De Generatione.

SVMMA LIBRI I.

IN TENTVM Arist. in hoc 1. libro est differere de ortu, & interitu rerum in communi, & de his quæ generationem ipsam consequuntur, vel concomitantur: in secundo autem libro agit de generabili, & corruptibili in particulari, scil. de elementis quæ sunt prima corpora generabilia, & de mixtis, quæ ex illis primis constantur. Circa generationum in communi decem capita distribuit hoc ordine. In primis duobus refert antiquorum sententias circa generationem & corruptionem, & distinctionem earum ab alteratione. In duobus sequentibus suam sententiam declarat: à 5. cap. vsque ad 10. agit de his quæ generationem, & concomitantur, vel consequuntur sicut de augmentatione, & nutritione, de actione, & reactione, contactu, & mixtione.

SVMMA CAP. I.

IN hoc cap. intendit Phyls. refutare duas opiniones antiquorum circa differentiam generationis, & alterationis, in seq. vero c. alias duas circa modum quo dicebant aliqui fieri generationem. Opiniones ergo antiquorum, quas refutat in hoc 1. cap. sunt duæ. Prima eorum qui ponebant tantum esse vnum principium rerum naturalium, illudque esse ens actu. Hi enim non poterant distinguere generationem ab alteratione. Secunda opinio fuit eorum qui ponebant plura principia, qui quidem poterant ponere generationem substantialem distinctam ab alteratione, sed de facto non ponebant illam, quia ipsas qualitates dicebant esse formas elementorum, vt calorem, & frigus, negabant autem posse vnum elementum conuerti in aliud, quia non ponebant illa esse composita ex materia & forma, sed esse primas materias non resolubiles in alia principia specialiter, autem arguit Empedoclem quod sibi contradixerit, quia ex vna arte negabat vnum elementum generari ex alio secundum substantiam, ex alia ponebat omnia à principio fuisse vnum per confusionem, & chaos, quasi amicitia ea omnia confundente: quod sine corruptione esse non poterat, aut si non erat corruptio, & generatio, quomodo ex illo vno emergebant plura diuersificata.

SVMMA CAP. II.

DVO facit Aristot. in hoc cap. Primo proponit duas alias opiniones antiquorum circa modum generationis substantialis. Secundo specialiter disputat contra secundam, eiusque rationem soluit. Quoad primum docet Aristot. iam tunc fuisse communem opinionem quod generatio, & alteratio distinguerentur, & quod generatio fiebat per congregationem aliorum,

quorum, sicut corruptio per disgregationem; alteratio verò per aliquarum passionum transmutationem. In assignanda autem congregatione ex qua fiebat generatio, alia erat opinio Platonis, & alia Democriti, & Leucippi. Nam Plato dicebat fieri generationem per congregationem superficialium, seu linearum: Democritus autem per congregationem atomorum, seu corporum indiuisibilium.

Quoad 2. ponit rationem Democriti, & soluit eam. Ratio erat hac; vel corpora naturalia componuntur ex corporibus indiuisibilibus, vel ex diuisibilibus. Si primum habetur intentum. Si 2. ergo illa diuisibilia poterunt iterum diuidi, & sic si fiat totaliter omnis diuisio possibilis, tunc illa facta, vel quod remanet erit corpus diuisibile; & hoc non, quia supponimus factam omnem diuisiōem: vel erit nihil, & sic corpus ex nihilo componeretur, ex nihilo autem nihil fit; vel erunt puncta, & hoc est impossibile, quia alias corpus ex solis punctis componeretur, punctum autem additum puncto, non facit maius, cum careat quantitate; vel tandem resolveretur in qualitates, & hoc non, quia alias corpus ex solis qualitatibus constaret, & qualitates sic resolutæ, essent separate à corpore. Respond. Aristor. corpus esse diuisibile in alia diuisibilia successiue, & sine categorematice, & in potentia, non autem posse omnem diuisiōem actu esse positam, sed ita diuidi in aliquid actu, quod adhuc manet diuisibile, sicut dicimus ex materia aëris posse diuersa generari, sed non simul, semper enim remanet ad aliquid in potentia. Postremo ostendit non fieri generationem naturalem per congregationem diuersarum rerum, quia generatio non fit per positionem, & situationem partium sicut artefacta, vt nauis, aut domus, sed quia hoc totum dissoluitur, & aliud totum generatur.

SUMMA CAPITIS III.

TRia facit Arist. in hoc cap. Primo inquit an detur generatio simpliciter, id est quæ fiat ens simpliciter, & substantialiter. Secundo proponit duo dubia ad resolutionem questionis necessaria. Tertio soluit principalem questionem.

Circa 1. ponit rationem dubitandi, quia si fit ens simpliciter debet fieri ex suo contrario, scil. ex non ente simpliciter, hoc autem est impossibile, quia id ex quo aliquid fit, existit in eo quod fit, & predicatur de eo sicut lignum ex quo fit arca, est in arca, & de ea dicitur, & sic non ens existeret in ente, & predicaretur de eo.

Circa 2. proponit duo dubia, ex quibus pendet resolutio quæst. Primum, quare generatio nunquam cesset ex parte causa materiali, si enim in generatione fit ens simpliciter, in corruptione definit aliquid simpliciter & si per corruptionem consumitur aliqua entitas, cum autem tota entitas vniuersi sit finita, tandem consumetur per corruptiones rerum. Resp. causam huius non esse, quia materia sit infinita, cum nullum infinitum in actu detur, nec quod res quæ generantur modo fiant minores quam ante, & sic deinceps, cum non videamus istam minorationem, sed res æquales suis generantibus fieri, sed causam esse, quia corruptio vnius est generatio alterius eadem materia permanente, & ita finita materia sufficit pro infinitis generationibus. 2. Dubium est, quare si corruptio vnius est generatio alterius, quadam dicuntur generari simpliciter, vt dum homo fit ex embrione, quadam secundum quid, vt dum ex homine generatur cadauer, potius dicitur mori hominem, quam generari aliquid. Resp. hoc indicandum esse ex termino generationis, aliquando enim acquiritur forma completa & vltima, aliquando forma media, & qua paratur via ad aliam. Quando acquiritur forma primo modo, dicitur generari aliquid simpliciter, quia ibi sistit generatio, vt cum fit homo, equus, apis, &c. Tercio autem

autem modo dicitur fieri secundum quid, quia adhuc restat aliquid faciendum, ut cum sit forma embrionis, restat fieri hominem, & cum sit cadaver, restat fieri terram ad quam tenditur per formam cadaveris. Secundo cum generatur accidens sit generatio secundum quid cum substantia, sit ens simpliciter. Tertio cum generatur aliquid, quod non facile sentitur ut aer, dicitur vulgo generari aliquid secundum quid.

Circa 3. respondet dari generationem simpliciter. Ratio est, quia datur progressio ad esse simpliciter ut ad formam ignis, ex non esse talis formae quod est non esse simpliciter in materia, ergo datur generatio simpliciter, sicut & corruptio, cum a contra mutatur illud esse simpliciter in non esse. Quid sit autem illud subiectum commune utrique formae, scil. materia, an sit non ens? Respondet esse ens in potentia, non vero ens actu, solum autem habet esse non ens ratione privationis adiunctae, quia caret forma. Et sic non fit generatio ex non ente omnibus modis, sed ex ente in potentia.

SVMMA CAPITIS III.

Explicata questione an est, circa generationem simpliciter, scil. eam dari, in hoc cap. explicat quid sit. Et facit duo. Primo docet quid sit generatio, & alteratio. 2. Differentias inter eas assignat.

Circa 1. supponit differre accidentia à substantia quia illa inhaerent in ista, ut albedo in homine, & circa utrumque posse dari mutationem, videmus enim aliquando hominem substantialiter perire, aliquando secundum accidentia, ut secundum colorem vel calorem mutari. Quo supposito dicit alterationem esse mutationem circa qualitatem eodem subiecto sensibili manente, ut dum calefit aqua, quae prius erat frigida. Generatio vero substantialis, est mutatio secundum totam rei substantiam, vel subiectum, & ideo non manet idem subiectum sensibile, ut cum ex ligno generatur ignis, solum enim manet materia prima, quae non est secundum se sensibilis, sed ratione formarum.

Circa 2. ad tradendum differentias inter alterationem & generationem, supponit quod in ipsa generatione aliquando fit etiam transmutatio qualitatum, ut cum ex aqua frigida fit ignis calidus, aliquando non fit mutatio qualitatum, quia similis qualitas manet in genito, & in corrupto, non vero contraria, v. g. cum ex aqua fit aer, in utroque manet diaphaneitas, seu transparentia: Hoc supposito assignat duas differentias inter alterationem, & generationem. Prima ex parte termini producti, quia in alteratione producitur qualitas, in generatione vero forma substantialis. Secunda ex parte subiecti, quia subiectum alterationis est materia informata, seu facta in actu, generationis vero est materia prima informabilis, quae est ens in potentia.

SVMMA CAPITIS V.

AB hoc cap. incipit Phyls. tractare ea quae generationem consequuntur, vel concomitantur. Et 1. agit de augmentatione, & nutritione in isto cap. In quo tria praestat. Primo ponit differentiam augmentationis ab alteratione, & generatione. Secundo explicat modum quo fit augmentatio, & diminutio. Tertio explicat quomodo differat nutritio & augmentatio.

Circa 1. dicit augmentationem differre ab alteratione & generatione in duobus, Primum ex parte terminorum ad quos, quia alteratio est ad qualitatem generatio ad substantiam, augmentatio autem ad quantitatem. Secundo, quia id quod generatur, vel alteratur, non necessario mutat locum, ut cum in eodem loco corrumpitur lignum, & fit ignis, augmentatio autem cum fa-

tristis contristationem. Et sola secunda acceptatio consilii pertinet ad praesens. Denique consilium de duobus aliis est, quod agens & patiens habent contrarias qualitates. Secundum est quod motum eandem in se habet, quam agere, sive non loquere strile re opponitur passioni, quae est eam in se habere, & si agere est mouere in dispositione ad corruptionem, quod non omni mouere competit.

SYMMA CAPITIS VII.

In hoc cap. & duobus seqq. agit Philof. de actione & reactione, & quidem in hoc cap. explicat & distinctionem agentis, & passivi, tum absolute, tum quando mutuo reparantur. In sequentibus addit duas opiniones antiquorum circa modum agendi & patiendi. Et tandem in cap. de propria sententia explicat quatuor condiciones ad agendum & patiendum requisitas. Igitur restat, ut cap. sit tria. Primo explicat conditionem, & naturam agentis, & passivi quantum ad hoc, quod debet passivo esse simile agenti, vel dissimile. Secundo, quantum ad hoc quod agens reparatur a passivo. Tercio explicat, ad quod genus causa pertineat agens & passivum.

Quantum ad primum, sicut in primis duas Philosophorum opiniones, quarum prima dicebat agens & passivum debere esse dissimile, se enim utrumque esse simile non est maior ratio cur hoc agat, quam illud. Secunda dicebat debere esse simile, quia quae sunt disparata & dissimilia, nec agunt, nec patiuntur, ut album non agit in dulce, neque in grave aut leue. Et utrumque Arist. regeat ut diminutum. Quod enim non possunt omnino esse similia probat, quia non esset ratio cur alterum esset agens, alterum patiens, & quia alias multo magis aliquid in se ipsum ageret, si ageret in omnino simile. Quod vero non possent esse omnino dissimilia constat, quia agens & passivum non possunt esse omnino diversa, ut calor & frigus, quae in se non agunt, sed debent esse contraria, contraria autem sub eodem genere sunt, & sic habent aliquam convenientiam & similitudinem. Quare ex hoc colligit, quod agens & passivum debent esse dissimilia, scilicet à principio actionis, quia tunc contraria sunt, partem similia, scilicet in fine actionis, quia agens intendit assimilare sibi passivum.

Circa secundum, an videlicet agens reparatur a passivo supponit duas divisiones. Prima, quod motum, aliud est primum, scilicet a quo primo incipit motus, aliud ultimum scilicet, quod est immediatum mobili. Secunda, alterans aliud est primum, scilicet quod alterat, & non alteratur, ut colum, ut medicus qui curat. & non alteratur ab aegrotante: aliud est ultimum, quod per se attingit passivum ut medicamentum in sanatione. Sic ergo respondet, quod quando agens & passivum habent materiam communem & eiusdem rationis, agens potest reparari sicut omnia sublimiora, quia habent materiam communem, id est ad invicem transmutabilem. Quae vero non habent materiam communem, ut colum respectu sublimiorum, ita agunt, quod non reparantur. Et uno verbo primum agens seu alterans non reparatur sed ultimum.

Circa tertium docet, quod agens pertinet ad genus cause efficientis, tum quia ab eo incipit alteratio, efficiens autem est unde incipit motus, tum quia non pertinet ad aliud genus cause, non ad finem & formam quia agens à actu agens quando ab eo egreditur actio, tunc autem nondum sunt finis, nec forma, quasi si essent, cessaret actio. Nec pertinet ad genus cause materialis, quia hoc patitur, & sic potius ad eam pertinet passivum.

SYMMA CAPITIS VIII.

De facit. Primum proponit tres opiniones antiquorum Philosophorum circa modum agendi & patiendi. Secundo refutat illas. Circa primum, opinio prima fuit Empedoclis, quod corpora agebant ad invicem, & patiebantur, quatenus unum habet poros, vel concavitate, quibus alterum subintraret quasi penetrat, & sic fit mixtio, & mutua actio. Secunda o-

pinio fuit Democriti & Leucippi ponentium eosdem poros, sed plenos athomis seu corpusculis, quod cum essent discontinua aliquid vacui relinquebant per quod movebantur, & per congregationem eorum fiebat generatio, per dispersionem vero corruptio. Tertia opinio fuit Parmenidis & Melissi qui ponebant omnia esse unum in mundo, segregari autem per vacuitates aliquas, remoto autem vacuo omnia unum esse, & similiter vacuum requirebant, ut esset motus, nam si moueretur per plenum, dicebant penetrari corpora.

Circa 2. comparatis istis opinionibus inter se, & in quo conveniant & differant, quod non multum interest, impugnat opiniones illas duas de poris, & athomis. Et quidam impeditis opinionem reducit ad secundam, non enim differunt, nisi quia secunda opinio ponit illas vacuitates plenas corpusculis, seu athomis, prima vero solum ponit illa foramina, seu poros quibus subintrant alia corpora minuta ad agendum. Superflue autem inquit poni istos poros ad istum modum actionis, quia vel corpuscula eos intrantia tangunt partes solidas, vel non. Si non tangunt, ergo neque intra illas agunt. Si tangunt, etiam sine poris ab extra approximata tangunt. Secundam vero opinionem de athomis latius impugnat, sed breuiter id probatur quia ut ista opinio dicit, actio, & passio fit per vacuum, sed ipsa athoma non habent vacuum, ergo nec agunt nec patiuntur inter se. Cum omne quod agit est molle, vel durum, aut aliqua simili qualitate affectum, sed corpus indivisibile, neque est molle, nec durum, &c. ergo non agit, nec patitur.

SVMMMA CAP. IX.

IN hoc cap. ad statuendam veram opinionem circa modum actionis, & passionis duo facit. Primo ponit conditiones requisitas ad agendum, & patiendum, Secundo ostendit opinionem Democriti de athomis dissolvere generationem, alterationem, & augmentationem.

Circa primum, conditiones requisita ad actionem, & passionem reducuntur ad quatuor. Prima quod agens sit in actu, & passum in potentia, sicut ignis agit ut actu calidum, lignum patitur ut est in potentia ad calorem. Secunda quod agens, & passum se tangant, vel immediate se sit agens ultimum & immediatum, vel mediate si sit remotum, sicut sol mediante aere tangit terram. Tertia conditio quod agens, & passum non sint continua, id est similia & eiusdem rationis in agendo, alias enim in continua secundum quantitatem bene possunt agere & pati, sicut pars corporis calida calefacit non calidam. Quarta quod sint in debita propinquitate, & unum intra sphaeram actus alterius. Excludit autem quintam conditionem, quam aliqui posuerunt, scilicet, quod passum non secundum omnem partem patiatur, quod est falsum, quia si passum est diuisibile, & habet partes, si omnibus applicetur agens secundum omnes partes, erit.

Circa 2. ostendit opinionem Democriti praed. cap. relata non tollere alterationem, & augmentationem. Alterationem quidem, quia constat posse totum corpus alterari calore, vel frigore sine ulla diuisione, corpora, illi autem athomi intra poros congregantur generatione, & disgregantur corruptione, quod sine diuisione esse non potest. Augmentationem vero tollit, quia in augmentatione qualibet pars debet augeri, in illa autem opinione non datur pars qua augeatur, sed omnia sunt indivisibilia & deinde solum apponerentur athomi ad athomos, quod non est augere in rem, &c., sed per iuxtapositionem.

SVMMMA CAP. X.

IN ultimo isto cap. agit de mixtione, qua maxime conducit ad generationem corporum, qua fit ex elementis. Dissolvitur autem hoc cap. in tres partes. In primo ostendit dari mixtionem, in secunda explicat quomodo mixtio fiat. In tertia colligit quid sit miscibile, & quid sit ipsa mixtio.

Circa primum refert opinionem negantium mixtionem hoc argumento. quia ea quæ miscetur, vel permanent sicut antea, vel corrumpuntur, vel vnum permanet. & aliud corrumpitur. Si primum, & tertium non fit mixtio, quia quod se habet sicut antea non miscetur, quia non mutatur. Si secundum, ex re destructa, & non existente, non fit mixtio, ergo. Respond. Phylol. dari mixtionem, eamque distinguere a ceteris mutationibus. Datur quidem mixtio, quia miscibilia manent in mixto non secundum actum, sed virtute & potentia, & si ex ipsis alteratis, & per suas qualitates manentibus, fit mixto. Distinguitur autem a reliquis mutationibus, a simplici quidem generatione, quia in ea totaliter aliquid corrumpitur, non ex concurrentia plurium, & cum virtuali eorum permanentia, aliquid generatur. Ab alteratione differt, & augmentatione, quia quod alteratur, & augetur, idem permanet facta alteratione, & augmentatione, quod verò miscetur, facta mixtione non manet idem, sed mutatur in aliud.

Circa secundum refert primam duas opiniones antiquorum circa mixtionem. Prima dicebat fieri mixtionem per diuisionem in partes minutissimas, quæ secundum se diuisibiles, sed ad sensum non amplius diuisibiles apparent, sicut si si ma tritici miscetur sericea hordei. Secunda dicebat, quod mixtio fit per diuisionem in minima, quæ non solum secundum sensum, sed etiam secundum se non sunt amplius diuisibilia. Vtramque refutat Phylol. quia secundum hoc mixtio non esset aliud quam aggregatio plurium in vno loco, quorum quodlibet secundum se integrum maneret, & ab alio separatum, licet sensus id non discerneret: vnde vltius fieret, quod mixtum non esset homogeneum, id est, quod quilibet pars mixti non esset mixta, cum tamen oppositum videamus, mixtio enim conuenit toti & partibus. Repugnat etiam diuidi continuum in partes amplius indiuisibiles, alioquin ex indiuisibilibus continuum componeretur quod in 6. Physic. exploratum est.

Verum ergo modum mixtionis tradit explicando tres eius condiciones. Prima, ut miscibilia sine mutuo actua. & passiva, quæ enim mixto non agunt, non miscentur, sicut ea quæ non habent materiam eiusdem rationis. Secundo, ut facile cedant, & diuidi possint, sicut mollia, & humida facile miscentur, non dura vt lapis, & ferrum. Tercio, ut non sint nimis magna, quia hæc difficile alterantur, sed in paruas partes diuiduntur, vt vna possit aliam intrare agendo in aliam, & facile alterando. Quare mixtio ita fit secundum istas condiciones, vt proportionetur ad unitatem vnius resistentie alterius, & sic in vnum temperamentum conueniant, nam si vnum nimis vincat alterum, non fit mixtio sed simplex corruptio, & generatio, vt si in amphoram vini cadat gutta aquæ.

Circa tertium docet, quod miscibile est illud quod agit, & illud quod patitur, vt ex vitroque fiat mixtum secundum temperamentum. Mixtio autem est Miscibilium alteratorum vniio.

SVMMA LIBRI II.

EXPLICATA generationis, & corruptionis natura, restat ad ipsa generabilia, & corruptibilia, descendere. Et primo occurrunt elementa, quæ sunt corpora simpliciora in genere corruptibilium, deinde mixta, quæ ex eis constant. Et quatuor facit. Primo explicat principia generationis elementorum & eorum numerum. Secundo explicat ipsam elementorum generationem. Tercio, generationem mixtorum. Quarto, vniuersales causas generationis, & corruptionis, eiusque perpetuitatem.

SVMMA CAPITIS. I.

Agit hoc cap. de principio materiali elementorum. Et primo relatis his quæ in primo libro tractata sunt, reuertit varias opiniones antiquorum, qui pro principio materiali elemento-

rum ponebant aliquod corpus: alij vnum tantum scilicet aerem, vel ignem: alij plura re ignem, & terram, vel etiam aerem & aquam, &c. alij dixerunt esse vnum receptaculum omnium formarum, non explicantes, quid per illud receptaculum intelligerent: hac inquam rejecit, & suam sententiam explicat, quod principium materiale elementorum non est aliquod corpus sensibile, sed materia prima, quae potest esse pars cuiuslibet corporis, nec tamen est separata ab omni forma substantiali, neque ab omni contrarietate, id est ab omni prima qualitate, & ita per hanc contrarietatem fit transmutatio de vna forma ad aliam, & circa eadem materiam tanquam circa subiectum commune sunt generationes, & corruptiones elementorum. Et hoc ideo quia contrarias non possunt agere ad invicem, & transmutari, nisi ratione alicuius subiecti communis, in quo exercentur, & fiat transmutatio elementorum.

SVMMMA CAPITIS II.

Asignat in hoc cap. principium formale seu formae elementorum, non quidem formas substantiales, sed accidentales. Et duo facit. Primum docet formas istius elementorum debere esse formas tangibiles non quascunque, sed primas. Secundo enumerat omnes qualitates tangibiles, & ostendit quatuor ex eis esse primas ad quas ceterae reducuntur.

Circa 1. ostendit formas proprias elementorum debere esse qualitates tangibiles, quia elementa considerantur ut generabilia, & corruptibilia, ergo ut actiua, & passiva, sed exercens passionem, & actionem per contactum, ergo proprie eorum forma sunt qualitates re tangibiles & cum sint prima corpora, debent esse primae qualitates tangibiles.

Circa 2. reducit omnes qualitates tangibiles ad septem contrarietates quas attingit tactus, scilicet calidum & frigidum, humidum & siccum, graue & leue, durum & molle, lubricum & aridum, asperum & leue, crassum & tenue. Ex quibus, duo, scilicet graue & leue sunt principia actionis quae est motus localis. Reliquae vero reducuntur ad quatuor illas primas, scilicet calidum & frigidum, humidum & siccum, quia sunt prima in agendo & patiendo, & ideo sunt proprie forma primorum corporum generabilium, quae generantur & corrumpuntur per actionem, & passionem. Calidum autem, & frigidum sunt actiua, quia calidum est, quod congregat ea quae sunt eiusdem generis, frigidum, quod congregat ea quae sunt diuersi generis. Humidum & siccum sunt passiva, quia humidum est, quod facile cedit alienis terminis; siccum quod difficile alienis, & facile continetur proprijs.

SVMMMA CAPITIS III.

In hoc cap. duo facit Philosophus. Primo ostendit numerum elementorum, esse quatuor. Secundo docet, quis locus, & qua qualitas nominatur in quolibet elemento.

Circa primum ostendit numerum elementorum ex combinationibus quatuor primarum qualitatum, & ex auctoritate antiquorum. Ex combinationibus quatuor, quia quodlibet elementum debet habere duas qualitates, ut per vnam conueniat cum vno elemento, per aliam differat. Non possunt autem combinari duae qualitates contrariae, quia se excludunt, solum ergo debent combinari non contrariae. Ista autem solum quatuor modis combinari possunt, scilicet calidum & siccum, calidum & humidum, frigidum & humidum, frigidum & siccum, ergo tantum erunt quatuor elementa, quia tantum sunt quatuor combinationes. Ex auctoritate id probat, quia in illa antiquorum excessus quaternarium numerum elementorum licet aliqui pauciora posuerint.

Circa secundum attribuit elementis, primo quod superiora, scilicet ignis, & aer habent superiorem locum sub caelo, inferiora vero scilicet aqua & terra, inferiorem, id est circa centum.

quando quod extrema scilicet ignis, & terra puriora sunt, quam media. Tertio superiora esse inferioribus contraria, Quarto igni dominari calorem, aeri humiditatem, aqua frigiditatem, terra siccitatem.

SVMMA CAPITIS IV.

A Bisto cap. incipit agere Phylsof. de generatione elementorum per tria capita sequentia. Et in isto primo ponit quatuor regulas ad dignoscendum, quomodo elementa in inuicem transmutantur. Et supponimus alia esse elementa disymbola, seu extrema, quae scil. non conueniunt in aliqua qualitate vt ignis, & aqua, alia media quae in aliqua qualitate conueniunt vt ignis, & aer, aqua, & terra,

Prima ergo regula est, absolute loquendo quodlibet elementum potest conuerteri in aliud, siquidem contrarietatem aliquam habent. Secunda regula, facilius est transmutatio inter symbola elementa quam inter disymbola, quia in illis est minus contrarietatis, quam in istis. Tertia regula, ex duobus disymbolis facilius tertium aliquod generatur, quam vnum disymbolum ex alio, vt ex aere & aqua facilius generatur aer, quam aqua, vel ignis, siquidem plus contrarietatis est vincendum, vt inter se transmutentur, quam vt in vnum tertium conspirent. Quarta regula, ex duobus elementis symbolis non generatur tertium, sed vnum ex alio, sunt enim facili transmutationis.

SVMMA CAPITIS V.

I Nquiris in hoc cap. Aristot. de materia ex qua sit transmutatio elementorum, nam licet supra deter minauerit, quod sit materia prima, quae est communis omnibus, hic specialiter contra aliorum opinionem procedit; aliqui enim ponebant aliquod corpus completum seu ens in actu esse materiam huius transmutationis, siue vnum corpus seu elementum esset, siue plura. Alij vero ponebant non omnia elementa esse transmutabilia ad inuicem, sed solum symbola. Alij nulla omnino esse ad inuicem transmutabilia. Et priores opiniones refutat in prima parte, c. alteram vero in secunda parte. Vltima vero opinionem in seq. c. reijcit. Priores ergo opiniones contra quas sapius egit praefertim in 1. Phis. ex eo hic impugnat, quia si aliquod ens completum & in actu esset principium transmutationis, talis transmutatio esset alteratio, non substantialis generatio, quia manet substantia in integram & completum sub vtroque termino, ergo ens esse substantiale, & primum non mutabile, sed accidentale & superadditum.

Cap. 2. partem 1. ostendit contra praefatam sententiam omnia elementa etiam disymbola esse transmutabilia, quia habent contrarietatem ad inuicem, & sic agunt & patiuntur, & transmutantur. Et secundo ostendit nulla elementa nec extrema, nec media esse principium generationis alteram, quia si omnia essent generabilia, nullum est principium generationis, quia principium generationis est ingenerabile, alias esset processus in infinitum.

SVMMA CAPITIS VI.

R Eijcit in hoc c. 3. sententiam, quae est Empedoclis, quod scil. nulla elementa sint ad inuicem transmutabilia. Quam sententiam dupliciter coniungit. Prima tam contradictionis arguendo. Scilicet, ut a impossibile deducendo. Contradictionis quidem arguit, quia Empedocles facit elementa esse ad inuicem comparabilia, quae comparatio fieri potest, aut secundum quantitatem, aut secundum virtutem seu qualitatem, vel eiusdem speciei, vel diuersae. Quae autem sunt comparabilia sunt etiam transmutabilia, quia agunt & patiuntur. Ad impossibile autem deducit, tam quia tollit argumentum, id est quod possit vnum elementum crescere, si non posset de alio transmutare

mutare, tum quia tollit generationem, si enim elementa non corrumpuntur, nec transmutantur, sed solum congregantur vel disgregantur, non datur noua forma substantialis, sed solum accumulatio huiusmodi, ergo non datur generatio substantialis.

SVMMA CAPITIS VII.

Aristo c. incipit agere de generatione mixtorum postquam de elementorum qualitatibus, numero, & generatione actum est. Tractat autem de mixtis isto c. & seq. in isto quidem c. proponit duorum quomodo mixtum fiat ex elementis. In seq. ostendit omnia quatuor elementa concurrere ad mixtionem.

Circa primum supponit duas fuisse opiniones, circa elementa, alteram quod sunt transmutabilia, quia habent materiam communem. Alteram Empedoclis, quod transmutabilia non sint, quam præced. c. reiecit, & in isto iterum reiecit quia ex ea sequitur non dari veram mixtionem, quia non transeunt elementa in mixtum, sed elementa manent, & solum quia congregata sunt, dicitur mixtum. Unde respondet ad dubium propositum dicendo, quod qualitates elementorum sunt contrarie ut calor & frigus, siccitas & humiditas, & suscipiunt magis & minus, atque ita aliquando una earum est perfecta & in actu, & de opposita nihil est nisi in potentia, ut si calor sit in summo, aliquando vero una non est perfecta in actu, quia non est in summo, sed aliquid de opposita peruenit. Sic ergo vnum elementum potest alteri applicari dupliciter. Vno modo ita ut vnum superes aliud & transmutet in se, & tunc non sequitur mixtio, sed simplex generatio alio modo taliter quod neutrum vincat totaliter, sed in vnum tertium attemperantur, quia qualitates eorum remittuntur, & ad certum gradum attemperantur & tunc fiet mixtum. Unde non est necesse, quod in mixtione elementa, ita corrumpantur, quod nihil de illis remaneat, nisi materia, sed ita transmutantur, quod qualitates eorum remanent refractæ & hoc est manere virtualiter.

SVMMA CAPITIS. VIII.

Ostendit in hoc cap. in mixto concurrere omnia quatuor elementa. Quod probat sic, quia mixta sunt in terra, & ad eam naturaliter moventur, ergo participant de terra, quod etiam ostendit eorum crassities. Terra autem cum sit nimis siccata nisi iunctetur ab aqua, non coagulatur, sed redigitur in pulueres, ergo ut figura mixti sic debite terminata, indiget humido coagulante, quod est aqua. Rursus terra & aqua alterantur in mixto, ergo à suis contrariis, contraria autem sunt ignis & aer, ergo etiam ista duo elementa ad mixtum requiruntur. Secundo id ostendit à signo, quia mixta nutriuntur istis duobus elementis, scilicet aqua & terra, ut patet in plantis, quæ simpliciori alimento nutriuntur, & tamen duobus elementis indigent, scilicet aqua & terra ad sui alimentum, ergo à fortiori alia viuientia, si autem eis inest terra & aqua etiam ignis & aer propter rationem supra allatam, ergo similiter ex omnibus elementis erunt, sicut ex illis nutriuntur. Incidenter vero docet inter elementa solum ignem nutriri, non tamen proprie sicut viuientia, quæ per incus susceptionem, ignis autem consumendo pabulum appositum.

SVMMA CAPITIS IX.

Ad hoc cap. tractat vltimam partem libri, scilicet de vniuersalibus causis generationis, præsertim de causa efficiente. In hoc ergo cap. facit duo. 1. Enumerat triplicem causam pro generatione requisitam, scilicet materialem, formalem, & efficientem. 2. Reiecit opiniones in ea causam efficientem & relinquit probatum, quod illa requiritur præter materiam & formam.

Circa primum ostendit requiri tres causas ad generationem, duas intrinsecas scilicet materiam & formam, aliam extrinsecam, scilicet efficientem. Et in hac intrinseca est principium ut sint & non sint, quia habet potentiam ad vnam formam & ad priuationem eius. Forma autem

est principium tantum ut res sit, & ab ea res habet speciem, & cum ea coïncidit finis, quia eius gratia operatur agens in materia. De efficiente vero est tota difficultas.

Circa 2. ergo proponit duplicem opinionem antiquorum circa causam efficientem. Prima fuit Platonis, qui posuit ideam seu speciem separatas per impressionem sui in materiam causare species rerum, & per abiectionem corrumpere. Alia fuit opinio, quæ non distinguebat materiam ab efficiente, sed easam dixerunt esse transformationis principium, per qualitates, quas habet, ut per calidum & frigidum. Repetit autem primam opinionem, tum quia si idea separata per sui impressionem faceret res, cum ista idea semper sit eadem, semper faceret idem, non autem modo faceret, modo non faceret, tum etiam, quia in artificialibus datur efficiens præter ideam, ut medicus efficitur sanari, & doctor docere, ergo etiam in naturalibus, quia ars imitatur naturam. Secundam autem opinionem repetit, tum quia materia est pura potentia passiva, ergo non est principium actuum, seu efficiens sed passivum; tum quia in arte, instrumenta & materialia non se movent, sed moventur ab arte, ergo & in natura materia non movetur, sed moventur, quantumcumque habeat illas qualitates, sicut fera licet habeat qualitatem ad comedendum, nisi moveatur ab alio, non movetur.

SVMMA CAPITIS X.

In hoc c. tradit sententiam suam de causa efficiente generationum. Et tria facit. 1. Repetit & supponit ea quæ in 8. Physic. dixerat de unitate primi motoris, & primo motus. 2. Proponit dubium de varietate generationum & corruptionum unde proveniat. 3. Colligit quadam corollaria.

Circa 1. supponit, quod dictum est in 8. Physic. sc. dari unum primum motorem, & unum primum motum circularem. & per se continuū per quem primus motor est causa perpetuitatis generationum, quia cum ille motus sit perpetuus atque continuus, rationabile est quod sit causa reliquorum motuum, qui non semper sunt, potius enim id, quod est, debet esse causa eius quod non est, quam e converso.

Circa 2. oritur ex hoc statim dubium, quia idem in ætate idem semper facit idem, sed primum mobile est idem, & motus eius semper unus, ergo non alterabunt generationes & corruptiones, sed semper idem facient, cuius oppositum videmus. Resp. Arist. quod in calo est duplex motus. Alter uniformis ab oriente in occidentem, qui est proprius primi mobilis, & iste non causat varietatem generationum & corruptionum. Alter est non uniformis, sed constat accessu & recessu ad nos. & hanc causat sol per Zodiacum & ratione huius causatur varietas generationum sicut accedente sole ad nos in puncto æthere omnia reirescunt, recedente autem in puncto libræ decrescunt. Et si non maneret semper idem & secundum illas partes contrarias accessus, & recessus, causaret contrarius effectus generationum & corruptionum.

Circa 3. colligit duo corollaria. 1. Quod singulis viventibus statuta est certa ac determinata vita peritū, & terminus. 2. Quod generationes & corruptiones possunt esse perpetue, quia causa earum efficiens, quæ est Sol, habet perpetuum motum. & perpetuitatem generationum intendit. Porro ostendit quod sicut dictum est in 8. Physic. & 12. Met. si motus est, motor est, & si motus est continuus, & perpetuus, motor debet esse sempiternus, ad quem omnes motus reducuntur.

SVMMA CAPITIS XI.

In hoc c. intendit probare Arist. generationes non esse perpetuas quasi in rectū, sed circulariter. Et ad hoc facit tria. 1. quodā premitit ad probandum intērum 2. probat illud. 3. soluit duo dubia.

Circa 1. supponit quadam generationes esse necessarias, quæ scilicet habent causam determinatam, ut quod etas oriatur Sol, quadam contingentes, ut quod etas Petrus ambulet. Supponit 2. quod quadam in una generatione est tota materia alterius ex genere. prioris sequitur posteriori generationi, sicut ex evaporatione, sequitur nubes, ex nube pluvia. Si vero generatio unius nō sit tota ma-

cium, potest tamen se habere vt aliquid essentialiter requisitum, sine quo non inuenitur, sicut sine negatione leonis non inuenitur homo, & sine obscuritate non inuenitur fides, & sic de multis alijs, à quibus tamen negationibus non dependent vt à causis. Et ad vltimam instantiam respon. non posse saluari tempus positium sine correspondentia de facto ad imaginarium, & cum sola aptitudinali, eo quod de essentiali ratione temporis est, quod sit ens actu successuum & fluens, non verò successuum in potentia, & aptitudine; vnde actu debet habere partes distantes. & succedentes: ergo & actu correspondentes distantiae durationis imaginariae: seu replentes illam, sicut locus posituus, imaginarium. At vero accidens essentialiter non est inhærens actu, sed aptitudine, ideoque saluatur eius indiuiduatio per ordinem ad subiectum, non per actualem correspondentiam, quæ sit per coniunctionem ad illud.

ARTICVLVS II.

Verum omnia corruptibilia habeant determinatam periodum durationis à natura?

LOquimur de termino naturaliter imposito durationi corruptibilium iuxta intrinsecam dispositionem & temperamentum, nam respectu causæ violentæ, & extrinsecæ, à qua aliquid corrumpi potest, non potest certus terminus designari, quia se habet per accidens & fortuito.

Respondeo, ergo omnia corruptibilia habere ab intrinseco determinatum terminum suæ durationis eo modo quo corruptibilia sunt, non tamen omnia eundem habent terminum. Ita sumitur ex Aristot. in presenti lib. c. 10. tex. 57. & ibi communiter interpretes, vt Mag. Bañ. Cohimb. & alij. Et videri etiam potest D. Tho. in 2. dist. 19. q. 1. art. 4. Dixi, eo modo quo corruptibilia sunt propter elementa, quæ per partes corrumpi possunt,

sed non integrum elementum. Imponitur autem rebus terminus durationis. *Primo* quidem à diuina voluntate & ordinatione. Vnde dicitur *Iob. 14. Constitui li terminos eius, qui prateriri non poterunt.* Et omnia tandem finienda esse saltem pro die iudicii constat ex illo 2. *Petri 3. Cum igitur hac omnia dissoluenda sint, & c. Secundo* terminus durationis corruptibilium dependet à causa vniuersali quæ est cælum, quia est in perpetuo motu atque adeo causare debet contrarietatem aliquam, & alterationem, quæ vnicuique rei finem afferat, & corrumpat, aliamque generet. *Tertio* oritur iste terminus ex causâ intrinseca corruptibilium mixtorum, quia sunt composita ex contrarijs, quæ ad inuicem agunt, & patiuntur, & consequenter causant alterationem, quæ est via ad corruptionem. Et cum vis actiua, & resistiua sint finitæ & limitatæ, oportet quod finitum & limitatum terminum habeant agendi, & patiendi, atque adeo tandem desinant.

Secunda veropars conclusionis ipsa experientia manifeste constat, cum quædam animalia sint longioris vitæ, quam alia, vt homines, quam oues, vel equi, & inter res inanimatas, lapides quidam & metalla, quam viuentia. Ad quod multum iuuat complexio, quod sit magis vniiformis, & habeat partes magis homogeneas, hæc enim melius conseruantur, vbi autem est multiplex varietas, & diuersa temperies partium, ibi est plus contrarietatis, & consequenter plus corruptionis, quia accidentia sunt magis diuersa & opposita. Facit etiam maior humidi concoctio & tenacior, humida enim minus tenacia & fluida, magis dilabuntur, vt humida aquea, quæ permiscuntur frigido, quod est temperamentum minus vitale. Facit etiam durities, membra enim magis compacta & solida diutius durant, vt videmus in ossibus; vnde etiam in animali mortuo facilius carnes, & adhuc facilius viscera & interiora organa, quæ molliora sunt, corrumpuntur. Denique

que loci temperies multum iuuat, & alia extrinsecus influentia celestes.

Sed obijciens primo, nam elementa non sunt composita ex contrariis, ergo solum ipsa ab intrinseca causa non sunt corruptibilia, neque certam habent durationis periodum. *Secundo* si res inanimata propter compositionem ex contrariis certum terminum habent, ergo in eis vnum contrarium agit in aliud, & sic vna pars reanimata agit in aliam, & rursus conuertet aliquid de corpore sibi adiuncto vel intra poros posito: ergo nihil ei deerit ut dicatur nutriri sicut viuientia. *Tertio* quia mors per peccatum inducta est, non est ergo naturalis homini, quin potius naturale est homini, & cuiusque rei desiderium perpetuandi suum esse, non ergo a natura determinatur certus durationis terminus. *Quarto*, per lignum vite reddebatur homo immortalis, ergo non erat ei naturalis periodus vite, alias non posset illo naturaliter cibo prolongari. Similiter arte medica per aurum potabile, seu quintam essentiam auri liquati, longissime protrahitur vita, ergo non est naturaliter, & necessario constitutus vite terminus. *Denique* in prima mundi ætate homines longissime vivebant, ergo periodus vite, etiam nunc poterit ad illorum terminum naturaliter extendi, ergo non est præfinitus terminus naturaliter saltem ita brevis sicut nunc, poteritque arte aliqua prolongari.

Ad primum respondetur, quod elementa ab intrinseca natura habent esse passiuè corruptibilia, non actiuè agente vna parte in aliam, nec per contrariorum admixtionem intrinsecam, quia compositionem miscibilium non admittunt, nec sunt resolubilia in alia elementa, & sic ab intrinseco non habent quasi actiuam corruptibilitatem ex contrariis, sed passiuam, vnum elementum in aliud. Mixta vero inanimata ab intrinseco habent causam corruptionis, quia sunt ex contrariis & semper aliqua qualitas prædominatur, ut docet S. Th.

in 2. diff. 19. q. 1. a. 4. ad 2. sed tamen, quia homogenea sunt, & omnes partes habent eandem dispositionem, vix potest vna agere in aliam, ideoque fere semper indigent adiuuari ab extrinseco corruptente. Cum vero ignis remoto combustibili deficit, non est, quia ab intrinseco vna pars agit in aliam, sed quia propter tenuitatem suam non potest à contrariis defendi, nisi alicui densiori materie innitatur.

Ad 2. resp. inanimata carere determinatis partibus & organis à natura destinatis, ut vna agat in aliam & subministret alij, & ideo per se non habent nutriri per intusumptionem quia nutritio requirit determinata organa & partes destinatas à natura ad reparationem eius, quod deperditur: licet propter mixtionem contrariorum vna pars possit agere in aliam quando in aliqua prædominatur aliquod contrarium, tamen hoc de se & que potest conuenire cuiuslibet parti ubi qualitas prædominetur, cum omnes homogeneæ sint, nec à natura sint destinatae aliquæ partes & organa specialia ad talem reactionem & reparationem. Quod vero conuertat in se id quod iuxta ponitur, potius est generare sibi simile, & per accidens aggregare, quam nutrire, ut latius supra diximus q. 8.


Ad 3. respon. quod mors est naturalis, & debita homini consideratò secundum sua naturalia ut componitur ex contrariis, est autem pœnalis homini consideratò secundum statum, quem acceperat à Deo ex originali iustitia, in quo locum non habebat mors, & ideo eo amisso in pœnam inducta est, sicut rebellio appetitus sensitiui etiam in pura natura esset, & tamen facta est pœnalis supposita amissione status. Videatur S. Tho. 2. 2. q. 164. art. 1. ad 1. & 1. 2. q. 85. art. 5. & 6. Quod vero cuiuslibet sit naturale desiderium se perpetuandi, dicimus esse hoc desiderium eo modo, quo res possunt, non quidem durandi sine termino in eodem indiuiduo, id enim per naturam impossibile est, sed perpetuitas intenditur absolute in

specie per multiplicationem, in indiuiduo quantum potest secundum leges naturæ.

Ad 4. respond. quod lignum vitæ non reddebat hominem simpliciter immortalem, sed restaurabat puritatem humidi radicalis ab admixtione extranei, & fortificabat virtutem naturalem, idque limitate & ad tempus, quia virtus eius erat finita, & sic debebat iterari eius sumptio, vt longius protraheretur vita, vt docet S. Tho. 1. p. q. 97. ar. 4. Vnde non tollebat periodum determinatum vitæ, sed ampliabat. An verò effectus illos naturaliter faceret? S. Tho. in 1. dist. 19. q. 1. art. 4. ad 5. videtur concedere, quod virtus illa ligni erat naturalis, sed non dabat immortalitatem simpliciter, vt dictum est. At verò in corp. a. dicit *Quod lignum vitæ subueniebat homini, quia virtute diuinitus concessa alimentum assumptum in perfectam assimilationem assumebatur.* Virtus autem diuinitus concessa non videtur naturalis, & ex principijs naturæ orta. Vnde dubius est Magist. Bann. in hac re 1. p. q. 97. a. 4. dub. vni. so ad 4. Si tamen dicatur supernaturalis illa virtus, videtur pertinuisse ad vim miraculosam, & solum instrumentaliter fuisse in illo fructu, non radicaliter, sicut si alicui rei concederetur virtus sanandi cæcitatem. *Ad illud vero de quinta essentia auri liquati,*

dicimus esse merum commentum, nulla enim ars potest ita purificare humidum & fortificare virtutem debilitatam, licet reparare & a cōtrarijs aliquo modo defendere possit, & a morbis aliquibus præseruare.

Ad ult. resp. quod in prima mundi ætate etiam dabatur certa vitæ periodus, & terminus, sed longior, quam nunc propter maiorem naturæ virtutem, quam nunc, maiorem alimentorum naturalium efficaciam, præsertim non dum terra per salsedinem aquarum diluuij pœne sterilizata; maiorem aeris salubritatem, & hominum, sobrietatem, & vigorem omnium pene causarum naturalium. Et nihilominus, D. Th. in q. 4. de malo art. 8. ad 11. & in 2. dist. 32. q. 1. ar. 3. ad 4. existimat virtute diuina fuisse tunc concessam diuturnitatem longiorem ad multiplicationem generis humani. Et hæc sufficiant pro expositione librorum de generatione, ad laudem & gloriam Saluatoris nostri Iesu Christi, & Virginis, & S. Th. Aquinatis.




SVMMA TEXTVS

LIBRORVM.

De Generatione.

SVMMA LIBRI I.



IN T E N T V M Arist. in hoc 1. libro est differere de ortu, & interitu rerum in communi, & de his quæ generationem ipsam consequuntur, vel concomitantur: in secundo autem libro agit de generabili, & corruptibili in particulari, scil. de elementis quæ sunt prima corpora generabilia, & de mixtis, quæ ex illis primis conflantur. Circa generationum in communi decem capita distribuit hoc ordine. In primis duobus refert antiquorum sententias circa generationem & corruptionem, & distinctionem earum ab alteratione. In duobus sequentibus suam sententiam declarat: à 5. cap. vsque ad 10. agit de his quæ generationem, & concomitantur, vel consequuntur sicut de augmentatione, & nutritione, de actione, & reactione, contactu, & mixtione.

SVMMA CAP. I.

IN hoc cap. intendit Phyls. refutare duas opiniones antiquorum circa differentiam generationis, & alterationis, in seq. vero c. alias duas circa modum quo dicebant aliqui fieri generationem. Opiniones ergo antiquorum, quas refutat in hoc 1. cap. sunt dua. Prima eorum qui ponebant tantum esse vnum principium rerum naturalium, illudque esse ens actu. Hi enim non poterant distinguere generationem ab alteratione. Secunda opinio fuit eorum qui ponebant plura principia, qui quidem poterant ponere generationem substantialem distinctam ab alteratione, sed de facto non ponebant illam, quia ipsas qualitates dicebant esse formas elementorum, vt calorem, & frigus, negabant autem posse vnum elementum conuerti in aliud, quia non ponebant illa esse composita ex materia & forma, sed esse primas materias non resoluibiles in alia principia specialiter, autem arguit Empedoclem quod sibi contradixerit, quia ex vna arte negabat vnum elementum generari ex alio secundum substantiam, ex alia ponebat omnia à principio fuisse vnum per confusionem, & chaos, quasi amicitia ea omnia confundente: quod sine corruptione esse non poterat, aut si non erat corruptio, & generatio, quomodo ex illo vno emergebant plura diuersificata.

SVMMA CAP. II.

DVofacit Aristot. in hoc cap. Primo proponit duas alias opiniones antiquorum circa modum generationis substantialis. Secundo specialiter disputat contra secundam, eiusque rationem soluit. Quoad primum docet Aristot. iam tunc fuisse communem opinionem quod generatio, & alteratio distinguerentur, & quod generatio fiebat per congregationem aliquorum,

quorum, sicut corruptio per disgregationem; alteratio vero per aliquarum passionum transmutationem. In assignanda autem congregatione ex qua fiebat generatio, alia erat opinio Platonis, alia Democriti, & Leucippi. Nam Plato dicebat per generationem per congregationem superficierum, seu linearum: Democritus autem per congregationem atomorum, seu corporum indiuisibilem.

Quoad 2. ponit rationem Democriti, & soluit eam. Ratio erat hac; vel corpora naturalia componuntur ex corporibus indiuisibilibus, vel ex diuisibilibus. Si primum habetur intentum, Si 2. ergo illa diuisibilia poterunt iterum diuidi, & sic si fiat totaliter omnis diuisio possibilis, tunc illa facta, vel quod remanet erit corpus diuisibile; & hoc non, quia supponimus factam omnem diuisionem: vel erit nihil, & sic corpus ex nihilo componeretur, ex nihilo autem nihil fit; vel erunt puncta, & hoc est impossibile, quia alias corpus ex solis punctis componeretur, punctum autem additum puncto, non facit maius, cum careat quantitate; vel tandem resolveretur in qualitates, & hoc non, quia alias corpus ex solis qualitatibus constaret, & qualitates sic resoluta, essent separate à corpore. Respond. Aristot. corpus esse diuisibile in alia diuisibilia successiue, & sine categoriaticè, & in potentia, non autem posse omnem diuisionem actu esse positam, sed ita diuidi in aliquid actu, quod adhuc manet diuisibile, sicut dicimus ex materia aeris posse diuersa generari, sed non simul, semper enim remanet ad aliquid in potentia. Postremo ostendit non fieri generationem naturalem per congregationem diuersarum rerum, quia generatio non fit per positionem, & situationem partium sicut artefacta, ut nauis, aut domus, sed quia hoc totum dissoluitur, & aliud totum generatur.

SUMMA CAPITIS III.

Tria facit Arist. in hoc cap. Primo inquit an detur generatio simpliciter, id est quæ fiat ens simpliciter, & substantialiter. Secundo proponit duo dubia ad resolutionem questionis necessaria. Tercio soluit principalem questionem.

Circa 1. ponit rationem dubitandi, quia si fit ens simpliciter debet fieri ex suo contrario, scil. ex non ente simpliciter, hoc autem est impossibile, quia id ex quo aliquid fit, existit in eo quod fit, & predicatur de eo sicut lignum ex quo fit arca, est in arca, & de ea dicitur, & sic non ens existeret in ente, & predicaretur de eo.

Circa 2. proponit duo dubia, ex quibus pendet resolutio quæst. Primum, quare generatio nunquam cesset ex parte causa materialis, si enim in generatione fit ens simpliciter, in corruptione definit aliquid simpliciter & si per corruptionem consumitur aliqua entitas, cum autem tota entitas vniuersi sit finita, tandem consumetur per corruptiones rerum. Resp. causam huius non esse, quia materia sit infinita, cum nullum infinitum in actu detur, nec quod res quæ generantur modo fiant minores quam ante, & sic deinceps, cum non videamus istam minorationem, sed res æquales suis generantibus fieri, sed causam esse, quia corruptio vnius est generatio alterius eadem materia permanente, & ita finita materia sufficit pro infinitis generationibus. 2. Dubium est, quare si corruptio vnius est generatio alterius, quadam dicuntur generari simpliciter, ut dum homo fit ex embrione, quadam secundum quid, ut dum ex homine generatur cadauer, potius dicitur mori hominem, quam generari aliquid. Resp. hoc indicandum esse ex termino generationis, aliquando enim acquiritur forma completa & vltima, aliquando forma media, & qua paratur via ad aliam. Quando acquiritur forma primo modo, dicitur generari aliquid simpliciter, quia ibi sistit generatio, ut cum fit homo, equus, apis, &c. Tercio autem

autem modo dicitur fieri secundum quid, quia adhuc restat aliquid faciendum, ut cum sit forma embrionis, restat fieri hominem, & cum sit cadauer, restat fieri terram ad quam tenditur per formam cadaueris. Secundo cum generatur accidens sit generatio secundum quid cum substantia, sit ens simpliciter. Tertio cum generatur aliquid, quod non facile sentitur ut aer, dicitur vulgo generari aliquid secundum quid.

Circa 3. respondet dari generationem simpliciter. Ratio est, quia datur progressio ad esse simpliciter ut ad formam ignis, ex non esse talis forma quod est non esse simpliciter in materia, ergo datur generatio simpliciter, sicut & corruptio, cum e contra mutatur illud esse simpliciter in non esse. Quid sit autem illud subiectum commune utrique forma, scil. materia, an sit non ens? Respondet esse ens in potentia, non vero ens actu, solum autem habet esse non ens ratione priuationis adiuncta, quia caret forma. Et sic non fit generatio ex non ente omnibus modis, sed ex ente in potentia.

SVMMA CAPITIS III.

Explicata quaestione an est, circa generationem simpliciter, scil. eam dari, in hoc cap. explicat quid sit. Et facit duo. Primo docet quid sit generatio, & alteratio. 2. Differentias inter eas assignat.

Circa 1. supponit differre accidentia à substantia quia illa inhaerent in ista, ut albedo in homine, & circa utrumque posse dari mutationem, videmus enim aliquando hominem substantialiter perire, aliquando secundum accidentia, ut secundum colorem vel calorem mutari. Quo supposito dicit alterationem esse mutationem circa qualitatem eodem subiecto sensibili manente, ut dum calefit aqua, quae prius erat frigida. Generatio vero substantialis, est mutatio secundum totam rei substantiam, vel subiectum, & ideo non manet idem subiectum sensibile, ut cum ex ligno generatur ignis, solum enim manet materia prima, quae non est secundum se sensibilis, sed ratione formarum.

Circa 2. ad tradendum differentias inter alterationem & generationem, supponit quod in ipsa generatione aliquando sit etiam transmutatio qualitatum, ut cum ex aqua frigida fit ignis calidus, aliquando non sit mutatio qualitatum, quia similis qualitas manet in genito, & in corrupto, non vero contraria, v. g. cum ex aqua fit aer, in utroque manet diaphaneitas, seu transparentia: Hoc supposito assignat duas differentias inter alterationem, & generationem. Prima ex parte termini producti, quia in alteratione producitur qualitas, in generatione vero forma substantialis. Secunda ex parte subiecti, quia subiectum alterationis est materia informata, seu facta in actu, generationis vero est materia prima informabilis, quae est ens in potentia.

SVMMA CAPITIS V:

AB hoc cap. incipit Phyls. tractare ea quae generationem consequuntur, vel concomitantur. Et 1. agit de augmentatione, & nutritione in isto cap. In quo tria praestat. Primo ponit differentiam augmentationis ab alteratione, & generatione. Secundo explicat modum quo fit augmentatio, & diminutio. Tertio explicat quomodo differat nutritio & augmentatio.

Circa 1. dicit augmentationem differre ab alteratione & generatione in duobus, Primum ex parte terminorum ad quos, quia alteratio est ad qualitatem, generatio ad substantiam, augmentatio autem ad quantitatem. Secundo, quia id quod generatur, vel alteratur, non necessario mutat locum, ut cum in eodem loco corrumpitur lignum, & fit ignis, augmentatio autem cum fa-

existens contritionem. Et sola secunda acceptatio contactus pertinet ad praesens. Denique con-
suetudo dicitur. Alter autem sit, quod agens & patiens habent contrarias qualitates. Secundum est quod mo-
tus contrarius sit. Habet, quum agere, sumendo agere striile: ut opponitur passioni, quae est tam
contraria, & sic agere est mouere ad dispositionem ad corruptionem, quod non omni mouere conuenit.

SVMMA CAPITIS VII.

In hoc cap. & duobus seqq. agit Philof. de actione & reactione, & quidem in hoc cap. ex-
plicat de actione agentis, & passi, tum absolute, tum quando mutuo repatiuntur. In sequen-
tibus addit de utriusque opinionibus antiquorum circa modum agendi & patiendi. Et tandem in capite
7. de repatiis sententia explicat quatuor conditiones ad agendum & patiendum requisitas. Igitur
in hoc 7. cap. sunt tria. Primo explicat conditionem, & naturam agentis, & passi quantum ad
hoc, quod debet passum esse simile agenti, vel dissimile. Secundo, quantum ad hoc quod agens
repatiatur à passio. Tertio capitulat, ad quod genus causa pertineat agens & passum.

Quoniam ad primum refertur in primis duas Philosophorum opiniones, quarum prima dicebat
agens & passum debere esse dissimile, si enim utrumque esset simile non esset maior ratio cur hoc agat,
quam illud. Secunda dicebat debere esse similes, quia quae sunt disparata & dissimilia, non agunt,
ne patiuntur, ut albam non agit in albe, neque in graue aut leue. Et utrumque Arist. re-
uenit ut dimittatur. Quod enim non possunt omnino esse similia probat, quia non esset ratio cur al-
terum esset agens, alterum patiens, & quia alias multo magis atiquid in se ipsum ageret, si ageret
in omnino simile. Quod vero non possunt esse omnino dissimilia constat, quia agens & passum non
possunt esse omnino diuersa, ut calor & quantitas quae in se non agunt, sed debent esse contraria,
contraria autem sub eodem genere sunt, & sic habent aliquam conuenientiam & similitudinem.
Quare ex hoc colligit, quod agens & passum pariter debent esse dissimiles, scilicet à principio a-
ctionis, quia tunc contraria sunt, pariter similes, si dicat in fine actionis, quia agens intendit a se mis-
lere sibi passum.

Circa secundum an videlicet agens repatiatur à passio supponit duas diuisiones. Prima, quod
mouens, aliud est primum, scilicet a quo primo incipit motus, aliud vltimum scilicet, quod est
immediatum mobili. Secunda alterius aliud est primum, scilicet quod alterat, & non alteratur,
ut calum, ut medicus qui curat, & non alteratur ab agrotato: aliud est vltimum, quod per se attingit
passum ut medicamentum in sanatione. Sic ergo respondet, quod quando agens & passum ha-
bent materiam communem & eiusdem rationis, agens potest repati fieri omnia sublimitas quia
habent materiam communem, id est admuticem transmutabilem. Quae vero non habent mate-
riam communem, ut calum respectu sublimarium, ita agunt, quod non repatiuntur. Et uno
verbo primum agens seu alterans non repatiatur sed vltimum.

Circa tertium docet, quod agens pertinet ad genus cause efficientis, tum quia ab eo incipit alte-
ratio, efficiens autem est vnde incipit motus, tum quia non pertinet ad aliud genus cause, non ad
finem & formam quia agens est actus agens quando ab eo egreditur actio, tunc autem nondum
sunt finis, nec forma, quia si essent, cessaret actio. Nec pertinet ad genus cause materialis, quia hoc
patiatur, & sic potius ad eam pertinet passum.

SVMMA CAPITIS VIII.

Dvo facit. Primo proponit tres opiniones antiquorum Philosophorum circa modum agendi
& patiendi. Secundo refutat illas. Circa primum, opinio prima fuit Empedoclis, quod
corpora agebant ad muticem, & patiebantur, quatenus unum habet poros, vel concan-
tates, quibus alterum subintraret quasi penetrat, & sic fit mixtio, & mutua actio. Secunda o-

pinio fuit Democriti & Leucippi: ponentium eosdem poros, sed plenos athomis seu corpusculis, quod cum essent discontinua aliquid vacui relinquebant per quod mouebantur, & per congregationem eorum fiebat generatio, per disgregationem vero corruptio. Tertia opinio fuit Parmenidis & Melissi qui ponebant omnia esse vnum in mundo, segregari autem per vacuitatis aliquam, remoto autem vacuo omnia vnum esse, & similiter vacuum requirebant, vt esset motus, nam si moueretur per plenum, dicebant penetrari corpora.

Circa 2. comparatis ista opinionibus inter se, & in quo conueniant & differant, quod non multum interest, impugnatur opinioniones illas duas de poris, & athomis. Et quidem impeditur opinio- nem reducit ad secundam, non enim differunt, nisi quia secunda opinio ponit illas vacuitates plenas corpusculis, seu athomis, prima vero solum ponit illa foramina, seu poros, quibus subintrent alia corpora minuta ad agendum. Superflue autem inquit ponit istos poros ad istum modum actionis, quia vel corpuscula eorum intrant tanquam partes solidas, vel non. Si non tangunt, ergo neque intra illas agunt. Si tangunt, etiam sine poris ab extra approximata tangunt. Secundam vero opinionem de athomis latius impugnat, sed breuiter id probatur, quia vt ista opinio dicit, actio, & passio fit per vacuum, sed ipsa athoma non habeant vacuum, ergo nec agunt nec patiuntur inter se. Cum omne quod agit est molle, vel durum, aut aliqua simili qualitate affectum, sed corpus indiuisibile, neque est molle, nec durum, &c. ergo non agit, nec patitur.

SVMMMA CAP. IX.

IN hoc cap. ad statuendam veram opinionem circa modum actionis, & passionis duo facit. Primo ponit conditiones requisitas ad agendum, & patiendum, Secundo ostendit opinionem Democriti de athoma desinere generationem, alterationem, & augmentationem.

Circa primum, conditiones requisite ad actionem, & passionem reducuntur ad quatuor. Prima quod agens sit in actu, & passum in potentia, sicut ignis agit vt actu calidum, lignum patitur vt est in potentia ad calorem. Secunda quod agens, & passum se tangant, vel immediate se sic agens vltimum & immediatum, vel mediate si sit remotum, sicut sol mediante aere tangit terram. Tertia conditio quod agens, & passum non sint continua, id est similia & eiusdem rationis in agendo, alias enim in continua secundum quantitatem bene possunt agere & pati, sicut pars corporis calida calefacit non calidam. Quarta quod sint in debita propinquitate, & vnum intra sphaeram actionis alterius. Excludit autem quintam conditionem, quam aliqui posuerunt, scilicet quod passum non secundum omnem partem patiatur, quod est falsum, quia si passum est diuisibile, & habet partes, si omnibus applicetur agens secundum omnes patitur.

Circa 2. ostendit opinionem Democriti praeced. cap. relatiui tollere alterationem, & augmentationem. Alterationem quidem, quia constat posse totum corpus alterari calore, vel frigore sine ulla diuisione corporis, illi autem athomi intra poros congregantur generatione, & disgregantur corruptione, quod sine diuisione esse non potest. Augmentationem vero tollit, quia in augmentatione qualibet pars debet augeri, in illa autem opinione non datur pars quae augeatur, sed omnia sunt indiuisibilia & deinde solum apponuntur athomi ad athomos, quod non est augeri inter se, sed per iuxtapositionem.

SVMMMA CAP. X.

IN vltimo 2. cap. agit de mixtione, quae maxime conducit ad generationem eorum, quae fiunt ex elementis. Distinguitur autem hoc cap. in tres partes. In primo ostendit dari mixtionem; in secunda explicat quomodo mixtio fiat. In tertia colligit quid sit indiuisibile, & quid sit ipsa mixtio.

Circa

Circa primum refert opinionem negantium mixtionem hoc argumento, quia ea quae miscetur, vel permanent sicut entia, vel corrumpuntur, vel vnam permanent, & aliud corrumpitur. Si primum, & tertium non fit mixtio, quia quod se habet sicut ante non miscetur, quia non mutatur. Si secundum, ex re destructa, & non existente, non fit mixtio, ergo. Respond. Phylol. dari mixtionem, eamque distinguit a ceteris mutationibus. Datur quidem mixtio, quia miscibilia manent in mixto non secundum actum, sed virtute & potentia, & sic ex ipsis alteratis, & per suas qualitates manentibus, fit mixt. O. Distinguitur autem a reliquis mutationibus, a simplici quidem generatione, quia in ea totaliter aliquid corrumpitur, non ex concurrentia plurium, & cum virtuali eorum permanentia, aliud generatur. Ab alteratione differt, & augmentatione, quia quod alteratur, & augetur, idem permanet facta alteratione, & augmentatione, quod vero miscetur, facta mixtione non manet idem, sed mutatur in aliud.

Circa secundum refert primam duas opiniones antiquorum circa mixtionem. Prima dicebat fieri mixtionem per diuisionem in partes minutissimas, quae secundum se diuisibiles, sed ad sensum non amplius diuisibiles apparent, sicut si si vna tritici miscetur sinui herdei. Secunda dicebat, quod mixtio fit per diuisionem in minima, quae non solum secundum sensum, sed etiam secundum se non sunt amplius diuisibilia. Vtrunque refutat Phylol. quia secundum hoc mixtio non esset aliud quam aggregatum plurium in vno loco, quorum quodlibet secundum se integrum maneret, & ad alio separatum, licet sensus id non discerneret: vnde vterius fieret, quod mixtio non esset homogeneum, id est, quod quilibet pars mixti non esset mixta, cum tamen oppositum videamus, mixtio enim conuenit toti & partibus. Repugnat etiam diuidi continuum in partes amplius indiuisibiles, alioquin ex indiuisibilibus continuum componeretur quod in 6. Physic. explosum est.

Verum ergo modum mixtionis tradit explicando tres eius conditiones. Prima, ut miscibilia sint natiua actiua, & passiva, quae enim mutuo non agunt, non miscentur, sicut ea quae non habent materiam eiusdem rationis. Secundo, ut facile cedant, & diuidi possint, sicut mollia, & humida facile miscentur, non dura vi lapidis, & ferrum. Tercio, ut non sint nimis magna, quia haec difficile alterantur, sed in paruas partes diuiduntur, ut vna possit aliam intrare agendo in aliam, & facile alterando. Quare mixtio ita fit secundum istas condiciones, ut proportionetur actiuitas vnius resistentiae alterius, & sic in vnum temperamentum conueniant, nam si vnum nimis vincat alterum, non fit mixtio sed simplex corruptio, & generatio, ut si in amphoram vini cadat gutta aquae.

Circa tertium docet quod impossibile est illud quod laegit, & illud quod patitur, ut ex vtroque fiat mixtum secundum temperamentum. Mixtio autem est Miscibilium alteratorum vnio.

SVMMA LIBRI II.

EXPLICATA generationis, & corruptionis natura, restat ad ipsa genera-bilia, & corruptibilia descendere. Et primo occurrunt elementa, quae sunt corpora simpliciora in genere corruptibilium, deinde mixta, quae ex eis constant. Et quatuor facit. Primo explicat principia generationis elementorum & eorum numerum. Secundo explicat ipsam elementorum generationem. Tercio, generationem mixtorum. Quarto, vniuersales causas generationis, & corruptionis, eiusque perpetuitatem.

SVMMA CAPITIS I.

Agit hoc cap. de principio materiali elementorum. Et primo relatis his quae in primo libro tractata sunt, reuertit varias opiniones antiquorum, qui pro principio materiali elemento-

ruin ponebant aliquod corpus : alij vnum tantum scilicet aërem, vel ignem : alij plura vt ignem, & terram, vel etiam aërem & aquam, &c. alij dixerunt esse vnum receptaculum omnium formarum, non explicantes, quid per illud receptaculum intelligerent : hac inquam reiecit, & suam sententiam explicat, quod principium materiale elementorum non est aliquod corpus sensibile, sed materia prima, quæ potest esse pars cuiuslibet corporis, nec tamen est separata ab omni forma substantiali, neque ab omni contrarietate, id est ab omni prima qualitate, & ita per hanc contrarietatem fit transmutatio de vna forma ad aliam, & circa talem materiam tanquam circa subiectum commune sunt generationes, & corruptiones elementorum. Et hoc ideo quia contraria non possunt agere ad inuicem, & transmutari, nisi ratione alicuius subiecti communis, in quo exerceatur, & fiat transmutatio elementorum.

SVMM A CAPITIS II.

Asignat in hoc cap. principium formale seu formas elementorum, non quidem formas substantiales, sed accidentales. Et duo facit. Primum docet formas istas elementorum debere esse formas tangibiles non quascunque, sed primas. Secundo enumerat omnes qualitates tangibiles, & ostendit quatuor ex eis esse primas ad quas ceteræ reducuntur.

Circa 1. ostendit formas propriæ elementorum debere esse qualitates tangibiles, quia elementa considerantur vt generabilia, & corruptibilia, ergo vt actiua, & passiua, sed exercent passionem, & actionem per contactum, ergo propriæ eorum forme sunt qualitates vt tangibiles & cum sint prima corpora, debent esse primæ qualitates tangibiles.

Circa 2. reducit omnes qualitates tangibiles ad septem contrarietates quæ attingit tactus, scilicet calidum & frigidum, humidum & siccum, graue & leue, durum & molle, lubricum & aridum, asperum & leue, crassum & tenue. Ex quibus, duæ, scilicet graue & leue sunt principia actionis quæ est motus localis. Reliquæ vero reducuntur ad quatuor illas primas, scilicet calidum & frigidum, humidum & siccum, quia sunt prima in agendo & patiendo, & ideo sunt propriæ forme primorum corporum generabilium, quæ generantur & corrumpuntur per actionem, & passionem. Calidum actiua, & frigidum sunt actiua, quia calidum est, quod congregat ea quæ sunt eiusdem generis, frigidum, quod congregat ea quæ sunt diuersi generis. Humidum & siccum sunt passiua, quia humidum est, quod facile cedit alienis terminis; siccum quod difficile alienis, & facile continetur proprijs.

SVMM A CAPITIS III.

In hoc cap. duo facit Philosophus. Primo ostendit numerum elementorum, esse quatuor. Secundo docet, quæ loca, & quæ qualitas committitur in quolibet elemento.

Circa primum ostendit numerum elementorum ex combinationibus quatuor primarum qualitatum, & ex auctoritate antiquorum. Ex combinationibus quidem, quia quodlibet elementum debet habere duas qualitates, vt per vnam conueniat cum vno elemento, per aliam differat. Non possunt autem combinari duæ qualitates contrariæ, quia se excludunt, sed hæc ergo debent combinari non contrariæ. Istæ autem solum quatuor modis combinari possunt, scilicet calidum & siccum, calidum & humidum, frigidum & humidum, frigidum & siccum, ergo tantum erunt quatuor elementa, quia tantum sunt quatuor combinationes. Ex auctoritate id probat, quia nullus antiquorum excessit quaternarium numerum elementorum licet aliqui maiora posuerint.

Circa secundum attribuit elementis, vt vno quod sit per aëra, scilicet ignis, & aer habent superiorem locum sub celo, inferiora vero scilicet aqua & terra, inferiorem, id est circa centrum.

Secundo quod extrema scilicet ignis, & terra puriora sunt, quam media. Tertio superiora esse inferioribus contrariis. Quarto igni dominari calorem, aeri humiditatem, aquae frigiditatem, terra siccitatem.

SVMMA CAPITIS IV.

A Bisto cap. incipit agere Phylsoph. de generatione elementorum per tria capita sequentia. Et in isto primo ponit quatuor regulas ad dignoscendum, quomodo elementa in inuicem transmutantur. Et supponimus alia esse elementa disymbola, seu extrema, quae scilicet non conueniunt in aliqua qualitate ut ignis, & aqua, alia media quae in aliqua qualitate conueniunt ut ignis, & aer, aqua, & terra.

Prima ergo regula est, absolute loquendo quodlibet elementum potest conuerteri in aliud, siquidem contrarietatem aliquam habent. Secunda regula, facilius est transmutatio inter symbola elementa quam inter disymbola, quia in illis est minus contrarietatis, quam in istis. Tertia regula, ex duobus disymbolis facilius tertium aliquod generatur, quam unum disymbolum ex alio, ut ex igne & aqua facilius generatur aer, quam aqua, vel ignis, siquidem plus contrarietatis est vincendum, ut inter se transmutentur, quam ut in unum tertium conspiciant. Quarta regula, ex duobus elementis symbolis non generatur tertium, sed unum ex alio, sunt enim facilius transmutationis.

SVMMA CAPITIS V.

I nquiris in hoc cap. Aristot. de materia ex qua fit transmutatio elementorum, nam licet supra determinauerit, quod sit materia prima, quae est communis omnibus, hic specialiter contra aliorum opiniones procedit; aliqui enim ponebant aliquod corpus completum seu ens in actu esse materiam huius transmutationis, siue unum corpus seu elementum esset, siue plura. Alij vero ponebant non omnia elementa esse transmutabilia ad inuicem, sed solum symbola. Alij nulla omnino esse ad inuicem transmutabilia. Et priores opiniones refutat in prima parte, scilicet alteram vero in secunda parte. Primum vero opinionem in seq. c. refutat. Priores ergo opiniones contra quas saepius egis praefatione. Phylsoph. ex hoc impugnat, quia si aliquod ens completum & in actu esset principium transmutationis elementorum, talis transmutatio esset alteratio, non substantialis generatio, quia materia per se in actu & completum sub utroque termino, ergo eius esse substantiale, & principium transmutationis, sed accidentale & superadditum.

Secunda pars ostendit contra praefatam sententiam omnia elementa etiam disymbola esse transmutabilia, quia habent contrarietatem ad inuicem, & sic agunt & patiuntur, & transmutantur. Et secundo ostendit nulla elementa, nec extrema, nec media esse principium generationis aliorum, quia si omnia non generabilia, nullum est principium generationis, quia principium generationis est ingenerabile, alias esset processus in infinitum.

SVMMA CAPITIS VI.

R eferit in hac. 2. sententiam, quae est Empedoclis, quod scilicet nulla elementa sint ad inuicem transmutabilia. Quam sententiam dupliciter coarguit. Primo eam contradictionis arguendo. Scilicet unlo a impossibile deducendo. Contradictionis quidem arguit, quia Empedocles facit elementa esse ad inuicem comparabilia, quae comparatio fieri potest, aut secundum quantitatem, aut secundum virtutem seu qualitatem, vel eiusdem speciei, vel diuersae. Quae autem sunt comparabilia sunt etiam transmutabilia, quia agunt & patiuntur. Ad impossibile autem deducit, cum quia tollit argumentum, id est quod posuit unum elementum crescere, si non potest de alio transmutari.

est principium tantum ut res sit, & ab ea res habet speciem, & cum ea coïncidit finis, quia eius gratia operatur agens in materia. De efficiente vero est tota difficultas.

Circa 2. ergo proponit duplicem opinionem antiquorum circa causam efficientem. Prima fuit Platonis, qui posuit ideas seu species separatas sui in materiam causare specierum, & per abiectionem corrumpere. Alia fuit opinio, quæ non distinguebat materiam ab efficiente, sed ipsam dixerunt esse transmutationis principium, per qualitates, quas habet, ut per calidam & frigidam. Reperit autem primam opinionem, tum quia si idea separata per sui impressionem faceret res, cum ista idea semper sit eadem, semper faceret idem, non autem modo faceret, modo non faceret, tum etiam, quia in artificialibus datur efficiens, præter ideam, ut medicus efficitur sanatus, & doctor docet, ergo etiam in naturalibus, quia ars imitatur naturam. Secundam autem opinionem reperit, tum quia materia est pura potentia passiva, ergo non est principium actuum, seu efficiens sed passivum; tum quia in arte, instrumenta & materialia non se movent, sed moventur ab arte, ergo & in natura materia non movet, sed moventur, quantumcumque habeat illas qualitates, sicut fera licet habeat qualitatem ad fundendum, nisi moventur ab alio, non movet.

SVMMA CAPITIS X.

In hoc c. tradit sententiam suam de causa efficiente generationum. Et tria facit. 1. Repetit & supponit ea quæ in 8. Physic. dixerat de unitat. primi motoris, & primi motus. 2. Proponit dubium de varietate generationum & corruptionum unde proveniat. 3. Colligit quadam corollaria.

Circa 1. supponit, quod dictum est in 8. Physic. sc. dari unum primum motorem, & unum primum motum circulatorem. & per se continuū per quem primus motor est causa perpetuitatis generationum, quia cum ille motus sit perpetuus atq; continuus, rationabile est quod sit causa reliquorum motuum, qui non semper sunt, potius enim id, quod est, debet esse causa eius quod non est, quam e converso.

Circa 2. oritur ex hoc statim dubium, quia idem manens idem semper facit idem, sed primum mobile est idem, & motus eius semper unus, ergo non alterabunt generationes & corruptiones, sed semper idem facient, cuius oppositum videmus. Resp. Arist. quod in calo est duplex motus. Alter uniformis ab oriente in occidentem, qui est proprius primi mobilis, & iste non causat varietatem generationum & corruptionum. Alter est non uniformis, sed constat accessu & recessu ad nos. & huius causat sol per Zodiacum & ratione huius causatur varietas generationum sicut accedente sole ad nos in puncto arietis omnia revirescunt, recedente autem in puncto libri a decrescunt. Et si non manet semper idem & secundum illas partes contrarias accessus, & recessus, causat contrarios effectus generationum & corruptionum.

Circa 3. colligit duo corollaria. 1. Quod singulis viventibus si certa est certa ac determinata vita periodus, & terminus. 2. Quod generationes & corruptiones possunt esse perpetue, quia causa earum efficiens quæ est Sol, habet perpetuum motum & perpetuitatem generationum intendit. Porro ostendit quod sicut dictum est in 8. Physic. & 12. Met. si motus est, motor est, & si motus est continuus, & perpetuus, motor debet esse sempiternus, ad quem omnes motus reducuntur.

SVMMA CAPITIS XI.

In hoc c. intendit probare Arist. generationes non esse perpetuas quasi in rectū, sed circulariter. Et ad hoc facit tria. 1. quoddam præmittit ad probandum interitum. 2. probat illud. 3. solvit duo dubia.

Circa 1. supponit quoddam generationes esse necessarias, quæ scilicet habent causam determinatam, ut quod erat Sol, quasdam contingentes, ut quod erat Petrus ambulet. Supponit 2. quod quidam in vna generatione est tota materia alterius ex generat. prioris sequitur posterioris generatio, sicut ex evaporatione sequitur nubes, ex nube pluvia. Si vero generatio unus non sit tota materia

tertia alterius, sicut fundamentum non est tota materia domus, ex generatione prioris non sequitur posterius; licet & contra generata domo sequitur fuisse generatum fundamentum.

Circa 2. probat generationes esse perpetuas per circulum & regressum in idem, nam per rectam tendentiam in res semper diuerfas, sine regressu ad priores. Si enim esset semper tendentia recta si esset finita, tandem consumeretur, & sic non esset perpetua. Si infinita non haberet primum & ultimum, & sic vnum non esset propter aliud tanquam propter finem, quia ibi non est finis, unde ex positione vnius non esset necessarium ponere alterum. In circulum autem videmus perpetuari generationis propter circularem motum, quo eadem semper regrediuntur sui temporis, & sic Sol extrahit vapores, & isti coeunt in nubes, nubes resoluitur in pluiam, & terra madefacta iterum euaporat & facit nubes, est quoque inter istas necessaria series, quia vnu dicit totam materiam alteri.

Circa 3. ponit duo dubia. Primum, cur in quibusdam est circulus in generationibus, ut vapor, nubes, pluuia, in alijs non, ut inter homines & animantia. Resp. quod in illis vnum est tota materia alterius, non in his, tota enim materia nubis est vapor, tota vero materia hominis non est pars eius. Secundum dubium, an ita sit circularis generatio, quod regrediuntur in idem numero iam corruptum, vel solum in idem specie? Resp. quod ea quae in transmutatione non corrumpuntur in substantia, reuertuntur eadem numero, ut idem Sol qui secundis oritur. Quae vero in substantia corrumpuntur non reuertuntur eadem numero, sed specie.



TRACTATVS I.

De Metheoris in communi.

CAPVT PRIMVM.

*Qua materia, qua causa sint Metheorologica-
rum impressionum.*

Elicita causa finali, quæ ad præ-
sens non spectat, & forinali,
quam secundum speciales ra-
tiones specialiter sumus expli-
catum de materialibus, & efficien-
ti in communi ageamus.

*Est ergo aduertendum, quod proxima ma-
teria huius impressionum Metheorologi-
carum est duplex scilicet vapor, & exhalatio.* Vapor est quidam subtilis halitus, qui
ex humore aqueo procedit, seu procedit,
sicut videmus in olla feruenti, quæ euaporat
ex se subtiliores partes, quæ vi caloris ele-
uantur in sublime, sic ex aqua virtute solis,
& astrorum eleuantur vapores, ex quibus
sunt pluuie rores, &c. Exhalatio autem est
halitus quidam, qui ex terra educitur vir-
tute solis & astrorum, ideoque sicus ex
tali adustione, & ex hac sunt Metheora sic-
ca & ignita, vt venti, tonitrua, fulmina, co-
metæ, &c. Et sic vtraque hæc retinet speciẽ
fumi, & in vtrisque est calor non proueniẽs
à corpore à quo educuntur, sed impressus à
causaficiente, à quo eleuantur. Et vapor qui-
dem non ascendit vltra mediam aeris regio-
nem, exhalatio verò etiam ad tertiam &
supremam partem ascendit. Cuius ratio est,
quia secunda aeris regio cum sit frigida, vt
statim dicemus, quãdo ad eam peruenit va-
por, qui est nature aqueæ statim concresecit,
reduciturque in aquam sicut videmus, quod
in hyeme, si ad inspirationẽ oris manum ad-
moueamus, ipse halitus in humorem aquamque
concresecit; exhalatio autem, quia nõ est na-
ture aqueæ, non concresecit ibi à frigore, sed
potest vltius ascendere, quãuis sæpẽ mi-
xta cum vapore ipso concresecit ibi sicut,

Pars II. Physic.

vt dicemus tractantes de nube, aliquando
deorsum impellatur, sicque generantur ven-
ti. Vt autem exhalatio ista igne corripatur,
sicque fiant ex illa metheora ignita, non de-
bet esse summe sicca, sed pinguedinem ali-
quam retinere, quia summa nutriatur, quod
enim summe siccum est flammam in se ne-
quit sustinere, sicut patet in cinere, qui ab ig-
ne consumi non potest. Porro *aduertendum
est, quod ista materia Metheororum, sc. va-
por, & exhalatio, solum ex duobus elemen-
tis prodit scilicet ex aqua, & terra, quia illa
solum sunt vaporabilia, & habent partes
crassas, & subtiles, per quarum segregationẽ
fit euaporatio, & probabilius apparet, quod
specie non differunt ab elementis, à quibus
educuntur, quia solum differunt ab illis pe-
nes raritatem, & densitatem, & ideo per so-
lam condensationem vapor reducitur ad a-
quam. Vnde easdem proprietates retinet
cum aqua. Qui autẽ dixerit specie differre,
sed ob imperfectionem istarum specierum
posse mutuo de vna ad aliam fieri transitum,
nihil improbabile dicet, præsertim in va-
poribus, & exhalationibus, quæ euaporantur
ex mixtis, sicut v.g. in humoribus quæ à cor-
pore animalis resoluuntur, & exhalantur.*

*Causa efficiens impressionum Metheoro-
logicarum est etiam duplex. Vna per se, alia
per accedens; per se est virtus solis, astro-
rumque & cæterorum corporum cælestium
imprimantium elementis, vt in his generẽ-
tur Metheora, istæ enim causæ calore suo
exhalant vapores & exhalationes subtili-
zando & segregando partes subtiles à cras-
sis separant; ex calore vero imprimunt le-
uitatem, vt sursum ferantur, quia calor im-
mediatè, & per se non mouet loco, nec pro-
ducit vbi, sed leuitas, quæ ad calorem se-
quitur. Deinde in sublimi ea inflammant*

L1

mediante

mediante motu, aut alijs dispositionibus, vel etiam coagulant, si humida sint, aut disponunt, vel mouent secundum diuersas formas Meteorologicas, vt videbimus in progressu. Causa autem per accidens, quæ vt in plurimum concurrit in his Meteoris est antiperistasis, id est circumobstentia, contrarij, tunc enim crescit aliquod contrarium ex eo quod à suo contrario circumdatur, & obsidetur; quæ causa dicitur per accidens, quia circumdatio contrarij non influit in illum effectum, sed est occasio talis effectus, & ex crescentia eius, vt pluribus explicauimus in q. 5. de gener. art. 1.

CAPVT II.

Quæ sint loca in toto vniuerso vbi accedunt Meteorologica impressiones?

Tota hæc vniuersi machina ex elementari, & coelesti mundo consistit; coelestis constat vndecim sphaeris, seu corporibus simplicibus, quorum primi septem ab orbe Lunæ vsque ad orbem Saturni septem Planetis deputantur. Primus, scil. Lunæ Secundus Mercurio. Tertius Veneri. Quartus Soli. Quintus Marti. Sextus Ioui. Septimus Saturno. Quorum motus varij sunt, & eorū magnitudo diuersa, vt explicauimus in libris de cælo. Supra hos septem orbes Planetarum est firmamentum seu Aplane qui continet stellas fixas, quarum licet immensis sit numerus, eas tamen quas Astrologi obseruarunt, in sex quasi classes magnitudinis diuersæ distribuunt, de quibus in libris de cælo actum est. Supra firmamentū collocatur nonus orbis, qui dicitur Christalinus, eo quod nullum habet astrum, sed est perfectè diaphanus, & hic orbis est, qui in sacris litteris vocatur aqua super cælos posita, non enim ibi sunt elementares aquæ, & fluidæ, sed cœlestes vt D. Th. 1. p. q. 7. a. 1. explanat; mouetur autem, orbis iste motu proprio ab occidente in orientem, quadraginta nouem millibus annorum secundum computationem Alfonso Regis, vel secundum Ptolomeum triginta sex millibus. Su-

pra hunc est decimus orbis, seu primum mobile qui summa rapiditate hoc est 24. horis mouetur ab oriente in occidentem, secumque rapit omnes inferiores sphaeras, & efficit motum diurnum. Vltimo constituitur a Theologis cælum Empyreum, hoc est igneum, seu lucidissimum. De quo agit D. Th. 1. p. q. 6. a. 3. & vt notat Doctor sanctus, hoc cælum non inuenitur per rationes astrologicas, cum non moueatur, sed ex autoritatibus sanctorum videlicet Basilij Hom. 2. in Hexameron à medio, Bedæ & Strabi super 1. cap. Genes. Est autem cælum hoc ad gloriam Beatorum ordinatum, & ideo perpetuo quiescit, pulchritudine summa, lucequè conspicuum, quæ tamen ob sui raritatem radios in nos non emittit, vt videri possit; & creditur ex parte superiori quadratum esse non rotundum iuxta illud Apocalypsis 21. Ciuitas in quadroposita est.

Elementaris autem mundus quatuor simplicibus corporibus seu elementis constat, scil. igne aere, terra, & aqua. Et relicto igne, qui ob sui acrimoniam omnia consumit, in reliquis omnibus Meteora contingunt, præsertim verò in aere, qui in tres regiones diuiditur, suprema, quæ nubes excedit, & ob ignis vicinitatē estrarior, & calidior, alia media vbi nubes & pluuia generantur, & quæ frigida est infima deniq; nostris hic visibus deseruiens, quæ calida est ob reflexionē radiorum Solis, & terra iterū ascendentium, quæ reflexio terminatur vsque ad mediam aeris regionē. Has autem diuersas regiones experientia docet, altissimi enim montes superant non solum hanc nostram regionē, sed etiam secundam, & vsque ad tertiam transcendunt, vt Olympus in Thessalia, de quo S. Aug. refert 3. de Genes. ad litteram c. 2. aerem in eius vertice esse adeo tenuem, vt neque aues, neq; homines sustinere valeat. Licet autem ex natura sua aer sit summè humidus, & excellenter calidus, in suprema tamen regione calidior est ob vicinitatem ignis, quam natura sua postulat, in media regione frigidior, quam eius naturalis

conditio exigat inuenitur. Tum propter vapores ipsum refrigerantes. Tum propter defectum radiorum solis, & elongationem ab igne. Tum propter antyperistatim. Nec tamen ideo aer istius regionis grauior est aere nostro, quia noster aer ob multas terræ concreciones spissior multo est, & crassior, ideoque in infima parte ponendus. Nec violenta censenda est hæc frigiditas in aere cum & vniuersali naturæ consentanea sit, & na-

turali concursu causarum fiat, & à dispositione naturali ipsius aeris sit, mediante inter duas regiones calidiores.

Igitur secundum ordinem elementorum disponemus tractatus de meteoris, vt primo de his, quæ in aere generantur, deinde de his, quæ in aqua, & mari contingunt, & tertio de his, quæ in terra fiant dicamus, prius tamen oportet inuestigare, an in cœlo possint esse metheora.

TRACTATVS II.

De impressionibus cœlestibus quæ in ipso cœlo videntur.

CAPVT PRIMVM.

De Galaxia, seu circulo lacteo.



APPARET serena nocte in cœlo via quædã, seu circulus candidus ad modum lactis, qui à Græcis Galaxia dicitur, à latinis via lactea, de qua Ouidius primo Metamorp.

Est via sublimis cœlo manifesta sereno.

Lactea nomen habet candore notabile ipso.

Adeo autem notabilis, vt in diuersas opiniones, & fabulas mentes Philosophorum, ac poetarum diuerterit. Nota est fabula de lacte opis, seu Iunonis, ex cuius aspergine lacteam illam viam emeruisse finxerunt. Alij ex casu Phaetontis semita illam relictã. Alij ex conuersione solis ad orientem ob facinus Thiestis. Huiusmodi igitur nugis relictis varias Aristotel. refert Philosoph. sententias in cap. 8. i. meteorum lectione 12. apud D. Thom. de huiusmodi circulo. Quorum quidam ad calorem, seu ignem, qui in cœlo sit, eius causam retulerunt: qui ex eo coarquantur, quia elementarem qualitatem, aut substantiam in cœlestibus ponunt, cuius oppositum late demonstrat Philos. in 1. de cœlo. Alij vero putarunt illum circulum esse splendorem aliquarum stellarum, quæ à

sole propter vmbra terræ non aspiciuntur, & sic nec obscurantur à splendore solis. *Sed hoc omnino falsum est.* Primo quidem, quia vmbra terræ, vt docent Mathematici non pertingit nisi ad orbem Mercurij, qui est secunda sphaera, non autem ad firmamentum: cum autem corpus solare sit maius tota terra secundum principia perspectiuorum, eius radij cœeunt post finem vmbra corporis opaci sibi oppositi. Vnde iunguntur radij solis post sphaeram Mercurij, vbi terminatur vmbra terræ, & sic totum firmamentum illustrat nec à terræ vmbra aliquid eius absconditur, & sic omnes stellas firmamenti aspicit. Et secundo etiã si non aspiceret, tamẽ cum sol in cursu suo annuali in diuersis partib. cœli, & Zodiaci ponatur, diuersimodè stellas respiceret, modo scilicet vnas, modo alteras, atque adeo non ex eisdem stellis constaret via lactea, quod est contra experientiam.

Arist. autem ponit viam lacteam non esse in cœlo, sed in suprema aeris regione, esseque quandam exhalationum copiam late diffusam, & à vi frequentium stellarum, quæ in ea parte cœli sunt, eleuatam quasi perpetuum quandam cometam flagrare, in ea enim parte, qua gignitur iste circulus magna frequentia, & spissitudo

stellarum est, quæ sporaticæ, id est, seminata dicuntur, à quibus perpetuo exhalatio illa eleuatur, & inflammatur in aere, sicque claritatem illam candidam emittit, quia sicut inquit Philoso. exhalatio eleuata ab aliquo sidere & inflammata, cometæ faciem exhibet, sic à multitudine stellarum, quæ sunt in illa cœli parte eleuata copia exhalationis, diffusam illam viam ostendit ad modum circuli lactis claritatem habentis; & signum, inquit, huius est, quia via lactea non est vbiq; similis, sed in vna parte ostendit duplum lumen, quam in alia. Cuius non est alia causa, quam multitudo exhalationum in vna parte conglobata, quæ in alia rarior est, & ideo tantam non iaculatur claritatem. Quod autem non fiat similis circulus sub zodiaco, in quo magna etiam stellarum frequentia est, manifesta est responsio, quia sub zodiaco non potest diu congregari exhalatio, quia dissipatur à nimio calore solis, & cæterorum Planetarum decurrentium in illo, sicut eadem de causa circa solem, & lunam non generatur cometes, quia dissipatur in breui exhalatio per motum, & calorem solis, ac lunæ, & ideo circulus lacteus interfecat, & diuidit zodiacum, protenditurq; à septentrione ad meridiem, cingens, & secans cœlum per sagittarium, & geminos.

Sententia Aristotel. contradicit vniuersæ astrologorum scholæ, & diutissima experientia, quæ circulum illum lacteum non in aere, sed in ipso Aplane, seu octaua sphaera, ponit, cum compertum sit ab observationibus astrologicis eodem motu moueri, quo octaua sphaera, & non est aliud, quam multitudo, & frequentia stellarum, quæ sibi propinquæ sunt, & exiguæ, & ita propter distantiam nimiam vna discerni nequit ab alia, sicq; omnes vnum videntur splendorem efficere, vel potius sunt partes quædam densiores octauæ sphaeræ, in quibus densius lumen recipitur, vt possit terminare visum, vt non transeat, sicut per diaphanum & ideo partes illæ densæ reflectunt lumen, & iaculan-

tur illud quod quia non adeo excellens est, candidum refert colorem. Sane quod Galaxia non sit in aere, neque ex inflammatione exhalationum resultet, multiplex experientia suader. *Primo*, quia impossibile est tantam, exhalationum copiam tanto circulo necessariam in tot annorum sæculis eodem semper tenore suppetere, & durare in aere, cum vix sit cometa, qui vno anno duret, nullus, qui ad duos annos peruenerit adhuc sciatur, præsertim quia in frigidissimis regionib. ferè nullæ exhalationes ascendant ob caloris penuriam ideoq; regiones aliquæ, quæ maximè ad Polum accedunt, ventis carere dicuntur; & tamen ibi apparet Galaxia. *Secundo*, quia cum circulus iste transeat per sagittarium, & geminos, quando sol decurrit, illa signa feruore suo dissiparet omnem exhalationem ei suppositam, sicque appareret tunc circulus diuisus Denique, quia si in aere esset, non videretur eodem modo ex omni parte terræ, sicut neque cometæ videntur sub eadem stella ex omni parte. Constat autem circulum istum ex omni parte terræ videri, & circa eadem astra. Signum ergo est in cœlo esse. Quare subiectum Galaxiæ, octaua sphaera est, vt diximus, vbi tanquam in luminoso corpore residet illa claritas, quæ per cœlos, & elementa diaphana defertur vsque ad nos, sicut lux solis.

Sed quid agemus de Aristot. Iauellus putat codicem, quem nunc habemus corruptum esse; quia secundum antiquam translationem, quam sequitur Albertus ponitur Galaxia in octaua sphaera. Sed mirum est, quod in translatione D. Thom. qui Alberti discipulus fuit, id non inueniatur? Sanè non improbabiler posset dici: quod licet Galaxia sit in octaua sphaera subiectiue, tamen quod color eius appareat candidus causatur ab exhalationibus aeris supposita densitate, aut multitudine stellarum, quæ in illa parte cœli sunt. Ita quod sicut cœlum ex ea parte, quæ diaphana, & rara est apparet caruleum, non quia caruleum sit in se,

in se, cum sit expert coloris, sed quia propter exhalationes continuas, & distantiam visus, ita apparet, sicut sol, aut luna, in ortu suo aliquando videntur ardere, ob eandem causam; sic in ea parte, qua cœlum modicè densum est, apparet album, non quia in se album sit, sed quia lux eius per aerem exhalationibus plenum traiciens, speciem candoris refert, & ideo ab exhalationibus causari dicitur ab Aristot. Galaxia. Hæc tamen non asseneranter dixerim, quia neque in auctore aliquo reperio.

CAPVT SECVNDVM.

De macula luna?

EXperientia docet in luna, præsertim quando plena est, apparere maculas quasdam, quæ effigiem hominis repræsentant, vel ut Alberto videtur, leonis caudam habentis versus orientem, caput versus occidentem. Sententias diuersas de illa refert D. Thom. 2. de celo lectione 12. Putarunt aliqui nihil tale in luna inueniri, sed visum nostrum hallucinari sicut collum co umbræ quando radijs solis opponitur coloribus quibusdam spargi videtur, qui tamen ibi non sunt. Sed cum hi non assignent causam deceptionis huius, decepti ipsi videnti sunt. Alij putant causam huius esse interpositionem alicuius corporis inter nos, & lunam, ob quam plene claritas lunæ videri nequit, sicque ex illa parte, qua illa corpora interponuntur obscuram videri, ac maculosam. Alij existimant maculam hanc esse imagines montium, ac nemorum, quæ in luna velut in speculo quodam resiliant in terra. Vtraque hæc posicio refellitur à D. Thom. quia ex illis sequeretur non videri lunam ex omni parte terræ cum eisdem maculis; quod experientia aduersatur. Etenim corpus quod interponitur inter nos, & lunam, non eodem modo interponitur ex omni parte terræ, & sic neque similem ex omni parte ymbra efficeret potest, sicut quando luna eclipsat solem, non ex omni

parte videtur eclipsis, quia non eandem seruat interpositionem, respectu omnis partis terræ, similiter, neque terra vbique eandem dispositionem montium, ac nemorum habet præsertim in mari, & sic non posset inde imaginem illam ymbrosam in luna tanquam in speculo vbique gignere, neque ex omni parte eodem modo apparere.

Vera igitur causa huius maculæ est dissimilitudo partium ipsius lunæ. Quædam enim sunt densiores, aliæ rariore; densiores plus imbibunt de luce, sicut etiam ferrum plus imbibit de calore, quam lignum; rariore autem minus, & ideo densiores plus lucis iaculantur, clarioreque apparent, rariore verò subobscuræ, & ymbrosæ propter paucitatem lucis. Habet autem hanc partium diuersitatem luna, eo quod cum infimum corpus sit inter cœlestia, accedit quodammodo ad naturalem elementaliū, ideoque quandam obscuritatem, & deformitatem habet quasi ipsis propinqua; & proportionata, sicut etiam terra; quia infimum, elementum est, magis grossum, ac deformis est cæteris, sic luna quia infimum est inter cœlestia deformitatem aliquam sortitur.

CAPVT TERTIVM.

Num in cœlo inter cœlestia aliquid de nouo generetur?

Rationem dubicandi præbuit portentosum illud sidus, quod apparuit anno Dom. 1572. inter sidera Cassiopeæ, quæ sunt tredecim, & cum tribus illarum perficiebat figuram quadrangularem, durauit autem duobus annis; & primo plus quam sidus primæ magnitudinis efulsit, ut pote qui stellam Veneris claritate superabat; deinde post menses aliquot visum est quasi tertie magnitudinis sidus, ac tandem euannuit. Nostris etiam diebus sidus aliud visum est nouum in cœlo circa annum 1603. tanta magnitudine ut caniculæ maioris amplius lumine videretur. Supponunt autem astrologi,

qui de ea rescripserunt illam stellam fuisse in cœlesti regione non in aere, sicut quibusdam visum fuit. Tum quia visa est eodē modo moueri, sicut astra, cum tamen cometæ qui sunt in aere, tardius ferantur. Tum quia quæ apparent in aere, non eodem modo videntur ex omni parte terræ. Stella autem illa, & in omni parte, & eodem modo vbique visa est, & ob eandem rationem non potuit esse exhalatio inflammata in aere sub aliquo sidere minori, quæ tunc faceret illud apparere maius. Tunc enim non posset ex omni parte terræ videri exhalatio illa, nec sub eodem sidere, præsertim quia cum exhalatio in aere tardius moueatur, quam sidus, non posset semper circa sidus apparere, cum non vniiformiter moueantur sidus, & exhalatio. Obseruatum etiam fuit ab Astrologis non fuisse sidus illud aliquod ex tredecim, quibus cōstat Cassiopea, fuerunt enim tunc obseruatæ tredecim in Cassiopea sicut modo, & ultra illas splenduisse nouam hanc stellam.

Hoc supposito quidam dixerunt: fuisse meteorū, seu cometam in cœlo generatū secundum causas naturales, & ideo fatentur

esse possibile, quod metheora naturaliter in cœlo generentur. Sed obstat sententia hæc communi Philos. consensui, qui cum Arist. in primo de cœlo constituunt, cœlum esse incorruptibile, & consequenter ab omni impressione elementalī alienum. Sane si naturaliter cœlum ab elementalī impressione pati posset, quis dubitet sphaeram ignis aliquid in cœlo lunæ sibi contiguo tot sæculorū decursibus immutasse? Quare nullo modo ponēdum est metheorum aliquid corruptibile in cœlo generare posse. Et ideo tãquam probabilius fatendum est sidus illud supernaturali Dei virtute miraculose formatum fuisse in regione cœlesti ad aliquem effectum nobis occultum, sicut etiam tempore Iosue cœlum stetit, & in vita S. Hilariōnis simile quid accidisse narrat D. Hiero. Ezechia quoque tempore sol decem lineis retro conuersus est. Et in passione Christi Domini luna soli opposita propter plenilunium subito sub ipso collocata est, vt solē eclipsaret. Qua propter non est mirū, quod his etiam temporibus aliquid virtute supernaturali à Deo immutatum sit in corpore cœlesti.

TRACTATVS III.

De Metheoris ignitis in aëre apparentibus.

CAPVT PRIMVM.

De cometarum materia, & causa efficiēti.



Tūc plura sint meteora ignea, varijs inter se differētijs segregata, tamen inter omnia primum sibi locum vendicat Cometa, qui dum apparet ita omnium in se oculos conuertit vt nemo sit, qui eius naturam scire nō appetat, ignarus, vt inquit Seneca 7. *naturalium qu. c. 1.* vtrum mirari debeat, an timere? Igitur circa generationem Cometæ diuersæ fuerunt Philos. sententiæ, quas refert Arist. 1. *meteororū c. 7.*

& ex parte secutus est postea Seneca citatus. Et quidem omnes cōueniebant in hoc, quod cometa esset stella quædā cœli ex his quas errantes dicimus, quæ sunt planetæ, vel omnes, vel saltē quinq; ex illis excepto sole, & luna, vt dicit D. Thom. 1. *meteor. lect. 9.* & quidem Democritus, & Anaxagoras existimabant cometæ esse coniunctionē aliquorū stellarum errantiū, quæ quando inter se appropinquant, apparent propter confusionē luminis, quasi stella longior, & cometa. Huic sententiæ ex parte conuenit illa quæ est Appolonij, & Senecæ existimantium cometam esse coniunctionem plurium stella-

rum errantium, quæ diuersæ sunt à septem planetis, habentque motum ab illis distinctum, quas Seneca putat esse nobis ignotas, & stellæ istæ certis temporibus apparentes cometæ sunt. Alij existimarunt cometâ non esse plurium stellarum coniunctionem, seu congregationem, sed vnam ex stellis errantibus, quæ propter viciniam ad solem non apparent obscurata ab eius splendore, cum vero digreditur à sole post longum tempus discernitur, habetque comam, vel propter partem sideris ab eo fluentem, vel propter exhalationem attractam, & suppositam ipsi sideri, in qua repercussus solis splendor, vt in speculo claritatem illam reddit, quæ quasi coma sideris, cui subiicitur, apparet.

Hæc opinioniones improbat Philos. pluribus rationibus. Et quidè quod cometa non sit plurium stellarum errantium congressus, patet primo: quia planetæ solum possunt coniungi in Zodiaco, quia solum in illo suos motus peragunt, cometæ autem frequenter sub varijs cœli partibus apparêt; & pauci sub Zodiaco, quia exhalatio, quæ est eorum materia dissipatur ibi à calore Zodiaci. *Secundo:* quia Planetarum inter se cōgressus paucō tempore durat, vt patet in coniunctione Solis, & Lunæ, Cometa autem solet multis diebus, & mensibus durare. *Tertio,* quia quando oēs planetæ inter se disiuncti cernuntur, apparet interdum cometa, & aliquando posito congressu Planetarum, aut inter se, aut cum aliqua stella firmamenti non apparet, ergo falsa est illa sententia. Ex quo etiam coniuncitur positio Apollonij, & Senecæ. Præterquam quod ponere plures stellæ errantes, quam septem Planetas, est præter commune Astrologorum, & Philosoph. scholam, quia cum ex motu deprehendantur tales stellæ, vbi non agnoscitur motus earum, neque fundamentum est, vt ponantur, quod autem cometa non sit vna stella ex errantibus ex eo conuincit Aristot. quia aliquando visi sunt duo cometæ simul, quod & refert Scaliger *exercitatione 70. in*

*Cardanum, se vidisse duos cometas diuersæ latitudinis simul, ergo cometa non est vna stella. Et deinde, quia si apparitio cometæ esset digressio, & separatio stellæ à sole, occultatio eius esset per hoc, quod iterum appropinquaret ad solem. Testatur autem Arist. 1. *Metheor. c. 6. lect. 10. apud D. Th.* quod omnes cometæ suo tempore apparentes defecerunt sine hoc, quod appropinquarent ad solem existentes adhuc super Orizontem longe à sole; imò retrocedendo à sole quidam cometa cum peruenisset ad zonam Orionis, ibi fuit dissolutus, ergo.*

*Igitur Aristoteles omnesque eius sectatores consentiunt in hoc, quod cometa sit ex materia sublimari, & non in cœlo, sed in aere apparet. Est ergo materia cometæ multa exhalatio sicca, & calida, pinguis, & benè condensata, & crassa, talis enim materia apta est, vt incendatur, & inflammationem diu potest retinere propter pinguedinem, & viscositatem, & quando continuo ascendit huiusmodi exhalatio propter aliquam stellam illi prædominantem, diutius durat cometa; illud autem, quod perfecte incenditur de tali exhalatione habet figuram stellæ; reliqua verò exhalatio magis diffusa & nondū perfecte ignita comæ figuram facit, vt dicemus *sequenti capite.* Aliquando verò exhalatio supposita alicui stellæ, vnum quid videtur cum stellâ, & tunc sola coma est in regione aeris, stella manente, seu existente in cœlo, sicut quando apparêt circulus circa solem, aut lunam, qui in aere est, planetis in cœlo manentibus. Quod autem hæc sit materia cometæ à signo probat Philosophus quia apparente cometa, magna ventorum vis, & siccitas generatur propter multitudinem exhalationis è terra euocata in aere, de quibus Philosophus exempla aliqua refert, quæ circa suum tempus acciderunt. Denique quod in aere sit huiusmodi apparitio, Mathematici conuincunt, quia deprehendunt instrumentis suis, quibus metiuntur altitudinem cœli, cometam inferiori loco, quam*

quam lunam apparere, ergo non in cœlo, sed in elementalī plaga apparere debet. Confirmabitur amplius hoc in capite sequenti.

Causa autem efficiens cometa remota est sol, & astra materiam illam viscosam, & pinguem è terra educētia, proxima autem inflammans cometam, est vel motus exhalationis, motus enim est causa caloris, & aliquando ignis, vel particula aliqua decedens in illam materiam ex elemento ignis, vel fulmen aliquod ex nube in partem superiorem vibratum, in quam frequenter fulmina erumpunt. Non est autem habitus aliquis recipiens in se radios solis, & sic lucens, alias posset de nocte eclipsari per interpositionem terræ inter ipsum, & solem.

C A P V T I I.

De accidentibus Cometarum.

Accidentia cometæ partim sunt intrinseca, ut color, figura, motus, significatio; partim extrinseca, ut locus, & tempus. Igitur color cometæ non est verus, sed apparens, hoc est nō ex mixtione quatuor primarum qualitatum proueniēs, sed ex luce, & inflammatione cometæ. Solet autem triplex esse color cometæ, quidam enim sunt argentei coloris alij rubei & cruenti, alij nigri, & tristes; quæ diuersitas colorum ex diuersitate materiæ quæ incenditur prouenit, si enim exhalatio sit rarior & tota inflammetur, apparet albi coloris, sicut flamma rarior apud nos candidum refert colorem; si vero sit exhalatio adeo densa, ut non perfecte inflammetur, igniatur tamen, apparet rubeus, sicut ferrum, aut carbo ignitus. Si denique sit nimium viscosa, & densa materia, ut neque inflammari, neque igniri possit, sed potius ignem sibi propinquum extinguat, tunc apparet quasi carbo niger, vel etiam propter nimiam fumositatem materiæ, occultatur ignis, apparetque nigri aut fumidi coloris.

Figura cometæ etiam triplex esse solet.

Alij enim sunt criniti, id est habentes figuram comæ, seu crinium, alij barbati, id est speciem barbæ referentes, alij caudati. Quæ diuersitas prouenit ex diuersitate densitatis, raritatis, ac diffusionis materiæ; si enim exhalatio in medio sit densa, & secundum omnes extremitates rara, ac diffusa; quando inflammatur apparet quasi stella crinibus sparsa, si verò secundum vnam extremitatem sit solum rara & materia ibi longe extendatur, tunc quando inflammatur apparet cauda. Si denique exhalatio sit rara, & attenuata versus aliquas extremitates, sed non versus omnes & illæ sint modicè extensæ, diffunditur splendor per illas ad modum barbæ. Vnde sequitur quod si tota materia cometæ sit vndique adensata, & ex nulla parte rara, apparebit ad modum pilæ ignitæ, non autem ut radios emittens, quia radij ex raritate splendoris, & materiæ inflammatæ proueniunt.

Motus cometæ varius est; aliquando enim mouetur ab oriente in occidentem motu primi mobilis, qui imprimitur in corporibus cœlestibus, & adhuc durat in igne, & suprema parte aeris; quia verò aer non recipit totam efficaciam huius motus, sed propter motus ipsius deficientiam, & aeris tenuitatem languidius mouetur, inde est quod cometæ tardius moueantur, quam ipsum cœlum, ideoque videantur quodam modo moueri ab occidente in orientem retardando priorem motum ab oriente in occidentem. Mouentur etiam à septentrione ad austrum, & ad alias partes, ob virtutem alicuius sideris dominantis & trahentis cometam, aut propter materiam, quæ sibi ab aliqua parte suppeditatur, ad quam inflammandam serpit ignis cometæ, & ob eandem rationem potest moueri sursum, aut deorsum, quia ex parte inferiori, aut superiori ponitur illi materia, quam inflammet, deficienti ex parte opposita.

Significatio cometæ est multiplex. *Primò* enim significat magnam ventorum vim & ter-

& terræmotus; quia dū cometa generatur, magna copia exhalationum eaque crassa eleuatur, vt nutriatur cometa, vnde si talis exhalatio libere è terra ascendat ad aerem, magna pars illius relinquitur in media & infima regione aeris, à qua causantur venti: si vero liberum exitum è terra nō inueniat, concutit terram fitq; terræmotus. *Ex quo sequitur*, quod enuntiet tempestates, quæ ad ventorum ortum sequuntur. *Secundò* significat sterilitatem terræ, & famem, quia cum ex forti calefactione Solis & stellarū multa exhalationum copia ascendat, succus terræ consumitur ob tantam euocationē exhalationum, sicque manet sicca & sterilis, & fructus pereunt. *Tertiò* significat intemperiem aeris, epidimiam, & alios morbos, quia cum exhalatio illa crassa sit & viscosa, ac nimium calida, aerem reddit venenosum & conspersum exhalationibus istis, qui attractus ab hominibus, eisque adhærens, humores corrūpit; & morbos generat. *Ex quo quarto sequitur*, quod significet mortes Principum & magnorū, quia facilius à tali aere inficiuntur. vt potè delicatius viuentes. Quæ tamen causa non est sufficiens, cum plures infantes sint Principibus teneriores, ac multi è plebe delicatius viuant, quam aliqui Principes; quorum tamen mortem cometa non designat. Sed verius est mortem Principum in speciali significare ex beneplacito Dei, qui cometam tanquam signum mortis regum exhibet, vt ait Damasc. 2. *de fide cap.* 27. aut saltem ex vsu, quia videmus frequenter sic accidere mortes Principum ex apparentia cometarum. Denique significare solet bella, & prælia propter multitudinem siccæ exhalationis & calidæ, quæ choleram excitat ac nutrit, & ad iram vindictamque inclinat.

De loco comete, qui accidens est extrinsecum, diximus in præcedenti capitulo, quod generantur in suprema aeris parte. De tempore autem dicimus, quod omni anni tempore cometa gigni potest, præsertim in autumno, quia propter nimium calorem est

Part 11. Physic.

tis præcedentis multa viscosa & crassa calidaque exhalatio in terra genita est, quæ tunc eleuatur in autumno, nec tamē propter feruorem caloris dissipatur, sicut fieret in æstate, si ascenderet; in hyemē vero frigus & humiditas siccitatem & calorem exhalationis impediunt. Tempus autem, quo durat cometa certum non est, cum aliquando multa exhalationum copia ei suppetat, aliquando pabulum deficiat, aliquando ignis, qui materiam illam depascit, lētus est diuque durat; aliquando fortis & cito materiā cōsumens. Dicitur tamen in excidio Hierosolymitano tempore Titi, vno anno pepēditie cometam supra ciuitatem vt Auctor est Iosephus, *lib. 7. de bello Iudæico, c. 44.* Raro vltra sex menses cometa durat, de quo videri potest Seneca 7. *natur. quæst. ca. 12.* & ad 10. dies eorum durationem extendit Plinius, *lib. 2. cap. 23.*

CAPUT III.

De Tonitru, & Fulgure.

Relictis opinionibus Philosophorum, quas in 2. *Meteororum c. 2. lect. 16.* apud D. Thom. refert Aristot. circa generationē tonitru: vera causa sonitus illius est exhalatio sicca & calida intra nubem densam compressa, eamque motu suo dirumpens, ex qua disruptione sequitur ingens ille sonus. Contingit autem sic: quando exhalatio sicca & calida includitur intra nubem crassam, ac densam, exhalatio illa vel motu, vel antiperistasi incalescit ac rarefit, & amplio rem locum quærit, nubes vero frigore secundæ regionis compressa, & coagulata comprimit etiam exhalationem illam, quæ dum crescente calore exitum quærit & huc illucque discurret, vehementia caloris agitata nubē contundit & rumpit, sicq; causat fortem sonitū, qui vocatur tonitruum, sicut etiam vēti verberantes mare, ingentē sonum excitant, & castanea posita ad ignē incalescente ac subtilizato spiritu exitum quærente, cum strepitu frangitur. Eadem

Mm

quoque

quoque ratio est sonitus, quem edunt tormenta bellica, & sclopeta incenso pulvere tormentario, qui in angusto loco inclusus, dum igne accensus rarefit, & ampliorem locum quærit, aerem cōcutit ac frangit ingenti boatu, pilamque emittit. Non est tamen necessariū semper ad tonitruum, quod exhalatio accendatur & ignem corripit, cū ex sola concussione possit generari vehemens ille sonitus; imò ut placet aliquibus, inter quos est Lucretius, & Seneca, sine eruptione exhalationū, & fractione nubis possunt tonitrua edi ex vehemēti nubium collisione inter se, sicut ex collisione aquarū immanis fluctuum resonat fremitus. Quod vero sine nubibus aer tonare visus sit in his montibus, qui flammæ eructant, propriè illa non sunt tonitrua, sed emissio alicuius spiritus & exhalationis in terræ cauernis inclusa cum arena, & cineribus, aut etiam saxi commixta, quæ per montium voragines erumpens ingentem edit sonum ad modum bellici tormenti. Porro multiplex est tonitruorum differentia, aliquando enim edunt mugitum, seu grane quoddam murmur per modū tumultuationis. Cuius causa est quod spiritus & exhalatio clausa in cōcauis partibus nubium volutatur in illis, & agitur, non tamen tanto impetu, ut scindat nubem, quia nondum multum incaluit, & tunc raucum edit sonum, signumque esse solet pluuiæ. Aliquando vero exhalatio scindit nubem vno ictu continuo, ad eum modū, quo membrana, vel pannus toto conatu rumpitur, & tunc obliquè nubes scinditur successiue, incensa sicca exhalatione, quæ nubem successiue percutit, ac disrumpit. Aliquando vero pluribus ictibus exhalatio succensa scindit nubem, & tūc fit crepitus similis combustibili in igne crepitanti, quod contingit quādo exhalatio est subtilior, & inflammata quærit ampliorem locum inter distinctas partes nubis, sicque diuersis vicibus illas percutiens, frangit. Plures differentia videri possunt in Arist. lib. 3. cap. 8.

Fulgur, non est aliud, quam exhalatio in nube accensa, & igneo tincta colore. Incenditur aliquando hæc exhalatio ex motu, & collisione spiritus ad nubem, aliquādo per antiperistasis circumobstantis frigoris nubis. Si motus exhalationis & collisio sit ad nubem densam & resistentem, fit fulgur simul cum tonitruo; si vero nubes non adeo resistat, quia leuior est, & non crassa, fit sola coruscatio sine tonitruo, qualem æstiuis noctibus persæpè videmus. Sed quæret aliquis, si ex collisione, & disruptione nubis provenit incensio, & inflammatio exhalationis, prior ergo est motus eius, & sonitus inde resultans, quam fulgor, quod ex tali inflammatione fit, quare ergo apparet fulgur prius, quā audiatur tonitruum. *Respondet* Aristot. causam esse, quia visus præcedit auditum, visio enim non indiget tēpore, sed in instanti, quō apparet lucidum emittitur eius species ad oculum, & fit visio; auditus autem cum percipiat sonū, qui fit per motum, & tēpore perficiatur, species quoque eius, tempore & successiue deferuntur ad auditum, & sic indiget tempore, ut percipiatur sonitus, & ideo potest prius videri fulgur; apparetque hoc in percussione, quæ à longè videtur prius enim videmus malleum tangere rem percussam, & iterum eleuari ad secundum ictum, quam audiatur sonus prioris ictus, & rem prius videntur ferire aquam & eleuari, quam audiatur sonus primæ percussionis.

CAPUT IV.

De Fulmine & eius effectibus.

Fulmen dicitur exhalatio ignita è nube magno impetu excussa. Differt à fulgure & à tonitruo; à fulgure quidem, quia exhalatio fulguris magis rara est, fulminis vero crassior, utpotè quæ non dissipatur in aere, sed ad terram descendit. Item, quia fulgur non excutitur, nec vibratur à nube, fulmen vero è nube vibratur, vnde & maior vis requiritur ad fulmen, quam ad fulgur.

A toni-

A tonitruo vero differt, quia tonitruum est sonus factus eo modo quo diximus, fulmen vero est ignea substantia ex nube excussa. Generatur ergo fulmen hoc modo. Quando exhalatio bene sicca & aliquantulum addensata, taliter, quod partes eius bene inter se sint coherentes, includitur intra crassam, & magnam nubem, accidit ut exhalatio illa, vel motu, vel per antiperistasis incalescat & incendatur sicut fulgur, tunc vero cum exhalatio illa sit densior fortius incalescens, nubem illam vehementiori impetu concutit, ac sibi diu resistentem magna vi frangit, & si contingat, quod per inferiorem partem eam rumpat, ipsa vehementia impetus, qua nubem dirumpit, fertur ad terras, & quia partes habet bene coherentes, non statim dissipatur in aere, sed ad terram pertingit omnia quaeque obuia dissipans, ac perfringens, sicut fecit in nube; quia vero fulmen, ita fortiter vibratur, commotionem causat in aere, qui natus est ab exhalationibus moveri, & ideo fulmen praecedit, & sequitur plurimus habitus ad modum venti, ratione cuius aliquando fulmen non recte descendit, sed obliquatur & varias in partes, iuxta venti illius impetum deducitur. Habet autem nonnunquam fulmen odorem sulphureum; cuius causa est, vel quia exhalatio ex qua constat, est terra sulphurea eleuatur, vel quia ob siccitatem, & humiditatem sic aliquando temperatur in nube exhalatio, ut qualitates sulphuris acquirat.

Sed queres, an fulmen deferat aliquando lapidem, ut vulgo putatur, sicque possimus dicere fulmen esse lapidem. *Resp.* quod ut notat D. Tho. 3. *Metheororum, lect. 2.* fulmen nunquam est corpus solidum, seu lapis, sed spiritus, aut exhalatio sicca & accensa, licet possit contingere, quod deferat secum lapidem, qui tamen non est fulmen, sed aliquid delatum a fulmine, sicut globus emissus a bombardâ non est ipse impetus, seu vis bombardæ, sed aliquid ab eius vi delatum. Potest autem lapis iste aliquando generari in ipsa nube ab exhalatione calida digerente

humidum nubis, si enim vapor nubis sit viscosus humiditatis, habens admixtum multum exhalationis terrestres, quod potest aliquando contingere fit illud humidum ad modum luti, quod ab exhalatione sicca & accensa decoquitur, & exsiccat, ad modum quo lateres decoquuntur, sicque induratur quasi lapis, qui nube maiori impetu, quam pila tormenti bellici excutitur, quidquid sibi obuium fuerit euertens, ipsamque terram penetrans, licet, ut Plinio videtur *lib. 2. Naturalis Historia, c. 5.* non altius quinque pedibus intra terram mergatur.

Hinc fit, varia esse genera fulminum, aliqua enim sunt valde penetratiua & tenebrantia & talia habent flammam tenuem propter multitudinem exhalationis subtilis, ideoque per angustissima loca solent penetrare: alia vero sunt, quae dissipant & findunt & talia constant exhalatione densa, & indurata ac nonnunquam lapidem ferunt; alia denique videntur, eo quod exhalatio, licet sit densa non tamen est omnino indurata, & ideo propter densitatem ignitur, sicut carbo, non vero in flammam vertitur, & ideo nec penetrat, sicut flamma, nec findit sicut lapis, sed vrit sicut carbonem.

*Fulminum effectus, adeo varij sunt & mirabiles, ut naturam videantur excedere. inuenitur enim aliquando fulmen liquefacere enssem in vagina, & aurum, aut æs in sacculo, ipsa vagina & sacculo prorsus illæsis, & de milite quodam narrat D. Tho. *lib. 3. Metheororum, lect. 2.* qui ieiunius a fulmine habens scutum ligneum, & sub eo arma ferrea fulmen confregit, & partim liquefecit arma, scuto illæso; solet etiam hominem interficere illæsis vestibus, & ossa comminuere integra carne. *Horum autem ratio est.* quia fulmen ut diximus solet esse subtilis exhalationis bene tamen coadhaerentes & unitas habens partes, & ideo in corporibus flaccidis ac porosis subtilitate sua per poros ingreditur, & quia sibi non resistunt talia corpora, nec diu in illis moratur, ideo non multum operatur in eis, ubi vero inuenit*

M m a corpora

corpora duriora & sibi resistentia diu in eis moratur, & sic maiorem imprimit effectū, præsertim quia spiritus quando ei resistitur, multiplicatur & fortificatur, agitq; vehementius, magni enim turbines, qui arbores à radicibus euellunt, & saxa frangunt, molliores arundines, & stramina illæsa relinquunt; sic fulmen in vagina & sacculo nō diu moratur, & eadē facilitate, qua intrat, exit; ferrū autem, aut æs intus existens fortius adurit. Visum est etiam aliquando fulmen percussisse dolium vini, & fractis tabulis, & asseribus, vinum ipsum steterisse cōcretum, neque effundi, vt refert Albertus Magnus, *tractatu de Tonitruo*, c. 22. & ex Seneca D. Thom. *lect. cit.* Aliquando vero è contra, vt refert Lucretius, inuentum est fulmen totum vinum cōsumpsisse, dolio intacto. Causa primi est, quia aliquando contingit vinum esse grossum ac viscosum, & siccas habens exhalationes admixtas, & ideo à calore addensari potest, sicut addensatur sal, & sulphur; & si super tale vinum cadat fulmen subtile, & penetratiuum, dolium ob sui resistentiam frangit; vinum autē, quia non habet poros, vt penetrari possit, diffunditur fulmē circa exteriores partes, & in crustum addensat, & sic quasi corio circumdat, detinetq; vinum ne effundatur; si vero dolium non sit adeo forte, & fulmen non sit subtile, sed grossius, ideoque calidius, non penetrat vas, & ideo tale fulmen non multum lædit dura, & resistentia sed rara; vnde ob nimium calorem, & siccitatem consumit vinum, dolio non læso, quia non restitit vehementiæ fulminis.

Si quæras, quare animalia percussa à fulmine, faciem inueniantur habere versam contra impetum fulminis. *Resp.* causam esse quia animal naturaliter vertit se ad illam partem, vnde sentit sibi venire nocumentū, vnde quando à vento, qui antegreditur fulmen, tangitur, vertit se ad partem fulminis à quo citius interficitur, quam possit caput auertere, & ideo manet conuersum ad partem vnde fulmen vibratur. Plures effectus

vide in Iauello *in tractatu 6. Meteororum*, cap. 4.

CAPUT V.

De aliquibus ignibus in aere apparentibus.

VT ab eo quod frequentius accidit exordiamur, *Primo*, occurrit de sideribus discurrentibus seu stellis quas videmus in aere volitare, quæ dupliciter generantur. Vno modo, quando exhalatio aliqua tenuis successiue extenditur, & accenditur, & ita ignis per materiam illam successiue aggeneratur, sicque videtur stella discurrent, quia enim exhalatio est tenuis, de facili accenditur & splendorem exhibet. Alio modo contingit, quia exhalatio, in vno loco accenditur, & deinde motu fertur ad alium locum, aliquando quidem sursum à leuitate innata, aliquando deorsum, pulsa à frigore secundæ regionis, vel alicuius nubis, aliquando ad latus, quando scilicet leuitas sursum ferens & frigus deorsum trudens non ad modum se vincunt, & ita in latus tendit. Quando autem per antiperistasis accenditur talis exhalatio, & quando deorsum fertur, manifestum est gigni infra supremam aeris partem, quia in suprema, frigus non est, à quo antiperistasis fiat, & deorsum impellatur exhalatio. Proinde quando magna istarum stellarum copia apparet, horridi denunciantur venti, tempestatesque, eo quod ad earum generationem, exhalationum siccaram copia debet ascendere, ex qua etiam venti gignuntur.

Secundo generantur in aere ignes quidā, qui dicuntur capræ saltantes cum sc. materia exhalationis in longum protēditur magis, quā in latum, & in lateribus est rarior, vt quasi fila habere videatur, tunc si inflammantur, illa materia videtur saltare propter scintillationem tenuis materiæ, & quia in longum protenditur, videtur habere similitudinē capræ, & sic appellantur capræ saltantes; vel certe generatur hoc Meteorū, si diuer-

si diuersæ sint exhalationes disjunctæ quidem inter se, sed aliqua subtiliori parte concretæ, per quam vna alteri ignem porrigat, ut quasi ab vna ad aliam saltare ignis videatur.

Tertio contingit Draco volans, generaturque ex exhalatione non ad modum calida, nec valdè densa, & coagulata, quæ dum in sublime ascendit, occurrit aliquando frigide nubi, & deorsum impellitur, & motu, aut per antiperistasis accenditur, & quia ab impulsione frigide nubis obliquatur & flectitur, speciem habet ventris Draconis, quia vero subtilior est ex vna parte, qua recedit à nube, videtur scintillare, & ignem euomere, ex alia vero parte qua nubem frigidam attingit quasi constringitur & speciem refert caudæ Draconis.

Quarto contingit lancea & fax; lancea fit quando exhalatio æquali crassitudine in altum porrigitur & inflammatur, & immobilis videtur stare; fax autem, quando conglobatur multa exhalatio æquè distensa, & fit subtilis, ut simul tota inflammetur, tunc subito ardet tanto aliquando splendore, ut noctem velut diem illustret.

Quinto contingunt aliqui ignes in infima regione aeris; primò quidem in tempestatibus, qui à nautis ignis sanctus dicitur, à Græcis Castor & Pollux, & Helena. Constat ex exhalatione pingui & viscosa, inflammaturque agitatione & motu ventorū

vel per antiperistasis; & aliquando apparet vnum, aliquando verò duo. Si in inferiori parte navis appareat, formidabilis esse solet nautis, & infaustæ significationis; si vero in antenis & superiori parte, faustus & propitius, quia cum illa exhalatio eleuatur, signum est non ita turbatum esse aerem, cum iam non impediatur ascendere, ideoque frangitur tempestas. Si verò in inferiori parte appareat, signum est plurimæurbationis ventorum, à quibus impeditur ne ascendat. Aliquando inuenitur ignis, qui vocatur lambens, & apparet in capitibus hominum, aut equorum, generaturque frequenter ex sudore animalium præsertim calidi temperamenti, quia incalescente corpore emittit vaporem illum viscosum & pinguem, qui rarefactus, motu ipso animalis calorem ignemque concipit, qui dispersus per aerem solet capillis inhaerere, & scintillare. Similiter contingit aliquando ignis, qui vocatur fatuus, qui frequenter apparet in cymeterijs, & super capita pendentium in patibulis, quia generatur ex viscosa exhalatione habente partes satis conglutinatæ, qualis frequenter ex cadaueribus emititur, & per antiperistasis frigoris nocturni, vel collisionem ac motum accenditur, & ad motum aeris mouetur modo huc, modo illuc; unde aliquando homines sequi videtur, aliquando præcedere, aut alio tendere secundum aeris motum, ideoque fatuus dicitur.

TRACTATUS IV.

De Coloribus in aere apparentibus.

CAPUT I.

De Iride, eiusque significatione.

INTER omnia Metheora, quæ ex luce ac radijs solis apparent, nullum pulchrius ac mirabilius est quam Iris, de qua Ecclesiasticus, cap. 43. *Vide arcum, & benedic eum qui fecit illum;*

valdè speciosus est in splendore suo. Giravit cælum in circuitu gloria sua, manus Excelsi operuerunt illum. De ea agit Arist. 3. *Meteor.* ibique D. Thom. latissimè *lect.* 5. 6. & 7. Relictis vero antiquorum opinionibus & fabulis circa Iridis generationem, dicendum est cum Aristot. generari Iridem ex oppositione solis ad nubem roridam, quæ à parte

exteriori sit translucida; ut lumen imbibat, & ex interiori sit opaca, ut nubem re-percutiat. Vnde definitur Iris: *Quod est arcus multicolor in nube rorida, opaca & concava ex reflexione radiorum solis oppositi appa-rens.* Pro huius intelligentia est notandum, quod radius corporis luminosi est triplex, rectus, reflexus, & refractus. Rectus est, qui multiplicatur per medium secundum lineam rectam. Reflexus est, qui occurrit medio, per quod transire ultra non potest, sed redit in seipsum, vel in partem contrariam, aut obliquam, sicut quando radius lucis cadit super speculum, & reflectit. Refractus est, qui non habet incessum rectum, nec reflexum, sed veluti decidentem & fractum, quia ratione medijs crassioris franguntur radij, & ita solet apparere luminosum, aut coloratum maius, ut quando astra videntur maiora in caligine, aut quando videtur lignum tortuosum in aqua. In omni autem corpore plano & terminato, ut inquit Aristot. citatus, refrangi potest radius. Dicimus autem corpus planum, & terminatum, quod ex vna parte, scil. anteriori est diaphanum seu tersum, ex alia parte, scil. ex posteriori est opacum, sicut videmus, quando specula ex parte anteriori sunt polita & tersa, & ex parte interiori sunt opaca, ut ibi fiat refractionis, & reflexio lucis, aut coloris, & aliquando corpus aliquod diaphanum sit speculum ex profunditate seu tenebrositate, quam habet à parte interiori, sicut aqua nimis profunda & umbrosa. Ad refractionem tamen lucis non requiritur semper, quod corpus in quo fit refractionis, sit plenè speculum, sed sufficit quod medium reddatur crassius, ut ibi frangatur radij, sicut in guttis eleuatis ab aqua, refranguntur radij solis, & efficiunt varios colores, sit enim refractionis, quando opacitas seu densitas medijs non est tanta, ut reflexionem causet, est tamen talis, ut non permittat radium transire unitum, sed frangit illum.

Igitur circa Iridem duo explicanda sunt; Alterum de coloribus eius, Alterum de si-

gura quæ est semicirculi. Circa colores aduertendum est, quod ad illos concurrunt duo, scil. sol oppositus nubi rorida, & nubes habens partes roridas, seu diaphanas ex parte exteriori, ex parte autem interiori densas, seu opacas, tunc enim radius solis feriens ex directo nubem, refrangitur in corpore illo diaphano, & terminato, quod est nubes rorida, veluti in quodam speculo recipiente lucem, & refrangente illam; unde ut contingat Iris, debet nubes esse opposita soli. Quia verò lux taliter refrangitur in guttis illis roridis, ut densitate ipsa medijs, & opacitate nubis modificetur, & non maneat lux pura, ideo apparet ex illa luce sic refracta color, quia lux modificata est color, & non manet pura lux.

Quod si quæras, an colores sint in nube ipsa sicut in subiecto, an vero in partibus roridis, quæ fluunt ex nube, & faciunt ipsam esse corpus speculari? Respondet D. Thom. 3. Metheor. lect. 3. digressionem de coloribus Iridis, dubio 4. quod sunt subiectiue in partibus roridis seu guttulis cadentibus non in ipsa nube, quia in illo subiecto sunt colores, ubi sunt actu principia eorum, principia autem colorum Iridis sunt radij incidentes in partes roridas nubis, seu in diaphanum ipsarum partium terminatum aliquo modo per opacum nubis, ergo in illis sunt sicut in subiecto, & non in nube, licet visui appareant esse in nube, quia propter nimiam distantiam non discernit oculus guttas illas roridas à nube, quia quando vnum corpus videtur iuxta aliud à longe, videntur ambo veluti in eadem superficie; unde aliud est subiectum talium colorum quod est illud ubi refrangitur radius luminosi, aliud est locus in quo videntur à sensu, scil. nubes ipsa propter distantiam, ob quam visus non discernit inter vnum & aliud.

Quares secundò, quæ sit causa varietatis colorum Iridis, Respondetur, tres præcipuè colores in Iride videri, scil. puniceum, seu flauum,

flauum, viridem, & purpureum. Quorum causa est hæc, quia radius lucis refractus ab exigua opacitate, causat colorem puniceum, seu flauum; refractus verò à mediocri opacitate facit viridem, refractus verò à maiori, facit purpureum, eò quòd magis accedit ad nigredinem; licet aliqui è contra censeant, viride magis accedere ad nigrum, & ideo fieri in opacitate densiori, nubes autem in parte exteriori subtilior est & magis translucida, ideoque ibi causatur flauus color, quia fit refraction in perspicuo minus dento, in parte media mediocri est opacitatis, in parte vero interiori maioris: vnde in media parte fit viridis & aliquando cæruleus, si sit satis humida, & minus densa, in vltima purpureus. Sic explicat D. Thom. *lect. 6. tertio Metheororum* dicens, quòd vbi est fortior, & intensior actio luminosi in nubem propter minorem distantiam, ibi clarus color solis mutatur in puniceum, & talis refraction fit in prima circumferentia, seu periferia nubis; refraction autem facta in secunda periferia est debilior, & facit viride, in tertia autem circumferentia alurgus, seu cæruleus, aut rubeus; nec sunt plures colores principales in Iride, quia nec plura loca vbi fiat refraction.

Quæres tertio an hi colores sint veri, vel apparentes? *Respondetur*, quòd colorem esse verum, potest dupliciter accipi. Vno modo, quòd ly *verus* sit idem quod naturalis, seu permanens in subiecto perfectè in eo habes esse, & ly *apparens* sit idem quod per modum transitus, & imperfectè existens: alio modo ly *verus* potest sumi, prout dicit essentiam ipsam coloris, siue perfectè, siue imperfectè existat. *Dico ergo*, quòd primo modo colores Iridis non sunt veri, sed apparentes, prout ly *verum* opponitur apparenti, quia solum ex modificatione lucis ibi apparent, non ex mixtione primarum qualitatuum. Secundo verò modo, colores Iridis sunt veri, quia colores Iridis habent essentiam, & formam coloris,

quæ resultat ex lumine, quæ est vera causa colorum, quia ex eius participatione colores fiunt; vnde & sensus non fallitur in coloribus diiudicans eos esse colores; constat autem quòd color secundum veritatem est obiectum visus: ita sentit D. Thom. *lect. 3. dub. 3.*

Circa figuram Iridis multa tractant perspicui, quorum rationes examinare ad præsens non spectat. *Solum breuiter dicimus*, quòd sole existente in oriente, vel in occasu si fiat Iris in nube sibi opposita apparet semicirculus, quia tunc partes roridæ nubis in quibus fit Iris maximè apparent ipsi soli, quia maximè sunt ei oppositæ, & ideo sol tunc emittit radios directè in totum orientem sibi oppositum, quod tegitur à nube, & cum Horizonte habeat ad modum semicirculi, consequenter radij directè, & ex opposito emissi à sole in illum ad modum semicirculi tenduntur, vnde cum impingunt in nubem roridam, regentem semicirculum consequenter efficiunt colores in guttis, quæ sunt prope nubem, quia Iridi ex directo sol opponitur, non verò his quæ sunt prope terram, quia ex directo tunc non respicit terram, ideo non fit color in nube, & in terra, sed solum in nube & in oratione, quæ directè à sole aspicitur, vbi radius non frangitur, licet aliquando Iris videatur habere pedem in terra, quia pars illa directè à sole aspicitur vt claudens Orientem. Si autem sol sit eleuatus ab Oriente, aut ab Occidente, tunc si fiat Iris circa Orientem non apparet semicirculus, quia tunc sol directius respicit terram quàm Orientem, & ideo nubes existens circa Orientem rorida magis ei occultatur, quia minus ei opponitur, corpus enim quanto magis opponitur luminoso, tanto magis ei apparet, & ab eo illustratur. *Notandum est autem*, quòd aliquando potest duplex Iris simul causari, idque dupliciter; primo existente sole in meridie, si ponatur nubes rorida ex parte occasus, & alia ex parte orientis, tunc efficitur duplex Iris ex emis-

emissione radiorum in diuersas illas partes, tunc autem valde exigua apparebit, quia sol non est eis perfectè oppositus. Alio modo potest causari duplex Iris in eodem situ, scil. in Oriente, vel in Occidente. *Ratio huius est*, quia contingit aliquando esse duplicem nubem roridam in vna parte, vna altior alia, & in vnam directè emittens radios sol efficit Iridem; Iris verò causata in tali nube causat aliam in sibi vicinam veluti in speculo, quia in tali situ ponitur, vt in eam possit emittere radios suorum colorum, vnde talis Iris debilior est in vltima quàm in prima, quia non fit ex repercussione lucis directè, sed ex repercussione radiorum, seu lucis iam modificatæ in prima, & quæ erat color. Potest autem fieri arcus etiam à luna, & aliquando visus est, licet raro; non tamen habet plures colores, sed vnum scil. album, quia lux lunæ valde tenuis est, vnde non ita profundè penetrat nubem, sed in exteriori superficie solummodo candorem illum aspergit similem ipsi luci lunæ, quæ candida videtur.

Circa significationem Iridis dicimus habere duplicem significationem naturalem, & ex instituto, naturaliter significat duos; *primum est* pluuiam, quia cum nubes rorida sit, resolubilis est in aquâ, & sic significat pluuiam quæ est nubis resolutio. *Secundò*, significat de proximo non futuram magnam pluuiam. Cuius ratio redditur à D. Thom. *quodlib. 3. art. 30.* quia magna pluuiæ inundatio solum contingit, quando nubes sunt valdè grauidæ, & copiosa vaporum multitudine nigrescentes, tunc autem nubes densa non est ad recipiendos radios solis, quin potius veluti corpus omnino opacum eis resistit; quare oportet nubem generantem Iridem, non esse ita nigram & opacam, sed translucidam, sicque non magnæ pluuiæ effectricem.

Ex instituto autem Dei, significat Iris non amplius futurum diluuium vniuersale in terra, vt patet *Genes. 9.* vbi Dominus dicit ad Noe: *Arquum meum ponam in nubibus, &*

recordabor fœderis mei vobiscū, & non erunt ultra aquæ diluuij. Quod autem ex instituto hoc significet, patet, quia ante diluuiū erat Iris, nec tamen significabat diluuium nõ futurum; licet non defuerint aliqui, qui putarunt non fuisse ante diluuium arcum in nubibus, decepti tamen sunt, cum naturaliter in nube rorida sol exprimat illos colores.

CAPUT II.

De varietate colorum aeris, itemq̃ de halo, seu corona, voragine, & biatu.

Varios in aere colores ex lucis repercussione consurgere, quotidiana nobis experientia demonstrat, qua nubes alijs, atq; alijs coloribus illustrari videmus; hi autem colores non ex mixtione primarū quatuor qualitatum, sed ex reflexione luminis in addensatum aerem, aut vaporē gignuntur. Vnde eorum materia est vapor, aut exhalatio, seu aer addensatus, in quem radij impingunt; efficiens est luminosum radios emittens; forma est lux variè modificata, & recepta in illa materia, partimque ex diuersa receptione in materia, partim ex diuerso aspectu luminosi oriuntur colores. Igitur si id, in quod incidit lux in aere, est valde densum, apparet veluti vmbrosus & niger color; si autem densum aliquantum sit, & simul humidum apparet cæruleus, soletque signum esse pluuiæ, quia coagulationem vaporum testatur, si adhuc autem minus densum sit medium, purpureus color efficitur, qualem præcipuè videmus in occasu solis ex tenuitate lucis & exhalationum generari. Si tenuiores adhuc sint exhalationes, apparet puniceus color, nonnunquam verò albus, seu argenteus color videtur, nonnunquam aureus; causatur enim candor in nube ex multitudine lucis receptæ in nube, quæ exhalationes habet plures, & minus humorum; vnde tales solent apparere nubes circa meridiem, aut feruorem solis; aureus autem fit ex receptio-

ptione radiorum solis directa, & multitudine lucis quando materia non nimis densa & humida est; vnde nec pluuiam designat.

Apparet autem aliquando circa solem, aut lunam, vel etiam astra fulgentiora, circulus quidam, aut corona cingens astrum, quæ à Græcis halo dicitur, & differt ab Iride, quia Iris est semper semicirculus, halo vero est circulus plenus. Fit autem halo, quando exhalatio, aut nubes æquali densitate circa altrum spargitur, tunc enim radius astri recta tendere non valens ob densitatem mediæ, intercidit seu refrangitur, diffunditurque circa extremitates orbicularis densitatis, ideoque varij colores in ea resultant, quibus astrum cingi videtur, & corona dicitur, quæ tamen aliquando deficiente materia, seu exhalatione integrè non apparet. Si corona addensetur, signum est pluviæ, quia multitudinem humidorum vaporum, à quibus addensantur, id testatur. Si ab vna, vel pluribus partibus dissipetur, ventos, à quibus talis dissipatio fieri incipit, designat. Si tota simul euanescat, serenitatem indicat ob purificationem aeris ab huiusmodi exhalationibus.

Contingit autem aliquando, quod nocte circa lunam, aut astrorum lumen, multæ exhalationes constipatæ in sublimè ascendunt, quæ in medio densiores sint, & ex parte extremitatum rariores, talesque obscurantur in medio, illustrantur verò in extremis, vnde referunt similitudinem focuæ, quæ si magna sit, dicitur vorago, si parua hiatus. *Ratio est*, quia quod est obscurum, videtur nobis remotius, aut profundius, quod verò magis illustratur, ac nitet, videtur propinquius, eò quod candidum magis mouet visum, vnde & pictores si antrum, aut profunditatem aliquam volunt depingere, nigro, vmbrosoque colore vtuntur appposito circa illum albo.

Part II. Phys.

CAPVT. III.

De Virgis, & Pareijs.

Virgæ generantur circa latera solis, quæ designantur ab Astrologis Septentrio, & Aufter. Quando ergo ex latere solis ponitur aliqua nubes habens aliquas densas, & alias raras, quæ proximè possit in aquam resolui, si talis nubes perpendiculariter ferriatur à radijs solis efficitur similitudo virgarum, quæ varijs coloribus imbuuntur ob refractionem in nube illa rorida, & densiori, quia radij solis ad nubis cavitatem se accommodantes perpendiculariter versus terram refranguntur penetrando nubem, & ideo figuram virgarum, & colores in illis efficiunt. *Notant tamen aliqui*, quod dupliciter contingunt huiusmodi virgæ, aliquando enim nubes non est continua, sed foramina habens ad modum panni perforati, & transeuntes radij solares per huiusmodi foramina, refractique ab aliquibus vaporibus existentibus in foraminibus nubis, causant similitudinem cordarum, quæ visui nostro apparent, tanquam virgæ, aliquando verò nubes est continua, sed rarior in aliquibus partibus, quàm in alijs, & radij solares penetrantes nubem in partibus raris, efficiunt virgas aliquando virides, aliquando puniceas, aliquando nigras, prout dominatur lux, & modificatur in illa materia.

Pareij autem nihil aliud sunt, quàm imagines solis in nube aliqua expressæ, quæ traductæ ad nos plures soles videmur aspicere. Contingit autem sic, quando ad latera solis occurrit nubes rorida, seu quæ in aquam proximè resoluatur & habet æqualem densitatem, similiterque ex parte exteriori est translucida, & diaphana, ex parte verò interiori terminata, taliter quod se habeat vt speculum, sol imaginem suam in eam imprimit, sicut in speculo, & ex eo quod est æquè densa perfectè refert imaginem solis, & quia radij illi non refranguntur, quia ferit illam eo modo, quo speculum, quod nos ponimus contra solem, aut

Na in ob-

in obliquo ad latus eius & similitudinem solis ostendit, aut etiam sicut in pelui aquæ videmus eclypsim solis, quia ibi eius imago apparet effigies & imago solis, non autem colores, sicut in Iride, & ita apparent nobis aliquando duo soles, aliquando etiam tres, si in duplicem nubem habentem illas condiciones cadant radij solis, aut si ex vna nube reflectatur imago ad aliam, sicut ex vno speculo ad aliud. Potest etiam fieri huiusmodi imago, & generatio Parelionum circa lunam; sic enim refert Plinius *lib. 3. 2. cap. 32.* tres aliquando

lunas simul visas. Narrat autem Aristoteles *lib. Meteoror. cap. 2.* aliquando conspectos fuisse parelios apud Bosphorum tempore meridiano, & durasse vsque ad solis occasum. Rarius tamen contingit fieri Parelíos existente sole in meridie, sed ascendente ab ortu, aut vergente ad occasum, quia cū sol est in meridie emittens directè radios ad terram, densitatem nubium ad huiusmodi Parelíos aptam dissoluit, nec debet nubes esse infra solem, aut valdè prope, sed quasi oblique illum excipere, alias dissipabitur ab eius feruore.

TRACTATUS V.

De Ventis.

CAPVT I.

De materia, & causa efficiente ventorum.



V ARIE circa generationem ventorum Philosophi antiqui opinati sunt, qui tamen penitus naturam eorum non penetrarunt, quia vel impetum aeris, vel agitationem eius, aut fluxum, ventos esse putauerunt. Illud tamen præsupponendum est, vt certum, non quemlibet aeris motum appellari ventum, quando enim manu, aut flabello aerem expellimus, quando cymbalis crepantibus, aut tormentis bellicis ingenti strepitu aer concutitur, motus aeris causatur, non tamen ventus. Igitur secundum Aristot. *2. Meteoror. lect. 7.* apud D. Thom. & *sequentib.* materia ventorum est exhalatio sicca & calida, non tamen debet esse taliter calida & sicca, vt sit inflammabilis, quia non debet esse viscosa, aut pinguis, sed debet esse terrestris, & ideo participare qualitates terræ, quales sunt frigidum & siccum, propter quod ab aliquibus dicitur, quod exhalatio illa debet

esse frigida & sicca, quia considerant qualitatem, quam habet à terra, & quam à secunda aeris regione, à qua repercutitur, participat; ab alijs autem dicitur calida, considerando calorem extrinsecum, quem habet ab eleuatione solis, à qua subtilizatur. Nec tamen negandum est, exhalationes istas habere vapores admixtos: tum quia sæpè à mari exoriuntur venti, à quo licet exhalationes consurgant propter eius salcedinem, & terrenæ concretionis admixtionem; tamen non puræ exhalationes, sed mixtæ vaporibus eleuantur. Tum quia venti à mari exorti humidi solent esse, & aliquando pluias generant, & nubes congregant, quod sine mixtione vaporum fieri non posset. Quod autem materia ventorum sit exhalatio prædicta, multis signis probat Philosophus. Primò quidem, quia eo tempore maximè vigent venti, quando multitudo huiusmodi exhalationum suppetit, vt in vere, & autumnò, & matutino tempore sole oriente, quo commouetur aer, quia tunc exhalatio à terra ascendit ob solis ortum; & similiter igneus.

igneus color aeris sole occidente, & etiam cometæ ventos denunciant, quia ex siccis exhalationibus generantur sicut color ille, & ipsius cometæ. Secundo ab effectu, quia venti exsiccant, quod non facerent, nisi ex materia sicca constarent, & ideo pluviæ cessare faciunt ventos, quia humectant, & in-frigidant siccam illam, & calidam exhalationem, quæ erat materia ventorum. Et rur-sus cessante pluvia solet ventus incipere, quia cum pluvia ceciderit, terrâ humectat, & tunc exhalat terra exhalationem siccam, sicut si in vas plenum cinere infundatur a-qua, exhalatur multum à cinere, ex illa au-tem exhalatione facta à caliditate solis ge-nerantur venti, quia talis est eorû materia.

Circa motum ventorum, & vim à qua cien-tur, magna difficultas est id perfectè explicare, occulta enim valde causa est, in tantum quod peculiariter Deo attribuitur in sacra Scriptura, vt *Psal. 134. Qui producit ventos de thesauro suis.* Difficultas autem in eo est, quia motus ventorum non est sursum, nec solum deorsum, sed in obliquum, quod ex-halationi non competit, nec ex principijs materiæ, ex qua constat, quæ est substantia terrena, quæ deorsum grauitat, nec ex calo-re solis, qui sursum attrahit; & est similis difficultas illi, quam infra tractabimus de fluxu & refluxu maris. Cum ergo tria con-currant ad ventum, scil. aer, in quo sit agi-tatio, & vis in obliquum faciens impelli has exhalationes, & ipsum aerem, dicimus huic motui duplicem causam assignari. Pri-ma est influxus astrorum, & præsertim so-lis, & lunæ; nam sicut ex impressione lunæ mare fluit & refluit, ita ex impressione eius-dem, aut aliorum astrorum obliquatur ex-halatio, & truditur in hæc inferiora. Secun-da causa est frigiditas secundæ regionis ad quam aliquando exhalatio, quæ pertingit est satis subtilis, ac viscosa, & pinguis mul-tum in se caloris suscipiens, & tales eleuan-tur ultra secundam regionem, nec eis obsi-tere potest frigiditas eius, aut inter nubes includuntur, præstantque ignitis metheo-

ris materiam; aliæ verò exhalationes ma-gis terrestres sunt. Et ideo ab illo frigore addensantur paululum, & deorsum tru-duntur, nec permittuntur sursum ascende-re: Cum autem ipsæ calore sibi impressio à sole, vel ab alio astro sursum conentur, sit vt tali agitatione obliquentur, & aerem a-gitent, tanta nonnunquam vi, vt arbores, domosque euertant, nimirum propter mul-titudinem exhalationum confestim ascen-dentium, & addensatarum ab illo frigore secundæ regionis, à quo deorsum aguntur. Correspondet etiam impetus maior, ac mi-nor ventorum vehementia, qua ab astris sursum eleuantur exhalationes illæ terre-stres, & condensabiles à frigore secundæ regionis. Fatendum tamen est multas alias causas nobis occultas ad ventorum motum concurrere, hæc tamen probabilius à Phi-losophis sunt cognitæ.

CAPUT II.

De numero ventorum, eorumque pro-prietatibus.

EGimus in præcedenti capite de ventis secundum communem eorum ratio-nem, de aliquibus enim particularibus ventis, qui magis turbines, quam venti di-cendi sunt, infra agemus. Nunc autem de numero ventorum, iuxta hydrographiæ ra-tionem, ac eorum, qui artem nauticam co-lunt, agendum est. Igitur principales venti sunt quatuor, qui ex quatuor Angulis cœli oriuntur, & spirant; diuiditur enim mun-dus in quatuor partes, scil. Orientem & Occidentem, Meridiem & Septentrionem: Ventus ergo ab Oriente spirans vocatur *Subsolanus*, ab Occidente *Fauonius* seu *Ze-phyrius*, à Meridie *Auster*, à Septentrione *Se-ptentrio* seu *Notus*. Has quatuor partes du-plicant nautæ, significantque octo partes cœ-li, vnde venti spirant, & tales partes vocant *Rumbos*. Deinde istas octo partes iterum duplicant, & intermedijs designant alias octo, quas vocant, *Medias partidas*, & in

ultimo has sexdecim partes iterum duplicant, quia inter media secant, quas vocant *quartas*, sicque fiunt 32. venti à triginta duabus coeli partibus spirantibus. prout latius in acu nautica, & hydographiæ circulis scripti videntur, & quidem sexdecim ventorum propria nomina sciuntur, aliorum non ita; quæ tamen ad præsens describere ratio esset, & oneri.

Observandum tamen est, aliquos esse ventos, qui provinciales dicuntur, eò quòd incertis regionibus agnoscuntur, & ultra non transeunt, sicut Athenis teste Plinio *lib. 2. cap. 43.* Flat Scyro, qui reliquæ Græciæ ignoratur. Et alii qui venti sunt, qui principaliter dominantur, & infestant regionem aliquam, sicut Calabriam Yapix, Galliam Circius, Atobulus Ruliam, ut ait Senec. *lib. 5. natural. questionum, cap. 17.* Alij autem venti sunt, quos Græci Ethesias, hoc est, anniuersarios vocant, eò quòd singulis annis certis temporibus spirant, sicut in ortu Orionis contingunt venti intolerabiles, ut dicit Aristoteles 2. *Metheor. lect. 9.* apud D. Thom. & in canicularibus diebus post ortum canis, venti quidam solent spirare, quos à nomine anniuersario Ethesias vocant. Similiter post tropicum, seu conuersionem solis æstiualem, quando factò solstitio in Iunio in signo cancri conuertitur sol versus capricornum flant venti Boreales. *Cuius ratio redditur à Philos. loco citato*, quia Boreales venti flant à locis, qui sunt sub polo arctico, seu septentrionali, in quibus est magna niuium, & aquarum copia, hæc autem magis liquefiunt à sole post solstitium, seu post tropicum, aut conuersionem æstiuam, quàm quando ad nos appropinquat in vere, aut in ipso solstitio, seu tropico æstiuo, quia sol maiorem effectum imprimit post solstitium, quàm antea, eò quòd diutius durauit calor eius in terra, & magis dispositæ materiæ dominatur, quam quando ad nos ascendit, ve etiam in ipso solstitio; & ideo tempore caniculæ sunt maximi calores, quod est post solstitium,

& tunc liquefactis penè niuib. septentrionis exhalatur copia spirationum, eò quòd niues multam concretionem terrenam habent, & sic flant venti.

Circa ventorum proprietates notandum est, quòd illæ spectari possunt, vel penes principia substantialia, ex qua constant, vel penes id, quod à sole, & syderibus habent, vel penes regiones, vnde spirant, & per quas transeunt. Primo modo ventis competit esse siccos & frigidos, sicut ipsa terra est, vnde eleuatur exhalatio, & si habent admixtos vapores, qui eleuantur ab aqua, habent etiam ex hac parte esse humidi, & frigidi. Secundo modo venti sunt calidi & sicci, & si habent admixtum vaporem calidi & humidi, calore extrinsecus à sydere impresso, sicut aqua calida est ab igne. Tercio modo diuersis ventis diuersæ competunt proprietates, nam Septentrio est frigidus, & siccus, quia ex locis frigidissimis spirat, & plenis niue, vnde & serenitatem inducit, quia ob frigiditatem suam dissipat humidum vaporum, prohibetque ne resoluantur in aquam; & similiter terram constringit ne emittat ex se humidos vapores; & quia minus tortuosum, & obliquum flatum habet directè tendens per nubes, secatur illas, & dissipat, non cogit. Dicitur tamen Septentrio in aliquibus locis, ut apud Cyrenem & Hellespontum, pluuiam creare. Auster est calidus & humidus, quia oritur in meridie, & transit per mare, quod ob falsedinem calidas spirationes excitat, cogit etiam nubes, & pluuiam inducit propter oppositam causam à Septentrione; licet in Africa dicatur nubes dissipare. Subsolanus est calidus, & siccus propter præsentiam solis à quo mouetur, & à quo exsiccat, & calescit illa exhalatio. Denique Zephyrus est humidus & frigidus, quia sole accedente ad occasum, vnde hic ventus spirat, remanet exhalatio eius frigida, & ob solis absentiam non exsiccata, sed humida. Ex his autem qualitatibus sequitur in ventis, quod alij,

alii salubres sint hominibus, alij noxij, variosque morbos inducant, maximè enim salubres sunt Septentrio & Zephyrus, seu Fauonius, Auster verò noxius, & veluti corpora dissoluens, quia causat putredinem ob calidum & humidum, quod præstat.

CAPUT III.

De Turbinibus, Ecnephia, Typhonis,
& Præstere.

DE his agit Aristoteles in initio tertij *Meteoror.* Sunt autem turbines isti ceteris omnibus periculosiores, ac formidabiles ob nimiam violentiam, qua obuia quæquæ prosterunt. Igitur Ecnephias generatur ad modum fulminis, quando scilicet multa exhalatio spissa, & minus subtilis intra nubem cauam congregatur, fit tunc, ut motu, aut antiperistasi incalescat, ac maiorem libertatem quærens è nube segregatur, eamque dirumpat more fulminis, nisi quod incensa non est sicut fulmen, & ita deorsum impellitur magna velocitate, & violentia propter fortitudinem frigidi segregantis, ut inquit D. Thom. 3. *Meteoror. lect. 1.* sub æquinoctiali à nostris nautis talis turbo nonnunquam visus est magno ipsorum periculo. Dicitur autem ex tali turbine asperginem aquæ calidæ profluere, quæ vermes gignit, vestesque putrefacit.

Tropheo autem, seu Typho generatur eo modo quo Ecnephias, nisi quod rotato circulo mouetur; quando enim ex diuersis nubibus, aut diuersis partibus eiusdem nu-

bis flatus erumpunt, & conglobantur inter se, ac impinguntur, eo quod à frigiditate loci per angustam nubis scissuram expellitur flatus, & ad aliud corpus, seu flatum repercutitur, fit ut illi flatus durante tali pugna retorqueantur inter se, ac vorticem efficiant, sicut videmus, quod in angiportis, & angustis vijs puluis rotatur à vento, & in fluminibus vortices efficiuntur ab aqua impingente ad saxum aliquod. Talis igitur flatus maxima vi segregatur, & excussus à nube ob fortitudinem frigidi segregantis per antiperistasi, non tamen incendit illum, & in gyrum contortus dicitur Typho; qui tantâ vehementia discurret, ut saxa, & arbores secum rapiat, ac nonnunquam nauigia integra in altum eleuet è mari, gyro illo ea inuoluens. Quod si tales flatus, vel antiperistasi, vel repercusu, contingat aliquantulum inflammari, dicitur ille turbo Præster, sternens, & comburens omnia, differtque à fulmine, eo quod fulmen plus de igne habet, & de flatu minus, hic è contra plus flatus, minus ignis corripit; & etiam, quia fulminis materia subtilior est, quam istius. *Obseruandum tamen est*, ad has tempestates excitandas multum conducere, quorundam siderum influxus, in quorum ortu frequenter stellæ accidunt, ut in Ortu Orionis, Hiadum, & Aquarii; sicut etiam loca quædam sunt, quæ maximè instantur procellis, ut promontorium bonæ spei, & ille maris tractus, quo à Sina in Iaponem

TRACTATUS VI.

De Metheoris humidis genitis in aere.

CAPUT I.

De Nube, & Pluvia.



NUBES principium sunt omnium concretionum humidarum aeris, sicut optimè notauit D. Thom. in cap. 37. *Iob* circa illa verba: *Nunquid nosti semitas nubium magnas, & perfectas scientias?* Materia ergo nubium est vapor calorem solis, aut aliorum astrorum eleuatus. Hinc dum ad mediam aeris regionem peruenit, tum ob debilitatem radiorum solis, quorum reflexio illuc non attingit, tum ob frigus illius secundæ regionis condensatur, & talis vapor addensatus dicitur nubes. Quia verò ex his vaporibus aliqui habent partes raras, & aereas, facile in aeris naturam permutantur, aut etiam ventis deleruiunt exhalationibus permixtis; alij verò grauiore sunt, & humidiores, qui in aquam conuerti possunt, & ex his generatur pluvia, vnde non omnes nubes in pluuiam resoluntur, sed multæ in aerem, aliæ in ventos ob exhalationes admixtas, aliæ in nebulas, & caligines diffunduntur. Vt postea dicemus.

Igitur cum pluvia nihil aliud sit, quam nubes in aquam resoluta: quæres primo quæ sit ratio, cur pluuiæ minutim cadant, & non tota simul effundatur è nubibus, cum naturali grauitate, ac pondere sic videretur fieri debere. In quo videtur peculiaris Dei prouidentia relucere, sicut Scriptura sacra testatur *Iob* 25. vbi dicitur: *Qui ligat aquas in nubibus suis, erumpant pariter deorsum.* Respond. Causam huius esse tenuitatem vaporis à modico, & non nimis violento frigo-

re addensatam, tunc enim paulatim addensatur vapor, & in aquam conuertitur, vnde & paulatim decidit, & non tota simul ruit, & sicut infæcundæ nubes, quæ in aerem conuertuntur, non simul secundum omnes partes in aerem transeunt, sed paulatim, & per partes, sic multo melius quando in aquam conuertuntur, quæ crassior est, & maiorem requirit densitatem conuertuntur paulatim, & minutim in aquam, non simul. Addo etiam, quod nubes ipsa ex sui dispositione veluti stillicidium quoddam est ob partium suarum raritatem modice addensatam, vnde & aquam stillatam dimittit, & consequenter minutim, & non simul.

Illud tamen aduertendum est; maiores, crassioresque guttas generari ob maioris frigoris vim, quæ nubem magis addensat, & consequenter densiores guttas aquæ facit, quod frequenter contingit in æstate, quia tunc ob calorem circumdantem nubem, per antiperistasis intenditur frigus, & consequenter addensatur aqua, fiuntque guttæ crassiores.

Secundo quæres, cur imber cum magno strepitu, & impetu descendit, quod & Dominus cum admiratione interrogauit *Iob* 38. *Quis dedit vehementissimo imbri cursum,* aliquando verò sensim sine strepitu illabitur, quasi aqua ex stillicidijs eliquata. Resp. causam vehementiæ impetus, esse frigus comprimens partes nubis, & cum violentia in eas intrans, tanto autem violentius, & fortius intrat, quanto maior est caliditas frigiditati resistens, eamque nitens expellere, tunc enim ob contrarium vincendum cum maiori violentia nubem ingreditur, & comprimens fortius eius partes cum

cum maiori impetu facit eam resolui, sicut quando fortiter comprimitur ex spongia aut pannus madefactus, copiosius, & fortius descendet aqua; compressio autem nubis à violentia frigoris fit, cuius signum est, quod in æstate quando est maior caliditas, & frigus violentius nubem intrat, impetuosius descendit imber; & similiter grandæ, quia generatur ex frigore violento per antiperistalticam caloris circumdantis descendit impetuosè. Deseruit etiam ad huiusmodi impetum vis ventorum, quia impulsæ exhalationes eadem vi secum deferunt aquam, sicut in magnis tempestatibus videmus. E contra verò quia quando generatur nix, non est caliditas circumstans, ratione cuius violentè frigus comprimat nubem, sed liberè in eam ingreditur, & congelat; inde est, quod sine impetu descendit, nisi ab aliquo vento nimis impellatur, quando verò nubes est remissa calida, ita quod non multum resistit frigori comprimèti, sed facile penetrat partes nubis, blande quoque compressa nubes à tali frigore paulatim decidit, ac sine strepitu. Ex quibus patet, quod ad pluuiam generandam, vapores debent esse calidi; & ita calidiores venti, ut australes solent pluuiam generare.

Quæres tertio: An naturaliter sit possibilis, talis aquarum inundatio, quod vniuersale diluuium possit efficere? Fuisse præter vniuersalem cataclismum inundationes alias, partim ex pluuijs, partim ex maris eruptione constat ex scriptoribus historicis; & vnā extitisse ante vniuersale diluuium tempore Enos, quæ tertiam terræ partem perdidit refert Genebrandi Chronographia, & plures alias referunt S. August. 13. de Ciuitate cap. 8. & 10. & S. Isidor. lib. 14. originum cap. 22. *Respond.* tamen non posse naturaliter tantam fieri inundationem aquarum, ut vniuersale inducat diluuium. *Ratio est,* quia dispositio naturalis totius vniuersi non ordinatur ad eius destructionem, aut ad destructionem ordinis vniuersi, qui ex elementorum dispositione

constat, quare nec est facultas in natura, ut totam terram aquis perdat, & eius compositionem & ordinem dissoluat, & ideo Deus in cœlesti corpore tot astra, quorum virtutes, & effectus sibi aduersantur protulit, ne si omnia ad eundem effectum conspirarent, totius huius inferioris mundi ordinem dissiparent. Fuit ergo vniuersale diluuium speciale diuinæ potestatis opus, sic agentia naturalia disponentis, ut ultra suam naturalem potentiam in mortales omnes desiniret.

Quæres quarto: Quæ sit causa aliquarum pluuiarum, quæ præter vsitatum cursum extraordinariæ, & prodigiosæ sunt, ut quod pluat sanguine, lacte, ranis, pisciculis, aliquando decidat ferrum, & lapides. *Respond.* res istas ordinari ex dispositione diuina ad inducendum hominibus terrorem. Potest tamen aliquarum reddi naturalis causa; sanguine enim, & lacte aliquando pluit, non quia veram formam sanguinis, & lactis habeant hæ pluuiæ, sed colorem solum, & apparentiam, quod contingit vel ex eo, quod ex locis cruento humore madidis Sol vapores eleuat, qui colorem illum retinent, sicque pluuiam illo inficiunt, vel quia ex forti aliqua decoctione ab igne, seu calore intra nubem incluso, vapores habentes admixtas partes fumosas, quæ facile colorem recipiunt, in ruborem permutantur, aut in candorem, ex eo, quod humidiores partes resoluuntur, & manent clariores, sicut nix, quæ aliquod concretionis terrestris habet, etiam candorem recipit. Ranæ autem, aut pisciculi, videntur aliquando decidere, aut quia ab aliquo violento turbine eleuantur, & postea decedentes pluerè illis videtur, aut quia intra humidum, & calidum nubis tale temperamentum aliquando concurrit, sicut in paludibus ad generanda huiusmodi animalia, præsertim quando viscosus humor, ex quo communiter in aqua generantur includitur in nube.

De præfagijs autem temporum, & signis pluuiæ

pluuiæ, videri potest Plinius *lib. 18. naturalis historia cap. 31. labelus tract. 3. Meteoror. c. 2. Conimb. tract. 7. cap. 3.* vbi late de huiusmodi signis agunt, nos breuitatis causa, quia res est non multi momenti, o-mittimus.

CAPUT II.

De Niue, & Grandine.

Nix generatur è nube, quæ ab excellenti frigore congelatur & idè nix siccior est, quam pluuiæ quia frigus dum congelat, & constringit, humorem expellit. Contingit autem sic: Quando nubes habens plures partes aereas admixtas per aerem spargitur; frigus excellens, quod tunc viget, ingreditur partes illas nubis, & cum resolui debeant partes eius in aquâ, ab excellenti illo frigore congelantur, & duriores aqua efficiuntur. Quare vero non omnino rigescant, sicut aqua gelata, statim dicemus. Causa ergo efficiens niuis est, frigiditas excellens sparsa per nubem, non admodum obscuram, sed claram, congelans, & adunans partes nubis, quando debent resolui. Generatur autem nix in media aeris regione, vbi frigus maius est, & in illis regionibus, quæ non multum incalescunt radijs solis, vnde in montibus altissimis perpetuo nix conseruatur, & gignitur ob excellentem algorem talium regionum; & quia illuc non peruenit radiorum solis reflexio ferè nunquam æstatem sentiunt, & similiter in partibus septentrionalibus, vbi oblique solis radij feriunt, perpetuò ferè generantur niues.

Nix est candida & mollis. Causa candoris eius est multiplex. Primo quidem, quia propter claritatem nubis è qua generatur, multum participat de luce, quæ principium est candoris in corpore terminato, quod coloris est suscentium, sicut aqua, quæ diaphana est, si terminetur & solidetur per gelu, redditur alba. Secundò propter partes aereas, quibus abundat nix, tales enim

spumam generant, vnde & Arist. 2. *de generatione animalium c. 2.* niuem spumam appellat, spuma autem de se alba est, & si adiungatur ei excellens frigus, intensior candor generatur, quia frigus candoris parès est, vt in hominibus septentrionalibus videmus, & quando laxior est spuma, tanto albior apparet nix. Dicitur tamen nix vetustate rubescere, vt in 5. *de histor. animal. cap. 19.* refert Arist. quia partes aeræ, tempore consumuntur, redditurque illa mixtura qualitatium, quæ ruborem referat. Causa autem quare nix sit mollis, est quia calidum vaporis in nube non simul expellitur à frigore, sed successiue, & ideo non permittitur omnino rigescere calido repugnante, & sic remanet aqua addensata, sed non omnino rigida sicut gelu, sed mollior. Item etiam, quia intrant nubem vapores illi, qui non habent admixtum multum de terrestri concretionem, & sic vapor ille est nimium subtilis; vt autem geletur, & indurescat aqua, debet esse crassa, & terrestres habens concretiones, quo enim subtilior minus dura efficitur, vnde vapor ille, qui nimium est subtilis, non maiorem duritiem admittere potest, quam illa, quæ in nube videtur, vnde non durescit, quia non est capax tantæ congelationis, sicut si esset aqua crassa; pruina autem magis durescit, quia habet plus crassitudinis, & terrestris concretionis.

Grando autem generatur, quando aqua pluuiæ congelatur, antequam ad terram perueniat, vt auctor est Arist. *lib. 1. Meteoror. c. 12. lect. 15 apud D. Thom.* vnde materia grandinis est imber, seu aqua nubis calida resoluta; proximum efficiens est, aut frigus circumdans illam aquam, & congelans, aut calor circumstantis aeris per antiperistasis eius calorem expellens, & congelans. Fit autem hoc modo; quando nubes calidi vaporis resoluitur in aquam, contingit aliquando, vt resolutio ista fiat propter calidum congregans frigidum naturale vaporis peruenientis ad secundam regionem, & facit

facit ipsum in aquam conuerti, tanto vehementius, quanto fortius à calido circumstante frigidum congregatur. Vnde & tunc oriuntur maiores guttæ in pluuiam, quia fortior congregatio frigidi plus materiæ conuertit in aquam; quando autem magis, ac magis includitur frigidum, & circumdatur à calido, non solum facit resolui aquam, sed etiam ipsam congelat, & fit grando. Quod autem possit sine multa mora congelare aquam ex eo est, vt dicit Philosophus, quia vehementia frigoris à circumdante, & congregante calore tanta est, quod minori tempore congelat, quàm motus localis aque fiat, sicut in hyeme solet aliquando tantum vigere frigus, quod decedentes guttæ, prius congelantur, quàm in terram cadant, quod ergo facit rigor frigoris in hyeme toto aere sparsus, facit parum frigus vaporis à circumdante calore congregatus, & inclusus per antiperistasis, & ideo quanto propinquius ad nos grando generatur, tanto durior est, & magis congelata, quia constipatur frigus à calore propè nos existente qui maior est. Deseruit autem ad citius congelandam aquam, etiam ipsius vaporis calor, quia aqua calida citius congelatur, quàm frigida, quia cum rarior sit ea, quæ est calida, minus resistit contrario, & citius ab eo vincitur. Generatur autem grando, & in secunda aeris regione, & in infima; in secunda quidem aeris regione, aut quia omnia rigescunt gelu, si grando generetur in hyeme, aut quia circumstante calore nostro constipatur frigidum nubis, & non solum resoluitur, sed vsque ad congelationem induratur à frigido aqua resoluta. In infima autem fit, quando à calido vnitur frigiditas aque descendens, quia licet aqua illa calidi vaporis sit, natiuam tamen habet frigiditatem, & comparatione nostri caloris frigida est, quæ proinde vnita à maiore calore vsque ad congelationem intenditur. Et signum, quod generatur aliquando in infima regione, est, quia secum grando defert paleas, aut aliud quidpiam, quod

Part II. Physic.

propeterram volitat. Quando autem congelatio hæc, quæ accidit circa aquam, accidit circa niuem, quæ in minuta granata à frigore condensatur, dicitur granedula. Contingit autem grando omni anni tempore, præsertim tamen in autumno, aut vere, quia tunc præsertim eleuatur vapor calidus, qui tamen non consumitur, sicut in æstate, potestque ex illo generari grando; in hyeme vero ob rigorem, non ita eleuantur vapores calidi.

CAPVT III.

De Nebula & Glacie.

Sicut in nutritione viuientium, accidit, quod ex alimento pars conuertitur in substantiam aliti, scil. quod magis depuratur, & defæcatur à calore naturali, pars vero in excrementa tanquam inutilis reijcitur: Sic in vapore nubis quædam partes sunt crassiores & humidiores, quæ in aquam conuertuntur, quædam flatuosæ, quæ in ventos, quædam subtiles, & minus ad conuersionem aque idoneæ & à frigore noctis paululum addensatæ descendunt vsque ad nos, & tales sunt de facile in aerem conuertibiles, vocanturque nebula seu caligo. Itaque partes illæ nubium, quæ deberent in aerem conuerti ob subtilitatem, & carentiam humiditatis, addensatæ à frigore noctis, & ad nos descendentes nebula est, & ideo ascendente sole facile dissipantur. soletque signum esse serenitatis, quia scil. non sunt nubes, vt in aquam conuerti possint, sed infœcundæ, & tanquam reliquæ nubium, vt Philosophus dicit. Contingit autem aliquando vt nebula ingroffetur à vaporibus ex aqua, seu lacu aliquo, aut terra humida ascendentibus, & tunc iterum vapor ille eleuatur à sole, fitque nubes, quæ in aquam soluitur. Ex hoc autem constat, quod nebula leuior est quam nubes, quia facilius à sole dissipatur, & quia humore caret, à quo prægrauatur vapor, licet ob frigus addensans descendat, non tamen ideo fit grauior licet ei causa ascendendi deficiat, quæ

oo

ca

est calor, quem quia nubes crassiores plus retinent, non descendunt.

Glacies est aqua congelata. Ad congelationem autem aquæ licet requiratur tanquam efficiens causa excellentia frigoris, tamen ex parte materiæ requiritur, quod aqua admixtum habeat aliquid de concretionem terrestri, quæ ad indurationem, & concretionem maximè iuuat. Etenim solum frigus non sufficit aquam congelare, aliàs aqua cum ex natura sua postulet summum frigus, ut diximus *quest. 11. de Generat.* ex sua natura postuleret congelationem, & sic non esset fluida naturaliter, quod est falsum. Quare aqua gelata non est aqua omnino pura, sed terrena concretionem admixta; quod idem in grandine & niue accidit, quæ congelantur ob admixtam terrestrem concretionem, & exhalationem cum vapore, unde & aliquid caloris comitatur aquam gelidam, quantum concretio terrestris admittit. *Si quæras*, vtrum mare possit congelari? *Aliqui negant*, præsertim ob calidas exhalationes, quibus mare abundat propter falsedinem suam, & ita dicunt, quod licet videatur superficies æquoris cōstringi, tamen eam aquam non esse maris, sed fluminum, & paludum quæ in mare intrant, & quia leuiiores sunt in superficie enatant, & tales gelantur. Nihilominus hac de re nulla potest esse dubitatio, cum ex nostri temporis nauigationibus constet circa arcticum polum ad octuagesimum gradum, aut circiter mare septentrionale, ad eò gelu indurari, ut in nauigabile reddatur. Narrat id etiam de mare Scythico Pomponius Mella *lib. 3. de situ orbis*; de mari Gothico Olaus magnus *lib. 11. de rebus septentrionalib. cap. 3.* Herodotus idem contigisse scribit in Bosphoro D. Thom. in illud *Iob 38. Superficies abyssi cōstringitur*, inquit, mare iuxta superficiem congelari, non tamen in profundo, quia illuc vis frigoris non per-
tingit.

CAPUT IV.

De Rore, Pruina, Melle, & Manna.

Eadem est materia Roris, & Pruina, scil. vapor exiguus, & subtilis: in causa efficiendi partim conueniunt, partim differunt; conueniunt, quia vtriusque efficiens est frigiditas noctis, sed vnius, scil. Roris est frigiditas modica, quæ solum vaporem illum subtilem addensat in aquæ guttulas; alterius scilicet pruinae est frigiditas intensa non solum in aquam addensans vaporem, sed indurans, & congelans, unde & pruina durior est niue; ex quo fit, quod ros est temperatè calidus, & frigidus, quia generatur ex modica frigiditate, quæ non omnino excludit calorem. Pruina autem est omnino frigida, utpotè à frigore intenso generata, & ideo solet pruina gigni flante Borea, qui frigidus est. Ros autem fit serena nocte, quæ si nebulosa sit, & turbulenta exiguum, ac subtilem vaporem dissipat, nec in guttulas sinit addensari, & sic ros est signum serenitatis.

Si autem quæras, quo in loco generentur ros, & pruina. *Respondetur*, Diuersas circa hoc esse opiniones; videtur tamen probabilius, quod generetur ros infra secundam regionem aeris, seu in superiori parte infimæ, aut circa illam, ut tenet Commentator 1. lib. *Metheor. cap. 4.* quia ibi est debitum temperamentum ex calido, & frigido, tum ex frigore noctis, tum ex appropinquatione ad secundam regionem, aliàs si in ipsa secunda regione generaretur, nimis condensaretur ille vapor, ab immodica frigiditate secundæ regionis, per quam deberet transire; nec esset ratio, cur non caderet ros super cacumina montium, in quibus tamen etiam si altissimi non sint, non inuenitur. Ac denique quia si generaretur in suprema parte secundæ regionis, ut dicit Albert. quia ibi est temperamentum calidi, ac frigidi, cur non etiam suprema pars infimæ regionis erit locus per se roris? Quia idem habet temperamentum ex appropin-

qua-

uatione ad secundam regionem, & nostram, ne ponamus locum roris superiorem esse loco pluuiæ. Cur autem in montium cacuminibus ros nō decidat, causa est, quia vapor roris est admodum exiguus & subtilis, quia ex locis humidis exhalatur, nec ita altè ascendit. Tum, quia summities montium ventis perflantur, qui concretionem roris impediunt. Præterea autem generatur in infima aeris regione, quando intensum frigus in ea viget, ibi enim condensatur aqua, & guttula eius congelantur, præsertim concurrente influxu alicuius Planetæ frigidi, & sicci, qualis est Saturnus. Pruina ordinariè fit in principio hyemis, tunc enim albescunt campi, & tecta domorum pruinâ, propter intensiorem frigoris congelantis vaporem tenuem; rigente verò hyeme non permittitur vapor ille ascendere, & idè non fit pruina.

Mel generatur ex vapore subtili, sicut ros, sed vltèrius habet ille vapor admixtas aliquas partes terrestres, subtiles, & humidum etiam aereum, vnde ex cōmixtione talium partium, quando humidum non multum dissoluitur, sed caliditate aeris digeritur ac decoquitur fit succus, seu ros dulcis, qui nocte frigoris pinguescens adheret floribus ac foliis, vnde ab apibus colligitur, & in aluearia deferitur. Nec enim apes mel efficiunt licet perficiant, ac magis decoquant, sed colligunt ex herbis & floribus. Vnde videmus, quòd cellula earum vno, aut altero die repletæ inueniuntur, quod non esset, si ab eis debèret fieri, & ex earum alimento generari, & etiam in autumno seu hyeme non reparant mel sibi detractum, licet aliqui flores, & herbicula suppetant illo tempore. quia tunc non generatur mellis ros; vnde inquit Aristot. *lib. 5. de historia animalium, cap. 22.* quod apes fauos construunt è floribus, ceram ex arborum lachryma effingunt, mel ex aeris rore colligunt. Et sane in aliquibus floribus, præsertim antelucano tempore succum prædulcem inueniri, experientia testatur his, qui

flores inuentos sugunt, ac dulcem eliciunt succum.

De melle siluestri, qualem D. Baptistam comedisse refertur in Euangelio, quidam existimant probabilius esse mel montanum à siluestribus apibus confectum, quod summè amarum est, vocaturque à Plinio *lib. 1. cap. 16.* ericeum, quia ex erica eligitur ab apibus, ex qua iniucundum contrahit saporem, sicut etiam in Sardinia mel amarum gignitur, quia ex absynthio ab apibus colligitur. Tenet illam sententiam Ysidorus *Pelusi. lib. 1. Epist. 5. & Epist. 131.* Chrylostomus & Theophrastus, qui dicunt agrestibus apibus fieri illud mel.

Similem generationem, quam mel, habet manna, nisi quòd manna humidum aqueum, seu vapor valde decoquitur, & terræ partes manent cum exigua humiditate, & ex tali maiore decoctione fit liquor candidus, sicut etiam mel candidum, ob maiorem humidi decoctionem generatur. Manna autem in ramis, herbis, & lapidibus aspergitur, indeque in medicinæ vsus asportatur. Nec putandum manna Hebræorum specie distinctum fuisse ab isto vulgari, nisi quòd eius generatio altioribus causis perficiebatur, vt tamdiu duraret, & talibus temporibus colligeretur, fortè Angelis sic materiam disponentibus, ac ministrantibus, ac pluribus perfectionibus, & qualitatibus illud secundum Dei ordinationem immutantibus, vnde & Angelorum panis dictus est. Sed tamen hæc specificatam distinctionem non efficiunt, sed accidentalem, sicut vinum, quod Christus ex aqua conuertit, non differebat specie à vulgari viño, licet multò esset excellentius. Vnde

& in modum pruinæ cecidisse manna

super terram Scriptura refert


cap. 16. Exodi.

TRACTATUS VII.

De Mari, eiusque motu & falsedine.

CAPUT PRIMUM.

De situ Maris.



*V*pponendum est, quod licet varia ab Historijs Maria numentur, omnia tamen ex Oceano, qui est ipsum elementum aquæ vastissimum, omnem terram circumdans, ortum habent, vel manifestè vel occultè; nam mare Balthicum circa Daniam ex Oceano influat. Mare Mediterraneum per fretum Gaditanum ex Oceano incipiens usque ad Palestinam terminatur. Ex mediterraneo verò primo per Propontidem, Aegæumque mare, deinde per Bosphorum circa Constantinopolim emergit mare, seu Pontus Euxinus, cuius ultima pars paludem Mæotim claudit. Mare Rubrum circa Aethiopiam, & extremas Africæ oras versus orientem, ex oceano circa oppidum Aden incipit, inde per 350. leucas inter Aegyptum penetrans prope Palestinam desinit. De nomine Rubri maris an à calore dicatur, an ab Erithra Rege, qui interpretatur Rubrus, decertant Scriptores; & multi eiusdem esse coloris cum cæteris affirmant. Fœlicius ex nostrorum navigationibus compertum est, quod aquæ illius ob arenarum ruborem, & coralliorum, quibus scater, abundantiam rubrum referunt colorem, licet è mari extracta aqua perlucida sit, sicut cæteræ, quod ex Ioanne Barrio *decade 2. lib. 8. cap. 1.* Conimbric. referunt *hic tract. 8. cap. 1.* Mare Persicum ostium habet in Oceano Indico, indeque Persidis partem alluit, in eoque Tigris, & Euphrates influunt, & hæc sunt maria, quæ apertè ex Oceano oriuntur. Præter hæc verò numeratur adhuc mare Ca-

spium circa Armeniam, quod occultis vijs ex Oceano creditur oriri, vndique tamen montibus cingitur, & magis lacus multorum fluuiorum in cursu stagoans, quam mare nominari posset. Igitur circa Oceanum, qui aquarum omnium parens est *notandum est*: Quod eius congregatio in vastissimo illo loco, quo iacet, terra die creationis mundi facta est, cum Deus dixit Genes. 1. *Congregentur aqua, quæ sub cælo sunt in vnum, & appareat arida*, quantum enim est de se aqua petit terram operire, sicque operiebat in principio; ad usum autem hominum diuinâ providentiâ factum est, ut terra appareret, aquæ verò elementum in vnum locum congregaretur; quæ congregatio mare, seu Oceanus dicitur. Ille vero locus, seu hiatus, & intercapedo, in qua interfusa est huiusmodi aquarum vastitas, abyssus dicitur propter profunditatem suam immensam; quæ tamen non æqualis ubique est, sed montes, ac rupes, camposque sub aquis illis esse certum est, insulæ enim maris non aliud sunt, quam excelsi montes è maris profundo emergentes, & similiter vadosa loca, aut rupes ad superficiem maris, aut non longè à superficie ascendentes, terra est è profundo maris eleuata usque ad superficiem.

An verò ex hac aquarum congregatione mare in tumorem eleuatum sit, ita ut terra sit altius, dubium est apud Philosophos & Theologos; & difficultas non est in aqua, quam prope littus videmus, sed de ea, quæ longius à terra protenditur, an ita in tumorem, seu in maiorem altitudinem eleuetur, ut maneat ibi mare terrâ altius. Nam D. Thom. 1. p. *quest. 69. art. 1. ad 1.* censet probabilius esse, quod mare terrâ sit altius, quod

quod experimento compertum esse in mari Rubro affert ex D. Basil. *homil. 4. in Hexameron ante medium*, qui eandem tenet sententiam. Alij verò plurimi authores oppositum tenent in eamque sententiam adducunt. Sanct. Hieronym. *in illud Psalmi. 32. congregans sicut in vire aquas maris*. Et Diu. August. 135. aliosque Patres. Sane, quod D. Thom. & D. Basil. non loquuntur de mari comparato ad altissimos montes terræ, illud argumento est, quod Diu. Basil. de mari Rubro loquitur respectu terræ Aegypti, quæ montosa non est, sed planior, & mari de pressior: cuius simile in Zelādiz littore nos ipsi vidimus, vbi ad oculum mare terrā ipsā altius est. Ipsæ etiam insulæ, quæ montes quidam sunt in medio mari ostendunt tumorem aquæ non vincere altitudine supremos montes; habere tamen tumorem aliquem mare, ita quod terrā altius sit, negandum non videtur, quia tanta aquarum immensitas, quæ totam operiebat terram in vnum locum congregari non posset, & manere depressior terra nisi consumpta multa aquarum copia, quæ tamen potius crescit ex fluminum in mare influxu, & generatione aquæ, præsertim circa septentrionem. Quare ex tali aggregatione aquarum in tumorem aliquem, excrecere debuit mare, quo terram superuincat, licet non altissimos terræ montes. Adde, quod locus ille, in quo congregatæ sunt aquæ, nec tantus, nec tam profundus esse, videtur, ut abique tumore profunditatem aquarum, quæ totam terram operiebat potuerit excipere, sicut patet in diluuiio, in quo non obstante tota profunditate, in qua continetur, nihilominus terram operuit. Et quod faciat vnam spheram cum terra, non obstat eius elationi, nam etiam montes faciunt vnam spheram cum terra, quia totum hoc respectu cæli, cuius centrum sunt, quasi nihil reputatur. *Nec valet dicere*, quod si mare est altius terra, tunc æquali vento flante citius naues portum peterent, quam

ab eo discederent, cum è portu ascenderent, ad portum vero tendentes descenderent. *Hoc inquam non valet*, nam mare non ita sensibiliter à terra eleuatur, ut circa portum possit deprehendi illa maior celeritas. Præsertim quia fluxu, & refluxu circa portus existente, impeditur ille maior ascensus, aut descensus; sed existimandum est, quod mare secundum se eleuatius est terrā, præsertim, vbi multum à terra distat, quæ tamen eleuatio prope terram non sentitur, eo quod ibi modicè, & ferè insensibiliter supra terram videatur eleuari, præsertim propter æstus fluxum, & refluxum quotidianum, qui eleuationem istam, aut deprimit, aut æquat, aut extollit. Quod verò dicunt aliqui citius vnā horā oriri, & occidere Solem in Hispania existentibus, quam quindecim gradus ultra Hispaniam versus nouum orbem procedentibus, quod non esset, nisi mare esset altius terrā nostrā. Hoc nihil est, quia quod Sol nobis citius hic oriatur, quam ibi, causa est distantia loci, qui à Sole tam citò illuminari ibi non potest sicut hic, nam etiam si ultra illos quindecim gradus ponerentur altissimæ insulæ, tardius ibi oriretur Sol, & tamen altiores essent nostrā terrā, quia essent montes altissimi, ergo illa ratio est nulla. Sed de his latius agemus Deo dante *ad 1. p. Diu. Thom. in 2. tomo* agentes de opere sex dierum.

CAPVT II.

De motibus maris.

PRæter descensum, qui aquæ competit ex naturali grauitate, & motum, qui à ventis mari imprimitur, aliqui motus in mari videntur, qui occultissimas habent causas; deprehenditur enim Oceanum moueri ab Oriente in Occidentem, qui enim ex Hispania in nouum orbem traieciunt, intra mensem plus minus cursum conficiunt, quando vero reuertuntur ex America in Hispaniam, trium, aut quatuor mensium

spatium consumunt, obtinente in contrarium aquæ motu. Eundem motum inueniri in Mediterraneo, eodem signo deprehensum est, cum tardius ex Hispania in Palæstinam, quam è contra cursus fiat. Huiusmodi motum occulto siderum, & cœli influxui tribuendum, præsertim diurno solis, aut lunæ motui, qui à primo mobili rapiuntur, probabilius censetur. Alius motus, qui in Oceano aduertitur, est à septentrione ad Austrum, qui magis circa septentrionem notatur. Et videtur Aristotel. *lib. 2. Meteoror. capit. 1. lectio. 1. apud Dium Thomam circa finem*, huiusmodi motus causam reducere in altitudinem partis septentrionalis respectu Australis, à qua proinde necesse est aquas desfluere. Albertus *lib. 2. Meteoror. tractat. 2. capit. 6.* addit multum aquæ generari circa septentrionem propter loci frigiditatem, & solis absentiam, & propterea ad Austrum decurrere. Sed hæc causa licet in mari Mediterraneo versus septentrionalem eius partem, quæ est Pontus Euxinus, locum habere videatur non tamen in Oceano, quia ex parte poli Australis, seu Antartici vehementius frigus vigeat, quam in septentrionali, & ita deberet etiam multum aquæ ibi generari, fierique metum ab Austro ad septentrionalem. *Probabilior ergo est prima Aristot. causa.* quia terrâ declinuius esse videtur à septentrione ad Austrum, ideoque ex ea parte aquæ fluunt, licet multum ex his motibus cœlestium pressioni tribuendum sit. Omitto alios motus, qui in Oceano notantur, non generales, sed ex varijs finibus, & concursum aquarum in modum vorticis confluentium, ut in sinu Mexicano, & in Oceano Aethiopico, & promontorio bonæ spei, alijsque locis, ubi aquæ reflexionem accipiunt ex sinuosa giratione circa terram, indeque maiori impetu fluunt.

Principalis, ac notabilior, magisque mirabilis maris motus est quotidianus æstus, seu fluxus, ac refluxus, quo per sex horas

fluit, & à littore recedit; tamen æstus non eodem modo in omnibus maris tractibus inuenitur. Nam in medio mari, non deprehenditur, sed circa littora, & in his variè, nam in aliquibus partibus vix sentitur æstus, ut in aliquibus locis maris mediterranei, ut apud Barchinonem, & Narbonam, & in mari Thyrræno, ob quam causam aliqui putant in mari mediterraneo æstum non esse, cum tamen in alijs eius locis sentiatur. In Oceano Hispanico, Gallico, Belgico, & communiter circa alias partes, sex horis fluit, sex refluit; circa aliquas tamen Galliarum partes, ut circa Aequitaniam septem fluit, & quinque refluit. In aliquibus Africæ locis fluit quatuor horis, refluit octo. Inter cætera mirabilis est maris æstus in littore Cambayæ in faucibus Indi fluij, ubi duabus horis mare trigintas leucas inundat, duabus iterum tantum spatij detegit, & ita tanta rapiditate agitur, ut homines cymbali sonitu admoneantur, ne incauti rapiantur ab æstu. Denique in Euripo, quod est angustum illud mare inter Eubœam insulam, & Audidem, septies in vigintiquatuor horis fluit, & refluit mare.

Generalis causa huius motus marini reliquis varijs Philosophorum opinionibus, lunæ attribuendus est, secundum quod diuersimode à sole aspicitur, diuersosque in mari motus causat. Hanc opinionem perpetuo sequitur Diu. Thom. ut *opusculo 34. de occultis naturæ operibus, in questione 22. de veritate articul. 13.* & præcipui antiquorum Philosophorum, ut Auerto, Al-bumezar, Cicero, & ex modernis omnes. Huic sententiæ attestatur experientia, quia ad lunæ mutationem videmus mutationem æstus marini fieri, ut in plenilunio, magni, & feruentes æstus existunt, decre-scente verò luna mitiores. Item variatur æstus quater in die communiter, & ordinariè (aliquibus locis supra relatis exceptis) secundum motum lunæ diurnum, qui in quatuor partes diuiditur; ac denique,

que, quia luna inter omnes planetas humidis corporibus denominatur, sicque peculiarem influxum, & impressionem in mare habet. Sed qua virtute id faciat luna, dubium est, an scilicet attrahendo, seu eleuando aquam ad modum magnetis trahentis ferrum, & rursus deponentis, an verò rarefaciendo aquas maris, & condensando, an denique solum diuerso luminis aspectu. Sapè quilibet dicendi modus suos habet authores, nullus tamen plene satisfacit, nam quod fiat attractione, non est causa sufficiens, quia etsi vis eleuatiua aquarum, & vaporum, astris conueniat, tamen quod non solum eleuet, & attrahat, sed etiam deponat, & deprimat, non ita facile apparet, præterquam quod restat assignare, cur non omnibus aquis etiam paludum, & fluuiorum non imprimatur ista attractio, & denique, quia motus ille non est eleuatio aquarum sursum, sed in latera agitatio. Quod etiam per rarefactionem, & condensationem non fiat, manifestum est, cum eodem modo crassa sit aqua influxu, atque refluxu. Nec denique ex solo diuerso aspectu luminis, nam luna non existente in Horizonte, aut quando omnino est lumine priuata ex nostra parte, vt in nouilunio, æstus non cessant, & luna non illuminat. Quare referendum est hoc ad impressionem aliquam non per modum attrahentis, sicut in magnete, sed per modum mouentis huc, aut illuc aquas, sicut etiam motus ventorum fit non per solam eleuationem exhalationum, sed etiam per motum in obliquum, quæ vis imprimens motum hunc, nobis penitus non est explorata, sicut multarum rerum causas manifeste non agnoscimus.

Sed restat tunc assignare causam diuersitatis marini æstus, vt quod in vna parte concitator sit, in alia mitior, & cur non omnibus aquis extra mare imprimat luna hunc motum; cur etiam in aliquibus puteis æstus reciprocatio sentiatur? *Ad hoc. Respond.* huius diuersitatis rationem proue-

nire partim ex ipso situ regionis, aut littoris, partim ex materia, quæ apta non est ad impressionem illam lunæ, videmus enim virtutibus istis occultis certam quandam materiam correspondere, in quam agere possint, & in alias non possunt, magnes enim potest attrahere ferrum, non lapidem, & Remora detinere potest nauim, non verò alium piscem; sic luna, quæ occulta quadam vi maximam aquam impellit, non potest alias aquas sic mouere; & similiter varie temperari potest impressio ista lunæ ex materiæ diuersitate, regionum situ, & aliorum astrorum influxu; sicut sol, licet eandem semper virtutem habeat, vapores eleuandi, & gignendi, non tamen in omnibus regionibus eas generat, nec pari modo vbique; sic licet luna eandem semper virtutem habeat mouendi aquam, non tamen primo modo omnis aqua mouetur, & ideo in diuersis locis videmus diuersimodè fieri æstus marinos, vel propter locorum situm, aut littorum altitudinem, vel depressionem, aut (quod fortè in multis accidit locis) propter obices, & tortuosas aliquas vias intra ipsum mare inclusas, quibus retardatur aqua in ascensu, vel descensu; Ac denique propter regionis illius qualitatem, aut siderum influxum. Et eadem ratio est, cur in aliquibus locis vix sentiatur æstus marinus, quia languidè motum, & impressionem lunæ suscipiunt, ob aliquam ex prædictis causis, in aliquibus verò concitator multo est impetus, quam in alijs. Similiter putei aliqui marini æstus reciprocationem excipiunt, quia per occultas aliquas vias, aut criptas, maris recipiunt motum plus, aut minus, tardius, aut citius, prout vix illæ expeditæ sunt,

scilicet aut rectæ aut flexuosæ.

CAPUT III.

De salsedine maris.

Salsedo ex aquæ saporibus vnus est, pro-
uenitque, vt Philosoph. dicit 2. *Metheo-
ror. c. 3. lect. 6.* apud D. Thom. ex admixtio-
ne alicuius sicci terrestris, & adusti cum
humido, hac enim ratione sudor, vrina, ci-
nis, & quod ex eo fit lixiuium amara sunt,
quia indigesta, & adusta, cum ergo salsedi-
nem hanc in mari experiamur, necesse est
causam reddere vnde salsedinem illam ob-
tinet. Relictis autem Philosophorum opi-
nionibus, qui partim fabulosas, partim non
veras de huiusmodi salsedine causas asse-
runt. Aristot. & communiter Philosophi
huiusmodi salsedinis causam assignant,
multitudinem exhalationum siccarum, quæ
non sunt omnino decoctæ, sed adustæ, &
cum per mare sint dispersæ, salsedinem ipsi
inurunt. Quod enim ab huiusmodi sicco
adusto non decocto salsedo proxime cau-
setur, diximus experimento sudoris, & a-
quæ liquatæ per cineres, seu lixiuij, & alio-
rum. Quod vero mare huiusmodi exha-
lationibus sit respersum, experientia videtur
demonstrare. Tum quia aqua marina cale-
facit, & exsiccat, vt medici dicunt, & idcir-
co ignem, si magnus sit non extinguit, ea-
demque de causa loca maritima calidiora
sunt: Tum etiam quia aqua maris, nimis
crassa est, vnde & magis leuat pondera,
quam aqua dulcis, hæc autem crassities ex
multitudine exhalationum ei ad mixtarum
provenit, quæ humectat ipsam veluti co-
agulant, & grauem efficiunt. Tum denique,
quia aqua marina eliquata per terram, aut
arenam, vel Solis vi in vaporem eleuata, fit
dulcis, quia secernuntur exhalationes illæ
adustæ, & terrestres.

Hæc autem licet vera sint semper, tamen
restat dubium; à qua causa tanta siccarum
exhalationum copia generetur, vt totum
mare falsum reddat, nam quod soli aduren-
ti tribuatur huiusmodi eleuatio exhalatio-

num, quia scilicet è fundo maris, vt dicunt
aliqui eleuantur vapores craisi, & terre-
stres, qui vltra superficiem aquæ transire nõ
possunt, & ideo per illam disperguntur, fa-
ciuntque salsedinem, non videtur sufficiens.
Primo, quia calor solis non potest ita pene-
trare vsq; ad fundum maris, vt inde vapo-
res eleuet, & dato, quod possit, si per me-
dium ita crassum è fundo maris vsque ad
superficiem illos eleuat, cur non poterit
etiam eleuare illos vltra superficiem, vbi
amplior solis calor viget, & medium, scili-
cet aer minus crassum est? *Secundo*, quia vbi
Sol parum calefacit ob longissimam distan-
tiam, ita vt ferè nihil sentiantur eius radij,
vt circa Polum Articũ, vbi etiam per mul-
tos menses Sol non apparet, quomodo ha-
bet tantam vim eleuadi vapores terrestres
è fundo maris, aut adurendi ipsum, vt in eo
salsuginem generet. *Tertio*, quia non plene
satisfit illi difficultati, quomodo magni
fluij & lacus, & stagna, quæ ita continuo
feriuntur à Sole sicut mare, non redduntur
falsa ab eius exustione, nam quod aliqui
dicunt flumina continuo fluere, & ideo non
directe, & immobiliter recipere Solis ar-
dorem, nihil est, cum aliquibus locis fluat,
& refluat mare, ac moueatur maiori impe-
tu, quam fluij. Quod vero stagna, & palu-
des parua sint respectu maris, & ideo pau-
ciores radios Solis excipiant, non satisfacit,
quia secundum sui proportionem tot
recipiunt radios, sicut mare, nam si ponamus
stagnum vnus leucæ, tantum recipit
de radijs Solis, quantum vna leuca maris,
ergo quod sufficit ad inducendam salsedi-
nem in vna leuca maris, cur non in vna leu-
ca stagna?

*Igitur quod in hac parte probabilis vide-
tur est*, quod sicut mare ex natura sua petit
operire terram, quod autem eam discoo-
pertam reliquerit, & in vnum locum seces-
sit, ad Deum, tanquam ad immediatam cau-
sam referendum est, qui tertia die creatio-
nis dixit: *Congregentur aqua, quæ sub celo
sunt in vnum, & appareat arida*, Genes. 1. ita
similiter

aqua ex natura sua falsedinem non habet, neque alium saporem, quia sapor ex quatuor primarum qualitatum temperie resultat, nulli verò elemento ex natura sua conueniunt quatuor primæ qualitates, & ut in q. 10. lib. 1. de generat. ostendimus; & consequenter neque sapor falsus, sed iste attributus est elemento a quæ immediate à Deo, impartiendo illi magnam exhalationum adustarum copiam, ex quibus generatur falsedo, quæ tamen maximè iuuatur ab ardore solis, ob quam causam superficies maris falsior est, quam fundum. Et etiam aliquando inuenitur mare falsius, aliquando verò minus falsum, vel ob maiorem solis ardorem augmentem exhalationes adustas, vel ob regiones, & terras, quas mare decurrit, quæ sunt falsiores. Quæ causa aliquando deficiens, falsedinem remittit. Ego verò libentius huic opinioni assentior, quia non est causa creata, quæ possit totum integrum elementum immutare, & ideo qualitates peregrinæ, quæ conueniunt alicui integro elemento, in Deum referendæ sunt, ut quod mare sit congregatum in vnum locum; quod terra sit paulum à centro eleuata, & aquis discooperta, quod non sit perfectè sphaerica, sed montosa: omnia hæc in Deum refe-

rimus, licet iuuentur etiam à causis naturalibus, sed non totaliter ab eis fiunt. Fuit autem prædicta falsedo mari indita tertio die creationis, quando congregatæ sunt in vnum locum, nam si antea, cum totam terram operiebat, falsum fuisset, valde nocuisset terræ falsis eam qualitativibus imbuendo, sicut post in vniuersali diluuiò valde nocuit. Finis autem, ob quem huiusmodi falsedo mari tributa est, fuit; tum ob generationem, & nutritionem piscium, quos constat in aqua dulci, non omnes diu posse viuere, præsertim cete illa grandia, & pisces, qui nunquam aquas dulces ingrediuntur: tum ob nauigationis commoditatem, quod maximum est humanæ vitæ beneficium, illi autem falsa aqua accommodatior est, ut potè crassior, & grauior, quæ magis naues sustentat & eleuat. Tum denique, ne maris aquæ putrescerent, iugi solis ardore reperiussæ, sicut stagna computrescunt, quamuis à vento moueantur, quia à sole diu feriuntur. Cur autem putei aliqui, aut lacus falsi inueniantur? Ratio est; aut quia è mari quod falsedinis parens est, per subterraneas, & occultas vias falsum liquorem excipiunt, aut quia ex terris, per quas decurrunt, quæ falsæ solent esse, falsedinem contrahunt.

TRACTATUS VIII.

De fontibus, & fluminibus.

CAPVT I.

De ortu, & origine fontium, & fluminum.



Relicta horrida maris vastitate, ut fontium, ac fluminum amœnitatem quæramus, illa primum se offert quæstio, quo modo fontes, ac flumina oriuntur, & quod sit eorum principium. De quo valde apud Philosophos dubitatum est, &

Part II. Phys.

forte vix adhuc solutum. De hoc agit Aristot. 1. *Metheoror. capit. 13.* & D. Thom. *lect. 16. & 17.* Quidam ergo fontium principium referunt ad aquam pluuiarum, quæ intra quasdam cauitates terræ velut in cisterna quadam, aut lacu colligitur, indeque per scaturigines fontium deriuatur in torrentes, ac fluuios, qui tanto plus aut minus durant, quanto amplior locus intra terram, aquæ multitudinem congregat, ut in multum tempus possit materiam fonti, ac flu-

uio ministrare. *Alij existimant* (inter quos est Aristotel. loco citato) principium fontium, ac fluminum sumi ex vaporibus, qui intra sinum terræ generantur, & concre-
scunt in aquam, cum enim terra multis in locis concaua sit, & plena voraginibus, necesse est tales concauitates, & hiatus aere repleri, ne detur vacuum, deinde aer ille frigore terræ ingrossatus concre-
scit in vaporem, illeque in guttas, quæ collectæ aquam efficiunt, eamque subministrant fontibus, ac fluminibus, quod etiam videmus in æstate, quando partes inferiores terræ frigidæ sunt, veluti resudare terram, & in guttas concre-
scere, quæ proinde in magnis, atque humidis partibus magnâ aquarum vim generare possunt, & ideo inquit Aristot. videmus in montibus crebrius emanare fontes, & oriri fluuios, quia loca montana sunt quasi spongiæ, quæ aquas hinc inde sugunt, & emittunt; & etiam figura montium maximè iuuat ad recipiendam aquarum multitudinem, & ad generandam aquam ex vaporibus in se inclusis propter maiorem vim frigoris, & humiditatis, intra concauitates suas receptam, unde & in maximis montibus maiores fluuij, & frequenter fontium scaturigines emanant. *Alij* denique arbitrantur omnes fontes, & flumina è mari ortum ducere iuxta illud Ecclesiastæ. 1. *Ad locum vnde exeunt flumina, reuertuntur, vt iterum fluant.* Sic tenent plures ex Patribus, vt Diu. Basil. lib. 4. 1. Hexameron. D. Hieronym. in illud locum Ecclesiastæ D. Damasc. lib. 2. fidei cap. 9. D. Isidor. lib. 3. Originum cap. 20. Idem etiam videtur tenere Diu. Thom. in 2. d. 51. q. 14. quest. 1. art. 5 ad 4. vbi dicit: *Quod ex impressione corporum celestium aqua sub-
i greditur terram, vt sit apta ad generationem mineralium, & animalium, & ex inde in locum proprium naturali motu reuertitur.* Sic ergo per subterraneas vias, & hiatus terræ ipsa etiam caliditate terræ sugente, & adiuuante impressione cœlesti aqua maris terram subintrant, & veluti sanguis

in corpore animalis ex iecore in varias venas deriuatur, sic intra terram per varias concauitates veluti per venas aqua scaturit. Nec alia videtur esse sufficiens causa, vt tot & tam ingentibus fluminibus, quæ in tota terra sunt, perpetuam subministret materiam. *Vltimo aliqui sentiunt*, quod tertia die creationis Deus è mari magnam aquarum vim per terræ viscera, & concauitates distribuit, & in multis ac magnis terræ sinibus amplissimam recondidit aquarum congeriem, vnde subministratur materia fontibus, lacubus, & fluminibus, ex quibus tunc plures, ac magni fluuij, qui etiam vsque nunc durant, eruperunt, alij emerferè successu temporis facta aliqua terræ mutatione, qua locus egressioni aquarum daretur; fatenter tamen hi Authores, amnes minores & torrentes licet ex ista aqua à mari deriuata ordinariè oriantur, maximè tamen conducere ad eorum generationem, aquam, pluuialem & vapores, quos terra in aquam condensat. His enim causis deficientibus, & ipsi deficient.

Omnes ista sententia in aliquo veritatem attingant, sicut aliquæ non plenæ. Quare in hac parte pro certo duo statuenda sunt. *Primum est*, loquendo de materiali causa fluminum, & fontium, non vnè eam causam habere, sed multis iuari, siquidem aqua intra terram multis de causis generatur, & ab omnibus à quib. generari potest, potest etiam iuari fontium, ac fluminum subministratio. Causæ autem quibus generatur aqua intra terram, si attēdamus ad materialem, vel est aer qui grossior effectus intra terram cogitur in vaporem, & tandem in aquam generatur, vel est ipsa aqua subministrata terræ per occultos meatus, vel à principio mundi, vel postea nouis ruptionibus, aut causibus, vel etiam terra ipsa attrahente, & sugente, ministrata.

Secundum est, quantum ad causam efficientem, eam esse vel generatiuam aquæ intra terram, vel attractiuam, & deductiuam

ad lo-

ad loca vnde fontes oriuntur, & flumina, hæc enim proportionaliter habent correspondere causæ materiali, sicut enim materia fluminum, & fontium, quædam est generata ex aere, ex quo fit vāpor & aqua, quædam est attracta ex ipso mari per occultas vias, ita oportet causam efficientem aliam esse attractiuam, aliam generatiuā, & iuuari etiam poterit antiperistasi, aut alia causa per accidens compressa enim aqua fortius ascendit, vel attrahitur, & aere ipso, qui intra terras est moto vel recedente, aqua aliquando sequitur illam, ne vacuum detur.

Hoc supposito dicimus primo. *Causa materialis propinqua fluminum & fontium est aqua à Deo inclusa intra sinus terra, quando terram discooperuit aquis, & secundo aqua generata ex ipso aere, & humiditate intra terram incluso. Et tertio iuuatur ex aqua pluuiæ præsertim pro fontibus & torrentibus qui ad tempus durant, & non sunt perennes nec magni. Prima pars negari non potest, cum Deo specialiter in scriptura tribuatur dispositio terræ, & aquæ, taliter quod scaturiant fontes, & aquis terra abundet Psal. 103. Qui emittit fontes in conuallibus. Proverb. 8. Quando æthera firmabat sursum, & liberabat fontes aquarum. Et Ecclesiast. 1. Omnia flumina intrant in mare, & mare non redundat, ad locum vnde excurrunt flumina reuertuntur vt iterum fluant. Quod sane stare non potest, nisi mare per occultas vias aquam subministret, vt flumina perenniter fluant, vt expressè S. Hieronym. interpretatur ad illum locum Ecclesiastæ, & Diu. Thom. in 2. disp. 14. cit. alijsque Patres. Hoc etiam demonstrat in tot locis intra terram inuenta aquarum vis, quæ multiplici meatu intra terram currit, naturaliter enim terra suæ aquam ob suam siccitatem, habet etiam plures specus & cauernas, quæ sicut replentur aere, ita & aqua, quæ prohiberi non potest, vt intret à mari, si talis apertura est, qua intrat aer: nec solus aer intra terram videtur sufficere ad generan-*

dam tantam vim aquæ, quantam intra viscera terræ inueniunt fossiores, & erumpere ex illa videmus, & cum plus aquæ generetur in nubibus quam intra terrā, quia ibi est plus aeris, nec tamen aqua decidens sufficit pro omnibus fontibus, & fluminibus; cum fere tota quæ decidit terræ siccitate absorbeatur, idem ergo erit de aere intra terram ingrossato, nisi aliunde perenniter aqua subministretur. Denique in ipsis primis diebus quibus factus est mundus fit mentio quatuor fluminum qui è paradiso oriebantur, nec tamen tota illa aquæ vis poterat ex aere intra terram collecto iam tunc esse generata, quia tam paucis diebus non videtur potuisse ex aere tantam aquam generari, aliàs si id eadem proportionem postea fieret, paucis diebus tum terra repletur aquis, nec etiam poterat esse generata à pluuijs, quia tunc nondum Deus pluerat super terram, vt dicitur Genes. 2. ergo alia aqua fluuiorum à mari videtur fuisse subministrata.

Quod vero iuuatur etiam fontium & fluminum origo ex aqua generata ex aere intra terram incluso, & ex pluuijs collecta patet, quia reuera intra terram multus aer colligitur, vt constat, tum ex terræ motibus, vt tract. seq. dicitur, tum quia multi specus, & cauernæ intra terram inueniuntur. Aer autem intra terram inclusus præsertim in locis humidis, & ipso terræ frigore addensatur, & fit aqua, sicut quando cogitur in nubes. Ex aqua etiam pluuiæ multum aquæ colligitur, qua videmus inundare flumines, & torrentes, ergo ex istis omnibus iuuatur, præsertim, si omnes non sint magni, nam pro omnibus præsertim amplissimis fluuijs, & lacubus, quæ in tota terra sunt, hæc sola causa non sufficit, cum nec sit tantus aer intra terram quantum aquæ in tot fluminibus apparet, nec in omnibus locis, è quibus decurrunt fluuij æqualiter videatur disponi aer intra terram, vt conuertatur tam abunde in aquam.

Dico secundò; *causa efficiens fluuiorum, &*

Pp 2

fontium

fontium est in primis motus cœli mouens aquam ad mixtionem intra terram, & similiter generans vapores ex aere humido intra eam incluso. Secundo frigus terre cogens aerem humidum sicut cogit secunda regio aeris, & facit nubes. Tercio ipsa met aqua e mari intrans terram, tum aerem ipsum subterraneum, tum etiam terram conuertens in aquam. Hæc conclusio quantum ad duas vltimas causas negari nō potest, naturaliter enim vnum elementum agit in aliud vt aqua in terram & aerem, aer etiam frigore naturaliter fit grossior, & in vapores cogitur, atque in aquam resoluitur. Ergo si istæ causæ intra terram sunt, ex illis subsequetur similis effectibus. Prima vero ponitur à D. Thom. loco cit. ex dist. 14. in 2. sententia. in illis verbis supra relatis. Et ratio est manifesta, quia cœlum agit in elementa, vt vnum generetur ex alio, & alteri misceatur, & vt moueatur ad motum cœli vt videmus in fluxu, & refluxu maris, & in agitatione ventorum, & generatione nubium & pluuiarum, ergo sicut hæc fiunt ex impressione cœli, ita & generatio aquæ in terra ex aere, & motus elementi aquæ, ad subterranea terræ loca.

Dico tertio; causa efficiens ascensus aquæ pro fontibus & fluminibus quæ generantur in locis sublimioribus. est primo ipse motus cœli eleuans aquas sicut agit aquam maris quando crescit per fluxum, & refluxum vt supra diximus, & sicut eleuat vapores ad generandum pluuiam. Secundo ipsa terra dispositio quæ quasi spongia siccitate sua & cavernositate sugit aquas, vnde montes quia petrosi sunt, & cavernosiores facilius in se congregant, & attrahunt aquas; quam causam ponit Aristot. 1. Meteoror. supra cit. Tercio ipsa aqua compressio, quæ aliquibus terræ locis quasi fistulis constringitur, & ad ascensum iuuatur, aqua enim oppressa aliquo pondere, aut intra fistulas inclusa ascendit, vt videmus quotidianis experimentis per artificiosos aquæ ductus: multo ergo melius id fiet à natura intra terram, quam ab aere.

CAPVT II.

Dubia quadam circa ortum, & decursum fluminum, & fontium exodantur.

Primo inquirens, quomodo tam perenni, & indefectibili motu esfluant flumina, & fontes scaturiant, cum non nisi violento motu attrahantur ad superiora loca, sc. ad montes vnde frequenter oriuntur. Respondi attractionem illam, licet sit violenta aquæ secundum suam naturam elementalem consideratam, esse tamen ad alios fines necessariam, scil. ad mixtorum & viuientium generationem, & cōseruationem, & ideo motus cœli, qui est principium viuentium, ita imprimat elementis, quod contra motus proprios aliquid in eis facit ad propagationem mixtorum, sicut eleuat vapores, & exhalationes ad generationem nubium, & aliorum meteororum, licet illis violenta sit, & sicut ipsum mare congregatum est in locum vnum, licet petat operire terram, & terra ipsa aliquanto eleuatio est facta, vt aqua congregaretur, & multa alia accidit, quæ ipsis elementis videntur violenta in proprijs naturis, alijs verò mixtis necessaria sunt, aut etiam gubernationi vniuersi, vt subest tot motibus, & ideo simpliciter est naturalis.

Secundo inquirens, si flumina, & fontes e mari oriuntur, cur saporem amittunt, nec retinent maris salsedinem, cur etiam aliquando deficiunt, vel minuuntur, cum mare nunquam deficiat? Resp. aquam maris ipsa terra sugente & eliquante attenuari, sicque illam crassitiem exhalationum adustarum amittere, quæ erat causa salsedinis, nec tamen e terra qualiquatur, exhalationes saltas excipit, quia non quælibet exhalationes, vel terræ æqualitates salsedinem inducunt, sed exhalationes adustæ, aut taliter temperatæ sicut mari impressæ sunt. Dicitur etiam aquam maris per ceram, vel arenam eliquatam, salsedinem exuere, quod argumento est, posse illam intra terram

terram amittere quasi ibi spongiatam. Ad-
dunt alij, cum aqua separatione facta tertia
die, fuit etiā per terræ venas dispersa, hanc
non recepisse falsedines, sed mare tantum,
ideoque ex illa reliquam dulcorari.

Quod verò dicitur de fluuiorum deficientia.
Respondetur, quod licet mare nunquam de-
ficiat, tamen eius aquæ deriuatio multis de
causis impossibilis est in aliquibus locis,
sicut in alijs expeditur via, vt de nouo fiant
fluuij, aut fontes. Causæ deficienti in flu-
uijs esse possunt. *Primò*, quia aliquando
terra nimis exsiccat caliditate excessiua
à cœlo. *Secundò*, quia aliquando deciden-
te terra, vel terræ motu concussa, aut alia
simili causa obdurantur viæ, qua fluuius de-
currebat. *Tertiò*, noua terræ induratio,
quæ aquas detinet, & non amplius fugit,
neque attrahit. *Quartò*, noua aliqua ruptio
vel excavatio terræ, qua in lacum stagnat
aqua, quæ in fluuium decurrebat. *Quintò*,
arborum aut lapidum, aliorumvè metallo-
rum noua procreatio aut euulsio, qua vel
impeditur decursus aquæ, aut aliò deflecti-
tur. Tandem ipsa terra mutuo agens in a-
quam eam consumit, sicut è contra aqua ge-
neratur etiā è terra.

Tertiò inquires, quæ sit causa cur mare tot
fluuiorum accessionibus non augeatur? *Re-*
spondetur, id primò esse, quia aqua maris a-
liunde etiā exoneratur per ipsas terræ
cryptas, & meatus subintrans, & ministras
aquam fluuijs, & sic quod ex vna parte in-
trat, alia exit. *Secundò* multum de aqua
maris exhalatur solis ardore, motuq; cœli
& elementorum actione, ipsa que fluuialis
aqua, cum leuior sit marina, tenuiter super-
labitur ei, faciliusque exhalatur à sole. *Ter-*
tiò, addimus accessione fluuiorum augeri
mare, sed non redundare, hoc est, super ter-
ras se non effundere, eò quod omnes fluuij
comparati ad mare, paræ quantitatis sunt,
& ita non possunt exundationem facere, li-
cet augeant aliquid. Scriptura autem solum
dicit (*quod flumina intrans in mare, & mare*
non redundat). *Eccles. 1.*

Quartò inquires, quid dicendum sit de
extraordinarijs effectibus, quorundam fon-
tium & fluminum? *Respondetur*, multos ef-
fectus occultissimos in aquis, quorum
ratio prorsus nescitur, alios qui aliquali-
ter ex dispositione solis, vel cœli possunt
indagari. Nam quod aliqui fontes habeant
talem qualitatem, verbi gratia, calorem, o-
dorem, saporem potest ex qualitate terræ,
& salubritate cœli perpendi, feruent enim
quidam qui ex terra sulphurata emanant, a-
lij medicinales sunt diuersis morbis, alij
mouentur ad instar maris ex aliqua occulta
cum mari communicatione. Quod autem
aliqui sint, qui flammam nutriant sicut o-
leum, qui inebrient sicut vinum, qui omnia
pondera respuant, aut quidquid iniectum
sit, absorbeant, aut in lapides conuertant,
aut talis vel talis coloris reddant animalia
quæ inde bibunt, & alia multa similia, quæ
de varijs fontibus, & fluuijs, aut lacubus
referuntur, si vera sunt, occultas valde ha-
bent causas, nec facile à nobis assignari
possunt, nisi diuinando, sicut multarum a-
liarum rerum naturalium virtutes omnino
nescimus, sicut diuersarum herbarum, la-
pidum, radicum, animalium, & aliarum re-
rum similia.

CAPVT. III.

De quarundam aquarum saporibus alijsque
qualitatibus.

ET si supra disputatum sit de falsedine
maris, quæ ad saporem aquæ pertinet,
tamen de saporis præstantia, alijsque quali-
tatibus aquas afficientibus, nunc differen-
dum est. Reducuntur autem istæ qualitates
ad tres communiores, scilicet. ad calorem &
frigus; ad varietatem saporum & odorum;
ad diuersitatem motuum quibus decurrunt
aut agitantur.

Quod attinet ad calorem, constat plures
fontes ebullire quasi æstu nimio feruescen-
tes, alios tepidiores, alios frigidiores, imò
aliqui variant hanc dispositionem, & ali-

quando calidi, aliquando frigidi aut tepidi inueniuntur non solum ex aeris & cœli temperie, sed ex propria emanatione. Communiter autem caliditas aquarum intra terram, non à solis radijs, qui intra viscera terræ parum roboris habent, & ita hyeme, atque in regionibus septentrionalibus, vbi acerrimum frigus viget, non possent dari istæ aquæ calidæ, quas constat inueniri in Islandia prope montem Heclam, & adhuc in magis subpolari regione, scil. in Groetlandia, vbi congelatum mare ab aquis fontis calidissimi prope littus emanantis à duritia resoluitur. Communiter ergo calorem istum ebibunt aquæ ab ignibus subterraneis, qui prope aquarum decursum terram depalcunt, & aquas ipsas sic calefaciunt, sicut in lebece ad ignem admotu, cuius signum est odor ipsarum aquarum, qui sulphureus est, & ipsa terra sulphurata per quam decurrunt; vbi autem generatur sulphur, quæ est materia & pabulum ignis subterranei, ab ignis ardet. Et hæc quidem ordinaria causa est aquarum calidarum, quæ in tanto excessu calidæ sunt, vt ferueant. Quæ verò mitiori calore præditæ sunt etiam ab alijs causis incalescere possunt, vt ab exhalationibus calidis, quas sol è terra eleuat, & per antiperistasis terra occlusa tempore hyemis calor intenditur, vt in *libro de Generat.* diximus. Et fortè aliquando tantæ exhalationum topia, & talis antiperistasis accidere potest, vt calor aquæ intensissimè crescat. Sed hoc, nec ita communiter accidit, neque ita diuturnam causam habet, sicut calor illarum aquarum, quæ perenniter fluunt cum feruore.

De frigore excellenti aliquarum aquarum, in quo genere celebratur ab Authoribus fluius Cydnus, apud Tharsum Ciliciæ, & aqua Melanis fluij, apud Pamphyliam, alijque fontes partim occurrunt frigiditatis excellentis, non est dubium frigus hoc in ipsa natura aquæ multum habere fundamentum, quia ex se postulat exceedentem intensiorem frigoris: sed quomodo à con-

trarijs se defendat, ne amittat illud, cū passim alios fluuios & fontes videamus frigiditatem amittere, & aqua propter suæ substantiæ tenuitatē vix potest qualitates istas à contrarijs defendere, *dubium est.* Respondetur tamen, quod præter cœlestes influxus occultos quibus maximè istæ corporum & elementorū qualitates tranmutantur, aut conseruantur, potest etiam causa esse ipse tractus terræ, per quem aqua decurrit, quæ infra halitus frigidiores generat, quibus decurrentem aquam perpetuo afficit, quasi suppositis ei niuosis qualitatibus, aut ex frigore subterraneo per antiperistasis generato, vt in montibus, fontes participant illum algorem; cuius manifestum erit signum, si aqua illius fluij, vel fontis extracta in vase aliquo, & relicta eidem soli aut cœlo frigiditatem amittat, hoc enim euidentius est, non habuisse causam inhærentem ipsi aquæ perpetuo, sed à terra, per quam decurrit emendicatam. Illa verò alternatio, quæ in aliquibus fontibus aut aquis inuenitur, vt intra vnum diem ferueant & algeant, crescant aut decrescant, causam habet aliquem motum cœli speciali modo in illo loco impressum, sicut etiam mare fluit & refluit diuerso modo in vno loco atque in alio, ex diuersa cœli impressione.

De sapore & odore aquarum, constat eas esse qualitates peregrinas, nec elementorum proprias, sed à mixtis ebibitas. Vnde iuxta qualitatem terre qua aqua effluit, tales participat qualitates, redduntur enim aquæ acerbæ per alluminosa loca decurrentes, amaræ per nitrosa, ferratæ per ferri venas. Feruntur & aliqui fluij dulcem exhibere saporem, vt Himera fluij in Sicilia, alij pinguem, alij alias similes, qui ex ipsa terrarum dispositione emendicantur. Plures aquæ grauem odorem efflant, vel quia putrescunt aere non perfiatæ, sed quasi stagnatæ, vel quia ex venis grauis odoris scaturiunt, vt qui à sulphurea terra deriuantur. De salsedine iam supra diximus agentes de mari. Et si autem præstantior censeatur

tur

tur aqua quæ subtilior est, minusque peregrinis qualitatibus imbuta, minusque ponderosa, ideoque aliquando excedat fluuiialis fontanam, aliquando fontana fluuialem, tamen ad speciales morbos curandos, vel virtutem nutritiuam iuuandum

specialiter aliquæ aquæ suas virtutes habent, quas vel ex terra participant, quam decurrunt, seu vnde deriuantur, vel a celesti influxu particulari. Quæ autem aquæ specialiter salubriores sint, ad medicorum curam pertinet.

TRACTATVS IX.

De Terræ motibus & subterraneis ignibus.

CAPVT PRIMVM.

Quæ sit vera causa terræ motus.

DOST considerationem eorū, quæ generantur in aere & aqua, seu ex illa deriuantur, restat vltimo considerare ea quæ in terra generantur, quarū quædā pertinent ad mixta, vt metalla, quæ tamē non sunt ita perfecta, sicut ea, quæ super terram generantur, & pertinent quasi ad eius ornatum, vt quæcunque germinant in terra, metalla autem & fossilia intra viscera terræ sunt, & quasi vnum corpus cum ipsa efficiunt, ideoque in hoc opere de Meteoris seu mixtis imperfectis tractantur, quia maximē ad ipsa elementa accedunt. Tūc etiam, quia eorum materia est sicut aliorum meteororum, scilicet vapor vt exhalatio, vt *seq. tractat.* dicemus. Alia non pertinent ad mixta vt ignes subterranei, & terræ motus, & primo tractabimus de his, secundo de metallis *in seq. tractatu.*

Igitur circa causam terræ motus varias affert sententias antiquorum Aristot. 2. *Meteor. cap. 7. lect. 12.* apud D. Thom. & sunt tres. *Prima Anaxagora*, quia causam terræ motus posuit esse aerem ingredientem terram, qui non potest liberē sursum ferri, sed errauit in hoc, quod existimauit terram esse figuræ planæ, & quasi natat in aere, & aerem subingredi terram ex parte inferiori, & cum non possit liberē ferri sursum,

causare terræ motum. Quod tamen inconuenienter dicitur, tum quia terra non est plana, sed in globum rotunda propter grauitatem suam, qui ponderant omnes partes ad centrum, tum quia si terra cum sit plana natat in aere, aer subintrans habet exitum sine terræ motu, scilicet exeundo ex parte etiam inferiori, qui est locus aeris. Ab hac opinione non est inultum dissimilis Thaletis opinio, qui dixit terram supernatare aquis, & ex motu aquarum, quasi ex procellis terram tremere, quod planē fabulam redolet, aqua enim potius est superior terra, quā sub ea.

Se unda sententia fuit Democriti, qui dixit, quod cum terra habet sinus suos plenos aquæ, & pluit, ita vt pluuia non inueniat ibi receptaculum, moueat terram. Quæ sententia valde debile causam terræ motus affert, potius enim pluuia descendens per superficiem terræ decurreret, quā eam mouebit.

Tertia fuit Anaximenis, qui terræ motus causam posuit partes terræ cadentes, cum rumpitur ex nimia siccitate solis, illo enim casu percutiunt terram, & tremere faciunt. Quæ etiam sententia insufficientem causam affert, plerumque enim terræ motus accidunt, vbi nulla pars terræ cecidit, & continuatur per longum terræ tractum, nec tamen in omni illo partes terræ cadunt, & ad tantum motum & sonitum, quem terræ motus faciunt necesse esset valde notabiles partes terræ prius cadere, quod

non

non videmus, potius enim ex ipso terræ motu contingit cadere partes terræ.

Igitur vera causa terræ motus est multitudo spiritus, seu exhalationis siccæ vis solis eleuata, aut etiam per antiperistalticam calefacta, & quærens liberum exitum, si non inuenit, quatit terram, sicut cum à vento mouentur corpora, in quæ impergit, si sit vehemens, & sicut puluis tormentarius igne concepto cum sonitu exit. Itaque exhalatio sicca, sicut illa quæ est materia ventorum mota violenter intra terram, quia non inuenit liberum exitum est causa terræ motus. Nam quod hæc sit aptissima causa ad terræ motus *patet*, quia terra cum sit corpus grauissimum, non potest moueri nisi ab aliquo maximè motiuo quale est ventus, seu exhalatio sicca, quæ habet vehementissimum motum, ut videmus in ventis, & propter suam subtilitatem penetrat partes terræ, & eleuat eas seu mouet. Generari autem istas exhalationes, seu spiritus intra terram constat, quia sunt in eo plures cavitates, quæ aere replentur, ne detur vacuum, ex se etiam terra emittit exhalationes siccas, vel virtute solis, vel ignis subterranei euaporatas, ergo quando istæ generantur in magna copia, & liberum exitum non habet, & aliunde aer propter suam inquietudinem, & subtilitatem mouetur, terram concutiet. Et quia non semper istæ conditiones concurrunt, ut vel sit multa copia exhalationum siccarum, vel non sit liber exitus, ideo non semper fiunt terræ motus, licet nunquam desit aer intra terram, aliquando etiam moderatur siccitas exhalationum ex humiditate adiuncta, & sic languescit earum vis ad mouendum. Denique id probat Aristoteles; quia plerumque isti terræ motus accidunt temporibus, quo abundant istæ exhalationes siccæ, ut vere & autumno, in æstate enim & hyeme consumuntur propter exuberantiam caloris vel frigoris, licet aliquando, sed rarius etiam in hyeme, & æstate contingant terræ motus: similiter loca cauernosa & spongiosa

sunt istis terræ motibus obnoxia, ut circa Hellespontum, Achaïam, Siciliam, &c. quia ista loca genetant plures flatus & copiam spiritus.

CAPVT II.

De accidentibus & effectibus terra motuum.

Accidentias terræ motus quædam sunt antecedentia, quasi præfagia, & signa ipsius; quædam concomitantia, sed ab ipso edita ut sonus, duratio, extensio & similia; quædam subsequencia tanquam effectus, ut subuersiones montium, fluuiorum eruptiones & similia.

Circa præfagia, seu signa terra motus, varia assignari solent. Primum est motus aliquis extraordinarius in puteis, ut si aqua ebulliat & ascendat, si fiat turbida, & grauem odorem efflet, aut etiam mare intumescat sine flatu; hæc enim sunt præfagia, multi & copiosi spiritus è terra erumpentis, & aquas mouentis vel turbantis. *Secundum signum* sumitur ex aere, si aer fiat caliginosus sine interpositione nubis, si fiat tranquillus, si insolitum frigus ingruat, & extra tempus, ut in vere vel æstate, si appareat nubecula quædam sereno cælo interdiu, vel post occasum solis per modum lineæ extensa. *Ratio est;* quia terræ motus causatur ex copia exhalationum siccarum, quæ includuntur in terra, & consequenter cum non exeant, absunt ab isto aere, quibus ab aere remotis contingit aerem ingrossari per frigus, & humiditatem remotis exhalationibus siccis & calidis, quæ ipsum mouebant & calefaciebant. Vnde contingit reddi aerem magis caliginosum, quia crassior, & tranquillior, quia sine ventis, quorum materia est exhalatio sicca; & reddi frigidum, quia sine calidis exhalationibus; & eadem ratione nubes fiunt tenues deficiente spiritu & exhalatione, cuius motu conglomerantur, & fiunt nubes magnæ, sicut vndæ in mari vehementius flante vento.

Circa

Circum secundam, causatur sonus à terræ motu ob vehementem spiritus collisionem, ex aere autem repercussio in us editur. Et secundum variam terræ dispositionem varia quoque differentia soni sensitur, sicut etiam spiritus in nube inclusus, & contritum causans, diuersas sonorum formas edit. Itaque aliquando cauens, seu meatus, quibus spiritus cretur, amplius sunt, & magni, & ventum exerant, aliquando sunt angustius, & tunc sonum facit, ut aliquando strepitus, & ambagibus flatus, & rediens sonum terribilem, & sic alijs, & alijs modis disposita terra, collisionem, & sonum diuersam parit. Quod vero attinet ad durationem, vel interpositionem terræ motus, hæc dependent ex oblationi, vel minori exhalatione, quæ plus, vel minus durat, & ex continuitate illius, ita quod non deficiat, nec attenuetur, sic enim interpolabitur, quousque magis fortificetur. Denique prout terra ipsa locum sedit spiritui discurrenti, sic exerit, tam his, vel minus quousque inueniat exitum, ut aliquid grande obstatulum, quod non uincere non possit, aut incidit, sicut a murum humida, quæ siccitatem, & caliditatem exhalationum exingit, aut temperet. Sic aliquando soler materia ad terræ motum requisita discurrere, & cessare quousque alia pars materiei sufficienter disponatur, & incallescet, & sic accendimoneatur. Et hæc ratione contingit durare multum diebus terræ motus cum interpolatione, & nonum redire.

*Circa tertium varij sunt effectus quos
terræmotus edite propeius violentia ma-
ior, vel minor fuerit. Aliquando enim ter-
ram in orbem agit, moles deficit, parie-
tes & tecta subruit, vel inclinat terram a-
perit, & hiatus suo quodquid innescit ab-
sorbet etiam integras vrbes, amos nonos
effundit, aut fontes antiquos exsiccat vel
aliò deriuat, ignes enomit, terram in altum
eleuat & multa alia similia facit, non qui-
dem semper omnia neque simul ista, sed*

aliquando aliqua, aliquando nullus, prout fuerit impetus spiritus, & maior exhalationum copia, & fortitudo.

*Ex his colliges, quæ loca terræ motibus magis sint subiecta. scilicet illa quæ plus exha-
sationibus siccis, & flammis generant. Ta-
lia sunt loca montuosa, ipso grossa, quæ ca-
ueriis & meatibus plena sunt, quæ tempe-
rata, nec multo calore feruentia, nec frige-
re nimio rigenda. E contra dimota, hu-
mida arenosa, liminis frigida, excelsæ ca-
lida, rarioribus istis subiacentur, quia
non facit de eis spiritus, & vel humore
ipso, siccitate, rigore immolant, vel frige-
re dissipant, vel calore contaminant.*

Secundum illius generis terræ motuum quatuor diffinitur Aristoteles in terminis & causis. Cuius autem effectum nonem, & inclusionem locorum quam loquolatera videtur habere, ut scilicet mare tremere, quando in aliquo punctum & e contra, videtur in aliis. Scilicet in aliis planis facies mundi esse fore ex fluctibus desumpras, & quod terra motus sit concitatus, subvertens, ascendens, perforans, & alia similia faciens, quæ iuxta variam dispositionem locorum, & exhalationum variantur.

CAPVT III.

Quæ materia & reliques sub terra ardeant?

NUtriusque ignes subterraneos; exempla
quodammodo monstrant, cum quæ a folio-
ribus reperiuntur, cum quæ ætæ & præ-
sertim montium spiraculis eructant. No-
tum est Aethiæ incendium in Sicilia; in
Campania motus Vesuvii, in Islandia mon-
tis Hæcla, & plures alibi montes fuman-
tes, reperiuntur, de quibus Psal. 103. *Qui
respexit terram & facti sunt tremere. qui
tangit montes, & fumigant.* Et Tertullian.
lib. de patientia c. 12. montes istos igneo-
mos fumantia quædam ignis æterni appella-
vit. Dissiliunt, inquit, *superbissimi mon-
tes, sicut mixti secus satæ.* Et quod non indi-
citur perperit æterni, probat, quod dissiliant, cum
deperirentur, nunquam tamen sumuntur.

De materia scilicet metallorum quidam censere esse humorem pinguem, quia metalla liquefacta in eam resoluuntur. Alij esse aquam terream permixtam. Alij esse sulphur & argentum viuum, eo quod hæc in venis metallicis plerumque reperiuntur. Vnde & professoribus artis chymicæ, ista duo exhibent pro conficiendis metallis. Aristoteles *in libro* docet fossilia habere pro materia exhalationem siccam adiuncta caliditate exsiccante humidum, simul cum virtute coelesti commensurante et frigidum, unde fossilia sicut lapides magis sunt resolubilia in pulueres quam liquabilia, licet aliqua vt sulphur etiam liquari possint. At vero metalla habent pro materia exhalationem vaporosam inclusam intra partem terræ, & a virtute coelesti, quæ est præcipua virtus mineralis simul cum frigido coagulante, & aliquo calore temperante indurata. Itaque metalla exhalationem requirunt pro materia, & non solum vaporem, sed oportet, quod ista exhalatio vaporosa sit, & vt coaguletur metallum, non debet separari, siccitas sicut in rore, & pruina legereatur ab humido, vt generentur, & idcirco sunt humida, metalla vero non sicut grana siccum exhalationem, sed constringunt vapore vt coagulato velut massa fiat, & deinde in solidum formam indurari lateres ex hoc per decoctionem. Et huius signum est, quod colloquendo de nubibus visa est descendere in terra metalla ex rore, vel ferro, sunt etiam lapides cum venis metallicis, ex quibus autem in processu ista generantur nisi ex sicca exhalatione aspersa vapore, & coagulata, sicut si viscozum lutum coqueretur in furno. Ergo ex eadem materia multo perfectiori modo disposita in minerali decoquitur, & formabitur metallum, item metalla sunt dissilia & aliqua facile liquabilia, ergo signum est ex vaporosa exhalatione formari, quia si esset totaliter sicca, dissideretur in minutas partes, non esset durable, nec facile liquabile.

D. Thom. lect. 9. in 3. meteororum vtrum-

que conciliat dicens, quod materia remota metalli est illa exhalatio vaporosa, sed proxima est sulphur, & argentum viuum vt dicunt Chymici, eo quod ipsi Alchimistæ faciunt aliquando ex ista materia metallum. Quod vtique non tam ex ipsa formatione facta ab Alchimistis quæ incerta est quam ex eorundem ratione roboratur, quia in veris metallicis inueniri solet aliquid de sulphure, & argento viuo. Sed tamen quia hoc non semper inuenitur, eatenus videtur hæc Alchimistarum opinio à D. Tho. probata, quatenus ita potest esse, quod proxima materia metalli possit esse sulphur & argentum viuum, sed non semper requiratur de necessitate, quia non semper in mineralibus omnium metallorum inuenitur.

Quod attinet ad causam efficientem metallorum, dicimus eam non esse solum elementum, quia metallum est mixtum, ergo non potest ab vno solo elemento generari. Et præterea occultas aliquas qualitates participat, quales in auro inueniuntur, quæ ex solo elemento participari non possunt debet ergo participari à cælo. Et ita virtus coelestis eo per terram immissa, dicitur principalis virtus mineralis. Vtitur autem vt instrumentis calore & frigore, illo vt decoquente, hoc vt coagulante, & constringente. Nec dubium est quin à Deo procreata sit intra terram ingens metalli vis, sicut & lapidum, & aliorum mixtorum in prima creatione, sed sicut plures arbores, & plantæ postea germinarunt virtute coelesti, ita & plura metalla postea generata sunt eadem virtute.

Illa autem Astrologorum distributio, qua singulis planetis vim ad singula metalla attribuuntur, vt soli aurum, lunæ argentum, Mercurio argentum viuum, Veneriæ, Marti ferrum, Ioui stannum, Saturno plumbum, syderibus autem firmamenti gemmas, magis videtur per attributionem dicta, quam certa aliqua ratione stabilita.

CAPVT II.


De speciebus, proprietatibusque, & locis, quibus generantur metalla.

Species metallorum paulo ante recensita sunt a nobis Aurum, argumentum argenti viuum, æs, ferrum, stannum, plumbum. Hæ præcipuæ species. Aliquæ ad hæc reducuntur, vt cuprum ad æs, stannum etiam a plerisque reductiue solum numeratur, cum ex argento & plumbo concresecat, sicut aliquando aurum, & argentum & æs confluxere in mixturam, quæ æs Corinthium vocata est, & in raro pretio habitum. Inter omnia aurum non solum æstimatione hominum, sed naturæ iure eminet vtpotè purius, solidius, splendidius, ponderosius, & ad diuersas operationes etiam medicas & salubres plus valens, vnde in omnia honorum insignia, & splendidam ac magnificam rerum demonstrationem, ab auri fulgore fit mutatio.

Omnia metalla ponderosa sunt, omnia solida, præter argentum viuum, omnia durilia & percussione dilatantur præcipue

aurum & argentum, quæ in tenuissima fissa & bracteolas aut folia ducitur, omnia denique liquefcontigni & funduntur, difficilior ea, quæ plus concretionis habent vt ferrum & aurum.

Loci propria generationis metallorum sunt venæ minerale. quæ quasi matrices intra terram constitutæ sunt, quod cœlestis virtus penetrat, & materialia attemperat ex quibus fiunt, idque longo tempore propter materiæ duritiem. Quæ est ratio, vt per artem vera metalla, aut nunquam, aut vix fiant, quia deest illi vena seu matrix mineralis, & virtus illa cœlestis, quæ in tali minerali sic attemperatur. Quod autem aliqui fluij auri ramenta deuehant, non est quia illud producant, sed quia exedendo terram extrahunt, quia propinque ad mineralia decurrunt. Nec vero omnis terra huiusmodi metallis gignendis apta est, sicut nec omnis fere omnia tellus, quia nec dispositionem habet, ex parte mineralium; nec aspectum conuenientem astrorum ex parte cœli. Quæ vero regiones cuiuscunque metalli feraces sint, ad historicum potius pertinet, quam ad Philolophum.




1

TERTIA PARS PHILOSOPHIÆ NA- TURALIS,

*DE ENTE MOBILI ANI-
mato, seu in tres libros Aristotelis de anima.*

PROOEMIUM.



CIRCA SVBIECTVM, DE QVO AGITVR IN ISTO TRACTATV DVBIVM EST: An subiectum horum librorū sit anima, vel corpus, seu ens animatum. *Et quod sit anima colligi videtur: Tūm* ex inscriptione librorum, qui dicuntur de anima, non de animali, vel de animato: *Tūm*, quia illud est obiectum alicuius scientiæ, vel libri, de quo traditur definitio, siquidem ex definitione tanquam ex principio colliguntur propriæ passionēs conuenientes eidem, cui conuenit definitio, sed in hoc opere non definitur animal, vel corpus animatum, sed anima, cum dicitur, quod est *actus corporis organici*, esse autem actum non conuenit corpori animato, sed ipsi formæ, quæ est anima, ergo anima est, quæ definitur in hoc tractatu, & consequenter subiectum, de quo demonstrantur passionēs, quod est utique subiectum, de quo agit ista scientia. *Denique*, ipsæ passionēs, quæ in hac scientia demonstrantur sunt passionēs animæ. Vnde dicit Aristoteles, *in proœmio librorum de anima*, quod intendit quærere naturam ipsius animæ, & substantiā, & quæcunque accidunt circa illam, quorum aliæ propriæ passionēs animæ esse videntur, aliæ autem communes, & propter ipsam animalibus inesse videntur ergo apertè distinguit animam, de qua hic agit ab animali, & passionēs animæ ab his, quæ per animam conueniunt animali, seu corpori animato. ergo hic agit de anima, non de ente animato.

Ex alia verò parte videtur, subiectum horum librorum esse ens animatum, siquidem est pars scientiæ de ente mobili, & hic agitur de aliquo ente mobili speciali; anima autem non est ens mobile, sed principium entis mobilis, & par ei, ens autem animatum est ens mobile. *Deinde*, quia affectionēs, quæ demonstrantur in hoc libro sunt ipsius animati, *ut quod*, animæ autem solum *ut quo*, sicut sentire, mouere, appetere, &c.

Ergo subiectum quod non est anima, sed ens mobile animatum, sicut in alijs libris ens mobile corruptibile vel incorruptibile est ad de quo agitur. Deniq; quia alias non tractaretur in tota Philosophia de ente animato, si hic non agitur, quod est inconueniens, cum sit ens mobile, & principalius, quam anima, quæ solum est eius pars.

Resolutio est, quam tradit D. Th. in proæmio libror. de anima. & insinuat etiam, 1. *Physic. lect. 1.* Dicit ergo D. Th. quod commune omnibus animatis est anima, & ideò ad tradendum de rebus animatis scientiam, necessarium fuit primo tradere scientiam de anima tanquam communem eis. Aristot. ergo volens tradere scientiã de ipsis rebus animatis, primo tradidit scientiam de anima, tanquam in communi, postmodum verò determinat de proprijs, & singulis animatis in sequent. libris de sensu & sensato, & de paruis naturalibus, & de animalibus, & plantis, qui sunt sicut partes librorum de anima: & ita S. Th. in libro de sensu, & sensato, lect. 1. inquit: Quod Philosophus distinxit, hanc considerationem in tres partes, nam primo quidẽ considerat de anima secundum se, quasi in quadam abstractione; secundo considerationem facit de his, quæ sunt anima secundum quandam concretionẽ ad corpus, sed in generali; tertio cõsiderationem facit applicando omnia hæc ad singulas species animalium, & plantarum. Prima igitur consideratio continetur in lib. de anima, tertia in libris, quos scribit de animalibus & plantis: Media verò continetur in libris, quos scribit de quibusdam quæ pertinent cõmuniter ad omnia animalia, vel ad plura genera eorum, vel etiam ad omnia uiuentia, circa quæ tract. in libr. de sensu, & sensato, & alijs paruis naturalibus. Ita D. Th. Itaq; libri isti de anima nō sunt integer tractatus, sed pars quædam tractatus de corpore animato: intentũ enim Philosophi in hac vltima Philosophiæ parte est agere de ente mobili animato, sicut in libris de generatione egit de ente mobili corruptibili; sed sicut in lib. de generatione, prius egit de generatione ipsa, & motibus eam cõsequentibus, deinde de ipsis corporibus generabilibus, quæ sũt elemẽta, & mixta: ita in præsentĩ volens agere de ente mobili animato: primo agit de ipsa anima, quæ est ratio communior, in qua omnia animata conueniunt, & à qua denominantur animata: deindẽ agit de ipso corpore, tũ in fine libri tertij de anima, tũ præcipuẽ in alijs libris de sensu, & sensato, & paruis naturalibus, & de plantis, & de animalibus, quæ se habẽt vt complementum librorum de anima, & omnia vnum tractatũ efficiunt, cuius integri tractatus obiectum est ens mobile animatum, quod denominatur tale ab anima quæ est eius forma, & principium, ratione cuius dici potest,

potest, quod anima se habet vt obiectum quo huius tractatus, & formalis ratio eius, quia est id, quo redditur corpus animatum. Vndè necesse fuit prius agere de ipsa anima tanquam de principio communi entis animati, & hoc præstat Philosophus in istis tribus libris de anima.

Ad rationes dubitandi à principio concedimus, quæ secundo loco sunt posita, loquendo de obiecto integri huius tractatus. Adeas vero, quæ primo loco sunt posita, ad primam dicitur, inscribi istos libros de anima, quia in eis non agitur de toto obiecto adæquato, quod est ens animatum, sed de parte eius, seu principio, quod est anima, qua constituitur ens animatum. Vndè in alijs lib. quibus completur totus iste tractatus non est inscriptio de anima, sed de rebus animatis.

Ad secundum dicitur: quod definitio, quam in istis tribus libris tradit Aristoteles, & passionēs, quas in eis demonstrat solum conueniunt animæ, & non rei animatæ, & ita in istis libris, vt diximus non agit Philosophus de toto obiecto adæquato huius operis, sed de parte illius, quod est principium seu forma entis animati, & talem formam definit Aristoteles in præsentī: obiectum tamen adæquatum totius operis non est anima, sed animatum.

ORDO HVIVS TRACTATVS DE ANIMA.

ARISTOTELES tribus libris distinxit tractatum hunc de anima in communi. In primo retulit, & impugnauit varias Philosophorum opiniones circa naturam animæ. In secundo suam sententiam explicauit circa eandem naturam animæ tam in communi, quam quo ad animam vegetatiuam, & sensitiuam, earumque potentias. In tertio principaliter agit de intellectu, seu de anima intellectiua. Tum quoad potentias ei immediate ministrantes, quæ sunt sensus interiores vt phantasia, tum quoad ipsam vim intellectiuam in se, tum quo ad potentias consequentes, quæ sunt appetitiua, & loco motiua.

Nos totum tractatum in 12. quæstiones diuidimus. In prima agemus de anima in cōmuni eiusdemque definitionibus. In secunda, de proprietatibus animæ in cōmuni, vt de potentijs, & indiuisibilitate, &c. In tertia de anima vegetatiua, & de potentijs ei correspondentibus. In quarta, de anima sensitiua, & sensibus in cōmuni. In quinta, de sensibus externis secundū se. In sexta, de sensibili externo seu obiecto sensuū in cōmuni. In septima, de eisdē obiectis in particulari. In octa. De sensibus internis. In nona, de anima rationali secundū se. In decima,

de intellectu agente, & possibili. In vndecima, de actu intellectiōis, & conceptu. In duodecima, de appetitu & loco motiuo. De anima autem sperata seorsum non agemus, quia quatuor quæ præcipue de ea disputantur, in quæstionibus præfatis miscentur. De statu eius, & immortalitate in quæstion. 9. de modo intelligendi tam vniuersalia, quam singularia, quæstion. 10. de potentia motiua, & an remaneant alia potentie in anima separata, quæstion. 12.

QVÆSTIO I.

De anima in communi eiusque definitionibus.

ARTICVLVS I.

Explicatur prima definitio anime.

DART Animam, (quod pertinet ad quæstionem an est) superfluum est inquirere, cum ex ipsis operationibus, & effectibus manifestè cōstet dari aliquam, quæ vitaliter se mouent, sicut experimur animalia sentire, nutrirī, se mouere; & forma, quæ talium operationum est principium, vocatur anima: de qua Philosophus duplicem tradidit definitionem in 1. de anima cap. 1. & 2. Prima ita se habet: Anima est *actus primus corporis physici organici potentia vitam habentis*: Addunt aliqui particulam *substantialis*, scilicet quod sit actus primus substantialis, quam tamen Aristot. non expressit, sed explicauit, & deduxit. Secunda definitio est: Anima est *id quo viuimus, sentimus, loco mouemur, & intelligimus primum*.

In presenti articulo solum primam definitionem explicamus, in qua quatuor particule indigent explicatione. Prima, cum dicitur *actus primus*. Secunda, *corporis physici*. Tertia, *organici*. Quarta, *potentia vitam habentis*. Definitur enim anima per actum primum, quia est forma dans esse, deinde verò per ordinem ad subiectum, cuius conditiones requisitæ sequentibus particulis designantur, quibus explicatur proportionatum, & conueniens subiectum animæ; in-

tendit enim Philosophus in hac definitione tradere naturam animæ, in quantum anima est, id est non solum ut dicit formam, sed etiam ut dicit gradum viuētis, licet gradus sine forma non sit.

Primum ergo quod occurrit explicandum circa hanc definitionem est quod dicitur *actus primus*. Circa quam particulam late discurret Caiet. lib. 2. de anim. cap. 1. & alij interpretes: & in primis non intelligitur, quod sit actus primus informans actum, sufficit quod ex se, & ex propria ratione sit informatiuus, ut patet in anima separata, quæ verè est actus primus, & tamen non informat actum. Per hanc ergo particulam duo possunt explicari. Primò, quod anima sit actus primus, id est substantialis, quia accidentalis supponit substantialem, & ita non est primus: & consequenter etiam excluditur actus secundus, qui est operatio, hæc enim supponit primum, non solum, quia accidens est, sed quia est egressio ab aliquo agente, quod debet esse prius. Per hanc etiā particulam distinguitur anima à partibus organicis, quæ nō sunt primum principium viuendi, sed instrumenta ipsius animæ, ipsa autem est primum principium, seu actus primus viuendi; & idem etiam anima non est corpus, etiamsi aliqua anima corporea sit, ut docet D. Thom. 1. 2. q. 75. art. 2. eo quod anima est primum principium vitæ ipsi corpori, non ergo ipsa est corpus. Secundò explic-

plicatur, quod sit actus primus ita formaliter, quod possit separari, & cessare ab actu secundo, in quo differt à formis elementorum, quæ non possunt ab aliquo actu secundo cessare per se, & ab intrinseco, nisi impediuntur, sicut viuientia, quæ habent certum terminum in suis operationibus, quo habito cessant ab intrinseco. Et sic intellexit S. Th. 2. de anim. lect. 1. super text. 5. Caietan. ibi q. 2. Bañez 1. p. q. 75. a. 1. dub. 2. Sed tamen nõ est necesse hoc intelligere in illa sola particula *actus primus*, in hac enim conuenit anima cum omnibus formis substantiæ, sed sufficit hoc colligere ex alijs particulis, quibz anima discernitur ab alijs formis inanimatis. Vnde verò deducatur qd anima debeat esse actus informans, & non solũ assistens corpori tanquam motor, quod tamẽ præsupponere videtur Aristot. in hac definitione, dicemus in *solutione argumentorum*.

Secunda particula est corporis Physici, per quam distinguitur anima tum à formis separatis, quales sunt Angeli, tum à formis artificialibus, & mathematicis, tum à formis inanimatis. A formis separatis, quia illæ non informant materiam, anima verò est actus corporis, & ideo debuit definiri per ordinem ad corpus tanquam ad informabile, sicut quæcumque forma dicens ordinem ad extrinsecum, definitur per illud tanquam per additamentum. A formis artificialibus, & mathematicis differt per ly *physici*, corpus enim quod informatur ab anima, debet esse physicum, seu naturale, & constitui naturale ab ipsa anima, non artificiale, nec mathematicum. A formis inanimatis differt per illam particulam *corporis*. Dupliciter enim explicatur ab authoribus. Primo, quod nomine corporis intelligitur ipsa materia prima, quæ immediatè est capax formæ corporeæ, & sic non distinguitur per istam particulam anima à reliquis formis, quia omnes informant materiam primam. Et hæc explicatio indicatur à D. Th. 2. de anim. lect. 1. ad textum 4. & sequuntur plures authores apud Conimb. hic q. 1.

articul. 1. Secundo explicatur formalius illa particula corporis, non pro materia prima nuda, sed formata gradu corporeitatis quia licet anima informet immediatè materiam dando illi gradus omnes, neque enim in vno composito dantur plures formæ substantiales pro pluribus gradibus, vt *infra art. 3.* ostendemus, tamen anima in quantum anima, id est secundum gradum animæ necessario supponit gradum corporis in materia, non quidem præstitum ab alia forma, sed à se constitutum, præsuppositum tamen ad gradum animæ. In præsentia autem definitur anima secundum formalem rationem gradus animæ, & ideo potius dicitur actus corporis, quam actus materiæ, quia sumitur anima formaliter vt exercet gradum animæ, non vt præbet gradum corporis. Quæ expositio est D. Th. q. de spiritualib. creat. art. 3. ad 2. & 2. de anim. lect. 1. circa textum 4.

Quod si instes. Nam hoc modo etiam formæ inanimatæ dici poterunt actus corporis, quia supra gradum corporeitatis, qui est communis, addunt aliquẽ determinatum, quo vnum corpus differt ab alio. *Respond.* in re ita esse, quod gradus specificus, & vltimus rei inanimatæ addit actualitatem supra gradum communem corporeitatis, sed tamen speciali modo dicitur de gradu animæ, quod sit actus corporis, quia non solum addit determinationem, & specificationem gradus corporeitatis communis, sed etiam eleuationem super illum in altiori modo operandi, scilicet se mouendo; corpus autem, in quantum corpus solum operatur vt motũ: aliz verò formæ inanimatæ addunt quidem supra gradum corporeitatis determinando, & specificando illum, non tamen eleuando supra illum, quia non operantur nisi vt motæ, & non se mouendo.

Tertia particula definitionis est organi. Vbi duo nota. *Primum*, quid sit corpus organicum. *Secundum*, quod duplex sit organizatio, vt inde videamus, de qua intelligatur definitio. *Primum declaratur ex similitudine organi artificialis*, quod diuersis parti-

non sensitium, si ergo quoad communicationem graduum diuerso modo anima informat substantialiter, cur non etiam quoad informationem partium organicarum? Neq; ad hoc oportet ponere diuersas vniones entitatiuè, sed sicut forma est vnica, licet virtualiter multiplex, ita est vnica vnio, licet multiplex virtualiter quia diuersos effectus habet, sicut & ipsa forma, quia vnio non est aliud, quàm ipsa cōmunicatio formæ.

Hoc supposito, cum dicitur in definitione, *quod anima est actus corporis organici*, ly *organici* utroque modo debet intelligi scilicet accidentaliter, & substantialiter; vtrumque enim requirit anima, & vtrumque consequitur ex eius informatione, scilicet & quod ipsæ partes organicæ sint animatæ per informationem animæ, & quod habeant dispositiones, & accidentia sibi debita, & conuenientia. Neque enim in definitione animæ cum dicitur corpus physicum & organicum, intelligi oportet, quod hoc habeat antecedenter ad informationem animæ, sed per ipsam. Vnde dicit Diu. Thom. in *quest. de anim. art. 1. ad 15.* *Quod in definitionibus formarum aliquando ponitur subiectum vt informe, sicut cum dicitur motus, actus entis in potentia, aliquando ponitur subiectum formatum, sicut cum dicitur, motus est actus mobilis, lumen est actus lucidi, & hoc modo dicitur anima actus corporis organici physici, quia anima facit ipsum corpus organicum, sicut lumen facit aliquid esse lucidum.* Et in hoc sensu idem est dicere, actus corporis organici, atque dicere actus corporis animati, & viuī secundum diuersas partes ethereogeneas distincti, sicut si explicetur forma per effectum formalem, quem facit in proprio subiecto; quia tamen etiam in ly *organici* intelligi debet organizatio accidentalis, quia vt diximus, ea requiritur ad ipsam dispositionem organorum, non inconuenit intelligere, quod anima sit actus corporis organici in hoc sensu, quod est organicum dispositiuè etiam antecedenter ad informationem animæ,

disponitur enim materia per organizationem, vt introducat anima; post introductionem autem animæ etiam dantur dispositiones organicæ, quia dantur accidentia quibus disponitur materia illa ad retinendum formam, & ad operandum, licet verum sit, quod dispositiones, quæ præcedebant informationem animæ, ipsa introducta non maneant eadem numero propter mutationem subiecti vt latè ostendimus in *lib. de generat. quest. 1. & 9.*

Vltima particula definitionis est *potentia vitam habentis*, quæ ponitur ad maiorem explicationem præcedentium particularū. Est autem duplex vita, alia in actu secundo pro operatione, quæ dicitur vita accidentalis, alia in actu primo pro ipsa informatione formæ viuētis. In præsentī ergo illa particula, *potentia vitam habentis*, communiter sumitur pro vita accidentali, quæ est operatio in actu secundo, vt intelligatur, quod anima ipsa est actus primus, quia est in potentia ad operationem vitalem, quæ est vita in actu secundo. Quæ expositio sumitur ex Diu. Thom. 2. *de anima lectio. 1. & prima parte, questio. 76. articul. 4. ad 1.* Quare per hanc particulam *potentia vitam habentis*, magis explicatur illa particula *organicum*, corpus enim organicum etiam postquam animatum est, ad hoc habet organa. vt vitales operationes per illa exerceat, & sic potentia habet vitam, id est habet in actu primo potentiam ad vitales operationes. *Nec obstat*, quod vitales operationes sunt multe, anima vero est vna in ratione formæ informantis; quia omnes illæ operationes sub vna formali ratione respiciuntur ab anima & procedunt ab ipsa, sc. sub ratione vitalis, & animati. Quia tamē vt diximus supra, etiā potest intelligi corpus organicum nō pro corpore animato substantialiter, sed per organizationē accidentalem disposito ad informationem animæ, potest etiā intelligi illa particula *potentia vitam habentis* de potentia proxima ordinata ad ipsam vitam substantialem, quæ est anima in actu primo,

primo, & non solum ad operationem in actu secundo. Et ita per hanc particulam explicatur, quale debeat esse corpus organicum, non sicut cadauer, quod est corpus mortuum; nec sicut embrio, quod solum remotè est dispositum ad recipiendam animam, sed in potentia proxima vitæ habens, id est organizatum cum dispositione proxima ad recipiendam formam vitalem. Nec est inconueniens, quod anima, & quælibet forma substantialis definiatur cum aliqua connotatione ad accidētia, quibus disponitur materia, quia debet definiri forma per ordinem ad informationem, & hæc dependet à dispositionibus tanquam à conditionibus requisitis.

An verò ista definitio sit essentialis & vniuoca respectu omnis animæ, dicemus articulo sequenti, vbi idem inquiretur de secunda animæ definitione.

SOLVUNTUR ARGUMENTA.

Contra singulas particulas definitionis arguitur. *Primo* contra primam particulam *actus primus*, intelligitur enim nomine actus primi actus substantialis informans, iste enim propriè est actus primus, hoc autem non est certum, sed probandum erat ab Arist. non supponendum. Nā plures ex antiquis negarunt animam esse formam substantialem, sed quandam harmoniam, vel temperamētum humorum, plures etiam existimarunt, quod si anima erat substantia, solum vniebatur vt motor non vt informans, & ipse Arist. in hoc secundo li. c. 1. in fine dicit, nondum constare vtrum anima sit vera forma, vel motor corporis, ergo in definitione non debuit poni illa particula *actus primus*, quæ formam substantialem, & informationem designat. *Confirm.* quia anima est actus perfectissimus in genere viuentis, ergo non debet esse actus primus, sed secundus, quia iste est pfectio primi, vtpotè magis elongatus à potēcialitate. *Confir. secundo.* Quia nō

potest anima esse actus primus ex eo quod ab intrinseco sit separabilis ab actu secundo, siquidē nō potest anima cessare ab omni actu, vel secundum cognitionem si sit in vigilia, vel quo ad nutritionem, vel saltem quo ad motum cordis. Et deinde, quia sola anima humana operatur liberè, ita quod positis omnibus requisitis possit cessare ab actu; Reliquæ omnes naturaliter operantur, & sic non possunt cessare ab actu secundo positis omnibus requisitis ad agendum, si verò non ponantur omnia requisita, etiam si formæ sint inanimatæ, non operabuntur, sed cessabunt ab actu. Denique formæ inanimatæ vt lapis, vel terra naturaliter quiescunt, ergo ex natura sua possunt separari ab actu secundo, qui est motus.

Resp. Arist. in definitione tradita nihil supponere probandū. Sic enim processit Arist. ad tradendam definitionem animæ quod prius in toto libro primo exclusit errores antiquorum, qui non benè explicabant naturam animæ, quibus exclusis propriam tradit definitionem, & id quod verè conuenit animæ. Conuenit autem animæ esse actum primum, id est substantialem & informantem. Et hoc probari non potest probatione à priori, cum non sit propria passio, sed ipsa substantia, & natura animæ, quæ non habet aliquid prius, à quo per connexionem consequatur: potest tamen probari indicijs, & experiētijs, quia constat dari corpora animata, quæ viuunt, & se ipsa mouent, vt ipsis sensibus videmus, debent ergo habere aliquam formam, quæ constituentur in esse proprio viuentis, & animalis, & hæc forma non potest esse accidens, quia res inanimatæ substantialem formam habent, quæ constituentur, alioquin si neque etiam res inanimatæ haberent formam substantialem, nulla res neque animata, neque inanimata constaret forma substantiali, quod esset incidere in errorem antiquorum Philosophorum, qui negabant formas substantiales, & substantialem generationē, quod supponitur iam im-

impugnatum in *li. de gener.* & in *1. Phys.* non autem hic erat probandum Si ergo res inanimatae habent formam substantialem constituentem se, à fortiori res animatae, quae sunt perfectiores, & non minus generantur substantialiter quam illae: & sic propria earum forma, quae vocatur anima, actus substantialis, seu actus primus esse debet. Quod verò Philosophus dixit in *fine capitis primi*, nondum constare animam vniri vt motorem, vel vt informantem, id dixit, quia nondum id explicuerat, sicut fecit in *sequenti capite*, constat enim animam non solum præbere motum corpori, sed etiam ipsum esse, & speciem & quidditatem rei animatae.

Ex his autem colligitur, animam non esse ipsum temperamentum qualitatum, seu humorum, vt aliqui posuerunt, & attribuit Galeno D. Tho. 2. *cont. Gent. cap. 63.* quia qualitates illae temperatae pertinent ad dispositiones, quibus anima coniungitur corpori, non autem ad ipsam rationem substantialem animae, quae non potest consistere in ipsa forma accidentali, sed in substantiali, vt dictum est.

Ad primam confir. Resp. animam esse actum perfectissimum in linea actus primi, & in ratione formae constituentis, & radicaliter continentis actum secundum, non in linea & ratione ipsius actus secundi, seu formae consummantis & ultimo perficientis, hoc enim pertinet ad formas accidentales, quae se habent vt ornatus, & perfectiones secundae ipsius substantiae, in quibus consummantur. Et sic quod actus secundus sit perfectior in ratione actualitatis, quam primus, non arguit, quod sit perfectior in ratione formae radicalis, & constitutivae, sed in ratione formae consummantis, & accidentalis: si autem actus secundus inueniretur purificatus ab imperfectione accidentis, & in linea substantiali, ille esset perfectissimus, & plusquam anima, sicut in Deo, qui est actus purus. Quod verò dicitur actum secundum esse finem operan-

Pars III. Physic.

tis, respondetur esse finem sumendo operationem non abstractè, & conditiuè ab operante; sed in concreto cum ipso, quia ipsa res operatiua est propter se ipsam vt operantem, vt docet S. Th. 3. *contra gen. c. 17.* & Caiet. 1. 2. q. 3. art. 2. & ita intelligitur, quod vnumquodque est propter suam operationem, id est propter se ipsum vt operans, quasi ipsum in potentia respiciat se ipsum operans in actu vt finem. Est etiam operatio finis quo, non finis qui, quia per operationem apprehendimus id, quod desideramus: finis autem quo non est necesse, quod sit perfectior re finalizata.

Ad secundam confir. Respond. omittis alijs explicationibus, quod anima separabilis est ab omni actu secundo diuinsiue, non ab omnibus collectiue, si enim omnes actus vitales cessarent, animal esset mortuum. Quia verò anima habet plures actus non verò ad vnum tantum determinatur, sicut res inanimata, & illos habet secundum determinatam mensuram ab intrinseco, idcirco ex sua natura habet non omnes semper exercere, sicut non potest animal semper se mouere, quia ab intrinseco lassatur, nec semper generare nec semper augeri, etiam plantae; neque hoc est ex defectu materiae extrinsecae, vel impedimento, sed ex intrinseca virtute, quae deficit, si continuè operatur, quod non habent inanimata, semper enim generabunt si habuerint materiam, & semper mouebuntur extra centrum si non sint impedita. In motu autem cordis, non potest animal cessare, quia ille motus vitalis, est illi à generante ad modum propriae passionis, mouetur enim ab alio, vt habeat inde principium motus; in illis verò motibus, in quibus se ipsum perfectè mouet & non à generante, potest cessare ab intrinseco, vt diximus, non quidem ab omnibus motibus collectiue, sed à quolibet diuinsiue, etiam si animal sit in vigilia.

Secundò arguitur. Quia anima in re non est actus corporis, sed materiae primae for-

B

mali-

malissimè loquendo nam illius est actus quod actuatur ab ipsa, & est in potentia ad ipsam physice, & in re, & non secundum metaphysicas distinctiones, sed id quod est in potentia ad animam. & in re suscipit illam, est materia prima nuda, sic enim recipit formam, & vnitur illi physicè, siquidem non est alia forma dans gradum corporis, & alia dans gradum animæ, sed vna, & eadem, ergo talis forma in re, & physicè non est actus informans corpus, sed informans materiam, & constituens corpus, sicut & constituens animatum. *Confir.* Quia alias anima formaliter in quantum anima, esset forma accidentalis, quod est absurdum. *Sequela patet*, quia in quantum anima supponit materiam actuatam ipsa corporeitate, ergo non dat primum actum, ergo neque substantialem, quia substantialis actus est primus, & sicut si essent plures formæ in vno composito, secunda deberet accidentaliter informare, vt ex D. Th. dicemus *ar. 3.* similiter, si vnus gradus supponit corpus in actu constitutum, necessario erit gradus accidentalis.

Respondetur Quod anima est forma informans materiam sed tamen dicitur actus corporis duplici ratione. Primò intelligendo *ly corporis*, non pro subiecto informabili, sed pro composito constituto per animam, sicut cum dicitur lux esse actus lucidi, id est constituti per lucem: & eodem modo dici potest anima actus animati, id enim significat corpus organicum id est corpus viuum, & animatum vt supra exposuimus. Neque tunc definitio animæ includet ipsum definitum, sed definitur forma per suum effectum formalem, scilicet anima per animatum, licet rursus ipse effectus formalis dicat ordinem ad causam suam, quia effectus, & causa correlatiuè se habent. Secundo intelligi potest nomine corporis subiectum informabile, sed tunc non intelligitur definitio de ipsa anima vt absolutè est forma, sed specificatiuè vt est gradus; nec *ly corpus* intelligitur ipsa ma-

teria informabilis, sed illud, quod se habet vt materiale ex parte gradus inferioris: respectu gradus superioris, anima enim non solum se habet vt informans, & constituens corpus sicut aliæ formæ, sed vt eleuans corpus ad superiorem gradum, & altioremodum operandi, & respectu animæ sic eleuantis debuit poni pro materiali, non solum id quod informat, sed ipsum corpus quod eleuat. *Nec obstat*, quod anima solum educitur de potentia materiæ, non verò de potentia gradus corporei, nec physicè informat ipsum. *Respondetur enim*, quod anima vt forma informans, & educibilis, est actus corporis ratione materiæ tantum, quæ in corpore includitur, sed in quantum eleuans, & graduans, respicit ipsum corpus, & non solum materiam, quia eleuat illud ad altioremodum gradum.

Ad confirmationem respondetur animam non esse formam accidentalem etiam secundum gradum animæ, quia non dat esse distinctum à gradu corporeitatis, & substantiæ, sed explicationem maiorem eiusdem; vnde non potest accidentale esse præbere, quia est in eadem linea, & prædicamento substantiæ, & ab eadem forma proueniens. Quando autem dantur duæ formæ entitatiuè distinctæ, & quæ non dant vnum & idem esse, sed diuersum, tunc secundum esse non potest esse substantiale, sed accidentale, quia superuenit subiecto informato, & habenti esse primum, non verò idem esse secundum maiorem explicationem & graduationem præbet, vt dicemus *art. 3.*

Tertiò obijciens; Quia in illa particula *potentia vitam habentis*, vel intelligitur vita substantialis, quæ habetur per informationem animæ, vel accidentalis, quæ consistit in operatione. Primum esse non potest, quia sic non esset habens vitam in potentia, sed in actu, quia corpus viuum, seu organicum actu est informatum ab anima. Si secundum in primis diffiniretur anima per aliquid sibi posterius, scilicet, per operationem, quæ ab ea emanat: deinde deberet dici actu vitam

tam habens, quia animal semper habet aliquam operationem in actu, saltem motum cordis ut diximus. Denique, quia sic hæc prima definitio coincideret cum secunda, qua dicitur, quod anima est primum principium nutriendi, sentiendi, intelligendi, &c. quæ omnes sunt operationes vite.

Respond. quod ut supra diximus illa particula *potentia vitam habentis*, de vita pro operatione intelligitur. Et ad probationem in contrarium. *Respond.* Quod operatio est aliquid posterius anima in genere causæ effectivæ, & in executione, est tamen prior illa in genere causæ finalis, & in intentione, quia unumquodque est propter suam operationem. *Ad secundam instantiam respond.* Quod anima de se non est nisi actus primus, & consequenter non habet operationem nisi in potentia. Quod verò semper habeat operationem aliquam sibi adiunctam non tollit, quod sit in potentia ad quamlibet diuini quantum est ex se, quia potest ab intrinseco cessare à qualibet in qua perfectè se mouet, vel transmutare se de una operatione ad aliam. In motu autem cordis non mouetur à se, sed à generante licet per illum motum viuat tanquam per primum motum vitalem non deriuatum ab alio priori motu, sed à mouente extrinseco quatenus est principium viuientis, & causa vitæ, & consequenter primi motus vitæ, quia etiam viuientia non se mouent nisi ut mota, & ab extrinseco principio dependentia. De quo latius diximus, in quest. 13. *Physi. or.*

Ad tertiam instantiam dicemus art. sequentem in quo secundam animæ definitionem explicabimus.

ARTICVLVS II.

Vtrum secunda definitio animæ rectè sit tradita, & an sint istæ definitiones essentielles?

SECUNDA definitio animæ, quæ sumitur ex hoc secundo libro textu 24. & ex D. Tho. ibi lect. 4. sic se habet: *Anima est id, quo viuimus, sentimus, mouemur, & intelligimus primo*, id est, est primum principium intelli-

gendi, mouendi, sentiendi, & viuendi. Hanc definitionem tradit Aristot. ut per eam magis explicet primam eamque demonstret. Unde duo oportet explicare in hoc articulo. *Primo*, definitionem ipsam in se. *Secundo*, quomodo per ipsam demonstretur alia prior.

Circa primum dicimus duo. Primum, quod ista definitio est recta, & exacta. Ratio est, quia explicat omne quod pertinet ad animam per gradus, & officia sua, ergo est exacta. *An. et ed constat*, singulas particulas explicando. Prima est illa particula, *id quo*, cui coniungenda est vltima particula, qua dicitur, *Primo*, id est quo primo viuimus, & sentimus, quasi sit primum principium viuendi. Et illa particula, *quo* denotat formam seu principium intrinsecum, extrinseca enim principia non sunt id, quo aliquid constituitur in esse, sicut causa efficiens, & finalis non est id, quo aliquid constituitur, sed à quo mouetur, vel cuius gratia fit. Dicitur *primo* ad denotandum, quod anima debet esse principium substantiale, & radicale, potentia autem operatiua non sunt id, quo primo operamur, aut viuimus, sed instrumenta operandi, & viuendi. In reliquis particulis denotantur principales gradus, & operationes animæ, scilicet gradus vegetatiuus in illa particula, *qua viuimus*, gradus sentiendi in illa particula, *quo sentimus*, gradus intellectiuius in illa particula, *qua intelligimus*, operatio autem appetendi, & loco mouendi in illa particula, *quo loco mouemur*.

Dices: viuere est commune omnibus gradibus viuientium, ergo non explicatur in hac definitione gradus vegetatiuus in particulari. *Secundo*, illa particula, *loco mouemur* vel explicat gradum viuendi, aut potentiam operandi. Non primum quia loco motiuum est aliquid consecutum ad gradum sentiendi, & intelligendi multò magis, quàm appetitiuum, quia ab appetitu dependet, & sequitur motus progressiuus. Si autem sumitur pro potentia, cur non ponitur

nitur in definitione appetitus, qui est principalior potentia, quam loco motiua, nec minus nobis nota, quam illa; Denique inconuenienter ponitur in definitione, quod viuimus, & sentimus, &c. Quia id videtur solum conuenire nobis non autem omni alij viuenti. Et similiter illa copulatio viuendi, & sentiendi. &c. non verificatur de aliqua anima in particulari, nisi tantum de humana, cui soli conueniunt omnes illi gradus simul, ergo non potest applicari omni animæ.

Ad primum respondetur, Quod viuere dupliciter sumitur, vno modo abstractè & in communi alio modo pro eo quod est primum in genere viuendi, & ipso communi nomine vitæ nominatur, quia est fundamentum ad reliquas omnes vitas. In definitione ergo sumitur *ly viuere* in hoc secundo sensu. Vnde dicit D. Tho. in hoc 2. lib. lect. 4. super text. 24. *Quod viuere refert. Arist. ad principium vegetatiuum, quia prius dixerat, quod viuere propter hoc principium, inest omnibus viuentibus.*

Ad secundum dicitur: quod in potentia loco motiua implicitè inuoluitur appetitiua, quia potentia loco motiua est executiua appetitus, imò aliqui volunt eam non distingui ab appetitu, de quo dicemus in fr. q. 12. Quare per loco motiuum compendio intelligit Arist. etiam appetitiuum, quia motus progressius est executio appetitus, & per ipsum tanquam per effectum notioem melius nobis innotescit appetitus.

Ad tertiam resp. quod *ly viuimus*, & sentimus, &c. non loquitur solum de nobis hominibus, sed de nobis viuentibus seu animatis, nec restringi debet ad speciem humanam, sed ad genus viuentium. Nec illa particula & sumitur copulativè, sed distributivè, scilicet quod quæcumque anima aliquam ex illis operationibus seu gradibus habeat. Licet aliqua anima propter suam eminentiam, scilicet anima humana, omnes illas habeat. Et sic virtualiter traditur hic

definitio, & diuisio animæ, quod nullum est inconueniens, explicatio enim rei communis iuuatur per inferiora in quæ diuiditur, ad quæ dicit ordinem.

Secundo explicari oportet, an ista definitio, & similiter prima, articulo precedentè tradita, & quæ per istam demonstratur, sint definitiones essentielles. In qua parte Authores diuisi sunt; nam quidam existimant hanc secundam definitionem essentialem esse, quia illa particula, *quo viuimus sentimus*, &c. sumitur pro principio radicali viuendi, principium autem radicale essentia animæ est. Vnde M. Bañ. 1. part. quest. 5. art. 1 in explicatione huius secundæ definitionis, sentit esse valde probabile, quod sit definitio essentialis, idemque sentit Caiet 2. de anima. cap. 2. quest. 4. Alij intelligunt istam secundam definitionem esse descriptiuam quia traditur per operationes vitæ, quæ sunt aliquid posterius, & accidentale Et ita hanc sententiam videtur ponderare D. Tho. 2. de anim. lect. 3. in principio docens, quod prima definitio animæ demonstratur per istam secundam à posteriori, & per effectus. Vnde hanc sententiam sequitur P. Suar. tractatu de anima, lib. 2. capit. 3. circa tertium punctum & alij. De prima autem definitione animæ, scilicet, quod sit actus corporis organici, communis sententia est, quod sit definitio quidditatiua.

Respondeo ergo, & dico secundo. *Vtramque definitionem absolute esse essentialem, & in vtraque connotari aliquid extrinsecum per ordinem, ad quod definitur anima. licet in hac secunda definitione connotetur aliquid extrinsecum, quod magis se habet vt effectus anima in genere causæ efficientis, & sic est aliquid magis notum quoad nos ad demonstrandum à posteriori, primam definitionem.* Vt explicetur fundamentum huius cōclusionis aduerto, quod substantia incompleta, qualis est forma, & etiam ipsa anima, non potest definiri absolute, & in ordine ad se, sicut substantia completa, & totalis, sed in ordine ad

ad aliquid extrinsecum, qui tamen ordo formæ ipsi intrinsecus, & essentialis est, eo quod forma essentialiter dicit ordinem ad alterum, quod informat, vel componit. Est autem in forma substantiali duplex ordo, essentialis, & intrinsecus, scilicet ordo informandi, & ordo operandi, est enim forma principium dandi esse, & principium etiam seu radix operationis, & in ratione informandi respicit materiam, seu subiectum, quod est informabile à se, in ratione autem operandi respicit actum secundum, seu operationem, non quidem proximè sicut potentia, sed remote, & radicaliter sicut primum principium. Inter istos autem duos ordines, seu respectus, primus qui est ad materiam, seu subiectum intimior est formæ, & prior in illa, tum quia id quod illi præbet est esse, & substantialem speciem, tum quia forma, & materia ad inuicem sunt causæ, & ita forma definitur per ordinem ad materiam, non solum ut causatam à se in ratione informatæ, sed etiam ut ad causam sui in quantum recipit illam, & dependet ab illa inesse, At verò forma substantialis, licet essentialiter habet esse radix potentiarum, & operationum, cum non sit radix illarum per aliquid superadditum, sed per se ipsam, tamen non respicit operationem nisi ut effectum, non ut causam à qua specificatur, neque enim operatio specificat ipsam substantiam, quæ est radicale eius principium, siquidem substantia non specificatur ab aliquo extrinseco, sed ipsæ potentiæ animæ sunt quæ specificantur ab actibus, & obiectis. Unde ut supra diximus operatio sola non est finis, cuius gratia ipsius operantis, sed finis effectus, finis autem est ipsemet operans in actu.

Hoc supposito probatur conclusio: quia utraque definitio traditur per aliquid intrinsecum, & essentialis ipsi animæ, ergo est quidditativa. *Anteced.* quoad primam definitionem probatur, quia in illa dicitur, quod anima est actus primus corporis, sed esse actum primum est illi essentialis, quia non

est aliquid extrinsecum, vel consecutum ad aliam priorem rationem, sed per propriam, & intrinsecam essentiam anima actuat, & informat tanquam actus primus: similiter ordo ad corpus, seu ad materiam est intrinsecus, & essentialis ipsi formæ, seu animæ, ergo traditur ista prima definitio per aliquid quidditativum, & essentialis. *Quoad secundam vero definitionem probatur,* quia ut diximus, in forma substantiali esse radicem potentiarum & operationum, est aliquid essentialis, & quidditativum, siquidem non habet hoc forma substantialis per aliquid superadditum quod sit extra essentiam, fundatur enim in ipsa essentia connexio cum passionibus, & operationibus, si autem esset radix illarum per aliquid superadditum essentia, de illo esset eadem difficultas, quo modo dimanaret, & connecteretur cum tali essentia, constat autem, quod ista secunda definitio traditur per ipsam primam radicem operationum vitalium, quia dicitur anima esse id, quo vivimus, & sentimus primò, ergo definitur per primam radicem vivendi, & sentiendi. Et licet operationes sint extrinsecæ ipsi animæ tanquam effectus eius, tamen ordo radicalis ad illas, essentialis est animæ; & sicut prima definitio traditur per ordinem ad aliquid extrinsecum, scilicet corpus seu materiam & tamen est essentialis definitio, quia ordo ad corpus essentialis est animæ, seu formæ, ita hac secunda definitio essentialis erit, licet tradatur per ordinem ad operationes extrinsecas, quia ordo radicalis ad illas, essentialis est animæ. Quod si per ly *vivere*, & sentire, &c. intelligamus non operationes vitales, sed ipsam informationem, seu effectum formalem, quo substantialiter aliquid constituitur inesse viventis, vel sensitivi, &c. tunc multò evidentius definitio hæc est quidditativa, quia traditur per effectum formalem intrinsecum; & quidditativum ipsius animæ, ad quem dicit essentialis ordinem. Quod vero in hac secunda definitione connotetur aliquid magis conducent ad

demonstrationem à posteriori respectu primæ, statim explicabimus.

Circa secundum, quod in presenti articulo inquirimus, scilicet, quomodo demonstratur prior definitio animæ per hanc posteriorem dubium est, quomodo illa secunda definitio differat à priori, siquidem utraque videtur tradi per ordinem ad operationes; dicitur enim de ista secunda, quod est primum principium, quo viuimus, & sentimus, quod pertinet ad operationes vitales, & prima definitio dicit, quod anima est actus corporis potentia vitam habentis, ubi ly vitam explicauimus de vita accidentali, quæ utique est operatio vitalis. Et secundo est dubium, an ista secunda definitio demonstret priorem à posteriori, vel à priori.

Ad primam difficultatem respond. istam secundam definitionem differre à prima, tum in modo explicandi & definiendi, tum in rebus explicatis. In modo quidem definiendi, quia hæc secunda definit animam ut principium radicaliter operatiuum, prima verò ut principium informatiuum, licet etiam addatur ordo ad operationem vitalem in illa particula, *potentia vitam habentis*, in qua solum ponitur in communi id, quod secunda definitio in particulari explicat per omnes gradus, seu operationes vitæ; vnde etiam differunt in hac particula, & in explicando ordinem ad operationes vitales. Et hinc constat quod etiam differunt in ipsis rebus explicatis, quia prima definitio traditur per habitudinem animæ ad corpus, & hoc est quod primo & per se explicat, & hæc habitudo est causæ formalis ad id quod informat. Secunda vero definitio traditur per habitudinem ad ipsos effectus, qui ex tali forma resultant, siue formales, si ly viuimus, & sentimus explicetur de ipsa vita substantiali, vel per habitudinem ad effectus operatiuos, & in genere causæ efficientis, si intelligatur de viuere & intelligere accidentaliter pro operatione.

Ad secundam difficultatē respondetur, quod

Philosoph. in hoc secundo capite, ubi tradit hanc secundam definitionem docet per eam demonstrari primam tanquam per notiorum. Ut autem explicemus, quomodo demonstratur, aduerte, quod definitio à posteriori, quæ est per effectus non ordinatur nisi ad demonstrandum causam esse, seu quoad an est, & dicitur demonstratio quia, & non propter quid, ut si vellemus demonstrare, quod datur anima in rerum natura, idque ostenderemus ex effectibus, quia datur operatio vitalis, scilicet sentire, & intelligere, &c. ergo datur anima, hæc esset demonstratio à posteriori, & quia. Nunc autem Philosophus non intendit per hanc secundam definitionem demonstrare, quod datur anima, sed quod prior definitio recte sit tradita. Et ad hoc assumit non ipsas operationes animæ tanquam effectus eius, sed ipsum munus, seu officium animæ, ut est radix suarum operationum ad ostendendum, quod cui conuenit tale munus, etiam conuenit quod sit actus primus respectu corporis. Et sic D. Thom. in hoc 2. lib. section. 4. circa textum 24. hoc modo exponit syllogismum Philosophi: *Duorum, quorum utroque dicimur aliquid esse, aut operari, unū scilicet quod est primum est forma & aliud quasi materia, sed anima est primū, quo viuimus, licet et anima, & corpore viuamus, ergo anima est forma respectu corporis viventis, seu organici, quæ fuit definitio anima supra posita.* Vbi manifestū est non procedere ex aliquo effectū, quasi ex operationibus vitalibus propter animam esse actum corporis organici, siue sumatur operationes ut effectus, siue ut fines; sed tota probatio Arist. consistit in eo, quod cum in viuentem includantur duæ partes, scilicet corpus, & anima, illud ex his duobus dicetur forma, seu actus primus quod est primū, quo viuens viuit, & sentit; cuius exemplum ponit in scientia & sanitate, quia est id, quo primò scimus, vel sumus sani ergo anima debet esse, quo primò viuimus, aut sentimus, ergo erit forma, seu actus corporis. Vbi sumit Aristot. pro modo, quod forma est primum,

primum, quo aliquid dicitur tale, sicut in exemplo scientiæ, & sanitatis constat, & **primum**, quo dicimus viuere, & sentire est anima, quod est secunda definitio, & inde infert, quod anima debet esse actus primus corporis, quod est prima definitio. Non ergo sumit pro medio, ipsas operationes animæ tanquam aliquid extrinsecum, ut procedat ab effectu ad causam, sed aliquid intrinsecum ipsi animæ, scil. esse primum principium istarum operationum, ad probandum inde aliud etiam intrinsecum conueniens ipsi animæ, scil. quod sit forma, & actus primus corporis organici, quasi demonstrans vnum officium, seu munus intrinsecum animæ ex alio.

Quod si inquiras. An sit ista demonstratio à priori, vel à posteriori, & quo modo tradatur per aliquid notius. *Resp.* D. Thom. in hoc 2. lib. lection 3. in initio, & super textum 13. dicere quod hæc demonstratio est à posteriori, & per effectus. Quod verum est, considerando istam secundam definitionem quantum ad id, quod connotat in obliquo, dicitur enim principium sentiendi, & viuendi, id est, operatum vitæ, & sensus, & sic dicit aliquid, quod est posterius, & notius quoad nos, & sic esse principium talium operationum, in obliquo connotat ipsas operationes, quæ se habent ut effectus posteriores. Considerando autem id, quod directè ponitur in ista diffinitione, scilicet esse principium seu radicem ipsam sentiendi, & viuendi, sic manifestum est non dari à posteriori, tanquam per effectum quia esse radicem operationum nõ est effectus naturæ, sed ipsamet natura. Sed quia in ipsa natura iste ordo ad operationes est tanquã formalitas quædam, & respectus posterior, quam formalitas, seu ordo ad materiam, & subiectum informabile; potest etiam intelligi, quod sit demonstratio à posteriori, eo modo, quo inter formalitates alicuius rei vna dicitur consequi, & posterior esse quam altera, sicut etiam inter ipsa diuina attributa potest dari demonstratio à prio-

ri, vel posteriori secundum quod vna ratio intelligitur prior altera, vel consecuta ad illam Denique potest demonstratio ista à priori sumi in alio sensu scilicet intelligendo per ly *sentimus*, & viuimus non operationes ipsas, sed ipsum esse viuendi & sentiendi, quod primo præbetur ab anima, tunc enim per aliquid requisitum ad officium formæ, demonstratur quod anima sit actus, vel forma, scil. quia est id, quo primò constituitur, & denominatur aliquid tale, probatur esse formam talis: qua ratione D. Th. explicat hunc syllogismum, seu demonstrationem *super illum text. 24.* Et sic vtraque explicatio locum habet in D. Thom. secundum diuersas considerationes.

Quod si dicas: nam esse actum, seu formam, non est effectus consecutus in anima, sed aliquid illi essenziale: similiter esse primum, quo aliquid constituitur non habet rationem causæ formalis, vel efficientis, aut alterius causalitatis, ad hoc quod aliquid sit actus, vel forma, ergo non est demonstratio à priori *Resp.* Quod ly *forma*, & actus potest sumi dupliciter, vno modo entitatiuè ut est in se secundum quod distinguitur contra potentiam; alio modo secundum respectum formæ, & ut exercet officium informandi Primo modo non potest demonstrari quod aliquid sit forma, quia essentia rei est indemonstrabilis. Secundo modo potest demonstrari, quod alicui conueniat officium formæ, quia conuenit illi id, quod requiritur ad tale munus, scil. esse primum, quo aliquid constituitur in esse talis. Et hoc ideo, quia omne prædicatum respectuum potest demonstrari per absolutum, quod habet ut fundamentum, tanquam rationem priorem, eo modo, quo in diuinis vnã rationem attributi demonstramus per aliam, *Et quando dicitur*, in quo genere causæ sit hæc demonstratio? *Respond.* quod reducitur ad causam formalem, eo modo, quo fundamentum est causa rei fundatæ, scilicet ad modum specificantis illam, & derivantis ex se; aut saltem ad causam materia-

ARTICVLVS III.

Vtrum in quocunque viuentē sit tantum vna forma substantialis ad omnes gradus?

Difficultas præsens, quæ satis apud antiquos disputata est, & communis est omni composito substantiali, ex quadruplici capite oritur. *Primo* an multiplicentur formæ substantiales iuxta plura prædicata quidditatiua, ita quod diuersa prædicata à diuersis formis proueniant. *Secundo est specialis difficultas* circa formam corporeitatis, an sit cœua materiæ, reliquæ verò formæ superueniant illi. *Tertio* ex parte graduum vitæ specialem difficultatem habet in viuentibus, an proueniant à diuersis formis. *Quarto* ex parte diuersarum partium ethereogenezarum, vel ex parte diuersorum humorum in animalibus; videtur enim singula ista exigere diuersas formas propter diuersas proprietates, & officia quæ habent. Et ita diuersi authores antiqui secundum hæc diuersimodè moti sunt ad ponendum diuersas formas. Et difficultas currit, supponendo quod quælibet forma præbeat gradum, & prædicatum quidditatiuum singularizatum, sic enim inquirimus, an ista prædicata, & diuersi gradus, prout in singulari, proueniant à diuersis formis in eodem composito.

In hac parte est controuersia cum Scoto, & eius scola, & ante ipsum fuit cum Auicenna, & multo ante cum Platoniceis, qui ponebāt diuersas formas esse in diuersis partibus eiusdem compositi, & in corde, cerebro, hepate; quod in homine non ita difficile intelligebatur apud ipsos, quia animam intellectiuam, solum ponebant ut motorem, non ut formam substantialem, & sic permittebantur aliæ formæ esse in corpore, ut constitueretur mobile ab anima, ut inquit San. Th. 1. p. q. 76. art. 4. Supponendo autem animam humanam vniri ut veram formam hominis, eadem difficultas currit in ipsa, atque in alijs compositis. Scotus ergo in 4. distinct. 11. q. 3. sentit rationes Diu. Thom. non concludere unitatem formæ, & ita in homi-

Part III. Physic.

ne præter animam intellectiuam ponit formam corporeitatis, seu mixti propter rationes infra adducendas.

Nilominus tanquam certa conclusio & communi authorum approbatione recepta statuendum est, *in nullo composito substantiali, quod est vnum per se, posse dari plures formas substantiales, neque propter diuersa prædicata, seu gradus, neque propter diuersitatem partium eterogenezarum.* Hæc conclusio est perpetua in D. Th. ut patet 1. p. q. 76. a. 3. & 4. & 2. contra gentil. cap. 58. & 7. Met. lect. 12. & q. de anima art. 11. & sequuntur communiter alij authores, qui latè citantur à P. Suarez d. p. 13. Met. sect. 3. n. 1. & li. 1. de anim. cap. 6. & art. M. Bannez lib. 1. de generat. sect. 8.

Rationes præcipuæ sunt duæ, quæ diligenter in præsentī tractandæ sunt. *Prima ratio principalis* sumitur ex ipsa propria, & intrinseca ratione formæ substantialis, quia de eius ratione est, quod det esse simpliciter, sicut forma accidentalis dat esse secundum quid, quod dicitur *secundum quid*, quia superuenit alicui esse præsupposito, & sic non constituit, esse simpliciter in ipsa re, quam informat, sed esse ut tale, id est ut superadditum alteri esse, per quod res supponitur existēs: si ergo darentur plures formæ substantiales incompletæ in vno composito, necessariò vna forma superueniret alteri, & præsupponeret ipsi compositū habere aliquod esse per priorem formam, quo absolute & sine addito redderetur existens, & extra causas, hoc enim est simpliciter dare esse, & ita sumimus in præsentī *ly simpliciter* ad euitandam omnem æquiuocationem, scilicet pro eo, quod reddit absolute, & sine addito aliquid existens, ergo si per vnam formam substantialem, quantumuis incompletam redditur aliquid absolute, & sine addito existēs, siquidem verè supponitur corpus, v. g. vel substantia constituta, per secundam formā, iam non fit esse simpliciter, quia supponitur, sed ut tale, quod est esse secundum quid, & propriū accidentiū. Itaq; repugnat quod detur aliquod esse

C

à for-

à forma substantiali, & non sit primum esse, quod est esse simpliciter, & substans alijs, & consequenter idem est dari plures formas substantiales in aliquo composito & dari plura esse, quorum quodlibet sit primum, & substantiale, quod omnino repugnat.

Hæc ratio enunciat à Scoto, & ab omnibus qui tenent materiam primam secundum se esse ens in actu entitativæ, sicut enim materia prima apud istos habet esse in rerum natura simpliciter, id est sine addito, quiavere existit, & tamen per introductionem forme mutatur ad tale, vel tale esse, & non constituit ens per accidens cum forma, quia illud esse quod habet esse incompletum, & adhuc in potentia ad ulteriorem actum, atque adeo cum illo potest componere esse completum, quod simpliciter sit unum: sicut in compositione metaphysica gradus quilibet includit aliquod esse, qui tamen cum ulteriori gradu componit aliquid unum per se; sic similiter in compositione physica dici potest de formis incompletis, quarum quælibet dat esse cum potentia ad ulteriorem formam & esse. Quando autem dicitur, quod ex duobus entibus in actu non sit unum per se, intelligitur de duobus entibus in actu plenè & completè, si enim adhuc est in potentia ad ulteriorem actum, cum illo componet, non ut ens in actu, sed ut in potentia.

Hæc evasio coegit P. Suar. loco sup. cit. ab hac ratione abstinere, & aliunde probare conclusionem positam, tum inductione, quia eadem forma accidentalis, v. g. albedo dat esse genericum, & specificum & similiter eadem forma in Angelis utrumque facit, cur ergo eadem forma substantialis in rebus compositis id non faciat? Tum etiam quia nulla forma est in re existens, quæ specifica non sit, quia genericum sine specifico dari non potest. Habet enim quælibet forma distinctum esse à materia, & alijs formis specificis, ergo debet habere specificam differentiam; si autem habet, utique illam communicat materię, quia quidquid in se habet, totum præbet materię, quam informat.

Cum verò vrgetur exemplo ipsius materię, quæ in eius sententia habet esse, & tamen illud comunicat alijs formis completurque; quasi specificè per formas, ergo similiter potest aliqua forma dare actualitatem genericam materię, & tamen ulterius esse complebilem per formas específicas. *Resp.* materiam esse fundamentum substantię compositę, & per modum potētę inchoare ipsum compositum, & ita de se est indifferens, ut per varios actus compleatur: at verò forma est complementum naturę substantialis, & ita hoc ipso quod habet determinatam specificam rationem formę, si variatur materię complet illam, & constituit in ultima specie, nec relinquit indifferentem ulterius ad aliam formam. Caterum in hac parte restat probandum P. Suar. cur omnis forma sit complementum ita ultimum, & perfectum, quod non possit ulterius perfici, & compleri, atque ita prima forma complebit informando & dando esse, sed non perfectè & ultimo, sed adhuc in potentia ad ulteriorem actualitatem, sicut perficitur anima per potentiam tanquam per formam, & potentia per habitum, & habitus per actum, quia isti actus ordinatè se habent in perficiendo, & unus est perfectior a tero ordine quodam. Unde respondebit Scotus quod prima formę substantialis dat esse specificum non in specie ultima, sed subalterna cum potentialitate ad ultimam formam specificam, & per illum gradum subalternum distinguitur ab alijs formis dantibus alios gradus, sicut materia quia habet gradum substantię partialis communissimum, distinguitur specie ab alijs, & est in potentia ad alia. Quare non videtur hac ratione satisfactum.

Oportet ergo redire ad ipsam rationem D. Thom. quæ valdè philosophica est, & iuxta principia Aristot. ab ipso D. Th. tradita, & à nobis explicata. *Phys. q. 3. & 1. de generat. q. 1. art. 2.* quod materia est ens in potentia, & non habet ex se aliquem actum etiam entitativum, aliàs non fieret compositum substantiale, neque substantialis generatio, quia

quia non fieret esse simpliciter, sed præsupponeretur Et ideo S. Th. q. illa 76. art. 4. fundans hanc rationem, subdit. *Quod antiqui, qui posuerunt materiam primam esse aliquod ens actu, puta ignem, aut aerem, aut aliquid huiusmodi, dixerunt, quod nihil generatur, aut corrumpitur simpliciter, sed omne fieri dixerunt esse alterari, ut dicitur 1. Physicorum.* Sentit ergo D. Thom. eandem esse rationem ponendi materiam primam, quod sit ens actu, & ponendi plures formas substantiales, quarum vna supponat aliam, vtrumque enim æquè tollit vnitatem per se compositi, & generationis substantialis. Et ita non admittimus instantiam de materia prima.

Nihilominus ne solum alligemus rationem factam huic sententiæ de materia prima, duo addimus in præsentia. *Primum*, quod est contra rationem formæ substantialis, dare illud esse incompletum, & cum potentia ad vterius esse, quia vel illud esse, quod præbet, sufficit se solo ponere extra causas rem quâ constituit, vel non sufficit sed indiget vteriori forma incompleta, & esse eius, ut ponatur res extra causas. Si hoc secundum, non est esse formæ substantialis, quia non est principium alicuius esse sufficientis existere per se, sed indigentis consortio alterius, ergo ex vi talis formæ incompletæ nondum fundat conceptum formæ substantialis, sed vel materiæ, quæ si habet esse, solū est receptivum alterius, & ita est substantia solum ut recipiens non ut dans esse, vel ut forma accidentalis, quæ dat esse indigens alterius esse fulcimento, non autem per se existens. Si dicatur primum, talis forma est complete substantialis, quia complete dat esse substantiæ, quod est esse per se, nec dependet ab alio esse ut sit, & sic reliquæ formæ aduenientes sunt accidentales, ut potè supponentes esse complete, substantiale, & per se.

Secundum est: quia vel forma habet potentialitatē, ut vterius informetur, vel solū relinquit in materia locum, & potentialitatem ut informetur ab vteriori forma. Primum esse non potest, quia forma quantum-

cumq; sit imperfecta, & incompleta, non tamē est informabilis ab vteriori forma substantiali, quia ipsa nihil habet de materia, nihil est autē informabile ab vteriori forma substantiali nisi materia, quia sola potest cōponere cum forma substantiali, cuius ratio est, quia illud, quod componit substantialiter cum forma debet esse in potentia ad talem formam, ita quod educatur ex illa, vel infundatur illi, non potest autem vna forma substantialis educi ex alia forma, sed solum ex materia, quæ est in potentia ad oēs formas, si autem educeretur ab alia forma, illa non eiet purē forma, sed a'iquid haberet etiam de materia, & sic nunquā duæ formæ, quæ purē essent formæ substantiales inueniri possent in eodem composito substantiali. Si dicatur secundum, currit ratio facta à principio, quia tunc vna forma nō determinat aliam substantialiter componendo cum illa, sed vnaquæq; cum materia facit suum cōpositum, ergo non restat aliquid per quod vniuntur vnitatem per se, sed erunt sicut plura composita accidentalia in eodē subiecto, v.g. album, & dulce, quæ solum vniuntur vnitatem subiecti, quæ est per accidēs, & secundum quid, non autem vnitatem alicuius formæ, in qua habeant vnū esse per se. Nisi forte dicatur quod illa duo composita incompleta se habent sicut partes integrantes, quæ componunt vnum totum, aut dicendo quod vltima forma constituit compositum in ratione totalis esse, ut significat Scot. citato loco §. *Ad rationes. Sed contra primum est*: quia plures partes integrantes, si non informantur eadem forma substantiali, sed diuersis, solum possunt habere vnitatem, vel ratione eiusdē materiæ, vel ratione vnius quātitatis, neq; enim est aliud principium faciendi vnitatem, nisi vel materia, vel forma substantialis, vel accidentalis; remota ergo vnitatem substantialis formæ solum remanet vnitatem ratione materiæ, vel quātitatis; vtrumq; autem est vnitatem secundum quid, sicut vniuntur album, & dulce in eodē subiecto. *Contra secundam autē est*, quia tunc

solum dabitur vnitas ordinis, aut ad modum numeri, in quantum vltima forma claudit, & determinat reliquas, siquidem nō informat illas, sed materiam, vt probatū est, & sic non faciet vnum substantialiter.

Ex quo patet, diuersam esse rationem de compositione physica, & metaphysica, quia metaphysica solum fit penes diuersos gradus, quarum multiplicatio non est secundū diuersas formas, quare vna informat aliā, sed secundū diuersas considerationes eiusdem integræ, & totalis rei, secundū quod consideratur magis indeterminata in potentia, vel magis determinata in actu, eo quod non est actus purus, sed constans ex actu, & potentia, & consequenter diuersas istas graduationes admittens secundum determinabile, & determinatum; at verò compositio physica fit per veram, & realem informationem, non potest autem vna forma substantialis informari ab alia, quia nihil habet in se materia, ex qua educatur alia forma, solum autem informat illud, à quo educitur, vel cui infunditur; vnde solū potest admittere aliam formā, quatenus in eadem materia relinquit illi locum, & comparitur cum illa, & sic compositum indē resultans solum erit vnum vnitate potentie, seu materie informatæ, non vnitate formali, & actuali quæ est vnitas per se.

Secunda ratio principalis contra Scot. deducitur ex ipsa prædicatione, quia omnes gradus generici, & specifici prædicantur essentialiter de quolibet inferiori, sicut homo essentialiter est animal, & rationale, & viuens, & corpus, sed non potest essentialis prædictio de eadem resumī à diuersis formis, ergo debet prouenire ab eadem. *Min. probat.* quia quæ sumuntur à diuersis formis prædicantur de aliquo cui conueniunt iuxta modum, quo tales formæ in eo sunt; Formæ autem, quæ alicui conueniunt, vel vna per se coordinatur, & subordinatur alteri, vel nō; Si non, solum sequitur prædictio per accidens, quia vna forma non determinat aliā, nec per se subordinatur alteri, ergo neq. per

se prædicatur de alia, sed per accidens, quia omnis prædictio subordinationem, seu coordinationem importat prædicati, & subiecti. Si autem per se coordinantur illæ formæ, fiet quidē prædictio per se, sed in secundo, modo sicut cū risibile prædicatur de homine, eo quod se habet vt forma distincta cōnexa cum altera, & consequenter prædicatur de illa in secundo modo per se, vt mox ostendemus; omnes autem gradus superiores, & inferiores prædicantur essentialiter in primo modo per se de illo, cui conueniunt, ergo non debet prouenire à diuersis formis.

Resp. Scotus, quod in prædicatis, quæ sumuntur à diuersis formis solum sequitur q̄ neutra forma includat alteram, nec prædicetur de illa, & consequenter quod genus non prædicetur de differentia, non tamen quod vtraq. non prædicetur de composito, seu subiecto. *Sed hoc ē falsum est. & nō euacuat vim argumenti.* Est falsum, quia vt benè notat Caiet. q. illa 76. art. 1. prædicata, quæ sumuntur à diuersis formis etiā vnum prædicatur per se de alio, licet nō in primo modo per se, sed in secundo, sicut cum dicitur homo est risibilis, ignis est calidus, licet calidum, & risibile sumantur à forma accidentali. Non euacuat vim argumenti, quia facimus vim in eo, q̄ tales formæ fundant prædicationem respectu sui compositi, & constituti, v.g. rationale, & animal, & viuens respectu hominis quem constituunt, & inquirimus, quam prædicationem fundent respectu huius constituti, an per se, vel per accidens? Si per accidens, est falsum, cum homo per se sit viuens, & animal. Si per se, vel per se secundo modo, & hoc est falsum, cum sint essentielles prædicationes, & primi modi. Si per se primo modo, non stat quod sumantur à diuersis formis, quia duæ formæ, hoc ipso quod sunt, distinctæ ita se habent, quod vna non est essentialiter alia, sed distincta, licet sit illi coordinata, ergo non fundat prædicationem essentialem, & primi modi, sed coordinationis, & connexionis duorum distinctorum, quæ est prædictio per

per se secundi modi, & sicut inter se sunt connexæ illæ formæ, sic manent connexæ in ipso composito, quod constituunt, neque enim ibi maiorem vnitatem, & perfectiorem habet, quam inter se; ergo non fundabunt prædicationem in primo modo, sed in secundo, sicut duæ formæ connexæ.

Aliundè posset instari hæc ratio facta etiam in nostra sententia, quia materia & forma sunt entitates diuersæ, & tamen præbent composito prædicata essentialia in primo modo per se, sicut à materia sumitur prædicatum materialis, & corruptibilis, & alia similia, à forma verò quod sit corpus, viuens, animal, &c. Cur ergo repugnabit à diuersis formis sumi prædicata quidditatiua, quæ in primo modo per se, & essentialiter prædicentur? *Resp.* esse disparem rationem inter materiam, & formam, & inter ipsas formas inter se, quia materia, & forma ex propria, & intrinseca essentia sua se habent sicut actus, & potentia, ipsumque compositum essentialiter cōstituunt etiam in primo modo per se, quia actus, & potentia essentialiter, & in primo modo per se pertinent ad constitutionem compositi. At verò duæ formæ distinctæ non se habent sicut actus, & potentia, & ita solum possunt alicui composito conuenire, quatenus inter se habent coordinationem, & vna est præambula ad aliā, vt docet S. Th. q. illa 76. ar. 3. atque adeò solum fundant perfectiorem in secundo modo, qualis potest esse inter duas formas, quarum vna consecutiuè se habet ad aliam, & secundum cōnexionem. In summa, non fundatur essentialis prædicatio in primo modo per se, nisi vel vnum sit intra essentiam alterius, & non distinctum ab illo, vel si sit distinctum, essentialiter se habeant, vt actus, & potentia, quia tunc vnum respicit alterum non vt consecutum, & cōnexum cum illo inter se solum, sed vt essentialiter componens ipsum tertium, quod constat ex actu, & potentia; quæ verò se habent vt duo actus, seu vt duæ formæ, possunt quidem habere connexionem, qua v-

num consequatur ad aliud, non tamen quod essentialiter se respiciant in ratione componendi essentialiter quia quod per se essentialiter componit, solum est actus, & potentia, non actus & actus: & ita si duo actus faciunt essentialem prædicationem, solum potest esse, quia essentialiter includitur vnum in altero, non verò si distinguitur ab illo.

SOLVUNTUR ARGV- MENTA.

Primo arguitur ex Scoto, quia in corpore Christi separatâ animâ mansit idem corpus numero, vt communiter dicunt PP. & S. Thom. admittit 3. par. quæst. 50. articul. 5. & si in illo triduo seruaretur Eucharistia, esset idem corpus, quod antè fuit consecratum, & tamen non haberet animam rationalem, ergo aliqua forma mansit, quæ separata anima constitueret idem corpus numero sicut antea. *Confirmatur.* Quia omnia cadauera ex quacumque causa generentur sunt eiusdem rationis, sed à diuersis causis specie differentibus nō potest semper produci effectus eiusdem speciei, ergo cadauera sunt eiusdem rationis propter eandem formam corporeitatis. *Confirmatur secundo.* Quia anima intellectiua in se spiritalis est, & inextensa, in corpore autem innentur extensio, figura, corruptibilitas, &c. ergo hæc non sunt ab anima, cuius esse est spirituale, & indiuisibile, ergo ab alia forma præter animam. *Denique* ipsa anima intellectiua creatur à Deo, homo autem non creatur, sed generatur, ergo formalis terminus generationis non est ipsa anima intellectiua, quia vbi est diuersa actio, scilicet generatiua, & creatiua, diuersus terminus formalis esse debet, & consequenter diuersa forma, vna quæ sit terminus creationis, altera generationis.

Respondetur. Quod corpus Christi mortuum, & viuum dicitur idem numero ratione suppositi, in quo sustentatur, non ratione formæ, qua constituitur. Itaq; termina-

tiue est idem numero, non formaliter, id est solum ratione suppositi, à quo habetur unitas numeralis ut à termino, & sic est idem numero supposititaliter, licet non omnibus modis sit idem numero, ut D. Tho. affirmat *loco citato ex 3. par.* & non potest Scotus maiorem identitatem in ipso corpore saluare, quam suppositalem, eo quod ablata forma specifica, remanet tantum generica corporeitatis omnibus communis, ergo non remanet idem indiuiduum specificum, quod antea, solum ergo erit idem indiuidualiter ratione suppositi.

Ad primam confirmationem respondetur, in primis non esse certum omnia cadauera, esse eiusdem speciei. Similiter agens principale cadaueris non est illud ferrum, quo animal iugulatur, & interficitur, illud enim est instrumentum tantum, principale autem est coelum, vel elementum prædominans, quatenus ex abundantia alicuius qualitatis, verbi gratia caloris, vel frigoris animal moritur, tunc enim per illam qualitatem tendit ad formam elementi, in quam ultimo resoluendum est cadauer mediante illa qualitate, verbi gratia, in ignem, vel aquam, vel terram, & tunc ab illo elemento prædominante dispositiue in tali qualitate, generabitur, quia ad illud tendit. Et iuxta diuersitatem elementi, ad quod tendit erit diuersitas cadaueris. Sed esto, sint omnes formæ cadaueris eiusdem speciei, adhuc restat eadem difficultas, quia vel sunt omnia eiusdem speciei infimæ, & sic præter formam genericam corporis necesse erit producere specialem cadaueris, & de illa inquiremus quomodo possit à diuersis agentibus produci, etiam in sententia Scoti. Vel forma cadaueris solum est forma generica corporis, remota anima, quæ dabat esse specificum hominis, & sic iam homo ante mortem habet in se formam cadaueris, unde per mortem non fiet generatio aliqua substantialis, sed solum separatio formarum, ut sit ista sine illa, & consequenter, neque corruptio substantialis erit, quia corruptio

vnus est generatio alterius. Igitur cum forma cadaueris sit medium, & via ad diuersas formas, puta ad diuersa elementa, non repugnat à diuersis agentibus procedere, sicut calor, & frigus possunt à diuersis agentibus introduci, quia sunt media, & dispositio ad diuersas formas.

Ad secundam confirmationem respondetur. Formam humanam; licet entitatiue sit spiritualis in se, eminenter tamen esse corpoream, & sic potest præbere esse corporeum, & reliquos gradus, quos eminenter continet, sicut enim causa æquioca eminens operatur effectum, quem formaliter non habet, sic etiam forma eminens se habet ad modum causæ æquiocæ, & præbet effectum informando, quem formaliter tantum non habet, sed eminenter, quia ut forma eminens informat. Et eodem modo, licet esse existentie formæ humanæ sit spirituale in se entitatiue, tamen eminenter est corporeum, & sic potest comunicari corpori modo corporeo, sicut subsistentia Verbi licet sit spiritualis, potest tamen propter suam eminentiam supplere subsistentiam corporis, & terminare illud, sic esse animæ comunicatur corpori, quia forma eius est. Vnde Diu. Th. 1. 2. *quest. on. 4. artic. 5. ad secundum docet: Quod in anima separata remanet idem esse compositi, eo quod esse anima est subsistens, & idem est esse totius, & forma.* Nec tamen similiter esse Angeli comunicari potest corpori, quia non est forma, neque qualitas spiritualis perfecta, quia non potest esse inherens, & dependens à corpore, esse autem animæ cum sit subsistens non dependet à corpore, sed ad communicationem sui esse trahit corpus.

Quod verò dicitur, animam intellectiuam creari à Deo, hominem verò generari, non arguit duplicem formam, sed sufficit quod eadem subordinetur duplici agenti secundum diuersam considerationem. Itaque anima ut in se subsistens terminat creationem, ut autem vnita & informans terminat generationem; & creatio se ha-

bet vt superior, & vt subordinans sibi generationem, non quatenus creatio est præcise, sed vt infundens, seu creans illam in corpore, generatio autem attingit animam non vt productam, sed vt communicatam materiæ, prout vnio & communicatio ista ex parte materiæ se tenet, & per dispositiones tendit ad illam, & sic habet diuersum terminum formalem generatio, & creatio, licet non diuersam formam; imò si respicerent diuersas formas, generatio non fieret per communicationem, & vnionem animæ humanæ, & sic homo non generaret hominem formaliter in quantum homo est, nec similem sibi in specie.

Secundo arguitur: Quia plura videntur esse in homine, quæ non possunt ab eadem forma provenire, quia contrarietatem habent inter se, ergo dantur diuersæ formæ. *Antecedens probatur*: nam quoad ipsam substantiam animæ, habet anima rationalis incorruptibilitatem, & indiuisibilitatem, anima autem sensitiva corruptibilis, & diuisibilis est: anima rationalis creatur à Deo vt subsistens, anima verò sensitiva educitur è materia, sicut & eius operatio totaliter à materia dependet, & ita forma embrionis, quæ est sensitiva educitur de potentia materiæ, nec corrumpitur in aduentu animæ rationalis, aliàs disponderet ad sui corruptionem, quia disponit ad animam rationalem. Quoad potètiæ verò operatiuas est contrarietas, quia quædam non possunt subiectari in anima rationali, sed in organo corporeo, vt sensus, alioquin manerent in anima separata, & tamen effluere debent ab aliqua forma, & in ea subiectari à qua emanant; aliæ vero potètiæ subiectantur in ipsa anima vt intellectus, & voluntas. Quoad operationes autem est contrarietas vt patet in actibus voluntatis, & appetitus, pugnant enim adinuicem sensualitas, & voluntas, velle agere studiosè, & velle prauè agere.

Confirmatur, quia aliàs non posset homo producere vltimam dispositionem

requiritam ad vnionem animæ rationalis, siquidem illa dispositio debet emanare ab ipsa forma, sicut omnes aliæ vltimæ dispositiones à suis formis, sed homo non producit animam rationalem, ergo neque vltimam dispositionem ab ea dimanantem: ergo neque vnit animam corpori, quia forma ab eo agente introducit, à quo causatur vltima dispositio.

Respondetur negando antecedens. Ad primam probationem respondetur, animam rationalem, licet in se sit incorruptibilis, & indiuisibilis, modo tamen corruptibili, & corporeo informat, quia recipitur ad modum materiæ recipientis, materia autem est informabilis modo corporeo, & corruptibili, quia est indifferens ad plures formas, & sic informatur ab vna cum capacitate acquirendi aliam, & relinquendi illam, neque esse ei connaturale actuari ab vna forma cum impossibilitate transeundi ad aliam, quod requiritur ad incorruptibilitatem. Et quia anima rationalis eminenter est sensitiva & corporea, potest extensione, & diuisibilitatem præbere. Nec omnis anima sensitiva educitur de potentia materiæ, sed illa quæ tantum est sensitiva formaliter, non quæ eminenter, & in se spiritualis. Et licet operationes sensitivæ dependeant à corpore, non tamen principium talium operationum educitur de materia, si sit principium eminens, & habens etiam alias operationes spirituales, quæ ab illa non dependent, sed solum quando est principium adæquatè corporeum, & determinatum ad operationes sensitivas. Forma autem embrionis certum est, quod corrumpitur in aduentu formæ perfectioris, vt docet S. Tho. *quæst. 3. de potent. arti. 9. ad 9.* sicut quæcumque dispositio præcedens corrumpitur adueniente forma, & per accidens disponit ad sui corruptionem, disponendo ad introductionem nouæ formæ.

Ad secundam probat. dicitur, Quod omnes potètiæ, quæ sunt in homine, dimanant ab ea

ab eadem anima, sed non eodem modo, quædam enim dimanant absolute, & simpliciter, ut intellectus, quædam dependenter à corpore, & ut est forma communicata corpori, & ita inhzrent in organo corporeo, & sunt proprietates animæ ut coniunctæ, non pro omni statu, ut docet S. Thom. 1. p. quest. 77. artic. 8. sicut alia est proprietas lapidis in centro, scilicet quiescere, alia extra centrum, scilicet moueri.

Ad tertiam probat. dicitur, ad illam contrarietatem operationum, non requiri diuersas formas substantiales, sed sufficere diuersas potentias eiusdem formæ, sicut nõ repugnat quod aliquod corpus in aliqua parte sit frigidum, in alia calidum, vel siccum, & secundum diuersas qualitates forciatur diuersas, & contrarias operationes, ergo multò melius continget in anima, quæ est forma eminentior, imò ex eo probat D. Thom. esse vnã animam, quia si intentè elicet operationem vnã, remittitur quoad aliam, quod est signum procedere vtramque ab eodem principio.

Ad confirm. respondetur, hominem propriissime generare alium, & producere vltimam dispositionem ad eius vnionem, quæ dispositio est proprietas consequens animam ut coniunctam, & in statu coniunctionis, non absolute ut ens spirituale est in se, & tales proprietates possunt procedere ab agente, quod non est productiuum animæ, sed coniunctiuum, & hoc est generans, & non solum Deus infundens, Videatur de hoc Caiet 1. p. q. 118. art. 2. & Bañez, 1. de generat. q. 8. art. 3. ad 7.

Vltimo arguitur, anima est forma corporis, & facit cum illa compositionem naturalem, ergo est aliquid distinctum à corpore, corpus autem non est sola materia, sed compositum ex materia, & forma, materia enim est pura potentia, corpus autem aliquid est in actu: imò anima non solum est forma, sed motor corporis, corpus verò est motum ab anima, ut docet Aristotel. 8. *Physicorum*, ergo distinguitur realiter à corpore, & non

est forma constituens corpus, aliàs idem esset mouens, & motum, nec distingueretur realiter pars mouens, & mota; ergo oportet, quod alia sit forma constituens corpus, alia verò anima mouens corpus. Et præsertim vrgetur hoc in sententia, quæ tenet non fieri resolutionem vsque ad materiam primam, sed manere eadem accidentia in genito, quæ erant in corrupto tunc enim necesse est, quod vel aliqua forma substantialis, quæ erat in corrupto maneat, vel quod accidentia in sola materia sustententur: hoc secundum est impossibile, cum materia sit ens in pura potentia, ergo primum. *Confirm.* Quia partes etherogenæ differunt specie, quia alia est species carnis, alia ossis, unde in 8. *Phys. text.* 30. dicit Philosophus, quod non sunt continuæ illæ partes viuientis, sed contiguæ, & D. Thom. 1. p. quest. 11. artic. 2. ad 2. dicit quod carent forma totius, ergo quælibet habet suam distinctam. Id etiam constat ex diuersis proprietatibus, & operationibus specie diuersis, quas habent, sicut alia est operatio auditus, alia oculi, alia cordis, &c. ista autem sunt signa distinctionis specificæ, & consequenter diuersarum formarum, quia vnica forma non potest constituere diuersas species. *Idem argumentum fieri potest* de sanguine, & reliquis humoribus, qui non informantur eadem anima, sed sunt sicut aqua in vase, & tamen pertinent ad integritatem totius.

Respondetur. Quod anima dicitur forma corporis, sicut aliquid dicitur forma respectu compositi, seu effectus formalis, sicut albedo est actus, seu forma albi, & lux forma lucidi, sic anima forma corporis per ipsam constituti. Quando verò dicitur anima componere cum corpore, si loquamur de compositione physica, & reali, intelligi debet nomine corporis ipsa materia, quæ est altera pars compositi: si verò intelligatur nomine corporis materia formata forma corporeitatis, sic nõ intelligitur compositio physica animæ cum corpore, sed compositio gradus inferioris, id est animalis cū gradu

gradu superiori, id est corporis. *Ad id, quod dicitur*: quod anima est motor corporis. *Respond.* Quod anima non est motor ut quod, sed ut quo, mouet autem mediante organo, quatenus una pars organica mouet aliam; forma enim respectu materie non se habet effectiue, sed formaliter, & materia ipsa distincta a forma non est capax motus, sed mutationis a forma in formam, & hoc agnente, & introductente formam; pars autem organica dicitur compositum ex materia, & forma, licet partiale, & ita potest per unam partem moueri alia a forma ut a principio quo, ab ipso vero toto ut a principio quod. Neque ad hoc requiruntur diuersae formae substantiales, sed eadem cum multiplici virtute, & gradu secundum quod exigit diuersas potentias, & temperaturas, & consequenter diuersa organa, non vero diuersas formas. Illam autem sententiam, quae tenet non fieri resolutionem omnium accidentium usque ad materiam primam reiecimus q. 1. de generat.

Ad confirm. Respond. partes etherogeneas, vel solum differre specie accidentaliter, de quo dicemus infra, vel si differunt specie substantiali solum est species incompleta & secundum quid, de quo D. Tho. 1. 2. q. 72. art. 7. hoc autem non petit diuersas formas substantiales, sed sufficit una forma eminentior, vel habens plures gradus, & sic exigens illam diuersitatem incompletam partium. Quando autem Philosophus dixit, quod partes istae non sunt continuae, non negat continuum in genere quantitatis, & unitatis substantialis, sed in ratione, homogenei quae est unitas, seu similitudo etiam in dissimilitudinibus, aut qualitatibus. Et similiter D. Th. dicit non habere formam totius quantum ad modum denominationis in homogeneis eam sicut tota aqua, v. g. denominatur aqua, ita pars aquae dicitur aqua, in viucentibus autem totum denominatur, v. g. homo, vel equus, non autem manus, vel oculus, denominatur equus, vel homo. *Quod vero dicitur* de diuersis proprietatibus, & operationibus,

dico; quod talis diuersitas non infert diuersitatem formarum, sed eminentiam eiusdem ad plura; tunc autem diuersae operationes sunt signa diuersae formae specificae, quando sunt adequatae, & totales, non autem quando inadeguatae. Et sic quando dicitur quod ab eadem forma non dantur diuersae species, *distingno*, diuersae simpliciter, & adequatae, *concedo*, diuersae partialiter, & secundum quid, vel accidentaliter, *nego*, forma enim eminens, & virtualiter multiplex petit illam diuersitatem partialem, sicut & diuersas potentias, & temperaturas, & organa, quae si sunt in debito, & conaturali statu una non contrariatur alteri, bene tamen si exorbitet a debito temperamento. De sanguine, & humoribus iam diximus in 1. de generat. q. 8. quomodo informantur ab eadem anima.

ARTICVLVS IV.

Quae sit diuisio animae, & quot sint gradus, & modi viucentium?

Secundum D. Tho. 1. p. q. 78. art. 1. tres sunt animae, & quatuor modi viucentium, & quinque genera potentiarum. Tres animae dicuntur, *anima vegetatiua, sensitiua, & intellectiua*. Anima enim in praesenti generaliter sumitur pro eo, quod constituit viuentem, quo sensu dicit D. Th. 2. de anim. lect. circa tex. 20. *Quod in plantis est vita, & consequenter anima*. Modi viucentium dicuntur secundum quatuor gradus vitae, scilicet *vegetatiuum, sensitiuum, loco motiuum, & intellectiuum*, Genera potentiarum sunt quinque, scilicet *potentia vegetatiua, sensitiua, appetitiua, loco motiua, & intellectiua*.

Circa istas diuisiones sunt aliqua dubia, quae in praesenti examinanda sunt. Primum est, an prima diuisio animae in vegetatiuam, sensitiuam, & intellectiuam recta sit, & quomodo colligatur? *Resp.* rectam esse, eamque tradi ab Arist. in hoc lib. cap. 1. & D. Tho. ibi, & communiter ab interpretibus. Eius autem sufficientia colligitur a D. Thom. 1. p. qu. 18. art. 3. & q. 78. art. 1. ex eo, quod omni

viuenti, & omni anima commune est se ipsum mouere, & in hoc primum distinguitur à non viuente, quia non viuens tantum mouetur ab alio, viues autē se ipsum. Quare diuersitas vitæ ex diuerso modo se mouendi debet desumi. Est autē triplex modus se mouendi, ergo & triplex vita. *Min. prob.* quia principium motus est agens, & finis, finis quidem quo ad directionē, & allicientiam: agēs autem quoad executionem, executio autem dependet ab aliqua forma tantum à principali principio, & ab instrumento tanquam à medio operandi. Aliqua ergo sunt quæ mouent se ipsa solum quoad executionem motus, non verò ad acquirendum finem, vel formā, quibus moueant se, sed tam finis, quam forma operandi sunt illis determinata à natura, & passiuè illis dantur, non se mouere ad illa, & hic est infimus gradus vitæ, scilicet vegetatiuus plantarum enim mouent se quoad executionem nutritionis, & generationis, non tamen finem sibi præstituant neque formas, quibus operentur, acquirunt. Alia verò sunt quæ mouent se ipsa non solum quoad executionem motus, sed etiam quoad ipsas formas, quæ possunt esse principium motus, quia non habent illas determinatas à natura, sed acquirere illas possunt, & huiusmodi est vita sensitiua, sensus enim licet sit potentia operationis, tamen indiget formis intentionalibus, quibus obiecta videntur potentis, à quibus tanquam à principiis formalibus, & specificatiuis operationes suæ dependent. Unde iste modus se mouendi altior est, quam modus vitæ vegetatiuus, quia principia operandi non sunt totaliter determinata à natura, sicut in vegetatiuis, sed ad ea possunt se mouere, potentia enim sensitiua indifferens sunt ad has, vel illas species, seu obiecta. Alia denique mouent se ipsa etiam quoad determinationem finis, quia non habent à natura totaliter determinatum finem, sed illum sibi præstipiunt, & ita non aguntur in cognoscendo finem, sed se agunt, ideoque indigent ratione cōferente

proportionē finis cum medijs, & sic mouent se omni modo, quo aliquid se mouere potest, scilicet quoad finē, & quoad formas operandi, & quoad executionem motus. Et hæc vita intellectiua adhuc admittit duos, & perfectiores modos operandi, secundum quod minori, vel maiori mutatione ab extrinseco agente indiget ad suas operationes, nam anima humana ita est infima in hoc genere, quod non solum ab agentibus spiritalibus, sed etiam ab ipsis corporibus perfici, & moueri potest ad acquisitionem cognitionis medijs sensibus. Intellectus vero separatus ut angelus, non indiget moueri ab obiectis, sed a suo creatore mouentur accipiendo à principio omnes formas perfectius intellectus, quibus moueri possunt, & quanto paucioribus indigent, tanto sunt perfectiores, quia tanto minus mouentur ab extrinseco, & magis se mouent in cognoscendo. Sed tamen omnia illa habent vitam, & principia se mouendi ex participatione extrinseci agētis, à quo procedunt, & mouentur, scilicet ab ipso generantes quæ participant vitam, & ad hoc determinantur, & aguntur, ut se agant. Unde perfectissima vita est in Deo, qui omnibus modis est, & operatur a se sine determinatione ab alio.

Obijciens, vegetatiuam debere excludi à ratione vitæ, eo quod omnis eius operatio non egreditur rationem alterationis, aut allicientis attractionis, vel expulsiōis, seu actionis transcendentis, quod totum inueniri potest in totius inanimatis, nam alteratio à quocumque elemento fit, augmentatio etiam sufficienter fit per aggenerationem, ut in igne per extrinsecam appositionem, unde si Deus se solo produceret in planta candem quantitatem, quam producat augmentatio, quæ bene diceretur augmentatio, & si eam acquireret, quod tamen non currit in cæteris animalibus, in quibus nutritio, & augmentatio fit cum sensu, & discretionē animanti, & cum voluptate, quando capitur cibis, vel dolore, & fame, quando deest.

Attra-

Attractio etiam potest fieri per virtutem inanimatam v. paret in magnete. Denique in Deo solum inuenitur vita per cognitionē & amorem, ergo illa solum dicuntur viuere quæ participant aliquo modo cognitionē, & amorem, alias non participant. Deum vt viucentem, & sic non habent in se vitam vt participantem, quia omnis vita participatur a vita, quæ est in Deo.

Ex alia parte videtur, quod sicut loco motuum est distinctus gradus a sensu, ita sic distincta anima, & sic erunt quatuor animæ, sicut quatuor gradus; neque enim est ratio, cur reductiue pertineat ad animæ sensitiuam, & sic non condistinquatur in ratione animæ; in ratione autem gradus non reductiue, sed distincte numeretur a gradu sensitiuo.

Ad primum dubitationem Resp. Sine dubio vegetatiuum etiam vt inuenitur in plantis propriè habere rationem vitæ, quia ab intrinseco, & per determinata organa se mouent, sicut videmus, quod fructificant, & crescunt, & nutriuntur, quod totum est operatio vitæ, & sic etiam appellantur in Scriptura vt 1. Corin. 15. Tu quod seminas, non viuificatur, nisi prius moriatur. Et August. 1. de Ciuitat. c. 10. docet plantas licet non sentiant, viuere tamen, & posse mori, & occidi, in cuius confirmationem asserit illud Psalm. 77. Et occidit in grandine vires eorum. Respondetur ergo ad argumentum. Quod licet vita vegetatiua non operetur actione immanenti, sed transeunte, tamen quia operatur mouendo se, hoc sufficit ad rationem vitæ, sicut patet in ipsa actione generatiua, quæ viralis est, & tamen est actio transiens, & alteratio vtens, & indigens. Ad id quod ista operationes vitales, non sunt a solis qualitatibus elementaribus, licet illis vtatur viuens ad suas operationes, sed sunt a potentijs, quæ sunt qualitates distinctæ, & superaddite ad illas, vt in 2. q. 3. probabitur. Quare alteratio, & expulsio, & attractio, etsi quæ sunt similes actiones, non sunt a viuenti, eo modo quo ab inanimatis,

quia sunt mouendo se, & mediantibus partibus organicis, quod nõ fit ab inanimatis, sed singulis calefacit, omnes partes calefaciunt, & si magnes trahit ferrum, secundum omnes partes trahit. Similiter dicendum est de augmentatione, eoque enim acquisitio maioris quantitatis quomodocunque pertinet ad viuens, sed acquisitio illius per tale modum, sc. acquisitio illius mouendo se, & per inens susceptionem, nõ per iuxta appositionem, sicut ignis, & alia inanimata augentur, quod non fieri per veram nutritionem, & augmentationem ostendimus, de generat. q. 8. Itaque eadem quantitas ab extrinseco addita, vel vnita, aut aggenerata non pertinet ad operationem vitalem, eadem tamen modo virali acquisita, id est per intus susceptionem, & per potentias determinatas, pertinet ad operationem vitæ sicut etiam idẽ ubi, si acquiratur motu progressiuo acquiratur per operationem vitalem, si verò acquiratur motu grauitatis, & leuitatis, aut alio simili, erit operatio inanimata. Itaque pertinet ad speciem istarum operationum, etiam modus ipse quo fiunt.

Ad vltimam instantiam Resp. vegetatiuum etiam participare vitam Dei, non eo modo, quo est in Deo, sed secundum aliquam rationem inadæquatam, participant enim quendam modum vitæ, sc. hoc quod est se mouere, & non purè moveri ab alio, quod formaliter inuenitur in Deo. Licet non participant ipsam speciem, seu gradum vitæ diuinæ, quod est cognoscere & amare.

Ad secundum Resp. Esse disparem rationē de gradibus viuentium, & de generibus animarum. Genera enim animarum sumuntur ex diuerso genere operandi in mouendo se; modi verò seu gradus viuentium sumuntur ex maiori, vel minori perfectione intra idẽ genus se mouendi. Et ideo quando gradus viuentium dicitur sensitiuum, & loco motiuum, ibi ly *sensitiuum* non sumitur pro ipso genere sentiendi, sed pro modo, seu gradu, quatenus dicit imperfectum, & infimum gradum in genere sensus, sicut sunt illa

sensitiua, quæ licet habeant tactum, & motum dilatationis, vel contractionis, non tamen habent motum progressiuium, quia non habent perfectè omnes sensus, ut statim dicemus: at verò loco motiuium est idè quod sensitiuum perfectum, id est, quæ habent sensus percipientes res distantes, hoc enim ipso debent habere facultatem, & instrumenta, quibus possint ad res distantes moueri, & ad hoc ordinatur motus progressiuius, seu loco motiuius. Vnde oportuit distinguere istos duos gradus, quasi imperfectum, & perfectum intra genus sensitiui. *Cæterum*, cum animæ diuidantur penes ipsa genera vitæ, & se mouendi, sub isto genere animæ sensitiuæ cōprehensus est uterque ille gradus sensitiui imperfecti, & loco motiui, nec potuit ibi poni tanquam diuersum genus animæ. *Nec potest instari*, quod etiam sensitiuum continetur sub vegetatiuo tanquā species sub genere, atque adeò sufficiebat etiam numerari vegetatiuum in diuisione animarū, & non numerari sensitiuiū. *Respondetur enim*, quod sensitiuum non cōdiuiditur à vegetatiuo in cōmuni sumpto, cum illud includat, sed est species cōdiuisa contra alteram speciem vegetatiui, qualem inuenitur in planta, & istæ species sunt subalterne, & pertinent ad diuersa genera vitæ, eo quod important diuersum modum se mouendi secundum diuersum ordinem, & non solum secundum magis, vel minus perfectum intra eundem, sicut dictum est de sensitiuo magis perfectò, & minus perfectò in eodem ordine seu genere se mouendi, & ideo dicuntur diuersa genera viuētium vegetatiuum, & sensitiuum, sumpto vegetatiuo non in cōmuni, sed pro vegetatiuo infimo, cōdiuiso contra sensitiuum, sicut est in plantis.

Secundum dubium oritur ex hoc, quod ultimo dictum est in præcedenti, scilicet quomodo intelligatur diuisio quatuor graduum viuētium, & quinque generum potentiarum. *Ratio dubitandi est*: quia non apparet, cur inter gradus viuētium numeretur loco

motiuium, & non appetitiuum. Si enim hoc est, quia appetitiuum non est per se, & directè gradus vitæ, sed aliquid cōsecutum per modum inclinationis ad vitam sensitiuam, vel rationalem ut S. Thos. docet 1. de anim. lib. 5. c. 1. p. q. 78. art. 1. idem potiori ratione dicitur de loco motiui, quia multò magis est aliquid cōsecutum, cum sit executiuum ipsius appetitiui, mouetur enim potentia motiua ab appetitu, ut executiua illius, ergo à fortiori non erit gradus. *Secundò*, non apparet quomodo vegetatiuum, & sensitiuum diuidunt animam, & gradum viuendi, & potentiam operadi: quod si diuerso modo applicatur, & sumitur in illis, hoc ipsum oporteret explicari. *Tertiò*, quia gradus viuendi, vel distinguuntur a priori, & ex sua radice, scilicet ex ipsa anima, quæ dat vitæ substantialem, vel à posteriori scilicet ex operatione potentie, per quam habetur vita accidentalis. Si primo modo, erunt tres gradus viuendi, sicut & tres animæ. Si secundo modo, erunt quinque, sicut & sunt quinque potentie, & operationes. Quomodo ergo adæquatur ista diuisio quatuor graduum? Denique restat explicare, quomodo sumantur diuersi gradus viuendi in vita intellectuali, sicut est intelligere humanum, Angelicum, & diuinum, & in Angelico tot species vitæ intellectuæ.

Resp. Aliquos sentire, quod si attendamus ad vitam substantialem tot erunt gradus viuētium, quot sunt animæ, eo quod non possunt multiplicari composita, seu cōcreta plus quam formæ. Si autem attendamus ad vitam accidentalem, seu operationes vitales, additur ille quartus gradus loco motiui, propter potentiam gradiendi, quæ inuenitur in animalibus perfectis. Ita Coniungit 2. de anim. cap. 3. q. 2. art. 2. At verò P. Suar. tract. de anima lib. 1. c. 7. num. 13. absolute docet non esse magis multiplicandum numerum animarum, quam graduum viuētium, censet enim quod loco motiuium est commune omni animæ.

Nilominus prædicta diuisio, quæ ex
Aristo.

Aristot. docetur à D. Thom. 1. p. *quæst.* 78. *citata, deferenda non est.* Et ita dicendum, quod non solum inuenitur distinctio animarum penes illum triplicem ordinem, seu genus vegetatiui, sensitiui & intellectiui, sed etiam in vnoquoque genere distinguendi sunt gradus secundum latitudinem participandi magis vel minus perfecte tale genus vitæ. Et quidem in vita vegetatiua non datur aliqua latitudo gradualis, eo quod propter imperfectionem illius vitæ, tota constringitur ad actionem nutriendi & generandi, & istæ inueniri possunt in omni vegetabili, etiam in plantis, iuxta illud *Gen. 1. Germinet terra herbam viuentem, & facientem semen*, & sic pertinet ad vegetatiuum plantæ non solum nutriri, sed etiam generare. Vnde non datur locus ad diuersos gradus huius vitæ penes participationem plurimum, vel pauciorum operationum vegetatiuarum, cum omnibus non repugnet vtræque operatio vegetatiua, in qua tota perfectio & graduatio illius vitæ resumitur, licet dentur diuersæ species talium vegetabilium, iuxta diuersam perfectionem, quam habent in eadem graduatone participandi vtramque operationem. In vita autem intellectiua, sunt etiam diuersi gradus non penes diuersas operationes intelligendi, & volendi, omnia enim intellectiua habent intellectum & voluntatem, sed penes diuersum modum communicandi cum materia, & corpore, vel recedendi ab illo, & accedendi ad immaterialitatem diuinam. Sed tamen non pertinet ad Philosophum naturalem de illis agere, sed sibi in anima intellectiua coniuncta corpori: de substantijs autem separatis agit Metaphysicus & Theologus.

Restat ergo, quod in vita sensitiua inueniatur diuersa graduatio penes latitudinem, quæ datur in participanda maiori, vel minori perfectione sensus, nam quidem sensus solus percipiunt res sibi coniunctas, ut tactus & gustus, alij etiam percipiunt distantes, & propterea fundant & exigunt poten-

tiam loco motiuam, id est, tendentem ad res distantes, quas apprehendunt, frustra enim apprehenderent res distantes, si naturaliter carerent instrumentis acquirendi illas, quod fit per motum progressiuum, & per potentiam loco motiuam. Et quia non omnia animalia habent sensus perfectos, sed quædam imperfectos, ut ostrea & conchilia, alia verò habent sensus perfectos, & ideo mouentur ad res distantes, ideo ponitur in vita sensitiua duplex gradus, alter sensitiui communiter dicti, alter sensitiui perfecti, quod dicitur loco motiuum, quia progressiue loco se mouent, siue volando, siue ambulando, siue natando.

Nec obstat, si dicas pro sententia P. Suarez, quod etiam ostrea, & animalia imperfecta loco se mouent saltem motu dilationis & constrictionis, ergo omnibus conuenit potentia loco motiua. *Respondetur enim*, quod loco motiuum non sumitur in presenti, ita communiter, pro quocunque modo mouendi se in loco, sed pro motiua perfecto, & per modum progressiui, quod solum conuenit animalibus habentibus sensus cognoscentes distantia, eo quod iste motus est primò & per se ad locum distantem, motus autem dilationis, aut constrictionis, non est primò & per se ad mutandum locum, sed consequitur motum aliquem alterationis in animali, & ita diuersus modus se mouendi est in motu progressiua.

Ad rationes dubitantes respondetur. Ad primam, quod loco motiuum sumitur dupliciter. Vno modo accidentaliter pro ipsa potentia mouendi, alio modo substantialiter, & pro radice, quæ supponitur ad istam potentiam. Primo modo non dicitur gradus, sed potentiam subordinatam appetitui, & ideo in diuisione potentiarum ponitur appetituum, & loco motiuum. Secundo vero modo pertinet ad rationem gradus. *Quod similes*: cur non dicatur idem de appetitu, quod radicaliter sumptum, etiam sumatur pro gradu. *Respondetur*, ideo esse quia appetituum inuenitur in omni ani-

mali etiam imperfecto: & etiam si progressiue non moueatur; cuius signum est, quia etiam animalia imperfecta sentiunt dolorem, si enim pungantur constringunt se, dolor autem est actus appetitus fugientis. Vnde per ly *appetitiuum* non designatur specialis gradus in animalibus, cum in omnibus inueniatur; at vero loco motuum sumptum pro progressiui, solum competit habenti sensum, & appetitum perfectum, & sic designare potest gradum, & perfectionem in animalibus.

Ad secundam respondetur. Quod quia viuentia ordinantur ad operationes vitales tanquam ad propriam perfectionem, ideo aliquando significatur per ipsam vitam radix & principium viuendi, quod est anima, aliquando gradus, seu participatio ipsius vitæ, aliquando potentia, seu operatio vitalis, & ita potest ly *vegetatiuum*, & *sensitiuum* accommodari diuisioni animæ, & graduum, & potentiarum.

Ad tertiam respondetur. Istos quatuor modos seu gradus viuendi desumi à priori ex ipsis animalibus seu principijs vitæ, non quomodocunque, sed vt fundant latitudinem participandi diuerso modo vitam. Et ita licet solum sint tres animæ, tamen secundum latitudinem magis, vel minus perfectæ participandi vitam, fundantur plures gradus, non quod in anima vegetatiua propter suam coactionem, sed in sensitiua, & intellectiua. Sed tamen de speciebus intellectiue vitæ in his, quæ sunt separata à materia, non pertinet considerare ad Philosophum naturalem, sed solum de intellectu comminuto corpori, vt diximus.

Tertia difficultas est: an omnes istæ diuisiones sint vniuocæ vel analogæ? *Respondetur,* sine dubio vniuocæ esse eo modo, quo vniuocatio potest reperiri in formis, quæ sunt entia incompleta, scilicet, reductiue ad suam compositionem, quæ est sententia D. Thomæ 2. contra Gent. cap. 60. & 61. & sumitur ex Arist. hoc 2. lib. cap. 1. & 2. tradentis eandem definitionem pro omni anima. *Ratio*

est, quia anima rationalis (de qua sola potest esse difficultas) vel esset analogice anima, quia simpliciter & proprie non est anima informans corpus, vel quia ita excellenter est anima, quod sola ipsa simpliciter, & absolute anima est, quia constituit mouens seipsum omni modo, reliquæ vero animæ diminutæ & imperfectæ. Primum stare non potest, quia anima rationalis est vera forma hominis, vt supra diximus, esse definitum ab Ecclesia, & ratione conflat, quia verè constituit hominem vt homo, & vt rationalis est & non constituit vt materia, ergo vt vera forma. Secundum etiam est falsum, tum quia ea, quæ constituentur per istas animas vniuocè conueniunt, & in eodem predicamento constituentur, v.g. planta, equus & homo, ergo etiam ipsæ formæ & gradus eadem vniuocatione gaudent, siquidem solum habent vniuocationem reductiue sicut sua composita: tum etiam, quia nulla ratio analogiæ intercedit inter istas animas, omnes enim essentialiter, & intrinsecè sunt principia se mouendi, & essentialiter competit illis definitio animæ, neque enim minus essentialiter est actus corporis organici anima plantæ, quam anima equi vel hominis, licet diuersa perfectione & gradu.

Quod si dicatur, vnam animam dependere ab alia in ratione animandi, sicut sensitiua dependet à vegetatiua & rationalis à sensitiua. *Respondetur.* Quod hoc non sufficit ad analogiam quia non est dependentia in ipsa participatione rationis superiori, hæc enim æqualiter participatur, sed est dependentia in ipsa compositione, & in exercitio informandi, quia gradus vnius animæ non potest exercere istas operationes, & informationem, nisi supponendo priorem gradum alterius, sicut etiam superficies supponit lineam, & corpus superficiem, vt componatur corpus, & tamen sunt species quantitatis vniuocè participantes ipsam rationem extensionis. Itaque dependentia & inæqualitas in ipsa participatione prædicta communis constituit analogiam, quatenus vniuocè
per

per habitudinem ad aliud, & non simpliciter dicuntur tales, sicut accidens & substantia respectu entis. Cetera vero dependentia ipsarum specierum inter se quoad exercitium & informationem, aut aliquid simile non faciunt analogiam, ut notat D. Thom. 1. *Periherm.* lib. 8.

*N*on obstat, quòd anima intellectiua dicatur simpliciter anima, quia constituit se mouens omnibus modis. Hoc enim solum probat, quòd sit perfectissima inter animas, & simpliciter, id est, omnibus modis, non tamen, quòd alix anime non sint etiam simpliciter tales, id est absolute, & vniuoce, siquidem simpliciter dant esse substantiale vitale, alias homo & equus non vniuoce conuenirent, quia homo, est perfectior species, neque corpus, & superficies in ratione quantitatis, quia corpus habet omnes tres dimensiones, superficies verò duas.

ARTICVLVS V.

Quomodo possint omnes gradus vite in una
forma contineri?

Difficilis est de ipso modo continendi.
An formaliter una anima contineat plu-
res gradus, sicut numerus una ora continet
minorem, an solius virtutis sicut fol. v. g.
continet caliditatem vel herbam.

Triplex differentia. Quidam attribunt animæ rationali solum continentiam virtutum aliorum graduum sensitiui & vegetatiui. Alij dicunt formaliter illos continere, non tamen vnum fieri ex coniunctione & contractione per alterum, sed totam perfectionem, quam habet gradus vegetatiuus, v.g. in animali esse ipsam differentiam sensitiui. Ita P. Sua. tract. de anim. lib. 1. c. 6. num. 7. Alij denique dicunt formaliter inueniri gradus superiores in anima perfectiori, & gradus sic contractos etiam perfectius seipsum, ita quod vegetatiuum plura differat specie à vegetatiua, quod est in equo, vel homine. Ita M. Banez l. p. 7. art. 1. dub. 2. & alij qui citantur à Carmelite. hic disp. 4. q. 2. 3.

Respondetur ergo, quodd secundum sententiam D. Thom. gradus vite in forma superiori continentur eminenter, formaliter, & non virtualiter tantum, ita quod ex parte modi continendi eminenter, ex parte vero rei contentæ formaliter continet vegetativum, & sensitiuum, & non aliquid loco ipsius, sed ipsam veram & formalem rationem vegetatiui & sensitiui, quæ etiam ex conjunctione ad perfectiorem gradum intrinsecè in sua propria ratione perficiuntur.

Pro huius intelligentia supponendum est,
quod unum continere alterum, potest esse
tribus modis. *Primo formaliter tantum,*
quando scilicet continetur aliquid in ea pro-
prietate, qua in se est, tum quoad perfectio-
nem, quam quoad imperfectionem, sicut
calidum continet calorem, album albedine.
Secundo, virtualiter tantum; quando scilicet
continet virtutem, a qua potest prestari, vel
procedere illa forma, seu effectus, sicut vi-
num & piper continent virtualiter calorem,
& lux solis virtualiter est calor, & Angelus
virtualiter discursit, quia sine formali dis-
cursu cognoscit ea, quae nos per discursum,
& lux & piper sine igne vel calore formali
calescunt; & denique omnia semina vir-
tualiter continent fructum. *Tertio* continet
unum *formaliter & eminenter,* aliud quoad
perfectiōem formalem illius sine limitatio-
ne, & restrictione imperfectionis propriae,
sed in altiori perfectiōe & modo. Et hoc
contingit, quando res aliqua in sua forma-
li & propria constitutione non includit im-
perfectiōem repugnantem formae altiori,
& eminentiori. Et hac ratione inveniuntur
in Deo perfectiōes formaliter, & eminen-
ter, quae in creaturis cum restrictione & li-
mitatione inveniuntur, sicut inveniuntur in
Deo sapientia, potentia, bonitas, & similia
eminentiori modo, quam in creaturis, sed
tamen formaliter, in eo quidquid perfectiō-
nis in creaturis est, semota imperfectione,
& consequenter modo eminentiori reperi-
tur in Deo. Et in rebus creatis videmus,
quod maior numerus continet minorem for-
ma-

maliter, ut tenarius binarium, non cum restrictione & limitatione ternarij, sed perfectiori & ampliori modo. *Dicitur ergo*, quod anima nobilior continet inferiores gradus formaliter & eminenter, sicut figura perfectior imperfectiorem, & numerus maior minorem. Unde D. Thom. *quodlib. 1. art. 6.* inquit: *Quod forma substantiales se habent sicut numeri, vel sicut figura, semper enim maior numerus vel figura, continet in se minorem, sicut quaternarius quaternarium, & pentagonum, trigonum.* Quod si aliquando dicit, quod anima humana in virtute habet corporeitatem ad alios gradus, *quodlib. 11. art. 5. & quest. de spiritualib. creat. art. 3. ad 16.* idem est, quod eminenter, non autem virtualiter tantum, excludendo continentiam formalem, aperte enim in *q. de anim. art. 11.* docet: *Quod substantia anima rationalis, est vegetabilis, vel sensibilis. Ratio autem huius est: quia anima essentialiter est forma, & principium quo constitutum sui compositi: ergo si compositum formaliter constituitur passivè in ratione sensitivi & vegetativi, etiam ipsa forma debet formaliter ut quo continere alios gradus, quia quidquid est in effectu formali formaliter passivè, & ut quod, debet esse in ipsa forma formaliter activè & ut quo.*

Sed instabis. Quia formæ elementorum solum sunt virtualiter in mixto, & tamen in ipso mixto sunt effectus formales elementorum, & calidum & frigidum, & alia similia. *Secundo*, quia anima potest præbere effectum formalem, quem non habet in se formaliter, sicut in se non est entitas corporea & tamen constituit compositum corporeum.

Ad primum respondetur, quod formæ elementorum substantiales non constituunt mixtum, neque aliquem gradum eius, neque enim mixtum denominatur elementum, sicut animal denominatur vivens, & corpus, & ita forma constituens animal debet esse formaliter vegetativa, & corporea, non autem elemental, licet, quia habet quali-

rates elementorum, ut frigidum & calidum, virtualiter dicatur continere elementa, non formaliter.

Ad secundum respondetur. Quod forma cum solum sit principium quo constitutum compositi, sufficit quod si constituit illud sensitivum, & vegetativum, & corporeum, in se sit corporea & sensitiva ut quo, licet entitativè, & ut quod, neque corporea sit, neque vegetativa, sed spiritualis: & sic anima rationalis, est corporea ut quo formaliter, quia modo corporeo informat, & rem corpoream constituit, licet in se entitativè sit res spiritualis: qua ratione etiam concursus, & motio divina potest esse principium quo liberi actus, licet in se entitativè & ut quod non habeat indifferentiam, sed sit determinatum ens. *Et ratio est*, quia si anima rationalis solum præberet gradum rationale formaliter, & reliquos virtualiter, non esset homini ratio conveniendi formaliter cum equo, & planta, sed virtualiter tantum, & sic ex vi animæ, quia informatur homo, non magis diceretur esse animal, quam sol dicitur calidus, quod est absurdum.

Ultima pars conclusionis, scil. quod vegetativum, vel sensitivum coniunctum & contractum per gradum inferiorem intrinsecè perficiatur etiam in ipsa linea vegetativi & sensitivi, *probat.* Quia vegetativum in communi est aliquid potentiale, & contrahibile per differentias inferiores, quibus perficitur, & actuatur, ergo illud vegetativum, quod ponitur in planta, v. g. & in equo specie differunt non solum, quia planta & equus differunt secundum proprias rationes, sed etiam quia ipsum vegetativum diversimodè perficitur actuazione, & perfectione intrinseca, siquidem vegetativum in communi erat in potentia intrinseca ut perficeretur, ergo perfectio, quæ illi advenit, etiam in ratione ipsa vegetandi, intrinseca est. Perfici autem diversimodè in ipsa ratione vegetandi, manifestum est, quia red- dicitur principium diversarum operationum etiam

etiam in ratione vegetandi, sicut videmus, quod in animalibus nutritiva producit sanguinem & spiritus, & carnem, quod in arboribus non facit, ergo signum est, quod etiam in ipsis potētij, & ratione propria vegetatiui intrinsicē perficitur ex coniunctione & contractione ad plantam, vel ad animal, & in quolibet animali iuxta modum illius perfectiori, vel imperfectiori modo, vegetatiua ipsa sit principium diuersarum operationum.

Nec obstat: Quod idem calor secundum speciem est in animali, & in igne, & in animali generat carnem sine intrinseca mutatione in sua specie, non verò in igne. *Respondetur enim,* quod calor habet duos effectus, vnum principalem, scil. calidum reddere, & calefacere, & secundum hoc eiusdē speciei est in igne, & in animali & ita non indiget variare speciem. Alter effectus est, quē habet in animali tantum, scil. generare carnem, & hic effectus est instrumentalis respectu caloris, & ita non oportet, quod in ipso calore, qui est instrumentum, varietur species, sed in principali agente, à quo mouetur calor, scil. in ipso principio vitæ vegetatiuæ, à quo vitaliter procedit nutritio. Vnde in tali principio debet dari varietas specifica, eò quod per se, & principaliter, est principium diuersæ nutritionis spec. sic in planta, & in animali. Ex quo etiam patet differentia inter phantasiam hominis, & bruti ex vna parte, & vegetatiuum plantæ & animalis ex alia, quod phantasia in homine est probabile quod sit eiusdē speciei cum phantasia equi, licet in homine sit eleuatio quàm in equo, quia illa maior eleuatio non mutat obiectum specificum phantasie, licet mutet modū operandi cum aliquo discursu circa tale obiectum, & ideo probabile est, non sufficere ad distinctionem specificam, de quo *ins. quæst. 8.* At verò vegetatiuum in planta, & in animali, mutat obiectum specificum, quia in vno generat carnem, in alio non tanquam agens principale. Gradus etiam sensitiuus perficitur in diuersis anima-

Part. III. Phys.

libus ex eo, quod habet in animalibus perfectis omnes sensus, quos non habet in imperfectis, & præsertim in homine ex coniunctione ad gradum rationalem habet potentiam ridendi & flendi, quam non habet in alijs, vt *ins. solut. ad 16.* dicemus.

Hinc colligitur: Quod illud vegetatiuum, quod est in planta, ibiq; contrahitur & specificatur, non continetur formaliter in anima rationali, vel in alia anima perfecta, quia illud vegetatiuum quod est in planta, non tantum est gradus, sed species quia illo specificè & vltimò constituitur; vna autem species non potest aliam continere formaliter eminenter, eò quod vna species propter sui limitationem, & oppositionem, quam habet respectu alterius speciei, non potest illam continere, vt optime tradit S. Thom. 1. p. q. 84. art. 2. ad 3. Solum ergo potest aliquid formaliter & eminenter continere alterum, vel quia est gradus, aut pars constitutiua illius, sicut homo est sensibilis & corporeus, & quinarium habet in se binarium; vel quia est causa à qua participatur esse quod est in altero sicut à Deo participatur omnis perfectio, quæ est in creatura; & sic illa, quæ sunt ordinis diuini, possunt eminenter continere perfectiones inferiorum, sicut fides practicum, & speculatiuum. Itaque anima formaliter eminenter, continet vegetatiuum, quod est gradus; illud autem vegetatiuum specificum, quod est in planta formaliter & eminenter, non continet, sed tantum virtualiter, quatenus superiori modo, exercet id, quod vegetatiuum plantæ.

SOLVUNTUR ARGV- MENTA.

Primò arguitur. Quia vna differentia, v.g. rationale formaliter nō continet superiorē, v.g. sensibile, vt diximus in *Logica. q. 10.* quia non prædicatur de illa, ergo neque anima rationalis continet sensibile formaliter, quia differentia ista sumuntur ab anima. *Confirmatur.* Quia vel anima rationalis continet sensitiuum formaliter, quia sensitiuum

E

est

est eius ratio formalis, & hoc constat esse falsum, cum ratio formalis intellectui addatur ad sensitiuum, vel continet formaliter, quia sensitiuum & intellectiuum identificantur in vno tertio, quod constituitur, & tunc illud tertium continebit formaliter istas animas, non verò anima intellectiua sensitiuam.

Respondetur: Esse disparē rationem de differentiis, & de animabus, quia differentiæ sunt actus metaphysici, quia contrahunt genus, & constituunt speciem, quod cum habeat penes præcisiones, & diuersas explicationes conceptuum, stat bene quod differentia vltima non contineat superiorem, quæ est pars generis, sed ab illa præscindat. Ceterum anima dicit actum physicum, ad quem pertinet realiter substantialiter constituere totum compositum, & ita cum sit vnica forma physica, & realis in quolibet composito, oportet quod ipsa formaliter, & ut quo contineat omne illud, quod formaliter ut quod inuenitur in composito.

Ad Confirmationem respondetur. Quod anima est formaliter sensitiua & corporea ut quo ad eum modum, quo ratio superior & inferior inuenitur formaliter in specie, quæ constituunt, sicut enim istæ rationes inueniuntur formaliter in ipso composito, ita inueniuntur in ipsa forma constitutiua illius, sed tanquam in principio quo simplici modo, & tanquam in forma. Et ita non oportet, quod ratio sensitiui sit ratio intellectui metaphysicè loquendo, & secundum conceptus formales, sed quod forma physica entitatiue sumpta, quæ formaliter constituit physicè compositum in ratione intellectui, constituat etiam in ratione sensitiui, & ita contineat utramque rationem non ut constitutum ex illis tanquam compositum quod, sed tanquam forma, & principium quo constituendi compositum secundum utramque rationem.

Secundo obicitur ex P. Suarez vbi sup. contra vlt. sententiam contrariis: quia si vegetatiuum, quod est in equo, v.g. habet rationem

specificam vegetatiui distinctam à vegetatiuo quod est in homine, ergo constituitur in aliqua specie a thoma intra genus, & lineam vegetabilis, & sic quando aduenit illi ratio specifica in linea sensitiui, vel rationalis, non poterit iam constitui vnum per se, quia iam superior oritur species a thoma constituta in genere vegetatiui, & sic non est vltimè contrahibilis ab alia differentia specifica elevationi. *Confirmatur.* Quia vel datur in equo vegetatiuum illud solū, in quo conuenit planta, vel aliquod aliud in quo non conuenit cum illa. Si primum solum datur vegetatiuum genericum, non autem specificum intra lineam vegetatiui, si secundum illud vegetatiuum specificum non potest esse aliud quam sensitiuum, quia in omni eo quod sensitiuum non est, conuenit animal cum plantis si autem à sensitiuo prouenit à aliqua specifica differentia in ipso vegetatiuo, præterquam quod est impossibile, quod ab vno genere proueniat alterius generis differentia, est etiam impossibile, quod ab eadem simplici differentia, scilicet sensitiua proueniat duplex a thoma differentia, altera in ratione sensitiui, altera in ratione vegetatiui. *Denique, confirmatur.* Quia si vegetatiuum specificè contraheretur in linea vegetatiui, & sensitiuum in linea sensitiui, quando collungitur rationali, sequeretur, quod potentie à talibus gradibus emanantes essent diuersæ species in homine, in equo & in planta, siquidē oriuntur à principijs specie distinctis etiam in linea vegetabilis & sensitiuis. Consequens autem est falsum, quia potentie sensitiuæ in brutis, & homine, sunt eiusdem speciei, ut visus, & auditus, quia habent idem obiectum, scilicet visibile, & audibile, & similiter vegetatiua in planta, & in equo, habent idem obiectum, scilicet alimentum.

Respondetur. Vegetatiuum non constitui in specie sua, & perfectione inter se per differentiam aliquā distinctam à sensitiua, sed per eandē, quatenus habet eminentiam ad perficiendum ipsum vegetatiuum, etiam intra lineam vegetatiui, quoniam ita est simpliciter

plici illa differentia sensitiui propter suam eminentiam respectu vegetatiui, habet non solum constituere differentiam in ratione animalis, & sensitiui, sed etiam perficere vegetatiuum intra rationem vegetatiui, eo quod etiam ad ipsas operationes sensitiui necessario praequiratur vegetatiuum, & ad tale sensitiuum, tale vel tale vegetatiuum, sicut diuerso modo nutriri debet homo quae equus, & equus quam alia animalia, & sic de reliquis, vnde oportet ipsam nutritiuam, quae est propria potentia gradus vegetatiui etiam in ratione nutritiuae aliter perfici in vno quam in alio, quatenus intrinsece, & essentialiter deseruit ipsi gradui sensitiuo.

Ad primam Confirmationem respondetur. Quod vegetatiuum equi, & plantae & habent conuenientiam genericam, seu communem, & habent differentiam specificam etiam intra lineam vegetatiui ortam ab ipso sensitiuo, non solum ut formaliter constituit naturam, & gradum sensitiuum, sed etiam ut habet eminentiam ad perficiendum vegetatiuum, quod sibi deseruiat, faciendo quod in ipso sit principium diuersae operationis vegetatiuae deseruiens tali sensitiuo. Neque est inconueniens, quod ab eadem simplici differentia, propter sui eminentiam super illum gradum communem ut sibi deseruientem, proueniat non solum propriae naturae constitutio, sed etiam illius com-

munis gradus perfectio, ut deseruiens propriae naturae.

Ad secundam Confirmationem respondetur. Quod licet gradus imperfectior & communior, intrinsece perficiatur ex coniunctione ad perfectiorem, non tamen est necesse, quod in omnibus potentijs & perfectionibus intrinsece immotetur, & specificè distingua-tur, nam in planta, & in animali vis augmentatiua, v.g. non est necesse quod specie differant, quia in vtroque respicit idem obiectum scilicet quantitatem ut augendam generatiua autem differt in vno, & in alio, quia respicit diuersam naturam generandam pro obiecto, & id est de nutritiua, quae in vno facit carnem, in alio lignum, & hoc est obiectum a quo specificatur, non solum alimentum, & tamen sunt potentiae partis vegetatiuae. Similiter in homine sensus externi sunt potentiae eiusdem rationis & speciei, atque in alijs animalibus, quia habent idem obiectum; aliquae tamen potentiae sunt in parte sensitiua hominis, quae non sunt in sensitiuo bruti, sicut est potentia ridendi & flendi, quae per ordinem ad sensitiuam exercetur, nam modo sensibili fit risus & fletus, & tamen non est in brutis, ergo sensitiuum in homine etiam in ratione sensitiui est principium operationis specie distinctae, atque in bruto, ergo etiam in seipso est sensitiuum specie distinctum.

Q V A E S T I O II.

De Proprietatibus Animae in communi.

DVO genera proprietatum possumus in anima considerare. Quaedam in ordine ad se, ut quod sit diuisibilis, vel indiuisibilis, quaedam in ordine ad operationes & obiecta, scilicet ipsas potentias. De his ergo in communi tractabimus in ista quaestione. In ordine autem ad materiam conuenit anima informatio, de qua nihil occurrit scribendum in praesenti, praeterea, quae diximus, in quaest. 6. Physic. de unione, & quaest. 11. de informatione formarum.

ARTICVLVS L

Verum aliqua anima sint diuisibiles, alia indiuisibiles?

Non est difficultas in presenti de anima rationali, ex eodē enim principio, quod constat esse spiritualement, colligitur, quod sit indiuisibilis, siquidem illud dicitur spiritus, quod est immateriale, & carens partibus, ideoque incapax extensionis. Quod verò anima humana spiritualis sit, salua fide negari non potest, vt probabitur *infra quest. 9.* cum anima sit immaterialis, & incorruptibilis, & ita dicitur homo compositus ex corpore & spiritu, vt habetur *in cap. Firmiter, de Summ. Trinit.*

Secundò est certum; non posse aliquas animas perfectorum animalium ita esse diuisibiles, vt etiam facta diuisione conseruentur in vtraque parte diuisa, perit enim vita à membris abscissis, sicut si abscindatur pars aliqua equi vel bouis. *Sed difficultas est*, an dum manent vnite corpori ad eius extensionem extendantur, sicut aliz formæ accidentales extenduntur, vt albedo, vel calor, & extenso modo informant subiectum, an verò ita sint indiuisibiles, & inextensæ in se, quod ad extensionem materiæ, quam informant, non reddantur extensæ, etiam per accidens; expresse enim de quantitate per accidens respectu animarum loquitur S. Th. 1. p. q. 76. art. 8. nec de alia poterat loqui.

Circa hanc ergo difficultatem versantur due sententia extrema, & dua media. Prima extrema aliquorum antiquorum assererat, omnem animam etiam rationalem esse diuisibilem, quæ tamen in hoc vltimo admittenda non est, facit n. animam rationalem corpoream. *Secunda sententia extrema* omnem animam facit indiuisibilem etiam plantarum & animalium imperfectorum, quæ actribui solet Simplicio, Marsilio Ficino, & alijs apud M. Bañez 1. p. quest. 76. art. 8. ad 2. *Inter sententias medias prima* facit omnes animas diuisibiles præter rationalem, quia incorporea est, reliquæ verò corporeæ sunt,

& consequenter diuisibiles. Ita Scorus Durandus Aegid. & alij plures, qui ibidem citanter à M. Bañez: & ex recentioribus sequitur P. Suarez *disp. 15. Metaphys. sect. 10. num. 32. Rub. hic*, & alij. *Secunda sententia media* excipit non solum animam rationalem, sed etiam animas animalium perfectorum, quæ indiuisibiles sunt. Hæc est S. Thom. 1. p. loco citato, & *quæst. de spiritualib. creatur. art. 4. de anim. art. 10. & 2. de anim. lect. 4.* & sequuntur communiter Thomistæ Caietan. Ferrar. Ban. vbi supra, & Sibar. *tract. de anima lib. 1. cap. 13. Carmel. hic disp. 5.* & plures alij.

Dico primò: *Certum est*, quod non solum anima intellectiua, sed etiam quacunque alia secundum gradum animæ formaliter loquendo non est principium quo diuisibilitati & extensioni. Patet hoc; quia quantitas est proprietas consequens gradum corporeitatis, & ita est communis omnibus corporibus animatis & inanimatis, ergo non est propria animæ secundum gradum animæ, & sic formaliter vt anima, non est principium quo diuisibilitatis, quia illud est principium quo formaliter, quod est ratio ipsa, sub cuius formalitate talis proprietas egreditur, & cōuenit.

Dico secundò: *Anima secundum gradum corporeitatis, quæ includit; est principium quo diuisibilitatis, & hoc etiam competit anima intellectiua, licet eminentiori modo.* Ratio est manifesta, quia diuisibilitas, seu quantitas, est propria corporis, ergo illa forma, quæ est principium constituendi corpus, est etiam principium quo quantitatis, siquidem per illam constituitur corpus, sed anima est forma constitutiua corporis secundum gradum corporeitatis, quia in ipso composito, quod est corpus, non datur alia forma substantialis, à qua constituatur inesse corporis, ergo omnis anima secundum gradum corporis est diuisibilis vt quo.

Dico tertio: *Quantitas, quæ oritur ab anima secundum gradum corporeum non reddit ipsam entitatem animæ diuisibilem etiam per accidens, ad eum modum, quo forme inanimatae vel*

vel qualitates corporeæ redduntur extensa ratione quantitatis sui subiecti, nisi quando anima ita est imperfecta, quod etiam in ipso muneretur, & offit. in animandi diuisionem petis, sicut inuenitur in animalibus imperfectis. Hanc existimo esse mentem S. Thom. ut manifeste colligitur ex q. de spirituali creatur. art. 4. ubi inquit: Quod totalitas non potest attribui formæ, nisi per accidens, in quantum scilicet per accidens diuiduntur diuisione quantitatis, si ut albedo diuisione superficie, sed hoc est illarum tantum formarum, quæ coextenduntur quantitati, quod ex hoc competit aliquibus formis, quia habent materiam similem, & in toto, & in parte. Unde forma, quæ requirunt magnam similitudinem in partibus, non habent huiusmodi extensionem, & totalitatem, sicut anima præcipue animalium perfectorum. Ecce p. q. 76. art. 8. forma, inquit, quæ requirit diuersitatem in partibus sicut est anima, & præcipue animalium perfectorum, non aqualiter se habet ad totum & ad partes. Unde non diuiditur per accidens, scilicet per diuisionem quantitatis, si ergo totalitas quantitatis non potest attribui animæ, nec per se, nec per accidens. Quæ loca D. Thomæ omnino expressa sunt. Et cum dicit, quod animæ, præcipue animalium perfectorum, &c. significat hoc conuenire ipsi animæ secundum se, licet magis hoc reliceat in animalibus perfectis. Sed tamen quod in animalibus imperfectis, & in plantis anima sit diuisibilis docet in 2. de anima lect. 4. circa text. 20. & q. de anima artic. 10. ad 15. quod quomodo intelligatur statim explicabimus.

Nec obstat, quod ipse D. Thom. in 4. dist. 10. q. 1. art. 3. q. 1. dicit: Quod forma substantialis ligni est in qualibet parte eius, quia totalitas formæ substantialis non recipit quantitatis totalitatem, sicut est de totalitate formarum accidentalium. Ponit ergo D. Thom. differentiam inter formas accidentales & substantiales, sed accidentales quæ cadunt super quantitatem solum per accidens sunt diuisibiles, ergo omnes substantiales, nec per accidens. Respond. loqui S. Thom. de to-

talitate formæ substantialis quo ad naturam & essentiam, ut patet in illis vicinis verbis: Vbicumque erat tota natura panis, est tota natura corporis Christi, non tamen negat, quin per accidens possit extendi quo ad partes integrales, quæ quantitate discernuntur & ordinantur. At verò formæ accidentales quæ quantitatem præsupponunt, licet etiam per accidens, id est, per quantitatem extendantur, tamen quia ex sua natura quantitatem præsupponunt, & in ea fundantur, ideo ipsis ut fundatis in quantitate, magis intrinsecum est extendi modo quantitatis quam formæ substantiali ex natura sua.

Fundamentum ex D. Thom. potest sumi à priori, & posteriori. A priori fundatur in eo, quod forma aliqua non quantificatur à quantitate totius, nisi quando partes, & totum sunt eiusdem rationis, quando autem per se, & essentialiter forma petit corpus organicum ut informet, ita quod ipsa organizatio est dispositio necessario requisita, ut absolute forma tñ in materia, talis forma dicitur indiuisibilis in informando, quia vnio eius ad materiam non potest dari nisi supponatur organizatio tanquam integra, vel vltima dispositio, ita quod sine illa nullo modo informat. Quodcumque autem ad informationem alicuius formæ plures partes requiruntur, ita quod sine illis nullo modo potest dari informatio, comparatur ad omnia illa indiuisibiliter forma, quia comparatur essentialiter, & necessario; sicut quia ad ignem requiritur calor ut octo, tota illa dispositio per modum vnus comparatur ad informationem formæ ignis, licet calor ut octo plures gradus includat: sic similiter licet organizatio plures partes includat, tamen in ordine ad informationem animæ per modum vnus indiuisibilis dispositionis requiritur, quia anima essentialiter est actus corporis organici. Quare ex ipsa vi, & ratione informationis non comparatur ad corpus organicum diuisibili modo, sed indiuisibili, quia compa-

ratur ad pluralitatem partium in organizatione inclusam, tanquam ad dispositionem necessario requisitam. Si autem ipsa informatio animae respectu organizationis, seu corporis organici indivisibilis est, non restat ei locus unde divisibilitatem quantitativam accipiat, quia per se non potest quantificari, cum anima non sit corpus, sed principium, seu forma corporis, solum autem corpus est subiectum per se quantitatis quia est totum seu compositum, vel secundum alios materia est subiectum quantitatis, quia habet partes materiales, non autem forma: per accidens autem nulla forma habet quantitatem, nisi eius informatio divisibilis sit, ut contingit in qualitatibus corporeis, & formis inanimatis, nam quod ab aliqua forma dimanet quantitas non sufficit, ut ipsa quantificetur, ut patet in anima rationali, à qua dimanat quantitas, & tamen non quantificatur. Requiritur ergo quod ipsa forma modo divisibili informet, & non indivisibili modo respiciat plura, ut ab illis dicatur per accidens quantificari.

Dicitur: Hac ratione etiam probaretur animalia imperfecta, & plantas habere animas indivisibiles, quia petunt organizationem, imò quaelibet forma inanimata, quia quaelibet habet minimum in quantitate tanquam debitam dispositionem, ut diximus in *quaestione 8. Physicor.* ergo si ex eo, quod anima exigit corpus organicum tanquam per se informabile est forma indivisibilis, similiter quaecumque forma exigit determinatam quantitatem, ut informet materiam, ita quod infra illud minimum non possit esse, dicitur illa forma indivisibilis respectu illius minimi, quod tamen etiam habet partes sicut in corpore organico.

Respondetur: Rationem factam probare absolute de omni anima respectu corporis organici, quod connaturaliter requirit, sed diversimodè applicari ad animalia perfecta, & imperfecta, eo quod diverso modo

requirunt organizationem ad vitam: sunt enim quaedam animalia, quae habent vitam nimis imperfectam, & paucarum operationum, & sic requirunt organa minus perfecta: & ita contingit, quod diviso corpore maneat in qualibet parte organa sufficientia ad illam vitam ita imperfectam, & materialem saltem pro aliquo tempore, & consequenter in illis potest dividi anima perinde ac si multiplicaretur per generationem, & hac ratione dicuntur animae illae divisibiles, ut advertit Sanct. Thom. *quaestione de anima artic. 10. ad 15.* Quamquam nec omni modo, & ex omni parte divisibilitas ista reperitur, nam si lacerta verbi gratia, vel alij vermes dividantur in longum à summo usque deorsum partes defectae non vivunt, sed si dividantur penes latitudinem, & similiter arbores non omni modo defectae vivunt, quod est signum hae viventiae non esse divisibilium formarum, nisi quatenus multiplicatur dispositio organizationis sufficiens ad motum illius vitae imperfectae, quia si alio modo dividantur, perit vita. *Quod verò dicitur*, de formis inanimatis, quod habet minimum ex parte paritatis, *Respondetur*, esse disparem rationem, quia illud minimum solum requirunt ratione limitationis formae, non ratione virtutis, & perfectionis propriae talis formae, quasi pro dispositione propria requirat illam determinatam quantitatem, sicut viventia organizationem. Unde ex hoc non tollitur, quin talis forma respiciat divisibili modo partes materiae, quas informat, quia omnes homogeneae sunt, licet infra quamcunque minimam quantitatem non possit talis forma salvari, propter generalem rationem limitationis, qua non solum quantitas, sed omnia accidentia determinata esse debent in parvum, & in magnum: & ita cum reliquis partibus materiae informat forma inanimata, non coarctatur ad determinatam partium dispositionem, & figuram, & quantitatem iuxta quam informet, sicut forma viventis ad determinata organa.

*Nec obstat, quod etiam partes organiza-
te animalis crescunt, & sub illa quantitate
non requiruntur necessario ad informatio-
nem animæ, ergo in illis extenditur sicut
inanimata. Respondetur enim quod licet in
hoc sit aliqua latitudo & extensio materia-
lis partium, tamen formalis extensio, &
coordinatio parum indiuisibili modo, id
est necessarium, & per se requiritur. Dicitur
autem formalis extensio ipsa connexio
partium, & organorum, quæ ita requiritur
ad informationem animæ, ut non pos-
sit una seorsum ab alia informari, licet
partes possint crescere vel minui, sub
eadem tamen connexionem, & ordine cum
alijs.*

*Secundo sumitur ratio à posteriori ex ali-
quibus indicijs, ut affert Aristot. lib. de au-
enture & sensu. Capit. 1. constat enim
quod partes animalium perfectorum de-
cise nunquā viuunt, ergo signum est, quod
illa forma viuens non informat diuisibili
modo, si enim diuisibilis esset in informa-
ndo, non tam cito se diuiditur, periret vita,
præsertim, quia si diuisibili modo informa-
ret, potius ex ipsa diuisione perficeretur,
quia id quod est pars, fit res subsistens. Quod
fideas, amittere vitam partem abscissam,
non propter indiuisibilitatem animæ, sed
quia desunt dispositiones requiritæ. Contra
est: quia si istæ dispositiones sunt requiritæ
ad animam, quod sine tali organizatione
partium non potest informare, ergo ani-
ma in informando respicit indiuisibili mo-
do illas partes, sicut respicit materiam dis-
positam omnibus dispositionibus usque ad
ultimam modo indiuisibili. Si autem infor-
matione materiae organizatæ indiuisibiliter
requiritur, sequitur quod ipsa anima non
est capax diuisibilitatis etiam per acci-
dens, quia quantificatio per accidens, vel
est ex receptione quantitatis, aut receptio-
ne formæ in subiecto quanto, vel ex infor-
matione facta modo diuisibili. Primum non
conuenit formæ substantiali, nisi ut quo,
non enim quantitatem recipit nisi compo-*

*situm, vel materia ut subiectum quod. Se-
cundum non sufficit sine tertio, quia si in-
formatio non fiat modo diuisibili, forma
non communicat in quantitate cum subie-
cto, ita ut subiiciatur illi, sed potius quan-
titem subiecti respicit unico modo, ut
dispositionem.*

SOLVUNTUR ARGV- MENTA.

*Primum arguitur, quia omnes animæ præ-
ter rationalem sunt corporeæ, ergo sunt
capaces diuisibilitatis saltem mediata, &
per accidens, ad hoc enim sufficit, quod
forma existat in subiecto habente quanti-
tatem, & quod ipsa forma in se corporea sit,
sicut videmus in accidentibus corporeis,
& formis inanimatis: siquidem tales for-
mæ corporeæ, correspondent diuersis par-
tibus subiecti modo etiam partiali, ita
quod non tota forma cuiuslibet parti respor-
deat ergo quæcunque formæ corporeæ di-
uisibiles sunt. Imò ex eo formæ aliquæ
spirituales sunt, quia incapaces extensio-
nis, ergo si animæ brutorum sunt incapaces
illius, non est cur negemus esse spiritua-
les. Conf. Quia omnis operatio, & potentia
animarum irrationalium sunt diuisibiles, &
diuisibili modo sunt, ergo etiam ipsa ani-
ma diuisibilis est. Anteced. constat, nam po-
tentia videndi v. g. est extensa in pupilla, &
ibi exercetur sensatio diuisibili modo, ita
ut remota extensione non possit exerceri,
& sine diuisibilitate operari, sicut anima
rationalis operatur per intellectum, ergo
sicut potentia sunt extensa, ita etiam ipsa
entitas animæ.*

*Resp. Quod licet omnes illæ animæ sint
corporeæ, non tamen est necesse, quod in se
ipsis sint capaces extensionis etiam per
accidens, nisi quando eadem informa-
tio diuisibili modo sit ut explicatum est.
Vnde negamus, quod sufficiat ad hoc, ut al-
iqua forma sit diuisibilis per accidens,
quod existat in subiecto habente quantita-
tem, & sit corporea, seu eiusdem ordinis*

cum subiecto, sed requiritur etiam, quod actiuatio ipsa, & informatio diuisibili modo fiat, siquidem forma non potest reddi diuisibilis per susceptionem passiuam quantitatis, quia quantitas ut sæpe dictum est, non inhaeret in forma, sed in composito, vel in materia, solum ergo potest reddi diuisibilis ex modo ipso informandi rem diuisibilem, quod scilicet diuisibili modo informet, non autem ex eo, quod præcise informet rem diuisibilem quomodocunque, sed ex eo quod informet communicando cum ipsa in modo extensionis, & quantitatis, non autem accipiendo ipsam extensionem plurium partium ut dispositionem vnicuique modo requisitam ad informandum, etiam in prima & indiuisibili inceptione qua primo informat. Non ergo sufficit informatio subiecti diuisibilis, sed requiritur etiam, quod modus informandi diuisibilis sit. Et ita formæ quæ habent eandem diuisibilitatem in informando quam materia, quantificantur etiam per accidens ab illa, quia non magis respiciunt totum, quam partem ad informandum, formæ autem quæ ex sua propria ratione respiciunt ipsum totum, seu dispositionem, aut compositionem plurium partium, qualis est organizatio, tanquam vltimam, vel essentialem dispositionem, licet habeant actuare omnes illas partes non tamen habent in se partes recipere, quia modo indiuisibili, & sub ratione totius, ac dispositionis indiuisibilis illas respiciunt. Quomodo autem tota forma aduet quamlibet partem & totum, & quomodo augmentatio animali non superaddatur noua pars formæ dicemus sequenti argumento. Quod verò dicitur de formis spiritualibus. Respondetur. Illas non solum dici spirituales, quia non sunt capaces extensionis in se passiuè recipiendæ, sed etiam quia sunt independentes in suo esse spirituali à materia, sicque excedunt totum ordinem materiale, quod non conuenit animabus brutorum.

Ad confirmationem respondetur, esse dis-

parem rationem inter potentias, & operationes, quæ sunt accidentia, & ipsam animam, quia accidentia corporalia extenduntur ad extensionem sui subiecti, nec excedunt limites organi illius, seu partis cui inhaerent, unde non sunt formæ respicientes corpus organicum pro subiecto, sed vnum tantum organum seu pars est subiectum illius potentia, seu operationis, verbi gratia potentia visiva in organo oculi, auditiva in aure, & sic de alijs, & tactus, qui per totum corpus diffusus est habet totum corpus, quasi pro vno organo, & æque exercetur in vna parte, atque in toto. Quare ista accidentia, siue potentia sint, siue operationes diuisibili modo sunt in subiecto, & præsertim, quia exercentur medijs qualitibus elementalibus calore, & frigore, &c. a quibus dependet dispositio organorum. At vero anima est forma eminentior, respicitque pro materia informabili corpus organicum, ita quod si organizatum non sit, non informatur ab anima, ideoque & diuisibiles partes debet habere in corpore informando à se, & omnes illas partes diuisibiles, & organizatas per modum vnius respiciuntur, quia per modum vnius vltimæ dispositionis, sicut calor ut octo diuisibilis est in se, & modo indiuisibili respicitur à forma ignis.

Secundo arguitur. Quia formæ perfectorum animalium educuntur de potentia materis diuisibilis, & modo diuisibili, ut patet, tum quando primo generatur animal, tum quando postea augetur; quando enim primo generatur, educitur forma ex certa ac determinata materia dispositiue organizata, & non educitur tota à toto, & tota à parte, hoc enim videtur inintelligibile, & vix concipitur in re spirituali, quanto magis in re corporea, ergo forma quæ educitur, debet esse extensa, sicut ipsa materia: educitur etiam modo diuisibili, quia per actionem extensam, & diuisibilem, scilicet, per generationem corpoream, & cū dependentia non solum à materia, sed ab eius partibus:

partibus: ergo anima diuisibilis esse debet. Similiter quando anima augetur ex noua parte materie, educitur noua pars forme, siquidem actio augmentatiua esteductiua forme, non vniuersa tantum, & non educit totam formam, vt de se patet, ergo partem, & sic anima constat partibus.

Confirmatur. Quia non est intelligibile, quod forma corporea dum est in materia, tota sit in toto, & tota in qualibet parte modo naturali, sic enim res corporea esset modo sacramentali, sicut Corpus Christi est in Sacramento, ergo dicendum est, quod est tota in toto, & pars in parte, & sic est diuisibilis. *Confirmatur. & secundo;* quia si forma illa est vna, & indiuisibilis, ergo necessarium debet esse in eadem numero materia tota illa forma, succedente autem noua materia, sicut per nutritionem succedit, vel illa forma manet eadem indiuisibilis, quæ primo fuit generata, & producta vel non. Si non, ergo per nutritionem perit anima, & cum non habeat partes, ita vt pars vna pereat, alia maneat, totaliter peribit, quod est animal mori, dum nutritur. Si autem est eadem indiuisibilis: ergo transiit de vna materia ad aliam, & indiuiduatur à diuersis materijs, & sic quando aduenit noua materia per nutritionem, ita vt prima illa materia, sub qua animal fuit generata, totaliter sit consumpta, verum erit dicere, quod illa forma non esteducta ab illa materia quam ætuit, siquidem solum fuiteducta ab illa materia, in qua primo fuit generata, postmodum verò per nutritionem vnitur materie, à qua non educitur, & sic erit forma independens ab illa materia, cui per nutritionem vnitur, quod est proprium forme spiritualis.

Respondetur. Animas animalium perfectorum educi de potentia materie, & à partibus eius, & cum dependentia ab illis quantum ad suum esse materiale quod habent, non tamen sub modo informationis diuisibili ex parte ipsius forme, neque vt recipiens in se passiuè ipsam quantitatem, &

Pars 111. Phys.

ideo forma illa siceducta non habet quantitatem, nisi vt principium quo, sicut etiam non est corpus nisi vt quo, & ita non oportet, quod proportionetur partibus materie, secundum æqualitatem partis ad partem, ita vt forma habeat partes, sicut habet materia, sed secundum æqualitatem proportionis, quia se habet illa forma vt principium, quo compositum habet partes, & quantitatem. Et hoc sufficit, vt dicatur educi à partibus materie, & non tota à toto, & tota à parte, quia ipsa forma habet in se totum, & partes vt quo, passiuè autem habere illas, & vt quod etiam per accidens non conuenit forme, licet dependeat in suo esse à partibus materie. Denominatiuè autem habere partes per accidens non conuenit forme, nisi quando informatio sua diuisibilis est, quod non competit animæ vt ostendimus. Quod verò actio generatiua sit extensa, non obstat & iustatur manifestè in generatione hominis, quæ est actio extensa, & quantitatiuo modo facta, & tamen forma inextensa est. Et hoc ideo, quia actio generatiua est in ipso composito subiectiuè, vt diximus *quest. 1. de Generat.* ubi secundum alios in materia, & inde redditur extensa, & diuisibilis per accidens, sicut reliqua accidentia diuisibili modo se accommodantia subiecto; anima autem non est in materia tanquam accidens, sed tanquam forma eminentior respiciens indiuisibili modo corpus organicum, vt dictum est. Quomodo autem dicatur esse tota in toto, & tota in parte, statim dicemus.

Ad instantiam verò de diuisibilitate animæ quando augetur animal, quod maiorem habet difficultatem. *Respondetur.* Quod talis forma reuera non educitur ex materia, quæ successu temporis aduenit, sed solum à principio fuiteducta à materia illa, in qua primo generata est, sed tamen ita fuiteducta ab illa, & dependens in ipso fieri, quod in conseruari sit dependens tam ab ipsa, quam à qualibet alia materia succedente intra limites suæ informationis. Itaque

F

red-

redditur dependens à materia, in qua primo generatur, & educitur ab illa quantum ad suum fieri, & quia illa materia successiue continuatur eadem formaliter, licet non eadem materialiter, continuatur etiam per nutritionem illa dependens anima à materia non per nouum fieri, & educi, sed per prioris conseruationem, & continuationem. Est simile in ipsa materia prima, quæ quando prima creata est à Deo, fuit creata ut dependens ab illa forma sub qua creata est, quando vero postea successiue generantur formæ, redditur dependens à forma generata, non quia de nouo fiat & creetur, sed quia sit dependens in conseruari de nouo ab illis formis, quæ intra suam potentiam continentur, & de nouo educuntur. Anima autem rationalis sicut prima educatione non educitur, sed creatur, & vnitur materiæ, ita per nutritionem extenditur ad aliam materiam, quæ ei de nouo vnitur sine dependentia ab illa in esse; forma vero bruti non solum vnitur materiæ nutritionis de nouo aduenienti, sed redditur dependens ab illa in conseruari, sicut à priori materia fuiteducta in fieri, & in primo suo esse quando generatum est animal, & ita non solum vnitur materiæ de nouo aduenienti, sicut anima rationalis, sed redditur dependens in suo esse, quantum ad conseruari ab illa, non autem pars formæ educitur ab illa.

Ad primam Confirmationem respondetur.

Quod forma nō comparatur ad materiam, sicut corpus ad locum, ut sit totum in toto, & pars in parte, vel tota in parte, quia forma corporea non comparatur ad materiam media quantitate, quæ sola distinguit partes & totum, neque ut subiectum quantitatis, quia ut sæpe diximus, quantitas solum inheret composito, vel materiæ; & ita cum forma non sit in materia modo locali, sed modo substantiali antecederet ad quantitatem, neque ipsa sit corpus, licet sit corporea, tanquam principium corporis, ita educitur ex toto & ex partibus materiæ, à quibus dependet, quod tamen in se non habet

distinctionem totius, & partis, nisi ut quæ, non denominatione ut quod, etiam per accidens. Solum ergo potest conuenire forme extensio, & diuisibilitas per accidens ratione informationis diuisibili modo factæ, ut dictum est, quæ non inuenitur in anima. Argumentum autem factum si aliquid probat non solum diuisibilitatem per accidens, sed partes, & diuisibilitatem per se, probat in anima. Cæterum substantiæ spirituales, ut Angelus, & anima rationalis sunt indiuisibili modo positivè, etiam in ordine ad locum, quem tangunt ratione suæ indiuisibilis virtutis, & sic sunt totum in toto, loco, & totum in parte loci, quod est proprium spiritualis entitatis. Et iste est miraculosus modus corporis Christi in Eucharistia, quia cum sit corpus habens quantitatem, comparatur tamen ad locum modo indiuisibili. Anima autem non est corpus, neque habet quantitatem in se, neque comparatur ad materiam ut ad locum, sed ut ad substantiam partialem cum qua componit, sicque non est miraculum, quod organizationem eius respiciat unico, & indiuisibili modo, ut dispositionem ultimam.

Quod si finis. Nam anima est in loco saltem per accidens mediante eo corpore, in quo est, & tunc designari parte animalis, v.g. pede, vel ibi est tota anima; vel pars si hoc secundum, iam est diuisibilis: si primum, ergo erit tota in toto, & tota in parte loci, saltem per accidens, quia similiter in alia parte animalis erit tota anima. *Respondetur.* Animam esse totam in qualibet parte materiæ, licet non totaliter, quia potest etiam aliam partem informare. Quando autem comparatur ad locum mediante ipso composito, & eius quantitate, potest dici, quod per accidens extrinsece est diuisibiliter in loco, scil. ratione corporis diuisibilis, cui est unita, sicut corpus Christi dicitur ratione specierum esse in loco diuisibili, sed hoc dicitur per accidens extrinsece, quia non resultat in ipso corpore Christi aliqua intrinseca correspondentia ad locum specie-

ciens, sicut neque in Angelo aut anima rationali quando sunt in aliquo corpore, & mediante illo correspondent loco corporis diuisibili. Alio modo potest aliquid esse per accidens in loco, id est, per aliud, ita tamen quod etiam intrinsecè detur in eo correspondentia diuisibilis ad locum; sicut qualitates corporeæ, & formæ inanimatæ quæ sunt extenso modo in corpore. Primo modo habet anima perfectorum animalium esse in loco per accidens, non ut quod, sic enim esset spiritualis, sed ut quo, non secundo modo. *Ad secundam Confirmationem respondetur.* Idem argumentum debere solui in anima rationali, quæ etiam indiuiduatur per respectum ad corpus, cuius est forma, & tamen constat, quod corpus includit materiam fluentem, & non eodè modo semper perseverantem. *Dicimus ergo* quod sufficit ad indiuiduationem istarum animarum, quod respiciant corpus idè numero identitate formali, licet non materiali, quia licet partes fluant continuo, manent tamen sub eadè ratione formali, quia manent sub eadem successione, dispositione & figura, & ordine ad eandem formam; & ut abundè explicatum est *quest. 8. de Gener. & quest. 6. Physic.* quod vero dicitur forma equi v. g. non esse educatam ab illa materia, quæ per nutritionem accedit. *Respondetur.* Non esse educatam ab illa materialiter sumptam, sed ab illa formaliter, quatenus hæc continuatur & subrogatur illi, a qua educata fuit, & manet eadem cum illa sub eadem formalitate & dispositione, & vterius, quia licet non educatur ab illa materia succedente per nutritionem, vnitur tamen forma dependenter ab illa in conservari, & ita animæ istarum perfectorum animalium non remanent independentes in esse suo à materia, cui per nutritionem vniuntur, ut dictum est.

Ultimò arguitur. Nam animæ perfectorum animalium modo diuisibili informant, ergo sunt diuisibiles per accidens. *Consequenter.* quia ex eo negamus esse diuisibiles, quia modo diuisibili non informant. *An. e-*

cedens probatur; quia non informant omnes partes eodem modo, cum sint etherogenæ, & dissimilares, & quilibet earum diuisibilis & extensa, & diuisibili modo suscipiens informationem in seipso: ergo ab illorum extensione & diuisibilitate denominatur anima per accidens diuisibilis. *Deinde,* quia animæ imperfectorum animalium non minus habent corpus organicum, licet imperfectum, quàm animæ perfectorum animalium. Nisi dicatur, quod animalia imperfecta habent multiplicata organa, & duplices appetitum & potentiam motiuam, ut facta diuisione quælibet pars moueri possit progressiue, motus enim progressiuis ab appetitu & phantasia procedere debet, & ita nisi in qualibet parte decisa maneat distinctus appetitus, & phantasia, non poterit distinctus motus poni, hoc autem satis absurdum videtur, & sine fundamento, ergo idem dicendum est de perfectis, & imperfectis animalibus. Vnde Aristoteles *lib. de inuent. & senectut. c. 1.* dicit: *Quoddam animalia imperfecta sunt insecta, quia diuisa non viuunt, ut apes, & vespe.* *Confirmatur,* quia multoties membra perfectorum animalium deciso viuunt saltem paruo tempore, sicut caput abscissum saltat, & mouetur, & corpus etiam truncum aliquando mouetur, ut videtur admittere Aristoteles 3. *de partibus animalium, cap. 7.* aliique id referunt. Certè abscisso capite, adhuc videmus animalia palpitare, nec videtur cessare vita quousque cor totaliter perdat motum, non potest autem cessare motus cordis in illo instanti, quo caput est abscissum, sed indiget tempore, ut deficiente sanguine & respiratione suffocetur. Denique experientia constat partem aliquam abscissam, ut pascus, vel auricula, si cito iungatur, posse medicamentis restaurari ad vitam, ergo signum est animam mansisse ibi diuisam, si enim amisisset animam, non posset iterum viuificari, quia a priuatione ad habitum non est regressus.

Respondetur negando antecedens. Ad pri-

mam probationem dicitur. Quòd licet anima respiciat diuersas partes organicas, vt diuerso modo informabiles, & ex parte sui diuisibiles, tamen ex parte formæ, modo indiuisibili, quia eminenti modo respicit omnia illa organa, vt vnico dispositionem vnico & indiuisibili modo requisitam, sicut forma ignis respicit calorem vt octo in se quidem diuisibilem per plures gradus, vnico tamen modo, & indiuisibili respicitur à forma, videlicet tanquam dispositio vltima, & præcisè requisita. Et argumentum si aliquid probaret, etiam procederet contra animam rationalem, quæ non minus respicit plures partes organicas vt diuersas, & diuisibili modo informabiles ex parte sui, non ex parte formæ. Et licet quælibet pars organica sit extensa, non tamen reddit informationem animæ diuisibilem, quia ita illam informat, quòd non quælibet pars constituitur animal, sed omnes simul vt informatæ per modum vnius, sunt vnicum animal.

Ad secundam probationem responderetur. Quòd etiam animæ animalium imperfectorum respiciunt diuersa organa per modum vnicæ, & indiuisibilis dispositionis; sed differentia est, quòd in animalibus imperfectis propter imperfectionem vitæ, & paucitatem actionum quas habent, cum paucioribus organis saluatur sufficiens dispositio in eis, quæ non saluatur in animalibus perfectis, & ideo facta diuisione manent ea, quæ ad talem vitam sufficiunt. Quæ est solutio S. Thom. *quest. de anima art. 10. ad 5.* Nec nos dicimus; quòd in istis animalibus habentur organa duplicata, vel potentie, v. g. duplex appetitus, vel phantasia; sed habent tantum vnā animam & appetitum in actu, sed plures in potentia & facta diuisione plurificantur in actu, sicut res inanimatæ facta diuisione fiunt plura in actu, cum ante essent vnum. Et sic facta diuisione in animalibus imperfectis resultant in partibus diuisis diuersæ animæ habentes in singulis diuersum sen-

sum, & appetitum, & organa, & sic ratione huius dicuntur animæ illæ diuisibiles. Quæ est solutio D. Thom. *quest. de spiritualibus creat. art. 4. ad 19. & in 2. cont. Gent. cap. 58.* vbi expressè dicit: *Quod animalia, quæ diuisa viuunt, habent in eadem parte motum, & sensum, & appetitum.* Vnde si taliter diuidantur ista animalia, quòd nō resurgent in illis diuersa organa sufficientia ad motū, non amplius viuunt diuisa, vt si lacerta diuidatur à summo vsque deorsum. Aristot. autem in illo loco dicit, quòd inter ipsa animalia imperfecta, aliqua sunt insecta, vt vespæ & apes, & alia annulosa, vt lumbricæ, & hæc secunda diuisa viuunt, & distinguuntur ab illis insectis, non verò negat omnia animalia imperfecta viuere decisa. Et de his dicit, quòd habent vnum principium vitæ antequam diuidantur, sed cum diuidantur, fiunt actu plura.

Ad Confirmationem responderetur. Quòd non est existimandum animalia viuere abscisso capite, & oppositum est fabulosum, aut arte Dæmonis procuratum, vel si verè aliquando accidit, Dei virtute factum est in Martyribus ad gloriam fidei. Caterum caput abscissum videtur aliquando saltare, & corpus palpitare non propter vitalem motum animæ, sed propter agitationem spirituum, qui in ipsa receptione ictus conglobantur circa cor, aut caput, & si sint fortes, & multiplicati, in illa vltima euaporatione efficiunt saltum, & mouent partem illam. Cor autem in corpore trunco, si aliquantulum viuit, donec suffocetur, & spiritus vitales exhalentur, non fit ex eo quòd anima sit diuisa in capite, & in trunco, præsertim cum hoc videamus fieri in homine, cuius anima non diuiditur, sed quia nondū est separata à trunco, donec deficiat cor. Quod an ita sit, quod de capitato homine adhuc viuat paululum, licet sine sensu, quia ablata est phantasia, & spiritus animales diuiso capite cessant, nō ita magni momenti est, nec ad præsens pertinet id disquirere. *Ad expetitionem de parte abscissa,* quæ iterū vni-

vnitur reliquis, & viuere. *Respond.* Quod si-
ta est, licet illa pars diuisa verè sit mortua,
tamen quia adhuc omnes dispositiones non
sunt plene resolutæ, sed aliquæ similes ma-
nent, non repugnat iterum conglutinari ca-
lori naturali, & ab ipso corpore animato
iterum disponi vt viuificetur, sicut etiam
vulnus à natura curatur, & partes conglu-
tinantur, & sicut pars ipsa abscissa si come-
datur, calore naturali potest iterum dispo-
ni, vt informetur forma animæ. Vnde licet
à priuatione ad habitum non sit regressus,
quando forma totaliter est ablata ab ali-
quo corpore, ita quod omnino est amissa,
tamen si forma adhuc manet, non repu-
gnat quod partem aliquam à se separatam
possit per dispositiones iterum ad sui in-
formationem trahere, sicut quamcunque a-
liam materiam, ex qua potest nutriri.

ARTICVLVS II.

*Vtrum potentia anima sint ab ipsa distincta,
& ab ea dimanent?*

Multinegant distingui, & consequenter
negant dimanare. Vnde nos vtrumque
coniungimus, quia vnum ab alio dependet.

Igitur circa distinctionem potentiarym
à substantia, cuius sunt potentia, variè dis-
sident authores. *Quidam* vniuersaliter o-
mnes potentias dicunt non distingui à sub-
stantia, nec realiter, nec formaliter. Ita
multi ex Nominalibus, Gabr. Och. Greg.
qui videri possunt apud Conimb. 2. de anim.
cap. 1. q. 1. artic. 1. & apud Suarez in tract. de
anima lib. 2. cap. 1. Et non desunt aliqui, qui
modo id defendant. Alij dicunt potècias di-
stingui ab anima non realiter, sed formaliter.
Ita Scotus in 2. distinct. 16. questione vni-
ca & eius schola. Alij distinguunt de poten-
tijs intellectiuis, & sensitiuis à vegetatiuis,
& dicunt potentias intellectiuas, & sensiti-
uas distingui realiter à substantia animæ,
quia earum effectus, & operationes aliquid
accidentale sunt, potentia verò vegetatiua,
quia producit substantiam, siue generan-

do, siue nutriendo, non distinguuntur à sub-
stantia anime, quia id quod producit sub-
stantia est. Ita Duran. in 1. dist. 3. in secunda
parte distinctionis quest. 2. & D. Bonavent.
ibidem. Alij denique vniuersaliter dicunt
omnes potentias realiter distingui à sub-
stantia: quæ est communior sententia au-
thorum.

Dico ergo primo: *potentia anima siue
sensitiua siue intellectiua, siue vegetatiua, rea-
liter ab ipsa substantia anima distinguuntur.*
Itaque vbicumque operatio distincta est ab
ipsa substantia, quia accidentalis est, licet
effectus productus sit substantia, principiū
proximum elicitiuum, accidentale esse de-
bet. Hanc conclusionem tradidimus in q. 12.
Physicor. artic. 2. Eam tenet D. Thom. 1. p. q.
77. artic. 1. & quest. 54. artic. 3. & quest. de a-
nima artic. 12. Sumiturque ex Aristot. in pra-
dicamen. capit. de qualitat. vbi inter species
qualitatis ponit potentiam, & impoten-
tiam, ergo sentit potentiam non esse sub-
stantiam.

*Fundamentum sumitur tum à posteriori,
tum à priori. A posteriori quidem,* quia vide-
mus dari plures virtutes actiuas, quæ sunt
accidentia superaddita substantia, sicut ca-
lor positus in ferro actiue calefacit, & fri-
gus frigescit manum, & tamen constat es-
se accidentia, quia ferrum aliquando ha-
bet calorem, aliquando non, ergo in ferro
calor est accidens, ergo similiter in igne,
cuius est propria passio, cum sit eiusdem
speciei calor in ferro, & in igne: & quod a-
ctiue agat manifestum est, quia calor ferri
causat calorem in manu, & non formaliter,
quia non informat manum, cum sit in fer-
ro, ergo actiue. Similiter ergo anima ha-
bebit actiuas virtutes distinctas ab ipsa
substantia animæ, quibus operetur opera-
tiones sensitiuas, & intellectiuas, quæ acci-
dentales sunt, & similiter actiones partes
vegetatiuæ, quæ minus nobiles sunt, & me-
dio colore, & frigore, cæterisque qualita-
tibus primis perficiuntur. *Nec potest dici,*
quod anima, quæ est substantia nobilior,

non indiget potentijs superadditis, sicut aliz substantiæ. *Nam contra est:* quia idem posset dici de mixtis respectu elementorum, quod quia nobiliora sunt elementis, non indigebunt qualitatibus actiuis superadditis, nec similiter cœlum, cum tamen videamus mixta agere per istas qualitates elementales, quæ accidentia sunt, & cœlum agit per lucem, quæ est accidens, quia aliquando adest, aliquando abest, ut videmus in luna. *Denique,* quia si anima est nobilior substantia, quàm elementa, etiam habet nobiliores operationes, elementum autem ignobiliores, quibus ita proportionatum est, sicut anima suis operationibus, ergo non magis dicitur anima sufficiens principium ad operandum per suam substantiam, quàm elementum. *Denique* si anima nobiliores operationes ut intelligere, & sentire, potest per suam substantiam immediate elicere, etiam ignobiliores poterit, ut calefacere, aut exsiccare, & similia, constat autem quod ad istas actiones requiritur accidentia superaddita, scilicet calorẽ, qui aliquando adest, vel abest, & consequenter accidens est, ergo omnes operationes anima elicit medio accidenti.

Aliud signum à posteriori sumitur: ex eo quod potentia animæ distinguuntur inter se, ergo etiam ab anima, quia si in anima identificarentur, etiam inter se, nam quæcunque sunt eadem vni tertio sunt eadem inter se. Distingui autem inter se constat. *Tum,* quia vna mouet aliam, vel repugnat illi, sicut intellectus mouet voluntatem, & e contra, & appetitus repugnat voluntati, & rationi: *Tum etiam,* quia vna non suscipit denominationem alterius, sicut non verificatur, quod intellectus velit, aut voluntas intelligat: *Tum* quia recipiunt in se habitus, qui sunt accidentia, siue sint acquisiti, siue infusi, quæ aliquando ad sunt, aliquando non, & inter se distinguuntur realiter, quia separantur inter se, sicut fides potest esse sine charitate, ergo sicut isti habitus sunt accidentia, & tamen præbent virtutem o-

perandi, ita potentia, quæ per tales habitus operantur, accidentia erunt. *Tum denique,* quia ipse potentia separantur inter se, sicut homo cæcus non habet potentiam visivam, & tamen habet auditivam, per cæcitatem enim non amittit solum ipsum actum videndi, nam etiam dormiens amittit illud, & tamen non est cæcus, nec solum amittit potentiam quantum ad modum operandi, sed quoad substantiam, quia nullo modo potest videre, quid enim absurdius quam quod cæcus possit videre? Quod poterit, si potentiam videndi retinet, ergo potentia visiva est accidens superadditum substantia, quia adest & abest, substantia ipsa animæ inuariata. *Quod si dicatur,* cæcum non amittere potentiam videndi, sed poni impedimentum in organo, quo posito anima non potest videre, ex impedimento posito, non ex potentia ablata. *Contra est,* quia si destruo organo, adhuc manet potentia in anima, quia ipsa substantia animæ est potentia, ergo anima separata habet istas potentias visus, & auditus, &c. siquidem non distinguuntur ab illa, hoc autem est impossibile, quia anima separata est entitas spiritualis, potentia autem visiva, & auditiva, sunt corporeæ, quia modo corporeo operantur, & circa obiectum corporeum, & ratio formalis distinguens vnā ab alia & constituens, corporea est, v.g. lucidum coloratum, aut sonorum, &c. ergo non sunt ipsa substantia animæ. Si autem istæ potentia sunt in organo corporali, & cum ipso identificantur, ergo sicut ipsa organa realiter inter se distinguuntur, quia sunt diuersæ partes animalis, ita & ipsæ potentia, ergo non identificantur in aliquo tertio.

Scio non deesse recentiores aliquos, qui admittunt in anima separata manere omnes istas potentias, quia omnes illæ sunt ipsa entitas animæ, ut potens exercere per organa corporalia suas sensationes. Et addunt, quod ipsa potentia visiva entitativè est spiritualis, & actio videndi spiritualis, & solum connotatiue & extrinsecè dicitur corporea

poreā quatenus organo corporeo vitur ad attingenda obiecta externa. Ita probabile reputat P. Lelsius *de summo bono lib. 2. cap. 8.* & alij Recentiores. Caterum assertio hæc euerit multa Philoſophiæ principia, quæ tangunt potentiārum distinctionem, & constitutionem, præsertim quia actio & obiectum circa quod versatur, necessario proportionari debent inter se & adæquari, cū omnino essentialis ratio actus erga aliquod obiectum sit. Si ergo actio visiva entitatiue spiritualis est, & a spirituali vi animæ exit, oportet quod proportionetur & specificetur ab obiecto spirituali, quod illius spiritualis actionis proprium, & per se obiectum sit, eiusque entitatem spiritualement specificet. Quod si ita est, ergo quando anima videt vel audit, exercet actum respicientem obiectum spirituale, ergo indiget lumine & speciebus spiritualibus, ergo immateriali & spirituali modo tendit ad tale obiectum spirituale, ergo ille actus intellectio est, quia spiritualis & immaterialis, & speciebus ac lumine spiritualibus elicitus, quid ergo illi deest, ut sit intellectio? Et sic confundetur intellectio cum sensatione. Deinde, quodnam est illud obiectum spirituale, circa quod versatur auditio, vel visio, aut gustus entitatiue, quando nihil de obiecto spirituali recordantibus, actus horum sensuum exercetur? Item, species sensibiles, aut tollendæ sunt ut superflue, aut ab illis emanabit actus in entitate spiritualis, scilicet visio & auditio. Denique similiter dicitur quod actiones animæ vegetatiuæ, nutritio, & generatio entitatiue spirituales sunt, & connotatiue, seu ratione organorum solum dicuntur corporeæ, si enim potentiæ animæ sunt eius entitas spiritualis, etiam istæ potentiæ spirituales, earumque actiones spirituales erunt entitatiue. Constat autem nullum dari obiectum spirituale, vnde possint desumere istæ actiones spiritualitatem, neque modo aliquo spirituali fieri. Ergo hæc absurda sunt.

Ratio autem à priori conclusionis posita est

generalis pro omni substantia creata, & non solum pro anima, & à nobis explicata est in q. 12. Phys. citata. Et breuiter reducitur ad duo principia: *Primum*, quod operatio in creaturis est accidens. *Secundum*, quia potentiæ specificantur ab operatione, seu actu, substantiæ autem non conuenit specificari ab aliquo extra se. Hoc secundum principium *art. seq.* explicabitur, ubi ostendemus quo modo potentiæ specificantur ab actu, & obiecto. Primum verò per se notum est: constat enim quod operatio est aliquid procedens à substantia, & aliquando illi adest, aliquando abest, nec semper operans est in actu secundo. Ex hoc verò deducitur, quod si operatio est accidens, potentia quæ est principium proximum elicitiuum illius, & specificatur ab illa, debet esse accidens distinctum à substantia. Hæc consequentia aliquibus difficilis videtur, & videretur aliquibus instantijs, quas adduximus. & soluimus dicta q. 12. Est tamen ea consequentia expressa D. Thom. q. 11. 77. ar. ubi inquit, *quod si actus non esset in genere substantiæ, potentia quæ dicitur ad illum actum non potest esse in genere substantiæ.* Vbi pondero illud verbum, *potentia quæ dicitur ad illum actum*; aliud est enim potentia capax actus, siue ordinata, aut conuenita actui, aliud, potentia quæ dicitur ad actum. Potentia enim, quæ dicitur ad actum, importat potentiam specificabilem ab actu, & ad illū essentialiter se habentem. Substantia autem non potest specificari ab operatione, quia in se, & in sua specie, & quidditate non pendet ab actu secundo, qui est operatio, eo quod actus secundus est accidens, accidens autem supponit totam substantiam constitutam, siquidem ab illa sustentatur in esse, ergo substantia non specificatur ab actu, quia si specificaretur, non esset constituta in specie ante actum. Si ergo datur potentia specificabilis ab actu, impossibile est, quod si operatio est accidens, potentia specificabilis sit substantia, & sic bene valet illa consequentia, quod si specificatum est ac-

est accidens, specificabile non est substantia. Quod verò debeat poni actus, & potentia in eodem genere, id est in eodem prædicamento, nec somniauit D. Th. nec ad propositum conducebat, quin potius oppositum docet in 1. dist. 7. q. 1. art. 2. ad 2. Nisi genus latissime sumamus pro genere substantia, ut sic, & accidentis ut sic, in his enim duobus bene sequitur, quod si potentia essentialiter est ordinata, & specificabilis ab aliquo, & hoc à quo specificatur est accidens, talis potentia non est in genere substantia, non quia actus, & potentia debeant esse in eodem prædicamento cum ipsa potentia, quæ est qualitas dicatur specificari ab actione, quæ est aliud prædicamentum, sed quia potentia quæ est specificabilis non potest esse in genere substantia, si specificatur ab accidenti, quia substantia ab accidenti specificari non potest, cum sit ad se, & non ad aliud extra se, cum non sit entis ens.

Vnde sequitur, quod etiam potentia vegetativa debent distinguì ab ipsa substantia animæ, quia licet habeant pro effectu productio substantiam, operatio tamè ipsa, quæ produciunt, accidens est quia adest, & abest operanti, & ad illam ordinatur per se & specificatur potentia, ergo debet potentia ipsa esse distincta à substantia, quæ specificabilis nō est ab accidenti. Quod autem debeat aliquis actus specificari ab obiecto, & aliqua virtus ab actu, ostēdemus seq. art.

Denique alia ratio D. Th. explicata à nobis est citato loco Phys. quia si substantia esset immediatum principium operandi, semper esset actu operans, sicut quia est forma immediate informans, quando est in materia, semper actu informat, & quia immediate ab ea emanant passionēs semper actu emanant, ergo similiter, si per se & immediate operaretur, semper actu esset operans, quia ratione suæ actualitatis operaretur, sicut ratione actualitatis informat, ergo eodem modo esset actu operans sicut actu informans, & actu emanans. Quod si hoc insisteretur in ipsa forma accidentali, v. g. in ca-

lore, qui per se ipsum est forma informans subiectum, & tamen per se ipsum est potentia immediata respectu calefactionis. Resp. Quod calor non est principium primum operandi, sed tanquā instrumentum substantia quam supponit ut radicē, & ideo non operatur per se ipsum, sed beneficio substantia, non autem informat beneficio substantia, sed per se, & ita est capax ut sit operans in potentia, & non semper in actu, sicut ipsa substantia, cuius est instrumentum. Et similiter substantia, quia solum est radix operandi & non immediatum principium, non est semper in actu operans, quia de se non habet omnia requisita extrinseca ad operandum in actu, sed indiget potentia superaddita, & applicatione, & alijs multis, ut sit in actu secundo operans.

Dico secundo: *Potentia dimanant ab anima, non per veram productionem ab anima elicita, sed ad eius productionem consequentiam.* De ista dimanatione videantur, quæ diximus q. 12. Physic. art. ult. & q. 23. art. 2. In communi constat, substantiam habere aliquam causalitatem erga proprias passionēs, cum sit sufficiens principium in substantia, ut ei conveniant, & cum ea connectantur passionēs, sicut quod igni conveniat calor, & soli lux, & rursus propriætates dependent ab ipsa substantia, quia sunt accidentia eius, & experientia ipsa videmus ab aqua remoto igne emanare frigus, a geminis emanare motum, ergo est aliqua dependentia inter passionum ab ipsa substantia, ergo est aliqua causalitas, principium enim à quo aliquid dependet in esse, causa est.

D. ff. ultas est, an sit causalitas effectiva, nam quod sit causalitas materialis inter substantiam & proprias passionēs, non est dubium, quia est subiectum illarum, sed talis causalitas etiam convenit substantia respectu accidentium communium, quæ recipit: vnde ex hoc non discernitur propria ratio emanationis. Quod verò habeat rationem cause finalis, non est etiam difficultas, quia substantia est principale operans, & propria

Propria passio est tanquam instrumentum illi deseruiens, ergo habet ipsam pro fine. Imò & aliquid habet de causa formali, quatenus ipsa essentia est ratio formalis propter quam connectitur, & conueniunt ipsi tales passiones, ratio autem formalis ad causalitatem formalem pertinet. Sed tota difficultas est in efficientia. Et consistit in hoc, quia vel illa dimanatio est vera, & propria ratio, seu causalitas effectiua, vel non. Si nō, ergo proprietates non dimanant à natura in genere causæ efficientis, quia causa efficiens siue efficientia, & actione intelligi nō potest, & sic restabit inquirendum, quomodo passiones causentur ab essentia. Neque enim valet dicere quod resultant vel emanant, hoc enim est verbis ludere, inquiremus enim, quid est illa resultantia, & illa emanatio, si nō est efficientia, & quomodo natura dicatur producere passiones suas, & causare, si efficienter non attingit. Si verò dimanatio est propria actio, & efficientia, sequitur duo magna absurda. Primum, quod substantia per se immediate sit operatiua. Secundum, quod aliquid producat effectum in se ipso, & sic erit simul mouens, & motū, agens, & patiens, quod sæpe negauimus in q. 12. & 3. Phys. & 1. de gener. q. 5. Nec potest dici quod causantur ab essentia non per actionem ipsius, sed generantis, quia sic non producentur proprie, & per se ab absentia, à qua dimanat, & reddit argumentū, quod essentia nō erit causa productiua passionū.

Propter hoc P. Suar. tractat. de ani. na. lib. 1. c. 3. num. 10. & disp. 18. Meth. lib. 2. n. 4. & c. existimat, quod dimanatio est vera, & propria actio naturæ distincta ab actione generantis, qua producit substantia, absolute tamen docet dicendum esse, quod generans non solum generat formam seu substantiam, sed etiam passiones, saltem mediatē, quia pertinet ad agēs producere substantiam instructam suis principijs, & accidentibus, quibus indiget ad operandū. Nihilominus non minus vrgetur hæc sententia argumentis factis, nam generans vel o-

mnino sistit, & terminat actionem suam in productione substantiæ, & ulterius non transit ad attingendum ipsas proprietates, vel actione sua verè attingit illas. Si primū, ergo nullo influxu pendent propriæ passionēs ab agente principali, quia non potest alia causalitate attingere, quam efficienti, & hæc tota sistit, & consumitur in ipsa substantia producta, neque ulterius transit, seu inluit, ergo propriæ passiones nulla causalitate intrinseca & propria attinguntur à principali agente, quod enim mediet ipsa substantia nihil refert, si physicè, & realiter ipsum generans nec inluit actione sua in ipsa accidentia; vnde sequitur non posse generans perfecte ponere extra causas suum genitum in eo statu, quo possit se conseruare, & operari (dependet enim à dispositionibus, & multo magis à proprijs passionibus quæ sæpe dispositiones esse solent) si non potest illas producere, & attingere. Si verò dicatur secundum, ergo frustra ponitur similis actio ex parte ipsius essentiæ, seu substantiæ, ad quid enim seruiunt istæ duæ actiones, altera generantis, altera essentiæ, à qua dimanat passio? Siquidem prima, quæ est generantis sufficit, verè enim generans sufficiens est ad producendum substantiā, & passiones, sicut est sufficiens dare esse ipsi substantiæ, quod dependeat à passionibus & dispositionibus. Ac denique vel vtraque actio ex æquo se habet ad productionem talis proprietatis, vel non. Si ex æquo, ergo altera actio ex illis superfluit, idē enim facit vna, quod altera, & sic vtraque etiam poterit dici dimanatio, cum tamen à generante nullo modo dicantur dimanare passiones. Si non ex æquo, restat explicare in quo differant istæ duæ efficientiæ, sc. illa quæ est ab essentia, & quæ est à generante.

Quare dicendum est cum D. Tho. p. q. 77. art. 6. ad 3. quod emanatio propriorum accidentium non est per transmutationem, sed per naturalem resultantiam, sicut ex vno naturaliter aliud resultat, & in solutione ad 2. dixerat, quod subiectum est causa quodam-

modo actiua respectu proprii accidentis. Quod in citatis locis *Phys.* sic explicauimus, quod emanatio respectu essentiae non est actio, sed naturalis connexio, respectu autem generantis actio est, quae quidem immediate attingit substantiam, & quia substantia tali proprietati connexa est, ideo mediante tali connexione attingit ipsam proprietatem. Itaque emanatio entitativae est ipsa actio generantis, quae substantiam, & proprietates attingit, denominatiue vero induit formalitatem emanationis respectu essentiae, quia est medium seu ratio, ipsa essentia, ut actio agentis non in substantia sistat, sed ulterius ad proprietatem transeat, & dicitur ab ea dimanare propria passio, quia se habet ut ratio, & medium, à quo generatio habet attingere ipsam propriam passionem, & non sistere in substantia. Et vocatur naturalis resultantia, id est transitus actionis ad ulteriorem terminum, in vi naturalis connexionis, sed tamen ipsa essentia non est primum principium, unde incipit illa actio, incipit enim à generante, ideoque non dicitur proprie efficiens, sed est medium, ut actio attingat ulteriorem terminum propter connexionem cum illo, & ideo dicitur quodammodo actiua. *Iste modus probabilior est*, quia saluat veram, & propriam efficientiam respectu propriarum passionum, sed non distinctam ab actione generantis, nec cogimur ponere duplicem actionem respectu propriae passionis, alteram ab essentia, alteram à generante, vel negare, quod generans influat, & attingat ipsas passionem.

Vnde non obstat difficultas si praellata, respondetur enim; quod emanatio entitativae est actio proprie dicta, sed quia habet duo principia, alterum à quo primo egreditur, scilicet generans, alterum, medio quo attingit propriam passionem, quia connectitur cum illa, ideo respectu primi dicitur actio, seu operatio, respectu secundi emanatio, seu resultantia. Nec sequuntur illa in-

conuenientia ibi insinuada, quia substantia immediate non agit actione proprie dicta, siquidem illa emanatio ut actio est, procedit à generante mediante eius virtute actiua, ab ipsa autem re genita, cuius est propria passio illa, quae emanat, non procedit primo & per se illa actio, sed est ab illa ut à medio connexo per se cum passione ut explicatum est, quod non repugnat ipsi substantiae. Nec sequitur, quod idem moueat se ipsum, quia cum illa actio primo, & per se procedat à generante, iam inuenitur distinctio inter mouens, & motum, sicut est inter generans, & genitum. *Et ad ultimam replicam* Resp. quod propria passio producit ab essentia, à qua dimanat in virtute ipsius generationis, ut primo terminata ad se, & mediante se ad passionem, non per aliam actionem distinctam à generatione entitativae.

Dico tertio; *etiam una potentia, seu propria passio potest emanare ab altera, & non immediate ab essentia, quando inter ipsas potentias inuenitur aliquis ordo, seu subordinatio.* Est D. Thom. 1. part. quaestio. 7. artic. 7. ad 1. & videri etiam potest in 1. distinct. 3. quaestione 4. artic. 3. & in 2. distinct. 24. quaestione 1. artic. 2. Est tamen contra P. Suarez loco citato de anima, numer. 16. & 17. Deducitur tamen manifeste ex dictis, siquidem ibi ponitur emanatio vnius ab alio, ubi ponitur necessaria connexio vnius cum alio ordinatae se habens, ita quod vnum est ratio alterius, sed etiam inter ipsas potentias inuenitur huiusmodi connexio, & ordo, ita quod vna non conuenit nisi mediante alia, sicut voluntas non nisi mediante intellectu, & sensus exteriores sunt propter interiores, ergo istae potentiae, ita attinguntur à generante, quod vna est ratio, seu medium attingendi aliam, nec potest illa generatio aequè immediate omnes attingere, sed ideo attingit vnā, quia est connexa cum alia, sicut ideo attingit primam passionem, quia est connexa cum essentia.

Sed insinuat Pater Suarez, quia neque inter poten-

potentias diuersorum graduum, neque inter potentias eiusdem gradus inuenitur talis actiua emanatio, ergo. Non inter potentias diuersorum graduum, quia non apparet, quomodo ab intellectu dimanet potentia sentiendi, vel nutriendi, ita quod habeat efficientiam in illas, præsertim quia ad efficiendum requiritur existentia, intellectus autem non prius existit quam sensus, sed e contra, eo quod gradus sensitivus ordinis executionis præcedit rationalem. Additur etiam exemplum in rebus inanimatis, sicut humiditas in aere non oritur effectiue a calore neque e contra, ergo idem erit in potentijs animæ. Neque etiam inter potentias eiusdem gradus, verbi gratia inter potentias sensitivas apparet, quomodo effectiue emanet visus ab auditu, vel e contra. Et ratio est, quia ab illo dimanat aliquid effectiue, a quo dependet effectus, constat autem quod in operatione vitali, visus non pendet ab auditu, neque e contra, sed omnes potentie dependent immediate ab anima in suis actibus, ergo & in sui emanatione. Ac denique sicut anima confert immediate esse vegetativum, & sensitivum cur non poterit immediate conferre omnes potentias, sicut & immediate influit in illas?

Respondet ad primam instantiam, quod ab intellectu immediate, & secundum se, non dimanat potentia vegetativa, & nutritiva, sed mediate, quatenus intellectus est coniunctus corpori, & ab intellectu ut coniuncto dimanat sensus internus, ut ei ministrans, & a sensu interno externus, qui ei ministrat, & a sensibus externis præsertim a tactu nutritiva, & generativa, quæ eorum temperamento deseruiunt. In plantis autem potentie nutritiva, & generativa cum non sint coniunctæ superiori gradui non dimanabunt ab aliqua potentia priori, sed una ab alia, vel ab ipsa anima. Nec obstat, quod hæc causalis est falsa, quia aliquid extrinsecum est sensibile, ergo rationale non est causa potentialium sensibilibus, & emanatio-

nis earum. *Respondetur enim*: quod illa non est bona causalis, quasi sit adæquata, vel in genere causæ formalis, est tamen recte in genere causæ finalis, quatenus sensus deseruit intellectui ut principaliori, & est quædam participatio illius. Emanatio autem unius potentie ab alia non fundatur nisi in subordinatione potentie imperfectioris ad perfectiorem, semper enim dimanat imperfectius ab eo quod perfectius est, non e contra, ut docet D. Thom. *quest. illa 77. artic. 7.* ubi inquit: *Quod potentia animæ, quæ sunt priores secundum ordinem perfectionis & naturæ, sunt principia aliorum per modum finis, & actiui principij*: emanatio autem fundatur in connexionem unius cum alio, quatenus est id, a quo aliud participatur, siue per modum principij actiui, siue per modum finis.

Ad id, quod dicitur requiri existentiam ad efficientiam emanationis. Respondet: requiri existentiam in ipso efficiente a quo primo, & per se oritur ista productio, & hoc est generans, vel eius virtus, non tamen requiritur quod præcedat existentia in facto esse in ipsa essentia, a qua dimanat propria passio, quia non est principium ipsius actionis, sed connexionis primi termini producti, qui est substantia cum secundo termino, qui est propria passio. Et ita Divus Thomas locū supra citatū excludit prioritatem durationis inter essentiam, & passionem, sufficit enim quod complete in facto esse simul existant non quod prius.

Quod vero additur de proprietatibus rei inanimatæ Respondetur, quod si in eis fuerit connexio, & subordinatione non est inconueniens, quod una oriatur ex alia, verbi gratia, quod ex summo calore in igne oriatur siccitas, & ab humiditate in aere calor, eo quod unum deseruit alteri. Si verò nullam connexionem habent, ita quod unum non deseruiat alteri non emanabit una mediantem altera, quia deest subordinatio.

Ad secundam instantiam respondetur, quod visus non emanat ab auditu, vel e contra,

quia inter istas potentias non est ordo, vel subordinatio inter se, sed ab aliquo tertio priori, verbi gratia ab aliquo sensu interiori, cui ministrant. Non dimanant autem una potentia ab alia, nisi inter eas sit ordinatio, & connexio. Unde non est necessaria dependentia effectiua, & motio vnius potentiae erga aliam in operatione sua, ad hoc, ut emanet ab altera, sed sufficit aliqua participatio ab illa, & quod ministret, seu deseruiat illi, sicut dicit Diu. Thom. *quaestione 77. artic. 7. Quod potentia, quae sunt priores secundum ordinem perfectionis, & naturae, sunt principia aliorum per modum finis, & adiuui principij.* Videmus enim, quod sensus est propter intellectum, non e conuerso, sensus enim est quaedam deficiens participatio intellectus. Quare non oportet attendere ad motionem, qua una potentia mouet aliam ordine executionis, cum potius sensus exterior moueat interiorum, & interior intellectum, nec tamen ab illo dimanant, sed potius attendenda est perfectio finis, ita quod aliqua potentia sit superior, cui inferiores ministrant, vel a qua participant perfectionem, ab illa enim dimanant propter connexionem, & subordinacionem ad illam.

Nec obstat: quod generatio, quae in ratione actionis est emanatio prius in executione attingit imperfectum, quam perfectum, ut vegetatiuum, quam sensitiuum, & sensitiuum, quam rationale. *Respondetur enim*: quod generatio dispositiue considerata, & quando est in fieri, prius attingit imperfectum, quam perfectum, siquidem dispositiue procedit. Ceterum considerata perfecte & consuminatiue quando ultimo formam inroducit, tunc e conuerso se habet, prius enim attingit perfectiorum rationem, quam imperfectam, sicut prius attingit formam substantialem, quam accidentalem, eo quod specificatur generatio sic considerata ab eo, quod est ultimum, & specificum in tali forma, diffinitur enim generatio hominis a generatione aequi per eos gradus

cificum, & a hominum vtriusque non penes genericos, & sic etiam prius attingit potentias, seu proprias passionibus gradus specifici, & ultimi, quam gradus imperfectioris, & communioris, quae illi deseruiunt. Et in generatione hominis, licet intellectus secundum se emanet ab anima ut creata a Deo, tamen intellectus ut unitus corpori, etiam attingitur a generante viuente animam, ab illo autem ut unito dimanant sensus non ab eo absolute, quia solum ministrant illi ut unito.

SOLVUNTUR ARGUMENTA.

CONTRA primam conclusionem adduximus, & soluimus instantias, *quest. 12. Physicorum citata.* Solum in praesenti addimus etiam vigeri praecipue ab authoribus oppositae sententiae. *Primum*, quia distinctio potentialium a substantia est multiplicatio entitatum sine causa, & eadem difficultas remanet in explicando, quomodo eadem forma substantialis possit esse principium radicaliter operans, ac si sit formaliter, & immediate operans; & e conuerso in ipsa forma accidentali eadem est difficultas, quomodo possit esse principium immediatum operandi, & tamen etiam esse actus immediate terminans generationem accidentalem, & formaliter informans. *Secundo fit instantia*, cur repugnabit dari aliquam substantiam, quae eminenter contineat vim accidentalis potentiae, si enim una forma substantialis potest eminenter continere gradum alterius, cur non poterit eminenter continere gradum accidentis? Et sic per se ipsam immediate operari. *Tertia instantia est*, quia si distinguerentur potentiae, & propriae passionibus ab essentia, possent separare ab illa conseruari saltem diuinius, & sic potentia visiva separata posset videre, & intellectus intelligere sine principio vitali intelligentes, & videntes se tunc maneret anima aequae viuae, & intellectiva sicut aequa, alias esset destituta, ergo & aliquam opera-

operationem haberet, quia sine operatione nulla est vita.

Respondetur ad primam instantiam. Necessitate illius multiplicationis satis supra explicatam esse, quod vero substantia radicaliter sit operatiua per seipsam, non habet eandem difficultatem, quia ista radicalis ratio non exigit amplius quam actualitatem ipsam constitutiua naturę sine alio ordine dependente, & specificabili ab operatione accidentali, sed solū, quod sit talis, cui debeatur potentia proximē operatiua. At verō quod sit potentia proximē operatiua, est impossibile, supposito quod operatio est accidens, vt necessariō est in creaturis, quia est egressio ab operante, & aliquando conuenit illi, aliquando non: ergo etiā impossibile est, quod potentia ordinata, & specificabilis à tali operatione (specificari autem potentias ab actu ostendimus *articulo seq.*) non sit accidentalis, ed quod de ratione potentię est quod sit reducibilis in actum, & consequenter minor illo: ergo est accidens sicut ille, licet enim potentia visua videatur eminentior actu, & operatione sua, quatenus producit illam, tamē quia non est potentia per se reducta, & constituta in actu vltimo, sed reducibilis, ex hac parte minor est actu, & ordinabilis, & specificabilis ab ipso, ratione cuius actus secundus est perfectior actu primo, vt dicitur *prima secunda, q. 71. art. 3.* Neque est simile de emanatione, quę nō est operatio primō exiens à substantia, sed à generante media natura rei productę. Neque etiam est simile de forma accidentali, quia hoc ipso, quod accidentalis est, est entis ens, & informat subiectum non vt absolute sit, sed vt ad aliquid deseruiat, & talis forma nō repugnat quod hoc modo informet, & simul operetur, vt immediatum principium efficiendi, forma autē substantialis nō informat, nec terminat generationem, vt forma ordinabilis, & specificabilis ab altero, nec vt entis ens, sed vt absolute constituens esse, & ideo non currit similis ratio, sicut in forma accidentali.

Ad secundam instantiam respondetur ex dictis: repugnare, quod aliqua substantia creata sit immediatum principium operandi, ed quod non potest dari substantia creata, cuius operatio non sit accidens, sed substantia ipsa; siquidem omnis operatio est causalitas, & egressio ipsa ab operante, cuique adesse, & abesse sine destructione subiecti potest, & ita oportet, quod potentia immediatē elicitiva talis operationis, & in actu primo se habens ad illam sit etiam accidens, ed quod omnis potentia est minor actu secundo, & ordinabilis, & specificabilis ab ipso. Et non repugnat, quod vna substantia eminenter contineat aliam, non tamen quod per seipsam sine accidentibus exerceat suas operationes, ed quod indigentia accidentium, fundatur in limitatione substantię, quę nunquam potest tolli, hoc ipso quod creata est: diuersitas verō gradus non fundatur in sola limitatione, sed in ordine superioris & inferioris, non repugnat autem, quod ordo, vel genus superius faciat eminentiori modo id, quod inferius, quia continet illud, ideo enim superioris ordinis est, neque hoc tollit limitationem rei creatę, quę gradus istos admittit, sicut tolleretur limitatio, si non indigeret substantia accidentibus.

Ad tertiam instantiam dicitur. Non apparere implicationem manifestam, quod proprię passiones, quę sunt realiter distinctę a subiecto diuinitus separentur ab illo, sicut quantitas quę est propria passio corporis separamur in Eucharistia. De quo videatur M. Bañez *1. pars. quest. 77. art. 1. dub. 1. ad 4.* Potentię autem vitales si separentur, existent quidem sine subiecto, sed non operabuntur vitaliter sine illo propter essentialē dependentiam vitalis motus à principio intrinseco quod est anima, quę est primum principium se mouens. Et in illo casu anima sine potentijs dicitur intellectualiua & sensitina radicaliter, non formaliter proximē, sicut aqua calida est radicaliter frigida, & sic propositiones in quibus

affirmantur propriæ passiones, possunt falsificari quo ad actualem conuenientiam, licet non quoadradicalem, & quo ad debitum.

Contra secundam conclusionem obijtur: quia si propriæ passiones emanant à subiecto non potest reddi ratio, cur quibuldam proprietatibus ablatis, seu impeditis aliæ resultent, ut ablata frigiditate aquæ resultet alia frigiditas, & ablato motu grauis resultat alius; quibuldam vero passionibus ablatis, aliæ non resultant, sicut ablato visu non resultat alius, & ablato motu cordis non resultat alius. Et ablata existentia, vel subsistentia non resultaret alia, quia non esset à quo resultaret.

Secundo fit argumentum ad probandum non posse eadem actione produci animam, & eius potentias ex P. Suarez tract. de anima, lib. 2. cap. 3. num. 6. & 10. nam anima non producit seipsam, & tamen verè producit suas potentias, ergo non potest actio productiua illius esse productiua potentiarum. Deinde quia istæ actiones separantur, siquidem potest Deus creare animam impediendo emanationem intellectus, & postea tollere impedimentum; tunc verè produceretur intellectus extra causas, & non per creationem quæ iam transacta est, ergo alia actione. Et idem est in aqua, quæ ablato frigore per calorem iterum reducitur ad frigiditatem, id enim fit per nouum motum, quo paulatim, & successiue reducitur, ergo distincta actione ab illa, qua primò producta est. Denique, quia si actio generantis est quæ terminatur mediata ad potentias, & ideo dicitur emanatio, ergo nullo modo potest attribui ipsi essentia productio & emanatio talium passionum, siquidem actio illa generantis non potest egredi ab ipsa essentia, ergo neque constituere illam causantem, seu efficientem proprias passiones, quia non emittit ex se illam actionem, siquidem egreditur à generante; si autem est aliæ actio, quæ egreditur ab essentia, hoc est quod intenditur.

Ad primum respondetur, proprias passio-

nes esse in duplici differentia; quædam, quæ emanant ab essentia cum dependentia ab aliquo extrinseco tanquam à conditione vel statu, sine quo non conueniunt, quædam verò emanant absolute ab essentia sine dependentia ab aliquo extrinseco. Quæ hoc secundo modo se habent, etiam si impediuntur, dimanare iterum possunt, dum ipsa natura vel essentia non destruitur. Quæ verò primo modo se habent, non poterunt dimanare ab essentia, nisi talis conditio, vel status requisitus nonatur, & quia hoc non semper est in potestate ipsius naturæ, deo non semper emanat propria passio semel impedita. Sic potentia visiva, si semel amittatur, non emanat ab anima, quia dependet ex dispositione organi, in quo subsistatur, & hoc naturaliter reparari non potest, si semel destruitur. Si tamen repararetur diuinitus, statim resultaret ab anima. Ut autem resultet frigus ab aqua, vel motus à lapide extra centrum non requirit istam reparationem organorum, sed solum ablationem impedimenti. Motus autem cordis semel amissus reparari non potest, quia eo ablato non manet anima, quæ est principium emanationis eius, & ideo non potest iterum emanare, nisi iterum anima uniatur, quod solum potest fieri à Deo. Subsistentia autem, & existentia poterunt iterum resultare ex vi prioris actionis, si semel impediuntur, dummodo maneat ipsa natura, quæ erat in alio, nam si non remanet, non mirum, quod iterum non resultent.

Ad secundum argumentum ex P. Suarez, respondetur, quod actio generatiua & productiua passionum est virtualiter multiplex, & diuersimodè denominatione in suscipit attingendo diuersos terminos ordinate se habentes, & ita actio primo termino, non amplius dicitur illum producere; sed in virtute illius transit ad secundum, illumque producit iam non producendo primum, nec tamen ideo debet distingui duplex actio, sed vna virtualiter attingens diuersos terminos.

Ad secundam partem argumenti respondetur, non separari actiones, quæ adzquatæ, & totaliter sint distinctæ, sed solum nouum complementum & explicationem superaddi ad actionem priorem, quæ fuerat impedita respectu sui termini secundarij. Vnde si creatur anima impedito intellectu, postea sublato impedimento non fit noua creatio, neque actio, totaliter & adzquatè distincta a creatione, sed prima creatio, quæ virtualiter manet in anima, sublato impedimento accipit non actionem nouam, sed complementum, & explicationem sui, respectu termini, ad quem fuit impedita. Et quoties impeditur illa actio, iterum si tollatur impedimentum compleri & explicari postulat in illū terminum secundarium, qui sibi debetur. Et ita rectè dicitur Caiet. 1. *part. quest. 18. art. 1.* quod illa emanatio propriæ passionis erat complementum primæ generationis: sicut, si modò natura humana dimitteretur à Verbo, propria substantia resularet ex vi primæ generationis. Nec ponimus, quod illa prima actio, quæ iam formaliter & entiatue cessauit, reuiuiscat, quando fit noua emanatio propriæ passionis, sed dicimus, quod virtualiter manet in ipsa substantia, quatenus manet primarius eius terminus productus, & in vi illius primæ productionis in illo termino manentis, resultat non actio noua, sed complementum nouum prioris productionis, vt habet connexionem essentia cum illa passione.

El finis, quia hoc, quod nos vocamus complementum actionis præteritæ, reuera actio est, cum sit vera productio nouæ illius proprietatis, & aliquando est cum nouo motu, vt cum aqua successiuè reducitur in frigiditatem, quæ fuerat amissa. Solum ergo verbis ludimus vocando complementum actionis, quod verè est actio. *Respondetur*, vocari à nobis complementum, & non actionem nouam, quia solum respicit partem illius actionis, & non totum, quod ipsa poterat: actio enim generatiua, si non impidiretur potens erat producere substan-

tiam, & proprias passiones: posito autem impedimento, quando de nouo resultat passio, illa noua resultantia solum est potens in propriam passionem non in substantiam, & propriam passionem simul, & hoc quod est attingere propriam passionem habet in vi connexionis essentia iam productæ cum tali passione, & quia producta fuit, non solum vt esset in se, sed vt propriam passionem haberet sibi connexam, impeditur verò illa actio non vt sit essentia, sed vt in illa sit passio, sublata impedimento explicatur actio quoad partem sui, non fit actio noua. Rectè ergo vocatur complementum actionis, & non integra, & adzquata actio. Quod verò aliquando fiat cum nouo motu, hoc ipsum virtualiter continetur in vi prioris productionis, cui non solum debetur vt propria passio fiat in subiecto, quod producitur, sed etiam quod expellatur suum contrarium si sibi sit, & cum remotione illius fiat, illa autem actio, seu emanatio prout est à contrario in contrarium dicitur motus.

Ad vltimam partem argumenti respondetur. Quod actio egrediens à generante, non egreditur ab essentia primordialiter, & per se, & eo modo, quo à generante, hoc enim repugnat, cum iam sit egressa illa actio, sed est ab essetia, vt à medio, ratione cuius illa actio transit ad vltiorem terminum propter connexionem, quam habet cum essenti, non est autem inconueniens, quod eadem actio pendeat à duplici principio, non vt æquè immediatè egrediens ab utroque, sed ab vno, vt a primo principio processiois, ab altero vt a medio quasi connectente, & dante rationem vt transeat ad vltiorem terminum. Et ita essentia non causat passiones per causalitatem totaliter alienam, sed etiam propriam sui, non vt à primo egrediens, sed vt ab applicante & mediente, sicut actio, quæ est a principali agente, est etiam ab instrumento, non vt à primo principio, sed vt à deferente & applicante virtutem agentis ad talem effectum, & similiter à causa

causa prima, & secunda, dependet eadē a-
ctio secundum diuersam subordinationem.
Et hæc actio per se vna habet vnum termi-
num adequatum per se, plures autem in ad-
æquatos, & ordinatē se habentes, vnum sc.
primarium, & specificatiuum, alterum se-
cundarium & consequentem, sicut ignis
plura corpora calefacit, & sol plura subie-
cta illuminat.

ARTICVLVS III

*Verum potentie specificentur, & distinguan-
tur per actus & obiecta?*

Generaliter loquendo constat potentias,
habitus & actus esse quoddam genus
entis, nec purē absolutum, nec purē relati-
uum, sed habere rationem absoluti cuius a-
liquo respectu transcendentali ad alterum,
eō quod tribuntur à natura in ordine ad
alterum, ad quod deseruiunt, & ideo non
sunt purē absoluta, & quia deseruiunt non
ad purē recipiendum, sed ad operandum,
ideo non se habent vt purē relatiua. Sed ta-
men quia essentialiter, & intrinsecē, id est,
ex proprietate sue nature ordinantur ad al-
terum, ideo dicuntur specificari ab illo. Et
inquirimus tria. *Primum*, in quo genere
causæ dependeant, & accipiant specifica-
tionem ab altero. *Secundum*, quomodo su-
matur vnitas & distinctio potentialium ab
vnitate, vel distinctione obiecti, an à forma-
li, vel à reali vnitate, & quid sit in obiecto
formalis, & propria ratio obiectiua. *Ter-
tium*, an sit eadem ratio specificandi in po-
tentijs & in actibus.

Circa primam difficultatem, vt Caiet. re-
ctē obseruat. 1. p. q. 77. art. 3. potentias di-
stingui per actus & obiecta quatuor modis
intelligi potest. *Primò*, quod ly *per* dicat
causam intrinsecam, id est, differentiam ip-
sam specificam potentialium, & hoc nul-
lus potest dicere, cum constet obiectum esse
extra ipsam actum & potentiam; & sic
nō possit esse intrinsecam eius differentiam.
Secundò potest intelligi, quod distinguan-
tur per actus & obiecta, non tanquam per

causas, sed tanquam per effectus secutos, vt
per aliquid posterius. Sed hoc non est di-
stinguere potētias vere & propriē per actus
& obiecta, sed distinctas supponere, & so-
lū earum distinctionem tanquam per ef-
fectum vel signum manifestare, siquidem a-
ctus vt effectus, est aliquid posterius ipsa
vnitate vel distinctione potentie, & sic iam
supponit illam, non causat, atque adeo so-
lū potest esse signum & manifestatiuum
eius. Nos autem in presenti non inquiri-
mus, an potentie manifestentur distincte
per actus & obiecta, sed an distinguantur.

Tertiò intelligi potest quod potentie de-
pendeant ab actu & obiecto, non vt à causa
specificante secundum specialem modum
causandi, sed ea ratione comuni, qua om-
nes res pendunt à causis extrinsecis, scil.
à finali & efficienti, respectus enim ad istas
causas transcendentaliter & intimē imbibit-
tur in omni re creata.

Quarò denique potest intelligi, distin-
gui potentias per actus & obiecta, tanquam
per causas quidem extrinsecas, sed non illa
solum ratione cōmuni, qua res omnes tran-
scendentalem ordinem dicunt ad causam
efficientem & finalem, sed speciali ratione,
quatenus licet extrinseca principia sint,
pertinent tamen ad distinctiū principium
potentialium, quod est induere rationem
causæ formalis extrinsecæ.

Hæc est communis Thomæ istarum sententia,
quam his verbis expressit S. Thom. 1. p. q.
77. art. 1. ad 1. *Actus licet sit posterior potentia
in esse, tamen est prior in intentione secundum
rationē, sicut finis agente; obiectum autē licet
sit extrinsecum, est tamen principium vel finis
actionis, principium autem & finis proportionan-
tur ea que sunt extrinseca rei.* Vbi in prio-
ribus verbis exclusit opinionem, qua spe-
cificat potentias ab actibus vt ab effecti-
bus, & tanquā à posteriori, dum distinguit
in actu rationem effectus, secundum quam
est posterior in esse, eō quod efficiens pro-
priē respicit in effectū dare illi esse & exi-
stentiam, seu ponere extra causas, & sic
actus

actus in quantum est quidam effectus, id est ut habet existentiam à causa; sic non specificat illam; specificatio enim abstrahit ab esse. Alio modo sumimus actum, ut est prior in intentione secundum rationem; ubi non sumitur actus prout est quædam entitas, seu effectus productus in sua existentia, sed secundum rationem suam, id est, secundum formalem rationem, qua respiciuntur à potentia. Quod in ultimis verbis declarat, dum dicit: *Quod principio & fini proportionantur, ea que sunt extrinsecæ rei.* Vbi per *ly extrinsecæ* excludit sensum illum, quod obiecta sint intrinsecæ differentię potentiarū. Et per *ly proportionantur*, excludit sententiam illam de specificatione ab obiecto secundum communem rationem causę agentis, vel finalis, eo quod proportio & coaptatio ad alterum respicit illud secundum id quod essentiale est tali proportioni, non secundum rationem existentię, coaptatio enim vnius rei ad alteram cui proportionatur, non est dependentia in existendo, sed ab existentia abtrahit, & ad definitionem pertinet ipsius proportionis.

Et ex hoc sumitur fundamentum prædictę sententię, quia omnis dependentia quam imaginari possumus, vel est in ipsa ratione existentię, vel ut abstrahit ab existentia in ipsa constitutione essentię. Quę dependent ab alio in existentia, prout sic non specificantur ab illo, specificatio enim & definitio abstrahunt ab existentia, quia existentia nulli rei creatę essentialis est, neque ad definitionem pertinet: constat autem quod omnis dependentia ab efficiens, est solum dependentia quoad existentiam, quia efficiens ut tale, solum respicit rem sub existentia seu ut ponendam extra causas; & eodem modo finis solum habet mouere efficiens ad agendum, & consequenter in eadem linea respicit effectum, scilicet in ordine ad existendum. Unde respectus ad efficiens, & ad finem prout sic non specificat, quia non respicit definitionem rei secundum se, sed sub existentia. Constat autem dari aliqua, quę

Part III. Physic.

non solum in sui existentia, sed etiam in sui definitione & specie secundum se sumpta dicunt ordinem ad alterum ad quod definiuntur, & sine quo non constituitur eorum species, sicut patet in his quorum essentia consistit in proportionem & coaptationem cū altero, sicut se habet potentia & actus ad obiecta, ergo specificantur per illa non secundum ordinem efficientis & finis, quę licet sint causę extrinsecę, tamen non respiciunt rem nisi secundum ordinem existentię, non sine illa, ergo respiciunt illa secundum rationem causę formalis, materialis enim hic locum non habet (materia enim non est obiectum sed subiectum rei) & non secundum rationem causę formalis intrinsecę, quia obiectum est extra potentiam & separatum ab ipsa, ergo secundum rationem causę formalis extrinsecę.

Quod si dicas, nam potentia passiva non minus specificatur ab obiecto & actu, quàm actiua, & tamen passiva solum potest specificari à mouente à quo patitur, mouens autem, & efficiens idem sunt, ergo ruit doctrina tradita, quia vel debemus ponere aliquid specificari per ordinem ad efficiens, vel negare quod potentia passiva specificetur à suo principio extrinseco quod est mouens.

Respondetur doctrinam traditam in vtraque potentia procedere, tam passiva quàm actiua, ut expressit S. Thom. 2. de anima lect. 6. dicens: *Quod quia potentia est quoddam principium agendi, vel patiendi, oportet, quod actus ponantur in definitionibus potentiarum:* constat autem quod non minus essentialiter & per se ordinatur potentia actiua ad actum quem facit, quàm passiva ad actum quem recipit; actiua autem specificatur ab actu, quem facit, non quatenus facit, sic enim ponit illum in esse, sed quatenus proportionatur illi ut faciat, ex proportionem enim ad actum & obiectum constat specificatio per proportionem ad actum quem recipit, & ad obiectum à quo mouetur. Unde obiectum mouens potentiam passivam

H

dicitur

dicatur determinare ad actum, & monere per modum principij formalis, & non mouet quoad exercitium tantum, sed quoad specificationem vt docet D. Th. 1.2. q. 9. art. 1. datur ergo motio potentiae passivae non effectiua, sed formalis & specificatiua. Imò finis licet specificet actum humanum, non tamen id facit finalizando & sub causalitate finis, sed vt induit rationem obiecti, vt benè aduertit Caiet. 1.2. q. art. 3. Et ita alia est causalitas, seu motio finis & efficientis, alia obiecti vt formalizantis & specificantis. Quare potentia passiva non specificatur à mouente, vt mouens est quoad exercitium, sed à mouente quoad specificationem & per modum principij formalis, quod est ipsa forma vt ratio agendi formalizans, non à motione efficientis, vt efficiens est.

Quod si dicas, nam D. Th. in locis citatis, quando explicat quomodo potentia & actus specificantur ab obiecto, ponit exemplum in causis efficientibus, sicut calefactio inquit, est à calore, & in frigidatio à frigore, ergo sentit quod principium specificans est effectiuum, calefactio enim effectiue est à calore.

Resp. Quod D. Th. non sumit specificationem à principio effectiuo quomodocumq; sed vt fundante, seu habente proportionem formalem, quatenus scil. est causa efficiens per se per seitate quarti modi, vt calidum calefacit, sic enim calefactio specificatur à calido, vt à ratione formali, per se enim petit talem proportionem, nec potest intelligi calefactio per se in quarto modo nisi à calido, & sic intrat in conceptu essentiali calefactionis, non quatenus efficiens illius praecise, sed quatenus proportionem perfectitatis quarti modi fundans. Quod si sit causa æquiuoca calefactionis, erit virtualiter, & eminenter in quarto modo sicut eminenter est calidum; omne autem calidum in quarto modo per se calefacit, sicut ædificator ædificat, & medicus curat, siue

fit formaliter talis, siue eminenter.

SECUNDA DIFFICULTAS.

Circa secundam difficultatem presupponenda sunt duo. Primum, quod in obiecto aliud est ipsa entitas, quæ materialiter in eo consideratur, aliud ipsa formalitas obiecti secundum quam pertinet ad talem potentiam & actum, illumque specificat, aut distinguit: quæ formalitas nihil aliud est, quàm proportio ipsa, seu coaptatio cum tali actu vel potentia, proportio autem respectus est. Et hinc contingit posse plura obiecta entitatiue, & materialiter diuersa conuenire in vna formalitate obiectiua, & è contra posse in vna entitate materiali obiecti fundari diuersas formalitates obiectiuas, sicut manifeste patet exemplis; videmus enim corpora substantialiter diuersa, vt lapis, lignum, homo conuenire in vna ratione colorati, & proportionem mouendi visum: & è contra eandem entitatem, v.g. lapidem fundare formalitatem visibilis vt coloratum, & tangibilis vt frigidum, & intelligibilis vt substantiam, & generabilis vt è materia producibilis, & creabilis vt ex nihilo factibilis. Vnde benè dixit Caietan. 1. par. quest. 1. art. 1.3. aliam esse diuisionem rei vt res, & aliam obiecti vt obiectum. Et scientiæ dicuntur secari, sicut & res, non quidem in esse rei, sed in esse & formalitate obiecti.

Ex quo colligitur, quid sit obiectum formale, quid materiale, quid adæquatum. Dicitur enim obiectum adæquatum, illa ratio, quæ terminat, & cõplectitur quidquid potest cadere sub attingentia alicuius potentiae, siue primariò, siue secundariò tam quoad rationem formalem sub qua attingitur, quam quoad materiale quod attingitur. Obiectum formale dicitur illa formalitas, seu respectus, secundum, quem fit proportio & coaptatio inter obiectum & potentiam. Materiale dicitur illud, quod tali habitudini, seu formalitati substernitur, & subiectum eius est. Sunt autem diuersi termini, quibus explicantur rationes istæ obiectiuæ, sicut

sicut dicitur ratio formalis *sub qua*, ratio formalis *qua*, obiectum *quod*. Ratio formalis *sub qua* sumitur dupliciter, vno modo vt tenet se ex parte potentiae, seu habitus, & sic est ipsa vltima ratio virtutis qua determinatur & proportionatur erga tale obiectum. Alio modo sumitur ex parte ipsius obiecti, & sic est vltima formalitas proportionans, & coaptans obiectum potentiae, vel actui, sicut in obiecto visibili color nō est vltimum quod proportionat obiectum visui, sed lux, & ideo lux potest dici ratio *sub qua* ex parte potentiae. Ratio *qua* dicitur solum ex parte obiecti, non ex parte potentiae, & est illa formalitas quae constituit obiectum attingibile a potentia vel actu, etiam si non sit vltima formalitas, sicut color est ratio quae attingitur in corpore, & non solum lucidum. Non tamen repugnat, quod etiam aliquid quod est ratio *sub qua* ex parte obiecti, sit etiam ratio *qua* attingitur tanquam vltimum, sicut lux attingitur in re visibili. Denique obiectum *quod*, est ipsum totum quod constat ex obiecto materiali, & formali, in hoc enim fertur potentia, non tanquam in rationem, seu formam attingendi, sed tanquam in rem attactam.

Secundò supponimus, non attendi formaliter in obiecto potentiae, realitatem, seu entitatem prout habet esse in se, sed proportionem & coaptationem ad potentiam. Quae quidem proportio, vt subiectiuè existat in re, debet esse realis, sed secundum comparisonem ad potentiam non consideratur formaliter quod sit subiectiuè in ipsa re, sed quod se habeat obiectiuè ad talem potentiam, licet aliundè, si potentia ipsa solum respiciat ens reale, etiam in ratione obiecti realitatem petat, non prout existentem, sed prout comparatam ad potentiam, existentia enim semper est in ordine ad se, & subiectiuè, ad potentiam autem semper se habet obiectiuè. Vnde ens rationis, licet in se subiectiuè non habeat realitatem, potest tamen esse obiectum actus

intellectus, & specificare illū ratione proportionis obiectiuæ quam induit in ordine ad intellectum, quando habet fundamentum reale, & ad instar realitatis concipitur, tunc enim perficere & specificare potest intellectum perfectione reali, non innata sibi, aut existente in se, sed emendicata & appropriata ab entitate reali ad cuius instar obiectiuè concipitur, vt diximus in *Logica quest. 1. art. 3. ad 1.* Et ita, licet realitas & entitas subiectiuè considerata conueniat ente reali, & rationis analogicè, & non eodem modo simpliciter, obiectiuè tamen simpliciter & vniuocè inueniri potest in ente rationis, quia supposita emendicatione ab ente reali, & fundamento ipsius, proportio ipsa & coaptatio ad potentiam, quae sola pertinet ad rationem obiectiuam, per se inuenitur, quia verè & propriè coaptatur, ita vt verum & proprium actum intelligendi terminet, sicut alia obiecta.

Nec obstat, quod ens rationis habet esse per ipsum actum intellectus, ergo non perficit, nec specificat illum, sed perficitur ab illo. *Respondetur enim*, quod ens rationis habet esse ab intellectu per modum existentiae non realiter, sed denominatiuè, scilicet quantum ad denominationem cogniti, quae consequitur actum intellectus, & ideo talis denominatio consecuta non est ratio perficiens intellectum, sed vt effecta & consecuta, perficit autem ens rationis intellectum in quantum antecederet ad istam denominationem, ratione sui fundamenti induit coaptationem, & proportionem obiectiuam, qua verè & propriè terminat vt obiectum intellectus, eo quod licet sit ens fictum, non tamen fictè obijcitur & intelligitur, sed verum actum terminat vera terminatione, etsi ficta entitate.

Hic posita difficultas est, quomodo distinctio realis potentiarum & actuum sumi possit ab obiectis non realiter distinctis, sed solum formaliter vel secundum rationem. Multi enim difficile intelligunt quomodo

modo sola distinctio rationis in obiectis possit distinctionem realem causare in potentijs, sicut verum & bonum quæ in obiectis solum ratione distinguuntur, causant distinctionem realem in intellectu & voluntate. *Caterum in hoc non inuenio specialem difficultatem*; quia obiectum non distinguit potentias vel actus ratione distinctionis, quam in se habeat, sed ratione specificationis quam præbet. hoc ipso quod specificat obiectiue & specificatio ipsa realis est, utpote actibus & potentijs realibus conueniens, sic enim distinctio realis esse debet, quia realitas specificans realem distinctionem inuoluit. Non est autem difficile intelligere, quod causa, seu virtus quæ entitatiue est vna, causet effectus realiter distinctos, quia non causat illos per distinctionem quâ in se habet sed per virtutem, quæ potius quanto magis est vnita seu vna, plures effectus facit, sicut patet in virtute solis, & in virtute diuina respectu omnium creaturarum. Sic similiter in obiectis benè stat, quod entitatiue obiectum sit vnum, & tamen causare possit diuersas specificationes reales, quia virtualiter est multiplex, & in illo fundantur diuersæ rationes formales; de quo videri potest Caietan. 1. p. quæst. 77. art. 3. circa solutionem ad tertium. Vbi etiam S. Thom. docet, quod id, quod est idem secundum rem, & diuersum secundum rationem potest ad diuersas animæ potentias pertinere. Et videri etiam potest *ibidem quæst. 59. artic. 2. ad 2.* vbi ostendit intellectum & voluntatem differre realiter etiam si verum & bonum, quæ sunt eius obiecta, differant ratione, eo quod diuersitas potentiarum non sumitur ex distinctione materiali obiectorum, sed ex formali.

TERTIA DIFFICULTAS.

Circa tertiam difficultatem, an sit eadem ratio specificandi in potentijs & in actibus. *Respond.* iuxta D. Thom. quæstion. 77. citata potentias specificari ab actibus im-

mediatè, & idem est de habitibus quia habent rationem actus primi, immediatus autem ordo actus primi est ad actum secundum, licet potentia sit principium operatiuum magis vniuersale, & indifferens, quam actus, habitus verò magis determinatum, & magis se habet ut principium dispositiuum ad operandum, quam per se primò operatiuum, ut diximus in logica q. 18. at verò actus secundus, cum sit ipsa operatio, non ordinatur ad ulteriorem actum, sed solum ordinatur immediatè ad obiectum, circa quod versatur, & ita specificatur ab illo, obseruando tamè id quod dictum est, quod specificatio ista, & distinctio sumatur ex diuerso obiecto formali, non materiali.

Et hoc quidem non solum habet verum in actibus immanentibus, sed etiam in trans-euntibus, qui sumunt suam diuersam specificationem ex obiectis formaliter consideratis & non solum materialiter, licet oppositum probabilius iudicet Suar. tractat. de anima lib. 2. cap. 2. nu. 15. & videri etiam potest *disp. 47. metaph. sect. 2. & 3.* Sed tamen oppositum diximus in 5. Physic. q. 19. artic. 1. Et constat in multis actionibus, quæ versantur circa eundem terminum materiale, & tamen specie distinguuntur, sicut idem homo potest fieri per generationem, creationem, & transubstantiationem quæ sunt actiones specie diuersæ: & circa eundem locum potest terminari ascensus & descensus & motus obliquus & idem viuens produci ab alio viuenti generatione vitali, vel à sole generatione non vitali, & multa alia exempla multiplicari possunt in actionibus trans-euntibus, in quibus attingitur idè terminus materialis, sub diuersa tamen formalitate, imò circa eundem terminum numero, datur diuersus modus agendi causæ superioris, & inferioris. Verum quidè est, quod ut ibidem notauimus, quando actiones specie distinctæ circa eundè terminum versantur, non solum differunt ex parte modi tēdendi, sed ex parte alicuius formalitatis attractæ, & relucens in termino ad quem, ita quod ali-

aliquid producat ab vna actione quod non ab alia per se loquendo, vt ibidem inductione ostendimus. In actionibus autem immanentibus non est necesse, quod ex parte obiecti attracti aliquid attingatur per vnum actum, quod non per alium, sed sufficit, quod ex parte medij, & modi attingendi sit diuersitas, sicut eadem conclusio, quæ scitur per medium physicum, & per mediū mathematicum, non differt ex parte rei scitæ, sed ex parte medij, seu principiorum quibus probatur, vel manifestatur vna vel altera, quod est differre ex parte diuersæ scibilitatis.

Quod si dicas, quia in obiecto nihil reale est, sic attingi ab actu immanente, sed denominatio quædam extrinseca, *Resp.* obiectum non dici formare, nec specificare actum ratione denominationis extrinsecæ, desumptæ ab actu tendente ad se, sic enim daretur circulus in specificatione actuum, quia actus desumitur ab obiecto formali, & obiectum formale ex eo quod attingitur à tali actu, sicq; præsupponeretur actus, vt obiectum haberet formalitatem specificantem, si formalitas illa esset extrinseca denominatio ab actu desumpta. Formalitas ergo specificatiua obiecti fundatur in ipso obiecto antecedenter ad actum, & ad ipsam denominationem ex illo derivatam, & est ipsa proportio, qua obiectum est attingibile & terminabile tali modo ab actu, non denominatio illa qua attractum est ab actu. Hæc autem proportio & coaptatio obiecti, vel realiter, & intrinsecè est in ipso obiecto, quia ex se fundat talem cognoscibilitatem in propria entitate, vel est realitas connotata ab ipso, si ex proprijs & intrinsecis non cognoscatur, sed ad instar alterius, & connotatiuè ad alterum.

Quomodo verò distinguantur obiectum motiuum, & terminatiuum, latè diximus in logica, quest. 21. art. 4.

De subiecto verò potentiarum, an sit compositum, vel ipsa anima, non est specialis difficultas, præter eam, quæ à nobis discussa

est de subiecto omnium accidentium *lib. 1. de generat. quest. 9. artic. 3.* Quod autem sint genera potentiarum in viuientibus, iam supra *quest. præcedenti* ostendimus esse quinque, quod ibi explicatum est.

SOLVUNTUR ARGV- MENTA.

P*rimo arguitur*, quia vnica potentia potest respicere plura obiecta etiam realiter diuersa, & è contra vnum obiectum potest respici à potentijs realiter diuersis, ergo non adæquatur inter se multitudo obiectorum & vnica potentia indiuisibilis, vel è contra. *Nec sufficit dicere*: quod licet obiecta sint plura specie diuersa, actus tamen qui est immediatum specificatiuum potentie est vnus speciei. *Nam contra est*, quia etiam in eadem potentia inueniuntur actus specie diuersi, vt actus fidei, scientie, opinionis, &c. Et similiter in voluntate, ergo eadem manet difficultas. *Confirmat.* quia potentia est vna, ergo specificatiuum vnum, ergo vel actus solum, vel obiectum solum, non autem actus & obiectum. *Respondetur*, ex dictis potentiam non specificari ab obiectis materialiter sumptis, sed formaliter, & secundum illam proportionem, qua coaptantur potentie, vnde si sint plura obiecta formaliter, semper erunt plures potentie, licet sint vnum entitatiue, & materialiter, & similiter è contra, etiam si sint plura materialiter, si in formalitate vna conueniunt, eandem potentiam specificabunt. *Quod verò dicitur de actibus specie distinctis.* *Respondetur*, dari quidem in aliqua potentia plures actus specie diuersos secundum suas peculiare rationes, & obiecta quæ attingunt, conuenire tamen in aliqua ratione vniuersaliori, secundum quam procedunt à potentia, & ista ratio quæ superior est & vniuersalior respectu actuum, est adæquata & specificatiua respectu potentie, quæ est principium magis vniuersale, quam quilibet actus, &

ita vniuersalius specificatum respicit; quare ratione dixit S. Thom. *prima secunda questione 4. articul. primo ad primum*, quod potentia differunt secundum rationem genericam obiectorum, habitus verò secundum specificam.

Ad confirmationem respondetur, quod non repugnat esse vnum specificatum potentia immediatum, aliud mediatum & sic specificatur potentia immediate ab actibus ut conueniunt in vno modo procedendi, vel immutandi illam, mediate verò ab obiectis quatenus illo modo sunt attingibilia ab omni actu talis potentia, sicut enim potentia, respiciunt, & ordinantur ad actus, ita actus ad obiecta. *Nec obstat*, quod actio specificatur à principio ut sæpè dicit Diuus. Thom & sic non potest specificari à termino, qui est obiectum. *Respondetur enim* quod in potentijs cognoscitiuis etiam obiectum habet rationem principij quatenus per modum speciei concurret fecundando potentiam: in alia autem specificatur actio à principio non ut purè effectiuo, sed ut formaliter proportionato ipsi termino ad quem, & ordinato ad illum in quarto modo per se ut diximus; & sic non excludit terminum obiectiuum in ipsamet proportionem quæ ad illum est.

Secundo arguitur, quia actus, & obiecta sunt posteriora potentijs, actus enim procedunt à potentijs, obiecta autem attinguntur ab actibus, & ut attracta, sunt posteriora illis, ergo non possunt specificare potentias per modum causæ specificantis à priori, sed per modum effectus, & à posteriori. *Nec potest dici*, quod licet actus in vno genere sint posteriores ut effectus, in alio sunt priores ut finis. *Nam contra est*, tum quia actus non est perfectior potentia, cum potentia sit causa eius, ergo neq; finis, quia finis perfectior est ijs, quæ sunt ad finem; & similiter obiecta aliquando sunt imperfectiora actibus & potentijs, tum etiam quia potentia & actus sunt quædam qualitates absolute, ergo in se intrinsece constitui, debet

& non per aliquid extrinsecum, quia in se non sunt res respectiuæ. Quod si respicit finem tanquam causam, sicut etiam efficientem, hoc etiam conuenit ipsi substantiæ quæ causam efficientem respicit, & finalem, & tamen non specificatur ab illis, quia res absoluta est, ergo similiter potentia, & actus quia res absolute sunt, non dicuntur specificari à fine, sicut nec ab efficiente. *Confirmat.* quia si potentia specificatur ab obiectis, etiam habitus specificabuntur, hoc autem est inconueniens, quia res tam diuersæ, sicut habitus & potentia non possunt habere idem specificatum, scilicet actum & obiectum.

Respondetur solutione data, quod actus sunt posteriores potentia in existendo seu in exercitio, priores autem in intentione & per modum finis. Quæ est solutio S. Thom. *prima parte, questione. 77. articul. 3. ad 1.* & similiter obiecta sunt posteriora actibus in exercitio attingentiæ passiuæ, sunt tamen priora in ratione specificationis, & proportionis, quam exigunt respectu actuum & potentiarum. *Ad replicam respondetur, ex supra dictis*, quod operatio potest dupliciter considerari, primo ut entitas quædam est per modum effectus, vel causalitatis deriuatæ ab ipsa causa, & sic non est finis operantis seu finis cuius gratia, sed est finis effectus, qui non est perfectior suo efficiente sed potius ab ipso perficitur, imò sic operatio potius est medium seu causalitas ad effectum, quam finis. Alio modo sumitur actus seu operatio prout præcise constituit in actu secundo ipsam potentialitatem causæ operantis, quæ est in actu primo, & sic est finis, non tam ipsius causæ, quam potentialitatis eius, & potest specificare ipsam potentiam, eo quod potentia ut constituta in actu secundo est finis sui ipsius, ut solum constituta in actu primo. Itaque potentia respicit operationem ut finem, id est se ipsam, ut operantem in actu secundo, quod est operationem in concreto, & non secundum se seorsum habere rationem finis.

Ad

Ad secundam replicam dicitur, quod potentia & actus sunt aliquid absolutum, ut distinguitur à relatiuo prædicamentali & secundum esse, non ut distinguitur à transcendentali, & secundum dici. Itaque non dependent ab aliquo extrinseco ut à purè terminante, sicut relatiua secundum esse, benè tamen ab aliquo extrinseco ut specificante, à quo scilicet dependent non solum quoad existentiam, sicut à causa efficiente, & finali extrinseca, sed quoad constitutionem in ipsa propria specie, ut supra diximus. At verò substantia non dependet ab aliquo fine, vel efficiente, vel à quocumque alio extrinseco tanquam à specificante, sed solum dependet à fine, & efficiente ut à causante existentiam & esse. Vnde nihil est omnino absolutum tam in specie, quam in existentia, nisi solus Deus.

Ad confirmationem respondetur, specificari habitus, & actus, & potentias ab obiectis, sed non eodem modo, nec cum eadem vniuersalitate, & indifferentia, & immediata tendentia: actus enim secundus immediate tendit ad obiectum, habitus autem in actu primo determinato, & disponente potentiam ad operandum benè vel malè; potentia autem in actu primo indifferenti & vniuersaliori, & ut simpliciter principium operandi. Et sic diuerso modo respiciunt obiectum, & vnum ut subordinatum alteri.

Vltimo arguitur, nam si potentia specificantur ab actibus, & obiectis, ubi sunt eadem obiecta & actus, erunt potentia eiusdem rationis, sed potentia visiva equi, & hominis habent idem obiectum, scilicet colorem visibilem & non sunt eiusdem speciei, quia sunt proprietates emanantes à formis specie diuersis & consequenter etiam debent esse diuersæ speciei, eadem enim proprietas specifica non potest emanare à principiis specie diuersis, sic enim esset proprium vtriusque, quod repugnat.

Resp. aliquos sentire, quod istæ potentia, possunt considerari dupliciter; vno modo

respectu subiecti, cuius sunt proprietates naturales, & sic differunt specie, quando consequuntur ad diuersas naturas: alio modo respectu obiecti, circa quod versantur, & hoc modo non differunt specie nisi obiecta diuersa sint formaliter; sic visus equi & hominis in ratione potentiarum sunt eiusdem speciei, licet in ratione proprietatum differant specie. Ita Caiet. 2. *de anima capit. 10.* & explicatur exemplo mallei ferrei, & aurei, qui differunt specie in ratione metalli, non in ratione artificialis, & membra hominis & leonis differunt specie propter diuersam dispositionem licet eandem operationem exercent. *Sed huic solutioni restat explicare* quoniam ex istis duabus rationibus simpliciter sit essentialis potentia, & consequenter an simpliciter differant essentialiter, vel non. Nam in duplici specie essentiali poni non possunt, sicut in exemplis allatis, licet illa sint vnum in genere naturali & plura in artificiali, vel è contra. tamen genus artificiale accidentaliter se habet ad naturale, & non essentialiter, ergo restat explicare in potentia visiva equi & hominis, quæ ex parte obiecti sunt eiusdem speciei, & ex parte subiecti differunt, quoniam dicatur illis essentialis species, & ita an simpliciter sint eiusdem vel diuersæ speciei.

Quare alij tenent quod illæ potentia sunt eiusdem speciei, tam in ratione potentia, quam proprietatis, eo quod visus & aliæ similes potentia, non consequuntur in homine secundum gradum specificum, sed genericum, quatenus sunt de genere animalium perfectorum: Quæ autem sequuntur gradum genericum non est inconueniens, quod sint in subiectis specie diuersis, quia non emanant ab eis quatenus specie diuersa, sed ut conueniant in superiori ratione. Neq; est instantia in intellectu, qui sequitur gradum genericum intellectui & tamen est diuersæ speciei in diuersis. Etenim intellectus non manet eiusdem speciei in diuersis gradibus. sed iuxta diuersam immaterialitatem diuersæ speciei

speciei, intellectus cōsequitur, & diuersum respicit obiectum specificatiuum, potentia autem visua in equo & homine idem habet specificatiuum. Hunc modum dicēdi refert Mag. Bañez, 1. p. q. 77. art. 3. d. 1010 v. 10 ad 2.

Et iuxta illum addere possumus, quod in potentia visua & similibus, vel possumus cōsiderare speciem essentialem, & hæc semper desumitur ab obiecto, & sic simpliciter sunt eiusdē speciei in equo & in homine, nec dimanant à principijs specie diuersis, sed ab eo quod est genericum, vel cōmune in animalibus perfectis participantibus istas species, sicut in omnibus animalibus ex gradu cōmuni dimanat potētia tactus, & in omnibus viuētib. potentia nutriendi & augmentandi. Vel possumus considerare peculiare aliquas qualitates, quæ accidentaliter perficiunt, vel afficiunt istas potentias

aliter in vno animali, quam in alio, sine variatione essentiali earum, vt quod aquila perfectius videat homine, & homo perfectiorem tactum habeat, quam alia animalia & similiter, quod cogitativa in homine discurrat circa singularia, nō in bruto, & similia. Et quoad istas accidentales perfectiones, illæ potentie sunt propriæ diuersorum animalium, quia tales perfectiones conueniunt illis potentijs ratione diuersorum subiectorum in quibus sunt, & de quibus illas participant. Et ita in ratione proprietatis differunt specificè specie accidentali, ita quod id quod est intrinsicè proprietati vt proprietatis talis, vel talis naturæ specie diuersæ, est accidentale potentie visuæ secundum se, & quidditatiuè consideratæ, secundum ordinem ad obiectum, qui est simpliciter specificatiuus.

QVÆSTIO III.

De anima vegetatiua, eiusque potentijs.

ARTICVLVS I.

Quid sit anima vegetatiua, & quot eius potentie?

PRIMVS gradus viuētiū est gradus vegetatiuus; cuius propriam rationem & essentiam, sicut & aliorum graduum ex proprijs operationibus veniamur. Est autem proprium huius gradus operari circa ipsum corpus viuens, vt docet San. Thom. 1. part. quæst. 78. art. 1. & 2. eò quod vegetatiuum est infimus gradus vitæ, & ex ea parte qua vitæ est, eleuatur supra corpus inanimatum mouendo se & operando erga se: sed quia infimum est & valde imperfectum, nō extenditur ad adquirendam aliam perfectionem, quam quæ pertinet ad proprium corpus vel conseruandum in individuo vel multiplicandum in specie, ad differentiam

sensitiuæ, quæ operatur ultra se, quatenus mouetur ad apprehendenda obiecta exteriora, & multò magis intellectuæ, quæ mouetur ad apprehendendum vniuersaliter omnia entia.

Igitur animæ vegetatiuæ assignat D. Th. ex Philosoph. de anima lection. 9. circa text. 49. & 1. parte, quæstion. 38. articulo. 2. triplicem operationem scilicet nutrire, augmentare, & generare vitaliter, hæc enim sufficiunt ad omnes operationes vitæ vegetatiuæ, licet vt bene aduertit Caietan. citat. loco 1. partis, in fine commentarij, dicantur esse tres potentie animæ vegetatiuæ solum in genere, nam plures aliæ sunt in specie deseruiētes istis, sicut ad nutritiuā deseruiunt attractiua, expulsiua, degestiua & similes, quæ an distinguantur realiter, an solum penes diuersa officia, postea disquiretur.

Quod

Quod ergo sufficiant ista tria genera potentiarum constat, quia finis partis vegetatiuæ est conseruatio ipsius viuientis tam in proprio individuo, quam in specie, in hoc enim relumitur quidquid perire potest ad ipsū corpus viuens, vt videlicet viuat in se, & in specie sua; in conseruatione autem sui includitur duplex operatio, scilicet nutritio & augmentatio, nam ratione primi restauratur, quidquid perditur per calorem naturalem, & ratione secundi ex statu imperfecto in quo generatur, perducitur ad statum perfectum, scil. debitam quantitatem & robur. In conseruatione autem speciei attenditur generatio, qua producit sibi simile propagando ipsam speciem.

Nec obstat, quod etiam non viuentia generant sibi simile vt ignis, & mediante generatione speciem conseruant, ergo generatio non est propria actio viuentium. Et ex alia parte multa sunt viuentia, quæ generationem non habent sicut quæ fiunt solum ex putrefactione. *Resp.* quod non viuentia generant generatione cōmuniter dicta quæ est totaliter ex materia extrinseca, viuentia autem speciali generatione, quæ est ex propria substantia viuientis, ratione cuius est generatio propagatiua ex principio coniuncto ipsius viuientis & communicato ipsi genito, & sic dicit D. Tho. 1. p. q. 78. art. 2. ad 2. *Quod generatio in rebus inanimatis est totaliter ab extrinseco, sed generatio viuentium est altiori modo per aliquid ipsius viuientis quod est semen in quo est aliquod principium corporis formatiui.* Idemque tradit in secundo de anima lection. 7. Hoc autem principium corporis formatiui, nō solum debet esse virtus actiua quæ est in partibus spirituosiss & subtilioribus seminis sed etiam debet habere principium materiale, quatenus partes crassiores præbent materiam ex qua formatur fœtus. Quomodo autem dicatur ex semine fieri res generata tanquam ex principio vitæ coniuncto, explicauimus, *question. 1. d. generation. articul. 1* & similiter quomodo semen habeat vitam, fiatque

Pars III. Physicor.

ex superfluo alimenti, explicauimus, *ibidem questione octaua.*

Ad aliam partem argumenti dicitur quod licet anima vegetatiua habere possit istas tres operationes, non tamen est necesse, quod in omni participante vitam vegetatiuam nueniantur de facto, nam operatio generatiua non inuenitur in pueris ob statum imperfectum in alijs deest ipsa potentia ratione sterilitatis, in alijs ob imperfectionem naturæ quia ex sola putrefactione generari possunt, inter quæ numerant aliqui anguillas, salamandras, & alia similia; quædam verò sunt quæ indifferenter ex semine & ex putredine generari possunt vt mures, vespæ, & alia similia. Ista ergo participant imperfectè vitam vegetatiuam, sicut etiam inter animalia non omnia participant omnes sensus, & operationes sicut talpæ non habent visum, & ostrea non habent motum progressiuum.

Ex dictis colligitur definitio anime vegetatiue, & explicatur ea quam tradidit Aristot. 2. de anima textu 49. definiuit enim Aristot. animam vegetatiuam ab actu perfectiori quem habet, & qui cæteros præsupponit, scilicet à generatione quæ solum conuenit animalibus perfectis, & in statu perfecto existentibus, dicens: *Quod anima prima (id est vegetatiua) est principium generandi tale quale ipsa est.* Quam definitionem explicans ibi: S. D. lection 9. inquit: *Quod quia omnia definiuntur, & dominantur à fine, finis autem operum anime vegetabilis, est generare alterum simile sibi, sequitur quod ipsa sit conueniens definitio anime vegetabilis, vt sit generatiua alterius similis secundum speciem.* Idem tradit prima parte, *question. 78. art. 2.* ostendens quomodo nutritiua, & augmentatiua sunt potentie habentes effectum in ipsomet viuente in quo sunt, generatiua autem habet effectum in alio distincto, licet ex ipsius generantis corpore decidatur, hæc autem est perfectior operatio, quia per eam anima vegetatiua quodammodo appropinquat ad sensum uā, quia

quia hæc ut diximus habet operationem suam circa res exteriores, & deinde quia producere simile sibi est actio rei iam perfectæ in se. Quapropter in definitione Aristot. quando dicit: *Quod vegetatiua est principium generandi*, debet subintelligi, quod sit principium vitale, principium autem vitale, ad generandum præsupponitur quod sit viuum respectu sui ad operandum circa se, non enim posset vitaliter circa aliud operari, nisi primo posset circa se, & consequenter supponitur, quod sit nutritium & augmentatiuum sui. Vnde si velimus exprimere in definitione omnia quæ pertinent ad animam vegetatiuam, definiri potest: *Quod est principium nutriendi, augendi & generandi vitaliter*. Sed tunc illæ particulæ & non debent intelligi collectiue, quasi debeant omni animæ vegetatiuæ conuenire, sed distributiue, vel secundum accomodam distributionem, ita ut animæ perfectæ conueniant omnes illæ operationes, imperfectæ vero saltem aliquæ.

Sed obijcies, nam in primis Aristot. dicit *de anima tex. 3.* *Quod naturalissimum est viuientibus perfectis & non orbatis generare*, ergo generatio non potest esse propriissima viuientium. *Patet consequentia*, quia illa actio est magis naturalis, quæ est magis propria naturæ, ut natura est, non ut vita est. *Quod si dicatur*, esse naturalissimum viuendi, non ratione naturæ ut sic, sed ratione naturæ viuientis, tunc dictum Philosophi non est verum, *sed instatur in multis: primo quidem*, quia non potest dici naturalissimum, quia magis necessarium, sic enim magis necessaria est nutritio, quia requiritur ad conseruandum propriam vitam in quocunque statu, etiam in pueritia, in qua non conuenit generare, imò propter conseruandam vitam animal abstinere a generatione. *Secundo*, quia si est naturalissimum, quia perfectissimum, sequitur, quod in animalibus naturalius sit sentire, vel loco moueri. Et in hominibus intelligere, quam generare, quia hæc perfectiora sunt.

Secundo obijcies quia Aristot. in hoc 2. lib. textu 54. solum numerat duas operationes, vitæ vegetatiuæ, scilicet uti alimento & generare, non ergo debent poni tres, scilicet nutrire, augere & generare. Præsertim cum actio augmentatiua non possit distingui à nutritiua, quia quantitas consequitur substantiam sine nouo motu, nutritio autem ad substantiam adquirendam ordinatur.

Denique, plures aliæ operationes dantur in anima vegetatiua, quæ versantur circa materiam externam, & non circa ipsum corpus viuens, sicut attractio alimenti, digestio illius, expulsio superflui, & aliæ similes, quæ versantur circa corpus extraneum, & nondum informatum forma viuente, ergo plures operationes debent poni in anima vegetatiua, quam quæ versantur circa ipsum corpus viuens.

Ad primum facile respondetur quoad primam partem, quod generatio dicitur opus naturalissimum, quia est commune omni naturæ etiam inanimatæ loquendo de generatione quoad substantiam & secundum rationem communem generationis, est tamen propria viuientium loquendo de generatione ex parte modi procedendi vitaliter, & per propagationem ex ipsa substantia generantis decisa.

Quod autem attinet ad expositionem Aristotelis, dissentiunt expositores in explicando, quæ rationes dixerit esse opus naturalissimum generationem. *Sed breuiter dico* non dici naturalissimum opus, quia est perfectius, cum in multis animalibus aliæ sint perfectiores operationes, ut in argumento dictum est. Neque ex eo, quod sit magis necessarium respectu ipsiusmet viuientis absolute, cum magis propriæ vitæ sit necessaria nutritio: sed ob duplicem causam. *Primo*, quia generatio est communis omni naturæ etiam non viuenti, saltem quoad substantiam generationis, ut dictum est. *Secundo*, quia magis in eam propèdet natura etiam viuientium non propter bonum proprium, sed propter bonum commune, scil. propter per-

perpetuitatem speciei, quæ generatione ipsa conseruatur. Quam causam tradit D. Thom. 2. de anima lect. 7. ad illum textum Arist. & Caiet ibi & M. Bannez 1. p. q. 78. art. 2. d. ab. 4. eam vero negat Suarez 2. de anim. cap. 7. n. 6. licet primam causam admittat num. 6. sed male eam negat, cum sit expresse approbata ab Aristot. qui causam reddidit cur generatio sit naturalissimum opus, scil. quia maxime propendet natura in conditionem illam perpetuitatis, quâ consequitur generatione, & non sola nutritione & conseruatione propria. Itaque conseruatio speciei secundum quod propagatione multorum perpetuatur, maiori pondere allicet naturam, quam nutritio, seu conseruatio in esse proprio; tum quia est bonum commune, & quælibet pars naturaliter magis inclinatur in bonum commune, quam in proprium, vt patet in manu naturaliter se exponente ictui capitis, & aqua ascendente sursum ne detur vacuum: tum quia mediante generatione efficacius consequitur perpetuitatem, quam nutritione, nam hæc ex natura rei certam habet periodum, illa per generationem in infinitum durat, quantum est ex vi naturæ, nisi obstarat decretum superius diuinum terminandi generationes completo numero beatorum. Naturalissimum autem est vnicuique intendere perpetuitatem, quæ cum in individuo sit impossibilis per conseruationem, fit in specie per generationem.

Nec obstat fundamentum P. Suarez. quia videlicet nutritio ordinatur ad propriam conseruationem in se, generatio autem in alieno individuo, magis autem inclinatur vnumquodque in bonum proprium, quam in alienum, quia amabilia ad alterum oriuntur ex amicabilibus ad se.

Respond. enim quod inclinatur aliquid magis in bonum proprium vt distinguitur contra alienum, non contra bonum commune, ad hoc enim maior est ponderatio quam ad proprium, quia etiam proprium continetur sub communi, & ab eo depen-

det, & sic amabilia ad alterum oriuntur ex amicabilibus ad se, quando est alterum omnino alienum, non quando est alterum quasi bonum commune & superius, respectu cuius hæc maxima non currit. Et ita omnis creatura naturaliter magis fertur in Deum, quasi in bonum commune, vt docet S. Th. 1. p. q. 60. artic. 5. Neque est verum conseruari etiam speciem in proprio individuo conseruatur enim sine perpetuatione, quæ est conseruatio secundum quid, in genito autem conseruatur tanquam in propagato de sua substantia, & in parte sui.

Ex quo etiam patet ad instantias primi argumenti, licet enim magis necessaria sit nutritio ad se conseruandum quam generatio, hæc tamen est magis necessaria ad perpetuitatem consequendam. Cum quo tamen stat, quod magis tenetur homo ad conseruandam propriam vitam quam ad generandum etiam in casu necessitatis propagandi genus humanum, eo quod conseruatio propriæ vitæ est fundamentum & medium necessarium etiam ad ipsam propagationem, & ita quia sublata vita propria tollitur tam proprium individuum, quam propagatio speciei, ideo magis tenetur ad illam, quam ad istam, sed ad illam vt ad medium, ad istam verò vt ad finem, & ideo naturalius se habet ad generationem, quia gratia huius finis, scilicet perpetuitatis omnia agunt quæ secundum naturam agunt, vt dicit Arist. in eodem loc. e.

Ad secundum respond. Aristotelem numerasse illas duas operationes animæ vegetatiuæ, quia sub illa quæ alimento vititur, continetur tam nutritio, quam augmentatio, vtraque enim alimento vititur licet diuersimode, alia ad restaurandum & conseruandum, alia ad perficiendum & augendum, postea tamen vtramque operationem explicuit textu 38. & sequentibus. Quod vero dicitur, non dari motum ad quantitatem distinctum à nutritione refutatum à nobis est q. 19. Physicor. & quest. 8. de generatione.

Ad ultimum respond. omnes illas operationes contineri sub nutritiua, quia illi deseruiunt, eique ministrant, sicut sub generatiuo continetur operatio præparatiua seminis, resolutio ipsius, & formatio foetus. Quod vero dicitur non versari illas actiones circa corpus viuum, *distinguo*, proxime & formaliter transeat, dispositiue nego; disponitur enim materia alimenti vt nutriatur & transeat in corpus viuum.

ARTICVLVS II.

Quid sit potentia nutritiua, eiusque obiectum & facultates ei ministrantes?

HÆc tria pertinent ad cognoscendam vim nutritiuam, & ex ea manebit explicata vis augmentatiua, quæ illi deseruit. Plura autem de nutritione & alimento egimus *quæst. 3. de generat.* & ideo hic breuiter de ipsa potentia nutritiua agendum est.

Circa primum ergo, scilicet circa ipsam potentiam nutritiuam *dubium est*, an sit qualitas aliqua de secunda specie, scilicet aliqua potetia, an verò sit calor aliquis vitalis vel saltem temperamentum, vel mixtura aliqua primarum qualitatum sine potentia aliqua superaddita. In quo P. Suarez *tract. de anima lib. 2. cap. 9.* existimat temperamentum primarum qualitatum se habere vt dispositionem, seu virtutem dispositiuam ad introducendam animam in materiam alimenti, virtutem autem inductiuam ipsius animæ in alimentum, siue educendo, siue vniendo formam esse ipsam animam immediatè, & ab ea procedere istam actionem, non ab aliquo accidente superaddito. Præter istas autem actiones, scilicet inducere formam substantialem, & disponere ad illam non datur alia operatio quæ correspondeat virtuti, seu potentie superaddite illis primis qualitibus. Alij autem ex Iunioribus constituunt hanc potentiam nutritiuam in ipso calore naturali, fortassis quia est principium actionum in nutritione & augmentatione.

Nihilominus S. Thom. perpetuo assignat

calorem & qualitates primas pro instrumentum vite vegetatiue, & operationum eius, quæ vti. quæ sunt nutritio & generatio, requirit autem tanquam principalem virtutem aliquam qualitatem superiorem ad primas. vt videri potest 2. contra gent. c. 68 & 1. p. q. 78. art. 2. ad 2. & q. 118. art. 1. ad 3. Non potest autem talis virtus vti calore & alijs qualitibus vt instrumento quod mouet & sibi deseruit, nisi distinguatur ab illis.

Fundamentum est quia generatio, & nutritio habent effectus excedentes calorem, & temperamentum quatuor primarum qualitatum, tum in ipsa substantia rei operatæ; tum in modo operandi, ergo requirunt aliquam virtutem altiore ab illis qualitibus distinctam. *Consequentia patet*, quia non habemus aliud principium distinguendi virtutes, & potentias, nisi per diuersos effectus & modos operandi. *Antec. probatur*, nam quantum ad substantiam rei operatæ videmus in generatione fieri aliquos effectus excedentes primas qualitates, vt est formatio membrorum,eductio animæ, vel introductio & alia similia, quæ constet distinguui ab actionibus primarum qualitatum, non enim est idem calefactio etiam facta ab animali, & formatio membrorum & introductio animæ. Similiter in nutritione formantur membra saltem partialiter, & aggeneratiue, siquidem membra ipsa succedente alimento, de nouo instaurantur, vel augescunt, ergo eadem ratio est de ipsa, atque de generatione. Ex parte autem modi operandi, constat manifeste, distinguui, quia animal operatur istas actiones vitaliter, siue generando, siue nutriendo, qualitates autem elementales quantum est ex sua specie non operantur vitaliter; constat enim quod calor in ferro, vel in ligno est eiusdem speciei cum calore animalis, & tamen ibi non operatur vitaliter, ergo modus vitaliter operandi aliquam virtutem specie distinctam postulat ab ipso calore secundum se.

Nec valet dicere, quod ipse calor vt coniunctus

iunctus animæ est medium, quo anima operatur vitaliter, nec indiget alia virtute, vel potentia superaddita ad dirigendum talem calorem *Contra enim est*, quia istæ actiones nutritiue essentialiter, & specificè sunt vitales, & in ratione vitalis distinguuntur specie à non vitalibus, ergo calor secundum totam speciem quam habet non potest esse sufficiens potentia, & virtus, istarum actionum. *Consequentia patet*, tum quia calor qui est in animali, non est distinctus specie à calore ignis, ergo non potest sine alia virtute superaddita effectus specie distinctos habere; tum quia calor non est potentia vitalis etiam in animali, ergo non potest esse immediatum principium operationis vitalis, anima autem per suam substantiam sine potètia vitali superaddita non operatur vitaliter, & multo minus mediante instrumento non vitali, qualis est calor, ex sua specie. *Nec obstat*, quod ad nutritionem non datur speciale organum, sed sit in toto corpore, & sic non videtur dari specialis potentia. Hoc enim est respectu ultimæ nutritionis, quando ex sanguine partes solidæ nutriuntur, ut caro & ossa; ad primam autem digestionem internam & commutationem alimenti in sanguinem, dantur specialia organa, scilicet ventriculus & hepar.

SECUNDA DIFFICULTAS.

Circa secundum punctum, scilicet quodnam sit obiectum potentia nutritiua constat ex Philosopho in hoc. 2. lib. textu 42. & D. Thom. *ibi lect. 9.* quod obiectum seu materia nutritiua est alimentum, circa illud enim versatur nutritiua, tãquam circa materiam, quam transmutat in substantiã & quo res alita nutritur. Vnde dicit Philos. *ibidem tex. 48.* quod in nutritione sunt tria, scilicet. quod alitur, quo alitur, & alens primum. Quod alitur est corpus viuens, quia est subiectum cui per alimentum transmu-

tatum nouæ partes adueniunt, & succedunt Id quo alitur est nutrimentum, sumendo ly quo pro principio materiali. non effectiua, & ita non solum dicitur id quo nutritur, sed ex quo transmutatur, sicut semen est id quo generatur animal, non solum ut principio effectiua ratione virtutis formatiua, sed etiam ut principio materiali, quatenus de ipso sumitur etiam materia fœtus. Alens primum, est ipsa anima, quæ est primum principium nutriendi.

Sed inquit es quomodo dicatur alimentum esse obiectum non solum potentia nutritiua, sed etiam generatiua, ut affirmat Aristotel. *textu 47.* cum tamen diuersum sit obiectum nutritiua, & generatiua, obiectum enim generatiua est fœtus ipse qui generatur obiectum autem nutritiua est viuens ipsum, quod nutritur. De alimento etiam verificatur quod illo vel ex illo nutritur animal, ex alimento autem non generatur proles, ergo non habet vtraque potentia alimentum pro obiecto etiam materiali.

Respondetur nihilominus verissimum esse dictum Aristotelis, & explicari à D. Thom. *ibi lect. 9.* quod etiam alimentum est factiuum generationis, eo quod semen est superfluum alimenti. Quod intelligitur esse superfluum, non quia si excrementitium, cum potius fiat ex sanguine de fecatissimo, sed quia est residuum ipsi nutritioni, necessarium autem generationi. Itaque omnes potentia vegetatiua vtuntur alimento tanquam materia ad suas operationes, sed diuersimodè nam nutritiua vtitur substantia alimenti pro reparatione ipsius viuents, augmentatiua vtitur quantitate, seu magnitudine alimenti pro ipsius augmentatione, generatiua autem vtitur residuo alimenti pro ipsius propagatione, & ita supponitur operatio nutritiua ad generatiua, eique residuum sui alimenti tanquam materiam subministrat, idcircoque non ita absolute dicitur animam generare ex alimento sicut nutriri, sed generare ex residuo alimenti, quod per varias transmutationes nutri.

nutritiuæ segregatur ad vasa seminalia, ibique disponitur semen, ut illo utatur generatiua sicut etiam ad nutritionem proles segregatur ex alimento iam transmutato & conuerso in sanguinem, lac in fœminis. Et in huius signum qui sunt profusiores in uenerem, cum indigeant multa materia seminali attrahunt de materia nutritiuæ, ita quod aliquando emittunt sanguinem, & debilitant naturam. Contra verò animalia pinguiora sunt pauci seminis, ut docet Diu. Thom. 1. part. questione 19. artic. 2. quia indigent plus conuertere in proprium corpus quam segregare de residuo pro semine.

Quosuplex autem sit alimentum, scilicet extrinsecum & remotum, quod ab animali assumitur, & intrinsecum, seu propinquum, quod ab eo disponitur & transmutatur, ut conuertatur in partes solidas, & quas transmutationes ad hoc subeat, & in qua parte animalis resideat facultas nutritiua, diximus in questione 8. de generat. articulo 3.

TERTIA DIFFICULTAS.

Circatertium punctum, scilicet quæ facultates ministrent nutritiuæ? In primis inueniuntur duæ potentie principales, scilicet nutritiua, quæ respicit substantiam reparandam, & augmentatiua, quæ respicit augendam. Secundo loco occurrunt quatuor potentie ministrantes istis duabus principalibus, scilicet attractiua, retentiua, expulsiua, & decoctiua, & si quæ sunt alia, ad istas reducuntur. Tertio loco inueniuntur accidentia, seu qualitates primæ ministrantes omnibus istis potentijs, quæ sunt qualitates non vitales, sed communes etiam non uiuentibus, scilicet calor & frigus, & similia, quæ se habent ut dispositiones, & ideo ista accidentia distingui à potentijs vitalibus certum est, cum ipsa vitalia non sint. Quod etiam respectu potentie attractiue, & retentiue fatetur ipse Suarez loco citato cap. 9. n. 14. licet id

neget de facultate nutritiua: quod statim expendemus.

Ignitur circa ipsas potentias vitales illa est difficultas, an realiter distinguantur inter se, quod etiam sequenti articulo tractandum erit circa potentiam generatiuam an distinguatur à nutritiua. Plures enim Authores omnes istas potentias faciunt vnā, quæ omnes istas operationes exercet, & ab illis denominatur modò nutritiua, modò generatiua, modò augmentatiua. Sed tamen inter augmentatiuam, & nutritiuam minus videtur ponenda distinctio, eamque negant Conimbricen. 2. de anima capit. 4. questione vnica, Suarez tract. de anima lib. 2. capit. 9. qui nec formaliter eas distinguit, ut patet in fine capituli, Rubio 2. de anima tractat. de potentijs anime vegetatiue questione 2. Et alij plures qui ab his Authoribus citantur; & idem tenent aliqui Thomistæ quos suppresso nomine citat Magister Bañez 1. part. questione 78. articulo 2. dubio. 2. conclusionem. 2. Non caret probabilitate ista sententia, quoties enim non est euidens requiri distinctionem potentiarum ad diuersas operationes, magis inclinare debemus in partem quæ non distinguit, eo quod natura semper studet compendio. Est etiam conueniens ratio, quia ad virtutem augmentatiuam non requiritur, nisi quod virtus nutritiua sit ita fortis quod possit plus conuertere de alimento quam deperdat de humido proprio, ut docet Sanct. Thomas 1. part. questione 119. articulo 1. ad 4. Ad hoc autem non requiritur noua virtus, sed eadem fortior, & perfectior. Vtraque etiam potentia respicit eundem effectum, specificè, scilicet substantiam viuam, siue absolute, siue ut maiorem, & augmentatam, & vtraque vitali modo. Cur ergo non prouenient ab eadem potentia tanquam duæ operationes subordinatæ vel ad eundem finem ordinatæ, sicut etiam calefactio, & illuminatio ab eadem virtute solis proueniunt, quia sunt actiones inter se subordinatæ. Quare Aristot. 2. de generatio-

ratione animalium cap. 4. docet quod eadem materia est ex qua augetur, & ex qua constituitur primum; & facultas quoque augens eadem quæ in principio est, sed maior; non ergo est necesse ponere duas facultates.

Nihilominus opposita sententia probabilior est, & inter Thomistas magis recepta, ut tradit Magister Bañez citato loco *conclusionem tertiam*, & eam tenet Caiet 1. p. *questione 78. artic. 2. in fine commentarii*, alique plures Thomistæ quos citant, & sequuntur Carmelitani *hic disput. 8. questione 3.* & sine dubio inclinatur in illam Div. Thom. tum quia *circa quest. 78.* dicit esse tres potentias, augmentatiuam, nutritiuam, & generatiuam; tum quia unicuique assignat distinctam operationem & obiectum, quæ sunt principia distinctionis potentiarum, nutritiæ enim assignat conseruationem, & reparationem substantiæ, augmentatiuæ acquisitionem quantitatis debitæ; generatiuæ productionem alterius viuentis. Tum denique, quia in fine corporis ponit, quod vna potentia deseruit alteri, ergo non est eadem potentia, sed distincta, quia eadem non seruit sibi ipsi, licet actus vnius potentie possit seruire & subordinari alteri actui eiusdem; sed D. Thom. non dicit quod vnus actus subordinatur alteri; sed quod vna potentia seruit alteri, ergo sicut quædo dicitur quod vnus actus deseruit alteri colligitur distinctio ipsorum actuum, ita quando dicitur quod vna potentia deseruit alteri, debet colligi distinctio potentiarum.

Et ex hoc sumitur fundamentum istius sententiae, quia inuenitur sufficiens distinctio in istis obiectis, & in modo operandi ad distinguendum istas potentias alio enim modo, & circa distinctum terminum operatur nutritiuam quam generatiuam, cum vna operetur propagando, & producendo simile distinctum à se, alia verò reparando partes eiusdem viuentis, scilicet nutritiuam. Augmentatiua autem respicit terminum genere distinctum, scilicet quantitatem non

prout consequitur naturaliter ad primam productionem substantiæ, sed prout acquiritur per veram mutationem, & motum procedendo de contrario in contrarium, ut ostendimus *q. 19. Physicor. & quest. 8. de generat.* ergo non minus petit motum, seu operationem, & potetiam distinctam quam alteratio & motus localis, quæ sunt ad diuersa prædicamenta. Ex alia autem parte istæ potentie propter suam materialitatem & imperfectionem non possunt, ita eleuari ut eminenter in se vniant tam diuersos actus & obiecta in aliqua ratione superiori, cum etiam anima sensitiua quæ perfectior est quam vegetatiua, non possit in vna potentia vnire eminenter omnes actus, & obiecta sensuum exteriorum vel interiorum, ergo probabilius est distinguere debere istas potentias.

Vnde non valet dicere, quod solum datur vna potentia respiciens plures actus inæquatos, qui omnes versantur circa vnum obiectum totale & adæquatum, scilicet alimentum, in quo diuersas illas operationes operetur vnica, & eadem potentia. *Nam contra hoc est,* quia si illa ratio aliquid probaret, etiam concluderet sensus internos, & externos esse vnā potentiam, licet habeat inæquatos actus, sicut etiam omnibus sensibus seruit vna anima, eo quod sicut animæ vegetatiuæ sufficit ad vnitatem potentie, quod versetur circa alimentum, licet diuerso modo secundum diuersos actus inæquatos, ita poterit dici, quod animæ sensitiuæ sufficit vna potentia, quæ versatur circa sensibile, diuersi autem modi immutandi sensus, dicentur esse diuersi actus inæquati eiusdem potentie, & præsertim cum hic etiam inueniatur subordinationis vnus ad aliud, sicut sensus externi seruiunt internis, & in internis sensus communis deseruit phantasie.

Vnde potius ista subordinatio vnus ad aliud est principium colligendi distinctas, potentias per se loquendo, & ab intrinseco, quia subordinatio limitationem dicit, & distin-

distinctionem postulat, idem enim sibi ipsi non subordinatur. Sed tamen possunt aliquando plures actus inter se coordinati pertinere ad eandem potentiam, & virtutem, quando inuenitur aliqua ratio superior, & vniuersalior sub qua vniuntur rationes illæ, quæ in inferioribus & limitato modo considerata distinctionem postulabant, sicut verbi gratia, intellectus, quia respicit res sub quadam vniuersali ratione, scilicet sub abstractione ab omni conditione materiali, quidquid in materialibus distinguitur, ibi vnitur. Et similiter sol, quia respicit omne alterabile, & corruptibile sub ratione quadam vniuersali, quæ omne corruptibile comprehendit, scilicet quatenus dependet, & continuatur cum primo alterante quod est incorruptibile, idè respicit omnia illa sub vnica ratione. Et quando ratio alicuius virtutis magis vniuersalizatur, tanto magis vnita est, & ad diuersos actus inadaptatos, & obiecta se extendit, è contra verò quanto magis particularizatur, tanto magis distinguuntur potentia, & adaptantur actibus, & obiectis diuersis. Non est autem aliqua ratio, cur in anima vegetatiua ponamus rationem, & modum operandi tam vniuersalem quod sub vnica ratione plures illos actus inadaptatos comprehendat, tum quia est infimi gradus in genere animæ, tum quia non supponit alias potentias magis inferiores, respectu quarum sit superior & illas vniat. Quare si semel in potentijs non habentibus vniuersalitatem & superiorem modum procedendi, ponimus vnitatem potentiarum, ratione subordinationis ad eundem finem, ferre omnes potentias sensitiuas & artes inferiores dicemus esse vnā virtutem, quia subordinantur inter se ad vnum finem, Tunc autem eadem potentia attingit finem & ea quæ ordinantur ad illum eadem virtute licet inadaptatis actibus, quando vel medium & terminus sunt eiusdem rationis, & specificationis, vel modo vniuersaliori respicitur formalitas aliqua superior sub qua

omnia illa materialiter contineantur.

Quod autem aliqui disputant, an distinguantur specie calor vitalis, elementalis, & coelestis, in se ipsa est parui momenti, neque enim calor dicitur vitalis, aut coelestis ratione alicuius intrinseci, quo in esse talis constituitur, sed ex ordine ad causam illam extrinsecam, a qua deriuatur & attemperatur, & modificatur, scilicet cet ad ipsum viuens & ad ipsum cælum, vt bene notat Caiet. prima parte, question. 118. artic. 1. circa solution. ad 3 sicut etiam calor arte distributus & dispositus, vt in concoctione cibi non est specie distinctus a naturali. Et hoc idè, quia omnes isti calores retinent eundem effectum essentialem & primarium, scilicet calefacere, aut reddere calidum, reliqui omnes effectus sunt consecuti, secundum quod a diuerso agente sic attemperante, aut modificante resultant.

SOLVUNTUR ARGUMENTA.

AD fundamenta supraposita patet ex dictis, debere distingui istas potentias, quia non sunt ita vniuersales, & sub ratione, altiori procedentes, vt possint ista obiecta & actus inadaptatos sub vna ratione superiori vniuersali vnire. Nec augmentatiua, solum, differt à nutritiua, quia fortior est, cum auget, quam cum solum nutrit & non, auget. Non enim est fortior intra eandem lineam, verbi gratia in generanda carne molliori, aut duriori seu alijs modis intra lineam carnis, ad hoc enim non requiritur alia potentia distincta, sed eadem perfectior facta. Requiritur autem alia & perfectior potentia, si producit perfectiorem effectum in linea distincta, scilicet, quatenus est acquisitiua maioris quantitatis, & debita perfectionis, & roboris; hoc autem requirit distinctam potentiam, quia licet versentur circa alimentum, diuerso tamen modo & ratione, nec respiciendo formaliter eundem effectum, licet respiciat corpus viuum, quia in eodem corpore viuo diuersi effectus inueniuntur, & diuersæ operationes

tionones petentes distinctas potentias, sicut diuersam operationem & formalitatem postulat effectus faciendi aliquid maius, aut robustius, quam reparare solum partes deperditas, sicut fit in nutritione. Nec est idem de calefactione, & illuminatione, quia hæc vniuntur in ratione aliqua superiori, scilicet in luce coelesti, quæ ad vtrumque habet eminentiam, in igne enim à diuersis qualitatibus prouenit illuminatio & calefactio, scilicet, à calore & luce. *Cum autem dicitur*, quod cessante augmentatione, cessabit potentia illa augmentatiua, tanquam superflua. *Respondetur*, quod non est superflua per se, & ab intrinseco, sed per accidens & ratione status, sicut etiam generatiua potentia non tollitur in sensibus, nec deest in pueris, licet actum exercere non possint. Et in resurrectione, omnia ista membra & potentia dabuntur propter integritatem hominis, non propter exercitium actus. Similiter ergo propter eandem integritatem manet augmentatiua, etiam quando non exercet actum suum. *Ad Aristotel. denique respondemus*, quod dicit eandem esse facultatem augentem, nunc & quæ erat à principio, sed non dicit quod illa quæ est à principio & post, sit eadem cum nutritiua. Et cū dicit esse eandem nutritiuam & generatiuam, intelligitur quod sit eadem genere, non specie.

Sed adhuc obijcies, nam ad producendam quantitatem non requiritur alia virtus, quam ad producendam substantiam materialem ad quam immediatè sequitur quantitas, ad producendam autem maiorem quantitatem sufficit addere nouas partes substantia, ita vt non plus deperdatur de substantia, quam acquiratur, siquidē quantitas non producit seorsum à substantia, & ita augmentatiua non habet distinctum actum à nutritiua, scilicet conuersionem alimentum in rem alitam quoad plures partes, ergo neque diuersum terminum ad quem, distinctum ab ipsa nutritiua, nisi penes plures, vel pauciores partes, quod non variat

Part. III. Phys.

formaliter & specificè illum terminum, sed accidentaliter. *Confirmat.* quia virtus producens quantitatem non est alia quantitas, cum quantitas nō sit actiua, & productiua, ergo erit virtus directè productiua substantia, & ex consequenti, quantitatis. *Patet consequentia*, quia si non est virtus productiua substantia, neque ipsa virtus est quantitas, ergo erit qualitas, quæ posterior est quantitate, & supponit illā, ergo non datur virtus per se primo productiua quantitatis, & exemplo patet in igne, qui augetur ex combustibilibus eadem virtute, qua generatur.

Respondetur, quod ad producendam quantitatem, siuè totalem, siuè partialem absolute, & vt passio quædam est substantia, non requiritur actio distincta à productione substantia, sicut ad producendas alias proprias passiones sufficit ipsa substantia productio, vt attingit secundo passiones. Ad producendam autem quantitatem sub tali statu & modo, sicut requiritur ad augmentationem, scilicet, quantitas vt maior & vt crescens, sic non est propriè passio, sed accidens, cum non habeat necessariam connexionem cum substantia viuentis, vt de se manifestum est, & ideo non mirum, quod distinctam actionem, & motum terminare possit. Addo, quod quantitas non est propria passio viuentis sub gradu viuentis, sed corporis sub gradu corporeitatis. Vnde quantitas etiam vt maior, & crescens non est absolute terminus augmentationis, sed vt constituens debitum statum viuentis, & in perfecto robore, & ad hoc non sufficit virtus nutritiua communiter, nec quomodocumque attingens quantitatem, sed virtus roboratiua ipsius viuentis, & constitutiua eius in maiori state, & incremento vitali, quod sine quantitate non fit. Sed tamen vt fiat, non sufficit virtus attingens substantiam, & ex consequenti quantitatem etiam partialem, sed sic attingens quantitatem, vt maius robur, & incrementum vitale faciat, quod non semper

K

facit

facit nutritiua, vt patet cum animal nutritur & non crescit, nec roboratur, sed infirmatur, & tamen acquirit partes de quod plura diximus, *question. 8. de generat.*

Ad conf respondetur, quod virtus sic augmentatiua quantitatis secundum statum perfectiorem viuētis & roboratiuum eius, non est virtus solius substantiæ productiua, nec est quantitas quæ actiua nō est, sed qualitas, quæ quidem supponit quantitatem non augmentatam in subiecto, producit vero quantitatem vt augmētatam, & sic tale augmentum quantitatis non supponit, sed est posterior illo, nec tamen est quantitas, sed qualitas, quia bene potest qualitas esse virtus ad producendum quantitatem, sicut ad producendum substantiam, quæ tamen ex genere suo est prior qualitate, sed quia qualitas operatur in virtute substantiæ, cui inhæret, sic potest aliam cui non inhæret, attingere, & similiter quantitatem. In igne vero & alijs inanimatis est dispar ratio, quia illa non habent augeri per se, & ab intrinseco, nec propriè nutriri, sed solum generare aliud ex materia sibi propinqua, quod cum sibi cōtinuatur, seu coniungitur, dicitur aggenerari & augeri, augmēto extrinsecus appposito, & consequenter per accidens faciente maius, quatenus generat ignem de nouo, & ille continuatur præcedenti, non quia intendit perfectiorem statum & robur, quod cum maiori quantitate detur illi.

Denique obijcies ad probandum, quod potentia nutritiua, vel augmentatiua non sit distincta à calore seu primis qualitatibus temperatis, quia si datur talis potentia, vel agit in alimentum aliquid præter calorem, vel nihil. Si nihil, superfluit: dicere autem, quod illa potentia dirigit calorem, explicari non potest quid sit illa directio, & quomodo erga calorem fiat. Si aliquid agit præter calorem, restat explicare quid sit, nam aliam potentiam non producit, vt de se patet; si autem aliquam primam qualitatem, ad illius productionem alia prima

qualitas sufficit imò ad producendam substantiam, sufficit ipsa qualitas prima, vel plurium qualitatum temperamentum in virtute substantiæ, istæ enim sunt dispositiones, quæ virtute substantiæ produciunt substantiam, ergo alia potentia superfluit. *Confirm.* quia in diuersis partibus animalis, vis nutritiua diuersos effectus producit, verbi gratia, neruum, ossa, carnem, sanguinem, &c. & hoc non ratione diuersarum potentiarum, alias multiplicarem tot potentias nutritiuas, quot partes eterogeneas, ergo ratione diuersi temperamenti, & dispositionis primarum qualitatum, & sic istæ sufficiunt ad producendum, per eandem enim qualitatem, vel qualitates, quibus pars aliqua disponitur, per easdem alimentum immutatur ad suscipiendam formam talis partis.

Resp. potentiam illam requiri vt distinctam à calore, quia effectus, qui producitur, non potest fieri modo vitali, nisi per potentiam vitalem, calor autem vitalis potentia non est ex sua natura, cum inueniatur in rebus inanimatis, licet deseruire possit instrumentaliter potentijs vitalibus, vt S. Thom. dicit *prima parte, quest. 118. artic. 1. ad 3.* sic ergo dicimus quod illa potentia aliquid facit præter calorem, tum quoad modum, quia vitali modo operatur effectū, quod calor non potest etiam immediate coniunctus animæ, quia non est potentia vitalis: tum quoad substantiam, quia formatio illa membrorum & organizatio, quæ sit totaliter à generatiua, & in partibus aduenientibus à nutritiua, non est effectus solum caloris, aut aliarum qualitatum, quia non est solum reddere calidum, aut temperatum, sed talis substantiæ & organizationis partem producere, quod requirit altiorem virtutem, sicut calor ignis sine virtute artis superadditæ, non potest disponere cibos, neque facere leberem ex ferro, nec enim calor vt calor delineat & componit artificium illius vasis. Et hoc vocamus dirigere & vtī calore vt instrumento, non

non directione cognoscitiua, sed impressiua virtutis vitalis, aut artificiosæ ad effectum vltra speciem calidi, & aliarum primarum qualitatium.

Ad conf. dicitur, virtutem nutritiuam esse vnā, quæ ob sui eminentiam habet in diuersis partibus eterogeneis diuersos effectus & formationes facere; & sicut generatiua in corpore extraneo, scilicet ex fætu format diuersa membra, nec pro quolibet membro diuersa potentia generatiua ponitur, ita nutritiua in proprio corpore ipsius viuētis, pro diuersis partibus diuersas formationes, & effectus, & temperamenta facit, non ratione diuersarum dispositionum tantum, sed ratione virtutis emētis iuxta diuersas dispositiones, illas diuersas partes vitaliter producentis. Et licet per illas qualitates disponatur alimentum seu materia, illæ tamen nihil producant in virtute propria, sed virtute potentie nutritiue vitalis, à qua mouentur vt diximus.

ARTICVLVS III.

An generatiua distinguatur ab alijs potentijs vegetatiuis, & qua potentia, ei deserviant?

Quod generatiua non distinguatur à nutritiua, sentiunt Auctores multi, qui vt in *precedenti articulo* retulimus non distinguunt augmentatiuam & nutritiuam, vt videri potest apud *Conimbriceni lib. 2. de anima capit. 4. questione vnica*, Rubio 2. *de anima tractat. de potentijs animæ vegetatiue, quest. 2.* & inclinatur Suarez *lib. 2. de anima, capit. 10.* licet tandem reseruat, quod virtus formatiua in generatione est longè distincta à virtute alente. Et facere videtur Aristot. in *hoc 2. de anima text. 42.* vbi inquit: *Quoniam eadem est vis nutriendi, & generandi, primum de alimento determinare necesse est, & in lib. 2. de gener. animalium, c. 4.* dicit: *Quod si facultas augens vegetalis anima est, eadem qua generet, quoque est.* Fundamentum vero fere consumitur in proban-

do, quod actus generatiue & nutritiue sunt eiusdem rationis formalis, & solū materialiter differunt, nam in primis ex parte modi operandi, vtrique actio est vitalis, & ex parte materie, vtrique vititur alimento, non quidem alimento extrinseco, sed intrinseco, quale est sanguis vel humor, & ex parte termini ad quem, vtrique versatur circa substantiam viuā, generatiua quidem totalem de nouo generando, nutritiua vero partialem. Est autem eiusdem rationis formalis respicere totum & partem, in substantia, sicut ipsa substantia totalis & partialis eiusdem rationis sunt. Et *conf.* quia in igne, verbi gratia, eadem est virtus generandi nouum ignem, & aggenerandi partem, ergo etiam in viuētibz. *Patet consequ.* quia viuētia eminentiorem virtutem habent, quam inanimata, ergo si ista possunt in vnica virtute vnire generatiuam & aggeneratiuā, à fortiori viuētia, aggeneratiua autē in viuētibz nutritiua est. *Conf.* 2. quia etiam nutritiua habet virtutem organizandi, sicut generatiua, ergo eiusdem rationis sunt. *Antec. constat*, quia per nutritiuam restaurantur partes animalis, quæ organizatione, & formatione constant, & similiter si fiat vulnus, vel abscindatur pars, restauratur à nutritiua, & continuantur partes, quod non fit sine formatione aliqua venarum, arteriarum, neruorum, &c. quæ omnia organizationem important. Quod si loquamur de ipsa virtute qua semen decoquitur, & fit ex sanguine, multo magis id videtur pertinere ad nutritiuam partem, quia semen fit ex decoctione sanguinis, qui est vltimum & residuum alimenti, illa autem actio decoctiua est virtutis nutritiue, sicut etiam decoquitur lac per virtutem nutritiuam; & non caret probabilitate, quod vasa seminalia ipso semine nutriuntur tanquam alimento, vnaquæque enim pars eo humore videtur nutriri, quem elaborat, alias haberet duas actiones, alteram elaborandi semen, alteram nutriendi ex sanguine, ergo tunc

pertinebit ad nutritiuam partem, seminis elaboratio.

In hac difficultate, vnum videtur certum, & à nemine posse negari, scilicet, virtutem illam semini inclusam, quæ in illis spiritibus valde subtilibus residet, distinctam esse saltem numero ab ea nutritiua, quæ est in viuento à quo deciditur, & similiter à nutritiua quæ est in viuento, quod generatur.

Constat hoc, quia semen deciduum est corpus separatum à generante & effectus eius, similiter corpus generatum est distinctum à semine, & ab eo causatum, & diuersa forma informatum, ergo potentia seu virtus quæ est in semine, ab utroque distinguitur, nec enim transit de subiecto in subiectum.

Difficultas est in duobus. Primum circa ipsam virtutem seminis, an sit non solum numero, sed etiam specie distincta à nutritiua, an vero in re nutritiua; licet ab actu quem exercet generandi, denominetur generatiua. Secundum, an illa virtus quæ elaborat, & decoquit ipsum semen, sit ipsamet nutritiua virtus, an vero alia potentia, quæ talem vim generatiuam imprimat semini.

Dico ergo primò, *virtus illa quæ est in semine deciso non solū individualiter, sed etiam specificè differt à nutritiua*. Sumitur ex D. Th. 1. p. q. 78. art. 2. vbi distinguit istas tres potentias partis vegetatiuæ, nutritiuam, augmentatiuam, & generatiuam. Specialiter autem de illa seminali virtute probatur, quia per nutritiuam solum fit aliquid simile ei, quod deperditur in eodem subiecto, vt si nutritur caro fit per nutritiuam pars carnis, & si nutriuntur ossa, vel nerui fiunt per nutritiuam partes ossium, & neruorum, & nihil amplius. At verò semen non conuertit materiam, circa quam operatur in semen, sed in membra, & partes corporis, & organizando illud quoad omnes partes suas: ergo illa virtus seminis alia est à virtute nutritiua, quia hæc magis limitata est, semen verò organizat totum corpus, & sic est virtus nobilior, quam nutritiua, & ad generatiuam ordinatur nutritiua, & au-

gmentatiua, vt dicit D. Tho. citato loco 1. p. Nec potest hæc virtus constitui, solum in aliquo calore quantumcumque cœlesti, aut vitali, quia omnis calor, neque est potentia vitalis, neque habet alium effectum per se nisi calefacere, virtus autem seminalis plures alios effectus facit tanquam virtus viuentis. Denique semen deciduum non viuit formaliter, quia non habet organa, neque est animal in actu, sed virtus emissæ ab animali, sicut cum sanguis, vel alius humor funditur, siquidem facta separatione non amplius informatur ab anima illius, à quo deciditur, alia verò anima non generatur de nouo in semine per solam decisionem, neque enim diuisio est sufficiens dispositio ad generandum de nouo animam in substantia ita rudi, & non organizata. Quare semen formaliter in se non nutritur, quia non assumit alimentum, neque etiam nutrit foetum, siquidem efformat ipsum, & organizat, vt introducatur anima, & antequam anima sit introducta, foetus non est capax, vt nutriatur, quia nondum est viuens, postquam autem anima est introducta, à propria virtute nutritur foetus, non per virtutem seminis, ergo virtus seminis non est virtus nutritiua, neque sui, neque alterius, sed distinctum obiectum habet à nutritiua, scilicet produrre aliud à se distinctum, non se ipsum alere, & nutrire.

Dico secundò: *potentia, quæ in ipso viuento est ad generandum, & cuius participatio est illa virtus relictæ in semine deciso, etiam est virtus distincta à nutritiua, & non est sola anima substantia & respicit vt principalem terminum, & effectum ipsam genitum, seu filium & habet ipsi semini imprimere virtutem formatiuam foetus, & spiritus viuaciores, & subtiliores*. Probabile est etiam esse eiusdem speciei virtutem generatiuam in animali masculo, & in femina, licet habeat diuersos actus accidentaliter distinctos intra eandem speciem, sicut est præparatio seminis, & resolutio illius, attractio, & retentio, & ministratio materia conueniens ad locum generationis.

Prima pars conclusionis probatur : quia ad minus eiusdem rationis est, vel eminentioris, virtus principalis quæ in agente residet, & quæ est decisa, & participata ab ipso, quia eundem finem, & obiectum vtraque respicit, & eundem terminum seu effectum operatur, sicut in igne calor emissus, & calor ipsius ignis eiusdem rationis sunt, quia eundem effectum & terminum respiciunt. Si ergo virtus, quæ est in semine decisa distinguitur à nutritiua, respicitq; obiectum formale, & terminum distinctum, scil. efficere propagationem producendo viuens distinctum à se, nō conseruationem proprii corporis; quod facit nutritiua, ergo similiter virtus generatiua, quæ est in ipso viuente, à qua deriuatur illa, quæ est in semine, non potest esse eiusdem rationis cū nutritiua, respicit enim similiter distinctum obiectum formale, scil. propagationem, & assimilationem rei distinctæ, nō conseruationem sui. Adhæc sufficienter colligitur distinctio istarum potentiarum ex distinctione organorum, in quibus resident istæ potentia, sicut ex hac ratione colligimus distinguere potentias sensitiuas, quia habent distincta organa, in quibus resident sicut visus est in oculo, tactus in toto corpore, &c. Constat autem potentiam generatiuam residere in peculiari organo, seu parte, qua deficiente, simpliciter animal est impotens ad generandum, nutritiua vero quoad aliquem actum, scil. decoctionem alimenti habet distinctum organum à generatiua, scil. ventriculum, quoad alium vero actum, id est, conuersionem ultimam alimenti in partes solidas est diffusa per totum corpus ergo istæ potentia differunt inter se.

Nec potest dici : quod est eadem potentia quæ in diuersis partibus corporis habet diuersos actus, iuxta diuersas earum dispositiones propter eminentiam talis potentia, sicut enim eadem virtus nutritiua in ossibus generat ossa, & in carne carnem, sic non repugnat, quod eadem potentia in vasculis seminalibus sit generatiua, & in alijs par-

tibus corporis nutritiua. *Sed contra est* : quia si hoc aliquid valeret, non esset aliqua ratio, quare non diceremus, quod omnes virtutes sensitiuæ essent vna, & eadem potentia, quæ in organo visus exerceret visionem, & in auditu auditionem, &c. propter eminentiam talis potentia, si enim parti vegetatiuæ, quæ imperfectior est, potest attribui vna potentia, quæ omnes illos actus in diuersis organis exerceat, cur parti sensitiuæ, quæ longè perfectior est non attribuetur eadem eminentia, & vnitas potentia cum diuersitate actuum in diuersis organis? Sed veritas est non dari talem eminentiam in istis potentijs, quæ adeo materiales, & corporeæ sunt, sicut iam supra ostendimus. Et sufficit, quod vnica anima omnia organa, & partes animalis informet, non autem quod vnica potentia omnes illos actus exerceat, potentia enim se habet vt virtus, & instrumentum operandi, quod iuxta diuersos actus, seu operandi modos distinguere debet. Diuersitas autem illa potentia nutritiua in generando carnem, vel ossa, vel nervos, &c. materialis solum diuersitas est, formaliter enim respicit eundem modum operandi, scil. per conuersionem alimenti restaurare perditum in quibuscunque partibus animalis. At verò generatiua etiā in isto modo operandi disconuenit cum nutritiua, quia nō respicit restorationem, & conseruationem eiusdem viuents, sed propagationem illius in suo simili. *Multò minus vrget quod aliqui dicunt* : potentiam generatiuam esse in omnibus partibus corporis diffusam, quia licet non omnes partes corporis possint generare, ex omnibus tamen elaboratur, & participatur semen, eò quod est virtus formatiua omnium membrorum in fætu, & ita ex omnibus membris generantis debet participari illa virtus. *Sed contra est* : nam præterquam quod medici cum Galen. in lib. de *semita*, communiter docent, non fieri semen ex omnibus partibus animalis, contrariatur manifestæ experientia, nam homo carent manibus, aut pedibus, aut oculis etiam

à natiuitate generat fœtum integrum, & non carentem illis partibus, ergo semen non attrahitur ab omnibus partibus animalis de facto, quas tamen de facto generat.

Secunda pars conclusionis probatur : quia habet eosdē actus virtus generatiua in fœmina & in masculo quantum ad speciem & substantiam termini, ad quem tendunt, scil. ad generandum fœtum, licet accidentaliter aliqui actus differant. Nam licet in fœmina sit virtus actiua ad ministrandum materiam siue sanguinis, siue seminis imperfecti, & ad congregandum illā in locum generationis, & probabilē etiā est, quod ad ipsam formationem fœtus habet actiuitatem semen fœmineum, certum tamen est se habere vt quid imperfectum & potentiale, & consequenter vt passiuum ad hoc, vt perficiatur spirituoso semine virili, & ideo licet coniunctum semini virili & commixtū, habeat actionem eiusdem speciei in ordine, ad productionem fœtus, & in hoc fundetur, quod sit virtus eiusdem speciei, tamen certum est, quod antecedenter ad istam actionem, in quam influit vt coniunctum semini virili, debet habere aliquos actus, qui non conueniunt virtuti generatiuæ masculi, sicut est attractio & retentio seminis virilis, congregatio materiæ, & alia similia, quæ illi conueniunt in quantum virtus fœminea est, id est, imperfecta & passiuia, perfectibilis autem ab actiuitate & viuacitate seminis virilis; sed tamen istæ actiones minus principales sunt, & solum deseruietes principali actioni, quæ est formatio fœtus, & introductio animæ. Et ideo quia in illa conueniunt specificē virtus generatiua fœminea & mascula, quia respiciunt eundem terminum actiuo modo, licet vna magis imperfectē & dependēter ab alia, vt à perfectiori, & in hoc quod est perfici ab alia passiuē se habeat, ideo probabile est vtramque virtutem esse eiusdem speciei. Illud autem est certum, quod ad resoluendum semen, non requiritur alia virtus distincta ab ipsa potentia generatiua animalis, vt aliqui po-

nunt. *Et ratio est* : quia virtus generatiua ex sua propria ratione est communicatiua sui, quia non potest attingere suum terminum, nisi communicando talem virtutem per decisionem & resolutionem seminis, ex quo tanquam ex principio coniuncto debet formari fœtus, ergo ad eandem virtutem & potentiam, ad quam pertinet producere & formare fœtum, quæ est virtus generatiua, pertinet etiam resoluerē & emittere semen, per quod talis formatio & productio vitaliter fit.

Ad fundamenta oppositæ sententiæ ex auctoritate respondetur : Illum locum Aristot. explicari à D. Thom. 2. de anima lect. 9. text. 41. quod est eadem virtus nutriendi & generandi genericē, & non specificē, quia scil. vegetatiua & generatiua ab eadem communi potentia animæ continentur, id est ab eodem gradu procedunt non tamen sunt vna, & eadem potentia proxima, sed vt ibi dicit D. Thom. nutritiua est quædam specialis potentia à generatiua.

Ad primum fundamentum ex ratione respondetur. Quod licet nutritiua, & generatiua versentur circa alimentum, seu vtantur illo, longē tamen diuersa ratione, vna enim respicit substantiam viuētis, vt propagandam in suo simili, altera vt restaurandam ab eo, quod deperditur. Vnde habent distincta organa in animali & distinctam mutationem postulant in suis actionibus. Quare si potentia sensitiva, quæ nobiliores sunt propter diuersum modum immutationis ab obiecto & diuersitatem organorum diuersæ potentia sunt, cur non etiam nutritiua & generatiua? Et sic non respiciunt totum & partem secundum idem, sed generatiua respicit totum distinctum & propagandum, nutritiua autem respicit partem, sed non illius totius, quod generatur, sed ipsius viuētis, quod restauratur. Et ad exemplum de igne & alijs inanimatis. *Respondetur*, ea non nutriri vt ostendimus in 1. de Gener. quest. 8. per se enim ignis non restaurat partes deperditas, sed solum ex materia

teria sibi apposita generat alium ignem. Quod si propinquus sibi sit, facit continuationem cum illo, & sic ratione continuationis dicitur aggenerare: sed hoc per accidens est, ratione scilicet continuationis, & propinquitatis ignis geniti, & generantis, per se enim solum ignis habet potentiam generatiuam ex materia sibi extrinsecus apposita.


Ad secundum respondetur. Quod in nutritiua est vis formatiua membrorum restaurando id quod amittitur respectu eiusdem viuentis, non vero ad propagandum sibi simile sicut in generatiua. Vnde nutritiua per se respicit partes materiales, & fluentes, quas restaurat sub eadem organizatione, quæ fuerunt. At vero generatiua per se respicit partes formales, id est, ipsam organizationem, & differentiam partium, quæ sunt in re genita, vnde nutritiua non valet per se producere partem integram etherogenam, v.g. pedem, vel oculum, si abscindatur, sed solum sub eadem parte fluentem materiam reparat, generatiua autem omnes partes, & omnia organa de nouo format in re, quam producit.

Ad vltimum respondetur. Quod in semine elaborando possumus considerare actiones duplicis generis, aliæ quasi præcedentes &

disponentes, aliæ, quasi consummantes, & ipsam vim seminalem imprimentes illi materiæ, ex qua fit semen. De primis non est inconueniens, quod pertineant ad nutritiuam, siquidem semen fit ex residuo alimentati, & sic supponit alimentum à nutritiua decoctum & dispositum, vt ministraretur semini, ideoque dixit D. Thom. 1. part. quest. 78. art. 2. quod generatiuæ deseruiunt nutritiua. & augmentatiua, sicque videmus foueri & accendi generatiuam ministrato fomite, & materia à nutritiua, ideoque maximum remedium reprimendi luxuriam, est abstinentia alimenti. Cæterum ipsa impressio virtutis seminalis non à nutritiua, sed à generatiua descendit, ideoque semen decisum non agit in virtute nutritiua, sed generatiua, nec assimilatur generatum viuenti, vt nutrienti se, sed vt generati. Quod vero vasa seminalia nutrantur ipso semine, vt aliqui existimant, vel communi sanguine, vt alij, & quod sanguis decoquatur ad purum, vt fiat semen, totum hoc pertinet ad nutritiuam, sed habet se antecedenter & dispositiue ad præparandum semen, non autem pertinet ad ipsam impressionem virtutis seminalis, qua constituitur vltimatus in ratione seminis, hoc enim fit à potentia generatiua.

Q V Æ S T I O VI.

De Anima sensitiua, & potentijs eius in communi.

 VONIAM anima sensitiua est illa, qua per cognitionem sensibilem potest operari, non possumus eius naturam inuestigare, nisi per operationem sensitiuam, & potentias quibus operatur. Vnde perfecta cognitio anima sensitiua explicatis sensibus, seu potentijs sensitiuis tam in communi, quam in particulari, earumque obiectis accipienda est, & sic primò tractabimus de potentijs sensitiuis in communi, deinde agemus de illis in particulari, tum de exterioribus, tum de interioribus.

ARTICVLVS I.

Vtrum sensus sint potentia passiva, vel actiua?

Certum est, omnem potentiam apprehensiuam versari circa aliquod obiectum, siquidem experientia constat, nos res aliquas cognoscere, & id, quod cognoscimus, obiectum est potentia. Certum est etiam, potentias istas operationem aliquam, seu actum secundum habere, cum aliquando experiamur nos cognoscere in actu secundo, & in vigilia esse, aliquando ab actu cessare, vel simpliciter ab omni actu cessando, sicut in somno, vel a cognitione peculiari alicuius obiecti.

Difficultas est: Quomodo obiectum comparetur ad potentiam cognoscitiuam, antequam eliciat actum, an videlicet potentia perfici debeat ab obiecto secundum aliquam intrinsecam mutationem, & ita passiuè comparetur ad ipsum obiectum, an verò obiectum merè extrinsecè se habeat, & potentia solum sit actiua in ordine ad suam operationem eliciendam. *Et secundo est difficultas,* quomodo operatio ista eliciatur, an à sola potentia, an à solo obiecto, potentia merè passiuè recipiente, an ab utroque.

Circa primum existimant aliqui non requiri coniunctionem obiecti cum potentia cognoscitiua antecedenter ad operationem, nec habere rationem principij concurrentis cum potentia, sed solum extrinseci termini, circa quod potentia operatur. Quod sentiunt omnes qui negant dari species intentionales, contra quos agemus *inf. quest. 6. art. 1.* Alij attribuunt sensibus rationem agendi & patiendi, ita tamen quod sint distinctae potentiae sensus agens, & sensus patiens, & in quantum agens format species, in quantum patiens recipit, quod attribuitur Ianduno, & Apollinari. Alij simpliciter fatentur potentiam sensitivam esse passiuam respectu obiecti, perficique ab eo mediante specie, ut possit in actum secundum, & operationem suam procedere, quae est

sententia communior, quae ideo admittit species intentionales, ut ab illis determinetur, & actuetur potentia ex parte obiecti ad eliciendum actum, qui iuxta diuersitatem obiecti variatur.

Dico ergo primò; *Obiectum coniungi debet potentia cognoscitiua, & concurrere cum illa in ordine ad eliciendam suam operationem & actum secundum.* Conclusio hæc constat illo communi axiomate apud Philosophos recepto *ex obiecto, & potentia, paritur notitia*, de quo videri potest D. Thom. 8. de Verit. art. 6. & 1. p. quest. 79. art. 2. & alijs locis *infra citandis*, & ex D. August. alijsque Patribus communiter in ore Theologorum versatur. *Et quidem fundamentum illius latius constabit ex tradendis inf. quest. 6. art. 2.* Vbi ostendemus dari species intentionales, quae loco obiecti concurrant cum potentia ad cognitionem. In presenti sufficit illam deducere ex ipsa natura cognitionis, quia cognitio versatur circa obiecta trahendo illa ad se, & per aliquam unionem, vel assimilationem ad ipsa, non enim respicit obiecto agendo in illa realiter, neque enim cognitio nostra immutat realiter obiecta, ut patet, cum aliquem videmus, qui ex eo præcisè, quod sit visus, non manet realiter mutatus; nec etiam respicit illa per inclinationem & pondus tendendo ad ea, hoc enim pertinet ad voluntatem, ergo respicit illa per assimilationem & coniunctionem aliquam intra potentiam cum obiecto; non potest autem aliqua potentia facere & operari coniunctionem & assimilationem cum aliquo, nisi ipso concurrente tanquam extremo coniunctionis, assimilationis, nec enim coniunctio & assimilatio fit sine concursu extremorum. Sed latius de hoc agemus *infra quest. 6. art. 2.*

Dico secundò: *Potentia sensitiva passiuè se habet respectu specierum, quibus vice obiectorum actuetur, tam in esse entitativo, quam in esse intentionali, sed per se, & principaliter in esse intentionali.* Non omnes conueniunt in hac conclusione, sed aliqui dixerunt obiectum

Etum concurrere ad cognitionem terminatiue tantum, non verò motiue vt Henric. *quodlib. 4. quest. 7.* Alij quod concurrat obiectum ad cognitionem ex æquo cum potentia, & quasi illi assistens, non per se illam informans, nisi quatenus species accidentia sunt, quæ entitatiue inherere debent, sicut reliqua accidentia. Quæ est sententia Scot. *in 1. distinct. 3. quest. 7.* & sequitur P. Suarez *lib. 2. de attributis negativis cap. 12. num. 6. & 10.* imò distinctionem illam de specie in esse intentionali, & in esse entitativo reijcit *in lib. 3. de anima, cap. 2. num. 16.* quamuis putetur desumpta ex Arist. *in lib. de mem. & reminisc. cap. 1.* & ex D. Thom. *3. contra Gent. cap. 52.* vt postea ponderabitur, & latius *inf. quest. 6. art. 2.*

Nihilominus sententia D. Thom. affirmat potentiam cognoscitiuam per se, & in genere cognoscitiuo pati ab obiecto, & ab ipso actuari & perfici, & non solum per accidens & in genere entitativo, quatenus species est accidens inherens, de quo videri potest *1. p. q. 77. art. 2.* & Caiet. *ibi, & 1. part. quest. 14. art. 1.* M. Bañez *ad eandem quest. 77. dub. 1.* & communiter alij Thomistæ, & Doctores, qui *infra quest. 6. art.* afferuntur. Itaque qui rationem potentie passiuæ, seu materialis vno tantummodo considerant, scilicet eo modo, quo materia recipit formas vel subiectum accidentia, qui est modus recipiendi entitatiue, & secundum constitutionem alicuius tertij, difficile intelligunt, quòd potentia cognoscitiua per se, & in genere cognoscibili se habeat passiuè erga obiectum, sed solum per accidens, quatenus species est accidens inherens, & passiuè per inherentiam debet recipi in potentia, sicut etiam recipitur in aere, quando ab obiecto transmittitur ad oculum. Remoto autem accidente, seu modo recipiendi per inherentiam, non inueniunt, quomodo obiectum possit informare, nisi per assistentiam, & concursum simultaneum.

At verò D. Thom. profundius scrutatus naturam cognoscitiuam, distinguit dupli-

Pars III. Phys.

cem rationem passiuæ receptionis, est enim passiuæ immaterialis, & passiuæ materialis. Materialis est, ad recipiendum aliquid constituendo aliquid esse cum illo, & sic recipitur aliquid tanquam pertinet ad se, & communicans in esse cum ipso recipiente, non autem recipitur aliquid tanquam pertinet ad alterum extra se, & non communicans secum in esse, quæcunque enim forma, siue propria, siue ab extrinseco proueniens, informando subiectum, ita redditur propria istius, quod non alterius, in quo recipitur. Et sic recipere formas est commune cognoscenti, & non cognoscenti. Passiuæ immaterialis, quæ non solum recipit formas proprias & ad se pertinentes, sed etiam potest recipere formam alterius, seu fieri alia à se. Et ideo notanter S. Thom. *1. part. quest. 14. art. 1.* ponit differentiam inter cognoscentia, & non cognoscentia, *quod non cognoscentia nihil habent nisi formam suam, cognoscentia autem possunt habere etiam formam rei alterius.* Vbi aduerto non dixisse D. Thom. quod cognoscentia possunt habere formam alteram, sed formam rei alterius, nam formam alteram potest habere quæcunque res, quæ recipit in se perfectionem aliquam, vel formam ab extrinseco prouenientem, nam illa forma est altera, id est, distincta à se, & ab extrinseco proueniens, sed non est alterius, quia hoc ipso, quod in se recipitur fit sua, ita quod non pertinet ad alterum, sed ad se, neque enim inheret, aut subiectatur in altero, & licet subiectaretur, tamen prout est in se informat, vt propria eius & vt sua. Cognoscentia autem in hoc eleuantur super non cognoscentia, quia id, quod est alterius, vt alterius, seu prout manet distinctum in altero, possunt in se recipere; ita quod non solum sunt id, quod in se sunt, sed etiam possunt fieri alia à se, sicut, quando video colorem, non fit oculus coloratus in se, sed color, qui est in alio realiter, ponitur intentionaliter, & visuè in oculo. Et ad hoc requiritur immaterialitas in ipsa potentia sic recipiente, vt

L

pro:

probat D. Thom. in eadem *quest.* 14. *art.* 1. & *quest.* 2. de Verit. *art.* 2. quia non potest vnum fieri alterum, seu trahere ad se formam alterius, ut alterius, in ipso esse materiali, & entitatiuò, in quo existit, sic enim posset fieri alterum, & trahere illud ad se, nisi per aliquam immutationem aut conuersionem vnius in alterum, & si ita fieret, adhuc non diceretur fieri alterum à se manente altero, sed transmutare illud in se, & fieri proprium. Receptio ergo ista debet fieri immateriali modo, quia non potest fieri secundum conditionem materiæ, cuius proprium est coarctare, & restringere formam, & reddere illam incommunicabilem vltiori subiecto, & componere cum altero secundum transmutationem in esse, & sic ut aliquid fiat alterum à se, & recipiat illud, non ut communicans in esse cum illo, sed ut alterum à se, oportet, quod careat illa conditione restrictiua materialitatis, & habeat conditionem amplitudinis, quæ vocatur immaterialitas. Quod totum videri potest in D. Thom. explicante hanc rationem cognoscibilitatis ex immaterialitate *prima parte, quest.* 14. *art.* 1. & *quest.* 2. de Verit. *art.* 2. ut etiam expendemus in *quest.* 6. *art.* 2.

Ex hoc ergo manifestè colligitur, potentiam cognoscitiuam formaliter in linea cognoscitiuæ esse passiuam, & actuabilem ab obiecto, nec sufficere, quòd illi assisat ad simul concurrentium cum ipsa. Ratio est: Quia potentia cognoscitiua ad habendum actum cognitionis dependet ab obiecto, siquidem actus quando egreditur à potentia, egreditur ut specificatus, & determinatus circa tale obiectum sed non procedit partialiter ab obiecto, & partialiter à potentia, sed vnico partu, & egressione procedit, quia egreditur ut actus vitalis, & egressione vitali, & per illam egressione participat quidquid in se habet tam quoad vitalitatem ex parte animæ, quàm specificationem ex parte obiecti, ergo cum partus ille, & egressio immediate fiat à potentia ani-

mæ, necesse est, quòd talis potentia prius in se perficiatur, & æsthetur ab obiecto. ut actus ipse per talem egressione participet id, quod ab obiecto habet, quia non habet nisi vnā tantum egressione, quæ necessariò est à potentia, quia vitalis est, ergo quidquid ab obiecto habet, prius supponitur esse in ipsa potentia, ut ex illa oriatur, sicut si filius habet vnā natiuitatem à matre, impossibile est, quòd egrediatur à patre, & per eius influxum, nisi matre prius suscipiente virtutem & influxum à patre, & ideo potentia, & obiectum in ordine ad cognitionem producendam comparantur sicut pater & mater, quia potentia fecundatur ab obiecto, sicut mater à patre.

Quòd si recurratur ad primam opinionem dicendo, quòd obiectum nullo modo inluit cum potentia, sed solum terminatiuè se habet respectu actus, qui à sola virtute potentie elicitur. Contra est: Quia obiectum non potest se habere terminatiuè tantum terminus immutatus per actum cognitionis, cum constet obiectum non immutari realiter per hoc præcisè, quod sit cognitum, cum cognitio sit actus immanens, & ita in quantum cognitio, non transit ad obiectum immutando ipsum realiter, ergo obiectum solum est terminus extrinsecè actus, ergo debet supponere intra ipsam potentiam, aliquod principium determinans & actuans ipsam ad hoc, ut possit elicere actum talis determinatæ specificationis, quæ desumitur ex tali obiecto, & per quod trahat illud ad se, & vniat secundum aliquam assimilationem, & cum fiat hæc unio, & assimilatio intra potentiam, vbi obiectum non est materialiter, & entitatiuè secundum modum, quo est in se, oportet, quòd sit secundum esse immateriale, seu intentionale, siue secundum similitudinem suam, & sic debet prius esse in ipsa potentia illamq; fecundare ut potentia possit vitaliter exire in actum, ergo obiectum non se habet purè terminatiuè & extrinsecè, sed motiue & intra potentiam, & fecundans illa.

Ex quibus colligitur, quod potentiam ut cognoscitiuam, & in linea cognoscibili obiectum informat, & vnitur ei alio modo unionis quam inherentiæ, quod & si neget Suarez vbi supra, sumitur tamen ex D. Thoma, 3. contra Gent. cap. 51. vbi inquit: *Quod Deus non potest esse forma alterius rei secundum esse naturale, sed secundum esse intelligibile, quia species vnica alicui intellectui non constituit aliquam naturam, sed perficit ad intelligendum.* Et idem videri potest in 4. distinct. 4. quest. 1. art. 1. in fin. & 3. de Verit. art. 1. Itaque aliqua forma vniuntur purè ad perficiendum aliud, alia verò ad constituendum aliquod tertium, & consequenter ad communicandum in esse, & hæc vocatur unio entitativa, & realis, non quia alia intelligibilis, realis non sit, id est, à parte rei, sed quia non ordinatur ad constituendam aliquam tertiam naturam per modum partis, ista enim compositio Deo repugnat, quia Deus nō potest se habere per modum partis, & ordinari ad componendum aliquod totum, sic enim esset imperfectius, & minus ipso toto, quia omne totum est maius sua parte, & omnis pars ita componit totum, quod perficitur in se, & non solum perficit. Unio autem intelligibilis, & intentionalis, qua obiectum in esse obiecti actuat potentiam, est purè ad perficiendum ipsam potentiam, nō autem ut obiectum perficiatur, & ideo est distincta unio à prima & non repugnat Deo, quia esse formā & informare, seu coniungi alicui purè perficiendo ipsum, & non ut pars seu forma, quæ perficiatur in se, non repugnat summæ perfectioni diuinæ. Sed de his vberius dicemus inf. q. 6.

Circa secundam difficultatem huius articuli aliqui existimant, sensum, ita esse potentiam passiuam, quod non solum actuat ab obiecto ad eliciendam sensationem, sed quod etiam ipsa sensatio, seu cognitio passiuè conuenit sensui, ita quod sensatio purè consistat in ipsa informatione speciei, non quatenus entitas inherens est, sed quatenus representatiua, & intentionaliter, seu vice

obiecti actuat, & informat sensum. Quod solet tribui Aegidio, Nipho. Veneto, & alijs, imò & Caietan. 2. de anima, cap. 5. Sed reuera Caietan. oppositam tenet, ut videri potest 1. part. quest. 79. art. 2. licet in illo loco de anima subobscurè loquatur. Alij existimant, sensationem esse quidem veram actionem, & non purum pati, sed elici solum virtute speciei, & non concursu actiuo potentia, sicut aqua calida non calefacit actiuè ratione aquæ, sed solum virtute caloris: sola tamen potentia recipit sensationem passiuè. Quod tribuitur Alberto Magno in 2. p. Summa de homine tract. de sensib. anima. Alij dicunt è cōtra quod sola potentia actiuè elicit sensationem, specie ipsa nō concurrente, sed representante obiecta.

Ceterum sententia S. Thom. & vera & communis est: Quod licet sensus, & potentia cognoscitiua sit passiuæ in recipiendo species, siue entitatiuè & inhæsiuè, siue intentionaliter, & representatiuè, potentia tamen actiuata, & secundata specie vice obiecti, actiuè elicit actum cognitionis, vnica & indiuisibili elicientia & partu, dependente à potentia secundata, nō autem partialiter concurrente specie, & partialiter potentia Sumitur ex Philos. 3. de anim. text. 8. & ex D. Thom. ibi lect. 7. & 8. & quodlib. 8. art. 3. inquit: *Quod sensus formati per species habent propriam operationem quæ est iudicium de proprijs obiectis,* & vbiunque agit de intellectu possibili ostendendo contra Auerroistas, quod non datur vnus intellectus in omnibus, sed in quolibet distinctus, id probat, quia operatio intellectus debet attribui cuilibet intelligenti, ut in questione de anima, art. 3. & de spiritualib. creatur. art. 9. & opusc. 16. contra Auerroistas; & vbiunque distinguit actionem immanentem à transeunte, actionem immanentem dicit esse cognitionem, vel volitionem, ergo sentit non consistere in pura passione.

Nec obstat, quod prima parte. quest. 31. art. 1. ad 3. inquit D. Thom. *Quod intelligere importat solum habitudinē intelligentis ad*

rem intellectam, in qua nulla ratio originis importatur, sed solum informatio quadam in intellectu nostro, prout intellectus noster fit in actu per similitudinem rei intellecta: si autem cognitio, & intelligere consisteret in operatione, importaret rationem originis, quia operatio origo quadam, & derivatio est ab agente. Vnde in Deo inuenitur formalissime cognitio sine operatione procedente ab intellectu quantum ad essentialia, alias distingueretur ab eo, ergo intelligere, & cognoscere ex sua propria ratione non importat operationem, sed informationem passiuam potentiae. Specialiter etiam loquens de sensu dicit: *Eius operationem perfici per immutationem à sensibili*, 1. part. quaest. 27. art. 1. & quaest. 85. art. 2. ad 3. ergo consistit in pati. Hoc inquam non obstat, quia D. Thomas loquitur de informatione vitali, quae sine operatione non potest dari. Obiectum enim dupliciter informat potentiam, vno modo vt principium cognitionis media specie impressa, alio modo vt terminus cognitionis in specie expressa, seu verbo intellectus. Et quando obiectum terminat in tali specie expressa, etiam habet habitudinem informantis, quatenus per cognitionem terminatam ad ipsum obiectum in esse cognito, & per modum termini fit vnum cum ipsa potentia perfecte, & in actu ultimo. Et in hac vnione formaliter importatur habitudo informationis in esse cognito, praesuppositiue tamen requirit operationem, quae est ipsa cognitio elicita à cognoscente, alias non informaret vitaliter, & in esse cognito ipsum obiectum in specie expressa: praesupponit etiam operationem non solum vt cognoscentem, sed etiam vt producentem ipsam speciem expressam, seu verbum, sed hoc habet illa operatio in quantum dictio, non vt praecise cognitio est. Vnde has operationes non negat D. Thomas. In Deo autem non est operatio accidentalis, quae actuatur in sam potentiam, sed est operatio actus puri, quae non distinguitur ab operante, sed est ipsa

eius substantia, & ita operatio non procedit in Deo, sed notionaliter procedit vna persona ex alia. Quod vero attinet ad sensum, dicuntur perfici in immutatione à sensibili, non quia solum passiuè immutentur, & non actiuè agant, sed quia nō agunt formando sibi verbum, aut idolum sicut imaginatiua, sed tantum ex motione obiecti operando, vt quaest. 85. citat. 1. part. significat, dicemus infra quaest. 6. & 8.

Et ex hoc sumitur fundamentum conclusionis posita, quia potentia actuata specie verè & propriè operatur & agit, siquidem habet actum vitalem, tunc enim cognoscens actu viuit, quando actu cognoscit, quia sicut viuens vita vegetatiua quando actu nutritur, vel generat, actu viuit in illo gradu vitae, ita quando actu cognoscit, actu viuit vita cognoscitiua, cum ergo talis actus vitalis sit, oportet, quod procedat actiuè à potentia, & non merè passiuè in illa sit, siquidem proprium est viuents se mouere, & in tantū est in actu secundo vitali, in quantum est in actu secundo se mouendi, & consequenter non patiendi, pati enim est moueri, mouere autem est agere.

Quod autem operatio ista procedat à potentia actuata obiecto, ita quod etiam ab obiecto dependeat, vt à principio ostendimus infra quaest. 6. art. 2. & similiter in quo genere causae concurrat species, an effectiuè, an formaliter. Sufficit nunc attendere verba D. Thom. prima parte, quaest. 86. art. 1. vbi inquit: *In actione qua manet in agente, oportet ad hoc, vt procedat actio, quod obiectum vniatur agenti, sicut oportet, quod sensibile vniatur sensui, ad hoc vt sentiat actu; & ita se habet obiectum vnitū potentiae ad huiusmodi actionem, sicut forma, quae est principium actionis in alijs agentibus, sicut enim calor est principium formale calefactionis in igne; ita species rei vise est principium formale visionis in oculo.* Et idem docet q. 8 de Verit. art. 6. Nec obstat quod actus sit perfectior specie vt potè vitalis, & sic non videtur posse ab illa dependere. Dicitur enim, quod hoc non infert

infert quod non possit ab illa pendere, sed non ab illa solum, sed ab illa vt complente, & determinante potētiam vitalem vt actus vitalis determinatus exeat, sicque in specificando & determinando actus non est perfectior specie. Quod verò non partialiter concurrat potentia, & species, sed vnica, & indiuisibili actione, vt bene aduertit Cajet. 1. p. q. 79. ar. 2. inde constat, quia quidquid in cognitione relucet pro indiuiso correspondet potentia, & obiecto, neque enim potentia influxum aliquem habere potest nisi determinatum, & specificatum per obiecta, neque obiectum concursum aliquem habere potest nisi vitalem. Quare vnicus, & indiuisibilis concursus est, scilicet vitalis determinatus, & specificatus, & quod specificationis est, habet ab obiecto, quod vitalitatis à potentia non tamen potest operari vnum sine altero, ita quod imaginemur influxum vitalem, & non specificatum, vel è contra, sed sicut in alijs agentibus idem est pro indiuiso influxus ipsius agentis, & virtutis eius determinatæ, & influxus in speciem rei & in substantiam, & indiuiduationem, ita & in potentia cognoscitiua vnus, & indiuisibilis est concursus virtutis vt vitalis, & vt determinatæ ad specificationem talis actus per speciem obiecti. Vnde patet non posse speciem esse totam rationem agendi, sicut in aqua calida calor, eo quod operatio cognitionis non potest totaliter prouenire à forma extrinseca, sed virtute vitali animæ, cum sit actus vitalis, ergo non potest se habere sicut calefactio aquæ calidæ, in qua operatio totaliter procedit à calore, vt ab vnica radice actiuitatis. *Nec potest instari* in lumine gloriæ, quæ est tota ratio operandi visionem Dei, & tamen non est aliquid vitale, ergo similiter posset dici, quod species est tota virtus operationis cognoscitiuæ, licet non sit aliquid vitale. *Sed contra est:* quia lumen gloriæ est tota virtus proxima, & proportionata respectu visionis, quia cum tota visio sit supernaturalis non potest habere pro

immediata, & proxima virtute proportionante aliquid naturale. Supponit tamen tantquam virtutem actiuam radicalem ipsam potentiam animæ, à qua est tota vitalitas radicaliter, vt proportionata autem, & eleuata respectu actus eliciendi, tota est à lumine. Cæterum species solum habet vice obiecti fecundare, & determinare potentiam non virtutem illi dare actiuam, neque radicalem, neque proximam. Vnde si respectu speciei, & actus ab ea procedentis merè passiuè se haberet potentia, & non actiue, consequenter, neque vitalitatem haberet operatio.

SOLVUNTUR ARGV- MENTA.

Primò arguitur: quia actiuum, & passiuum sunt rationes distinguentes potentias, vt patet in intellectu agenti, & possibili, qui hac sola ratione distinguuntur à D. Th. 1. p. q. 79. a. 3. & q. de anim. ar. 3. & 4. & alijs multis locis, ergo similiter dicendum est non posse potentiam cognoscitiuam esse simul passiuam, & actiuam, passiuam ad recipiendas species, & actiuam ad formandam cognitionem, sed vel id pertinere ad diuersas potentias, vel solum esse potentiam passiuam aut solum actiuam. *Confirmatur*, quia alias potentia vegetatiuæ ex suo genere essent perfectiores sensitiuis, siquidem ex suo genere sunt solum actiuæ, sensitiuæ verò prius passiuæ, quam operatiuæ, actiuum autem ex suo genere est perfectius passiuo, ergo quidquid sub tali genere continetur perfectius est, quam id, quod sub alio genere imperfectiori. Constat autem sensitiuas potentias perfectiores esse vegetatiuis, quia nobilioris animæ sunt.

Confirmatur secundo, quia ratio, quare sensus dicuntur potentia passiuæ est, quia alias possent se ipsas sentire, si non indigerent externo sensibili mouente, respectu, cuius passiuè se habent: hæc autem ratio instatur in ipso sensu tactus & in ipso intellectu, tactus enim sentit proprium calorem,

vt cum sentit ardorem febris, & intellectus intelligit se ipsum, ergo ex hoc non debet negari, quod sint potentia actiua. E contra etiam ex eo, quod ignis non possit se comburere, sed alia, non tollitur, quod sit actiuus, ergo nec ex eo quod sensus non possit se, sed alia sentire, non tollitur, quod sit potentia actiua.

Respondetur, actiuum, & passiuum non semper distinguere potentias, sed intelligi cum duabus conditionibus. *Prima*, quod actiuum, & passiuum sumatur respectu eiusdem, nam respectu diuersorum non repugnat, quod aliquid sit simul passiuum, & actiuum; potest enim pati ab obiecto, & agere seu operari respectu cognitionis, pati à causa superiori, & agere effectum. *Secunda conditio est*, quod actiuum, & passiuum subordinatè se habeant, vnum respectu alterius, vel saltem omnino disparatè, sic enim distingui debet passiuum ab actiuo, cui subordinatur, & à quo mouetur, & similiter ab illo, quod ad se nullo modo pertinet. Ceterum passiuè, & actiuè se habere cum aliqua coordinatione, & habitudine ad aliquem finem, vt quod aliquid patiatur ad hoc, vt agat talis passiuitas, & actiuitas nō distinguunt potentias, sed identificantur, dummodo illa potentia dicatur passiuæ respectu alicuius mouentis à se distincti, & actiua in ordine ad operationem, & hoc modo potentia cognoscitiua sunt passiuæ respectu obiecti mouentis, & actiua respectu operationis, quam eliciunt.

Ad primam confirmat. Respond. potentias sensitivas etiam poni sub genere actiuo, & non solum sub passiuo, quia patiuntur vt agant non vt nihil agant, vnde non distinguuntur contra genus actiuorum, ideoque eius nobilitatem participare possunt, idque multo perfectius, quàm potentia vegetatiua, quia ad perfectionem operationis ordinantur. Ad hoc, non omne passiuum etiam ex genere esse ignobilius quocunque actiuo, sed solum comparatim respectu actiuo, à quo mouetur, & cui subordinatur;

potentia autem sensitiva non subordinatur vegetatiuis.

Ad 1. confirm. Respond. Philosophum non ideo solum dicere, quod sensus est potentia passiuæ, quia alias sentiret se ipsum, sed docet debere pati ab exterioribus sensibilibus, eo quod non habet sensibilia omnia intra se, vt Empedocles, & alij dicebant, qui ponebant animam componi ex omnibus sensibilibus, & aliquid habere de omnibus intra se, ex hoc enim sequeretur, quod sine sensibilibus externis & sine mutatione facta ab ipsis, sensus sentiret se ipsum, & in se omnia sensibilia. Et tactus non sentit calorem sibi inhaerentem, sicut patet in eo, qui habet febrem ethicam, qui iam non sentit eam, sed solum calorem iuxta se positum, de quo amplius dicemus *infra*. Intellectus autem est reflexiuus supra se, & ideo potest pati in se ipso, non tamen secundum idem, sed ab alio actu præcedente directo, quod sensui non potest conuenire propter suam materialitatem. Ignis autem est actiuus in aliud extra se actione transeunte, sensus verò actione immanenti, ideoque si non pateretur à sensibilibus externis, sentiret se ipsum.

Secundo arguitur: si sensus sunt potentia passiuæ, eo modo dicentur passiuæ sicut intellectus, qui patitur recipiendo species à phantasmatibus, quæ se habent vt obiecta eius, ergo sicut intellectui possibili correspondet intellectus agens, ita sensibus correspondebit sensus agens; omni enim passiuo correspondet actiuum proportionatum, & sui generis, atque ita sicut intellectus patitur ab actiuo spirituali, quia à materiali non potest, ita dabitur sensus agens, vt intentionali modò moueat sensum, quia ille patitur modo intentionali. *Confirmatur.* Quia si sensus respectu operationis simpliciter est actiuus, & operatio est finis principalis illius, cur non dicetur simpliciter sensus esse potentia actiua, sed dicitur consistere in pati à Philosoph. in hoc 2. li. tex. 31. *Confirmat.* 2. quia eadē ratione probaretur, quod

quod voluntas est potentia passiva, quod tamen nullus dicet, siquidem voluntas est primum mouens quoad efficaciam, & executionem, & sic non potest esse potentia passiva. *Sequela probat.* quia ideo sensus dicitur potentia passiva, quia mouetur ab extrinseco obiecto, ut à principio specificatiuo, & non est in actu per se ipsum, sed per obiecta, sed etiam voluntas mouetur ab ipso obiecto ut à principio specificatiuo, ergo est in potentia ad ipsum, & sic erit potentia passiva.

Respondetur: sensum dici potentiam passivam sicut intellectus non respectu cognitionis, sed respectu formationis suæ, ut ponatur in actu primo ad cognoscendum, eo quod utraq; potentia debet actuari ab obiecto mediante specie, non tamen requiritur quod detur sensus agens, sicut requiritur intellectus agens; tum quia obiecta sensibilia per se ipsa, & ut sunt extra animam, sunt sufficienter sensibilia in actu ad emittendas species, & mouendum sensum, eo quod licet intentionaliter moueant, mouent tamen sensibiliter, & corporeè & hoc non excedit vim ipsius sensibilis corporei, quod est extra sensum, ut patet in obiecto visus, quod est ceteris perfectius, quod ita fit visibile in actu per lucem, quod non indiget alia luce, vel qualitate superaddita, ut intentionaliter moueat, & producat species, & terminet visum. Videmus etiam, quod remoto obiecto externo cessant species, & ita dependent ab ipsis obiectis in conservari, sicut lux à sole: ergo & in fieri, & non tamquam à causa materiali, quia obiectum non recipit species, sed emittit, ergo tanquam à causa efficienti, vel extrinseca specificante, ergo non indigent sensui agente, ad emittendas species, & mouendum sensum. Tum etiam, quia si daretur sensus agens, deberet existere in ipso animali, & non est assignabilis pars, vel organum, in quo sit, neque etiam si daretur, posset agere actione transeunte, & corporea in res varias, & distantes, sicut verbi gratia, cum

videmus coelum, quomodo posset noster sensus agens ex ipso coelo educere species non per se ipsum, cum non sit ei coniunctus, non per virtutem à se emissam, quomodo enim ex tam modico corpore & virtute, potest emitte virtus usque ad coelum, & inde reducere ad nos species, cum vix sufficiat totum corpus solis ad emittendam lucem ad nos, & reflectendum ad se. Sed de his latius dicemus *inf.*

Ad 1. confirm. respond. quod sensus dicitur potius potentia passiva, quam actiua, quando fit comparatio ipsius cum suo obiecto, à quo mouetur, quando verò comparatur cum sua operatione dicitur actiua. Est autem potior comparatio potentie cum obiecto: tum quia ab illo perficitur, & determinatur quoad specificationem operandi: tum quia per hoc magis distinguitur à potentijs vegetatiuis, quæ non mouentur ab obiectis, sed præcisè agunt circa illa. Tum, quia Aristot. in hoc præcipue impugnabat veteres Philosophos, qui existimabant, sensum non actuari ab obiectis externis, sed ipsam animam in se esse compositam ex omnibus sensibilibus. Unde oportuit monstrare, quod obiecta sunt extra animam, & ab ipsis mouetur sensus; tum denique, quia actiuitas sensus totum est in genere intentionalis, quod necessario præsupponit obiectum vniri ipsi potentie, & esse intra illam, & hoc est patet, loquen lo de passione largo modo, & ita per talem passionem melius explicatur actiuitas potentie intentionalis.

Nec obstat, quod etiam sensus potest agere actiuitate physica, ut cum alterat rem sibi coniunctam calore, vel frigore, aut etiam inficit aerem, vel speculum, sicut oculus menstruat, vel fasciantis. *R. s.* enim ista omnia non conuenire sensui, ut formaliter est cognoscitiuus, sed ratione temperamenti, quod materialiter se habet ex parte organi, in quo includuntur qualitates alteratiuæ, quæ si sint vehementes, possunt aerem alterare, & inficere, & etiam usque ad speculum se diffundere.

Ad 2. confirm. Negatur sequela: ad probat. Resp. quod potentia cognoscitiua non dicitur passiuā, quia quomodocumque mouetur, aut specificatur ab obiecto, sed quia mouetur trahendo res ad se per vnionem, & assimilationem ad obiectum; sic enim pati debet ab ipso obiecto, quia debet coniungi illi, voluntas autem inclinatur, & tēdit ad res. Vnde non patitur ab illis, sed tendit ad eas, & sic præsупponit illas iam esse vnitas in cognitione, & animam pati ab ipsis præsупpositiuē in cognitione intellectus, non formaliter in ipsa inclinatione voluntatis.

ARTICVLVS II.

Vtrum sensibile recte diuidatur in commune, proprium, & per accidens?

Difficultas hæc ad duo reducitur. Primo, vt constituamus differentiam inter ista sensibilia. Secundo, vt explicemus, quot sint sensibilia communia, quot propria.

Circa primum. Dico primo: *Recte diuiditur sensibile externum in sensibile proprium, commune, & per accidens.* Dico *sensibile externum*, quia sensibile commune non dicitur illud, quod à sensu interiori percipitur, proprium verò, quod ab externo, vt aliqui voluerunt apud D. Thom. 2. de anima lect. 13. & refert M. Bañ 1. p. q. 78. a. 1. dub. 4. notab. 3. Quod S. D. reiecit, quia obiectum sensus communis est illud ipsum, quod est proprium cuiuslibet sensus externi, licet altiori ratione cognitum ab ipso, neque enim imaginandum est, quod sensus communis percipit sensibilia communia tantum, non verò propria, omnia enim, quæ percipiuntur sensu exteriori, sensus communis attingit, & comparat inter se. Quare sensibile commune etiam desumitur per ordinem ad sensus externos, & dicitur commune, quia à pluribus sensibus externis attingi potest, sicut magnitudo à tactu, & à visu: proprium verò, quod ab vnico tantū sensu attingitur.

Igitur hanc diuisionem sensibilis externi

in commune, & proprium, & per accidens tradit Aristot. 2. de anim. tex. 63. D. Thom. ibi lect. 13. & 1. p. q. 78. art. 3. ad 2. & q. 17. a. 2. Et sumitur ratio diuisionis, quia omne, quod comparatur ad sensum tanquam obiectū, vel comparatur per se, vel per accidens; si per accidens, quia videlicet accidit ipsi obiecto, est sensibile per accidens. Si per se, vel est adæquatum illi sensui, & directè mouēs ipsum, vel non adæquatur illi, sed pluribus est commune, est tamen per se requisitum, vt sensibile moueat tanquam circumstantia aliqua illius v. g. quod sit extensum, figuratum, &c. Et primum est sensibile proprium, secundum est sensibile commune.

Dico secundo, *sensibile commune, & proprium in vno conueniunt, & in tribus differūt.* Conueniunt in hoc, quod vtrumque comparatur per se, & non per accidens ad sensum. Differunt primo, quia sensibile commune pertinet ad plures sensus, proprium ad vnum tantum. Secundo, quia sensibile proprium pertinet directè, & per se primo ad specificationem sensationis, sensibile commune pertinet vt modus ipsius sensibilis proprii, per se tamen requiritur eius modificatio ad sensationem. Tercio, quod circa sensibile commune contingit deceptio sensus, non tamen circa sensibile proprium. Sumitur hæc conclusio ex D. Thom. 2. de anima lect. 13. & 1. part. quest. 17. art. 2. & aliis locis statim citandis. Ratio prima partis est; quia sensibile commune ita pertinet ad plures sensus quod tamen conducit vt res aliqua sentiri possit, ita quod sine illa non possit sentiri, aut nisi per illam modificetur, vt tali modo sentiatur, sicut v. g. sine quantitate seu magnitudine non potest res aliqua sensibili, & corporeo modo videri. Similiter motus, & quies, & alia similia ita modificant ipsum obiectū sensibile, vt variare possint cognitionē, seu iudicium de ipso. & saltem ita afficiunt obiectū sensibile, quod sine aliquo ex istis accidentibus sentiri non possit, quia per sensus externos attingitur res in singulari, & prout exercet singularitatem, singulare autē sensibile per se de-

se dependet ab istis conditionibus, seu accidentibus, sine quibus singularitas non exercetur, ergo ita conducunt per se ad ipsam rationem sensibilis, sicut conducit singularitas.

Secunda verò pars conclusionis, quantum ad primam differentiam constat, dicitur enim sensibile commune, ut contraponitur proprio, ergo non potest esse solum vnius sensus, quia sic esset proprium illius, sed debet esse plurius. Non tamen requiritur, quod ad omnes sensus externos pertineat, sed sufficit quod ad aliquos, sicut patet de figura & extensione, quæ non percipiuntur auditu, & odoratu, bene tamen visu, & tactu. Tertia differentia infra examinabitur, ostendendo, quomodo sensus possit decipi circa sensibilia. Secunda verò differentia additur à D. Thom. lect. 13. citata. vbi inquit: *Quod quedam sunt, quæ faciunt differentiam in transmutatione sensuum, non quantum ad speciem agentis, sed quantum ad modum actionis. Qualitates enim sensibiles mouent sensum corporaliter, & situaliter: unde aliter mouent secundum quod sunt in maiori, vel minori corpore, & secundum quod sunt in diverso situ, scilicet vel propinquo, vel remoto.* Ergo secundum Diu. Thom. sensibilia communia non pertinent per se ad specificationem sensus, sed ad modificationem, quia sic debet esse modificatum obiectum proprium cuiuscumque sensus, ut sensibilibiter mouere possit in exercitio & hoc pendet à circumstantijs, quibus afficitur, & sine quibus in exercitio non mouet, ergo sensibilia communia per se pertinent ad sensum, non perfectitate specificatiua, sed specificationis modificatiua. *Et ratio est*, quia quod est per se primo specificatiuum, est etiam distinctiuum. ab eodem enim principio aliquid constituitur in specie, & distinguitur ab alio, sed sensibilia communia non distinguunt vnum sensum ab alio, quia communia sunt, ergo non possunt per se primo esse specificatiua. Et tamen ex alia parte conducunt per se & necessario ad hoc, ut

Pars III. Physic.

propria & specificatiua obiecta in exercitio moueant sensus, sicut dictum est, quia præbent aliquas condiciones, vel modificationes, sine quibus non potest corporaliter, & sensibili modo ista transmutatio exerceri, quia sine quâritate, figura, motu vel quiete non inueniuntur corporales & sensibiles transmutationes, ergo sensibile commune per se requiritur, non tanquam specificatiuum sensus, sed tanquam modificatiuum, & per se requisitum ad immutationem sensus à suo sensibili in exercitio.

Dico tertio: sensibile commune non immutat sensum per speciem distinctam à specie sensibilis proprii, sed in eadem specie representatur sensibile commune, tanquam conditio & modificatio sensibilis proprii, sensibile autem per accidens representatur in eadem specie tanquam subiectum sustentatiuum vtriusque, scilicet sensibilis proprii & communis. Hæc conclusio communis est inter aucthores, ut videri potest apud M. Bannez l. p. quest. 78. articul. 3. dub. 9. & Suarez tractat. de anima, lib. 3. cap. 8. num. 5. & apud Carmel. disput. 9. q. 2. licet non desint Thomistæ, qui oppositum sentiant ut refert M. Bannez, idque etiam attribuitur Scoto in 4. distinct. 12. quest. 3. Nihilominus nostra conclusio clarè deducitur ex D. Thom. loc. cit. ex 2. de anima. vbi dicit: *Quod sensibilia communia faciunt transmutationem sensuum non quantum ad speciem agentis, sed quantum ad modum actionis.* & 1. p. quest. 78. art. 3. ad 2. inquit: *Quod sensibilia communia non mouent sensum primo, & per se, sed ratione sensibilis qualitatis, ut superficies ratione coloris.* Ex quo sumitur fundamentum conclusionis, quia impossibile est moueri aliquam potentiam ab aliquo nisi ratione proprii specificatiui talis potentie, siquidem impossibile est, quod specificatum transeat limites, & adæquationem sui specificatiui, sed proprium, & formale specificatiuum cuiuscumque sensus est sensibile proprium illius, non autem sensibile commune, siquidem formale specificatiuum alicuius po-

M tentia

tentia debet illam à reliquis distinguere, ergo debet pertinere ad proprium sensibile, ut obiectum illius, quia si distinguit illam à reliquis, oportet quod sit proprium illius, ita quod non alterius, ergo ut sensibile commune moueat specificatiue aliquem sensum, oportet, quod non moueat ratione sui, sed ratione sensibilis proprii & induendo rationem formalem illius, ergo ut condistincta à sensibili proprio non possunt emittere speciem ad sensum, quia species emissa est quæ immutat, & mouet potentiam, potentia autem non potest moueri nisi sub ratione sui specificatiui proprii, si autem essent duæ species distinctæ, altera sensibilis proprii, altera communis, illa quæ esset communis, non repræsenteret sensibile proprium, & consequenter non repræsenteret rationem formalem talis sensus. Itaque sicut modificatio, seu modus non potest poni seorsum à re cuius est modus, ita sensibile commune, quod modificat proprium, non potest seorsum à sensibili proprio cuius est modus repræsentrari, præsertim cum ex istis modificationibus dependeat singularitas sensibilis proprii, & id eo si sensibile proprium repræsentratur in aliqua specie, ut singulare, iam ibi inuoluuntur sensibilia communia, à quorum modificatione singularitas illa pendet.

Dico quarto: Sensibilia communia sunt accidentia pertinentia ad quantitatem, & numerantur quinque principalia, scilicet figura, motus, quies, numerus, & magnitudo. Ad hæc reducuntur alia minus principalia, ut tempus, quod pertinet ad motum, vel quietem est enim realiter duratio, seu numerus motus, & similiter situs & locus, qui reducuntur ad magnitudinem, & figuram, situs enim est figura exterior, locus est magnitudo ambiens. Igitur conclusio posita est Aristot. hoc 2. lib. 1. tex. 64. ubi illa quinque sensibilia communia numerat, & Sanctus Thomas ibi lect. 13. & 1. part. question. 78. articul. 3. ad 2. ubi omnia sensibilia communia docet reduci ad quantitatem & numerat illa quinque.

Et quod ista quinque sint sensibilia communia constat, quia pluribus sensibus cognoscuntur, nam magnitudo oculis, & tactu percipitur, & similiter figura, numerus autem non solum per istos duos sensus, sed etiam per auditum, & alios potest percipi, motum etiam, & quietem visu, & tactu, & auditu cognoscimus. Quod verò non sint plura probatur, quia ista reducuntur omnia, quæ possunt cognosci pluribus sensibus, ex omnibus enim prædicamentis, substantia, & relatio per se pertinent ad intellectum, substantia quidem, quia per se non potest mouere sensum, nisi per aliquod accidens externum, quo reddatur sensibilis, remoto verò accidente, sola substantia non est cognoscibilis, nisi ut quidditas, quod est proprium obiectum intellectus. Relatio autem quia indiget collatione, & ordinatione, ut cognoscatur, quæ est propria intellectus. Reliqua omnia prædicamenta in his inuoluuntur, nam motus, & quies pertinent ad actionem & passionem cum aliqua extensione factam, inde enim extenditur motus; numerus & magnitudo ad quantitatem, ad quam etiam reducitur locus, & tempus, quatenus secundum aliquam extensionem dicuntur; figura pertinet ad qualitatem, sed quantitatis terminationem importat, ad quam etiam pertinent sensibilia propria & ad figuram reducuntur situs, & habitus, quæ aliquam externam figurationem ac dispositionem situationis important. Quare non est aliquod sensibile commune, quod ad ista non reducatur, eo quod omnia ista prædicamenta aliquid quantitatis, vel ordinem ad illa important.

Dico vitimo: Sensibile per accidens est substantia, cui tanquam obiecto inherent sensibilia propria, & communia; & distinguitur sensibile per accidens à sensibili per se, quia sensibile per accidens non pertinet ad obiectum sensus, nisi in quantum est subiectum obiecti sensus, vnde subiectiue trahitur ad rationem obiectiuam sensus. & sic verè & propriè attingitur à sensu, non ut ratio formalis immutans sensum

Sensum, sed vt subiectum cui per accidens inest ratio. Hæc conclusio sumitur ex Diu. Thom. in hoc secundo libro de anima lect. 13. vbi docet ex Philosopho, quod secundum accidens sensibile abicitur, vt si dicamus, quod Socrates est sensibile per accidens quia accidit ei esse album, hoc enim sentitur per accidens, quod accidit ei, quod sentitur per se, vnde nihil patitur sensus ab hoc in quantum huiusmodi. Addit infra S. Th. alias duas condiciones sensibilis per accidens. *Prima* quod accidat ei, quod per se est sensibile. *Secunda*, quod sit apprehensum à sentiente per aliam potentiam, ita quod non omnino lateat ipsum, apprehendaturque, vel per imaginatiuam, vel per intellectum. Quod verò sensus externus etiam aliquam notitiam habeat, ipsius sensibilis per accidens, licet ab eo non immutetur per se, sed mediante sensibili proprio manifeste dicit Sanct. Thom. 1. part. questione 17. art. 2. attingit enim sensus, externus totum illud quod ei obicitur, verbi gratia corpus coloratum. Et ita colligendo ex his rationem sensibilis per accidens, dicimus, quod sensibile per accidens generaliter potest dici omne illud, quod accidit sensibili per se, ita quod nec quoad substantiam, nec quoad modificationem per se respiciatur ab illo sensu. Et hæc generali ratione non solum substantia dicitur sensibile per accidens, sed etiam quodcumque sensibile proprium vnius sensus comparatum ad alium sensum, erit ei sensibile per accidens, sicut album dulce per accidens attingitur à visu in quantum dulce, sed hoc non facit, quod dulce sit sensibile per accidens, sed quod sit visibile per accidens, sentiri autem potest etiam per alium sensum; vt autem sit sensibile per accidens absolute, & respectu omnium sensuum requiritur quod à nullo sensu percipiat per se, & hoc solum potest esse substantia, seu subiectum ipsum cui inest ratio obiectiua sensus: sentitur enim non quia per se constituat, aut conducat ad rationem obiecti, siue tanquam specificans, siue tan-

quam modificans, sed quia suslinet, & recipit id quod præbet rationem obiectiuam visus vel alterius sensus, & sic percipitur, vt coniunctum obiecto, non vt constituens obiectum, vel conducat ad lineam obiecti, licet conducat ad sustentationem obiecti in suo esse. Cuius signum manifestum est, quia mutato subiecto, vel etiam omnino remoto, vt si accidens separaretur ab omni subiecto eodem modo poterit mouere sensum illud accidens separatum, atque coniunctum, mutato subiecto, vel non mutato, dummodo maneat sensibile illud proprium, cum sensibilibus communibus, quæ sunt modificationes per se requisitæ ad exercendam sensationem.

Vnde non obstat, quod subiectum ipsum, seu substantia non minus videatur debere pertinere ad circumstantias modificantes sensibile proprium, quæ ea, quæ quantitatis sunt, cum non minus constet requiri ad indiuiduationem accidentis substantiæ; quam quantitatem, singularitas autem requiritur ad hoc vt sentiri possit ipsum sensibile. *Hoc inquam non obstat*, quia sustentatio subiecti, qua substantiam recipit accidens, requiritur ad ipsum sensibile, non sub speciali ratione, qua sensibile est & obiectum, sed generali ratione, qua est accidens inherens, & in linea seu genere entitatio, quatenus illa inherencia, & ordo ad subiectum requiritur ad existendum, & ad ipsam indiuiduationem in genere entis. Et sic quia obiectum non potest mouere obiectiue, & in linea cognoscibilis, nisi supponatur habere existentiam, ideo requiritur substantia, seu subiectum tanquam sensibile per accidens, & vt aliquid præsuppositum in alia linea, & genere, scilicet in genere entitatio, non tamen formaliter constituens, aut conducat ad rationem ipsam obiecti, & motionem eius in sensu, sicut sensibile proprium, vel commune, siquidem si sine subiecto conseruetur sensibile, eodem modo mouebit sensum, non autem si mutetur sensibile proprium vel commune.

SOLVUNTUR ARGV-
MENTA.

Primo arguitur, Quia nō videtur rectē poni differentia inter sensibile cōmune, & per accidens, quia sensibile per accidens est illud, quod accidit sēfibili per se, sicut accidit albo, quod sit Socrates, vel Petrus, hoc autē reperitur in sēfibili communi nā accidit albo, quod sit in motu, vel quiete, quod sit talis magnitudinis, vel figuræ, ergo eodē modo erit sensibile per accidens. *Nec potest dici* quod licet sensibili proprio, v. g. albo accadat, quod in singulari habeat talem magnitudinem, vel figuram, tamen quod aliquam habeat non accidit albo, aliqua requiritur, vt possit mouere potentiam. *Contra est:* quia etiam requiritur, quod accidens sit in aliquo subiecto, licet per accidens sit, quod sit in isto, vel illo, accidens enim sine subiecto, est accidens in abstracto, non in concreto, quod sentiri non potest, ergo nulla est differentia inter sensibile commune, & per accidens.

Confirm. nam sensibilia communia non imprimunt speciem aliquam distinctam à sensibili proprio, vt dictum est, quia sunt extra rationem specificatiui potentie si secundum se sumantur, ergo non differunt à substantia, quæ etiam non sentitur per se, sed mediante sensibili proprio nam secundum se est extra latitudinem specificatiui sensus, & solum ab illo attingitur vt vestitur sensibili proprio, ergo ex hac parte nō est distinctio inter sensibile per accidens & commune. Ex alia autem parte videtur substantia magis pertinere ad sensibile commune quam quantitas, vel quæ pertinent ad quantitatem, quia substantia est radix talium accidentium & ipsa nihil operatur vel mouent nisi in virtute substantie cū operentur tanquā accidentia eius, sed quod se habet vt radix mouendi, & immutandi sensum non est per accidens sensibile, quia non per accidens mouet, nec per ac-

cidens est radix mouendi, sed per se, & per virtutem sibi propriam, quæ est proprium & per se sensibile, ergo.

Respond. quod vt supra diximus sensibile commune & per accidens, licet in hoc conueniant quod vtrumque accadat sensibili proprio, est tamen differentia, quod sensibile commune accidit sensibili proprio in esse rei, per accidens enim concurret quantitatis & qualitatis coniunctio in vno subiecto, per se tamen requiritur & per se modificat in esse obiecti sensibilis, vt mouere possit sensibili modo potentiam. At verò substantia per se requiritur ad sustentandum in esse & in genere entis sensibile proprio, non tamen vt per se modificans & conducens in ratione & modo sensibilis obiecti. *Et ratio est,* quia sensibile externum est aliquid apparens externe, substantia autem est interna quidditas, & de se latens. Vnde licet requiratur tanquam radix, & sustentans ipsa accidentia externa ea generali ratione qua omnia accidentia dependent à substantia, non tamen vt formaliter modificans aut pertinens ad ipsam sensibilem & externam apparentiam & rationem obiecti sensibilis, vt sensibilis seu apparentis externe, ad quod tamen conducit quantitas, seu ea quæ ad quantitatem pertinent, quia quantitas extendit quoad locum externum, & ea quæ quantitatis sunt, ad externam modificationem pertinent, & ita sensibilem apparentiam & motionem per se asficere & modificare possunt. Substantia autem ex eo quod latens, & ex eo quod radix est, non conducit sensibiliter & externe, sed entitatiue, sicut etiam relationes coniunctæ sunt ipsi sensibili, sed non per se conducunt quia occultæ sunt. Et licet requiratur, quod sit accidens in concreto vt sentiri possit, tamen non id requiritur formaliter ex vi conducentiæ ad sensibilitatē externam & apparentem, sed generali ratione ad omnia accidentium munera & entitatiuam existentiam; & ita substantia non requiritur per se formaliter ad rationem obiecti

obiecti sensibilis, sed per se radicaliter & in ratione entis.

Ad confir. Resp. ex dictis, quod sensibile commune etiam conuenit cum sensibili per accidens, quod neutrum emittit per se & seorsum à sensibili proprio distinctam speciem, sed in ratione modificandi speciem sensibilis proprii valde differunt sensibile commune & per accidens, quia sensibile commune per se modificat perfectate ipsius sensibilis, ut externe apparentis, sensibile autem per accidens non, licet in genere entis, & per modum radicaliter continentis & sustentantis sensibile, requiratur substantia, & tanquam quid occultum, non sensibiliter mouens externe aut modificans. Vnde ex eo quod substantia sit prima radix, & primum principium accidentium & virtutis mouendi sensibiliter, non sequitur quod per se conducat perfectate formali sensibilitatis externæ, & ut requiritur ad motionem externam, sed perfectate radicali, ut generaliter requiritur ad omnia accidentia in ratione entis, & cuiuscumque operationis, & sic ipsum obiectiue mouere radicatur in substantia, non ut in obiecto, sed ut in subiecto, ac proinde licet per se requiratur, ut in re existant talia accidentia, non tamen per se obiectiue, sed per se subiectiue.

Secundo arg. ad probandum. quod sensibilia communia & per accidens imprimant speciem sui peculiarem. Etenim species est naturalis similitudo rei, nec potest excedere rem illam cuius est species, nisi aliquid sibi addatur, ergo species coloris qui est obiectum visus, non potest representare figuram seu magnitudinem, quæ est sensibile commune nisi aliquid addatur tali speciei, quia res istæ sunt omnino distinctæ & primo diuersæ, scilicet quantitas & qualitas. & ita similitudo naturalis vnius, non potest esse alterius, debet ergo aliquid in specie addi, ut illud representet, & hoc quod additur est particularis representatio sensibilis communis. Nec potest per modum v-

nus species aliqua res ita diuersas aduare, nisi prout in aliquo tertio conueniunt hoc autem etiam in speciebus Angelicis, quæ sunt eminentissimæ, valde difficile explicatur, multo ergo minus conueniet speciebus sensibilibus sensibilitate externa. Et idem probatur de specie ipsius substantiæ, quæ necessario debet esse in oculo, alias non esset in intellectu, quomodo est autem possibile, quod species coloris representet hominem vel lapidem, nisi aliquid speciale ei addatur; & hoc quod additur, & peculiariter ei correspondet, species illius est.

Conf. 1. quia contingit inuariato colore & luce, variari visionem ex sola variatione sensibilis communis, v. g. ex diuerso situ, motu, vel figura, ergo necesse est variari speciem, si enim hæc non variaretur, neque visio, sed non variatur species coloris vel lucis, quæ sunt sensibilia propria, ergo species aliqua sensibiliū communium. Quod si nec ista variatur, ergo nihil omnino agit sensibile commune, sed se habebit sicut substantia, quæ est ipsum sensibile per accidens, & in ratione obiecti nihil omnino agit, nisi per sensibile proprium. Si verò aliquid agit sensibile commune, ergo speciem, non enim datur aliud, quod agat.

Conf. 2. quia aliqua sunt sensibilia communia, quæ attinguntur sine sensibili proprio, ergo sine specie sensibilis proprii, & tamen habent aliquam speciem, sine illa enim non sentirentur, datur ergo peculiaris species sensibilis communis sine sensibili proprio. *Antec. prob.* nam cum alicui infligitur vulnus, aut verberatur, sentit aliquid, scilicet dolorem, & tamen non sensibile proprium tactus, v. g. calidum aut frigidum, &c. sed diuisionem illam, aut compressionem partium, vel aliquid durum, seu asperum, quæ sunt sensibilia communia. Similiter, si manus tangeret cælum, sentiret ibi resistentiam & soliditatem duram, & non qualitates tangibiles, quæ sunt proprium sensibile tactus, cum cælum careat illis, ergo sentiri, potest sensibile commune sine

proprio. Ac denique cum aliquid videtur à longe & non discernitur eius color, vel cū clausis oculis sentitur opacū corpus, quod transiit ante illos, nec tamen tunc videtur color aut lux, ergo aliquid sensibile commune sentitur sine proprio.

Resp. quod vna & eadem species repræsentat obiectum, & modificationem eius, non tanquam duo obiecta, sed vt vnum, non enim species præsertim rei singularis & materialis, quæ præcisiua non est, potest repræsentare rem aliquam ita abstractam à modis & circumstantijs, quod nihil de modificatione repræsentet. Nec pro illa parte, qua repræsentatur ille modus, dici potest, quod est distincta species & directa repræsentatio saltem illius modi, dicitur enim quod species repræsentans aliquid cum aliquam modificatione, non respicit modificationem illam vt distinctum repræsentabile directe nec per distinctam repræsentationem, sed per eandem vt modificatam, sicut enim modificatio illa non est propriè obiectum, sed modus obiecti ita nec eius repræsentatio, est directa repræsentatio, sed repræsentationis modus, quod aliqui explicant dicentes, quod non repræsentat, sed exercet. Reuera tamen, licet repræsentet, non tamen vt per se directe repræsentabile, sed vt modum eius, quod per se repræsentatur. Nec inconuenit quod idem sensibile commune diuersis repræsentationibus repræsentatur, v.g. colore, sono, &c. quia hoc ipso, quod est commune, accommodatur singulis iuxta eorum capacitatem ibique diuersimode modificat. *Quod vero dicitur* non posse vnā speciem repræsentare plura per modum vnius, nisi sit eminentia, vt in Angelis *Resp.* quod eminentia requiritur ad repræsentandum plura obiecta per modum obiectorum sub ratione aliqua superiori vniente & manifestante illa. Ad repræsentandum autem plura, quorum vnum sit obiectum, aliud modificatio eius, non requiritur eminentia, sed potius quanto species est magis materialis & imper-

fecta, tanto minus abstrahit ab illis modificationibus, eaque concernit. Dicitur autem substantia esse in sensu, non per se seorsum à sensibili proprio, sed sub illo, & vt induta externa illa sensibilitate, sicque potest ad intellectum peruenire, nec requiritur vt aliquid sit in intellectu, quod sit in sensu sicut in intellectu, sed per effectus & accidentia sua.

Ad 1. confirm. resp. quod inuariato colore quoad substantiam & modum, non variatur sensatio, variatio autem colore quoad modificationem, v.g. quoad figuram, situm, &c. variatur diuersa sensatio etiam modificatiue, nec est necesse variari specificatiue ex parte obiecti directi. Illa autem modificatio sufficiet fortasse ad variandum accidentaliter intrinsece visionem, & individualiter, sicut de notitia abstractiua & intuitiua diximus in *Logica* q. 23 & in hoc differt sensibile commune à sensibili per accidens, quod sensibile per accidens, nec etiam modificatiue modificatione obiectiua variat sensationem, sensibile autem commune, licet non imprimat speciem conditionem simpliciter à proprio, benè tamen modificationem distinctam, vt ex D. Thom. explicatum est.

Ad 2. confirm. resp. quod attinet ad cœlum posse dici, quod habeat qualitates tangibiles positivæ & per se, si admittamus quod qualitates per se sensibiles non solum sunt calidum & frigidum, & aliæ primæ qualitates sed etiam durum & molle, asperum & lene, siue oriuntur ex primis qualitibus, siue ex alia causa proueniant, de quo q. 6. dicemus. cœlum autem durum est & solidum, & tersum, & sic sentiri potest, sicut sentitur fluidum & molle, &c. Si autē istæ qualitates non sunt per se primo tangibiles, aut ita se habent in cœlo, quod nō possunt agere actione reali in tactum, sicut requiritur ad sentiendum per illum, tunc solum negatiue sentietur durities in cœlo, quatenus ibi resistentiam aliquam experitur sicut cum ab Angelo aliquis impeditur, seu

seu detinetur, non sentit aliquam qualitatem tangibilem in Angelo, sed resistantiam aliquam negatiuam. Quando autem infligitur alicui vulnus, aut verberatur, id quod sentitur est durities corporis, aut diuidentis in vulnere, aut comprimantis in verberare, ex ipsa autem diuisione sentitur dolor, qui etiam pertinet ad tactum, ut dicemus *q. seq. art. ult.* durities vero est qualitas tangibilis est, ut ibi dicemus. Denique quando oculis clausis aliquod opacum sentitur, ideo est, quia palpebrae claudentes oculos, aliquid transparentium habent per quam admittitur aliquid lucis, & sic appposito corpore opaco lux ipsa magis impeditur, & sic sentitur opacitas.

Tertio arguitur contra numerum sensibilibus communium. Videntur enim ex vna parte esse plura, ex alia pauciora. Esse plura, quia tempus est sensibile commune, cadit enim sub sensum ut dicit Arist. *4. Phys. tex. 98.* & tamen non est proprium sensibile alicuius sensus determinari. Item situs, distantia, habitus, seu vestis cadunt sub sensum, & similiter raritas, & densitas, pulchritudo, & alia similia, asperum, & molle, & tamen non sunt sensibilia propria, quia pluribus sensibus percipiuntur. *Esse pauciora probatur:* quia quies & motus non videntur pertinere ad sensum, nam quies est aliquid priuationis, & ita non dicit rationem sensibilis, sicut nec tenebrae sentiuntur, motus autem, quia constat ex praeterito, & futuro, sensus autem non percipiunt praeteritum, nec futurum, ergo neque partes motus & praesertim per visum non potest percipi motus, quia visio est in instanti, motus autem, & quies in tempore. Denique numerus vel sumitur materialiter, & sic est magnitudo multiplicata, nec debet poni tanquam distinctum sensibile a magnitudine, vel formaliter pro numerabilitate, & sic solum pertinet ad intellectum numerantem, & non est sensibile commune.

Respondet ad ordinam partem argumenti, omnia illa, quae sunt sensibilia communia

contineri sub istis assignatis, quae ex Arist. numerauimus, quia omnia illa aliquid participant de quantitate. Et quidem si participant de quantitate continua, reducuntur ad magnitudinem, de qua aliquid participant situs, distantia, & vestis, quae istam quantitatem connotant. Si participant de discreta, reducuntur ad numerum, ad quem etiam reducitur vnitas, quia est principium numeri. Si participant aliquid de quantitate successiua reducuntur ad motum, ad quem etiam pertinet tempus, quod est duratio, & mensura motus. Pulchritudo autem sensibilis constat ex debita dispositione coloris, & figurae, id est ex sensibili proprio, & communi ut pertinent ad visum, unde & pulchra dicuntur, quae vna placent. Raritas vero, & densitas, asperum, & molle, grauitas, & lenitas ipso tactu sentiuntur secundum quod sunt qualitates tangibiles ortae ex primis qualitatibus, & praesertim grauitas, & lenitas prout important rationem ponderis solo tactu percipiuntur. Si autem in aspero, & leni solum attendatur id, quod situationis est, ad magnitudinem, & quantitatem reducuntur.

Ad secundam partem argumenti respondetur, quietem dupliciter sumi. Vno modo pro priuatione motus, & sic non sentitur positivè, sed negativè, ut tenebrae. Alio modo sumitur pro consistentia, seu immobilitate in loco, ubi non solum priuationem motus importat, sed etiam existentiam in loco, cum immobilitate, & sic sentitur positivè tanquam sensibile commune. Quod vero attinet ad motum, dicimus, quod partes eius possunt cognosci duobus liciter: vno modo secundum comparisonem praeteriti & futuri, & sic solum ab intellectu apprehenduntur comparante illas; alio modo considerantur sub ratione transeuntis praesentis, & ut opponuntur immobilitati, & consistentiae, & sic etiam per sensum attingi possunt, quatenus rem ipsam sensibilem transire videt, ipsaeque partes motus, ut praesentes transeunter discernit, non sub ratione praeteriti,

probat, licet enim coloratum in corpore opaco positum supra oculum non videatur, quia sua opacitate tegit visum, tamen si poneretur luminosum supra oculum non apparet, unde impediretur videri, de hoc autem nulla est experientia, quia luminosum igneum non potest poni supra oculum, dissolveret enim illum, luminosum autem ceteris multo minus nostris oculis superponitur. Quod autem color sit motuius diaphani ideo est, quia non inuenitur lux prope oculum, nisi diaphano ibi existente, si autem lux remaneret, color immediate per ipsam moueret potentiam. Experientia autem secundæ rationis æquiuecat de subtilitate attenuationis & proportionis, seu immaterialitatis, medium enim attenuat species, infirmando, reddendoque imperfectiores, non autem magis spiritualizando, & immaterialiores reddendo, sic enim viuacior, & perfectior redderet speciem, siquidem esse intentionale, & representatiuum speciei ex maiori immaterialitate crescit: unde si in medio species redderetur subtilior quantum ad immaterialitatem, perfectior esset in representando, cum tamen videamus per distantiam mediæ magis attenuari & imperfecti. *Nec potest dici*: quod principalior vis assimilandi est in obiecto, sed instrumentalis in medio, conducing tamen ut species immaterialior euadat, sicut manus est principalior vis mouens malleum, & tamen sola manus non ita perfecte mouet malleum, & facit ictum, sicut mediante ipso malleo. *Contra enim est*: quia species procedit ut naturalis similitudo ab eo, cuius est species, & sic toto naturæ impetu procedit, neque indiget medio, ut similitudo fortior euadat, impulsus vero non ita procedit à manu, sed potest ex densitate materiæ instrumenti, in quo recipitur, reddi fortior impulsus, nec tamen per densitatem redditur perfectior similitudo speciei. Præterquam, quod non constat nobis, quod medium sit instrumentum conducing ad perfectionem speciei, sicut instrumentum

Pars III. Physf.

manus ad recipiendum fortiozem impulsus. Denique, quia videmus obiecta videri à valde parua distantia inter oculum & obiectum, non apparet autem, quomodo in tam parua distantia subtilizari possit species in aliqua notabili proportionem respectu eius, quæ exit ab obiecto.

Quare efficacior videtur illa ratio, quam Caiet. insinuat *loc. cit. cap. 10.* quia si sensibile immediate positum supra sensum posset sentiri, non repugnaret videri aliquid sine specie, imò & ipsum sensum sentire seipsum, atque adeo reflectere supra se, quod repugnat eius materialitati & limitationi, ut dicemus *art. sequent. Sequela vero probat.* Quia species ut immediate exit ab obiecto non magis immaterialis exit, quam sit ipsa immaterialitas obiecti in se, v. g. quam sit ipsa lux secundum quam ipsum obiectum potest terminare sensationem, sine hoc, quod formetur idolum inter medium, in quo videatur, vel sentiatur, ergo si talis species prout immediate exit ab obiecto seruire posset sensui, non est cur ipsum obiectum lucidum factum, per seipsum non posset etiam seruire sensui. Quod si potest, ergo ipsa pupilla quæ in se lucida est, & ad alios oculos mittit species, cum videatur ab eis, poterit à se ipsa videri seu ab oculo in ea existente, & præsertim quando species primo exeunt ab ipsa pupilla, possent ei deseruire, ut se ipsam videret, cum enim in se habeat lucem receptam, à se primo incipit emissio speciei suæ.

Quod si dicas; non posse primam speciem produci ab ipsa pupilla, nisi in aere vel corpore à se distincto, cum non possit idem esse agens, vel passum, semel autem productæ species emittuntur per lineam rectam, non autem redeunt ad ipsum oculum. *Contra est*: quia casu quo res posset sentiri immediate posita supra sensum non indigeret specie emissa per lineam rectam, vel obliquam, sed immediate, & per intimam conjunctionem speciem emitteret, & sic quodcunque corpus intra oculum positum ut

N

san-

sanguis, spiritus vitalis, humor quicunque, & similia viderentur, imò & ipse oculus seipsum, quod est contra experientiam; nec idem ageret in seipsum, sed pars pupillæ exterior in interiorem. Denique hoc est conueniens operationi sensitivæ, quæ elevatio, & immaterialior est, quàm naturalis, ad alterationem autem, & motum naturalem requiritur indistantia applicationis inter agens & passum, quia agens naturale determinatur à sua materia, circa quam operatur, ergo conueniens est, quòd natura cognoscitiva sit aliquo modo independens à tali indistantia & contactu naturali, & sic operetur non existente sensibili supra se, sed aliquo modo distanti, & per aliquod medium.

Dico secundò. *Sensibile vehemens lædit organum sensus directè ratione actionis realis, seu alteratiue, quatenus immutat ipsam dispositionem organi, ratione autem actionis intentionalis præcisè non lædit organum per se directè, sed per accidens.* De primæ parte conclusionis non est dubium; cum experientia videamus vehementiam lucis solaris feruore suo dissipare spiritus, & temperiem organi. Et hoc ideo, quia actio naturalis est idem, quod alteratio physica, unde si vehemens sensibile habeat talem alterationem, ita poterit excedere, quod temperiem organi corrumpat, & sic lædat sensum.

De secundæ parte est difficultas, & aliqui Authores existimant, etiam ratione actionis intentionalis, qua emittuntur species, si vehementes sint lædere ipsum sensum, quia proportionem eius excedunt, quod cum pluribus Thomistis, quos citant, docent Carmelitani, *disp. 7. art. 4.* & M. Bañ. *1. parte, quest. 78. art. 3. dub. 5.* & Caietan. *3. de anima, super textum 143.* imò videtur esse D. Thom. *2. de anim. lect. vlt. & 3. de anima, lect. 2. super text 143.* Quibus tamen locis S. Thomas solum dicit, quòd sensibile excellens corrumpit proportionem organi sensus, sed tamen quomodo id faciat

actione naturali, an intentionali, ibi non explicat. Et Caietan. ipse *in solut. ad 2.* tandem docet, quòd actio sensibilis in sensu non est corruptiua, nisi per accidens, quod est excellentia sensibilitatis in obiecto. M. Bañez etiam *loco citato solutione ad primum in secunda responsione* maximè inclinat in aliam sententiam.

Sed tamen quod me maximè mouet, est, quia expressè ita tenet D. Thom. in additionibus, quest. 85. art. 2. quod est in 4. distinct. 44. quest. 1. art. 4. Vbi inquit, an oculus non gloriosus, possit videre lucem corporis gloriosi, & determinat, quod sic: in secundo autem argumento obijcit: *Quia claritas corporis gloriosi erit maior, quàm claritas solis, sed claritatem solis in sua rota oculus non potest aspicere. ergo neque lucem corporis gloriosi.* Et respondet; quòd *claritas intensa non offendit visum, in quantum agit actione anima, sed secundum hoc magis delectat, offendit autem in quantum agit actione natura, calefaciendo, & dissoluendo organum visus, & disgregando spiritus, & ideo claritas corporis gloriosi quamuis excedat claritatem solis, tamen de sui natura non offendit visum, sed demulcet.* Qui locus D. Thom. manifestissimus est, ibique ex professo distinguit inter actionem naturalem, & intentionalem in vehementi sensibili, quod in alijs locis non facit.

Et ratio huius est: quia læsio, seu corruptio organi est passio naturalis, siquidem ipsa temperies physica organi dissoluitur, alioquin non corrumpetur, si temperamentum eius physicum maneret illæsum, ergo requirit actionem naturalem, & non purè intentionalem, actio enim purè intentionalis solum infert effectum, & passionem intentionalem; si verò naturalem passionem infert, vel habet adiunctam actionem naturalem, vel eminenter habet facere id, quod actio naturalis, hoc autem secundum sine fundamento diceretur, quia non constat actionem intentionalem eminenter esse alteratiuam & corruptiuam.

Neque

Neque obstat, quòd sensus consistit in proportionem quadam, sensibile autè excellens excedit illam proportionem, & sic molestatur, & lædit. *Contra enim est*: quia ex hac improportionem solum sequitur, quòd sensus non poterit percipere, & intentionaliter moveri ab illo obiecto ita improportionato in ratione intentionali, non tamen sequitur, quòd dissoluetur temperamentum organi ab illa intentionali motione, nisi introducatur qualitates contrariæ, quæ illud temperamentum dissoluant, consistat autem illud temperamentum, ex qualitatibus naturalibus, unde nisi contrariæ qualitates ponantur, non dissoluetur; qualitates autem intentionales non contrariantur illis qualitatibus, cum solum sint representatiuæ, non autem naturaliter alteratiuæ, ergo ex præcisa motione intentionali, qualitates naturales organi non læduntur, nec destruantur. Et sic experientia testatur, quòd vel ipsum vehemens sensibile habet aliquam alterationem naturalem, verbi gratia, calescendi, vel disgregandi spiritus, aut ipsæ sensus nimia attentione, & conatu consumit spiritus, & calorem nimium excitat, quo lædatur organum.

SOLVUNTUR ARGV- MENTA.

Contra primam conclusionem fit argumentum ex quibusdam experiencijs, nam in tactu & gustu non potest negari, quòd sensibilia posita supra sensum cognoscantur, nam si ipsum sensorium tactus siue sit caro, siue nervus, pungatur ferro, sentitur maximus dolor, similiter res sapida supra linguam posita gustatur, imò & humor intra linguam febricitantis inclusus sentitur, & facit omnia gustari ut amara, ergo res posita supra sensum sentitur. Idem videmus de odoratu, quòd exhalatio odorifera intrat vsque ad membranas narium, & vsque ad ipsum cerebrum, & tamen sentitur. In auditu etiam aliquando experi-

mur sentiri sonum intra aures, ut cum digito premitur os auriculæ, & cum sit magna commotio aeris prope nos, ita ut intrare possit per aures. Denique in visu consistit aliqua animalia fulgorem ab oculis emittere, & illum sentire & clausis oculis videtur quidam splendor nobis oberrare, qui non est alius, quàm ille, qui intra palpebras positus tangit pupillam: ipsum etiam lumen ut videatur, debet continuari vsque ad oculos, ut ex Aristot. docet D. Thom. lib. de sensu, & sensatu. lect. 5.

Respondetur. Quòd in duobus sensibus, gustus & tactus, certum est requiri maiorem approximationem suorum obiectorum, quàm in alijs sensibus, non tamen immediatam coniunctionem, sed per aliquod medium, alias possent etiam accidentia sibi inhærentia sentire, quòd esset reflectere supra se, quòd repugnat sensibus ita materialibus. Quare semper requiritur aliquod medium inter sensorium tactus, & ipsum obiectum: medium autem est caro in lingua, vel in corpore, sensorium autem est nervus sub carne positus, ut sequenti questione latius dicemus. Quòd si sensibile immediatè tangat ipsum nervum ubi est sensorium, tunc illa pars, quæ afficitur immediatè ipso sensibili non sentit illud, sed pars ipsi proximior id sentiet. Quòd si sensibile occupat totum sensorium æqualiter, tunc una pars non agit in aliam, neque sentietur; sicut medium, quòd tali qualitate affectum est, non agit in organum eadem qualitate affectum. Si verò calor inæqualiter afficit sensum tactus, & ipsum tamen organum, non est incomueniens, quòd pars affecta maiori calore, sentiat minorem, & minor sentiat maiorem, quia species intentionalis unius partis recipitur semper in alia proximiori. Sed de hoc iterum dicemus infra, quæst. 7. art. ult.

Ad id quod dicitur de odoratu, respondetur, quòd quando exhalatio illa intrat, vsque ad cerebrum sentitur illa, quæ propinquior est sensorio odoratus, non quæ supra

N 2 illud

illud ponitur. Similiter auditus non sentit strepitum intra se factum, sed in aliquibus concauitatibus auriculæ iuxta sensorium auditus positus, de quo *sequenti questione*. De visu verò dicimus fulgorem illum, qui est intra pupillam non videri, sed qui inde emicat, & extra oculos diffunditur, sicut videtur aliqua animalia de nocte oculis radiare, & fulgorem emittere. Lumen autem continuatum vsque ad oculos non videtur, ut immediatum est ipsi pupillæ, sed, ut est in medio, vel obiecto aliquantulum distante, nec fulgor aliquis intra palpebras inclusus videtur, sed per ipsas palpebras, quæ aliquid perspicuitatis habens confusè videtur aliquis fulgor extra, præsertim si sit vehemens.

Secundò arguitur contra secundam conclusionem. Nam Aristot. 2. de anima, text. 123. dicit: *Quòd excellentia sensibilibum corrumpit sensum, quia destruit eius proportionem, seu temperamentum, & idem affirmat, lib. 3. text. 143. & D. Thom. super ista loca. Ratione etiam arguitur*: tum quia nimius fulgor excæcat oculos, ut si solem intentè videamus, lux autem non est de se qualitas corruptiua realiter, sed solum agens intentionaliter, ergo intentionalis actio corrumpit sensum: tum etiam, quia sensus intrinsecè consistit in quadam mensuratione, & proportionem, ut possit sensibilia sentire, ergo si sensibile excedat hanc proportionem, dissoluet illam, ut potè illi improporcionata, & excessiua. *Confirmatur*, quia experimur, quòd si sensibile sit excellens, sensus molestat, & tristitiam sentit, ergo ex tali dissonantia, & improporcionem potest etiam corrumpi. *Consequenter patet*, quia vnumquodque à suo contrario læditur, & corrumpitur intra illam lineam, in qua contrarietatem habet, sed sensus intra lineam intentionalem dicitur proportionem cum sensibili, ergo intra eandem læditur, & corrumpitur à sensibili, scil. intra lineam actionis intentionalis. Vnde quia aer, per quem transit species, non habet talem proportio-

nem cum sensibili in ratione sensibilis, ideo nullo modo læditur vel corrumpitur ab ipsis speciebus intentionalibus, in sensu autem est proportio cum obiecto in ratione sentientis, & cum speciebus intentionalibus, ergo lædi potest, & corrumpi ab actione intentionalis specierum.

Respondetur, tam Aristot. quàm D. Thomas in illis locis affirmare, quòd excellens sensibile corrumpit sensum, sed non explicare modum, quo id fiat, an scil. actione naturali concomitanter se habente cum intentionalis, an vero formaliter per ipsam actionem intentionalem, atq; ita nihil probant contra nos, præsertim cum ex D. Thoma *supra citato*, constet, quòd illa læsio sensus non fiat ab actione intentionalis, sed naturali. *Ad argumentum ex ratione respondetur*, quòd nimius fulgor lædit oculos ratione actionis naturalis, id est, calefactionis, eò quòd lux eminenter est alteratiua, sicut videmus, quòd calefacit lux solis, & sic nimis calefaciendo oculos, dissipantur spiritus, qui subtilissimi sunt, & sic lædit visum, quod non facit lux, quæ non est calefactiua, sicut de luce corporis gloriosi dixit D. Thom. *supra citatus*. *Ad secundam probationem dicitur*: quòd sensus consistit in quadam proportionem dupliciter, tum in actu primo, tum in actu secundo. In actu primo quantum ad temperamentum organi, & spirituum animalium, qui si dissipantur, impeditur sensatio. In actu secundo est proportio in attingendo obiectum cognoscitiuè, quod si non attingat, tristatur & lassatur potentia. Hæc secunda proportio destrui potest ex sola excellentia rei sensibilis intra lineam seu actionem intentionalem. Prima verò, quæ pertinet ad temperamentum primarum qualitarum non destruitur nisi per actionem naturalem, ut dictum est, & ideo non potest corrumpi, & lædi sensus sola intentionalis actione, seu repræsentatiua, nisi aliqua naturalis alteratio, & corruptiua ei adiungatur, vel eminenter contineatur in actione intentionalis.

Ad Confirm. Respond. Quod sensus mole-
statur à sensibili: Tum actione naturali dis-
soluendo organum & spiritus, aut ex ni-
mia attentione sentientis consumendo il-
los, quod totum pertinet ad alterationem
naturalem. Potest etiam contristari ab ex-
cellenti sensibili tristitia obiectiua, quate-
nus tale obiectum apprehenditur vt noci-
uum, vel si non sufficienter, res desiderata
cognoscitur, quod est intentionaliter lædi,
seu male affici. Et sic vnumquodque læditur
à suo contrario, læsio autem & corruptio
sensus in temperamento organi est corru-
ptio naturalis, nō intentionalis, & ideo na-
turali actione, vel qualitate naturali debet
fieri non à sola intentionalis, licet verum sit
quod si excellens sensibile non potest attingi
à sensu, quia improporcionatum est,
quodam modo lædi dicatur sensus in ge-
nere intentionalis. Aer autem non habet ta-
le temperamentum, & ideo neque ab inten-
tionalis actione, neque à reali illud amittet.

ARTICVLVS IV.

*Vtrum sensibus externis conueniat deceptio,
& reflexio supra suos actus?*

FERE ex eodem principio oritur, quod a-
liqua potentia admittat deceptionem,
seu falsitatem, & reflectat supra suos actus,
quia vtrumque videtur exigere aliquam
comparationem, seu collationem, ideo v-
trumque hic breuiter expediemus. Est au-
tem notandum duplicem esse veritatem vel
falsitatem: alteram iudicatiuam, & hæc est
conformitas, vel deformitas per modum
attributionis vnius ad alterum. Secunda est
apprehensiuæ, quæ solum est conformitas
repræsentationis, seu apprehensionis ad
rem repræsentatam.

Dico ergo primo: *In sensu externo non est
formaliter falsitas, neque deceptio, & dicitur
formalis falsitas, quæ contra ponitur formali
veritati, & consequenter est falsitas iudicati-
ua.* Est Diu. Thom. 1. part. quæst. 16. artic. 2. &
quæst. 17. artic. 2. quæst. 1. de verit. artic. 9. & 11.

Et ratio est: quia veritas, vel falsitas iudica-
tiua debet fieri per compositionem, vel di-
uisionem, quia respicit esse, vel non esse rei,
quod non significatur nisi componendo, aut
diuidendo. Hoc autem iudicium composi-
tionis est collatiuum, & consequenter non
potest inueniri in sensu exteriori, qui pure
apprehendit obiectum, non autem iudicat
comparando vnum alteri, & conferendo,
sed ex directa immutatione obiecti appre-
hendendo: vnde nec reflectit supra suum ac-
tum, vt statim dicemus.

An verò in sensu interno possit esse ve-
ritas, vel falsitas per modum iudicij, & non
solum per modum apprehensionis? S. Tho.
affirmatiue respondet in q. 1. de verit. art. 11.
vbi loquitur de sensu interno, & affert illud
Philosophi 4. Meth. *Quod sensus non est do-
minus falsitatis sed phantasia, & 1. p. q. 78. art.*
4. ponit, *quod sensus interior cognoscit inten-
tiones cum quadam collatione, & compara-
tione.* Vnde cum habeat collationem, &
discursum participet circa singularia, licet
nō circa vniuersalia, non circa substantiam,
non repugnat, quod iudicet de illis compa-
rando, & conferendo, & cōsequenter, quod
falli possit per inadæquationem, vel veri-
ficari per adæquationem ad rem.

Dico secundo: *In sensu externo per se non
est deceptio apprehensiuæ circa proprium sen-
sibile, non solum in communi, & quantum ad
rationem formalem, quam non potest trans-
gredi, v. g. quod visus non videat coloratum,
neque in communi, neque in particulari, hoc
enim est impossibile, sed etiam circa obiectum
proprium in particulari per se non decipitur
sensus, sed solum per accidens: circa sensibile
autem commune, vel sensibile per accidens be-
ne potest pati deceptionem.* Est D. Thom. tum
in 3. de anim. lect. 8. circa tex. 161. tum in 1. p.
q. 17. art. 2. & q. 81. art. 6. & q. 1. de verit. art. 11.
Quibus omnibus locis docet, quod circa
proprium sensibile sensus externus per se
nunquam decipitur, v. g. visus circa colorē,
si sit debite propositus, & medium, vel or-
ganum non sit indispositum, sed si medium
sit in-

fit indebite dispositum, aut organum non recte ordinatum, tunc non per se, sed ex illo accidente decipi potest circa colorem, sicut si medium fit infectum colore viridi, omnia apprehenduntur, ut viridia, & si lingua, quæ est organum gustus sit infecta humore amaro, omnia sapiunt amare. At vero circa sensibilia communia, aut sensibilia per accidens potest accidere deceptio ex ipsa propria ratione sensibilis communis, eo quod ab illo sensus non immutatur immediate, sed mediante alio, & hoc per se est occasio deceptionis, quia quod per alterum sentitur ex se potest latere, altero apparente, tota autem causa deceptionis inde nascitur, quod unum lateat, & alterum appareat, & hoc maxime contingit in deceptione apprehensiva, quæ iudicio mentis præbet occasionem deceptionis, eo quod apprehendit id, quod apparet, & non manifestat id, quod latet, sicut in colore apparet aurum id, quod in re est auricalchum, si enim totum apprehenderetur, & appareret, non deficeret ipsa apprehensio, & sic quantum est ex vi propositionis obiecti, iudicium non deficeret, nisi voluntarie se vellet auertere ab apprehensione facta, & tunc non esset deceptio, sed voluntaria auersio. Quod non contingit in sensibili proprio per se loquendo, & ex vi sua, cum per se immediate imprimat speciem, & moueat sensum, & sic per se immediate apparet, & non latet quoad aliquid, nec mouet secundum incommensurationem, sed sicut in se est.

Dico tertio: *Sensus exterior non est reflexiuus super actum suum proprium; neque super ipsam potentiam.* De hac conclusione diuersæ sunt sententiæ, quas refert M. Ban. 1. p. quest. 73. art. 3. dub. 10. imò & D. Thom. aliquando videtur sentire, quod in sensibus potest esse aliqua reflexio, quia cognoscunt se sentire, ut affirmat 1. q. de verit. art. 9. & 3. de anima lect. 2. & Caiet. 2. de anima c. 13. dicit, quod sensus sentit sensationem suam quoad an est, non tamen ut rem cognitam, & reflectendo supra se, quod est exercitè

cognoscere se sentire, non autem signate. Et hoc modo fere omnes auctores conueniunt in conclusione prædicta scilicet quod sensus non intelligit reflexe sensationem suam, aut se ipsum tanquam rem cognitam. Vnde D. Thom. aperte tenet, quod sensus proprius, seu externus non percipit suum actum, v. g. potentia visiva non percipit se videre, sed id spectat ad sensum communem, ut docet 1. p. q. 78. art. 4. ad 2. & in 2. contragent. ca. 66. ex eo probat distingui intellectum à sensu, quia sensus non cognoscit se ipsum, nec suam operationem, sensus enim non videt se ipsum, nec videt se videre, intellectus autem cognoscit se ipsum. Itaque sensus nullo modo reflectit supra se, ita ut respiciat actum suum, vel se ipsum tanquam rem cognitam, bene tamen attingit ipsum actum ut exercitum, oculus enim videns, hoc ipso quod videt, experitur se esse in actu, & non in otio, sicut quando in tenebris non videt.

Prima pars, scilicet quon non reflectat supra se tanquam supra rem cognitam, deducitur tum ex limitatione obiecti sensus; tum ex materialitate ipsius potentie, & organi, in quo est sensus. Ex limitatione quidem, quia obiectum adæquatum sensus externi, v. g. visus est res visibilis à qua immutatur, visibile autem est color lucidus, sed ipsa potentia visiva, & actus eius neque est color, neque est lux, si enim esset, impediretur videre alios colores, videret enim omnes ad modum suum, ergo visio, & potentia visiva non sunt res visibiles, ergo non possunt attingi à visu ut res cognita, & visa. siquidem quidquid non est visibile est extra latitudinem obiecti specificatiui, & adæquati talis potentie. Intellectus autem cum habeat pro obiecto ipsum intelligibile, & intelligibile sit ita vniuersale, sicut ens, etiam ipsa potentia intellectiva, & actus eius sicut comprehenduntur sub ente, ita & sub intelligibilitate, atque adeo ita sunt intelligentes, quod etiam sunt intelligibiles, & ita potest intellectus supra se reflectere, non autem

autem potentia visiva ; quia non est visibilis.

Ex materialitate etiam organi probatur. Quia potentia sensitiva operantur modo corporeo & dependenter ab organo corporeo , & ut immutata modo corporeo ab obiecto sensibili , sed nihil corporeum potest immutare se ipsum , siquidem omne corporeum agit , ut quantum & extensum , ergo dependenter à contactu , contactus autem non est eiusdem ad se , sed unus ad alterum siue partis ad partem , siue totius ad totum , ergo immutatio sensibilis non potest fieri eiusdem ad se ; sine immutatione autem facta ab obiecto non fit sensatio , quia debet moveri à præsentia obiecti. *Qua est ratio D. Thom. 1. p. quest. 87. art. 3. ad 3.* In intellectu autem non currit , quia non oportet moveri semper ab obiecto , sed potest ipse formare speciem sui ad instar alterius , & cognoscere se. *Et si dicatur* , quia etiam spiritualis potentia non potest agere in se ipsam , alias esset idem agens , & pariens , mouens , & motum. *Respond.* Quod intellectus etiam quando se intelligit non est simul mouens , & motum quia mouet se ipsum , in quantum est factus in actum per speciem obiecti , & inde ad instar illius format speciem sui actus tanquam de uno actu se moueat ad alium , ad quem est in potentia. Sensus autem non potest sic reducere se ipsum de potentia ad actum , quia cum sit corporeus , oportet , quod operetur aliquo contactu , non autem solum transeundo de uno actu ad alium in eadem parte , per diuersas autem partes non potest operari , quia una pars organi non habet totam potentiam , & alia pars aliam potentiam , ut una operetur in aliam , nisi forte in sensu tactus , qui ita est extensus per totum corpus , ut una pars agat per contactum in alium , sed hoc non est reflexio , quæ requirit redimensionem super eandem potentiam & eandem partem , in quantum est eadem.

Secunda verò pars , quod sensus exterior attingat actum suum , quoad exercitium licet non ut rem cognitā in actu signato , con-

stat , quia sensus exterior operatur experiendo id quod cognoscit , & non modo inanimato , nec potest attingere obiectum , nisi ut in exercitio cognitum , quia attendendo , & aduertendo illud attingit , ergo cum aliqua cognitione sui actus in exercitio. Vnde etiam in sensu datur maior , vel minor attentio , & aduertentia , quod utique non est sine aliqua experientia maiori , vel minori ipsius cognitionis erga obiectum.

Ceterum attingere ipsum actum sensationis externæ , v. g. visionis ut rem cognitā , pertinet ad sensum communem , ut affirmat Aristoteles lib. de somno & vigil. c. 2. lect. 3. apud D. Thom. & in 3. de anima text. 136. quia scilicet aliquo sensu sentimus nos videre , & non sensu proprio , ergo sensu communi , ubi manifeste supponit sensus proprios , seu externos non reflectere supra se ad cognoscendum proprios actus , sed id pertinere ad sensum communem.

SOLVUNTUR ARGUMENTA.

Primò arguitur ad ostendendum , quod sensibus conueniat deceptio , & falsitas iudicativa , vel non conueniat apprehensiva. Nam D. Thom. quest. 1. de verit. artic. 11. dicit : *Quod veritas , & falsitas in sensu proprie dicitur secundum quod iudicat de sensibilibus* , est ergo in sensu falsitas iudicativa. Deinde si non ponitur falsitas apprehensiva maxime est , quia sensus immediatè informatur à specie proprii sensibilis , hoc autem sæpius contingit falli , potest enim ratione distantia aliquod album iudicari nigrum , & cælum apparere cæruleum , & in iride apparent colores , qui veri non sunt potest etiam sensibile proprium ita paruum esse , quod non sufficiat mouere potentiam , ergo circa illud poterit decipi sensus. *Quid si dicatur* , hoc esse per accidens propter impedimentum potentia , vel medij , & distantiam obiecti. *Contra est* , quia etiam circa sensibilia communia non accidit deceptio nisi ratione alicuius impedimenti , si enim medium ,

medium, & organum sint recte disposita, & in distantia proportionata ponatur obiectum, semper videtur magnitudo, & figura sicut est in se, siquidem species, quæ informat circa sensibile proprium, etiam informat circa commune tanquam à quo modificatur, ergo non est aliqua differentia inter sensibile proprium, & commune quoad deceptionem.

Confirmatur; Quia sensus, ut decipiatur circa aliquod obiectum, debet apprehendere ipsum aliter quam est, sed non potest apprehendere sensibile commune per propriam speciem illius, alias apprehenderet illud sine sensibili proprio, quod supra reieciimus. Ergo apprehenditur per speciem proprii sensibilis, illa autem species repræsentat naturaliter totum id quod repræsentat, ergo si repræsentat sensibile proprium, & commune, sicut non potest decipi circa sensibile proprium, ita nec circa sensibile commune ibi inclusum, quia utriusque est naturalis similitudo.

Respond. ad authoritatem D. Thom. quod ibi loquitur de sensu interiori, ut patet in illo met articulo in ultimis verbis corporum, ubi distinguit de sensu, qui cognoscit rem præsentem, & de imaginatione, quæ rem absentem, & hanc dicit, frequenter decipi, illum verò non nisi organum, vel medium sit impeditum. Et ita sensus, qui iudicat de sensibilibus, ita ut sit in illo falsitas, vel veritas, est sensus interior, non exterior. *Ad rationem Respond. solutione ibi data.* *Ad replicam Respond.* Quod circa sensibile commune per se loquendo potest contingere deceptio etiam positis illis conditionibus, ut quando prope nos videmus lignum intra aquam, & videtur ut diuisum, & tamen non est distans, neque medium est indebite dispositum, neque organum. Itaque circa sensibilia communia, & per accidens contingit deceptio ex ipsamet ratione talis sensibilis, quia non apparent sensui per se, sed per aliud, & ita fundare possunt latentiam unius, & apparentiam alterius, quod est causa de-

ceptionis. Et quando urgetur, quod sensibile commune informat per speciem sicut sensibile proprium. *Respond.* Quod informat mediate, scilicet per sensibile proprium, unde non apparet, neque informat æque immediatè, sed ita quod potest latere, & præbere occasionem deceptioni.

Ad confirm. Resp. Quod sensibile commune non apprehenditur per speciem propriam, & seorsum à sensibili proprio, sed modificans illud, & talis modificatio repræsentatur quidem naturali repræsentatione, sed non æque immediatè cum sensibili proprio, & ita potest còfusius informari ab illa specie quoad sensibile commune, & apparentius, seu manifestius quoad proprium, stante autem apparentia unius, & latentia alterius, seu minori apparentia potest formari iudicium adæquatum circa id quod apparet, & minus adæquatum, seu rectum circa id, quod per se non apparet, & ita datur occasio deceptioni iudicando solum rationem maioris apparentiæ; de eo verò quod magis latet non iudicando sicut est, & sicut apparet per aliud; in una autem specie licet multa repræsententur naturaliter, sed non omnia æque immediate, & clare, sed inuoluta, sicut in specie hominis repræsentatur quantitas, qualitas, actio, substantia, & alia multa, quæ non omnia æque immediate repræsentantur, & ex apparentia unius fit deceptio ad latentiam alterius.

Secundo arguitur contra tertiam conclusionem: quia in primis est contra D. Thom. qui dicit: *Quod sensus vedit ad se, licet non reditione completa, quia scilicet cognoscit actum suum, licet non essentiam suam, ut constat ex questione 1. de verit. artic. 9. & in 3. de anima lect. 2. imò Aristot. ibid. tex. 138. ponens argumentum, quod visu non sentimus nisi colorem, sed visio non est color, ergo non videmus nos videre. Respondetur,* quod etiam visu discernimus rem non coloratam, ut tenebras, & quod visio licet non habeat colorem in esse intentionali, habet tamen in esse spirituali, seu intentionali, quia sensus

sensus, & sensibile idem est. Sentit ergo, quod sensus cognoscit actum suum, & ita non indiget sensu communi ad illud cognoscendum. *Deinde*, quia aliquis sensus debet reflectere supra se, constat enim, quod per aliquem sensum cognoscimus nos videre, & audire, vel ergo per eundem, & sic est intentum, vel per alium, & de illo idem inquireretur, quomodo cognoscatur actus eius, & sic vel erit processus in infinitum, vel deueniemus ad aliquem sensum, qui reflectat supra se, materialitas ergo non obstat reflexioni.

Confirm. Quia si sensus communis, v.g. & non proprius sentit ipsum actum visionis, ergo etiam sentiet colorem, qui est obiectum visionis, alias non perciperet distinctionem visionis albi à visione nigri, sed color cum sit specificatiuum visus, non potest pertinere ad duplicem potentiam, ergo non cognoscitur à sensu communi, sed à propria potentia visiva. Neque etiam apparet, quomodo visio speciem sui producat in sensu communi, ut possit illam percipere.

Respond. Quod attinet ad mentem Aristot. & D. Thom. satis clare colligi ex locis supra adductis; ubi aperte negant istam reflexionem. Et ita loca allata possunt dupliciter intelligi. Primo, quod quando ponunt sensum reflectere, seu redire ad se imperfectè, seu incomplete, loquuntur de reflexione, non quæ respicit actum, ut rem cognitam, quæ est perfecta, & propria reflexio, sed quæ respicit actum ut in ipso exercitio expertum, & sic sentiendo, & experiendo obiectum, cognoscitur actus, quo tangitur.

Secundo Respond. Quod quando dicunt sensum redire ratione incompleta, loquuntur non de sensu externo solum, sed de toto genere sensibilis cognitionis includendo etiam sensum communem, & sensus internos, & de toto isto genere, seu collectione est certum, quod in sensu, id est in toto isto genere potentiarum sensitiuarum datur reditio incompleta, quatenus aliquis cognoscit se videre, aut audire, non per proprium sensum

externum, sed per internum, & unus internus per alium, vel per intellectum, & ista reflexio non est completa, seu perfecta, quia non est eiusdem numero potentiae supra se ipsam.


Ad rationem Respond. Quod in homine non currit argumentum, siquidem actum sensus interioris cognoscit intellectus, & sic non est processus in infinitum, quia etiam intellectus se cognoscit. In brutis autem non est necesse ponere, quod sensus interiores cognoscunt reflexe suos actus, quia sensus interni in brutis operantur per instinctum naturalem, non per collationem, & ita non oportet, quod de actibus suis internis iudicent, vel apprehendant, oportuit autem, quod exteriores actus & sensationes apprehenderentur ab animali, quia animal debet mouere sensus externos ad quærenda obiecta conuenientia, & fugienda nociua, & ita oportuit de eorum actibus habere cognitionem, ut ad illos moueri, vel retineri possint, quando conuenit; quæ ratio non currit in actibus sensuum internorum, quia pure aguntur instinctu in brutis, & non ut moti ab alio sensu, vel ab intellectu.

Ad confirm. Respond. Quod omnia obiecta sensuum exteriorum attinguntur à sensu communi, vel phantasia, & similiter actus sensuum exteriorum subaltiori ratione formali, & secundum distinctam immutationem, quam in sensibus externis, cognoscuntur enim à sensu communi non secundum particularem modum, quia in quolibet sensu attinguntur, sed secundum communem modum, quo inter se sunt comparabilia ista obiecta, & similiter attinguntur actus ipsorum sensuum exteriorum, de quibus constat recordari animal, & in somno aliquando representari. Non repugnat autem idem obiectum materiale pertinere ad diuersas potentias secundum diuersas rationes formales. *Quod verò dicitur de specie ipsa producta à visione.* *Respond.* Non esse necesse, quod à sensu visus mittatur ad sensum internum species peculiariter, & seorsum

repræsentans visionis actum, sed producendo speciem repræsentantem obiectum suum, non quomodocumque, & ut est ad extra, sed ut est cognitum ab ipso visu, sic inuoluitur in tali repræsentatione ipse actus visionis, quatenus obiectum repræsentatur ut visum, de quo amplius dicetur *quest. 8.*

Q V Æ S T I O V.

De sensibus externis in particulari quo ad se



In sensibus quatuor considerantur, potentia, actus, medium per quod obiectum mouet, & obiectum ipsum, seu species eius. De obiecto, & speciebus cuiuscumque sensus externi agemus q. sequent. In prasenti autem de potentia, actu, & medio; pertinet enim ipsum medium, prasertim internum ad ipsum organum, in quo est potentia, & ita non potest conuenienter agi de potentia sensitiva secundum se, nisi agendo etiam de medio, per quod immutatur.

ARTICVLVS I.

Quod sit subiectum potentia visua, & medium illius?

Circa primum, scilicet subiectum seu organum visus, licet apud omnes constet potentiã hanc esse in oculis, tamen quia fabrica oculorũ constat ex varijs, & diuersis partibus tã externis, quã internis, *controversia est inter authores*, in quãnam parte ex illis inhæreat potentia visua, & perficiatur visio. Et ideo ut punctum difficultatis attingamus, breuiter præsupponenda est ipsa oculorum fabrica, & contextura, ut possimus disputare, in quãnam parte determinatè sit potentia visua.

Igitur tota fabrica oculorũ in tres præcipuas partes distribuitur: prima pertinet ad anteriorem situm, & quasi aditum ipsum oculorum, qui constat orbiculari illa figura in modum oui parui, sicut exterius videmus, & palpebris ipsis regitur, ac supercilijs cingitur. Secunda pars est ipsummet oculorum organum, quod interius quinque tunicis, tribusque humoribus constat, a-

lijque mulculis, venis, & similibus instrumentis, tũ ad oculorum motum, tũ ad spirituum animalium subministracionem requisitis. Tertia pars est intima, nec nobis patet, qua videlicet oculi continuantur ad cerebrũ, vnde participant spiritus subtilissimos ad visionem requisitos, & illa continuatio fit per duos nervos, qui optici dicuntur, & à cerebro descendentes inter se vniuntur, & inde iterum in duos ramos diuisi, alter ad sinistrum oculum, alter ad dexterum terminatur. De prima parte, seu exteriori fabrica oculorum non est specialis difficultas, nec aliquid explicandum in particulari.

In secunda autem parte, seu in ipsomet organo visus inueniuntur tres humores. Quidam nimis perlucidus, qui chrystallinus dicitur, & vsque ad anteriorem oculi faciem se extendit, estque ipsa pupilla, licet aliquando nigricantis coloris appareat, tũ propter humoris copiam, quæ tota videri non potest, sicut quando aqua est profunda, tũ propter quandam tunicam, quam habet sibi substratam, ut

mox dicemus, quæ diuersos oculorum colores constituit. Secundus humor est vitreus, qui & si sit splendens, & transparentius tamen, quam chrySTALLINUS, sed ad modum vitri in fornace decocti se habet. Iste à parte interiori circumdat, & recipit humorem chrySTALLINUM, sed non totaliter illum concludit, quia à parte exteriori in superficie manet detecta pupilla, ut recipiat lumen, & species. Tertius humor est albugineus similis albo oui, qui totam cauitatem oculi replet, ut videmus, & intra ipsum recipiuntur illi duo humores vitreus, & chrySTALLINUS, qui pupillam componunt, & deseruit ad illam humectandam, & fouendam, quia delicatissima est.

Sunt autem in isto organo visus quinque tunicæ, seu membranæ. Prima, & magis interior dicitur specularis ob translucen-
tiam, & similiter aranea ob subtilitatem. Secunda dicitur reticularis, quia in modum retis multis arterijs, & venulis inter-
xitur. Tertia dicitur vuea à similitudine coloris vuae in folliculo seu superficie, si detrahatur, & ab hac tunica, quæ posita est sub humore chrySTALLINO deducuntur varij oculorum colores, nam alij sunt nigri, alij cærulei, alij cæsi, alij caprini, &c. Quarta dicitur cornea, quia tenuis, & splendida, ac fortis est sicut cornu. Quinta, dicitur adnata, seu adhærens, quia totum oculum fouet, & consistere facit, & etiam dicitur alba à colore, quem habet. De quibus videri potest Galen. 10. *de vsu partium*, cap. 1. & 2. Vesalius, *libr. 14. anathomes*, cap. 7. Valuerde, *lib. 7.* Simon Portius, *lib. de coloribus oculorum*, cap. 3. & ex Philosophis recentioribus Banez, *prima parte, quest. 78. tract. de visu. dub. 2.* Suarez, *lib. 3. de anim. capit. 18.* Conimbric. 2. *de anim. capit. 7. questione 6.* Carmelitan. *hic disput. 10. questione 6.* Quo autem ordine, & situatione ponantur istæ tunicæ, & humores non multum refert ad præsens institutum. Sed dicimus, quod humori chry-

STALLINO, & vitreo includenti ipsum deseruiunt quatuor tunicæ, quæ illum circumdant, scilicet, specularis, quæ est magis interior, secundo reticularis, tertio vuea, quarto cornea. Istæ duæ ultimæ continent pupillam, & cornea data est illi in munimentum, vuea est sub pupilla, relinquendo illam nudam ex parte exteriori, ut recipiat species, reticularis ambit humorem vitreum vsque ad chrySTALLINUM, quia ei supernatat, & per eam ministrantur spiritus, & sanguis, qui in humore chrySTALLINO, & vitreo non est, quia caret venis. Denique humori albugineo deseruit tunica adnata, seu alba, quæ fortis, & pinguis est, & alio nomine dicitur pericranium.

Quod attinet ad tertiam, & interiorē partem oculi, qua communicatur cerebro, & consistit in illis nervis opticis, seu visorij, non est aliquod peculiare artificium, quod explicemus, sed illi à cerebro proficiscuntur, alter à parte dextra, alter à sinistra, & aliquantulum progressi coniunguntur inter se, & rursus separantur unusquisque ad diuersum oculum. Vestiti sunt autem duplici membrana, interna tenui, & externa dura, ex illisque ortum habent tunica vuea, & cornea, & per illas communicantur spiritus visorij, & ab oculis ascendunt species ad sensum communem. Et hæc omnia fere ex ipsa experientia anatomicæ dissectionis constant.

His suppositis, tota difficultas de sede potentie visus reducitur ad duas opiniones. Prima illam collocat in pupilla, seu chrySTALLO, estque multorum sententia, quos referunt, & sequuntur Conimb. *cit. loco quest. 7. artic. 2.* Surar. *cit. loc. de anim. Rub. tract. de sensu visus, q. 8. & alij. Fundamentum est duplex. Primum* ex ipsa qualitate pupillæ, quæ est omnino perlucida, & splendida, tenera, & mollis, & præcipua inter omnia, quæ organum visus constituunt, reliqua enim siue tunicæ, siue humores, illi ut principaliori deseruiunt, vel ad ornatum, vel ad defensionem, ergo conuenienter in illa

ponitur potentia visiva. Nam ex eo quod transparent est, caret omni colore, oportet autem eo carere organum visus, quia ut dicit D. Thom. 1. p. q. 75. art. 2. & in hoc 2. de anim. lect. 17. pupilla debet carere omni colore, ut possit omnes colores percipere. Similiter ex eo quod est tenera, & mollis facile immutatur ab obiectis externis per species. Et denique quia præcipuum est inter omnia, quæ concurrunt ad structuram oculorum, reliqua verò ei deseruiunt. *Alterum fundamentum est à posteriori*, quia læsa pupilla perditur irreparabiliter potentia visiva, si autem lædantur alij humores, aut tunica non est irreparabilis visus, ut multi medici affirmant apud Suar. loco citato, ergo signum est in pupilla subiectionem potentiam visivam. Denique in nervis non potest consistere, quia non rectè dicitur, quod nervi videant, sed per eos ministrantur spiritus animales ad videndum, ergo in eis non est potentia visiva. *Secunda sententia* collocat potentiam visivam in ipsis nervis opticis tanquam in principali parte organi visus. Hoc videtur tradi pluribus locis à D. Thom. præsertim lib. de sens. & sensat. lect. 5. circa illa verba Aristot. Non in ultimo oculi (id est in superficie) anima, aut anima sensitivum est, sed manifestum quoniam interius. Vbi S. D. explicat: Quod principium visionis est interius iuxta cerebrum ubi coniunguntur duo nervi, & ideo oportet, quod intra oculum sit aliquid perspicuum receptivum luminis, ut sit uniformis immutatio à re visa usque ad potentiam visivam. Et idem confirmat. lect. 22. eiusdem libri dicens: Quod si aliquis dicat, quod sicut sunt duo organa visus, scilicet duo oculi, ita nihil prohibet in anima esse duos visus: dicendum est hoc esse falsum, quia ex duobus oculis fit aliquid unum, & una est operatio amborum, in quantum, scilicet visio utriusque oculi concurrat per quosdam nervos ad aliquid intrinsecum in suum organum, quod est circa cerebrum. Et tandem in opusc. 43. c. 3. dicit: Quod organum proximum, & extrinsecum visui sunt oculi,

primum autem, & intrinsecum sunt nervi visuales. Quare S. Thom. non negat pupillam pertinere ad organum visus, sicut etiam lect. illa 5. de sens. & sensat. dicit, sed ulterius affirmat, pupillam se habere ut organum externum, nec ibi consummari visionem, sed intra in nervis visualibus.

Nec potest dici cum Rubio, quod loquitur S. Th. de organo, seu principio visivo radicali, non de proximo, & formali. *Cōtra enim est*, quia radicale principium est cerebrum, à quo omnes sensus originantur, ergo si solū assignaret D. Th. organum radicale visus, assignaret commune principium, & omnium sensuum, atque adeo nihil speciale notificaret de sensu visus, de quo illo loco agebat. Et incongrua ratione procederet, ponendo visum cōsummari in nervis visorij, eo quod visus debet esse unus, si hoc probaret ex unitate radicali organi, in quo omnes sensus radicantur, sic enim non probaret unitatem principij visui proximi, sed unitatem principij radicalis omnium sensuum exteriorum, quod esset contra suum intentum de unitate visionis in sensu visus.

Fundamentum autem sumitur ex dictis, quia potentia visiva est una, & visio elicitæ circa unum obiectum est una, ergo oportet, quod habeat unum subiectum, facta autem divisione, sicut discontinuantur alia accidentia, ut color, calor, &c. ita & potentia visiva, quæ utique corporea est, dividetur in diversis illis partibus, & ita habebit anima duas potentias visivas, & duas auditivas, si quælibet earum subiectionatur in diversis organis, id est in duplici pupilla externa. Quod si dicatur, quod licet pupillæ sint duæ exterius, intus tamen colligantur in aliquo uno: hoc est nostrum intentum, quia in illo uno, in quo colligantur erit unica illa potentia, non autem colligantur, nisi in nervis visorij, eo quod tota massa pupillæ, & humoris vitrei dividitur in duobus organis & cavernis oculorum.

Dicit,

Dices, potentias visivas reuera esse duas, sicut & pupillæ duæ sunt, & visio quæ est actio immanens, & consequenter subiectatur in potentia, à qua elicitur, est duplex, ut etiam concedit Suarez & Conimbric. & oppositæ sententiæ Authores; & tamen non videntur obiecta duplicata, non quidem propter coniunctionem neruorū, sed quia in eodem situ & ordine, & sub eodem axe, ut loquuntur perspectiui obiectum propositum intuemur: unde si axes ipsi oculorum inæqualitatem aliquam habeant, ut cum aliquis comprimendo oculum, eleuat aliquantulum pupillam, res videntur geminatæ, sicut etiam cum in aliquibus inspicillibus habentibus plures angulos refranguntur imagines, etiam res apparent multiplicatæ per illos, cum tamen in omnibus istis casibus nerui maneant æquè coniuncti, non ergo ex eorum coniunctione vnitas visionis prouenit, neque ex diuisione geminatio rei visæ. Adde quod ut refert Vesalius, lib. 4. de fabric. corp. humani, cap. 4. ipse in anatome cuiusdam capitis reperit neruos illos non coniungi, sed diuisos à cerebro ad oculos peruenire, & tamen ille homo non videbat obiecta geminata, sed sicut alia simplicia.

Respondetur, nos non facere vim in eo quod obiecta videantur geminata positæ duobus oculis, sed quia superfluit ponere duas visiones, & duas potentias de eadem re indiuidualiter solum diuersas, sicut enim sufficit vnus gustus pro omnibus saporibus, & vnus odoratus pro omnibus odoribus, & vnus intellectus pro omnibus intelligibilibus, cur non sufficiet vnus visus pro omnibus visibilibus? An quia natura prouidit duas potentias, ut si vna amitteretur, altera remaneret? Sed hac ratione etiam posset prouidere tres, vel quatuor, aut plures, ut si plures deficerent, aliqua saltem remaneret. Itaque licet duo oculi deseruiant ad recipiendas species ab obiectis per duplicem lineam rectam, tamen non ibi consummatur visio, nisi ut ipsi

oculi inter se coniunguntur, ut sit vna potentia, & vna visio, quam coniunctionem non videmus fieri, nisi ubi nerui visorij coniunguntur. Et huius signum etiam affert Aristot. in illo lib. de sens. & sensat. lect. 5. citata apud D. Thom. Quia hi, qui vulnerantur circa tempora scissis poris, qui continuant pupillam visu principio, subito fiunt tenebra per visus amissionem, sicut si lucerna extinguatur, est enim pupilla, quasi lampas quadam illuminata exteriori lumine, & ideo quando præsinduntur pori continuantes pupillam principio visu, non potest lumen huius lampadis vsque ad visuum principium peruenire, & ideo visus obscuratur. sic ibi. Quare rectè D. Thom. in lib. de sensu & sensat. lect. 21. dixit: Quod non est dicendum esse duos visus, seu duas potentias visivas, ex eo quod sunt duo oculi, seu duo organa, quia ex illis duobus fit aliquid vnum, & vna operatio amborum. Atque ita totum inconueniens Aristot. & D. Thom. sistit in hoc, quod non ponantur plures potentie visuæ, & plures visiones circa idem, quia superfluit altera, & sunt duo accidentia solo numero diuersa ab eadem anima. Quod verò inde sequatur videri obiecta geminata non inferunt; nam etiam in diuersis hominibus aspicientibus idem obiectum per diuersas visiones, omnes vident obiectum ut vnum, non ut geminatum: tunc vero obiectum ut geminatum videtur, quando species ita refranguntur, quod mutant lineas, & videntur, sicut si à diuersis locis seu partibus species emitterentur. Neque enim species visibilis emittitur ab obiecto indiuisibili modo, sed secundum latitudinem mediij, ita quod à quocunque oculo ibi posito, idem videatur, & ita siue vnus, siue plures oculi in illo medio ponantur, idem obiectum videbunt, quia sub eadem linea tendunt species; & sic imaginantur perspectiui, quod species visibiles comparantur ab obiecto ad oculum per modum pyramidis, cuius basis sit in obiecto, & cuspis in oculo; si vero species refrangantur, ita quod mutantur lineæ, per quas emittuntur, tot

videntur obiecta, quot refractiones, vt constar in perspicillis plurium angulorum, & tunc obiecta videntur, quasi in pluribus locis constituta, quia sub diuersis lineis species diuiduntur.

Quod vero dicitur de his, qui neruos visorios non habent coniunctos; *dicitur*, imprimis rem illam esse incertam; & dato quod ita fuerit, fortassis in ipsa morte fuerunt nerui illi laxati ex aliqua causa, & sic diuisi, sicut inuenti fuerunt in anathome. Vel tertio potuerunt habere aliquem alium modum coniunctionis, v. g. per aliquas fibras vel tenues ramusculos, qui non ita potuerunt discerni facta scissione, & sic aliquo modo fuerunt vniti, vt in eis vnica potentia visiva poneretur.

Adhuc tamen instabis: quia non apparet quomodo potentia visiva occupare possit totum organum ab oculis vsque ad neruos illos, nam in oculis etiam dari potentiam visiuam negari non potest secundum Arist. & D. Thom. qui dicunt organum visus esse naturæ aqueæ, vt patet in lib. de sens. & sensat. lect. 4. & 2. de anim. lect. 17. non autem apparet quo modo incipiat visio in pupilla, & consumetur in neruis, quia sic potentia in oculis essent diuisæ, & consequenter plures, licet in neruis esset vna. *Confirmatur*, quia in pupilla, & in neruis sunt oppositæ qualitates in ordine ad videndum, nam pupilla est diaphana, & expers omnis coloris, ideoque omnium colorum perceptiua, nerui autem sunt terrestres, & colorem habentes suffusum, sicque non omnes colores poterunt percipere: imò impediuntur ipsi nerui videre, quia sunt interiorius post omnes tunicas oculorum, quæ impediunt transparentiam pupillæ, præsertim tunica vana, quæ colorem habet, & reticularis, quæ densior est, & habet venas & humorem albugineum, qui est coloris albi, & sic omnia viderentur alba. *Confirmatur secundo*, quia pupilla est terminata aliquo opaco, sicut specula terminata sunt, id enim requiritur, vt illæ species ibi sistant, &

refrangantur, vt experientia constat, quia vnus homo intuetur imaginem sui in pupilla alterius, sicut in speculo, ergo non potest visio formari in neruis, qui sunt post pupillam, quia illuc species non perueniunt impediente opacitate illa quæ terminat pupillam. Denique est difficile, quomodo ipse humor crystallinus debeat esse organum visus etiam partiale. Tum quia reuera non est purè diaphana pupilla, cum sic aliquo modo nigricans: tum quia oculi sunt naturæ igneæ, quod indicat fulgor, qui confrictis oculis aliquando apparet, & ex aliquorum animalium oculis eraculatur, ergo non sunt naturæ aqueæ.

Respondetur, nullum esse inconueniens, quod organum visus sit quoddam ethereogeneum, cuius exterior pars sit crystallina, vt recipiat lucem, & sicut D. Thom. vbi supra, sit quasi lampas illuminata lumine exteriori, interior vero pars in neruis illis consummetur, & ibi species vniantur, vt fiat vnica visio, dependet vero à duplici crystallo, seu pupilla quasi duabus vijs ad extra procedendo, vt facilius haurire possit species ex omni parte venientes. Neque hoc est ponere plures potentias, & postea vnum sed solum vnā potentiam subiectiuè ponimus in illo concursu interiori oculorum, dispositiuè autem, & ministratiuè in crystalloide, quæ diuiditur in duobus oculis, & ibi fit prima actio dispositiua, & inchoatiua ad videndum scilicet haurire species intra se, ad quod requiritur pars diaphana deinde fit visio, quod pertinet ad ipsam partem interiorē, vbi vtriusque oculi, & specierum haustarum fit concursus.

Ad primam confirmationem respondetur, illa omnia procedere ex falsa imaginatione quasi nerui visorii terminentur extra omnes tunicas & humores, ita quod non tangent, nec immergantur in ipso humore crystallino, quasi fistulæ quædam per quas à pupilla attrahuntur species, quas in omni opinione necesse est attrahi per neruos, tum vt ab ipsa pupilla ad sensum commu-

nem ascendant species: tum ut spiritus animales à cerebro descendant ad pupillam. Sunt autem nerui illi perspicui, & non terrestres, nec subfusi, quia ex ipso cerebro, quod est frigidum & humidum, perspicuitatem illā participant. Sic ergo pupilla est quidem magis diaphana, & ita melius ebit species, & deseruit tanquam medium organicum & intrinsecum, ut in organo recipiantur species. Nerui autem illi habent quidem perspicuitatem, sed non ita perfectam sicut crystallum, & ideo magis seruiunt ad vniendum species, quā ad recipiendum & hauriendum à medio extrinseco, oportet enim id, quod continuatur cum medio extrinseco esse magis transparentes, sicut est ipsa superficies pupillæ, deinde vitreus humor minus est transparentes; & deinde nerui visorij, in quibus species vniuntur, & consummatur visio, minus sunt transparentes. licet habeant id, quod sufficit ad recipiendum species visibiles, ut dictum est.

Ad secundam confirmationem respondetur, pupillam non esse terminatam opaco, sicut speculum, sed esse spissiotem in parte interiori seu in centro, & hoc sufficit, ut ibi species refrangantur, & possit rei exterioris imago resultare, non enim solum imago resultat in speculo terminato per opacum, sed etiam in corpore diaphano, quando inspissatur in parte interiori, sicut patet in aqua, in qua redditur imago, sicut in speculo, non quia terminatur opaco, sed propter ipsam copiam aquæ causantis illam reflexionem. Similiter ergo non repugnat, quod per crystalloidem, & humorem vitreum species transeat, & attrahatur per ipsos nervos, qui intra pupillam immerguntur, & tamen quod ipsa pupilla ob copiam humoris reddat imaginem rei exterioris, sicut aqua, ut dictum est.

Ad ultimum dicitur: pupillam in se esse diaphanam, videri tamen nigricantem, tum propter copiam humoris, qui non omnino penetratur a visu, & sic videtur, sicut visio

maris, quod aliquo modo nigricare videtur; tum ob tunicas, quibus vestitur, & à quibus colorem aliquem referre videtur. *Quod verò dicitur de ignea natura. Respondetur,* oculum potius esse aqueum, quia participat naturam diaphani & lucidi: dicitur tamen ignea naturæ non propter caliditatem, sed propter splendorem, seu fulgorem, quem participat, & qui provenit à spiritibus, qui sunt subtilissimi, & calidissimi, sicut quædam substantia splendida, & aliquando foras emittit aliquid splendoris: cuius signum est, quia tunc magis resplendent oculi, quando fit magna commotio spirituum, ut in vehementia iræ, vel in ardore concupiscentiæ, tunc enim sublucent oculi propter multitudinem spirituum; De quo videatur S. Thom. lib. de sens. & sensat. lect. 3.

Ad fundamenta contraria sententia patet ex dictis. Ad primam enim dicitur, pupillam esse ita dispositam, ut possit esse organum visus pro parte exteriori ad hauriendum species, non tamen totale organum, in quo visio consummatur. Quod verò organum visus debeat esse expers omnis coloris, ut omnes videat, verum quidem est, sed hoc non solum inuenitur in pupilla, sed etiam in nervis visorij ei immerfis, licet magis perspicua sit pupilla, quia immediate accipit species visibiles. Et hoc dicit D. Thom. convenire pupillæ, sed non soli, neque in ea sola totum organum visus esse.

Ad secundum respondetur, non solum laxa pupilla, sed etiam laxis nervis continuantibus pupillam cum principio visus, quod est prope cerebrum, extinguere visum, ut docet Arist. & D. Thom. lib. de sens. & sensat. lect. 5. & sic non potest inde sumi argumentum, quod magis sit in pupilla, quā in nervis, sed quod utrumque pertineat ad organum visus, unū externū, aliud intimū, ut explicauimus.

Ad ultimum dicitur: quod nerui vident eliciendo visionem, pupilla vero introducendo species, & accipiendo à medio in potentiam quæ est inchoatio quædam dispositi-

positiua ad visionem. Neque inconuenit, quod per illos neruos descendat spiritus à cerebro, & simul ibi consumetur visio, vbi est eorum concursus.

Circa secundum punctum huius quaestiois, scil. quodnam sit medium visus, supponimus requiri medium, & inquirimus quale esse debeat. Et primum constat, tum quia obiectum absens non potest videri: tum quia non debet esse immediatè positum supra sensum, ergo requirit praesentiam obiecti cum aliquo medio, id est, sine immediata coniunctione ad visum, & hoc secundum probauimus *quest. praecedenti, art. 3.* Primum verò ostendemus *quest. seq. art. 1.* generaliter de omni sensu externo. Secundum autem quod in praesenti inquirimus, est, quale medium sit. Et constat debere esse perspicuum, seu diaphanum illuminatum, neque enim alio medio potest reddi obiectum visibile, vel species continuari vsque ad oculum. Quomodo autem requiratur lumen non solum ex parte obiecti, sed etiam ex parte medij ostendemus *quest. seq.* Nunc experientia ipsa sufficit, quia videmus per carentiam lucis, aut per opacitatem impediendam diaphanum cessare visionem, ergo ex parte medij, quo defertur species rei, & mediante quo continuatur, seu applicatur obiectum ipsi visui requiritur perspicuum, seu diaphanum illuminatum.

An verò requiratur aliquis aer vel sufficiat quodcunque corpus diaphanum sine aliquo aere? *Respondetur*, de necessitate non requiri aerem, tum quia posito crystallo, vel vitro immediatè supra oculos potest videri obiectum post ipsum vitrum existens; tum quia in cælo oculi Beatorum videbunt, vbi tamen nihil aeris datur, tum quia pisces intra aquam vident, dummodo crassitudo aquae non impediatur lucem, aliàs ad quid illis darentur oculi à natura, si intra aquam non viderent? Sufficit ergo quodcunque perspicuum, licet nos per aerem melius videamus.

ARTICVLVS - II.

Quomodo fiat actio videndi, & quid sit?

DE actu visionis tria possunt inquiri: Primum quid sit, an sola apprehensio obiecti, an etiam iudicium. Secundum, quomodo fiat, an emittendo aliquid extra se, an recipiendo ab obiecto, & immanenter operando. Tertium ex parte termini, an producat aliquid idolum, in quo obiectum videatur & terminetur ipsa actio visiva. De hoc ultimo agemus *quaestione sequenti, artic. 3.* vbi id de omnibus sensibus tractabitur. In praesenti solum expedimus duas primas difficultates.

Circa primum, distinguere oportet de iudicio, quod est cum collatione, seu comparatione extrinsecorum, vel quod est simplex discretio vnus ab alio, & largo modo potest vocari iudicium. Vt enim latius dicemus *inf. quest. 11.* tria in iudicio inueniuntur. Primum est praesuppositiuè, scil. comparatio vnus ad alterum, qua dicitur hoc esse illud, seu non esse, pertinetque ad propositionem apprehensiuam. Secundum formaliter pertinet ad iudicium, scilicet determinatio potentiae, & adhaesio ad vnā partem, quod fit per assensum, seu dissensum. Tertium quod ad istam additionem consequitur, scilicet discretio vnus ab alio, qua ita indicatur vnum, quod reijcitur aliud, non conueniens tali rei iudicatae, sicut etiam in electione, quae correspondet iudicio inuenitur discretio vnus praeter alio. Quod autem illud primum, scil. comparatio distinguatur à secundo, quod est assensus, sicut propositio apprehensiva, & iudicatiua, constat ex his quae diximus 1 *parte Logica q. 5.* & amplius dicemus, *inf. q. 11. a. 3.*

Hoc supposito constat, quod in visu, & in alijs sensibus externis non potest dari iudicium quantum ad assensum, & comparationem, sed solum quantum ad discretionem simplici modo, non compositiuo, quod est iudicium imperfecto modo: in nobis tamē potest in sensu interno, qui est cogitatiua dari

iudi-

iudicium secundum aliquam comparationem, vel collationem, vt latius dicemus infra *questione 7. artic. 3.* Sumiturque hoc ex D. Tho. *quest. 1. de verit. artic. 11.* vbi iudicium per collationem, & compositionem alijs sensibus negat præter cogitativam, & ita iudicium naturale, quod tribuit sensibus, solum intelligitur de iudicio imperfecto discretionis, quod enim fit cum aliqua collatione, seu resolutione, discursum aliquem importat, & comparationem inter extrema, quod totum excedit rationem specificam sensus externi, qui solum tendit in suum sensibile illo simplici modo, quo immutatur ab eius præsentia.

Quod verò detur in sensu externo illud iudicium imperfectum discretionis apprehensum, constat, quia ad discernendum vnum ab alio non requiritur collatio, sed sufficit distincta immutatio, quæ sentiatur, & experiatur, vñ sus autem experitur aliter se sentire nigrum, aliter album, & auris aliter audire sonum acutum, aliter grauem, & lingua aliter sentit amarum, aliter dulce, ergo discernit istas differentias, siquidem diuerso modo sentit vnum & aliud, licet nõ conferat. Vnde dicitur Iob 12. *Nonne auris verba diiudicat, & fauces comedentis saporem?* Et in hoc sensu Aristot. dicit 2. *topicor. cap. 2.* *Quod iudicare se habet vt genus ad sentire, & intelligere.* Et 2. *de anima text. 63.* dicit: *sensum iudicare de sensibilibus proprijs*, vbi videri potest D. Thom. *lect. 13.* verificatur enim de iudicio quantum ad discretionem sentiendi differentias illas, vt dictum est.

Circũsecundum pñctũ fuit antiqua Platonis opinio, quod visio fiebat per emissionem radiorum visualium ab oculis, quæ luci externæ se continuando, visionem efficerent; quam sententiam sequutus est Galen. 7. *de placitis Hippocratis, & Platonis, & libr. 10. de vsu partium in fine*, & multi ex antiquis Platonici, licet non eodem modo ab illis explicetur. *Quidam enim* dixerunt emitti ab oculis radios, seu spiritum lucidũ, a quo medium alteratur, indeque splendor

quidam peruenit vsque ad obiectum visibile, & cum speciebus commixtus perficit visionem. Sed quia isti negant species obiecti peruenire ad visum, quod non negauit Plato, ideo iste modus non explicat sententiã Platonis. Alij ergo ponunt radios illos emitti ab oculis, & pertingere vsque ad ipsũ visibile, vel saltem vsque ad certam distantiam, ad quam perueniunt species visibiles & inde radios illos simul cum speciebus reuerti ad oculum, in eoque visionem perficere. Alij denique dicunt species ipsas prius ad oculos peruenire, & postea egredi spiritus illos, seu radios ab oculis per aërem vsque ad certam distantiam, & in illis esse virtutem formandi visionem in aere, cũ approximant obiecto. Ita Valles *lib. 2. controuers. cap. 28.*

Nihilominus omnino dicendum est cum schola Peripathetica, *visionem non fieri per illam emissionem radiorum, sed recipiendo in se species obiecti, potentiam illi actuatam formare visionem tanquam actum in ipsa manentem, & nihil extra se producentem.* Ita Aristot. in *lib. de sens. & sensato. capit. 2.* & D. Thom. *ibi lect. 4.* de quibus etiam videri potest Magister Bann. 1. *part. questione 78. artic. 3. tractatu de visu in fin.* Conimb 2. *de anima cap. 7. questione 5.* Suarez. *lib. 3. capit. 7.* *Fundamentum sumitur primo*, quia visio est actus vitalis, ergo elici debet à potentia vitali, & à concursu animæ, nec sufficit media virtute diffusa elici in aere, quia sic primo inciperet visio vbi non est principium vitale, scilicet extra ipsum videntem, & sic illa visio non esset actio vitalis. Neque est simile de generatione, quæ mediante virtute decisa à generante fit, nam illa virtus decisa nisi coniungatur viuenti, verbi gratia foemina non potest vitaliter generare, sed fiet generatio virtute coeli, sicut cum semina plantarum mandantur terræ. Adde, quod visio est actus immanens, quæ solum se ideo videntem, non verò alterat id, quod est extra se, ergo debet perfici in ipso oculo, non verò in aere, seu in aliquo extra videntem.

P

Sicut:-

Pars III. Physicor.

Secundò, quia illeradius emissus ab oculo, vel est aliquod corpus, vel aliquod accidens, v. g. aliqua lux, vel splendor. Non primum, quia tale corpus, vel moueretur motu locali ab oculo ad obiectum, & sic visio non fieret in instanti, sicut nec motus localis, nec posset ad rem valdè distantem, v. g. vsque ad cœlum peruenire illud corpus, nisi multo tempore, & requireret magnam quantitatem ex oculis emitti ad tam varia obiecta, quæ conspicit, & sic valde attenuaretur, vel corpus illud non moueretur motu locali, sed per multiplicationem, & generationem in ipso medio, & sic non posset fieri sine corruptione ipsius medij, in quo fieret illa generatio, & multiplicatio corporis, nec posset fieri in instanti, sed in multo tempore. Si autem ille radius emissus est accidens, v. g. aliqua lux, vel splendor, vel debet peruenire vsque ad ipsum visibile, vel solum vsque ad aliquam distantiam. Primum esse non potest, quia à tantillo corpore, qualis est pupilla non potest emanare splendor, vel lux, quæ perueniat ad tantam distantiam, sicut sunt omniaabilia, quæ videmus etiam vsque ad ipsum cœlum, cum maior sit splendor alicuius lucernæ, vel ignis, qui tamen ad tantam distantiam non peruenit; imò si tantum splendorem sufficit eiaculari oculus, nō est ratio cur de nocte non videat, illuminando medium. Si verò solum vsque ad certam distantiam peruenit, in primis non est assignabilis, nisi diuinando, quāta sit illa distantia, ad quam potest peruenire. Deinde, si perueniat ad talem distantiam v. g. viginti palmorum, & hoc sufficit, vtibi fiat visio cum speciebus ad illum locum peruenientibus, ergo si in illo loco ponatur oculus cum eisdem speciebus videbit, etiam si radios non emittat, denique non potest fieri reflexio illius lucis vsque ad ipsum oculum, præsertim quando visibile est in magna distantia, vt cœlum, nam Sol cum sit corpus ita magnum, & tanta luce præditum, non potest radios suos reflectere vsque ad se,

quo modo ergo poterit oculus existens, in terra emittere radios illos vsque ad ipsum solem, & iterum reflectere vsque ad se?

SOLVUNTVR ARGV-
MENTA.

Objicies primo, authoritatem Philosophi qui in *secundo de cœl. text. 49.* inquit: *Nihil differre vtrum dicamus visum moueri ad res, vel visibile ad visum.* Et in *problemat. sect. 31. problemate 16.* ait: *Luscos contractis oculis propterea videre, quia radius exiens per angustiores locum, non ita facile distrabitur in propatulo.* E contra verò in *5. de generat. animal. cap. 1.* inquit; quod ideo oculi prominentes non ita perfecte videant, sicut concaui, quia istorum motus recta procedit, & non ita in vastum sicut illi. Et confirm quia negari non potest ab oculis fascinantium emitti qualitates noxias quæ lædunt illos, quos fascinant, ergo aliqui radij exeunt ab oculis, qui illis qualitatibus prauis imbuunt. Et de Antipheronte narrat Aristotel. *3. meteor. cap. 4.* habuisse ante oculos imaginem, seu idolum sui, quia visus propter imbecillitatem non poterat aerem propellere, ergo sentit aliquem motum fieri à visu in aerem.

Respond. De mente Aristot. satis constare, quia ex professo impugnatur illam sententiam loco citato *de sens. & sensat.* Si quando verò vtitur opposita, nō est ex propria sententia, sed iuxta sententiam aliorum, vel ad eum modum, quo mathematici, seu perspectiui vtuntur nomine visus, imaginando lineas visuales, ac si essent radij ab oculis emissi, qua ratione S. Tho. interpretatur *Phylos. loc. citat. de cœlo, & q. de spiritualib. creaturis art. 9. ad 12.* similiter interpretatur Augustinum. Quod verò fertur ex *Phylos. de habentibus oculos prominentes concauos, vel luscos.* *Respond.* Non sumi ibi radium pro eo, qui emittitur ab oculis ad videndum res, sed pro eo motu, quem faciunt species ingredientibus ad oculum, quia aliquando procedunt per lineam, seu radium

Etiam magis vnum, & sic magis reconcentrantur in oculo & fortius videt, aliquando verò species ipsæ magis dissipantur, sicut in oculis prominentibus & minus unitæ ingreduntur, ideoque visio fit secundum lineam, vel radios magis dissipatos, & sic minus videt.

Ad confirm. dicitur. Qualitates illas noxias procedere ab oculis, vt alterantibus corpus contiguum qualitatibus, quas habent in spiritibus, seu humoribus noxijs ipsorum oculorum; sed de hac alteratione non agimus in præsentī, sed de emissionē radiorum visualium ad videndum obiectū, *Quod verò dicitur* de Antipheronte, *non est ad propositum*, quia ille non emittebat radios ad obiecta, quæ videbat, sed humorem aliquem qui ab oculis diffluens addensabatur in aere propinquiore, nec poterat propelli propter debilitatem, & ita fiebat quasi speculum ex humore addensato, in quem species ipsius tanquam in speculo quodam refrangebatur, & formabatur illa imago, seu idolum sui, sicut in quocumque alio speculo formari posset, vt exponit D. Th 3. *meteor. lect. 5.*

Secundo arguitur, quia distantia, & magnitudo rei, cum sint sensibilia communia non habent propriam, & peculiarem speciem in oculo, ergo non possunt discerni nisi ratione emissionis radiorum ab oculo, ita vt quanto longius radij protenduntur, cognoscatur distantia, quando verò non protenduntur, propinquitas; neque enim per speciem coloris potest illa distantia discerni, & alias speciem propriam non habet in oculo.

Conf. Quia non videtur credibile ex omnibus rebus pereaniter emanare species, & imagines, ita vt quodcumque, & vbi-cumque ponatur oculus, inueniat species paratas ad videndum. Similiter neque videtur credibile tot imagines rerum in tam parua pupilla poni cum tanta distinctione, vt singula quæquæ discernat, siquidem species ipsæ cum sint extensæ oportet, quod v-

na ponatur supra aliam in oculo & consequenter cum confusione.

Resp. Illud argumentum etiam currere in opposita sententia, nam etiam si visio fiat per extramissionem, restat explicare quomodo illa emissio radiorum facta ab oculo possit ipsam distantiam discernere, an pertinendo vsque ad ipsum obiectum distans, & sic non soluitur difficultas, quomodo radius emissus ab oculo possit vsque ad cælum pertinere, vel solum perueniendo vsque ad medium, & non vsque ad ipsam obiectum, & sic restat explicare, quomodo possit metiri, & sentire illam distantiam, quæ restat à medio vsque ad obiectum. *Quare ad argumentum relictis varijs solutionibus* *Resp.* ex D. Thom. 2. de anima lect. 15. quod secundum perspectiuos visio fit per hoc, quod corpus emittit species ad modum pyramidis, cuius basis est in ipso corpore, & cuspis in oculo, eo quod res visa est maior in quantitate quam pupilla, vel saltem potest videri vt coniuncta cum alijs rebus facientibus maiorem quantitatem in toto medio, in pupilla autem semper tangitur quasi in cuspide, quia est multo minor de se, quam res ipsa visa; quando autem basis est magis distans à cuspide, seu angulo, tanto ipsa latera pyramidis sunt longiora, & angulus ipse redditur minor, vnde quanto à remotiori videtur, minus res ipsa videtur & tanta potest esse distantia, quod euanescat.

Dices: ergo cum à quolibet puncto possit aliquod corpus videri, sequitur, quod fieri possint infiniti anguli in eadem specie quod est absurdum. *Desnde* quia si ratione, distantia fit minor angulus, ergo crescente distantia, minuetur angulus, & ita in dupla distantia aliquid videbitur duplo minus, quod est contra experientiam, quia intra certam distātiā, v.g. decem, vel quinque palmorum videtur res omnino eiusdem magnitudinis

Resp. Primum non esse absurdum, quia non sunt infiniti anguli in actu, sed in po-

tentia, quia scil. à quocumque puncto designari potest angulus sicut & cuspis respectiue ad rem ipsam visam, quod non est inconueniens. *Ad 2. dicitur*, quod non ex quacumque distantia sit notabilis, elongatio obiecti, quæ sentiatur visu, præsertim si sit perfectæ, & acutæ virtutis, quæ possit maiorem distantiam vincere. Vnde licet duplicata distantia reddatur angulus minor quasi geometricæ, & mathematicæ, non tamen visualiter, & perspectiue eo quod species illæ non sunt notabiliter debilitatæ, quia non sequitur in debilitatione, & repræsentatione sua modum anguli mathematici, sed visualis: hic enim in quantum visualis multum pendet à luce & à dispositione mediij, quando enim medium nihil habet interiectum, facilius decipitur visus in mensuranda distantia, quam si sit aliquod corpus interiectum, cuius quantitate distantiam metiatur. Itaque non ex qualibet anguli variatione in ratione quantificatis fit etiam variatio in ratione visualis.

Ad confirm. respon. Quod cum species sint similitudines naturales, & naturaliter effluant à corporibus, non est inconueniens perenniter deriuari istas species, quandiu obiectum manet. Quod verò tot imagines rerum recipi possint in eadem pupilla non est inconueniens. quia illæ qualitates intentionales non sunt contrariæ inter se, cum earum officium solum sit repræsentare, non verò alterare, & quælibet pars speciei totum repræsentet, quia modo immateriali id facit, & licet sit accidens extensum in pupilla, non tamen ratione extensionis repræsentat, sed ratione virtutis intentionalis, quæ eadem est in qualibet particula speciei, nec vna confunditur cum alia, siquidem minima sufficit in qualibet parte pupillæ, & ab effectu id constat, quia plures oculi positi in eodem medio idem vident, cum tamen in quolibet oculo non ponantur, nisi particula speciei, quæ est in toto medio.

ARTICVLVS III.

Quod sit organum potentia, auditiva medium, & actus?

Circa organum auditus eodem modo procedendum est, sicut in explicando organo visus, quod constat tribus præcipuis partibus. *Prima* est omnino exterior, scilicet ipsæ aures. *Secunda* omnino interior, & tangens ipsum cerebrum, & est nervus quidam descendens à cerebro. & inde in duos ramos diuisus vtrumque sensorium auditus tangas. *Denique* est pars quædam media spirituosa, & aerea, tecta pellicula quadam, seu membrana, quæ dicitur tympanum, vel myringa.

De auribus, seu externa parte auditus, structura eius satis apparet, est enim anfractuosa, & inæqualibus partibus disposita, angustaque viam præbens interiori auditui, tunc aer refrangatur per illas obliquitates, nec immediatè à vehementia soni pulsetur auditus & lædatur: tum ut ab externis iniurijs defendi possit, illo obstaculo interposito. Similiter via, quæ intrat ad interiorum auditum est angusta, ne aqua vel aliud corpus spissum de facili intret, & impediat auditionem, si enim aqua intret ad cavitatem interiorum, & dissoluat partem illam aeream, quæ ibi est, surdescit, auditus ut docet Aristot. 2. lib. text. 83. & ibi D. Tho. lect. 17.

Secunda pars organi auditus magis interior, & quæ immediatè sequitur post istam exteriorum, in primis ab istis anfractibus aurium, & via, ita angusta intratur ad cavitatem satis amplam, in qua est aer, seu substantia quædam spirituosa, & tenuis, quæ dicitur aer immobilis, vel ædificatus, ut appellat Arist. eo quod ad percipiendos omnes sonos, qui fiunt motu aeris debet organum auditus omni tali motu, & sono carere, sicut organum visus in pupilla debet carere omni colore, & luce, & esse perspicuum. Non tamen aer iste est elementalis

alis, sed animatus, alias facile corrumpetur, & corrumpet cerebrū existente ibi tanta humorū copia, & frigore, quo abundat cerebrū, sicq; nimis capiti noceret elementalis aer, cū à frigore cerebri ingrossaretur. Ista autē substantia tenuis aerea tegitur versus partem externam aurium pellicula quadam, seu membrana, quæ tympanum appellatur, eo quod in formam tympani est facta, & sustentatur tribus paruis ossibus, quorū vnū simile est incudi duobus pedibus innitēti, aliud simile malleolo, aliud stapedi. Et quidē ossa ista, & membrana seu tympanū ipsa experientia constat inueniri in capite, facto anathome; sed tamen aer ille, seu substantia tenuis nequaquā inueniri docet Vesalius *lib. 1. de fabrica corporis humani cap. 8.* & Valuerde *lib. 1. cap. 3.* Quod aliqui vt Suar. *lib. 3. cap. 22.* referunt ad hoc quod in morte pars illa propter sui tenuitatem facile exhalatur. Et fortassē si caput aliquanto tempore detineatur facile id crediderim, sicut etiam alij spiritus tenuissimi exhalantur. Sed licet aer ipse propter dictam tenuitatem non reperiatur in capite mortuo, sed dissipetur, saltem non poterit non reperiri cavitās ipsa seu locus aeris ita disposita, vt appareat intra illam membranam, seu tympanum non esse aliquod corpus crassius quo occupetur, & ideo teui aliqua, seu spirituosā substantia repleri debere. Quod à signo patet; quia aliquādo intus fit sonus, cū indispositū est organū auditus, ergo ibi est aliquis aer, alias nō posset ibi sonus fieri. Tandem intima pars auditus consistit in nervis, qui descendunt à cerebro vsque ad aures, sicut de nervis opticis, seu visorijs diximus *art. 1.*

Ex his tribus partibus, quibus tota fabrica auditus constat; de prima quæ omnino externa est non est dubium in ea non esse potentiam audituam, nam etiam si abscindatur auricula, quoad totam partem externam, adhuc auditus sentitur, ergo potentia non est in ipsis auribus externis, præsertim quia ad exercendam actionem audi-

tus, requiritur delicatior substantia, quia ipsa operatio spiritualior, & virtuosior est, quam vt possit exerceri illa exteriori parte aurium, quæ satis crassa est. Quare solum restat differentia inter illas duas partes interiores, scil. aerem tympano opertum, quæ est satis delicata substantia, & nervos à cerebro descendentes. Et aliqui ponunt sensorium in nervo, vt Albert. Mag. & Galen. in id etiam videtur inclinare. Alij communius constituunt in ipso aere interiori, quæ videtur esse sententia Aristot. 2. de anima text. 82. *Auditus, inquit connaturalis est aeri propter id autem, quod in aere est.* Quem locum exponens S. Th. *ibid. lect. 17. inquit: Quod aer, qui est in auribus est firmiter dispositus cum hac proprietate, quod sit immobilis ad hoc, quod animal possit sentire per certitudinem omnes differentias motus, sicut enim humidum aqueum, quod est in pupilla caret omni colore, vt possit cognoscere omnes colorum differentias, ita oportet, quod aer, qui est intra tympanum auris careat omni motu, ad hoc quod possit discernere omnes differentias sonorum.* Sequuntur hanc sententiam Caiet. 2. de anim. c. 8. Conimbric. *ibi, quæst. 4. art. 2.* Carmelitani, *disput. 11. quæstion. 7.* Suar. *lib. 3. de anima cap. 22.* & communiter alij.

Fundamentum est: quia organum sensitiuum debet esse valde conforme, & proportionatum suo obiecto, constat autem, quod sonus, qui est obiectum auditus causatur ex aeris percussione, vt ostendemus *quæstione sequenti*, ergo conuenienter pro organo, & subiecto potentie audituæ assignatur ille aer connaturalis, & interior, qui est aer animatus utpote habens in se potentiam vitalem, & vocatur aer æquiuocē quia est substantia spirituosā, & tenuis, & similis aeri.

Nihilominus proportionaliter loquendo ad ea, quæ dicuntur de organo visus articulo 1. quod est pupilla cum dependentia à nervis opticis, in quibus consummatur, & formaliter est visus, ne cogamur duas poten-

tias visuas superflue, multiplicare, sed quod organum ut primo receptivum specierum est pupilla, ut autem elicivum visionis communicata sibi specie est nervus visorius, ita de potentia auditiva idem dicendum est propter eandem rationem, ut etiam advertit S. Thom. opuscul. 43. capit. 3. ubi inquit: *Auditus est vis ordinata, in nervis mollibus à cerebro procedentibus ad apprehendendum sonum causatum ex aeris commotione constricti inter percussus, & percussus.* Itaque organum potentie auditivæ sicut & visuæ habet duplicem functionem, prima est accipere species, seu haurire illas à medio, & quantum ad hoc convenienter ponitur organum auditus in illa substantia, quæ valde affinis est medio deferenti species. Secunda functio, & præcipua est elicere sensationem, & hæc quia virtuosior est & actiuior & unica in vnoquoque sensu, convenienter ponitur in illa parte, quæ tenacius participat vim spirituosam cerebri, id est spiritus animales, & per modum unius potest ipsam potentiam sensitivam habere, & operationem elicere. Convenienter ergo ponitur vis auditiva in nervis illis, qui vniuntur inter se, & sic possunt habere unicam potentiam, & quia cerebro propinquiores sunt, efficacius in illis operantur ipsi spiritus, qui à cerebro descendunt, quia propinquius ipsos participant.

Circa medium auditus advertendum est, quod triplex medium distingui potest. Primum ubi generatur sonus quod dicitur medium soni realis. Secundum, per quod deferitur ipse sonus, quod dicitur medium soni intentionalis, seu specierum soni. Tertium, per quod infertur in potentiam auditivam, quæ est medium intrinsecum ipsi organo & pars illius. De primo medio dicemus questione sequenti, ubi ostendemus, quomodo generetur sonus, & quod necessario requiratur collisio aeris saltem ad primam eius generationem. De secundo medio est difficultas, an per quodcumque corpus etiam si sit solidum, & densum possint de-

ferri species intentionales soni, ut quotidiana experientia videmus, & in aqua posse audiri sonum formatum in aëre, constat, quia pisces audiunt intra aquas, & qui sub aquis natant, etiam audire aliquantulum compertum est. Sed quando corpus ita est densum quod non relinquit aliquid aeris, dubium est, an deferantur species soni. Et dicimus videri probabile, quod densitas corporis etiam si porosum non sit, non impedit traiectionem specierum intentionalis auditus, licet oppositum etiam sit probabile. *Prima pars constat*; quia intra parietes crassissimos audimus sonum exteriorem, nec potest dici, quod species transcant solum per poros: tum quia valde debilitarentur, & dividerentur, & ita ad parvam crassitiem parietis aut nullus, aut exiguus valde sonus audiretur: tum quia per aquam deferitur sonus, & per ignem, nec tamen habent poros, quia sunt fluida: tum quia beati in cœlo audient, & deferentur species per corpus solidissimum cœli, ubi nullus est aer, ut docet S. Th. in secundo dist. 2. quest. 2. articul. 2. si tamen medium nimis incrassescat, species ipsas retundi, & corrumpi constat ipsa experientia, ut quando aliquis sub terra clamat, si multa molles teræ sit superposita non auditur, & similiter si multa corpora sint interposita, aut medium sit nimis crassum.

Secunda verò pars, quod oppositum etiam sit probabile, constat, quia corpora, per quæ deferuntur species ad auditum, vel habent poros, vel sunt corpora valde subtilia, ut aqua, & ignis, & similiter in cœlo species deferuntur, vel per corpus subtile, si cœlum subtile est, ut multi putant, vel saltem divina virtute deferuntur tanquam per medium minus connaturale, vel quia species illæ efficaciores erunt, utpote à maiori virtute procedentes ex ore beatorum. Cæterum quod per corpus omnino clausum, & crassum, ita quod nihil aeris, vel subtilioris corporis retineat, deferantur species auditus, neque experientia proba-

SOLVUNTUR ARGV-
MENTA.

bari potest nec suffragatur ratio; quia medium, in quo generatur sonus debet esse valdè subtile, ita vt collidatur aer inter corpora percutientia. Ergo à fortiori mediū, per quod talis sonus defertur. & multiplicatur debet esse eiusdem subtilitatis, ergo multò melius per quod multiplicantur species eius, quia subtiliores sunt, quā ipse sonus.

Circa tertium medium, quod est internū in ipso organo, constat debere esse aerem illum, seu spirituosam substantiam, quæ intra aures est, quia si illa cavitā impleatur aqua, vel alio quouis humore, animal non amplius audiet, imò plerumque surditas prouenit ex nimia crassitudine illius aeris, & ad perfectè audiendum oportet, quod sit attenuata, & subtilizata. Quare Aristot. in hoc. 2. de anim. text. 83. & D. Tho. ibi lect. 17. inquit, quod auditus fit in aqua dummodo non ingrediatur aqua ad ipsum connaturalem aerem, sed cum hoc accidit, non audiet animal, propter corruptionem aeris qui requiritur ad audiendum, & ita docet experientia, quod dum intrat aqua per aures in his, qui immerguntur deficit auditus.

Debet autem iste aer esse immobilis, vt docent Aristot. & D. Th. citati, quia si aliquis sonus intus efficeretur, hoc ipso impediretur audire, sonos externos, sicut alij sensus impediuntur videre sua sensibilia, si aliquo illorum affecti sint. Nec obstat, quod dicit Aristot. text. 82. Quod cum externus aer mouetur etiam mouetur internus, ergo internus non est immobilis. Respondetur enim loqui Aristot. de auditu non rectè disposito, sed ab externo aere commoto; de rectè autem disposito subdit: Quod aer debet esse immobilis, vt exactè sentiat omnes differentias motuum. Ex hoc tamen tanquam ex signo optimè deducit Aristot. debere intus in aure esse aliquē internū, quia aliquando contingit intus moueri, & fieri sonum, ergo signum est ibi aliquem aerem esse intra aures.

Objicies primò: si organum auditus esset aer internus deberet esse, in omnibus animalibus, sed in aquatilibus non est aer, siquidem cum continuo sint intra aquam opplentur eorum auditus aqua, & ita nunquam audient, sicut nos non audimus, quando illa cavitā aurium oppletur aqua. Itē multa animalia habent sensum auditus in medio corpore, & non in capite, vt Arist. docet 4. de histor. animal. cap. 8. & in alijs non apparet locus determinatus ipsius auditus vt dicit in 1. de partibus animalium cap. 12. ergo in istis non potest organum auditus consistere in aliquo aere interno, quia in medio corporis non datur talis aer. *Confir.* Quia non minus aer est medium ad species visibiles quam ad audibiles, & tamen organum visus non est in aliquo aere, sed in pupilla, quæ est humoris chrySTALLINI, & aquei. Ergo non benè colligitur, quod organum auditus debet esse in aere, quia medium idoneum ad deferendas species est aer. *Resp.* quod de organo aquatiliū proportionaliter dicendum est, quod est aliqua substantia tenuis respectiue ad eorum auditum, quæ etiam aer vocari potest, sed non ita tenuis sicut apud nos eo quod crassiori medio vtuntur, & ita non læditur organum auditus in illis ab aqua circumstante, autem etiam ingrediente aures. Non enim est verus aer, sed animatus ille, qui est & quædam spirituosa substantia, quæ in alijs potest esse crassior, in alijs subtilior, sicut spiritus animalis ad videndum in alijs subtiliores sunt, in alijs crassiores, & calor cordis in animabus terrestribus indiget refrigeratione, & respiratione aeris, qui sua subtilitate facilius penetrat ad cor, in piscibus verò sufficit refrigeratio aquæ sine respiratione aeris. Eodem modo sufficit eis ad auditū crassior substantia, & quæ non lædatur ab aqua, quæ nobis non sufficit. *Et si infes:* ergo multo minus audient aquatilia, quam terrestia, siquidem habent medium,

medium, seu organum crassius, quod utique impedit auditum, & tamen experientia docet, pisces satis perfectè audire, quia quolibet strepitu factò aufugiunt. *Respon.* Quod in habentibus aerem tenuem pro organo auditus ex aliqua crassitudine aduentitia tollitur illud connaturale temperamentum, & ita ex abundantia humoris viscosi generatur surditas. Cæterum animalia, quæ ex suo naturali temperamento habent organum crassius non idèò imperfectius audient, quia illa crassitudo non est aduentitia, sed naturalis, & ita afficitur his qualitatibus, quæ ad perfectum auditum deferuiunt, sicut in animalibus respirantibus si aqua loco aeris intret non fit sufficiens refrigeratio, sed suffocatur cor, in animalibus autem non respirantibus fit sufficiens refrigeratio etiam per aquam. Ex alia etiã parte compensatur auditus in piscibus, quia cum intra ipsam aquam non generetur sonus, sicut in hoc aere, medium est multò magis sedatum, & quietum, & sic species audibiles ad illos delatæ multò melius sentiri poterunt, etiam si temperamentum sit crassius. *De alijs animalibus in argumento relatis respondetur.* Quod in illis licet organum auditus non sit in capite, tamè ita dispositum est ut habeat aliquam substantiam tenuem pro organo auditus, est autem accidentalis differentia, quod sit in capite, vel extra caput.

Ad confirmationem respondet. Quod in visu aer est medium solum in quantum diaphanum, quod non minus saluari potest in humore chry stallino, quam in aere imò ibi perfectius in ordine ad hauriendas species, & retinendum illas cum maiori tenacitate. At verò in auditu aer est medium nò propter diaphanitatem, sed propter subtilitatem, quæ requiritur ad edendum sonum, qui est proprium obiectum auditus, & idèò organum auditus debet esse substantia aerea, & subtilis ut habeat affinitatem cū aere in quantum subtilis, & sonatius.

Secundò arguit, contra id, quod dicimus

aerem illum internum debere esse immobilem, ut possit percipere omnes differentias sonorum. *Contra est:* tūm quia in sensibus non impedit realis sensibilitas intentionalem, nam color realis, verbi gratia, non contrariatur intentionali, neque intentionalis impedit qualitatem realem, ergo etiam si auris habeat realem sonum non impeditur habere alios intentionaliter, tum quia visus afficitur luce, & diaphaneitate realiter, & tamen sunt obiecta visibilia, nec propterea impeditur videre alia obiecta visibilia, scilicet colores: similiter vis imaginatiua omnia corporalia cognoscit, quia omnia sub imaginatione cadunt, & tamen non caret omni corpore: ergo nò requiritur carere omni illo sensibili, quod percipi potest à tali potentia.

Respond. quod vna qualitas realis, verbi gratia, color, non contrariatur alteri intentionali in ordine ad existendum in eodem subiecto; impedit tamen in ordine ad mouendum, & ipsa species intentionalis ex qualitate medijs per quod transit imbibit alium modum mouendi. Et quidem in gustu, & tactu non est ita difficile, quia cum res tangibilis, & gustabilis debeat coniungi cum ipso organo seu medio interno coniunctione reali, si gustus est affectus amaro humore, vel tactus excessiuo calore, eadè qualitate reagendo inficiunt rem sibi coniunctam, & res illa humore illo infecta redditur amara, & specie amaritudinis inducit in linguā. Cæterū in visu, & auditu, & sensibus, quæ petūt obiecta nò esse sibi omnino immediata, & quasi superposita difficilius est, quomodo qualitas existens in ipso organo, verbi gratia, color, vel sonus inficient, vel afficiant nò quidè ipsū obiectū quod est aliquantulum distans, sed speciem ipsam, quæ sibi inhæret, ut mutent representationem eius ad modum illius qualitaris, qua organum est affectum. *Nihilominus dicimus:* quod color, vel sonus, si esset in ipso organo, impediret cognitionem alterius coloris, vel soni distincti, quia non haberet

beret talis potentia dispositionem requisitam ad cognoscendum omnes colores, eo quod non haberet aliquam dispositionem respicientem omnes vniuersaliter, & indifferenter, sed tantum particulariter vnum, eo quod affectus est illo particulari, & consequenter non potest virtus illius indifferenter extendi ad alios, vtpotè particulariter conformatus illi: nunc autem, quia lucem, & diaphaneitatem habet, omnia videt sub ratione diaphani, & lucidi, quod indifferenter se habet ad omnes colores, & videt illos vt lucidos, & vt terminatiuos, & motiuos diaphani. Similiter auditus debet esse liber ab omni sono particulari, sed debet habere aerem, quantum ad subtilitatem, & tenuitatem, quia hæc ratio est communis omni sono, quod fiat per collisionem subtilis corporis, quod est aer. Vndè tale corpus subtile indifferens est ad omnes sonos. Non ergo ex contrarietate coloris cum specie intentionali, aut mutatione representationis eius, sed ex defectu ipsius potentie, quæ hoc ipso, quod esset affecta vno determinato colore, non posset indifferenter, & vniuersaliter omnes respicere, nec habere specificatum complectens omnes alios colores, nisi tantum illum, quo afficitur, quia solum illi posset conformari, nascitur impedimentum videndi alios colores, quia non potest visus extra suum specificatum ferri, tunc autem non posset specificatum excedere modum, & virtutem illius coloris, quem in se haberet, cum specificatum debeat conformari specificato.

Quod si inquiras. Quomodo quando medium est affectum determinato colore, non autem ipsum organum, impediatur species transiens per illud medium, & representet iuxta colorem ipsius medij, & tamen non currat ibi ratio facta *Respond.* impedi-ri tunc illam speciem ob aliam rationem, nempe quia color qui est magis immediatus potentie fortius mouet, & cum ita in-

terponatur, vt non nisi per illud possint species transire impedit earum motionem, vt non fiat nisi admodum ipsius coloris, qui est in medio, quia miscetur in illa linea, qua tendit ad oculum alia species fortior, vtpotè immediatus potentie, & confundit propriam motionem talis speciei, ne sentiatur distincte vt est in se, sed ad modum fortioris mouentis, cum quo miscetur, & per cuius lineam transit.

Quomodo verò de intellectu probetur, quod debeat esse incorporeus; quia omnia corpora cognoscit dicemus, *infra, questione 9.* neque enim probauit D. Thom. quod est incorporeus, quia omnia corpora cognoscit, sed quia omnes naturas, seu quidditates corporeas, quod proprium est intellectus, & sic debet carere omni corporea quidditate, seu natura, tam accidentali, quam substantiali.

Quod verò dicitur de imaginatiua Respondetur, quod illa respicit, omnia corpora sensibilia sub ratione imaginabili, quæ non attingit quidditates ipsas, sed accidentia omnia sensibilia, & ideo imaginatiua caret omni accidente perceptibili à sensibus, & habet qualitatem altiore illis, quæ omnes potest percipere, non tamen illam qualitatem, quæ est ipsamet potentia imaginatiua, quia non potest in se reflectere, & ita impeditur omnes qualitates corporeas absolute cognoscere, licet possit omnes sensibiles externas. Et similiter oculus, quia intra se habet aliquid visibile, scilicet diaphanum, & lucem, omnia videt sub ratione lucidi, & diaphani, quia etiam diaphaneitas requiritur saltem ex parte medij, videt tamen omnes colores, quia
nullum determinatum
habet.

ARTICVLVS IV.

Quæ sit potentia, actus, & medium odoratus?

Eodem fere ordine procedendum est in explicatione huius sensus, sicut aliorum duorum. Diuiditur ergo organum odoratus in tres partes præcipuas, scilicet in exteriorem, quæ est nasus, interiorem, in qua attrahitur odor, & omninò intimam, qua continuatur cerebro per nervos communicantes spiritus animales, & per eisdem deferuntur species odoris ad sensum communem. Quod attinet ad extimam partem, nasus ipse constat parte superiori ossea, & parte inferiori cartilaginea: est autem cartilago pars quædam durior carne, & mollior osse. Et definit in duo foramina, quæ per partem superiorem osseam continuantur ut videre est in caluaria, in qua pars ossea nasi, remanet cum illis foraminibus.

Quod verò attinet ad partem interiorem concurrunt tria in interiori fabrica nasi. *Primo* occurrit quoddam os ad radicem superiorem nasi positum, quod spongiosum est, & multis foraminibus patens, ideoque à medicis vocatur cribrum, quod à natura prouisum est, ne aer aspiratione attractus, liberè ingrediatur cerebrum, & frigore suo capiti noceat. In hoc verò osse quasi bipartiti meatus, seu viæ cernuntur, quædam quæ ducit ad fauces, & respirationi deseruit; quædam quæ naso ipsi, seu odorati deferuit, & quodam septo cartilagineo, quasi pariete quodam diuiduntur. *Secundò* sunt in superiori parte nasi quædam tubercula, seu carnæ partes in similitudinem mamillarum, quæ dicuntur processus, seu carunculae mamillares, quibus species odoris imbibuntur, & attrahuntur ab exteriori parte nasi, & osse illo cribroso. *Tertio* est membrana quædam, seu pellicula, quæ tunica exsanguis vocatur, & cooperit illas mamillas, potestque eleuari, sicut palpebræ, quæ claudunt oculos & eleuantur ad

videndum, unde nisi ista tunica eleuetur non fit odoratio, eleuatur autem respiratione ipsa. In animalibus autem sine respiratione odorantibus ut in piscibus, non datur ista membrana, eo quod sine respiratione possunt odorari.

Quod attinet ad vltimam, & magis intimam partem odoratus, constat duobus nervis descendentibus à cerebro, à quibus dependent illæ carunculae mamillares, & per eas expanduntur vsque ad ossa foraminosa. Quæ omnia ex anathomistica experientia constant, & etiam ab interpretibus in hoc loco communiter afferuntur.

Ex his oportet discernere, in qua parte totius huius fabricæ sita sit potentia odoratiua, de quo plures opiniones videri possunt, apud Conimbr. 2. de anim. cap. 9. *quæst. on. 4. articul. 2.* Breuiter dicimus probabilius videri potentiam odoratiuam esse in parte superiori, & propinquiore cerebro, scilicet in carunculis mamillaribus, ut videntur illi nervi à quibus pendent. Hæc est conformior Aristoteli, & D. Thomæ, multisque medicis, & alijs recentioribus, qui citantur apud Cursum Carmelitanum *disput. 12. quæstione 3.* Est tamen contra Vall. quem sequitur P. Suar. *lib. 3. de anim. cap. 25.* ubi tenet organum olfactus esse in interiori parte ipsius nasi, cui addi potest Auerr. 2. *collect. c. 17.* qui existimat esse in membrana narium. Sententia ergo Aristot. constat ex *lib. de sens. & sensat. lectio. 5.* apud Diu. Thom. ubi inquit: *Quamobrem odoratus sensorium eo proprium est loco, ubi cerebrum est.* Et D. Thom. ibi dicit. *Quod est circa cerebrum.* Constat autem quod carunculae mamillares, ut videntur illis nervis sunt propè cerebrum, & non sunt pars cerebri, ut arguit Auerr. quia licet illi sint aliquantulum similes in qualitatibus, simpliciter tamen sunt diuersæ naturæ, ut ex anathome constat. Sumitur autem ratio huius, tum à convenientia, tum à signis. A signis quidem, quia in ipsis partibus nasi non potest:

potest esse odoratus, tum quia abscisso nato adhuc aliqui odorantur; tum quia ad percipiendum odorem, intus respiramus, quasi ad locum intimiorem odorem attrahentes. In osse autem cribroso non potest esse odoratus, tum quia est materia valde dura, nec apta ad exercendam sensationem, quæ est operatio valde subtilis: tum quia alias etiam non eleuata illa membrana, seu operculo, quo mamillæ teguntur, fieret odoratio in animalibus respirantibus, siquidem fieret in illo osse, quod est ante membranam tegentem mamillas, cuius oppositum docet Arist. *lib. de sensu & sensat. lect. 14.* apud D. Th. & apertius 2. *de anima text. 100.* & ibi S. Th. *lect. 10.* & postea ostendetur.

Conuenientia autem ea est, quia illæ mamillæ sunt benè dispositæ ad sentiendum odorem, quia sunt spongiosæ, & facile moventur à respiratione, illaque hausta simul odorem spirantem percipiunt, tum quia ex propinquitate cerebri habent actu frigidum, & humidum quod etiam testatur continua pluuia muscosa, quæ per eas partes emungitur, ergo est conueniens dispositio ad percipiendum odorem, quod fit per exhalationem siccam, & calidam, ergo frigidum, & humidum non in ea intentione, quæ est in cerebro, sed in eo temperamēto, quod est infra cerebrum, est habile ad recipiendam impressionem fumalem sicci, & calidi, ideoque conuenienter tribuitur odoratus tali temperamento, quod est quasi aqueum, non quatenus perspicuum sicut in visu, sed quatenus est in potētia ad impressionem calidi, & sicci, quæ pertinent ad odorem, qui in calido, & sicco fundatur, ut *q. sequenti* dicemus, & experientia ipsa constat in floribus, quæ calore afflata odorem spirant. Denique homo inter omnia animalia est imperfectioris odoratus, ut docet Aristot. *text. 92.* cum nec ita à longe odoretur sicut vultures, nec tot differentias odorum cognoscat, sicut canes, vel aliæ feræ quæ ipso odoratu multas herbas discernunt. *Ratio autem traditur ibi à D. Th. lect. 19.* quia

homo habet magnum cerebrum, & magis humidum præ alijs animalibus in sua portione, & ideo olfactus in ipso obrusior est propter multam participationem humidi ex cerebro, odorabile autem aliquam siccitatem requirit.

Circa medium olfactus distinguendum est. de medio extrinseco seu deferente species, & de medio intrinseco imbibente illas in ipso organo odoratus. Et similiter potest considerari medium deferens tam respectu ipsius odoris realis, qui defertur, & extenditur per fumosam exhalationē, quam respectu intentionalis odoris, quæ sunt eius species, quas in organo ipso recipi dubium non est. Sed quomodo in medio necessarium sit recipi, aut diffundi realem exhalationem vsque ad odoratum, vel non sit necesse, dubium est, & similiter an istud medium, per quod defertur, tam exhalatio, seu odor realis, quam intentionalis an sit solus aer, vel aliquod aliud corpus.

Circa hoc ergo dico primo: Odor potest diffundi non solum per aerem, sed etiam per aquam. Ita Aristot. 2. *de anima text. 67. lect. 20.* apud D. Tho. De aere constat quotidiana experientia. De aqua constat etiā exemplo piscium, qui intra aquas olfaciunt, & piscatores odoribus assatorum piscium, vel alijs salsamentis in aquam proiectis pisces attrahere constat, & simili per ipsas aquas ascendere odorem videmus, quando in piscinis, quæ fundum habent nimis sordidum, grauis sentitur odor ex ipso fundo ascendens, & non solum ex corruptione aquæ, sed etiam si aqua de nouo iniiciatur. Et similiter cum in fundo lebetis, qui calefit in parte inferiori est aliquid odorabile, tunc enim cum partes inferiores calefiunt ascendant exhalationes calidiores, & subtiliores, & consequenter etiam odor in illis inclusus. Non tamen poterit sentiri odor ab animali respirante, si existit intra aquam, non ex defectu ipsius odoris & specierum eius, sed quia in animalibus respirantibus non attrahitur odor ad potentiam, nisi

per respirationem, quæ intra aquam dari non potest.

Secundo dico: *Non diffundi semper odorem realiter vsque ad sensum olfactus, sed sufficit, quod intentionaliter ad illum perueniat, realiter autem solum per aliquod spatium diffundatur, quod si realiter perueniat ad olfactum, non tamen sentitur, quatenus ibi realiter est, sed quatenus intentionaliter.* Assertio hæc constat ex traditis à Diu. Thom. 2. de anim. lect. 20. videri potest Caietan. super c. 8. q. vnic. Ban. 1. p. q. 78. art. 3. dub. 2. de odore. Conimb. cap. 9. q. 3. Carmelit. disp. 12. quest. 2. Et pro ea explicanda aduerte, quod odor realis semper fit cum aliqua resolutione, seu exhalatione tenui, seu fumosa, licet non semper videatur, vt quest. 7. q. art. 5. ostendetur, constatque ipsa experientia, quia constat odorem facile consumi, si res aliqua aeri sit exposita, si verò sit operata, & tecta, diutius conseruat odorem, quod non esset, si solum emitteret species intentionales, non verò exhalaret odorè ipsum realem, quia emissio specierum, non consumit odorem existentem in ipso odorabili.

Quod ergo odor debeat aliquo modo diffundi per medium mediante illa fumosa exhalatione, probabilius est in sententia D. Th. qui distinguit proprium modum, & immutationem odoratus ab alijs sensibus, præsertim auditus, & visus, quia odoratus fit cum aliqua alteratione, & immutatione ipsius sensibilis, vt dicit lib. 3. de anima lect. 1. in fine, & q. de anima art. 13. in corpore, & 1. p. q. 78. art. 3. oportet, inquit, per calidum alterari al. quo modo corpus, ad hoc vt spiraret odorem. Et ratio est, quia odorem realiter exhalari ab ipso odorabili constat experientia, cum videamus communicari odorem his, quæ tangunt res odorabiles, & etiam ipsis remotis in illis permanere odorem, & ad olfaciendum aliqua immutatio sensibilis requiritur in ipso odorabili, vel in medio, & non sufficit mutatio localis, sicut in sono, quia odor non generatur sola mutatione loci sine mixtione qualitatum, vt videmus

experientia, ergo requirit alterationem, nõ quidem in ipso organo sensus, sicut gustus, & tactus, ergo saltem in ipso medio, vel in ipso sensibili.

Quod verò non sit necesse alterari totum mediũ alteratione illa reali fumosa exhalationis, sed sufficere, quod ad aliquam distantiam perueniat, & deinceps intentionalis diffundatur vsq; ad sensum, deducitur ex aliquibus experientijs, tum quia vulcures à remotissima distantia sentiunt odorem cadaverum, & à multis leucis vt refert D. Th. lect. 20. citata, si autem per totum illud spatium diffunderetur odor realis, cõsumeretur totus odor rei odorabilis, tam longa, & copiosa exhalatione. Secundo; quia illa fumalis exhalatio tardius mouetur secundũ realem multiplicationem, quam sentiatur eius odor facta enim euaporatione alicuius odoris in aliqua parte domus, statim sentitur in parte distantiori eius odor, etsi exhalatio illuc nondum peruenerit, imò & clausa ianua sentitur odor, licet fumus non ita possit per illam transire. Denique exhalatio fumea sursum ascendit, odor autem etiam à parte inferiori sentitur, ergo non requiritur, quod fumalis euaporatio perueniat realiter ad sensum, sed sufficit quod intentionalis. Quod verò aliquando perueniat vsque ad ipsam potentiam, constat quando odores sunt fortes, & propè potentiam applicantur tunc enim odor ipse realiter diffusus, statim attinget potentiam, vnde etiã videmus cerebrum grauari, vel releuari odoribus. Sed tamen sensatio non efficitur ex immutatione reali, sed intentionalis, quia physica mutatio est, quæ ordinatur ad generationem, vel corruptionem alicuius accidentis, vel substantiæ, & ita est cõmunis rei animatæ, & inanimatæ, sensatio autem non fit per generationem, vel corruptionem alicuius. Ergo formaliter non fit per mutationem physicam, & realem, sed intentionalem.

Circa actum odorandi nihil est specialiter difficultatis, præter id, quod iam notauimus, quod animalia respirantia non olfaciunt nisi

nisi mediante respiratione, ideoque intra aquas adorari non possunt. Cuius causam Aristot. dixit esse, quia sine respiratione non eleuatur illa membrana, quæ operit olfactum, & ita manet clausus sicut oculus demissis palpebris. Galenus autem non admittit hoc operculum, sed dicit, ideo non sentiri odorem intra aquam, quia sine respiratione non peruenit odor ad ventriculum cerebri, ubi ipse existimat odorationem fieri. Sed causa ista est sufficiens, quia si sensorium odoratus non est occlusum, neque impeditum, cur species odoris non peruenient ad ipsum etiam sine respiratione? Quid autem dicendum de animalibus, quæ extra aquas eleuantur, & ibi respirant, licet intra illas etiam uiuant, ut Delphines, Crocodili, ranæ, & similia? *Respondetur*, ista animalia carere illa membrana, ut intra aquas sine respiratione odorentur, quando autem extra aquas respirant, multò melius poterunt odorari, non habendo illud operculum. Nec tamen existimandum est, quòd hoc operculum ita est expansum super odoratum, sicut palpebræ super oculos, nec quòd possit eleuari ab aere externo; sed ipsamet via, qua defertur odor ad interiorē partem, quia arcta est, & dilatari potest, dicitur esse operculum ipsius odoratus, quia dum comprimatur operit & tegit, dum dilatatur dicitur eleuari, ideoque non potest aliqua vi externa aperiri, sed solū actione ipsa animalis respirantis.

SOLVUNTUR ARGV-
MENTA.

Primò obijciuntur contra ea, quæ diximus de organo odoratus: nam illud constituendum est tanquam organum odoratus, quod maiorem, & propinquiorem sympathiam habet cum ipso obiecto odorabili, sed odor generatur ex sicco & calido, & emittitur per fumosam exhalationem, de quo *questioni sequenti*, ergo organum odoratus ponendum est in aliquo, quod magis participet de calido & sicco; caruncula au-

tem mamillares, quia prope cerebrum sunt, magis participant de humido, & frigido, ergo in eis non est constituendum organum odoratus, sed magis in partibus narium interioribus, quæ sunt cartilagineæ, & ita magis de siccitate participant, vel etiam in membrana exangui, aut in interioribus ventriculis cerebri, qui magis spiritibus animalibus abundant, & ideo plus de fumosa exhalatione habere possunt. Et saltem ex hoc deducitur infirmam esse illam consequentiam Aristot. quod organum odoratus debet esse frigidum & humidum, quia debet esse in potentia ad calidum & frigidum, quod est odor, nam potius debet esse actu calidum & siccum, ut actu possit esse proportionatum obiecto odorabili, sicut auditus & visus suis obiectis proportionantur, ut supra vidimus, & deinde quia organum & potentia solum debent esse in potentia ad species intentionales sui obiecti, non ad realem eius immutationem, siquidem speciebus, & non reali qualitate odoris actuatur, non ergo bene infert Arist. quod debet esse frigidum & humidum actu, quia debet esse in potentia ad calidum & siccum, cum solum sit in potentia ad species odoris, qui fit ex calido & sicco. *Confirmatur*. Quia supra diximus, auditum, & visum consistere in illo concursu neruorum, ne sint duæ potentia visus vel auditus in duabus pupillis, vel auribus, ergo similiter ne sint duo odoratus, non debent esse in duabus illis mamillis internis, sed in aliquo concursu neruorum.

Respondetur. In constitutio organi potentia requiri proportionem inter ipsum & obiectum, non similitudinis, sed receptionis, qualis est inter actiuum & passiuum, quia obiectum comparatur actiue ad potentiam & ad dispositionem organi, sicut organum visus est perspicuum, quod est in potentia ad lucem & ad colorem, & aer ut immobilis est organum auditus, qui est in potentia ad motum, seu sonum. Vnde recte Philosophus probauit quod organum

olfactus habet esse in potentia, vt immutetur à calido & sicco, seu exhalatione fumida calidi & sicci, & consequenter debet carere tali sicco, & calido. Et cum in his, quæ constant qualitatibus contrarijs physicis, quantum caret de vna, tantum habeat de alia, seu prædominetur alia, oportet, quod si organum odoratus caret sicco & calido, prædominetur in eo frigidum & humidum. Exhalationes verò, quæ à spiritibus animalibus fieri possunt; erunt in se odorabiles & imprimentes in organo. Vnde hoc potius probat ipsas debere esse obiectum odorabile, quam organum odorandi.

Ad id verò, quod dicitur contra consequentiam Aristot. iam responsum est, quomodo verificetur sicut in alijs sensibus visus & auditus, in quibus organum non proportionatur obiecto secundum similitudinem, sed secundum receptionem & proportionem potentiæ receptivæ ad actum. Quod verò additur solum debere esse in potentia ad species intentionales, non ad ipsas reales qualitates. *Respondetur*, utrumque habere debere, nam potentia in ratione potentiæ recipit species intentionales, & in ratione organi physicè dispositi debet carere qualitatibus sui obiecti, sicut organum visus debet carere colore reali, & auditus sono, nec sufficit carere speciebus coloris. Vnde licet sensus solum debeat actuari intentionaliter à specie, physicè tamen debet organum carere qualitate sui obiecti, & consequenter esse in potentia ad ipsam, tanquam actuabile & capax illius, & tanquam carens ipsa, licet de facto non actuetur, alias si illam haberet, & non careret illa, hoc ipso haberet impedimentum, ne vniuersaliter & indifferenter posset ferri in colores & in odores, &c.

Ad Confirmationem respondetur, duas aures, vel duos oculos ita esse inter se distantes, vt non possit vniri nisi in occursum illorum neruorum. Caterum carunculae mamillares sunt inter se coniunctæ, & ita vel immediatè vniuntur, vel mediantibus

neruis in eisdem mamillis concurrentibus, ideoque in illis dicitur esse olfactus.

Secundò arguitur, contra id, quod dictum est, odorem non diffundi realiter vsque ad potentiam, sed sufficere quod intentionaliter. Nam contra hoc videtur stare, tum experientia, tum ratio. Experientia, quia constat cerebrum refici odoribus suauibus, lædi vero grauib, hoc autem non fit sine reali mutatione, non verò sola intentionaliter, quia intentionalis impressio non alterat physicè. Item videmus quod ventus ex aduerso flans auertit odorem à sensu, è contra verò defert illum etiam à longissimo tractu, vt cum defert aeris corruptionem. Ergo signum est fieri hoc per realem ipsam odorum exhalationem, non per solum intentionalem immutationem, hæc enim nec à vento fertur, nec ab eo impeditur, cū fiat in instanti, vtpotè sine contrario. Denique constat, quod animalia respirantia, ipsa respiratione attrahunt odorem, & si non respirant, non odorantur, ergo signum est attrahere odorem realem, & non solum species eius, quia istæ non indigent respiratione, vt attrahantur, quia immateriali actione diffunduntur, sicut in alijs sensibus. *Et hinc sumitur ratio*; quia odor non sentitur in instanti, species autem intentionales in instanti diffunduntur, quia non habent contrarium, à quo retardentur. *Confirmatur*. Quia non requiritur fumosa exhalatio ex parte odorabilis: Tum quia in aquis, & sub aquis emittitur odor, nec tamen ibi potest dari talis exhalatio: Tum quia alias res parua, & minuti pulueres citissimè perderent odorem, quia cum continuo exhalent illum odorem, siquidem continuo sentiri possunt, & illi sunt ita minuti, citissimè resolveretur illa qualitas per exhalationem, quod est contra experientiam, qua videmus diu durare.

Respondetur negando antecedens, & ad primam experientiam dicimus, cerebrum lædi vel confortari odoribus, quia aliquando

do ipse realis odor peruenit vsque ad cerebrum, si copiosus & fortis sit, & tunc realiter ipsum alterat lædendo, vel recreando, aliquando verò solum intentionaliter peruenit ad odoratum, & tunc solum recreatur delectatione intentionali, sicut visus in videndis rebus pulchris, ex quo etiam indirectè potest prouenire ipsi corpori aliqua bona dispositio.

Ad secundam experientiam dicitur, ventum flantem diuertere, aut afferre odores etiam quantum ad species intentionales, quia cum istæ non traijciuntur in instanti, sed per motum, vt statim dicemus, datur locus, vt illæ partes aeris, in quibus species multiplicuntur, aliorum impellantur per ventum, & impediuntur à suo motu recto, quo traijciuntur, sicut idem contingit in speciebus soni, quæ per motum diffunduntur. Hoc tamen non prohibet, quin etiam fumosa exhalatio realis emittatur ab ipso odorabili, & hæc etiam per motu venti diuertere possit, licet non in omnibus partibus aeris ista exhalatio deriuetur.

Ad tertiam experientiam dicitur: Quòd animalia respirantia dicuntur attrahere odorem, non quia species ipsa attractione multiplicent, aut trahant ad se, cum ipsæ naturaliter deferantur tam ad animalia respirantia, quam nò respirantia, & ad ipsum odoratum perueniunt, etiam in illis, in quibus respiratio non est. Sed illa, quæ respiratione indigent, dicuntur attrahere species odoris, quia attrahunt aerem, in quo species illæ sunt. Causa autem cur indigeant respiratione ista animalia ad odorandum, vt assignat Aristoteles in hoc 2. lib. text. 100. lect. 20. apud D. Thomam, & lib. de sens. & sensat. lect. 14. est, quia oportet in istis animalibus, eleuari, seu laxari illam membranam, vel operculum, quo odoratus operitur, vt transeant species ad ipsum, sicut palpebræ oculorum debent eleuari, vt videamus; quæ membrana, cum in animalibus non respirantibus non habeatur, non indigent respiratione ad odorandum. Sed hoc

non variat specie ipsos odoratus, quia non variat modum sentiendi, & immutandi intentionaliter, licet variet aliquid accidentale circa indigentiam, vel non indigentiam respirationis.

Ad rationem respondetur, non traijci species odoratus in instanti, sicut species visibiles. Et disparitas est, quia licet species intentionalis non habeat formaliter contrarium, potest tamen generari dependenter ab aliqua alteratione, seu motu habente contrarium, & non sufficit non habere contrarium, vt in instanti motus fiat, sed requiritur etiam, quod non dependeat à motu in sui productione, quia cum motus fiat in tempore, si vt generetur dependet ab aliquo motu, simpliciter dependet à tempore. Dependunt autem species odorabiles, sicut & audibiles in sui prima productione ab aliquo motu alteratiuo, vel locali vt ostensum est. Vnde cum primo generentur per motum, non possunt in progressu fieri instantaneè, quia iam earum natura ad motum determinata est, & saltem ratione primi motus nò potest simpliciter fieri in instanti. At verò species visibiles etiam in sui prima productione non dependent ab alteratione, vel motu physico, sed solum à luce, & perspicuo, quæ sine motu physico operantur, nec dependent ab alteratione physica.

Ad confirmationem respondetur, benè posse sub aquis emitti exhalationem; cum videamus aquam calefactam à fundo exhalari, & attenuatam ascendere, siue virtute solis, siue vt ignis. *Quod verò dicitur* de minutis pulueribus, & alijs rebus odoriferis parua quantitatibus, *Respondetur*, omninò consumi per exhalationes illas fumidas si desint causæ conseruantes odorem, & non sint multi pulueres simul, qui mutuo se adiuuent, sicut si esset corpus magnæ quantitatibus. Sed hoc non est æqualiter in omnibus, neque omnia æquè cito consumuntur: tum quia non est solum attendenda paruitas quantitatis in istis rebus odoriferis, sed

sed etiam dispositio, & tenacitas vel efficacia, quam habent ad retinendum odorem: cum etiam, quia illa exhalatio fumida odoris tenuissima est, & ita licet continuo emittatur, non tamen potest tam cito totam vim odoris exhaurire.

ARTICVLVS V.

Quid de potentia, medio, & actu gustus?

Supponimus sensum gustus esse realiter distinctum à sensu tactus, quod immerito aliqui negauerunt, cum vtriusque obiecta & actus sint valde distincta, & hæc sunt principia vnde dignoscimus distinctionem potentiarum. scil. penes actus & obiecta; imo etiam est distinctum organum, cum non ubicunque reperitur tactus, reperitur gustus. Est distinctum obiectum, quia gustu discernimus differentias saporum, ut amarum & dulce, & varias alias mixturas, quæ ex illis fiunt, & ex humido bene digesto per calorem consurgunt: tactu autem discernimus temperaturas primarum qualitatum, ut calidum & frigidum, durum & molle, & alia similia. Est distinctus actus, quia diuersa delectatio percipitur in sapore, quam in delectatione tactus, ergo est diuersa operatio, quia delectatio in operatione est; & ipse etiam modus operandi est diuersus; quia tactus fit simplici applicatione rei tangibilis sine alia immutatione, quæ faciat commixtionem aliquam cum ipsa re, quæ tangitur; gustatio autem fit per applicationem rei sapidæ cum mixtione aliqua humiditatis lingua ad rem saporosam. Et licet ad gustandum requiratur sensus tactus, hoc non tollit, quin sit distinctus sensus, quia etiam ad reliquos sensus requiritur tactus, & tamen distinguuntur ab illo.

Neque obstant aliqua loca Aristotel. quæ significant gustum esse tactum quendam, vel speciem tactus, sicut in 2. de anima text. 94. dicit, quod gustus est tactus quidam. Et text. 101. quod gustabile est quoddam tangibile, & in

lib. de sens. & sensat. lect. 5. apud D. Thom. dicit, quod gustus est quidam species tactus, & in 3. Ethicor. cap. 10. vbi dicit, quod in cibo & potu capitur voluptas ex tactu. Respondetur ex doctrina D. Thom. 2. de anim. lect. 21. super textum 101. duplici solutione; Prima, quod gustus dicitur quidam tactus, quatenus conuenit cum tactu in modo requisito ex parte applicationis ad sentiendum, scil. quia requirit etiam contactum sui obiecti ad sentiendum illud, sicut & ipse tactus, non verò quasi conueniat cum tactu in ipsa ratione specifica & essentiali sentiendi, quia circa diuersum obiectum versantur. Secunda est, quod gustus dicitur tactus quidam, vel eius species, vel sumendo tactum genericè prout dicit sensum cognoscentem per contactum, in quo distinguitur à tribus reliquis sensibus, qui requirunt aliquod medium extrinsecum deferens species, non autem sumendo tactum pro speciali potentia respiciente qualitates tangibiles, vel dicitur gustus esse tactus radicaliter & fundamentaliter, quia licet omnes sensus requirant tactum, specialiter tamen gustus in eo fundatur, quia obiectum eius scilicet sapor fundatur in humido, & sensatio ipsa gustus perficitur in humectatione seu mixtione humidi linguae cum re sapida; humidum autem ad tactum pertinet, & inde est, quod ut dicit Philosophus in 1. Ethicor. textu supra citato, & aduertit D. Thom. lect. 21. citata, ad delectationes gustus prout est discretius saporum, non est temperantia, sed prout est tactus quidam, & discernit qualitates tangibiles alimenti, in quibus fundatur sapor. Neque obstat, quod gustus percipit humidum, quod est qualitas tangibilis, ut patet, quando bibit aquam, dicitur enim, quod sentit humidum non simpliciter, sed saporosum. Et aqua sentitur, ut habens aliquem saporem, puta amarum, vel salsum, vel dulcem; si autem esset aqua omnino pura elementalis sine omni sapore, non sentiretur à gustu, sed à tactu, in quo fundatur gustus.

His suppositis, circa organum potentie gustus generaliter loquendo constat esse linguam, per quam sapores dijudicamus, & in non habentibus linguam aliquid loco illius correspondere. Docet Aristot. in 1. de histor. anim. cap. 11. & 2. lib. de partib. anim. cap. 17. Ut autem constet in qua parte lingue potissimum resideat potentia gustativa, oportet eius fabricam breuiter præsupponere. Est igitur lingua, substantie aliquantum rarioris & laxioris, ut facili humores & saliuam imbibat, quæ ad miscendos & deuehendos sapores valde conducit. Nititur basis, seu radix lingue osse quodam fortiori sancibus coherente. Intra linguam nouem musculi inueniuntur: & designatur, vel quasi diuiditur ipsa lingua linea quadam, ut quasi duæ medietates appareant, ut sic videatur speciem quandam habere duplicis organi, sicut oculi, aures, & nares in substantia tamen est vna, & continua. Habet quoque duas venas maiusculas, duas arterias, duos quoque nervos, alterum duriores pro motu deseruientem cum musculis, alterum molliorem pro discernendis saporibus. Quæ omnia ex ipso anathome constant.

Dicimus ergo: quod organum gustus quantum ad dispositionem debet esse siccum in actu, & humidum in potentia, quoad subiectum autem inhesionis est in illo nervo molliori, quia est siccioris nature, quam ipsa caro lingue; qui nervus licet per totam linguam sparsus sit, ut in tota illa sapor gustetur, tamen in cuspide lingue acius viget. Prima pars huius resolutionis est Aristot. lib. de sensu, & sensat. lect. 5. apud D. Thom. ubi dicit: Quod sicut organum odoratus debet esse aqueum, ut sit in potentia ad siccum, sine quo non fit odoratus in actu, ita etiam organum gustus debet esse tenerum, ut sit in potentia humidum sine quo non est gustus in actu. Et ratio est, quia organum gustus sicut in alijs sensibus sic debet esse dispositum, ut non habeat actu qualitates sui obiecti, sed potius oppositas, ita quod sit in potentia ad eas, quæ sunt in

suo obiecto, sicut organum visus ratione perspicuitatis est in potentia ad colores & lucem, auditus ad motum & sonum aeris, odoratus ad calidum & siccum, ex quo formantur odores, ergo similiter gustus debet esse in potentia ad humidum, ex quo formantur sapores, ut sequenti questione expendemus, ergo debet esse actu in qualitate opposita scilicet in sicco. Sed tamen ista siccitas non debet esse ignea, quæ adurit & consumit humidum, sed terrea, quæ facile humidum recipit, in humido autem formantur sapores. Vnde si lingua sit nimis sicca, siccitate illa adurente, sicut in febricitantibus, male disposita est ad gustum, de quo videri potest D. Thom. lect. illa 21. citat.

Secunda pars, scilicet potentiam gustus esse in illo nervo molliori deducitur ex dictis, quia caro lingue est nimis humida, cum sit spongiosa & attractiva humoris, & ita magis deseruit tanquam medium internum ad recipiendum sapores & species eorum, quam ad eliciendam ipsam sensationem; nervus autem ille siccior est, & terrea nature, sicut communiter sunt nervi, & quia mollior est, est aptior ad eliciendam sensationem, quam ille alter nervus durior, qui ad motum exercendum cum musculis magis deseruit. Et ita in illo nervo molliori collocat gustum S. Thom. opus. illo 43. cap. 3. Et quod in cuspide lingue magis gustus vigeat, manifestum est ipsa experientia, quia ibi viuacius sentitur delectatio & discretio saporum. Sed tamen quia etiam sentitur, & delectatur ad fauces, & ad radicem lingue, & in tota ipsa lingua, ideo in tota illa simpliciter ponitur.

Sed obijcies Aristotelem, qui in libro de sensu & sensato, lect. 5. apud D. Thom. circa finem, ubi dicit: Quod gustus, & tactus sensorium est cor, quia cor est calidissimum, sicut cerebrum frigidissimum, ergo non debet poni in lingua. Deinde ratio etiam urget, quia saliuam nimis conducit ad sensum gustus, ita quod sine humectatione, aut non

sentitur sapor, aut vix, eò quòd sapes fundantur in humido, ergo illud conuenientius ponitur pro organo gustus, quod maiorem conuenientiam habet cum humido, & sic non in neruo, sed in ipsa carne linguae, quae humidior est, debet poni potentia gustus, & inter ipsas partes linguae magis in radice, quam in cuspide, quia in illa maximè generatur salina in illis glandulis carneis, quae ibi sunt, in cuspide autem, quia acutioris figurae est minùs potest de salina retineri. Et dato, quod in neruo consistat organum gustus, adhuc magis sentiretur in radice, quam in cuspide linguae, quia ibi est magis expansus, & extensus, ille neruus, & sic plus habet virtutis. *Confirmatur*, quia aliqui cibi sunt valde sicci, & in pulueres reducti, discernuntque ad siccandas humiditates, ergo ad illorum gustum magis erit necessaria humiditas in actu, quam in potentia.

Respondetur, ad locum Aristot. quod ubi ibi sanctus Thomas explicat, loquitur de principio sensitivo radicali, à quo primò emanat calor vitalis requisitus ad sensum, sed hæc virtus caloris, quæ derivatur à corde in ordine ad alios tres sensus, scilicet visum, auditum & odoratum non fertur immediate à corde, sed ad cerebrum prius tendit, & inde ad organa istorum sensuum, respectu verò gustus & tactus immediate est à corde, cuius signum est, quia circa cor est dolor maximè sensibilis. Ita explicat ibi D. Thom. Aristot. qui non negat organum gustus esse in lingua, sed differentiam constituit in ministrando calore cordis gustui & tactui ex vna parte & alijs sensibus ex alia. Quod an verum sit postea disquiretur; licet illud nò possit esse dubium, quod primum principium totius caloris vitalis, siue mediante cerebro ministratur, siue nò, esse ipsum cor.

Ad rationem respondetur humectationem requiri in lingua, & gustu non tanquam virtutem sentiendi, sed tanquam condimentum, & temperaturam obiecti gusta-

bilis, nisi enim alteretur res sapida illo humore linguae, non potest sentiri, & ideo cum requiratur ex parte ipsius obiecti, non sequitur, quod organum potentiae gustativæ debeat esse in parte magis humida, sed in parte recipiente species saporis humectari à lingua. Hæc autem dispositio organi non debet esse similis qualitati sui obiecti formaliter, sed proportionata ad recipiendum, & sic formaliter potius debet esse oppositæ qualitatis, & in potentia ad illam, quam formaliter similis illi, & ita quia sapor fundatur in humido, ideo humiditas linguae requiritur ad perficiendum ipsum obiectum, quod est sapor, non autem ut in eo constituatur potentia, quæ debet esse receptiva saporis. Et eadem ratione negamus debere gustum perfectius esse in radice linguae, ubi est abundantia salina, quia hæc non est dispositio potentiae gustativæ, sed obiecti: gustabilis prout applicatur gustui. Et dato, quod pertineret ad gustandum actiue, non deberet esse in tanta abundantia, sicut est in radice linguae, sed in eo temperamento, quod est in cuspide, propter quod etiam licet neruus sit magis expansus in radice linguae, non tamen est ibi ita temperatus, & actius ad discernendum sapes, sicut in cuspide.

Ad Confirmationem respondetur, quod licet aliqui cibi videantur aridiores, & sicciores, habent tamen sufficientem humiditatem, ut generent saporem, ut dicemus *quæst. sequen.* & tamen si siccitas præualeat humiditati, vergunt in amaritudinem, sicut cineres amarissimi sunt, quia valde sicci.

Circa medium gustus, supponimus sensationem huius potentiae non fieri sine speciebus intentionalibus, hoc enim est commune omni sensui, ut dicemus, *quæst. sequenti*, quia sensatio non fit sine concursu obiecti intentionaliter modo applicati. Species autem intentionales per aliquod medium deferuntur ab obiecto ad sensum, & hoc me-

medium, ut sæpè diximus, est duplex, aliud extrinsecum, seu distinctum ab ipso sentiente, licet usque ad ipsum sensum extendatur, & cum ipso contiguum sit, non continuum, sicut aer deferens species usque ad oculum vel auditum. Aliud est medium intrinsecum, id est continuum, & non solum contiguum animali, scilicet organum ipsum, seu pars organi, quæ species recipit, ut ipsam possint actuare potentiam, & ad illam peruenire.

Dicimus ergo, quod in sensu gustus non est assignandum medium extrinsecum deferens species saporum, sed solum medium intrinsecum, cui immediate coniungitur ipsa res gustabilis, ut ibi alteratione aliqua, seu immutatione facta per humectationem linguae, species eius ad potentiam gustatiuam perueniant.

Hoc autem medium internum est ipsa caro linguae superposita nervo sentienti saporibus, & est humida humore illo salivæ valde alterante cibum. Sumitur hoc ex Aristotele 2. de anim. text. 101. lect. 21. apud D. Thomam, ubi inquit: Quoddam gustabile est quoddam tangibile, & hæc est causa quare non sit sensibile per medium corpus extraneum, neque enim tactus tali medio percipit; sic ergo æquiparatur gustabile tangibili quantum ad hoc, quod utrumque obiectum contactu quodam applicari debet ad potentiam, & non solum per medium extrinsecum emittere species.

Sic ergo probatur conclusio ipsa experientia, quia saporibus non possunt sentiri, nisi habeant contactum cum lingua, nullus enim sentit saporem extra positum, & hoc ideo, quia saporibus non possunt sentiri, nisi alterentur & immutentur physica alteratione ordinata ad ipsius viventis nutritionem, ad hoc enim ille sensus ponitur in animali, ut possit ea, quæ ad alimentum pertinent discernere & assumere, & sic oportet, quod ipsa immutatio cibi, seu saporis fiat in ipso animali. Requiritur ergo contactus physicus ad organum gustu tanquam ad medium internum, ut ibi sapor i-

pse mediante illa mutatione discernatur, & sentiatur, sicut etiam odorabile aliquam exhalationem fumosam, quæ realis alteratio est debet habere, ut sentiatur, sed quia non est materialis sensus, sicut gustus, nec ita proximè ordinatur ad ipsam animalis conservationem seu reparationem, non est necesse, quod illa immutatio odorabilis fiat in ipso animali, sed sufficit, quod in aliqua parte medij, & inde deferantur species ad odoratum.

Quod si obiciatur: Aristotelem non bene probasse, quod gustus est quidam tactus, quia tangibile fundatur in humido: nam etiam odor fundatur in sicco, & siccitas est qualitas tangibilis; non minus quam humiditas. Ergo eadem ratione deberet dici odoratum esse quendam tactum; & odorabile esse tangibile. Confirmatur, quia si gustus esset quidam tactus, organum gustus non deberet distinguere ab organo tactus, sed utrumque esset terreum, & in potentia ad humidum, ut tangibile, quod tamen falsum est, ut supra diximus. Confirmatur secundò, quia gustus non semper requirit contactum rei gustabilis, sicut si ori applicetur aqua, & in partibus distantibus aquæ, ponatur aliquid dulce ut mel, statim sentitur eius sapor, antequam ori admoveatur, ergo potest sentiri aliquid nondum habens contactum: imò sufficit, quod habeat contactum mediante salivâ, salivâ autem medium extrinsecum est, cum sit corpus distinctum à lingua, ergo per medium extrinsecum potest gustari.

Respondetur, quod licet odor fundetur in sicco, & sapor in humido ex parte ipsius rei odorabilis & gustabilis, tamen ex parte applicationis ad sensum longè differunt, quia ut sapor gustetur debet misceri cum humido linguae, ibique fieri alteratio physica, quæ sine contactu fieri non potest, & consequenter gustus præsupponit tanquam conditionem necessariam ipsum sensum tactus, cui fit ille contactus. At verò siccum odoriferum non debet immutare physicè

ipsum siccum, vel humidum olfactus, aut ibi alterationem habere, sed sufficit quod in medio exhalet, & ideo quia non requirit istum contactum physicum, nec ipsum odorabile, dicitur tangibile, nec odoratus dicitur tactus illo speciali modo.

Ad primam Confirmationem respondetur. Quod gustus non est tactus essentialiter, sed præsuppositiuè illo speciali modo, quia requirit contactum, & alterationem physicam obiecti, quæ tactu dignoscitur, ut possit gustari, ideoque supponit organum distinctum formaliter, licet in eadem parte, in qua est gustus, sit etiam tactus, sicut in alijs sensibus inuenitur etiam tactus, quia tactus diffusus est per totum corpus, licet speciali modo requiratur ad gustum, ut dictum est. Et licet organum gustus sit terreum, & in potentia ad humidum, non tamen formaliter, ut humidum est tangibile, sed ut saporosum, sic enim solum in lingua sentiri potest, quod etiam est signum distingui ista organa, ut etiam aduertit S. Thom. 2. de anim. lect. 22. ex Aristot. ibi. text. 111.

Ad secundam Confirmationem conceditur sequela, & ad experientiam in oppositum dicitur, quod illum saporem mellis distantis non sentit gustus nisi quatenus per aliquam mixtionem diffunditur vsque ad partes aquæ, quæ ori applicantur, alioquin non sentitur. *Quod vero dicitur de salina.* Respondetur, illam non esse medium diffundendi species saporis, sed alterandi cibum & saporem eius in ore, & cum illa alteratione & mixtione species saporis imprimuntur in lingua, cui ita adiacet ipsa salina, quod non potest illi commisceri sapor, seu cibus, quin commisceatur lingua.

ARTICVLVS VI

Quid de potentia, actu, & medio tactus?

Circa potentiam tactus sunt due difficultates. Prima, quam Aristoteles mouet

in hoc secundo libro, text. 106. an tactus sit vnus sensus in specie a thoma, an tantum vnus genere. Secunda, an organum sensus tactus sit quæcunque pars corporis, an tantum neruus. Circa medium verò quo species tactus communicantur dubium est de medio interno, an sit caro superposita neruo, vel aliquid aliud.

Circa primum videntur esse tactus diuersæ speciei, quia inter tangibilia inueniuntur diuersæ contrarietates, quæ non possunt reduci ad vnum genus, & modum immutandi sensum, ergo debent constituere diuersos sensus specie. *Consequentia patet,* quia sensus distinguuntur penes diuersum modum immutandi potentiam, & eliciendi sensationem, vnde sint diuersæ contrarietates non reducibiles ad vnum genus, & modum immutandi potentiam, oportet diuersas potentias constitui. *Antecedens autem constat,* quia tactus attingit diuersas contrarietates, ut sunt calidum & frigidum, siccum & humidum, fames & sitis, voluptas & dolor, quæ non possunt reduci ad vnum genus, quia sunt contrarietates primæ, quia vna non oritur nec deriuatur ab alia, contrarietas enim inter calidum & frigidum, est æquè prima, atque contrarietas inter humidum & siccum, quia vtraque est inter qualitates primas. Similiter voluptas & dolor, fames & sitis dicunt contrarietatem internam, & non alicuius externi tangibilis, magis autem distat sensibile internum, eiusque contrarietas à tangibili externo, quàm duo sensibilia externa, ut calor & sapor, cum externa per medium aliquod attingantur, interna sine medio, ergo magis debent constituere diuersos sensus, quàm sensibilia externa. In alijs autem sensibus videmus, quod tantum est vna contrarietas, ad quam cetera reducuntur, sicut ad album & nigrum reducuntur alix contrarietates colorum.

In hac difficultate Aristot. nihil resoluit, licet eam proposuerit D. Th. 1. 2. de anim. lect. 22. licet inclinet in hanc partem, quod tactus

tactus sit vnus sensus genere , & plures in specie, tamen in q. de anima art. 13. ad 17. & 1. p. q. 78. ar. 3. ad 3. vtramque partem vt probabilem admittit. Hinc est, quod etiam in hac parte discipuli. D. Tho. sunt diuisi, nam Caiet. 1. de anim. c. 10. Flandr. ibidem, & Iauell. ibi q. 47. tenent quod sint plures tactus specie. At verò Magister Bañez 1. p. quest. 78. artic. 3. dub. 1. de tactu tenet, quod est vnus specie.

Nihilominus probabilius videtur tactum esse vnum sensum secundum speciem athomam, & in hoc perfecte saluamus commune dictum, quod tantum sunt quinque sensus externi, quod absolute nō saluaretur si essent plures specie distincti. Hanc sententiam, v. diximus probabilem reputat D. Thom. locis citatis, & absolute eam docet opuscul. 43. cap. 3. Et ratio sumitur ex eo, quod omnes illæ contrarietates, quæ dicuntur esse primæ conueniunt in vno genere proximo, quod est obiectum tactus, licet genus illud sit innominatum. Quod sic explico, quia licet calidum, & frigidum, siccum, & humidum sint primæ contrarietates in genere naturali, possunt tamen conuenire in genere intentionali, quatenus habent eundem modum immutandi sensum, scilicet cum contactu rei tangibilis, & alteratione sentientis: reducuntur etiam ad vnam contrarietatem obiectiuam, quia sentiuntur secundum aliquem excessum, vel conuenientiam ad temperamentum sensus, id est secundum conuenientiam, vel disconuenientiam ad ipsum sentientem: quod autem hic excessus sit in calore, & frigore, siccō, & humido, materialiter, & per accidens se habet. Reliquæ autem contrarietates, vt famis, & sitis, voluptatis, & doloris, molli, & duri, & aliæ similes, omnes reducuntur ad istas calidi, & frigidi, &c. in illisque fundatur, vt postea dicemus. Et confirmatur, quia temperamentum animalis resultat ex omnibus quatuor qualitatibus, & sic se habet, quod omnes illas respicit per modum constituentium temperamentum

vnum conueniens, vel disconueniens animali, licet inter ipsas qualitates primas physicè, & entitatiuè consideratas sint diuersæ contrarietates irreducibiles ad aliquam vnam naturalem, benè tamen ad aliquam animalem secundum quod temperamentum animalis est conueniens, vel disconueniens, & sic sub eodem modo sentiuntur, quatenus scilicet id, quod tangitur, congruit, vel non congruit cum tali temperamento, siue congruitas sit in siccitate, siue in frigore, siue in qualibet alia qualitate, & hanc si excedat, vel corrumpat, habebit inconuenientiam, siue incongruitatem, & similiter contrarietas famis, & sitis, voluptatis, & doloris, &c. omnes fundantur in ista conuenientia, vel disconuenientia primarum qualitatū, vt deseruiunt temperamento animalis. Quare tactus non respicit primò, & per se contrarietates physicas istarum qualitatū, neque ipsas in se absolute consideratas, sed vt deseruiunt ad constituendum temperamentum animalis, & sic reducuntur ad vnam contrarietatem omnes illæ contrarietates physicè distinctæ, scilicet ad conuenientiam, vel disconuenientiam ad temperamentum animalis.

Vnde patet ad fundamenta opposita. Respondemus enim, quod in qualitatibus tangibilibus dantur plures contrarietates primò diuersæ materialiter, & in genere naturali, & ordinabiles tamen ad vnam contrarietatem animalem, id est, secundum temperamentum conueniens, vel disconueniens ipsi animali, cui subordinantur omnes illæ aliæ contrarietates, & sub ista formalitate respicitur à tactu, & sic habet vnicam rationem formalem specie athoma. Quod verò dicitur voluptatem, & dolorem, famem, & sitim sentiiri sine medio, imprimis etiam hoc dato solum esset accidentalis differentia, non essentialis, id est non in ipsa ratione formali, & modo immutandi sensum, sed accidentalem, scilicet in ipso medio applicandi species sensui, quod

pertinet ad applicationem, seu instrumentum non ad formalem rationem sensus. Et deinde dicitur, quod etiam illa sentiuntur intra, per aliquod medium, quatenus quælibet pars non sentit, quod sibi supra ponitur, aut inheret, sed quod sibi contiguum est in parte proximiori, & sic utitur illa parte tanquam medio interno, & sentit per illud, ut iam supra q. 4. aduertimus, & iterum q. 7. explicabimus. Quod autem dicitur magis distare sensibile internum ab externo, quæ duo externa. Respondetur magis distare quantum ad illam rationem accidentalem utendi illo sensibili externo, vel interno, sed non in ipsa ratione formali specifica, quæ est ratio mutandi sensum; in hoc enim conueniunt internum, & externum tangibile, non tamen duo externa sensibilia sicut sapor, & odor, & similia. In alijs autem sensibus datur vna contrarietas, quæ sit vna non solum cognoscibiliter, & obiectiue, sed etiam physicè, & materialiter, in tactu autem solum inuenitur vna contrarietas, ut pertinet ad conuenientiam, vel disconuenientiam temperamenti animalis, ut explicatum est, licet maneant plures contrarietates primæ in genere physico.

Circa organum tactus constat in toto corpore nos sentire, quando ab aliquo tangimur, quod necessariū fuit animali, ut posset in omni parte se cōseruare à nociuis, & amplecti ea, quæ sunt conuenientia. Difficultas est de partibus sentientibus, ut carne, & nervis an æqualiter in illis sit organum tactus, & potentia tangendi, an verò solum in nervis. Et loquimur de partibus sentientibus, quia aliquas ipsa experientia constat non sentire, quia nimium sunt terrestres, ut vngues, capilli, & similia.

Sententia Arist. collocat tactum in nervis sub carne, dicit enim in hoc 2. lib. text. 116. Quare manifestum est, quod intus sit tangibile sensitivum, sic enim utique accidit, quod & in alijs, appositæ enim super sensoriam non sentium, super autem carnem posita non sentiunt, quare viduum tactus est caro. Vbi solū

carni attribuit esse medium, non organum. Hæc autoritas rationem insinuat de se satis difficilem, quia si ideo organum tactus attribuitur nervo, quia non potest sentiri, quod ponitur supra sensum, sentimus autem per tactum aliquid positum supra carnem, & sic caro non est organum: potius hac ratione deberet attribui carni sensorium tactus, quia caro licet sentiat etiā habet medium, quo sentiat, scilicet cutem & ita tangit rem non immediatè positam supra se, sed supra aliquid distinctum internum tamen, nam medio externo certum est tactum carere. Quod si dicatur, carnem etiam de tracta cute sentire, hoc idē instatur in nervo, quia denudata carne adhuc sentit, & quidem vehementissime, & tunc dicimus, quod sentit nervus non in ea parte, cui superponitur sensibile, sed ratione partis proximioris, cur ergo non poterit idem dici de carne, quod de tracta cute sentit id, quod superponitur ratione partis immediatæ?

Ceterum Aristot. non videtur sumpsisse carnem, in qua negat esse organum tactus pro carne, ut distinguitur à cute, sed totum illud, quod est caro cum cute pro eodem sumitur, quia cutis se habet sicut pars quædam, seu terminus carnis; unde quando dicit carnem esse medium, non condistinguit carnem à cute, sed totum hoc est medium, quod verò aliqua pars illius carnis vel terminus eius, qui est cutis dicatur habere rationem medij non est ad propositum, quia medium semper habet poni aliquid distinctum, & distincti temperamenti, sicut nervus, & caro, quæ sunt partes distinctæ. & eterogeneæ, sed caro, & cutis sunt homogeneæ, quia cutis solum est extremitas carnis. Quod si hoc sufficeret, ut diceretur mediū, idem diceremus de carne, quod vna pars illius sit medium, & alia organum. Imò currit eadem difficultas de cute, quæ etiam sentit tangibilia, quomodo posset ipsa nec esse organum, & medium, & sentire rem superpositam, nisi negando rationem Philosophi.

Quod

Quod verò dicitur neruum detracta carne sentire si pungatur, dicimus, quod si totaliter, & ex omni parte caro detraheretur, ita vt non posset tangi mediante carne, neruus fortè non sentiret id, quod sibi immediatè apponeretur, quia neruus se solo est nimium terrestris, sicut ossa, & pili, à carne autem mollicatur. Vnde dicit Aristot. 2. de generat. anim. cap. 4. & in hoc 2. de anim. text. 79. Quod verui, pili, & ossa, non habent in se aliquem sensum. Quare si totaliter detraheretur caro, nullam sensationem exercebit. Et ideo S. Thom. 2. de anim. lect. 22. dicit: Quod caro non est organum tactus, sed medium connaturale. Secundo dicitur, quod dato, quod neruus sentiret in illo casu, id esset indirectè, & non per medium connaturale, sed vna pars nerui sentiret punitionem non sibi superpositam, sed proximioris partis, quod non erit connaturale, nec per lineam rectam obiecti tangibilis in organum, sed quasi ad latus.

Cur autem similiter non dicemus, quod caro sit organum tactus sentiendo non id, quod sibi immediatè superponitur, sed quod proximè parti. *Respond.* esse disparem rationem, quia caro cum non habeat aliquid sibi suprapositum, sicut neruus, quod deferre possit, vt connaturaliter, & per directam emissionem aliquid tangat, ideo non potest connaturaliter esse organum tactuum, id tamen potest conuenire neruo, quia connaturali modo habet carnem supra se tanquam medium, quo sentiat, eo verò deficiente per accidens, & indirectè, & minus connaturaliter potest sentire id quod proximiori parti apponitur, caro verò quia non habet quomodo directè tangat per aliquid superpositum, non mirum, quod etiam indirectè non possit tangere.

Quod si dicas: nam si in oculo, & alijs sensibus semel deest medium internum, quod est pars organi, vt pupilla in oculo, non potest videre, ergo si caro est medium in sensu tactus, remota carne nō sentiet neruus. *Re-*

spond. esse disparem rationem de tactu, & alijs sensibus, quia in alijs requiritur organum, seu medium internum, vt per illud possit haurire species, & illud est determinatum in certa parte corporis, ita quod eo remoto nihil remanet, quod directè, vel indirectè possit haurire species. In tactu verò propter eius magnam necessitatem in toto corpore animalis, & in partibus eius, non requiritur ad hauriendum species alia dispositio, quam vt possit fieri contactus cum ipso obiecto, hoc autem connaturaliter quidem, & directè, id est ad tangendum per lineam rectam, sit conuenienter per carnem superpositam neruo, si tamen ea remoueatur, adhuc remanet locus contactui ad obiectum tangibile in ipso neruo, non quidem per lineam rectam, quia sic sentiret aliquid sibi immediatè superpositum, sed solum indirectè, & coniunctum parti viciniore.

Circa medium tactus externum aliqui dixerunt dari medium externum, quod interijciatur inter corpus, & rem tangibilem, quod attribuitur Auerroi, idq; videtur sumi ex Arist. 2. de anima text. 114. & 114. Cum verò videretur quod etiam illud corpus medium, siue sit aqua, siue aer etiam potest sentiiri, vt cum est nimis calidum, & frigidum: *Respondet* id esse, quia non sunt ista elementa in sua naturali dispositione, si enim in ea essent, nō sentirentur. Ceterum hoc falsum apparet, cum in ipsa naturali dispositione aqua habeat excessum frigoris, & ignis excessum caloris, seu calorem summum, ergo maxime ibi sentiretur. Et idem est de quouis alio corpore, quod immediatum sit ad superficiem animalis, nam si qualitates in illo intenduntur, proculdubio sentitur à tactu, ergo tactus non requirit medium externum, sed potius contactum immediatum, ad hoc enim ordinatur iste sensus, vt ea, quæ immediate tangit animal possint ab eo sentiiri, sicut sentimus corpora dura, vel mollia immediatè superposita carni.

SOLVUNTUR ARGV-
MENTA.

Contra id, quod diximus de medio, & organo tactus sentit P. Suar. *li. 3. de anima* c. 17. putans, quod sensibile positum supra sensum non repugnat, quod sentiatur; quod etiam alij authores sentiunt ut supra *precedenti questione* retulimus, & probabilem indicant Conimb. *lib. 2. de anim. cap. 10. q. 3. art. 3. in fine.* Fatetur tamen Suar. *in cap. 26.* non posse ab ipso sensu sentiri qualitatem organo proprio inhaerentem. Ducit autem argumentum ab experientia, videmus enim non solum nervum, sed etiam carnem sentire, ut si caro pungatur vel vena, ergo non solum nervus sentit, sed etiam aliae partes. *Nec dici potest* quod caro sentit tanquam medium, non tanquam organum. *Contra enim est:* tum quia experientia debet in hac parte praeponderare, videmus autem nos in cute, & carne actu sentire; cur ergo negabimus ibi elici sensationem, & consequenter esse organum tactus, & non solum medium? tum quia in pulmone, in hepate, in corde, non dantur nervi, & sentitur dolor. Ergo non solum nervus est organum tactus. *Confirm.* Quia Aristot. maximè posuit sensorium tactus in corde *lib. de sens. & sensat. lect. 5.* apud D. Thom. & tamen ibi nervus non est.

Respond. *Solutione data inter arguendum,* quae sumitur ex Arist. *hoc 2. lib. text. 110.* & ex D. Thom. *ibi lect. 22.* ubi inquit: *Quod inefficax est argumentum ad probandum quod caro sit sensus tactus ex eo quod statim ac tangitur sit sensus, non enim sit in ipsa, sed in nervo coniuncto.* Vnde non praeponderat experientia in hac parte, nec nos negamus illam, sed dicimus experientiam monstrare, quod si caro pungatur sit sensus, non tamen monstrat, quod fiat ab ipsa carne, & non in nervo coniuncto, sicut posita specie in pupilla statim sentimus visionem, non tamen constat, an fiat à pupilla, an à nervo visorio. *Ad aliam replicam dicitur,* etiam in illis par-

tibus dari nervos, aut aliqua principia nervorum, qui ob suam subtilitatem satis vehementer sentiunt: vel etiam in partibus illis propinquis, vel cōtiguīs dantur nervi, à quibus fiat ipsa sensatio.

Ad confir. Resp. Iam supra aliquid de hoc tractatum esse. Circa radicale enim principium sensuum est duplex; celebris sententia. *Altera* Arist. qui dicit cor esse principium, & radicem sentiendi, *ut in lococitato in argumento,* & in *2. de gener. animal. c. 4. & lib. 5. c. 2.* Specialius tamen videtur ponere tactum, & gustum in corde, alios in cerebro. *Contraria sententia est* Gal. *8. de vrsu partium c. 4. & alijs locis,* in quibus principium sensuum dicit esse cerebrum. Et huic sententiae videtur subscribere D. Th. *3. p. q. 8. ar. 1. & art. 6.* ubi omnē virtutē sensitivā dicit esse à capite, & videri etiam potest in *3. dis. 13. q. 2. art. 2. ad 3. & opusc. 43. c. 4.* Sanè cor dici potest principium radicale sentiendi quantum ad subministrationem caloris vitalis. Caterum quantum ad temperamentum, & modificationem talis caloris, & subministrationē spirituum animalium prout requiritur ad operationes sensitivas, praesertim perfectas, sine dubio cerebrū est prima radix, & principium sentiendi: tū quia in cerebro initiantur nervi, per quos spiritus animales subministrantur, ut ex anathome constat, tū quia laeso cerebro cessat sensatio, & obstructis meatibus cerebri animal dormit, & posito nimio conatu, & attentione ad sentiendum, cerebrum dolet, non cor.

Est tamen pro Aristot. argumentum: Quia cor prius formatur in animali quam cerebrum, & statim sentit, quia palpitāt, & si ibi pungatur, se retrahit, ergo sensus tactus originatur à corde. Similiter decapitato homine adhuc cor sentit, & brevi tempore palpitāt, & si pungatur sentit. Ergo sensus tactus radicatur in corde. *Respond.* Hoc argumentum solum procedere de tactu, quia quo ad alios sensus, desunt organa sublato capite. Adhuc tamen de tactu non convincit; tum quia licet cor formetur

ante cerebrum, tamen in illo motu palpi-
tationis non sentit est enim ille motus po-
tius partis vegetatiue quam sensitivæ tan-
quam principium motuum vitalium, non
formaliter sensus. Nec scimus si cor pun-
gatur in illo imperfecto statu quando prius
est formatum quam caput, si pungatur an
se retrahet. Quis enim hoc vidit, cum cor
tunc sit intra matricem animalis generantis
nec possit ibi videri an se retrahat, si pun-
gatur? Decapitato autem homine, cor non
sentit dolorem, quia iam deest phantasia &
consequenter non movetur appetitus in quo
formaliter est actus doloris. Quod vero in
corde sentiatur dolor, & tristitia, & ira i-
deo est, quia ibi est appetitus inflexibilis, &
ad hoc sentiendum etiam participat in-
fluxum, & spiritus animales a cerebro.

Secundo arguit. Quia in carne est tempe-
ramentum magis delicatum, & reductum
ad mediocritatem quam in nervo, utpote
minus terrestre, ergo, maxime est in poten-
tia ad patiendum a qualitatibus excessivis,
quas solum sentit tactus ut *q. sequenti* dice-
mus, & sicut aer est melius receptivus quàm
terra, ita temperamentum aerium, quod
correspondet carni propter suam raritatem,

magis quam terrestre, quod correspondet
nervo, unde Aristot. *lib. 2. de partibus animal.*
cap. 1. & 5. & in 1. de hislor. animal. cap. 4.
dixit carnem esse sensorium tactus.

Respond. Probare argumentum, quod ca-
re habet temperamentum, aptum ad præ-
cise recipiendum & edibendum species tan-
gibiles non tamen ut ibi fortius imprima-
tur species, ut ita eliciatur sensatio, expe-
rimur autem minus sentiri, quod levis
tangitur, & sic ad tactum non sufficit faci-
litas recipiendi, sed etiam fortiter impri-
mendi, & ad hoc magis conducit illud ter-
restre temperamentum nervi cum aliqua
mollitudine. *Ad Aristotel. autem dicimus,*
quod nomine carnis intelligit non carnem
nudam, sed includentem nervum, sicut lin-
gua dicitur gustare ratione nervi in ea in-
clusi. Videantur etiam quæ diximus *quæst.*
precedenti. ostendendo, quod sensibile supra
sensum non sentitur, & argumenta ibi so-
luta. Restabat agere de sufficientia divisi-
onis in quinque sensus externos, sed res est
parva difficultatis, & à D. Thom. sufficien-
ter explicata *1. p. quæst. 78. art. 2. & in 3. de a-*
nimal. lect. 1. & ex dictis sufficienter intelligi
potest.

QVÆSTIO VI.

De obiectis sensuum externorum in communi.

EXPLICABIMUS primo in hac quæst. generales conditio-
nes obiectorum externorum, deinde in sequenti singula obiecta in
speciali perquiremus. Conditiones autem generales videntur re-
duci ad duas. Primo, quod obiectum sit præsens, & nullo modo res
in absentia possint sentiri. Secundo, quod obiectum per species vicem sui ge-
rentes sensus informet, & ideo de his prius agemus.

speciem in oculo remoto obiecto, sicut lumen in medio, remoto luminoso. Quod verò dependeat species ab obiecto in genere causæ formalis extrinsecæ nihil obstat, quia hæc dependentia non petit existentiam in obiecto specificante, potest enim exerceri ista causalitas extrinseca ab obiecto non existente ut patet cum rem futuram considero, aut præteritam recorder.

Confir. quia saltem potest Deus facere, quod res longissime distans imprimat speciem suam in speculo quod est prope me multiplicando scil. speciem per medium ultra sphaeram suæ naturalis emissionis: tunc autem visa imagine in speculo videbitur res absens & longissime distans tanquam ibi præsens, ergo similiter non repugnabit, quod remoto speculo species continuetur usque ad oculum, sicque videatur absens posita ibi tali specie.

Nihilominus oppositum tenendum est, implicare scil. quod res aliqua physice & realiter absens immediate in se attingatur à sensu externo. Quod verò attingatur in alio, ut res in imagine non est difficultas in præsentia, quia hoc nihil aliud est quam videri ipsam imaginem, quæ præsens est, licet res repræsentata per ipsam in se sit absens. Unde ut tollatur æquivocatio, quādo dicimus requiri præsentiam physicam obiecti loquimur in sensu formali, id est eius quod propriè & immediatè se habet ut obiectum, ita quod benè stat, quod loco alicuius obiecti supponatur aliud in quod feratur sensus, & decipiatur interius iudicium putans esse alterum, tamen sensus externus directè fertur in illud externum, quod sibi supponitur. Similiter potest aliquando ex vehementia imaginationis aliquis decipi, aut deludi, putans se vere videre, aut sentire exterius rem aliquam, quam tamen non habet præsentem, sed tunc nec videt, nec sentit exterius, sed imaginatur se sentire, aut videre. Loquimur ergo quando sensus exterior verè, & propriè elicit actum: & de hoc dicimus essentialiter postulare, quod

obiectum exterius in quod fertur sit præsens physice, in quod talis actus immediatè terminetur, nec sufficit quod species sit in sensu repræsentans aliquid ut præsens, sed requiritur quod ipsum obiectum præsens sit ut terminet actum.

Hæc concl. sumitur ex D. Th. qui frequenter distinguit obiectum sensuum exteriorum ab interioribus, quia illi versantur circa præsens, isti autem etiam circa absens, ut pat. 1. p. q. 76. art. 4. & 1. 2. q. 15. art. 2. & q. 35 art. 2. ad 2. ut latius ostendimus infra q. 8. Explicans autem D. Th. quodnam sit illud præsens, dicit esse præsens, quod habet esse extra videntem, ergo sentit ex ipsa propria specificatione sensus externi debere obiectum esse præsens præsentia exteriori & Physica, & non solum repræsentatiua. Debet autem esse præsentia extra videntem, quia ut docet S. Th. 1. p. q. 14. art. 9. ideo Deus non habet scientiam visionis de rebus possibilibus, licet sibi repræsententur, quia ex quæ apud nos videntur, habent esse distinctum extra videntem, & in q. 3. de verit. art. 3. ad 8. inquit: Quod scientia visionis addit supra simplicem cognitionem admixtionem alicuius, quod est extra genus notitiæ scilicet existentiam rerum. Sed existentia rei quæ est extra genus notitiæ est existentia physica, & non solum repræsentata, hæc enim non est extra genus cognoscibilitatis & notitiæ, ergo visio requirit externam præsentiam rei in se, & non solum in specie; quod etiam amplius patebit cum art. 3. ostenderimus sensus externos non formare idolum, sed terminari immediate ad obiectum in se.

Ratio autem & fundamentum ad hoc reducitur, quia sensus externi ex sua natura sunt infimi in genere cognitionis, & immediatè continuantur ipsis rebus à quibus accipiunt species, & magis materiales sunt inter omnes potentias cognoscitiuas. Unde quia ex ipsis originatur omnis nostra cognitio, & in ipsos resolvitur, oportet quod moueantur sensus externi ab

objectis accipiendo ab eis species, & rursus quod cognitio terminetur ad res ipsas prout extra sunt. Et licet primum, scilicet moveri ab objectis & procedere ab ipsis species effectivæ, possit suppleri à Deo infundente, vel producente speciem in potentijs loco objecti, & sic quantum ad productionem speciei non exigit sensus essentialiter præsentiam objecti, tamen quoad secundum suppleri non potest, quia pertinet ad specificatiivam rationem, sensationis externæ quatenus externa est. *Et probatur ex duplici conditione*, quam habent sensus externi, nam debent habere cognitionem experimentalem, & in aliquibus earum, ut in gustu & tactu exigunt contactum realem neque possunt videre objectum per reflexionem in se ipsis, neque in alia potentia interiori, vel exteriori, a qua moneantur, quia sunt ultimæ potentie inter omnes cognoscitivæ, ergo immediate debent attingere objectum in se ipso. Quod sit experimentalis cognitio in sensu exteriori patet, quia tunc maxime aliquid experimur, cum ipso sensu exteriori tangimus; cum autem experientia sit ultimum, in quod resolvitur nostra cognitio, & per quam tanquam per inductionem introducitur in nobis, non potest ultimatè resolui cognitio, nisi in ipsam objectum ut est realiter in se, quia si in aliquid aliud præter rem ipsam resolveretur, ut in imaginem, vel idolum aut medium aliquod, restaret adhuc istud medium, vel idolum consistere cum ipsa re seu objecto cuius est, ut constaret an esset verum nec ne: unde sensus restaret eadem difficultas conferendi illud medium, cum objecto, cuius est representativum. Quare necesse fuit ad habendam certitudinem, & evidentiam experimentalem devenire ad cognitionem, quæ ex propria sua ratione tenderet ad res in se ipsas, & hæc est cognitio sensus exterioris, atque adeo ex ipsa propria ratione cognitionis ultimæ, & experimentalis exigit objectum esse præsens, & nullo modo absens.

Nec obstat, quod cognitio experimentalis potest dari in Angelo formando verbum, in quo ut in termino cognitionis experiatur rem in se. *Respond.* enim experientiam Angeli esse intellectualem, non sensibilem, nec per species acceptas ab objectis sensibilibus, sic enim certificari non posset experimentaliter de objecto, nisi haberet aliquam cognitionem resolutam usque in ipsum immediatè. Cum autem Angelus certificetur per species desuper infusas, non habet experientiam de re quantum ad certitudinem cognitionis per resolutionem in ipsam rem, sed quantum ad rem attactam, quæ est coexistens sibi, inde denominatur experimentalis, & intuitiva. Sensibilis autem cognitio intrinsecam certitudinem habet experimentalem haustam ab objectis, & sic in ipsam, ut est in re debet resolui.

Postremo, si remoto objecto externo posset sensus aliud percipere, ergo posset oculus in tenebris videre, & posset gustus & tactus objectum non contactum sentire, quæ omnia absurda sunt. *Minor probatur* quia si videtur objectum absens seu non existens, ergo videtur tale objectum etiam si lux illud non attingat, & consequenter etiam si medium non sit illuminatum, quia si lux ipsum visibile non attingit, reliquum medium licet sit illuminatum, nihil omnino conducit ad visibilitatem objecti, & sic eodem modo videbitur si tota lux sit ablata à medio. Est autem impossibile, quod aliquid in tenebris videatur, cum si specificum objectum visus sit lucidum. *Nec dici potest*, quod est lucidum representativè, hoc enim est proprium sensibus internis, & intellectui, qui apprehendunt lucem ut representatam, & ita etiam in tenebris possum recordari lucis, quia compatitur lux representata cum tenebris, videre autem in tenebris objectum oculis externis, est videre lucem non illuminantem, nec tendere in lucidum externum, quod est verè lucidum & hoc est specificativum oculi. In tactu autè & gustu multo

multo magis constat rem absentē non posse habere contactum physicum, sine contactu autem quomodo potest aliquid gustari aut tangi.

Ad fundamenta opposita sententia Respondetur, quod Deus potest conseruare speciem sensibilem in absentia obiecti, per modum cuiusdam entitatis realis, sicut potest illam cōseruare in aere, vel extra omne subiectū, in hoc enim solum dependet species, quantum ad existentiam ab obiecto immittente, vel subiecto sustentante, causalitatem autem existentie Deus se solo supplere potest. Ceterum non potest supplere, ut cognitio eliciatur ab illa specie in sensu externo circa obiectum abiens, eo quod essentialiter petit terminari ad obiectum ut extra existens, nec sufficit species impressa posita in sensu, sicut etiam in Angelo, licet detur species innata, non potest repræsentare futurum contingens, aut cogitationē cordis quia talia obiecta non sunt in statu debito ipsi Angelo. *Et quando dicitur* quod dependentia ab obiecto in genere specificantis non petit existentiam. *Respondetur*, quod specificatio absolute non petit, bene tamen specificatio ut talis, scilicet ut est circa obiectum ut externe, & sensibiliter & modo experimentaliter attingendum, sicut notitia ut intuitiua petit obiectum præsens & existens; licet non ut notitia absolute.

Nec obstat, quod vulgo dicuntur aliqui videre rem intra terram occultam, ut qui dicuntur inspectores aquarum, vulgo *Zabories*, qui aquam latentem sub terra vident & lincei dicuntur ultra parietes videre. *Respond.* enim quod etiam toto hoc concesso non videtur aliquid absens, sed id quod intra terram, vel ultra parietem vere existens, est, quarum species valde tenues, & imperfectas, utpotē per illa corpora opaca, vel eorum poros exeuntes; sibi tamen sufficientes propter nimiam perspicacitatem, res illas nobis occultas vident, qui maiori luce, & specierum perfectione indigemus. Reuera tamen multa ex his in

fabulas reiicienda sunt, & illi aquarum inspectores non vident aptas aquas infra terram, sed signa aliqua scaturientis vnde, v.g. vaporem aliquem tenuem ē terra illa exeuntem, aut aliqua alia signa, ut tales herbas talem odorem, aut sonum, vnde per discursum colligunt ibi esse aquam, aut aliquid simile, & aliqua animalia ex similibus signis, vel ex aliqua impressione humiditatis refugiunt transire per aliquem locum infra quem est aqua. De linceis res est incerta, nec facile credenda, quod visu externo ultra parietem videant.

Ad confirm. respondetur quod in speculo non videtur obiectum ipsum, sed imago illius, quæ per refractionem lucis, & specierum generatur ut statim dicemus, & illa imago semper videtur ut præsens.

De visione rei in speculo.

Circa materiam tamen huius confirmationis difficultas est quid videatur in speculo, an imago aliqua ibi denuo genita an obiectum ipsum? *Et aliqui existimant* non videri imaginem, sed obiectum ipsum cuius est illa imago. Ita Coniung. 2. *de anima cap. 7. quest. 5. art. 2.* & Pater Suarez 3. *de anima cap. 2. numero 15.* dicuntque esse communem sententiam perspectiuorum. *Et fundamentum est*, quia illa imago speculi nihil aliud est, quam species vitales refractæ ad oculos reflectentes, sed species ipsæ videri non possunt, quia in se non sunt lux, neque color sed qualitates intentionales vicem gerentes coloris, ergo non sunt id quod videtur, & sic non potest esse res visa, imago speculi, nec sola, nec simul cum obiecto, quia ipsa visibilis non est, cum sit ipsa species, sed per illas species inde refractas obiectum videtur. *Confirmatur*, quia si ibi generaretur imago, deberet videri per speciem distinctam ab ea, quæ immittitur ab obiecto cum sit distincta res ab obiecto ipsa: si autem ibi distincta species ab imagine generaretur, sequeretur non fieri ibi reflexionem speciei, quia non est eadem species

species quæ eat, & redeat sicut requiritur ad reflexionem, ergo est distincta. *Confirmatur secundo*, quia etiam experientia huic parti suffragatur, siquidem in specie visibili quælibet pars repræsentat totum obiectum ut patet quia modicum quid speciei ponitur in oculo & videt totum: in speculo autem in alia parte videtur caput, in alia pes; ergo id quod ibi videtur non est imago, seu species: similiter imago refrangitur in superficie speculi, id autem quod videtur, quasi in profunditate speculi videtur, ergo id quod videtur non est imago, sed species.

Nihilominus oppositum tenet S. Thom. qui sæpius docet per speciem speculi videri speculum, & ea quæ in speculo apparent, ut patet 1. p. *quest.* 12. *art.* 9. in *argumento*, *sed contra*, & *quest.* 8. de *veritat.* *art.* 5. in 2. *argumento sed contra*, & in 3. *dist.* 14. *q.* 1. *art.* 1. *q.* 4. ad 2. Quando, inquit, videntur res in speculo, species istarum rerum non imprimuntur à rebus in sensu sed à speculo, unde imprimuntur omnes istæ species ut conclusa in una specie speculi, non quod sit alia species speculi, & alia rei visa in speculo. Quam auctoritatem attigit Suarez loco citat. numero 10. nec contra illam opponit aliquid, quod sit alicuius momenti. Est enim manifestum, quod si id, quod videtur in speculo videtur per speciem ipsius speculi, non vti que id quod videtur est per speciem obiecti, neque obiectum ipsum, sed aliqua imago genita in speculo. Quod expresse affirmat ipse D. S. 1. part. *questione* 76. *art.* 3. & in 4. *dist.* 10. *quest.* 1. *art.* 3. *questiunc.* 3. vbi inquit: Quod imago speculi non est ibi ut forma absolute quiescens in subiecto, sed aggeneratur ex reuerberatione. Si ergo generatur imago, non ergo solum reflectitur species. Et ratio est, quia si solum fieret reflexio speciei, & non generaretur imago ex illa reuerberatione, sufficeret speciem visibilem impingere in quodcumque opacum, ut inde reflecteretur & veniret ad oculum, siquidem hoc ipso quod tangit in opacum, non tran-

sit ultra, sed reflectitur, sicut lux quando incidit in opacum, cur ergo species reflectens ex quocumq; opaco non efficit visio. nem sui obiecti, sed solum quando reflectitur ex speculo, nisi quia non sufficit sola reflexio speciei, sed requiritur generatio imaginis quando inuenitur diaphanum densum terminatum aliquo opaco, ubi fiat reuerberatio lucis, & specierum, quæ illam imaginem generet. Item videmus quod si speculum ponatur ex opposito radiorum solis, non redditur in eo similitudo obiecti oppositi, & tamen species tangens opacum in interiori parte speculi, non transit ultra, sed reflectitur, neque illa reflexio impeditur ex radijs solis, sed magis iuuatur, ergo cum non videatur aliquid in speculo sic posito contra radium solis, ideo est, quia non sufficit reflexio speciei, sed requiritur generatio imaginis ex illa reuerberatione in diaphano terminato per aliquod corpus opacum, & obscurum, impeditur enim hoc si feriat: speculum directe à radijs soli, quia illi radij multiplicati tollunt omnem obscuritatem corporis opaci, sicque impediunt generationem imaginis in speculo, illamque dissipant. Denique, si solum foret reflexio speciei à speculo ad oculum, cum quælibet pars speciei eodem modo repræsentet totum integrum obiectum sicut est in se, à quocumque speculo reflecteretur species, eodem modo semper repræsentaret totum obiectum, siquidem ex quocumque speculo reflectit saltem aliqua particula speciei. constat autem quod in parvis speculis repræsentatur valde paruum obiectum, in alijs verò in tota sua quantitate, ergo signum est, non sufficere reflexionem speciei, sed generari imaginem, quæ iuxta diuersam dispositionem speculi aliquando est minor aliquando maior, & illa est quæ videtur non autem obiectum directe.

Ad fundamenta opposita respondetur, imaginem illam speculi, quæ videtur non esse ipsam speciem visibilem inde reflectentem, hæc enim non est visibilis ut quod, sed est

id

id quo res aliqua videtur. Est ergo imago generata ex reuerberatione specierum, & lucis in diaphano denso terminato aliquo corpore opaco & obscuro, sicut etiam in nube obscura, & habente partes anteriores roridas generatur Iris ex radiorum solis reuerberatione non dissipantis obcuritatem nubis. Quomodo autem qualitas intentionalis possit esse ratio generandi illam imaginem, quæ imago ut que realis est, cum sit visibilis, licet non habeat ibi radicalem permanentiam, ideoque apparens dicatur sicut colores Iridis? *Respondetur*, quod species intentionalis se sola non habet vim generandi colorem illum naturalem, cuius est representatiua, non tamen est inconueniens quod ex refractione lucis modificata & coniuncta refractioni specierum generetur imago illa apparens, ita quod lux refracta sit principium generandi colorem illum apparentem sicut ex refractione lucis in nubibus videmus generari colores apparentes, species autem intentionalis etiam refracta se habet, ut modificans illam lucem, ut talis determinatus color, vel figura resultet ex eius refractione in speculo, sicut etiam aliquando generantur imagines solis in nubibus ex refractione radiorum solis, & speciei illius, quæ vocantur parelij de quibus egimus in *tractatu 4. meteororum cap. ultimo*. Itaque licet species intentionalis non sit ex se productiua veri, & naturalis coloris, sed solum representatiua, non tamen repugnat quod refractione speciei intentionalis sit modificatiua refractionis lucis ad generandum imaginem talis vel talis coloris. Verum quidem est, quod ad hoc requiritur, quod refractione lucis sit fortis, & vehemens, & corpus speculi tersum, & uniforme, quia ut dicit D. Thom. 3. *meteororum lect. 8.* uniformitas, seu regularitas speculi facit colorem apparentem esse vnum, si verò debiliter refrangatur lumen, vel speculum non sit uniforme, causatur diuersitas colorum, sicut videmus in iride, & in alijs similibus coloribus apparentibus:

si autem partes roride in nube fuerint uniformes, & intus fuerit ipsa, ita quod fortiter refrangat lumen solis, apparet quasi alter sol in speculo, & sic formantur parelij, ut dicit S. Tho. *loc. cit.* Quare ex luce, & specie refractis nata est generari imago apparens eius rei, quam representat species.

Ad 1. confirm. Respond. imaginem generatam in speculo videri per speciem ipsius speculi, ut diximus ex D. Tho. *locis citatis*, quod intelligendum est per speciem speculi non absolute ut vitrum quoddam est, sed ut affectum luce, & speciebus refractis, sic emittit ex se speciem representantem vitrum cum tali luce & imagine formata, sicut iris videtur per speciem nubis roridæ illustratæ a sole.

Ad secundam dicitur, experientiam illam primam potius esse pro nobis, si enim quælibet pars speciei representat totum ut est in se, consequenter quælibet pars speciei reflectens, si non generaretur imago, representaret totum obiectum ut in se est, cum tamen videamus, quod in paruis speculis videtur imago valde parua, quia scilicet generatur ibi imago non iuxta perfectam uniformitatem speculi, sed inæqualis, vel pusilla. Secunda verò experientia nihil obstat, quia species, & lux non refrangitur in superficie speculi ubi est diaphanum, sed in profundo ubi est terminatum ab opaco obscuro, & quia ibi fit refractione, ibi videtur imago. *Vel secundo dicitur*, quod sicut in iride videtur color esse in parte spissa, & terminata nubis, licet reuera colores non generentur, nisi in partibus roridis & externis, quia visus non discernit propter distantiam partes externas & roridas nubis ab internis ita in speculo, licet imago sit in superficie speculi, videtur tamen esse in profundo, ubi terminatur & fit refractione, quia visus non discernit distantiam inter superficiem primam, & terminationem ultimam nisi valde appropinquet. *Et ratio huius redditur à D. Tho. 3. meteororum lect. 6. digressionem de coloribus iridis questione 4.* quia

quia quando vnum corpus distans videtur per aliud, tunc videtur esse in eadem superficie cum ipso, & cum nubes videatur per iridem, vel iuxta, videtur in eadem superficie cum ipsa, sic imago videtur in speculo tanquam in profundo, quia terminatio speculi ubi fit refractione videtur mediante superficie, & quasi in vno cum illa.

ARTICVLVS II.

Vtrum necessario sint ponenda species impressæ in sensibus.

Varias hoc nomen species significationes habet, ut diximus ex Porphyrio *cap. de specie*. Inter alia significat rem speciosam, seu formosam, aut formatam & consequenter à forma species nominatur; unde vterius deriuatum est nomen ad significandum speciem repræsentatiuam alterius modo intentionali, quia videlicet repræsentat alterum eique assimilatur solum formaliter, ita quod non existit in eadem materiali entitate in qua obiectum repræsentatur, sicut species lapidis in oculo ita repræsentat lapidem, quod non est lapis materialiter, & entitatiue. Et ita propter specialem rationem formæ vocantur species, quia ita pure repræsentant, id quod formaliter est in obiecto, quod materiale eius entitatem exuunt, & ita sunt ipsum obiectum formaliter, & pure repræsentatiue. *Inquirimus ergo*, an ad formandam cognitionem in sensibus requirantur istæ similitudines, seu species gerentes vicem obiecti & loco illius informantes potentiam sensitiuam ad producendam cognitionem, & consequenter quod teneant se ex parte principij cognoscendi concurrente cum potentia ad eliciendam actus. An vero ex parte termini requiratur aliqua species, seu similitudo, quæ tanquam expressa repræsentet obiectum per modum termini *arist.* *scilicet* inquirimus.

Igitur non defuerunt qui negauerint requiri speciem impressam, inter quos recententur aliqui Antiqui, ut Plotinus, Galenus

Porphirius: ex Peripateticis autem Durandus in 2. *diff.* 3. *q.* 6. *num.* 27. negauit requiri species intentionales, & Valles in 2. *controuersiarum capit.* 28. & quoad sensus externos eas negauerunt plures nominalium ut Ocham, Gabriel, Gregorius, & alij qui citantur apud Commb. 2. *de anima cap.* 6. *q.* 2. *a.* 1. *Fundamenta sumi possunt* ex varijs difficultatibus, quæ ex positione talium specierum resultant.

Prima difficultas est, quia valde difficile intelligitur ista specierum natura, nam vel istæ species sunt similes obiecto entitatiue & realiter, vel dissimiles. Si dissimiles, quomodo possunt repræsentare res illas, cum quibus conuenientiam non habent, & fundare intentionalem, seu repræsentatiuam similitudinem in reali dissimilitudine, & disconuenientia? Si sunt similes realiter & entitatiue, euertitur totum fundamentum ad ponendum istas species, nam si ideo ponuntur quia obiecta secundum suam entitatem realem, verbi gratia lapis aut equus non possunt informare potentiam, similiter neque species poterit, si est entitatiue sicut ipsum obiectum in se. *Et regetur amplius difficultas*, quia species non potest dici similis obiecto, ex eo quod habeat conuenientiam cum obiecto, neque in substantia, sicut duo indiuidua, sic enim non posset informare potentiam, neque in accidente, sicut imago, tum quia alias species coloris, verbi gratia, esset color, & sic subiectum in quo poneretur, redderet coloratum, quod nullo modo videmus; tum quia non est expressa similitudo, quod requiritur ad imaginem, sed solum impressa, & tanquam instrumentum, quo potentia tendit in obiectum, & quia facit tendere ad illud, dicitur similitudo intentionalis, quod est esse similitudinem valde analogam, & secundum quid, quia scilicet facit tendere in obiectum, non quia illi assimilatur.

Secunda difficultas est, quia non apparet, quomodo species istæ informant, & faciunt vnum cum potentia, nam vel ponuntur in poten-

rentia, vt res cognoscitur, vel vt formæ informantis. Primum stare non potest, quia species ipsæ non sunt visibiles nec cognoscibiles tanquam obiecta, resister enim eadem difficultas, quomodo talia obiecta cognoscerentur sine speciebus informantibus potentiam, licet ex alia parte etiam sit difficile, quomodo species illæ non cognoscantur, ducant in cognitionem obiecti. Si dicatur secundum, vel illa informatio est entitativa & realis, sicut substantia, vel accidens informant, vel est aliqua informatio tertia distincta, quæ nec sit substantialis, neque accidentalis. Hoc 1. non est intelligibile, neque enim realis vnio intelligi potest, quæ nec sit substantialis, neque accidentalis, sicut nec forma aliqua datur quæ non sit substantia, vel accidens. Primum verò non sufficit, quia species (scilicet) inhaerent potentie realiter, nec tamen cognitionem causant, vt patet, cum species conferantur in memoria, nec tamen actu recordamur obiecti, ergo alia est vnio intentionalis, qua actu nobis vnitur obiectum in ordine ad cognitionem, & qua nobis inhaeret species tanquam accidens quoddam; præterquam quod informatio intentionalis non ordinatur ad constituendam vnā tertiam naturam, quia ex representatione, & potentia non constituitur aliqua natura realis, sed ipsa potentia, sit ipsum obiectum representatum in alio esse vt dicit Commentator relatus à Caierano 1. pars. *questione* 14. artic. 1. nam representatio, vt representatio est, non constituit naturam realem, quia hæc est representabilis non representatio, sed ipsam rem reddit præsentem potentie, & hæc præsentia vnio quædam est representativa & intentionalis, quæ ita ordinatur ad coniungendum obiectum potentie, quod illa coniunctio non constituit ex obiecto & potentia aliquam naturam, quæ videtur vnio inexplicabilis, cum non sit accidentalis, neque substantialis,

Et ex hoc nascitur tertia difficultas, quia, species secundum se, neque est substantia,

Part III. *Physicor.*

neque accidens, ergo non est ponenda tanquam aliquid reale. *Consequentia patet*, quia omnis entitas realis adæquate diuiditur in substantiam & accidens. *Antecedens probatur*: quia speciei accidit quod sit substantia, vel accidens, nam substantiæ separatur se ipsis informant intellectum per modum speciei, ad cognoscenda verò res quæ obiecta extra se indigent specie superaddita quæ est accidens, ergo ex ipsa propria, & formali ratione sua non sunt accidens, nec substantia, & consequenter nihil. Et ad idem facit, quod diximus, quod non ordinatur species formaliter, vt representativa ad constituendam aliquam naturam. Vnde potest Deus supplere se solo vicem speciei in intellectu beati, sine hoc quod aliquam compositionem faciat cum illa.

Quarta difficultas est, circa causationem passiuam talium specierum, non enim videntur educi ex subiecto, quia earum esse est intentionale & representatiuum, ergo prout sic non educitur ex potentia reali, nec videntur effici ab obiecto, quia obiectum habet esse imperfectiori modo, id est modo materiali, species autem nobiliori modo, vt potest quia habent esse abstractius, & minus concretum. Nec potest recurri ad cælum, quod sit causa illarum, alias cessante motu cæli, cessaret specierum productio, & sic nullares visibiles post diem Iudicii videri posset. Et est eadem difficultas de cælo ipso, quomodo producat speciem sui, nam eodem modo reliqua obiecta producent. Ex alia verò parte inconueniens est, quod omnia obiecta sint agentia ita æquiuoca & eminentia, quod possint producere speciem, quæ sine dubio est effectus æquiuocus respectu obiecti.

Confirm. quia si educantur species ex subiecto extenso, & corporeo, & in eo subiectentur, ergo ipsæ species extense sunt, sicut alia accidentia; & per actionem alterationis educuntur; vtrumque autem est, inconueniens, nam species visibiles sine ulla, alteratione modij transeunt per illud, &

I simili-

similiter in quolibet puncto totum obiectum repræsentant, in quocumque enim puncto ponatur oculus in medio, totum & integrum obiectum percipit, ergo sunt independentes ab extensione.

Quinta difficultas est, circa causationem actiuam ipsarum specierum, scilicet quo genere causandi concurrant cum potentia ad cognitionem. Neque enim potest esse concursus effectiuus quia effectio cognitionis debet esse vitalis, species autem, cum ab exteriori principio proueniat, vitalem concursum habere non potest in ipsam elicientiam cognitionis. Et deinde, quia in isto influxu effectiuo species non potest esse æque principalis, cum potentia principalis sit vitalis, & species superuenit ipsi tanquam determinans, & sic in agendo est subordinate, & inferior ipsi potentie. Vnde saluari non poterit ratio speciei in substantijs separatis quia non possunt subordinari potentie. Si verò dicatur speciem concurrere in genere causæ formalis, in primis non potest esse causa formalis intrinseca, cum species non informet ipsam cognitionem, sed potentiam, neque in genere causæ formalis extrinsecæ, quia non se habet vt exemplar, & idea, sed vt principium cognoscendi quo, non vt res cognita, ad quam respiciat operas, nec se habet vt obiectum extrinsecum, sic enim sufficeret obiectum extrinsece positum sine specie interiori informante, ergo non potest explicari quo genere causæ concurrat.

Sexta difficultas est, quia alias species solum posset repræsentare rem præsentem, cum tamen videamus nos cognoscere absentia, & impossibilia, & entia rationis. *Sequela probetur*, quia species est similitudo repræsentatiua virtualis, vel formalis, & vtroque modo requiritur inter repræsentans & repræsentatum relatio realis; si autem obiectum non sit præsens, vel existens, realem relationem habere non potest, ergo nec manere similitudo repræsentans.

Vltimo, circa potentias sensiuas est spe-

cialis difficultas, quia species ad hoc ponuntur, vt determinetur potentia ab eis loco obiectorum, sensus autem externi habent obiecta præsentia physice, & aliqui immediate sibi coniuncta vt tactus, ergo sufficienter ab ipsis obiectis determinatur sine alia specie, imò & lucem videri sine specie aliqui existimant, de quo *seq. q.* quod non currit in intellectu, quia cum spiritualis sit non sufficit præsentia obiecti corporalis, vt ab eo moueatur, quia spirituali modo moueri debet, ideoque requirit speciem spiritualement superadditam determinantem illum.

Nihilominus communi Philosophorum consensu receptum est, dandum esse species intentionales impressas pro potentijs cognoscendis, licet in explicanda natura, & affectionibus harum specierum varient authores propter earum eleuationem super alias formas. Igitur dari istas species quibus mediantibus vniatur obiectum potentie non in sua entitate materiali, sed in quadam repræsentatione, & intentione, affirmat Arist. in multis locis in 2. de anima text. 121. *Sensui*, inquit, *est susceptiuus specierum, sine materia*, & in 3. de anima text. 138. & text. 3. & 7. ponit intellectum recipere species intelligibiles, vbi videri potest D. Th. lect. 7. & lib. de memoria & remiscencia cap. 1. lect. 3. apud Diu. Thom. dicit: *In memoria manere veluti picturam, seu effigiem rei sicut cum signatur aliquid annulo*. Similiter S. Dionysius 7. de diuinis nominibus, & sæpius in libro de coelesti Hierarchia, intellectus Angelorum dicit esse plenos formas, seu speciesbus. Item D. Aug. 10. confess. ca. 10. Et 2. super Genesim ad literam c. 10. Et 11. de Trin. c. 2. & 9. de Trin. c. vltimo & D. Ansel. in Monologio c. 36. Apud D. Th. passim hoc ipsum occurrit, & specialiter videri potest 1. p. q. 55. art. 1. q. 79. art. 2. & 3. contra gentes c. 49. & opus. 13. & 14. & alibi sæpe.

Necessitas ponendi istas species deducitur, tum ab experientia, tum à ratione. Ab experientia & in sensibus externis qui cognoscunt in præsentia obiecti, & in internis qui

in absentia rerum cognoscunt. In sensibus externis sumitur experientia, tum in sono, tum in visu. Non enim sufficit sonum esse presentem intra spheram nostri auditus, ut statim audiatur, ut patet cum à longè sit ictus, & sonus, & non statim percipitur, ergo non sufficit sola & mera presentia obiecti, ut percipitur à sensu, sed aliquid ab obiecto emittitur ad sensum, quo cognoscatur, & hoc vocamus speciem. In visu constat, quod obiectum positum intra spheram visus debiliter videtur si est distans, & melius si appropinquat, ergo aliquid virtutis emittit, quæ per distantiam debilitatur, & propinquitate roboratur. si enim nihil virtutis emitteretur, non esset ratio cur eodem modo non operaretur intra totam illam distantiam, cum obiectum non est occultatum, sicut si ignis sine diffusionem caloris calefaceret, eodem modo calefaceret distans, vel propinquum, dummodo esset intra presentiam subiecti. Ad hæc stante obiecto in eodem situ, in quo non bene discernitur, si admoueat per specillum, clarius apparet, & si per specillum habeant plures angulos res videntur multiplicare, ergo signum est, quod datur aliquid virtutis emissæ ab obiecto, quod vocamus speciem, quia hæc mutatio non fit in ipso obiecto, illud enim videmus immutatum, ergo fit in aliquo præter obiectum per quod fit representatio & visio & hoc dicimus speciem. Denique illud quod videmus in speculo non est, quia ibi ponatur obiectum, cum potius manere possit retro videntem, & tamè in speculo apparet, ergo aliquid est præter obiectum, quod facit illam reflectionem ad oculum, & illam apparentiam rei posita retro nos, & illud quidquid sit, speciem vocamus, quia representationem facit obiecti.

Ex internis sensibus deducitur experientia, quia cognoscimus res in absentia & in somnio, ergo oportet quod aliqua similitudo seu aliquod vice obiecti sit in illis potentijs, ratione cuius obiecta ipsa cognoscant, nam si nihil remanet, & obiecta presentia non sunt, vnde potest poten-

tia se determinare ad cognoscenda ista obiecta potius quam illa, & vnde habet representationes illas quas clausis oculis, & in absentia obiectorum nos sentire experimur? Dices manere quidem aliquam representationem tanquam picturas relictas ex sensibus, in quas, tanquam in obiecta & terminum cognitionis feratur cognitio sensuum interiorum. Contra est, quia si dantur istæ imagines sic expressæ, illæ utiq; sunt intentionales similitudines, neq; enim materiales imagines intra sensus generantur, vel ponuntur, sed solum qualitates aliquæ representationum, nam vel illæ imagines materiales sunt, & constant veris coloribus & figura, vel solum representationes colorum & figuræ sunt, non verus color. Si hoc secundum, sunt species intentionales, id est qualitates representationum rerum non res ipsæ. Si primum, tales colores vel subiectarentur in ipsis sensibus, & sic alterarent illos & coloratos redderent, aut sonantes, si esset qualitas soni, &c. vel subiectarentur in alio subiecto, quod ingrederetur ad sensum, & sic multæ substantiæ defluerent ab obiectis ad sensum, quæ fuit antiquorum Philosophorum sententia, quod defluerent ab obiectis ad sensum atomi, seu particule, quibus res representantur, ut dicit Boetius lib. 5. de consol. met. 3. sic autem multum impediretur sensus, tum externus, tum internus à tot substantijs, quibus infarciretur ad cognoscendum, ipsæque obiecta per hoc, quod multum viderentur, tandem consumerentur, diffundendo in istas particulas, quæ omnia absurda sunt.

Ratione eadem veritas stabilitur, quia potentia quantumcumq; habeat virtutem efficiendi vitaliter actum cognitionis, dependet ab obiecto ut simul cum ipso cognitionem eliceat, & hoc ideo est, quia potentia per cognitionem debet esse assimilativa vitaliter, non solum communi ratione, qua omne agens intendit assimilare sibi effectum eo modo quo potest, sed speciali ratione, quatenus tendit ad unendum, & coniungendum sibi obiectum & trahendum ad se in qua cognitione

seu operatione, non fit assimilatione per hoc, quod potentia operans faciat aliam potentiam sibi similem, sed solum facit simile, seu assimilationem ex parte obiecti, circa hoc enim operatur & negotiatur potentia, nec enim intendit in hac assimilatione propagationem, & multiplicationem sui, sed solum manifestationem, aut expressionem, aut unionem actualiter exercitam erga obiectum. Non potest autem potentia emittere ex se vitaliter hanc assimilationem, & unionem, seu tendentiam erga obiectum nisi cum concursu ipsius obiecti, & non sufficit terminari ad obiectum, quia ut terminetur ad obiectum debet egredi à potentia ut determinate tendens ad illud obiectum ad quod terminatur, siquidem notitia est partus quidam potentie determinatus circa hoc obiectum, eique potentiam assimilans, ergo necesse est, quod non à sola potentia procedat quæ indifferens est ad multa obiecta, sed etiam ab obiecto ut illi assimilatione fiat, imò etiam si virtus potentie sit determinata erga tale obiectum in ratione virtutis, non tamen est determinata in ratione fructus, nisi ab obiecto perficiatur, & determinetur, sicut virtus foemine licet sit determinata ad generandum, dependenter tamen à fructu viri. Non potest autem exire cognitio ab obiecto ut extra, sed ut est intra ipsam, eamque actuat, & afficit media specie sui, eò quod ille actus, seu cognitio vitaliter exit à potentia, & quando exit ab ipsa, exit ut determinatus, & specificatus circa tale obiectum & non potest exire seorsum ab obiecto, & seorsum à potentia, quia ab obiecto ut est extra non potest exire vitaliter, nec ut entitas unica & indivisibilis; cum multum distet aliquando obiectum à sensu; oportet ergo quod aliquid loco sui, & representationis sui ponat in potentia, ut exeat coenitio ab ipsa cum sua determinatione & specificatione & dependentia quæ habet ab obiecto per unicum & indivisibilem partem, & vitalem processionem potentie.

Et quod ista actuatio & determinatio intrinseca potentie, debeat fieri per speciem, constat quia ipsum obiectum nisi intrinsece immutet, & actuat potentiam non relinquit eam magis potentem, magisque determinatam ad tale obiectum quam ad aliud, sed in eodem statu, atque si non esset obiectum, ergo non relinquit in ea principium à quo dependeat verè, & in re determinatio illius actus, & exeat vitaliter actus ut determinatus est; oportet ergo quod sit aliquid vice obiecti tanquam similitudo & species eius; quod præcipue apparet requiri, quando obiectum est abiens, & cognoscitur in absentia, aut quando est in lóquio, aut quando est corporeum, & intelligitur spiritualiter ab intellectu, generaliter verò in omni cognitione id requiritur, quia unio obiecti ad potentiam non debet fieri solum realiter & secundum condiciones, & modum unionis realis & entitativæ, tum quia sine vlla alteratione & immutatione physica ipsius potentie fit, tum quia non ordinatur ad constituendum unum esse physicum, vel naturam ex potentia & obiecto, quia representatio sola obiecti non constituit naturam, tertiam, quæ ex representatione & potentia coalescat, quia si natura resultans est quædam physica natura, non potest constare aliquo quod sit tantum representatio, & non physicum. Solum ergo potentiam representationis & cognoscibiliter perficit, & cum ea componit intentionaliter non physicè, licet ut accidens inherens est, etiam physice actuat, sed hoc per accidens est ad formalitatem speciei, ut vice obiecti præcise representat; tum denique quia sunt sine contrarietate physica, ea enim quia physice contraria sunt ut album & nigrum, in visu non contrariantur, sed simul sunt, non ergo est immutatio physica, sed intentionalis & representativa, & conditionibus physice immutationis carens.

ARTICVLVS III.

*Expediuntur difficultates artic. prece-
dentipositæ.*

AD I. *difficultatem à prin Resp.* esse diuer-
sitatem opinionum, an species impressa
sit similitudo formalis obiecti, an solum vir-
tualis; & utraq; inter Thomistas vt proba-
bilis defenditur, vt videri potest apud Le-
desmam, *de perfect. diuina q. 4. art. 4. sol.*
145. easdemque probabiles iudicat P. Sua-
rez 3. *lib. de anima c. 2. numer. 20.* licet magis
inclinat in eam, quæ affirmat esse solum
virtualem representationem. Existimo ta-
men non esse difficultatem tanti momenti,
& vtrumque secundum diuersas conside-
rationes recte dici. Nam si loquamur de si-
militudine formali, quæ sit entitatiua cer-
tum est, quod nec species impressa, nec ex-
pressa sunt formales similitudines, cum nō
habeant entitatem e uidem forme cum esse
& entitate obiecti, sed diuersas omnino
conditiones & entitates sint, & in diuerso
esse species dicatur esse obiectum, scilicet
representatiue. Similiter est certum, quod
in hoc esse representatiuo, non habet spe-
cies impressa ita perfectam, & in actu se-
cundo representationem, sicut expressa, ac
per hoc magis formatam, seu formalem ef-
fe representationem in verbo, seu specie
expressa, quam in impressa, vt amplius in
artic. seq. & inf. q. 11. dicemus, & constat
quod expressa species, seu conceptus re-
presentat rem vitaliter vt imago viua pro-
cedens ab intellectu, & rem ipsam vt ter-
minum cognitum & intellectum in ipsa,
species verò impressa vt cognoscibilem &
in actu primo, & sic magis formatur repre-
sentatio per speciem expressam magisque
ponitur in actu secundo, & determinatur
in esse cognito, quam erat in specie impres-
sa, & quoad hoc species impressa se habet
vt semen obiecti, & virtualis representa-
tio magis determinanda, & exprimenda in
conceptu.

Ceterum in alio sensu potest species im-

pressa dici vera, & propria, & formalis si-
militudo obiecti, quatenus verè & forma-
liter habet esse intentionale, quod est esse
representatiuum, nam esse imaginem dicit
intentionem quandam circa formam, vt in-
quit D. Thom. *libro de memoria, & remi-
niscencia lect. 3.* vbi etiam addit: *Quod mo-
tus qui fit à sensibili in sensum imprimi in
phantasia quasi quandam figuram sensibilem,
qua manet sensibili abeunte ad modum quo illi
qui sigillant cum annulo imprimunt figuram
quandam in cera. Et in 1. contra gent. capit.*
53. loquens de specie impressa inquit: *Quod
vtrumque est rei intellectæ similitudo, per hoc
enim quod species intelligibilis quæ est forma
intellectus & intelligendi principium est simi-
litudo rei exteriori, sequitur quod intellectus
formet intentionem illi rei similem.* Denique
videri potest in quodlib. 8. *art. 4. & 3. contra
gentiles cap. 49.* vbi speciem non solum vo-
cat similitudinem quidditatis, sed quod es-
tiam sit ipsa natura, & quidditas rei in esse
intelligibili, quod vtiq; stare non potest
sine vero & proprio esse intentionali. *Et
ex hoc sumitur fundamentum pro ista parte,*
quia ad formalem similitudinem in sensu
dicto sufficit formalis, & vera conuenientia
in eo esse in quo talis similitudo datur, sed
in esse intentionali, seu representatiuo ha-
bet species impressa conuenientiam cum
obiecto, imò est ipsamet quidditas obiecti,
quatenus totum quod in obiecto inuenitur
realiter, transfertur ad speciem represen-
tatiuæ; ergo habet formalem similitudinē.
Et in hoc differt exemplum vulgare de se-
mine, quod ita est virtus generantis in esse
naturali, quod nullo modo participat esse
ipsius geniti, sed solum est virtus ad illud.
At verò species impressa ita est virtus ob-
iecti ad eliciendam cognitionem & forma-
dum verbum quod tamen formaliter in se
habet esse intentionale in quo conuenit cū
obiecto representatiue, sed non entitatiue,
& cum specie expressa conuenit in eodem
esse intentionali, licet non sit ita formatum
& expressum sicut in ipso verbo.

Vnde ad argumentum contra hoc factum a principio respondetur, speciem esse similem obiecto non entitative sicut duo individua eiusdem speciei, sed intentionaliter sicut imago, & idea respectu sui representati. Et cum videtur, quod non potest dici similitudo per modum convenientiæ in natura, aut per modum imaginis, sed solū per modum instrumenti requisiti ad tendendum in tale obiectum. Respondetur, esse quidem instrumentum per modum seminis cognoscibilis sed tamen non manere in ordine solius esse naturalis, sed habere etiam formaliter ordinem esse intentionalis, seu representatiui, & in hoc esse, seu ordine, est ipsum obiectum representatum, seu vices eius gerens, licet virtualiter dicatur representare comparative ad verbum, quod in actu secundo & secundum perfectam formationem in esse intellectu representat, & non solum in esse intelligibili & in actu primo. Et licet P. Suarez loco citato numero 26. solum admittat similitudinem analogam inter speciem, & obiectum, imò solum intentionem per modum tendentiæ ad illud, & per modum instrumenti, indeque reputat infirmam esse rationem, qua probatur ex similitudine speciei cum obiecto, non posse dari speciem Dei ut est in se, tamen hoc totum est considerare speciem in esse accidentis & entitative; representatiue autem & secundū esse intelligibile, oportet quod sit eiusdem immaterialitatis, & intelligibilitatis cum obiecto, imò ipsum obiectum in illo esse intelligibili etiam quoad ultimum gradum & constitutum illius. Vnde si repugnat, quod species corporea immediate representet spiritum, multo magis quod creata representatio Deum. Sed de his dicemus aliquid inf. q. 11. & lat. 1. p. q. 12.

Ad 2. difficultatem Respon. speciem informare dupliciter potentiam, scilicet entitative seu inhaerendo, intentionaliter autem & vice obiecti perficiendo, seu potius transformando potentiam in obiectum. Et ratio est, quia species inter omnes alias for-

mas hoc habet speciale, quod nō solum informat pro se, sed vice alterius, scilicet obiecti, imò propter se non requiritur, sed propter obiectum a quo perficitur potentia sine hoc, quod cum ipso obiecto constituat naturam aliquam. Vnde hæc vniū obiectiva nō debet reputari intelligibilis, sed maxime ad intelligendum conducens, & ex ipsis effectibus manifeste colligitur debere poni, nam forma intentionalis entitative considerata dependet in suo esse a subiecto sicut reliquæ formæ, & actuat subiectum sicut ipsa. At verò obiectum representatum in specie non accipit aliquod esse a subiecto, nec constituit cum illo aliquam naturam sed ita presentatur potentia, quod determinat, & actuat illam intelligibiliter sine hoc quod realiter alteret illam, & transmutet aut componat aliquod tertium cum illa. Item potentia non vitur entitate speciei tanquam principio specificante actus suos, sed obiecto in ea representato unitur, tanquam specificatio, sed potentia debet actuari, & perfici, & determinari a suo specificatio in quantum specificatum est, ergo si ab entitate speciei non specificatur, bene tamen ab obiecto representato, alia vniū seu actuario, aut determinatio debet intercedere inter obiectum representatum, & potentiam, & hæc dicitur vniū intelligibilis, seu intentionalis, inter entitatem verò speciei, & potentiam est vniū accidentalis, id est inhaerentiæ. Denique species inhaeret potentia etiam quando actu non cognoscitur obiectum, sed species conseruentur in illa per modum reliquorum accidentium, cum verò potentia actu cognoscit, tunc non solum actuatur entitative ipsa specie, sed actuatur ipso obiecto in ea contento, & representato, ab hoc enim non semper actuatur potentia, sed tunc quando actu cognoscit.

Nec sufficit dicere, quod quando actu cognoscitur obiectum, species non de nouo actuatur, sed solum potentia excitata denuo operatur vtendo ista specie. Contra enim est quia

quia nec potentia excitari, neque operari potest, nisi vt actuator a specie ea actuacione quæ sit principium specificacionis actuum, actus autem non specificantur ab ipsa entitate speciei vt in hærente, sed ab obiecto in ea contento & representato, ergo repugnat dicere, quod species non actuatur nouo modo, sed tantum potentia operatur & vtitur illa, siquidem vt operetur debet præsupponi potentia actuata a specie, non ratione eius; quod est, sed ratione eius quod continet, ab hoc enim specificatio & determinatio illius actus dependet: sicut etiã in causis instrumentalibus aliter operatur instrumentum ratione eius quod in se est, v. g. calor vt calefaciens, aliter ratione eius, cuius vices gerit, id est ratione virtutis animæ, vel ignis. Quod ergo in genere efficientium videmus in instrumentis, proportionaliter dicendum est in causis formalibus in genere cognoscibili, quod species & informat ratione sui per in hærentiam, & ratione obiecti cuius gerit vices per cognoscibilitatem, quasi instrumentum quodam formale, seu vice obiecti informans, nec enim potest potentia operari solum ratione actuacionis entitativæ, nisi etiam actuatur vice obiecti, quia ab ipso obiecto pendet specificatio, & determinatio actus. Et hanc duplicem vnionem, seu actuacionem D. Thom. affirmat, nam de obiectiva sæpè dicit potentiam cognoscitivam fieri ipsum obiectum non componendo cum illo aliquam naturam, sed intentionaliter se transformando in illud vt i. p. q. 14. artic. 1. & q. 2. de veritate art. 2 & 3. de anim. lect. 13. & 3. contra gentiles. cap. 12. 55. vbi dicit: *speciem non constituere aliquam naturam cum intellectu, sed perspicere ipsum ad intelligendum*, & ideo non repugnare diuinæ essentiae in ratione speciei actuare intellectum. Ratione verò actuacionis entitativæ & in hærentiæ dicit i. p. q. 55. a. 1. ad 2. quod sensus non est ipsa similitudo, neque intellectus ipsa species, sed fit ex utroq; vnũ, sicut ex actu, & potetia.

Et quando instatur, quod omnis vnio rea-

lis, vel est accidentalis, vel substantialis. *Respond.* quod in re ita est, quod omnis realis vnio vel identice, vel formaliter sit accidentalis, vel substantialis, sed non requiritur quod solum formaliter; sicut passionibus entis vt verum & bonum non sunt formaliter ens, sed identice, aliàs non essent passionibus entis, sed ens ipsum cui passionibus conueniunt; vnio autem obiectiua intelligibilis datur ratione ipsius veri, seu cognoscibilitatis quæ est passio entis. Requiritur tamen ad istam vnionem obiectiuam præsuppositiue, vel concomitanter aliqua realis, & intima vnio, vel in genere causa formalis in hærentis, sicut nostra species quæ est qualitas, vel in genere causa materialis sustentantis sicut substantia Angeli sustentat intellectum suum; & in ratione speciei illi deferunt, vel in ratione cause efficientis sicut Deus operando intra intellectum, & dando illi esse per immensitatem etiam in ratione speciei potest illum actuare: & posita aliqua vnione ex istis, potest etiam secundo modo, seu in genere intelligibili fieri vnio, distincta tamen a prima, quia distincto modo fit, & distinctos habet effectus, perficiendo & actuando immaterialiter, & faciendo, quod potentia in esse cognoscibili sit obiectum, non tertiam aliquam naturam ex representatione & potetia constituendo, bene tamen potentiam actuaram relinquendo.

Ad 3. difficultatem ex dictis resp. quod species sub formalitate intentionis cognoscibilis, non est determinate substantia vel accidens, sed in utroq; reperiri potest, pertinet enim species ad duplex genus, sc. ad entitativum sicut quælibet alia forma existentes, & ad intelligibile. Vt autem diximus ordo intelligibilis, identice quidẽ est ens, & præsuppositiue, non formaliter, cum pertineat ad passionem entis, sequitur enim addens quod sit verũ & intelligibile, non autẽ formaliter est ens & ita species, vt intrat ordinẽ intelligibilẽ & intentionalẽ nõ est formaliter substantia, vel accidens, sed solum identice

& præsuppositiue. Pertinet autem species ad ordinem intelligibilem, quia ex sua natura est vicaria obiecti, & repræsentatiua illius, vt per talem repræsentationem reddatur intelligibilis, & cognoscibilis à potentia, & sic eius munus ad ordinem cognoscibilitatis spectat. Et respectu huius ordinis per accidens, & materialiter se habet quod entitas speciei, sit substantia vel accidens, dummodo enim habeat reddere re intelligibilem & cognoscibilem illo immateriali modo, qui requiritur, vt potentiam informet, nihil per se conducit quod sit entitas substantiæ, vel accidentis loquendo in quarto modo per se; esto in re necessàrio debeat esse accidens vel substantia. Et sic inuenimus munus speciei in substantijs separatis respectu proprii intellectus cui coniunctæ sunt, & in Deo etiam respectu Beatorum, quibus intentionaliter & per modum speciei vnitur, quia in se habet sufficientem immaterialitatem, vt per se, & non per aliam superadditam speciem intelligibilis sit respectu omnium intellectuum, quibus illabitur, & intimus est illapso efficiente in eis esse.

Ad 4. difficult. respond. Quod attinet ad subiectum educationis, speciem intentionalem, quæ accidens est, ab illo subiecto educi, cui inhæret, siue sit potentia cognoscens, siue medium per quod transit; vbi inhæret, inde educitur. Et licet habeat esse intentionale, tamen quia hoc identice & materialiter in re quoddam accidens est, in quantum accidens, à subiecto dependet & ab eo educitur, sicut etiam formæ artificiales, quia in re accidentales sunt à subiecto naturali educuntur, modo tamen artificioso.

Quod verò attinet ad causam efficientem in speciebus intelligibilibus facili est responsio, nam substantijs separatis infunduntur species in sua creatione, vel separatione ab authore naturæ, supposita D. Thom. sententia quod non accipiunt cognitionem, seu species à rebus. Quod si accipiunt oportet ponere in eis intellectum agentem,

qui à rebus externis species hauriat & efficiat, sicut nostra intellectus à phantasmatibus. Quod verò attinet ad species intelligibiles quas nos pro isto statu accipimus illæ effectiue procedunt ab intellectu agente, qui illas à phantasmatibus educit, vt *infra tractabimus questione 10.*

Quod verò attinet ad species sensibiles, si loquamur de speciebus sensuum interiorum, illæ fiunt à sensibus externis, quia phantasia (id est cognitio interiorum sensuum) est *motus factus à sensu secundum actum* vt dicitur 3. de anima. Quomodo autem inferiores sensus agere possint, & emittere species in sensus internos, qui petunt species superiores, dicemus q. 8. art. 3. Et est fere eadem difficultas, quomodo obiectum externum effectiue producat species immaterialiores se in ipsos sentus. Et ad hoc explicandum reducitur totius difficultatis summa, possuntque de hoc esse tres sententiæ. *Prima,* quod fiant ab aliquo sensu agente, quem posuerunt aliqui ad modum intellectus agentis, vt ab obiectis externis eliciat species, sicut h. c. à phantasmatibus. *Secunda,* quod fiant ab obiectis virtute participata à cœlo, & intelligentia mouente, quia obiectum cum sit ita materiale, & grossum non potest intentionales species producere, nisi ex virtute aliqua participata à superiori causa & intelligentia. Et huic sententiæ fauet S. Thom. *questione 5. de potentia art. 8.* vbi id clare affirmat. *Tertia sententia est,* quod species producantur effectiue ab ipsis obiectis, quia secundum se sunt sufficienter in actu non solum vt moueat, sed etiam vt terminent sensationem, hac enim ratione vt dicemus *artic. sequent.* sensus externi non formant idola, aut speciem impressam, quia obiecta ipsa sunt sufficienter in actu ad terminandum cognitionem sensus, & ad mouendum.

Inter has sententias, prima omnino expungenda est, sicut reijcitur à S. Thom. 1. p. q. 76. art. 3. ad 1. & q. de spirit. creaturis art. 9. & q. de anima articulo 4. ad 5. Ratio autem quare

quare sensus agens omnino poni non potest, ea est, quia talis virtus quæ vocatur sensus agens debet esse virtus in ipso animali existens (si enim esset in obiectis, non esset sensus, & cessaret prædicta sententia) si autem in animali existat, oportet illi assignare peculiare organum, & sedem cum sit peculiaris potentia, eamque externam cum agat in exteriora obiecta, quod nusquam in toto corpore animalis apparet, nec facile capi potest, quomodo sensus vnus, & potentia vna corporea habeat tantam amplitudinem, vt pro omnibus sensibus tam diuersas species possit ab obiectis extrahere. Nisi dicatur, tot esse sensus agentes, quot sunt cognoscentes, & in vnoquoque organo esse sensum agentem pro speciebus illius generis, quod certè sine vilo fundamento, vel experientia (cui res naturales innituntur) affirmatur. Præterea talis sensus agens siue vnus sit, siue plures, oportet, quod ad producendas species ex obiectis, vel ipsis appropinquet, vel virtutem suam ad ea diffundat. Primum repugnat experientiæ, cum constet tam multos sentire & eorum species in nobis habere sine hoc quod sensus noster rebus ipsis appropinquet, sed à longè manendo. Secundum maiorem difficultatē habet, quomodo possit sensus agens virtutem suam emittere ad obiecta ita distantia & tam breuissime, vt vnico instanti vsque ad cœlum virtutem emittat, & inde eliciat species, easque ad oculos reuehat; quomodo item tam exigui corpōris virtus, totum cœlum discurrat, vt è toto species hauriat?

De secunda verò & tertia sententia existimo non esse considerabilem diuersitatem inter illas, sed rectè dici posse, quod obiecta emittunt intentionales species cum subordinatione & participatione ad influentiam cœlestem, dummodo tamen influentiæ istæ non sint dependentes à motu cœli sicut generationes & corruptiones physicæ, id enim expressè aduertit S. Thom. loco cit. ex *quæst. 5. de Potentia: cessante*, inquit, *motu*

Pars III. Phys.

cœli erit quidem actio in istis inferioribus illuminationis, & immutationis mediū à sensibus, non autem erit actio per quam transmutatur materia, quam sequitur generatio & corruptio. Et constat quod post diem iudicii exercebitur visio & sensatio aliorū sensuum, tam in cœlo empyreo, vbi non est motus, quam in toto hoc vniuerso vbi fuerint beati, ergo efficientia specierum sensibilium non dependet à motu cœli, sed ab alijs influentijs illius, quibus actuatora corpora præsertim per lucem quoad species visibiles, illas producant. Quod si ita est, vt probabile apparet, à non modica difficultate liberabimur *usq. quæst. 8.* expendendo a quo principio fiant species intentionales sensuum interiorum, quæ nobiliores sunt speciebus sensuum inferiorum, ad omnia enim ista virtus cœli sufficiens principium erit.

Vnde non obstat quod in hac quarta difficultate obijciatur, quod species sunt nobiliores obiectis, solum enim sunt nobiliores secundum quid, & quantum ad modum intentionalis immaterialitatis, quæ simpliciter sensibilis est, & tamen quo ad illam iuuantur à causa superiori, scil. cœlo, quæ ad istam maiorem perfectionem intentionalem, habet eminentem virtutem.

Ad Confirmat. respond. quod illæ species in quantum inhaerent sicut accidentia corporea, extenso modo inhaerent in medio, & in potentia sensitiua. Cæterum, sicut in quocunque puncto potest calor extensus habere omnes gradus etiam vt octo, ita virtus speciei representatiuæ totius obiecti, potest in quocunque puncto inueniri, quia ista non dependent ab extensione circa subiectum, sed à virtute qua respicit obiectum.

Ad quintam difficultatem respondetur, quod species comparata ad obiectum cuius gerit vices nullam efficientiam habet circa ipsum, sed nudam representationem, quæ non est efficientia erga obiectum, cum plerumque tale obiectum non existat, vt circa

V

illud

illud operari possit, & tamen æque benè repræsentat: & sic non pertinet ad speciem efficere aliquid circa obiectum, sed solum loco illius subrogari, & reddere illud unitum & præsens potentie, quod nihil efficientie dicit, sed tantum imitationem, vel similitudinem, quæ ad genus causæ formalis reducit, quæ redditur obiectum cognoscibile, & proximè habile ipsi potentie, ut ipsi uniatur cognoscibiliter, quod totum pertinet ad genus causæ formalis, quæ vice obiecti actuatur, & repræsentat. Similiter respectu potentie, quam actuatur species, non habet efficientiam, quia nullum accidens effectiue operatur in subiectum, cui inhaeret, ut multis probauimus in 1. de Generat.

Restat ergo videre; an respectu actus, seu cognitionis species se habeat in genere causæ effectiue, & sic probabilius est, quod species non solum concurret repræsentando obiectum, id est, viuendo illud potentie intentionaliter in quo genere nihil efficientie relucet, sed etiam ad eliciendam ipsam cognitionem effectiue concurret cum potentia. Et ita sentit D. Thom. 1. p. quest. 56. art. 1. & quest. 85. art. 2. & quest. 2. de Verit. art. 6. ubi inquit: *Quod similitudo cogniti, qua informatur potentia, est principium cognitionis secundum actum, sicut calor calefactionis.* Constat autem quod calor est principium effectiuum calefactionis. Et ratio est, quia cognitio est actus potentie assimilatiuus & productiuus speciei expressæ, sed potentia sola non est sufficiens principium effectiuum huius similitudinis expressæ, siquidem non potest ipsi soli assimilari talis effectus, ergo oportet assignare alterum principium effectiuum, cui simul cum potentia assimilatur iste effectus, illud autem principium cui effectus assimilatur effectiuum est. Non est autem aliud principium cui assimilatur species expressa, ut egrediens a potentia, nisi impressa, quæ determinat illam ad tale obiectum, ergo cum in tali egreessione quæ effectiua est, egrediatur a

potentia & specie illa cognitio & similitudo, manifestum est quod non sola potentia est principium effectiuum, sed potentia ut determinata per speciem, & consequenter species ipsa effectiue cooperatur.

Ad instantias allatas contra hoc in hac quinta difficultate responderetur. Ad primam de concursu vitali dicimus, quod species non est principium concursus vitalis radicale, & principale, sed determinatiuum & specificatiuum eius, eo quod potentia ista vitalis dependet ab obiecto in suo concursu ut a determinante & specificante, principium autem concursus vitalis per modum determinantis, non oportet quod sit intrinsecum, sed ab extrinseco potest provenire, sicut habitus qui superuenit potentie & cum ipsa concurret effectiue, & tamen potest ab extrinseco provenire; sed est differentia quod habitus, seu lumen determinat potentiam ex parte virtutis & confortando vires eius erga determinatum obiectum, species autem solum repræsentando & viuendo intentionaliter obiectum, & hoc simul cum potentia parit notitiam etiam concurrendo effectiue, sicut in generatione animalis concurret actiue semen viri, quod potest magis ac magis perfici intra lineam suæ actiuitatis & virtutis, sicut potentia per habitum, sed tamen ulterius indiget semine femineo, quod ex coniunctione ad spirituosam virtutem seminis virilis, effectiue influit in productionem fetus.

Ad aliam instantiam responderetur, quod species de se non est inferior ad ipsam potentiam in influendo, quia potentia solum habet perfici à specie quantum ad ultimam determinationem specificationis obiectiue, quod vero species ipsa subordinatur potentie, vel non subordinatur in ordine ad eliciendam cognitionem, per accidens ipsi est. Et aliquando species subordinatur potentie, ut quando sustentatur ab ipsa, & est accidens ei ab extrinseco superueniens, tunc enim tota vitalitas est à potentia, & species in induxu ad actum vitalem ei penitus subordi-

ordinatur. Aliquando vero potentia subordinatur speciei, ut quando species sustentat potentiam, & est radix influendi vitalitatem in actum eius, sicut quando ipsa substantia spiritalis, verbi gratia, Angeli habet rationem speciei pro cognitione sui, non subordinatur potentiae, sed potius eam subordinat sibi in ratione immaterialitatis obiectivae, & vitalitatis, & multo perfectius hoc facit Deus, respectu cuiusvis intellectus beati, quia Deus est radix prima omnis vitalitatis & immaterialitatis intellectus, & sic uniendo se per modum speciei, non subordinatur intellectui, sed subordinat illum sibi. Imò loquendo per locum intrinsecum, si obiectum ipsum per se sit perfectè immateriale & intelligibile, & non careat vitalitate, quia est radix vitae, potius debet subordinare sibi potentiam tanquam foeminam intelligibilem, quae fecundatur obiecto, quam e contra. Sed propter imperfectionem speciei, quae solum est vicaria obiecti, & caret radice vitalitatis subordinatur potentiae, & animae ad vitalem influxum in actum. Unde etiam patet ad aliam replicam, quod species & potentia, non ex aequo concurrunt ad cognitionem, sed species ut subordinata, vel ut subordinans potentiam, sicut explicatum est.

Ad sextam difficultatem respondetur, quod licet species, seu similitudo, ut habeat relationem realem praedicamentalem ad obiectum, requirat existentiam illius, tamen ut sit representativum eius, & exerceat representationem ad potentiam, sufficit transcendentalis ordo ad obiectum qui remanet etiam non existente obiecto, & est fundamentum illius relationis, sicut mortuo Imperatore potest imago eius representare ipsum, licet non respicere realiter ipsum. Et sic diximus in *Logica quest. 21. art. 1.* quod licet signum consistat in relatione secundum esse, tamen exercitium representandi non fit per relationem ipsam, sed per fundamentum eius, quod est esse represen-

tativum, sicut Pater licet relatione sit pater, non tamen relatione generat, sed fundamento relationis, quae est potentia generativa. Videatur ibi.

Ad ultimam difficultatem, quod attinet ad tactum & gustum, dicitur, quod licet ad eorum sensationem requiratur contactus & applicatio localis, quia immediata debent esse obiecto, tamen hoc non sufficit ad eliciendam sensationem, nam etiam ignis est coniunctus ligno, nec tamen sentit, sed requiritur vitalis & intentionalis coniunctio, quae plus petit quam entitativam coniunctionem, quae etiam non cognoscibilis est communis, sed oportet, ut obiectum fiat unum cum ipsa potentia in ordine cognoscibili, id est, intentionali, & representativum modo, quantumcumque propter materialitatem ipsius potentiae tactus, requiratur etiam propinquitas localis obiecti. Quod vero attinet ad sensus internos, etiam ipsi requirunt species, tum propter generalem rationem omnium cognoscendum, quia actuari & determinari debent ab obiectis modo intentionali & cognoscibili, tum specialiter, quia cognoscunt in absentia, & sic requirunt suppleri obiecti praesentiam per subrogationem speciei. Nec sequitur, quod si species conservantur in absentia, perpetuo representent in actu, sicut nec representant actu omnes species, quae inhaerere conservantur in intellectu, eo quod licet prebeant effectum formalem entitativum existendi in potentia, sed non intentionalem, nisi quando actu applicatur, & excitatur potentia erga tale obiectum, eo quod intentionalis informatio est coniuncta cum vitali concursu potentiae ad actum determinatum eliciendum erga tale obiectum a quo mediante specie actuatur, & determinatur potentia. Sic autem informare subiectum, ut semper operetur, non convenit omni formae informanti, ut patet in habitu existente in potentia, nec tamen semper operante; sic species, licet entitativè inhaerendo informet potentiam,

tamen intentionaliter non informat, nisi quando potentia coniungitur actui, & applicatur seu excitatur ad illum, quia informatio obiecti est ad pariendum notitiam tantum, species autem per suam entitatem informat inhæsiuè, & quando informat intentionaliter, est quando obiectum mediante specie, & non solum entitas speciei informat. Et ideo ut supra diximus, distincta est unio speciei entitatiua ab intentionaliter, quia in entitatiua sola species informat, in intentionaliter, obiectum est quod informat ad notitiam formandum, licet mediante specie, ut vices sui gerente & ut contentum in ea.

Quomodo autem diuersæ species quæ videntur solo numero distinctæ, quia repræsentant obiecta numero distincta, sint in eadem potentia simul, ut cum videmus duos homines aut lapides, explicauimus lib. 1. de Generat. quest. 9. Verè enim non videntur solo numero distingui, quæ diuersa indiuidua repræsentant, si diuersa accidentia, aut modos eorum repræsentant, quæ specie differunt inter se, & habent etiam illa pro obiecto proprio; sed duplex species eiusdem indiuidui, hæc multiplicatur, & differt solo numero.

ARTICVLVS IV.

Vtrum sensus externi forment idolum, seu speciem expressam ut cognoscant?

Loquimur de sensibus externis, quia de formatione idoli in sensibus internis sequen. quest. agemus. Est autem idolum seu species expressa (in intellectu vocatur etiam conceptus seu Verbum, quia loquendo seu dicendo exprimitur) similitudo quædam per modum imaginis repræsentans in actu secundo & per modum termini cogniti ipsum obiectum, ideoque frequenter vocatur à D. Thom. medium *in quo*, seu ad instar medi *in quo*, ut in quest. 4. de Verit. art. 2. ad 2. distinguit autem illam D. Thom. à specie intelligibili, & ab actu cognitionis,

& ab intellectu, & à re intellecta, ut videtur potest in quest. 8. de Potent. art. 1. & quest. 9. art. 5. ut latius explicabimus *infra quest. 11. artic. 2.* simulque causas ob quas necesse est ponere hoc verbum sic distinctum ex D. Thom. assignabimus.

Difficultas ergo est; vtrum etiam in sensibus externis necesse sit formare aliquam talem speciem seu imaginem, non quidem propter aliquam necessitatem ex parte obiecti, quia neque est absens, neque immateriale, sed propter necessitatem ex parte actionis, quia debet habere terminum. *Et hinc sumitur ratio dubitandi,* quia impossibile est intelligere veram actionem sine termino, actio autem immanens vera actio est de prædicamento actioni: nam si non est actio, sed qualitas, restat inquirere quæ actione producat talis qualitas, siquidem alicuius actionis debet esse terminus, & de illa procedit ratio facta. Constat autem, quod ille terminus est species expressa, quia est qualitas assimilatiua obiecti, & terminus cognitionis, & manet intra ipsam potentiam cognoscentem, quia ab actione immanente fit, ergo talis terminus productus pertinet ad ipsam potentiam, ut reddat eam cognoscentem, & sic habet omnes conditiones speciei expressæ. *Nec potest dici,* quod illa actio producat aliquid extra potentiam, tum quia non est actio transiens, tum, quia nihil immutatur extra potentiam à visione ut visio est reali immutatione, sed solum denominatione extrinseca visio. *Quod si dicatur,* producere aliquid in sensibus internis, hoc verum quidem est, sed tamen ibi non producant sensus species expressas, sed impressas, quia producant id quod est principium cognoscendi sensibus internis, ergo si quid producant per modum speciei expressæ, sibi ipsis deseruit, non sensibus internis.

Circa hanc difficultatem P. Suarez 3. lib. de anima, cap. 5. refert opinionem aliquorum Thomistarum, qui censent per cognitionem abstractiuam produci aliquid termini

nans ipsam, non verò per cognitionem intuitiuam, citatque pro hac sententia Caietanum 1. *part. quest. 27. art. 1.* & alios. Sed tamen Caietanus *citato loco* non negat vniuersaliter pro omni cognitione intuitiua verbum, seu speciem expressam cum eam concedat pro omni intellectione in viatoribus, in beatis autem parziale verbum concedit non adæquatum; solum verò negat Angelum in cognitione sui formare verbum, respectu verò reliquarum cognitionum non negat, inter quas plurimæ sunt intuitiue, ergo male attribuitur Caietano, quod indistinctè dixerit in notitia intuitiua non formari verbum. Aliam refert opinionem ex Scoto, Dutando, & Gabriele, quod verbum seu species expressa, non est distincta à cognitione, & ita non est imago in qua res videtur, sed actus quo videtur. Ipse verò Suarez tenet ibidem quod in omni cognitione producit terminus, sed solum modaliter distinctus à cognitione, illique intrinsecus, præter quem nullum alium, neque realiter, neque modaliter distinctum docet produci à cognitione. Itaque in ipso actu intelligendi distinguit id quod productionis est, & quod qualitatatis, & dicit quod ut productio, solum modaliter distinguitur ab illa qualitate, sicut omnis actio distinguitur à suo termino, ut autem qualitas est, est ipsum verbum mentis, neque oportet ponere aliam qualitatem, quæ sit intellectio. Vnde non ex indigentia, & necessitate obiecti, quod sit absens, vel præsens, vel immateriale, sed ex necessitate actionis, quia exigit terminum, producit illa qualitas, quæ est verbum seu species expressa, idque ad alias potentias extendit ibi num. 10. Sequuntur Conimb. 3. *de anima cap. 8. q. 3. art. 4. ad s.* ubi in sensibus externis fatentur gigni aliquem terminum similem verbo per expressionem rei cognitæ.

Nihilominus omiſſa nunc formatione verbi in intellectu, de quo redibit sermo *quest. n.* nunc solum agimus de specie ex-

pressa, seu idolo formato à sensibus externis, & inquirimus an sit necessaria ad terminandum cognitionem sensitiuam. Et quod attinet ad mentem S. Thom. constat ipsum *perpetuo denegasse sensibus externis hanc formationem speciei in se ipsis, ut in illa cognoscant obiecta sua, ut patet in quodlib. 5. art. 1. ad 2. & quodlib. 8. art. 3. & 1. p. q. 85. art. 2. ad 3.* cui consonat, quod docet eadem 1. p. q. 27. art. 5. quod operatio: sensus externi perficitur in immutatione à sensibili, non quia neget operationem sensitiuæ potentie, sed quia sufficienter formatur à specie proueniente ab obiecto, ut in eius præsentia perficiatur sine formatione alterius similitudinis. Neque exigi talem formationem ut operatio ipsa seu actio terminum habeat, docet in 1. *cont. gent. cap. 100.* ubi ostendit non esse de ratione actionis immanentis ut habeat aliquid operatum & factum ab ipsa, sicut audire, inquit, & videre, huiusmodi enim perfectiones sunt eorum, quorum sunt operationes, & possunt esse vltimum, quia non ordinantur ad aliquod factum quod sit finis.

Nec obstat quod in lib. de somno & vigil. lect. 2. docet D. Thom. ex Aristot. permanere simulachra in sensibus externis etiam in absentia sensibilium, ut cum aliquis defixit oculos in sole, omnia ei videnti lucida etiam remotis oculis à sole, & cum intense respexit colorem viridem, aut purpureum, etiam remotis inde oculis, omnia illi apparent illius coloris, quod non est, nisi quia simulachra illa remanent in oculis; sed non possunt manere species impressæ, quia istæ dependent in fieri & cōseruari ab obiectis, ita ut in eorum absentia non permaneant ergo solum verificari potest de speciebus expressis, quæ manent in oculis. Respond. quod illa simulachra quæ dicuntur manere in oculis, in absentia sensibilium, non sunt species aliquæ expressæ in quibus cognitionem suam perficiat sensus, nec species impressæ ab obiectis ad sensus quia istæ cessant obiectis remotis, sed illæ species

impresſa (hæc vocantur ab Ariſt. & D. Tho. ſimulacra, ſeu ſimilitudines) quæ ab oculis ad ſenſum communem & alios ſenſus internos deriuantur, recipiunturque in ſpiritibus, & in illis deferuntur ad ſenſus interiores. Quando ergo facta eſt aliqua vehemens impresſio ab aliquo excellenti ſenſibili, & cum magna attentione ſenſus, tunc omnes ſpiritus, qui ſunt in oculis replentur illis ſpeciebus, eiſque vehementer imprimuntur: unde cum non omnes ſtatim aſcendant ad ſenſum communem propter multitudinem ſpirituum quos excitauit attentione, & propter vehementiam ſenſibilis imprimentiſ ſpecies in ſpiritibus vt mittantur ad ſenſum communem, ſit inde, vt etiam remotis oculis ab obiecto, & occurrentibus alijs ſpeciebus alterius obiecti, cum illæ quæ ſunt in ſpiritibus pro ſenſu communi nondum ſint totaliter emiſſæ ob copia ſpirituum, confundunt & impediunt alias, quæ ab alijs obiectis veniunt & ſic videntur omnia ſimilia illis obiectis quæ ante videbantur ſaltem conſuſe, & iuxta impresſionem factam in illis ſpiritibus nondum emiſſis, & adhuc impresſionem illam retinentibus, quia fortis fuit. Nō autem requiritur quod maneat ſpecies expreſſæ, vel quæ ab obiectis imprimuntur, ſed quæ a ſenſibus tranſmittuntur ad ſenſum communem, & in ſpiritibus imprimuntur.

Quapropter in ſententia D. Tho. duo colliguntur. Primū, quod ſenſus externi ſpecies aliquas imprimunt per cognitionem ſuam, eaſque produciunt in ſenſus internos. *Pater hoc,* quia ſenſus interni non participant ſpecies immediate ab obiectis, ſed medijs ſenſibus externis, qui primo accipiūt ab obiectis, & inde tranſmittunt ad ſenſum communem & alios, nec ſunt alie viæ, per quas ſpecies iſtæ mittantur; & præſertim, quia ſenſus interiores non ſolum iudicant de obiectis ſenſuum, ſed etiam de actibus eorum, vt quod oculus viderit, auditus audierit, &c. ergo oportet quod ſpecies tranſmittantur à ſenſibus ad interiores poten-

tias, quia debent repræſentare obiecta vt cognita ab exterioribus ſenſibus; unde & phantafia dicitur à Phil. 3. *de anima*, quod eſt *motus factus à ſenſu ſecundum actum*, quia ſcilicet à ſenſu cognoscente in actu, mouetur phantafia, quæ motio non niſi per impresſionem alicuius ſpeciei fieri poteſt. Habet ergo ſenſus factus in actu, id eſt actu cognosceus vim producendi, & imprimendi ſpecies in potentias interiores.

Secundum eſt, quod ſenſus externus non format idolum, ſeu ſpeciem expreſſam, in qua obiectū ſuum cognoscat: hoc enim precipuè S. D. excludit. *Fundamentum eſt,* quia cognitio ſenſitiua eſſentialiter eſt experientialis, experientia deducta ab iſis obiectis, & ex morione eorum in ſenſus. De ratione autem talis cognitionis eſt, vt in illa vltimate reſoluatur omnis noſtra cognitio, vt potè ab ipſa inchoata; ergo neceſſe eſt, quod obiectum non attingat in aliqua imagine a ſe formata, ſed immediate in ipſo met obiecto in ſe. *Pater conſeq.* quia ſi res cognosceat in imagine formata ex impresſione ipſa obiectorum, nondum eſt experientialis ipſius rei in ſe, ſed in alio, ſcilicet in formatione imaginis, in qua res illa repræſentatur, erga illa cognitio adhuc eſt reſolubilis ſecundum comparisonem illius imaginis ad ipſam re cuius eſt imago, unde enim iudicari debet & reſolui, quod illa imago ſit talis rei in ſe ipſa, niſi res cognosceatur in ſe ſine imagine tanquam terminus cognitionis? Si enim in alia imagine cognosceretur, de illa rediret eadem difficultas, quomodo deberet vltimate iudicari per experientiam quod eſſet imago talis rei, nō cognita ipſa re in ſe ſine imagine, ergo in cognitione deſumpta ab iſis rebus, oportet vltimam, & experientialem cognitionem reducere ad aliquam cognitionem, quæ fiat ſine imagine, ſed immediate attingat rem ipſam in ſe, & conſuetur, ſeu coordinetur cognitio cum ipſis rebus, de qua ratione ſupra egimus *art. 1.* & oſtendimus non currere in Angelis, eſſi habeant ſcientiam expe-

experimentalem, quia eius certitudo non est resolubilis in ipsas res à quibus scientiam non accipiunt, sicut nos. Quod autem species expressa naturaliter repræsentet, non sufficit certificare nobis experimentaliter, quia potest falso repræsentare, vt sæpe fit in phantasia, ergo certitudo experimentalis nō potest sistere in intellectu formante verbum, neque in phantasia formante idolum, sed debet resolui in sensum, attingentem rem in se sine imagine. In Angelo autem, qui non habet sensus, debet accipi certitudo experientie non ab ipsa re, à qua non accipit species, sed ex infusione superioris causæ, dantis illi species. Omitto, quod cognitio externa propter sui imperfectionem & materialitatem non potest se ipsam attingere, neque accidentia quæ in se sunt, sed obiecta corporeo modo sibi applicata, illa autem imago, seu species expressa deberet inhaerere ipsi potentie elicenti illam, & consequenter deberet cognitionis causæ, dantis illi imagine formatur immediate ferri in tale accidens inhaerens ipsi potentie, quod pertinet ad quandam modum reflexionis. Cæterum de efficacia huius rationis agemus *inf. q. 8. art. 3.* vbi explicabitur quomodo sensus interni vtantur idolo, seu imagine.

Ad ratio-es dubitandi à principio. Ad primam Respond. quod vt diximus in *q. 14. p. y. sic. & in q. 17. logica in prædicamento actionis*, actio immanens non est formaliter actio physica de prædicamento actionis sed metaphysica quæ est qualitas, virtualiter autem potest esse transiens & productiua, sed in quantum immanens, formaliter est qualitas, alias non esset immanens per se & ratione sui, sed ratione termini inhaerentis ipsi agenti, quod est esse immanentem nō in ratione actionis, & vt actio est, sed ratione termini non vt ab actione attrahi, sed vt per passionem recepti. Nam omnis actio, quæ per modum causalitatis est fieri, & transitus termini defieri ad futurum esse, non est immanens in ipsa ratione, & statu actionis,

sed in ipso facto esse termini. Actio enim vt actio, dicit fieri, & tendentiam, seu causalitatem termini, ergo vt actio & sistendo intra lineam prædicamenti actionis repugnat, quod sit immanens, & quod sub formalitate immanentis sit actio, vt causalitas præcisè, seu fieri, significatur immanens, quia terminus eius manet nō in alieno subiecto sed in ipso agente, sed hæc immanentia, seu inhaerentia termini in ipso agente, vel in alio subiecto, omnino per accidens se habet ad actionem in ratione ipsa actionis, quia non ipsa actio perficit immanenter, neque actuat ipsum agens, sed est fieri ipsius termini, & terminus est qui actuatur & inhaeret agenti, non vt agens, sed vt passum inhaerentia eius. Quid autem pertinet ad essentialem variationem actionis, quod terminus eius qui inhaeret in passio, habeat pro passio ipsummet agens, vel aliud subiectum extra agens? In sententia autem S. Thom. actio immanens, per se in ipsa ratione actionis immanens est, quia non datur vt fieri ipsius termini, sed vt perfectio, & actus ultimus ipsius agentis, actio autem transiens, seu de prædicamento actionis primo respicit ipsum terminum cuius est fieri, quam actuare ultimo ipsum agens, quæ est ratio S. Thom. *1. contra gent. cap. 100.* quia actio immanens est vltima perfectio, & quæritur propter se, vt constituat cognoscentem, vel intelligentem in actu secundo, quæ est summa cognoscentis perfectio, non autem quæritur propter ulteriorem terminum. Vnde vltima felicitas seu beatitudo in ipsa operatione, & actu secundo cognoscendi consistit, non in aliquo termino producto. Quod si aliquando produciatur per istam operationem terminus, v. g. verbum, seu species expressa, non est propter ipsum terminum, sed magis terminus propter cognitionem, scilicet, vt in eo producto exercentur contemplatio & cognitio, & in ipsa perfecta contemplatione vltimo sistitur. Ergo actio immanens vt formaliter immanens non est de prædicamento actionis,

actionis, sed qualitas habens vim & eminentiam actionis producentis, ut amplius dicemus q. 11. art. 1. Videatur Caiet. 1. p. q. 79. art. 2. 5. Quoad secundum, Ferrar. 2. contra gent. c. 9. & 82. Bellar. lib. 2. de Christo cap. 17, qui hanc sententiam tenent.

Ex quo patet ad omnia, qua in primo argumento tanguntur. Nam quod dicitur omnem actionem debere habere terminum, respondetur, debere habere, sed non eodem modo, nam actio immanens ut formaliter immanens solum habet terminum contemplatum, aut amatum, seu terminum obiectum, non productum, ideoque vocatur actio metaphysica non physica, id est immutativa termini; ut autem virtualiter & eminenter transiens, habet terminum productum, sed non semper de necessitate, quia in primo, scilicet in termino contemplato, saluatur. Actio autem formaliter transiens semper habet terminum productum, seu immutatum, quia est formaliter fieri & tendentia ad terminum. *Quando autem instatur,* quod si ille actus immanens est qualitas, qua actione producitur? *Respond.* procedere actionem immanentem per simplicem emanationem, sicut actio ipsa transiens emanat à suo agente: eo quod immanens virtualiter est transiens, potestque esse productiva termini, ipsumque causare, & sic habet modum procedendi sicut ipsa actio, alias non posset usum productionis habere respectu termini producti, si sic non procederet; in se verò formaliter solum habet respicere terminum obiectum, & sic est qualitas non causalitas. *Et cum dicitur,* quod ista qualitas quæ est cognitio est assimilativa, & habet quidquid requiritur ad speciem expressam. *Respond.* quod ut dicit Dion. Thom. q. 2. de poten. art. 1. & q. 9. art. 5. & alijs locis actio intellectus & verbum seu species expressa distinguuntur, nec ipse actus cognoscendi est similitudo, sed obiecti expressi, seu representati contemplatio, & apprehensio, habetque se ut tendentia ad attingendum obiectum, non ut a-

ctualis expressio, seu assimilatio. *Et ratio est,* quia cognitionis effectus solum est reddere potentiam activè, & in actu secundo cognoscentem, similitudo verò seu imago expressa, reddit obiectum actu representatum, & ut terminum cognitionis intra ipsam potentiam formatum, & terminantem cognitionem, quia ibi in materializatur, & spiritualizatur per modum termini cogniti, sicut in specie impressa per modum principij intelligibilis, ut infra q. 11. art. 2. dicemus.

Ad 2. argumentum Resp. quod visio & actus immanens non respicit obiectum extra, tanquam terminum productionis, seu immutationis, sed ut terminum cognitionis. Terminus autem cognitionis ex natura sua non petit esse intra ipsam potentiam cognoscentem, nisi quando ibi redditur formatus & proportionatus in ratione termini cogniti, eo quod extra non habet sufficientem immaterialitatem ad terminandum cognitionem, sed solum intra potentiam, sicut in intellectu, in quo non redditur obiectum proportionatum, & formatum, ut terminet, nisi per lucem spirituaalem, & hæc extra intellectum non diffunditur, & ita non redditur obiectum, extra intellectum terminus spiritualizatus, & proportionatus ei, sed solum ut in ipso verbo exprimitur intelligibiliter. In visione autem sensitiva est e contra: quia lux externa reddit obiectum sufficienter visibile, & proportionatum ad terminandum visionem in actu; intra oculum autem non potest magis proportionari ab ipsa luce oculi, imò multo minus, eo quod id quod ponitur intra potentiam non manet habile, ut sentiatur sensatione externa, quæ non sentit id quod est intra se, sed extra propter imperfectionem, & materialitatem talis cognitionis, & quia sic requiritur ad experimentalem cognitionem, quæ sumitur à rebus, ut explicarum est.

Ad ult. Respond. quod sensus externi producant in internos species impressas, ut per

per eas cognoscant, sicut obiecta sensibilia externa producant in ipsis sensibus externis species, quibus ea sentiunt, hunc enim processum seruari ab obiectis ad sensus, & a sensibus externis ad internos docet Diu. Thom. 4. cont. Gen. cap. 11. Quod verò sensus externi producant speciem expressam, quæ ad sensus internos delata, est tanquam in termino obiecta representet, non admittimus, sed species proprie sensuum internorum ab ipsis formatur, vt dicemus q. se-

quen. artic. 3. Quod si formaretur species expressa à sensu externo, non esset in ea cognoscere, sed vt sensus internus in ea ad se delata sentiret, quod non est contradiçti; & sic saluaretur, quod citato loco dicit D. Thom. & alijs locis supra citatis, quod in isto processu impressionis species ab obiectis ad sensus, & a sensibus externis ad internos, semper principium & terminus pertinent ad diuersas potencias.

QVÆSTIO VII.

De obiectis sensuum exteriorum in particulari.

ARTICVLVS I.

Quid sit color quæ obiectum visus.

Conspicientis namque generalibus conditionibus obiectum visibilem, sicut ep. ad particularia obiecta descendimus. Et primum coloris obiectum visus, quod est color, de his, & in præsentem agemus de colore, in sequenti vero articulo de luce.

Relictis autem varijs antiquorum opinionibus circa naturam coloris, de quibus Artic. lib. de sensu & sensato lect. 1. apud D. Thom. & videri potest Magist. Bañez 1. p. quæst. 78. artic. 2. dubium de visu, in præsentem solum examiniimus definitiones traditas ab Aristot. de colore, quæ sunt duæ. Prima in libro de sensu & sensato cap. 2. Color est ser. 3. m., seu extremitas proportionis in corpore terminato. Secunda est in lib. 2. de anima textu. 1. & 7. Color est q. 1. muer alia per se. v. m. Per spicuum autem definit Aristot. quod est visibile non per se, sed alieno colore, seu lumine. Lumen autem definitur, quod est alius per se cui, vt possibulum est, id est quod reddit aliq. lumen visibilem. Prima definitio traditur de colore in se, altera verò

secundum suam proprietatem, id est secundum visibilitatem, quæ est propria passio rei visibilis.

Circa primam ergo definitionem est difficultas, quid nomine extremitatis perspicui intelligendum sit, & quid nomine corporis terminati. Nam aliqui putant quod ly extremitas sumitur pro eo, quod est indivisibile in genere quantitatis, scilicet pro superficie, vel aliquo simili, & inde magnam ferunt difficultatem in explicanda hac definitione Aristot. quasi velit quod color sit superficies, vel sit solus in superficie corporis colorati, & ideo, vel respuente definitionem Aristot. vt Pater Suarez lib. 3. de anima cap. 11. num. 2. vel dicunt solum explicare naturam coloris sub proprietate & officio visibilis quod non exercet nisi in externa superficie vt sentiunt Conuicticenses 2. de anima cap. 7. q. 4. art. 2. ad 3. Magister Bañez libro supra citato. Rubio & alij. Videnturque habere fundamentum in D. Thom. libro de sensu, & sensato lect. 6. in fine vbi inquit: Quod si corpora intrinsece quidem habent superficiem in potentia, non autem actus, ita etiam intrinsece cui non coloratur actus, sed potentia, quæ reducitur ad actum facta corporis diuisione, illud autem intrinsecum, non habet

habet virtutem manendi visum, quod per se conuenit colori. Sed nō potest dici quod corpora non habent colorem intus quo ad essentiam coloris, ergo solum intelligitur quod in superficie habent illum in actu quantum ad ipsum exercitium, & munus visibilitatis, & sic illa definitio coloris solum potest intelligi quoad proprietatem & exercitium visibiles.

Nihilominus in utroque Authoris isti decipiuntur. Et quod attinet ad D. Thom. constat duo in hac parte dixisse. *Primum*, quod color dicitur extremitas in genere qualitatis, seu diaphanitatis non in genere quantitatis quasi sit superficies, vel in superficie tantum. *Secundum* ist. quod color entitatis non est in sola superficie, sed etiam intra ipsum corpus licet ut videatur, solum apparere in superficie, quia tot tantum illuminatur à luce. Vltimum potest in dicta lect. 6. circa finem inueniatur ante illa verba citata ubi dicit: *Quod autem dicitur colorem esse extremitatem perspicui, non intelligatur, quod dixerat supra, colorem non esse extremitatem, illud enim dicit de extremitate corporis hoc autem de extremitate perspicui, quod nominat corporis qualitatem, sicut calidum, & album, & ideo color non est in genere quantitatis sunt superficies, quia est extremitas corporis, sed in genere qualitatis, sicut & perspicuitas, quia extremitas & id cuius est extremitas, vniu. generu sunt.* Ergo sentit D. Thom. colorem dici extremitatem non sicut superficies, vel solum in superficie, sed sicut qualitas extrema, id est consecuta ex perspicuitate quasi quedam deficientia perspicui, & vltimum in quod resoluitor.

Quod ut intelligi possit, aduerte, quod color non est qualitas prima, sed causata ex aliqua priori, scilicet vel ex modificatione lucis, vel ex mixture primarum qualitatum, nam colores apparetes in aere sunt ex modificatione lucis in ipso aere aliquibus vaporibus ingrossato, vnde conuertere debet ibi etiam aliqua perspicuitas & aliqua opa-

eitas. In corporibus autem mixtis sic color per manens ex concursu qualitatum elementarium inter quas etiam inuenitur aliqua perspicuitas & opacitas, sicut aqua & aer sunt clara & perspicua, terra verò opaca. Sic ita ipsum perspicuum aliquando inuenitur coniunctum luci, ut in igne, sicut in sole, &c. aliquando inuenitur coniunctum suo contrario, id est opacitati, & tunc terminatur alieno termino, id est opacitate, & sic sit color ex tali terminatione perspicui. Aliquando inuenitur perspicuum secundum se, id est neque coniunctum luci, neque coloris, sed cum sola transparentia, ut aer, aqua, vitrum, &c. ut bene notauit C. met. i. d. *anima super text. 8.* Sic ergo color in corporibus mixtis resultat ex concursu qualitatum elementarium, quae in mixto sunt virtualiter, sed cum in coloris sit non solum qualitatem primam coloris, & caliditatis, &c. sed etiam perspicuitas & opacitas, ad definiendum quod color non resultat ex sola congregatione & mixture illarum, scilicet caloris, & frigoris sed illarum, scilicet perspicui & opaci, quatenus in ipso mixto inueniunt etiam virtualiter perspicuitas vnius elementum, & opacitas alterius, ideo desinit color, quod est extremitas perspicui, id est qualitas consecuta non ex calore, & frigore sicut qualitates sensibiles, sed ex commixtione perspicui, & opaci quasi qualitates tam deficientes & extrema, seu in quā desinit perspicuitas facta terminatione opaci, & sic dicitur extremitas perspicui in corpore terminato, id est opaco. Et huius signum accipitur ex coloribus apparentibus, videmus enim, quod secundū diuersam mixturem opacitatis nubes cum perspicuo vaporum vel aeris, resultat per modificationem lucis, modo color puniceus, modo flauus, modo caeruleus, modo nigrescens, modo albus, sicut nubes multum de luce imbuta, alba apparent multum habentes de opacitate & copia vaporum caeruleae, aut nigrae, ideoque solent esse signum pluuiae, ergo cū iste color resultat ex diuersa com-

mixtione perspicui cum opaco in modificatione lucis, similiter sequetur color in mixtis ex eadem mixtione perspicui cum opaco, licet in his derur causa permanentior, & diuturnior colorum, non in illis, ideoque apparentes dicuntur. Est ergo color quasi quaedam umbra perspicui, aut lucis in terminatione opaci, ideoque extremitas illius vocatur.

Secundum, quod S. Thom. asserit constat ex eodem loco. it. scilicet *scilicet 6. de sensu & sensato* ubi inquit: *Manifestum est, quod in his que colorantur ab exteriori (id est a reverbératione luminosi) perspicuum est sensu spirituum coloru, & etiam in his, que colorantur interioru, perspicuum est, quod facit ea participare coloreu, quod quidem perspicuum in corporibus inuenitur secundum magis & minus: quia enim istorum corporum plus habent de aere, vel de aqua, plus habent de perspicuo, minus autem habent, quae superabundant terrestri.* Quare secundum D. Tho. color etiam in interiori corporis parte datur, & ubi etiam provenit ex perspicuo; non quidem formaliter existente, sed virtualiter, quia qualitates elementorum sunt virtualiter in mixto & redactae ad mediocritatem. Quando ergo D. Thom. in verbis supra citatis in argumento dicit, quod si superficies intra corpora est in potentia, non autem in actu, ita etiam intrinsecus colorantur in potentia non in actu, optime dictum est, quia est conditionalis nihil ponens in esse. Nam in re sicut fuerint superficies, ita erunt & colores. Et superficies quidem intra corpus inuenitur ut actu continuans, sed ut potentia terminans. Solum enim terminat actu, quando est ultima, & in extremo corporis. Et similiter intra corpus dabitur color quoad entitatem sicut superficies, sed non quoad terminationem & motionem visus, hoc enim non potest facere in actu, nisi actu sit manifestus ille color, & positus in externa superficie.

Altera definitio coloris supra relata ex A-

*ristot. traditur à posteriori per effectum, seu propriam passionem coloris, scilicet in quantum visibilis seu motuius diaphani actuati, seu illustrati per lucem, hoc enim est diaphanum secundum actum. Sed tamen color, prout est in partibus interioribus corporis est impeditus mouere diaphanum actu, quia non potest coniungi ipsi diaphano, & perfundi luce nisi ad externam superficiem reducat, sibi autem est habilis ad mouendum diaphanum, si luce illustratur. Vnde colligitur explicatio definitionis. Nam in primis non traditur definitio coloris per ordinem ad visum, quia in hoc conuenit cum luce, & sic non oportuit hoc exprimi in definitione, scilicet quomodo sit motuius & specificatiuus visus, sed supponi, solum autem tradi id, quod proprium est coloris in eo in quo distinguitur à luce. Secundo ly *motuius* debet sumi in definitione pro motuius intentionali, non reali, seu alteratiuo, nam diaphanum in actu, id est actuati, & illustrati à luce, non potest dari motuius nisi intentionale formaliter loquendo, nam quodcumque aliud alterans, v.g. calidum aut frigidum æque bene possunt alterare illud corpus diaphanum in tenebris atque in luce, quod autem precise potest mouere diaphanum ut illustratum luce, est color ut intentionaliter agens. Tercio diaphanum secundum actum, est idem quod diaphanum illuminatum luce, quia licet corpus illud quod est diaphanum possit alijs formis informari & in actu poni, tamen in quantum diaphanum, non nisi à lumine actuatur & perficitur, alie verò formæ etiam non diaphano sunt communes.*

Ex quo colligitur, quam bene sit tradita hæc definitio; nam supponendo id, in quo conuenit color cū reliquis sensibilibus, scilicet quod intentionaliter mouent sensus, quod in ly *motuius* imbibitur, in reliquis explicat differentiam coloris ab illis sensibilibus. Nam lux mouet quidem visum, sed perfectiori modo quàm color, scilicet non supponendo diaphanum illustratum,

sed illustrando illud, & ita ad ipsum pertinet illustrare perspicuum, non verò illustratum mouere, hoc enim est propriū coloris. Reliqua sensibilia aliorum sensuum, mouere quidem possunt diaphanum, sed non vt diaphanum est, quia etiam per opacum transeunt, vel saltem non requirunt diaphanum illustratum, sicut audimus, & odoramus, & gustamus etiam in tenebris, & per corpus opacum transit species soni, vt cum intra parietes audimus, & sine diaphano per immediationem contactus gustamus, & tangimus. De hac explicatione videatur S. Thom. 2. de anima lect. 15. Quare non potuit meliori modo declarari color, vt motius est, quam per dictam definitionem, in qua id, quod peculiare est coloris in quantum color est explicatur, & in quo à luce & reliquis sensibilibus distinguitur, id autem quod commune est, in ly *motium* imbibitur.

SOLVUNTUR ARGV-
MENTA.

Contra primam definitionem argui potest; quia cum dicitur color *extremitas perspicui*, vel ly *extremitas* sumitur in genere quantitatis, vel in genere qualitatis. Primum dici non potest, vt iam probatum est, cum color non sit de genere quantitatis, nec in sola eius superficie subiectetur. Secundum etiam est falsum, quia si color est *extremitas perspicui*, erit eiusdem generis cum perspicuo, siquidem *extremum* eiusdem generis est cum eo cuius est *extremum*, constat autem quod color non est eiusdem generis cum perspicuo, sed longe ab eo differt, imò perspicuum est susceptivum coloris, & comparatur ad ipsum vt potentia ad actum. Si verò dicitur quod color est *extremitas*, seu in *extremitate*, quia solum in ea mouet visum; *Contrariè* est tum quia color non est in ipso perspicuo seu *extremitate* eius, sed in corpore mixto, tum quia non solum est in *extremitate*, id est in superficie, sed etiam intus in corpore, & sic si so-

lum definitur pro extremitate, definitur non quoad essentiam coloris, sed quoad exercitium visibilitatis. *Consequenter* quia color est quædam participatio lucis, seu lux obscurata admixtione opaci, vt docet S. Th. 2. de anima lect. 14. idque constat in coloribus apparentibus ex modificatione lucis, ergo male dicitur quod est *extremitas perspicui*, nec traditur definitio communis colori apparenti & permanenti.

Responsum ex dictis, quod *extremitas* hic intelligitur in genere qualitatis, non quantitatis. *Ad replicam dicitur*, quod *extremitas* est duplex alia intrinseca rei terminata per illam, alia extrinseca seu consecuta, sicut & terminus rerum alius est intrinsecus, alius extrinsecus. Intrinsecus est eiusdem generis, extrinsecus potest esse alterius, quia dicitur actum, & diuisum quid est à re terminata, & hoc modo color est *extremitas*, seu terminus perspicui extrinsecus, non intrinsecus, quia est resultans & deficiens a perspicuo, sicut explicatum est, tanquam ex opacitatis mixtione in colorem desinens & deficiens. Nec obstat, quod perspicuum possit suscipere colorem vt vitrum quod coloratur, aut etiam species coloris, quæ in diaphano multiplicantur, hoc enim non tollit quod etiam ex perspicuo cum mixtione opacæ, resultet color, & sic color sit *extremitas extrinseca*, seu resultans ex perspicui admixtione & deficientia. *Quod vero dicitur* color esse in interiori parte corporis. *Responsum* verum esse, quod entitative etiam color est in partibus interioribus licet non motiue, quia quousque ponatur exterius & illustretur non potest mouere visum. In partibus autem interioribus licet non sit perspicuitas formaliter, est tamen virtualiter, quia ex admixtione perspicuitatis cum opacitate generatur illa mixtio, & ita virtualiter manet in colore, sicut qualitates primæ in secundis. Quod si aliquid corpus nihil habeat perspicui etiam virtualiter, nihil habebit coloris sicut terra sine sua puritate dicitur, quomodo autem tunc videatur, statim dicemus.

Ad Confirmationem respondetur. Quod color est participatio lucis mediante perspicuo, seu diaphano obumbrato per opacitatem, nam cum perspicuum sit immediate susceptivum lucis, quod est extremitas perspicui, etiam est extremitas lucis, seu lucidi, quia perspicuum lucidum est, & sic saltem medietas, id est, mediante perspicuo, color est participatio lucis. In coloribus autem apparentibus, etiam color generatur ex perspicuo cum aliqua opacitate, sed ibi perspicuum est actu lucidum, & ex modificatione lucis & perspicui resultat color in opacitate nubi, seu corporis densi; in coloribus autem permanentibus resultat color ex perspicuo non actu lucido, sed in potentia, seu susceptivo lucis. Unde vixit definitione omnes isti colores comprehenduntur, dicendo, *quod est extremitas perspicui.*

Secundo arguitur contra secundam particulam eiusdem definitionis sc. *quod sit in corpore terminato.* Etenim nec in omni corpore terminato seu mixto, datur color, nec in solo mixto datur, sed etiam in pure elementalibus, nec ad temperaturam primarum qualitatium sequitur determinatus color, ergo male assignatur quod sit in corpore terminato, id est, mixto seu opaco. *Antecedens probatur,* nam pupilla oculi nullum habet colorem, ut supra diximus, & est corpus mixtum, & nonnisi transparens, sed aliqua opacitate mixtum: unde non videntur interiores partes eius. Ignis etiam est flauus coloris, & tamen non est mixtum, sed elementum, & Aristoteles in elementis ponit colorem, in lib. de coloribus, in primis. & patet in terra, quæ in tota sua puritate colorem aliquem habet, quia visibilis est, & non videtur ut lucida, ergo ut colorata. *Quod tertiam partem probatur antecedens,* quia videmus in aliquibus corporibus albedinem sequi ad frigus, ut in nive, & in animalibus quæ generantur in partibus septentrionalibus, ut hominibus, vrsis, leporibus, &c. In alijs albedo sequitur ad colorem, ut in cera, in

calce, & similibus; eodem modo videmus in nigredine, quod aliquando sequitur ad calorem, ut in pipere, in hominibus Africa; aliquando sequitur ad frigus, sicut humor melancholicus est frigidus & niger, ergo color determinatus non sequitur ad determinatum temperamentum.

Respondetur in gando antecedens. *Ad primam probatorem dicitur,* quod pupilla non habet in se opacitatem, sed est pure transparens sicut crystallum, alioquin species visuales non transirent per ipsam ad interiores partes, mixtum autem quod habet colorem, non est mixtum transparens, sed quod habet aliquam opacitatem, quæ admisceatur perspicuo, quod autem pure perspicuum est, non est corpus terminatum respectu visus. Quod vero pupilla non videatur in partibus interioribus, non est propter opacitatem, sed propter nimiam humoris copiam, ut quasi præ ed diximus, sicut aqua copiosa obscuratur in sui profunditate, & ob eam rationem potest exterior superficies pupillæ reddere imaginem sicut speculum, quia terminatur à parte interiori. *Ad secundam partem arguente dicitur,* quod ignis in sua puritate non habet colorem, apud nos enim flamma, quanto purior, tanto splendidior, & minus flaua videtur, & in sua sphaera ignis nullatenus apparet flauus propter sui puritatem & raritatem. Ille ergo color provenit igni ex concretionem exhalationis terrena vel fumæ, quæ igni adiungitur, in cuius signum quanto densior est materia, cui ignis adheret, tanto rubicundior flamma apparet, vel tristicior, ut in carbone, sulphure, &c. Terra autem si in sua puritate videretur, nihil coloris in ea appareret, sed videretur ut luce ipsa affecta, & ut lucidum terminatum opacitate, si luce afficiatur, vel ut corpus umbratum & densum, si contra lucem sit, umbram enim faceret & impediret lucem, sicque ut impedimentum luminosi appareret. *Ad tertiam partem arguente dicitur,* quod color non sequitur immediate mixtionem

quatuor primarū qualitatum, sed median-
te perspicuitate & opacitate, & secundū
quod calor, & frigus aliquando plus de o-
pacitate, aliquando plus de perspicuitate
respicunt, inde est, quod aliquando diversi
& contrarii colores ex calore vel frigore
oriuntur. Si enim calor excitat plures fuli-
gines & concretiones opacas, reddit cor-
pus magis opacum & nigrum, vel etiam
iuxta humidi temperaturam, & modifica-
tionem, caruleum, aut viride, &c. Si vero
calor reddat corpus rarius, & minus ha-
bens de concretionē terrestrī, sic magis re-
linquit de perspicuo, & reddit colorem
clariorem, v. g. album, vel flavum, &c. Si-
militer frigus aliquando generat concre-
tiones spumiferas, ut in melle, quā cum ra-
tiores sint propter spumam, magis retineat
de perspicuo & claritate: aliquando vero
frigus nimis addensat & coarctat, neque
spumam generat, & tunc magis opacat co-
lorem, & ad nigrum vertit.

*Tertio arguitur contra secundam defini-
tionem coloris*, nam in primis non solus co-
lor est motuus diaphani intentionaliter,
deinde non solum color movet diaphanum
illustratum, sed etiam tenebrosū, ergo
mala est definitio coloris, quā utrumque il-
li tribuit. *Antecedens quoad primam per-
tinet constat*, nam lux etiam est motua dia-
phani, etiam postquam est illustratum, quā
lux, etiam per species intentionales vide-
tur, ergo emittit tales species, & sic movet
intentionaliter diaphanum postquam est
illustratum & actuatū per lucem. *Quoad
secundam partem probatur*, quia positi in lo-
co tenebrosio videmus obiectum videntem in
luce & colores eius, ergo illi colores non
soli inveniunt diaphanum illustratum, sed
etiam illam partem tenebrosam, in qua
est oculus, alias non videret, si ad illum
non perveniret species coloris, & sicut
lux a longe videtur de nocte emittendo
speciem sui per medium tenebrosū, &
non illuminatum, cur etiam color illumi-
natus non valebit emittere species sui per

medium tenebrosū, neque actū illustra-
tum.

Confirmatur, quia vel intelligitur quod
color se solo sit motuus diaphani illu-
strati, vel color sit perfusus luce & illumi-
natus in se. Si primum est falsum ut osten-
demus art. seq. imo sequeretur inde, quod
color secundum se esset perfectior luce,
quia secundum se esset motuus mediū il-
luminati, ergo medium illuminatum se ha-
beret passivē ad colorem ut actiū mouen-
tem, actiū autem secundum se est per-
fectius passivō. Si secundum ergo non de-
ficiat hic color per se, sed ratione lucis,
quā ratione illius est motuus diaphani, &
cum motuus debeat esse perfectius passi-
vō, color autem cum luce nō sit perfectior,
sed eisdem rationis cum medio illumina-
to, malè dicitur quod sit motuus diapha-
ni secundum actum.

*Respondetur ad primam partem argumen-
ti*, proprium esse lucis reddere diaphanum
actū illustratum, quod vero intentionaliter
moueat diaphanum, est illi commune cum
colore, cui non consentit illustrare motuū,
sed tantum movere illustratum. lux autem
verumque facit. Sed insuper addimus, pec-
culiare esse luci, quod possit movere me-
dium etiam non illustratum, sed tenebro-
sū, color autem non nisi illustratum
actū, & in hoc differunt, sicut ex An-
stotele 2. de anima, textu 71. docet An-
thony Thomas *lectione* 1. ipsaq̃e etiam ex-
perimentis comprobatur, nam de nocte viden-
mus lucem a longe positam, ut quod om-
nino intermedium est omnino tenebrosū,
ergo lux ad movendum intentionaliter me-
dium non indiget quod totum illud sit actu
illustratum. Similiter quidam, quē in se
habet lucem, licet non illuminet me-
dium, videtur de nocte, ut oculi quorundam
animalium, & quāvis presunt, de qua lux
dicit ibi sanctus Thomas, quod illa viden-
tur in tenebris, & in lunam, sed in tenebris
ut lux entia, in lumine ut colorata. Et res-
pondens rationem visibilitatis eorum, inquit:

Quod

Quod ista in sua compositione retinent aliquid de luce, quod omnino vinci non potuit ab ipso, & quia medium habent de luce, in presentia maioris lucis occultantur, & non videntur ut lucidum; sed ut coloratum, & lux eorum quia debilis est, non potest diaphanum perfecte retinere in actu secundum quod natum est moueri a colore. Vnde sub eorum luce, neque eorum color, neque aliorum videntur, sed solum lux ipsorum, lux enim cum sit efficacior ad illuminandum quam color, & magis visibilis, cum minori immutatione diaphani videtur potest. Et idem docet infra de igne, aliisque corporibus actu lucidis. Itaque cum hec lucida non illuminent medium ea luce, quae sufficiat ad visionem colorum, consequenter non illuminant illos realiter, & tamen quia videntur in se ut lucida, oportet quod immitant species intentionales sui, ergo lux potest intentionaliter mouere medium, etiam si actu non sit illustratum per intentionalem emissionem specierum, color autem non nisi medium illuminatum mouet.

Ad secundam partem argumenti respondetur, quod cum color videtur ab oculo existente in parte obscura, non est simpliciter in tenebris, sed habet aliquam lucem licet minorem illa, in qua est ipsum obiectum coloratum, sufficientem tamen ut per eam transmittatur species coloris, & continuetur cum oculo. Quod expressit S. Thomas supra l. 2. c. 1. in fine, dicens: Quod vero colores illuminati ab eo qui est in obscuro videntur, contingit ex eo, quod etiam medium illuminatur quantum sufficit ad immutationem ipsius. Itaque si medium sit omnino tenebrosus, nihil de coloribus videbitur; sed solum de luce, quae quia perfecte visibilis est in actu, sufficienter mouere potest diaphanum intentionaliter, etiam si actu non sit illustratum, ut experientia ipsa comprobatur; color autem non potest, quia non est ita perfecte visibilis sicut lux. Vnde cum quaeritur cur color illuminatus non poterit videri existente medio tenebroso? Respon-

detur, quod videbitur id quod luminis est in illo colorato, non autem color ipse, ut diximus ex D. Thom. eo quod lux in genere visibili efficacior est, & ita cum minori dispositione medij potest species suas multiplicare per illud, quam color, & sic datur immutatio sufficiens ad videndum lucem, quae non sufficit ad videndum colorem.

Ad Confirmationem respondetur, quod color mouet ut affectus, & per fusus luce, non quidem ut dante virtutem mouendi, sed ut complete & determinante, & ultimo formalizante in ordine ad visum. Et sic color definitur ratione sui, non ratione lucis, licet ad exercendam rationem suam, exigat determinationem, & actuationem locis, nam secundum diuersitatem coloris diuersimodè mouet visum, licet omnes illi diuersi modi exigant communiter rationem lucis, ut determinatiuam & completiuam, omnium. Et quando additur, quod est eiusdem rationis color ut illuminatus cum diaphano ut illuminato, & sic non agit in illud, Respondetur, quod utrumque est eiusdem rationis quantum ad effectum formalem lucis, & realem informationem eius, sed quantum ad intentionalem emissionem specierum, color etiam ut illuminatus est diuersae rationis, quia diuersitas coloris, unde procedunt diuersae species intentionales, etiam stante eadem luce saluatur, & consequenter habet virtutem diuersam ad immutandum intentionaliter ipsum lucidum, sicque non agit in lucidum per virtutem eiusdem rationis cum luce, sed per diuersam, scilicet per colorem habentem diuersitatem in illuminando, quia aliter immutatur videtur aliter album, aliter nigrum, &c. Dicitur etiam potest, quod lux non est qualitas per se primo passiva, sed actiua illustrando diaphanum, & producendo lucem; & in hoc genere simpliciter est perfectior colore, ipsumque actuat & illuminat; in alio tamen genere, scilicet in genere intentionali potest pati

pati à calore illuminato, quatenus emittit species per lucidum, & sic non sunt in actu & potentia respectu eiusdem, sicut lumen intellectuale per se primo est actuum intellectus, secundario tamen receptivum speciei & actus, ideoque non simpliciter imperfectior illis in sua specie.

ARTICVLVS II.

Qui sit lux, & quomodo ad colorem & visum comparetur?

QUatuor circa lucem inquiri possunt. *Primum* circa genus supremum, an lux sit qualitas, vel corpus, seu substantia. *Secundum*, circa genus subalternum, an sit qualitas realis, vel intentionalis. *Tertium*, an distinguatur specificè à colore. *Quartum*, an requiratur ex parte ipsius coloris seu objecti visibilis, an ex parte medij. Et non distinguimus inter lucem & lumen, quia solum dicitur lux, prout est in ipso corpore luminoso, lumen verò lux diffusa ab ipso, seu participata à luminoso.

Circa primum statim videtur ut certum, quòd lux non est corpus, neque forma corporea substantialis, sed est qualitas. Probat D. Thomas 1. *part. q. 67. art. 2. & 3.* tum quia lux diffunditur per corpus diaphanum ut videmus, ergo si esset corpus, vel divideret illud, vel penetraretur cum illo, quorum primum est contra experientiam, secundum contra naturam: tum quia si esset corpus, non posset in instanti diffundi per tantum spacium, nam vel illud corpus defertur motu locali per spacium, & tunc non posset in instanti diffundi, quia motus non est in instanti, vel per suam generationem & multiplicationem illius corporis, & sic diffusio luminis esset cum generatione, & corruptione substantiali, quam nullam videmus in aere dum spargitur lux: tum quia lumen ipsum non posset corrumpi, nisi generata aliqua forma substantiali ei incompossibile, nam corruptio sine generatione non est, non videmus autem luci succedere

nisi tenebras, quæ non sunt corpus. Quod verò non sit forma substantialis, patet, tum quia lux est per se visibilis, non autem forma substantialis, quæ non est sensibile per se, sed per accidens; tum quia, dum lux diffunditur in aere, si esset forma substantialis, vel corrumpere formam aeris, quod est contra experientiam, vel duæ formæ substantiales essent simul, quod est impossibile. Est ergo forma accidentalis, nec alia quam qualitas, quia effectus realis, & qualificatiuos habet, ut ex aëris & sole videmus provenire.

Circa secundum dicimus, quòd lux est qualitas naturalis & non intentionalis, id est, representativa sicut species coloris, quæ non est color, sed similitudo eius, lux autem non est in aere per modum similitudinis, sed verè & realiter. *Cum rationem reddit D. Thom. 1. part. quest. 67. art. 3.* tum quia lux reddit aëri realiter illum motum, & corpus à quo diffunditur realiter est luminolum, species autem lucis non reddit illuminatum, sicut nec species coloris coleratum, ergo lux est qualitas realis, & non solum intentionalis; tum etiam, quia habet effectus reales, v. g. calefacere, rarefacere, disgregare visum, & alia similia, ergo non est solum qualitas intentionalis.

Ex quo colligitur, quòd lux ut videatur tanquam objectum, indiget specie intentionali, siquidem eodem modo videtur sicut alia res visibiles, scilicet actuando potentiam modo intentionali, ergo si ipsa in se, non est qualitas intentionalis, sed realis, indiget specie intentionali superaddita ut possit videri. Et sic dicit D. Thom. *quest. 10. de veritate, artic. 2. ad 6. in 2. loco postremum*, quod lux corporalis non videtur per se, nisi quatenus est ratio visibilis visibilium, & forma quadam dantis esse esse visibile, ipsa enim per se quæ est in se, non videtur nobis nisi per similitudinem eius in ratione nostra existentem, sicut species lucis in se est substantia, non est in ratione nostra. Itaque lux per suam essentiam nunciat, & aduocat

actuatur & informat visibile, redditque illud completum in ratione visibilis, & hoc modo dicitur videri per suam essentiam, quia tenus est ratio visibilitatis formaliter ipsiusmet visibili immediate per se ipsam. Ceterum ut obiectum quod videtur ab oculo, non videtur per se ipsum sine specie, sed mediante specie, ut h. c. dicit D. Thom. & sic intelligendus est quando dicitur *in quest. 8. de veritate art. 3. ad 17. Quod aiquid videtur per suam essentiam sicut quando essentia visibilis coniungitur v. sui, sicut oculus videt lucē*; intelligitur enim de visione lucis, non ut obiectum quod videtur, sed ut est ratio visibilitatis completiva ipsi colori visibili.

Circa 3. dicimus; colores specie distinguuntur à luce, quod præsertim habet veram in coloribus permanentibus qui cōueniunt corporibus mixtis, hos enim constat non formari per lucem, nec dependere ab illa, sicut colores apparentes, cuius signum manifestum est quod isti colores non variantur ad aspectum, seu variationem lucis sicut colores apparentes, nam eodem modo videmus albedinem, vel nigredinem in præsentia solis, vel ad lucem candelæ, positam in umbra vel illustratam à luce, non ergo variatur ad aspectum, & modificationem lucis. Ratio autem à priori est; quia colores oriuntur ex causis permanentibus nempe ex mixtione qualitatum elementarium præsertim perspicuitatis, & opacitatis; quæ tunc causæ internæ ipsorum corporum, & permanentes in eis, lux autem non habet causam internam, & permanentem in ipso corpore mixto, sed prouenit à luminoso, ergo non sunt eiusdem speciei color, & lux imò colores ipsi inter se specie differunt, lux autem semper est vna, & eadem pro omnibus coloribus. Et ex hoc etiam sequitur quod colores apparentes licet causentur ex modificatione & participatione lucis, ut ex causa efficiente eorum, tamen etiam specie distinguuntur à luce, tum quia præter lucem etiam concurrunt perspicuum & opacum, & sic non in sola luce consistunt,

Part III. Physic.

sed habent easdem causas proximas quas alij colores, scilicet perspicuum, & opacum commixtum lumen, & dependentes a reuerberatione lucis, vnde solum respiciunt lumen ut causam efficientem non ut specificam: tum quia colores apparentes eodem modo immutant visum, quo permanentes, & seruant inter se contrarietatem sicut album, & nigrum, viride, & ceruleum suam contrarietatem habent, & transitum de vno ad alium. Addunt tamen super hoc ipsam reuerberationem, seu modificationem lucis ex qua temperantur, & ideo secum ferunt rationem lucidi.

Ex quo sequitur; legitimam esse definitionem lucis traditam à Phil. *lux est actus perspicui 2. de anima text. 19.* vbi videri potest S. Thom. *lect. 14.* Quod enim lux sit actus, seu forma diaphani clare constat, quia quando non habet lucem, sed tenebras, habet priuationem, & est in potentia ad aliquid quo tunc caret, ergo id cuius est illa priuatio, & ad quod est in potentia, aliqua forma seu actus est ipsius diaphani, nec enim priuatio est nisi alicuius formæ, quæ caret subiectum. Quod verò sit actus solum diaphani, difficilior est, cum lux etiam corpora opaca actuet, & illustret, alias non viderentur, ergo inheret & recipitur in illis, & sic est actus opaci sicut & diaphani. Respond. tamen, quod lux non actuatur simpliciter nisi diaphanum, quia totum illud actuatur, cum totum perfundat, opacum autem non actuatur nisi secundum quid, id est quoad superficiem, quæ etiam aliquid de perspicuo participat, sicut & de colore, qui utique ex perspicuo fit. Fortassis etiam lux non actuatur opacum, seu colorem formaliter, sed actiue, quia tangit vltima superficies diaphani & lucis ipsam superficiem opaci, ut ex illo eliciat speciem visibilem, de quo statim dicemus,

Circa quartum est celebris difficultas, an lux requiratur ex parte mediij per quod transire debent species visibiles, an etiam ex parte obiecti, seu coloris, quasi actuando

Y

ipsum

ipsum ut visibilis reddatur. In quo S. Tho. refert duas opiniones 1. *part. quest. 79. art. 3. ad 2.* Quidam, inquit, dicunt quod lumen requiritur ad visum ut faciat colores actu visibiles. Secundum alios vero lumen requiritur ad videndum, non propter colores ut fiant actu visibiles, sed ut medium fiat actu lucidum. Itaque secundum hanc secundam sententiam lux superadditur coloribus, non reddendo eos visibiles per informationem intrinsecam, seu inhærentiam, sed reddendo medium aptum, & dispositum ut à coloribus moueatur. Et quia sine luce diaphanum, seu medij non potest videri color, inde fit quod per lucem color apparere dicatur, & visibilis reddi non intrinsece in se, sed disponendo medium, seu diaphanum illi coniunctum, ut moveri possit à colore. Et istæ opiniones etiam inter recentiores inuenerunt, habetque vnaquæque suos patronos, tum inter Thomistas, tum extra eorum scholam, de quo videri potest Magister Bañez 1. *part. q. 79. ar. 3. dub. ult.* Medina 1. 2. *questione 8. artic. 3.* Conradus ibi: Caietan. dubius est in hac parte 2. *de anima xtet. 69.* Videri etiam possunt Carmel. *hic disp. 16. quest. 5.* & Conimb. *lib. 2. de anima cap. 7. questione 4.* Afferunt autem varia loca D. Th. pro vna & altera parte, in quibus videtur vtrumque probabile reputare.

Nihilominus resolutio nostra est; quod lux neque dat entitatem coloribus, neque visibilitatem earum intrinsecam, sed per se, & antecedenter ad lucem colores sunt visibiles. Requiritur tamen lux ad complendum colorum in ratione efficiendi species intentionales & quoad hoc sufficit, quod tangat illum, & actiue afficiat, probabile tamen est, quod etiam formaliter, aut saltem affectum aliquem in eo ponat quo persiciatur, ut intentionaliter moueat.

Prima pars huius conclusionis ex dictis in præc. dubio deducitur, quia color permanens habet causas intrinsecas permanentes suæ, scilicet mixtionem elementarium

qualitatum, nec variatur ad variationem lucis, aut ex eo quod sit in luce. Vnde si habet causas interiores, & non lucem, constat quod definire non potest color ex defectu lucis tanquam ex defectu causæ efficientis vel conseruantis, nec tanquam ex contraria forma, quia defectus lucis non est color contrarius, ergo permanet color in absentia lucis. Nec potest dici, quod permanet entitas coloris, sed non virtus visibilitatis eius, quæ possit diaphanum mouere, *Contra enim est*, quia esse visibile est propria passio coloris ut S. Thom. 2. *de anima lect. 14.* aduertit, nec enim ex se est insensibilis, sed sensibilis siquidem est cognoscibilis ex se modo corporeo, ergo de se & non ex aliquo superuenienti sensibilis est sensibilitate externa, & non ut audibilis vel odorabilis, &c. ergo ut visibilis; sed esse visibile est habere potentiam seu virtutem ut videatur, ergo color de se & ab intrinseco habet hanc virtutem, ut moueri possit visum, & diaphanum. Si dicatur esse visibile terminatiue tantum, non motiue nisi à luce. *Contra est*, quia si sic esset, solum esset visibile per accidens & non per se, siquidem quod solum est visibile terminatiue, solum per aliud videri potest, à quo mouetur visus, licet mediante ipso ad aliud terminetur, quod est non per se & immediatè, sed per accidens, & mediante alio esse visibile. Si ergo color est visibilis per se oportet quod per se, & non solum per aliud habeat virtutem mouendi potentiam tanquam propriam passionem, licet requiratur tanquam complementum actuationem lucis, siuè illuminando medium per quod color debet moueri, siuè perfectionem aliquam ipsi colori imprimendo, ut statim dicetur.

Hanc eandem partem manifeste S. Thom. docet pluribus locis, ut videri potest lib. 3. *de anima lect. 10. q. 9. & q. de anima artic. 4. ad 4.* ubi expresse docet: *Colorem esse visibilem per se, & non habere id virtute luminis, sed solum à lumine habere quod diaphanum*

phanum sit actu lucidum, ut possit moueri a colore. Luculentius id tradit 2. de anima lect. 14. circa finem, ubi docens, quod secundum Aristot. sententiam lumen non est necessarium ex parte colorum, sed ex parte diaphani, subdit; *Dicendum est ergo, quod virtus coloris in agendo est imperfecta, respectu virtutis luminis.* Nam color nihil aliud est, quam lux quadam quodammodo obscurata ex admixtione opaci, vnde non habet virtutem ut faciat medium in ea dispositione, qua sit susceptiuum coloris, quod tamen potest facere lux pura.

Secunda pars conclusionis ex hoc etiam deducitur, quod scilicet lux perficiat colorem in linea & genere intentionali, siquidem non perficit colorem ut in se sit, vel ut insensior, aut perfectior sit, sed ut actu moueat diaphanum, ob rationem quam D. Thom. affert, *præcit. loco*, quia color est forma imperfecta comparatione ad lucem, forma autem quæ est imperfecta non potest disponere passum ut recipiat similitudinem suam sicut potest forma perfecta, & ideo color indiget luce, ut possit actuatus ab ea mouere medium ad recipiendum similitudinem suam, & non in genere reali, quia non mouet diaphanum ut reddatur actu coloratum, sed solum specie, seu similitudine coloris affectum, ergo motio illa non est realis, sed intentionalis, & sicut totum, quod perficit lux in colore, est in linea, & gradu intentionalis motionis,

Tertia pars conclusionis est, quod color indiget perfici ab ipsa luce tanquam a complemento virtutis, qua intentionaliter moueat, & quod hoc potest fieri ab ipsa luce vel actiue concurrando cum colore ad emissionem speciei, & tunc sufficit esse contiguam lucem ipsi colori, vel formaliter informando prius ipsum colorem, vel saltem aliquem effectum relinquendo in illo, quo reddatur perfecta illa virtus coloris & moueat diaphanum. Quod ergo indigeat color ipsa luce tanquam comple-

mento suæ virtutis ad intentionaliter mouendum, constat; quia sine luce experiantur nos non videre, nec colorem mouere, requiritur ergo necessario lux, & non ut conditio applicatiua, quia quantumcumque color sit debite applicatus & in distantem proportionata, sine luce non mouet visum, ergo præter conditionem applicatiuam lux requiritur, & sic in aliquo genere causæ, non materialis, quia color non subiektatur in luce, sed in corpore colorato, ergo vel formalis, vel efficientis, & hoc in idem coincidit, quia si requiritur ut formalis causa in ordine ad mouendum, etiam efficienter se habebit, quia forma actuans in ordine ad aliquam actionem, influere debet in actionem. Finalis autem causa hic non habet locum, quia lux non est finis coloris, sed motio visus, hæc enim est actus ad quæ ordinatur. Vnde D. Thom. perpetuo requirit lucem tanquam pertinentem ad virtutem coloris ut moueat visum, sicut in 2. de anima lect. 14. verbis supra relatis, quod virtus coloris est imperfecta, & non habet virtutem ut moueat medium, sicut habet lux pura. Et quodl. 8. art. 3. dicit: *Quod color, nisi superueniat lux, non mouet visum.* Denique sæpissime repetit, quod lux est ipsi colori ratio ut videatur, sicut 2. 2. q. 1. art. 3. & 8. de verit. art. 14. ad 6. & in 2. dist. 20. q. 2. art. 2. ad 2. expresse dicit: *Quod complementum formale visibilis in quantum huiusmodi, est ex parte lucis, quæ facit visibile in potentia, esse visibile in actu, & idem fere docet in 1. d. 45. q. 1. a. 2. ad 1.* & alijs multis locis, ergo verum est in sententia D. Tho. quod lux licet non constituat entitatem coloris, aut visibilitatem eius intrinsecam, tamen complet virtutem eius ad mouendum visum, sicut etiam species complet potentiam ad cognoscendum.

Quod verò attinet ad modum quo id facit lux, scilicet vel formaliter actuando colorem, vel aliquem effectum in illo relinquendo, vel simul cum ipso influendo, licet non actuet illud, sed quasi partialiter concurrat, ex his modis hic vltimus minus habet

apparentiæ & veritatis, quia ista duo, color & lux se habent vt subordinata, ad mouendum visum, seu efficiendum speciem, siquidem lux se habet vt perficiens & complens virtutem coloris ad mouendum, vt ex Diuu. Thom. vidimus, quando autem ad vnum effectum concurrunt duæ virtutes altera imperfectior & determinabilis & inferior, altera vt perfectior & determinans, nunquam virtus perfectior concurret purè, extrinsecè & partialiter, sed aliquid ponendo in virtute inferiori, vel quia per se illam actuat, vel per effectum suum in ea relictum, & impressum, alias si virtus inferior in se nihil habet de nouo, nisi tantum extrinsecam assistentiam, intrinsecè & in se immutata manebit, ergo actio quæ ab intrinseco illius emanet, non poterit procedere, quandiu intrinsecum eius immutatum manet in sua imperfectio- ne cum non nisi à perfectio possit emanare. Color autem de se habet imperfectam virtutem ad mouendum diaphanum, perficitur autem à luce, ergo cum color emittat speciem à se, & ab intrinseco oportet quod intrinsecè etiam perficiatur à luce, vel aliquo eius effectui.

Quid autem ex his duobus verius sit, an lux per se ipsam informet colorem inhæreatque in ipso, seu in corpore colorato, an solum effectum aliquem illi imprimat, ipsa autem lux maneat solum in diaphano illi colori contiguo, non est questio magni momenti, & vtra pars dicatur non facile ab alia conuincetur. Sed tamen cum effectus ille impressus à luce in colorem non facile explicetur quid sit qualitas an modus, & quidquid dicatur eadem patitur difficultates, ac de ipsa luce, & ex alia parte ipsa lux est virtus receptibilis in superficie corporis opaci, sicut verè lux recipitur in toto perspicuo mediante diaphaneitate, ita poterit lux recipi in ipsa superficie externa opaci. Imò hinc deducitur argumentum ad probandum dari indiuisibilia, quia in corpore opaco lux non potest recipi vltra

superficiem; probabilius est, ergo quod lux actuat ipsum colorem in superficie,

S. O L V V N T V R A R G V -
M E N T A.

Primò arguitur, ad probandum, quod lux sit qualitas intentionalis, & non naturalis, nam lux per suam essentiam immediate videtur, vt docet S. Tho. *quest. de verit. artic. 3. ad 17. & in 2. dist. 23. quest. 2. art. 1.* vbi inquit: *Quod lux non videtur ab oculo per aliquam similitudinem sui in ipso relictum, sed per suā essentia oculum informans*, idemque insinuat *1. p. q. 56. art. 1.* Et ratio est; quia lux habet esse visibilis in ultimo visibilitatis actu, & habet vniri per se oculo, ita vt non impediat sensationem sui, sed potius ad videndum iuuat, ergo habet, quidquid requiritur ad rationem speciei intentionalis, quæ ad hoc solum ponitur, vt obiectum ipsum repræsentet reddendo illud ultimatum visibile in oculo. *Confirmatur*; quia dicit D. Thom. *questione 5. de potentia artic. 1. ad 6.* quod lumen non est in aere sic ut forma perfecta, sed per modum intentionis, ergo est forma intentionalis.

Respon. ad loca D. Thom; omnia illa explicari debere vt supra diximus *ex illo loco quest. 10. de veritate art. 8. ad 10. in secundo loco positum* vbi docet: *lucem corporalem videri per essentiam quatenus est ratio visibilitatis ipsis rebus, vt autem est in luminoso videtur à nobis per similitudinem, seu speciem* Quare cum dicit in locis adductis quod videtur lux per suam essentiam & non per similitudinem, non loquitur de luce vt obiectum quod videtur seorsum à colore sed vt est ratio completiua visibilitatis ipsi colori, sic enim per essentiam suam reddit actu visibile illustrando colorem per se ipsum, si tamen videatur vt obiectum seorsum, per speciem videtur, sicut conceptus seu verbum quo res intellecta redditur in actu, per se ipsum intelligitur quo, seu in quo, si autem cognoscatur vt quod indiget alio conceptu.

Ad rationem Respon. quod lux habet rationem ultimæ visibilitatis vt quo res-
ctu

Et colorum, tamen ut res visa & ut obiectum *quod*, licet non indigeat alio lumine, indiget tamen specie representatiua sui. *Nec sufficit*, quod realiter perueniat ad oculum, & realiter informet illum, quia lux, quæ est super oculum, non potest esse res visa ab ipso, nihil enim videtur, quod est super oculum, sed solum lux extra videri potest, & ita indiget specie representatiua quia se ipsa non vnitur.

Ad confirmat. respond. quod Diu. Thom. sumit ibi rationem intentionalem, seu modum intentionis non prout dicit representationem, & contraponitur obiecto representato, sed prout dicit modum transeuntis, & contraponitur rei permanenti & fixæ. Quia enim species intentionales habent esse in aere per modum transeuntis, & dependent ab obiecto in fieri & conseruari, ideo quæcumque qualitas, seu virtus, quæ per modum transeuntis datur, dicitur esse modo intentionali, licet non sit representatio intentionalis, sicut in *qu. 3. de potent. art. 7. ad 7.* virtutem, qua Deus agit in causas inferiores, vocat ut intentionem, quia est per modum transeuntis.

Secundo arguitur ad probandum, quod lux non requiratur ex parte obiecti quasi inhærens & actuans ipsum colorem, licet ex parte mediæ requiratur, ut obiectum mouere possit. Nam lux est actus diaphani, ergo non colorum, quia isti sunt in corpore non diaphano sed opaco. *Confirmat.* quia colores per se, & non à luce habent visibilitatem intrinsecam, completiuam autem & consummatam non habent à luce, vel tanquam à formali ratione, vel tanquam à conditione requisita. Non tanquam à ratione formali, quia color est visibile per se, & non per accidens: si autem non esset perfecte & consummate visibile per se, sed per lucem, non esset per se visibile, quia non esset per se motiuum, sed per aliud, in tantum autem est visibile in quantum est motiuum visus. Non tanquam à conditione, quia non dat approximationem aliquam

coloris ad visum, quam ergo conditionem ponit; Nec potest requiri lux tanquam causa aliqua vniuersalis mouens & determinans, quia sicut obiecta aliorum sensuum non requirunt istam motionem lucis, aut alterius causæ vniuersalis, præter generalem Dei concursum, sic neque colores id requirent, quia non minus est in actu ipse color secundum se nec minus perfecte est visibilis ex propria ratione, quam sonus sit audibilis vel odor odorabilis, sicut ergo ista non requirunt aliam causam determinantem, & perficientem vltimo per modum causæ vniuersalis ad mouendum intentionaliter, cur id requireret color? *denique confirm.* ex multis locis. S. Thom. ubi affirmat lucem non se tenere ex parte obiecti, seu coloris ut in *q. de anima art. 4. ad 4. & 2. de anima lect. 14. & 3. de anima lect. 10.*

Respond. quod ut supra diximus, lux est actus perspicui simpliciter, quia totum actuatur & perfundit, coloris autem in opaco, solum quoad superficiem, ubi aliquid etiam perspicui est, saltem quoad colorem, qui perspicuum includit virtualiter.

Ad confirm. Respond. colorem esse per se visibilem ab intrinseco visibilitate imperfecta, & indigente luce ut determinante & perficiente, sicut potentia ipsa visus est per se visiva, sed indifferenter, determinari autem debet à specie, & sine ipsa non potest videre. *Et cum vrgetur*, quo genere causæ id fiat, an ratione formali, vel conditione *Respond.* necesse conditionem, nec rationem formalem quasi primam & fundamentalem, sed vltimam & consummatiuam, sicut intellectus perficitur per lumen habituale, & determinatur per speciem, & totum pertinet ad formalem rationem agendi intellectualiter vnumquodque in genere suo, sic totum illud, lux & color formaliter se habet cum subordinatione vnius ad alterum, ad mouendum intentionaliter, & obiectiuè. Neque hoc habet rationem causæ vniuersalis mouentis, licet habeat modum quandam causæ vniuersalis

lis, quatenus omnes colores perficere & actuare in genere mouendi intentionaliter, non in entitate sua. Vnde tantū abest quod color reddatur visibilis per accidens, quod potius per se habet primam visibilitatem, imperfectam tamen, à luce autem ultimam & consummatam. Cur autem solum id tribuamus colori, non alijs sensibilibus externis? *Dicimus* id exigere naturam coloris ut in ratione visibilitatis dependeat & compleatur per lucem, sine qua nihil videtur, quia lux est ultima ratio visibilitatis, & ad obiectum visus pertinens. Aliquid tamen simile inuenitur in alijs sensibilibus, sapor enim nisi humectatione linguæ immutetur & actuetur, non potest species sui emittere; nec qualitates tangibiles sentiri, nisi habeant aliquem excessum super temperamentum tactus, & odor nisi resoluitur in fumosam aliquam euaporationem, non sentitur, & sic in alijs sensibilibus inuenimus aliquid, quo immutentur vel actuentur, aut determinentur, ut species sui imprimere possint, nisi aliquid sensibile tale sit, & tam perfectum, ut sine alio superaddito, sui speciem emittere possit.

Ad 1. confir. Resp. D. Tho. in illis locis explicare mentem suam, quod lux non tenet se ex parte obiecti, seu coloris, quasi dans ipsius entitatem, & visibilitatem primam & imperfectam quam habent in suo genere & ex se. Non tamen negat D. Thom. quod ipsis coloribus præbeat lux ultimam, & consummatam rationem visibilitatis, & perfectam virtutem ad mouendum visum, sicut docet *in ill. et. et. 14. in 2. de anima*. Dicitur tamen illustrare & actuare medium, seu perspicuum potius quam colorem in definitione lucis, quia licet actuet colorem, illum tamen illustrat & actuat ad mouendum intentionaliter visum, quæ motio fit per medium quod est perspicuum, & ita compendio vtrique actuatio inuoluitur, dicendo, quod illustrat perspicuum.

Ultimo arguitur color resultat ex participatione lucis, & est eiusdem speciei in ratione visibilitatis cum eo, ergo & in natura, seu quidditate specifica. *Patet consequ.* quia quæ conueniunt in proprietate conueniunt & in natura, à qua illa dimanant, visibilitas autem proprietas est, tam lucis, quam colorum. *Antec.* est D. Thom. ut supra retulimus in 2. *de anim. lect. 14.* quod color est quædam lux obumbrata, & *lib. de sensu & sensato lect. 7.* dicit quod in extremo perspicui terminatorum corporum, contingit in esse illud quod in aere fuit lumen, & ibi facit colorem album. Constat etiam albedinem ideo disgregare visum, quia multum participat de luce. Et in coloribus apparentibus manifestius est, ipsos esse quasdam participationes lucis; & tamen tam isti, quam colores permanentes, & lux sunt eiusdem speciei, quia conueniunt in eadem ratione motiua visus, nec aliam speciem habent in genere qualitatis, quam esse motiuum visus.

Respond. colores esse participationem lucis mediate, scilicet mediante perspicuo quod est susceptiuum lucis, quod mixtum opacitati facit colores. Et D. Th. non dicit quod colores sunt lux ipsa, aut eiusdem speciei, sed lux obumbrata, id est participata, & mixta opaco, vel quod in extremitate corporum est illud, quod in aere fuit lumen, non tamen dicit quod est lumen ipsum, aut eiusdem speciei, sed participatio eius, quæ hoc ipso quod est participatio, non est eiusdem speciei, sed ex illa derivatum. *Quod verò dicitur*, esse eiusdem visibilitatis. *Resp.* quod bene stat aliqua participare eundem modum visibilitatis, & tamen inter se differre specie entitatiua, sicut patet quod colores diuersæ speciei ut album & nigrum, & viride participant eandem rationem visibilis; & similiter ad eandem scientiam spectant res diuersarum specierum induuntque eandem rationem, scibilis, seu cognoscibilis. Et hoc ideo quia cognoscibilitas seu visibilitas non est pro-

propria passio rerum cognoscibilium ad-
 æquata ipsis rebus, vt res sunt, & secundū
 specificas earum differentias, sed vt ob-
 iecta sunt, & immutatiua potentiz. Et
 potest contingere quod multa, quæ in ra-
 tione rei diuersa sunt, conueniant in eodē
 modo immutandi potentiam. Et ita lux
 & color, licet sint diuersæ speciei entitati-
 ue, conueniunt tamen in eadem proprieta-
 te obiectiue visibilitatis. *Quod verò dicitur*
de albedine & coloribus apparentibus,
respondetur, quod albedo habet multum de
 luce virtualiter, & participatiue, non for-
 maliter & specificè, prædominatur enim
 lux in compositione albedinis sicut vnum
 elementum aliquando prædominatur in
 mixto præ alio. Et colores apparentes re-
 sultant ex modificatione lucis, cum mi-
 xture tamē perspicui & opaci, & ita non
 sunt ipsa lux sed aliquid ex reuerberatione
 lucis resultans. Nec ratio coloris consistit
 in hoc præcise, quod sit motuum visus, sed
 quod tali modo sit motuum visus, quo
 non est lux, sed subordinatum luci.

ARTICVLVS III.

Quid sit sonus & in quo subiecto sit?

Sonus definitur quod est *Qualitas sensibilis*
ex forti percussione, seu collisione corporum
sonantium & mediij resilientia resultans. Et
 quidem *qualitas sensibilis* ponitur pro gene-
 re, constat enim quod sonus est obiectum
 proprium alicuius sensus, scilicet auditus,
 ergo debet esse qualitas, eaque pertinet ad
 tertiam speciem, siquidem est possibilis
 qualitas, à qua passio causatur in sensu.
 Nec iste sonus est motus, sed causatur à
 motu, tum quia motus est sensibile com-
 mune non proprium, tum quia differentiz
 motus sunt tardum, aut velox & similia,
 soni autem, acutum graue, &c.

Quod vero attinet ad differentiam soni,
 quia essentielles & intrinsecz differentiz
 nobis perspectæ non sunt, eas ex effectibus,
 aut causis extrinsecis circumscribimus

Cum autem ad generandum sonum tria cor-
 pora debeant concurrere, vt aduertit S.
 Thom. 2. *de anima lect.* 16. scilicet percutiens.
 percussum, & confractum seu medium
 resiliens, licet aliquando idem sit corpus
 percussum, & resiliens, seu confractum, vt
 cum ipse aer partem aeris collidit vt in so-
 nitu ventorum; explicatur definitio soni
 per ordinem ad duas causas per se requisi-
 tas ad sonum, scilicet efficientem & mate-
 rialem. Efficiens explicatur per hoc quod
 dicitur, *resultans ex forti percussione.* A cor-
 poribus enim vt percutientibus & fran-
 gentibus medium, effectiue fit sonus, & ab
 ipso sono emanant species ad auditum. Re-
 quiritur autem quod percussio sit fortis,
 id est cum resistentia aliqua percussi, &
 non cedendo. Causa verò subiectiua, seu
 materialis explicatur in ly *mediij resilientia*,
 ibi enim scil. in medio subiectatur fra-
 ctio, & consequenter sonus, vt statim di-
 cemus.

Additur denique illa particula corporum
sonantium ad expendendum, quod non
 quælibet corpora edunt sonum, sed vt sint
 sonantia, requiruntur aliquæ conditiones.
 quas breuiter enumerat S. Thom. dicta *lect.*
16. & lect. 17. *in princip. ad textum 85. Prima,*
 quod corpora sint dura, vel saltem cum a-
 liqua vi sint fractiua aeris, sicut etiam ven-
 tus frangit aerem, licet non sit corpus du-
 rum, aut cum virga aerem percutimus, aut
 cum intra nubem spiritus disrumpitur:
 Si verò corpus sit molle aut facile cedens
 vt capilli, lana, spongia, & similia, sonum
 non faciunt. *Secunda,* quod habeant super-
 ficiem lenem, ita quod vna pars non supe-
 remineat alteri, quia vbi non est vniformis
 superficies, aer inclusus inter corpora col-
 lidentia, non vniformiter frangitur, nec
 continuo, nec cum impetu, aut concita-
 tione, quia cū partes sint inæquales, quæ su-
 pereminetior est, detinet partem aeris fra-
 ctæ, & cessare facit motum, nō concitat. Co-
 citatio enim, & quasi subita fractio mediij
 sonū generat, ideoq; collisio facta intra aquā
 non

non generat sonum, quia propter crassitudinem medijs non potest fieri concitata confractio. Aliæ duæ conditiones requiruntur ad sonum ut melius fiet, scilicet ut corpora sint concava, sicut cum manus se collidunt, quia plus aeris includitur intra concava, & sic multiplicatur fractio, & fit maiori sonus; altera, quod corpora se percutientia habeant plus aeris compositionis quam terrestres, ideoque plus sonat æs, vel argentum, quam plumbum, vel ferrum. Et ex hoc patet, quare etiam requiratur resiliencia, seu confractio medijs, quia corpora percutientia non generant sonum nisi faciant ictum, neque ictus fit nisi in ipsa aeris fractione & concitatione qua expellitur.

Circa subiectum soni dubium est in duobus. Primum an sonus recipiatur in corpore percutiente, vel percusso, vel in medio ipso refracto. *Secundum*, an sonus iste realis deferatur usque ad aliquam distantiam, & species eius inde deferantur ad auditum, an incipiant deferri ab ipso primo motu quod excitatur sonus, & per quod medium deferantur istæ species.

Ad primam partem dubij respond. corpora se percutientia esse quasi effectiva soni, subiectum autem in quo est in actu, esse ipsum medium confractum. Ita Diu Thom. secundo de anima lect. 16. ad textum. 77. ubi inquit: *In corpore sonante non est sonus nisi in potentia, in medio autem quod mouetur ex percussione corporis sonantis, fit sonus in actu.* Et propter hoc dicitur, quod sonus in actu est medium & auditus, non autem subiecti sensibili. Videatur Magister Bannez 1. part. questione 78. art. 3. dub. 3. de auditu. P. Suarez. lib. 3. cap. 19. Carmel. disp. 11. quest. 2. Conimb. & alij. Ratio est, quia in eo subiectatur sonus, ubi & motus, quem sonus comitatur. Motus autem non subiectatur in corporibus percutientibus, hæc enim mouent effectiue, non verò mouentur, ergo in corpore ex percussione confracto, quod est medium, seu aer collisus, licet enim corpus percussum non

semper repercutiat, sed solū patiatur motum percutientis, ut cum quis verberatur, tamen in ipso corpore percusso non fit motus fractius aeris, sed solum contactius illius, & ita si quis verberaretur in vacuo esset percussus, & pateretur motum, non tamen esset sonus; & intra aquam cum piscis alium mouet vel impellit, percutit illum, nec tamen fit sonus ibi, ut dicemus, quia aer non frangitur. Ergo motus fractius, seu collisius medijs solum est in ipso medio & consequenter etiam sonus, quia sonus sequitur motum, non ut præcise est contactius, sed ut confractius aeris. Nam ut contactius præcise, sæpè se tangunt plura corpora in aere, vel intra aquam, ut cum duæ manus auersæ se tangunt, cum duo corpora non collidendo, sed premendo fortiter se tangunt, & tamen non fit sonus. Conueniens etiam est, ut quia sonus est qualitas non diu subsistens sed fluens, et à in subiecto fluido, quale est aer confractus subiectetur.

Ad secundam partem dubij, quod attinet ad subiectum soni realis, qui extra auditum sit in aere extrinseco, diuinus subiectari sonum in toto illo aere, seu medio, in quo fit motus confractius eius. Quod sumitur ex D. Thom. 2. de anima lect. 16. circa textum 80. ubi inquit: *Considerandum est, quod generatio soni in aere consequitur motum eius ut actum est.* Sic autem contingit de immutatione aeris apud generationem soni, sicut de immutatione aquæ cum aliquid in aquam projicitur. Manifestum est enim, quod sunt quædam gyrationes in circuitu aquæ percussæ, quæ quidam circa locum percussione sunt parvæ & motus est fortis. In remotu autem gyrationis sunt magnæ & motus debilis, & tandem motus euanesit, & gyrationes cessant. Quare sonus in toto illo corpore realiter subiectitur, ubi motus percutiens aerem subiectatur percussione illa gyratione, ibi enim sonus generatur. Et quod in illas gyrationes aer moueatur signum est, quia sonus non solum auditur per lineam rectam, sed à quo-

quocumque latere, vel etiam si retro, aut ante fiat, ergo sonus non emittitur sicut lux per lineam rectam, sed in gyrum. Et eodem modo species soni emittuntur proportionate ad generationem soni. Vbi cumque ergo subiectatur talis motus gyrationis, seu contractionis, subiectatur & sonus.

Ex quo sequitur, aliquando sonum realem peruenire usque ad ipsas aures, & tam fortem esse posse, ut ingrediatur intus ad aurem auditus. *Patet hoc*, quia si sonus generatur & multiplicatur per aliquam distantiam, si intra illam sint aures, utique ad ipsas perueniet sonus realis. Sed tamen, quod ingrediatur ipse sonus per foramen aurium interius, raro continget quia in ipsis aurium anfractibus valde detinetur commotio illa aeris, & frangitur. Sed tamen si quis habeat abscissam auriculam, poterit sine isto impedimento ingredi motus aeris & sonus realis intus, aut etiam si tanta sit aeris commotio ut ab illis auriculæ anfractibus non possit totaliter consumi, & euanescere: Non tamen est necesse quod aeris motus, seu sonus realis perueniat usque ad aures ut audiatur, sicut D. Thom. aduertit in 2. dist. 2. quæst. 2. art. 2. ad 5. ubi dicit: *Quædam deferri ad sensum, secundum esse spirituale & materiale, sicut species odorum cum permixtione sumali euaporationis, tamen species extenditur ultra fumalem euaporationem, & similiter est de sono, & motu.* Sentit ergo quod sonus emittit species etiam ultra spacium, in quo realiter generatur, & sic cum sonus percipiatur mediantibus speciebus, poterit percipi etiam, ubi motus & sonus realis non est. *Deinde id constat*, quia audimus intra parietes inclusi, imò & pisces audiunt sub aqua sonum generatum in aere, ut supra diximus, quæst. præced. & tamen motus aeris, & consequenter realis sonus per parietes non transit, neque aqua commouet, ergo species ultra transeunt quam realis sonus. Et certe, cum à longo tractu ut ab una leuca, vel amplius auditur

PARS III. Physicor.

sonitus cymbali, aut tormenti bellici in breuissimo tempore, quomodo putandum est totum illum aerem moueri, aut tam cito agitari, ut sonus realis perueniat ad aures, sicut videmus ipsa experientia. In beatis etiam post resurrectionem in cælo, vox quam formabunt in ore, deferetur per cælum ad aliorum aures, & tamen non mouebit reali sono, seu motu cælum, per quod deferetur.

Ad tertiam partem dubij, scilicet unde incipiant emitti species intentionales soni, *non est facile id explicare.* Nam si incipiunt emitti ab illa parte ubi cessat sonus, seu motus realis, sequitur quod cum ibi languescat & euanescat motus, etiam species soni non representent sonum nisi tenuem & remissum, & sic nunquam possemus vehementem sonum audire. Si verò incipiunt emitti species, ubi incipit tota ipsa soni vehementia, ergo simili ratione qua à primo motu, seu gyratione soni incipit species emitti, emittetur etiam species à secunda & tertia parte motus, seu gyratione, quæ multiplicatur in aere & generatur post primam, de omni enim parte motus, seu gyratione est eadem ratio, quod species emittat, & sic quilibet sonus percipietur per multiplicatas species, quot scil. fuerint illæ gyrationes, seu motus multiplicati, & sic fiet quædam confusio in omni sono, perceptis tot sonis quot species è gyrationibus illis emittuntur, quod est contra experientiam. Deinde, quia species soni successiue deferuntur ad auditum, non in instanti, & stante vento contrario non deferuntur, sed dissipantur, & hoc non est ex ipsa ratione intentionalis speciei, quia hæc non habet contrarium, nec resistantiam, & sic in instanti fiet, nec ab opposito vento impediatur, sicut nec species visibiles, ergo id habet ex ratione motus & soni realis, mediante quo species ipsæ deferuntur, & sic in instanti non traiciuntur ad aures, & ab opposito vento dissipantur.

Respond. quod sine dubio statim atque

Z

Gene-

generatur sonus realis, etiam eius species emittuntur, licet sonus ipse realis & motus per aliquod spatium etiam multiplicetur, siquidem si aliquis apponat aurem illic, ubi primo sonus generatur, percipiet illum, sicut & in qualibet alia parte spatij, ubi durat sonus realis & multiplicatur, ergo iam ibi dantur species soni, sine ipsis enim non erit auditio, non ergo emissio specierum incipit, ubi sonus realis definit. *Ad replicam verd. contra hoc dicitur*, quod licet quælibet gyratio emittat speciem suam minoris, ac minoris soni, tamen quia omnes per modum unius continuantur à vehementiori vique ad remissionem, ideo non faciunt confusionem, aut complicationem multorum sonorum in auditu, sed coordinationem, & continuationem Species autem illæ sic coordinatæ & continuatæ, plus durant quam motus ipse & sonus realis, & ita licet ipse languescat, & evanescat, tamen species à vehementiori gyratione impressæ durant & mouent, licet ipsa distantia etiam diminuat vigorem specierum repræsentantium sonum, sicut etiam fit in ipsis speciebus visibilibus, quæ quanto longiorem angulum efficiunt, tanto debilius repræsentant, sic species audibiles, quanto maiorem efficiunt orbem & gyrationem, tanto debilius repræsentant sonum, utpotè magis à distantia Quare semper vehementius repræsentatur sonus ab illa parte, unde primo emanavit, quia ibi etiam fuit motus efficacior, licet illa etiam species longitudine spatij debilitetur, & tandem evanescat.

Ad 1. resp. quod species audibiles non deferuntur in instanti, sed successivè, quia magis materiales sunt & dependentes à motu locali & alteratione, à quo non dependent species visibiles, quæ solum dependent à luce, cuius diffusio etiam instantanea est: & licet species audibiles non habeant contrarium, in quantum intentionales sunt, habent tamen dependentiam in sui productione ab aliquo habente contrarium, scilicet à motu loca-

li vel alterationis, mediante quo producuntur, species autem visibiles neque habent contrarium, neque ab habente contrarium in sui productione dependent. Si autem semel species audibiles successivè traiciunt, potest ventus divertere aerem in quo sunt, & impedire ne veniant ad auditum.

Inquires, an sonus quando primo generatur, debeat primò generari in aere contracto à corporibus percutientibus, an etiam possit generari in aqua. *Respond.* de hoc esse diversas opiniones, nam quidam antiquorum præsertim ex interpretibus Græcis Aristotel. censent, etiam intra aquam posse generari sonum. Et Comibricenses id etiam reputant probabile 2. *de anima cap. 8. questione 1. artic. 1.* & absolute id sentit Pater Suarez libro 3. *de anima cap. 19. numero 3.* Communiter autem interpretes Latini præsertim Div. Thom. censent requiri aliquem aerem ad generandum sonum, de quo etiam videri potest Magister Bannez 1. *part. questione 78. artic. 3. dubio 3. de auditu.* Itaque prima soni realis generatio aerem requirit quem feriat, potest tamen continuari per aquam etiam sonus realis, & multo melius traectio specierum intentionalium potest fieri per aquam. Sumitur hæc resolutio ex Divo Thoma 2. *de anima lect. 16.* ubi prius loquens de medio ubi sonus auditur (quod utique est medium diffusionis) dicit: *Melius audiri in aere, quam in aqua*, subdit tamen de medio ubi primo generatur sonus, *quod necessarium est ad soni generationem in aere, vel aqua, quod aliqua corpora firma, & dura percutiant se inuicem, & percutiant aerem.* Igitur quando etiam ex aqua generatur sonus, ut cum fluctus maris, aut nubes se collidunt, debet aliquis aer frangi. *Et ratio est*, tum ex ipsa experientia, quia infra mare pisces quantumcumq; grandes, & velocissimi in suo motu non faciunt sonum, neque audiuntur,

tur, si autem saltim extra mare statim audiuntur: & ipsa aqua maris etiam in profundo mouetur aliquando velocissime, & impingit ad rupes, vel ad alia loca solida intra mare, nec tamen sentitur aliquis sonus, è contra verò in fluuijs, si aqua sit parum profunda, & impingat ad saxa statim auditur, quia etiam aerem percutit; tum etiam ratione, quia vt fiat sonus oportet, quod corpus medium inter percutiens, & percussum, ita frangatur, quod velociter & quasi subito impellatur, si autem languide feratur, neque confestim exeat non excitatur sonus, aqua autem propter sui crassitiem non potest ita premi, vt confestim exeat, sed paulatim dilabitur, ideoq; non est aptum medium ad excitandum sonum. Quod verò iam excitatum in aere per aquam ipsam deferri possit, constat, quia pisces intra aquas positi audiunt, imò intra parietes audimus intrantibus speciebus per corpus solidum, vel etis peros. Imò & ipse motus realis quo editur sonus non repugnat aquam commouere, sicut sonus tormenti bellici prope aquas explosi etiam gyrationes facit in aqua, & à maris tonitruis etiam nubes ipsæ mouentur, quæ sunt vapores aquæ.

SOLVUNTUR ARGUMENTA.

Objicies 1. sonus definitur ab Aristot. *text.* 85. per motum, & vocem dicit esse percussione, seu motum aeris respirati, vt patet *text.* 60. ergo non benè ponitur quod sit qualitas. Si dicatur; loqui Aristot. in sensu causali, quia motus est causa soni, adhuc vrget difficultas, quia motus localis solum producit vbi, non qualitatem, quæ solum fit per alterationem, quomodo ergo sonus est qualitas, si causatur à percussione quæ est motus localis? *Confirm.* quia sonus sic productus, nec est qualitas prima, nec secunda, neque transiens aut permanens, ergo nulla. *Anteced.*

probat. Non est qualitas prima, quia non calor, aut frigus, &c. quæ sunt primæ qualitates Non est secunda, quia non est mixta ex his, neque ex illis resultat. Non est permanens, quia non durat nisi durante motu, qui est transiens. Non est transiens, quia est terminus motus, & sic in illo quiescit & cessat motus. Vnde neque est in tertia specie qualitatis, quia nec alterationem causat, nec ab ea causatur.

Respond. Aristot. locutum esse in sensu causali, cum sonum appellat motum, quod de voce dicit S. Thom. *ibi lect.* 18. Et ad instantiam *Respond.* in illa ruptione, & contractione aeris, quæ prout diuisio, est motus localis, inueniri etiam motum alterationis adiunctum, productiuum soni, nò quidem alterationem producentem dispositiones ordinatas ad corruptionem substantialem, sed alterationem late sumptâ qualis poterit inueniri etiam cessante motu cœli, vt impulsio, illuminatio, & similes. Quia autem motus ille aeris fit ab aliquo impulsu, qui est qualitas, & cum aliqua addensatione aut rarefactione, poterit etiam refrangendo subtiliter aerem producere qualitatem maxime affinem, & dependentem à motu quæ est sonus, sicut motus ipse est dependens ab impulsu quæ est qualitas, vel ab aliqua addensatione aut rarefactione aeris Itaque motus localis præcise non producit nisi vbi, vt tamen fit cum impulsu, aut alijs qualitatibus, etiam qualitatem potest producere.

Ad confirmat. Respondetur, non esse adæquatam illam diuisionem qualitatis in primam & secundam, sed posse dari aliquam quæ nec sit prima, nec orta ex primis, vt diaphaneitas (inuenitur enim etiam in cœlo) opacitas, impulsus & similiter sonus. Quod verò dicitur de qualitate permanente, vel transeunte, *Respond.* quod sonus est qualitas transiens, non quia non sit qualitas in facto esse, sed quia eius conseruatio dependet ab aliquo transeunti, scilicet

à motu, sicut etiam impulsus datur per modum transeuntis, quia datur ut dependens ab impressione impellentis & sic D. Thom. *lect. illa 16.* vocat sonum qualitatem non habentem esse fixum & quiescens. Vnde sonus incipit ad modum motus, sicut qualitates quæ per motum producuntur, ut *q. 21. Physic.* dictum est. Et sic patet quomodo possit sonus ad tertiam speciem qualitatis pertinere, quia & causatur ex aliqua alteratione late sumpta, & causat alterationem intentionalium specierum.

Secundo arguitur, quia non requiritur percussio corporum sonantium ad sonum, ergo male ponitur in definitione. *Ant. probat.* cum pannus, vel papyrus rumpitur, fit sonus, nec tamen corpora dura se percutiunt, & cum virgâ verberatur aer non tangendo corpus durum, & cum castanea ad ignem edit sonitum, & nubes se collidunt fit sonitus sine percussione corporis duri. *Deniq;* si requiritur illa collisio fortis & velox, quia motus languidus non causat sonum, ergo omnis generatio soni erit violenta, quia illa collisio fit motibus contrariis, atque adeo non potest uterque esse naturalis.

Respond. negando ante. *Ad primam probat. dicitur*, quod in diuisione panni vel papyri fit percussio aeris, eo quod cum impetu scinditur, sufficit autem percussio ad aerem ut fiat sonus, licet non fiat ad aliud corpus durum; aliquando enim aer habet non solum rationem mediij contracti, sed etiam corporis percussi ut *2. de anima lect. 16.* notat D. Thom. & patet in sono excitato à vento, in sonitu castaneæ, vel bombardæ & similium. Vnde illa tria corpora percutiens, percussu & mediij fractum non semper requiritur, quod sint distincta materialiter, sed idem corpus, scilicet aer potest esse percussum & contractum. Vnde supra diximus non requiri de necessitate ad generationem soni corpora dura, sed sufficit contractura aeris. *Et sic patet ad exempla omnia quæ afferuntur. Et ad ultimam*

partem argumenti dicitur quod licet motus requisitus ad sonum sit violentus respectu corporis percussi, non tamen respectu generationis soni, sic enim stat bene, quod actio respectu vnius effectus sit violenta, & non respectu alterius, ut proiectio sagittæ sursum, vel eleuatio exhalationis, & agitatio eius, violentæ actiones sunt respectu acquisitionis loci sursum, non tamen respectu calefactionis vel addensationis aut rarefactionis, quæ sequitur ad illum motum sic percussio aeris & sonatio est violenta percussio, non violenta sono.

Ultimo arguitur contra id quod diximus de subiecto soni, nam si est aer collisus, ergo vbi fuerit multum de aere, erit multus sonus, & vbi parum aeris frangitur, erit paruus sonitus, cum tamen è contra accidere videamus, nam in pulsatione cymbali parum de aere frangitur, scilicet illud quod est inter linguam & oram cymbali, & tamen longissime auditur. E contra verò si plumbum aut ligna centies maiora se percutiant, non edunt tantum sonum, sicut cymbalum, & tamen multo plus aeris percutiunt. Item differentie sonorum non sumuntur ex aere colliso, sed ex corporibus percutientibus; inde enim discernimus, quod iste sit sonus cymbali, ille lapidum vel lignorum, ille grauis, alter acutus; quod totum non potest ad aeris collisionem reduci, sed ad qualitates corporum percutientium, præsertim cum aliquando fortius percutiatur aer à duobus lignis, & cum maiori impetu quam cymbalum à lingua, & tamen minor sonus efficitur, ergo subiectum illius non est aer, sed corpora percutientia, à quibus differentia, & inæqualitas sonorum resultat.

Confirmatur, quia etiam aqua est frangibilis sicut aer, licet non æque velociter, ergo in ea poterit generari sonus; licet non ita proprie, sicut in aere, & ita D. Thom. *2. de anima lectione 16.* dicitur quod proprium medium vbi generatur sonus est aer, & medium in quo auditur est

aer & aqua Non ergo absolute est medium necessarium aer, sed solum magis proprium. Et suffragatur experientia, quia intra aquam pisces se audiunt, quia vnus fugit alium non ex visu, qui ibi non est vbi nec est lux, ergo ex auditu. Vnde & branchijs quosdam sonos dicuntur efficere, & ranas sub aquis edere sonos, experientia monstrat, & docet Aristot. 4. de hist. animalium capit. 9.

Respond. maiorem sonum edi à maiore fractione aeris, si reliquæ conditiones non desint, & qualitates corporum sonantium, vt quod sint magis leuigata, solida, dura, plustque admittant de compositione aerea sicut æs, & argentum, quod non inuenitur in ligno & lapide, & ita ab istis licet non fiat tanta fractio aeris in quantitate, sit tamen perfectior & subtilior, & consequenter vehementior ad propellendum aerem, & sic causat perfectiorem sonum, quia rumpit aerem concitatori modo, & facit ipsum velocius exire, quod conducit ad sonum magis excitandum, & si alias motus & contractus corporum sit maior extensue, & ita minor contactus, seu motus aeris in cymbalo maiorem elicit sonum, quam maior motus in ligno, quia iste est maior solum in extensione, ille intentione seu in qualitatibus conducentibus ad excitandum magis sonum.

Ad aliam partem de differentia sonorum
Resp. illam quidem effectiue esse à corporibus diuersimode sonantibus, subiunctiue autem esse in aere contracto, qui prout diuerso modo fuerit contractus, diuersum habet sonum, & illius species emittit. Vnde licet aer sit vnus & idem in se, tamen vt diuersimode percussus, in genere sonantis diuersus est. *Et quando dicitur* quod sonus est in illis corporibus, quæ mediante sono sentiuntur per accidens. *Respond.* verum esse, sed tamen quod sentitur non est cymbalum seu corpus percutiens, sed percussum, vel contractum ex cymbalo percutiente, ita

quod cymbalum solum sentitur vt agens, non vt subiectum soni, licet hoc subiectum soni, scilicet aer contractus, non sit subiectum nisi cum habitudine & connotatione ad cymbalum percutiens quia sonus ipse pendet a motu & actione, & ita sensibile per accidens directum, est ipse aer resiliens, seu contractum à percussione, sensibile autem connotatum & in obliquo attactum tanquam agens huius percussione est corpus percutiens. Quare nunquam contingit inæqualitas soni, cum æquali contractione aeris, licet possit contingere cum æquali, aut maiori contactu corporis, minor sonus.

Ad 2. confirm. Respond. aquam propter sui crassitiam non posse cum impetu frangi, ita quod concitate fugiat & resiliat, sed paulatim labitur & recedit, sicque non causat sonum, languescente compressione. Et D. Thom. non solum dixit, aerem esse proprium medium vbi generatur sonus, sed etiam addit, necesse esse, quod corpora ipsa percutiant aerem, & sonus generetur. *Ad experientias illas dicimus,* eas non satis constare multique eas negant, vt ex Alberto Magno Magister Bannez cit. dub. 3. Si tamen admittantur, dicimus à ranis fieri sonum illum intra aquas ob retentionem alicuius aeris intra guttur vel poros, qui dum exit, illum sonum edere potest, quousque aqua oppleantur, præsertim si pori sint aliquantulum laxati, ita, vt sufficienter possit aer refrangi in ore ranarum dum exit. Et de branchijs piscium dicimus non edere sonum intra aquas nisi expellent aquam & attrahant aliquem aerem, vt in Acheloo amne dicit Arist. excitari sonum à piscibus hoc modo, & sic exponit illum D. Tho. 2. de anima lect. 18. Quod verò pisces fugiant intra aquas, non est propter auditum, sed vel quia vident illos, si aequalis lux descendat, aut squamæ ipsæ reluceant, vel propter olfactum, vel quia tangunt illos cum prope accedunt.

ARTICVLVS IV.

Quid sit vox, quid echo?

Definitur vox ab Aristot. 2. *de anima* text. 87. quod est *Percussio aeris respirati, qui fit ab anima in pulmonibus ad arteriam vocalem cum quadam imaginatione.* vbi definitur vox per suas causas, & in habitudine ad illas. Nomine percussione seu ictus, intelligitur causaliter ipse sonus, vox enim in se quidam sonus est. Deinde explicantur causæ huius percussione, ex quibus habet sonus ille esse animalis seu vitalis. Explicatur enim causa efficiens, tum principalis quæ est anima, tum instrumentalis scilicet pulmo & arteria vocalis, quibus alia instrumenta istis connexa adiunguntur, ut statim explicabimus; tum etiam causa directiua, scilicet imaginatio, à qua procedit vox, vbi etiam insinuat causa finalis, quia finis vocis est exprimere conceptus, seu imaginationem, & sic imaginatio ut exprimenda se habet ut finis, ut directiua, tanquam efficiens. Denique causa materialis explicatur in eo quod dicitur *aeris* est enim vox sonus in aere refracto receptus.

Sed inquirens, quænam sint instrumenta requisita ad formandam vocem, exinde enim dignoscemus quibus animalibus competit vocem formare. *Respond.* ergo requiri quod animal sit respirans, vox enim est sonus aeris respirati. Similiter animalia exanguia, id est quæ sanguine non nutriuntur, carent voce, quia carent pulmone & arteria, & respiratione non egent, quæ datur, ut ipso aere calor sanguinis, & spirituum refrigeretur, de quo videri potest Aristot. *hic textu.* 87. & ibi S. Th. *lect.* 18. vbi numerat quatuor genera animalium exanguium.

Instrumenta ergo formandæ vocis quædam sunt interna, & gutturalia, quædam externa, quæ videtur in ore & lingua. Gutturalia seu interiora, principaliter reducuntur

ad duo, scilicet ad pulmones, & ad arteriam vocalem, quæ etiam aspera dicitur, quia inæqualis est. Ad hæc duo reuocantur multa alia, quæ concurrunt ad ista, ut ex parte pulmonum etiam debent adiungi musculi thoracis & intercostales, quibus comprimitur aer, vel admittitur ad pulmones. Et ex parte arteriæ vocalis adiungitur larynx, quæ est ad caput, seu finem arteriæ quasi ostium ipsius, & contegitur membrana quadam cartilaginosa ne quid cibi aut potus per eam ingrediatur. Secundo adiungitur gargariorum, seu gurgulio, quæ est carticula quædam sub extremum palati dependens, & per humoris influxionem solet intumescere sicut vna; plurimum vero confert ad vocem efformandam, vel emittendam, unde qui gargarium occupant aqua, vel alio liquore, non possunt interim loqui. Alia instrumenta sunt quasi externa, quæ etiam conferunt ad formationem vocis, aut valde illam iuuant, sicut lingua, palatum, dentes, labia, quibus percussus aer disponitur ad meliorem formationem vocis & distinctiorem, licet lingua si totaliter præscindatur, nullo modo formari possit vox. Plura de his videri possunt apud Conimb. 2. *de anima* c. 8. q. 3. art. 1. proprieque ad medicos & ad anathomen spectant.

Quod attinet ad echo seu sonum reflexum, dari quidem istam reflexionem, constat experientia ipsa, & ratione, quia sonus, seu vox defertur per gyrationes seu circulos quibus mouetur aer, sicut cum aqua impulsu aliquo, seu ictu lapidis, gyrationes efficit; isti autem circuli si in corpus aliquod durius seu crassius impingant, vel dissipantur, & sic non fit echo, vel retrocedunt efficiendo alias similes gyrationes, & sic dicuntur reflecti. Vnde non qualibet corpora reddunt echo, sed quæ ita sunt disposita, ut non dissipent, sed restaurent gyrationes, sicut corpora concaua, leuia, & bene compacta, quæ aerem in se non absorbeant, nec frangant totaliter, ut in fornicibus lage-

lagenis, ripis fluminum, & alijs similibus; corpora verò nimis mollia, aut aspera. & inæqualia, seu hiatibus plena dissipant illas gyrationes, nec integras conseruant, vnde nec restaurant.

Difficultas est in duobus. Primum an possit causari sonus reflexus ex reditione ipsius soni realis *secundum*, an fiat aliquādo reflexio specierum audibilium, idque sufficiat ad echo.

Ad 1. Respond. posse generari sonum reflexum per reditionem soni realis. Et intelligimus per reditionem non eiusdem numero soni, cum sonus sit accidens, quod transire non potest de vno subiecto ad aliud, sed per multiplicationem soni, factam tamen non in rectum sed multiplicando versus partem vnde incepit propter obstitentiam alicuius impediētis. Sic sentit S. Thom. 2. de anima lect. 16. circa textum 50. in fine lectionis, vbi postquam dixit sonum multiplicari ad instar gyrationum, subdit, *si autem antequam huiusmodi gyrationes deficiant, fiat reuerberatio aeris moti & sonum deferentia ad aliquod corpus, gyrationes reuertentur in contrarium, & sic auditur sonus ex aduerso & hoc vocatur echo.* Et ratio est, quia conducit ad hoc vt melius audiatur sonus reflexus, quod reflectat non solum species, sed etiam realis sonus & motus aeris, tunc enim melius emittet species in partem reflexam, si ibi sit realis sonus in reflectendo qui possit species illas emittere, & emittendo multiplicare & confortare, ergo si realis sonus & motus potest pertingere ad corpus aliquod vnde reflectat, & inde continuare realem reflexionem in sono, id magis conducet ad auditionem illius echo. Potest autem sic realiter pertingere, & reflectere motus soni, vt cum ipsæ gyrationes realiter se diffundunt, si ibi tangant corpus absistens, habensque reliquas condiciones, vt sonus non penitus extinguuntur sed generetur vel fortificetur, ibi generabitur sonus, & inde deferetur per spatium aliquod, & inde mittet species ad auditum.

Ad 2. tota difficultas consistit quando sit echo à voce, vel sono tam exiguo quod non potest realiter pertingere ad corpus oppositū, sicut sunt aliqua specialia loca, in quibus licet submisit aliquis loquatur, auditur in parte distāte echo. Ex alia verò parte videtur hoc non sufficere ad sonum reflexum, quia quod species reflectant, non facit ipsum sonum, seu vocem esse diuersam, sed eandem, siquidem vt supponimus, sonus solum directe diffunditur realiter, & non reflectitur, ergo non potest audiri tanquam duplex sonus, sed tanquam idem, hoc autem non est echo, qui est diuersus à sono directo. Et præsertim, quia experientia docet, quod sonus directus, & reflexus non audiuntur simul, sed vnus successiue post alium. Ergo non fit per solam reflexionem specierum, quia species reflexæ possunt esse simul cum directis, cum sint continuatæ & productæ ab eodem reali sono, & sic simul percipietur reflexus sonus, & directus, & non vnus successiue post alium. Denique ad summum ex ista intentionali reflexione solum concludetur, quod ille sonus audietur tanquam multiplex apparenter non realiter, sicut etiam in visu, si oculus digito eleuetur, apparet quasi duplex obiectum ob diuisionem speciei in diuersa linea, cum tamen sit vnicum obiectum.

Resp. probabilius videri, quod ad formandū echo reale requiritur reflexio soni realis, tamen ad representationem ipsius echo, & ad multiplicandum auditionem soni modo reflexo, sufficit reflexio specierum. Nam quod aliquando fiat echo per reflexionem solam specierum, vrgenter videtur probari illa experientia, quando vox submisit prolata resilit, & reflexe auditur, tunc enim motus realis non potest peruenire ad corpus vnde fit reflexio, & tunc fiet reflexio apparens, seu representatiua tantum. Et sicut in visu non solum lumen, sed etiam species reflectuntur, vt in speculo, in quo per reflexio-

nem generatur illa imago, quæ ibi videtur, cur non etiam reflectentur species audibiles? Sed sicut in speciebus visibilibus non quæcumque reflexio facit videri objecta, sed quæ in corpore terfo, & pellucido generat imaginem, ita nec quæcumque reflexio specierum audibilium facit echo, sed quæ in tali corpore sic disposito sit, ut inde quasi nova species generetur & cum nouo vigore, ita ut videatur de nouo formari sonus, licet solum intentionaliter nõ realiter reflectatur.

Vnde ad dubitationem positam pro secunda parte Respond. Quod licet sonus realis non sit diuersus, tamen species refractæ, & reflectæ diuersæ sunt, & ab illa dispositione corporis obfistentis sic de nouo efformatæ, ut quasi altera vox, vel sonus videatur, sicut ex speciebus visibilibus generatur in speculo noua imago, quæ repræsentat quasi alterum objectum ex speculo ad oculum, ita species audibilis refracta à corpore obfistente non generat nouum sonum, sed nouam repræsentationem, & quasi imaginem soni, quæ ab illo corpore quasi noua vox auditur. *Et cum instatur*, quod sonus reflexus successiue auditur post directum: *Respondet.* hoc esse, non quia sit diuersus sonus realis, sed diuersus intentionaliter, quia tamen species audibiles ex sua natura non deferuntur in instanti, sed motu quodam, ideo repræsentatur illa reflexa species tanquam diuersus sonus successiue post directum emissus, & non in eodem instanti, sicut si in speculo generaretur imago non in eodem instanti, quo species visibilis emittitur ab objecto, sed aliquanto post. Quare etiam concedimus, quod in reflexione intentionaliter auditur multiplex sonus repræsentatus ut multiplex, licet in re non sit multiplicatus sonus realis.

Dices: cur ergo sonus reflectens intentionaliter, & non realiter, non auditur quasi in profundo corporis obfistentis, sed quasi in superficie, è contra vero quando species visibiles reflectunt in speculo, videtur i-

mago quasi in profundo speculi, non in superficie? *Respondetur*; ideo esse, quia in speculo si tertium sit & pellucidum, species intrant per eius diaphanum, nec reflectuntur quousque inueniant opacum, vnde resiliant, quod cum non inueniant nisi in profunda parte vitri, apparet imago in profundo: si verò speculum non sit perfectè translucidum, & politum statim resultat imago à superficie, vel propè, vbi inuenit impedimentum, ut refrangatur. Species autem audibiles statim ut tangunt corpus durum, vel concavum, & cum alijs dispositionibus ad reflexionem, statim reflectuntur, ista autem durities, & reliquæ dispositiones non solum sunt in parte profunda corporis, sed etiam in superficie exteriori, & ita inde incipit reflexio.

Contra primam partem huius secunda difficultatis obijcies, quia non videtur posse sonum reflexum generari ex refractione soni realis, nec etiam apparet quomodo ille secundus sonus, seu motus generari possit, nam vel continuatur cum motu directo vel discontinuatur. Si continuatur, non erit reflexus, sed idem cum directo, cum tamen sit illi contrarius, & ad oppositum locum tendens. Si discontinuatur, ergo non poterit ab illo corpore quiescente vnde reflectitur, produci, nec in tanto vigore & perfectione, sicut audimus ipsum echo, eo quod tangitur illud corpus à sono valde debili & diminuto, cum ad illud peruenit, echo autem auditur ut sonus perfectus & vigorosus. Specialiter verò est difficultas in voce, quia vox est sonus dearticulatus, & ab animali formatus; illa autem vox reflexa in illo puncto reflexionis non generatur ab animali, sed à corpore obfistente. *Nec potest dici*, quod hoc facit ut instrumentum animalis. Nam si tuba admota ori non potest dearticulatum sonum formare, quomodo vox iam emissa, & tangens parietem poterit ab ipso de articulari?

Re-

Respond. multa ex his tangere difficultatem in generali de motu reflexo, de quo abunde egimus in *libris de generat. q. 5.* Dicimus ergo quod motus reflexus discontinuatur directo, & est distinctus. Et cum dicitur quod non poterit produci ab illo corpore quiescente, *dicimus* quod non producit virtute propria, sed virtute impulsus ibi refracti, impulsus enim ille, ut à primo impellente egrediens, habet vim mouendi usque ad certum terminum, sed à corpore obistente habet, quod ille terminus non sit in directum, sed in obliquum, vel in contrarium. Itaque à corpore quiescente habetur obliquitas impulsus non directa tendentia, obliquitas autem potest esse non per actionem, sed per modificationem actionis & motus, & hæc sumi potest à corpore quiescente, dummodo ibi impulsus affigatur, & inde modificetur, vim tamen mouendi semper habet à prima virtute unde processit. *Nec o' stat*, quod videtur cessare primus ille motus & impulsus aeris, quo prima agitatio facta est, siquidem refrangitur & diuiditur in corpore obistente, & ita non auditur prima vox, sed alia, quia prima terminata est. *Respond. enim.* quod licet primus motus aeris cesset, & terminetur, non tamen cessat impulsus, qui per aerem diffunditur, & in corpus obistens impingit, indeque multiplicatur in oppositam partem, non accipiendo à corpore obistente virtutem & impulsum, sed modificationem eius, ut scilicet in partem aliam deflectat; vel si impulsus cessauit in aere, saltem species multiplicantur, & perueniunt usque ad corpus obistens, ibique refranguntur, & sic quia prima species terminatur, & frangitur, ita non auditur ipsa, sed secunda, quæ reflexè generatur.

Et cum instatur, quod non potest à corpore illo obistente produci impulsus in tanto vigore, sicut audimus, cum ibi perueniat repulsior & languidior, *Respond.* quod aliquando motus est ita diminutus, ut et-

Part III. Phys.

iam si perueniat ad illud corpus obistens, inde non vigoretur, neque maior fiat; & tunc parum, aut nihil sentitur de echo: aliquando verò est ita vigorosus ille sonus, ut in obistente corpore non diminuatur; aliquando verò motus est diminutus in se, in tali tamen dispositione, ut licet directe tendens diminueretur, tamen ex dispositione corporis, in quod impingit, non solum habeat obliquari, sed etià ratione taliū dispositionum vigorari, non quod ab ipso corpore obistente vim impulsuam accipiat, sed ipse primus impulsus, qui in se diminuebatur, ut virtus primi impellentis habet talibus dispositionibus positis posse crescere non a se, sed à primi impellentis virtute ibi in illo impultu virtualiter perseverante, nisi ita diminuatur, & debilitetur, quod nullis etiam dispositionibus adiunctis crescere possit, de quo vide quæ diximus *quest. one 5. cit. de generat.* Et sic patet quomodo sonus reflexus aliquando crescere possit, sicut calor, aut lux reflexa.

Ad id quod dicitur, de voce quomodo generari possit à corpore obistente; *Respond.* vocem ibi non generari aut formari à pariete, sed multiplicari ea virtute qua per aerem in directum sonus vocis multiplicabatur, nec enim aer multiplicans vocem id facit propria virtute, sed virtute animalis primo formantis, quæ per aerem diffunditur. Eadem ergo attingens corpus durum reuertitur, non accipiendo ab illo corpore virtutem aut formationem vocis, sed virtutem, quæ per aerem diffundebatur obliquando & modificando. Nec est simile de tuba, quia cum admoveatur ipsi ori, impedit ipsam primam formationem vocis, ne fiat dearticulatè, sicut loquens voluerit, sed ut tuba permiserit, & impulsus exceperit sed voce semel formata, multiplicatur per aerem aut obliquatur à pariete in ea dearticulatione & modo, quo primum formata est.

Quid si dicas, in ipso corpore obistente frangi & dissipari ipsum sonum quoad eius

Aa

figuram,

figuram, qua in gyrum circulabatur, si-
quidem est ille sonus quidam aeris impul-
sus, qui facillime dissipatur, cum in ali-
quod corpus impingit. & sic amittit ibi
vox dearticulationem. *Respond.* quod ali-
quando corpus in quod impingit sonus, ta-
lis est ut eius figuram, & integritatem vio-
let & dissipet, & tunc non auditur sonus
reflexus, sed dissolvitur vox, aut confundi-
tur eius dearticulatio, aliquando verò cor-
pus illud est aequale & leve, & sic disposi-
tum, ut sonum illum non dissipet, sed ure-
gram servet, & solum impedat, ne in di-
rectum tendat, sed retrocedat, & tunc fit
echo nec tamen omnes eius partes audun-
tur sed alimur syllabae, quae per res par-
tes reflectunt dum adhuc in auribus non
transierunt species soni durissae, quibus oc-
cupatur, quando verò illae transierunt, so-
lum restant vocis partes dulciore vocis,
quae seorsum à sono directo & distinctum
audiamur.

ARTICULVS V.

*In quo consistat odor, qui est obiectum
olfactus?*

Supponimus odorem, vere, & propriè es-
se qualitatem, nec consistere solum in
substantia fumida exhalationis vel aliqui
ex antiquis dixerunt, quos referunt Co-
nimb. 2. de anima c. 9. q. 1. art. 1. Et illam o-
pinionem refutat Aristot. lib. de sensu & se-
nsato c. 5. lect. 12. apud D. Thom. Et eius subsis-
tentia consistit, tum ratione, tum experientia. Si
enim odor esset fumida illa substantia, cum
experiamur diffundi odorem à corpore o-
dorifero, consequenter dum odor commu-
nicatur, corpus diminueretur, sicut dimi-
nuitur aqua per evaporationem, ergo quan-
dum odor durat & exhalatur à corpore, du-
raret continuo illa corporis diminutio,
quod certe aliquam sensibilem minoratio-
nem faceret, cum sit valde continua, quod
tamen experientia aduersatur. *Ratione et-
iam cogitur,* quia odor est sensibilis pro-

ptum alicuius sensus, subitanti autem est
sensibile per accidens, ergo odor formaliter
non potest esse substantia.

Quare significandum est, quod odor est in
genere accidentis, & illud est qualitas, tum
quia alterat & alteratione acquiritur, tum
quia in alijs generibus non potest inveniri
tale accidens. *Restat inquirere eius diversita-
tem.* Definiri ergo solet odor, quod est
qualitas ex temperamento primarum quali-
tatum resultans, siccitate dominata, seu ex-
cedente, & calore humidum deconquere. Di-
cendo ex temperamento primarum quali-
tatum resultans, manet dictum, quod est
qualitas secunda, seu mixta, & quod sub-
eatum eius proprium est mixtum, nam in es-
sentialibus non auditur odor, si fumantur in
sua puritate.

Explicatur ergo in mediata causa, ex qua
fit odor, quæ cum sit qualitas mixta, præ-
cipue explicanda est per mixturem, seu
temperamentum qualitarum ex quibus con-
ponitur, & ideo dicitur, quod est resultans
ex temperamento primarum qualitarum.
Modus autem temperamenti designatur di-
cendo, quod siccitas debet excedere humi-
dum contrario modo ad sapores, in qui-
bus humidum excedit siccum. Et hoc ex
ipsa experientia deducitur, quia videmus
res odoríferas maximè sentiri à quo calore
exsiccat, ut in calore aestatis, vel ignis,
res odoríferæ resolvuntur, & magis redol-
lent, similiter fumea exhalatio sicca est &
exsiccare solet, & regiones, quæ producunt
res odoríferas, ut aromata, sicciores, & ca-
liores esse solent. Denique, quæ sunt
optimi odoris solent esse amari saporis,
dulcia autem secundum suum naturæ tem-
peramentum raro solent esse odoríferæ,
quia in eis prædominatur humidum. Certe-
rum licet siccitas debeat prædominari in o-
dore, non tamen totaliter vincere humi-
dum, nam quæ omnino sunt arida vel ro-
sta, ut olla vehementer sicca, aut cineres o-
dore carent & similiter terra omnis sicca
non redolet, respersa verò pluviali aqua,
efficit

est odor, ergo aliquid humoris requiritur. Item in lapidibus, & lignis, lapides nimis duri non olent, quia humore carent, ligna odorem retinent, quia aliquid humoris concocti habent. Denique inter metalla aurum caret odore propter nimiam duritiem terrestrem, ob quam caret humore, æs autem, & ferrum odorem aliquem habent, quia aliquid humoris retinent. Videatur Aristot. loco citato de sensu & sensato & D. Thom. ibi.

Denique, quod requiratur calidum digerens humi lum intelligitur de digestionem attenuante, & disponente ad siccitatem, ut illa dominetur. Et sic videmus ea, quæ sunt calidioris temperamenti, odorem perfectius efflare, & ipso igne res odoriferæ odorem suum resoluunt, & perficiunt. Semina etiam calidiora affici odore ait Aristot. in problematis sect. 12. & rosas melius olere si plantentur iuxta alia, quia ab illis participant calorem, nonnulli affirmant.

SOLVUNTUR ARGV- MENTA.

Primò obijcitur ad probandum quod odor sit substantia; nam odor nutrit, confortat cerebrum, aut etiam lædit, imò & corrumpit corpora, & per continuam exhalationem odoris res odoriferæ minuiuntur, & flaccescunt, quæ omnia signa sunt substantialis naturæ. Vnde Aristot. in problemat. sect. 13. questione 10. odorem dicit esse halitum, seu exhalationem, quæ utique substantia est, & Gal. 2. aphorism. dicit partes magis tenues, & aereas nostri corporis odore nutriri, & attractione aeris; ut omittam de his, qui ad fontes Gangis in extrema India parte solo odore florum dicuntur nutriri, ut referunt Plinius, & alij apud Conimb. loco citato quest. 1. art. 1.

R. spond. odorem non nutrire: secundum quod est sensibile odoratus, sed substantia

illa odorifera, in qua odor inest, dicitur nutrire, seu confortare si exhaletur, præsertim spiritus animales aere illo odorifero mirum in modum recreantur, & exhilarantur. Nec nos negamus a rebus odoriferis exhalari fumeam aliquam exhalationem, seu substantiam, sed negamus illam esse formaliter ipsum odorem, sed odoris subiectum. Sic ergo nutritio non fit odore, licet possit fieri re odorifera, vel exhalatione eius, in quantum conuertibilis est in substantiam aliti. Et sic intelligendus est Aristot. cum dicit consistere odorem in exhalatione, intelligitur enim subiectiue, non formaliter, expresse enim in c. 5. lib. de sensu & sensato excludit opinionem dicentem odorem esse substantiam. Quod verò dicitur aliquos sustentari odore florum, fabulam redolet, neque enim animal nutritur nisi alimento per os sumpto, & in stomacho decocto. Quod si exhalatio florum tam viuida est, ut multum vaporis odoriferi exhalet, vaporibus illis exhalatis nutriet, non odoribus.

Secundo arguitur: Quia multa dantur odorifera, quæ humida sunt, ut aquæ distillatæ, nucum quod ex sanguine cuiusdam feræ componitur, ambarum, vel ex spermate ceti, vel ex aliqua humida substantia maris natum, zibetum ex selium humore ortum, quæ tamen inter omnia odorifera sunt prima, & maxime humida. Et præterea, quia si odor sit ex calore attenuante humidum, potius debet prædominari calor quam siccitas. Constat autem multa, quæ sunt excellentis saporis esse etiam optimi odoris, ut mel, vinum, & alia similia, quæ tamen humida sunt, ergo non oportet prædominari siccitatem. Confirm. Quia odor est communicatiuus sui, ut patet in tactu rei odoriferæ, ergo non est qualitas secunda quia qualitates secundæ non se communicant ut patet in colore, grauitate, & leuitate, & alijs similibus, quæ suo contactu non reddunt rem coloratam grauem, aut leuem, &c.

Respond. Illa omnia sicut liquida in se continere tamen exhalationes aliquas fixas, in quibus consistit odor, sicut etiam mare redditur insulum propter exhalationes aduistas, quæ illi communicantur, sic in alijs humidis, ut ambrosio, zinzibero, balsamo, &c. imprimuntur exhalationes aliquæ sic temperatæ & uicæ, ut odorem retineant. Sed cur inquit sita est minus redolent ista odorifera è propinquo, quam è longinquo, imò ambarum, & zibettum si in magna copia adhibeantur, videntur gravem odorem exhalare? *Respond.* Id accidere ob multitudinem exhalationum terrestrium, quæ in ipsa re odorifera conspiciuntur, & per fumeam exhalationem magis attenuantur ab ipso calore, & sic purius, & defæciatius ibi sentiuntur, quam in sua propria substantia, vbi crassiores sunt illæ exhalationes. *Ad id, quod dicitur de calore attenuante humidum. Respond.* Calorem enim non directe quætere calorem, sed tamen disponere ad siccitatem, seu ad formandas exhalationes siccitatis in illo humido seu liquore, odorem emittunt. *Quod vero additur aliqua posse esse simul boni odoris, & saporis? Respond.* quod licet quando id contingit esse secundum diuersas partes, quarum, quædam habent in exhalationibus siccitatem prædominantem, alia humidum bene digestum, quod ad dulcedinem declinat, de quo vide S. Thom. *in 2. de anima lectione 11.*

Ad confirmat. Respondetur, quod in primis non repugnat, aliquam secundam qualitatem resiliere esse communicatiuam, sicut sonus multiplicatur, & similiter sapor, & alia similes, licet alia communicatiua immediate non sint. *Secundo dicitur,* quod licet istæ secundæ qualitates se ipsi immediate non sint communicatiuæ, bene tamen mediantibus qualitatibus primis, ut instrumentis, seu dispositionibus, quibus talis secunda qualitas generatur. ut sic cum odor petat siccitatem prædominantem, mediatè siccitate, quæ est qualitas communicatiua,

& similiter mediatè colore, alijsque qualitatibus temperantibus, potest odor ipse generari, & multiplicari per aliud corpus. Sic sic *in 2. de anima text. 12.* dicit arem redolere per immutationem ab odore, quod intelligi potest per immutationem mediantem, id est mediante exhalatione illa fumo-sa, cuius siccitate, & calore, quibuscumque ad odorem recipiendum disponitur. Exhalationes autem illæ odoriferae ad hanc in aere penetrando stant, sed diuiduntur, sicut alij vapores, & exhalationes, quæ virtute solis ascendunt aut ab igne evaporantur.

De saporibus etiam non agimus, quia minus nobis nota sunt, ut Aristot. *in 1. de sensu, & in 2. de anima text. 12.* apud D. Thom. de aliquibus tamen speciebus odorum agit ibi D. Thom. *lect. 13.* vbi videri potest.

ARTICVLVS VI.

Quidnam sit sapor, qui est obiectum gustu?

Dicitur sapor ab Aristot. ut explicat D. Thom. *in lib. 6. de sensu & sensato lect. 10.* quod si per se passio facta à siccitate terrestri in humidum aquosum cum additione calidi, quæ gustum secundum potentiam alterando in actum refertur. Dicitur passio id est qualitas tertie speciei, quæ est passio, vel passibilis qualitas. Reliquæ partem autem adduntur ad explicandam differentiam saporis ex suis causis. Et primo dicitur, quod sit qualitas mixta, seu secunda, cum dicitur *facta* seu in *ultra* ex *siccitate terrestri*. Secundo ostenditur ex quibus qualitatibus, seu cum compositione esse debeat, ut ex eis constituitur sapor, scilicet ex *siccitate terrestri* in *humido aquo*. Intelligitur autem sic cum illa sit *terrestre*, & non ignea, quia igneam propter sui tenuitatem ad minus aere, & consumptum humidum, & meprum ad operationem, necesse est interuenire siccitatem mentis ad hunc modum deservit. Externiuntur autem illæ primæ qualitates, scilicet humidum, & calidum, quæ a

quia calidum & frigidum sunt quidditates magis effluas, & pertinent ad rationem efficiendi, quæ est causa magis extrinseca, sic cum calidum, & humidum magis præbent materiam saporis. Non exprimitur autem, quodnam ex his duobus debeat excedere alterum, quia ex his duobus humidum præsupponitur, sic cum verò superadditur, id est, aliqua exhalatio, quæ substantialiter est terreæ speciei, ideoque à tali sicco tantum ab adueniente extrinseco fit sapor, licet intrinseca radix illius sit humidum, & hoc ipso, quod manet humidum aqueum, nec totaliter resolvitur, satis significatur, quod ut fiat sapor, debet dominari humidum illud, sapor autem pinguior & crassior debet esse odore, ideoque humidum prædominari debet.

Tertiò additur causa instrumentalis, scilicet *additione calidi*, seu à concoctione calidi, ut denotetur saporem principaliter fieri a calore, nam à calore plus imperfectitur, & crudescit. Vnde in regionibus frigidis, & temporibus non calidis, fructus non maturescunt: ubi autem calor tollit illam cruditatem sapor temperatur. Oportet tamè aliquid frigoris manere non ad concoctionem humidum, sed ad temperandum calorem, ne si nimium excedat consumat totum humidum. Quod autem aliqui cibi valde calidi optimum saporem habent, non est, quia non retineant aliquid frigoris, aliàs esset summus calor & ignis sed quia calor ibi habet aliquem excessum: imò licet materia rei sapideæ vehementer calefiat, tamen exhalationes, seu vapores, quibus sapor immisceatur, humidiores sunt.

Denique dicitur finalis causa saporis, scilicet quod *ad gustum*, ad hoc enim ordinatur ut ad finem, licet aliam alterationem faciat emittendo species, quæ est alteratione latè sumpta; & ordinatur ad illam obiectum tantum ad finem effectum, quia fit ab illo, non tanquam ad finem eius gratia; & per hæc sufficienter distinguitur sapor ab odore & sono, & alijs sensibilibus.

Inquires: quæ etiam sint præcipuæ species saporis? Respondetur, vel posse nos loqui de saporibus extreme contrarijs, vel de intermedijs, magis tamen quæ palibus, & totis, vel denique de his, quæ ex his mixtura fiunt; sicut etiam in coloribus dicitur aliqui extremi, ut album & nigrum, alii intermedij principales, ut rubeus, viridis &c. alij denique ex illis & eorum mixtura resultant. Et idem est in odoribus, licet species odorum minus notæ nobis sint, ut ex Aristot. *de sens. & sensat. l. 3. c. 9.* apud D. Thom. constat, eò quod homo est imperfectioris olfactus inter animalia, & minus discernit eorum differentias.

Igitur species saporum extreme contrariæ sunt duæ, scilicet amarum & dulce: species intermediæ principales, ad quas aliæ reducuntur, præter illas duas extremas sunt sex, scilicet pingue & salsum, acetosum, auterum, putidum & acutum. Species autem, quæ ex eorum mixtura possunt fieri, sunt innumerabiles, sicut quotidie fiunt arte irritante gustum. Hæc est sententia Arist. 2. *de anim. text. 106. lect. 11.* apud D. Thom. Sed tamen in priori parte de extremis saporibus contradicit illi Galen. *lib. 3. simplic.* qui dicit extremos saporis esse ponticum & acutum, quia proximè accedunt ad duas primas qualitates contrarias, scilicet calorem & frigus, ponticum enim idem est quod limonium) causatur ex eo frigore, & sic limonium humidum, nec non habent; acutus autem causatur ex vehementi & subtili calido. Quod tamen eadem vero partem addunt alij alias species, ut insipidum, quod videtur d. Angui ab illis, & per se percipitur à gustu. Et alij alias addunt species, quæ tamen ex istarum mixtura constare videntur,

Retinenda tamen est Arist. sententia quam S. Thom. sequitur *ut loco. & de sens. & sensat. l. 3. c. 11.* & communiter Interpres, qui videtur possunt apud Cornub. 10. *quest. 1. Carmel. disp. 1. c. 2. Ratio est*; quod contrarietas in saporibus maxime demonstranda est penes id quod est proprium:

ipsis, scilicet penes modum afficiendi potentiam gustus, in hoc autem clarè videmus, quòd amarum & dulce extremè contrariantur, dulcis enim optimè afficit gustum & convenientissimè, amarum deterrimè, & ita maximè abominatur ipsum, ergo isti in genere saporum maximè sunt contrarii, licet causaliter, & remotè, id est, ex parte primarum qualitatum à quibus causantur alii sint magis contrarii non in se, sed in qualitatibus ex quibus oriuntur, scilicet calido & frigido, &c.

Vnde patet ad fundamentum Galeni, dicitur enim, quòd illa contrarietas calidi & frigidi inuenta in pontico & acuto, est contrarietas alterius generis à sapore, & solum materialiter & remotè ad sapores concurrunt, tanquam ex quibus fit, non vt formaliter constitutens contrarietatem saporum, sicut etiam album & nigrum sunt contraria in genere colorum, licet in genere calidi & frigidi, à quibus vt à primis qualitatibus mixtio eorum dependet, non habeant aliquando contrarietatem, quia potest à frigido causari albedo in vno subiecto, & ab eodem nigredo in alio, & similiter à calore, vt supra diximus, & experientia monstrat.

Quod si sit, saltem ex maiori distantia & contrarietate inter siccum & humidum causari contrarietates saporum, quia sapor sequitur humidum à sicco temperatum. Respondetur, quòd licet ex humido temperato sumatur sapor, non tamen est necesse quòd contrarietas saporum sumatur ex contrarietate humidi & siccit, vt docet D. Thom. 2. de anima, lect. 22. sed est peculiaris contrarietas & alterius generis, licet orta ex mixtione humidi & siccit, non tamen ex maxima contrarietate siccit & humidit, oritur maxima saporum contrarietas. Nec etiam obstat, quòd sapor extreme dulcis non habet gustum, sicut in alijs sensibus obiecta extreme contraria habent effectus, hoc enim peculiariter est in saporibus, vt manente dulcedine non detur excessus quali-

tatum, quibus gustus lædi possit in sua temperatura, quia quandiu dulcedo manet, qualitates illam causantes debent esse bene dispositæ & temperatæ. Quòd si dulcedo ita excedat quòd debeat iam iam proportionem dissoluere, etiam dulcedo ipsa corrumpetur, & sic non à dulcedine lædetur sapor, sed à nimia humiditate, vel calore &c.

Quòd verò sapores medij sint rectè assignati, constat, quia ad illos omnes reduci possunt. Nec obstat instantia de insipido, quia insipidum est dulce remissum, vel amarum non intensum; vnde ad vnum ex illis reduci potest, quasi imperfectum in illo genere. De reliquis constat bene esse assignatos, & experientia constat dari illos. Dulce enim inueniatur, sicut in melle, saccharo, & similibus. Amarum vt in abinthio, selle, cinere, &c. Pingue vt in butyro, carne, medulla, lacte. Salum vt in sale. Acetosum, vt in aceto & alijs putrefactis. Austerrum vt in fructibus non maturis & agrestibus. Ponticum vt in limonijs. Acutum vt in sinapi, pipere, & similibus. Quos omnes gustus modat vt distinctos, & si qui alij dantur, ad istos reducuntur, vel ex eorum mixtura proueniunt. Numerat autem illos D. Thom. 2. 2. 1. de sensu & sensu, taliter, quòd sapor pinguis non distinguitur à dulci, vt ibidem dicit, sed sub eo commendetur. Et similiter in 2. de anima, lect. 22. dicit duo ex illis in vnum reduci, quod intelligendum est de pingui & dulci. Et sic erunt octo species, duæ extreme amarum & dulce, reliquæ mediæ principales & generice, innumera verò quæ ex illarum mixtura sunt.

Quæ contra distinctionem saporum, quia plures eibi sunt valde aridi, & dantur ad inuicendum ex quibuslibet ex nimia humiditate contrariis, & cineres sunt aridissimi & tamen aliquem habent saporum scilicet amarum, etiam non sequitur ad saporum quod humidum remittat. Vnde Philosoph. non dicit quòd sapor est inter ab humido in sicco, sed e contra, ergo inponit siccum debe-

debere prædominari, quia agit humidum, & actio est ex virtute prædominante. *Quod si dicatur*, debere prædominari humidum, quia debet esse alimentum id quod habet saporem, sequitur ergo quod omne alimentum debeat esse humidum, quod est falsum, cum fames sit appetitus calidi & sicci, non humidum. *Confirmatur*, quia hæc definitio ex una parte est diminuta, quia non explicat quale debeat esse hoc humidum, an aqueum, an acreum, nec quale siccum, terrestre, an igneum. Ex alia parte est redundans, quia explicat saporem tam in genere entitativo ut resultat ex mixtione sicci & humidum, quam in genere intentionali, ut mouet sensum, quod est definiri secundum duplicem ordinem & genus, id autem vnica definitione præstari non potest.

Respondetur, aliud esse, quod res aliqua saporosa plus siccitatis habeat quam humoris, aliud quod sapor sequatur ad ipsam siccitatem, potius quam ad humiditatem. In re enim valde sicca potest dari sapor non consecutus ad siccitatem, sed ad partes aliquas, in quibus humiditas præualeat, scilicet ad aliquos vapores vel partes tenuiores ibi inclusas, quæ sufficientem humiditatem retinent ad saporem. licet adiecta siccitate nimia aliarum partium maiorum, aut ex defectu decoctionis, aliisque imperfectis accidentibus degeneret ille sapor in extremum imperfectum, scilicet in amarum, sicut cineres. *Quod vero dicitur*, in definitione Philos. potius dici, quod sapor fiat a sicco in humido, quam ab humido in sicco. *Respondetur*, ideo hoc dici a Philos. quia etsi humidum prædominetur ex parte materie, sed siccum attemperat & modificat humidum, & utrumque a calore ut actiuum decoquitur, unde radix saporis est ipsum humidum præbens materiam, & simpliciter id quod ad perfectionem, aut suauitatem saporis pertinet; experimur enim ea quæ sunt perfectioris saporis abundare humido, siccitas autem se habet ut dispo-

nens & modificans. *Quod vero dicitur de alimento*, *Respondetur*, alimentum ut saporosum est, fundari in humiditate, sed ut nutrimentale est non fundatur in humido principaliter, sed in calido & sicco licet consperso humiditate aliisque qualitatibus. Et ideo fames quia est appetitus cibi ut nutrimentalis est, est appetitus calidi & sicci, appetitus autem saporis magis est appetitus rei delectabilis ad gustum, quam ut nutrimentalis, & licet non sit directè appetitus humidum, est tamen appetitus eius quod fundatur in humido.

Ad Confirmationem respondetur, non explicari, sed implicari in definitione, quale humidum sit saporosum, quia non debet esse purè humidum, sed sicco admixtum; & consequenter tale humidum debet esse aqueum, non acreum, nec siccum igneum, sed terrestre, quia hæc sunt nimis subtilia, & ad nutriendum non conducentia. Adde quod D. Thom. in definitione supra tradita expressit quod humidum saporosum debet esse aqueum. Nec vitiat definitionem, quod explicetur sapor in utroque genere reali & intentionali, quia sapor definitur ut sensibilis, & sic radicaliter est in genere intentionali, sequiturque intentionale genus ad hoc reale.

ARTICULVS VII.

Quod sit obiectum tactus?

Tria sunt explicanda circa obiectum tactus. *Primum*, quænam sint qualitates tangibiles. *Secundum*, an ut sint tangibiles debeant esse excessiuæ supra temperamentum tactus. *Tertium*, an debeant esse inherentes ipsi organo, ut sentiantur, an manere in tangibili.

Circa primum, constat experientia, nos non solum tactu dignoscere qualitates primas ut calidum frigidum, &c. sed etiam alias multas, ut molle & durum, asperum & leue, &c. imò plures Authores secundum istas differentias distinguunt varios tactus specie, ut videri potest apud M. Bañez 1. p.

quest.

quest. 78. art. 3. dub. 1. de tactu. & Conimb. hic. cap. 11. quest. 2. art. 1. Quot autem sint istæ contrarietates, quæ sensu tactus attinguntur? *Respondetur*, in primis esse illas duas calidum & frigidum, humidum & siccum, quæ sunt primæ qualitates elementales. Deinde inter qualitates secundas numerantur sex, scil. durum & molle, asperum & lene, graue & leue (ponderant enim tactui) acutum & hebes, dolor & voluptas, fames & sitis; hæc enim pertinent ad tactum stomachi. Addunt aliqui tactum titillationis & pruritus, sentitur enim non tanquam calidum aut frigidum, aut aliquid simile, sed vt delinitio quædam, & commotio tactus. Denique ad veneream voluptatem ponunt aliqui distinctum modum & obiectum tactus à reliquis. Et hæc sunt præcipuæ contrarietates qualitatum tangibilium.

Dubitari autem potest, an omnes istæ qualitates seu cōtrarietates sint tangibiles immediate & primo, an vna mediante alia. Nam D. Thom. 1. p. *quest. 78. art. 3. ad 3. & 2. de anim. lect. 12.* totum fundamentum quod ponit ad probandum, quod sint plures tactus specie diuersi est, quia dantur plures contrarietates primæ tangibiles, quarum vna non reducitur ad aliam, & sic sentit de se istas qualitates esse immediate tangibiles, alias assumeret propositionem falsam. Imò etiam si tactus sit vnus secundum speciem a hominibus, quia conueniunt omnes illæ cōtrarietates in aliquo genere proximo, adhuc erunt omnes immediate tangibiles, sicut licet omnes colores conueniant in vna contrarietate albi & nigri, omnes tamē sunt visibiles æquē immediate, nec indigemus ad videndum viride, v. g. prius videre album & nigrum. Et deinde, quia talem dux primæ contrarietates, scil. calidi & frigidi, sicci & humidij, non dependent vna ab alia, sed immediate quilibet est tangibilis: imò & alij sentiri possunt, sicut in cælo durum, aut molle, asperum vel lene immediate sentirentur à tactu, si ibi admoueretur, quia sentiret resistētiā, sine tactu tamen frigi-

di vel calidi, quod ibi non est; & denique titillatio immediate facit sensum, sine hoc quod præcedat tactus frigidi, aut calidi, &c.

Ex alia verò parte etiam diffinitas est. Primo, nam sensus tactus non constat ex omnibus illis contrarietatibus quas potest sentire, sed solum ex contrarietate calidi & frigidi, humidij & sicci, ergo solum immediate poterit istas sentire, quia illas immediatius sentit, quæ sibi sunt propinquiore. *Deinde*, quia quando plura obiecta pertinent ad vnā potentiam, nō omnia possunt æquē primò pertinere, sed ordine quodam; ergo aliquæ pertinent per se primò, aliæ verò mediantebus istis. *Denique*, quia vt sentiantur istæ qualitates per tactum debent immutare organum, vt S. Thom. docet *quest. de a. im. art. 13.* sed plures ex his qualitatibus nō sunt actiuæ, nec produciunt sui simile in organo tactus, nec enim asperum & lene reddunt manum asperam vel lenem, nec grauitas aut leuitas, grauiorem aut leuiorem, ergo solum possunt immutare tactum mediante calido & frigido, &c. sic mediantebus illis sentiuntur.

Respondetur verò videri priorem partem, quod scil. omnes istæ qualitates sint æquē primò tangibiles, & non vna mediante alia, quantum ad rationem immutandi tactum intentionaliter. *Et præter fundamentum allatum confirmatur* quia omnes istæ qualitates per se & ab intrinseco sunt sensibiles, non vt sensibile commune aut per accidens, ergo vt sensibile proprium tactus, nec enim ad alium sensum spectant, ergo sunt immediate & per se sensibiles, licet inter illas sint aliquæ principales alijs, sicut inter colores, omnes sunt æquē primò visibiles, licet quidam efficacius & vni ius moueant, & principales sint. Et sic dicit D. Thom. quod omnia ista possunt dici, quod pertineant ad eandem potentiam, quatenus sub eodem genere continentur, licet innominatum sicut etiam si solam cōtrarietatem frigidi & calidi sentiret, attingeret

geret illas, ut conveniunt in aliquo genere innominato tangibili.

Vnde patet ad rationes dubitandi. Ad primam dicitur, quod licet contrarietates secundæ oriuntur ex primis quantum ad mixtionem physicam, in ratione tamen obiecti tangibilis per se habent suam formalitatem obiectivam, sicut etiam colores medij oriuntur ex extremis physicè, & inesse qualitatis, habent tamen suam rationem formalem visibilis, non minus quam colores extremi. *Et quod dicitur*, organum tactus non constare ex omnibus illis contrarietatibus. *Respondetur*, non constare ex omnibus formaliter, bene tamen virtualiter & eminenter, quatenus ad omnes habet virtutem & potentiam. Non est autem necesse, quod organum habeat actu id, quod sentit, sed solum in potentia, imò debet carere illa, ut satis supra dictum est.

Ad secundam probatorem dicitur: Quod plura obiecta pertinent ad unam potentiam ordinatè, quatenus sub una ratione formaliter uniantur, non quia necesse sit unum mediante alio cognosci, sicut omnes colores mediante luce, omnia tangibilia mediante proportionem temperamenti, quæ est ratio illa generica innominata.

Ad tertiam respondetur. Quod etiam in istis secundis qualitatibus requiritur realis immutatio organi tactus, sed non eodem modo, nam in agendo & immutando realiter non est inconueniens, quod dependeat à primis tanquam à prioribus dispositionibus in genere physico, sicut etiam ipsæ potentie sensitivæ utuntur instrumentaliter istis primis qualitatibus calido & frigido, &c. ad suas operationes. Cæterum in immutatione intentionali, & in constituenda ratione obiectiva, non dependent secundæ qualitates tangibiles à primis, sed per se sunt obiecta tactus, licet ad alterandum physicè, dispositiue dependeat à primis qualitatibus tanquam à conditione requisita, ut sentiantur.

Circa secundum punctum, an tactus solum
Part III. Phys.

possit percipere qualitates excessivas. *Communis responsio est*, solum illas posse sentiri, ut tradit Philosophus. *hoc 2. lib. text. 118.* ubi inquit: *Calidum & frigidum, durum & molle non sentimus sed excellentias tanquam sensu, velut medietate quadam existente eius, quæ in sensibilibus est contrarietatis.* Subscribit ibi S. Doctor lect. 23. dicens: *Organum tactus non sentit illam qualitatem secundum quam est in actu, non enim sentimus id, quod est calidum aut frigidum, durum aut molle, secundum illum modum quo hæc insunt organo tactui, sed sentimus excellentias tangibiles.* Ita D. Thom. quem communiter sequuntur Authores. Caietan. *super illum textum*, & Flandr. Carmelit. *hic disput. 14. quest. 2.* aliique plures. *Et ratio est*; quia sensus debet esse in potentia ad suum sensibile, & non actu habere illud, si enim actu habet, prohibetur sentire extraneum, eò quod sensus debet pati à suo sensibili, & sic non habere actu illud in ea ratione, in qua sentiri potest: quod præcipue urget in tactu, qui debet immutari à suo sensibili non solum intentionali immutatione, sed etiam reali, & per contactum alterativum, ergo organum tactus non solum debet carere intentionali specie sui sensibilis, sed etiam reali ipsa, physica qualitate, quam sentit, siquidem pati debet ab ipsa, reali & physica passione, & consequenter actu non habere illam in esse reali. Cum ergo tactus habeat in se aliquid frigoris & caloris, cæterarumque contrarietatum, quia in se formaliter est mixtum, & tangibile ab alio tactu, necesse est, quod non sentiat illum calorem, vel frigus, quod habet, & consequenter neque inferioris gradus, quia hoc etiam habet, sed solum excedens, quia ab hoc solum immutari potest, alias si posset sentire calorem, quem actu habet, semper esset in continuo tactu. Attestari quoque videtur experientia, quia manus nimis calida minorem calorem non discernit, neque æqualem, ergo signum est solum posse sentiri qualitatem excedentem.

Bb

Con-

Contra hoc tamen obijciunt aliqui Auctores oppositi non sentia argumenta. Primum, ab experientia, quia vna manus sentit alteram manum, & pes pedem, licet sint eiusdem temperamenti. Ergo non solum sentiuntur qualitates excessiue, sed etiam recales, vel minores. Secundum: Quia quolibet qualitas tangibilis, quantumcunque remissa & tepida, est cognoscibilis per tactum, & de facto cognoscitur, cum possit esse nocua, vel proficua animali, & causet dolorem vel voluptatem, sed nullus tactus habet qualitatem ita remissam in quocunque gradu, in quo potest sentiri, quia temperamentum tactus debet habere vigorem & determinatum gradum qualitatum, ergo si solum possunt sentiri qualitates excedentes, qualitas remissa infra illum gradum non esset sensibili, quia non est potentia, quæ illam sentire possit. Et confirmatur, quia calor vehemens immittit calorem secundum omnes gradus quos habet, & non solum secundum excellentiores, cum sit agens naturale, quod agit secundum omnes, ergo etiam tactus debet omnes illos sentire, cum naturaliter, & sine præcisione sentiat, ergo non solum excellentiores, sed etiam inferiores debet sentire.

Tertio instantur rationes factæ pro nostra sententia, nam quod sensus debeat esse in potentia ad sensibile, solum requiritur quod sit in potentia intentionali, non reali, ergo bene stat quod sensus possit immutari intentionaliter à qualitate remissa, licet non possit physica immutatione immutari, nisi ab excedente, aliàs si deberet organum tactus esse in potentia ad omnes qualitates tangibiles, omnibus carere deberet, quod est impossibile cum sit mixtum ex illis, ergo poterit immutari ab aliquibus, licet habeat illas. Et vrget hoc Murcia 2. de anima disput. 10. quæstione 2. quia qualitates secundæ non actiue, solum intentionaliter possunt immutare potentiam, ergo percipientur tactu, licet sint remissæ, sicut manus mollis potest sentire minorem alterius

mollitudinem. Idem argumentum fit de gustu, qui non caret omni sapore in seipso, nam linguam si manducet quis, saporem in ea inuenit, ut quotidie experientia ipsa monstrat in his, quæ comedunt linguas aliorum animalium.

Ad primum respondetur, quod quando duæ manus, vel aliæ partes eiusdem temperamenti se tangunt, non sentiunt in illa ratione temperamenti, in qua conueniunt, sed in alia, v. g. si sunt eiusdem temperamenti calidi, sentient se in siccitate vel humiditate, aut mollitudine aut asperitate, & denique in eo, in quo non omnino conueniunt, sed ubi sit aliquis excessus.

Ad secundum respondetur, qualitates remissas etiam esse sensibiles dupliciter, primo indirectè quia videlicet qualitas remissa est coniuncta oppositæ magis intensæ, & sentiendo illam, indirectè sentitur remissa & tepida, sicut si calidum ut duo, applicatur tactui habenti calorem ut quatuor, non sentitur directè calor, sed si illud calidum ut duo habet frigus oppositum adiunctum, illud sentitur directè & ratione illius etiam calor ille minor sentitur, quatenus temperans frigidum; quod si nihil habuerit de frigido, vel alijs qualitibus temperantibus, vel temperatis à calore, non sentietur calor sed hoc erit per accidens. Secundò sentiri potest qualitas remissa directè, sed non à quolibet tactu, sed ab illo qui in suo temperamento habuerit similem qualitatem in minori gradu, ut si tactus habet calorem ut quatuor, non sentiet calorem ut duo, si tamen calor tactus magis temperetur, & reducatur ad minus quam ut duo, sentiet illum, & idem erit de frigore & alijs qualitibus, eò quod nec omnes tactus sunt eiusdem temperamenti, nec idem est semper in eodem statu qualitatis, sed potest crescere aut decrescere, & sic constitui in statu, quo sentiat qualitatem valde remissam. Quod si qualitas ita remissa sit, quod infra illam non possit reperiri temperamentum tactus, illa pro tali statu non erit

erit tangibilis directè, sed indirectè ut dictum est, sed hoc est per accidens, per se enim & ex ratione propria tangibilis est quælibet qualitas, licet non pro omni statu, nec omni modo.

Si infles, sequi quòd tactus nunquam posset percipere voluptatem & delectationem, quia hæc consistit in eo quòd percipiantur res proportionatæ tactui, dolor verò in eo quòd exuperantia illius proportionis attingantur, ut S. Thom. docet in *additionibus*, *quæst. 86. art. 3. ad 3. Respondetur*, dolorem non consistere in quacunque exuperantia, sed in illa quæ dissoluit organum & lædit, vel speciem talis dissolutionis imprimit; voluptas autem in proportionem sic superante qualitates tactus in agendo quod non superet in dissoluendo, sed rursus à tactu repatiatur, & ipsam proportionem in suo temperamento conferuet & foueat, non tamē debet esse omninò mathematica proportio & æqualis, sic enim nihil omninò ager. Potest etiam contingere voluptas per informationem speciei rei tangibilis omninò proportionatæ & conuenientis quoad vnā qualitatem, agendo tamen alteratiuè per aliam, in qua modicè vineat qualitatem sibi oppositam in tactu. In beatis autem erit tactus conuenientissimus sine alteratione per solam speciem proportionati tangibilis.

Ad Confirmationem respondetur, quòd calor vehemens, omnium graduum caloris speciem mittit sed per modum vnus, non quemlibet gradum seorsum, & de rota illa intensione sensus tactus sentit exuperantiam & excessum, gradus verò ibi inferiores, aut æquales sentire non potest, quia non repræsentantur seorsum ab intensioribus, sed ut facientes vnum cum illis, si enim seorsum sentirentur remissi, illi qui restarent, non sentirentur ut intensi. Ut ergo faciunt vnum intensum, sic sentiuntur per modum vnus, non ut seorsum quilibet remissus est, & sic ut remissi, non sentiuntur in illo calore.

Ad tertium respondetur, quòd sensus directè est in potentia ad immutationem obiecti intentionalem, sed ad hoc requiritur tanquam necessaria conditio, quod careat illa reali qualitate, cuius intentionalem immutationem sentit, ut diximus *quæstione 5. art. 4.* si enim habet sensus reales illas qualitates, non est aptus ad recipiendas earum species, sed emittendas, quia obiectum natū est species emittere, unde per tale obiectum non potest recipere species similes illi, quia diuersa semper esse debet dispositio emittentis species & recipientis. Quòd si sensus recipit species non in quantum habet realem qualitatem illam, sed ut est in potentia ad intentiones eius recipiendas, licet ex alia parte habeat actu qualitatem realem, ex hoc sequitur, quod habere qualitatem realem non per se conducit ad recipiendas species eius, sed esse in potentia & carentia illius, tunc autem melius est in potentia, cum caret forma, ergo habere illam nonnullum impedimentum est ad recipiendas species, quia minus est in potentia ad illas; quod verò etiam sit totale impedimentum ostendimus citato loco. Specialiter verò in sensu tactus, quia ad percipiendum obiectum indiget etiam reali alteratione qualitatis tangibilis. saltem cōnaturaliter loquendo, ideo oportet quod etiam careat illa qualitate reali secundum quam physicè immutari debet, & ita à remissa qualitate non poterit fieri sensatio, si tactus habet illam realiter in æquali vel maiori gradu.

Et cum sit instantia, quòd hac ratione carebit tactus omni qualitate tangibili reali, quia omnes sentire potest. *Respondetur*, quod solum carere debet qualitatibus excessiuis seu extremis, quas sentire potest, non temperatis secundum quas sentire potest; quòd si temperamentum istud varietur in minus, tunc etiam remissiorem qualitatem sentire poterit, quæ possit agere illud temperamentum remissum. Vnde S. Thomas 2. *de anima*, *lectione 23.* dicit:

Tactum excipi ab illa regula, quod sensus debet carere qualitate sui obiecti, eò quòd in se est quoddam mixtum & conflatum ex ipsis qualitatibus tangibilibus, sed verificatur, quod debeat carere excellentia illarum qualitatium, quam solum sentit, quia consistit in quodam medio. Ad id vero, quod vrgetur de qualitatibus secundis, quæ non sunt actiue, Respondetur, in primis hoc non esse certum, nam mollia mollicant, & dura comprimunt, licet lentiori modo agant quam qualitates primæ. Deinde sufficit, quod agant mediantibus primis nò solum introducuntibus formas sibi similes, sed etiam disponentibus ad qualitates illas medias producendas, sed dependenter à primis. Et manus sentit minorem alterius mollitudinem indirectè ratione asperitatis adiunctæ.

Ad vltimum dicitur, quòd lingua vt organum sentiens est, non habet saporem, sed si illum accipit, est quia remouetur à sua naturali dispositione, vt cum lingua febricitantis repletur humore amaro. Si verò comeditur lingua, habet saporem, sed tunc iam non est organum sentiendi, sed caro mortua & abscissa ab alijs partibus, ideoq; sicut alia obiecta sapida, suum saporem habet. Et idem est de odore respectu narium.

Circa tertium punctum, scilicet an tactus sentiat qualitatem tangibilis còiuncti, vel eam quam emittit in sensorium tactus? Respondetur ex dictis, *quest. 1. art. 6.* supponendo sensum tactus, quia verè sentit, requirere species intentionales sui obiecti, & quia valde naturalis est, requirere alterationem physicam propter coniunctionem qualitatum tangibilium, quæ naturaliter alteratione sunt, nisi alteratio ipsa impediatur, sicut post diem iudicii impiedetur cessante motu cœli, à quo omnes alterationes per se pendunt. Vnde alteratio physica non per se exigitur & essentialiter ad sensationem tactus, sed solum ob connaturalē ordinem corporum se tangentium cum qualitatibus alterationis, vnde in igne inferni cessabit alteratio physica in corpora damnatorum, alias

corrumperet illa, & tamen erit tactus acerrimus, vt docet S. Thom. in addit. q. 86. art. 3. Per se autem requiritur informatio intentionalis; quia tactus verè cognoscitiuus est, & sic requirit necessariò, quòd informetur ab obiecto modo cognoscibili & intentionali, & non solū modo entitatiuo; sic enim etiam informantur inanimata à formis suis, non vt representatiue fiant obiecta sua, sed vt ex forma & subiecto fiat aliquid naturale, & constituatur aliquod tertium entitatiue.

His suppositis respondetur dubio, quòd organum sensus tactus non sentit id, quod sibi immediatè inhæret in ipso neruo sensorio, nec qualitatem realem in eo productam, sed qualitatem ipsius obiecti tangibilis, vt tamen communicata carni, & mediante carne intentionaliter communicatam ipsi neruo sentienti. *Constat hoc*, quia cum tangibile debeat esse realiter approximatum ipsi sentienti, & per carnem communicatur qualitas tangibilis, illa quæ est in carne immediatius sentietur, & mediante illa, etiam ea quæ est in ipso tangibili externo. Quod si tangibile non alteret physicè, vt in corporibus damnatis sentietur qualitas ipsa existens in tangibili, & tantò fortius, quantò magis ignis inferni interiora omnia occupabit, & per poros se intus miscebit, nec tamen qualitatem realem imprimeret, sed intentionalem in sensum. Qualitas verò realis posita supra ipsum neruum immediatè non sentitur, licet vna pars possit alteram sibi viciniorē alterationem sentire, vt loco citato diximus, ita vt nunquam vna pars qualitatem sibi immediatè inhærentem sentiat. In quo etiam conuenit P. Suar. lib. 3. de anim. c. 26. conclus. 1.

Obijcies, si caput animalis tangeret immediatè solem, calefieret ab ipso nò minus, quam calefit aer, & tamen nò sentiret calorem qui est in sole, quia sol caret illo, ergo calorem sibi inhærentem. *Secundò sequitur*, quòd nunquam possit sentire calorem, vt octo, quia hic non potest communicari

ab igne ipsi carni, nisi corrumpendo illam, calor enim ut octo solum est cum igne, ergo si alteratio physica requiritur ad sensationem actus, requireretur alteratio caloris ut octo, ad sentiendum calorem ut octo: hæc autem alteratio caloris ut octo, non est extra ignem. *Tertio*, ardor febris non minus sentitur, quam qualitas, quæ est in tangibili externo, hæc autem afficit etiam ipsum neruum, sicut & frigiditas contractiua neruorum ipsos afficit, & sentitur ab eis. *Denique*, immutatio intentionalis à qualitate tangibili fit in instanti, cum careat contrario, immutatio verò physica fit successiue, cum fiat motu alterationis. Ergo ante alterationem physicam iam est facta immutatio intentionalis, & consequenter sensatio ipsa.

Ad primum Respond. Quod in illo calu, quod non sit corpus medium inter solem, & animal, sentiet calorem, non qui est in sole, sed in ipso animali, non tamen immediate positum supra neruum sed positum in carne capitis, quæ immediatior est soli, quam neruus, & ita immediatius afficitur calore, sicut & sanguis, qui tunc effervesceret ab illa actione solis, & ita non sentitur aliquid immediate positum supra organum, sed super medium illius, quod est caro.

Ad secundum dicitur: Quod etiam calor ut octo, potest sentiri, non solum qui est in ipso igne, sed qui communicatur carni antequam neruo, communicatur autem

carni comburendo illam, & sic cum incipit comburi, incipit quoque diffundi species caloris ut octo ad sensum, & fit acerrimus dolor, ut enim species transeat ad neruum, non requiritur, quod alteratio fiat in ipsomet neruo, sed sufficit, quod in ipsa carne ei coniuncta. In corporibus autem damnatis ignis applicatus carni sine alteratione physica, & combustionem, speciem caloris ut octo immitteret in neruum, & præsertim quia ignis ille ut diximus, etiam intra corpus ingreditur per poros.

Ad tertium dicitur: Calorem febris præcipue sentiri in ipso feruore sanguinis, & spirituum, ubi inharet immo dicus ille calor, sanguis autem est quid distinctum à neruo, licet illi coniunctum sicut caro. Cum autem neruus contrahitur à frigore, prius illud frigus transit per carnem, & inde potest species emittere, quibus sentiatur. Ipsa autem contractio neruorum, quæ est effectus frigoris dolorem causat non tamen sentitur ab illa parte in qua immediate est, sed à viciniore, à qua immutatur intentionaliter.

Ad vltimum Respond. Quod immutatio intentionalis in istis sensibus crassioribus licet non habeat contrarium, habet tamen dependentiam à motu alterationis, vel locali, & ad modum eius generatur, & ideo non fit in instanti, sicut in visu, cuius species à tali motu non dependent, ut supra agendo de sono diximus.

Q V Æ S T I O VIII.

De sensibus internis.

ARTICVLVS I.

Vtrum dentur sensus interni, & quot sint?

Dari sensus aliquos internos probauit Sanctus Thom. 2. p. q. 78. art. 4. ex eo

quod animalia cognoscunt res in absentia & non solum in presentia. alioquin non moueretur animal ad querendum aliquid abiens, sicut videmus moueri ad querendum cibum, vel potum, vel filios, & similiter

memoriam habent rei præteritæ, quia reuertuntur ad eadem loca, v. g. ad eosdem nidos, passus, &c. Res autem absentes nõ percipiuntur à sensibus externis, qui solum cognoscunt immutationes obiectorum. Denique somniare non solum homines, sed etiam alia animalia quæ memoriam habent, experienciâ compertum est, & affirmat Aristot. in 4. de hist. animalium cap. 10. quia canes etiam per quietem latrare constat. Somnium autem non potest esse actus sensus externi, quia tunc dormiunt, neque intellectus, quia alligatur in somno, ergo pertinet ad aliquem sensum internum.

Cum ergo de quæstione an est circa sensus internos dubitari non possit, restat inquirere circa eorum numerum, quidditatem, & species tam impressas, quàm expressas, & actus. Et primo occurrit de numero talium sensuum quot sint. Solent autem significari sensus interni aliquot nominibus explicantibus eorum officia, & munia sicut sunt sensus communis, phantasia seu imaginatiua, estimatiua, seu cogitatiua, memoria, & reminiscencia. Est autem difficultas in duobus. Primum in explicando cuiuslibet sensus officia. Secundum, an sint ita distincta, quod requirant plures potentias distinctas realiter, & quot debeant poni.

Circa primum, occurrit in primis sensus communis, de quo constat apud omnes Philosoph. debere poni vt docet Aristot. lib. de somno & vigilia cap. 2. & 3. de anima text. 136. & S. Thom. ibi lect. 3. & 1. p. quæst. 78. artic. 4. & quæst. de anima artic. 13. Necessitas autem & proprium munus huius potentie est, tum vt possit fieri comparatio & discretio inter sensibilia à diuersis sensibus externis cognita, v. g. inter colorem & sonum, vel saporem, &c. Hæc enim discerni non possunt à sensu aliquo externo; quia vnus sensus externus non potest cognoscere aliquid de obiecto alterius, & consequenter neque iudicare de conuenientia, vel differentia illorum inter se, sed oportet po-

nere potentiam altiore omnibus, quæ de omnibus illis sensibilibus iudicet. Nec per omnes potentias sensuum externorum cōiunctim sumptas potest hoc iudicium formari, cum à nulla seorsum exeat actus, qui aliquid de obiecto alterius attingat; ab omnibus autem simul nullus actus exit. Secundo ponitur specialiter sensus communis; vt possit fieri supra ipsos actus sensuum externorum reflexio, nam sensus ipsi reflectere non possunt supra se, quia restringuntur ad sua obiecta directa à quibus specificantur, ergo vt cognoscantur actus ipsorum sensuum, v. g. vt quis cognoscat non solum colorem, sed se videre colorem, necesse est recurrere ad potentiam superiorem, quæ tales actus cognoscat, & hæc est sensus communis. Denique ponitur sensus communis vt ab eo administretur virtus, id est spiritus animales & influxus ad omnes sensus externos, eò quod omnes radicanter in cerebro, & nerui eorum vniuntur & terminantur in fronte vbi sedem habet sensus communis, vt postea dicetur, ergo deseruit sensus communis vt sit origo & principium distribuendi spiritus animales alijs sensibus.

Secundo loco est phantasia, seu imaginatiua. Deseruit primo ad retinendas species à sensu communi haustas, ideoque pro illis speciebus habet vim memoriæ, & cognoscit res in absentia, vt S. Thom. docet 1. p. quæst. 78. artic. 4. Secundo ad componendas formas varias inter se sicut ex specie montis, & specie auri format speciem montis aurei, quod propriè pertinet ad imaginationem, vt docet S. Th. 1. p. q. 12. artic. 9. de quo dicemus amplius infra & artic. sequenti.

Tertio loco ponitur estimatiua. Ad hanc pertinet cognoscere non solum sensibilia externa, sed etiam intentiones quasdam, quæ sensu externo non percipiuntur, & ideo vocantur insensatæ, quia ultra sensus externos cognitæ; v. g. amicitiam, rationem vtilis & nociui, quæ sensus externus nõ percipit, sicut ovis fugit lupum non quia talis coloris,

coloris, vel figure fit, sed quia sibi inimicus, & aus colligit paleam, non quia habet talem colorem, vel tactum, sed quia utilis est ad nidificandum. Et pro istis intentionibus percipiendis ponitur æstimatoria, vt docet S. Thom. 1. p. quest. 73. art. 4. & q. de anima art. 3. in corpore.

Quarto loco ponitur memoria, id est potentia conseruatiua & retentiua ipsarum specierum non sensatarum seu intentionū. Et requiritur specialiter memoria pro istis intentionibus seu speciebus conseruandis, quia vt inquit S. Thom. citato loco. parit, principium memorandi in animalibus oritur ex aliqua huiusmodi intentione, v. g. ex aliqua ratione nociui, vel conuenientis & similium. Inde enim mouetur animal ad rememorandum de aliquo, quod ante cognouit, & ideo oportet quod detur aliqua potentia ad conseruandum species istas insensatas, & hæc est memoria.

Quinto loco est cogitativa & reminiscentia, quæ specialiter ponitur in homine, quia vitur aliquo discursu & collatione circa istas intentiones, & circa modum recordandi earum. Vnde id, quod est æstimatoria in brutis, quæ naturali instinctu formant illas intentiones insensatas, in homine dicitur cogitativa, quia cum aliqua collatione, & discursu cogitat & format dictas intentiones, eo quod istæ potentie ex conjunctione ad intellectum, modum quandam discursuum participant. Similiter memoria in hominibus non fit semper per simplicem aut subitam recordationem, sed cum quadam collatione, & inquirendo ex vno ad aliud, quousque deuenimus ad id, quod volumus recordari, & hoc dicitur reminiscentia, quia non simpliciter recordamur, sed cogitando & inquirendo.

Circa secundum, maior est difficultas & diuersitas sententiarum inter auctores. Nam quidam posuerunt esse quinque sensus interiores sicut exteriores, nempe sensum communem, imaginatiuam, phantasi-

componentem & diuidentem, æstimatoriam, & memoriam. Quam sententiam tribuit Auicennæ D. Thom. 1. p. q. 78. art. 2. & tribuitur etiam Alberto Magno 2. de anima tract. 4. cap. 7. quamuis phantasiam componentem & diuidentem ponat ibi post æstimatoriam, quia potest homo componere tam species sensatas, quam insensatas. *Secunda sententia* ponit quatuor potentias realiter distinctas, scilicet duas pro speciebus sensatis, & alias duas pro insensatis, eo quod isti modi cognoscendi sensata, vel insensata de se fundant diuersas potentias propter diuersum & abstractionem modum cognoscendi in intentionibus insensatis, quam sensatis. Et in quolibet ordine istorum datur duplex potentia, altera bene apprehensiuæ, altera bene retentiua, licet etiam cognoscitiua sit, eo quod in potentijs materialibus exiguntur diuersa temperamenta ad retinendum, vel ad apprehendendum, eo quod humidiora facilius recipiunt, & sicciora melius retinent. Pro speciebus ergo sensatis seruiunt sensus communis ad apprehendendum in præsentia obiectorum, imaginatiua autem ad conseruandum & cognoscendum res in absentia. Pro speciebus autem insensatis seruiunt æstimatoria ad apprehendendum insensata, vt inimicitiam & amicitiam in præsentia obiecti, memoria autem ad conseruandum, & cognoscendum in absentia. Cogitativa autem & reminiscentia non constituunt diuersas potentias, sed ad æstimatoriam & memoriam pertinent, prout habent adiunctam perfectionem discursus ex conjunctione ad intellectum. Ita Diu. Thom. 1. p. quest. 78. artic. 4. quem communiter sequuntur eius interpretes.

Tertia sententia, constituit tres potentias in sensibus interioribus, scil. phantasiam, quam cum sensu communi confundit, vim iudicatiuam, & memoriam. Hæc à Conimb. 2. de anim. cap. 3 q. 1. art. 1. attribuitur Galen. D. Greg. Nisseno. Damasceno, & Nemesio. Eam etiam aliquibus iunioribus tribuit

Bañez

Bañez citato loco I. partu dubio 1. qui tamen æstimatoriam nõ distinguunt à phantasia, seu imaginatiua, & deinde ponunt sensum communem & memoriam.

Quarta sententia tantum duas potentias interiores constituit, scilicet sensum communem qui apprehendit & iudicat de omnibus sensibilibus externis, & phantasia quæ seruit pro speciebus sensatis & insensatis apprehendendis retinendis, & comparandis. Ita Fonseca 5. *Metaphys. capit. 28. questione 7. sect. 3.* Conimb. citato loco art. 3.

Quinta sententia ponit vnicam potentiam, quæ omnia ista munera exercent, sensataque & insensata obiecta apprehendat, retineat, & componat. Ita Pater Suarez libro tertio de anima capit. 30. numero 15. & 18. Vbi nec realiter, nec formaliter dicit distinguere has potentias, sed solum penes diuersos actus, sicut nec intellectus distinguitur per hoc, quod sit practicus, vel speculatiuus ratio & memoria, &c. Et hoc conatur probare ex Aristotele libro de memoria, & reminiscencia capitulo primo. Vbi phantasia & memoriam dicit esse eandem potentiam, & lib. de somnijs cap. 1. potentiam imaginandi dicit esse eandem cum sensu, vtique communi. Et sic Caiet. 2. de anima cap. 15. docet ex Phil. non constare, quod sint tres potentia realiter distinctæ, sed operationes.

Nihilominus sententia D. Thom. defendenda est, scilicet dari quatuor sensus interiores realiter distinctos. Hoc enim aperte tradit 1. p. quest. 78. art. 4. & questione de anima art. 13. Et in illo met loco qui citatur à Suarez lib. de memoria & reminiscencia lect. 2. cum obijceret D. Thom. quod posset videri ex his quæ ibi Phil. dicit, quod phantasia & memoria non sint distinctæ potentia à sensu communi, respondet diuersas esse potentias, quia necesse est ad diuersas potentias pertinere receptionem formarum sensibilibus, quod pertinet ad sensum, & conseruationem earum, quod pertinet ad

phantasiam, seu imaginationem. Similiter etiam ad aliud principium pertinet recipere formam, & conseruare receptam per sensum, & intentionem aliquam per sensum non apprehensam, quam æstimatoria vis percipit etiam in alijs animalibus; vis autem memoratiua retinet, cuius est memorari rem non absolute, sed prout est in præterito apprehensa. Subdit autem quod sensus communis est radix phantasia, quæ præsupponit actum sensus communis. Et sic soluitur authoritas Phil. quod imaginatio attribuitur sensui realiter.

Fundamentum sententia D. Thom. manifestum est; quia sumit distinctionem istarum potentiarum interiorum ab eo, quod maximè conaturale est & proprium distinctioni potentiarum materialium, scilicet ex distincta ratione formali obiecti & ex distinctione organi materialis, in quo potentia resident. Ex parte quidem obiecti sumitur diuersitas, quia datur abstractior & eleuator modus cognoscendi in vno sensu interiori, quam in alio, quod sufficit ad distinguendum cognitiones in specie & consequenter proxima & immediata earum principia, in rebus autem sensitiuis non sunt alia principia istorum actuum, nisi potentia, cum hic non habeat locum diuersitas habituum, sicut in intellectu; nec potentia potest esse ita eleuata, vt eminentiam habeat ad tam varios actus distinctæ speciei & abstractioris immaterialitatis. Et confirm. quia in sensibus externis distinctio potentiarum fit penes motionem magis vel minus spiritualem obiectorum sicut visibile immaterialius mouet, quam gustabile & odorabile, ergo similiter in sensibus interioribus ponetur distinctio actuum & potentiarum penes immutationem magis, vel minus immaterialem & abstractam.

Dari autem istam diuersam abstractionem constat, quia intentiones insensatae sunt abstractiores quam sensatae, quia intentiones istæ non solum repræsentant rem, vt conue-

conuenientem vel disconuenientem sensui, à quo res percipitur. sicut aliqui colores contristant visum, alij delectant, similiter sapores, sed etiam vt conuenientem, vel disconuenientem sibi naturæ, eiusque conseruationi, aut propagationi, sicut ouis non solum cognoscit in lupo colorem vel figuram, vt disconuenientem sensui visus, vel tactus. sed sentit in lupo disconuenientiam suæ naturæ, & avis colligit paleam, non quia utilis, aut delectabilis est gustui, vel visui, sed quia utilis est ad nidificandum pro sui conseruatione & prolis vt aduertit S. Thom. 1. parte quest. 78. artic. 4. ergo aliquod aliud motuum datur in istis intentionibus & abstractioni modo procedunt, quam obiecta ipsa sensibilia secundum se, ergo exigunt aliud principium, siquidem conuenientia illa, vel disconuenientia ipsi naturæ aut conseruationi eius nullo sensu externo repræsentatur, & excellentior est. & vniuersalior quàm conuenientia vel disconuenientia ad quemlibet sensum particularem, ergo exigit altiore potentiam, quam illam quæ solum iudicat de ipsis sensibilibus, & conuenientia particulari illorum.

Vtius verò ipsæ potentie apprehensuæ distingui debent iuxta diuersitatem organorum, quia ad retinendum, & conseruandum requiritur distincta dispositio organi, quam ad recipiendum tantum sine retentione, quia quæ sunt humidæ dispositionis facile recipiunt, sed non retinent, ipsa enim humiditate, & molliæ facile dissipatur, quod impressum est. Quæ autem sicciora sunt, non ita facile recipiunt, sed semel recepta valde retinent, & difficile amittunt. Quæ autem de utroque participant de humiditate & siccitate, iuxta id quod prædominatur de siccitate, vel humiditate aut facilius recipiunt, aut facilius retinent; & ita potentie illæ, quæ per se principalius ordinantur ad retinendum & conseruandum, siccioris temperamenti esse debent, quæ verò non nisi ad apprehenden-

dum ordinantur, humidioris temperamenti esse debent, & ita oportet quod organa diuersa sint: potentie autem materiales quæ à dispositione organorum dependent, quando ordinantur ad diuersos actus requirentes diuersa organa, etiam potentie ipsæ diuersæ esse debent. Plura de his dicemus articulo sequenti.

Denique quod attinet ad cogitatiuam, & reminiscentiā, non oportet quod sint alie potentie ab æstimatoria & memoria, sed istæmet vt participant ex coniunctione ad intellectum aliquem modum discursus circa singularia, & ita solum inueniuntur in homine. Vnde non est necesse ponere in homine vnā potentiam æstimatoriam, quæ cognoscat res insensatas eo simplici modo quo bruta, id est per instinctum, & aliam, quæ discurrendo cognoscat eadem obiecta insensata, sed sufficit vna tantum potentia quæ res insensatas cognoscat cum illa collatione & discursu ex participatione intellectus, loco enim instinctus naturalis nobis seruit collatio, & ita non oportet ponere aliam potentiam, quæ ex instinctu, & non ex collatione possit æstimare; sicut quia appetitus sensitius in homine participat aliquid de libertate, non oportet ponere duos appetitus, alterum, qui cum aliqua libertate, alterum qui sine illa appetat.

Dices; species non recipi in organo, sed in ipsa potentia, vel in spiritibus animalibus, ij autem sicci non sunt, ipsa vero potentia ex sua propria ratione habet, quod sit magis vel minus retentiuā specierum. *Secundo* receptio specierum est intentionalis, & ita non requirit easdem condiciones ad diu retinendum, vel recipiendum, quas requirunt naturales formæ, & sic non sequitur requiri siccitatem ad melius retinendum species intentionales, ruitque fundamentum D. Th. *Tertio* adhuc in receptione rei naturalis non repugnat, aliquid esse ita temperatum, vt facile recipiat, & diu retineat sicut plumbum aut cera, cur ergo negabimus organis sensuum interiorum?

Ad 1. Respond. species non conseruari in spiritibus, sed in illis moueri & transmitti de vna potentia ad aliam, spiritus enim quia facile mouentur, aptissime ponuntur tanquam vehicula specierum: potentia autem quæ retinet & conseruat species, id facit ratione organi, & iuxta eius dispositionem; vnde dicimus homines siccioris complexionis diutius memoriter retinere, licet difficulter apprehendant, alios è conuerso; & ita complexio organorum, in quibus iste potentia reperiuntur, talem etiam debent habere complexionem, nec oppositum experientia monstrat.

Ad 2. Respond. receptionem & conseruationem specierum non esse intentionalem sed naturalem, conseruantur enim inhærendo, sicut reliqua accidentia in subiecto, in quo existunt, sicut species visibiles cum recipiuntur in aere dependent à luce diaphani, species soni cum motu produciuntur, & species odoris, vel tactus cum alteratione. Vnde non mirum, quod ad conseruandum istas species in esse qualitatis aliquæ dispositiones exigantur in subiecto, quia tunc pure naturaliter informant: quando verò potentia actu vtitur illis, tunc intentionaliter tantum actuant.

Ad 3. Respond. posse quidem inueniri illud temperamentum ex humido & sicco, & de facto etiam dari in sensibus interioribus, sed non sufficere pro potentijs sensitivis & memoratiuis, sed requiri quod prædominetur humidum pro apprehensivis, propter velocitatem, quam habent in apprehendendo, & ita requirunt facillimam impressionem, in memoratiuis autem debet prædominari siccitas propter diuturnitatem in retinendo: non potest autè vtraq; hæc prædominatio simul reperiri in eodem organo, sed in diuersis, vel in partibus ita diuersis, quod sint quasi diuersa organa. Plumbum autem non ita facile recipit, sicut retinet, & cera quando est liquefacta & facile recipit, non bene retinet, quando autem est durior è conuerso se habet.

SOLVUNTUR ARGV- MENTA.

Primo arguitur, ad probandum non dari sufficientem rationem ad constituendum sensum communem, ex eo quod debet iudicare de sensibilibus omnium sensuum externorum in eorum præsentia. Nam in primis ad hoc non requiritur specialis potentia, sed sufficit fieri hoc iudicium per oēs sensus externos simul, per quos informatur anima de omnibus sensibilibus. Deinde, quia ille sensus communis superadditus, vel iudicat de omnibus sensibilibus per vnam speciem, vel per diuersas. Si hoc secundum, poterit vnica potentia simul informari pluribus speciebus & actibus, quod D. Thom. etiam intellectui denegat: imò illæ diuersæ species non repræsentant sensibilia comparatiuè, sed absolutè vnumquodque in se, quia eo modo repræsentant, quo in sensibus externis, in quibus obiecta solum absolute repræsentantur, & non cum comparisonem vnius ad aliud, siue quantum ad differentiam, siue quantum ad conuenientiam. At quo ergo fit illa repræsentatio collatiua? Si primum dicatur, obstat quia non potest ab ipsis sensibilibus formari vnica species, nec enim obiecta ita diuersa, vt color & sonus & sapor possunt conuenire in vnam speciem naturaliter repræsentatiuam eorum. Nec etiam potest formari ex speciebus iam receptis in ipsis sensibus externis, quia istæ non habent perfectionem & vim producendi speciem adeo eminentem & superiorem, quæ omnes illas contineat, nec enim possunt aliquid excellentius producere quam sint in se. Et eadem ratione proportionaliter applicata probatur, quod nec possit pluribus actibus, neque vnico illa potentia omnia sensibilia discernere.

Confirm. nam etiam sensus communis potest in absentia cognoscere, quia etiam in somnio sensus communis cognoscit & iudicat ea, quæ videt somnia esse, vt docet S. Th. 1. 2. q. 84. art. 8. ad 2. in somnio autem non videntur

dentur res præsentes, quia sensus externi sunt impediti. Et similiter *1. part. quest. 78. art. 4. ad 6.* dicit D. Tho. esse commune omnibus sensibilibus interioribus, videre in similitudine in absentia corporum, ergo si sensus communis etiam in absentia cognoscit, non est necesse ponere ipsum ut potentiam distinctam à phantasia, solum ad hoc, ut iudicet in præsentia sensibilibus.

Respond. negando antecedens. Ad 1. probat. dicitur ex Aristot. in hoc lib. 3. text. 146. & D. Thom. ibi lect. 3. quod est impossibile, quod aliquis discernat vnum sensibile ab alio, v. g. album à dulci ex eo soluin, quod vnumquodque per distinctas potentias apprehendat, non enim potest anima iudicare de utroque sensibili nisi cognoscendo id in quo conueniunt & differunt: potentia autem externæ ita attingunt sua obiecta absolute, quod nullo modo comparatiuè, quia nihil de alio obiecto, cui fit comparatio attingunt, sicut visus ita specificatur & limitatur ad colorem, quod nihil attingit de sono vel sapore, ergo non potest discernere quomodo conueniant vel differant inter se: & etiam illæ duæ potentia vel tres coniunctæ, non possunt comparatiuè cognoscere, quia non conferunt nec loquuntur inter se, sed vna quæque tendit ad suum obiectum absolute sine communicatione cum alia.

Ad 2. probat. dicitur in sensu communi recipi plures species, quæ ex omnibus sensibus externis terminantur ad sensum communem, & utitur illis sensus communis tãquam inadæquatis, repræsentantibusq; altiori modo, non solum obiectum in se, sed quod sit cognitum à sensu, seu actum ipsum sensus externi; non repugnat autem potentiam cognoscere plura simul inadæquata, quia sic sunt plura ut vnum non plura adæquata, quæ sunt plura ut plura, sicut visus simul informatur specie viridis, & albi, ut conueniunt in vno subiecto vel medio, sic sensus communis informatur specie coloris & soni, ut conueniunt in ratione sensibi-

lis, pertinentque ad idem subiectum cognoscens. Et eadem ratione cognoscit differentia istorum sensibilibus, non quia sibi repræsentatur ratio conuenientia & differentia, vel quia actu collatiuo, vel comparatiuo cognoscat & discurrat, sed per simplicem inspectionem, & cognitionem distinctam vnius, & alterius, differentias ipsas & conuenientias cognoscit, nec ad hoc amplius requiritur, quàm quod ipsa potentia habeat amplitudinem complectendi illa omnia obiecta. sic enim vnumquodque potest discernere ab alio intra illam latitudinem, sicut visus discernit omnes colores, & auditus omnes sonos, quia sunt obiecta proprii sensus, ut Sanct. Thom. docet *1. part. quest. 78. articulo 4. ad 2.* eodem modo sensus communis discernit omnia sensibilia non per comparisonem & collationem inter se, sed quia distinctè omnia illa cognoscit, sicut visus omnes colores inter quos discernit.

Ad confirmat. Respond. quod sensus communis non percipit res absentes ut absentes sunt, licet id quod in se est absens, apparenter possit proponi ut præsens ipsi sensui communi, & sic potest ab ipso cognosci. Et ita contingit in somnio, quod aliquando descendente sanguine ad ipsa organa sensuum exteriorum descendunt simul cum ipso species impressæ, quæ remanserunt in spiritibus vel sanguine, & sic videntur quasi si res ipsæ essent apparentes, eo quod ab ipsis organis sensuum exteriorum species ipsæ iterum ei aculantur ad sensum comunem, & immutant ipsum ad eum modum quo ipsimet sensus immutant sensum communem, quando actu percipiunt sua obiecta præsentia, non enim aliter sensus externi immutant sensum comunem, quam emittendo species ad ipsum. Quotiescumque ergo per commotionem spirituum, vel sanguinis emittuntur species à sensibus externis ad sensum communem, apparent illi res ut præsentes, etiam si ad extra præsentes non sint. Et hoc modo sæpè sunt præstigia etiam in vigilia & apparitiones in somno ut docet D. Thom. *1. part. quest.*

quest. iiii. art. 3. & in 2. dist. 8. q. 1. artic. 5. Videantur quæ dicemus infra art. 3.

Secundo arguitur, quia etiam sensus externus potest cognoscere actum suum, ergo ad id non indiget sensu communi. *Anteced. probat. ex D. Thom. quest. 10. de verit. artic. 9. ubi dicit Visus primo dirigitur in colorem, sed in actum visionis sue non dirigitur nisi per quandam reditionem, dum videndo colorem videt se videre. Et quest. 1. de verit. art. 9. sensus inquit, cognoscit se sentire. Id etiam affirmat Aristotel. 3. de anima cap. 2.* quia aliàs esset processus in infinitum, si nulla potentia perciperet suam sensationem, sed indigeret aliâ potentia ad id percipiendum. *Confirmat.* quia vt sensus communis percipiat tales operationes sensuum externorum, requiritur quod habeat species representantes illas: tales autem species non possunt formari ab ipsis obiectis, prout sunt extra, quia prout si nihil habent de ipso actu & sensatione sensus externi: nec possunt formari ab ipsis sensibus externis, quia si possunt emitte re speciem representantem suum actum, ergo iam cognoscunt illum, siquidem speciem eius formant.

Respond. D. Thom. in illis locis solum velle, quod sensus externus cognoscit suum actum per modum exercitii, & experientie actualis, non per modum perfectæ cognitionis, & quasi in actu signato, sic enim expresse docet Diu. Thom. quod non potest redire ad se sensus reditione completa; id est cognoscendo se perfecte, & ita *in prima par. question. 73. articuli. 4. ad 2.* affirmat quod sensus externus non potest videre suum, actum, sed indiget sensu communi. Ratione autem huius exercitii, quando sensus est in otio percipit se non sentire, id est non exercere sensationem experitur, non ipsum actum vt quod cognoscit. Et tristatur vel delectatur de sua cognitione non formaliter, id enim pertinet ad appetitum, sed obiectiue, quia de tali cognitione vt de obiecto, appetitus lætatur.

Ad Arist. dicitur, expresse in lib. de somno

*& vigilia cap. 2. lectione 3. apud Diu. Thom. affirmare, quod visus non videt se videre, sed sensu communi id sentimus. Vnde quando in 3. de anima dicit, quod sentimus nos videre, aut visu, aut alio sensu, non determinat quod visu, sed disputatiue procedit, deinde resolutiue concludit, quod eiusdem virtutis est videre colorem & visionem eius, & sic quod illa potentia qua videmus nos videre non est extranea à visu, sed ratione differt, quod est dicere illam potentiam, qua sentimus nos videre, id est sensum communem esse eiuidem generis, sed non eiuidem speciei cum sensu externo, vt sumitur ex D. Thom. *ibid. l. 1.* Nec illa ratio de processu in infinitum aliquid probat, quia in nobis sistitur in intellectu, qui aliarum potentiarum actus, & sui etiam cognoscit: in brutis autem sistimus in affirmatiua, & memoria, quæ aliarum potentiarum actus cognoscunt, affirmatiua autem non cognoscit actum suum præsentem vt quod, sed memoria potest recordari illius, vt præteriti, & ibi sistitur.*

Ad confirm. Respond. requiri speciem representantem actum sensus externi, sed non requiri, quod sit distincta à specie representante suum obiectum, prout cognitum à sensu. Licet enim obiectum exterius solum emitat ad sensum speciem representatiuam sui, tamen sensus externus cognoscens, emitte ad sensum communem speciem obiecti vt cogniti à se, nec ad hoc requiritur quod cognoscat actum suum, sed quod exerceat, & sic formet speciem obiecti exercite cogniti Vnde sensus communis informatus tali specie, non solum cognoscit obiectum, v.g. colorem sed etiam actum, v.g. visionem, quatenus apprehendit colorem visum.

Tertio arguit. ad probandum quod potentie interiores non debent distingui penes obiecta sensata, & insensata. Nam species insensata sunt illæ quæ representant non ipsas res sensibiles, sed conuenientias vel disconuenientias, sed ad illas representan-

can-

tandas sufficit phantasia, præsertim quia non possunt repræsentari tales intentiones, nisi etiam repræsentando res ipsas sensibiles in quibus existunt; ergo vna & eadem potentia potest seruire pro vtroque obiecto. *Antecedens probatur*, quia phantasia potest mouere appetitum, vt expresse probat *Phil. 3. de anima capit. 6. & 7.* appetitus autem non mouetur nisi à ratione conuenientis, vel disconuenientis, ergo illam apprehendit phantasia. Similiter æstimatiua non potest cognoscere illas intentiones insensatas in abstracto, sed in concreto, nam ouis cognoscendo lupum inimicum, non attingit inimicitiam in abstracto, & seorsum a lupo, sed iudicat in particulari hoc subiectum, scilicet lupum esse sibi inimicum, ergo necesse est quod non solum cognoscat inimicitiam, quæ est res insensata; sed etiam lupum, qui est res sensata: nec sufficit vnum cognosci ab vna potentia & aliud ab alia, quia iudicium de vtroque id est quod iste sit inimicus, procedit ab vna potentia, scilicet ab æstimatiua, ergo debet cognosci vtrumque extremum, & consequenter pro rebus sensatis & insensatis, non oportet diuidere potentias.

Confirm. nam vnus & idem appetitus sufficit ad tendendum in res sensatas, & insensatas, ergo eadem potentia sufficit ad apprehendendum illas. *Pater conseq.* quia appetitus conformatur apprehensioni, sicut mobile proprio mouenti; & sicut vnicus intellectus sufficit pro voluntate ad omnia, quæ voluntas potest appetere, ita vnica potentia apprehensiuæ pro appetitu.

Respond. quod species insensatæ, quæ pertinent ad æstimatiuam, non dicuntur tales, quia solum repræsentant rationem conuenientis, vel disconuenientis ad ipsummet sensum, quilibet enim sensus hoc habet, quod cognoscit conuenientiam vel disconuenientiam sui obiecti proprii, sed ponuntur species insensatæ ad repræsentandum conuenientias vel disconuenientias superiores, v.g. quod sit conueniens aut discon-

ueniens in ordine ad conseruationem naturæ vel proles, vt etiam aduertit S. Thom. 1. parte, q. 84. art. 4. Itaque lupus, v.g. potest habere rationem coloris conuenientis ad visum ouis, & disconuenientiam in ordine ad naturam & conseruationem propriam, & similiter palea videtur vt conuenientis coloris ad visum auis, & similiter vt conueniens ad fabricandum nidum, in quo se conseruet & prolem. Et prima conuenientia non requirit speciem in sensatam, quia quælibet potètia sensitiva sufficit ad apprehendendum conuenientiam talis sensus, sed secunda conuenientia constituit species insensatas. vt ibidem dicit Sanct. Thom. quatenus non solum attingitur conuenientia ad proprium sensum, sed ad alias utilitates, vt diximus. Cum autem Philosoph. docet appetitum moueri à phantasia, nomine phantasiæ vtitur tanquam nomine communi pro omnibus sensibus internis, quia cognoscunt secundum apparitiones (apparitionem significat phantasia) & sic non excludit æstimatiuam, quod aduertit D. Thom. 3. de anima lect. 16. in principio, sicut etiam communiter solemus dicere, quod intellectus conuertitur ad phantasmata, sumendo phantasma, non solum pro actu imaginatiuæ, sed etiam æstimatiuæ. Vnde etiam possumus dicere, quod appetitus mouetur à phantasia mediate, scilicet mediante æstimatiua.

Ad secundam partem anteceden. Respond. æstimatiuam non cognoscere species insensatas in abstracto sed in concreto, sed tamen ipsum subiectum in quo sunt, in concreto attingit sub altiori ratione, scilicet quatenus fundat illas intentiones insensatas quæ abstractiores & perfectiores sunt, quam rationes sensatæ: sicut etiam coloratum in concreto attingit visus, & sensus communis, sed iste sub altiori ratione, quam ille. Atque ita ipsum subiectum attractum ab vtraque potentia se habet, vt quid materiale, potestque sub diuersis rationibus formalibus pertinere ad diuersas

potentias. Nec tamen istæ potentia superfluunt, licet idem subiectum materiale attingant, quia sub diuersis rationibus formalibus procedunt, & sub diuersa cognoscibilitate attingunt, atque adeo diuersa obiecta simpliciter habent, & ipsæ res sub diuersis respectibus fundant hanc diuersam cognoscibilitatem.

Ad confirmat. Respondetur, in primis appetitum principaliter moueri ab æstimatiua apprehendente rationem conuenientis, vel disconuenientis ipsi naturæ, vt S. Thom. docet *3. de anime lection. 4. in fine*, appetitus autem est inclinatio totius naturæ, & sic mouetur proximè & immediate ab eo quod est conueniens naturæ, quod est intentio insensata, & apprehenditur ab æstimatiua. Mediatæ autem mouetur à phantasia, seu imaginatiua. Deinde etiam si dicamus, quod immediate mouetur ab imaginatiua, vt insinuat S. Thom. *prima parte, quæst. 81. articulo 3. ad 2.* tamen sicut est duplex potentia apprehensiuæ, ita est duplex appetitus sensitivus, scilicet irascibilis, & concupiscibilis, & irascibilis principaliter mouetur ab æstimatiua, vt ibidem docet Sanct. Thom. *articulo 2. ad 2. & quæstione 25. de veritate, artic. 2.* eo quod concupiscibilis magis mouetur secundum delectationem sensus, irascibilis autem etiam contra delectationem sensus mouetur ab arduo, & ab intentionibus insensatis, quæ instigant ad vindictam, seu iram.

Vltimò arguitur ad probandum, quod non recte distinguitur inter phantasiam, & sensum communem & æstimatiuam & memoriam; nam illa differentia benè recipiendi, & benè retinendi non infert distinctas potentias, sed sufficit distinctas partes organi ponere quarum vna sit humidior, alia siccior. Vnde & in cerebro solum tria organa reperiuntur quorum primum quod est in fronte seruit pro sensu communi & imaginatiua. Videtur etiam sufficere vnica dispositio ad bene recipiendum, & retinendum præsertim species intentionales, sicut

videmus aliquos esse bene apprehensiuos, & benè memoratiuos, & sicut videmus in speculo facile generari imaginem intentionalem & facile retineri. *Confirmat.* nam ratio præteriti ponitur inter species insensatas à D. Thom. *1. part. quæst. 78. artic. 4.* ergo si phantasia cognoscit sub ratione præteriti, seu absentis, cognoscit sub ratione insensata, quod est non distingui à memoria, vel æstimatiua.

Respond. quod vbi est diuersum temperamentum organi, ibi est diuersa potentia, quia si esset eadem, idem temperamentum requireret. *Nec obstat*, quod ipsa anima vnica existens informat diuersa organa, & partes habentes diuersa temperamenta, & sicut etiam posset quis imaginari, quod eadem potentia actuaret diuersas partes organicas, seu diuersa temperamenta pro diuersis operationibus, licet ipsa in se sit vna. *Hoc inquam non obstat*, quia potentia sunt virtutes particulares ipsis organis affixæ, & ab eis dependentes, anima verò est principium radicale plurium potètiarum. Vnde ipsa natura anima ex sua propria ratione petit diuersa organa, potentia autem non petunt nisi quælibet suum, tum propter materialitatem, & imperfectionem talium potètiarum, tum quia si semel vna potentia potest diuersa organa actuare, & in illis operari diuersas operationes, non est ratio cur ponamus distinctas potentias in omnibus organis corporis, sed possemus dicere quod est vnica potentia in omnibus organis, habens tamen distinctas operationes, & pro qualibet operatione suum organum requirit. Quare semel penes diuersa organa, & temperaturas distinguimus istas potentias materiales, & sensitivas conformiter ad earum naturam, cum requiratur diuersum organum, seu temperamentum ad bene recipiendum, vel bene retinendum, consequenter distinguitur potentia, apprehensiuæ, & retentiuæ, quantum est ex natura rei, & talis diuersitas organi simul exigit, & refunditur in diuersum

uersum modum formalem attingendi, obiectum, quia propter materialitatem talium potentiarum & obiectorum, non respicitur obiectum ab aliqua potentia, nisi sub illa formalitate sub qua deseruit ad tale munus, quod exigit talem diuersitatem organorum: præterquam quod nunquam datur ista diuersitas organorum pro potentijs, nisi etiam habeant diuersum modum cognoscendi, & consequenter nisi respiciant obiecta sua sub formalitate diuersæ cognoscibilitatis.

Quod vero dicitur solum inueniri in cerebro tria organa seu tres cellulas pro tribus potentijs, dato quod illæ deseruiat pro organis potentiarum, ut dicemus *artic. sequ.* aduertere oportet, quod ut dicit D. Thom. *opuscul. 43. cap. 4.* illa prima cellula, quæ est in fronte, & deseruit pro sensu communi, habet quandam diuisionem, ita ut fiant inde duo organa & in vna parte residet sensus communis, ubi magis abundat humiditas, in alia quæ aliquando siccior est, residet imaginatiua, de quo amplius *art. seq.*

Vnde etiam patet ad exempla allata, de illis qui bene recipiunt & bene retinent, id enim non habent secundum eandem potentiam, & organum, sed retinent secundum memoriam, & recipiunt secundum apprehensiuam; in diuersis autem non repugnat esse ista diuersa temperamenta, licet minus frequenter id contingat. In speculo autem non recipitur illa imago nisi per modum transeuntis, utpotè dependenter à præsentia obiecti, & reuerberatione lucis, unde non oportet ponere ibi dispositionem aliquam bene retentiua imaginis, quia non retinetur in absentia, sicut memoria retinet species.

Ad confirmat. Respond. quod non omnes intentiones sunt insensatæ, sed aliquæ etiam sensatæ sunt sicut docet D. Thom. *1. par. question. 78. artic. 4. ad 1.* quod sensus communis respicit intentiones sensuum exteriorum, sicut sentit nos videre & audire. Illa autem intentio præteriti est communis

rei sensatæ, & insensatæ seu his quæ cognoscuntur in absentia: computatur autem à D. Tho. etiam inter intentiones insensatas, quia pertinet etiam ad illas, licet non solum ad alias.

ARTICVLVS II.

Quid sint phantasia, & reliqua potentia interiores, & in quibus subiectu sint?

Dico 1. *phantasia communiter sumpta pro potentijs interioribus præter sensum communem definitur à philosopho.* quod est motus factus à sensu secundum actum. Ita Aristot. *3. de anima text. 161.* & Diu. Thom. *ibi lect. 6. & in lib. de somnijs cap. 1. lect. 1.* apud Diu. Thom. Pro explicatione huius definitionis aduerte duo: Primum, quod hic non definitur directa ipsa potentia, sed actus eius, id est ipsum phantasiari, licet facile reduci possit ad definitionem potentiae loco motus ponendo, potentia quæ mouetur & cætera. Nec definitur hic definitione formali, sed causali, sicut sonus definitur quod est motus factus ab ære & ira definitur, quod est accensio sanguinis circa cor, quia causatur à tali accensione. Secundum est, quod phantasia sumitur dupliciter, vno modo communiter pro omni potentia interiori formante obiecta sua, & faciente apparere, ad distinctionem sensus communis & sensuum exteriorum qui non faciunt apparere sua obiecta, sed solum cognoscunt illa à quibus immutantur. Et sic omnis potentia interior præter sensum communem habet commune nomen phantasie, quæ ut tradit Diu. Thom. *lection. 6. citata* derivatur à nomine *phos*, quod græce significat idem quod lux, & inde derivatur *phanos* quod est illuminatio, seu apparitio, & phantasia, quæ est sensus cognoscens & formatus secundum apparitiones, quia necessario supponit obiecta apparuisse in sensu, & ex inde formatur alia apparitio. Alio modo sumitur phantasia specialiter pro potentia imaginatiua, ut distincta ab æstimatedu, & memoria & ap-

& appellatur nomine illo generico propter penuriam vocabulorum, præsertim quia ad imaginatiuam maxime pertinet ipsa apperitio & formatio imaginum, ad æstimationem autem spectat alius actus principalior qui est intentiones cognoscere, & æstimationem facere de rebus secundum convenientiam, vel disconvenientiam earum in ordine ad se.

Igitur definitio tradita intelligitur de actu phantasie generaliter sumptæ, prout pertinet ad omnes actus interiores, præter sensum communem, qui ideo excipitur, quia in eo consummantur apprehensiones sensuum exteriorum, & ex eius influxu pendunt actiones exteriorum sensuum, siquidem eo ligato dormiunt. Ergo reliquæ potentie quæ moueri possunt à sensu etiam communi, qui plene & consummate iudicat, phantasia dicuntur, & ita D. Tho. *lib. de memor. & remissent. lect. 2.* inquit quod phantasia sequitur totam immutationem sensus, quæ incipit à sensibilibus propriis, & terminatur ad sensum communem. Et sic sensus definitionis est, quod actus phantasie est motus, id est actus procedens non ex immutatione ab obiectis ipsis immediate, sed ab obiectis ut cognitis & sensu perceptis & iudicatis per sensum communem. Itaque phantasiari & sentire distinguuntur tanquam duo genera cognoscendi, & diffinitur vnum ut condistinguitur ab altero, & sicut sentire in communi dici debet quod est motus factus à sensibili secundum se, ita phantasiari in communi definitur quod est motus factus non à sensibili, sed à sensu, id est ab obiecto iam cognito.

Dico secundo: Phantasia ut est specialis potentia, quæ dicitur imaginatiua non solum est retentiuæ specierum, sed etiam verè & propriè cognoscitiua. Oppositum huius docuit Anicenna, quem refert Sanct. Thom. 2. *contra Gentil. cap. 74.* qui dixit tam imaginatiuam quæ seruat species sensatas, quam memoriam quæ seruat insensatas non apprehendere, sed solum conseruare species. Cate-

rum quod vtrumque munus habeat, scilicet conseruare species & cognoscere res absentes docet D. Thom. *in q. de anima art. 13. & 1. part. quest. 78. artic. 4. & 1. 2. quest. 15. artic. 1.* ubi dicit: *Quod imaginatiua est apprehensio similitudinum corporalium et am reus esse debet.* & *quest. 17. art. 7. ad 3.* inquit: *Quod apprehensio imaginationis subiacet imperio rationis.* Et quod moueatur appetitus non solum ab æstimatione, sed etiam ab imaginatiua, quod vtrumque sine apprehensione fieri non potest, docet 1. *p. q. 81. art. 3. ad 2.* *Ratio autem est;* quia phantasia ordinatur ad hoc, ut res sensatas possimus apprehendere in absentia, & non solum ut præsentibus sint sicut cognoscuntur à sensu, eo quod indiget animal moueri, & querere multa quæ sibi non sunt præsentia, ergo oportet dari potentiam aliquam, quæ retineat, & conseruet species in absentia rerum, & oportet etiam dari potentiam, quæ cognoscat res in absentia, & consequenter quæ formare possit idola seu species expressas, in quibus represententur res absentes, vel imaginatæ, quod vtrumque est phantasiare seu imaginari. Hæc autem cognitio absentium seu imaginatorum, non potest pertinere ad sensum communem, tum quia sensus communis solum cognoscit in præsentia obiectorum, quia iudicat de obiectis cognitis à sensibus externis, & consummat eorum apprehensiones, tum quia ut colligit D. Tho. 3. *de anima lectio. 6.* phantasia est motus factus à sensu communi, ergo distinguitur ab illo, sicut mobile à mouente præsertim in rebus corporalibus. Ponere autem quod vna potentia vtròque illo modo cognoscit, scilicet, dependenter à præsentia sensibilibus, & independentem ab illa, seu in absentia eorum, videtur excedere imperfectionem potentialium materialium, ut articulo præcedenti ostensum est. Quod vero vna potentia conseruet species, sed non cognoscat per illas, sed alteri potentie tradat ad cognoscendum inconueniens est, ut in *conclusionem quartam* ostendemus; est

est enim eadem ratio in hac parte de imaginatiua, & de memoria, quam ibi ostendimus non solum conseruare species, sed etiam per illas cognoscere. Specialiter autem id debet tribui imaginatiuæ, tum quia cognitio absentium, & imaginatorum non potest tribui sensui communi, quia ut diximus solum cognoscit in præsentia sensibilium, & dependet ab illis quantum ad perfectum & consummatum iudicium; tum quia non potest pertinere ad æstimationem, quia hæc superiori modo cognoscit, quam imaginatiua, scilicet intentiones insensatas, ut sequenti conclusione amplius explicabimus: ergo ipsamet quæ retinet species, debet cognoscere in absentia, nec enim repugnat retinere & cognoscere per illas.

Dico tertio, *probabilius est, quod cognitio imaginatiuæ differt specie à cognitione sensus communis, & multo certius, quod differt specie à cognitione æstimationis.* Itaque sensus communis & imaginatiua non solum differunt specie, quia una benè recipit, & alia benè apprehendit, sed etiam, quia in ratione cognoscitiui specie differunt earum cognitiones. Hanc primam partem tenent aliqui Thomistæ, ut videre est apud Cursum Carmel. *diff. 15. quest. 2. num. 13.* licet oppositum teneat M. Bañez *supra citatus conclus. 4.* eò quod species quibus cognoscit imaginatiua, sunt eiusdem rationis per quas cognoscit sensus communis, siquidem ipsamet conseruat.

Cæterum nostra conclusio deducitur ex D. Thom. 1. part. q. 79. art. 7. ad 2. ubi inquit: *Quod præteritum & præsens possunt esse differentie potentiariū sensitiuarum secundum differentiam obiectorum, non autem potentiariū intellectiuarum,* constat autem, quod differentia cognitionis inter sensum communem & imaginatiuam est penes præsens & absens, ergo constituunt differentiam specificam in ratione cognoscitiui.

Ratio est, quia siue vratur eisdem speciebus, siue diuersis, tamen certum est, quod

Pars III. Phys.

imaginatiua vratur illis altiori modo & magis immateriali, & ad plura se extendendo, ergo datur diuersitas specifica in ratione cognitionis. *Antecedens constat,* quia imaginatiua respicit obiectum suum ut imaginabile, quod est magis abstractum, & magis vniuersale & liberum, quam sensibile, quod solum dependet ab ipsa immutatione & præsentia rei sensibilis. Potentiæ autem in ratione cognoscitiui distinguuntur specie penes obiectum magis vel minus abstractum, magis vel minus vniuersale, & superius, ergo cum hoc inueniatur in cognitione imaginatiua & sensus communis, utique distinguuntur in ratione cognoscitiui. Et deinde, quia cum principalior actus imaginatiuæ sit cognoscere & formare suos conceptus, quam retinere & conseruare species, inconueniens est, quod specificatio talis potentiæ sumatur ab actu minus principali, cum nihil sit principalius in potentia, quam eius specificatio, specificatur autem potentia ab actu, ergo si principalior actus est cognitio, ab eo specificabitur potentia imaginatiua, & cōsequenter si esset eiusdem speciei cognitio eius cum cognitione sensus communis, simpliciter erunt eiusdem speciei istæ duæ potentiæ, & sic erunt duo accidentia eiusdem speciei in eodem subiecto, quod est inconueniens.

Quod verò eisdem speciebus vtantur istæ duæ potentiæ, nihil obest, quia dato quod ita sit, adhuc possunt distingui specie propter diuersum modum vtendi illis speciebus, quia altior modus est in imaginatiua, quam in sensu communi, sicut etiam fides & prophetia vt possunt eisdem speciebus, quibus cognitio naturalis, sed quia diuerso modo illas ordinant & disponunt, ideo cognitiones illæ specie differunt, & idem est in alijs habitibus naturalibus specificè distinctis, & vtentibus eisdem speciebus. Imò ipse sensus communis etiam recipit à sensibus externis species quæ in ipsis sunt, & tamen quia altiori modo illis vtitur, quam ipsi sensus particulares, cognitio

De

eius

eius specie differt à cognitione sensuum exterorum.

Secunda vero pars conclusionis de distinctione inter imaginatiuam & æstimatiuam constat ex dictis *preced. artic.* & ex nuper allatis confirmatur, quia æstimatiua respicit intentiones insensatas vt amicitiam vel inimicitiam, & similes conuenientias vel disconuenientias, quæ non solum sunt respectu sensus particularis, sed respectu conseruationis totius, vel eorum quæ ad se pertinent, quæ utique sunt obiecta abstractiora & superiora, nec à sensu attingibilia; vnde & ratione illius maximè appropinquant animalia ad modum cognoscendi rationis, & prudentiam quandam participant, imò & in homine ipsa æstimatiua discurrit circa particulares intentiones, cum in alijs animalibus ducatur instinctu naturali, vt S. Thomas docet *quæst. 25. de Veritat. art. 2.* Quæ omnia indicium sunt distinctionis specificæ à cognitione imaginatiuæ, quæ solum respicit res sensibiles, siue veras, siue fictas vel absentes, multò magis, quàm sit distinctio inter modum cognoscendi visus vel auditus.

Ex dictis colligi potest, definitio imaginatiuæ: Quod est potentia ordinata ad conseruandum species sensatas, & cognoscendum res absentes vel imaginatas. Aestimatiua autem, quod est potentia apprehendens insensatas ex sensatis.

Dico quartò; *memoria est potentia distincta ab æstimatiua, & est cognoscitiua non solum conseruatiua specierum.* Quòd sit conseruatiua nullus dubitat, alias nò esset memoria, si non conseruaret species. Quòd vero sit etiam cognoscitiua, licet id negauerit Auicenna citatus à D. Thom. 2. *contra Gent. cap. 74.* id tamen affirmat D. Thom. tum in *quæst. 10. de Verit. art. 3. in corp.* vbi dicit: *Quòd in parte sensitiua, quæ fertur ad presens in quantum presens est, si feratur in præteritum requiritur altior virtus, quàm ipse sensus, & hæc est memoria, quæ tamen in parte intellectiua non distinguitur ab ipso intellectu*

Et apprehendente; tum etiam 1. part. quæst. 79. art. 6. dicit: Memoriam sensitiua esse apprehensiuam præteriti, tum denique in quæstione de anima, art. 12. docet requiri, quòd ea quæ prius fuerant apprehensa per sensum, & interius conseruata, iterum reuocentur ad actuale considerationem. Et hoc quidem pertinet ad rememoratiuam virtutem, quæ in alijs quidem animalibus absque inquisitione suam operationem habet, in hominibus autem cum inquisitione & studio, vnde in hominibus non solum est memoria, sed etiam reminiscencia. Necessè est autem ad hoc potentiam ab alijs distinctam ordinari, quia actus aliarum potentiarum sensitiuarum est tantum motus à rebus ad animam, actus autem memoratiuæ potentiæ est è contra motus ab anima ad res. Ita D. Thom.

Ex quibus locis deducuntur tria, Primum, quod potentia memoratiua debet esse cognoscitiua, quia experimur in nobis dari istam cognitionem præteritorum vt præterita sunt, quando eorum reuocamur. Necessè est autem, quod ista cognitio pertineat ad eandem potentiam, quæ conseruat species illas in absentia, quia vt dicit Diuus Thom. oportet, quòd ea quæ fuerunt considerata, iterum ad memoriam reuocentur, ergo maximè pertinet ad memoriam ipsa excitatio, quæ aliquid reuocatur seu incipit habere actuale considerationem, hæc autem excitatio non potest fieri nisi per aliquem actum incipientem vt aliqua specie: ergo si ipsa memoria excitatur, debet producere actum in quo excitatio consistit, qui est vsus speciei, & consequenter, qui sit cognitio, quæ sola est vsus speciei. *Nec potest dici, quòd excitatio fit non in ipsa potentia conseruante speciem, sed in potentia apprehendente, quæ est distincta ab ea, quæ conseruat speciem. Nam contra est, quia ipsa excitatio non fit nisi vtendo specie, ergo si in potentia apprehendente non datur species, sed in conseruante, non poterit ipsa apprehendens excitari, nisi prius*

prius per aliquem motum talis determinata species transferatur à potentia conseruante ad apprehendentem. Quomodo autem potest transmitti illa species à potentia conseruante, si non cognoscit, aut discernit quænam species transmittenda sit ad talem excitationem. Sed si expectat aliquem motum localem, quo species illa moueatur & transferatur ad potentiam apprehendentem vt primo excitetur, restat difficultas, quomodo sine cognitione aliqua dirigatur motus ille localis, vt hanc speciem potius deferat, quàm illam, cum ibi non sit obiectum præsens, à quo species emittatur, nec potentia cognoscens, quæ dirigat, cum per vsum talis speciei fiat prima cognitio, seu excitatio. Quod totum cessat si ipsamet potentia quæ conseruat speciem, per illius vsum excitetur.

Secundò colligitur, distinguere debere memoriam ab æstimatoria, vt sentit D. Thom. *quest. de anim. art. 13. & 1. part. quest. 78. articulo 4. & quest. 79. art. 7. ad 2.* non solum propter diuersum temperamentum & organum, quod exigit memoratiua vt retineat, & æstimatoria vt apprehendat, sed etiam propter diuersum modum cognoscendi, quia memoratiua respicit obiectum vt præteritum, & ita abstrahit à præsentia rei & ab immutatione obiecti exterioris, & ita importat motum animæ ad res, apprehensiuam autem fit per motum rerum ad animam: nam licet æstimatoria apprehendat res insensatas, illas tamen apprehendit vt præsentem, verbi gratia, inimicitiam lupi, quando lupo est præsens. Istæ autem differentie inter memoratiuam & apprehensiuam sufficiunt ad inducendum diuersitatem potentiarum apprehensuarum, cum sint potentie materiales, quæ non possunt aliquo altiori, & eminentiori modo vnire illas rationes. Quomodo vero appetitus sensituius non distinguatur penes absens & præsens, sicut potentie apprehensiuæ, iam supra diximus, *articulo precedenti*, eò quod appetitus eandem rationem formalem re-

spicit ex parte potentie in appetibile præsens vel absens, cum tendat per modum motus & inclinationis ad res, pertinet autem ad eandem potentiam motiuam ferri ad terminum adhuc non existentem, sed absentem, & tangere illum acquisitum, & præsentem. Potentie vero apprehensiuæ distinguuntur penes diuersam abstractionem seu immaterialitatem, secundum quam trahit res ad se, & hæc est diuersa secundum quod magis vel minus est dependens ab ipsa materiali præsentia obiecti.

Sequitur tertio, cogitatiuam & reminiscientiam in homine non distinguere ab æstimatoria & memoria, sed esse ipsasmet potentias, cum quadam perfectione participata ex coniunctione ad rationem secundum quam discurrere possunt circa sua obiecta singularia, quod quidem pertinet ad diuersum modum operandi, non ad diuersam potentiam, quæ solum ex diuersa immaterialitate obiecti diuersificatur per se. Vnde eadem potentia intellectus procedit & sine discursu in actibus primorum principiorum, & cum discursu in alijs sine variatione potentie, & appetitus sensituius in nobis participat aliquid libertatis, vt docet D. Thom. *in 1. 2. quest. 74. art. 3.* & tamen non est alia potentia specie diuersa ab appetitu sensituiuo, non habente talem libertatem.

Dico quinto, non inueniuntur omnes sensus interni in omnibus animalibus, sed sensus communis inuenitur in omnibus tam perfectis quàm imperfectis, imaginatiua verò & memoria non inuenitur in omnibus, & probabile est, quod neque æstimatoria. Sumitur hæc conclusio ex varijs locis Aristot. & D. Thomæ, nam *in 3. de anima, text. 156. lect. 5. apud D. Thom.* negat phantasiam quibusdam animalibus vt formicæ, api & vermi. Explicat autem D. Thom. quod imperfecta animalia habent phantasiam indeterminatam, non autem determinatam & distinctam à sensu, non enim phantasiantur ali-

quid, nisi dum mouentur à sensibili, quod utique est proprium sensus communis, qui solum mouetur in præsentia sensibilium. Postea Philos. *infra text. 56. lect. 16. apud D. Thom.* dicit quòd omnia animalia etiam imperfecta habent phantasiam & appetitum, quia cum leduntur, retrahunt se & dolent, cum autem aliquid conueniens sentiunt, dilatantur, habent ergo appetitum, quia dolor & delectatio ad appetitum spectat, ergo phantasiam, id est, sensum internum habere debent, appetitus enim non mouetur nisi à sensu interno, id est, iudicio conuenientiae vel disconuenientiae rei. Sed addit, phantasiam illam solum moueri ad præsentiam sensibilis, & cum tangitur animal, non autem percipere aliquid distans ad quod moueatur vel fugiat, & sic phantasia non est ibi aliquid præter sensum communem, qui percipit ad præsentiam sensibilis conuenientiam vel disconuenientiam ipsi sensui. Item *in lib. de memoria & reminisc. lect. 2. apud D. Thom.* dicit omnia immobilia animalia carere memoria. Et luculenter explicat ista loca S. Thom. 1. *Metaph. lect. 1.* ubi solum ponit memoriam in his, quæ mouentur ad distans, quibus conuenit motus progressiuus.

Itaque in omnibus animalibus etiam solum tactum habentibus aliquis sensus interior datur, scilicet sensus communis, quia ut dictum est, habent appetitum, quia habent dolorem & contrahunt se quando punguntur, & delectationem, quia dilatant se quando sentiunt aliquid conueniens, ergo habent apprehensionem internam, quia oportet, quod cognoscant ipsam sensationem externam, quia dolor quo refugiunt non respicit solum obiectum ad extra in se, sed sensationem eius ut disconuenientem, & similiter appetitur delectatio, quia appetitur sensatio conueniens circa aliquod obiectum, de tali enim sensatione delectatio habetur. Nō potest autem cognosci sensatio externa conueniens vel disconueniens per ipsummet sensum tactus, aliàs reflecte-

ret supra se, ergo indiget sensu interno cognoscente talem sensationem, & conuenientiam vel disconuenientiam eius, & sic sumendo phantasiam cōmuniter pro quocunque sensu interno, in omnibus animalibus datur phantasia.

Quod verò in animalibus imperfectis non sit phantasia distincta à sensu communi, id est imaginatiua, *probat*, quia secundum Diuum Thomam *primo Metaphysicorum citato*, tres sunt gradus in animalibus, quædam enim non cognoscunt rem distantem aliquo modo, sed solum per contactum, quædam percipiunt rem distantem saltem imperfectè, licet non omni modo, quædam perfectè & omni modo. Animalia primi generis sunt, quæ non habent sensum percipientem res per medium extrinsecum, sicut sunt visus, auditus, & olfactus, sed solum per tactum & gustum, & talia animalia non percipiunt rem distantem, & consequenter carent motu progressiuo, qui solum mouetur ad rem distantem. Vnde etiam carent sensu cognoscente rem in absentia, quæ est imaginatiua distincta à sensu communi, quia si non cognoscunt rem distantem, sed solum coniunctam per contactum, multò minus poterunt cognoscere in absentia. Animalia verò secundi generis habent quidem aliquem sensum percipientem rem distantem, & per medium extrinsecum emittentem species, verbi gratia visum, & consequenter possunt percipere res in absentia, & habere motum progressiuum, & sic competit illis memoria seu imaginatiua, quæ percipit res in absentia; & tamen sensus internus in eis habet aliquam indeterminationem & confusionem, ratione cuius negauit illis Philosoph. *in 3. de anima, text. 15.* phantasiam distinctam scilicet à sensu communi, unde cognoscunt rem absentem cum dependentia ab aliquo actuali exercitio, quod faciunt; verbi gratia, dum formica reuertitur ad foueam, cognoscit illam, si vero interrumpatur eius semita, nescit reuerti ad locum suum, sed:

sed vagatur. Et ita D. Thom. *tertio de anima, lection. 6.* dixit: *Quod ista animalia non phantassentur aliquid, nisi dum mouentur à sensibili.* Denique animalia tertij generis habent perfectam memoriam, & imaginatiuam etiam capacem disciplinæ, & assuefactionis, vt canes, equi & alia, quæ habent auditum, & mouentur perfecte ad res absentes, quas quærunt vel fugiunt.

An vero imperfecta animalia habeant æstimatiuam, quæ saltem in præsentia obiectorum cognoscat intentiones insensatas, dicimus probabilius esse, quod carent illâ, loquendo de æstimatiua determinata, & distincta à sensu communi. *Et ratio est,* quia huiusmodi animalia non percipiunt aliquid, nisi vt conueniens, vel disconueniens ipsi sensui tactus, cum à nullo alio moueantur, & hoc in præsentia ipsius obiecti tangibilis; ad cognoscendum autem conuenientiam, vel disconuenientiam alicuius sensus, sufficit sensus ipse cum iudicio sensus communis de actu eius; caret vero æstimatiua perfecta, quæ cognoscit conuenientiam, vel disconuenientiam non solum sensus proprii, sed etiam vniuersaliores utilitates, vel disconuenientias, quia si caret illis sensibus externis, qui magis spirituales sunt, quam tactus, quanto magis æstimatiua, quæ longè perfectior est istis. Vnde dicit Sanctus Thomas, *in 3. de anim. lect. 16.* quod huiusmodi animalia non imaginantur aliquid distans, quia nihil imaginantur nisi ad præsentiam sensibilis. Sed cum læduntur, imaginantur illud, vt nocium & retrahunt se, & cum delectantur, extendunt se super illud, & sic in eis est phantasia, vel concupiscentia imperfecta, in quantum imaginantur aliquid vt cõueniens, non autem vt hoc vel illud, hic aut ibi, sed habent confusam imaginationem. Negat ergo illis species illas insensatas de hoc aut illo, hic aut ibi, &c. quod est negare æstimatiuam.

Dico vltimo: *organa sensuum interiorum*

ita sunt disposita quod sensus communis est in prima parte frontis, eique fere coniunctum est organum imaginatiua. At verò æstimatiua est post mediam partem cerebri, & memoria declinat ad partem vltimam capitis, seu ad occipitium. Et loquimur de animalibus perfectis, nam in imperfectis solum oportet assignare organum eius sensus quem habent. Et animalia quæ secta viuunt, non habent sensum communem in aliqua parte determinata cerebri, sed vbicunque sensus & motus vigere potest, etiam post diuisionem, ibi est organum sensus interni sicut & appetitus, nam cum ille motus quem faciunt postquam sunt diuisa, sit proprius, oportet quod procedat ab appetitu, & consequenter supponat sensum internum, à quo appetitus dirigatur: & præsertim cum istæ partes diuisæ doleant, si pungantur & retrahunt se, dolor autem est actus appetitus, ergo sicut appetitus est diuisibilis, & diuersus resultat in illis partibus diuersis, quia sufficit ad illum quælibet dispositio organorum ob imperfectionem suam, ita & sensus communis.

Loquimur ergo de animalibus perfectis in quibus sensus interni sunt in capite, & dependenter à cerebro, ita vt eo diuiso non sentiant. Omitto enim sententiam, quam sæpè insinuat Aristot. quod isti sensus interni sint in corde, quod non potest intelligi nisi radicaliter, quatenus ex corde vt ex radice dimanat calor vitalis, & spiritus vitales, à quibus pendet omnis operatio vitalis; si verò intelligatur non de organo radicali, sed de proximo, sustineri non potest, cum videamus ex læsione capitis lædi istas potentias internas. Vnde S. Thom. absolute ponit in capite omnes sensus internos & externos *3. p. quest. 8. art. 1.* & de internis idem habet *1. part. quest. 78. art. 4.* & specialiter *opusc. 43. cap. 4.* assignat organa sensuum interiorum modo à nobis posito. Et communiter apud Phil. & Medicos assignantur tres cellulae in cerebro, prima in fronte quæ per quandam interpositionem

diuiditur in duas, quarum prima, quæ anterior est, deferuit sensui communi, quia humidior est: & aptior ad apprehendendū, ibique inueniuntur terminari omnes viæ, quæ ducunt ad sensus externos. Aliæ duæ cellulæ sunt in posteriori parte capitis à medio. Et prima quæ est magis in media parte capitis seruit pro æstimatoria, seu cogitativa. Quæ verò declinat ad posteriorem partem capitis seruit pro memoria, quia pars illa siccior est, & aptior ad conseruandas species, & si ibi fiat læsio, sentimus quoque memoriam lædi. Et hoc etiam iuuat ad ponendas istas potentias distinctas, quia inueniuntur istæ cellulæ, seu organa distincta pro ipsis potentijs, licet aliqui Medici dicant, eas deferuire pro alijs ministerijs, verbi gratia, pro efformandis spiritibus animalibus, vel pro excrementis cerebri euacuandis. At verò Pater Suarez *lib. 3. de anima capit. 31. numero 7.* concedens cum Galeno istas tres cellulas interiores, dicit eas non deferuire pro diuersis potentijs, sed pro diuersis partibus, seu officijs eiusdem potentix. Quod est reducere difficultatem fere ad quæstionem de nomine, an sint illæ partes, seu officia vocanda potentix, in potentijs enim materialibus, quæ non habent tantam perfectionem & eminentiam, si inueniuntur distincta organa cum diuersis temperamentis, & diuersa officia seu actus, cur non ponemus distinctas potentias, cum hæc sint principia distinguendi illas?

ARTICVLVS III.

Expediuntur difficultates contra præcedentem doctrinam

Primo argui potest ad probandum, quod in ratione cognoscitiui non differunt imaginatiua, & sensus communis, æstimatoria, & memoria, illis argumentis quibus *art. 1. præced.* arguebatur istas potentias absolute non distingui, præsertim quia distinctio penes absens & præsens, penes ap-

prehendere & retinere, & similia, solum sunt differentix accidentales in genere cognoscitiuo, *tum* quia eisdem speciebus cognoscitur absens & præsens, *tum* quia in intellectu conueniunt eidem potentix, *tum* quia in appetitu sensitiuo non variatur potentia penes absens, & præsens, licet variari possint actus, *tum* quia ex parte organi non videntur reperiri, nisi tria loca, vel cellulæ pro potentijs interioribus. Denique quia etiam sensus communis apprehendit res absentes, vt patet quando in somno apprehendit, vt docet S. Thom. *1. part. quæst. 84. artic. 8. ad 2.* ergo ratio absentis non distinguit sensum communem ab imaginatiua.

Ad hæc omnia iam responsum est præced. artic. Et in summa diximus ex D. Thom. *1. part. quæst. 29. artic. 7. ad 2.* rationem præteriti, & præsentis ex parte obiecti posse distinguere potetias apprehensiuas materiales, non verò potentiã intellectiuã, eo quod ista ex suo genere & propria ratione obiectiua abstrahit à conditionibus materialibus, & respicit res in vniuersali. Vnde modus præteriti vel præsentis, qui sunt modi singularitatis, non possunt variare potentiã intellectiuam, bene tamen potentiam sensitiuam, quæ versatur circa singularia secundum immutationē, qua ab obiecto immutatur potentia, & trahuntur res ad ipsam, vnde quod ista mutatio pendeat à præsentia sensibili, & singulari ipsius obiecti, vel ab illa abstrahat, & independenter ab illa moueat, diuersum modum abstractionem ponit in ipsa immutatione & motione obiecti. Appetitus autem non trahit res ad se, neque immutatur ab illis intentionaliter, sed inclinatur in res apprehensas, & mouetur ab anima ad res, vnde modus tendendi per inclinationem & motum, ad res ipsas, non variat modum potentix penes absens & præsens, quin potius eadem vis motiua debet respicere absens vt tendat, & præsens vt quiescat, licet diuersi actus sint tendere & quiescere per modum appetitus.

Quod

Quod verò eisdem speciebus vtantur ipsæ potentie iam supra diximus, quod etiam si essent eadem species ex parte obiecti representati, non tamen ex parte modi vtendi illis & representandi, quia sensus communis vtitur speciebus sensibilibus, vt combinatis ad iudicandum & discernendum tam de illis, quam de actibus sensuum externorum, & sic non solum representant res ipsas, sed etiam actus potentiarum, quod non est in sensu externo. In imaginatiua autem adhuc diuersimode combinantur, tum quia diuersas species componit imaginatiuo modo, tum quia depurat species à dependentia presentie, constat autem ad diuersum lumen specie posse easdem species sufficere cum diuersa combinatione, & modo vtendi sicut in diuersis scientijs & habitibus naturalibus & supernaturalibus.

Quod verò sensus communis dicatur cognoscere res in absentia iam supra diximus, formaliter & per se sensum commune semper ferri in presentem, vel quod in se presentem sit, vel quod appareat, vt presentem; quod si res non existens in se representetur ad modum existentis, quia species median- tibus spiritibus animalibus descendunt ad organa sensuum externorum, & inde reuertuntur ad sensum commune, quasi eiacularæ à sensibus externis, vt aliquando accidit in somno, & in præstigijs etiam vigilantium, tunc sensus communis apprehendit res apparenter presentes, seu representatas per modum presentie, licet hallucinetur, sed tamen imaginatiua & memoria apprehendunt res, etiam si non appareant vt presentes, sed sub ratione præteriti aut imaginabilis.

Secundo arg. ex P. Suarez lib. 3. de anima cap. 30. num. 13. nam potentia quæ cognoscit abstractiuò, & in absentia obiecti, potest etiam cognoscere in presentia. nam impossibile est, quod cognoscat abstractiuè, nisi aliquando in presentia obiecti fuerit immutata, siquidem debet recipere species ab

ipsis obiectis, prout à sensibus externis percipiuntur, id est in eorum presentia, ergo si tunc attendat memoria vel phantasia ad cognoscendum id, cuius recipit species, cognoscet rem vt presentem, & sic non oportet ponere distinctas potentias, ad cognoscendum vt presentem vel vt absens, siquidem eadem potentia cognoscit vtrumque, si autem ly vt absens specificaret, nunquam cognosceret presentem.

Quod si dicatur, non immutari imaginatiua, vel memoriam immediatè in presentia obiecti, sed eo absente, ergo dum est presentem obiectum & mouet sensum, non immutatur phantasia, sed aliquo tempore post immutabitur, & interim nihil agitur in illa, quod videtur contra experientiam, quia eò ipso, quod sensus mouetur ab obiecto, immutatur etiam phantasia, ergo ita facile excipit species sicut sensus apprehendit, & sic non oportet quod distinguantur. Quod si non simul cum sensu immutatur phantasia, sed aliquando post, ergo oportebit, quod res aliquamdiu sit presentem sensui, vt possit imaginatiua, vel memoria immutari, siquidem non tam facile mutatur, cum tamen experiamur quod statim ac res videtur attente, in memoria remanent species. *Confir.* quia sicut sensus communis cõcurrit cum sensibus externis ad suas sensationes, ita & imaginatiua, nam si imaginamur circa eandem rem, quam presentem habemus, minime idem sentimus, ergo non oportet distinguere phantasiam à sensu communi, vel memoriam ab æstimatiua ratione absentie vel presentie.

Respond. quod licet memoria vel imaginatiua immutentur in presentia obiecti & tunc illud cognoscant, adhuc tamen distinguuntur à sensu apprehendente. quia sensus apprehendens solum in presentia obiecti, & dependenter ab illo, & sistendo in illo cognoscit, memoria autem & imaginatiua cognoscit in presentia obiecti, non sistendo ibi, nec dependenter ab illa, sed vt possit etiam in absentia percipere, quod est, præci-

præcipuum, ad quod ordinatur, & ita quod cognoscat in præsentia, non est per se in istis potentijs, sed propter alia, scilicet ut cognoscant etiam in absentia, ad quod tamen requiritur, quod prius recipiant species in præsentia, & dum recipit, cognoscit. Nec tamen superfluit sensus apprehendens tantum in præsentia, quia in memoria non solum seruantur species repræsentantes obiectum externum, sed etiam repræsentantes ipsum actum visionis vel auditionis, recordamur enim nos vidisse vel audisse, & cognouisse, & iudicasse de obiectis, & de actibus sensuum, ergo oportet, quod quando species imprimuntur ipsi memoriæ, iam supponatur cognitio, & iudicium consummatum de ipsis obiectis sensuum, & de actibus eorum, & de differentia & conuenientia obiectorum inter se; hoc autem non fit per ipsos sensus externos, qui non iudicant de actibus proprijs, vel de differentia aliorum obiectorum, ergo ut ista in memoriam referantur, oportet, quod ante memoriam sint cognita, & cum non possint à sensibus externis cognosci nisi obiecta tantum non actus, oportet pro illis poni sensum apprehendentem internum præter memoriam.

Ad id, quod dicitur ita facile immutari phantasiam sicut sensum communem. *Respond.* ita facile quoad impressionem, sed non quoad retentionem specierum, neque quoad formationem ex diuersis speciebus præconceptis, neque quoad cognitionem in absentia. unde ea quæ leuiter videmus, non perfecte retinemus, sed facile obliuiscimur si autem aliquando retinemus, hoc est vel ex bonitate dispositionis, vel ex nimia attentione, quæ æquiualeat pluribus alijs actibus non ita perfectis. Requiritur autem diuersa dispositio ad retinendum, vel ad apprehendendum in absentia, quam ad apprehendendum dependenter à præsentia obiecti.

Quid si insit, nam phantasia unicam rationem formalem debet habere, qua fera-

tur in obiectum: propria autem eius ratio est cognoscere in absentia, & per hoc distinguitur à sensu communi, ergo nunquam poterit cognoscere præsentia ut præsentia, quia non potest sub ratione absentis cognoscere illa: debet autem cognoscere præsentia, siquidem immutatur & recipit species ab obiectis præsentibus & cum sit cognitio à sensu dependens, in præsentia eius etiam formatur, excipiendo autem species statim cognoscit, quia informatur illis, ergo potest phantasia cognoscere præsentia.

Respond phantasiam cognoscere præsentia quando actu mouent sensum, sicut etiam intellectus ea cognoscit, sed non sub ratione præsentia tantum, id est dependenter ab immutatione ipsius sensibilis præsentis, sed sub ratione altiori, id est sub ratione imaginatiuæ, quod ad præsentia & absentia se potest extendere, sine alligatione tamen ad præsentiam. At verò memoratiua nunquam cognoscit præsentia, sed semper sub ratione præteriti seu memoriæ; res verò insensatas præterites, æstimatiua percipit.

Ad confirmat. Respondetur, imaginatiuam non concurrere per se ad sensationes externas, neque istas ab illa per se dependere, quia possumus bene sentire aliquid sine hoc quod imaginemur, licet aliquando simul possumus sentire & imaginari, sed hoc est per accidens & concomitanter.

Tertio arg. ad probandum non dari æstimatiuam, quia species illæ insensatæ, quas dicimus deferuire huic potentia ut odium, amicitia, filiatio, &c. excedunt omnem rationem sensibilem, sunt enim relationes, quæ nec sunt sensibile proprium, neque commune, cum inter illa non numerentur, neque per accidens cum non sint substantia, ergo excedunt omnem rationem sensibilis. *Item* quia non potest cognosci, quod hoc sit conueniens, vel nociuum isti, vel illi, nisi per comparisonem huius ad illud: uti autem comparisonem non conuenit nisi potentia discursiue, quæ collatiua est, non sensui ut sen-

vt sensus est, & vt inuenitur in brutis. Denique istæ species insensatæ non possunt aduenire per sensus externos, quia ab illis non percipiuntur, nihil autem ad internos sensus transit, nisi quod per externos percipitur. Nec sensus externus potest generare species ita perfectas, & supra se excedentes, sicut sunt species insensatæ.

Respond. ad primam partem argumenti non cognosci relationes à sensu interno sub proprio modo relationis, scilicet cum comparatione ad terminum, vel discursu, neque in vniuersali, sed vt se tenent ex parte fundamenti, seu vt exercentur in illo, non vt in actu signato & secundum se relatio potest apprehendi, fundamentum autem est res ipsa sensibilis prout conuenientiam, vel disconuenientiam fundat, sic autem non sentitur à sensu externo, quia illud fundare conuenientiam, vel disconuenientiam, non est color vel sonus, aut odor, vel aliquid, quod sensu externo percipitur; ipsa tamen relatio vt condistincta à fundamento & vt comparatiue accepta ad terminum, non attingitur per æstimatiuam sine collatione. Et cum dicitur, quod tales relationes non sunt aliquo modo sensibiles per se, vel per accidens. *Respond.* quod directe non sunt aliquod tale sensibile nec formaliter, bene tamen fundamentaliter, quatenus in illis fundatur, sicut in natura & qualitatibus lupi fundatur contrarietas ad ouem. Et nõ est necesse, quod omnia quæ cognoscuntur, in intellectu, vel sensu interno, sint cognita per sensum externum, sed sufficit, quod in specie, quæ emittitur ab obiecto & deinde à sensu, virtualiter contineantur illa omnia, & explicari possint in potentia superiori, & sic dicit D. Thom. 1. p. q. 88. artic. 4. ad 4. quod licet operatio intellectus oriatur à sensu, tamen in re apprehensa per sensum intellectus multa cognoscit, quæ sensus percipere non potest, & similiter æstimatiua, licet inferiori modo. Itaque bene potest cognosci per sensum internum aliquid, quod directe & formaliter à sensu

externo non cognoscat, sed sit modus aliquis, seu respectus fundatus in illis sensibilibus, & in eis virtualiter contentus.

Ad secundam partem Respondet. in brutis non esse necessariam comparationem collatiuam, sed sufficere naturalem instinctum, quo immediate repræsentet rem aliquam vt nociuam, vel vt conuenientem. Naturalis autem instinctus dicit quandam determinationem naturæ, & necessariam tendentiam ad aliquid, comparatiua autem cognitio fit cum quadam indifferentia qua extrema comparantur, ita vt resoluitur aliquid in sua extrema vel compositiuo modo fiat ex illis. Quod quidem in homine æstimatiua cum collatione & discursu quodam facit, quem participat ex coniunctione ad rationem, vt S. Thom. docet 1. p. quæst. 78. artic. 4. ad 5. ideoque vocatur cogitatiua, quia cogitando, seu comparando, seu conferendo cognoscit; in brutis autem non fit cognitio per comparationem & collationem extremorum, sed per naturalem instinctum, id est, ex ipsa vi & inclinatione naturæ habentis potentiam ad cognoscendum nociuum, vel conueniens ex ipsa determinatione naturæ, non ex comparatione extremorum, vt docet D. Thom. quæstione de anima artic. 13. & 2. 2. quæstione 7. artic. 15. ad 3. & 1. 2. quæstione 13. artic. 2. ad 3. Et sicut iste instinctus naturalis datur ab authore naturæ ad apprehendendum conueniens vel disconueniens, ita ad iudicandum quod hic, & nunc, sit conueniens sibi vel disconueniens, nam ad hoc totum se extendit naturalis instinctus, qui est non solum ad apprehendendum, sed etiam ad discernendum seu iudicandum, sicut etiam reliqui sensus discernunt inter sua obiecta non quidem cum aliqua comparatione seu collatione, sed quia non vnum tantum obiectum, sed plura possunt attingere, & vnum distincte ab alio, & non confuse, ideo dicuntur discernere inter illa; sic æstimatiua discernit seu iudicat de conuenientia, vel disconuenientia rei, ipso naturali

instinctu, seu determinatione potentia, qua cognoscit ista distincte.

Ad 3. prob. Resp. species insensatas accipi per sensus exteriores, non vt formaliter cognitae ab eis, sed vt virtualiter contentae in ipsis rebus sensibilibus, quas apprehendunt, res enim insensatae continentur & accipiuntur ex sensatis, nec est necesse quod omnia quae cognoscuntur ab intellectu vel sensu interno, cognoscantur formaliter in externo, sed sufficit in obiecto illo contineri, vt ex illo accipi possint, vt *sequenti art.* amplius dicemus.

Ultimo arg. quia si memoria est potentia cognoscitiua vt diximus, non differet ab estimatiua, quia cognoscet per easdem species per quas apprehensiuam, quia eas conseruat. *Nec sufficit dicere* quod vna cognoscit in praesentia & alia in absentia, quia vt vidimus aliquando apprehensiuam vt sensus communis apprehendit in absentia, vt in somnis, & similiter memoria aliquando cognoscit in praesentia, vt cum accipit species ad conseruandum, tunc enim mouetur ab obiectis praesentibus. *Confirm.* quia si potentia memoratiua sunt cognoscitiua, semper actu cognoscerent, quia semper habent species sibi inhaerentes, & se informantes, quod sufficit ad cognitionem. Denique *Diu. Thom. opuscul. 14. in principio* dicit: *Quod memoria non habet aliquem actum, sed loco actus solum tenet, quasi parata capienti a se.*

Ad hac omnia iam supra respondimus, potentiam apprehensiuam, & memoratiuam habere easdem species, sed diuerso modo ordinatas, scilicet cum dependentia a praesentia, & immutatione obiecti, vel sine illa, cum quo tamen stat, quod potentia apprehensiuam possit rem in se absentem, apparenter tamen praesentem cognoscere, quasi in imagine, sic enim solum attingitur res absens materialiter, & per accidens, formaliter autem vt praesens. Et similiter memoratiua aliquando tangit rem praesentem, quia accipit speciem ab illa, non

tamen ibi sistendo, & ab ea dependendo, sed sub ratione praeteriti formando vt possit memorari.

Ad confirm. negatur sequela, quia bene stat species actu inhaerere potentiae quoad suam entitatem, non tamen actu repraesentare ex defectu excitationis & vsus talis speciei, sicut quando dormimus; non enim species semper repraesentatiue informare, sed aliquando solum entitatiue, constat, quando sunt in aere. Videatur *S. Thom. 1. part. questione 79. artic. 6. ad 3. & 1. contra Gent. cap. 74. in fine,* vbi ostendit, quomodo in intellectu possint species conseruari, & si actu non intelligat. In illo autem loco *ex opuscul. 14.* loquitur expresse *D. Thom.* non de memoria sensitiua, sed de intellectiua, quae non habet distinctum actum ab ipso intellectu, neque est potentia distincta ab illo, sed solum dicitur memoria quia conseruat species, vt *infra questione 10.* dicemus.

ARTICVLVS IV.

Quae sint species impressa, & expressa in sensibus internis?

*S*upponimus, dari species in sensibus internis sicut datur cognitio. Quod si illae potentiae internae sunt altiores in cognoscendo, etiam requirunt altiores species, vel saltem altiori modo ordinatas, vt cognitio eleuatiore elici possit. Specialiter autem, quando obiecta repraesentata sunt altioris abstractionis, vt intentiones insensatae, requirere videntur aliquas species perfectiores, & eleuationes repraesentantes tales intentiones, sicut odium, inimicitiam, filios, parentes, &c. Illae enim formalitates non repraesentantur in sensibus externis, & tamen cognoscuntur ab internis, ergo datur aliquod principium repraesentatiuum illarum, quod non debet esse ita materiale, & imperfectum quod sistit in ipsis rebus sensatis, sicut sistunt sensus externi, ergo perfectior species debet esse, quam species sensus

sensus externi, quæ solum repræsentat res sensatas. Vndè immerito Suarez negat istas species insensatas, *lib. 3. de anima capit. 30.* Quod si velit dari quidem illas, sed non distinctas à sensatis repræsentantibus subiecta intentionum insensatarum, non contendo, dummodo distinctæ esse debeant, & perfectiores, quam illæ quæ solum repræsentant res sensatas, & nullo modo intentiones insensatas, vt in sensibus externis.

Quare de istis currit difficultas, qua virtute & à quo agente generentur istæ species insensatarum, quæ perfectiores sunt sensatis, & ab imperfectiori nunquam perfectius generatur.

Respondetur ergo, species istas insensatas colligi ex ipsis sensatis, quia in ipsis continentur tanquam intentiones eis conuenientes, sed qua virtute ab istis speciebus sensatis educantur cum sint superiores illis, est duplex modus dicendi, & vtrumque probare videtur M. Bañez *1. part. questio. 79. articul. 3. dub. 1. ad 2. argum. in fine.* Primus est, quod illa species insensata sit ab ipso obiecto sensibili emittente ex se immediate species istas ad potentias interiores per sensus externos. In quo illud semper difficultatem facit, quomodo cum illæ species indifferenter per aerem diffundantur, quomodo non percipiantur ab omnibus, sed si lupo, verbi gratia, emittit species inimicitie respectu ouis, sola ouis percipit illam inimicitiam lupi, non vero alia animalia vt canis vel homo, &c. quia licet illa inimicitia lupi non repræsentetur vt contraria cani, sed oui, tamen hoc ipsum dicimus quod percipiet canis, scilicet quod lupo sit inimicus oui, & non ipsi cani, siquidem species illa repræsentans inimicitiam ad ouem, æque diffunditur ad sensus canis, & aliorum animalium, qui in eodem medio sunt, & sic omnes percipient, quod lupo sit inimicus oui, quia specie illa informantur. Quod si hoc semel concedatur, eadem ratione percipiet quodlibet animal quaslibet intentiones insensatas, siue

ad se pertineant, siue ad alium, verbi gratia, quod lupo sit amicus alterius lupi, quod illa palea sit utilis ad nidificandum tali aui, quod illa herba sit nociua tali animali, vel conueniens alteri, & denique omnes istas intentiones, quæ sunt innumerabiles à quibuscunque percipientur, quia omnium sensus æque actuant & informant, vtpotè ab obiectis immediate emissæ, cum tamen nos nihil tale sentiamus.

Alter modus dicendi est; quod istæ species insensatæ non fiunt immediate ab obiectis exterioribus, sed quod fiunt ab ipso animali à quo solo percipitur illa intentio, idque virtute animæ vtentis sensitua potentia vt formatiua illarum specierum. Vndè dicit S. Thom. *opuscul. 4. cap. 4. Quod estimatiua est virtus apprehendens de sensato, quod non est sensatum, sicut ouis inimicitias lupi.* Vbi pondero, quod dicit apprehendere hoc ex sensato, non ex sensibili; obiectum autem prout extra non est sensatum, sed sensibile. Itaque ab illa potentia in qua obiectum redditur sensatum, fiunt virtute animæ species illæ eleuationes, seu quæ dicuntur insensatæ, quia sicut in anima est virtus radicalis ad apprehendendum intentiones insensatas, ex præsuppositione cognitionis rerum sensatarum, ita est virtus ad hoc, vt species sensatæ, licet crassiores & imperfectiores sint, possint immittere species perfectiores insensatas virtute ipsius animæ operantis per potentiam sensitivam tanquam per instrumentum naturaliter motuum superioris potentie, ad hoc enim dantur sensus externi vt moueant internos saltem virtute animæ. Ad quod etiam valde iuuat virtus cœlestis, quæ eminentiam habet ad influendum super actiones intentionales, vt dicit Diuus Thomas, *questione 5. de potentia, articul. 8.* Imò hæc eadem difficultas currit in obiectis ipsis materialibus externis respectu sensuum externorum, quomodo scilicet possint obiecta ita materialia, & crassa producere species illas, quæ sunt magis immateriales & perfectæ,

quam accidentia materialia, quæ repræsentant. Et tamen dicimus ab obiectis emitti, quia sensibilia sunt ex natura sua, & præsertim, quia quantum ad hanc actionem emittendi species intentionales subordinantur virtuti coelesti, quæ ad intentionales actiones habet eminentiam. Eodem etiam modo dicemus, quod species semel receptæ in sensibus habent vim mouendi æstimationem eius in quo sunt, & consequenter emittendi species insensatas quæ sunt perfectiores, contentæ tamen in ipsis obiectis sensatis, idque faciunt, tum virtute animæ, tum virtute coelesti, quæ sunt virtutes superiores. Quæ sit autem hæc virtus animæ? Iam diximus esse potentiam sensitivā inferiorem, non ut cognoscitiua est suo modo inferiori, sed ut actiua, & motiua est potētiae superioris, sic enim est productiua speciei non sibi, sed superiori potētiae deferuentis, & sic operatur virtute animæ, quæ eminenter omnes potentias continet, & dat isti inferiori motiuam vim superioris in emittenda specie.

Ex quo patet ad rationem dubitandi, scilicet qua virtute fiant cum sint perfectiores, quam species sensata, hoc enim ex dictis iam solutum est.

Alius modus formandi istas species datur, non per simplicem, & naturalem emissionem ab obiectis, vel potētijis inferioribus, sed per formationem ipsiusmet æstimationis, quæ ex præconceptis speciebus format alias non minus, quam imaginatiua. Sed hæc formatio præsupponit præcessisse iam aliquam speciem, eamque fuisse præconceptā, ideoque illa formatur ex idolis seu speciebus expressis, de quibus statim dicemus.

Secunda erga difficultas est circa speciem expressam seu idolum, quod formant potētiae interiores cognoscentes rem in absentia. Constat enim ponendam esse istam speciem expressam ex parte termini cognitionis, & non sufficere speciem impressam, quæ se tenet ex parte principij, & generaliter est necessaria pro omni cognitione, si-

ue in præsentia, siue in absentia rei, eò quod obiectum mediante illa debet concurrere cum potentia ad eliciendam cognitionem. Exigitur tamen quod etiam obiectum terminet talem cognitionem secundum esse proportionatum ad terminandum illam. Et ita si res sit absens, oportet quod in aliqua imagine, vel similitudine expressa repræsentetur ut terminet cognitionem, & similiter si spiritua in modo debeat cognosci à potentia. Vnde D. Thom. 1. cont. Gent. c. 53. dicit: *Quod species expressa debet formari, quando potest indifferenter cognosci res absens, & præsens, & secundo quando res debet immaterialiter seu spiritualiter attingi & in primo conuenit cum intellectu imaginatio, quæ etiam rem absentem cognoscit, quæ omnia vberius explicamus infra questione II.*

Est ergo difficultas, an ista species expressa seu idolum formetur ab ipsamet potentia cognoscente per illud, an ab alia exprimente, & proponente illud potētiae ut cognoscat; facit enim difficultatem in hac parte, tum autoritas D. Thom. tum ratio. Autoritas est opusc. 14. vbi inquit: *In verbis quæ in imaginatiua sunt, non est ratio verbi expressa, aliud namque est in ea, vnde similitudo exprimitur, & aliud in quo terminatur, exprimitur enim à sensu, & terminatur in phantasia, cum phantasia sit motus factus à sensu secundum actum.* Et infra dicit: *Quod intellectus non mittit ad aliquid aliud conceptiones suas, sicut facit sensus.* Idem docet 4. contra Gent. capit. 11. vbi inquit: *Quod sensibile exterius formam suam exterioribus sensibus imprimit, à quibus procedit in imaginationem, & ulterius in memoriam thesaurum, in quolibet tamen huius emanationis processu principium, & terminum pertinent ad diuersa, non enim aliqua potentia sensitiva in se ipsam reflectit.* Ita Diuus Thomas, vbi rationem insinuat, quia videlicet potentia sensitiva non potest reflectere in se ipsam, ergo neque intendere in speciem expressam inhaerentem sibi,

ut in ea cognoscat obiectum, sic enim in se ipsa seu in aliquo sibi inherente cognosceret. *Confirmatur hoc*; quia possunt fieri apparitiones in phantasia, non per aliquam vitalem actionem producendo imaginem, sed quia facta commotione in spiritibus animalibus seu sanguine, ubi resident species ex sensibus relictæ, variè combinantur illæ species, & apparent ipsi phantasiæ diuersæ representationes, quas utique tanquam terminum representatum intuetur, & consequenter ut speciem expressam. Et quod hoc fiat per motum sanguinis & spirituum, & non per vitalem expressionem constat, quia in somno apparent istæ imagines ex descensu sanguinis ad principium sensitivum, & commouendo species quæ in ipsis spiritibus resident, ut ex Philos. *in lib. de somno. & vigil.* docet S. Thom. 1. p. *quest. 111. art. 3. & quest. 3. de malo art. 4. & quest. 16. art. 11.* Et eadem ratione Angelus, vel Dæmon potest in ipsa phantasia apparitiones istas formare, per eandem commotionem spirituum, & sanguinis, ut eisdem locis docet S. Thom. Illa autem commotio localis Angeli, non est elicientia vitalis ipsius imaginatiuæ.

Nihilominus dicendum est, quod species expressa seu idolum non formatur in phantasia seu potentia interiori, nisi per actum vitalem potentie cognoscentis, licet verum sit, quod species impressæ, quæ per modum principij debent concurrere ad cognitionem, locali motu possunt imprimi, & deferri ad ipsam phantasia, illamq; excitare ad formandum tale idolum, & hoc solum intendit Diuus Thomas in *lo. is præd. ligatis*; aliàs enim ex eo attribuit phantasiæ necessitatem formandi idolum, quia indifferenter potest cognoscere absentia in quo conuenit cum intellectu, ergo sicut in intellectu formatio verbi fit per cognitionem, etiam in phantasia. *Ratio autem est*, quia species expressa est imago vitalis, quia repræsentat non ut principium cognitionis, sed ut terminus eius, & consequenter non ante vitalem actionem,

sed post ipsam, & dependenter ab ipsa ut terminus eius, aliàs non esset expressa species, & per modum termini repræsentans ipsi cognitioni, ergo licet species impressa, quæ est principium cognitionis, possit per motum extrinsecum aduenire, tamen expressa, quæ est terminus cognitionis & operationis immanentis non potest per extrinsecam operationem, sed per cognitionem vitalem produci. Quod vero talis species expressa non possit formari ab vna potentia, & deferri alteri, ut in ea tanquam in termino cognoscat, patet, quia quod formatur ab vna potentia, non potest esse terminus operationis elicitæ ab altera, nec formaliter illi reddere rem cognitam & repræsentatam per modum termini; sed si species formata ab vna potentia repræsentat alteri, solum potest esse mouendo illam obiectiuè, siquidem extra illam est, & sic ut tale idolum seu imago repræsentaret, & cognosceretur ab alia potentia, deberet emitte speciem sui ad illam, sicut imago exterior, quæ obiectiuè mouet potentiam, per speciem sui mouet illam. Si autem species expressa deberet informare aliam potentiam mediante specie à se emissa, iam nõ informaret ut terminus cognitionis, sed ut obiectum mouens ad extra.

Ad authoritates D. Thom. ad 1. respondetur, quod negat verba imaginatiuæ potentie esse expressiuæ, non quia non sint formata per cognitionem æstimatiuæ, sed quia in modo formandi dependent non à sola potentia & specie, sed etiam ab alijs motibus corporalibus & physicis, quibus species ipsæ deferuntur à sensibus ad phantasia, vel ex memoria depromuntur, & agitatione & commotione spirituum aut humorum species ipsæ disponuntur ut moueri possit phantasia. Et hæc motio aliquando fit ab ipso met homine, non solum dormiente, sed etiam vigilante, & per voluntarium vsum, ut dicit D. Thom. *quest. 3. de malo art. 4.* aliquando etiam potest fieri à causa extrinseca. Et species, quæ à sensu

emittuntur ad phantasiam, vocat D. Thom. *in eodem loco, & alijs supra citatis*; quod sunt impressiones relię a sensibus, quę in dormientibus descendunt cum sanguine, seu spiritibus ad principium ipsum sensitium, & inde mouent phantasiam, perinde ac si ab ipsis obiectis exterioribus moueretur. Impressiones autem illę non sunt species expressę, quia illę non mouent cognitionem, sed sunt terminus actus, seu cognitionis. Quia ergo expressio proprię loquendo debet esse partus quidam purę intentionalis, & in genere cognoscitiuo; ideo formatio illa verbi, seu speciei, quę dependet necessariō ab aliqua commotione physica & alteratione spirituum vel humorum, in quibus species disponuntur & deferuntur, cadit ā propria & perfecta ratione expressionis, & ratione illius dicitur fieri cognitio illa, & formatio verbi per immutationem extrinseci mouentis, & non per expressionem perfectam, sicut fit in intellectu nostro, cui licet phantasia ministret species, vt instrumentum intellectus agentis in genere obiectiuo & intentionali, tamen ipsę species impressę spirituales sunt, & verbum quod formant spirituale est, vnde non dependet ab aliqua physica commotione spirituum, vel humorum, aut alia alteratione physica vt formetur, sed purę intelligibiliter exprimitur. Et tamen quia dependet ā phantasmatibus, adhuc imperfectiori modo exprimit verbum quā Angeli, vt dicit S. Thom. 4. *contra Gent. c. ii.*

Quod verō dicit D. Thom. quod intellectus non mittit ad aliquid aliud conceptiones suas sicut facit sensus. *Respondetur*, non intelligi, quod sensus mittat conceptiones suas, ita quod potentia, cui mittit non format conceptionem seu idolum, sed formatum ab alia recipiat, vt per illam formaliter cognoscat, sed intelligitur, quod conceptiones formatę a sensu mittunt ad illam species impressas eorum, quę concipiunt, quod tamen non facit intellectus, quia non habet potentiam supra se quam moueat.

Et in hoc sensu apertē loquitur D. Thom. *contra Gent. cap. ii.*

Ad rationem respondetur, non colligi, quod potentia sensitua sit reflexiua, ex eo quod formet idolum, & mediante illo cognoscat obiectum repręsentatum in illo, dummodo non cognoscat ipsum verbum in actu signato, & tanquam obiectum cognitum, sed vt medium cognoscendi, sicut etiam non reflectit supra ipsum actum, licet vtatur illo tanquam medio cognoscente & tendente ad obiectum, sic vtitur idolo formato vt repręsentante sibi obiectum extra, tanquam termino producto ad repręsentandum aliud, non vt sentiatur in se, quod requirebatur ad reflexionem.

Ad Confirmationem respondetur, apparitiones quę fiunt in somno, non esse species expressas formatas a sensu, & repręsentatas, seu apparentes phantasie, sed vt colligitur ex D. Thom. & Aristot. species impressę, quę relinquuntur ex sensibus, ponunturque in ipsis spiritibus, seu sanguine, delatę in phantasiam mouent ipsam ad formandum idola, & cognoscendum, sicut cum erat in vigilia. Contingit autem sic: quando dormitur obstructis vijs, seu meatibus sensuum externorum per vaporum copiam, contingit per agitationem sanguinis, & spirituum descendere spiritus ipsos ad principia sensitua, id est, ad organa sentium sic obstructorum. & quia species ab ipsis sensibilibus impressę in spiritibus illis sunt affixę, vtpotē cum per illos deferantur ab yna potentia ad aliam, rursus tales species ab ipsis sensibus in quos descendunt mediantibus spiribus eiaculantur in phantasiam, ipsamque mouent eodem pacto, ac si sensus vigilaret, quia dum vigilat, non aliter mouet phantasiam, quā emittendo species in spiritibus inclusas ad illam. Et quia contingit istas species diuersimodē commisceri & combinari, & similiter ipsam agitationem spirituum & humorum aliquando esse magis turbulentam, aliquando magis sedatam & puram, inde etiam contin-

tingit somnia aliquando esse magis turbida & difformia, aliquando magis vniformia & pura, aliquando repræsentare res maximè distortas & monstruosas, aliquando proprias, prout fuerit combinatio specierum in illis spiritibus, vel dispositio aut infirmitas phantasiantis. Et quia Angeli, vel dæmones possunt intra cerebrum localiter mouere spiritus, & in illis combinare species, quæ ad principijs sensituiis mittantur ad phantasiam, inde est, quod varijs apparitionibus possunt illam mouere non solum in somno, sed etiam in vigilia, & aliquando ita fortiter, quod putet aliquis se videre res extrinsecus, cum tamen solum sint species delatæ ad principia sensitua, & inde mouentes phantasiam maiori aliqua viuacitate à Dæmone procurata, vt ex locis D. Thom. cit. colligitur, & affirmat in 1. dist. 7. quest. 1. art. 5. ad 4.

An verò ista idola formentur aliquando per compositionem seu collationem, an simplici quadam formatione? *Respondetur*, quòd Auicenna, vt refert D. Thom. 1. part. quest. 78. art. 4. posuit quandam distinctam potentiam à cæteris, quæ deferui- ret pro formandis speciebus secundum cõpositionem, vt ex specie auri & montis, speciem montis aurei. Sed tamen, vt aduertit D. Thom. hoc quod est formare per compositionem collatiuam, solum inuenitur in homine, propter quod æstimatiua in ipso dicitur cogitatiua, quia conferendo & discurrendo circa intentiones singulares, formare potest species. At verò bruta non hæc faciunt per compositionem collatiuam, sed naturali instinctu, & sic ex modo ipso & formaliratione procedendi, illa formatio

in brutis simplex est. Cæterum id quod naturalis instinctus facit, combinatio est diuersarum specierum quæ per agitationem humorum & spirituum inter se commixtè mouent ad diuersas res compositas repræsentandas, & ita ex parte rerum repræsentarum & combinationum specierum comparatio datur etiam in brutis, non ex modo cognoscendi & procedendi quasi modo collatiuo & comparatiuo id faciant, sed per modum mixtionis specierum, quæ commixtæ faciunt formari idola repræsentantia res compositas & coaceruatas.

Quod si dicas, cur similiter in sensibus externis non sit hæc commixtio specierum, sicut in internis, sed distinctæ vnumquodq; cognoscitur? *Respondetur*, etiam aliquando contingere in sensibus externis ex diuersa dispositione medijs per quod deferuntur species, vt cum species soni, aut odorum confunduntur, aut cum species visibiles refranguntur in angulis perspicillorum, & multiplicantur aut confunduntur, aut paruæ apparent vt in aliquibus speculis; frequentius tamen id accidit in internis sensibus, tū quia medium quo deferuntur species sunt ipsi spiritus, qui aptiores sunt ad commixtionem istam propter sui velocitatem, & mobilitatem; tum quia potentia ipsæ maiorem vim habent ad combinandum istas species & spiritus ipsos commouendos, tum quia minus pendent à præsentia

& immutatione obiectorum quàm sensus externi, & ita facilius obiecta mutant in speciebus.

TRACTATUS DE ANIMA INTELLECTIVA.

QVÆSTIO IX.

De Anima rationali secundum se.

ARTICVLVS I.

Quomodo naturaliter constet animam rationalem esse immortalem, & per se subsistentem?

REVRES fuisse qui animam nostram immortalem negauerint, tum ex antiquis Philosophis vel potius insipientibus, quàm ex modernis hæreticis, seu Atheistis manifestum est. Et quidem Sapientiæ 2. introducuntur quidam dicentes: *Ex nihilo nati sumus, & post hoc erimus tanquam non fuerimus, & spiritus diffundetur tanquam mollis aer, & transibit vita nostra tanquam vestigium nubis.* Et non solum aliquos hæreticos & antiquos aliquos Philosophos constat existimasse animas hominum interire, sicut & pecudum, sed etiam Aristoteles non benè sensisse de animæ immortalitate non pauca sunt quæ persuadeant, vt sentit D. Gregorius Nissenus, licet excusetur à D. Thom. 2. *contra Gent. cap. 79. & quodlib. 10. artic. 6. & 12. Meth. lect. 3. & alijs locis, de quo postea agemus.* Certum tamen est subobscurè de hac re Aristot. fuisse locutum, & quadam perplexitate detentum, eò quòd ex vna parte posuit mundum ab æterno & generationes rerum, negavit autem contra Pythagoram animas transire de vno corpore in aliud, & contra Platonem negavit easdem res statutis temporibus iterum redire, vnde cogebatur ponere omnes animas

ab æterno productas in infinitis hominibus actu nunc esse separatas si essent immortales, ipse autem negavit infinitum in actu, 3. *Physic.* Vnde valde in hac parte Aristot. opprimebatur circa animæ nostræ immortalitatem.

Cæterum animam nostram immortalem esse & subsistere soluto corpore, ita rationis lumine insitum videtur, vt etiam apud Gentiles & barbaras nationes pro constantibus ista habita sit, cum ferè omnes agnouerint restare post hanc vitam pœnas pro delinquentibus, & pro bonis præmia, de quo videri potest Clemens Alexandrin *lib. 4. Stromatum cap. 7. & 8.* Origenes *lib. 7. contra Celsum.* Eusebius *de preparatione Evangelica, cap. 18.* Lactantius *lib. 7. Institutionum, cap. 8.* Cicero in 1. *Tusculanar. quest.* Tertullianus *lib. de anima, cap. 34.* vbi id tribuit Platoni, Socrati & Pythagoræ, & videri possunt plura apud Eugubinum *lib. 9. de perenni Philosophia, cap. 3.* Nicolaum Fauent. *lib. 1. de immortalitate animar. cap. 11.* aliosque recentiores.

Fundatur hac veritas pluribus argumentis, sed præcipua reducuntur ad tria. *Primum* est ad scripturæ auctoritatem. *Secundum* ad rationem speculatiuam ex operatione animæ deductam. *Tertium* ad rationem moralem ex gubernatione Dei. *Ad primum* licet tota Scriptura nihil principalius nobis significet, quàm vitam æternam restare post hanc vitam bonis, sicut & malis supplicia æterna, & in

utris-

utrisque resurrectionem futuram, nec solum animas bonorum post hanc vitam conseruari speciali aliqua gratia Dei, sed etiam animas malorum, quæ omni gratia Dei carent, atque adeo naturaliter immortales esse debent: specialiter tamen videri potest *Sapientia secundo*, vbi error oppositus ad longum refertur, & condemnatur. Item *Ecclesiastes 11. Reuertatur puluis in terram suam, & spiritus redeat ad Deum qui dedit illum.* Item Iob 3. loquens de hominibus iam defunctis, ibi, inquit, *impj cessauerunt à tumultu, & ibi requieverunt fessi robore, parui, magni ibi sunt, &c.* Item *Lucæ. 16. mortuus est mendiculus, & ab Angelis pertatus in sinum Abrahe. mortuus est & diues, & sepultus est in inferno. Apocalypsi 6. vidi animas intersectorum propter verbum Dei, &c.* & alia multa loca passim occurrunt, quæ rem istam clarissime testificantur, nec indigent peculiari ponderatione. Vnde tandem hæc veritas diffinita est in Concil. Lateranem. sub Leone X. vbi dicitur. *Cum nonnulli ausi sint dicere de natura animæ rationalis, quod mortalis sit, & aliqui temere philosophantes, saltem secundum philosophiam verum esse asseruerent: sacro approbante Concilio damnamus omnes, asserentes animam intellectiuam mortalem esse, & hoc in dubium vertentes, cum illa non solum per se, & essentialiter forma existat verum & immortalis.* Vbi cum Concilium damnet eos qui secundum Philosophiâ voluerunt ponere animam mortalem manifeste supponit naturaliter esse immortalem. Superfluum est autem Sanctorum authoritates pro hac parte adducere, cum nihil tam frequens apud Patres repetatur, quam animarum post hanc vitam præmia, & supplicia, & tandem resurrectionem futuram.

Quoad secundum, ex his quæ D. Thom. docet 1 p. q. 75. artic. 2. & 6. & 1. contra Gent. capit. 79. formare possumus hanc rationem speculatiuam ex propria animæ intellectiuæ operatione desumptam. Nullum principium intellectualis operationis potest

esse dependens à corpore in essendo: Sed anima rationalis est principium intellectuales operationis, ergo in suo esse non est dependens à corpore, sed extra illud subsistit. Rursus illud quod est subsistens independentem à corpore, & in se est forma, non potest corrumpi ab aliquo agente creato, licet possit annihilari à Deo, ergo simpliciter anima est immortalis, seu incorruptibilis ex natura rei, licet sit dependens in esse & conseruari à Deo, sicut omnia alia entia quantumcunque immortalia.

Primus syllogismus huius rationis est consequentia legitima, utpotè inferens in *Ferio. Minor prob.* quia illa operatio est intellectualis, quæ potest vniuersaliter attingere omnes naturas corporeas ex parte obiecti, & per abstractionem vniuersalem ex parte modi cognoscendi, & aliquo modo saltem discursiue attingit substantias spirituales & separatas; ad hæc enim tria reducit D. Tho. probationem intellectualis operationis in 2. contra Gent. ca. 49. & 66. & quæst. de anima artic. 1. & 1. part. quæst. 75. artic. 2. Et quod possimus intelligere omnes naturas corporeas constat experiëntia ipsa, quia intellectus noster habet pro obiecto quidditatem sensibilem, vnde nulla natura corporea siue sensibilis datur quam non possit intellectus noster percipere, quidquid enim sensu patere potest penes exteriora accidentia ab intellectu attingi potest quoad substantiam ergo necesse est quod talis potentia careat omni natura corporea, sicut visus caret omni colore, ut possit omnes differentias colorum percipere, non tamen caret omni visibili, quia habet rationem diaphani lucidi, & ideo omnia videt sub ratione lucidi, & per medium diaphanum: ita etiam potentia intellectiua ad percipiendum omnes naturas corporeas debet omni natura corporea carere, quod est esse spiritualement, sed tamen non debet carere omni quidditate & ratione entis, quia omnia ad modum entis, & quidditatis cognoscit alias destrueretur.

Ex parte etiam modi cognoscendi nempe per modum abstractionis, & vniuersalitatis & cōparationis & reflexionis, constat operationem ipsam debere esse intellectualem, quia talis modus abstractionis, & vniuersalitatis excedit omnia corporalia, quia induit proprietates immaterialitatis; potest enim apprehendere rem abstractam in vniuersali independentem à loco & tempore, quod est proprium rei incorporalis & immaterialis, vniuersale autem sub modo vniuersalitatis abstractum independentem se habet à determinato loco & tempore, imò abstractio, quam facit noster intellectus se extendit ad omnes gradus quantumcumque superiores, & analogos, sub quibus comprehenduntur etiam ipsæ res spirituales, sicut subtractione substantiæ, in qua cōueniunt etiam Angeli, & similiter in abstractione qualitatis, quæ abstrahit à corporali & spirituali, ergo ex modo operandi talis operatio intellectualis est, quia modus ille superat omnem corporalem.

Et ex hoc prob. quoad 1. eadem min. quia licet non percipiat noster intellectus res spirituales quidditative vt sunt in se, tamen discursiue & collatiue illas attingit, & consequenter aliquid altius omni corpore cognoscit, & altiori modo hoc ipso, quod per viam remotionis res spirituales attingit negando, seu remouendo ab illis omne quod corporeū est, sicut si visus posset attingere sonū remouendo ab illo quidquid visibile est, recte colligeremus, quod obiectum visus non esset coarctatum & limitatum ad solum colorem, quia attingere sonum remouendo ab illo omne visibile non stat cum hoc quod visibile sit specificatum visus, quia nulla potentia potest aliquid attingere remouendo suum specificatum ab illo. Si ergo noster intellectus potest attingere rem spiritualement per viam remotionis, id est remouendo ab illa omnem conditionem corpoream, necesse est quod specificatum talis potentiæ non sit aliquod corpus, sed aliquid altius omni

ratione corporea. Quod verò res spirituales hoc modo attingamus constat, tum experientia cum multa de illis demonstramus; tum ex ipsa inclinatione virtutis, quæ contra omne pondus corporeum, & supra omnem sensum, & delectationem rapitur ad spiritualia, ergo debet illa cognoscere, alias nō amaret; tum denique quia vt dicit Apost. *Rom 2. Inuisibilia Dei per ea que facta sunt, intellecta conspiciuntur*, ergo spiritualia attinguntur.

Restat ergo prob. mai. huius primi syllogismi; quod nullum principium intellectualis operationis est dependens à corpore. *Et prob.* quia intellectualis operatio vt vidimus est spiritualis, & excedens omnia corporalia, ergo necesse est quod radix & principium à quo egreditur sit substantia spiritualis, siquidem operatio non habet aliud esse quod non accipiat à principio à quo procedit, ergo si habet esse spirituale, accipit illud à suo principio, ergo illud non potest esse corporeum, quia non potest dare esse excedens se ipsum. Si autem substantia illa non est corporea, sed spiritualis, ergo est independens in essendo à corpore, quia si esset dependens cum anima sit forma, dependeret vtique à corpore vt à materia, alioquin si non dependet ab ea, vt à materia, ergo remota tali materia & corpore adhuc anima stare potest. Si autem à materia dependet in essendo, ergo debet contineri in ipsa materia & educibilis esse ab illa, & reducibilis in illam, & producibilis ab agente naturali per actionem corpoream, & dispositiones corporeas, ergo nihil illi deest vt sit corporea, siquidem in virtute actiua & materiali corporea continetur.

Quomodo verò anima cum forma spiritualis sit, informet materiam, quin contineatur in illa, dicemus *artic. sequent.* An verò aliquod accidens spirituale imperfectum per modum motionis possit inhærere corpori, & in eius potentia contineri, dicemus *quest. seq. artic. 2.*

Sic ergo probato quod anima rationalis est forma subsistens & spiritualis, *restat probare secundum*, quod inde deduximus, scilicet quod sit incorruptibilis. *Et suppono*, quod solum dupliciter potest aliquid corrumpi, scilicet vel per se, vel per accidens. Per se corrumpitur id, quod per se generatur, sicut res subsistens. Per accidens definit quod ad definitionem alterius corrumpitur sicut forma, vel accidens, quæ desinunt ad destructionem subiecti in quo sunt. Res autem subsistentes habent esse mediante triplici causa, scilicet efficiente à qua fiunt, & conseruantur; & formali, quia forma est quæ dat esse rei; & materiali, non quæ sit subiectum inhesionis, hoc enim non datur respectu rei subsistentis, sed quæ sit pars constituens ut in rebus corporeis subsistentibus. Finalis autem causa hic locum non habet nam, finis non dat ipsum esse tanquam principium, sed perficit & consummat tanquam finis, & ordinat ad se. Et licet finis in intentione præcedat ipsum efficiens, tamen non exequitur suum effectum nisi mediante causa efficiente. Materialis etiam causa in præsentem locum non habet, quia anima non est res composita ex materia corporali, & forma, sed est simplex forma informans materiam independens autem ut ostensum est à corpore in suo esse, & consequenter à materia quam informat, nec enim habet aliam materiam, quam corpoream & sensibilem, quam informat, & sic si non dependet à corpore in operando & essendo, etiam non dependet in esse à materia, sicut formæ non subsistentes. Ergo anima non potest corrumpi corruptione per accidens, id est per ablationem subiecti, seu causæ materialis, si enim non dependet ab illa in esse, sublata illa, adhuc remanet eius esse.

Solum ergo potest corrumpi per se, scilicet vel per ablationem causæ formalis, vel per suspensionem influxus efficientis. Primum non habet locum in præsentem, cum anima non sit composita ex forma & mate-

ria, sed simplex forma, ergo non potest amittere esse per separationem alicuius formæ dantis sibi esse. Solum ergo potest amittere esse per suspensionem influxus causæ efficientis, prout ab illo dependet existentia effectus; existentia enim rei non potest tolli per contrarium, non corrupta eadem forma cuius ratione datur; quia sic deberet tolli una existentia, & succedere alia, si autem alia succedit, manet res existens, quia manet sub aliquo esse, solum ergo potest tolli per suspensionem influxus, quo conseruatur in esse à suo agente, & sic nullus negat, quod anima potest desinere, sicut etiam Angelus, & cælum, sed talis desinitio erit annihilatio, non corruptio, & sic semper anima manet incorruptibilis respectu agentium naturalium, quæ non possunt corrumpere annihilando, & suspendendo influxum, quo res conseruatur in esse à suo creatore sicut nec possunt totum esse producere creando, & sic à nullo agente creato potest separari existentia ab aliqua re, nisi separando, aut non conseruando formam, qua mediante participatur esse in ipsa re habente formam. Et ideo dicitur, quod formæ subsistenti conuenit esse per se, non per se, id est essentialiter sed per se, id est non per aliud sed immediatè, quæ est propriissima expositio huius propositionis D. Thom. *esse per se conuenit formæ*, quam obscuram & difficilem vocat Suarez ubi supra *num. 20.* sed dicimus, quod formæ per se conuenit esse non per se in primo, aut secundo modo, cum non habeat connexionem essentialem, vel intrinsecam ipsum esse cum forma creata, sed conuenit per se in tertio modo, id est per se singulariter, seu subsistenter, quia formæ subsistenti conuenit esse immediatè, & non mediante alia forma, & sic per se subsistenter, seu immediatè habet esse. Ex quo fit, quod tale esse non potest tolli à tali forma remouendo aliquam formam, sed solum remouendo influxum efficientis primi, & talis influxus non potest remoueri nisi per annihilationem, & suspensionem illius,

illius, reliqua verò agentia creata solum possunt corrumpere introducēdo aliquam formam contrariā, aut impossibilem cū præcedenti quæ dabat esse. Potest etiam Deus supplere hoc esse assumēdo illam formam ad suam diuinam subsistentiam, & existentiam, sed hoc non est corrumpere, sed meliorare & perficere esse formæ.

Vnde cessant omnes instantiæ P. Suarez contra hoc axioma, *quod esse per se conuenit formæ*, quæ procedunt ad probandum quod esse non conuenit essentialiter ipsi formæ, sed contingenter, imò & de facto separatum est à forma secūdum sententiam Thomist. in Incarnatione, in qua humanitas assumpta est ad existentiam diuinam. Sed constat ex dictis quod *ly per se* non sumitur à nobis pro eo quod est essentialiter, & in primo, aut secundo modo per se sed pro eo quod est immediatè, & in tertio modo per se. Vnde tandem ipse Suarez *num 21.* in hanc expositionem conuenit dicens quod si existentia distinguitur à natura, non potest tolli à forma quia per se conuenit illi hoc est immediatè.

Hæc ratio non solum probat animam nō definire ex vi separationis à materia, sed etiam postquam separata est non corrumpi, sed semper durare, quia hoc ipso quod habet esse subsistens vt forma simplex & independens à materia, vel composito, sed solum acceptum ex influxu Dei conseruantis, constat ipsum esse animæ non posse ab aliqua causa creata corrumpi etiam post separationem, quia à nulla causa creata potest impediri, vel auerti influxus Dei, alias posset annihilare, quia remoto, vel impedito influxu Dei creantis, vel conseruantis res totaliter decedit in nihilum.

Tertia probatio est moralis ratio deducta ex distributione præmiorum & pœnarum, quæ in hac materia magnum habet pondus, & multi sancti ea vtuntur. Supponit autem hæc ratio duo principia lumine naturali nota *Primum est* dari vnum supremum Rectorem totius vniuersi, qui est Deus ad quæ

pertinet recte disponere & providere omnes res vniuersi, præsertim actiones humanas. *Secundum est*, quod cum homo ex sua propria natura rationalis sit oportet, quod supremus eius finis sit viuere secundum rationem, & consequenter secundum virtutem, quia virtus est quæ homines facit recte operantes secundum rationem. Quare felicitas hominis non potest consistere in his quæ pertinent ad temporalem fortunā, & sufficientiam rerum corporalium, quia hæc communia sunt bonis & malis, imò plerumque mali magis prosperantur in hac vita, & tamen agunt contra rationem; neque in hoc attingunt felicitatem, seu finem rationalis vitæ.

Ex quibus principijs deducitur, virtute deberi aliquod præmium post hanc vitam, & culpæ pœnam, alias non recte ordinaretur hoc vniuersum circa actiones humanas & finem rationalis vitæ. Nec enim potest virtus habere in hac vita debitum præmium, tum quia ea quæ in hac vita dantur præter virtutem, solum possunt pertinere ad felicitatem aliquam temporalem in aliquo bono ciuili vel delectabili, & in sufficientia bonorum huius vitæ; hæc autē non possunt esse conueniens præmiū virtutis, quia sunt inferioris ordinis ad ipsam & propter bonum virtutis & honoris hæc omnia relinquere possunt & debent; vnde sūt communia malis & bonis, ergo non possunt esse congruum præmium bonorum: Tum etiam quia in vita hac plerumque virtus caret omnibus istis, & est in magna tribulatione, & labore, & miseria, iuxta quod dicit Apost. 1. ad Corint. 15. *Si in hac vita tantum in Christo sperantes sumus miserabiliores sumus omnibus hominibus.* Non potest autem labor & miseria huius vitæ esse præmium virtutis, cum potius sit exercitium, & meritum eius, vtpotè valde laboriosum; præmium autem virtutis debet esse aliqua felicitas propria hominis vt homo est, & consequenter debet esse libera à miserijs, felicitas enim miseriæ opponitur. Si ergo non om-

omnis virtus in hac vita liberatur ab istis
miserijs & labore, non omnis virtus ha-
bet præmium & foelicitatem sibi debitam,
ergo vel perpetuo careret illa, vel debet
habere illam post hanc vitam.

Nec valet respondere ✕ Scoto in 4. dist. 43.

q. 2. virtutem secum afferre suum præmiū,
scilicet pacem internam, voluptatem ma-
ximam, honorem externum, & similia. Nā
contra est, quia hæc non sunt præmia virtu-
tis, sed proprietates eius, & sic adhuc per-
tinent ad meritum; non potest autem meri-
tū respicere pro præmio id quod est sibi
connaturale & proprium vt meritum est.
Adde quod hæc omnia non sunt coniuncta
cum foelicitate aliqua, sed compatiuntur
cum magna tribulatione & miseria, & la-
bore in exercitio virtutis, quia vt dicit A-
post. 2. ad Thimot. 3. *Omnes qui volunt pie
vivere in Christo Iesu persecutiones patientur*,
non ergo possunt ista præmiare virtutem,
alioquin sua ipsa difficultate & labore præ-
miaretur, quod est ridiculum; imò posset
secundum hanc rationem in republica be-
ne instituta, iuste denegari præmium virtu-
ti & poena peccato, quia ipsa virtus est sibi
sufficiens præmium, & similiter peccatum
est sibi poena & supplicium, ergo iuste po-
test quodcumque aliud præmium vel poena
denegari. Honor autem debetur quidem
virtuti, sed non semper redditur, vel quia
virtus est occulta, vel quia habet aduersa-
rios à quibus potius contemnitur, & ita si
non esset alia vita, cōmuniter virtus ca-
reret præmio.

Additur ad hoc, quia vel in hac vita debet
homo vivere secundum rationem, vel se-
cundum sensum. Hoc secundum est omnino
contra ipsam rationem, nec constituit per-
fectionem hominis, in eo quod perfectissi-
mum illi est, scilicet in quantum rationalis,
si non debet vivere secundum rationem, sed
secundum sensum. Si primum, debet in mul-
tis contradicere corpori, & appetitus re-
primere quos contra rationē esse videmus,
& propria commoda contemnere, propter

altius bonum, quod est bonum rationis, &
virtutis, ergo illud bonum rationis superat
omne bonum corporale huius vitæ, siquidē
etiam suprema bona corporis, v. gr. volu-
ptates & honorem externum homo debet
negligere propter bonum rationis, & ali-
quando etiam vitam ipsam debet postpo-
nere bono virtutis, ergo si anima defineret
cum corpore, inclinatio ad operandum se-
cundum rationem esset inclinatio ad de-
struendum se ipsum siquidem relinquendo
bona corporis, corpus afficeretur damno
& consequenter anima, si cum corpore in-
teriret.

Quare relinquitur, rem istam demonstra-
ri rationibus naturalibus, & moralibus,
quod immerito negat Scot. vbi supra, nec
benè Caiet. dixit in 3. *Ecclesiastes* hæctenus
nullum Philosophorum demonstrasse im-
mortalitatem animæ Sed fortasse loquitur
de philosophis antiquis, nam loquendo de
ratione D. Th. eam defendit i. p. q. 75. art. 2.
& respondet ad rationes Scoti.

SOLVUNTUR ARGV- MENTA.

Primo instari potest, contra rationem de-
ductam ex operatione animæ, quia ani-
ma intelligit cum dependentia à phantaf-
matibus & à sensibus corporeis, ita vt nū-
quam possit absolui ab ista connotatione &
dependentia. Vnde ergo constat nobis ope-
rationem animæ esse in se spiritualement, si nū-
quam possumus eam independentem à re-
bus & sensibus corporeis videre?

Secundò, quia ipsa anima non solum
quoad operationem, sed etiam quoad indi-
viduationem & consequenter quoad esse
dependet à corpore, indiuiduatur enim &
distinguitur indiuidualiter vna anima ab
altera per ordinem ad corpus, ergo tam ex
parte operationis, quā ex parte indiuidua-
tionis habemus indubitata signa materia-
litas in anima, & ita quidquid dicitur de
modo illo immaterialitatis, & spiritualita-
tis in operando, vel in subsistendo, si regulatur

per istas dependentias, omnino eneruat istas rationes quia non stat illa spiritualitas cum tanta dependentia, & ordine ad corpus.

Tertio quando dicitur debere animam carere omni corpore, quia potest intelligere omnia corpora, instatur in primis, quia non intelligit anima nostra omnia corpora simpliciter, sed solum quæ per sensus offeruntur, & eo modo quo per sensus cognoscuntur, nam si à tali modo extrahantur, vt si ponatur corpus sine quantitate, vel eo modo quo est corpus Christi in Eucharistia, non valet intelligi ab anima nostra, Quod si solum loquimur de omni corpore per sensus externos cognito, hoc etiam attingit imaginatiua, quæ ad omnia corpora se extendit hoc ipso quod ad omnia imaginabilia, & tamen nõ est spiritualis. *Deinde* dato quod intelligat omnia corpora, nõ sequitur quod caret omni corporeitate, alias etiam probaretur quod caret omni quidditate, & entitate quia potest cognoscere omnes quidditates, & entitates; imò vt sensus percipiat aliquod obiectum, non debet carere illo realiter, sed solum intentionaliter, sicut potentia visiva non caret luce, nec diaphaneitate, & tamen vtrumque cognoscit. Illa autem ratio de cognitione & attingentia substantiarum separatarum nihil omnino probat, quia res istas spirituales non cognoscimus nisi ad instar rerum corporearum & cum connotatione ad corpora, nec potest ab istis connotationibus expediti nostra cognitio intellectiua, ergo ex hoc nullo modo probatur spiritualitas illius cognitionis, quia non probatur omni-moda separatio à conditionibus corporeis.

Quarto, principium intellectuale non excedit omne corporeum, quia intellectus nõ potest esse perfectior quam natura à qua dimanat, sed anima est actus corporis, ergo & intellectus talis animæ. *Et confirmatur*, quia si esset pure spiritualis, esset se ipsa intelligibilis anima & ipse intellectus,

siquidem intelligibilitas fundatur in immaterialitate, ergo quod in sua entitate est omnino immateriale per se ipsum est intelligibile; & sic ipsa anima redderet intellectum actuatum sua propria intelligibilitate quando intellectus dimanat ab ipsa, & sic epugnat quod intellectus dimanet vt pura potentia cum debeat dimanare, vt intelligibiliter, actuatius ab ipsa natura spiritali à qua dimanat, si in se ipsa spiritalis est.

Quinto, contra rationem qua ostenditur animam esse subsistentem, & non corrupti ad corruptionem corporis instatur in primis, quia & si non dependeat à corpore in subsistendo, non tamen prodatur quod non dependeat à corpore vt à dispositione requisita, seu conditione vt. conseruetur in esse sicut dependet in indiuiduatione. *Deinde* illa propositio cui tota hæc ratio innititur, scilicet quod esse per se conuenit formæ non recte intelligitur conuenire in tertio modo per se, seu subsistenter. & immediate, quia in primis existentia immediate conuenit supposito, seu subsistentiæ, quia est id quod primo fit & consequenter, quod primo existit, suppositum autem in homine est corruptibile, ergo ex eo quod alicui immediate conueniat ex stentia non sequitur quod non possit corrupti. *Denique*, quia hoc ipsum quod alicui immediate conuenit potest dependere ab aliquo extrinseco à quo immutetur vel corruptatur, sicut quantitas immediate conuenit corpori, & tamen potest multis modis mutari & corrupti, verbi gratia per diuisionem augmentationem, diminutionem, &c. Alia quæ contra spiritualitatem animæ militant *seq. art.* adducemus.

Ad 1. responderi solet, intellectum nostrum dependere à phantasmatibus & sensibus vt à proponentibus & ministrantibus obiecta non autem tanquam à præbentibus formalem rationem, & modum operandi. Sed quia hoc ipsum est quod queritur, restat eius reddere rationem. Vnde addimus, hoc ipsum

ipsum comprobari indicijs & signis supra allatis; tum quia intellectus taliter cognoscit objecta corporea, quod etiam supra se reflectit, ergo oportet, quod eius obiectum sit aliquid superius & altius, quam illa objecta corporea ministrata per sensus, siquidem non solum illa cognoscit, sed etiam ad se reflectit, ergo signum est quod à sensibus & limitantibus ad se modum cognoscendi intellectus: tum quia percipit quidditates corporum, & interiorem substantiam ad quam non pertingunt sensus, sed solum ad exteriora accidentia, ergo signum est non limitari modum operandi intellectus ad objecta sensus, & ad modum operandi ipsorum. Quare intellectus tantæ amplitudinis est, ut possit saltem per viam negationis & remotionis discernere inter corporalia, & spiritualia, atque etiam illa attingere separando omnem rationem corporeitatis per viam negationis, quod signum est, non limitari, & deprimi operationem intellectum animæ ad modum materiale si enim potest ipsam remouere, & remouendo usque ad spiritualitatem obiecti attingere, utique excedit omnem vim cognitionis corporeæ, nulla enim talis operatio potest etiam per viam remotionis excedere suam specificam rationem, quæ corporea est, ergo operatio quæ illam excedit, corporea non est.

Ad secundum resp. quod indiuiduatio animæ sequitur eius naturam non solum in se sed in ordine ad aliquem terminum prout est communicabilis, vel incommunicabilis alteri, quia indiuiduatio pertinet ad rationem ultimi, seu incommunicabilis, si perfecta, & completa sit. Cum autem anima licet in se sit independens à materia & subsistens, sit tamen communicabilis illi, non potest compleri & totaliter indiuiduari ad se, sed in ordine ad materiam communis. Hæc tamen dependentia seu ordo non tollit, quod substantia illius animæ non sit spiritualis, & independens in esse à corpore quia spiritualitas sequitur immaterialita-

tem rei in sua entitate, communicatio autem illa non est propter esse formæ, quæ in se habet illud, sed propter esse compositi, quod ex illa forma resultat, quia forma licet habeat in se esse, sed non terminatum in se, ut Angeli, sed communicabile, non omnis autem communicatio fit propter dependentiam in esse, sed etiam propter abundantiam.

Ad tertium respond. Instantias illas esse inefficaces. *Prima quidem*, quia anima nostra potest attingere omnia corpora quoad suas quidditates, licet non possit attingere naturaliter omnes modos, seu perfectiones quas potest Deus in corporibus ponere, cum nec etiam Angelus qui purè spiritualis est possit modum illum sacramentalem attingere, & alia similia supernaturalia, quæ fieri possunt in corporibus. Et tamen quia aliquo modo potest anima nostra attingere talem modum, saltem credendo illum & discurrendo circa illum sufficit ut spirituali modo, & super omnia corpora dicatur intelligere. Similiter substantiâ sine quantitate attingit intellectus noster cum multa disputet, & definiat circa substantiam denudatam quantitate. Imaginatio autem licet attingat omnia corpora, quantum ad id, quod per sensus de illis potest attingi, quæ sunt exteriora accidentia, non tamen quantum ad quidditatem & substantiam, nec utendo illis taliter, ut per discursum & per viam remotionis possit attingere ad spiritualia, nec in vniuersali abstractione naturâ accipiendo, sed indiuidualiter, quibus tamen modis intellectus corpora attingit, & ideo caret omni corpore, ut super corpora omnia possit. Imaginatio autem licet possit plura fingere, non tamen ens rationis quod est vniuersalitas fundare, sed solum circa singularia fictiones formare potest.

Ad 2. i. st. dicitur, potentiam non debere carere obiecto formali sub quo cognoscit, sed omni obiecto materiali quod cognoscit, sicut visus non caret luce & diaphano, sed colore, unde omnia cognoscit per modum

modum lucidi, & per medium diaphanum. Similiter anima non caret quidditate, vel spiritualitate, quia omnia intelligit per modum quidditatis, & spiritualitatis, & ita si haberet aliquid corporeum, ad modum illius reliqua corpora attingeret.

Ad 3. inst. Respond. etiam ex dictis, quod licet non possit noster intellectus remouere omnem connotationem & habitudinem ad corporea, à quibus accipit cognitionem & consequenter debet illa connotare tanquam terminum à quo; tamen quia ex parte termini ad quem, potest per viam remotionis spiritualia attingere, & per modum vniuersalitatis procedere, ideo ascendit super omnia corpora & super omnem modum corporeum qui indiuidualis est & non vniuersalis, & non alligatur ad rationem formalem corpoream, siquidem potest illam remouere & ad spiritualia peruenire per viam remotionis.

Ad 4. Respond. quod intellectus non est perfectior, quam essentia animæ, sed sicut anima in suo esse est independens à corpore, potest tamen communicari corpori, vt materiæ, ita intellectus potest obiectiue terminatiue attingere res spirituales, licet communicando obiectis corporeis, à quibus abstrahit illam cognitionem. Non pertinet autem ad ipsum informare organa corporea id enim facit anima, sed solum attingere quidditates corporeas modo operandi incorporeo & independenti ab organo, & hoc ipsum intellectus habet ab anima radicaliter, & ita semper anima est nobilior.

Ad confir. Resp. quod anima se ipsa est intelligibilis & actuat intellectum per modum speciei ad cognoscendam suam substantiā, sed non pro omni statu, sed in statu separationis, in statu autem coniunctionis alligatur cognitio eius ad sensus, & ad obiecta corporea vt ab illis hauriat species, & ita impeditur aliquid intelligere, nisi per species à sensibilibus acceptas.

Ad 5. Respond. quod si semel anima est subsistens & independens à materia in fieri,

quia non educitur ab illa, neque in eius potentia continetur, vt eius modus operandi ostendit, non potest dependere in sui cōseruatione à corpore, quia sic sublato corpore, vel annihilaretur, vel corrumpetur sicut aliæ formæ. Hoc secundum esse non potest, cum supponamus, non contineri in materia nec educi ex illa, ergo nec resolui potest in illam sicut aliæ formæ. Nec primū quia annihilatio non fit per defectum dispositionum, sed per suspensionem concursus diuini. Per hunc autem modum etiam desinere potest Angelus, sed hoc non tollit quod sit simpliciter incorruptibilis sicut etiam Angelus. *Quod verò instatur* contra illam explicationem, quod esse per se conuenit formæ in tertio modo; *Respond.* quod existentia conuenit immediatè supposito vt *quod*, atque adeo mediante forma vt *quo*, & ita si forma tollitur non remanet illa existentia. At verò forma habet esse vt *quo* nō per aliam formam tanquam per principium habendi. Vnde si, ipsa forma sit subsistens, & non dependens à materia, non potest ab illa tolli existentia per defectum principij intrinseci se habentis vt *quo*, sed solum per remotionem principij extrinseci à quo deriuatur esse quod est per suspensionem concursus, seu annihilationem. Et nō repugnat aliquid conuenire immediate alicui vt *quod*, & tamen tolli ab illo, quia tollitur forma, seu principium ratione cuius conuenit, sicut quantitas conuenit materiæ, seu corpori, vt immediato recipienti *quod*, & tamen potest multis modis variari quantitas, & extensio. Ceterum quod conuenit immediatè alicui tanquam principio quo, non potest separari ab illo nisi tale principium in se desinat, vt si forma non sit subsistens, sed corruptibilis. Si autem tale principium sit in se subsistens, quod illi per se conuenit, non potest ab eo tolli ex defectu principij formalis quod est ipsummet sed solum ex remotione efficientis.

ARTICVLVS II.

Quomodo anima rationalis sit entitativè spiritus & forma corporis?

Difficultas oritur ex eo, quod in anima rationali duo coniungenda sunt, quæ inter se non videntur coherere, scilicet esse veram & substantialem formam corporis, & in se esse spiritum, & esse illi connaturale quod informet corpus, & similiter esse connaturale quod sit extra corpus, quando est separata.

Nihilominus utrumque certissimum est convenire animæ rationali, licet status informandi corpus sit connaturalior animæ, status autem separationis non ita connaturalis est, in quantum est violentus, sed præternaturalis.

Prima pars constat ex dictis supra quæst. 1. & 1. Physic. quæst. 4. definita est enim in Concil. Viennensi, ut refertur in Clementina unica, de summa Trinitate §. Porro ubi sic dicitur: Doctrinam seu positionem asserentem, aut vertentem in dubium, quod iuxta naturam animæ rationalis, seu intellectus vere & per se humani corporis non sit forma, ut erroneam & veritati catholice contrariam, prædicto approbante Concil. reprobamus. Et ratio est manifesta, quia homo componitur ex anima & corpore siquidem homo non est substantia simplex, alias non posset separari anima a corpore, in quo consistit mors. Hoc autem compositum quod vocamus hominem intrinsece & essentialiter est rationale, id enim pertinet ad eius definitionem quod est animal rationale, & manifestat eius operatio quæ est discurre, & ratiocinari, ergo oportet quod constituatur intrinsece per formam rationalem, siquidem rationalitas ista seu gradus rationalitatis & operationis eius, non possunt provenire ab aliquo principio materiali seu ab ipsa materia, quia hæc est communis alijs rebus irrationalibus, ut patet in corpore, quod manet separata anima ergo provenit à forma
Pars III. Physic.

ma, & sic ipsa anima est forma corporis, & oportet quod sit forma excedens omnes condiciones materiæ, quia operatio eius propria, quæ est intelligere & ratiocinari, non limitatur & deprimitur ad condiciones materiæ, ut dictum est *art. præd.*

Quod si dicas, quod ipsa anima est totus & integer homo, corpus autem solum est mobile ab ipsa anima non informabile ab illa. Contra hoc est, quia sic homo non esset animal nec propriè haberet operationes animales & vegetativas, siquidem animal essentialiter est corpus & operationes eius essentialiter sunt corporæ & sensibiles, ergo oportet quod corpus in hoc animali non solum se habeat ut mobile, sed ut pertinens essentialiter ad eius constitutionem, & consequenter quod sit informabile ab anima, per quam constituitur corpus illud animale. Si autem homo non sit animal, sed anima, præter quam quod est contra eius definitionem, quia dicitur animal rationale, non autem anima, sequitur quod homo in quantum homo non sit mortalis & corruptibilis, quia non esset res composita, sed simplex, scilicet sola anima, quæ cum sit subsistens, & non informans non potest corrumpi per ablationem formæ, quia non componitur ex forma & materia, neque per resolutionem in materiam, quia non educitur de potentia materiæ, nec in ea continetur, ergo neque in eam resolvitur, id enim resolvitur in materiam quod educitur ex illa.

At rursus quod anima sit spiritalis, & taliter informet materiam quod materialis non sit, nec dependens à materia in art. præd. manet probatum ex ipsa operatione talis animæ quæ est intelligere, excedit enim omnia corpora, tam ex parte obiecti attracti, quam ex parte modi operandi ut ibi probatum est. Suffragatur denique scriptura, & Concilia, in quibus dicitur animas nostras esse spirituales, ut Ecclesiastes 12. Et spiritus revertatur ad eum, qui fecit illum.
G g

illum Psam. 30. & Matth. 27. In manus tuas commendo spiritum meum, & in Conc. Lateran. c. Firmiter, & in Clemen. 1. de summa Trin. ubi definitur, Quod Deus utramque de nihilo condidit creaturam Angelicam & mundanā, corporalem, & spiritualem, deinde humanam quasi communem ex spiritu & corpore constitutam.

Secunda verò pars, quod scilicet status separatus: quis non ita sit connaturalis anime, nec tamen sit violentus, sed præternaturalis, ex eo constat, quia anima naturaliter est forma corporis, ergo connaturalis actus eius est informare, & communicari per modum formæ, ergo connaturali modo non petit separationem, sed statum coniunctionis. Ad hæc, ille est connaturalis status anime sub quo creatur a Deo modo ordinatio, & conformiter ad naturas rerum, constat autem animas non creari a Deo separatas, sed infusas corporibus iuxta illud Genes. 1. *Insuper in factam eius spiritus acutus* vitæ, quia proprium est anime esse partem hominis, & pars connaturaliter fit in suo toto, de quo videri potest D. Thom. 1. p. q. 50 art. 4. ergo connaturalis eius status, est status coniunctionis ad corpus. Quod verò status separationis non sit omnino violentus anime, sed solum præternaturalis ex eo patet, quia violentum est quod fit ab exteriori principio passio non conferente vim, sed constat quod anima in se ipsa habet principium subsistendi, & permanendi extra corpus ergo ad hoc ut permaneat separata, non est illi aliqua vis, sed iuxta propria principia statum illum sustinet. Dicitur autem præternaturalis ille status, quia non oritur per se & connaturaliter ex ipsa anima, vel ex modo, quo creatur a Deo, sed tanquam accidens extraneum supposita actione corruptiva corporis ei provenit.

Ex dictis colligitur; animas rationales multiplicari ad multiplicationem corporum, quia anima est forma substantialis, multiplicatis autem corporibus multiplicantur individua hominis, ergo & formæ

substantiales individualiter multiplicantur, quia duo individua substantialia differunt secundum esse substantiale, ergo etiam secundum formam, quæ est principium dandi esse, alioquin si unam formam haberent, unum esse haberent, & hæc est ratio Dni Thom. prima parte questione 76. artic. 2.

SOLVUNTUR ARGUMENTA.

Primò arguitur ex autoritatibus, nam Ecclesiastes 3. dicitur: *Unus est interitus hominis, & iumentorum & aqua versusque conditio, sicut moritur homo sic & illa moriuntur, sicut et spirant omnia, & nihil habet homo iumento amplius.* Quæ verba maximam continent difficultatem, & saltem probare videntur quod ex natura sua anima nostra corruptibilis sit, licet beneficio Dei duret post mortem. Quod aperte dicitur in 7. synodo generali in Epist. Sophronij ab eodem Concilio approbata. Item Arist. lib. 1. de animis textu 12. & 13. dicit: *Quod si intelligere est phantasia, vel non sine phantasia, non contingit sine corpore esse, sed in hoc 3. lib. text. 30.* dicit quod intelligere nostrum non est sine phantasia, ergo clare colligitur, quod intelligere non est sine corpore. Similiter in 3. de anima cap. 5. dicit intellectum passibilem esse corruptibilem, sed intellectus passibilis est per quem anima intelligit, ergo anima in quantum intellectiva, est corruptibilis. Alia loca omitto ex alijs libris, quæ minus clare loquuntur, aut eandem continent difficultatem.

Respond. quod in illo loco Ecclesiastes, loquitur Salomon in persona insipientium, ut interpretatur S. Thom. 1. part. quest. 7. artic. 6. ad 1. quæ interpretatio vera est, tum quia ibi Salomon præmittit, *dixi in corde meo de filiis hominum, ut probaret eos Deus, ut ostenderet similes esse bestiis, idcirco unus est interitus hominis, & iumentorum.* &c. Quasi dicat hoc dico in corde meo, non de meo sensu, sed de filiis hominum, quibus

probandis Deus ordinavit, quod simili modo moriantur homines, & iumenta, & inde seducuntur ipsi, ut dicant nihil esse homini iumento amplius: tum etiam quia hæc eadem repetuntur, *Sapientia secunda*, & expresse ponantur esse dicta in persona impiorum, ibi *Dixerunt impij apud se non v. etc.*, &c. Itaque quedam affirmant impij ut vera, scilicet quod idem est interitus iumentorum & hominum quantum ad corpus, & similis est processus vitæ quantum ad indigentiam spirationis, sed male inferunt, quod nihil habet homo iumento amplius, & quod spiritus iumentorum descendit, &c. Ad auctoritatem 7. *Synodi* dicitur animas nostras esse immortales beneficio Dei creatis & conservantis sicut Angei, non beneficio speciali aut miraculoso, sed connaturali ad ipsam animam.

Ad Arist. licet possemus ab eo nos expellere, dicendo in hac materia fuisse lubricæ locutum, nec aperte suam declarasse sententiam, ob rationem *art. præced.* insinuatam, tamen quia S. Thom. ipsum defendit *contra Gent. cap. 79. respondemus ad 1. auctoritatem*, quod ibi loquitur Arist. sub conditione, si intelligere sit phantasia, vel non sine phantasia tanquam sine organo in quo sit, tunc intellectus non esset separabilis, sed corporeus, quæ conditionalis veritas ma est. At verò in 3. *de anima* quando determinatè dicit quod intelligere non est sine phantasmate, loquitur de phantasmate ut obiecto, seu ut ministrante obiecta intellectui, nõ tanquam actum proprio, vel organo operationis intellectus, & sic omnia consonant.

Ad alium locum ex 3. *de anima Respond.* ibi passibilem intellectum non sumi pro potentia intelligente, quam communiter vocamus intellectum passibilem, sed sumitur pro anima passionibus subiecta, quæ vocatur intellectus, quia intellectui deferuit & una ex passionibus eius est

reminiscit. Ita interpretatur D. Thom. *ibid. lect. 10. in fine.* Et est valde textualis interpretatio, nam paulo antea præmiserat Phylol. quod intellectus separatus solum est, quod vere est, & hoc est immortale & perpetuum, subdit autem immediate, *non reminiscitur autem, quia hoc quidem impossibile est, passivus autem intellectus est corruptibilis & sine hoc nihil intelligit anima.* Sensus ergo Phylol. est, quod anima intellectiva licet sit immortalis & perpetua, non tamen reminiscitur separata, quia tunc est experta passionum, caret enim imaginationibus corporeis, passivus autem intellectus, id est cognitio cum passione corporea, desinit esse & consequenter iam non reminiscitur, quia reminiscencia est actus memoriz, quæ est in parte sensitiva cum aliquo discursu, quæ desinit corrupto corpore Et hic est passivus intellectus, id est discursus cum passione reminiscencie, qui omnino desinit esse, & sine eo non intelligit anima, scilicet eo modo, quo nunc intelligit per conversionem ad phantasmata.

Secundo arguitur ratione, quia anima est dependens à corpore in subsistendo, & dat formaliter esse corporeum, & vegetativum corpori, & ab ea dimanant proprietates corporeæ ut quantitas, calor, potentia sensitiva, &c. ergo nihil ei deest, quo minus sit corporea entitativè. *Antic. præbatur per suas partes*, nam in primis anima unita non subsistit per se, quia subsistentia reddit incommunicabilem naturam, anima autem existit communicabiliter ad corpus, & sic non subsistit in illo. Vnde infirmatur illa consequentia, anima habet operationem, cui non communicat corpus, ergo habet esse independens à corpore, negat enim Scotus consequentiam in 4. *dist. 43. quest. 2.* quia habere operationes sine corpore stat dupliciter, vno modo sine corpore ut organo, alio modo sine corpore ut supposito operante. Primo modo antecedens est verum, sed consequens falsum, secundo verò

modo antecedit. est falsum, quia non intelligit anima, sed homo. Similiter vn̄o anima nō est spiritualis quia est corruptibilis, & tamen est in ipsa anima, quia vere vn̄itur & immutatur in vn̄ione ad corpus. Quod verò anima det gradum corporeū formaliter & quod ab ea dimanent illæ proprietates corporis constat ex *supra dictis* q. 1. quia in homine non est nisi vna forma à qua ille gradus præbeatur & illæ proprietates dimanent, ergo ab ipsa anima hoc præstari debet.

Respond. ad 1. partem arg. quantum ad substantiam animæ, quod substantia importat duo, primum est esse per se, vt opponitur modo inhaerentiae. Secundo importat existentiam per se, vt opponitur omni communicabilitati in alio. Anima ergo dū est in corpore habet esse subsistens priori modo in actu. & secundo modo in aptitudine, quia licet de facto communicetur corpori, est tamen potens separari, & in illo statu separationis actu erit subsistens sine communicatione, sed in aptitudine erit communicabilis. Semper tamen siue in corpore, siue extra habet in se ipsum esse independentē à corpore, licet actu sit communicatum corpori. In quo differt ab alijs formis etiam substantialibus, quæ licet negent inhaerentiam quæ solum est propria accidentium, tamen non habent prius in se existentiam, & deinde illam communicant corpori, sed solum sunt principium existendi, vt *quo*, formaliter autem existentia non est in ipsa forma, sed in cōposito vt in recipiente, ipsa vero forma se habet vt ratio, seu principium *quo* habendi illam, sicut albedo non habet in se esse album sed esse album conuenit primo & per se subiecto, albedo verò est ratio habendi esse album. At verò anima rationalis illud esse substantiale, quod opponitur inhaerentiae non solum habet vt principium *quo*, sed etiam vt res existens formaliter in esse, licet communicabiliter ad corpus, sicut si albedo haberet in se esse album, ideoque anima

dicatur in se subsistens quoad rationem habendi esse independentē à composito, licet non quoad incommunicabilitatem. Et hac ratione vocatur à D. Thom. esse animæ etiam vt est in corpore subsistens, id est independentē à corpore, & habens in se prius ipsum esse quam in composito, quia ab anima communicatur composito, ita quod est idem esse animæ, & esse compositi, vt affirmat in 1. p. q. 76. artic. 1. ad 5. & 1. 2. q. 4. artic. 5. ad 2. Aliquando verò dicit quod anima quandiu est in corpore conuenit ei subsistere aptitudine non actu vt patet in 4. ad Anib. dist. 12. q. 1. art. 1. ad 3. Quod intelligitur de substantia, quoad rationem incommunicabilitatis quam solum explicat in statu separationis, saltem quoad exercitium non communicandi, quod non habet in statu coniunctionis nisi in aptitudine. Vnde valet illa conseq. quod si anima habet operationem independentem à corpore vt ab organo cui inhaeret oportet, quod etiam esse ipsius animæ sit independentē à corpore, licet tam operatio quam esse communicentur ipsi composito vt supposititaliter subsistenti, nec enim ex independentia operationis probamus animam subsistere supposititaliter, sed subsistere independentē à corpore licet communicabiliter ad corpus, ideoque etiam remoto corpore poterit operari operatione illa non dependente ab organo in esse.

Solum potest esse difficultas quomodo existentia animæ quæ spiritualis est & incorruptibilis communicetur corpori, seu cōposito, quod existit modo corporeo & corruptibili, præsertim in sententia D. Thom. quæ non ponit aliam existentiam in composito quam in ipsa forma, vt patet in locis allegatis, & ex his quæ diximus libro 1. *physicor.* q. 7. artic. 8. Cæterum in hoc eadem restat difficultas in sententia opposita, quæ ponit plures existentias partiales in materia & forma, vt ex illis resultet vna tertia composita, quæ ipsi toti conueniat, ideo enim partiales sunt quia faciunt vnā

total-

totalem. Quomodo ergo existentia spiri-
tualis animæ potest commisceri existentie
materiæ, vt resultet vna existentia tertia,
quæ conueniat ipsi toti? nec enim vna exi-
stentia informat aliam vt materiam. Qua-
re sicut ipsa entitas animæ cum spiritualis
sit, tamen quia eminenter est corporea for-
maliter vnitur materiæ in ratione formæ,
& præbet ei gradum vegetatiuum, & sen-
sitiuum, & rationalem, ita ipsa existentia
animæ, quia eminenter est corporea, potest
communicari ipsi composito, & reddere
illud existens; sicut etiam subsistentia Ver-
bi, licet in se spiritualis sit & diuina, tamen
quia eminenter continet omnem perfectio-
nem subsistentiæ corporeæ, potest per se
ipsam immediatè terminare & reddere
subsistentem naturam corpoream, & in
sententia D. Th. etiam existentem. Id ergo
habet anima nostra tanquam forma, quod
Verbum diuinum tanquam persona quoad
hoc quod est reddere rem corporalem exi-
stentem.

Neque ex hoc sequitur quod separata ani-
ma adhuc manet compositum quia manet
esse ipsius compositi in ipsa anima, vel quod
esse animæ sit generabile, aut corruptibile
sicut ipsum esse compositi, siquidem esse a-
nimæ est esse compositi, & hoc corrumpi-
tur & generatur imò cum omne ens habeat
esse proprium, aliud esse habebit compo-
situm quam anima. *Sed Resp. facile* quod se-
parata animâ non manet esse compositum,
quia non manet esse animæ vt communi-
catum, sed vt communicabile, & sic gene-
ratur, aut corrumpitur quantum ad ipsam
communicationem, & in ratione esse com-
municati, qua ratione est esse compositi, nō
in ratione esse absolute, sicut etiam perso-
na Verbi de nouo incepit esse persona ho-
minis non persona absolute. Omne autem
ens habet esse proprium, vt distinguitur cō-
tra extraneum, seu alienum, non contra
commune, seu communicatum, potest e-
nim ipsum esse proprium totius communi-
cari partibus, vel esse partis communica-

ri toti, & tamen manet proprium, quia illa
pars seu forma propria est totius.

Ad verò quod obijecitur de vnione an sit
materialis, vel spiritualis. *Respond.* quod
vt ostendimus. q. 6. *physic.* non datur vnio,
quæ sit modus distinctus per modum me-
dij & rationis formalis vniendi, sed ipsæ
partes se ipsis vniuntur quantum ad ratio-
nem formalem vniendi sed non se ipsis ap-
plicantur seu immutantur, vt se communi-
cent, & ex ipsis vnitas illa resultet, sed hæc
applicatio est ab efficiēte ipsam vnionē, seu
communicationem & vnitatem extremorū,
& ideo talis applicatio debet esse superad-
dita extremis vnibilibus, potestque esse
modus & de nouo fit in illis quādo de nouo
vniuntur, & cōmunicantur inter se, ipsa au-
tem vnio non est nouus modus tanquam ra-
tio formalis vniendi, quia formalis ratio
vnionis est formalis ratio vnitatis resul-
tantis ex vnione, vnitas autem resultans nō
est modalis, sed substantialis, ergo & ra-
tio formalis est ipsa substantialis ratio ex-
tremorum secundum se, solūq; illis deest
applicatio, vt resultet vnitas, & fiat vnio.

Nec est putandum nullam omnino perfe-
ctionem, & immutationem, acquirere ani-
mam, ex eo quod sic applicatur vt sit in
corpore & vniatur illi, vt putauit Scotus
in 4. *distin.* 43. q. 2. nam saltem acquirit mo-
dum aliquem, & statum connaturalem ef-
fendi & operandi in corpore & cum com-
municatione ad corpus quem statum amit-
tit in separatione à corpore. Et licet non
haberet in corpore aliquid amplius quam
communicare se, & perfectionem suam
corpori, vt Scotus putat, tamen hoc ipsum,
perfectionem aliquam, & immutationem
debet ponere in ipsa anima, quia hanc cō-
municationem facit tanquam causa forma-
lis & tanquam pars constituens totum,
omnis autem causa creata perfectior est cū
actū causat quam cū cessat causare, & a-
liquo modo immutatur in causando, & om-
nis pars connaturali modo existit cū cō-
municatur ipsi toti in actu, sicut lapis, ex

eo quod est in centro. Hæc autem immutatio prout in anima subiectatur, aliquid spirituale est non proueniens ab ipso generante quod tantum vnit animam ex parte corporis, coaptando, & disponendo illud ad animam, sed ex parte. Dei infundentis animam corpori, vel reunientis illam, sic enim ordinat illam ad corpus, & facit quod actu communicet & extendat suum esse ad corpus, & talis applicatio producit in anima modum aliquem spirituales respicientem corpus, quo dicitur in se applicata & communicata illi, sicut etiam Angelus ex eo quod per modum operantis applicatur corpori resultat in ipso vbi quoddam, seu præsentia erga illud corpus quæ est modus spiritualis in ipso Angelo, qui amittitur, & acquiritur motu locali; sic multo melius ex eo quod anima non per modum operantis, sed per modum informantis vniatur corpori, aliquis modus resultat in anima quo dicitur applicata & communicata corpori ab agente spirituali eam infundente, vel reuniente qui modus subiectiue est in ipsa anima sed cum respiciat pro externo corpus cui facit præsentem ani-

mam, potest desinere ab animam sicut vbi. Angelicum desinit quia est circa corpus, licet vtrumque spiritualis modus sit.


Demque ad id, quod dicitur de communicatione gradus corporei & sensitiui, nullo modo probat entitatem corpoream in anima, quia non præbet illos gradus limitate, modo inferiori sicut aliarum formarum, sed eminenter & secundum quod continentur in gradu rationali qui etiam communicatur corpori non vt dependens ab ipso, sed vt sibi ministrat corpus, & deseruiat in ordine ad operationem intellectiuam, & ideo eminenter debet continere illos gradus sensitiuos, & corporeos tanquam ministrantes, & deseruientes intellectiui, eo quod non intelligit nisi accipiendo ex corpore obiecta, quæ intelligit, ideoque requirit potentias corporeas vt ministrantes sibi. Et sic benè possunt eminenter præberi gradus corporei, & potentie corporeæ dimanare ab entitate animæ spirituali vt est eminenter corporea sine vlla dependentia in esse à corpore, de quo iam supra diximus q. 1. & videri potest Caietani 1. part. q. 76. artic. 1. circa responsionem ad 1.

QVÆSTIO X.

De intellectu agente, & possibili.

ARTICVLVS I.

Verum sit necesse poni intellectum agentem distinctum a possibili, & quid sit?



ELEBRIS valde est apud antiquos Philosophos, & recentiores diuisio hæc intellectus in agentem, & possibilem, nec solum ab Aristotele stabilita fuit 1. 3. de anima cap. 5. text. 18. sed etiam ab aliis Grecis, licet in eius explanatione non parum errauerint. Igitur tria ad eius exactam explanationem in hoc articulo facienda sunt. *Primum* explicare pro-

prium munus intellectus agentis propter quod ponitur à Philosophis. *Secundum*, an sit aliquid extra animam, vel propriæ ipsius facultas. *Tertium*, an sit potentia distincta ab intellectu possibili.

Circa primum, constans sententia est Phil. ad hoc requiri intellectum, agentem vt species impressas intellectui possibili tribuat, quas requiri ad omnem cognitionem supra late probauimus q. 4. & 6. Igitur distinctio intellectus agentis, & possibilis quam tum ad formalitatem istam agendi, & patiendi, non sumitur per ordinem ad ipsam cognitionem, quæ est operatio elici-

ta ab

ta ab intellectu vitaliter, & ita erga illam intellectus actiue se habere debet, sed sumitur ista diuifio penes formationem intellectus in ordine ad suum obiectum intelligibile: quia enim intellectus eliciens cognitionem prius debet actuari specie impressa representante obiecto, si careat illa, dicitur esse in potetia, vt formetur, & actuetur & sic vocatur intellectus possibilis vel passibilis, quia pati debet seu formari a specie ipsa, & obiecto in ea representato. Et quia omni passiuo vt reducatur de potetia ad actum correspondet aliquod actiuum, necesse est, quod si intellectus noster reducitur de potentia ad actum, vt formetur per species intelligibiles, detur aliquod actiuum per quod talis reductio fiat, & tales species producantur in intellectu, & hoc vocamus intellectum agentem, id est producentem species, & formantem per illas intellectum ad intelligendum.

Totus hic discursus serè ab omnibus admittitur loquendo in generali, & nondum determinando, an istud principium actiuum producat species sit in anima, vel extra. Solum Duran. qui negauit requiri species impressas ad cognoscendum, consequenter negauit necessarium esse intellectum agentem, qui illas producat vt docet in 1. dist. 3. q. 5. Sed tamen addit, adhuc si darentur istæ species non requiri intellectum agentem tanquam potentiam animæ, quæ illas species producat, sed sufficere ipsam animam cum phantasia, vt producat illas. Sed nos fatemur illo discursu non probari nisi quod detur tale principium agens species, & actiue immutans intellectum. Quod verò sit potentia animæ statim probabimus in 2. puncto. Et quod species impressæ necessariae sint ad intellectionem, & ad omnem cognitionem, supra q. 6. probatū est. Quod verò substantia animæ se ipsa non operetur sed mediante potentia q. 12. *Physicor.* probatum est. Mediante autem phantasia quæ est potentia corporea non potest anima spirituales species producere nisi eleuet

illam vltra suam virtutem, & hæc eleuatio ab alia virtute & potentia debet provenire.

Circa secundum punctum celebris fuit aliquorum antiquorum sententia, ponentium intellectum agentem separatum ab ipsa anima in alia intelligentia infundente species, contra quam disputat D. Thom. 1. p. *quest.* 79. *art.* 1. & q. 84. *art.* 4. & 2. *contra gent.* cap. 77. & 78. & *loc. alijs.* Fuit autem hæc controuersia inter eos, qui intellectum distinguebant a sensu, nam qui ponebant intellectum esse sensum, non distinguebant species sensibiles ab intelligibilibus, neque aliud principium a quo istæ species effluerent ponebant, quam ipsa obiecta externa, vt ex Democrito refert Aris. *lib. de diuinatione per somnium*, & D. Th. 1. p. q. 81. *art.* 4. Qui autem agnouerunt intellectum esse virtutem spirituales, & immaterialē, a sensu & distinctum non facile inueniebant principium, a quo species spirituales fierent, cum ipsa obiecta sensibilia adhuc non sufficerent. Vnde diuisi sunt in tres opiniones. *Quidam* vt Plato posuerunt ideas separatas, id est quidditates rerum extra indiuidua, a quibus dicebant vt ab exemplaribus participari formas entitativas in materia ad essendum, & intelligibiles in intellectu ad representandum vt refert D. Th. 1. p. p. 74. *art.* 3. & q. 84. *art.* 4. & 6. *Alij* negabant istas ideas exemplariter cauantes species, sed ponebant substantiam separatam seu intelligentiam effectiue infundentem illas tunc solum quando homo intelligit, & habet phantasmata proposita vt determinant ad intelligendum. Quæ fuit opinio Anicennæ, vt refert S. Thom. *cit.* *question.* 84. *art.* 4. & 2. *cont. gent.* cap. 76. *Tertia sententia* fuit Aristot. 3. *de anima text.* 17. & 18. *lect.* 60. apud D. Thom. quod intellectus agens est potentia animæ ex phantasmatibus producat intelligibiles in intellectu possibili.

Hæc sententia Aristotelis de intellectu agente communiter recepta est ab omnibus Physicis.

philosophi, & omiffa illa opinione Platonico-
nicorum de ideis feparatis quæ omnino fa-
bulofa eft, cum non poffit dari in rerum na-
tura aliqua fubftantia quæ fingularis non
fit, vt oftendimus, in *Leg. quæft. 3. artic. 2.*
Contra Autem, & alios ponentes in-
tellectum agentem effe fubftantiam fepa-
ratam, probatur fententia Arist. Quia vel
illa fubftantia feparata infundit fpecies in-
telligibiles à fenfibus abftractis, & conno-
tantes obiecta fenfibilia, vel non abftractas
à fenfibus, fed purè participatas à fpiritua-
libus fubftantijs, ficut funt in Angelis. Hoc
fecundum nullo modo dici potest, cum
fatis conftet pro ifto ftatu animam noſtram
non intelligere obiecta purè fpiritualia, &
nihil de fenfibilitate connotando, fed folū
obiecta fenfibilia. Si dicatur primum, talis
potentia aſtina, & factiva fpecierum, per
abſtractionem a fenſibus, non excedit vim
animæ noſtræ, nec requirit fpiritualem ac-
tuitatem omnino abſtractam à fenſibus,
ficut eft illa fubftantia feparata, cum ope-
ratio illa abſtrahens fpecies à fenſibilibus,
non operetur independenter à phantaſma-
tibus, neque efficiat fpecies repræſentantes
fine connotatione ad illa, vt in nobis expe-
rimur, ergo non requiritur ad talem ope-
rationem virtus fpiritualis feparata ab
omni corpore, fed potius corpori commu-
nicans, & fic ifta virtus magis connatura-
lis eft animæ coniunctæ corpori, quam ſub-
ſtantiæ feparatæ.

Quod ſi dicatur, illam virtutem, ſeparatā
concurrere ad abſtrahendum illas fpecies
modo perfectæ & eminentiori, vt potè cum
fit cauſa æquiuoca, & vniuerſalis, ex modo
tamen animæ noſtræ imperfici, & reddi
ſpecies illas fic imperfectæ, & connotatiuè
repræſentantes: *contra hoc vrgetur ratio-*
nibus D Th. 1. p. 2. q. 79. ar. 4. & 1. cont. gent. c.
76. & q. de anim. art. 5. quia cauſa vniuerſalis
non producit ſe ſola effectum propriū
cauſa particularis, niſi ſupponendo in ipſa
cauſa inferiori propriam, & peculiarem
virtutem reſpectu talis effectus, vt patet in

coelo, quod eſt cauſa æquiuoca reſpectu
horum inferiorum, & tamen ſupponit in
cauſis inferioribus proprias virtutes, qui-
bus producit determinatos effectus, niſi
forte fit generatio recta imperfecta, quod
ad illam ſufficiat virtus coeli, ſicut in ani-
malibus, quæ ex putrefactione generantur,
quod in præſenti applicari non potest, cum
ſpecies intelligibiles & cognitio intelle-
ctualis ſint perfectiſſimi effectus, qui in his
inferioribus funt, ergo oportet quod præ-
ter virtutem ſuperioris intelligentiæ, quæ
vt cauſa vniuerſalis concurrat, detur virtus
particularis, & propria animæ, quæ talem
abſtractionem à fenſibilibus faciat modo
particulari, & ſibi proprio, & hanc voca-
mus intellectum agentem vnde Arist. com-
parauit intellectum agentem non ipſi ſoli,
qui eſt cauſa vniuerſalis, ſed lumini recepto
in aere, quod eſt virtus particularis; id
autem à quo participatur virtus inte-
ctus agentis in anima noſtra eſt Deus, de
quo dicitur *Pſal. 1. dignatus eſt ſuper nos lu-*
men reſuſcitare domine, quia ſolus Deus eſt
creator animæ, & lumen ipſi præbens ſicut
ſolus infundit ſpecies angelis, & intra in-
tellectum operatur.

Denique experimur nos poſſe intelligere
cum volumus, & abſtrahere à fenſibilibus
intelligibilia, alias ſi hoc non experiremur,
non poſſemus habere notitiam harum ac-
tionum. Omnis autem actio non fit modo
connaturali ab aliquo agente, niſi per virtu-
tem in eo existentem, nec vtitur aliquo cum
vult, niſi habeat potentiam operatiuam il-
lius, ergo connaturale eſt, vt habeamus vim
& potentiam abſtrahendi tales ſpecies, &
non ſolum ab intelligentia ſeparata fiant,
& hæc virtus vocatur intellectus agens.

Circa 3. punctum ſc. an fit intellectus agēs
potentia diſtincta ab intellectu poſſibili,
Aliqui dixerunt intellectum agentem effe
habitum primorum principiorū, vt refert
S. Th. q. de ani. 1. 5. & 3. de an. lect. 10. quod
tamen ex eo reiicit D Th. quia etiam ipſa
principia cognoscimus per ſpecies abſtra-
ctas

Artes à singularibus, ergo oportet ante quam generetur ipse habitus præexistere tales species abstractas, ergo & intellectum agentem abstrahentem illas, non omnia obiecta intellectus agens redderet intelligibilia in actu. Deinde quia habitus principiorum est cognoscitivus, sicut enim per scientiam cognoscimus conclusiones, ita per habitum principiorum, principia, ergo non potest ille habitus esse factivus specierum impressarum pro potentia cognoscitiva, quia ipse cognoscitivus est, & si aliquas species deber supponere, quibus primo cognoscat, non autem illas facere. Quando autem Aristot. 3. de anima text. 17. & 18. dicit, quod intellectus agens est sicut habitus, & ars, loquitur solum per modum comparationis, quia sicut ars inducit formam artificialem in materiam rudem & in potentia, ita intellectus agens per species impressas tanquam per formas perficit, & actualat intellectum possibilem. Et dicitur habitus, ut contraponitur privationi, per quam aliquid est in potentia, intellectus autem agens non est in potentia ad recipiendum, sed in actu ad agendum. Ita explicat D. Tho. ibidem lect. 10.

Qui ergo fatentur intellectum agentem esse potentiam, etiam actum illius negant esse cognitionem, quia cognitio oritur à potentia, & obrecto prout mediante specie repræsentatur potentia, unde si operatio propria intellectus agentis esset cognitio deberet procedere à specie, & potentia, & consequenter speciem ipsam supponere. Ergo non faceret talem speciem, & sic non faceret omnes species intelligibiles, sed aliqua deberet fieri per actum non cognoscitivum, & illum dicimus esse proprium intellectus agentis, ut distinguitur ab actu procedente à potentia actuata per speciem, & recipiente illam.

Diffultas ergo est: an iste actus factivus specierum, & non cognoscitivus, ita adequatus sit potentia, ut exigat illam esse distinctam ab intellectu possibili cognoscere.

Part III. Physic.

Et aliqui authores negant distingui has duas potentias, sed esse eandem cum duplici vi, seu efficientia, quod probabile reputat P. Suar. lib. 4. de anima c. 8. n. 13. citatque Niphum, Maiorem, & Abulensem.

Oppositum tamen tenet D. Thom. 1. part. quest. 79. art. 7. & 10. & 3. de anima lect. 10. & 12. & 1. lect. 17. quest. 2. art. 1. Sumiturque ex Aristot. qui in hoc 3. de anima text. 17. dicit: *Quod nec se est in anima differentias has casum in esse, atque quidam intellectus est in eis, ut omnia fiat, quidam talis ut omnia agat.* Loquitur ergo de illis tanquam de diversis intellectibus, & differentias istas ponentibus in anima. Ratio autem est: quia intellectus, vel essentialiter est potentia cognoscitiva, ita quod adequatus eius actus sit cognitio, vel habet duplicem actum inadequatum, alterum non cognoscitivum, & factivum specierum, alterum cognoscitivum, & non factivum earum, nam vno & eodem actu non potest fieri, cognitio enim procedit elicitive à potentia actuata per species, & consequenter illa elicientia, supponit aliquam speciem iam factam, & actuantem potentiam, ut procedat ab illa. Si primum manifestum est intellectum agentem esse distinctam potentiam siquidem, si adequatus actus intellectus cognoscentis est cognitio, non potest alium actum elicere, qui cognitio non sit, & sic formatio specierum, quibus primò sit cognitio, non potest per cognitionem ipsam fieri, sed supponi debent ad cognitionem. Si secundum, in primis non potest uterque ille actus convenire vni, & eidem potentia, nisi detur aliqua ratio communis, sub qua conveniant illi duo actus, & à qua specificetur illa unica potentia habens illos. Ratio autem faciendi species sine cognitione, & ratio elicendi cognitionem per species, non conveniunt in aliqua ratione comuni constituyente vnam potentiam, sed sunt rationes ita distantes, quod ex se sufficiunt fundare distinctas potentias, ut patet in sensu cognoscente, & virtute emittente species

Hh

ab ob-

ab obiecto, seu faciente illas sine cognitione. Non est autem anima nostra tantæ eminentiæ, ut virtus eius in vnica ratione superiori, & eminentiori vniat illam duplicem virtutem faciendi species, & intelligendi, neque in Angelo datur talis perfectio, ut vnica potentia sit factiua specierum, & cognoscitiua.

Ad hæc accumulæntur aliqua inconuenientia. Primum, quia eadem potentia se ipsam moueret, & reduceret de potentia ad actum, esset enim potentia ad species, & faceret illas. *Secundum*, quia alias etiam possemus dicere, voluntatem & intellectum esse eandem potentiam inadæquatè respicientem cognoscere, & velle ut consecutum ad cognoscere, quia se habent ordine quodam, sicut etiam facere species non cognoscitiuè, ordinatur ad ipsum cognoscere. *Tertium*, quia alias ratio actiui, & passiui non esset sufficiens ratio distinguendi potentias, cum tamen sint rationes maximè diuersæ, & primæ differentię entis; primò enim diuiditur penes actum, & potentiam, & consequenter penes potentiam actiuam, & passiuam, quæ fundantur in actu, & potentia, quæ est ratio D. Thom. in illa q. 79. art. 7. ad distinguendum intellectum in agentem, & possibilem, quia est diuisio penes passiuum, & actiuum, cum tamen non admittat alias diuisiones intellectus.

SOLVUNTUR ARGV- MENTA.

Primò arguitur in fauorem Durand. Quia non potest intelligi, quomodo intellectus agens agat in phantasmata, quæ sunt corpora, & eleuet illa. Item quia alias si intellectus agens formaret species, & non produceret cognitionem, nobilior esset, quam intellectus possibilis, qui cognitionem elicit, siquidem omne agens est nobilior patiente.

Confirm. ex duplici exemplo. *Primum* quia Angelus non minus est substantia intelligens, quam anima, nec minus indiget

speciebus, & tamen non habet intellectum agentem, quo illas acquirat, sed infunduntur à Deo, ergo similiter pertinebit ad Deum præbere animæ species non infusas, sed à sensibilibus abstractas. *Secundum est*, quia etiam sensus externi indigent speciebus acceptis ab obiectis, & tamen non requiritur sensus agens, licet species sint abstractioris rationis, quam ipsum obiectum materiale in se, ergo similiter poterunt species intelligibiles fieri sine intellectu agente.

Respond. ad 1. partem argumenti Durand. quod dicemus *sequenti artic.* explicando modum, quo intellectus agens agit in phantasmata corpora. *Ad secundam probationem Respond.* non sequi, quod intellectus agens sit simpliciter nobilior, sed solum in ordine ad formationem specierum in quo intellectus possibilis est illi inferior, quia est in potentia; simpliciter tamen & respectu actus nobilioris, qui est intelligere, excellit intellectus possibilis, licet dependenter ab speciebus, sine quibus non intelligit. Sed de hoc statim dicemus amplius.

Ad confirm. Respond. Intellectum Angeli cognoscitiuum non indigere intellectu agente acquirente illi species ab obiectis: tum quia caret sensibus, à quibus immediate abstrahuntur species intelligibiles, ab ipsis enim obiectis immediatè solum emittuntur species corporeæ, non intelligibiles quæ non mouent intellectum propter suam imperfectionem, & inproportionem, nec posset conuenienter id fieri, nisi intellectus agens Angeli immediatè coniungeretur obiecto, ut ab illo species hauriret, & sic non posset à distanti cognoscere, quod possunt homines. Tum etiam, quia intellectus Angeli non est acquisitiuus suæ perfectionis, sed à principio statim est perfectus, & non in potentia ut perficiatur, sicut inter corpora Cælum statim à principio habet suam perfectionem, & omnem formam sibi debitam, vnde sicut frustra poneretur poten-

potentia augmentatiua in Cœlo, vt perfectionem quantitatis acquireret, cum ab initio petat habere illam, ita superflue poneretur intellectus agens in Angelo ad acquirendum species, & proficiendum in perfectione intellectus, cum à principio debeat esse perfectus, & plenus sapientiâ, sicut dicitur *Ezech. 28* de primo Angelo, *quod erat plenus sapientiâ, & perfectus à die conditionis sue*. Totum verò oppositum est in anima humana, quæ paulatim acquirit perfectionem intellectiuam, & crescit in illa, sicut corpora generabilia augmentantur in sua perfectione, vnde sicut ista requirunt potentiam augmentatiuam, ita illa potentiam acquisitiuam specierum, quæ est intellectus agens. Neque id debet fieri à solo Deo, quia non est connaturale rebus, vt ad proprias operationes non habeant virtutes proprias, quibus possint operari cū voluerint, sed à solo Deo id fiat.

Ad secundum exemplum de sensu agente iam supra responsum est, quod ipsa obiecta sensibilia de se sufficienter possunt emittere species sensibiles, & immutare sensus, & ideo non est ponenda aliqua potentia in ipso animali factiua talium specierum. Neque hoc poterat connaturaliter fieri, cum enim species visibiles, verbi gratia, versentur circa obiectum nimis distans, sicut cum videmus ipsum Cœlum, impossibile erat, quod potentia aliqua existens in animali haberet tantam virtutem, vt posset operari etiam circa ipsum Cœlum educendo species ex illo, licet enim sint intentionales, tamen per veram, & realem actionem educuntur de suo subiecto; quomodo ergo sensus agens existens in animali posset ex ipso Cœlo species educere, cum ab illo sit ita distans, nec posset virtutem vsque ad illum diffundere, & vsque ad se ipsum iterum reflectere, cum nec virtus solis, qui tam magnum corpus est, possit tantam reflexionem facere.

Secundo arguitur pro sententia Auicennæ ex Aristoteli. 3. de anima textu 18. vbi

inquit: Quod intellectus agens est separabilis, & immixtus, passioneque vacat, cum sit substantia actus. Et textu 20. inquit: Quod iste intellectus, non aliquando quidem intelligit, aliquando non intelligit, separatus autem est solum hoc quod vere est, & hoc solum immortale, & perpetuum est. Sentit ergo Aristoteles, quod intellectus agens, est intellectus separatus, & substantia quædam vt patet in illis verbis, cum sit substantia actus. Est etiam perpetuo intelligens, quod non conuenit animæ nostræ, quæ quandoque intelligit in potentia, ergo est aliquid separatum ab anima.

Ratione etiam arguitur: Quia proprium munus intellectus agentis est illuminare intellectum, hoc autem est proprium virtutis altioris, quam ipsa anima: Tum quia Deus est lux vera quæ illuminat omnem hominem: Tum etiam, quia infundendo species, fit illuminatio; hæc autem infusio pertinet ad Deum, vt patet in Angelis: Tum, quia alias posset intellectus cognoscere quæcumque obiecta, quando veller si intra se haberet vim factiuam specierum quod tamen constat esse falsum.

Respond. Quod in prima authoritate Arist. solum dicit, quod intellectus agens est separabilis, quod verum est, quia manet in anima separata. Quod verò dicit esse substantiam actus, idem est ac dicere, quod per suam essentiam, quæ nomine substantiæ intelligitur est actus, seu actiuus, actiuitas enim fundatur in actu, ad distinctionem intellectus possibilis, qui secundum suam entitatem, seu substantiam est in potentia ad species, per quas formatur, & reducitur in actum. Sic explicat Diu. Thom. hunc locum Arist. & sic reddit rationem, quare intellectus ille vacat passione, id est receptione quia per suam entitatē, seu substantiā est actus, id est actiua potentia; non autē voluit dicere, quod sit substantia aliqua separata, & cū sint diuersæ potentie intellectus

H h 2 agens,

agens, & possibilis, non est anima in actu, & potentia secundum idem. In secundo autem loco, ut D. Thom. interpretatur *ibidem circa illum textum, & quest. de anima art. 5. ad 3.* Aristot. non loquitur tantum de intellectu agente, sed de tota parte intellectiva, quæ utrumque intellectum includit agentem, & possibilem, & hæc est anima intellectiva, quæ separari potest à corpore, sicut etiam dicit Aristot. *12. metaph. text. 17. Quod forma nunquam est ante materiam, sed posterius, & manet anima non omnis, sed intellectus*; quod verò præter animam detur intellectus agens separatus, qui species producat in intellectu possibili, nec somniauit Aristot. Cum verò dicit, quod perpetuo intelligit, explicat D. Thom. *quest. 10. de veritat. art. 8. ad ultimum*, quod intellectus agens semper intelligit, quia ex parte sua non deest, quin semper possit intelligere, licet de sit ex parte phantasmatum, & obiectorum, quæ non semper præsto sunt.

Ad rationem Respond. Quod illuminare per modum proximæ virtutis illuminatiæ pertinet ad intellectum agentem, sed per modum causæ primæ, pertinet ad Deum, qui non impedit causam particularem, sicut non impedit solem, ut illuminet, neque sol lumen aeris, ut immediatè luceat. Similiter concedimus, quod infusio specierum est illuminatio facta à Deo, sed præter illam datur etiam alius modus illuminandi non per infusionem specierum, sed per abstractionem earum à phantasmatis, & hoc conuenit intellectui agenti, qui est in anima. *Quod verò dicitur*, quod alias posset intellectus noster cognoscere, quando vellet. *Respond.* hoc non sequi, quia non semper obiecta sunt applicata ipsi intellectui in phantasmatis, sicut sol non illuminat nisi detur diaphanum vel colores. Neque requiritur ad istam abstractionem, quod prius cognoscat obiecta, ut ex illis cognitis abstrahat & formet species, sicut ex obiectis ad extra emittuntur species sine

hoc quod cognoscant, sed sine cognitione mouent sensus.

Tertio arguitur in fauorem sententiæ Suarez, ad probandum non distingui intellectum agentem à possibili, quia non repugnat eandem potentiam habere vim producendi species, & recipiendi illas ad cognoscendum; in spiritualibus enim idem potest esse principium agendi, & recipiendi, licet non in sensibus. *Et ad hoc sunt aliqua congruentia. Primo*, quia intellectus possibilis habet vim formandi species ex speciebus præconceptis, cur ergo non habebit ad formandum illas ex non præconceptis? *Secundo*, quia hoc modo intellectus noster erit medium quodam inter intellectum Angeli, & sensum, quia neque ex se habebit species, ut Angelus, neque ab alio agente recipiet illas ut sensus, sed ex obiectis formabit, & recipiet. *Tertio*, quia alias in anima separata remaneret illa potentia penitus ociosa, cum ibi non sint phantasmata, à quibus extrahantur species, ergo si non habet alium actum, vacabit ibi.

Confirmat. Quia intellectus agens, vel operatur actione vitali, vel non. Hoc secundum dici non potest, cum sit actio propria animæ, ut anima est. Si primum debet esse actio immanens, siquidem cum sit potentia spiritualis, in qua non datur pars mouens, sed pars mota, sed totum est indiuisibile, consequenter actio manebit in eadem potentia, & sic non producet species extra se intellectus agens, sed in se ipso, potentia autem, quæ recipit species etiam cognoscit per illas, ergo non distinguitur intellectus possibilis ab agente. Denique omne agens est honorabilius patiente, ergo intellectus agens erit nobilior possibili, ex alia verò parte cognoscens est nobilior non cognoscente, ergo ut ista componantur, idem erit intellectus agens, & cognoscens.

Respond. Etiam in spiritualibus diuersa principia esse actiuum & passiuum, quando

circum

circa idem versantur, cum fundentur in illo quod est primum distinctiuum in genere entis, scilicet in actu & potentia. Et præsertim hoc currit in intellectu nostro, quia est pura potentia in genere intellectiuo, respectu specierum, ergo non solum debet carere illis, sed etiam actiuitate faciendi eas, sicut materia prima, non solum caret formis naturalibus, sed etiam virtute faciendi illas, quia est pura potentia. Et deinde quia intellectus possibilis cum essentialiter sit potentia cognoscitiua, non potest alium actum habere, qui non sit cognitio, actio autem intellectus agentis, non est cognitio, quia facit species etiam ad primam cognitionem requisitas.

Et ad primam congruentiam in contrarium respondetur, quod intellectus possibilis ex præcognitis speciebus potest alias formare, quia format illas cognoscendo & componendo, sed prima species non potest formari ex alijs prioribus præconceptis, sed per virtutem non cognoscitiuam, & hoc sufficit ad distinguendum potentiam.

Ad secundam dicitur, quod ut intellectus noster cognoscitiuus sit medius inter intellectum Angelicum & sensum, sufficit, quod in ipsamet cognitione reluceat hæc mediatio, quia scilicet nec habet pro obiecto rem corpoream modo corporeo, ut sensus, nec spiritualement modo spirituali ut Angelus, sed quidditatem corpoream modo spirituali.

Ad tertiam dicitur: Quod intellectus agens in anima separata erit ociosus quantum ad nouam abstractionem specierum, quia caret phantasmate à quo abstrahat illas, sed poterit habere alium actum, nempe illuminare species iam abstractas in ordine ad actuationem vsuillarum, si verè talis actus datur, de quo sequenti articulo & videri potest in D. Thom. *quest. de anima, artic. 15. ad 2.* vel etiam si nullum actum habeat pro illo statu, debet tamen manere in anima tanquam ornamentum quoddam illius, & virtus, quia potest anima re vniri corpori, in quo suam operationem exercebit, sicut in

corporibus Beatis, in quibus etiam manebit augmentatiua & generatiua potentia propter integritatem naturæ, non exercitium actionis.

Ad Confirmationem respondetur, actionem intellectus agentis esse transeuntem & vitalem, sicut etiam actus vitæ vegetatiuæ transeuntes sunt & vitales. Et cum dicitur, quod non potest mouere seipsum, quia non habet partem mouentem, & partem motam. Respondetur, intellectum agentem non mouere seipsum, sed intellectum possibilem, & sic distinguitur mouens & motum. Et non dicitur in viuente vna pars mouere seipsam, ut taliter agat, sed quia vna pars mouet aliam, dicitur ipsum viuens mouere seipsum, non vna pars seipsam. Neque oportet, quod omnis intellectus sit cognoscens, sed tantum intellectus formatus per species, non intellectus formans species, quod non currit in sensibus, in quibus obiecta ipsa sufficienter formant species suas, quæ corporeæ sunt, non autem datur sensus formans illas, ut supra ostendimus. Quod denique dicitur, agens esse honorabilius patiente. Respondetur, etiam intellectum agentem esse perfectiorem possibili, prout est in statu puræ potentiae, & indigens formari per species, non tamen est nobilior ipso intellectu formato & vitaliter cognoscente, sicut etiam obiectum est perfectius sensu in ordine ad dandum illi species, non simpliciter, & respectu elicitiuæ cognitionis.

ARTICVLVS. II.

Quomodo intellectus agens illustret phantasmata & intellectum possibilem?

Omnia munera intellectus agentis ad tria possunt reduci. Primum, circa species, quas format, & consequenter ad obiecta intelligibilia, quæ in illis relucet. Secundum, quoad phantasmata, ex quibus tales species abstrahuntur. Tertium, quoad cognitionem intellectus possibilis, quæ ex illustratione intellectus agentis dependet. 4

Circa primum, proprium munus intellectus

lectus agentis circa species est facere species actu intelligibiles & spirituales. Sed quia species non solum debet esse spiritualis in sua entitate, sed in ipsa representatione, & consequenter in obiecto representato, quatenus representationi illi proportionatur. posuerunt aliqui obiectum, quod representatur in speciebus formatis ab intellectu agente, relucere etiam in phantasmatibus cum aliqua intelligibilitate in actu, vel quia ex virtute intellectus agentis aliqua illustratio derivatur ad phantasmata, per quam obiectivè redditur apparens in phantasmate id, quod quidditatis est, & non id, quod singularitatis & materialitatis est, sicut in pomo facit lux, quod appareat obiectivè color, & non sapor vel odor: aut quia ex ipsa anima intellectiva, in qua radicatur phantasia producuntur phantasmata habilia ad movendum intellectum, & talisabilitas dicitur ab aliquibus reluctantia obiecti intelligibilis, quatenus ab illo potest extrahi species propria intellectus sed hæc solum est illustratio radicalis, prima verò est formalis; de quo plus tractabitur in secundo puncto.

Nihilominus dicendum est; quod obiectum non redditur intelligibile in actu, nisi primo in ipsis speciebus formatis ab intellectu agente, non in ipsis obiectis sensibilibus ad extra, neque in ipsis speciebus, aut cognitionibus sensuum, neque in ipsis phantasmatibus. Patet hoc, quia obiectum in omni illo statu ante formatam speciem intelligibilem est actu sensibile & materiale, & representatur ut singulare, ergo non est actu intelligibile, sed in potentia. Non potest autem id, quod in se est materiale, & sensibile in actu, & intelligibile in potentia, reddi actu intelligibile sine aliqua mutatione & immaterialitate; quia intelligibilitas sequitur immaterialitatem, obiectum autem ad extra non immutatur, neque fit immateriale. Similiter neque in phantasmatibus, quia semper sunt corporea, & à conditionibus corporeis denudari non possunt, nisi totaliter

destruantur, cum essentialiter sint corporea & sensibilia, ergo restat, quod intelligibilitas in actu, & immaterialitas obiecti, primò, & per se reluceat in ipsa specie formata ab intellectu agente, quatenus modo immateriali & abstracto representat quidditatem rei sine singularitate. Nec sufficit phantasma radicaliter esse illustratū, quatenus ex conjunctione ad animam intellectivam, redditur habile, ut ab eo abstrahatur species intelligibilis, hæc enimabilitas non reddit phantasma actu immateriale, sed intra limites rei corporeæ relinquit: ergo non constituit illud actu immateriale & spirituale, ergo neque actu intelligibile, intelligibilitas enim sequitur immaterialitatem. Quod verò sit habile, ut intellectus agens ab eo abstrahat speciem intelligibilem, non amplius ponit in phantasmate, quam connaturalem subordinationem ad intellectum agentem, non immaterialitatem aliquam in actu ei convenientem.

SECUNDA DIFFICULTAS.

Circa secundum punctum, quomodo intellectus agens concurrat cum phantasmate ad productionem speciei intelligibilis, & quomodo influat phantasma in illam speciem, satis divisi sunt Auctores. Quidam enim absolute negant phantasma concurrere in genere causæ efficientis ad productionem speciei intelligibilis etiam instrumentaliter, sed solum in genere materialis obiecti & exemplaris, unde intellectus agens educat, & depingat speciem suam. Ita Pater Suarez lib. 4. de anim. cap. 2. num. 12. dicitque esse sententiam aliquorum Thomistarum. Inter Thomistas autem communis sententia est, quod phantasma sit instrumentum intellectus agentis, sed in explicando, quomodo sit instrumentum, divisi sunt. Nam Cajetanus posuit, quod intellectus agens operatur in phantasma, non per formalem illuminationem, sed per obiecti-

iectiuam, quam sufficere putat, ut phantasma concurrat ad speciem intelligibilem. Distinguitur autem formalis illuminatio ab obiectiua in hoc, quod formalis illuminatio fit per inhaerentiam lucis in subiecto illuminato, obiectiua autem per a parentiam obiecti ex assistentia extrinseca luminis, sicut in opinione, quae dicit, lucem non inhaerere in colorato, sed in medio, ipse aer illuminatur formaliter, id est, inhaerenter, color autem illuminatur obiectiue. Sic intellectus agens phantasmati coniunctus, licet ei non inhaerens facit apparere obiectum intelligibile in ratione intelligibilis. *Alij e conuerso existimant*, aliquid virtutis spiritualis seu luminis deriuari ab intellectu agente in phantasmata, illustrariq; formaliter sicut lumen probabile est inhaerere in corpore colorato, & sicut ars imprimit in instrumento aliquid virtutis ad facienda artefacta; quo exemplo utitur D. Thom. 2. 2. cōt. Gent. c. 77. ad explicandū hāc illuminationē intellectus agentis. *Alij* putant phantasmata non illustrari formaliter, neq; obiectiue à lumine intellectus agentis, sed solum radicaliter, quatenus phantasia radicata in eadem anima spiritali, in qua est intellectus agens, producit phantasmata illuminata, id est, habilia, ut ab eis intellectus agens abstrahat species, & hāc habilitas reddit phantasma intelligibile in actu. Ita Ferrar. 1. cōt. Gent. cap. 77. Tandem *alij* ut M. Bañez, 1. parte, quaest. 79. art. 3. dub. 2. conclus. vltim. & latius dub. 4. Conimbric. 3. de anim. cap. 1. quaest. 4. art. 2. Carmelitani hīc. disp. 20. quaest. 2. Rub. & alij tenent, intellectum agentem illustrare phantasmata ratione effectus ex illis deducti, sc. ratione speciei intelligibilis, in qua solum redditur obiectum intelligibile in actu, quod erat intelligibile in potentia in phantasmatibus. Sed quo concursu phantasmatis id fiat? *Respondent*, quod utitur intellectus agens phantasmate, ut instrumento eleuato, & obiecto eius determinatur ad producendas determinatas species.

Dicendum nihilominus est: *Phantasma necessario debere concurrere ad producendam determinatam speciem intelligibilem in intellectu possibili, neque istum concursum posse saluari alia meliori via, quam ponendo, quod phantasma concurrat ut instrumentum intellectus agentis ad talem productionem.* Prima pars huius conclusionis deducitur ex D. Thoma, qui in quaest. 10. de Verit. art. 6. ad 7. inquit: *Quod in receptione, qua intellectus possibilis species rerum accipit a phantasmatibus, phantasmata se habent, ut agens instrumentale & secundarium, intellectus vero agens, ut agens principale, & primum.* Et ideo actionis effectus relinquitur in intellectu possibili, secundum conditionem vtriusque, & non secundum conditionem alterius tantum, & ideo intellectus possibilis recipit formas ut intelligibiles actu ex virtute intellectus agentis, sed ut similitudines determinatarum rerum ex cognitione phantasmatum. Idem videri potest in quaest. de anim. art. 3. ad 6. & 1. parte, quaest. 85. artic. 1. ad 3. & 4. & multis alijs locis. Ratio vero est, quia intellectus agens non habet in se actu omnium rerum species determinatē & distinctē, alias si sic contineret illas, non indigeret anima vniri corpori, ut ex illo per sensus hauriret species, nisi fortē dicatur, quod habet illas confusē, & in communi, determinat vero illas ex coniunctione ad sensus. Sed tunc restaret eadem difficultas, quomodo fieret illa maior determinatio & distinctio specierum (quae vtrique spiritualis esse debet) ex coniunctione ad sensus, & determinatione phantasmatum erga illas. Si autem intellectus agens habet in se, & continet species perfectiores & distinctiores, quam sint in sensibus, vel æquē perfectas, anima ex vnione ad corpus non acciperet cognitionē, sed solum imperficere in illa. Est autē contra rectū ordinē naturę, quod naturaliter inclinatur ad id, unde magis redditur imperfecta in eo, quod præcipuū est in tali natura, & ad quæ cetera ordinantur, sc. in ipso intelligere, & sic potius deberet inclinari anima & principa-

cipaliter ad statum separationis à corpore, quia in eo quod sibi proprium est & specificum, scilicet in intelligere ex propria sua natura magis perficeretur separata à sensibus, quàm illis coniuncta, quia naturaliter in se haberet sine sensibus species æquè distinctas, vel distinctiores, quam ex sensibus. Quare intellectus agens ad producendum determinatas species indiget conuerti ad sensus, & ex illis eas debet accipere. Cuius etiam signum accipitur ab experientia, quia læsa phantasia, aut impedita sensatione, intellectus totaliter impeditur in cognoscendo.

Secunda verò pars conclusionis probatur: Tùm ex reiectione aliarum sententiarum: Tùm ex propriæ explicatione. Nam in primis dicere quòd phantasmata concurrunt cum intellectu agente solum ratione illustrationis radicalis est omninò insufficiens, quia ex illa radice, phantasia, & actus eius non accipiunt aliquam immaterialitatem, vel virtutem excedentem rationem corporeitatis & materialitatis, quo maneant magis proportionata rei spiritali, qualis est species intelligibilis faciendæ: ergo quantumcunque ponatur habilis radicaliter, si ex ista radice non habet in se aliquid spiritalitatis semper restat eadem difficultas, quomodo possit actualiter influere in rem spiritalem.

Ex eodem principio enervitur altera sententia, quæ ponit aliquid spiritalis lucis derivari ex intellectu agente, quod realiter afficiat & inhæreat ipsi phantasmati, reddatque phantasma intelligibile in actu, talis enim illustratio immaterialis omninò immutabit illud & destruet, nam quando primò productum fuit à phantasia illud phantasma, solum fuit productum, ut corporeum, ergo ut intelligibile in potentia, & nullo modo in actu. Ergò si representatio eius per illam virtutem derivatam ab intellectu agente, mouet ut intelligibile in actu, & immateriale in actu, illa representatio mutatur, cum antea solum esset intel-

ligibile in potentia, & consequenter phantasma ipsum immutatur, quia representatio intrinseca est illi; si autem manet materiale & intelligibile in potentia, etiam postquam afficitur illa virtute & immaterialitate intellectus agentis, ergo prout sic non mouet intellectum in actu, sed in potentia: A qua ergo virtute habet moueri actu?

Quod si recurrat ad sententiam Caiet. de apparentia obiectiva in phantasmate, ad quam non requiritur mutatio intrinseca, sed solum extrinseca assistentia, sicut color apparet mediante luce non intrinsecè informante. Contra est; quia vel illa extrinseca assistentia habet aliquam actionem ad hoc, ut appareat obiectum intelligibile, vel nullam. Si nullam, ergo non datur ille nouus effectus apparendi obiectum intelligibile, nec enim apparet ex vi ipsius phantasmatis, ut à phantasia productum est. Si autem habet aliquam actionem, ergo & terminum, & iste vel est in ipso phantasmate, & hoc non admittit Caietanus qui non ponit intrinsecam mutationem in ipso phantasmate derivatam ab intellectu agente, vel habet effectum illa actio in intellectu possibili, & hoc solum est species impressa, de qua currit difficultas, quomodo ad illam concurrat illud phantasma, vel est in aliquo iuxta ipsum phantasma, sicut lumen in aere diffunditur vsque ad colorem, & illi manet contiguum; & hoc esse non potest, cum illa virtus derivata ab intellectu agente sit spiritalis, & non possit per rem corpoream magis diffundi, quam in ipso phantasmate immediatè subiectari, quod etiam corporeum est. Quare data illa sententia de obiectiva & extrinseca apparentia coloris, non est si r ile in phantasmate, quia apparentia hæc est intelligibilis & spiritalis, quæ in re corporea esse non potest, bene tamen in colore apparere corporaliter vnum, & non alia.

Sententia autem P. Suarez. & eorum, qui nullum influxum ponunt ex parte phantasma-

smatis in specie intelligibili, nisi per modum materiæ ex dictis manet impugnata, neque enim possunt explicare illum concursum materiæ. Nam in primis fatentur phantasmata non esse materiam, ex qua educantur species intelligibiles, siquidem educuntur ex subiecto spirituali cui inhaerent, ex illo enim educuntur, in quo sunt species autem non recipitur inhaerere in phantasmate, sed sub intellectu possibili. Item dicunt phantasma non esse materiam, circa quam operatur intellectus agens, quia solum operatur circa intellectum possibilem, sed quod præbet veluti materiam intellectui agenti ad efficiendam speciem intelligibilem. Sed quid est illud veluti materia? quod postea declarat Suarez *lib. 12.* dicendo, quod se habet ad instar materiæ, aut excitantis animam, aut verò ad instar exemplaris. Sed totum hoc, quod est dicere ad instar, relinquit rem obscuram, & inexplicatam, quia in præsentî inquirimus, quem concursum verè & propriè habeat phantasma, non ad cuius instar se habeat, nam esse ad modum materiæ vel exemplaris, vel extrahit illud à vera & propria causa materiali & exemplari, vel relinquit verè & propriè intra limites talis causalitatis. Si extrahit, restat explicare, in qua alia causalitate ponit. Si relinquit, ergo non ad instar; sed verè & propriè materia vel exemplar est. Et de materia nō apparet, quomodo in genere causæ materialis concurrat phantasma, cum non recipiat speciem intelligibilem, neque ad illam disponat; nisi dicatur esse materiam obiectiuam, sicut Philosoph. comparat phantasmata coloribus ad visum, & D. Thom. *prima parte, quest. 8. artic. 6.* dicit: *Quod sensibilis cognitio non est totalis causa intellectualis cognitionis, sed quodammodo est materia causa.* Sed hoc ipsum nos fatemur, quod est materia per modum obiecti seu representantis obiectum, quod redditur intelligibile ab intellectu agente, sicut diximus *quest. 16. Phys. art. 2.* & hac ratione diximus ibi nō esse propriè instrumentum ef-

Part III. Phys.

fectiuum, sed obiectiuum, verè enim hoc habet, sed quomodo hoc obiectum concurrat ad hoc ut reddatur intelligibile in specie facta ab intellectu agente, hoc est quod inquirimus, in præsentî. Similiter excitatio nō potest fieri nisi respectu potentiae cognoscentis, aut certè, quomodocunque fiat, si phantasma est corporeū & potentia, quæ est excitanda est spiritualis, semper remanet eadem difficultas, quomodo possit id, quod est corporeū, agere in spirituale. Nec sufficit esse radicatum utramq; potentiam, phantasmam, & intellectum in eadem anima. Nam si sola radicata sufficit, etiam excitabitur intellectus per solum sensum externum, quia radicitur in eadē anima. Nec apparet, quomodo cū sint tam varia phantasmata ex quibus determinantur diuersæ species, quæ fiunt ab intellectu agente sola radicata phantasie in anima, quæ est indifferens ad omnia illa, sufficiat ad tales determinatas species producendas.

Quapropter dicendum est, intellectum agentem non reddere obiectum intelligibile aut apparens in ipso phantasmate, sed uti phantasmate tanquā instrumento à se moto & eleuato ad producendam speciem spirituales & intelligibilem, in qua primò representatur, obiectum modo intelligibili & immateriali. Quod enim instrumentum corporeum eleuatū virtute spirituali possit effectum spirituales producere exemplis, & ratione & autoritate D. Thomæ constat; exemplis quidem, quia Angelus operans circa aliquod corpus facit, quod in se resultet ubi spirituale dicens ordinem ad tale corpus: ignis eleuatus à Deo, torquet spiritus per aliquem effectum spirituales in eis productum: sacramenta corporea eleuata à Deo causant gratiam in anima, ut tractari solet *tertia parte, quest. 72.* & diximus in *quest. 26. Phys.* & licet hæc fiant miraculosè tamen hoc ipsum ostendit, non esse impossibile, quod mediante corpore moto à spirituali agente, possit produci effectus aliquis spiritualis.

li

Ratio

Ratio autem huius est. Quia vnio spiritus ad corpus naturaliter ordinatur ad perficiendum ipsum intellectum, alias non peteret naturaliter anima nostra talem vnionem, si ex illa non posset perfici in cognoscendo, ergo oportet subordinari id quod sensitivum & corporeum est spirituali virtuti ad formandum id, quod pertinet ad perfectionem intellectus, quod vtrique non est aliud quam species. Et sicut virtus artificis determinatur à securi ad producendum incisioem acutam, & rursum instrumentum dirigitur ab arte, vt incisio fiat recta vel orbicularis, ita virtus intellectus agentis determinatur à phantasmate, vt talis obiecti, seu quidditatis speciem eliciat, & rursus phantasma ex illa motione & eleuatione intellectus agentis producit speciem representantem modo immateriali, & sine conditionibus materiæ illam quidditatem.

Ex autoritate etiam D. Thom. constat. 1. p. q. 85. art. 1. ad 4. *Quod phantasmata & illuminantur ab intellectu agente, & iterum ab eis per virtutem intellectus agentis species intelligibiles abstrahuntur.* Illuminantur quidem, quia sicut pars sensitiva ex coniunctione ad intellectum redditur virtuosior, ita phantasmata ex virtute intellectus agentis redduntur habilia, vt ab eis intentiones intelligibiles abstrahantur, abstrahit autem intellectus agens species intelligibiles à phantasmatibus, in quantum per virtutem intellectus agentis accipere possumus in nostra consideratione naturam specierum sine individualibus conditionibus, secundum quarum similitudines intellectus possibilis informatur. Vbi D. Thom. illuminationem intellectus agentis ponit respectu phantasmatum, abstractionem verò respectu specierum, cum autem sine abstractione non detur immaterialitas, & consequenter neque intelligibilitas in actu. frustra dicuntur phantasmata reddi intelligibilia in seipsis, sed solum species, quia ex illis abstrahuntur obiecta, vt intelligibilia in actu representant. Illuminatio autem phantasmatum ponitur à D. Thom. in eo, quod aliqua

lux vel perfectio immaterialis ponatur in phantasmatibus, sed solum quod reddantur habilia, vt ex eis abstrahantur species, quæ habilitas non est aliquid radicale in phantasmatibus cum dicantur fieri habilia virtute intellectus agentis, vt etiam dicit 1. p. q. 84. art. 1. ad 4. virtus autem ista non est radix phantasmatum, hæc enim est anima, & sic non ponit in eis aliquid radicale, sed actuale, & ideo non potest esse aliud, quam motio, seu impressio aliqua, qua phantasma mouetur & subordinatur intellectui agenti, & sic tanquam instrumentum habilitatur ad species producendas, sicut securis ab arte habilitatur ad producenda artefacta: qua ratione vocatur intellectus agens, sicut ars ab Arist. 3. de anim. text. 17. & comparatur phantasma instrumento à S. Thom. q. 10. de Verit. sup. cit. & quodlib. 8. art. 3.

TERTIA DIFFICULTAS.

Circa tertium punctum communiter à D. Thom. attribuitur intellectui agenti, quod non solum efficiat species abstrahendo & reddendo obiecta intelligibilia in actu, sed etiam quod illuminet intellectum possibilem manifestando suo lumine prima principia, & mediatè ea, quæ per principia cognoscuntur, vt constat ex D. Thom. q. 10. de Verit. art. 6. in fine corporis, & tractat Caiet. 3. p. q. 9. art. 4. circa dub. 1. & similiter tribuit intellectui agenti, quod faciat conuersionem intellectus possibilis ad phantasmata, vt docet in 3. d. st. 4. q. 1. art. 3. question. 5. ad 3. Difficilius est, quod docet in 3. cont. Gent. c. 45. in fine. *Quod anima separata intelligit substantias separatas per lumen intellectus agentis, quod est similitudo in anima intellectualis luminis quod est in substantiis separatis,* hoc enim est facere intellectum agentem potentiàm cognoscitiuam, quod nos affirmare non possumus. Et idem docet in quest. de anim. art. 15. ad 9. vbi inquit: *Quod anima separata per intellectum possibilem recipiat species effluentes à substantiis separatis, & per intellectum agentem habet virtutem ad*

ad intelligendum. Quæ verba valde obscura sunt. Solent etiam distinguere in intellectu agente, tres actiones circa phantasmata, scilicet illustrare phantasmata, reddere obiecta intelligibilia in actu, quæ antea erat in potentia, & abstrahere speciem quam producit in intellectu possibili. Itaque difficile videtur tot actus intellectus agentis distinguere, tam circa phantasmata, quam circa intellectum possibilem.

Nihilominus dicendum videtur; effectus istos intellectus agentis in intellectum possibilem præter productionem specierum, quas primo producit intellectus agens, non esse immediate ab ipso intellectu agente, sed mediate, quatenus in speciebus sic abstractis, virtus luminis intellectualis relucet redditus ipsis obiectis intelligibilibus quæ deservire etiam possunt ad alia obiecta manifestanda & attingenda. Itaque mediantibus speciebus induit intellectus agens in omnes illos actus intellectus, qui sunt cognitiones, non autem immediate influere potest, & lumen quod præbet totum est desumptum ex illis speciebus manifestantibus obiecta intelligibiliter. Sumitur hæc explicatio ex D. Thom. *quæst. de anim. art. 4. ad 6.* ubi inquit: Quod intellectus possibilis factus in actu, non sufficit ad causandam scientiam in nobis, nisi præsupposito intellectu agente. Si enim loquamur de intellectu in actu, qui est in ipso ad discende, contingit, quod intellectus possibilis alicuius sit in potentia quantum ad aliquid & quantum ad aliquid in actu, & per quod est in actu, potest reduci etiam quantum ad id, quod est in potentia in actum, sicut per id, quod est actu cognoscens principia, sit in actu cognoscens conclusiones, quas prius cognoscebat in potentia. Sed tamen actualem cognitionem principiorum habere non potest intellectus possibilis, nisi per intellectum agentem, cognitio enim principiorum à sensibilibus accipitur, à sensibilibus autem non possunt intelligibilia accipi, nisi per abstractionem intellectus agentis. Reducit ergo D. Thom. dependentiam cognitionis intellectus possibilis ab agente, ad depen-

dentiam, quam illa cognitio habet à sensibilibus. Sensibilia autem sunt obiecta, quæ redduntur intelligibilia in ipsa specie, quæ intellectus agens abstrahit. Ergo tota ratio illuminationis intellectus agentis mediantibus obiectis intelligibilibus & speciebus habetur. *Et ratio est:* Quia intellectus agens non potest illuminare cognoscendo, nec lumen aliquod habituale producendo in intellectu, quia habitus si est acquisitus, fit mediantibus actibus cognoscitivis, si est infusus non fit ab intellectu agente, sed à Deo. Ergo tota illuminatio intellectus agentis debet sumi ex parte obiecti representati in specie, quatenus ex vno obiecto manifestatur aliud.

Quod verò attinet ad illos actus, qui numerantur in intellectu agente circa phantasmata, illi non sunt distincti ab ipsa actione productiva specierum, sed solum addunt respectus aliquos seu connotationes, nam hoc ipso, quod producit species representans intelligibiliter obiectum, quod erat in phantasmate sensibiliter, dicuntur obiecta reddi intelligibilia in actu, & phantasmata ipsa dicuntur illuminata & habilitata reddi ex impressione intellectus agentis, ut talis species producat, eò quod ista species producit per ministerium phantasmatis, & consequenter talis productio, & respicit ipsam speciem ut productam, & obiecta in ea representata, ut reddita intelligibilia per representationem ipsam immaterialem, & totum hoc fit unica actione, quæ omnia ista requirit & respicit, sicut agens principale unica actione respicit instrumentum ut ministrans, & motum à se, & terminum ut productum, & finem, ad quem talis terminus ordinatur.

Ad loca D. Thom. quæ difficultatem habent, ad primum dicitur. Quod intellectus agens dicitur suo lumine manifestare prima principia, non quia præbeat ipsum lumen qui est habitus primorum principiorum, quia iste habitus acquiritur per aliquem actum cognoscitivum, cum non sit habitus

infusus vel innatus, ut docet D. Thom. 1.^a 2.^a *quæst.* 51. *artic.* 1. sed ex ipsa cognitione terminorum assensus, eius generatur, & habitus ipse producitur. Sed quia non indiget ad sui assensum nisi explicatione terminorum, & hæc per ipsas species etiam ut primo abstractas ab intellectu agente habetur, dicuntur. Illa principia lumine intellectus agentis manifestari.

Quod verò attinet ad conuersionem intellectus ad phantasma, cum illa conuersio sit cognoscitiua, spectat ad intellectum possibilem. In quo autem consistat illa conuersio, explicamus *infra art.* 4. & similiter quæ sit eius necessitas.

Ad illa vero loca, quæ loquuntur de virtute intellectus agentis in anima separata, quorum interpretationes videri possunt apud Ferrar. 3. *contra Gent.* cap. 45 & Magistrum Bañez, *primæ parte, quæst.* 9. *artic.* 3. *sub. 1. ad 3.* Nos breuius etiam. Quod quando dicit D. Thom. quod anima separata per intellectum agentem habet virtutem intelligendi substantias separatas, & per lumen intellectus agentis intelligit illas, non est sensus, quod per intellectum agentem intelligat, eliciendo ipsam cognitionem, vel quod intellectus agens aliquam speciem in anima separata producat, cum non habeat phantasmata seu obiecta, à quibus illam desumat; sed quia anima separata intelligit seipsam, & alias animas & Angelos ad modum sui; speciem autem sui dicitur habere per intellectum agentem radicaliter sumptum, quia anima intelligit se per seipsam in statu separationis, & ipsa radicaliter est intellectus agens, & ideo per intellectum agentem radicaliter sumptum anima accipit lumen intelligendi se, & alias substantias separatas in statu separationis, cum in statu coniuncti ipsa accipiat sui & aliorum species per intellectum agentem formaliter sumptum pro potentia operante circa phantasmata.

SOLVUNTUR ARGUMENTA.

Circa primum punctum posset tangi illa *difficultas*, quomodo intellectus agens reddat obiectum intelligibile in actu abstrahendo à conditionibus singularibus, cum non solum vniuersale, sed etiam singulare directè possit intelligi. Sed de hoc agemus *art.* 7.

Circa secundum punctum occurrunt *difficultates* P. Suarez *lib.* 4. *de anima, cap.* 2. *n.* 7. quæ ferè desumuntur ex communibus difficultatibus circa instrumentum corporeum ad producendum effectum spiritualem, ed quod non apparet, quæ virtus accrescat instrumento corporeo ad producendam rem spirituales, quia si est virtus corporea est improporcionata ad effectum spirituales; si est spiritualis non potest afficere, & recipi in phantasmate corporeo. Si non est virtus, sed aliqua unio, vel contactus, vel assistentia causæ principalis, ad instrumentalem, certò non potest illa unio maior esse, quam quæ fit per radicationem in eadem anima, quia hæc est magis indiuisibilis & naturalis, sed sola radicatio non sufficit ad habilitandum phantasma in ordine ad talem effectum spirituales, ergo neque sufficiet quæcunque unio seu coniunctio causæ spiritualis principalis cum tali instrumento. Quod si sufficeret radicatio in eadem anima non requireretur intellectus agens, ut causæ principalis habilitans, sed ipsamet anima per talem radicationem sufficeret ad habilitandum phantasma per modum instrumenti. Specialiter autem cum in sententia D. Thom. requiratur in instrumento aliqua actio præiua, ut ad principalem effectum deferuiat, phantasma autem nullum effectum habere possit circa ipsum intellectum, quia corporeum est, neque circa aliud corporeum apparet, quid operetur, consequenter non potest habere vim instrumenti; qua ratione in *quæst.* 25. *Physi. or. articulo secundo* diximus phantasmata non

non esse propriè instrumentum effectuum, sed obiectuum.

Respon. d. phantasma cum sit corporeum non posse effectiue operari, per virtutem propriam ad effectum spirituale alias haberet se vt causa principalis, & præterea semper maneret improporcionata illa virtus respectu sui effectus, cum iste sit spiritualis, & illa corporea. Quare operatio phantasmatis ad producendam speciem intelligibilem, debet esse ex virtute participata per modum motionis ab intellectu agente, qui est spiritualis. Et talis virtus spiritualis, quæ datur per modum motionis, seu per modum transeuntis non repugnat subiectari, & inhaerere in re corporea quatenus corpus est obediens spiritui, & subordinatum ipsi, hoc enim necessarium fuit, vt possent communicari spiritualia corporalibus, naturaliter enim corpora reguntur per spiritum, & ei subordinantur, & ab eo mouentur. Et rursus non repugnat aliquas spirituales formas perfici ex coniunctione ad corpus, & ex hoc minus spirituales sunt non per aliquid intrinsecum corporeitatis, sed per ordinem ad corpora quibus communicabiles sunt. Et hac ratione inter formas substantiales spirituales, Angelus immaterialior est quam anima, non quia anima in se habeat aliquid corporeitatis intrinsecè, sed quia dicit ordinem ad corpus cui potest communicari, dicitur autem aliquid magis, vel minus spirituale, non solum quia caret corporeitate in se, sed etiam quia caret ordine ad corpus. Sicut ergo in substantijs spiritualibus, id quod est forma completa, & perfecta sicut Angelus, repugnat informare corpus, non tamen hoc repugnat substantiæ spirituali incompletæ, qualis est anima nostra, quæ hoc ipso minus spiritualis est, quam Angelus, quia & si non in se includat corpus, ad illud tamen dicit habitudinem; ita in formis accidentalibus, formæ, seu virtutes perfectæ, & completæ, quæ vel sunt formæ principales, vel per modum prin-

cipij, seu potentia principalis se habent in operando, nullatenus possunt inhaerere in corpore, virtutes autem incompletæ, & per modum motionis, quæ solum ordinantur ad subordinandum aliquod corpus spiritui in ordine ad aliquem effectum spiritualem, non repugnat informare & inhaerere corpori, vt latius ex Diu. Thom. ostendimus *questione 26. Physicor. articul. 1.* Talis ergo motio communicatur ab intellectu agente ipsi phantasmari, non verò communicatur illi lux aliqua immaterialis, quæ reddat ipsum phantasma in se illustratum: & intelligibile in actu, sic enim non solum moueretur ad producendam rem spiritualem, sed etiam in se spirituale redderetur. Illa autem motio, seu virtus spiritualis ita imperfecta est, vt propriè non sit in genere spirituali, sed reductiue, & ita dicit Diuus Thomas *questione 27. de veritate articul. 4. ad 1. Quod illa virtus propriè, neque est corporea, neque incorporea, sed virtus ad incorporeum.*

Quod verò dicitur in sententia D. Thom. instrumentum debere operari dispositiue ad effectum principalis agentis. *Respon. d.* hoc verum esse etiam in ipso phantasmate, operatur enim representatiue, & de se habet vim ad operandum representationem, seu speciem similem sui, quia ex speciebus præconceptis nata sunt fieri aliæ species similes ex parte rei representata, sed quod istæ species sint spirituales & intelligibiles, hoc requirit virtutem altioris eleuantem illud phantasma, vt possit efficere speciem similem suæ representationis non sensibili modo, sed spiritualis, & intelligibilis ordinis. Et licet sit in alia potentia, tamen quia est coniuncta, & naturaliter subordinata intellectui, potest ab illo accipere virtutem, seu motionem ad operandum, sicut calor existens in igne assumitur vt instrumentum artificis ad fundendum æs, aut faciendum vas artificiosum modificando colorē & temperando,

rando, & calor animalis à nutritiua & generatiua virtute modificatur ad producendam carnem. Et quia operatio, qua vna species præconcepta producit aliam non est effectiua per modum physicæ alterationis, sed per modum intentionalis, & obiectiuæ actionis, seu representationis, ideo diximus in illa q. 26. *Physic.* non esse instrumentum effectiuum sed obiectiuum, id est non efficiens naturale, sed efficiens intentionale.

ARTICVLVS III.

Quod sit obiectum adequatum, & specificatiuum intellectus possibilis?

LOquimur de obiecto specificatiuo & adequato, quia cum intellectus eleuari possit ad attingendum aliquod intelligibile, quod sibi non est connaturale, nec proportionatum secundum naturam, vt cum eleuatur ad videndum Deum, distingui cõmuniter solet in intellectu duplex hoc obiectum, proportionis, & extensionis, & primum pertinet ad specificatiuum proportionatum, iuxta cuius varietatem, diuersas intellectuum species distinguimus, vt nostrum & Angelicum, & in Angelico varias species. Secundum autem simul cum primo constituunt adequatum obiectum.

Ex his emergunt due graues difficultates. Prima quomodo intellectus possit excedere suum obiectum connaturale & specificatiuum sic enim videtur excedere suam propriam & connaturalem quidditatem, quæ ab illo desumitur, non ab obiecto eleuationis, nec facile expeditur quomodo etiam visus, non possit eleuari ultra colorem quantum ad obiectum extensiuum, & sic eleuari ad percipiendum sonum, vel spiritum, vel Deum. *Secunda difficultas*, quomodo sit vniuocum adequatum obiectum intellectus, vnamque induat rationem constituendi vnâ potetiam, si coalescit ex obiectis ita diuersis, quæ solum analogice possunt cõuenire, vt Deus visus in se, & creatura modo suo cõnaturali intellecta. Quibus expeditis re-

stat assignare nostro intellectui obiectum proprium & connaturale, siue in statu vniõnis ad corpus, siue in statu separationis, assignare etiam obiectum extensiuum.

Circa primam difficultatem suppono intellectum nostrum in suo connaturali obiecto, & modo proportionali intelligendi, v.g. intra limites quidditatis sensibilis, aliquo modo complecti omne ens etiam ipsum Deum vt cognoscibilis illo modo quo per quidditatem sensibilem attingi, & representari potest. *Non est de hoc difficultas*, nec in hoc laborandum esset in assignando obiecto proportionato & extensiuo, quia sic tantum datur vnum formale obiectum proportionatum, ad cuius modum & limitem trahuntur reliqua omnia, quæ materialiter sub eo includi & tangi possunt. Caterum cum eleuatur ad Deum clarè visum, ultra illum formalem modum & rationem intelligendi eleuatur, nec enim Deus clare visus attingitur sub ratione formali quidditatis sensibilis, nec ad instar alicuius rationis formalis creatæ. Non ergo obiectum extensionis est penes extensionem de vno obiecto materiali ad aliud materiale sub eodem formali, sed de formali proportionato, & specificante ad formale eleuatum, & excedens, & proprium alterius superioris intellectus. Quomodo possunt hæc fieri? Et si possunt intellectu, cur non in visu, & alijs potentijs? *Hæc est difficultas.*

Varia sunt in hac parte Authorum sententia. Præcipuæ reducuntur ad tres. *Prima tenet*, quod Deus clare visus continetur sub vnico & eodem obiecto specificatiuo, & motiuo intellectus. *Secunda*, quod continetur in latitudine obiecti materialis & terminatiui, & hoc sufficit, nec oportet attendere ad obiectum, seu motiuum formale, de quo P. Suarez lib. 2. de attributis negatiuis Dei cap. 7. Vazquez 1. part. disp. 27. Ad quod reducitur, quod aliqui dicunt specificari intellectum solum ab intelligibili vt sic. Quod verò sit naturale, aut supernaturale,

non pertinere ad specificatiuum, sed ad vires quibus proportionatur intellectus pro naturali, vel supernaturali. De quo videri potest M. Gonzalez, & Nazarius ad 1. part. questione 12. artic. 1. Tertia sententia affirmat sub diuerso motiuo contineri intra latitudinem nostri intellectus Deum clare visum, & alia obiecta. Vnde fatentur, obiectum vt specificatiuum nostri intellectu esse analogum, non vniuocum in se, de quo videri potest M. Bañez, & Zumel ad eundem locum 1. p. Potest tamen illud obiectum sic analogum specificare vnā potentiam specificatione vnitatis, a hominē, quia forma præsertim extrinseca dare potest effectum, quem non habet, sicut albedo facit album, & in se non est alba. Ad quod accedunt, qui dicunt in intellectu nostro esse tres gradus diuerso modo specificabiles, nempe specificus in quo conuenit homo cum alijs hominibus; genericus, in quo conuenit cum Angelis; analogicus in quo conuenit cum Deo, & supernaturalibus, & licet vnus gradus sit excedens respectu alterius, quilibet tamen suum habet proportionatum obiectum.

Nihilominus resolutio nostra ex his omnibus colligenda est secundum quod in aliquo attingit veritatem. Distinguiamus ergo in potentia intellectiua propter suam maximam amplitudinem, id quod capacitatis est, quod est commune omnibus intellectibus, & se habet per modum potentiæ actuabilis, ab eo quod est luminis & virtutis connaturalis, quæ in vnoquoque intellectu variatur iuxta modum suæ naturæ. Et dicimus, quod respectu capacitatis, in qua omnes intellectus creati conueniunt, vnicum est omnium obiectum terminatiuum, quod respectu huius capacitatis specificatiuum est, scilicet omne intelligibile finito modo attingibile. Respectu verd luminis & virtutis connaturalis, obiectum specificatiuum est illud quod est motiuum talis intellectus, iuxta motum naturæ cuiuscunque intellectuales substantiæ, sicut in nobis pro hoc statu coniunctionis obiectum mo-

tiuum, & specificatiuum est quidditas rerum sensibilium, pro statu separationis quidditas spiritualis ipsius animæ, ad cuius modum intelligit reliquas substantias spirituales. Et in vnoquoque Angelo, proprium specificatiuum est ipsa substantia spiritualis propria ad cuius modum reliquas cognoscit, & iuxta illius proportionem, lumen, seu vis intellectiua est maior vel minor, perfectior, vel imperfectior specificæ, sicut natura ipsa specie distincta est. Itaq; in intellectu aliud est capacitas, aliud virtus: capacitas correspondet intellectui possibili, vt est sub statu puræ potentiæ, seu capacitatis virtus verò intellectui vt formato specie sibi connaturali, seu modo habendi species connaturales, siue per intellectum agentem abstractas, siue per ipsam spirituales substantiam, & species ei infusas actuetur intellectus, vt à proprio motiuo.

Prima ergo pars nostræ resolutionis de capacitate intellectus, & vnica ratione illius, quæ non admittit diuisionem per varias differentias, sed vnica est in omnibus intellectibus sumitur ex D. Thom. 1. p. quest. 79. art. 7. vbi inquit Quod intellectus respicit suum obiectum secundum communem rationem entis, eo quod intellectus possibilis est quod est omnia fieri. Vnde secundum nullam differentiam entium diuersificatur intellectus possibilis. Quo loco Caietan. recte aduertit potentiam intellectiuam non adæquari à suo obiecto motiuo, sed solum à terminatiuo. Excedit ergo capacitas specificationem, quæ à motiuo sumitur, & ita vt dicit D. Thom. respicit pro obiecto omne ens, nec in ista amplitudine diuersificatur intellectus aliquā differentia entium, sed omnes amplectitur. Constat autem, quod in motiuis specificantibus diuersos intellectus, vt intellectus Angelicos & intellectum hominis, non ab omni ente sumitur specificatio motiua, sed diuersa à diuersis, vt ab intellectu humano quidditas sensibilis, ab alijs diuersæ naturæ spirituales. Videndus est etiam pro hac sententia Sancti Thom.

opuscul. 2. c. 104. vbi explicat, quemodo intellectus noster sit in potentia ad duplex agens, ad connaturale sibi, quod est intellectus agēs, & ad supernaturale à quo etiam potest actuari respectu intelligibilium non connaturalium, sicut in ligno est potentia ad formas naturales & artificiales, & sic capacitas ligni extenditur ad artificiale & naturale, connaturalitas autem ad solum naturale agens.

Ratio huius à posteriori satis manifesta est, quia intellectus noster pro hoc statu non potest intelligere spirituales substantias nisi cum ordine, & connotatione ad quidditates sensibiles, in statu autem separationis potest illas intelligere, ut sunt in se, & in statu beatificationis potest clare videre Deum, ut in se est, ergo capacitas istius potentiae non est alligata modo intelligendi per connotationem ad phantasmata, vel sine illis ad rem spiritualement creatam, vel ad increatam in se. Similiter constat dari diuersas species intellectuum, licet omnes istam amplitudinem capacitatis habeant, sicut differt intellectus hominis ab intellectu Angeli, & diuersi intellectus Angelici inter se, ergo ex alio principio sumitur specificatio gradualis in intellectibus, scilicet ex proprio, & connaturali motivo, ad alio verò capacitas, quae se extendit ab omni intelligibile, neque adaequari potest à proprio, & connaturali motivo, unde sumitur illa gradualis differentia.

Ratio autem à priori huius est; quia potentia intellectiva fundatur in immaterialitate excludente omnem materiam, & corporeitatem in se ipsa, quia debet esse potentia mere spiritualis, sed hoc ipso quod habet immaterialitatem sic segregatam ab omni materia, habet capacitatem ad quodcumque intelligibile, quia modus informandi, & immutandi potentiam intellectiuam ex parte obiecti intelligibilis quantumcumque sit intelligibile perfectissimū, non est alius, quam modus spiritualis, &

immaterialis, ergo hoc ipso, quod aliqua potentia immaterialis est, est capax cuiuscumque intelligibilis quia est capax ut spirituali modo actuatur. Igitur exclusio omnis immaterialitatis, quae constituit potentiam spiritualement in se, hoc ipso habet infinitatem quandam respectu omnis intelligibilis, quatenus modus actuandi cuiuscumque obiecti intelligibilis, non excedit modum actuandi spiritualement; & sic adaequatum, & specificationem obiectum capacitatis intellectivae est omne obiectum spirituali modo informatum, quod est omne intelligibile, & hoc est obiectum terminatum intellectus, licet pro graduali differentia diuersorum intellectuum deseruiant diuersa obiecta motiva, quae diuersum lumen, & modum intelligendi praebent intellectui, & sic intellectus quantum ad actiuitatem luminis, & virtutis intellectivae diuersificatur secundum diuersas naturas, in quibus fundatur, & secundum quorum modum redditur potentia intellectiva actualior, & perfectior in ratione virtutis operativae, remanente semper capacitate passiva ad omne intelligibile in quocumque intellectu.

Dices: Cur non dicemus idem de potentijs sensitiuis, quod quilibet sensus quantumcumque infimus & externus hoc ipso habet capacitatem, & coaptationem ut à quocumque obiecto sensibili actuatur, eo quod obiectum sensibile quantumcumque perfectum nihil aliud petit, quam sensibili modo actuare potentiam, licet quantum ad vim operatiuam quilibet sensus habeat diuersam speciem sensibilibus potentiae ab alio, sicut quaecumque potentia intellectiva habet capacitatem ut actuatur à quocumque intelligibili, licet secundum vim operatiuam & gradualem diuersitatem, unus intellectus differat ab alio specie.

Respond. esse disparem rationem in intellectu, & in sensu in hac parte, quia capacitas in intellectu excedit vim operatiuam connaturalem, & specificationem, quae sumitur

sumitur ab obiecto motiuo, in sensu autem capacitas cognoscendi omnino limitatur ad eius connaturalem virtutem operatiuam, & ad obiectum motiuum ab eoque adæquatur tota eius capacitas. *Ratio est*, quia omnis capacitas cognoscendi prouenit ex vna radice, nempe ex immaterialitate, quanto enim aliquid magis segregatum est à materia, magis aptum est fieri alia à se, non in ratione ipsa materiali & entitatiua, sed in formali repræsentatiua. Sed hæc immaterialitas in spiritali natura generice sumpta est completa, & perfecta, quia omni corporeitate caret, vnde hoc ipso proportionem habet, vt actuetur ab omni obiecto carente corporeitate, quale est obiectum actu intelligibile, & immateriale, quia modus actuandi omnium istorum obiectorum, in eo conuenit, quod modo spiritali actuent potentiam, & ita capacitas seu proportio receptiua omnium illorum vna & eadem est, sed virtus operatiua, & lumen quo fertur in obiecta, non potest eiusdem rationis esse in omnibus, quia hoc non fundatur in sola immaterialitate, seu præcisâ carentia materiæ, sed in actualitate maiori, vel minori ipsius naturæ spiritalis, quæ tanto maior, vel minor est, quanto magis vel minus accedit & assimilatur ipsi actui puro, qui est summa spiritualitas, & inde sumuntur diuersæ species in intelligentijs, vt docet D. Th. cap. 6. de ente & essentia. Cæterum potentiæ sensitiuæ ex ipso genere sensibili, opposito modo procedunt, quia ex ipsa sensibilitate potius habent esse in materia & corporeitate, nec ab ea se expediunt. Vnde ex ratione generica sensibili, non habent capacitatem determinatam ad omne sensibile, quia potius sensibilitas & corporeitas ex genere suo impedit tantam capacitatem, & sic cum ex genere suo sensibile, non sit segregatum ab omni materia, sed tantum habeat de immaterialitate, quantum de virtute operandi super conditiones materiales, inde fit quod capacitas potentiæ sensitiuæ adæquatur ab eius

Part III. Physic.

virtute & ratione motiua, nec vltra potest extendi & eleuari, quia eleuaretur vltra adæquatum obiectum cognoscendi, si vltra motiuum eleuaretur. Et hæc est ratio, cur visus nō potest eleuari ad audiendum, quia eius capacitas & non solum vis operatiua, seu modus operandi limitatur ad visibile, nec aliam immaterialitatem habet ad cognoscendum, nisi cātum circa visibile, cum de se potius habeat materialitatem & corporeitatem ex ipsa ratione sensibilitatis, vnde non induit immaterialitatem absolute, & simpliciter per carentiam materiæ, sed limitatam pro respectu ad obiectum à quo intentionaliter immutatur iuxta suam proportionem.

Ex his colligitur non esse assignandum obiectum analogicum intellectui, neque ex parte virtutis passiuæ, neque ex parte virtutis proportionatæ, & connaturaliter operatiuæ. *De hoc 1. non est difficultas*; cum virtus eius operatiua, & lumen sit vnius speciei, vtpotè à natura vnius speciei orta, & sub vnica ratione formali, & motiuo tendens ad obiectum. De primo verò, scilicet de capacitate dicimus esse vniuocam, & eius obiectum vniuocum, non in ratione entis & secundum se, sic enim constat complecti omne genus entis, & totam eius amplitudinem quæ analogica est, sed in modo quo intellectus passiuus est actuabilis, & eleuabilis ad intelligendum, scilicet vt finito modo obiectum intelligibile est, hoc enim constituit genericam rationem intellectus creati, quæ vniuoca est, cum pertineant omnes creaturæ intellectuales ad vnum prædicamentum, & similiter omnes intellectus: solum autem finito, & infinito modo intelligi, analogizat in genere intelligibili, quia sola hæc ratio constituit intellectus diuersorum generum, & prædicamentorum, scilicet diuinum & creatum. Intellectus verò creatus secundum capacitatem respicit omne intelligibile finito modo; sicut materia prima omnes formas modo substantiali, & ideo vniuocè receptibiles,

kk

licet

licet aliquas solum supernaturaliter acquirere possit, scilicet quæ iam desierunt esse, & tamen uniuoce eas respicit, quia uniuoce cum illis componit si ponantur.

Colligitur secundo: Quodnam obiectum adæquatum sit nostri intellectus, quodnam proportionatum & specificum connaturale. Adæquatum enim est omne illud intelligibile, quod finito modo attingi potest siue per eleuationem, siue per connaturalem virtutem. Sub qua latitudine non solum includitur omne ens quatenus attingi potest sub proportionato, & connaturali modo cognoscendi, sed etiam ut eleuari potest ultra talem modum, & participare modum cognoscendi superioris intellectus, etiam ipsius Dei per visionem beatam, quod quidem licet excedat naturales vires, seu operatiuam vim intellectus, non tamen excedit capacitatem ipsius intellectus, ut dictum est. Ens etiam rationis sub isto obiecto continetur non tanquam obiectum excedens, & eleuatum, sed tanquam formabile & cognoscibile ad instar entis realis & induendo modum illius.

Obiectum autem proportionatum nostri intellectus pro hoc statu unionis ad corpus est quidditas rei sensibilis, & quidquid per connotationem ad illam cognoscibile est, ut dicit D. Thom. *primæ parte, question. 84. articulo 6* Et nomine quidditatis non solum substantiam prædicamentalem intelligimus, sed quidquid per modum naturæ alicuius, & essentiæ concipi potest, etiam accidentia & modi, imo & singularitas ipsa ad instar essentiæ alicuius accipi potest. Pro statu verò separationis obiectum illius proportionatum est quidditas spiritualis propriæ substantiæ, de quo videri potest D. Tho. *primæ parte, question. 89. articulo 1. & 2.* ubi hoc ipsum affirmat. Et *constat manifestè*, quia anima pro hoc statu, non potest immediate res spirituales attingere, eo quod ab obiectis sensibilibus accipit cognitionem suam, nec alio modo intelligit, quam ex sensibilibus, & conuertendo

se ad phantasmata, ut experientia ipsa testatur, & ipsa natura animæ postulat, quæ cum sit infima in toto ordine intelligibili, maximè conformatur intelligibili infimo, & imperfecto, quale est intelligibile in potètia, hoc autem debet esse aliqua quidditas non spiritualis, & immaterialis in actu, sed immaterialis in potentia, & per abstractionem facta intelligibilis in actu, & ita vocatur quidditas rei sensibilis, ex eo enim quod ad modum quidditatis, & substantiæ accipitur, modo intelligibili res illa concipitur, & ut abstrahens à conditionibus materialibus, verbi gratia, à loco & tempore alijsque sensibilibus à quibus abstrahunt res spirituales tale enim intelligibile connaturale debet esse alicui intellectui, & non alteri quam nostro, qui coniungitur sensibus, ut ab ipsis sensibilibus possit cognitionem suam haurire per modum quidditatis ea intelligendo, & abstrahente.

Quod verò obiectum proportionatum animæ separatæ, sit quidditas spiritualis præsertim ipsiusmet animæ, constat: quia tunc caret conuersione ad corpus, neque intelligit accipiendo species a sensibilibus, sed accipiendo infusas à Deo, & per conuersionem ad substantias separatas, & sic pro illo statu habet vim operatiuam altioris luminis, & perfectioris rationis formalis, scilicet sub ratione totaliter separata à corpore etiam quoad connotationem.

SOLVUNTUR ARGUMENTA.

Primò arguitur, potentia passiva seu capacitas nostri intellectus distinctum obiectum & amplitudinem habet, quam eius virtus operatiua seu connaturale lumen, ergo & distinctam specificationem, siquidem hæc sumitur ab obiecto; hoc autem inconueniens est, quod una & eadem potentia plures habeat specificationes. *Respondetur*, quia adhuc currit eadem distinctas, propter quam distinguimus capacitatem intel-

Intellectus à vi operatiua, nam ad videndum Deum non solum eleuatur potentia passiuua, sed etiam virtus operatiua & actiua intellectus, nec sola ratio generica intellectus, sed etiam ratio specifica, homo enim in quantum homo glorificatur, virtus enim actiua, & specifica eius influit in visionem Dei vitaliter, ergo eleuatio datur ultra specificationem propriam, & sic non est necesse illam capacitatem passiuam distinguere. *Confirmat. secundo* quia vel illa capacitas passiuua est potentia mere naturalis, vel obedientialis. Si dicatur primum, non potest extendi nisi ad obiectum naturale non ad supernaturale, ad hoc enim non seruit nisi potentia obedientialis. Si dicatur secundum, petimus principium, & non explicamus difficultatem, inquirimus enim rationem, quare potest eleuari obedientialiter intellectus ad videndum Deum, non autem visus ad audiendum, & reddimus rationem quia Deus non est extra capacitatem obedientialem intellectus, cum hoc ipsum sit quod inquirimus, quare obedientialiter est capax, si intra eius specificationem naturale non continetur?

Respondet. distinguendo antecedens, habet distinctum obiectum quasi generice, & incedendo sub sua vniuersalitate specificationum, *concedo*, habet distinctum quasi specificum, & constituens diuersam specificationem, *nego*. Et sic non est distincta specificatio in vnica potentia, sed capacitas amplior ex ratione generica seu communi intellectus, quam ex specifica vt explicatum est. Et sicut corpus ratione materie quæ est capax plurium formarum, est etiam capax plurium accidentium communium quæ ab ipsa non dimanant, & ita est amplior potentia passiuua corporis, quam actiua, nec propterea plures specificationes habet, ita suo modo in genere intelligibili plura potest intellectus passiuè, quam actiuè. Et hæc potentia passiuua etiam est in Angelo, quia licet non habeat intellectum possibilem sicut in nobis, id est quod sit pu-

ra potentia sine vlla specie, aut quod sit in potentia respectu intellectus agentis, habet tamen ita amplam capacitatem passiuam, sicut noster intellectus. Quando autem eleuatur intellectus noster supernaturaliter, non accipit nouam specificationem, vel speciem ex illa eleuatione, quia essentialis species semper est natia, sed accipit accidentalem participationem superioris specificationis, id est diuini ordinis, quæ essentialiter conuenit Deo.

Ad primam confirmationem respondet. eleuari potentiam intellectus operatiuam, ipsamque beatificari, & influere in visionem vitaliter vitalitate eleuata. sed tota ista eleuabilitas conuenit actiuitati illi vt capacitatem habet passiuam, non enim capacitas illa aliquid distinctum est à vi operatiua intellectus, sed ipsa vis operatiua capacitatem habet ratione suæ genericæ rationis, vt spiritalis est & carens omni corporeitate, ad hoc vt eleuetur ad operandum ultra suam connaturalem vim specificationem. Et beatificatur homo in quantum homo. & secundum specificam rationem sui intellectus vt tamen eleuatam ad altioremodum, quam suus specificus modus intelligendi, nam si in illo solo maneret, non beatificaretur, sed ille specificatione sumptus beatificatur, vt tamen eleuabilis est supra se ratione capacitatis passiuæ ad omne intelligibile quæ ipsi communis, & generica est pro omni intellectu. Aliud est ergo quod eleuatur, aliud ratione cuius eleuabilis est.

Ad secundam confirmationem respondet. illam capacitatem potentie intellectiue esse entitatiue naturalem, respectiue autem seu terminatiue respicere tum agens connaturale, tum supernaturale, & respectu huius obedientialis est. *Cum vero inflatur*, quia in hoc petimus principium, negatur, nos enim non reddimus rationem cur hoc vel illud obiectum contineatur intra latitudinem huius intellectus, quia est capax illius obedientialiter, sed dicimus capacitatem

intellectus extendi ad omne intelligibile finito modo, quia spiritualis potentia est, & carens omni materialitate corporea, & ex hoc sequi, quod potentiam obedientialem habeat ut sit eleuabilis ad quodcumque intelligibile, etiam ad Deum clare visum. Nec est difficile quod tantæ capacitatis potentia emanet à determinata animæ natura, nam substantia ipsa animæ ex eo quod spiritualis est, tantæ capacitatis est radicaliter, quantæ intellectus ipse formaliter.

Secundo arguitur, non minus differt intellectus noster ab intellectu Angeli, vel Dei, quam visus ab auditu, sed visus non potest eleuari ad audiendum etiam participatione, & per eleuationem accidentalem, ergo neque intellectus noster ad intelligendum modo Angelico vel modo diuino, etiam participatiue. Quod vero ex generica ratione intellectus respiciat omne intelligibile, non obstat nam etiam visus ex generica ratione respicit sensibile in communi, & sic poterit eleuari participatiue ad omne sensibile in particulari. Quare exemplum quod vulgo affertur de oculo nocturæ, qui potest eleuari ad videndum sicut aquila, non tenet, quia oculus nocturæ, & aquilæ sunt eiusdem speciei, sicut vnus perfectior alio, vnde eleuatio ad illum non est extractio à proprio specificatiuo. Intellectus autem noster, & Angeli specie differunt, & multo magis intellectus noster, & intellectus Dei, vnde eleuatio ad illum est ad aliquid extra specificatum suum. Dicere autem quod intellectus noster & Angeli non differunt specie, falsum est, cum naturæ ipsæ diuersæ sint specie, & consequenter immaterialitates. *Nec valet dicere* quod intellectus habet potentiam passiuam seu capacitatem infinitam, sensus autem restrictam & limitatam. *Contra enim est*, quia intellectus etiam finitam capacitatem habet, tum quia finitus est, & finitæ immaterialitatis, nec potest infinito modo intelligere; tum quia alias non satiaretur videndo Deum finito modo, quia alij modi restarent vi-

dendi Deum in infinitum quorum est capax, & illos desiderare potest.

Respondet intellectum hominis & Angelum simpliciter specie differre sicut & eorum naturæ, quia specificatio sumitur in ipsa actiuitate & virtute operatiua, quæ in illis diuersæ speciei est. At vero capacitas passiuæ, quæ sumitur ex ratione communi, & generica spiritualis potentie, excedit specificationem virtutis operatiuæ in speciali, & est susceptiua cuiuscumque intelligibilis, ut dictum est. Ceterum sensus, nec ratione particularis specificationis, nec ratione generice capacitatis est capax. ut eleuetur ultra suam specificam vim operandi, quia hæc capacitati suæ adæquatur, eo quod generica ratio sensibilitatis non habet de se immaterialitatem determinatam, sed potius materialitatem, incipit autem eleuari super materiam ex ipsa determinata virtute operandi supra conditiones materiales, & cognoscendi determinatè, vnde coincidit in illis virtus operatiua, & capacitas immaterialitatis suæ. Spiritualis vero potentia ex ipsa communi ratione caret determinatè omni corporeitate, & est immaterialis perfecte, capaxque omnis intelligibilis, ut explicatum est. Quare nec vtimur illo exemplo oculi nocturæ & aquilæ per omnia, nec negamus differre specie intellectum nostrum & Angelicum, licet aliqui dicant differre hos intellectus in ratione proprietatis & respectu ad naturas, non in ratione potentie & respectu ad obiecta. Quod si intelligatur de his intellectibus, quoad capacitatem passiuam verum est, quia idem obiectum terminatiuum habent, sed hoc pertinet ad rationem communem & genericam omnis intellectus. Si vero intelligatur quoad specificam rationem operatiuæ virtutis, & gradualis differentie, non potest esse verum, quia idem est esse proprietatem & esse potentiam, est enim proprietas ut qualitas, & est de genere potentie ut qualitas est. Itaque ratio generica in intellectibus est determinatæ capacitatis, quia spiri-

spiritualitatem determinatam habet, & est indeterminata actiuitatis, & solum in genere, & in confuso illam dicit, determinatur autem ad hanc & illam actiuam virtutem per specificationes suas.

Ad vltimam replicam de infinitate intellectus, dicitur; quod intellectus habet capacitatem fini tam categorematicè, infinitam tamen sine categorematicè, & secundum quid, cum quia in infinitum potest cognoscere secundum magis ac magis, cum quia infinita accidentia potest attingere simul, ut anima Christi infinitas cogitationes, cum quia rem infinitam potest attingere, scilicet Deum licet finito modo. *Et quod additur de satietate visionis beate, Respondetur*, illam etsi minimam, perfectè satiare, quia etsi non omni modo attingatur Deus ex parte cognoscentis, ex parte tamen rei cognitæ attingitur omne bonum, & attingit rem infinitam continentem in se omnes illos modos infinitos quibus potest attingi, & sic licet illos non habeat formaliter, & ex parte cognoscentis, habet tamen obiectiuè, & ex parte rei visæ, sicque in illo possidet omne bonum, quod sufficit ad satietatem simpliciter voluntatis.

Tertio arguitur, potentia passiuæ intellectus, debet habere aliquod specificatum, cum ipsa sit alius speciei, ergo tale specificatum debet esse ei proportionatum, siquidem potentia, à quo accipit speciem, debet proportionari illi, ergo in illo non potest includi intelligibile supernaturale, siquidem hoc semper est excedens, & nunquam proportionatum specificatiuè, & intrinsecè, sed tantum obedientialiter, & sic si eleuatur illa potentia, vltra specificationem suam eleuatur. *Quod si dicatur*, potentiam illam passiuam respicere pro specificatiuo sui intelligibile connaturale tantum. *Contra est* quia si ita est, solum illud habebit pro specificatiuo, & sic si eleuatur vltra, eleuatur supra specificatum suæ capacitatis, quod est manere in eadem difficultate. *Confirm.* quia ens naturale &

supernaturale sunt diuersi ordinis, & exigunt principia intellectiua diuersi ordinis; vnum exigit lumen naturale, aliud supernaturale, ergo non possunt specificare potentiam vnius tantum ordinis & speciei, qualis est potentia intellectiua, præsertim quia res supernaturalis non potest prius esse in sensu, quam in intellectu, ergo non potest ad obiectum nostri intellectus pertinere, quia obiectum intellectus prius debet esse in sensu, quam in intellectu, cum ab illo accipiat.

Respondet. capacitatem illam intellectus secundum se, & secundum communem, & quasi genericam rationem, non habere obiectum specificatum, seu motiuum connaturale, sed terminatum, complectens genericè omne genus intelligibile finito modo actiuans, & sic non indiget obiecto proportionato suæ naturæ & specificationi positivæ, sed non repugnante suæ capacitati, nam illa capacitas non est positiva proportio respectu omnium obiectorum, sed positiva respectu connaturalis actiui seu motiui, negatiua autem seu non repugnans respectu supernaturalis, & sic non constituitur aliquod specificatum ex naturali & supernaturali, quia reuera illa capacitas non specificatur, sed generica & communis est omni intellectui, siquidem non pertinet ad speciem determinatam illa capacitas, sed ad genus intellectuale, sufficitque habere vnum obiectum adæquatum terminatum genericum, quod conuenit in vna ratione communissima, scilicet intelligibilis finito modo actuant, siue supernaturaliter, & per eleuationem actuet, siue connaturaliter, & proportionate; nec requiritur ad vtrumque positiva capacitas, sed sufficit non repugnantia ad vnum, & positiva potentia ad aliud, specificatur, autem, & positivè contrahitur & constituitur illa capacitas ab obiecto motiuo proportionato sibi; sed hoc non est secundum amplitudinem totius capacitatis, sed secundum propriam virtutem, & lumen, & secundum gradum suum.

Ad primam confirmationem respondet. quod supernaturale, & naturale, licet sint diuersi ordinis, possunt tamen conuenire in aliqua ratione obiectiua communi (nam etiam qualitates supernaturales prædicamento & genere conueniunt cum naturalibus) quæ sit terminatiua adæquata vnius potentia; conueniunt enim in ratione intelligibilis finito modo, & in hac ratione non solum res creatæ supernaturales, sed ipse etiam Deus conuenit cum reliquis obiectis in vna ratione intelligibili in communi & confuso, secundum quam potentia intellectiua est capax omnis intelligibilis finito modo, non autem existimandum est quod supernaturale seorsum & secundum rationem particularem respicitur à potentia intellectiua, sed ut conuenit in aliquo communi cum naturali, nec enim habet proprias vires potentia intellectiua ad attingendum supernaturale secundum se & seorsum à naturali, sed est eleuabilis ad illud. Quod vero supernaturale non cognoscatur prius in sensu non obstat, quia non est connaturale obiectum, quod est quidditas sensibilis, sed eleuatum & supernaturale, ideoque non est necesse prius attingi in se à sensu, attingi enim à sensu pertinet ad obiectum connaturale nostri intellectus, non ad omne.

ARTICVLVS IV.

Utrum singulare materiale pro hoc statu sit directè cognoscibile ab intellectu?

IN hac difficultate cōtroversia est inter Scholasticos. D. Thom. & Scoti, & qualibet suos habet fautores. Scotus ergo in 4. distinct. 45. question. 3. sentit dari in nostro intellectu speciem rei singularis materialis directè & propriè repræsentantem illam. Quia verò Scot. ponit, primum quod noster intellectus cognoscit non esse singulare, sed speciem specialissimam, ut patet in primo distinct. tertia, question. secunda, & nos tra-
ctauimus in question. 1. Physi. or non videtur

ponere has species repræsentatiuas singularem esse omnino primas, quas format intellectus agens, alias non repræsentarentur primum species specialissima, sed res singularis Scotum sequuntur plures ex antiquis, ex modernis autem Pater Suarez, libro quarto de anima, cap. 1. 3. & dissertation. 6. met. sect. 6. Rubic, Valentia, & alij quos citant Carmelitan. dissertation. 13. question. 6.

Oppositam sententiam tenet S. Thom. prima parte, question. 86. articulo primo, & question. 85. articulo primo, ad tertium, Caietanus ibi, Ferrarius secundo contra Gentes, capit. 110. Capredol. in 1. distinction. 35. question. secunda in solution. ad argumenta contra 4. conclusionem. Fensl. 1. met. cap. 1. secundo section. quinta question. tertia, & probabiliorē reputant Conimbr. 3. de anima, capite quinto, quest. 4. art. 3. & communiter Thomistæ.

Pro resolutione huius aduerte tria. Primum nos posse loqui vel de specie impressa vel de expressa seu conceptu. Et de ipsa impressa, vel quæ sit beneficio intellectus agentis antequam intellectus intelligat, vel quæ formatur ab ipso intellectu cognoscēte ex præconceptis speciebus: Nam maior difficultas est de specie impressa, an directè repræsentet singulare, quam de conceptu, & magis de specie primo abstracta, quam de formata ex alijs præconceptis speciebus.

Secundò aduerte; quod singulare potest dupliciter cognosci. Primò in actu signato, & ut quidditas quædam est, nam etiam modus ille singularitatis suam habet naturam & quidditatem, & sic potest cognosci ab intellectu, sicut vna ex alijs quidditatibus. Alio modo potest cognosci in actu exercito, scil. prout rem ipsam singularizat, & sub conditionibus singularibus, & materialibus modificat. Et sic inquirimus an directè attingatur ab intellectu, sicut videmus attingi à sensu. Et differt inter istas duas cognitiones, quia in prima attingitur indiui-
dua-

duatio, vt forma quædam secundum se, in secunda attingitur id quod participat eius effectum formalem vt subest illi.

Tertio aduerte, aliud esse cognoscere rem aliquam directè, aliud propriè, vel distinctè. Cognoscere propriè seu distinctè cōtra ponitur huic quod est attingere rem solum in confuso & in communi, vel secundum aliquid extraneum, & quod sibi proprium non est, proprium enim opponitur communi, vel extraneo, & distinctum opponitur confuso. At vero directè cognoscere contra ponitur ei quod est reuerti seu regredi supra principia ipsa cognitionis, siue sint principia elicentia vt potentia, habitus, species, & ipsa anima, siue sint ministrantia, sicut sensus ministrant intellectui, & sunt distinctæ potentia ab objectis ipsis, nam si ipsamet objecta sunt, quæ præbent species, non redditur indirecta seu reflexa cognitio ex eo, quod tendatur in illa, sicut in sensibus externis directæ cognitio est in objectis, licet ab illis species ministraretur sensibus. Vnde constat non esse idem obiectum directæ cognitionis, & obiectum immediatè attactum: nam etiam secundarium & mediatum obiectum directè attingi potest, & sine reflexione, si ex parte principij elicentis non se teneat

Dico primò, species impressa intelligibilis quæ pro hoc statu abstractitur à sensibus non potest representare singulare directè sub exercitio, & modificatione singularitatis, bene tamen ipsam singularitatem potest attingere per modum quidditatis. Hæc conclusio est expressa D Thom. qui non negat posse intellectum cognoscere singularia, quæ cognoscit sensus, sed non eo modo quo sensus, scilicet secundum dispositiones materiales, & accidentia exteriora, sed penetrando ad intimam naturam, vt dicit *question 10. de verit. artic. 5. ad quintum.* Vt autem naturam ipsam intelligat, debet relinquere quod modificatio- nis materialis & exercitij singularitatis est vel vt ipsamet singularitatem intelligat, debet per modum quidditatis eam acci-

pere, & non sub modificatione, & exercitio materiali, sed tale exercitium non nisi reflexe & connotatiue potest intelligere ab aliquo conceptu quidditatis reuertendo ad exercitium ipsum singularitatis, quod relinquit in sensibus. Docet ergo S. Thom hanc conclusionem *prima parte, questione 86. articulo. 1. & in 5. de anim. lection. 3. & quest. de anima articulo. 20. & quodl. 12. art. 11. & alibi sæpè, nec oportet verba adducere quia clarissima sunt.*

Sumitur autem ex Aristot. eadem conclusio in 1. *Physicor. text. 46.* vbi inquit: *Quod vniuersale est notum secundum rationem, singulare secundum sensum.* Et in 3. *de anima text. 10.* vbi dicit: *Quod anima, sensitiva parte discernit calidum & frigidum, quorum quadam est ratio caro, alia verò esse carnis discernit aut separabili, aut sese habentis ad se ipsam, perinde ac sese habet, cum extensa fuerit linea flexa.* Ita se habent Aristot. verba, ex quibus D. Thom. alijque interpretes sumpsērunt hanc locutionē, quod intelligamus qui vocatur à Phil. *pars anima separabilis*, cognoscit esse carnis, cum se habet quasi linea extensa, rationes verò indiuiduales in carne, vt frigidum vel calidum attingit parte sensitiva seu per sensus, & quasi per lineam flexam ab intellectu Respond. Suarez *lib. 4 de anim. c. 1. mon. 9.* mentem Arist. solum esse, quod idem sit intellectus qui cognoscit vniuersale, & qui singulare, sicut eadem est linea extensa & reflexa. Et quandocumque Aristot. dicit quod sensus est singularium, intellectus verò vniuersalium, sensus est, quod sensus solum est singularium, intellectus verò vniuersalium & singularium. *Sed hæc responsio euacuat vim testimonij Arist.* nam neque ipse, neque nos negamus intellectum nostrum cognoscere vniuersale, & singulare, sed non eodem modo vtrumque, neque eodem modo sensum & intellectum, & de hoc diuerso modo est tota questio quid sit. *Vnde responsio Suarez.*

non est ad punctum difficultatis, sed ad id quod supponit difficultas. Itaque cum Aristot. ponat diuersum modum in cognoscendo vniuersale, vel singulare in intellectu, quod etiam ipse Suarez fatetur dicens, quod sicut eadem linea curua est, & recta habens se tantummodo diuersimode, ita & intellectus duo illa cognoscens; restat explicare hunc diuersum modum, quo intellectus cognoscit singulare & vniuersale, & qua ratione dicatur intellectus in cognoscendo singulare se habere sicut lineam flexam, quod nos referimus ad cognitionem reflexam vt statim probabitur: non autem explicat P. Suarez in quo illa reflexio, & ille diuersus modus consistat.

Fundamentum huius conclus. sumitur ex propria & formali ratione & modo quo procedit intellectus in cognoscendo, ab eo quo procedit sensus. Etenim tunc aliquod obiectum incipit pertinere ad intellectum, & sub ea ratione attingitur proprie & directe, sub qua incipit esse intelligibile, & discerni à sensibili, constat enim quod sicut intellectus & sensus sunt potentie valde diuersæ, ita in suis obiectis intelligibile sensibile differre debet, & ratio intelligibilis necessario est, quæ directe attingitur ab intellectu, sed res sensibiles redduntur intelligibiles per hoc quod tale obiectum remouetur à materialibus conditionibus, quæ ipsum singularizant, & solum per modum quidditatis attingitur, ita quod quidditas seu substantia rei, est proprium & per se obiectum intellectus, ergo non potest intellectus directe ferri ad hæc obiecta prout modificata illis materialibus conditionibus, quæ singularizant, sed prout ab illis abstrahit, ergo directe non potest attingere singularia sub exercitio singularitatis & materialium conditionum, sed sub ratione quidditatis. *Maiores est certæ & minor probatur*, quia res sensibiles vt subsunt conditionibus materialibus quibus singularizantur possunt attingi à sensu, id enim constat ex experientia ipsa, quia sensibus cogno-

scimus res sicut in se existunt ad extra, & ibi existunt cum conditionibus materialibus vt singularizata ab illis: ergo quandiu sub illis conditionibus sunt, nondum intelliguntur vt pertinentia formaliter ad intellectum, & vt obiecta actu intelligibilia, secundum id, in quo primo discernitur intelligibile à sensibili, siquidem sub illo statu & conditionibus, adhuc attingi possunt à sensu, ergo ibi nondum relucet id quod est proprium intellectus, sed ad summum id quod est commune sensui, & intellectui et, iam in opposita sententia, quæ dicit vniuersale proprie cognosci ab intellectu, singulare autem & ab intellectu & à sensu; sed intellectus quæcumque obiecta intelligit, sub propria ratione intelligit, non sub ratione communi sibi & sensui, siquidem quidquid attingit est in quantum intelligibile, vt intelligibile autem discernitur à sensibili, & non dicit rationem illi communem, ergo sub hac ratione intellectus directe rem attingit; sed vt probatum est quandiu res intelligitur sub conditionibus materialibus, & exercitio singularitatis, intelligitur sensibilis & sub ea ratione qua à sensibus potest attingi & de facto attingitur, vt autem per modum quidditatis attingitur, redditur intelligibilis, & immaterialis ex ipso modo quo accipitur, scilicet sine materialibus conditionibus loci, & temporis, &c. ergo ratio quidditatis & non modificatio singularitatis est proprium obiectum intellectus, quidquid autem cognoscit aliqua potentia, sub ratione proprii obiecti attingit, & non aliter. Alias excederet modum proprium, & essentialem operandi. Quare solum poterit intelligi singulare ab intellectu prout ad modum quidditatis accipitur, non vt subest exercitio singularitatis, & sub eius modificatione, sub hac enim ad modum sensibilem reducitur ipsa quidditas

Dices 1. singulare etiam reddi intelligibile, non quatenus ad modum quidditatis accipitur, sed quatenus spiritualis modo repræ-

representatur, id est per speciem entitatie spirituales, & modo spirituali; quod non fit in sensu, licet ex parte rei representatz, obiectum materiale sit.

Secundo. Quidditas rei non videtur proprium ac formale obiectum intellectus, tum quia non semper intelligimus quidditates rerum, sed raro & difficulter; tum quia, qui interiora penetrat, etiam exteriora attingit, & ita intellectus attingens essentiam, etiam passiones & accidentia eius attingit, ergo non solum sub ratione quidditatis, sed sub ratione singularitatis exterioritatis potest intellectus res cognoscere: tū deniq; quia etiam intellectus Angeli respicit interiora rei, & quidditatem & tamē directe attingere potest indiuidua, ut S. Tho. docet I. part. quest. 17. ar. 2. ergo hoc non debet obstare, ut intellectus noster etiam directe attingat singularia, licet in quidditatem feratur.

Ad 1. Resp. quod valde materialiter & per accidens respicitur specificatum propriū intellectus, & discretio eius a sensu, si solum ponitur differentia in ipsa entitate speciei, nō in obiecto representato, & modo representandi eius. Nam obiectum representatū est quod specificat & discernit, non entitas speciei. Vel ergo hoc obiectum sub eisdem conditionibus, & materialitate manet, sub quibus erat obiectum sensuum, vel non. Si non manet, ergo relinquit illas, ergo non fertur directe in illas intellectus, siquidem abstrahit ab illis, & relinquit illas, & sic habemus intentum, quod singularitas non directe ab intellectu attingitur, sed relinquitur. Si verò obiectum manet sub eisdem conditionibus & materialitate, parum refert, quod entitas speciei, representantis sit spiritualis, siquidem entitas non specificat sed obiectum, obiectum autem manet omnino idem sicut in sensu, ergo & specificatio, & sic nō respicitur, ut intelligibile in esse obiecti, nec manet proportionatum in esse obiecti ipsi potentie ergo non attingitur ab ea.

Ad 2. Resp. aliud esse intelligere quidditatem rei, aliud ad modum quidditatis. Intellectus non semper intelligit quidditatem rei, quia non semper penetrat rem ut est in se; semper tamen ad modum quidditatis intelligit, quia ex modo suo conatur interiora penetrare de qualibet re, siue accidens sit, siue substantia. Et ideo quidditas dicitur a Philosoph. proprium obiectum intellectus 3. de anima text. 26. & ibi a D. Thom. lect. 11. Et 2. 2. quest. 8. art. 1. Dicitur inquit, intelligere quasi intus legere: & hoc manifeste patet considerantibus differentiam intellectus, & sensus, nam cognitio sensitiva occupatur circa qualitates sensibiles exteriores, cognitio autem intellectiva penetrat vsq; ad essentiam rei, obiectum autem intellectus est quod quidd. ut dicitur 3. de anima. Quare licet intellectus de facto non semper penetret vsque ad quidditatem rei, modus tamen cognoscendi de se debet esse tendens ad quidditatem, quod non posset esse, si representatio ipsa speciei directe esset ad obiectum sub modificatione materiali, & singularitatis conditionibus, quæ exterius occupant, & ad interiora non intratur nisi his remotis, quia quidditas communis est de se, & ideo sine conditionibus singularitatis accipitur. Et ad 2. probat. dicitur, quod qui cognoscit interiora etiam exteriora attingit, sub modo tamen interiorum, & ut ad illa pertinent & ordinantur. Vnde intellectus vel intelligit singularitatem in actu signato & per modum quidditatis, & tunc directe cognoscit illam, vel si in exercitio attingit, oportet quod fiat conuersio eius ad sensus, in quibus sub hoc exercitio representatur, & a quibus abstrahit obiectum intelligibile. Et ita ut diximus question. 1. Physicor. intellectus etiam quando intelligit rem quoad an est, non abstrahit ab ipso quid est, sed in ipsa quidditate attingit prædicatum communissimum, scilicet rationem entis ut sic & ordinem ad esse. Ad 3. probat. dicitur, quod Angelus intelligit quidditates multo intimius quam nos, non abstrahendo a singularibus & discurrando, sed comprehendendo, & secundum

dum influxum à superiori causa à qua emanant, scilicet à Deo. Vnde quia incipiunt à substantia & ab interiori radice, possunt directe procedendo vsque ad indiuiduationem peruenire, quæ ibi fundatur & radicalitur, & procedit à Deo sicut ipsa natura & quidditas; Angelo autem repræsentantur res prout à Deo originantur in hoc vniuerso, & secundum quod habent connexionem in vniuerso. Nos autem non attingimus substantiam, & quidditatem rei incipiendo ab ipsa, sed ascendendo à singularitate, & relinquendo conditiones eius, quia à sensibilibus accipimus, relinquendo quod sensibilitatis proprium est, quia est solum in potentia intelligibile non in actu. Vnde non attingitur singularitas, nisi ut ex parte termini à quo, atque adeo per reflexionem & connotationem ad sensus, in quibus directe repræsentantur singularia.

Dico 1. Conceptus formati ab intellectu de re singulari sub illa reflexione & connotatione ad phantasmata ad qua fit conuersio, non repræsentant directe singulare, licet possint esse proprii & distincti conceptus rei singularis. Prima pars concl. deducitur ex Diu. Thom. prima parte, quest. 86. artic. 1. ad 1. ubi inquit: Quod singulare non impeditur intelligi quia singulare, sed quia materiale, quia nihil intelligitur nisi immaterialiter. Et solut. ad 3. quod singulare quod sensus intelligit concrete, intellectus intelligit abstracte & immaterialiter, quod est cognoscere in vniuersali. Ex quo fit argumentum. Ratio quæ obstat repræsentationi directæ rei singularis, est materialitas, sed conceptus non est minus immaterialis, imò multo magis, quam species impressa, cum repræsentet obiectum intellectum in actu, & consequenter minus potentialitatis habet in ratione intelligibili, ergo oportet quod repræsentatio ipsa conceptus, immaterialis sit, ergo non repræsentat directe singulare; alias negandum esset quod ratio nō cognoscendi singulare directe non sit eius materialitas, sed singularitas ipsa, quod negat S. Thom. Et certe si semel ponitur

quod immaterialitas conceptus non repugnat directæ repræsentationi rei singularis, non video quomodo colligi possit ex immaterialitate intellectus & speciei impressæ, quod non possit directe cognosci, aut repræsentari singulare. *Ad hæc*, ut intellectus noster cognoscat per reflexionem singularia, oportet quod conuertatur supra phantasmata, & illa conuersione utatur ad cognoscendum singulare, sed hæc conuersio fit per ipsum conceptum non per speciem impressam, quia fit per cognitionem quæ ipso conceptu terminatur, ergo maxime conceptus est qui reflexione cognoscit singularia, & attingit illa, imò si in conceptu non fieret reflexio & indirecta repræsentatio, non verificaretur, quod intellectus cognosceret singulare indirecte, seu reflexe.

Dices, conceptus reflexus supponit directum, ergo reflexa repræsentatio singularis in conceptu supponit aliquē directum conceptum supra quē cadat, sed potest aliquis formare primum conceptum ex singularibus, ut si quando primo excitatur, attendat ad aliquod singulare, ergo tunc non habet conceptum reflexum, siquidem nō supponit alium priorem. *Quod si dicatur* supponere phantasma supra quod cadat. *Contra est*, quia tunc non habet intellectus speciem repræsentantem ipsam phantasmam, aut phantasma ut reuertatur supra ipsum, & frequenter experimur nos concipere & formare propositiones de singularibus, nulla habita recordatione phantasmatis, vel phantasie, sed obiecti tantum, quomodo ergo tunc formatur conceptus reflexus de singulari in phantasmate?

Resp. reuera reflexionem fieri super phantasma ipsum, quia ibi & non alio conceptu priori ipsius intellectus, repræsentatur singulare: & dicitur reflexio, quia licet non sit super actum ipsum, vel potentiam elicientem, est tamen super actum, vel potentiam originantem cognitionem intellectus. Et *ad repli.* *Resp.* non requiri speciē repræsentantē ipsum

ipsum phantasma vel phantasia seorsum ab obiecto, nec quod cognoscatur in actu signato, quid sit phantasma, vel phantasia, sed sufficit dari speciem representantem obiectum ut abstractum a phantasmate, & consequenter connotantem illud in obliquo, sicut etiam cum reflectit intellectus super actum suum, non habet propriam speciem actus seorsum ab obiecto, sed representando obiectum tanquam cognitum, seu terminas cognitionem reuertitur ad considerandam cognitionem ipsam. Vnde ratione talis connotationis, conuertitur intellectus ad phantasmata in quibus singularia ipsa representantur, quæ reflexio sufficit ad cognoscendum singulare, ut mox dicemus, licet aliquando etiam perfectiori reflexione utatur intellectus, sc. reuertendo super actum suum, & ex actu ad phantasma, non tamen semper id requiritur, ut mox dicemus. Non ergo semper experimur ipsa phantasmata & phantasia secundum se, semper tamen experimur conuersionem ad obiecta phantasmatum, scilicet ad singularia secundum conditiones representatas in phantasmate.

Secunda pars concl. quod conceptus ille sit proprius, & distinctus singularium, non videtur admitti ab aliquibus antiquioribus Thomistis, qui solum admittebant conceptum confusum rei singularis, ut Caietan. *prima parte, quest. 86. articuli. 1.* & Capr. *in 1. distinct. 35. quest. 2. in solut. ad argument. contra 4. concl.* Alij verò oppositum tenent ut Ferrar. *1. cont. Gent. cap. 65. circa 8. rationem ad 3. dub.* & M. Bañez *1. p. q. 86. ar. 1. dub. 2.* Ratio sumitur ex D. Th. quia intellectus cognoscit singularia, ut sunt extrema propositionum quas format, & secundum quod vnum singulare discernitur ab alio, format enim hanc propositionem *Petrus est homo, Petrus non est Paulus, Ioannes non fuit Christus*, & similia; extrema autem illa si non cognoscuntur determinate, sed in confuso pro aliquo homine, non certificabitur intellectus de illa veritate determinate, nec poterit discernere vnum indiuiduū ab alio, nec enim dis-

cernuntur per rationem confusam siquidem in illa conueniunt. At D. Th. simpliciter concedit quod cognoscit intellectus per reflexionem extrema illa propositionum de termino singulari, ut patet *1. par. q. 86. ar. 1. & q. 10. de verit. art. 5. ad 3. & in 4. dist. 50. q. 1. ar. 3. ad 3.* & alijs locis. ergo concedit determinatam & propriam distinctionem conceptus, siquidem terminus qui in illa propositione ponitur & cognoscitur est determinatè singularis, & ponitur ibi ut discernitur determinate ab alio indiuiduo, quod fieri non potest per conceptum communem ut cum dicitur Socrates non est Plato. Denique ad proprium conceptū indiuiduorum sufficit cognoscere eorum distinctionem & comparisonem inter se & cum vniuersali, intellectus autem comparat vniuersale ad singulare, & singularia comparat inter se attingendo eorum distinctionem, & per ordinē ad vniuersale faciendo inductionem ex indiuiduis ad ipsum vniuersale, ergo non est cur negemus intellectui proprium & distinctum conceptū singulariū, & non solum confusum, licet vtendo reflexione, & consequenter phantasmate in ordine ad quod fit reflexio.

Dices, si conceptus rei singularis est proprius & tamen reflexus, ergo oportet quod quia reflexus est, directe non representet singulare, sed vniuersale, & consequenter conceptus singularis erit conceptus communis, & vltius oportet quod omnis conceptus rei vniuersalis propriè representet rem singularem, quia in omni conceptu vniuersalis dari debet conuersio ad phantasmata, quæ sunt singularia determinata, ergo si hæc reflexio sufficit ad conceptum proprium rei singularis, omnis conceptus quantumcumque abstractus rei vniuersalis, erit proprius rei singularis hoc ipso, quod conuertitur ad phantasmata.

Resp. conceptum rei singularis, vel communis differre penes modum tendendi ad eadem obiecta, sc. quia opposito modo procedūt, nam conceptus rei vniuersalis abstractus a phantasmatis. habet pro termino ad

quem ipsum vniuersale, & pro termino à quo, singulare à quo abstrahit, & quod relinquit, conceptus autem rei singularis habet pro termino à quo vniuersale, non quod relinquit, sed à quo reflectit ipsum conceptum ad singulare, quod in connotato & obliquo, & ut terminum à quo representabat, illud enim obliquum & connotatum exprimit, seu attendit conceptus & attendendo, & exprimendo cognoscit ex reflexione ab ipsa natura communi, quam representabat. Conceptus autem denominatur vniuersalis, vel singularis ab eo quod ultimate intendit, & ut terminum ad quem, ubi ultimate sistit, quia motus à termino ubi sistit, denominatur, ideoque conceptus communis non est singularis, quia quod in vno est terminus ultimus, non est in alio. Non sufficit autem quæcumque conuersio ad phantasmata, ut conceptus dicatur singularis, sed conuersio ad phantasmata exprimens id, quod in connotatione & in obliquo tantum representabatur in conceptu communi, & à natura vniuersaliter, & in comuni representata tendens ad singulare phantasmatis, ut ad ultimo intentum.

Dico 3 species impressæ, quæ formantur in intellectu nostro ex præconceptis speciebus, seu conceptibus rerum singularium etiam non representant illa adæquatè, & directè, sed sicut ipsi conceptus à quibus formantur, licet possint representare propriè & distinctè singulare. Supponit hac concl. id quod S. Thom. affirmat 1. par. q. 12. art. 9. quod intellectus natus est ex præconceptis speciebus formare alias species, quæ in memoria manent. Ista ergo species cum formentur ex conceptib⁹, & conceptus representent singulare propriè & distinctè, licet per aliquam reflexionem ad phantasmata, formare etiam possunt species representantes singulare distinctè & propriè, sed non directè neque adæquatè. *Ratio sumitur ex dictis*, quia illa species sic formata immaterialis est, ergo debet representare modo immateriali, & secundum leges representationis immate-

rialis, id est cum segregatione à materialibus conditionibus saltem ex ipso modo representandi, licet ex parte rei representatæ, possit illud quod connotatiue & in obliquo pertinebat ad speciem, exprimi & attingi distinctè, per reflexionem tamen. Et de inde, quia sic representabat ipse conceptus à quo species illa formata est, quia vt ostendimus conceptus etiam non potest representare directè, ergo neq; species illa, quia excedere non potest conceptum à quo formata est. *Dices*, ille conceptus à quo formata est species, habet duo, & respicere naturam vniuersalem & terminare reflectionem ad singulare quod est obiectum phantasmatis. Quid ergo prohibet formari specie representantem de illo conceptu non naturam vniuersalem, sed terminationem solum reflexionis, & consequenter ipsi singulari erit adæquata, quia tatum representabit ipsum? *R. spond.* ob stare duo, tum ipsa immaterialitas speciei non solum in entitate, sed etiam in representatione, debet enim necessàrio correspondere illi obiectum representatum immaterialiter, ergo sine conditionibus materialibus quæ ipsum reddunt sensibile, atque adeo non intelligibile, & immateriali actu: tum quia si representat terminationem reflexionis vt talè, oportet ibi præsupponi directum in ordine ad quod reflexa illa terminatio ponitur, ergo si de illo conceptu accipitur id, quod pertinet ad terminationem reflexionis, non potest accipi illa representatio vt adæquata est singularium, sed vt deriuata à natura vniuersali directè representata, alias reflexionem non terminat, sed absolute & directè representabit singulare, quod in illo conceptu antea non erat.

Ex quibus colliges; quomodo anima separata possit intelligere singularia corporea per species quas hinc secum defert, nam animam separatam non solum cognoscere singularia quæ apud se sunt, sed quæ in hac vita cognouit, constat ex illo Luc. 16. ubi dictum fuit ad diuitè *Recordare quod recepisti bona*

Ita in vita tua, & ipse recordabatur se habere quinque fratres, & sic oportet ponere in anima aliquas species rerum singularium, quæ hic cognouit, & tunc non potest uti conceptu conuerrente se ad phantasmata, quia caret illis. ergo vel debet uti nouis speciebus à Deo sibi infusis, vel aliquibus quæ remanserunt in memoria ex hac vita & formatæ sunt ex speciebus præconcepis circa singularia. Et primum solum non sufficit, quia species illæ infusæ non sunt ita perfectæ, & efficaces sicut species intellectus Angelici, quia nec virtus ipsa animæ est ita fortis sicut in Angelo, ideoque species infusæ in anima magis repræsentant res in communi, quam possint descendere usque ad singularia. Vnde necesse est, quod ut per illas species etiam singularia attingantur, ab aliqua terminatione species illæ vniuersales & superiores determinentur, sc. vel per præcedentem cognitionem, vel per aliquam affectionem, vel per naturalem habitudinem, vel per diuinam ordinationem, ut docet S. Thom. *prima pars, quest. 89, artic. 4. & quest. 99, de veritate artic. 2.* præcedens ergo cognitio in hac vita habita relinquit in ipsa memoria speciem non solum repræsentantem rem, sed etiam reflexionem eius, quam habuit in hac vita ad phantasmata in quibus singulare repræsentabatur, aut etiam affectus inde secutus in voluntate, & reliqua omnia connotata, quæ explicabantur in illo conceptu, & sic licet anima separata non reflectat ad phantasmata, retinet tamē species repræsentantes eam reflexionem, quam in hac vita habuit ad tale, vel tale singulare, & sic repræsentat illud modo reflexio antea facta in hac vita, & in illa specie repræsentato.

De necessitate conuersionis ad phantasmata.

Sed inquires, an ista reflexio ad phantasmata, & cognitio indirecta singularium sit idem quod conuersio ad phantasmata,

quæ cōmuniter ad omnem cognitionē præ illo statu dicitur necessaria, & quid sit illas an vero requiratur reflexio supra actum intellectus, & potentiam eius, ut inde deueniatur ad phantasma, & cognoscatur singulare? *Respondetur*, non requiri ad cognitionem singularis, reflexionem supra proprium actum intellectus, quæ est reflexio rigorose dicta, sed sufficit reflexio super phantasma, quod est actus alterius potentiæ dicitur tamen reflexio, quia est ordinatio actus & conuersio ad potentiam unde originatur ipsa cognitio intellectus. Aliquando tamen datur etiam prima reflexio, & mediante illa potest etiam perungi ad singulare in phantasmate, ut S. Thom. docet *quest. de anima, artic. 20. ad 1.* ex his quæ 2. loco ponuntur, & *questione 1. de veris. artic. 5.* Sed tamen non requiritur semper hæc reflexio quia hæc ordinatur ad cognoscendum actum intellectus in actu signato, experimur autem nos cognoscere singularia ad extra sine hoc quod aliquid attingamus de actu nostro, vel reflectamus ad illum, non ergo requiritur ista reflexio super actum intellectus ad cognoscendum singulare, imò nec super ipsum phantasma, ut actus quidam est in se, sapius enim experimur nos in intellectu agere de singularibus sine hoc quod recordemur actus phantasmæ, & multi qui Philosophiam ignorant, quid sit ille actus non attingunt. Sufficit ergo reflexio ad obiectum repræsentatum in phantasmate, quod est singulare, hoc enim connotatur in ipsa specie abstracta ab intellectu agente, tanquam terminus à quo qui relinquitur, exprimitur vero directè in ipso phantasmate. Et per hoc quod intellectus conuertitur ad attendendum id, quod connotatiuè in sua specie repræsentatur, dicitur conuerti seu reflectere ad phantasmata, id est obiectum directè repræsentatum in phantasmate.

Et quod hæc reflexio intellectus ad phantasmata sufficiat ad cognoscendum singulare, sumitur ex D. Thom. *prima pars, quest.*

86. articulus primo, ubi inquit: *Quod intellectus noster indirecte & per quandam reflexionem potest cognoscere singulare, quia sicut supra dictum est, etiam postquam species intelligibiles abstraxerit, non potest secundum eas actu intelligere, nisi conuertendo se ad phantasmata, in quibus species intelligibiles intelligit, ut dicitur in tertio de anima* Reducit ergo S. Thom. reflexionem cognitionis attingentis singulare, ad ipsam necessitatem conuertendi se ad phantasmata in cognitione sua, quæ conuersio tunc dicitur reflexio, cum attendit intellectus ad id quod connotatiue, & quasi in obliquo in specie intelligibili repræsentatur, & respicit illud ut principaliter, & ultimate intentum ad cognoscendum. Et si ad hoc plures attendissent, non ita aspera appareret eis sententia Diui Thomæ de cognitione singularium indirecte & per reflexionem, quia hoc solum reducitur ad conuersionem ad phantasmata, secundum quod per hanc conuersionem intenditur cognitio singularitatis, quæ solum in obliquo tangitur in specie immateriali, & abstracta.

Necessitas autem huius conuersionis ad phantasmata in quolibet actu nostræ intellectus traditur à Diuo Thoma, prima parte, questione 84. articulo septimo, ex Aristotel. tertio de anima, text. 39. ubi dicitur: Quod nihil sentiens, nihil addiscet, aut intelliget, sed oportet cum speculetur, aliquod phantasma speculari. Cuius rationem affert ibi Diuus Thomas, quia proprium obiectum nostri intellectus est quidditas materialis, seu natura, aut substantia, aut interioritas rei existentis in materia corporali. Cum ergo natura hæc non existat nisi in aliquo individuo, non potest cognosci ab intellectu plene & complete, nisi usque ad individuum se extendat, eo quod intellectus nititur cognoscere verum, & ad hoc ordinantur eius conceptus & cognitio, veritas autem sumitur per conformitatem ad esse vel non esse, esse autem inuenitur in indiuiduis, ergo ut intellectus ad veritatem ordinet

conceptiones suas, oportet eas ordinare ad esse, quod inuenitur in singularibus, & consequenter ad phantasmata, in quibus singularia repræsentantur. *Ad hæc*, cum species illæ sint abstractæ à singularibus materialibus, licet non repræsentent hoc aut illud determinate, sed in communi, tamen non possunt totaliter abstrahere à connotatione indiuiduorum, quia natura illa sic abstracta similitudinem ad rem ut existentem in indiuiduis habet, & ita sicut in concipiendo res non potest totaliter præscindere ab aliquo esse, vel ordine ad esse, vel ad instar esse, quia ens sub quo omne obiectum intelligitur, dicit ordinem ad esse, ita non potest præscindere ab aliqua similitudine indiuidui, in quo solum reperitur esse, & ita conuerti ad phantasma est necessarium in omni cognitione in qua adumbratur aliquod esse rei sensibilis, quod in solis singularibus inuenitur, singularia autem in sensibus repræsentantur. Et hoc ipsum testatur experientia, quando enim conamur aliquid perfecte intelligere, formamus phantasmata, in quibus ea inspicimus, quasi ad similitudinem singularium veritatem explorantes, vel si non adhibentur phantasmata conuenientia, est periculum declinandi ad falsitatem

Quod vero reducitur hæc dependentia à phantasmatibus ad poenam peccati, ut facit Scotus in 1. dist. 2. quest. 3. & dist. 45. quest. 3. vel ad subordinationem naturalem potentiarum, quarum si una attingit illudmet obiectum quod alia, oportet quod una operante, altera etiam operetur, optimè refutatur à Caiet. 1. p. q. 84. art. 7. quia etiam ante peccatum Adam intelligebat per conuersionem ad phantasmata, & accipiendo species à sensibilibus, ut docet S. Tho. 1. p. q. 94. art. 2. ad hoc enim anima naturaliter vnitur corpori, ut per sensus accipiat species, & dependenter ab eis intelligat, hoc autem naturale est animæ, nec ex peccato ei prouenit, alias ratione peccati peteret esse

in cor-

In corpore, & dependenter à corpore intelligere, & species accipere. Eadem autem ratio est accipiendi species, & vtendi illis, quia vtitur illis eo modo quo repræsentant, & repræsentant cum connotatione ad corpus. In statu autem glorificationis non habebit anima istam dependentiam à phantasmatis, quia habet scientiam infusam non acceptam à sensibus, quæ ipsi animæ separatæ datur, & cum reunitur corpori, habet ita plenum dominium in illud ex glorificatione, quod potest vti scientia animæ separatæ sine dependentia à sensibus, constat enim quod tunc perfectè cognosceret Angelos quod non esset si non vteretur scientiæ animæ separatæ. Quod vero operante vna potentia circa vnum obiectum, etiam alia potentia quæ illud attingit circa idem debeat operari, est falsum, cum potius tales potentie se impendant si vna intense operetur circa idem quod alia; phantasmata autem potius adiuuant intelligentiam, vt experientia testatur.

ARTICVLVS V.

Expediuntur difficultates contra doctrinam præcedentis articuli.

Primo arguitur; quia singulare materiale directè intelligi, neque repugnat ex parte speciei repræsentantis, neque ex parte ipsius cōceptus, ergo ex nulla parte. *Antec. quo ad prim. part. probatur, sūm* quia species Angelorum nō minus, imò multo plus sunt spirituales, & immateriales, quam nostræ, & tamen repræsentant etiam directè ipsam singularitatem, vt admittimus, ergo ex parte speciei seu repræsentationis speciei non repugnat species rei singularis repræsentans directè illam; *tūm* etiam quia non videtur repugnare, quod detur species expressa repræsentans directè singulare, vt plures auctores sentiunt, ergo neque repugnat dari speciem impressam saltem formatam ex præconceptis speciebus repræ-

sentantem singulare, siquidem non minoris immaterialitatis est conceptus seu species expressa, quam impressa, ergo si potest stante illa immaterialitate repræsentare conceptus ipsum singulare, cur non species impressa? *Confirm.* quia in anima separata remanent species repræsentantes singularia determinata, sicut *Luc. 16.* de illo diuite dicitur, qui recordabatur se habere quinque fratres, & quod recepiisset bona in ista vita, quæ omnia singularia sunt determinata & sensibilia, & tamen hæc singularia non intelligit per conuersionem ad phantasmata, vt de se patet, quia cessant cum corpore in quo subieciuntur, neque per species de nouo infusas, quia hæc non possunt distinctè, & perfectè repræsentare individua sensibilia, quæ apud nos sunt, eo quod non potest anima tanta efficacia operari circa istas species infusas, sicut Angeli, vt supra ex D. Th. diximus, ergo species quas hinc defert, debent ei repræsentare distinctè & determinatè ipsa singularia. Præterquā quod illæ species, vel sunt supernaturales, & sic anima indigeret supernaturali lumine ad cognoscenda obiecta singularia sensibilia, & consequenter ex vi status naturalis illa non cognosceret, vel si sunt naturales, ergo conaturale erit animæ cognoscere singularia materialia directè, atque adeo id etiam pro hac vita debeat ei conuenire.

Resp. negando antecedens. Ad primam probationem dicitur, esse longè disparem rationem de speciebus Angelicis, & de nostris, nam species Angelicæ infunduntur à Deo & repræsentant res prout à Deo deriuantur, & vt dicit Aug. 2. de Genesi ad litteram, cap. 8. Quæ infra Angelos sunt ita causantur, vt prius fiat in cognitione rationalis creatura, ac deinde in genere suo. quod testimonium citat & sequitur S. Thom. 1. part. quest. 55. artic. 1. Quare species illæ non repræsentant singularia accipiendo à rebus repræsentationē, sed à principio ipsarum rerum quod est Deus. Ex hoc autē cernitur differentia, quod species nostræ non possunt immaterialem repræ-

repræsentationem obiecti induere (nam quod entitatiue species ipsa immaterialis sit, non formaliter consideratur in specie sed materialiter) nisi exuendo conditiones materiales, sub quibus sensibilibus repræsentantur obiecta, & ideo ut ad tales conditiones materiales conuertatur intellectus, non potest directe tendere per abstractionem, quia abstractio potius elongat ab illis, sed indiget reuerti, seu reflecti ad sensus, ubi materiales illæ conditiones repræsentantur, & attingebantur. At verò species Angelicæ cum non sumantur à rebus, sed deriuentur à Deo qui est principium immateriale causans res materiales, non repugnat quod species ab ipso exemplarè repræsentent immateriali modo naturas in vniuersali, & extendantur vsque ad indiuidua sub eis contenta directe, eo quod non repræsentant illas naturas prout abstractunt ab indiuiduis, sed prout descendunt à Deo; à Deo autem non solum deriuatur natura, sed etiam indiuiduatio eius. Quare nos non dicimus omni speciei intelligibili repugnare repræsentationem directam rei singularis materialis, sed speciei quæ sit intelligibilis per denudationem, & abstractionem à conditionibus materialibus, non quæ est intelligibilis per participationem à principio spiritali causante res materiales, quod est Deus. Et sic etiam species Angelicæ non adæquantur singularibus, sed vniuersaliori, & eminentiori modo repræsentant, tam naturas quàm indiuiduationem. Vnde non indigent reflectere, & conuerti ad sensus repræsentantes singularia, cum sensus non sint principia suæ cognitionis, sed ex ipso rerum omnium principio habent etiam singularia attingere.

Ad 2. probationem dicitur, quod ut iam ostendimus, etiam non datur conceptus repræsentans directe singulare, bene tamen distincte & propriè supposita reflexione ad phantasmata, ut iam probatum est, licet verum sit quod in specie ipsa impressa connotatiue, & in obliquo continebantur ipsa

singularia, prout ab illis repræsentabat abstractè, & ideo conceptus exprimit conuersione ipsa ad phantasmata id quod in connotato solum & in obliquo erat in specie. Vnde ille secundus conceptus exprimens singulare, repræsentat quidem illud distincte, & propriè, id est tanquam vltimum terminum quem intendit, sed ex priori conceptu deriuatum in quo natura directe repræsentabatur in vniuersali, & ideo dicitur reflexus, quia ex priori conceptu descendit, & ex natura vniuersali reuertitur ad eius indiuiduationem; ut sit autem conceptus reflexus stat bene, quod directe repræsentet id quod respectu prioris reflexum est: sed tamen ipsemet conceptus rei singularis ut diximus, quia immaterialis est, non repræsentat singulare tantum & adæquate, sed ut contentum in natura communi, & ex illa reuertens & descendens ad inferiora. Nunquam ergo datur conceptus, seu repræsentatio immaterialis adæquata singulari materiali, sed requiritur, quod sub modo immateriali illud repræsentetur, modus autem non est, quod sola entitas speciei sit spiritalis, sed etiam formalis ratio attingendi & repræsentendi naturam immateriali modo, id est abstracto à conditionibus materialibus, licet ad eas attendendas ex parte rei cognitæ etiam reflectat.

Ad confirm. Respond. quod anima in statu separationis intelligit ad modum Angelorum tanquam spiritus separatus; non vnitus, nec accipiens à corpore. Et ideo accipit species infusas & deriuatas non ab ipsis rebus, sed ab iplo rerum principio Deo, nec sunt ei supernaturales, sed pro illo statu connaturales. Sed tamen propter imperfectionem luminis intellectualis in anima non potest ita perfecte penetrare vsque ad indiuidua ex vi illarum specierum sicut Angelus, ideoque indiget determinatione aliqua, vel ex precedenti cognitione relicta, vel ex aliqua noua immutatione, aut ordinatione diuina circa ipsam facta ut dictum

dictum est. Quare species quas hinc secum deferre, in quibus repræsentabatur singulare sub modo immateriali, & cum reflexione, etiam deferre possunt ad determinandas illas species infusas vniuersales, siquidem singulare repræsentant, sed eo modo, quo fuit cognitum, id est cum reflexione.

Secundo arguitur. Quia si species abstracta non repræsentat singulare, sed naturam in communi, seu modo indifferentem, oportet quod ad formandum conceptum de re singulari, licet per reflexionem determinetur ab aliquo, sed non ab aliquo intra intellectum, quia illud si est vniuersale æquæ est indifferens, si singulare inquiratur, quomodo producat ab intellectu, & erit eadē difficultas: nec ab aliquo extrinseco, v. g. phantasmate, quia cū sit corporeum & extra intellectum, non potest illum determinare intrinsecè, cum non sit intra illum, nec determinat, quia est obiectum cognitum, aliàs ad formandum conceptum rei singularis oportet cognoscere ipsum phantasma quod est cōtra experientiam; nec etiam assignari potest qua specie cognoscatur ipsum phantasma, cum de re singulari non sit species in intellectu ante ipsam reflexionem, vniuersalis autem species non sufficit, redit enim difficultas quomodo determinatur ad hoc singulare phantasma. Nec denique determinat phantasma speciem vniuersalem per aliquam sympathiam potentiarum, quia hæc sympathia nihil immutare potest in repræsentatione ipsa speciei, & in conceptu producto, & cum hæc sympathia semper detur, quia non est aliud quam naturalis connexio potentiarum, semper intellectus cognosceat singulare. *Confirmatur*, quia absurdum videtur, tantum requiri ad cognoscendum substantias separatas in hac vita, sicut ad cognoscendum singulare materiale, illas autem solum cognoscimus connotatiuè & in obliquo, si ergo similiter dicimus, nos cognoscere singularia, æquiparamus illa substantijs separatis, cum tamen hæc contineantur sub quiddi-

Part III. Phys.

tate materiali quæ est obiectum proportionatum intellectus, substantiæ verò separatæ extra illud sunt.

Respondetur, speciem repræsentantem vniuersaliter & indifferenter, determinari ad formandum conceptum de re singulari, extrinsecè quidem ab ipso phantasmate ut ab obiecto magis determinato ad quod conuertitur intellectus, intrinsecè verò à specie ipsa abstracta, quæ in obliquo & de connotato habitudinem importat ad illa singularia phantasmatum tanquam ad terminum à quo relictum, repræsentat enim naturam abstractam ab illis, vnde relinquit aliquam connotationem & habitudinem ad illa, ratione cuius semper illa repræsentatio & cognitio per eam facta, à phantasmatibus dependet. Itaque ipsa species repræsentans naturam mouet etiam ad cognoscendum obliquum & connotatum talis naturæ, & originem vnde primo abstracta est, & similiter ad verificandum id quod de illa natura cognoscitur, quia verificatio fit in ordine ad esse & ad singularitatem in quibus natura existit, ut iam explicauimus. Ad cognoscendum autem reflexè aliquid, non requiritur noua species directè repræsentans, sic enim reflexio non esset, sed eadem quæ directè repræsentat vnū seruit pro reflexione, quatenus in obliquo & connotato repræsentat aliud, sic enim ostendimus in *Logica* q. 23. ex varijs locis D. Thom. quod reflexa cognitio non fit per aliam speciem ab obiecto directo, sed per ipsammet, quatenus connotat, seu dicit habitudinem aliquam ad id, quod reflexè cognoscendum est, puta ad actum ipsius intellectus vel phantasie, ut videri potest in *quest. 10. de Veritat. art. 9. ad 4. & 10. & in 3. d. st. 23. quest. 1. art. 2. ad 3.* vbi docet actum, habitum & speciem cognosci reflexè per species ipsius obiecti, quatenus connotat potentiam seu principia cognoscendi. Sic ergo per speciem repræsentantem vniuersalem, non quomodocumque sed ut abstractum à phantasmatibus, à singularitate ut à termino à quo, habet vnde

M m

refle-

reflectere & reuerti possit super ipsa singularia quæ in phantasmate directè repræsentantur, & ita sufficit extrinseca & obiectiua determinatio ex parte phantasmatum cum intrinseca illa repræsentatione speciei connotatiuè, & in obliquo attingentis singularia. Et quando dicitur, quòd si phantasma determinet vt obiectum cognitum, necesse est cognoscere ipsum phantasma. *Respondetur*, quod non est necesse cognoscere ipsum phantasma, vt res quædam est in se, sed sufficit cognoscere obiectum eius, quod est singulare, & sic reflectetur supra repræsentatum in phantasmate, licet non reflectatur super entitatem phantasmatæ repræsentantis. Nec sunt ita difficiles istæ reflexiones, quin multò maiores faciant quotidie etiam homines rusticissimi, licet entitates conceptuum pauci intelligant, sed hoc non requiritur ad reflectionem singularem.

Ad Confirmationem respondetur, substantias separatas & singularia materialia è diametro opponi in modo cognitionis nostræ, licet vtraque videantur, connotatiuè & solum in obliquo attingi ab ipsa. Substantiæ quidem separatae, quia excedunt omnem quidditatem materiale etiam abstractè cognitam; singularia autem materialia, quia non perueniunt adhuc ad talem abstractionem, sine qua obiectum non proportionatur spirituali potentiæ abstrahenti, & immaterialiter cognoscenti; & ideo non eodem modo, sed extreme diuerso & opposito cognoscuntur; sicut etiam effugere possunt intellectum aliqua obiecta, quia excessiue cognitionis, vt Deus, alia quia minimæ entitatis, & etiam in visu quædam quia valde lucida, alia quia nimis minuta, non videntur, sed opposito modo.

Tertio arguitur, quia iste modus cognoscendi singularia opponitur cognitioni eorum distinctæ, ergo non est ponendus. *Antecedens probatur*, quia semel abstracta specie hominis ab aliquo indiuiduo, quando alius occurrit, vel alia species abstrahitur,

vel non. Si non abstrahitur, ergo iste homo in singulari non poterit distinctè cognosci, quia species quæ est in intellectu fuit abstracta ab alio homine, & consequenter ab alio phantasmate, & ad illud dicit connotationem & habitudinem, non ad aliud, ergo per illam non poterit fieri conuersio ad aliud phantasma repræsentans alium hominem in singulari. Si autem abstrahitur alia species repræsentans hominem ab alio indiuiduo abstractum, erunt duæ species in intellectu eiusdem rationis & speciei, quod in sententia D. Thom. est impossibile, in alia, superfluum. *Confirmatur*, quia si cognitio singularium est per reflectionem non ad ipsam entitatem phantasmatæ, sed ad obiectum, hoc in omni cognitione intellectus pro hoc statu inuenitur, & sic omnis cognitio intellectus esset cognitio rei singularis. Nec videtur ista directæ cognitio singularium requirere magnam perfectionem, cum conueniat sensui, & quidquid conuenit potentiæ inferiori, conuenire potest superiori; nec tantam imperfectionem, quæ non possit nostro intellectui conuenire, cum intellectui Angelico conueniat directè intelligere singularia per suas species, quæ abstractiones sunt nostris.

Respondetur negando antecedens. Ad probationem dicitur: quòd species semel abstracta ab vno indiuiduo, si aliud indiuiduum occurrat, pro eodem etiam applicari potest, nisi fortè ex tali indiuiduo melius natura ipsa communis intelligi possit, quæ ex priori nòdum plenè intellecta erat, tunc enim noua species produci poterit, èd quòd in istis speciebus variatio repræsentationis est variatio intrinseca, cum repræsentatio ipsa naturalis sit. Cæterum si in ipsa natura communi non est aliquid variandum, sed solum in nouo indiuiduo cognoscendo, non oportet nouam speciem generari, sed illa eadem poterit ad diuersa indiuidua, quæ in phantasmate occurrunt, applicari, ad omnia enim similia vnum simile sufficit, in quo omnia conueniunt. Quòd si ipsa

si ipsa indiuidua inter se habeant accidentia distincta & dissimilia, ad illa concurrerit species illorum diuersorum accidentium, quæ in intellectu generantur, nam etiam accidentia in communi abstrahuntur, & secundum quidditatē suam, & ubi diuersa occurrunt accidentia, diuersæ species illorum accidentium applicantur, & sic cognoscitur diuersum indiuiduum. Vbi autem est eadē similitudo naturæ & accidentium, eadem species sufficit cum diuersa applicatione, sicut etiam idem habitus prudentiæ ad omnia singularia applicatur media cogitativa, de quo D. Thom. *in 1. p. quest. 68. art. 1. ad 2. & 2. 2. quest. 47. art. 3. ad 1.* Videndus est etiam, *quest. 2. de Verit. artic. 6. ad 3. & quest. 10. art. 5.* ubi ostendit, quomodo per motum mentis ad phantasmata se miscet intellectus singularibus.

Ad Confirmationem respondetur, quod licet in omni cognitione indigeamus conuerſi ad phantasmata, sed non semper eodem modo; aliquando enim utimur phantasmate ut connotato tantum in specie intelligibili, & sic ab ipso singulari conuertimur ad naturam ipsam in communi, & in confuso cognoscendam, non distinctē in hoc vel illo indiuiduo, & tunc cognoscitur res in vniuersali, & indiuidua quoad distinctā eorum cognitionem relinquuntur, solum vero aliquid in confuso accipitur simile phantasmati, & mediante phantasmate verificandum in re, & in esse singulari, & in hac cognitione non dicitur intellectus cognoscere singularia. Aliquando vero utitur intellectus phantasmate descendendo ab illa confusione & ratione communi, ad percipiendum aliquid distinctē in singulari quod in phantasmate repræsentatur, & tunc utitur reflexione speciei ad exprimendum distinctē in intellectu id, quod connotatiuē & in obliquo solum repræsentabatur in specie, in phantasmate autem directē, & ita incipit habere illud pro termino ad quem ultimatum, & sic dicitur cognoscere singulare. Nec ista cognitio alias comparationes vel

difficultates habet, quam procedere à communi seu confuso ad distinctum, quod cuiuslibet etiam rustico datum est. Et quod intellectus noster directē non cognoscat singularia sicut sensus est propter perfectionem supra illum; cognoscit enim idem quod potentia inferior, sed altiori modo & non sicut ipsa, ut dicit S. Thomas *1. part. quest. 86. artic. 1. ad 4.* Quod verò non cognoscat directē sicut Angelus, prouenit ex imperfectione sua, quia sumit immateriales species denudando à materialibus obiectis, & sic relinquere debet immaterialitatem singularitatis, Angelus vero accipiendo ab ipso immateriali principio species repræsentantes non solum naturam, sed etiam indiuiduationem, quatenus totum à Deo descendit sub modo immateriali, non autem accipit speciem adæquatam cuiuslibet singulari, sub modo materialitatis eius. Itaque tam noster intellectus, quam Angeli intelligunt singularia non per adæquationem, sed per vniuersalitatem, sed noster intellectus abstrahendo illam & relinquendo singularitatem, Angelus verò descendentem à Deo etiam singularitatem contemplatur.

Ex quo denique soluantur minutiores obiectiones, verbi gratia, quod intellectus illud directē debet cognoscere, à quo fortius mouetur, mouetur autem à singulari, quod est in sensu, quia sensus est immediatum eius motuum. *Item* saltem indiuiduum substantiæ debet directē cognoscere, quia sensus non cognoscit substantiam, sed exteriora accidentia, & sic non est alia potentia, à qua directē cognoscatur. *Item* intellectus directē comparat vniuersale singularibus, & à singularibus cognitis abstrahit vniuersale, & singularia inter se comparat & distinguit, ergo oportet quod directē ipsa singularia attingat, præsertim cum prius illa cognoscat, quam vniuersale, hoc enim ab illis abstrahit. Et præsertim hoc occurrit in intellectu practico, qui versatur circa singularia. *Sed respondetur ad primum*, quod

Mm 2

intel-

intellectus mouetur à singulari non immediate, sed mediante intellectu agente red-dente speciem immaterialem & spirituale, non solum in entitate, sed etiam in repræsentatione, & ita non mouetur à singulari per adæquationem ad ipsum, sed per vniuersalitatē sub qua continetur illa singularitas, & à qua abstrahitur vniuersalitas, & ita fortius mouet singulare ad apprehendendum naturam eius, non singularitatem eius. *Ad secundum respondetur*, quod substantia individualis vt hæc cognoscitur à sensu vt sensibili per accidens, ab intellectu non per adæquationem, sed vt contenta sub vniuersali substantia, nec est necesse directè attingi ab intellectu. *Ad tertium dicitur*, quod vniuersale repræsentatiuè inuenitur in specie facta ab intellectu agente, qui non cognoscit, sed ex phantasmatibus per superiorem & eleuatiorem virtutem efficit speciem immaterialiter & abstractè repræsentantem. Vniuersale autem cognoscitiuè & comparatiuè fit ab ipso intellectu, non quidem primo cognoscendo singulare distinctè, sed primo cognoscendo valde in confuso, & in communi, deinde per reflexionem singulare attingendo, & postea etiam comparatiuè & collatiuè ex singularibus vniuersale eliciendo, & iterum ad singularia descendendo vt voluerit. Et sufficit illa reflexa cognitio ad intellectum practicum, qui versatur circa singularia, vt affirmat D. Thom. *locis supra allegat. in respons. ad 3. argum.* & sumitur ex Philosoph. 3. *de anima, text. 57. & 58.*

ARTICVLVS VI.

Virum memoria, synderesis, speculativum & practicum sint diuersa potentia?

Primò inquires, ac memoria propriè dicta inueniatur in intellectu, & an sit potentia ab ipso distincta.

Respondetur, quod memoriæ duo actus seu officia attribuuntur. *Primum est*, conseruare species, quod non pertinet ad actum

cognoscendi, sed ad passiuam informationem & retentionem specierum. *Secundum est*, recordatio præteritorum, quod pertinet ad actum cognitionis. Fuerunt ergo, qui vtrumque minus memoriæ, denegauerunt parti intellectiue, vt de Auicenna refert S. Thom. 2. *cont. Gent. cap. 74. & quest. 10. de Verit. art. 2.* & hoc ideo, quia ipse existimabat, species non existere in potentia, nisi dum actu cognoscit: & præsertim, quia noscitur intellectus pro hoc statu cum vult cognoscere præterita, præterito habet memoriā sensitiuam, vnde species hauriat, ad quid ergo opus est seruire species in intellectu pro recordatione præteritorum? *Quod confirmatur*, quia ideo sensus externi non indigent conseruatione specierum, quia possunt eas ab obiectis accipere quoties voluerint, ergo etiam superflue ponuntur in intellectu, cum ad manum habeat phantasmata, vnde illas extrahat, cum voluerit. Alij qui ponunt intellectum directè cognoscere singularia, consequenter non poterunt negare, quod in intellectu detur vtrumque memoriæ munus, scilicet conseruare seu retinere species & actum recordationis elicere.

Nihilominus S. Thom. sententia inter vque media via procedit. Nam contra Auicennam docet in parte intellectiua conseruari species, & negat memoriā quantum ad actum recordationis quo directè cognoscat singularia præterita. Sumitur ex ipso D. Thom. 1. *p. quest. 79. art. 6. & q. 10. de Verit. art. 2.* adiuncto etiam eo quod docet 1. *part. quest. 84. art. 1.* & supra ponderauimus de cognitione singularium reflexa. Vnde pro ista parte probanda, quod non datur actus memoriæ in intellectu quantum ad directam notitiam rei præteritæ, quæ semper singularis est, vniuersale enim non præterit, sed solum res prout existens, non est opus aliam adhibere probationem, quam quæ *præced. artic.* allata est, ad probandum non dari cognitionem singularium directam in intellectu. Et ex eisdem principijs manet probatum, quod datur quantum ad indi-

indirectam, possunt enim manere species in intellectu representantes singulare à se cognitum reflexè, & ita per speciem representantem obiectum ut cognitum à se, & ipsum actum suum quo cognouit, recordatur intellectus rei præteritæ, ut docet S. Th. d. q. 79. art. 6. ad 2. in fine, & quest. 10. de verit. art. 2.

Quare solum restat probare primam partem sententiæ D. Thom. contra Auicennam. Et hanc probat sanctus Doctor; quia spiritualis & immaterialis natura, qualis est intellectus non minus est conseruatiua specierum quas recipit, quam materia corporalis, cum potius natura spiritualis immutabilior, & firmior sit. Species autem de se sunt formæ permanentes, non sicut operationes & actus secundi, præsertim quando sunt species indifferenter & representantes res in absentia & in præsentia, ut videmus dari in parte imaginatiua, & tales sunt etiam in intellectu, qui utique in absentia etiam intelligere potest, ergo non est ratio cur intellectus non conseruet illas. Deinde, quia intellectus non perdit habitus, sed conseruat illos, alias non diceremur scientes in habitu, sed solum quando actu intelligimus, ergo similiter conseruat species, quia habitus scientiarum ex illis formatur, & ex illis dependet; imò si quis amitteret species quibus posset scire, statim habitum scientiæ amitteret, sicut anima carens speciebus, quando creatur, non potest dici sciens, etiam si entitatem habitus haberet, quia non est proximè potens ad actum cognitionis & scientiæ, carendo speciebus. Et ita Aristot. 3. de anima text. 6. dicit. *Animam esse locum specierum, non totam, sed intellectuam;* locus autem conseruatiuus est rei locatæ, ergo & anima specierum, quæ non in essentia animæ, sed in potentia intelligente sunt.

Et quia memoria propriè dicitur per ordinem ad actum eius cognoscitiuum, qui est recordari, ubi non est propriè recordatio, neque memoria est, ut etiam sentit D. Thom. quest. 10. de verit. articul. 2. Sola

autem conseruatio specierum non facit simpliciter memoriam, etiam si sit conseruatio speciei de re præterita, quia ista per se ordinatur ad actum, & ita ubi deficit actus memorandi, propriè deficit memoria.

Ex quo patet; id quod vocamus memoriam in intellectuina parte, scilicet conseruare species, non petere distinctam potentiam ab intellectu quia in potentijs immaterialibus ad conseruandum seu retinendum, non requiritur peculiaris dispositio quæ diuersam exigit potentiam sicut in corporalibus petitur distinctum temperamentum, & organum ad diu conseruandum, quam ad simpliciter recipiendum, in spiritualibus autem ipsa natura immaterialis recipiens immaterialiter, sufficit ad diu conseruandum, quia immaterialia minus sunt subiecta mutationi & corruptioni. Et sicut intellectus recipit habitus, quos diu conseruat, ita poterit conseruare species, quantum est de se, sine additione alterius potentiæ, quousque ab aliquo contrario corrumpantur. Non ergo opus est distinctâ potentiâ memoriæ pro eò, quod est conseruare species. Pro actu autem memorandi multo minus, quia non cognoscit directè, sed reflexè singularia præterita ut diximus. hoc autem proprium est intellectus, qui solum indirectè cognoscit singularia: ergo quantum ad hoc sufficit potentia intellectuina, nec enim penes indirectos seu reflexos actus potentiæ distinguuntur, sed penes directos, quando inducunt diuersum immaterialitatis modum in cognoscendo.

Ad fundamenta Auicenn. Ad 1. respons. Species permanere in absentia sensibilibus, ut constat in parte sensitiua, cum recordamur rei absentis, aut mortuæ, & sic non possunt dari species solum quando quis actu cognoscit, alias postquam aliquis desijt cognoscere, & obiectum etiam desinit esse, non posset cognosci, quod aduersatur experientiæ. Ergo multo magis species intelligibiles non dependebunt ab actuali cogni-

tionem obiecti, quia magis immateriales sunt, & ad obiecta absentia se extendunt. *Quod vero dicitur*, non indigere intellectum conseruatione specierum cum ad manū habeat phantasiam & memoriam sensitiuam, unde accipiat. *Respond.* hoc futile esse, tum quia magis hoc pensandū est ex ipsa natura specierum & intellectus, quæ sunt immateriales, & magis se conseruant, quia minus corruptioni sunt obnoxia, tum quia manent in anima separata, ut possit recordari singulariū, quæ hic cognouit, & per illas species determinare eas quæ sibi infunduntur, ut diximus *præced. art.* tum denique, quia intellectus recordatur non solum res ipsas, sed etiam actus suos, & se hoc, vel illo modo intellexisse, vel voluntatem affectā fuisse, & hoc non conseruatur in memoria sensitua, cum sit quid spirituale, ergo in intellectu, ut possit huius recordari.

Ad cons. resp. esse diuersam rationem de sensibus externis, quia cum non possint cognoscere nisi in præsentia obiecti, & ita præsentis, ut non sit impeditū emittere species per medium, frustra seruantur species in sensibus. In potentijs vero quæ cognoscunt res in absentia, aut in vniuersali, & indifferenter ad præsens, vel absens, & immaterialiter oportet conseruari species, tum propter fines dictos, tum quia natura earum id exigit, ut explicauimus.

Nec pertinet præcise ad intellectum cognoscere præteritum nisi, vel in communi & per modum quidditatis, quod non est actus memoriæ, quæ præcisam quidditatem non respicit, sed sub existentia præterita; vel comparando præteritum ad præsens, & futurum, sub qua relatione intellectus metitur tempus; vel solū indirectè illud cognoscit, & non per distinctam realiter potentiam ab intellectu, sed per eandem secundum diuersa officia, vel formalitatem.

Secundò inquires, an sint diuersæ potentiæ ratio superior & inferior? *Respond. negatiue*; quia per rationem superiorem & inferiorem, non designantur diuersæ potentiæ,

sed diuersa principia regulatiua actionum, quia per rationem superiorem intelligitur ratio seu lex suprema, quæ respicit rationes æternas, ratio vero inferior est quæ respicit temporales, ut ex D. August. 12. *de Trinit.* c. 4. & 7. & 8. docet S. Thom. 1. p. *quest.* 79. *art.* 9. & 1. 2. q. 74. *art.* 7. & 9 & 10. Igitur ratio superior, & inferior habet se sicut principia vniuersalissima, vel minus vniuersalia, quorum vnum potest regulari, aut reduci, vel defendi per aliud, sicut in scientijs, Metaphysica utitur altissimis principijs, ideoque sapientia dicitur; Physica vero, aut Mathematica, principijs minus vniuersalibus, & quæ per priora regulantur, & in artibus, illæ quæ sunt superiores, & architectonicæ respiciunt altiora principia, quæ inferiores seu ministeriales; sic in practicis rationes æternæ respiciunt vltimū finem & sunt supremæ regulæ seu principia agendorum, rationes vero temporales sunt regulæ inferiores, & per priores regulandæ. Omnia autē hæc comprehenduntur sub vno modo intelligendi, & sub vniuersalitate entis, ideoque non magis pertinet ad diuersas potentias, quam artes superiores & inferiores, scientiæ superiores, & inferiores, principia vniuersalissima, vel minus vniuersalia, quæ omnia inter se ordinata sunt, & sub eodem modo intelligendi ad modum quidditatis sensibilis contineri possunt.

Dices, appetitus sensituius immediate regulatur à cogitatiua, hæc vero mouetur à ratione, ergo ad distinctas potentias pertinet ratio inferior, & superior. *Resp.* cogitatiua quidem esse mouens inferius, non tamen rationem inferiorem, aliud est autem ratio inferior, aliud mouens inferius. Ratio inferior est principium regulandi modum rationali, licet non supremo, & vniuersalissimo modo ratiocinandi. Cogitatiua autem non regulat & mouet rationali modo, sed si in aliquo deliberat aut regulat est ex participatione rationis mouentis & deliberantis. Unde per se & primordialiter non est ratio regulans.

Tertio

Tertio inquires an Speculatiuum & practicum petant distinctas potentias? Resp. negativè quantum est ex vi practici & Speculativi, nisi alias differat in diversa immaterialitate, sicut Speculatiuum Angeli, & practicum hominis. *Ratio autem est*, quia ad eundem intellectum pertinet attingere veritatem in se, & ex illa dirigere operationes, & voluntatem; quæ est inclinatio consecuta ad intellectum. Constat enim, quod intra idem genus intelligendi, & in eadem potentia potest dari cognitio veritatis & directio operis seu voluntatis, quia ad cognitionem per se sequitur inclinatio seu voluntas, & ita cognitio per se est directiva voluntatis in agendo. Speculatiuum autem & practicum distinguuntur per hoc, quod Speculatiuum apprehendit res, ut sciat illas, practicum autem dirigit, ut exequatur seu faciat extra intellectum, nam ad dirigendum speculationem ipsam intra intellectum sufficit speculatio, & non requiritur practica directio, quia speculatio antecedenter ad practicum habere debet sufficientia principia ad dirigendum se, ut sine errore procedat, & ut attingat veritatem, alias non posset antecedere practicam directionem vera, & recta speculatio, ergo directio & ordinatio speculationis, non est practica, sed speculativa, & ideo in *Logica, questione prima*, defendimus Logicam esse speculativam, quia non dirigit opus quod est praxis, sed opus quod est speculatio, & ideo antecedit omne practicum, quia practicum sequitur ad Speculatiuum utique ordinatum & rectum, & non errori subiectum, quod fit per regulas Logicales. Nec ratio boni, quam respicit practicus intellectus, est bonum ut appetibile formaliter, sed ut dirigibile, & cognoscibile, & sic non extrahitur à ratione veri, bonum enim etiam est verum & cognoscibile.

Quarto inquires, an synderesis, & conscientia sint distinctæ potentiæ ab intellectu? Respondet. negativè, ut docet S. Thom.

1. p. *questione 79. articulo 12. & 13.* sed synderesis nominat habitum principiorum regulantium practice actiones, conscientia vero applicationem eorum ad operandum: neutrum autem distinctam potentiam exigit ab intellectu. Et licet aliqui dixerint synderesim ad voluntatem pertinere, quia versatur circa bonum, tamen quia non versatur circa illud per modum inclinationis & affectus, sed per modum directionis regulantis, quæ fit per iudicium, ideo ad potentiâ iudicativam & cognoscitivam pertinet. Unde dicitur *Psal. 4. Signatum est super nos lumen vultus tui Domine.* Et *Rom. 2.* dicitur, *Ostendi legem naturalem scriptam in cordibus*, ostensio autem ad intellectum pertinet; quod etiam affirmat *Hier. hom. 1. in Ezech. Aug. lib. 2. de Serm. Domini in monte*, D. Thom. *cit. loc. Et ratio est*, quia sicut in discursu Speculativo oportet devenire ad aliqua principia naturaliter nota in ratione veri, ne sit processus in infinitum, ita in practicis ad aliqua principia naturaliter nota in ratione regulantis, & convenientis, ut, *quod bonum est faciendum, malum fugiendum*, & habitum talium principiorum vocamus synderesim.

An vero sit habitus acquisitus, an naturaliter congenitus? *Resp.* aliquos sentire, quod est omnino indistinctus ab ipso intellectu. Sed D. Thom. 1. 2. *quest. 51. art. 1. & 2. cont. gent. cap. 78.* dicit habitum principiorum esse partim acquisitum, partim naturalem. Est acquisitus, quatenus dependet à speciebus, ut ex ipsorum terminorum cognitione innotescat, & ita de se intellectus, antequam species aliquas acquirat, sine ullo habitu est, cum enim habitus iste sit lumen determinatum, & circa determinata obiecta ad quæ inclinat, non potest esse idem cum potentia & ex sola eius indifferetia, & potentialitate resultare, sed ex aliqua determinata representatione obiectorum, quæ speciale lumen determinent, & circa specialia obiecta inclinationem ponant. Est autem naturalis ille habitus, non formaliter in se, sed radicaliter, quatenus positus

positis speciebus & explicatis terminis ex ipsa natura intellectus provenit tanta adhæsiō, & inclinatio ad illam veritatē, quod nullo modo potest ei dissentiri, sed naturali vi adhæret illi evidentia, & hoc modo dicitur habitus ille naturalis, nō in sui productione, quasi à natura derur, sed in ipsius adhæsiōe & assensu ex naturæ proportionē ad illam veritatem stabilito.

Conscientia, dicitur applicatio scientiæ seu regulæ & principiorum illorum ad operandum, unde habet se tanquam actus seu applicatio non ut habitus, nec ut distincta potentia. Pertinet autem ad intellectū, quia est applicatio dirigens, manifestans, &c. licet supponat motum voluntatis, quatenus illa applicatio voluntariē fit, & practico modo ea generali ratione, qua omnes potentiæ applicantur à voluntate ad operandum. Unde conscientia tribuitur id quod

intellectus est, ut scire, *Ecclesiastic. 7. Scit enim conscientia tua*; similiter iudicare & testificari, *1. ad Corinth. 10. Ut quid libertas nostra iudicatur ab aliena conscientia*, *Ro. 2. Testimonium illis reddente conscientia*. Et similiter dicitur cōscientia ligare, excusare, condemnare, &c. Quæ omnia ad cognitionem spectant. *Nec obstat*, quod etiam dicitur bona vel mala, hoc enim est, quia est regulatiua & applicatiua ad bonum & malum sicut etiam dicitur intellectus bonus *Psal. 110. qui est intellectus practicus*. Aliquando tamen attribuitur nomē conscientia ipsi synderesi, cuius veritas applicatur ad operandum, attribuendo nomen effectus ipsi causæ, ut ex Patribus docet S. Th. *1. p. quest. 79. art. 13. & videri etiam potest quest. 17. de verit. Plura de conscientia pertinent ad Theologos, 1. 2.*


quest. 19.

Q V Æ S T I O X I.

De intellectu, & conceptu.

ARTICVLVS I.

Vtrum intellectio sit de pradicamento actionis, vel qualitatis, distinguaturque realiter à verbo mentis?



RES sententias generaliter in hac parte reperio. Prima ait: intellectiōem esse actionem de pradicamento actionis tantquam formalis causalitas, cuius terminus productus est verbum, seu conceptus. Ita Commb. *hic c. 8. q. 3. art. 3. Fonteca 5. met. 1. ph. c. 15. q. 10. sect. 2. & alij etiam ex Thomistis.*

Secunda sententia tenet consistere intellectiōem in qualitate, sed non distingui à verbo mentis, produci tamen hanc qualitatem vera & propria actione distincta ab ipsa intellectu, sicut quilibet actio di-

stinguitur à suo termino. Ita P. Suarez *lib. 1. de Trinit. cap. 6. numer. 5. & lib. 3. de anima cap. 5. num. 11.* miraturque valdè, Thomistas distinguentes actum intelligendi à verbo tanquam duas qualitates impugnare Scotum, qui distinxit ipsum dicere ab intelligere, siquidem si ponunt duas qualitates debent ponere duas actiones sicut & termini sunt distincti. Sententiam Suarez sequitur etiam P. Vazquez *1. p. disput. 38. cap. 2. & disp. 141. cap. 4 q. 3. & patrocinator Scotus*, qui sentit verbum mentis non esse aliud, quam actum intelligendi in facto esse, ut colligitur ex eius doctrina in *1. disp. 3. q. 8. & q. 6. 5. Hic sunt, & q. 7. 5. Ad argumenta opinionum.* Addit autem Scotus in *1. disp. 2. quest. 7. & disp. 17. quest. 1. & 2.* quod dicere & intelligere sunt distinctæ actiones ex natura rei, quem ex eo redarguit Suarez, quia si verbum

bum & actus intelligendi idem sunt, ergo per quam act onem producit verbum, producit etiam actus intelligendi, & sic eadem actio erit dicere & intelligere, quia habet eundem terminum, verbum & actum intelligendi.

Tertia sententia est intellecti onem esse veram operationem de genere qualitatis, quæ per se respicit terminum cognitum, seu obiectum, non terminum productum, virtualiter tamen esse productiuam verbi, & hoc verbum est qualitas distincta ab ipsa intellecti one. Primæ pars est Caietani 1. p. quest. 7. art. 2. §. Quoad secundum, & q. 34. art. 1. ad 2. Ferrariensis 2. contra Gent. cap. 9. in fine, & cap. 8. §. Quod si obijciatur. Capreoli in 1. dist. 35. quest. 1. art. 3. & aliorum plurimum quos citant, & sequuntur Carmelitani: hic disp. 21. q. 1. num. 6. Secundæ pars, quod virtualiter sit actio productiua termini, est eorundem authorum, qui licet dicant esse qualitatem, non tamen agnoscunt contra Scotorum dicti onem. scilicet productionem verbi distinctam ab ipso intelligere ut Caiet. 1. p. quest. 17. art. 1. Banez, Zumel, Nazarius super eundem locum. Tertiæ pars quod sint duæ qualitates, verbum & intellectio, sequitur ex sententia prædicta, quæ ponit intellecti onem esse qualitatem, & tamen producere verbum, viderique possunt authores apud Carmelitanos, cit. loc. quest. 3. num. 42.

Dico ergo primo: in sententia Sancti Thomæ, quatuor sunt ponenda in intellectu nostro ad intelligendum requisita, scilicet potentia, seu virtus (ad quam etiam pertinet habitus, seu lux) species intelligibilis, actus intelligendi, & verbum, seu conceptus, aut species expressa. Constat hoc ex ipso Div. Thom. questione 8. de potentia, artic. 1. ubi inquit: *Quod intelligens in intelligendi ad quatuor potest habere ordinem, scilicet ad rem quæ intelligitur, ad speciem intelligibilem, quæ fit intellectus in actu, ad suum intelligere, & ad conceptionem intellectus, quæ quidem conceptio à tribus prædictis differt.* Id ipsum

Pars III. Physic.

docet questione 9. de potentia, artic. 5. & videri etiam potest in questione 4. de veritate, artic. 2.

Nec potest dici: quod D. Thom. non docet differre verbum ab ipso intelligere, ut est qualitas in facto esse, sed ut est actio tendens in fieri ad verbum ut ad terminum. Cæterum cum actio ista non sit actio de prædicamento actionis, sed qualitatis, ut ex D. Thom. ostendemus, relinquitur quod sit qualitas distincta, hoc ipso quod D. Thom. dicit differre intellecti onem à verbo, de qua distinctione statim agemus.

Ratio autem conclusionis hæc est, quam insinuat D. Thom. citato loco, quia ista quatuor ita se habent, quod vel possunt separari, vel unum est causa alterius, ergo distinguuntur. Antecedens patet, nam species & potentia separantur aliquando, quia datur potentia sine specie ut in nobis, illa verò acquiritur, & aduenit, vel per acquisitionem, vel per infusionem. Ab ipso verò intelligere distinguitur potentia, & species, tum quia intelligere est operatio procedens ab illis; tum quia aliquando non intelligimus actu, sed potentia. Et eodem modo distinguuntur à verbo, quod est actualis terminus intellecti onis. Verbum autem distinguitur ab intelligere, non quia verbum ipsum possit separari ab intelligere actuali, sed quia verbum est aliquid procedens per intelligere, tanquam imago expressa per actum exprimentem alioquin si non esset res procedens per intellecti onem ut expressiuam, & consequenter distincta ab illa, non possemus ex nostro verbo colligere, & explicare productionem Verbi diuini per intellecti onem, ut communiter faciunt Patres & Theologi. Potest tamen ipsum intelligere inueniri sine verbo, ideoque separatur ab illo, in diuinis quidem manifeste Spiritus Sanctus, & Filius intelligunt, & non producant verbum, in nobis autem probabiliter visio beata illud non producit ut dicemus infra.

Dico secundo. *Intellectio etiam ut distinguitur*

Na

guitur

guntur à conceptu productio, non est actio de predicamento actionis, sed de genere qualitatis. Itaque est actio metaphysica, cuius munus est per modum actus ultimi, & secundi, actuare ipsum operantem, & sic manere in illo, non autem se habere precise, ut via & motus ad rem productam. Sicque actio metaphysica de se & formaliter solum respicit pro termino obiectum, non productum, licet secundario non repugnet producere.

Hanc conclusionem sapè docuimus, & est expressa D. Thom. *opusc. 48. tractatu de actione, cap. 7.* ubi concludit, *Quod actio immixta non est de se in predicamento actionis.* Excluditur autem a predicamento actionis propter duo. *Primum*, quia actio predicamentum dicit aliquid fluens cum motu, ut docet S. Thom. *in 1. disp. 1. quæst. 4. art. 3. ad tertium*, non quia actiones instantaneæ non pertineant ad predicamentum actionis, sed quia debent esse immixtae, & illatius passionis, eo quod actio quæ est predicamentum se habet comparative ad passionem, unde actio non inferens passionem non est de genere illius predicamenti. Intellectio autem per se, & formaliter non infert passionem, sed tanto perfectior est, quanto minus pendet ab inmutatione, & passione, nam licet antecederet ad cognitionem requiratur in nobis aliqua mutatio, quatenus indigemus recipere aliquam speciem, vel lumen, siue ab intellectu agente, siue à Deo infundente, tamen ipsa elicientia actionis si perfecta est, non fit cum aliqua passione, quia si hoc esset, oritur actio intellectio ad acquirendam aliquam formam in intellectu, quæ acquisita cessaret actio, inducta enim passione ber receptionem formæ producta actio cessat, & solum remanet passio. At vero intellectio non cessat per acquisitionem aliquius formæ, quia etiam producta conceptu, seu verbo quod est eius terminus, remanet intellectio contemplans in illo, imò tunc est perfectior intellectio, quando iam perfecte formatum est verbum, ergo intel-

lectio formaliter loquendo, & ut perfecta, non infert passionem, nec respicit terminum productum, seu formam, quæ acquisita cessat, & ita non est actio inferens passionem, & terminata in illam, sed solum respicit obiectum, ut consideratione actus.

Secundum fundamētum est, quia intellectio ordinatur ad perficiendum ipsum operans, non ad perficiendum ipsum operatum, ergo non est formaliter actio de predicamento actionis. *Pater consequentia*, quia actio formaliter loquendo est via & causalitas, non autem finis ultimatè intentus, ad hoc enim datur actio ut aliquis terminus transeat de non esse ad esse. Unde pertinet ad ipsum fieri, seu ad ipsam tendentiam terminum in factum esse. At vero intellectio non precise se habet ut via, & causalitas aliquius terminum, seu est eius, sed ut perfectio ultimatè intentus ab intellectu, & si aliquem effectum habet, potius ordinatur illum ad se, quam e contra, eo quod perfectio intellectus non est in producendo aliquem effectum, sed in attingendo veritatem, & si producit effectum, v.g. conceptum, &c., ut in eo contempletur veritatem, & sic contemplatio est ultimum quod actus, perficitque intellectum, unde beatitudo, quæ est summa perfectio intellectus in actuali intellectione, & contemplatione consistit. Intellectio ergo & contemplatio sunt operationes fines, non actiones viæ, & ideo non pertinent ad predicamentum actionis, quia tantum est via & causalitas unde D. Thom. comparat ipsam intelligere ipsi existentie, seu esse in genere intelligibili *1. p. quæst. 14. art. 4.* & expressius *quæst. 31. artic. 1. ad 2.* ut infra in ultima conclusione ponderabimus. & assignat illam causam, quia intelligere non significat actionem ut ab agente exeuntem, ubi excludit illam a predicamento actionis: non enim solum dixit non esse actionem exeuntem extra agentem sed non exeuntem ab agente, quod est negare rationem viæ, & causalitatis precise ordinatæ ad terminum.

Et totum hunc discursum complexus est S. Doctor 1. contra Gentil. cap. 10. vbi inquit: Quod huiusmodi actiones immanentes sunt perfectiones eorum quorum sunt operationes. & possunt esse ultime, quia non ordinantur ad aliquod factum quod sit finis. Operatio vero vel actio ex qua sequitur aliquid præter ipsam, est perfectio operati, non operantis, & comparatur ad ipsum sicut ad finem. Ita Diuus Thomas quia ergo actus immanens non ordinatur ad terminum producendum ut ad finem, sed ad obiectum intentionaliter attingendum, quæ attingentia est perfectio operantis, ideo actio immanens non est directe actio de prædicamento actionis, nec per se productiva. Et in hoc etiam convenit Scotus in 1. dist. 2. quest. ultima, & quest. 16. & in alijs locis quia ideo distinxit dicere ab intelligere, quia actio immanens qualis est intellectio non producit aliquid, ut constat ex 9. metaph. h. & 1. ethic. Sed differimus à Scoto, quod ipse non posuit intellectionem esse virtualiter actionem productivam, & ideo dixit, quod dicere non est actus intelligendi, licet sit actus intellectus; in consequenter verò ponendo, quod verbum non distinguitur ab intellectione in facto esse, dixit esse duas actiones distinctas intelligere, & producere verbum. Ut autem in hoc explicemus nostram sententiam.

Dico tertio: *expressio productiva verbi, seu dictio non est actio distincta à ipso actu immanente intellectionis, sed ipsa intellectio est virtualiter actio productiva verbi, nec indiget intellectio alia actione per quam producat, quia procedit per emanationem, neque alia actione, qua producat, quia ipsa virtualiter est productiva.* Hæc conclusio communiter tenetur a discipulis D. Thom. 1. p. quest. 27. art. 1. vbi videri potest Cajet. Nazarius, Bañez, Zumel, & alij. Est expressa D. Thomæ nam in quest. 4. de verit. artic. 2. ad 1. inquit: Quod in re dicere non solum significat intelligere, sed intelligere cum hoc; quod est ex se exprimere aliquam conceptionem; nec aliter possu-

mus intelligere, nisi huiusmodi conceptionem exprimendo, & ideo omne intelligere in nobis, proprie loquendo est dicere. Similiter in 4. contra Gent. cap. 11. dicit: Quod verbum est terminus operationis intellectualis, intellectus enim intelligendo concipit, & format verbum. Et idem habet opusculo 13. & 14. Et ad idem consonat quod dicit 1. part. questione 27. artic. 1. Quod quicumque intelligit, ex hoc ipso quod intelligit, producit verbum.

Ratio conclusivæ est; quia dicere est productio verbi exprimentis, & manifestantis rem, non quomodocumque, sed ut intellectam & cognitam, seu ut terminum intellectionis, sed res non potest reddi intellecta in actu, nisi per ipsum intelligere & intelligi, ergo neque potest verbum procedere ab intellectu, nisi per ipsum intelligere. Maior manifesta est, quia verbum non potest exprimere rem ipsam nisi aliqua imagine vitali, & animata, & non alia vitalitate quam cognitionis, quia non pertinet nisi ad principium cognoscitivum verbum ipsum & imago, siquidem est locutio, & locutio solum pertinet ad principium cognoscitivum, ergo debet exprimere rem ut vitaliter attactam ab ipsa cognitione, ergo non solum ut intelligibilem in actu primo, sed ut intellectam in actu secundo. Vnde etiam per voces exteriores non solum repræsentamus res, sed etiam cognitionem nostram, id autem repræsentat verbum interius, quod vox exterius. Constat etiam, quod verbum exprimit rem ut locutam, ergo ut cognitam, quia incognitum non est locutum, ergo similiter ipsa locutio, seu dictio erit cognitio Vnde prob. minor. quia res non dicitur intellecta, nisi ratione intellectionis, intelligi enim essentialiter dependet ab intelligere, ergo expressio rei per modum intellectæ, est expressio ipsius intelligere, seu ipsum intelligere ut expressivum, & manifestativum, de se enim intelligere manifestatio est, & lumen, unde per se habet esse expressivum, seu manifestativum,

aliquando quidem ex necessitate, & indigentia quia obiectum ipsum non est sufficienter explicatum, & euolutum, & ita proceditur ab imperfecto ad perfectum, sicut in nobis fit per discursum, & cogitationem, & sic procedit verbum intelligere perfectum, sed procedit ab intelligere imperfecto, & inferi, & generaliter, quandocumque formatur verbum, ipsum fieri verbi etiam est intelligere in fieri. Aliquando verò procedit verbum ex abundantia intelligendi, quatenus intellectus quanto perfectius intelligit, tanto magis facit impetum ad manifestandum se, naturaliter enim intellectus est manifestatiuus, & communicatiuus sui, & quia manifestat res, ut intellectas, oportet, quod illud dicere, seu exprimere sit substantialiter intelligere. Et hoc modo procedit Verbum diuinum per intelligere Patris non ex indigentia, sed ex intelligentia.

Secunda pars conclusionis, quod ipsa intellectio sit virtualiter actio productiua, constat ex precedente, quia dictio est ipsamet intellectio ut expressiua, sed dictio est actio productiua verbi, ergo intellectio ut expressiua est productiua, & cum sit de genere qualitatis ut ostensum est, solum virtualiter erit actio productiua. Et deinde, quia intellectio procedit ab intellectu, & specie, ut a virtute productiua sui, & ipsius verbi mediante intellectione, siquidem, ut diximus, verbum est terminus expressus ipsius intellectionis, sed intellectio non se habet ut virtus intelligendi, & ut principium per modum actus primi, siquidem intellectio est actus secundus intelligentis, & ultimum quo constituitur in actu, ergo si verbum procedit mediante intellectione, non procedit mediante illa ut virtute, & actu primo producentis, ergo ut mediante actiōe productiua, quia illud quod se habet, ut actus secundus inter producentis, & productum, est ipsamet actio productiua, siue formaliter, siue eminenter. Vnde constat quod ipsamet intel-

lectio, licet sit qualitas, tamen quia habet rationem actus secundi, & ita eminenter est actio productiua, de se habet procedere a suo principio eo modo, quo procedit actio, scilicet per modum emanationis, non per actionem mediam superadditam.

Dico quarto; intelligere, & dicere differunt, ut res & modus, intelligere autem & verbum differunt sicut res & res.

Prima pars sumitur ex Diu. Thom. 1. part. questione 34. artic. 1. ad tertium, ubi inquit: Quod dicere, & intelligere differunt, nam intelligere importat solam habitudinem intelligentis ad rem intellectam, in qua nulla ratio originis importatur, dicere autem importat principaliter, habitudinem ad verbum conceptum, nihil enim aliud est dicere quam proferre verbum. Et in 4. de veritate articulo secundo ad quintum, inquit: Quod in nobis dicere non solum significat intelligere, sed intelligere cum hoc, quod est exprimere aliquam conceptionem. Ergo secundum Diuum Thomam distincta habitudo importatur in ipso dicere, quam in intelligere, & consequenter diuersus modus.

Ratio est manifesta, quia dicere identificatur cum intellectione, quia ut probauimus non est actio distincta, & seorsum ab illa. Ex alia parte actualis dictio ponit aliquam habitudinem in intelligere præter ipsam substantiam intellectionis, quia intellectione de se non dicit habitudinem productiui, nec respicit terminum productum, sed ut cognitum, dicere autem respicit terminum ut dictum, seu productum; ille autem respectus, seu habitudo, aliquis modus est. Potest etiam separari ab intellectione, licet non e contra, ut in visione beata secundum sententiam probabilem non generatur verbum, & in diuinis intellectione prout in Filio, & Spiritu Sancto non producit Verbum, ergo reperiuntur signa distinctionis modalis, quia dictio nunquam potest esse siue

sine intellectione, benè tamen intellectio sine dictione, distinguuntur ergo istæ formalitates, quatenus intelligere respicit obiectum ut præcisè intelligibiliter attingendum, dicitio autem ut productivè, & ponendo inesse ipsum verbum.

Quoad secundam partem conclusionis, constat ex dictis, quia intellectio non est actio, quæ sit sola & pura causalitas, sicut actio de prædicamento actionis, sed est qualitas ipsius operantis, ut in conclusione secunda ostensum est. Quod verò ipsum verbum sit etiam qualitas, constat, quia est imago expressa repræsentans obiectum, ergo si species impressa est qualitas, quia repræsentativa est saltem virtualiter, non minus erit qualitas species expressa, quia perfectius repræsentativa est, & magis in actu quam species impressa. Item etiam, quia per expressionem generatur aliquid simile ipsi speciei impressæ, quæ est principium intelligendi & exprimendi, ergo oportet quod sit qualitas sicut ipsa species, non modus aliquis ipsius, alias non diceretur simpliciter illi similis, ita ut ex sua ratione non repugnet, quòd ipsa verbi productio sit generatio, ut in verbo divino, ut dicitur 1. parte quest. 27. art. 2.

Dico ultimò: Intelligere formalissimè consistit in operatione habente se per modum actus ultimi ipsius intelligentis in ordine ad obiectum, ideoque formalitas illius ut distinguitur à dicere magis consistit in actualione, quam in origine. Ita sumitur ex D. Thom. 1. part. quest. 34. art. 1. ad 3. ubi inquit: Quòd intelligere solum dicit habitudinem intelligentis ad rem intellectam, ubi nulla ratio originis importatur; licet enim intelligere originetur ab intellectu, & emanet vitaliter ab eo, quia operatio vitalis est, tamen non reddit intelligentem ex eo solum, quia procedit, sed quia obiectum attingit, & in illa attingentia obiecti non explicatur formaliter ordo originis, sed supponitur.

Et ratio est, quia illud est formaliter intelligere, ex quo formaliter & immediate

sequitur intelligi in obiecto, & attingentia illius in subiecto, ita quod constitutur intellectus attingens obiectum; tunc enim principaliter denominatur intelligens, quando constituitur apprehendens obiectum, ergo licet ad hoc, ut vitali modo fiat ista apprehensio, requiratur egressio ab ipso intelligente, tamen hoc est commune omnibus actibus vitalibus; ut autem specialiter constitutur in ratione intelligentis oportet, quòd id habeat secundum attingentiam obiecti, in qua completur ratio apprehensionis, licet ut vitalis sit rationem processioneis supponat & requirat in nobis in quibus vitalis actus est operatio superaddita potentie, & ab illa vitaliter emanans, in Deo autem intelligere non est superadditum intellectui, nec procedit ab illo, alias distingueretur ab illo realiter. Quare principalis ratio intellectioneis, ut intellectio est, non est ipsa egressio seu origo ab operante, sed actualio ipsa qua in genere intelligibili constituit intellectum in actu secundo coniunctum ipsi obiecto, seu tendens ad illud intentionaliter & intelligibiliter. Cuius signum est, quia intelligere non ordinatur solum ad terminum aliquem egradientem & procedentem, quale est verbum, sed etiam ipso producto adhuc intellectio actualiat & informat intellectum, & ita perficit illum tanquam ultima actualitas, non tanquam via ad terminum.

Et ex his colligitur; quomodo dicatur intelligere se habere ad formam intelligibilem, sicut esse ad formam naturalem, ut docet D. Thom. 1. p. quest. 14. artic. 4. & quest. 34. art. 2. ad 2. ubi inquit: Quòd intelligere se habet ad intellectum in actu, sicut esse ad ens actu, non enim intelligere signifi. at actionem ab intellectu exeuntem, sed in intellectu manentem. Quam ratione etiam attingit quest. 51. art. 2. Hoc autem non intelligitur de ipsa intellectione, ut est dicitio seu expressio, sic enim non se habet ut esse actualians, sed tanquam actio & productio effectiva; sed intelligitur de ipsa intellectione, ut

precisè est vltima actualitas intellectus in ordine ad obiectum, sic enim actualat, & informat intellectum & formam intelligibilem in esse intelligibili, illumq; constituit in actu vltimo & perfectio, & ita maximè conuenit ipsi contemplationi. Non repugnat autem, quòd actio quando est immanens deesse ipsi agenti, licet non quando est transiens, vt docet D. Thom. *quasi. illi. 54. cit.* non quidè esse physicum & naturale, hoc enim supponitur, vt operatio intelligendi exeat ab intelligente, sed esse intelligibile, quod accidentale est in creaturis, in quibus intellectio est operatio emanans; in Deo autem est ipsum esse substantiale, sed ibi non emanat intellectio, vt operatio.

SOLVUNTUR ARGV- MENTA.

Primò arguitur, ad probandum quòd intellectio, vt distinguitur à Verbo, non potest esse qualitas, sed de prædicamento actionis, nam expressè negat Philosophus actus immanentes esse qualitates, vt patet 10. *Ethic. cap. 3. Nec enim inquit virtutis operationes qualitates sunt.* Constat autem operationes virtutis, actus immanentes esse, & 9. *Metaph. c. 2.* diuidit veram & propriam actionem in immanentem & transiuentem: ergo vtrique debet esse propria actio, quia vtrique est inenitum illius diuifi. *Confirmatur*, quia non potest intelligi, quòd intellectio sit vera & proprie qualitas, nisi sit effectus propriè per actionem productus, quæ enim est ratio vt ad talem qualitatem non detur actio, sed sine actione dimanet? præsertim, cum in nostra sententia dimanatio passionum à natura fiat, per actionem non ipsius naturæ, sed generantis, in præsentem autem non est actio generantis, quæ illi qualitas attingatur, ergo non est emanatio per modum propriæ passionis, erit ergo emanatio per modum veræ actionis.

*Reprobat*ur, Aristotelem in primo loco loqui de qualitatibus permanentibus, qua-

les sunt habitus, non de qualitatibus transeuntibus, quales sunt actus, & ita intellectio, cum sit actus, non pertinebit ad habitum, sed ad dispositionem. Et hoc sumitur ex ipso textu Philosophi, quia in illo soluebat quoddam argumentum Platoniorum contra Eudoxum, quo probant, delectationes non esse de genere bonorum, quia boni dicimur per qualitates, delectatio autem non est qualitas, sed motus, ergo non est de genere bonorum, sed imperfectorum, quæ argumentatio non valet, nisi ly *qualitas* sumatur pro qualitate permanente, qua modo permanenti dicimur boni. *Respondet autem Philosophus*, quod etiam operationes virtutis sunt qualitates, scilicet non permanentes, & tamen bonæ sunt, non ergo ratio boni restringitur ad solas qualitates permanentes, sed etiam ad operationes, quæ sunt actus seu qualitates transeunt.

Ad secundum locum ex 9. Metaphysicor. dicimus, potius stare pro nobis, nam ibi in text. 15. diuidit Philosophus actiones ex parte potentiarum dicendo: *Quòd animarum potentiarum actuum finis est solus usus potentie, & non aliquid operatum per actionem, sicut vltimus finis potentie est visio, & præter eam non fit potentia visiva aliquid opus operatum, in quibusdam vero potentijs actus, fit aliquid opus præter actionem, vt ab arte adificationem fit domus præter ipsam ædificationem.* Et subdit: *quòd actio immanens non perficit aliquid operatum, sed ipsam operans. Et ita est in ipso sicut perfectio eius.* Vnde potius colligitur, quod operatio immanens vt visio & intellectio non sunt actiones de prædicamento actionis, sed de genere qualitatis eò quod non se habent, vt pura, & nuda causalitas tendens ad effectum, sed vt perfectio vltima ipsius operantis, si quidem etiam producto effectu remanet actualis vitaliter ipsum operantem, quod non haberet si esset actio de prædicamento actionis, defini enim producto effectu.

Ad Confirmationem respondetur, quod qualitas, quæ est operatio & actus secundus, non procedit per aliam actionem, bene tamen qualitas quæ non est operatio, nam hoc ipso quod est actus secundus immanens, eminenter habet vim actionis transcendentis. Et non indiget alia actione media procedere, quia ipsa actus seu operatio est, & ad qualitatem quæ actus non est, datur actio. Nec dicitur emanare tanquam propria passio, sed modum, quo actiones emanant, quæ non procedunt media alia actione, alias esset processus in infinitum, quia illa alia actio exigere aliam actionem qua procederet. Quare non sunt passionibus sunt quæ emanant, sed etiam actiones & relationes, siue actio sit de prædicamento actionis, siue sit actus, & operatio de prædicamento qualitatis. Hec enim non sunt actiones cum imperfectione quæ est motus, sunt tamen actione perfecte. Et ideo non debent carere illa perfectione actus secundi, quæ seipsam emittit ab agente hoc enim non fundatur in imperfectione motus, sed in ipsa ratione ut sic habet.

Secundò arguitur, quia vel intellectio est vera & propria causalitas ipsius verbi vel non; si hoc secundum, ergo verbum producit alia actione, quam cognitione, siquidem alia actione debet produci, unde dicitur. Intellectio arguitur ab intellectu; nec intellectio erit eminenter actio, sed tantum qualitas absoluta, & consequenter produceretur per aliam actionem. Si dicatur primum, non est cur intellectio excludatur ab actione predicamentali, aut cur dicatur qualitas, quia non possunt in unum connecere qualitas, quæ dicit entitatem in facto esse, & actio seu causalitas quæ dicit rem in fieri & tendentia, fieri enim est aliquid imperfectum, qualitas autem in facto esse dicit perfectum in existentia. *Nec potest dici*, quod actio quæ non est qualitas non solum importat causalitatem & fieri, sed etiam fluxum & motum. *Nec contra est*, quia illuminatio, & alie actiones instantaneæ

verè & propriè sunt actiones, & tamen sunt sine motu: ergo non requiritur motus successivus sed sufficit mutatio, hæc autem etiam invenitur in intellectu, nam intellectus illa, & conceptus informat intellectum, ei que inhaerent, & mutant ipsum de non intelligente in intelligentem, ergo habent rationem propriæ actionis. Denique gratis dicitur, quod ad rationem actionis propriæ requiratur, quod sit cum motu & fluxu, de se enim solum exigit quod sit causalitas constituens causam efficientem in actu causantem, ergo sicut causa efficiens non dicit esse mouentem, sed causantem, ita neque actio dicit essentialiter rationem motus, sed causalitatis, præsertim cum motus sit post prædicamentum, actio autem prædicamentum sit.

Respondetur, intellectionem habere veram & propriam causalitatem, licet non cum imperfectione, sed eminenter & perfecte, neque enim ratio causalitatis restricta est ad prædicamentum actionis, nisi sit cum tali imperfectione, quod tantum ordinetur ad effectum, ut via & tendentia ad terminum, non autem præter se operatur tanquam ultimum, quod intendit agens. Et hoc ideo, quia prædicamentum actionis est, quod denominat agens ab effectu secuto seu passione subiecti, conuincitur enim actio prædicamentum contra passionem, licet enim ista sex ultima prædicamenta, non sint denominationes extrinsecæ dependet tamen eorum denominatio ab aliquo extrinseco, ut docet S. Thomas, *op. sc. 48. tractatu de sex ultimis prædicamentis* & nos diximus in *Logica, quest. 19.* Quare ut aliqua actio sit de hoc prædicamento oportet, quod respectu subiecti sit mutatio seu motus, & respectu effectus sit pura & mera causalitas ordinata ad ipsum. Quod si ratione sui, operatio aliqua seu actus secundus quaeritur, nec propter effectum producendum tantum, sed etiam productio effectus manet & perficit ipsum operantem, & non solum operatum, talis actus secundus.

us excedit prædicamentum actionis, quæ non queritur propter se, sed propter effectum, & ut via ad illum, sed est de prædicamento qualitatis, quia subiectum actuat & qualificat. *Et quando dicitur*, quod non possunt convenire in unum causalitas & qualitas. *Respondetur*, id verum esse de causalitate imperfecta, & tantum ordinata ad effectum, quæ cessat effectu producto, utpote via ad illum, non de causalitate perfecta & eminenti, quæ potius ordinat effectum ad se, & ordinatur ad perfectionem ultimam operantis. Et ita manet, etiam effectu producto, sicut producto verbo adhuc manet intellectio, licet in quantum gerit officium causalitatis respectu conceptus producti, inferior ipso videatur, sed tamen simpliciter est perfectior, quia non sistit in hoc, sed etiam manet, & perficit operantem post effectum productum, neque est solum via ad perficiendum operatum.

Ad id quod dicitur, etiam in intellectione inveniri mutationem. *Respondetur*, quod invenitur mutatio quasi metaphysica, id est reductio actus primi ad secundum, non autem physica, quæ consistit in corruptione unius, & positione alterius formæ in subiecto, eo quod est actus secundus non de se ordinatus ad effectum, sed propter se & ratione sui perficit operantem, & non solum operatum, talis autem mutatio non pertinet ad prædicamentum actionis, sed excedit illud. Et ita licet conceptus seu verbum producat, ut inherens & educatum de ipso subiecto, non tamen requiritur, quod id fiat per educationem seu actionem formalem, sed per eminentem, quæ est ipsa qualitas intellectionis, ut actus secundus & operatio virtualiter productiva, & consequenter educativa, ipsa autem intellectio non educitur per aliam actionem, sed seipsa emanat, sicut aliæ actiones & relationes. Quare non gratis dicitur requiri ad prædicamentum actionis, quod sit causalitas cum motu, eo quod est causalitas imperfecto modo, & ordinata præcisè ad perfectionem

ipsius operati, & ad eius esse, non ad perfectionem operantis, ideoque mutationem rei operatæ importat, & corruptionem oppositi etiam in instantaneis.

Quod si quis; quomodo potest intellectio esse virtualiter actio, nisi conveniant ei conditiones actionis, quarum una est, ut identificetur cum re producta tanquam fieri, & causalitas cum termino, intellectio autem si est qualitas non potest identificari cum verbo, quod est qualitas distincta, & sic non identificata; nisi dicatur quod est virtualiter actio, quia habet virtutem emittendi verbum, & actionem productivam eius; sed tunc intellectio se habebit ut actus primus, non ut actus secundus, quia sic esset virtus emittens actionem. *Respondetur*, quod actiones immanentes non habent omnes conditiones transeuntis. sic enim non eminenter, sed formaliter essent sicut ipsæ. Illa autem conditio actionis, quod identificatur cum termino solum convenit actioni, quæ præcisè est via & causalitas effectus, & ordinata ad ipsum, non vero eius actionis, quæ per se est ultimum ad quod ordinatur operans, & ad perficiendum ipsum, non vero solum ad perfectionem operati ordinatur: hæc enim non identificatur cum effectu, sed etiam producto effectu perficit operantem. Quare actus immanens solus est virtualiter actio, quia est actio quantum ad emissionem & originalem effectum, non quantum ad identificationem & subordinationem ad effectum. Nec tamen dicitur se habere ut virtus in actu primo, quia formaliter est actus secundus, perficiens operantem, & originans effectum operatum, non tamen sistens in ipso, & subordinatus illi, sed potius effectum ordinans ad se, ut perficiat operantem in illo: in quo valde assimilatur actioni divinæ, quæ ut actio est tenet se ex parte Dei, & solus infert mutationem in effectu, operatur quippe Deus per actionem immanentem, & in hoc imitatur cum actio immanens creata, quod emittit ex se effectum, & est actus secundus origi-

originans ipsum nō autem identificatur ei, sed sola mutatio ipsius, quæ est fieri passivum eius, non autem facere actiivum, quod ex parte actionis immanētis se tenet. Cum autem Philosophi dicunt, actionem & passionem non distingui nisi modaliter, loquuntur de actione, quæ identificatur cum motu, hæc enim non distinguitur realiter à passione & termino, sed modaliter.

Vltimo arguuntur, quia dictio est actio distincta ab intelligere, ergo &c. *Anteced. probatur* 1. quia intelligere est qualitas distincta à verbo in nostra sententia, ergo distincta actione procedit quam ipsum verbum, verbum autem procedit per dictionem, ergo distinguitur dictio ab intelligere secundo. Quia dictio supponit intellectiōnem, quia ex hoc quod intelligit procedit verbum, ut dicit S. Thom. 1. p. q. 29. *art. 1.* & ex alia parte intelligere ut contemplari, supponit dictionem, quia in verbo dicto fit contemplatio. Similiter dicere importat ordinem originis, intelligere habitudinem informationis, qua intellectus actuatur ab obiecto, ut docet S. Thom. 1. p. *quæst. 3. art. 1. ad 1.* ergo distinguuntur ut actio, & non actio. Tercio. Quia separari potest intelligere à dicere, quia ut dicemus *seq. ar.* datur aliquādo intellectio sine hoc quod producat verbum, ergo non sunt eadem actio intelligere & dicere. *Confir.* quia ipsa intellectio habet quidquid requiritur ad rationem verbi, ergo ipsa non est dictio, sed dictio est id quo producitur intellectio in facto esse. *Antec. constat*, quia verbum est notitia, ut illud vocat S. Thom. 4. de veris. *art. 2. ad 2.* intellectio autem notitia est. Intellectio etiam manifestat, quia actu per illam attingit obiectum intellectus; est etiam qualitas & non dicit rationem originis, sed informationis, ergo habet quidquid requiritur ut sit expressa representatio & qualitas manifestans non per modum tendentiæ & viæ, sed per modum qualitatis informantis & termini.

Respond. negando antec. Ad 1. probat. Resp. Pars III. Physic.

spond. in primis illam conseq. quæ est par. Suarez. 1. de Trinitate cap. 6. num. 5. esse infirmam, quia esto intellectio & verbum sint distinctæ qualitates, non sequitur debere produci diuersa actione, eadem enim actio potest habere plures terminos inadæquatos, & inter se ordinatos. *Secundo addimus*, intellectiōnem esse qualitatem per modum actus secundi, & operationis, & ita esse virtualiter, seu eminenter productiuam unde & quia operatio est, exit emanando à suo principio, non per aliam actionem, & quia virtualiter productiuum est non per aliam actionem, sed per se producit verbū, quia per se est expressiua. *Ad probat. 2. dicitur*, quod dictio supponit intellectiōnem, & intellectio dictionem secundum diuersas considerationes, non tanquam duo omnino diuersa, sed ut formalitates, seu modi eiusdem operationis, supponit enim dictio intellectiōnem sicut formalitas, seu modus rem ipsam cuius modus est, sicut sensitiuum supponit vegetatiuum non sicut entitatem, & formam diuersam, sed ut gradum eiusdem. Et ita cum dicit D. Th. quod quia intelligit, concipit seu dicit, non est sēsus, quod vna actio est causa alterius, sed quod in eodem actu vna perfectio, seu formalitas est ratio alterius; ex eo enim aliquid est dicens seu loquens, quia est intelligens, non entitate diuersa, sed eadem includente veramque perfectionem. Et contemp' actio supponit verbum productum in quo contempletur, & productionem eius, non tanquam actionem distinctam, sed tanquā vnā & eandem secundum diuersos status, seu respectus; nam cognitio est formatiua sui obiecti faciendo verbum, quod cognoscendo & exprimendo format, & sic ut respicit obiectum cognitum est cognitio. ut expressum & formatum in ratione representationis est expressio, & productio, rursusque cognitio perficitur in ratione contemplationis in ipso verbo expresso, & producto, in quo obiectum attingitur. Quod verò intelligere secundum se non importet

O o habi-

habitudinem originis sed informationis, non infert distinctam actionem entitativè, sed formaliter, id est quoad habitudinè, seu formalitatem exprimendi, idem enim actus, seu operatio est actus secundus potentie, virtualiter tamen est actio productiva, seu expressiva conceptus non per novam entitatem actionis, sed per diversam eiusdem cognitionis habitudinem. *Ad 3. probationem dicemus sequen. artic.* non enim dicere separatur unquam ab intelligere, sed è contra quod est signum distinctionis modalis.

Ad confirm. Respond. verbum manifestare repræsentando, intellectionem autem manifestare operando, & cognoscendo, & verbum dicitur notitia terminativè, seu per modum termini, in quo fit notitia, non formaliter & per modum operationis, ut etiam advertit S. Thom. 1. p. q. 3. art. 1. ad 2. differt autem esse manifestativum, & expressivum per modum repræsentationis, vel per modum operationis & actus, quod primum dicit rationem imaginis & similitudinis tanquam res expressa, & dicta; secundum autem dicit rationem actus ultimi & tendentis ad obiectum, ut cognitum non faciendo illud præsens per modum similitudinis, sed præsens factum vitali actu attingendo, & operatione ipsa seu actu ultimo repræsentatum obiectum cognoscendo.

ARTICVLVS II.

Vtrum ad omnem intellectionem sit necessaria productio verbi?

Supponendum est, quod ut sup. *quæst. 8. artic. 3.* attigimus, necessitas ponendi verbum in nostra intellectione ex duplici principio fundari potest. *Primo* propter ipsum obiectum, *secundò* propter ipsam potentie operationem. Propter ipsam actionem fundant hanc necessitatem plures auctores, qui existimant verbum, ideo solum requiri ut operatio ipsa terminum habeat, eo quod illam operationem existimant esse formaliter de prædicamento actionis,

actio autem sine termino dari non potest, unde respondent difficultati, non posse dari intellectionem actionem sine verbo, & in Deo etiam intelligere habet verbum, licet non sub omni consideratione, sed ut est intelligere secundum in Patre. Sic sentiunt P. Suarez *disput. 18. metaph. sect. 2. à num. 7 & lib. 2. de attributis negativis. capit. 12. & 13.* Videri etiam potest *lib. 3. de anima. cap. 6.* Conimbricenses 3. *de anima. capit. 8. quæstione 3. artic. 2.* Molina 1. p. *quæst. 27. artic. 1.* Vazquez Rubio, Montesinos, & alij quos cit. Carmelitani *hic disput. 12. quæst. 5.*

E contra verò apud D. Thom. & eius scholam verbum requiritur in intellectu, non ex parte potentie, aut operationis eius ut productivæ, sed ex parte ipsius obiecti, vel ut reddatur præsens si sit absens, vel ut reddatur sufficienter immateriale, & spirituale in ratione termini intellecti & cogniti intra intellectum, nec solum sit intelligibile in actu primo per modum speciei impressæ; vel denique ut reddatur obiectum manifestatum in aliqua repræsentatione tanquam res dicta & locuta. Et ad duo prima requiritur verbum ex indigentia ipsius intelligentis, & obiecti intellecti, ad tertium autem requiritur verbum propter abundantiam intelligendi, quatenus ex abundantia cordis os loquitur, & propter ea dixit Augustinus, quod verbum in Deo non procedit ex indigentia, sed ex intelligentia, quia non procedit ut reddat essentiam divinam intellectam in actu, aut Patrem intelligentem, quia essentia se ipsa est in actu puro intelligibilis, & intellecta, sed ut manifestetur, & repræsentetur in imagine, id quod est in intelligentia.

Hæc sententia sumitur ex Div. Thom. qui necessitatem ponendi verbum in nobis desumit ex prima & secunda causa, in 1. contra Gent. cap. 53. ubi inquit Quod intellectus per speciem rei formatus intelligendo format in se ipso quandam intentionem rei intellectæ, quæ est ratio ipsius quam significat definitio. Et hæc quidem necessarium est, eo quod intellectus intel-

intelligit indifferenter rem absentem, & presentem, in quo cum intellectu imaginatio conuenit, sed intellectus hoc amplius habet, quod etiam intelligit rem vt separatam à conditionibus materialibus sine quibus in rerum natura non existit, & hoc non posset esse nisi intellectus intentionem sibi prædictam formaret. Idem docet 4. contra Gent. cap. 12. & opusc. 13. & 14. Et quod requiratur etiam propter manifestationem specialiter videri potest in q. 4. de verit. art. 2. præsertim ad primum & alij locis, vbi docet, quod Pater dicēdo verbum manifestat, & exprimit totam Trinitatem, & omnem creaturam, vt etiam docet 1. p. art. questionis 34.

Ratio & fundamentum huius conclusionis facile constare potest, quia in precedenti articulo ostendimus intellectionem esse non esse actionem productiuam, nec respicere terminum vt productum, sed vt cognitum, vnde propter assignandum terminum à tali actione productum præcise non est ponendum verbum, sed vltius oportet assignare necessitatem producendi tale verbum, & hanc non possumus deducere nisi ex obiecto, quod in esse obiecti formari debet intra intellectum, & intra ipsum poni vt intelligatur, eo quod intellectus est potentia perfecte trahens res ad se, & vnens illas sibi non solum vnione quadam tendente ad rem vt est extra, sed intelligente illam secundum omnes respectus, & modos quibus potest res ipsa præscindi, componi, comparari, diuidi, &c. Hæc autem omnia requirunt obiectum cognosci, & attingi prout est intra intellectum, quia extra illum non est res ipsa abstracta comparata, diuisa, &c. Sed hoc sortitur beneficio intellectus, ergo potentia, quæ de se cognoscitiua est obiecti secundum omnes istos modos quos sortitur intra se, & non extra necesse est terminari ad obiectum vt intra se formatum, & non vt præcise manet extra se. Nec sufficit ad hoc obiectum esse intra potentiam per speciem impressam, tum quia species impressa tenet se ex

parte principij eliciendi intellectionem actus autem intelligendi non terminatur ad ipsam speciem impressam, quia sic semper deberet esse reflexa, vt potè conuertens se ad suum principium à quo elicitur: tum etiam quia ex eadem specie impressa possunt formari plures conceptus, seu species expressæ, quia potest intelligi res secundum diuerios respectus inclusos virtualiter in eadem specie, vel secundum comparisonem vnus speciei ad aliam, ergo non sufficit species impressa, vt ad illam terminetur intellectio, sed requiritur determinata, & expressa species in qua determinate; proponatur intellectui ex parte termini id quod inuolutum est in specie impressa ex parte principij.

Ad hæc si obiectum est absens ita vt in se ipso terminare non possit cognitionem, necessario requiritur, quod hæc terminatio suppleatur in aliqua representatione, nec sufficit ipse actus intelligendi, quia iste est ipsa cognitio, non res ipsa cognita, multo minus species impressa quia ab ipsa vt à principio elicitur cognitio, ergo in illa non habet rationem termini nisi per reflexionem, reflexio autem supponit actum directum, & de illo inquiremus quem terminum habeat. Quod si obiectum sit præsens sed non sit spirituale, & proportionatum ipsi intellectui, manifestum est quod ad ipsum prout sic non potest terminari intellectio nisi reddatur proportionatum, & spiritualizatum etiam prout terminat cognitionem, obiectum autem non redditur spirituale, & immateriale nisi intra intellectum, quia denudatio à materialibus conditionibus non conuenit rei materiali ad extra, sed prout intra intellectum. Quod si obiectum ipsum in se spirituale sit, vel est extra ipsum intellectum sicut vnus Angelus respectu alterius Angeli, & tunc non potest Angelus ille distinctus determinare alteri per modum speciei etiam impressæ, quia non potest intra ipsum intellectum per suam substantiam poni cum non habeat aliquam vnionem ad ipsum, neque

per modum formæ cum sit substantia, & intellectus accidens, neque per modum materiæ cum non sit eius subiectum, neque per modum efficientis cum non causet intellectum nisi solus Deus. Si verò substantia Angeli sit intima intellectui, ut est respectu sui proprii intellectus cuius est subiectum, & cui seruit per modum speciei impressæ, adhuc non sufficit pro specie expressa terminante intellectum, quia ut probat D. Thom. 4. *contra Gent. cap. 11.* cum intelligere Angeli non sit eius substantia, seu eius esse, etiam verbum, seu conceptus, Angelus non est eius substantia, sed accidens. Cuius probationis efficacia consistit in hoc quod verbum repræsentat obiectum, ut intellectum, & cognitum, & non solum ut intelligibile, ergo si intelligere & intelligi est accidens, etiam verbum ut intellectum oportet quod sit accidens, & non substantia, tum etiam quia unam & eandem rem contingit multipliciter intelligi, & non uno tantum modo, & ideo intelligere quod per modum operationis nascitur ex intelligente, non potest esse eius substantia, seu eius esse, quia hæc debet esse fixa & determinata, operatio verò est multiplex & varia, manente eadem substantia, ergo etiam terminus illius debet esse varius & multiplex, siquidem potest diuerso modo intelligi idem obiectum, per terminum autem qui est verbum, constituitur obiectum in ratione intellecti, ergo per aliquid accidentale, & non per suam substantiam debet terminare ipsam operationem; & hoc intra intellectum, quia formatio, & expressio obiecti fit per cognitionem, & locationem seu manifestationem internam, & sic oportet, quod talis terminus formatus, extra ipsam cognitionem non sit, & consequenter neque extra potentiam.

Quod si inquiras: quomodo ipsum verbum possit deferre ad cognoscendum obiectum nisi prius cognoscatur tanquam imago repræsentans, cum tamen nullus experiatur se prius videre hanc imaginem ut

in ea videat obiectum? Quomodo etiam potest per cognitionem formari, si ipsa cognitio non respicit obiectum nisi in ipso verbo repræsentatum?

Respon. quod imago est duplex; alia exterior, & instrumentalis, quæ ut cognita ducit in cognitionem obiecti, & talis imago prius debet attingi, & cognosci quam obiectum ipsum; alia est interior & formalis quæ non est obiectum cognitum, sed ipsa est ratio, & forma terminans cognitionem, & hæc non debet esse cognita obiectiue, sed solum cognitionem reddere terminatam formaliter respectu obiecti, debet autem formari per cognitionem ipsum verbum, quia ut dictum est verbum repræsentat rem ut cognitam & intellectam, & sic intellectione ipsa debet formari. Et vocatur aliquando verbum à D. Thom. instrumentum, quo intellectus utitur ad cognoscendum, ut *quodlib. 1. art. 9.* sed tamen non sumit instrumentum pro signo, instrumentali, quod obiectiue mouet potentiam, sed pro medio intelligendi formali & intrinseco ipsi cognoscenti. Nec repugnat, quod eadem cognitio simul cognoscat & formet, ut dicit D. Thomas *opusc. 14.* sicut si visio emitteret ex se lucem vel colorem, simul videret & produceret obiectum suum, alias si prius formaretur verbum, oporteret prius dicere, quam cognoscere, & illa dictio seu locutio exco modo fieret dicendo quod non cognoscat. Est ergo ipsa cognitio considerata in fieri, & in statu imperfecto formatiua verbi, ipso autem formato redditur perfecta & completa cognitio tanquam contemplatio, licet etiam postea iterum possit dicere ad manifestandum obiectum ex abundantia intelligentiæ, ut iam supra explicauimus.

Hæc suppositis, circa principalem difficultatem articuli, illi qui existimant verbum poni in intellectu ex eo præcise, ut sit terminus productionis, consequenter in omni intellectione, nulla excepta, ponunt produci verbum. Ita P. Suar. *lib. 1. de attributis negatiuis*

rius capit. 11. & alij supra citati. Qui verò tenent intellectiōem de se non esse actionem productiuam, sed requiri verbum, vt obiectum reddatur proportionatum, & terminans cognitionem per modum rei intellectæ, affirmant in omni intellectiōe requiri verbum in qua obiectum ipsum per suam entitatem non est intelligibile, & intellectum in actu, & hoc respectu omnis obiecti creati inuenitur, respectu autem Dei clarè visi, probabilius est non formari verbum creatum quod immediatè repræsentet illum in esse intellecti.

Itaque hac sententia duas habet partes Primam, quod in omni intellectiōe circa obiectum creatum, vel Deum non clarè visum, formatur verbum. *Quæ sine dubio est sententia D. Thom. vt videri potest 1. pars quæst. 27. artic. 1. & quæst. 9. de potentia art. 5. & quæstion. 4. de veritate artic. 2. & 4. contra Gent. capit. 11. & multo alijs locis;* in quibus expresse ponit verbum esse distinctum à specie impressa, & ab actu intelligendi, præsertim illa quæst. 9. 1. potentia art. 5. & quæst. 8. art. 1. & alijs locis præcedenti articulo citatis. *Ratio verò constat ex dictis,* quibus probauimus necessitatem ponendi verbum.

Secunda verò pars sententiæ propositæ quod respectu Dei clarè visi non detur hoc verbum creatum, *sumitur ex dictis, & ex ratione Dni Thom. quæ 1. p. quæst. 2. art. 11. excludit omnem similitudinem repræsentatiuam Dei in se in quo genere intrat verbum, concedit autem S. Doctor similitudinem ex parte potentie, seu virtutis, id est lumen attingens Deum in se, sicut etiam visio attingit Deum in se, negat autem similitudinem per modum imaginis, & repræsentationis, quia similitudo virtutis, seu luminis & ipsius visionis consistit solum in proportionē actiuitatis, & operationis erga obiectum, quæ est proportio per modum tendentis & respectus, non repugnat autem rem inferiorem tendere, & respicere superiorem, & creaturam ad Deum in se. Repræsentatio verò est per modum similitu-*

dinis, quæ vel conuenit per adæquationem vnum cum altero, vel continet illud vt sēmen rem genitam; nihil autem creatum adæquatur Deo, aut continet illum vt est in se. Vndè ratio Dni Thomæ explicatur, quia repræsentatio ipsa, in qua formalissime consistit ratio speciei, licet entitatiue sit accidens, intelligibiliter tamen debet esse eiusdem immaterialitatis cum obiecto, quod immediatè & primo repræsentat, siquidem ipsa repræsentatio speciei realiter inuenitur in ea, & non est aliud quam ipsa res repræsentata immaterialiter & intelligibiliter sumpta. S. c. ergo illa realitas, quæ est repræsentatio speciei in ratione repræsentationis formaliter, & in esse intelligibilis, quæ comparatur ad obiectum, vel est creata, vel increata; si increata, est actus purus in esse intelligibili, & consequenter non potest inueniri in entitate creata. Si creata, in infinitum distat ab obiecto increato, multo magis, quam repræsentatio corporea ab obiecto spirituali in se, implicat autem, quod repræsentatio corporea propriè & immediatè repræsentet rem spiritualem, vt est in se. Nec obitat quod etiam implicat visionem corpoream attingere rem spiritualement, cum tamen non implicet visionem creatam attingere Deum. Respondet enim visionem implicare ex alio principio, quia scilicet res spiritualis est omnino extra obiectum adæquatum sensus, quod non currit in intellectu creato respectu Dei. Repræsentatio autem speciei utrobique repugnat ex eodem principio, scilicet ex defectu similitudinis, & immaterialitatis cum obiecto.

Nec dici potest; quod repræsentatio speciei entitatiue est creata, sed terminatiue increata, & quod finito modo repræsentat Deum. *Sed contra,* quia repræsentatio speciei, licet quoad entitatem sit inferior obiecto, quoad immaterialitatem tamen est impossibile, siquidem in ipsamet specie repræsentatio formaliter sumpta continet intelligibiliter, & intentionaliter ipsum

SOLVUNTUR ARGV-
MENTA.

Primo arg. ex Patre Suarez. 3. de anim. cap. 5. ad probandum, quod verbum non ponatur propter indigentiam obiecti, sed vt sit terminus actionis productiue, nam in primis D. Thomas vbicumque loquitur de verbo non adstruit illud ex indigentia obiecti, sed propter vim intellectiōnis, vt patet 1. part. quest. 27. artic. vbi ait: *Quicumque intelligit ex hoc ipso quod intelligit procedit aliquid intra ipsum, quod est conceptio intellectus ex vi intellectiōis proueniens.* Et quest. 9. de potentia art. 5. ait: *Quod verbum est de ratione ipsius intelligere.* Et quest. 4. de veritate art. 2. & super Ioannem cap. 1. lect. 1. & 4. contra Gent. cap. 11. art. Angelum formare verbum, & tamen habet substantiam suam sibi presentem intuitiue, ergo verbum non ponitur propter indigentiam obiecti, scilicet vt reddatur præsens intellectui. *Ratione etiam arguitur*, quia si ex indigentia obiecti produciatur verbum, maximè quia obiectum est absens & per ipsum verbum redditur præsens, sed si hæc ratio valeret, nunquam produceretur verbum nisi in cognitione abstractiua, & ita Angelus se cognoscens, verbum non produceret. Si verò dicatur præter hanc præsentiam Angeli requiri aliam magis intimam, & veluti penetrationem potentie cū obiecto. *Contra est*: tum quia intellectus speciebus impressis informatus, sufficienter habet obiectum intime sibi vnitum, nec est cur magis penetratum, & vnitum requiratur; tum denique quia non repugnat quod species impressa simul se teneat ex parte principij cognoscendi & sit terminus in quo reluceat obiectum quæ enim in hoc est repugnantia?

Resp. de mente D. Th. satis constare locis supra à nobis allegatis, præsertim primo contra Gent. c. 53. & in illis locis quæ allegat P. Suarez, vt q. 9. de potentia art. 5. & q. 8. art. 1. aperte distinguit speciem intelligibilem

impressam & actum intelligendi, & verbum intellectum, & tamen etiam intelligere ponit esse actionem immaterialem, quæ non est de predicamento actionis, nec per se respicit terminum productum, sed cognitum, vt articulo præcedenti ex ipso D. Th. ostendimus, ergo non propter indigentiam actionis vt habeat terminum requiritur verbum, sed propter indigentiam obiecti vt reddatur sufficienter præsens & vnitum, nõ solum entitatiue sicut est substantia Angeli suo intellectui, sed etiam intelligibiliter per modum intellecti in actu quod accidentale est etiam ipsi Angelo.

Ad rationem Respond. ad primam probationem dicitur, non solum requiri verbum propter absentiam physicam obiecti, hæc enim non semper inuenitur, sed etiam vt obiectum in ratione termini cognitionis reddatur immateriale & intentionale in actu ultimo, vt D. Thom. affirmat 1. contra Gent. citato cap. 53. & ad hoc non sufficit præsentia quam habet obiectum in specie impressa, hæc enim præsentia tenet se ex parte principij ad producendam intellectiōnem, non autem per modum termini, quia ad hoc oporteret, quod intellectus reflecteretur super ipsam speciem & ita non seruit ad intellectiōnem directam: tum quia species impressa continet obiectum per modum intelligibilis, non per modum intellecti, & expressum in actu secundo, quod enim aliquod sit intellectum & expressum, necessario dependet ab intelligere & exprimere, species autem intelligibilis præcedit ipsum intelligere, & exprimere, ergo non potest in ipsa representari obiectum vt expressum & intellectum in actu, vbicumque operatio intelligendi & exprimendi est aliquid accidentaliter superueniens ipsi speciei & intellectui, & ita species impressa existit in intellectu etiam ipso non intelligente per illam, species autem expressa cessante intellectiōne cessat, quia representat rem vt intellectam in actu: tum denique quia species impressa representat etiam

aliqua indifferentia & potentialitate determinabili per expressionem verbi, & intellectionem siquidem intellectio, quæ est accidens superueniens intellectui, potest variari, fierique modo cum diuersa attentione, modo cum diuersa intentione, ergo oportet quod species impressa reducat in actum, & terminetur per ipsum intelligere & consequenter quod ipsum verbum distinguatur a specie impressa, eo quod in verbo expresse & determinatè repræsentatur obiectum ut taliter, vel taliter intelligitur. Cum in actu secundo, non ut solum intelligibile in actu primo. Vnde patet cur repugnet speciem impressam tenere se ex parte termini intellectionis, ut petitur in vltima probatione.

Secundò arguitur, ad probandum in omni intellectione formari verbum etiam in visione Dei, primo quidem autoritate D. Thom. cum 1. p. q. 27. art. 1. vbi inquit: *Quod quicumque intelligit, ex hoc quod intelligit, procedit aliquid intra ipsum*; quod frustra limitatur ad intellectionem rei creatæ, vel intellectionem abstractiuam, aut alias similes limitationes, alias non probaret D. Tho. dari in Deo processum verbi, si non datur in nobis, nisi cum tot limitationibus, cum quibus non datur in Deo: tum etiam in q. 4. de veritate art. 2. dicit: *Quod omne intellectum in nobis est aliquid realiter procedens ab alio, & hoc vniuersaliter verum est, de omni quod à nobis intelligitur siue per essentiam videatur, siue per similitudinem*. Vbi etiam includit visionem diuinam, in qua videtur Deus per essentiam, & non per similitudinem. *Ratione etiam probatur*, quia omnis intellectio est vera & propria operatio seu actio, ergo debet habere terminum, quia actio non habens terminum, nihil agit, & sic non est actio. Si verò intellectio non est actio, sed qualitas producta, ergo supponit actionem per quam producat, & sic illa actio erit intellectio ut operatio, qualitas verò illa erit verbum ut terminus actionis. Et dato quod intellectio illa in ratione in-

tellectionis non habeat terminum productum, sed cognitum, adhuc tamen non repugnat in visione beata, quod illa intellectio sit expressiua & manifestatiua eius quod intelligit per modum locutionis, ergo per talē expressionem & dictionem produceretur verbum, non quidem ad reddendum obiectum intellectum in actu, sed ut dictum & expressum a beato.

Respondet ad primum locum S. Thom. quod illa verba. *Quicumque intelligit*, non est necesse quod distribuatur pro omnibus indiuiduis, sed pro omnibus generibus intelligentium, quasi sit sensus in omni natura intelligente ex eo, quod natura intellectiua est, habet, quod procedat aliquid intra ipsam & non solum extra, siue hoc contingat in omni indiuiduo, siue non. Intentum enim S. Thom. in illo articulo erat probare contra Sabellianos, & Arrianos, quod datur in Deo processio aliqua ad intra, & hoc probat, quia in omni intelligente datur processio ad intra per actionem immanentem. Ad hoc autem impertinens est quod in omni indiuiduali actione procedat verbum, sufficit autem, & conducit quod in omni natura intelligente detur processio ad intra, sic enim optimè infert, quod etiam in natura diuina seu in Deo qui intelligens est, datur aliqua processio ad intra, & tamē non probat quod in omni indiuidua intellectione datur processio ad intra, hoc enim esset nimis probare, cum in Deo Spiritus sanctus, & Filius intelligent, nec tamen producant ad intra verbum. Quod & Sanctus Thomas aduertit dum eodem loco, *question. 24. artic. 1. ad 4.* afferens eandem propositionē *Quicumque intelligit*, &c. ut inde probaret, quod etiam Verbum producit aliud verbum, limitat illam propositionē, ut intelligatur de omni intelligente facundo non de eo quod intelligit ut verbum procedens, sicut intelligit Filius.

Ad secundum locum respondetur, loqui de his qui intelligent non per similitudinem, sed per essentiam quæ non est ipsum intel-

intelligere, & intelligi per se ipsam, sed indiget operatione accidentali, & de se est in potentia, vt sit intellecta in actu, qualis est essentia Angeli, non vero loquitur de essentia quæ est actus purus, & cuius immaterialitas non compatitur representari representatione, & immaterialitate creata, quæ longè illi improporionata est. Et hoc sumitur ex ratione ipsa, quam reddit Sanctus Thomas, ibi, quia *ipsa conceptio*, inquit *est effectus actus intelligendi*, quia scilicet, vbi essentia aliqua non est suum intelligere, nec sua conceptio, sed conceptio est effectus actus intelligendi, ibi necessario requiritur, quod procedat & producat verbum, quia hoc ipso quod conceptio est effectus, ipsa essentia seu obiectum, per quod fit cognitio, non est per se in ultimo actu intelligibilitatis, sed per aliquid superadditum, quod est effectus actus intelligendi, & sic vbi cumque verbum est effectus, intellectio producere debet illud. In visione autem beata, diuina essentia, quæ est species intelligibilis, se ipsa est in actu ultimo intelligibilitatis, cum sit actus purus, & consequenter non per aliquem effectum redditur intellecta representatione, sed solum illa immaterialitas, quæ est actus purus, redditur affectu per actum visionis beatæ, & ei vnita in ratione termini.

Ad rationem iam respondimus precedenti articulo, intellectionem esse actionem metaphysicam, id est actum secundum operantis non physicam formaliter id est causalitatem ipsam operati, & sic non petit essentialiter terminum productum sed cognitum, licet virtualiter possit esse actio vt dictio expressiua est, ipsa autem intellectio, licet sit qualitas, emanatiue tamen procedit, & non per aliam actionem, quia actus secundus est, veraque operatio, vnde non indiget alio actu secundo constitui agens, vt producat illam. Nec tamen superfluit verbum, quia est simili-

Pars III. Physic.

tudo per modum termini representans seu reddens præsens obiectum. In visione autem beata, nec per modum locutionis, & expressionis potest verbum produci, quia verbum sic procedit in ratione dicti, & expressi, quod representat obiectum secundum propriam, & immediatam immaterialitatem eius, representat enim obiectum, vt intellectum in actu, & consequenter sub actualitate vltima intelligibilitatis, & immaterialitatis diuinæ quod repugnat in representatione seu immaterialitate creata. Nec sufficit representare illam, vt intellectam à visione creata, quia visio ipsa non est obiectum seu intellecta, sed essentia ipsa, ac proinde, licet connotetur quod sit cognita à me, immaterialitas tamen, & intelligibilitas sub qua representatur, non est mei, qui sum cognoscens, sed obiecti cogniti, & representati.

Ex quo soluitur instantia, quæ solet hic moleste fieri, quia verbum non ponitur nisi ad hoc vt reddatur obiectum intellectum à me, non ab alio. Deus autem ex se non est intellectus in actu à me, sed à se, ergo vt representetur essentia diuina non absolute vt in actu secundo intellecta in se, sed vt limitate intellecta à me, requireretur verbum creatum, quia sic limitate esse intellectam à me, aliquid accidentale & temporale est. *Sed respondetur ex dictis*, quod esse intellectum in actu dupliciter dici potest, vel respectu obiecti, quia de se solum est intelligibile in actu primo, redditur autem in actu ultimo intellectum; vel respectu subiecti, quia applicatè ad istud subiectum redditur intellectum, id est apprehensum & tentum ab isto. Dicimus ergo, quod verbum ponitur, vt reddat obiectum intellectum in actu ultimo ex parte obiecti, secundum quod intellectum in actu ultimo condiuiditur contra intelligibile in actu primo, & hoc modo diuina essentia vt obiectum intelligendum, & ordinis in-

Pp

telligi-

aliquando quidem ex necessitate, & indigentia quia obiectum ipsum non est sufficienter explicatum, & euolutum, & ita proceditur ab imperfecto ad perfectum, sicut in nobis fit per discursum, & cogitationem, & sic præcedit verbum intelligere perfectum, sed procedit ab intelligere imperfecto, & in fieri, & generaliter, quodcumque formatur verbum, ipsum fieri verbi etiam est intelligere in fieri. Aliquando verò procedit verbum ex abundantia intelligendi, quatenus intellectus quanto perfectius intelligit, tanto magis facit impetum ad manifestandum se, naturaliter enim intellectus est manifestatiuus, & communicatiuus sui, & quia manifestat res, ut intellectas, oportet, quod illud dicere, seu exprimere sit substantialiter intelligere. Et hoc modo procedit Verbum diuinum per intelligere Patris non ex indigentia, sed ex intelligentia.

Secunda pars conclusionis, quod ipsa intellectio sit virtualiter actio productiua, constat ex præcedente, quia dictio est ipsamet intellectio ut expressiua, sed dictio est actio productiua verbi, ergo intellectio ut expressiua est productiua, & cum sit de genere qualitatis ut ostensum est, solum virtualiter erit actio productiua. Et deinde, quia intellectio procedit ab intellectu, & specie, ut à virtute productiua sui, & ipsius verbi mediante intellectione, siquidem, ut diximus, verbum est terminus expressus ipsius intellectionis, sed intellectio non se habet ut virtus intelligendi, & ut principium per modum actus primi, siquidem intellectio est actus secundus intelligentis, & ultimum quo constituitur in actu, ergo si verbum procedit mediante intellectione, non procedit mediante illa ut virtute, & actu primo producentis, ergo ut mediante actione productiua, quia illud quod se habet, ut actus secundus inter produciens, & productum, est ipsamet actio productiua. siue formaliter, siue eminenter. Vnde constat quod ipsamet intel-

lectio, licet sit qualitas, tamen quia habet rationem actus secundi, & ita eminenter est actio productiua, de se habet procedere à suo principio eo modo, quo procedit actio, scilicet per modum emanationis, non per actionem mediam superadditam.

Dico quartò; *intelligere, & dicere differunt, ut res & modus, intelligere autem & verbum differunt sicut res & res.*

Prima pars sumitur ex Diu. Thom. 1. part. questione 34. artic. 1. ad tertium, ubi inquit: *Quod dicere, & intelligere differunt, nam intelligere importat solam habitudinem intelligentis ad rem intellectam, in qua nulla ratio originis importatur, dicere autem importat principaliter habitudinem ad verbum conceptum, nihil enim aliud est dicere quam proferre verbum.* Et in 4. de veritate articulo secundo ad quintum, inquit: *Quod in nobis dicere non solum significat intelligere, sed intelligere cum hoc, quod est exprimere aliquam conceptionem.* Ergo secundum Diuum Thomam distincta habitudo importatur in ipso dicere, quam in intelligere, & consequenter diuersus modus.

Ratio est manifesta; quia dicere identificatur cum intellectione, quia ut probauimus non est actio distincta, & seorsum ab illa. Ex alia parte actualis dictio ponit aliquam habitudinem in intelligere præter ipsam substantiam intellectionis, quia intellectio de se non dicit habitudinem productiui, nec respicit terminum ut productum, sed ut cognitum, dicere autem respicit terminum ut dictum, seu ut productum; ille autem respectus, seu habitudo, aliquis modus est. Potest etiam separari ab intellectione, licet non è contra, ut in visione beata secundum sententiam probabilem non generatur verbum, & in diuinis intellectio prout in Filio, & Spiritu Sancto non producit Verbum. ergo reperiuntur signa distinctionis modalis, quia dictio nunquam potest esse siue

sine intellectione, benè tamen intellectio sine dictione, distinguuntur ergo ista formalitates, quatenus intelligere respicit obiectum ut præcisè intelligibiliter attingendum, dicitio autem ut productivè, & ponendo inesse ipsum verbum.

Quoad secundam partem conclusionis, constat ex dictis, quia intellectio non est actio, quæ sit sola & pura causalitas, sicut actio de prædicamento actionis, sed est qualitas ipsius operantis, ut in conclusione secunda ostensum est. Quod verò ipsum verbum sit etiam qualitas, constat, quia est imago expressa repræsentans obiectum, ergo si species impressa est qualitas, quia repræsentativa est saltem virtualiter, non minus erit qualitas species expressa, quia perfectius repræsentativa est, & magis in actu quam species impressa. Item etiam, quia per expressionem generatur aliquid simile ipsi speciei impressæ, quæ est principium intelligendi & exprimendi, ergo oportet quod sit qualitas sicut ipsa species, non modus aliquis ipsius, alias non diceretur simpliciter illi similis, ita ut ex sua ratione non repugnet, quòd ipsa verbi productio sit generatio, ut in verbo divino, ut dicitur 1. parte quest. 27. art. 2.

Dico ultimò: *Intelligere formalissimè consistit in operatione habente se per modum actus ultimi ipsius intelligentis in ordine ad obiectum, ideoque formalitas illius ut distinguitur à dicere magis consistit in actualione, quam in origine.* Ita sumitur ex D. Thom. 1. part. quest. 34. art. 1. ad 3. ubi inquit: *Quòd intelligere solum dicit habitudinem intelligentis ad rem intellectam, ubi nulla ratio originis importatur; licet enim intelligere origenetur ab intellectu, & emanet vitaliter ab eo, quia operatio vitalis est, tamen non reddit intelligentem ex eo solum, quia procedit, sed quia obiectum attingit, & in illa attingentia obiecti non explicatur formaliter ordo originis, sed supponitur.*

Et ratio est, quia illud est formaliter intelligere, ex quo formaliter & immediate

sequitur intelligi in obiecto, & attingentia illius in subiecto, ita quod constituitur intellectus attingens obiectum; tunc enim principaliter denominatur intelligens, quādo constituitur apprehendens obiectum, ergo licet ad hoc, ut vitali modo fiat ista apprehensio, requiratur egressio ab ipso intelligente, tamen hoc est commune omnibus actibus vitalibus; ut autem specialiter constituitur in ratione intelligentis oportet, quòd id habeat secundum attingentiam obiecti, in qua completur ratio apprehensionis, licet ut vitalis sit rationem processione supponat & requirat in nobis in quibus vitalis actus est operatio superaddita potentie, & ab illa vitaliter emanans, in Deo autem intelligere non est superadditū intellectui, nec procedit ab illo, alias distingueretur ab illo realiter. Quare principalis ratio intellectione, ut intellectio est, non est ipsa egressio seu origo ab operante, sed actualio ipsa qua in genere intelligibili constituit intellectum in actu secundo coniunctum ipsi obiecto, seu tendens ad illud intentionaliter & intelligibiliter. Cuius signum est, quia intelligere non ordinatur solum ad terminum aliquem eredientem & procedentem, quale est verbum, sed etiam ipso productio adhuc intellectio actualiat & informat intellectum, & ita perficit illum tanquam ultima actualitas, non tanquam via ad terminum.

Et ex his colligitur; quomodo dicatur intelligere se habere ad formam intelligibilem, sicut esse ad formam naturalem, ut docet D. Thom. 1. p. quest. 14. artic. 4. & quest. 34. art. 2. ad 2. ubi inquit: Quòd intelligere se habet ad intellectum in actu, sicut esse ad ens actu, non enim intelligere significat actionem ab intellectu exeuntem, sed in intellectu manentem. Quam rationem etiam attingit quest. 51. art. 2. Hoc autem non intelligitur de ipsa intellectione, ut est dicitio seu expressio, sic enim non se habet ut esse actualians, sed tanquam actio & productio effectiva; sed intelligitur de ipsa intellectione, ut

præcisè est vltima actualitas intellectus in ordine ad obiectum, sic enim actualat, & informat intellectum & formam intelligibile in esse intelligibile, illumq; constituit in actu vltimo & perfecto, & ita maximè conuenit ipsi contemplationi. Non repugnat autem, quòd actio quando est immanens deesse ipsi agenti, licet non quando est transiens, vt docet D. Thom. *quæst. illi 94. cit.* non quidè esse physicum & naturale, hoc enim supponitur, vt operatio intelligendi exeat ab intelligente, sed esse intelligibile, quòd accidentale est in creaturis, in quibus intellectio est operatio emanans; in Deo autem est ipsum esse substantiale, sed ibi non emanat intellectio, vt operatio.

SOLVUNTUR ARGV- MENTA.

Primò arguitur, ad probandum quòd intellectio, vt distinguitur à Verbo, non potest esse qualitas, sed de prædicamento actionis, nam expressè negat Philosophus actus immanentes esse qualitates, vt patet 10. *Ethic. cap. 3. Nec enim inquit virtutis operationes qualitates sunt.* Constat autem operationes virtutis, actus immanentes esse, & 9. *Metaph. cap. diuidit veram & propriam actionem in immanentem & transiuntem:* ergo vtraque debet esse propria actio, quia vtraque est membrum illius diuisionis. *Confirmatur*, quia non potest intelligi, quòd intellectio sit vera & proprie qualitas, nisi sit effectus propriè per actionem productus, quæ enim est ratio vt ad talem qualitatem non detur actio, sed sine actione dimanet præsertim, cum in nostra sententia dimanatio passionum à natura fiat, per actionem non ipsius nature, sed generantis, in præsentem autem non est actio generantis, quæ illi qualitas attingatur, ergo non est emanatio per modum propriæ passionis, erit ergo emanatio per modum veræ actionis.

Respondetur, Aristotelem in primo loco loqui de qualitatibus permanentibus, qua-

les sunt habitus, non de qualitatibus transientibus, quales sunt actus, & ita intellectio, cum sit actus, non pertinebit ad habitum, sed ad dispositionem. Et hoc sumitur ex ipso textu Philosophi, quæ in illo soluebat quoddam argumentum Platoniorum contra Eudoxum, quo probant, delectationes non esse de genere bonorum, quia boni dicimur per qualitates, delectatio autem non est qualitas, sed motus, ergo non est de genere bonorum, sed imperfectorum, quæ argumentatio non valet, nisi ly *qualitas* sumatur pro qualitate permanente, quæ modo permanenti dicimur boni. *Respondet autem Philosophus*, quod etiam operationes virtutis sunt qualitates, scilicet non permanentes, & tamen bonæ sunt, non ergo ratio boni restringitur ad solas qualitates permanentes, sed etiam ad operationes, quæ sunt actus seu qualitates transientes.

Ad secundum locum ex 9. Metaphysicæ. dicimus, potius stare pro nobis, nam ibi in text. 15. diuidit Philosophus actiones ex parte potentialium dicendo: *Quod quarundam potentialium actuum finis, si scilicet visus potentie, & non aliquid operationum per actionem, sicut vltimus finis potentie est visio, & præter eam non fit, & contra visum aliquid opus operationum, in quibusdam vero potentie actibus, fit aliquid opus præter actionem.* vt ab arte ad fabricam fit domus præter ipsam edificatorem. Et subdit: *quòd intellectio immanens non est sic aliquid operationum, sed ipsa operans.* Et ita est in ipso si ut perfectio eius. Vnde potius colligitur, quòd operatio immanens vt visio & intellectio non sunt actiones de prædicamento actionis, sed de genere qualitatis eò quòd non se habent, vt pura, & nuda casualitas tendens ad effectum, sed vt perfectio vltima ipsius operantis, si quidem etiam productio effectus. Quæ remanet actuans vitaliter ipsam operantem, quòd non haberet si esset actio de prædicamento actionis, desini enim productio effectus.

Ad Confirmationem respondetur, quod qualitas quæ est operatio & actus secundus, non procedit per aliam actionem, bene tamen qualitas quæ non est operatio, nam hoc ipso quod est actus secundus immanens, eminenter habet vim actionis transcurrentis. Et non indiget alia actione media procedere, quia ipsa actus seu operatio est, & ad qualitatem quæ actus non est, datur actio. Nec dicitur emanare tanquam propria pars, sed nodum, quo actiones emanant, quæ non procedunt media alia actione, alias esset processus in infinitum, quia illa alia actio exigeret aliam actionem quæ precederet. Quare non solum passionibus sunt quæ emanant, sed etiam actiones & relationes, siue actio sit de prædicamento actionis, siue sint actus, & operatio de prædicamento qualitatis. Hec enim non sint actiones cum imperfectione quæ est motus, sunt tamen actiones perfectæ. Itaque non debent carere illa perfectione actus secundi, quæ seipsam mutat ab agente hoc enim non fundatur in imperfectione motus, sed in ipsa ratione actus secundi.

Secundò arguitur, quia vel intellectio est vera & propria causalitas ipsius verbi vel non; si hoc secundum, ergo verbum producit alia actione, quàm cognitione, siquidem alia actione debet produci, unde dicitur. Linguetur ab intellectu; nec intellectio erit eminenter actio, sed tantum qualitas absoluta, & consequenter produceretur per aliam actionem. Si dicatur primum, non est cur intellectio excludatur ab actione prædicamentali, aut cur dicatur qualitas, quia non possunt in unum conuenire qualitas, quæ dicit entitatem in facto esse, & actio seu causalitas quæ dicit rem in fieri & tendentia, fieri enim est aliquid imperfectum, qualitas autem in facto esse dicit perfectum in existentiam. *Nec potest dici*, quod actio quæ non est qualitas non solum importat causalitatem & fieri, sed etiam duxem & motum. *Nec contra est*, quia illuminatio, & alie actiones instantaneæ

verè & propriè sunt actiones, & tamen sunt sine motu: ergo non requiritur motus successivus sed sufficit mutatio, hæc autem etiam invenitur in intellectu, nam intellectio illa, & conceptus informat intellectum, ei quæ inhaerent, & mutant ipsum de non intelligente in intelligentem, ergo habent rationem propriam actionis. Denique gratis dicitur, quod ad rationem actionis propriam requiratur, quod sit cum motu & fluxu, de se enim solum exigit quod sit causalitas constituens causam efficientem in actu causantem, ergo sicut causa efficiens non dicit esse mouentem, sed causantem, ita neque actio dicit essentialiter rationem motus, sed causalitatis, præsertim cum motus sit post prædicamentum, actio autem prædicamentum sit.

Respondetur, intellectiorem habere veram & propriam causalitatem, licet non cum imperfectione, sed eminenter & perfectè, neque enim ratio causalitatis restricta est ad prædicamentum actionis, nisi sit cum tali imperfectione, quod tantum ordinetur ad effectum, ut via & tendentia ad terminum, non autem prepter se operatur tanquam ultimum, quod intendit agens. Hec hoc ideo, quia prædicamentum actionis est, quod denominat agens ab effectu secuto seu passione subiecti, coniuudatur enim actio prædicamentum contra passionem, licet enim illa sex ultima prædicamenta, non sint denominationes extrinsecæ dependet tamen eorum denominatio ab aliquo extrinsecæ, ut docet S. Thomas, *opusc. 48. tractatu de sex ultimis prædicamentis* & nos diximus in *Logica, quest. 19.* Quare ut aliqua actio sit de hoc prædicamento oportet, quod respectu subiecti sit mutatio seu motus, & respectu effectus sit pura & mera causalitas ordinata ad ipsum. Quod si ratione sui, operatio aliqua seu actus secundus queritur, nec propter effectum producendum tantum, sed etiam productio effectui manet & perficit ipsum operantem, & non solum operatum, talis actus secundus.

adus excedit prædicamentum actionis, quæ non quaritur propter se, sed propter effectum, & ut via ad illum, sed est de prædicamento qualicatis, quia subiectum actuat & qualificat. *Et quando dicitur*, quod non possunt conuenire in vnâ causalitas & qualitas. *Respondetur*, id verum esse de causalitate imperfecta, & tantum ordinata ad effectum, quæ cessat effectu producto, utpotè via ad illum, non de causalitate perfecta & eminenti, quæ potius ordinat effectum ad se, & ordinatur ad perfectionem ultimam operantis. Et ita manet, etiam effectu producto, sicut producto verbo adhuc manet intellectio, licet in quantum gerit officium causalitatis respectu conceptus producti, inferior ipso videatur, sed tamen simpliciter est perfectior, quia non sinit in hoc, sed etiam manet, & perficit operantem post effectum productum, neque est solum via ad perficiendum operatum.

Ad id quod dicitur, etiam in intellectione inueniri mutationem. *Respondetur*, quod inuenitur mutatio quasi metaphysica, id est reductio actus primi ad secundum, non autem physica, quæ consistit in corruptione vnus, & positione alterius formæ in subiecto, eo quod est actus secundus non de se ordinatus ad effectum, sed propter se & ratione sui perficit operantem, & non solum operatum, talis autem mutatio non pertinet ad prædicamentum actionis, sed excedit illud. Et ita licet conceptus seu verbum producat, ut inhaerens & educum de ipso subiecto, non tamen requiritur, quod id fiat per educationem seu actionem formalem, sed per eminentem, quæ est ipsa qualitas intellectionis, ut actus secundus & operatio virtualiter productiua, & consequenter educiua. ipsa autem intellectio non educitur per aliam actionem, sed seipsa emanat, sicut alie actiones & relationes. Quare non gratis dicitur requiri ad prædicamentum actionis, quod sit causalitas cum moru, eo quod est causalitas imperfecto modo, & ordinata præcisè ad perfectionem

ipsius operati, & ad eius esse, non ad perfectionem operantis, ideoque mutationem rei operatæ importat, & corruptionem oppositi etiam in instantaneis.

Quod si quis inquirat, quomodo potest intellectio esse virtualiter actio, nisi conueniant ei conditiones actionis, quarum vna est, ut identificetur cum re producta tanquam fieri, & causalitas cum termino, intellectio autem si est qualitas non potest identificari cum verbo, quod est qualitas distincta, & sic non identificata, nisi dicatur quod est virtualiter actio, quia habet virtutem emittendi verbum, & actionem productiuam eius, sed tunc intellectio se habebit ut actus primus, non ut actus secundus, quia sic esset virtus emittens actionem. *Respondetur*, quod actiones immanentes non habent omnes conditiones transeuntis. sic enim non eminenter, sed formaliter essent sicut ipsæ. Illa autem conditio actionis, quod identificatur cum termino solum conuenit actioni, quæ præcisè est via & causalitas effectus, & ordinata ad ipsum, non vero eius actionis, quæ per se est vltimum ad quod ordinatur operans, & ad perficiendum ipsum, non vero solum ad perfectionem operati ordinatur: hæc enim non identificatur cum effectu, sed etiam producto effectu perficit operantem. Quare actus immanens solus est virtualiter actio, quia per actum quantum ad emissionem & originationem effectus, non quantum ad identificationem & subordinationem ad effectum. Nec tamen dicitur se habere ut virtus in actu primo, quia formaliter est actus secundus, perficiens operantem, & originans effectum operatum, non tamen sistens in ipso, & subordinatus illi, sed potius effectum ordinans ad se, ut perficiat operantem in illo: in quo valde assimilatur actioni diuinæ quæ ut actio est tenet se ex parte Dei, & solus infert mutationem in effectu, operatur quippe Deus per actionem immanentem, & in hoc imitatur cum actio immanens creata, quod emittit ex se effectum, & est actus secundus

origi-

originans ipsum nō autem identificatur ei, sed sola mutatio ipsius, quæ est fieri passivum eius, non autem facere actuum, quod ex parte actionis immanētis se tenet. Cum autem Philosophi dicunt, actionem & passionem non distingui nisi modaliter, loquuntur de actione, quæ identificatur cum motu, hæc enim non distinguitur realiter à passione & termino, sed modaliter.

Ultimo arguitur, quia dictio est actio distincta ab intelligere, ergo &c. *Anteced. probatur* 1. quia intelligere est qualitas distincta a verbo in nostra sententia, ergo distincta actione procedit quam ipsum verbum, verbum autem procedit per dictionem, ergo distinguitur dictio ab intelligere secundo. Quia dictio supponit intellectionem, quia ex hoc quod intelligit procedit verbum, ut dicit S. Thom. 1. p. q. 29. *artic. 1.* & ex alia parte intelligere ut contemplari, supponit dictionem, quia in verbo dicto fit contemplatio. Similiter dicere importat ordinem originis, intelligere habitudinem informationis, qua intellectus actuatur ab obiecto, ut docet S. Thom. 1. p. *quæst. 3. art. 1. ad 1.* ergo distinguuntur ut actio, & non actio. Tertio. Quia separari potest intelligere à dicere, quia ut dicemus *seq. ar.* datur aliquādo intellectio sine hoc quod producat verbum, ergo non sunt eadem actio intelligere & dicere. *Confir.* quia ipsa intellectio habet quiddam requiritur ad rationem verbi, ergo ipsa non est dictio, sed dictio est id quo producitur intellectio in facto esse. *Antec. constat*, quia verbum est notitia, ut illud vocat S. Thom. 4. *de verit. art. 2. ad 2.* intellectio autem notitia est. Intellectio etiam manifestat, quia actū per illam attingit obiectum intellectus; est etiam qualitas & non dicit rationem originis, sed informationis, ergo habet quiddam requiritur ut sit expressa representatio & qualitas manifestans non per modum tendentiæ & viæ, sed per modum qualitatis informantis & termini.

Respond. negando antec. Ad 1. probat. Re-
Pars III. Physic.

spond. in primis illam conseq. quæ est pat. Suarez. 1. *de Trinitate cap. 6. num. 3.* esse infirmam, quia esto intellectio & verbum sint distinctæ qualitates, non sequitur debere produci diuersa actione, eadem enim actio potest habere plures terminos in adæquatos, & inter se ordinatos. *Secundò addimus*, intellectionem esse qualitatem per modum actus secundi, & operationis, & ita esse virtualiter, seu eminenter productiuam unde & quia operatio est, exit emanando à suo principio, non per aliam actionem, & quia virtualiter productiuæ est non per aliam actionem, sed per se producit verbū, quia per se est expressiua. *Ad probat. o. n. dicitur*, quod dictio supponit intellectionem, & intellectio dictionem secundum diuersas considerationes, non tanquam duo omnino diuersa, sed ut formalitates, seu modi eiusdem operationis, supponit enim dictio intellectionem sicut formalitas, seu modus rem ipsam cuius modus est, sicut sensitiuum supponit vegetatiuum non sicut entitatem, & formam diuersam, sed ut gradum eiusdem. Et ita cum dicit D. Th. quod quia intelligit, concipit seu dicit, non est sēsus, quod vna actio est causa alterius, sed quod in eodem actu vna perfectio, seu formalitas est ratio alterius; ex eo enim aliquid est dicens seu loquens, quia est intelligens, non entitate diuersa, sed eadem includente vtramque perfectionem. Et contemp' actio supponit verbum productum in quo contempletur, & productionem eius, non tanquam actionem distinctam, sed tanquā vnā & eandem secundum diuersos status, seu respectus; nam cognitio est formatiua sui obiecti faciendo verbum, quod cognoscendo & exprimendo format, & sic ut respicit obiectum cognitum est cognitio. ut expressum & formatum in ratione representationis est expressio, & productio, rursusque cognitio perficitur in ratione contemplationis in ipso verbo expresso, & producto, in quo obiectum attingitur. Quod verò intelligere secundum se non importet

Oo habi-

habitudinem originis sed informationis, non infert distinctam actionem entitativè, sed formaliter, id est quoad habitudinè, seu formalitatem exprimendi, idem enim actus, seu operatio est actus secundus potentie, virtualiter tamen est actio productiva, seu expressiva conceptus non per novam entitatem actionis, sed per diversam eiusdem cognitionis habitudinem. *Ad 3. probationem dicemus sequen. artic.* non enim dicere separatur unquam ab intelligere sed è contra quod est signum distinctionis modalis.

Ad confirm. Respond. verbum manifestare representando, intellectionem autem manifestare operando, & cognoscendo, & verbum dicitur notitia terminativè, seu per modum termini, in quo fit notitia, non formaliter & per modum operationis, ut etiam advertit S. Thom. 1. p. q. 34. art. 1. ad 2. differt autem esse manifestativum, & expressivum per modum representationis, vel per modum operationis & actus, quod primum dicit rationem imaginis & similitudinis tanquam res expressa, & dicta; secundum autem dicit rationem actus ultimi & tendentiæ ad obiectum, ut cognitum non faciendo illud præsens per modum similitudinis, sed præsens factum vitali actu attingendo, & operatione ipsa seu actu ultimo representatum obiectum cognoscendo.

ARTICULVS II.

Vtrum ad omnem intellectionem sit necessaria productio verbi?

Supponendum est, quod ut sup. *quest. 8. artic. 3.* attigimus, necessitas ponendi verbum in nostra intellectione ex duplici principio fundari potest. *Primo* propter ipsam obiectum, secundò propter ipsam potentie operationem. Propter ipsam actionem fundant hanc necessitatem plures auctores, qui existimant verbum, ideo solum requiri ut operatio ipsa terminum habeat, eo quod illam operationem existimant esse formaliter de prædicamento actionis,

actio autem sine termino dari non potest, unde respondent difficultati, non posse dari intellectionem actionem sine verbo, & in Deo etiam intelligere habet verbum, licet non sub omni consideratione, sed ut est intelligere secundum in Patre. Sic sentiunt P. Suarez *disput. 8. metaph. sect. 2. à num. 7 & lib. 2. de attributis negativis. capit. 12. & 13.* Videri etiam potest *lib. 3. de anima. cap. 6.* Conimbricenses 3. *de anima. capit. 8. questione 3. artic. 2.* Molina 1. p. *quest. 27. artic. 1.* Vazquez Rubio, Montesinos, & alij quos cit. Carmelitani *hic disput. 12. quest. 5.*

E contra verò apud D. Thom. & eius scholam verbum requiritur in intellectu, non ex parte potentie, aut operationis eius ut productivæ, sed ex parte ipsius obiecti, vel ut reddatur præsens si sit absens, vel ut reddatur sufficienter immateriale, & spirituale in ratione termini intellecti & cogniti intra intellectum, nec solum sit intelligibile in actu primo per modum speciei impressæ; vel denique ut reddatur obiectum manifestatum in aliqua representatione tanquam res dicta & locuta. Et ad duo prima requiritur verbum ex indigentia ipsius intelligentis, & obiecti intellecti, ad tertium autem requiritur verbum propter abundantiam intelligendi, quatenus ex abundantia cordis os loquitur, & propter ea dixit Augustinus, quod verbum in Deo non procedit ex indigentia, sed ex intelligentia, quia non procedit ut reddat essentiam divinam intellectam in actu, aut Patrem intelligentem, quia essentia se ipsa est in actu puro intelligibilis, & intellecta, sed ut manifestetur, & representetur in imagine, id quod est in intelligentia.

Hæc sententia sumitur ex Div. Thom. qui necessitatem ponendi verbum in nobis desumit ex prima & secunda causa, in 1. contra Gent. cap. 53. ubi inquit Quod intellectus per speciem rei formatus intelligens loquitur in se ipso quandam intentionem rei intellectæ, quæ est ratio ipsius quam significat definitio. Et hæc quidem necessarium est, eo quod intellectus intel-

intelligit indifferenter rem absentem, & presentem, in quo cum intellectu imaginatio conuenit, sed intellectus hoc amplius habet, quod etiam intelligit rem vt separatam à conditionibus materialibus sine quibus in rerum natura non existit, & hoc non posset esse nisi intellectus intentionem si i prædictam formaret. Idem docet 4. contra Gent. cap. 12. & opusc. 13. & 14. Et quod requiratur etiam propter manifestationem specialiter videri potest in q. 4. de verit. art. 2. præsertim ad primum & alij locis, vbi docet, quod Pater dicēdo verbum manifestat, & exprimit totam Trinitatem, & omnem creaturam, vt etiam docet 1. part. questionē 34.

Ratio & fundamentum huius conclusionis facile constare potest; quia in precedenti articulo ostendimus intellectiōem ex se non esse actionem productiuam, nec respicere terminum vt productum, sed vt cognitum, vnde propter assignandum terminum à tali actione productum præcise non est ponendum verbum, sed vltius oportet assignare necessitatem producēdi tale verbum, & hanc non possumus desumere nisi ex obiecto, quod in esse obiecti formari debet intra intellectum, & intra ipsum poni vt intelligatur, eo quod intellectus est potentia perfecte trahens res ad se, & vnens illas sibi non solum vnione quadam tendente ad rem vt est extra, sed intelligente illam secundum omnes respectus, & modos quibus potest res ipsa præscindi, componi, comparari, diuidi, &c. Hæc autem omnia requirunt obiectum cognosci, & attingi prout est intra intellectum, quia extra illum non est res ipsa abstracta comparata, diuisa, &c. Sed hoc sortitur beneficio intellectus, ergo potentia, quæ de se cognoscitiua est obiecti secundum omnes istos modos quos sortitur intra se, & non extra necesse est terminari ad obiectum vt intra se formatum, & non vt præcise manet extra se. Nec sufficit ad hoc obiectum esse intra potentiam per speciem impressam, tum quia species impressa tenet se ex

parte principij eliciendi intellectiōem; actus autem intelligendi non terminatur ad ipsam speciem impressam, quia sic semper deberet esse reflexa, vt potè conuertens se ad suum principium a quo elicitur: tum etiam quia ex eadem specie impressa possunt formari plures conceptus, seu species expressæ, quia potest intelligi res secundum diuersos respectus inclusos virtualiter in eadem specie, vel secundum comparisonem vnus speciei ad aliam, ergo non sufficit species impressa, vt ad illam terminetur intellectiō, sed requiritur determinata, & expressa species in qua determinate; ponatur intellectui ex parte termini id quod inuolutum est in specie impressa ex parte principij.

Ad hæc si obiectum est absens ita vt in se ipso terminare nō possit cognitionē, necessario requiritur, quod hæc terminatio suppleatur in aliqua representatiōe, nec sufficit ipse actus intelligendi, quia iste est ipsa cognitio, nō res ipsa cognita, multo minus species impressa quia ab ipsa vt à principio elicitur cognitio, ergo in illa nō habet rationē termini nisi per reflexionē, reflexio autē supponit actū directū, & de illo inquiremus quem terminum habeat. Quod si obiectum sit præsens sed nō sit spirituale, & proportionatum ipsi intellectui, manifestum est quod ad ipsum prout sic non potest terminari intellectiō nisi reddatur proportionatum, & spiritualizatum etiam prout terminat cognitionem, obiectum autem non redditur spirituale, & immateriale nisi intra intellectum, quia denudatio à materialibus cōditionibus nō conuenit rei materiali ad extra, sed prout intra intellectum. Quod si obiectum ipsum in se spirituale sit, vel est extra ipsum intellectum sicut vnus Angelus respectu alterius Angeli, & tunc non potest Angelus ille distinctus deferuire alteri per modum speciei etiam impressæ, quia non potest intra ipsum intellectum per suam substantiam poni cum non habeat aliquam vnionem ad ipsum, neque

per modum formæ cum sit substantia, & intellectus accidens, neque per modum materię cum non sit eius subiectum, neque per modum efficientis cum non causet intellectum nisi solus Deus. Si verò substantia Angeli sit intima intellectui, ut est respectu sui proprii intellectus cuius est subiectum, & cui seruit per modum speciei impressę, adhuc non sufficit pro specie expressa terminante intellectum, quia ut probat D. Thom. 4. *contra Gent. cap. 11.* cum intelligere Angeli non sit eius substantia, seu eius esse, etiam verbum, seu conceptus, Angelini non est eius substantia, sed accidens. Cuius probationis efficacia consistit in hoc quod verbum repręsentat obiectum, ut intellectum, & cognitum, & non solum ut intelligibile, ergo si intelligere & intelligi est accidens, etiam verbum ut intellectum oportet quod sit accidens, & non substantia, tum etiam quia vnam & eandem rem contingit multipliciter intelligi, & non vno tantum modo, & ideo intelligere quod per modum operationis nascitur ex intelligente, non potest esse eius substantia, seu eius esse, quia hæc debet esse fixa & determinata, operatio verò est multiplex & varia, manente eadem substantia, ergo etiam terminus illius debet esse varius & multiplex, siquidem potest diuerso modo intelligi idem obiectum, per terminum autem qui est verbum, constituitur obiectum in ratione intellecti, ergo per aliquid accidentale, & non per suam substantiam debet terminare ipsam operationem; & hoc intra intellectum, quia formatio, & expressio obiecti fit per cognitionem, & locationem seu manifestationem internam, & sic oportet, quod talis terminus formatus, extra ipsam cognitionem non sit, & consequenter neque extra potentiam.

Quod si inquiratur, quomodo ipsum verbum possit deferuire ad cognoscendum obiectum nisi prius cognoscatur tanquam imago repręsentans, cum tamen nullus experiatur se prius videre hanc imaginem ut

in ea videat obiectum? Quomodo etiam potest per cognitionem formari, si ipsa cognitio non respicit obiectum nisi in ipso verbo repręsentatum?

Respon. quod imago est duplex; alia exterior, & instrumentalis, quę ut cognita ducit in cognitionem obiecti, & talis imago prius debet attingi, & cognosci quam obiectum ipsum; alia est interior & formalis quę non est obiectum cognitum, sed ipsa est ratio, & forma terminans cognitionem, & hæc non debet esse cognita obiectiue, sed solum cognitionem reddere terminatam formaliter respectu obiecti, debet autem formari per cognitionem ipsum verbum, quia ut dictum est verbum repręsentat rem ut cognitam & intellectam, & sic intellectione ipsa debet formari. Et vocatur aliquando verbum à D. Thom. instrumentum, quo intellectus vitur ad cognoscendum, ut *quodlib. 1. art. 9.* sed tamen non sumit instrumentum pro signo instrumentali, quod obiectiue mouet potentiam, sed pro medio intelligendi formali & intrinseco ipsi cognoscenti. Nec repugnat, quod eadem cognitio simul cognoscat & former, ut dicit D. Thomas *opusc. 14.* sicut si visio emitteret ex se lucem vel colorem, simul videret & produceret obiectum suum, alias si prius formaretur verbum, oporteret prius dicere, quam cognoscere, & illa dictio seu locutio cæco modo fieret dicendo quod non cognoscit. Est ergo ipsa cognitio considerata in fieri, & in statu imperfecto formatiua verbi, ipso autem formato redditur perfecta & completa cognitio tanquam contemplatio, licet etiam postea iterum possit dicere ad manifestandum obiectum ex abundantia intelligentię, ut iam supra explicauimus.

His suppositis, circa principalem difficultatem articuli, illi qui existimant verbum poni in intellectu ex eo præcise, ut sit terminus productionis, consequenter in omni intellectione, nulla excepta, ponunt produci verbum. Ita P. Suar. *lib. 2. de attributis negativis*

finis capit. 11. & alij supra citati. Qui verò tenent intellectiōem de se non esse actionem productiuam, sed requiri verbum, vt obiectum reddatur proportionatum, & terminans cognitionem per modum rei intellectæ, affirmant in omni intellectiōe requiri verbum in qua obiectum ipsum per suam entitatem non est intelligibile, & intellectum in actu, & hoc respectu omnis obiecti creati inuenitur, respectu autem Dei clarè visi, probabilius est non formari verbum creatum quod immediatè repræsentet illum in esse intellecti.

Itaque hac sententia duas habet partes Primam, quod in omni intellectiōe circa obiectum creatum, vel Deum non clarè visum, formatur verbum. *Quæ sine dubio est sententia D. Thom. vt videri potest. 1. part. quest. 27. artic. 1. & quest. 9. de potentia art. 5. & quest. 4. de veritate artic. 2. & 4. contra Gent. capit. 11. & multo alijs locis;* in quibus expresse ponit verbum esse distinctum à specie impressa, & ab actu intelligendi, præfertim illa quest. 9. 1. potentia art. 5. & quest. 8. art. 1. & alijs locis præcedenti artic. citatis. *Ratio verò constat ex dictis,* quibus probauimus necessitatem ponendi verbum.

Secunda verò pars sententiæ propositæ quod respectu Dei clarè visi non detur hoc verbum creatum, *sumitur ex dictis, & ex ratione Dni Thom. qua 1. p. quest. 2. art. 1. excludit omnem similitudinem repræsentatiuam Dei in se in quo genere intrat verbum, concedit autem S. Doctor similitudinem ex parte potentiz, seu virtutis, id est lumen attingens Deum in se, sicut etiam visio attingit Deum in se, negat autem similitudinem per modum imaginis, & repræsentationis, quia similitudo virtutis, seu luminis & ipsius visionis consistit solum in proportionē actiuitatis, & operationis erga obiectum, quæ est proportio per modum tendentiæ & respectus; non repugnat autem rem inferiorem tendere, & respicere superiorem, & creaturam ad Deum in se. Repræsentatio verò est per modum similitu-*

dinis, quæ vel conuenit per adæquationem vnum cum altero, vel continet illud vt semen rem genitam; nihil autem creatum adæquatur Deo, aut continet illum vt est in se. Vndè ratio Dni Thomæ explicatur, quia repræsentatio ipsa, in qua formalissime consistit ratio speciei, licet entitatiue sit accidens, intelligibiliter tamen debet esse eiusdem immaterialitatis cum obiecto, quod immediatè & primo repræsentat, siquidem ipsa repræsentatio speciei realiter inuenitur in ea, & non est aliud quam ipsa res repræsentata immaterialiter, & intelligibiliter sumpta. S. c. ergo illa realitas, quæ est repræsentatio speciei in ratione repræsentationis formaliter, & in esse intelligibilis, quæ comparatur ad obiectum, vel est creata, vel increata; si increata, est actus purus in esse intelligibili, & consequenter non potest inueniri in entitate creata. Si creata, in infinitum distat ab obiecto increato, multo magis, quam repræsentatio corporea ab obiecto spirituali in se, implicat autem, quod repræsentatio corporea propriè & immediatè repræsentet rem spiritualement, vt est in se. Nec obstat quod etiam implicat visionem corpoream attingere rem spiritualement, cum tamen non implicet visionem creatam attingere Deum. Respondet enim visionem implicare ex alio principio, quia scilicet res spiritualis est omnino extra obiectum adæquatum sensus, quod non currit in intellectu creato respectu Dei. Repræsentatio autem speciei vtrobique repugnat ex eodem principio, scilicet ex defectu similitudinis, & immaterialitatis cum obiecto.

Nec dici potest; quod repræsentatio speciei entitatiue est creata, sed terminatiue increata, & quod finito modo repræsentat Deum. *Sed contra,* quia repræsentatio speciei, licet quoad entitatem sit inferior obiecto, quoad immaterialitatem tamen est impossibile, siquidem in ipsamet specie repræsentatio formaliter sumpta continet intelligibiliter, & intentionaliter ipsum

SOLVUNTUR ARGV-
MENTA.

Primo arg. ex Patre Suarez. 3. de anim. cap. 5. ad probandum, quod verbum non ponatur propter indigentiam obiecti, sed vt sit terminus actionis productiue, nam in primis D. Thomas vbiunque loquitur de verbo non adstruit illud ex indigentia obiecti, sed propter vim intellectiōnis, vt patet 1. part. quest. 27. artic. vbi ait: *Quicumque intelligit ex hoc ipso quod intelligit procedit aliquid intra ipsum, quod est conceptio intellectus ex vi intellectiōis proueniens.* Et quest. 9. de potentia art. 5. ait: *Quod verbum est de ratione ipsius intelligere.* Et quest. 4. de veritate art. 2. & super Ioannem cap. 1. lect. 1. & 4. contra Gent. cap. 11. ait, Angelum formare verbum, & tamen habet substantiam suam sibi præsentem intuitiue, ergo verbum non ponitur propter indigentiam obiecti, scilicet vt reddatur præsens intellectui. *Ratione etiam arguitur*, quia si ex indigentia obiecti producit verbum, maximè quia obiectum est absens & per ipsum verbum redditur præsens, sed si hæc ratio valeret, nunquam produceretur verbum nisi in cognitione abstractiua, & ita Angelus se cognoscens, verbum non produceret. Si verò dicatur præter hanc præsentiam Angeli requiri aliam magis intimam, & veluti penetrationem potentiæ cū obiecto. *Contra est*, tum quia intellectus speciebus impressis informatus, sufficienter habet obiectum intime sibi vnitum, nec est cur magis penetratum, & vnitum requirat; tum denique quia non repugnat quod species impressa simul se teneat ex parte principij cognoscendi & sit terminus in quo reluceat obiectum quæ enim in hoc est repugnantia?

Resp. de mente D. Th. satis constare locis supra a nobis allegatis, præsertim primo contra Gent. c. 53. & in illis locis quæ allegat P. Suarez, vt q. 9. de potentia art. 5. & q. 8. art. 1. aperte distinguit speciem intelligibilem

impressam & actum intelligendi, & verbum intellectum. Si enim ista intelligere ponit esse actum in materia, quæ non est de predicamento actionis, nec per se respicit terminum productum, sed cognitum, vt art. sub præcedenti ex ipso D. Th. ostendimus, ergo non propter indigentiam actionis vt habeat terminum requiritur verbum, sed propter indigentiam obiecti vt reddatur sufficienter præsens & vnitum, nō solum entitatiue sicut est substantia Angeli suo intellectui, sed etiam intelligibiliter per modum intellecti in actu quod accidentale est etiam ipsi Angelo.

Ad rationem Respond. ad primam probationem dicitur, non solum requiri verbum propter absentiā physicā obiecti, hæc enim non semper inuenitur, sed etiam vt obiectum in ratione termini cognitionis reddatur immateriale & intentionale in actu ultimo, vt D. Thom. affirmat 1. contra Gent. citato cap. 53. & ad hoc non sufficit præsentia quam habet obiectum in specie impressa, hæc enim præsentia tenet se ex parte principij ad producendam intellectiōnem, non autem per modum termini, quia ad hoc oporteret, quod intellectus reflecteretur super ipsam speciem & ita non seruit ad intellectiōnem directam: tum quia species impressa continet obiectum per modum intelligibilis, non per modum intellecti, & expressi in actu secūdo, quod enim aliquid sit intellectum & expressum, necessario dependet ab intelligere & exprimere, species autem intelligibilis præcedit ipsum intelligere, & exprimere, ergo non potest in ipsa representari obiectum vt expressum & intellectum in actu, vbiunque operatio intelligendi & exprimendi est aliquid accidentaliter superueniens ipsi speciei & intellectui, & ita species impressa existit in intellectu etiam ipso non intelligente per illam, species autem expressa cessante intellectiōne cessat, quia representat rem vt intellectam in actu: tum denique quia species impressa representat etiam

intelligere, & intelligi per se ipsam, sed indiget operatione accidentali, & de se est in potentia, vt sit intellecta in actu, qualis est essentia Angeli, non vero loquitur de essentia quæ est actus purus, & cuius immaterialitas non compatitur representari representatione, & immaterialitate creata, quæ longè illi improporionata est. Et hoc sumitur ex ratione ipsa, quam reddit Sanctus Thomas, ibi, quia *ipsa conceptio*, inquit *est effectus actus intelligendi*, quia scilicet, vbi essentia aliqua non est suum intelligere, nec sua conceptio, sed conceptio est effectus actus intelligendi, ibi necessario requiritur, quod procedat & producat verbum, quia hoc ipso quod conceptio est effectus, ipsa essentia seu obiectum, per quod fit cognitio, non est per se in ultimo actu intelligibilitatis, sed per aliquid superadditum, quod est effectus actus intelligendi, & sic vbi cumque verbum est effectus, intellectio producere debet illud. In visione autem beata, diuina essentia, quæ est species intelligibilis, se ipsa est in actu ultimo intelligibilitatis, cum sit actus purus, & consequenter non per aliquem effectum redditur intellecta representatione, sed solum illa immaterialitas, quæ est actus purus, redditur attractu per actum visionis beatæ, & ei vnita in ratione termini.

Ad rationem iam respondimus precedenti articulo, intellectionem esse actionem metaphysicam, id est actum secundum operantis non physicam formaliter id est causalitatem ipsam operati, & sic non petit essentialiter terminum productum sed cognitum, licet virtualiter possit esse actio vt dictio expressiua est, ipsa autem intellectio, licet sit qualitas, emanatiue tamen procedit, & non per aliam actionem, quia actus secundus est, veraque operatio, vnde non indiget alio actu secundo constitui agens, vt producat illam. Nec tamen superfluit verbum, quia est simili-

tudo per modum termini representans seu reddens præsens obiectum. In visione autem beata, nec per modum locutionis, & expressionis potest verbum produci, quia verbum sic procedit in ratione dicti, & expressi, quod representat obiectum secundum propriam, & immediatam immaterialitatem eius, representat enim obiectum, vt intellectum in actu, & consequenter sub actualitate vltima intelligibilitatis, & immaterialitatis diuinæ quod repugnat in representatione seu immaterialitate creata. Nec sufficit representare illam, vt intellectam à visione creata, quia visio ipsa non est obiectum seu res intellecta, sed essentia ipsa, ac proinde, licet connotetur quod sit cognita à me, immaterialitas tamen, & intelligibilitas sub qua representatur, non est mei, qui sum cognoscens, sed obiecti cogniti, & representati.

Ex quo soluitur instantia, quæ solet hic moleste fieri, quia verbum non ponitur nisi ad hoc vt reddatur obiectum intellectum à me, non ab alio. Deus autem ex se non est intellectus in actu à me, sed à se, ergo vt representetur essentia diuina non absolute vt in actu secundo intellecta in se, sed vt limitate intellecta à me, requiratur verbum creatum, quia sic limitate esse intellectam à me, aliquid accidentale & temporale est. *Sed respondetur ex dictis*, quod esse intellectum in actu dupliciter dici potest, vel respectu obiecti, quia de se solum est intelligibile in actu primo, redditur autem in actu ultimo intellectum; vel respectu subiecti, quia applicatè ad istud subiectum redditur intellectum, id est apprehensum & tentum ab isto. Dicimus ergo, quod verbum ponitur, vt reddat obiectum intellectum in actu ultimo ex parte obiecti, secundum quod intellectum in actu ultimo condiuiditur contra intelligibile in actu primo, & hoc modo diuina essentia vt obiectum intelligendum, & ordinis in-

telligibilis est in actu ultimo intellecta non solum à se, sed respectu cuiuscunque modi, quo possit intelligi, quia est infinite intellecta in actu, ita quod per nullam actualitatem possit reddi magis in actu. Caterum ut reddatur obiectum illud intellectui applicate ad istud subiectum, id est tantum & apprehensum ab eo, non requiritur verbum semper res expressa, sed sufficit intellectio ipsa seu actus cognoscendi, quo redditur obiectum ipsum in se & ipsum verbum, & conceptus infinitus applicate unitus isti limitate, sicut etiam in ratione speciei impressa unitur quod supra aliquibus exemplis declarauimus.

Ter. in a. conatur, quia per illud intelligere creatum habet diuina essentia vniri in ratione speciei expressa, ergo aliquid producit de nouo per talem intellectionem, scilicet diuinam essentiam esse unitam in ratione verbi, & conceptus, quod ante non erat, hoc autem non producit in ipsa essentia, ergo in ipso intellectu. *Maiores probatur*, quia intellectio illa etiam non format verbum reddendo rem intellectam in esse obiecti, reddit tamen obiectum intellectui applicate ad istud subiectum, ergo ipsam essentiam unit in ratione verbi & speciei expressa ipsi intellectui, & sic aliquid de nouo producit, videlicet illam unionem. *Confirmatur*, quia Deus non potest supplere intellectionem se ipso quia est vitalis operatio, ergo neque rationem verbi, quia est vitalis terminus representans. *Paret consequentia*, quia non minus repugnat suppleri terminum vitalem, quam operationem vitalem, non minus enim repugnat quod sit aliud alicuius, qui ab eo non est generatus, quam quod sit generatio alicuius, quæ ab eo non processit. *Confirmatur secunda*, quia alias non esset ratio, cur etiam substantia Angeli non seruiat sibi ipsi pro specie expressa, siquidem est sufficienter immaterialis, & intima intellectui, cum deseruiat illi pro specie impressa. Nec requiritur, quod sit suum intelligere, ut deseruiat

pro verbo, nam apud nos intelligere, & verbum distinguuntur realiter, & tamen deteruit verbum ipsi intellectui, ut forma & ratio intelligendi, sufficit ergo quod ipsum intelligere terminetur intus ad essentiam unitam in ratione speciei, illamque sua luce actuet, non quod verbum producat.

Respond. quod circa unionem essentiae diuinæ in ratione speciei expressæ, quidam Thomistæ censent produci per intellectionem nostram, & hoc modo saluant quod habeat terminum intra se productum, licet non verbum, sed unionem illam. Alij, & melius non ponunt unionem aliquam informatiuam seu physicam produci per nostram intellectionem, sed intellectionem pure contemplari essentiam diuinam iam unitam in ratione speciei expressæ, sed solum ipsam intellectionem dici unionem, quatenus est intentionalis apprehensio, & tendentia ad obiectum, de quo videri potest Caietanus. *prima parte, question. 27. articulo primo, & questione, 76 articulo secundo*, Magister Banez, *iii question. 27 articulo primo, dubio primo, ad primum argumentum. Nauarrete tomo primo, controuersia. 34. §. quarto, ad sextum argumentum*. Ratio est, quia ille modus vel est distinctus ab intelligere ipso, vel non. Si non, ergo non assignatur terminus talis actionis. Si est distinctus, vel productus per intelligere quatenus dictio, vel quatenus contemplatio, & pura intellectio. Si quatenus dictio, erit verbum, quia est aliquid dictum seu locutum quod verbum est, si ut contemplatio, supponit verbum unitum, sicut nos contemplamur obiectum in verbo iam productum & unito nobis, & tamen per illam contemplationem non producimus unionem, verum iam existentem in nobis, sed in verbo unito contemplamur. Et sicut si Deus non intelledum unitet conceptum, qui productus fuit à Petro, possem clicere operationem terminatam ad illum, & vniuentem me illi, non unionem informationis conceptus, quæ iam supponitur,

nitur, sed vnione contemplationis, & apprehensionis, quæ est ipsamet cognitio, ita Deus se ipso vnit suam essentiam in ratione speciei impressæ, & expressæ, physico modo; intellectus vero elicit actum, qui est vnitius apprehensiuæ seu cognoscibiliter, id est tendendo ad obiectum, non reali informatione ipsum vniendo. *Et cum dicitur*, quod intellectus trahit rem ad se, & reddit obiectum intellectum applicate ad se. *Respondetur*, quod hæc tractio, & applicatio fit contemplando, & attingendo obiectum cognoscibiliter, non vniendo informatiue, & realiter essentiam seu terminatiue, sed circa vnitam realiter, intelligendo, & apprehendendo.

Ad primam confirmationem respondetur, quod cum Deus vnitur in ratione verbi, nõ supplet, quod hoc verbum dicatur procedens à nostro intellectu, hæc enim denominatio suppleri non potest, ita vt dicatur aliquis terminus vitaliter procedens, vel genitus si vitaliter non procedit, sed solum vnitus. Quod autem supplet Deus est, quod hoc verbum dicatur repræsentare obiectum per modum termini repræsentatiui, non per modum termini procedentis, & producti à nostro intellectu. Esse autem terminum repræsentatiuum intelligibiliter, per se habet diuina essentia & suppleri potest in ratione causæ formalis terminantis, & in se vitaliter repræsentantis, non tamen ab isto viuente seu intelligente procedentis, sed ei vniti, sicut si conceptum vnus Deus vniat alteri intellectui.

Ad secundam confirmationem respondetur ex supra dictis, non posse substantiam Angeli esse per se speciem expressam, quia non est per suam substantiam suum intelligere, & intelligi in actu vltimo, & sic non potest repræsentari vt intellecta nisi per aliquam accidentalem qualitatem superadditam. sicut nec ipsum intelligere, & intelligi est substantia Angeli, sed operatio superaddita, quod est signum, ipsam substantiam Angeli secundum se non esse

in actu vltimo intelligibilitatis, sed actuale esse. *Et ad replicam*, quod etiam distinguitur in nobis verbum ab intelligere. *Respondetur*, quod distinguitur, vt terminus ab ipso formatus & productus, sicque ab eo distinctus, repræsentatiue tamen ipsū obiectum vt intellectum imbibens; substantia autem Angeli, non formatur nec procedit ab intelligere, vt terminus eius, nec potest solum extrinseca intellectuione attracta formari, quia ista formatio non est per solam lucis asperisionem sicut colores redduntur lucidi, sed per intrinsecam formationem repræsentationis vitalis, & in actu secundo, quod ex se substantia Angeli non habet.

ARTICVLVS III.

An sint tres operationes intellectus & quid sint?

DArum nostro intellectu tres operationes intellectus, quæ sunt simplex apprehensio, enunciatio seu iudicium, & discursus, experientia in nobis testatur, & in summis sæpius explicuimus, affirmatque D. Thom. 1. *poster. lection. 1* & colligitur ex Aristotel. in hoc 3. de an. text. 21. lect. 11. apud D. vbi Philosophus docet dari duas operationes intellectus, scilicet, simplicium apprehensionem, & compositionem. Nec enunciationem vocat, sed compositionem, vt hoc nomine etiam discursum comprehendat, qui compositione quadam constat, non enunciatiuo modo, sed illatiuo conceptus coniungente. Circa has ergo operationes dubiola aliqua se offerunt

Primo inquires, vnde oriatur, quod in homine istæ operationes distinctæ sint? *Respondon.* ex imperfectione nostri intellectus id prouenire quia procedimus de imperfecto ad perfectum, & de potentia ad actum. Ita sumitur ex D. Thom. in 1. p. *quæst. 58. artic. 5.* vbi docet: *Quod quia intellectus noster pro-*

cedit de potentia ad actum, & de imperfecto ad perfectum, cognita seu visa aliqua re, non statim attingit quidquid illi conuenire potest, indiget ergo transire ad aliud & componere cum illo, ut cognoscat ei conuenire, intellectus autem Angeli, quia in genere intellectuali perfectus est, statim visa aliqua re penetrat quidquid illi conuenit, quia non utitur discursu, sed comprehensione, & sic in eo datur simplex, & vnicus modus operandi, qui tamen ita virtuosus est, ut æquiualeat nostro discursui & multiplicatis actibus: sicut etiam in naturalibus res generabiles & corruptibiles, quæ procedunt de imperfecto ad perfectum successiue acquirunt suam perfectionem, & non vnico actu: quæ verò incorruptibiles sunt, non acquirunt suam perfectionem successiue generando & corrumendo, sed statim illam habent à principio, ut cælum. Sic in spiritualibus anima rationalis, quæ infima est in gradu intellectiuo, ideoque vnitur corpori corruptibili, acquirit successiue suam perfectionem scientiæ, & non utitur indiuisibili comprehensione, sed discursu & compositione. Angeli verò, quia sunt perfecte separati à corpore & communicatione ad corpus, sunt etiam perfecti intellectus, nec habent successiue acquirere scientiam, sed comprehensiue, & simplici actu, penetrante quidquid est in obiecto.

Dices, ergo saltem quoad illa, quæ naturaliter non conueniunt alicui rei, sed moraliter vel supernaturaliter, poterit Angelus compositione uti, & successiue acquirere vnum post aliud. Et deinde quoad propositiones negatiuas, seu quoad diuisionem, cum possit res omnino disparatas, & quæ sub vna specie contineri non possunt, negare de aliquo, non poterit id facere sine aliqua compositione specierum & actuum, quia ad vnicam reduci non possunt & consequenter neque ad vnicum actum.

Respond. aliquos ita concedere, ut argumentum intendit in cognitione Angeli, rerum supernaturalium, vel in diuisione seu

negatione facienda. Sed immerito, quia supernaturale lumen non destruit, sed perficit naturā, & de se simplicius lumen est, & altius quam naturale. itaque vel se accomodat naturæ intelligentis, & eius modo sicut de cognitione fidei docet S. Thom. 2.2. q. 1. art. 2. vel naturam eleuat & rapit ad altiore & simpliciore modum suum. Si primo modo, fiet in Angelis sine discursu cognitio supernaturalis, quia eius modo se accomodat, non illud destruit. Si 2. modo, magis eleuat à discursu quia ad altius, & simplicius lumen, & modum simpliciore rapit intellectum. Atque ita in Angelis vnica specie à Deo infusa, vel attemperata representat subiectum, non solum sub forma ei naturaliter manifestata, sed supernaturaliter, & ex obedienciali potentia conuenienti.

Quod verò dicitur de diuisione & negatione. Respond. quod Angelus quando cognoscit negando vnā formam, seu prædicatum de aliquo subiecto, quod in specie re. præsentatiua subiecti non continetur, ut si dicit. lapis non est Angelus, aut quid simile, quod in specie lapidis non continetur, & vult Angelus vtrumque extremum negatum distincte, & expresse cognoscere, tunc coniungit duplicem speciem in ordine ad faciendam illam collationem & comparisonem negatiuam, seu diuisionem, sed non eliciet duplicem actum componentem; sed vnicum simplicem vtemem vtraque illa specie tanquam inadæquata vnius actus & cognitionis, qua attingit vtrumque per modum vnius sic comparati. Non dicetur tamen compositio vel discursus ratione plurium specierum concurrentium ad vñ actum eliciendum modo inadæquato, sed ex pluralitate actuum ex diuersis speciebus formatorum, & per collationem aliquod tertium formantium, non simplici modo vtraque specie vntium, & elicientium vnicum actum. Si tamen non velit Angelus, quodlibet extremum negatum distincte, & expresse in se videre, sed videre negationem

semel cuius per formam negatam, & in conceptu vnius veritatis, contradictorium suum tãquam falsum agnoscat, ad hoc sufficiet videre ipsam affirmationem, quã posita cognoscitur negatio eius vt falsa; & cognita aliquã naturã, cognoscitur non esse aliquid aliud præter se, sed tunc illa negatio attingitur quasi in cõfuso & in obliquo. Videatur S. Tho. 1. p. q. 58. art. 4. ad 2.

Secundò inquiris, in quo consistat simplicitas apprehensionis, & compositio? Nam ex vna parte multa complexa sunt, quæ pertinent ad primam operationem, definitio enim ad primam operationem pertinet, vt ait D. u. Thom. 3. de anima lection. II. & 1. part. quest. 17. art. 3. & q. 1. de veritate art. 3. Ex alia verò parte, nec ipsa compositio excludit simplicitatem, formatur enim propositio ex pluribus conceptibus, per modum vni, & indiuisibilis conceptus, quia ille conceptus, simplex qualitas est, vt diximus in summis q. 1. art. 1. ergo simplicitas non obest compositioni.

Respond. simplicem apprehensionem aut compositam, non dici ratione ipsius simplicitatis, aut compositionis in esse qualitatis, aut entitatis nec iterum propter simplicitatem, aut compositionem obiecti etiam in ipsa entitate obiecti in se, sed compositio præcipue respicit aliquam constructionem artificiosam, quæ in ipsa cognitione formatur ex pluribus cognitionibus, simplex verò cognitio eam excludit. *Ratio est*, quia quod præcipue intellectus intendit per compositionem, & diuisionem, est attingere veritatem artificio seu constructione, quia non potest comprehensione sicut Angelus & vnico intuitu. Ergo illud dicitur ad simplicem operationem pertinere, quod intelligitur sine illa constructione artificialiter compositiua, sed est extremum, vel pars in ordine ad veritatem attingendam, ideoque nõ resolubilis in aliam partem, & hoc pertinet ad primam operationem. E contra verò quidquid habet rationem totius artificiali modo construibilis & reso-

lubilis, dicitur ad compositionem pertinere, quidquid sit an totum hoc sit representabile in vnica qualitate & entitate an pluribus coordinatis, hoc enim per accidens se habet ad artificiosam constructionem veritatis. Vnde non dicitur simplex vel composita operatio, penes simplicitatem vel comparisonem conceptuum quasi physicam & entitatiuam, sed artificiosam, procedendo de vno ad aliud, quod saluatur etiam si totius compositi & constructi vna imago producat, quæ entitatiuè vna sit, plura inadæquata & coordinata obiecta complectens, nam saltem præsuppositiuè debet plures actus, & conceptus supponere, ex quibus consurgat & formetur imago illa comparando vnum ad aliud, quod in Angelo non est, qui non ex pluribus cõgregat veritatem, sed simplicitate intellectuũ resplendet, vt dicit S. Dyonisius 7. c. de diuinis nomin.

Quod verò obijciatur de simplici operatione componente definitionem aut terminũ complexum. *Respond.* quod non est compositio perfecta simpliciter consummatè, quia non per modum totius & terminando compositionem, sed imperfecta qua solum componitur pars, & non totum, sicut cum formatur brachium aut caput, vtique illæ partes constant ex alijs partibus, vt brachium ex manu & cubito, ossibus, carne, nervis, &c. tamen ista non componunt adhuc totum simpliciter, sed partem compositam, ideoque non consummatur ibi ratio totius, nec sistit generatio & formatio compositionis, quæ solum sistit in ipso toto. Verum est, quod in istis artificialibus, præsertim rationis, quæ maxime ordinatione & relatione fiunt, facile mutatur id quod est pars in totum & è contra, sicut etiam in artificialibus realibus, domus, quæ est pars alterius, potest separari, & fieri totum & è contra, immo aqua, quæ modo est totum, fit pars vniendo alteri aquæ, & fit totum separando ab illa. Quamdiu ergo a-

liquid sumitur ad modum partis, licet complexæ, & compositz, ad primam operationem pertinet, quia illa constructura, seu formatio non simpliciter componit totum, aut veritatem adhuc manifestat, sed solum partem, & extremum huius constitutionis. Quando autem per modum totius sumitur oratio siue enuntiatiua sit, siue non, pertinet ad ipsam comparisonem & diuisionem, veritas tamen in sola enuntiatiua oratione inuenitur, de quo plura diximus in *summulis quest. 5.*

Tertio inquires. An secunda operatio sit idem quod iudicium, vel sit distinguenda duplex compositio; alia per modum enunciationis, alia per modum iudicii. *Respond.* iudicium aliquando sumi largius, pro quacumque discretionem inter vnum & aliud, sicut etiam sensus externus discernit inter album, & nigrum, amarum & dulce, quâ ratione dicit S. Thom. *quodlib. 8. art. 3. Quod propria operatio sensuum est iudicium de proprio sensibili;* & de hoc egimus *supra q. 5. art. 2.* Aliquando sumitur iudicium strictius pro assensu, vel dissensu circa aliquam veritatem vel falsitatem, quæ fit affirmando aut negando. Et hoc modo aut fit per collationem & comparisonem extremorum, aut supponit illam & cadit super illam assensus vel dissensus. Et ideo tale iudicium non inuenitur in brutis, quia collatione carent; in Angelis autem eminentiori modo, quia sine conferentia comprehendunt & iudicant. In nobis autem quia affirmatione, vel negatione fit, circa extrema coniuncta seu veritatem, non circa rem simplicem, ideo ad secundam operationem pertinet.

Difficultas autem est in duobus, Primum, an iudicium sit actus distinctus ab enunciatione apprehensa seu repræsentata, an idem sit formatio enunciationis & iudicii? *Secundum,* dato quod sit actus distinctus an sit simplex actus, vel compositus?

Ad primum Respond. sine dubio distinguitur enunciationem vt apprehensam, seu repræsentatam ab ipso iudicio quod est assensus seu sententia mentis, aut adhesio ad vnam, autem determinatam. Et hoc à posteriori constat, quia aliquando apprehendimus aliquam enunciationem seu compositionem, & suspendimus iudicium, seu sententiam, sicut si dicamus, astra sunt paria an non formatur aliqua compositio enuntiatiua prædicati de subiecto, nec tamē fertur iudicium sed suspenditur, quia nondum plene cognoscitur veritas, nam si euidenter cognoscatur, non potest detineri iudicium, quia intellectus positus præmissis euidentibus, cogitur assentiri conclusioni, vt ostendimus *quest. 24. Logica.* Vbi ergo non cogitur intellectus, potest suspendere iudicium, & tamen formatur & repræsentatur enuntiatio, quia formatur totum illud, super quod potest cadere iudicium assensus, vel dissensus, quod constat compositione subiecti & prædicati, ergo distinguitur enuntiatio repræsentata, & apprehensa à iudicio, *A priori autem id nō manifestatur,* quia diuersum est obiectum iudicii, & enunciationis tantum repræsentatæ. Nam per enunciationem apprehenduntur extrema vt coniuncta inter se, & fit collatio seu comparatio vnius extremi ad aliud: iudicium autem facit comparisonem & collationem illius propositionis compositz ad id, quod est in re, vel ad principia à quibus dependet veritas rei. Et ideo iudicium hoc potest sequi post discursum, & reddit intellectum determinatum & adhaerentem illi veritati, quia attingit, & comparat veritatem ad suas causas, vel ad id, quod est in re, & ita certificatur, seu adhaeret intellectus veritati ipsi prout sic causis suis aut fundamentis comparatur. Ergo est diuersa vtrobique comparatio & obiectum, sicque erit diuersus actus quantum est ex natura rei. Et ideo veritas formalis inuenitur in hoc iudicio, vt sæpius dicit S. Tho. *locus supra cit.* licet, significatiuè inueniatur in enunciatione, eo quod

quod veritas sumitur per conformitatem & comparisonem rei enunciatae ad id quod est, vel non est rei iuxta sua principia, & ideo ibi formaliter inuenitur vbi formaliter ista comparatio fit, non vbi solum exprimitur vnio extremorum.

Vnde conuincitur eorum sententia, qui non distinguunt inter conjunctionem extremorum inter se, quod fit in enunciatione, & comparisonem ipsius enunciationis ad id quod est, vel non est in re, & ideo dicunt non distinguere iudicium a compositione, seu enunciatione, vt docet Suarez lib. 3. de an. c. 6. *Sed contra est*; quia iudicium formaliter loquendo non respicit representationem extremorum, vt comparatorum & vnitorum inter se, sed ipsam enunciationem comparat per conformitatem, aut difformitatem ad esse, vel non esse in re, ideoque de se postulat distinctum actum, quia habet diuersam comparisonem & obiectum; Non negamus tamen aliquando intellectum vnico actu complecti posse vtrumque, & simul vnire aliqua extrema inter se, & conformare ei, quod in re est, vt cum actu video Petrum esse album aut sedere, & id pronuntiatio non enunciativa tantum, sed etiam assertiua & per assensum dicendo *Petrus vere est albus*, seu absolute *Petrus est albus*, vbi implicite inuoluitur vere est, vel ita est in re; vnico tamen signo seu enunciatione exprimitur, quia non solum in verbo est significare possumus vnionem extremorum, sed etiam certificationem & verificationem assensus & assertionis. Itaque in iudicio inueniuntur hae tria; praesuppositiue, compositio extremorum enunciativa; formaliter assensus intellectus comparans extrema enunciata conformiter ad rem: consecutiue, discretio vnus a suo opposito.

Ad 1. aliqui dicunt, iudicium esse actum compositum, quod affirmat P. Suarez cit. conformiter ad suam sententiam, quod non distinguitur iudicium a compositione, & comparisonem vnitua extremorum in-

ter se, sicut enim non possumus apprehendere propositionem simplici actu, vt in negatiuis clarius constat, ita neque simplici actu iudicare. *Respond.* tamen illud iudicium formaliter non requirere compositionem, sed praesuppositiue, quatenus supponit plures actus, quibus formatur enunciatio & super qua eadit iudicium. *Ratio est*, quia iudicium non format compositionem, & vnionem extremorum, sed ipsam enunciationem, seu extrema vnita comparat ad id, quod est in re cum determinatione, & adhaesione intellectus, Ad hoc autem sufficit simplex actus comparatiuus, quia ad istum actum non pertinet vnire aliqua, & coniungere, sed eorum quae coniuncta, & vnita sunt, conformitatem ad esse vel non esse in re concipere, quae est simplex comparatio, non vnitua extremorum, sed extrema vnita supponens; & illa conformitas, seu comparatio ad id, quod est in re sumitur non in actu signato, sed vt in exercitio determinans, & adhuc faciens intellectum, quod est assensus ad propositionem illam, vt veram seu conformem rei, idem est enim dicere per assensum ita hoc est, ac dicere vere est, seu conformiter ad rem.

Dices, hoc iudicium, quod nos distinguimus a formatione enunciationis non pertinet ad secundam operationem, sed ad tertiam, discursus enim terminatur ad tale iudicium, tunc enim sistit discursus, cum resoluitur & sententiatur conclusio, ergo non potest pertinere ad secundam operationem, quia secunda operatio est medium transeundi ad tertiam, iudicium autem est terminus tertiae, in quo sistit discursus. *Respond.* iudicium non esse discursum, quia non est motus illatiuus, sed pertinere ad secundam operationem, in qua est collatio, seu comparatio ipsius enunciationis compositae, ad id quod est in re, cum adhaesione intellectus, hoc ipso quod comparatur illi secundum conformitatem. Sic ergo secunda operatio, quantum ad enunciationem, praebet materiam discursui,

curfui & ordinatur ad illum, fed fecunda operatio quantum ad affenfum & iudiciũ est finis & terminus, ad quẽ ordinatur difcurfus, vt ad perfectionem, quam intendit. Et hoc ideo, quia in fecunda operatione inuenitur veritas, vel falfitas, fed non innotefcit ftatim ex fimplici & nuda enuntiatione, quæ eft prima formatio fecundæ operationis, & ftatus eius imperfectus. Ad manifefandum autem veritatẽ, quæ ibi nondum potefit innotefcere, ordinatur inquisitio & difcurfus, quæ probatione fua manifeflet & ordinet, ac determinet intellectum ad cognofcendum ita efle, vel non efle in re. Qua probatione facta formatur confummata cõparatio, & collatio fecundæ operationis quæ eft iudiciũ. Et ita fecunda operatio in ftatu imperfecto, id eft fine fufficiente manifefatione veritatis ordinatur ad difcurfum, & difcurfus rurfum ad fecundam operationem in ftatu perfecto, & confummato, in quo quiefcitur per affenfum in veritate.

4. *Inquires*; an per iftas tres operationes formentur diftincti conceptus. *Reff.* de prima & fecunda operatione id exprefle doceri à D. Th. *multis locis vt quodlib. 5. art. 9. & q. 9. de pot. art. 5. ex Arist. 3. de ani. text. 12.* Super quem locum etiam videri potefit S. Th. Non verò apparet quod difcurfui feorfum attribuat diftinctum verbum feu conceptum, nam potius dum cogitamus, quod fit per difcurfum, nondum perfecte formamus verbum, vt ex Aug. docet D. Th. 1. p. q. 34. *art. 1. ad 2. & opufc. 13.* Formatur ergo verbum tam in prima, quam fecunda operatione, quia in vtraque eft diftinctum obiectum repræfentandum, in prima, ipfa natura feu quidditas rei, aut res ipfa in fe, in fecunda ipfa veritas, quæ non fufficienter explicatur per primam operationem, quia ibi repræfentatur res aliqua absolute & in fe, in fecunda incipit repræfentari fecundum conuenientiam & comparisonem ad aliud, fecundum quam explicatur veritas vel fal-

tas, fcil. quod ita fit, vel non fit, ficut repræfentatur conuenire, vel difconuenire. Hoc enim fi poffet repræfentari in prima operatione, non indigeret de potentia ad actum in fecunda, fed haberet fe, ficut conceptus Angeli, qui ftatim intelligit non folum rem, fed etiam quidquid illi conuenit, vel non conuenit euoluendo, & comprehendendo totum. Noster autem intellectus cum procedat de potentia ad actum, non potefit in prima apprehenfione totum euoluere in actu, indiget ergo nouo cõceptu in fecunda operatione euolvente, & repræfentante, quod in prima non potefit. *Nec fufficit dicere*, quod plures conceptus primæ operationis, vt coordinati inter fe, fufficiunt pro fecunda. *Contra enim eft*, quia non fufficit coordinatio fucceffionis, ita quod vnus conceptus poft alium fiat, fed coordinatio proportionis, & conuenientiæ fecundum prædicationem, nam potefit aliquando poft vnũ conceptum fimplicem fuccedere alius difparate fe habens, & difconueniens illi, ergo ad videndam illam conuenientiam, vel difconuenientiam, & proportionem vnus cum alio, requiritur aliqua fpecialis cognitio & penetratio vnus extremi ad aliud & non fola coordinatio fucceffionis in cõceptibus, fed coordinatio fuper conuenientia conceptuum & proportionem inter fe.

An verò conceptus ille fecundæ operationis fit vnus entitatiue, qui tamen coordinationem illam conceptuum fimpliciũ refpiciat, vt plura obiecta inadæquata, fed per modum vnus coordinata, licet præfuppositiue in prima operatione fupponantur plures conceptus, ex quorum coordinatione & collatione refultet ille conceptus fecundæ operationis, diximus *q. 1. fummularũ* & aliquid *seq. art.* attingemus. Sufficit aduertere, quod S. Th. 1. p. q. 85. *art. 5. ad 1* dicit quod compositio & diuifio intellectus per quandam differẽtiam, vel comparisonem fit. Vbi autẽ plura intelligi poffunt fub vnica ratione comparisonis, vel differẽtiæ aut vnitatis, vnica fpecie, vel vnica cogni-

cognitione aut conceptu attingi possunt, ut *artic. seq.* dicitur; non ergo repugnat comparationem illam, aut differentiam qua fit compositio aut diuisio, vnico conceptu terminari, licet formato & collecto ex multis qui præcedunt in simplici, seu prima operatione, ut ex illis collatiuè formetur, secunda, in quo longè abest ab Angelo, qui licet rem compositam attingat, tamen non compositè, nec collatiuè vnus ad alterum, nec formatur ex pluribus præsuppositis & collatis, sed vnico intuitu, & comprehensione totum illud attingit: in nobis autem sicut mixtum fit ex miscibilibus, non actu existentibus, sed præcedentibus, & alteratis & corruptis, sic ex præcedentibus conceptis collatis, vnus resultat, qui compositus dicitur obiectiue, & ratione præsuppositorum.

Quod verò attinet ad discursum, cum non constet nisi pluribus propositionibus non facientibus aut componentibus vnā tertiam, sed inferentibus, videtur quod non producat distinctum verbum à propositionibus, sed illas cum diuersa modificatione & habitudine, scilicet ut inferentes, vel ut illatas. Vnde sicut per discursum fit transitus de vna propositione ad aliam ita oportet ad producendum id, quod propositionis est in illo conceptu, seu verbo concurrere secundam operationem, & quantum ad id quod motus, seu illationis est, concurrere tertiam, quod est respicere illud verbum seu conceptum ut modificatum. Et sic cum dicitur, quod est distincta operatio, ergo habet distinctum verbum, conceditur, quod est distinctum modaliter, non realiter ab eo quod propositionibus ipsis representatur: cum verò ex simplici apprehensione proceditur ad representationem compositam, distinctum obiectum relucet in representanda quidditate vel veritate. Et sic discursus secundum causalitatem (id est, secundum illationem) præsupponit discursum secundum successionem (id est, secundum plures propositiones succedentes) ut dicitur *Pars III. Phys.*

S. Thom. 1. p. q. 14. art. 7. non verò ex pluribus propositionibus vnā facit.

ARTICVLVS IV.

Utrum intellectus possit plura per modum plurium intelligere?

IN hac parte sunt dua sententia. Prima, quæ attribuitur Scoto, in 1. distin. 3. quest. 6. alijsque eius sectatoribus, & sequuntur Conimbric. 3. de anima cap. 8. quest. 6. artic. 2. P. Suarez lib. 3. de anima, cap. 7. & alij, qui tenent per se plura, ut plura cognosci, etiam non attenda vnitate tanquam formali ratione vel cōditione requisita; Aristotelem autem, & D. Thom. oppositum dicentes explicant, quod loquuntur de cognitione perfecta, quia intensa cognitio vnus remittit alterius cognitionem.

Opposita sententia est D. Thom. 1. p. quest. 12. art. 10. & quest. 58. art. 2. & quest. 85. art. 4. & de Veritat. quest. 8. art. 14. & 1. contra Gent. cap. 55. Sequuntur communiter eius discipuli, Caietanus, Ferrar. super loca cit. Capr. in 2. distin. 3. quest. 2. M. Bañez super quest. 85. cit. & alij. Nec D. Thomas hoc affirmat de solo intellectu nostro aut sensu, sed vniuersaliter tam de sensu, quam intellectu, tam nostro quam Angelico. Et ita reducitur hoc ad vniuersalem rationem, quæ omnem intellectum comprehendat. Sumitque hoc ex illo dicto Aristot. 2. Topic. c. 4. Quod contingit plura scire, non autem cogitare seu intelligere.

Cum autem certum sit, quod diuerso tempore possumus plura intelligere per modum plurium, & per diuersos actus, diffinitus est; an simul, id est, eodem tempore, potestque in duplici sensu controuerti. Primus, an eodem tempore eliciendo plures actus, qui adequati sint, & quilibet integrum habeat obiectum. Secundus, an eliciendo tantum vnum actum, qui plura habeat obiecta non attendendo ad hoc, quod reducantur ad aliquam vnitatem, sed in sola pluralitate remanendo. Rursus videndū

est ex quo principio repugnet intelligere plura, ut plura simul, an ex limitatione potentie, ut aliqui existimant, qui consequenter affirmant solum repugnare intellectui intelligere plura, ut plura perfecte, eo quod subiectum ex sua limitatione non est capax plurium formarum perfecte & adæquatè, bene tamen imperfectè; an verò repugnet ex ipso modo operandi, & representandi, qui non potest tendere, nisi per modum unius in obiectum suum, ratione cuius D. Th. nunquam recurrit in hac parte ad limitationem potentie operantis, sed solum ad representationem specierum quas dicit se habere sicut figuras terminantes potentiam. Ergo de hoc oportet reddere rationem.

Dico ergo primo, *Respectu unius actus eliciendi non possunt plura intelligi per modum plurium, id est non reducendo illa plura ad aliquam rationem formalem unam.* Hæc citat. locis expresse ponitur à D. Th. nec opus est verba referre, quia id ex professo probat, sed rationibus eius est probandum. In primis ergo maxime hæc conclusio nititur experientie, quæ Philosophiæ est mater, videmus enim quod cum plura volumus comprehendere ad unum nos colligimus, ipsa verò dissipatione distrahimur. Et redigimur ad unum, vel ad unam comparationem vel differentiam, vel ad unam aliquam circumstantiam loci vel temporis, &c. atque ita sub aliquo modo unitatis pluralitas reduci debet, ut cognoscantur plura; & hoc est cognosci non per modum plurium, & si cognoscantur plura. Deinde instat ratio D. Thom. adducta, quia repugnat duas formas completas & perfectas simul actuare idem subiectum, sicut quod idem corpus figuretur duplici figura, aut duplici colore informetur, sed si redigantur in unum, sub quo plura attingantur, illud unum erit ratio formalis, vel ex parte rationis formalis se tenebit, & illa plura materialiter, & inadæquatè attingentur. In qua ratione considerandum est, quod S. D. non loquitur de

quibuscumque formis, sed de habentibus rationem aliquam termini, & perfecte, atque adæquatè existentibus in subiecto. Ad hoc enim ferunt exempla allata de figura & colore, quia figura ex terminatione quantitatis resultat, color autem ex terminatione qualitatis quæ est perspicuitas, ut diximus *sup. q. 7.* Talis ergo terminus quando est perfectus, id est ultimus, debet esse unus, quia plures & ultimi repugnant, si enim unus terminus est ultimus non relinquit ulterius terminabile subiectum, alias ultimus non esset, ergo repugnat quod alter ultimus ei adueniat. Species autem informant per modum terminantis, quia inesse representationi se habent vice obiecti, obiectum autem est terminus cognitionis. Sed tamen, quia etiam est principium, ideo obiectum prout in specie impressa non est perfecte, & ultimatus terminus, sed virtualiter & ideo non repugnat plures species impressas simul informare potentiam, sicut reservantur in ea plures species; repugnat autem esse plures species expressas, seu conceptus per modum plurium, quia ibi obiectum se habet per modum termini perfecti & ultimi respectu cognitionis actualis.

Sed dices, hac ratione probari, quod non posset simul intellectus informari cognitione visionis beatæ, infusæ & acquisitæ, quæ tamen fuerunt simul in Christo; & Angelus simul cognoscit essentiam divinam, essentiam suam & alia. Ut huic obiectioni satisfiat plenius.

Dico secundo, *Non repugnat plures operationes simul simultate durationis esse in intellectu, & unamquamque suum terminum habere, dummodo sint diversi ordinis, id est una supernaturalis altera naturalis, vel una derivetur ex alia seu sit causa alterius, sic enim primus terminus non est ultimus simpliciter, sed coordinatur alteri.* Sumitur ex D. Th. *q. 8. de verit. art. 8. ad 6. & 11. & 14.* ubi concedit, quod si unum est ratio intelligendi aliud, unum eorum erit quasi formale, & aliud quasi materiale, & sic illa duo sunt sicut unum intelligi-

telligibile. Et sic dicit, quod Angelus simul cognoscit se per suam essentiam, & alia obiecta per alias species. Et similiter pramissas & conclusionem simul attingit, quia minor, & conclusio simul tempore cognoscuntur, ut docet philosoph. 1. *Poster.* Quæ exēpla satis probant conclusionem, quia illa obiecta diuersis actibus cognoscuntur, quia diuersis speciebus, ut essentia Angeli per se, alia obiecta per species, & sic contingit variari cognitiones aliarum rerum, nō variata cognitione suæ essentiæ. In pramissis autē, & conclusione sunt diuersi actus, quia est discursus secundum causalitatem in quo vnus actus est causa alterius, & sic diuersis actibus constat. Et hoc ideo est, quia quādo vnus actus est ratio & causa alterius, habet se ut illuminans illum, ab vno autem luminoso in eodem instanti multiplicari possunt lumina in toto suo spatio secundum virtutē suam, ergo similiter non repugnabit multiplicari lucem in spiritualibus in eodem instanti, quod fit, dū ex vno actu illuminamur ad alium. Semper tamen hæc se habent per modum vnius, quia procedunt ordine quodam, & cū subordinatione vnius ad aliud, quatenus id quod illuminatiuū est se habet ut formale, ad id quod illuminatum, & sic facit vnum intelligibili modo. Similiter si vna cognitio sit supernaturalis, & alia naturalis non terminant potentiam secundū idem, sed vna secundū potentiam obedientialem, alia secundum naturalem. Non repugnant autem duo termini etiam vltimi, si sint respectu diuersorum, vel in diuerso ordine, quia sic non opponuntur, nec vnus excludit alium, sed solum intra eundem ordinem & respectu eiusdem, ideoque nō repugnant scientia creata, infusa, & naturalis, quia sunt secundum diuersos ordines, & lumina. *Quod si infles;* quia subsistentia diuina & creata repugnant in eadem natura, licet sint diuersi ordinis. *Resp.* esse diuersam rationem, quia per subsistentiam diuinam nō additur entitas ipsi naturæ ut sic assumptibilis, sed eadem quæ termino creato termina-

ta est, debet assumi. Per lumē autem supernaturalē crescit virtus intellectus diuersa, & ita diuerso actu terminabilis est.

SOLVUNTUR ARGUMENTA.

Primo arguitur ex P. Suarez; quia simul videmus albedinem, & nigredinem, simulque audimus diuersos sonos, eorumque differentias percipimus, ergo & plura possumus simul cognoscere & per diuersos actus. Et quod per modum plurium *probat*ur, nam possumus videre duos homines vel lapides non comparando vnum alteri, sed ut disparatē se habentes, videmus enim quidquid sub sphaera visus nostri cadit sine hoc, quod omnia illa comparemus inter se. *Et ratio est,* quia attentio potētiae est diuisibilis, habetque latitudinē, ergo potest diuidi illa attentio, & circa vnū poni media attentio, circa aliud, alia media, etiam si omnia obiecta disparate se habeant, & sic simul intelligere plura ut plura. *Confirm.* quia intellectus potest cognoscere plura per modum vnius comparationis vel differentiae, ut etiam S. Thom. admittit, ergo etiam absolute, nam comparatio non tollit difficultatem, sed addit, quia extrema plura cognoscuntur, & vltius comparantur. *Cor. f. 2.* quia etiam cum comparantur, cognoscuntur illa extrema per diuersas species, v. g. album & nigrum, siquidem eorum pluralitas, & diuersitas videtur, ergo non solum illa simul cognoscuntur quæ per vnā speciem cognoscuntur. Si dicatur cognosci per plures ordinatas, quæ vnitatem ordinis vnū sunt. *Contra est,* quia D. Thom. 1. p. q. 12. art. 10. dicit, quod si partes eiusdem totius diuersis, & proprijs speciebus intelligantur, non cognoscuntur simul, cum tamen etiam tunc cognoscantur ut ordinate se habentes, quia ut partes componentes.

Resp. omnia illa videri reducta ad aliquē modū vnitatis, vel ut adunata in eodē loco seu medio, vel ut cōtigua, vel aliquo modo ordinata, alioquin si seorsum vnum ab alio

Quæ 2 vide-

videmus, statim visiones partimur. Et intellectus cum differentia rerum cognoscit, etiam ad unitatem reducit, quia ipsa differentia, comparatio una est. *Ad probationem dicitur*; quod etiam si visus non compareret illa plura inter se, potest tamen unica visione attingere, videndo illa, ut aggregata in uno loco, vel ut contigua aut componentia, vel ut propinqua aut distantia intra aliquam lineam, sub qua aggregat ea, quæ unica visione attingit, & sic semper reducit ad aliquam unitatem, quam si soluit, visiones diuidit. *Et ad rationem dicimus*, quod licet attentio sit cum latitudine quoad intensiorem, sicq; possit ad plura vel pauciora intra eandem sphaeram extendi, tamen quoad modum terminationis in actu & operatione, non habet latitudinem, sed si est unica operatio, unicam debet habere terminationem, licet sub illa varia obiecta materialia, & inadæquata congregentur. Quod si diuiduntur operationes, & in eis minuatur attentio, oportet quod una se habeat ut ratio alterius ad hoc ut simul sint, vel quod sint diuersi ordinis ut explicatum est.

Ad primam Confirmationem dicitur, quod comparatio addit ad extrema aliquam cognoscibilitatem, sed non difficultatem, aliquando enim additio rei cognoscibilis non auget difficultatem sed faciliat, sicut lux addit rem visibilem coloribus, & probatio medijs aliquid cognoscibile ad conclusiones & tamen faciunt, quia manifestant, sic comparatio, vel quæcunque reductio ad unitatem rerum cognoscibilium, quia ordinat, & melius determinat intellectum, faciliat ad deducendum eum ad cognitionem, non reddit difficiliorem intelligentiam.

Ad secundam Confirm. respond. solutione ibi data. *Ad replicam dicitur*; quod D. Thom. loquitur, quando partes totius non cognoscuntur ut ordinatæ una cum altera, & comparando cum illa, sic enim simul illæ partes cognoscuntur & ut redactæ ad aliquam unitatem; sed loquitur quando una pars seorsum ab alia consideratur, & secundum id

quod entitatis est in se, vel secundum habitudinem, quam habet ad totum, non ad alias partes, sicut si quis solum consideret oculum vel manum, nihil de alijs partibus recordando.

Secundò arguitur, quia plures species intentionales simul sunt in aere, & per illum transeunt ad sensus, plures etiam species reseruantur in intellectu & memoria, ergo non repugnat informari eandem potentiam vel subiectum pluribus formis eiusdem generis. *Nec valet dicere*, quod sunt in esse imperfecto, & quasi in fieri, non autem in esse perfecto. *Contra est*, tum quia formam informare, & esse in actu completo est idem, sed tunc informant illæ formæ, ergo sunt in esse completo: tum quia illæ formæ possunt informare visum externum, & elicere visionem, & tamen tunc non informatur unica specie expressa, quia hæc non datur in oculo, neq; unica impressa, quia sunt plures, ergo potest cognoscere plura, ut plura, id est, ut informatur pluribus speciebus. *Confirmatur*, quia in propositione negatiua, ut, homo non est lapis, sunt plures species hominis & lapidis, quæ non uniuntur, sed potius diuiduntur negatione. Et ita cognitione confusa plures species concurrunt, quæ in unum non ordinantur manent enim confusæ, in cognitione autem distincta unum cognoscitur seorsum, & distinctè ab alio, ut conclusiones & præmissæ. Possunt deniq; inueniri simul species diuersi ordinis, ut supernaturales & naturales, cur ergo non eiusdem generis.

Respondetur, iam supra datam esse differentiam, quod species impressæ in aere, vel in potentia sine actu cognitionis, sunt formæ tantum informantes, non terminantes adæquatè, & in actu ultimo. Nusquam autem S. Thom. reijcit multitudinem specierum seu cognitionem plurium ut plura, ex eo quod plures formæ informantes sunt, sed ex eo, quod adæquatè terminant & figurant, nam plures formas accidentales specie diuersas inherere, & informare eandem potentiam, vel subiectum, ut plures habitus, plu-

plures qualitates, quomodo potuit negare aut ignorare D. Thomas? *Cum ergo instatur*, quod formam informare, est esse in actu completo, *distinguo*, si sit forma tantum entitativa, *transcat*, si sit forma intentionalis & intelligibilis, *nego*, in hac enim oportet, quod non solum informet entitatiue, sed etiam intentionaliter, & non solum species impressa per modum principij, sed etiam expressa per modum termini, & tunc est in actu completo per modum terminantis, nec possunt in eadem re dari duo termini adequati & ultimi.

Ad secundam partem argumenti dicitur, quod licet in visu externo non formetur species expressa, elicitur tamen visio quæ terminatur ad obiecta, quæ extra sunt per modum vnius disposita, siue vnitatem ordinis vel loci, vel aggregationis aut propinquitatis, &c. Et visio sic terminata ad obiecta per modum vnius, est in actu completo.

Ad Confirmationem respondetur, omnia illa obiecta aliquo modo vniri saltem sub conceptu differentie & disconuenientie,


quæ in re quidem separationem aut diuisionem aliquam ponit, sed in mente per modum vnius comparationis diuisione accipitur, & sic extrema illa sub aliqua vnitatem rediguntur. In cognitione consula plura accipiuntur per modum vnius non ordinatè & distinctè, sed aggregatione quadam, & indeterminatione, quæ etiam ad vnitatem potentialem & imperfectam reducit. In cognitione præmissarum, & conclusionis sunt plures cognitiones ordinatæ, & quarum vna est ratio, & causa alterius, illamque illuminat, & sic simul sunt, quia coordinantur. De speciebus diuersi ordinis, iam diximus posse esse simul, quia fundantur in diuersis operationibus, & diuersis virtutibus: per eleuationem enim virtus crescit seu duplicatur, quia eleuatur, & sic diuersis operationibus terminabilis est, quod non currit in operatione & virtute naturali, quæ est vnius generis, nisi vna operatio sit causa alterius, & coordinetur vnitatem ordinis seu illuminationis cum altera, vt explicatum est.

QVÆSTIO XII.

De Appetitu, & loco motiuo.

ARTICVLVS I.

*An detur appetitus elicitus in animalibus,
& quomplex sit?*



Dicitur appetitus elicitus in animalibus, satis ipsa experientia notum est, tum in nobis qui quotidie actus appetendi experimur & patimur, tum in brutis, quæ moueri & allici videmus ex aliquo conuenienti proposito, vel fugere, & deterreri ab aliquo disconuenienti.

A priori autem demonstratur hæc veritas à D. Thom. 1. p. quæst. 19. art. 1. & quæst. 30. art. 1. ex eo quod appetitus elicitus sequi-

tur ad apprehensionem, & sic vbi datur intellectus dabitur appetitus intellectiuius, qui est voluntas, vbi autem datur apprehensio sensitiva, dabitur appetitus sensitiuus. Est autem ratio D. Thom. in hunc modum. Omnis res hanc habet habitudinem ad suam formam seu perfectionem naturalem, quod, si habet illam quiescat in ea, si non habet, tendat in eam, quod breuius *in quæst. 80. cit.* exposuit dicens, quod ad quamlibet formam sequitur inclinatio ad aliquid, vt inductione ipsa manifestum est, cum videamus ad diuersas naturas seu formas, diuersas sequi inclinationes. Imò in omni entitate, siue sit forma, siue mate-

ria, si est proportio, & convenientia ad aliquid, siue intrinsecum, siue extrinsecum, hoc ipso datur in tali entitate inclinatio ad talem rem sibi coniunctam; & inclinationem hanc vocamus appetitum. Quare hæc propositio, quod ad omnem formam sequitur inclinatio, per se est nota in hac materia, & ipsa inductione potest esse manifesta. Addit D. Thomas, quod natura intelligens seu cognoscens in quantum cognoscens, constituitur in actu per formam cognoscibilem, per quam res apprehendit, ergo ex ipsa sequitur inclinatio ad bonum sic apprehensum. hæc autem inclinatio vocatur appetitus elicited, seu voluntas, ergo in omni cognoscente talis appetitus datur.

Hanc rationem, putant aliqui solum esse congruentiam desumptam ex proportionem ad res naturales, ut P. Vazquez 1. parte, quæst. 19. cit. in commentario, art. 1. & obijcit contra illam aliquas difficultates quæ ferè coincidunt cum eis quas ponit Caietanus in eodem articulo. Et reduci possunt ad tria præcipua. Primum, quia S. Thomas ponit intellectum constitui per formam intelligibilem, & inde infert debere dari appetitum ad bonum apprehensum per talem formam, cum tamen solum inferendum esset, dari appetitum ad ipsam formam ut quiescat in illa, vel quærat illam. Vnde ergo inferatur, debere dari appetitum erga obiectum apprehensum per talem formam, cum proportio ad res naturales solum inferat, quod ad formam detur inclinatio.

Secundum est, quia dato, quod forma intelligibilis sit ipsa res apprehensa in alio esse, scil. in esse intentionali, adhuc consequentia S. Thom. non concludit intentum, tum quia ex forma apprehensa in quantum apprehensa infert appetitum ad ipsam rem in proprio esse naturali habendam, quod non apparet, in cuius virtute inferatur, solum enim videtur ex forma apprehensa debuisse inferri inclinationem ad for-

mam in eodem esse, non autem in esse naturali; tum etiam quia ad summum potest inferri inclinatio naturalis ad talem formam intelligibilem, quod verò sequatur appetitus elicited ad ipsum bonum apprehensum per talem formam, non apparet quomodo inferatur: tum denique, quia ex eo quod intellectus fiat in actu per formam intelligibilem, solum sequitur aliqua inclinatio in ipsomet intellectu ad talem formam, quod verò sequatur inclinatio, quæ sit alia potentia distincta in ipso toto, quæ est voluntas seu appetitus elicited, non apparet quomodo teneat.

Tertium denique est circa propositionem, quam assertit D. Thomas, quod res ad suam formam naturalem hanc habet habitudinem, ut cum non habet eam tendat in ipsam, cum vero habet illam quiescat in ea. Quæ propositio implicans videtur, quia res non habens formam suam naturalem, caret esse hoc ipso, quod caret formâ, quia per formam constituitur in esse, quo modo ergo potest appetere? Nec dici potest, quod appetit formam naturalem, quæ est proprietas non illam quæ est constitutiua rei in se. Nam contra est, quia hoc non seruit intento D. Thomæ, infert enim ex formâ intelligibili appeti ipsum obiectum. nõ autem proprietatem obiecti. Et deinde non solum dicit, quod potest appetere formam, quam non habet, sed etiam quamlibet perfectionem naturalem, ergo distinguit formam contra aliam perfectionem, forma autem est id quod constituitur, alia autem perfectio non potest esse nisi proprietas aliqua, vel accidens: ergo loquitur etiam de forma constituyente, quæ nullatenus appeti potest, quando non habetur, alia autem perfectio cessat omnis appetitus.

Ad primum respondetur, D. Thom. supponere id, quod certum est in hac materia, & alias sæpè probatur ab ipso, quod intellectus in esse intelligibili constituitur determinatè & specificè per formam intelligibilem, ita quod potentia intellectiva sine

sine forma intelligibili est indifferens, & indeterminata ad diuersas formas intelligibiles, & ad diuersas intellectiones, vnde ex tali potentia solum potest sequi voluntas, prout est potentia quædam etiam indifferens ad diuersos modos, & determinationes appetendi, intellectus verò actuatus & determinatus per formam intelligibilem, quæ sumitur ab objecto, est radix & principium actus determinati ex parte appetitus. Vnde optimè infertur ex intellectu sic constituto, & determinato per formam intelligibilem sequi inclinationem non ad ipsam formam intelligibilem, in quantum est intentionalis species, sed ad ipsum obiectum apprehensum, quia species non est forma in esse intelligibili actuans intellectum ratione eius, quod habet de entitate accidentali, sed ratione obiecti representati; hoc enim est, quod per se respicitur ab intellectu, ut ab illo actuatur in esse intelligibili, species autem solum se habet tanquam vices gerens obiecti. Igitur idem est sequi inclinationem ad formam intelligibilem, ac sequi ad ipsum obiectum, ut intelligibiliter determinat intellectum siue determinet per seipsum immediatè, siue media species, ut gerente vices sui. Quare appetitus, qui sequitur ad intellectum sic informatum, non debet esse ad ipsam qualitatem, quæ est species intentionalis, sed ad ipsum obiectum representatum, prout representatur conueniens, quia omnis inclinatio sequitur ad formam in quantum dicit aliquid conueniens ipsi, ut appetatur. Potest autem in obiecto representato per speciem, non solum proponi, & apparere ratio obiecti conuenientis ipsi intellectui, & ipsi esse intelligibili, sed etiam ipsi naturæ vel alijs potentijs aut rebus, & ideo appetitus, qui sequitur ad formam apprehensam, non solum debet esse ad appetendum id quod intellectus est, sed etiam id quod naturæ & aliarum potentiarum, quia omnis ista conuenientia representari potest in tali obiecto.

Ad secundum respondetur, concludere intentum rationem D. Thom. *Et ad primam impugnationem dicitur*, ex dictis, quod ex forma apprehensa optimè infertur appetitus ad ipsam in esse naturali, quia forma apprehensa non solum ostendit conuenientiam apprehensibilitatis ad intellectum, sed etiam realitatis ad naturam, & quia ex forma sequitur inclinatio ad id quod conueniens est in forma, si conueniens est intellectui ut apprehendatur, & naturæ ut acquiratur vel fugiatur realiter, ad omne id debet se extendere appetitus, licet modus tendendi ad rem sit per cognitionem.

Ad secundam impugnationem dicitur, efficaciter inferri ex forma apprehensa appetitum elicitum, ut expressius significat D. Thom. *quest. 80. cit. art. 1.* ubi videri potest Caiet. cō quod potentia apprehendens, & ipsa apprehensio est aliquid distinctum à natura, ergo etiam oportet, quod inclinatio secuta sit aliquid distinctum ab ipsa natura, siquidem forma ad quam sequitur, non est sola natura, sed aliquid apprehensum mediante actu elicitō distincto ab ipsa natura, & sic etiam ipsa actualis tendentia appetitus debet esse aliqua operatio egrediens à natura, ut conformetur ipsi formæ ad quam sequitur. Quod si est operatio egrediens, supponere debet potentiam, mediante qua egrediatur, quia natura creata substantialis, non est immediatè & per se operatiua. Si verò substantia aliqua seipsa sit operatiua, vel operatio ipsa, ut Deus, in tali natura operatio volendi non distinguitur ab eius esse, sicut nec apprehensio ipsa & intellectio; nec tamen dicitur appetitus ille naturalis ut distinguitur ab apprehensiuo, quia verè fit per cognitionem, licet ipsa cognitio sit ipsa natura.

Ad ultimam impugnationem dicitur, quod sicut intellectus intelligit non solum sibi ipsi, sed etiam toti supposito, quia omnes actus eius dirigit, & de omnibus iudicat propter suam vniuersalitatem, ita & inclinatio inde secuta non est solum sibi ipsi.

sed

sed etiam toti supposito, quia illa potentia inclinans, eiusdem vniuersalitatis est, atque apprehendens.

Ad tertium argumentum respondetur, loqui D. Thom. absolutè & indifferenter de omni forma comparata ad id, cuius est forma, scil. ad suppositum, quod quidem respectu forma ut constituentis non inclinatur quærendo illam, sed quiescendo in illa, sed respectu formæ distinctæ, potest dari inclinatio ex parte eius, quod distinguitur non solum quiescendo, sed etiam quærendo, quando non habet illam, sicut homo, v.g. non potest inclinari ad quærendam formam hominis, quia per illam constituitur, sed quiescit in illa, benè tamen materia hominis potest inclinari ad formam hominis etiam quærendo illam quando non habet, quia materia non constituitur ipsa formâ, sed actuatur ab illa. Potest tamen res constituta per aliquam formam appetere esse ipsius, tum quiescendo in illo quantum ad id quod habet, tum etiam quærendo quantum ad id quod deest, sicut appetit conseruationem in esse, quia ista conseruatio est aliquid superueniens, & contingenter conueniens ipsi rei, scilicet continuatio existentia. Vnde intellectus constitutus in actu per formam apprehensam fertur in ipsam rem, vel quiescendo in illa, si iam habet, vel quærendo si non habet, & hoc intelligitur de quacunque perfectione, quæ tali rei conueniens esse potest, siue sit proprietas eius, siue quodcumq; accidens.

Quomodo verò D. Thom. procedat in hac ratione, qua probat dari appetitum elicitedum ex ipsa apprehensione, cum apprehensio solum sit conditio, non verò ipsa ratio formalis appetendi, ut diximus in *quest. 13. Physic. Respondetur*, quod ut infra magis explicabitur D. Th. non procedit ex sola apprehensione, seu ex sola apprehenso, sed ex ipsa forma apprehensa, ubi licet ly *apprehensum* sit cōditio, seu status sub quo forma mouet ad appetitum elicitedum, tamen ly *forma*, quæ tali apprehensione subijcitur,

rationem importat specificandi, quod infra amplius ponderabitur.

SECUNDA DIFFICULTAS.

Circa secundum punctum huius articuli, de diuisione appetitus eliciti, constat primo diuidi in appetitum rationalem, qui dicitur voluntas, & in sensitium, qui etiam sensualitas appellatur. Secundo appetitus sensitius diuiditur in irascibilem & concupiscibilem. De prima diuisione non est difficultas, quòd fiat in membra realiter distincta, cum vnus appetitus sit corporeus, alter spiritualis, vnus comitetur animam separatam, alter destructo corpore non remaneat. De secunda diuisione, est difficultas, an sint diuersæ potentia appetitus irascibilis & concupiscibilis, & quomodo ex diuerso modo apprehensionis sumatur diuersitas appetituum.

Circa qua aliqui sentiunt non esse diuersas potentias. Quod attribuitur Scoto in 3. dist. 25. *quest. 1.* & sequitur P. Suarez lib. 5. de anima cap. 4. num. 2. & 3. *Fundamentum est*, quia sufficit vnica potentia apprehensiuæ ad mouendum irascibilem & concupiscibilem, scilicet phantasia, seu imaginatiua, ergo sufficiet vnica potentia appetitiua, sicut in spiritualibus vnica voluntas; sicut enim à voluntate mouetur totum suppositum, ideoq; sufficit vnica potentia vniuersalis ita totum suppositum mouetur ab appetitu sensitiuo præsertim in brutis, ergo sufficiet vna potentia, præsertim quia natura semper studet compendio, & vnitati.

Secundo, quia actus irascibilis etiam versatur circa bonum concupitum, ordinatur enim irascibilis ad defendendum ea, quæ concupiscimus, vnde dicit Arist. 8. de animalibus, quod pugna animalium est propter res concupitas, ut propter cibos, vel venerea, & Iacobi 4. dicitur: *Vnde bella & lites in vobis? nonne ex concupiscentiis vestris?* Ergo conuenienter eidem potetia tribuitur concupiscere, & defendere concupitum, quomodo

modo enim tuebatur una potentia id, quod alia concupiscit.

Tertio, quia irascibilis tendit in ipsam affectionem rei concupitæ, ergo substantia- liter habet concupiscere, nec distinguitur ab eo nisi accidentaliter, quatenus vincit impedimenta huius affectionis.

Denique si sunt potentia distinctæ, non est assignare, quænam sit perfectior, nam ex una parte irascibilis habet obiecta alia, ut potest arduum & eminens bonum, ex alia parte ordinatur ad concupiscibilem, quia defendit id quod concupiscimus, ergo melius est dicere quod est una potentia.

*Nihilominus oppositum est expressè D. Thom. 1. p. q. 8. art. 2. ubi dicit esse duas species appetitus sensitivi, irascibilem & concupiscibilem, & quod non reducuntur in unum principium. Similiter idem affirmat, 2. 2. de anima, lect. 11. circa text. 41. ubi dicit, docet quod in parte rationali est voluntas, in irrationali autem concupiscencia sensitiva. Et subdit, sicut in tria anima, ita in quoque parte appetitus. Ratio & fundamentum videtur esse prior, ex diversitate obiecti supposita imperfectione & materialitate appetitus sensitivi, quæ non potest in aliqua superiori & universali ratione vivere illa obiecta sicut voluntas. Itaque obiectum formale appetitus est bonum appetibile ordinis sensitivi, ergo illa distinguuntur in ratione formalitatis obiecti, quæ distinguuntur in ratione formalitatis boni, sic autem se habet obiectum concupiscibile & irascibile, ergo ex vi obiecti formaliter & realiter distinguuntur. *Consequenter*, quia posita diversitate obiecti, & non aliqua ratione potentiæ vivente illa, per se sequitur distinctio potentialium, sicut & distinctio obiectorum. *Minor vero probatur*, quia ut aliquid sit obiectum concupiscibile, sufficit quæcumque ratio boni convenientis sibi, ad hoc enim ratione convenienter tendi debet per aliquem appetitum. At vero irascibilis respicit bonum sub quadam speciali convenientia, nempe ut arduum & eminens. Nomine autem*

ardui non intelligitur solum id quod est difficile in se passivè, quasi impeditum ut possit consequi, sicut enim potius retraheret appetitum, & induceret fugam, dicit autem D. Thom. *lect. illa 14. Quid non habet rationem quod aliqui dicant, irascibilem dicere fugam mali.* Intelligitur ergo nomine ardui id, quod aliud est arduum, hoc est bonum vel habens eminentiam & vim ad vincendas difficultates, non quia habeat illas in se, sed quia vincit illas & resistit contrariis, & corrumpentibus, quæ præstant impedimentum, ut dicit D. Thom. *quæst. 81. cit.* Et ideo spes divina licet pro materia respiciat Deum ut rem consequendam, tamen formaliter respicit eum, ut auxilium seu vincentem malum. Quare bonum sub ratione vincentis malum est obiectum irascibilis, non ipsum malum ut fugiendum præcisè, nam potius hoc pertinet ad concupiscenciam quæ fugit malum per tristitiam: bonum autem sub ratione convenientis est obiectum concupiscibilis. Itæ autem in ipsa ratione formali boni, ut appetibilis, contrarias & diversas rationes formales inducunt, nam ad efficiendum appetitum, concupiscibile simpliciter allicit, arduum verò comparatione illius potius videtur horrorem & retractionem inducere, eo quod contrario modo procedit, scilicet proponendo bonum laboriosum, asperum, & difficile & ut vincens per virtutem, & vim ad propellendas illas difficultates, ergo in ipsa ratione boni appetibilis contrario, & distincto modo se habent ista bona, & quasi reducuntur ad differentiam actus & passivi, quod maxime distinguere solet potentias. *Nec obstat*, quod unum istorum coordinetur, vel subordinetur alteri, ut dicit P. Suarez, nam multas potentias & habitus videmus subordinari inter se, & tamen propter hoc non sunt unum, sed potius ob hoc distinctionem petunt, sicut sensus externi subordinantur internis, & artes, seu virtutes inferiores superioribus, nihil enim subordinatur sibi ipsi.

Cur autem in voluntate uniantur istæ duæ rationes boni concupiscibilis & irascibilis,

nec petant duas potentias, optimè explicat D. Thom. 1. p. *quæst.* 82. *art.* 6. & *quæst.* 2. de *Veritate*, *art.* 4. quia voluntas respicit universalem rationem boni, sicut intellectus universalem rationem veri, ergo sicut unus intellectus est qui valet omnibus sensibus, ita voluntas omnibus appetitibus. Et præferimus, quia voluntas non firmatur ad quod bonum, ut determinatur, sed cum quadam collatione & comparatione ad aliud bonum, quod potest comparativè ad illud accipere, vel relinquere, ergo oportet quod talis potentia, ut respicit bonum collativè, & comparativè ad alium, habeat eminentiam super utrumque, & sub ratione superiori illa comprehendat, cum ergo bonum irascibilis & concupiscibilis possit appeti à voluntate collativè & comparativè unus ad aliud, consequenter oportet, quod unico & eminenti modo utrumque respiciat, appetitus autem sensitivus non unico, sed duobus modis, quia non appetit cum comparatione unus ad aliud, sed quodlibet absolute, & determinato modo. Quæ est explicatio S. Thom. 1. de *Veritate*, *art.* 4.

Quod si dicas, non possi quidem appetitum sensitivum esse simile irascibilem, & concupiscibilem, id eminentiam, qui voluntas, quia non respicit bonum univèrsale, neq. modo comparativè & collativè, posse tamen respicere univèrsale tendentia utrumque, sicut appetitus innatus qui vultus cum sit & appetit centrum & motu suo tollit impedimenta quantum potest, ergo similiter ad eundem appetitum pertinebit appetere item per concupiscibilem & tollere impedimenta, seu vincere difficultates, quod est irascibilis. *Respondetur*, Appetitum innatum non esse virtutem seu potentiam appetendi, sed esse habitudinem formæ ad illud, quod est sibi convenientis, unde caret appetente ardor ut arduum est, nam virtus illa, qui res inanimata vincit difficultates, & tollit contraria, non est virtus appetitiva, sed merè executiva, unde non in unum, quod vincat contraria, quia ad hoc ipsum ordi-

natur executio. Ceterum ubi appetitus est virtus & potentia superaddita, respicitque ipsam arduitatem vincendi contraria, non solum per modum executionis, sed etiam per modum appetibilis, oportet distinguere appetitum ardui, ab appetitu concupiscibili, ob diversitatem formalem boni in ratione appetibilis.

A posteriori vero probatur, has potentias distinguere, cum quia requirunt distincta organa & temperamenta, nam irascibilis requirit multum roboris, & viaticiores spiritus, ideoque residet in corde, unde dicitur *Gen.* 4. *Quod est accensio sanguinis in corde*, ac verò concupiscibilis petit molliorem dispositionem, & residet in hepate, per concupiscentiam enim dilaturur seu demulcetur sanguis, sicut per miliriam costringitur. Distinctio autem per organa & temperamenta, distinctas potentias inter inferius materialibus. Et eadem ratione requirit distinctio inter istas potentias, quia videmus pugare inter se passionem irascibilem, & concupiscibilem, & vnam mutare alteram, seu extingui. Nec sufficit ad hoc diversitas actuum, sicut odium oppositur amori, & audium & timor, & tamen sunt eisdem potentie. Nam contra est, quia passionem concupiscibilem & irascibilem non se mutant & deducunt propter contrarietatem obiectorum, sicut odium & amor vel propter solum diversam motum localem dilatoris, & coarctationis, sed propter diversam alterationem, & temperamentum, quia concupiscentia dilatat molliorem, quia vero accendens exasperat, quæ sunt signa diversæ affectionis & organæ, atque adeo & potentie.

A priori quoque fundamentum D. Suarez dicitur etiam potentias apprehensivas distinguere, sicut & appetitus, quia sensus communis & phantasia apprehendunt res inextensas, id est, ut convenientes sensui, & sic potest regulare concupiscibilem. Appetitiva autem apprehendit res non convenientes, sed, secundum rationem utilis & convenientis

ad ipsum totum, & ad eius conseruationem & defensionem, & sic regulare potest irascibilem, quæ respicit bonum laboriosum & arduum, non sensatum seu secundum sensum. Ita ex D. Thom. 1. p. *quæst. 82. art. 2. ad 1.* *Quod vero dicitur de unitate voluntatis respectu concupiscibilis & irascibilis, iam solutum est.* & reddita differentia, quare in parte intellectiua non diuiditur voluntas in irascibilem & concupiscibilem, sicut in parte sensitiua,

Ad secundum respondetur, irascibilem supponere concupiscibilem, & ab ea originari, sicut etiam voluntas supponit intellectum, & ab eo deriuatur, & potentia motiua supponit appetitiuam, & ab ea deriuatur, nec tamen propter hoc sunt eadem potentia, sed diuersæ, imò hoc est commune omnibus potentijs subordinatis vt inferior supponat superiorem tanquam dirigentem & mouentem, & tamen distinguantur. Sic ergo irascibilis respicit rem concupitam vt assequibilem vincendo difficultates, quod supponit rem esse concupitam vt fruibilem & delectabilem, & quanto maior est concupiscentia, tanto fortius insurgit irascibilis ad pugnandum, & tollendum eius impedimenta. Vnde irascibilis originatur à concupiscibili, intendente & amante, terminatur vero ad ipsam vt fruientem pacifice, vt constat ex D. Thom. 1. parte, *quæst. 81. artic. 2.* Nec est inconueniens quod vna potentia tueatur, quod alia appetit, sicut quod exequatur per potentiam motiuam id, quod desiderat per appetitiuam, & potentia vegetatiua ministrant sensitiuis alimentum & spiritus, quibus indigent, & multæ aliæ potentia inferiores ministrant superioribus, & tamen sunt distinctæ.

Ad tertium dicitur, quod irascibilis appetit executionem, non tamen eo modo appetit, quo concupiscibilis, sed diuerso, vt explicatum est, & ita utriusque potentia conuenit appetere genericè sumptum, sed non sub eadem specifica ratione, vt D. Thom.

docet *quæst. illa 81. art. 2.* Nec obstat, quod ad eandem potentiam pertinet tendere in vnum, & sugere eius contrarium, id enim verum est de simplici fuga, & reiectione sui oppositi, sicut ad concupiscentiam pertinet amor & odium, tristitia & gaudium circa opposita. Caterum tendentia ad contrarium per modum victoriæ & propulsationis difficultatum, sic non sufficit simplex reiectione oppositi, sed requirit peculiarem aliquam eminentiam, seu rationem formalem respicientem bonum vt vincens difficultates, sicut charitas simpliciter odit peccatum, & tamen distincta virtus penitentia datur ad destruendum illud per modum expiatiuæ satisfactionis.

Ad vltimum dicitur, Irascibilem esse simpliciter excellentiorem concupiscibili, vt docet D. Thom. *quæst. 25. de Verit. art. 2. ad 2.* quod obiectum eius est excellentius, vt potest bonum eminens vincens difficultates, quod maiorem actiuitatem debet habere, quia plus resistentia debet vincere, & quia dirigitur à nobiliori regula, id est, ab æstimatoria & rationibus insensatis, quæ inter sensibilia summum locum tenent, magisque accedunt ad rationem. Nec obstat, quod deseruit concupiscibili, & ad eam ordinatur, imò versatur circa media, concupiscibilis vero versatur circa finem amando & fruendo. *Respondetur enim* quod ordinatur ad concupiscibilem non absolute, sed vt pacatæ & quietæ fruientem, & remotis contrarijs, quod pertinet ad superiorem vim, sicut Rex ordinatur ad pacem & quietem rusticis, & tamen est superior illorum, ita pax & quies concupiscibilis est finis ipsius irascibilis, & tamen est superior concupiscibili, respicitque ipsam non vt finem cuius gratia, sed vt finem effectum, quia ordinatur ad fruitionem ipsam efficiendo illam, vt pacatam, & à contrarijs defensionem. Et similiter non versatur circa media absolute sumpta, sic enim etiam pertinent ad concupiscibilem, sed circa media vt defensa & resistendo difficultatibus, quod est respicere

media modo superiori & eminentiori, sicut requiritur ad vincendas difficultates, imò non solum media, sed etiam finem ipsum respicit non sicut concupiscibilis præcisè desiderando, sed respicit ut assequendum, difficultates vincendo, quod est respicere sub maiori actiuitate, & virtute ipsum finem.

Circa aliam difficultatem supra positam, quomodo sumatur diuersa ratio formalis distinguendi appetitus ex diuerso modo apprehensionis, ut sumit D. Thom. 1. parte, *quæst.* 81. *art.* 2. cum tamen apprehensio solum se habeat ut conditio ipsius finis, seu boni apprehendi. Respondetur, quòd ipsa apprehensio formalis, ut dicit applicatio-nem rei appetibilis ad appetitum, non est formalis ratio specificans, vel distinguens ipsos appetitus, sed tantum conditio applicans. Ceterum ipsum appetibile, quod tali apprehensione, seu applicationi subest, distinguit appetitus secundum diuersum modum proportionis ad istum vel illum appetitum. Itaque apprehensio radicalis ex parte ipsius obiecti appetibilis, quatenus fundat apprehensionem magis vel minus vniuersalem, aut ut simpliciter amabile, vel secundum rationem ardui, & vincendis difficultates, aut secundum alias similes rationes, sic pertinet ad rationem formalem specificantem, & distinguentem appetitus. Ipsa vero apprehensio non radicaliter ex parte obiecti, sed formaliter sumpta ex parte potentie, applicationem seu conditionem dicit, non rationem formalem, quod expressè deducitur ex D. Thom. *quæst.* 25. *ad 2. Perit. art.* 2. *ad 6.* & *quæst.* 25. *art.* 4. *ad 1.* & 1. 2. *quæst.* 30. *art.* 3. *ad 2.* prout ostendimus & deduximus in 1. *Physic. quæst.* 13. *art.* 1. ubi etiam ostendimus quomodo apprehensio, seu conditio finis, quod non sit supplebilis, eo quòd non possit aliquid esse voluntum, quin præcognitum. Videtur ibi.

ARTICVLVS II.

Quæ sit radix libertatis in voluntate?

Dixi liberum arbitrium in nobis, tum ex sacris litteris, tum experientia ipsa notius est, quam ut probatione indigeat. Dicitur enim Eccl. 15. *Relinquit cum in manu consilij sui, & Isai. 24. Optio vobis datur hodie, quod placeuerit.* & 1. Corin. 7. *Potestatem habetis suæ voluntatis, &c.* Denique quot peccata, tot sunt testes libertatis nostræ, sine qua nullum potest esse peccatum.

Difficultates autem quæ circa libertatem istam explicandam oritur sunt, variae, & multiplices, ac penè inextricabiles factæ sunt. Plura ad Theologos pertinent. In præsentem ad tria capita reducimus, secundum quod libertas voluntatis ad tria potest respicere; primo ad radicem internam, ex qua oritur; secundo ad causam externam, ex qua dependet, quæ est Deus cuiusque concursus, quomodo cum illo componatur contingentia voluntatis; tertio ad obiectum circa quod versatur, quomodo videlicet ab illo habeat indifferentiam, vel necessitatem.

Circa primum punctum suppono, quòd libertas formaliter in voluntate consistit, ut docet D. Thom. 1. parte, *quæst.* 2. *art.* 1. tum quia a voluntate eliciuntur precipuis actus liberi, qui est electio, per quod maxime respiciunt libertas actuum in eligendo verum, & reijciendo aliud, electio autem est actus voluntatis, quia versatur circa bonum, eligitur enim id quòd est conueniens, reijcitur autem id, quòd est inconueniens, quæ est ipsa ratio boni, aut mali. Tunc, quod dominum, quod in vultu pertinet ad potestatem liberam formaliter inuenitur in voluntate, eo quòd de illo dicitur habere dominium, quo vultum non volumus, & quòd est in manu nostra, unde non dicitur a principio extrinseco totaliter sit enim in homine, & non dominatur, sed illud nos habetremus, sed debet esse a principio interno.

Intrinscco, & non potest esse ex impetu naturæ, sic enim esset omnino determinatum non indifferenter, & cum potestate ad videndum, vel non videndum, quod requiritur ad dominium, natura autem ex determinatione agit. Nec potest esse solum principium cognoscitiuum, quia hoc etiam necessitatur, & determinatur ab ipso obiecto, & ex naturalibus principiis, ergo oportet quod sit principium voluntarium, quod est ipsa voluntas; unde tunc maxime dicimur esse voluntarij in aliquo actu, quando cum pleno dominio illum agimus; & non interueniente aliqua necessitate, vel seruitute.

Dico ergo primo. *Indifferentia libertatis consistit in potestate dominatiua voluntatis non solum super actum suum ad quem mouet, sed etiam super iudicium à quo mouetur.* Ut explicetur conclusio oportet distinguere rationem indifferentiæ, quæ opponitur necessario & constituit liberum, vnum quodque enim contrarium magis elucescit ex ordine ad suum contrarium. Igitur necessarium videtur D. Thom. *quest. 22. de veritat. artic. 6.* importat duo, primum est esse fixum & immutabile, & sic opponitur casuali seu contingenti, & fallibili. Secundum est, quod sit determinatum ad vnum, cum carentia potestatis ad plura, & sic opponitur libero, quod est cum potestate ad verum liber, siue habeat contingentiam siue non; in Deo enim liberum caret contingentia, & habet omnimodam infallibilitatem cum summa libertate. Indifferentia etiam est duplex, alia passiva, siue potentialitatis, alia actiua, siue potestatis. Prima est imperfecta, & non conducit ad agendum, sed magis obest, quanto enim aliquid magis est potentiale ad plura, & indeterminatum, magis elongatur ab agendo, & indiget determinari & actuari, vt de facto operetur. Quare ista indifferentia potentialitatis non est de ratione liberi, sed si inuenitur in agente libero, est imperfectionis, quia non est sufficienter in

actu, & ita quanto magis tollitur, & remouetur ista potentialitas, tanto magis perficitur libertas, quia reduciatur in actum. At vero potentia actiua seu potestatis, adhuc est duplex, quædam est indifferentia solum per modum vniuersalitatis in agendo, quatenus aliqua causa est æquiuoca, & non solum vnum effectum agere potest, sed etiam plures, & diuersæ speciei, & hoc etiam potest inueniri in causis necessarijs, nam etiam sol plura potest agere, & sensus, & intellectus plures actus elicere. Alia est indifferentia dominatiua, seu arbitratia, quæ ita habet eminentiam ad agenda plura quod non potest obligari, & coartari ad agendum, sed potest agere vel non agere. Et hanc indifferentiam dicimus consistere in hoc, quod non solum habeat potestatem super actum seu effectum ad quem mouet, sed etiam super iudicium à quo mouetur, ita quod in manu sua habeat discernere, & iudicare, & auertere illud iudicium à quo mouetur, quod quia non habet brutum, cuius appetitus non potest auertere iudicium semel positum, ideo caret libertate.

Ita docet D. Thom. *quest. 24. de veritat. artic. 1. in fine*, ubi inquit: *Homo per virtutem rationis iudicans de agendis potest de arbitrio suo iudicare, in quantum cognoscit rationem finis, & eius quod est ad finem, & habitudinem, & ordinem vnius ad alterum, & ideo non est solum causa sui ipsius in mouendo, sed etiam in iudicando, & ideo est liberi arbitrij, vt si diceretur liberi iudicij de agendo, vel non agendo.* Et ibidem artic. 2. inquit: *Iudicium est in potestate iudicantis secundum quod potest de suo iudicio iudicare, de eo enim quod est in nostra potestate possumus iudicare. Iudicare autem de iudicio suo est solius rationis, quæ super suum actum reflectitur, & cognoscit habitudinem eorum de quibus iudicat, & per quæ iudicat, unde totius libertatis radix est in ratione constituta.* Et de eodem videri potest, prima parte, *questione 83. artic. 1. & questione 8. de malo*

articul. 1. Erratio est, quia ut voluntas habeat plenum dominium suarum actionum, oportet quod a suo mouente non coarctetur, & determinetur, sed potius ab ipso mouente eius libertas & indifferentia conservetur, & perficiatur. ergo oportet, quod habeat potestatem, non solum super id, ad quod mouet, sed etiam super id a quo mouetur, quod est iudicium, & hoc est habere potestatem dominatiuam, id est potestatem arbitrari, & discernendi. *Consequentia patet*, quia si semel posito iudicio, voluntas non posset arbitrari de illo, nec haberet potestatem supra suum mouens, hoc ipso vel maneret totaliter alligata illi iudicio, & sic non maneret libera, sicut in breuis posito iudicio, appetitus alligatur illi, & non potest illud auertere, vel non posset homo pro sua voluntate disponere de agendis, & applicare intellectum ad arbitrandum, sed casualiter gubernaretur. *Nec potest instari in promotione Dei*, supra quam non habemus potestatem, ut possimus illam auertere, & tamen sumus liberi. *Respondet enim*, quod *ut infra, & sequent. artic.* dicimus, promotio Dei est non sit dependens a nostra potestate, est tamen propter suam vniuersalitatem radix, & principium nostrae potestatis, & modi indifferentis, & dominijs unde et si non possit voluntas super ipsum, non tollitur libertas, quia potius ab illo datur super omnes potentias animae, non super id quod est extra, qualis est Deus. Ac vero si supra iudicium internum non haberet dominium, careret libertate dominari super omnes potentias animae, & super principium quae ceteras dirigit, scilicet intellectum.

Quod si dicat, voluntatem Dei esse liberam & tamen non posse iudicium suum semel habitum mutare vel auertere, quia est immutabile. Similiter Angelus post perfectam electionem manet inflexionis iudicij, nec potest illud auertere, & tamen est liber, ergo libertas non petit dominium

supra iudicium suum. *Resp.* voluntatem Deitam habere in manu sua suum iudicium, quod est ipsummet mutabilem, & ita operetur omnia secundum consilium voluntatis suae. Sed quia hoc iudicium est summe perfectum, nec operatur operationes temporales, sed aeternas, ideo dominium voluntatis eius non est dominium mutandi iustitia, & actus suos, faciendo illos temporales de aeternis, sed iudicium illud vnicum existens, & immutabile, quoad entitatem potest liberè mutare omnia obiecta, & propter eminentiam suam, habere rationem volitionis, & resolutionis eiusdem obiecti. Unde talis causa eadem manens potest immutare omnia, & non causare idem propter eminentiam suam ad omnia, licet semel applicato actu illo pro volitione determinate non possit immutari talis respectus, quia aeternus est, licet in ipsamet aeternitate ex meritis obiecti potuisset oppositum velle, non tamen ex suppositione, quod iam est volutum. *Ad illud vero de Angelo dicitur*, quod modo etiam potest mutare iudicia circa illas res, de quibus non perfecte, & totaliter deliberat. De illis vero de quibus iam perfecte deliberat, dicitur esse inflexibilis iudicij, non ex defectu dominij, & potestatis supra illud iudicium, sed ex perfecta, & totali adhaesione ad illud, & ita ex sua voluntate sit immobilis, non contra illam. Et simpliciter habet dominium illius iudicij etiam quoad mutationem, quia potuit non eligere illud a principio, licet ex suppositione, quod velit adherere illi, non possit illud mutare propter perfectam comprehensionem rerum, & perfectam determinationem ad id, quod eligit ex tali comprehensione, & hoc est simpliciter esse liberum solum vero ex suppositione, quod sic perfecte velit adherere, esse immobilis.

Dico secundo proxima & immediata dixi liberi sunt. voluntas est indifferens iudicij in ratione. Constat ex dicto, per 8 D. Th. artic. 2. & speculatio videtur per 12.

q. 17. art. 1. ad 2. ubi inquit: *Radix libertatis sicut subiectum est voluntas, sed sicut causa est ratio.* Et idem habet 1. part. quest. 83. artic. 1. & q. 24. de verb. art. 1. & q. 6. de malo, art. 1. & 1. contra gent. c. 85. Ratio vero sumitur ex *preced. art.* quia omnis appetitus elicitus sequitur ad apprehensionem seu ad formam apprehensam: sed voluntas prout libera est appetitus elicitus, ergo ut sic debet sequi, & radicari in aliqua apprehensione indifferenti, nec enim inclinatio potest excedere vim formae, ad quam sequitur, & habere in se plus quam contineatur in forma, ergo appetitus ille prout indifferens, non potest sequi ex forma apprehensa, sine indifferencia, quae est forma determinata & coarctata ad unum. Unde videmus quod quando iudicium caret omni indifferencia, & solum est coarctatum ad unum, motus qui sequitur in voluntate est indeliberatus & carens libertate, ergo ita dependet appetitus ut libera forma apprehensa indifferenter, sicut quilibet appetitus elicitus a forma apprehensa & cognita ut sic.

Difficultas vero est, an taliter requiratur indifferencia iudicii ad libertatem voluntatis ut stante iudicio indifferenti, repugnet voluntatem necessitari. Quae quaestio non potest latius disputari in praesenti, quia multa tangit, quae ad determinationem voluntatis spectant, sed breuiter punctum difficultatis attingemus quantum deseruit ad explicandam libertatem voluntatis. In hac ergo difficultate P. Suarez Prologomemo 1. de gratia, cap. 4. tenet id non repugnare, nec ex parte omnipotentiae diuinae, quia potest voluntatem creatam quando voluerit, ubi voluerit, & quomodo voluerit immutare, ut docet August. in *Enchirid. cap. 98.* ergo posito iudicio indifferenti, potest voluntatem immutare ad necessitatem. Ex parte autem voluntatis non est repugnancia, quia cum potestas dominatiua habeat duas partes, scilicet, ad agendum & non agendum, poterit impediri quoad unam partem, & quoad aliam ordi-

nari à Deo ad operandum, impedita potestate ad agendum aliud, cum enim omnis potestas creata sit subiecta, & deriuata à diuina, potest impedire illam quoad unam partem, negando, verbi gratia, concursum suum ad nolendum, & dando solum concursum ad volendum. Accedit quod in re praedeterminatio Physica, quam ponunt Thomistae, datur à Deo stante iudicio indifferenti, & antecedenter ad usum libertatis immititur illa qualitas in voluntatem, quae determinatur ad unam partem tantum, ita quod illa posita voluntas non potest resistere, & oppositum facere, quae licet ab illis non vocetur necessitas, sed determinatio, tamen in re nihil amplius requiritur ad necessitandum, quia illa qualitas extrahit voluntatem à sua naturali indifferencia. Denique D. Thom. quest. 2. de veritat. art. 6. faceret posse voluntatem necessitari à Deo, sed non cogi.

Nihilominus dico tertio. *Repugnat necessitari voluntatem stante iudicio indifferenti, quod dirigitur talis voluntas in illa operatione.* Haec conclusio communiter tenetur inter recentiores Thomistas, ut indicat M. Bañez 1. p. quest. 19. artic. 10. dub. 1. s. sed dices, in secundo corollario. Aluarez in lib. de auxilij d. p. 126. conclus. 5. & tenet etiam P. Vazquez, prima parte, disputatione 99. capit. 8. & videri etiam potest disput. 90. cap. 2. num. 8. & disputatione 98. capite. numero 31.

Ratio vero est: quia ad hoc ut necessitetur voluntas stante iudicio indifferenti, requiritur, quod ponatur in voluntate tale impedimentum, quod non solum de facto efficiat unum, & non aliud, hoc enim quotiescumque de facto operatur, interuenire debet, neque enim potest utrumque oppositum operari, sed alterum tantum. Requiritur ergo tale impedimentum, quod impediatur voluntatem non solum ne faciat, sed ne facere possit oppositum etiam si ab indifferenti iudicio moueatur: implicat autem, quod non destructa voluntate, tollatur.

Tollatur ab ea potentia, ne possit oppositum eius quod proponitur sibi cum indifferentia, siquidem hoc essentialiter postulat potentia voluntatis, ut respectu obiecti determinatè, & sine indifferentia propoliti, moveatur voluntas determinatè, & sine indifferentia; respectu autem obiecti indifferentis, habeat potestatem ad utrumlibet, ergo si tollitur per indifferentem potentia voluntatis, non solum quod de facto non faciat hanc partem, vel omittat id quod non possit oppositum respectu obiecti indifferentis, hoc ipso tollitur per tale impedimentum potentia voluntatis & essentialis eius ratio. Quod præsertim videtur, quia non ita obiectum indifferens proponi, & non moveri voluntatem ab illo, ut indifferenter propolito, alias si ab illo non moveatur, vel moveatur ab alio, vel à nullo. A nullo moveri non potest, quia sic ferretur voluntas in incognitum, vel omnino nihil ageret, quod est non moveri, nec necessitari ad aliquem actum, sed suspendi ab omni actu; si ab alio, vel ut indifferenti, vel ut necessario, & determinati. Sive indifferenti, est eadem ratio, ac de primo. Si ut necessario, tollitur casus in quo procedimus nempe quod stante iudicio indifferenti, voluntas necessario velit. Unde etiam in hoc casu iudicium ipsum indifferens non ligatur, vel solum repræsentet unum, & occultet aliud, ex cuius repræsentatione constat eius indifferentia, tunc enim destruitur casus, quia non manet iudicium indifferens, sed id quod repræsentatur, & proponitur solum apparet ut determinatum ad unum, & sic est perinde ac si iudicium indifferens non sit. Si autem iudicium indifferens ad utrumque apparet & movet, ergo supponit in voluntate esse potentiam hic & nunc mobilem ad utrumlibet, si quidem à mouente indifferenti hic & nunc moveatur, stante autem potentia mobili ad utrumlibet, & de facto sic mota ab obiecto, non ita tolli potentiam, ne possit utrumlibet, quod requiritur ad hoc ut necessitetur, ergo implicat necessitari

voluntatem stante iudicio indifferenti mouente voluntatem, siquidem non habet aliud motum ex parte obiecti.

Denique aut est implicatio; quia distans iudicij indifferens est illud, quod proponitur voluntati cum advertentia, quod operetur circa illud, si velit, sic enim proponitur, quod ex vi propositionis potest omitti, quamdiu enim hoc non advertitur, remanet naturalis & indelimitata proportio, sicut in actibus primo primis. Si ergo iudicio indifferenti cum illa plena advertentia, si Deus necessitas voluntatem per suam impressionem, vel concussam destruit illud iudicium aut conservat, si destruit, non currit casus, sed ita promittitur, quia tunc non stante, sed destructo iudicio indifferenti necessitatur voluntas. Si conservat, ergo conservat falsam advertentiam, quia iudicium indifferens est illud, quod proponitur cum plena advertentia, & tali iudicio quod possit omitti, & tamen voluntas tunc alligata, & coarctata non potest omitti. Quomodo ergo continuatur indifferentia iudicij, quod talem advertentiam petit?

Dices: Illam advertentiam solum esse, quod possit voluntas omitti quantum est ex meritis obiecti, quod in illo casum iam verificatur, siquidem non ex vi obiecti, sed ex impressione extrinseca necessitatur voluntas. *Sed contra est:* Quia illa advertentia, quæ præcise ex meritis obiecti est, & non absolute, non est præcise indifferens, nam si voluntas tunc impeditur, ita quod non possit omitti, quia in illa datur illa determinatio, & coarctatio, ergo perinde est voluntati sic affectæ proponere aliquid ut indifferens ex meritis obiecti, ac si proponeretur aliquid indifferens absolute, hoc enim esset proponere aliquid ut indifferens per se, supponere ad utrumque illud, & sic non mouetur illa potentia ab illo distamine ut indifferenti, sed solum ab altera parte illius distaminis, ergo

ergo vel altera pars occultatur, seu non proponitur voluntati, vel proponitur. Si proponitur, ergo mouet illam sub ratione indifferentiæ, cum tamen potentia voluntatis supposito impedimento indifferens non sit, sed necessitata, & non potens nisi ad vnum sicut potentia bruti. Si autem occultatur, & solum proponitur vna pars dictaminis, ergo non manet dictamen indifferens, siquidem non proponitur cum indifferentia, & sic verum est, quod stante dictamine indifferenti, & non reducendo illud ad dictamen determinatum, & necessarium, non tollitur indifferentia voluntatis, quia manet potentia mobilis ab indifferenti iudicio, si iudicium ipsum indifferens stat, iudicium enim ipsum indifferens, motio est indifferens voluntatis.

Ad fundamentum oppositum patet ex dictis istam repugnantiam esse ex parte voluntatis, ut est potentia mota, & subordinata iudicio, sic enim non stat subordinari iudicio indifferenti, mouerique ab illo stante indifferentia, & voluntatem ipsam manere sine potentia ad vtrumlibet, ut explicatum est. *Vnde quando dicitur* potestatem voluntatis nostræ totaliter esse subiectam voluntati diuinæ. *Respondetur*, ita esse sed conuenienti modo, non repugnantem, conueniens autem modus est ut subijciat Deus voluntatem sibi non contra radicem indifferentiæ illius, quæ est iudicium indifferens, sed iuxta illud, vel mutando dictamen indifferens si voluntas necessario operatura est. Et similiter potest Deus mouere, & mutare voluntatem quando voluerit, & quomodo voluerit, quia potest mutare dictamen indifferens in aliud indifferens, ut velit libere, vel in necessarium ut feratur necessario, vel totaliter suspendere ut nihil velit, non tamen ut stante indifferenti iudicio necessario velit.

Ad id quod dicitur, de prædeterminatione physica, quam nos ponimus. *Respond.* esse longè disparem rationem, ut dicemus *sequenti articulo*, quia hæc physica motio

Pars III. Physic.

non coarctat potestatem voluntatis, sed aperit cor intendere his, quæ proponuntur per rationem, sicut dicitur *Act. 16.* de Lydia purpuraria, cuius Dominus aperuit cor intendere his, quæ à Paulo dicebantur. Itaque sunt oppositæ motiones, physica prædeterminatio quæ aperit cor, & physica motio, quæ potestatem cordis claudit necessitando ad vnum, & arguere ab vno ad aliud non habet apparentiam, & multo minus, quod dicit P. Suarez *creat. loc. numer. 8. in fine*, quod prædeterminatio physica extrahit voluntatem à sua connaturali indifferentia, quod est non distinguere de indifferentia potentiali, seu suspensiva, & de actiua, seu dominatiua, nam à prima extrahit prædeterminatio, quæ actu mouet ad operandum actum determinatum, sed non ad operandum determinate ex parte modi operandi, & ideo conseruat secundam indifferentiam, quæ ex parte modi operandi se tenet. Et omnia mouentia voluntatem, ad hoc mouent, ut voluntas non maneat perplexa, & suspensa, sed ut actum determinatum eliciat, non tamen ut modum volendi, & se libere determinandi tollant. Et cum in isto genere Deus sit actualissimum, & vniuersalissimum agens, & radix ipsa libertatis, mouet ipsam voluntatem vltima actualitate ad actum, ut non sit perplexa, & suspensa circa ipsum, eius tamen modum operandi conseruat, qui est modus se determinandi, licet dependenter à motione diuina, quæ licet ex parte Dei immutabilis, & infallibilis sit, ex parte tamen effectus, quem operatur, aliquid liberum & mutabile operatur.

Quod si tandem quæras, quid sit ista libertas seu dominatiua potestas in ipso actu libero & elicito? *Respondetur*; multos sentire solum esse denominationem extrinsecam, non aliquid physicum, ut docet P. Vazquez, *prima secunda, disputat. 34. capit. 3. referens se ad disputation. 95.* vbi de actu peccati, & moralitate eius id docet consistere scilicet in respectu ad obiectum

Si dissonum,

dissonum, qui respectus est denominatio rationis seu relatio rationis. Nam idemmet actus amoris secundum entitatem elicitus cum plena aduertentia est liber, remota aduertentia non est liber, ordo autem in actu ad plenam aduertentiam, ordo rationis est, & denominatio extrinseca, quia non procedit actus realiter ab ipsa aduertentia, sed regularatur extrinsecè ab illa. Et idemmet actus charitatis in via, si continuetur separata anima cum visione beata, vel quotidie cum anima purgatorij beatificantur, actum charitatis in quo actualiter perseuerant, continuant visa Dei essentia, quia charitas non excidit, sed eiusdem speciei est in via & in patria, & tamen in via est actus liber, in patria, necessarius, ergo idem actus numero transfertur de libero in necessarium, & sic non ponit aliquid reale intrinsecum immutans actum.

Ceterum difficultas hac non est magni momenti. Satis tamen probabile est actum liberum in ratione libertatis realem aliquam habitudinem dicere ad suum principium liberum, ratione cuius dicitur in actu secundo liber. *Ratio est;* quia licet ille actus non procedat realiter ab aduertentia iudicij, procedit tamen realiter à voluntate, quæ realiter dependet & mouetur ab obiecto proposito per iudicium, ergo si aduertentia mutatur, mutatur iudicium regulans ipsam voluntatem, quia sine aduertentia non applicatur, nec regulat ipsam, ergo etiam habitudo voluntatis ad tale iudicium habens distinctam aduertentiam mutatur, sicut si simile respicit alterum simile, si mutatur vnum, mutatur relatio, seu respectus ad illud: constat autem quod voluntas respicit realiter intellectum, & dictamen eius, sicut mobile suum mouens, ergo mutato dictamine, incipit nouo respectu reali illud respicere, quia est nouum mouens respectu voluntatis mobilis, ergo similiter actus huius mobilis incipit noua relatione respicere illud dictamen, & aduertentiam liberam eius, secundum quam mouetur, & à

qua realiter pendet, ergo cum libertas actus consistat in respectu, & habitudine ad principium liberum, & hoc principium sit voluntas, ut mota & dependens realiter à tali iudicio (siue physicè, siue moraliter, dummodo realis dependentia sit) consequenter est sufficiens fundamentum, ut realis relatio detur in ipsa ratione liberi, quæ est in actu voluntatis. Quare licet aduertentia non sit principium effectuum actus liberi, est tamen motuum ex parte obiecti, ab obiecto autem mouente, aut terminante realiter dependet actus, & realiter respicit illud relatione mensurati ad mensuram (quæ realis est) & mobilis ad suum mouens. Similiter adueniente visione Dei clara, sine dubio existimo valde mutari voluntatem in actu amoris, aut non eundem numero continuari, quia incipit procedere ille amor non solum cum maiori intentione, quam antea, quod sufficiebat ad mutationem realem etiam in eodem actu, sed exit cum excellentiori perfectione tanquam actus quiescentis in fine habetis summum gaudium, maximum seruire, & multas alias perfectiones, quæ vel perunt nouum actum exire, vel eundem notabili mutatione reali, sicut etiam quando interdicitur amor, licet maneat idem actus, realiter tamen perficitur & immutatur. Charitas ergo non excidit, sed tamen perficitur.

ARTICVLVS III.

Quomodo originetur libertas voluntatis à radice extrinseca, quæ sit Deus?

Sicut libertas voluntatis dependet à radice intrinseca, quæ est indifferentia iudicij, ita dependet à radice extrinseca agente, quæ est Deus, & ab obiecto indifferenti circa quod versatur.

Tota difficultas consistit in componendo contingentiam & indifferentiam voluntatis cum summa immutabilitate, & infallibilitate Dei mouentis, de quo latius spe-

Quæ

Ad Theologos. Nobis fufficit in præfentia fententiam D. Th. proponere, & notare ea, quæ conducunt ad foluenda argumenta, feu fophifmata, quæ in hac parte mirum in modum multiplicantur.

Igitur D. Thom. perpetuo reducit libertatem, & indifferentiam noſtræ conſervationem, in actibus ſuis, ad ipsam dependentiam, & participationem, quam habent à motione, & participatione diuina, quæ propter ſuam vniuerſaliſſimam virtutem, non ſolum habet mouere, & determinare ad actum faciendum, ſed etiam participare, & communicare ipſum modum, quo cauſa debet illud facere; infallibilitas autem quæ fundatur in vniuerſalitate virtutis præſentis omnia tam ſubſtantiam, quam modum actus, impoſſibile eſt, quod deſtruat modum operandi liberum, quia præbet, & communicat illud ex ipſa vniuerſalitate operandi omnia. Quare vniuerſalitas operandi inferat infallibilitatem, quia ſi omnia comprehendit, non poteſt deficere in tota vniuerſalitate; & infallibilitas vniuerſalitatis non violenter, nec contra modos cauſarum inferiorum operatur, ſed dando illos & cõſeruando cõſequitur infallibilitatē. Vidēdus eſt D. Th. q. 6. de malo ar. 1. ad 3. vbi inquit: Deus mouet voluntatem immutabiliter propter efficaciam virtutis mouentis, quæ deficere non poteſt, ſed propter naturam voluntatis motæ, quæ indifferentem ſe habet ad diuerſa, non inclinetur neceſſarias, ſed manet libertas ſicut etiam in omnibus prouidentia diuina infallibiliter operatur, & tamen à cauſis contingentibus proueniunt effectus cõtingenter in quibus tamen Deus omnia mouet proportionabiliter vnumquodque ſecundum modum ſuum. Idem docet 1. p. q. 19. ar. 8. & 3. contra gent. cap. 94. vbi inquit: Hoc quod ponitur prouiſum eſſe à Deo, vt ſit futurum, ſi ſit de genere contingentium poterit non eſſe ſecundum ſe conſideratum, ſic enim prouiſum eſt vt ſit cõtingens putans non eſſe, non tamen eſt poſſibile, quod ordo prouidentie deficiat, quin cõtingenter eueniat, vnde po-

teſt poni, quod iſte non ſit regnaturus, ſi ſecundum ſe conſideretur, non autem ſi conſideretur vt prouiſum. Et in 1. ad Anibal. diſt. 47. q. vnic. ar. 4. ad 2. inquit: Quod licet contrarium eius, quod eſt volitum à Deo, non poſſit fieri cum voluntate diuina poſſibilitas tamen ad contrarium poſſe fieri cum ea propter contingentiam cauſæ mediæ, & hoc poſſibile eſt à illo, quod effectus ſit cõtingens & non neceſſarius. Et quod loquatur de voluntate Dei, vt prædeterminante cauſas iſtas, patet ex hijs, quæ docet in corpore articuli; quod voluntate Dei non ſolum res in eſſe prædantur, ſed etiam reus producendis modis, quo producantur, prædeterminant, vnde cum voluntas Dei efficaciter impletur, oportet, quod reſ ſit, & eo modo fiat, ſicut voluntas diuina diſpoſuit. Quare prædeterminatio Dei ſecundum D. Thom. non ſolum prædeterminat effectum cauſæ, ſed etiam modum ipſum quo cauſare debet, ſcilicet modum cõtingentiae, ſeu libertatis, vel neceſſitatis, & ideo nullum horum modorum tollit, ſed perficit.

Denique videndus eſt Diuus Thom. 1. p. 1. q. 14. vbi inquit: Quod voluntas diuina intelligenda eſt, vt extra totum ordinem entium exiſtens, vt cauſa quadam profundens totum ens, & omnes eius differentias, ſunt autem differentia eius poſſibile, & neceſſarium, & ideo ex ipſa voluntate diuina originantur neceſſitas, & cõtingentia in rebus, & diſtinctio vtriusque ſecundum rationem proximarum cauſarum; ad effectus enim, quos voluit neceſſarios ordinari cauſas neceſſarias, ad effectus vero quos voluit eſſe cõtingentes, ordinari cauſas cõtingenter agentes, id eſt potentes deficere. Et ſecundum harum conſiderationem cauſarum effectus dicuntur, vel neceſſarii, vel cõtingentes, licet omnes dependant à voluntate diuina ſicut à prima cauſa, quæ tranſcendit ordinem neceſſitatis, & cõtingentiae. Ita Diu. Thom. In quam doctrinam ſine dubio Caietan. incidit 1. part. quæſt. 22. artic. 4. qui non inueniens aliquid, quod perfecte quietaret intellectum in cõponendo

inevitabilitatem diuinæ providentiæ cum
 euitabilitate effectus liberi, seu contingen-
 ris, nec reperiens aliquid à Diu. Thom. di-
 ctum super hoc, tandem dicit suspicari,
 quod sit aliquid in Deo eminentius, & al-
 tius, quam euitabilitas, vel inevitabili-
 tas, vt ex passiva prouisione euentus, neu-
 trius combinationis alterum membrum
 sequatur. Et si sic est, inquit, quiescit intelle-
 ctus non euidencia veritatis, sed altitudi-
 ne inaccessibili veritatis occultæ. Magis
 ergo quiesceret Caietan. si hoc ipsum re-
 perisset in Diu. Thom. sicut habet in isto lo-
 co, ponendo in Deo aliquid eminentius
 quam necessitas, vel contingentia à quo
 deriuetur contingentia ipsa, & necessitas
 in causis. Et illam eminentiam vocamus
 nos infallibilitatem, quæ non extrahit cau-
 sas à suo modo, vel indifferentia, sed
 potius illam dat, & præbet. Vnde im-
 plicat, quod aliquid ei resistat, quia si
 resisteret, hoc ipsum deriuaretur à Deo,
 quia operatur omnia, & sic iam non esset
 resistentia, sed datio, seu donatio. Dat
 tamen Deus ipsum posse resistere, & pos-
 se facere oppositum. *Vnde quando dicitur,*
quod inspirationi diuinæ potest resisti,
non intelligitur de resistentia respectu i-
psius causalitatis, & ordinis diuini in cau-
sando, huic enim vniuersalissimo modo ni-
hil potest resistere, cum extra totum il-
lum ordinem nihil ponatur, sed intel-
ligitur de resistentia respectu obiecti pro-
positi, & effectus, ad quem est illa in-
clinatio, & motio. Quare in ipsa vni-
uersalitate operandi, & mouendi omnes
causas, tam quoad substantiam actus,
quam quoad modum fundatur infallibili-
tas in agendo ex parte Dei, simul cum
omnimoda mutabilitate, contingentia,
& libertate ex parte nostra, hanc enim
causat illa vniuersalissima Dei causalitas,
& ideo eius causalitas ineuitabilis est, quia
vniuersalissima, & omnia complectens; &
tamen effectus in se, & secundum ordinem
inferiorum causarum est mutabilis, quia

hoc ipsum causat Deus, & sic non læditur
 cum causa & radix illius sit.

Sed dicunt aliqui discipuli Scoti, sufficere
ad hoc ipsum decretum, & voluntatem Dei
sine motione, & qualitate aliqua physica
operante in voluntatem, & præeunte no-
stram libertatem, nam physica qualitas,
nec antiquis fuit nominata, nec est possibi-
lis, quia nihil creatum potest esse altius vo-
luntate & ei dominari, sicut illa qualitas seu
motio deberet dominari voluntati; nec si
daretur, libertatem relinqueret, quia mo-
uet determinatè ad vnum, & non cum ea e-
minentia, qua voluntas diuina, quæ infinita
est, illa autem qualitas infinita non est, & sic
mouet Deus (inquiunt) per sympathiam
quandam, quia posito eius decreto statim
flectitur, & obedit creatura. Sed contra est,
quia hoc ipso quod aliqua virtus est supe-
rior in agendo respectu alicuius mobilis,
oportet quod mobile subiiciatur nò solum
virtuti mouenti, sed etiam motui eius, si e-
nim est mobile, debet esse capax motus, seu
subijci virtuti vt actualiter mouenti, ergo
hoc ipso quod voluntas est mobilis & infe-
rior, seu subiecta virtuti diuinæ, debet
esse inferior eius motione; motio enim non
operatur ratione suæ entitatis, sed ratione
virtutis cuius est motio, sicut motio ar-
tificis subiicit sibi materiam artis. Non est
ergo causa aliqua creata altior voluntate,
vt possit illam mouere intus, sed tamen mo-
tio diuina, licet entitatiuè sit entitas creata,
virtute tamen diuina agit, & subdit vo-
luntatem Deo. Nec tollit hæc motio liber-
tatem, sed præstat, quia dat non solum face-
re determinatum actum, sed modum quo
actus faciendus est, scil. vt libere fiat, & cum
potestate indifferenti, quam non lædit,
sed causat vt radix eius. Quin potius sim-
pathia illa, qua creatura subordinatur Deo
multo magis tollit libertatem, aut non
habet instabilitatem in se intrinsece. Ete-
nim sympathia illa, si datur, consistit in na-
turali quadam sequela & necessaria sub-
ordinatione, quam habet creatura ad Deū,
 vt ipso

Ut ipso volente non possit non sequi operatio in creatura, ergo posita Dei voluntate, & decreto, voluntas nostra naturali sequela, & ex ipsa via & pondere naturæ, quatenus creata est, prorumpit in actum, ergo multo magis tollitur libertas per istā sympathiam, seu naturalem sequelā, quam per positivam Dei motionem, siquidem posita Dei voluntate naturali sequela sequitur ille volūtatis actus, & sic fiūt hic omnes cōsequentiæ, quæ in prædeterminatione physica, quod non possit voluntas resistere illi Dei volūtatī, quod maneat determinata ad vnam, &c. & hoc tanto fortius, quanto non depēdet hoc ab aliqua Dei operatione perficiente, & actuante, sed solum naturali sequela volūtatis id sequitur. Si autem non sequitur naturali sequela, posita voluntate Dei, sed morali quadam, & contingenti sequela, sequitur quod posita voluntate Dei non manet infallibile, quod effectus fiat, sed oportebit per aliquam operationē vincere illam contingentiam, & nō per solam sympathiā. Quod si potest subiectio creatæ volūtatis ad Deum fundare infallibilitatem operandi sine necessitate, cur non poterit qualitas illa creata, quæ est virtus Dei, fundare eandem infallibilitatem, non necessitando voluntatem? Quam qualitatem physicā, licet antiqui sub hoc nomine, & significatione non ponant, rem tamen significatā omnino ponit D. Th. & similiter prædeterminationem, ut ostendimus, *quest. 25. Physic. art. 1.* negat enim D. Th. esse qualitatem permanentem, & per modum habitus 1. 2. *quest. 110. art. 1.* affirmat tamen habere rationem motus, fierique à Deo in anima; & *quest. 3. de potentia artic. 7. ad 7.* affirmat habere esse illam virtutem actualem, qua Deus mouet causas, sicut colores habent esse intentionale in aere, & virtus artificis in instrumento, quod totum dicit realitatem ut distinguitur à morali seu extrinseca denominatione, autente rationis, & hoc vocamus physicum, non sumendo physicum pro eo, quod pertinet ad ens mobile, &

corporeum, hac enim ratione quomodo in voluntate, & spiritali natura motio corporea deberet poni? sed sumitur pro eo quod est reale & intrinsecum, ut distinguitur contra motionem moralem extrinsecam, aut fictam.

Vnde etiam obiter colligitur D. Thom. quando loquitur de motione, qua Deus mouet voluntatem, & determinat eius potentialem indifferentiam, non loqui de motione morali, sed de intrinseca attingente voluntatem intra se, quam ideo physicam, idest realem vocamus. Nam motio moralis prius attingit rationem, quam voluntatem cum fiat media persuasionē, vel propositione obiecti, hæc enim vocatur motio moralis ad distinctionem eiusque fit intra voluntatem, non medio obiecto alliciente, sed motione operante, & immutante. Hoc autem modo Deum immutare, & non solum proponendo obiectum, aut alliciendo, mille locis expressissime docet S. Th. ut 1. *par. q. 105. ar. 4. & 106. ar. 2. & 111. ar. 2. & 116. ar. 1. & prima secunda q. 6. ar. 1. ad 3. & q. 9. ar. 6. q. 78. art. 3. & quest. 80. artic. 1. & quest. 3. de malo, artic. 3. ad 15.* quibus locis distinguit de mouente ex parte obiecti, & persuasionis, quod conuenit obiecto proposito, & de mouente interius, ut distinguitur ab obiecti motione, & hoc secundum attribuit Deo, ergo plus attribuit, quam motionem moralem. Et hæc est expressa doctrina Augustini contra Pelagium, qui etiam fatebatur Deum operari in nobis per gratiam suadendo omne quod bonum est (quæ est motio moralis) ut patet in *lib. de gratia Christi, contra Pelag. capit. 10.* Quod totum dicit Augustinus, reduci ad legem, & doctrinam, non ad subministrationem virtutis. Vnde concludit, *cap. 1. 24. Non lege atque doctrina insonante forinsecus, sed interna, atque occulta mirabili, ac ineffabili potestate, operari Deum in cordibus hominum, non solum veras reuelationes, sed etiam bonas voluntates.* Vbi nō solum excludit extrinsecam

Et secundum istam distinctionem, & habitudines in ipsu diuino concursu repertas, verificantur oppositæ propositiones, quæ de eodem affirmari videntur. Dicitur enim ex vna parte, quod inspirationi, & illuminationi diuinæ possumus resistere vt dicitur in *Concilio Triden. session. 6. ca. 6.* & inde probatur nos liberè operari, quia illi possumus resistere, quia ipsum posse resistere, & signum infallibile operationis liberæ; sed tunc consideramus ipsam Dei motionem existentem quidem in homine, sed in sensu diuiso, hoc est, considerando in illa, non habitudinem ad modum operandi ex parte Dei, qui immutabilis, & infallibilis est, sed diuidendo ab illo modo, consideramus solum habitudinem ad causam, & modum causæ creatæ, quem ipse etiam diuinus concursus intendit & attingit. Ex alia verò parte dicit scriptura *Esai. 12. Non est qui possit tuæ resistere voluntati, & Roman. 9. Voluntati eius quis resistet?* Et Augustin. *de correction. & grat. capit. 14. Deo volenti saluum facere nulum humanum resistit arbitrium.* Et D. Thom. *prima secunda, quæstion. 10. articulo quarto, ad tertium. Si Deus mouet voluntate ad aliquid, impossibile est poni, quod voluntas ad illud non moueatur, non tamen est impossibile si simpliciter, vnde voluntas à Deo non ex necessitate mouetur.* Quod utique procedit posita motione Dei non ablata. Et *quæst. 11. articulo tertio: Si ex intentione Dei mouentis est, quod homo cuius cor mouet, gratiam consequatur, infallibiliter ipsa consequitur.* Vbi tota infallibilitas à D. Tho. ab Augustino, à scriptura reducitur ad ipsam voluntatem, & motionem Dei, cui nihil resistit, non ad præscientiam aliquam rei faciendæ ante omne istâ voluntatē Dei; & tunc fit sensus compositus nostræ voluntatis cum voluntate & motione Dei, vt explicat modum immutabilem & vniuersalissimum ex parte Dei.

Ex istis colliges, quomodo rectè intelligatur definitio libertatis: *Quod est facultas, seu potentia, quæ posita omnibus requisitis ad*

ad agendum potest agere, & non agere. Quæ definitio communiter est apud omnes recepta. Et intelligenda est in omni amplitudine positis omnibus requisitis, tam ex parte causarum secundarum mouentium, quæ ex parte causæ primæ, quia vt diximus etiam posita diuina motione, & prædeterminatione potest voluntas agere, vel non agere, quia hoc ipsum posse resistere & dissentiri præbet, & conseruat illa diuina motio, licet de facto non resistet, nec dissentiet, comparando voluntatem sic motam cum ipso modo mouendi Dei immutabili, & infallibili, definitio autem libertatis non dicit, quod positis omnibus requisitis libertas non ager, sed quod potest non agere, eo quod nulla requisita possunt illam potestatem tollere, multò minus diuina præmotio, quæ propter suum vniuersalissimum modum operandi est causa huius potestatis libertatis creatæ, eamque non tollit, sed conseruat, & perficit tanquam radix illius. Vnde perperam P. Suarez *Prologo 1. supra citato cap. 1. carpit Thomistas, quasi dicant potentiam esse liberam, quæ positis omnibus requisitis potest non agere; excipiendam tamen esse præmotionem diuinam, si ly omnibus requisitis sumatur collectum in sensu composito; si autem ly omnibus intelligatur in sensu diuiso, id est aliquam illarum conditionum tollendo, potest libertas agere.* Et contra hoc procedit eius impugnatio, quia ablata aliqua conditione requisita, etiam quæcumque causa naturaliter agens potest non agere, sicut sol potest non illuminare clausa fenestra. Sed nos iam supra reiecimus illam intelligentiam sensus compositi, & diuisi, & ideo non est, quod immoremur in respondendo Patri Suarez, sed sufficit dicere, quod positis omnibus requisitis etiam motione Dei prout præbet determinationem ad actum, tollendo quidem indifferentiam potentialem & suspensiuam, præbendo autem & conseruando modum indifferentiæ actualis, & potestatis dominatiuæ, potest

potest oppositum facere voluntas; licet si consideretur modus operandi ex parte Dei, qui est immutabilis, & intendit aliquid in individuo fieri, non stet oppositum poni, quia non stat destrui illam immutabilitatem; sed sicut optimè saluatur immutabilitas actus diuini cum libertate ipsius, quæ potest oppositum, etiã saluatur eadem immutabilitas cum libertate creata causata à se, quæ est participatio quædam libertatis diuinæ per quam potest modo suo proprio oppositum facere, licet immutabili modo ex parte Dei fiat. Itaque tunc prædeterminationis Dei & motio vniuersalissimæ suæ causalitatis tollet libertatem nostram, quando immutabilitas actus diuini tollet contingentiam, & mutabilitatem causæ creatæ. Plura de his ad Theologos mittamus, pro Philosopho enim naturali hæc sufficiant, de illis verò agemus Deo dante 1. *sumo 1. part.* præsertim vbi ostendemus excludendam esse scientiam mediam, ne sumatur infallibilitas diuinorum decretorum ex suppositione effectus creati præiudici, ante omne decretum Dei.

ARTICVLVS IV.

Circa quæ obiecta versetur libertas?

AD discernendum obiecta, in quæ voluntas fertur liberè, & in quæ necessario, distinguendum est de libero quoad exercitium, & quoad specificationem, & similiter de necessario. Quoad specificationem dicitur necessarium, quod ex ipsa ratione obiecti caret aliqua ratione terminante alium actum quam talis speciei, v. g. amoris, & non odij. Quoad exercitium dicitur, quod ex parte subiecti talem habet dispositionem, quod non potest non elicere hunc determinatum actum. Itaque necessitas specificationis tenet se ex parte principij specificantis, & cum hoc sit obiectum, oportet explicari penes id quod ex parte obiecti se tenet, sc. quando ex parte obiecti nihil repræsentatur mali, quod possit odio haberi, & ita excludit libertatem contrarietatis, id

est posse amore, vel odio habere. Necessitas quo ad exercitium tenet se ex parte principij operantis, & cum hoc sit subiectum, oportet explicari penes id quod tenet se ex parte subiecti, & elicientiæ, id est quando subiectum est taliter affectum, quod non potest suspendere actum circa aliquod obiectum, & ita excludit libertatem contradictionis, quod est velle, & non velle. Et opposito modo debet explicari libertas specificationis, & exercitij.

Vnde obiter colligo, quod licet possit dari obiectum circa quod necessitetur voluntas quoad exercitium, vt in visione clara Dei, tamen hæc necessitas non prouenit formaliter ex ipso obiecto, vt obiectum est, sed ex ipsa dispositione subiecti circa tale obiectum. In quo veram existimo sententiam Caietan. 1. *p. quest. 82. artic. 2.* Quam sequitur Bannez ibidem. *Ratio est*, quia obiectum, vt obiectum formaliter solum est principium specificandi, & sic ab ipso prout tale non prouenit formaliter necessitas exercitij, sed exercitium, seu elicientia formaliter prouenit à subiecto operante, & eius necessitas ex ipsa dispositione, & statu subiecti, est enim voluntas talis naturæ, quod si toto pondere fertur in obiectum, fertur necessario, quia nihil remanet, quo possit detinere & suspendere elicientiam tunc autem fertur toto pondere, quando adæquatur vniuersalitati eius totaliter obiectum etiam cum plena aduertentia, tunc enim cum voluntas ratione suæ naturæ, & formalis rationis sit determinata ad bonum vt sic, quando ex omni parte, & totaliter proponitur bonum in omni sua vniuersalitate, & plenitudine, non est in voluntate in differentia, sed totalis determinatio ad tale bonum. Nec tamen quando dicimus naturaliter, & necessario ferri voluntatem ad tale bonum, fertur per modum appetitus innati, sed elicit, licet necessario, & ita dicitur naturalis ille appetitus, quia necessarius, non quia innatus, procedit enim ex cognitione, imò ex plena aduertentia, & i

maximè est voluntarius, quia ex maxima & plena cognitione, scil. ex visione Dei, & ex principio interno, scil. ex ipso pondere voluntatis.

Quibus suppositis dico; quòd obiectum necessarium quoad specificationem etiam datur pro hac vita, & est vnum tantum, scilicet beatitudo in communi, in quantum est ratio formalis appetendi bona. In beatitudine autem duo includuntur scil. esse, & benè esse, seu beatè esse, si enim aliquis non est, nec beatus est, & similiter si benè non est, beatus non est, & sic proprium esse, & benè esse necessitant quoad specificationem, & quidquid necessarium est quoad specificationem ad aliquid istorum reducitur. Reliqua vero omnia, quæ cum his duobus non habent necessariam connexionem, liberè sunt appetibilia. At verò quoad exercitium nihil necessitat voluntatem si aduertenter procedat, nisi solum Deus clarè visus. Prima pars sumitur ex D. Thom. 1. 2. quæst. 10. art. 2. præsertim ad 3. ubi inquit: Quòd finis ultimus de necessitate mouet voluntatem, quia est bonum perfectum, & similiter illa, quæ ordinatur ad hunc finem, sine quibus finis haberi non potest, sicut esse, & viuere, & huiusmodi & quæst. 6. de mal. artic. vnic. ad 7. Nullum bonum, inquit, superat virtutem voluntatis, quasi ex necessitate eam mouens, nisi id, quod est secundum omnem considerationem bonum, & hoc solum est bonum perfectum quod est beatitudo, quod voluntas non potest non velle, ita scilicet quod velit eius oppositum, potest tamen non velle actum, quia potest auertere cognitionem beatitudinis, in quantum mouet intellectum ad actum suum. Videatur etiam S. Doctor 1. parte, quæst. 82. art. 2. & quæst. 22. de Verit. art. 5. & 6. Ratio autem sumitur ex dictis; quia illud est bonum necessitans quoad specificationem quod in ipsa ratione formali, qua specifiat voluntatem, non habet nisi rationem boni, quod est proprium specificatum voluntatis, voluntas autem necessitatur non exire limites suæ specificationis, alias mutaret essentiam & speciem

Pars III. Phys.

suam, ergo quando in aliquo obiecto, non est nisi proprium specificatum voluntatis, tunc tale obiectum non est capax odij, & sic necessitat voluntatem, vt si tendit in illud, tendat per modum amoris, quia non est in obiecto nisi specificatum amandi, quod est bonum, ergo sicut coarctatur voluntas ad suam rationem formalem specificatiuam, ita ad amandum illud obiectum, quoad specificationem. Et ex hoc etiam probatur, quòd beatitudo necessitans voluntatem nō est beatitudo materialiter sumpta in aliquo, & vt induit rationem obiecti, quod appetitur, sed beatitudo vt exercet rationem formalem, propter quam aliquid appetitur. Vnusquisque enim desiderat quiescere in bono, quod est benè, seu beatè se habere, & hoc est vltimum per modum finis, quod vnusquisque petit, & ideo induit rationem formalem, propter quam cætera appetuntur quia est ipsa ratio formalis, quæ in fine desideratur, ideo enim aliquid pro fine habetur, quia in eo intenditur quiescere tanquam in bono, ipsa ergo beatitudo, seu quies vltima in bono sicut est ratio formalis appetendi finem, ita est ratio motiuæ propter quam cætera appetuntur. Cum ergo voluntas in omni suo actu debeat respicere aliquem finem, & à ratione formali motiua finis moueri, hæc autem est idem quod beatitudo sumpta pro ratione formalis beatitudinis, quod est velle benè se habere seu quiescere in bono, sicut nō potest voluntas exire limites suæ rationis formalis specificatiuæ & motiuæ, ita nec potest non necessitari ad beatitudinem vt ratio formalis est, quia hæc est ipsa ratio boni.

Vnde colligitur; quòd si beatitudo ipsa pro materiali aliquo sumatur in quo existimatur inueniri ratio formalis beatitudinis, non necessitatur voluntas ad talem beatitudinem materialiter & obiectiuè sumptā, nisi constet, & manifestè appareat voluntati, rem illam esse, cui adæquatè & vniuersaliter conueniant omnes conditiones beatitudinis, quod est esse omne bonum, quod

Tc

to-

rum horum amatur, nisi displiceat ei vniuersalis ratio boni, quæ in illo exercitio habetur, hoc autem esset egredi limites sue rationis formalis specificantis, quæ continetur sub vniuersali ratione boni seu beatitudinis. Plura de his spectant ad Theologos citato loco 1. partii, & 1. 2. quæst. 10.

ARTICULVS V.

Utrum voluntas sit perfectior potentia intellectu?

Certant in hac difficultate Schola D. Thoma & Scoti. Existimat enim Scotus 4. distict. 49. quæst. 4. voluntatem esse potentiam perfectiorem intellectu; eumque sequitur eius schola, alique plures vt Bonauentura, Aegidius, Argentinas, Gabr. Mai. ad eandem distict. 49. Fundamentum sumitur ex quatuor præcipuis conditionibus, quæ alstroere possunt nobilitatem alicuius potentie, scilicet ab obiecto, ab efficacia potestatis, ab actu seu effectu præstantiori, ab opposito suo, quod est deterius.

Ab obiecto sumitur prima ratio; quia obiectum voluntatis est perfectius; utpotè ipsum bonum, quod est perfectio & actualitas entis, & respicit ipsum esse, in quod voluntas tendit; existentia etiam est maxima actualitas & perfectio in ente, & bonum ipsum est perfectius quam verum, cum perfectio entis per bonitatem explicetur, & vnum quodque in tantum sit bonum in quantum perfectum & integrum. Ergo obiectum proprium voluntatis est excellentius obiecto intellectu.

Ab efficacia potestatis deducitur secunda ratio: Nam obiectum voluntatis est bonum seu finis, qui est prima causarum, & ideo habet voluntas potestatem mouendi cæteras potentias, & dominium super illas, etiam super intellectum: ergo tanto præstantior est voluntas intellectu, quanto imperans imperato, superior inferiori, potentia formaliter libera, eâ, quæ formaliter est necessaria, licet radicaliter sit libera,

præsertim cum nulla alia potentia possit habere dominium supra voluntatem, ergo ipsa est actualior, & perfectior omnibus, quia potestas mouendi in actualitate fundatur.

Ab actu & effectu tertio ratio deducitur: quia præstantissimus actus voluntatis, qui est charitatis, excedit præstantissimum actum intellectus, unde charitas excellentior est reliquis virtutibus Paulo attestante 1. Cor. 13. 1. Maior autem omnium est charitas; & conitatur, quia per actum charitatis magis aliquis appropinquat Deo, & vltimò disponitur ad gratiam, ergo oportet quod ipsa potentia etiam sit præstantior simpliciter intellectu. Unde D. Thom. 1. p. quæst. 82. art. 3. facitur, quod cognitio eorum quæ infra nos sunt, est perfectior amore eorum, respectu verò rerum, quæ supra nos sunt præstantior est amor cognitione, ergo præstantissimus actus voluntatis excedit præstantissimum intellectus, & sic ipsa potentia simpliciter est præstantior. *Ab effectu etiam patet.* Tum, quia a voluntate simpliciter denominamur boni, vel mali; non ex actu intellectus. Tum, quia inter spiritus angelicos, ordo qui excedit in amore, scilicet Seraphim est simpliciter perfectior reliquis etiam quam Cherubim, qui excedit in scientia, ergo ex amore sumitur maior excellentia inter spiritus, & consequenter inter potentias.

Ab opposito denique deducitur quarta ratio. Quia illud est simpliciter perfectius, cuius oppositum est pessimum, oppositio enim & destructio alicuius tanto est deterius, quanto id, quod destruit est excellentius, ergo quando aliquid est pessimum, eius oppositum est optimum. Inter peccata autem, odium Dei, quod directe opponitur charitati, est pessimum inter omnia vitia, etiâ peius infidelitate, ergo amor eius, qui est oppositum est excellentior omni cognitione.

Oppositam sententiam tenet S. Thom. prima parte, quæst. 82. art. 3. & 3. contra g. cap.

16. & *quest. 12. de Verit. art. 11.* videndus est etiam *prima parte, quest. 16. art. 2.* ubi intellectuale operationem dicit esse perfectissimum in qualibet intellectu naturali, & Caietan. *ibi, & quest. 12. citata*, cum alijs Interpretibus D. Thom. *ad prædicta loca*, & Suarez *5. de anima, cap. 9.* Vazquez *1. 2. disp. 11. cap. 8.* Rub. & Conib. *in præfati in 3. de anima* alijsque pluribus. Itaque hæc sententia docet intellectum esse perfectiorem simpliciter, quam voluntatem, posse tamen voluntatem esse secundum quid perfectiorem. Vocamus autem perfectionem simpliciter potentie, illam, quæ desumitur ex obiecto secundum modum mouendi & mutandi potentiam, hoc enim est, quod pertinet ad ipsam substantiam seu essentiam potentie, quæ essentialiter desumitur ex ordine ad obiectum formaliter consideratum, & sic potentia quæ altiori modo immutatur ab obiecto dicitur habere rationem obiectiuam altiore. Perfectio autem secundum quid prouenit ex alijs conditionibus præter illam, & pertinentibus ad obiecta materialia, vel ad alias conditiones, seu circumstantias extrinsecas præter genus causæ obiectivæ & specificantis, ut bene aduertit Caietan. *1. p. quest. 26. cit. art. 2.* Itaque respectu ad rationem specificatiuam potentie, seu obiectiuam reliqua omnia comparantur, ut perfectiones secundum quid.

Igitur, quod intellectus sit altior voluntate ex vi specificationis obiectivæ, *fundatur in eo*; quia modus specificandi intellectus est immaterialior, actiuior & perfectior, quam voluntatis, magisque recedens à potentialitate & concretionem, ergo potentia ipsa est perfectior. *Consequenter optima est*, quia immaterialitas est segregatio à materialibus & potentialibus conditionibus, omnis autem imperfectio fundatur in potentialitate & materialitate, quæ limitationem & oppositionem dicit ad actualitatem, ergo quanto aliquis modus obiecti, & potentie est immaterialior, tan-

to est actualior & perfectior, quia magis segregatur à potentialitate. *Antecedens verò probatur.* Quia obiectum intellectus immutat ipsum abstractioni & immaterialiori modo, quia sic mouet intellectum, ut possit ad omnia penetrare, quæ in obiecto sunt, & sub quocunque statu & conditione, siue existentie, siue non existentie, præcédendo, componendo, diuidendo, &c. Unde dicitur intellectus, quasi intus legens quia usque ad vltima ingreditur, quantum est de se, nisi ex defectu luminis, vel speciem impediatur, voluntas autem nihil horum facit, sed tactum ab intellectu supponit, & prout sibi propositum fuerit obiectum, sic inclinatur, nec ita amplè ad omnia se extendit, sed solum ad rationem convenientis, & licet feratur in finem per modum intendentis & mouentis ad illum, tamen hoc ipsum debet prius ab intellectu abstractioni modo attingi & proponi, alias voluntas non mouebitur. Igitur in attingentia obiectiua, primum locum obtinet intellectus, licet in motu quasi applicatiuo & effectiuo voluntas excedat; sed tamen genus mouendi effectiuè est posteriori genere obiectiuo in potentijs; ab obiecto enim sumitur specificatio, motio autem finis, quæ est prima causarum, licet exerceatur per voluntatem, non tamen incipit ab ipsa, sed ab intellectu proponente & alliciente voluntatem. Unde constat, quod in genere obiectiuo, & finali intellectu simpliciter est primum mouens, & in attingentia obiectiua primò apprehendit & attingit obiectum, voluntas autem ex eius apprehensione mouetur, ergo in vi motionis specificatiuæ eminet intellectus supra voluntatem. Et ita liberius & abstractius procedit attingendo obiectum sub quocunque statu possibilitatis, vel existentie sub præcissione, vel sub compositione in ordine ad se, vel ad alia, & secundum omnes formalitates reperibiles in obiecto, voluntas autem solum sub illo statu, quo potest allicere, & mouere per modum convenientis. & secundum

secundum aliquem ordinem ad existentiam, & adæquabilitatem.

Denique intellectus propinquior est ipsi animæ, & prius sequitur ad illam tanquam prior passio quam voluntas, non tanquam dispositio ad voluntatem requisita, quin potius voluntas se habet vt inclinatio consecuta ad intellectum vt ad formam, ergo in dignitate, & immaterialitate magis accedit ad naturam animæ intellectus, magisque de illa participat, quam voluntas, quanto enim aliqua propria passio immediatior est suo principio, seu essentia a qua sequitur, tanto est perfectior, quia sequens passio dependet ab ipsa, non e contra, & vnumquodque, quanto naturaliter propinquius est suo principio tato perfectius est.

Quod verò voluntas secundum quid sit altior intellectu, constat ex dictis, quia est primum mouens in genere efficiendi, & applicandi alias potentias quoad exercitium, ergo in hoc genere excedit intellectum, qui solum mouet obiectiue; *idque etiam probat argumentum factum in contrarium, vt constabit ex eorum solutione.*

Ad primum ergo fundamentum in oppositum negatur, obiectum voluntatis in formaliratione obiecti, & modo immutandi potentiam esse perfectius, licet in re, & materialiter aliquando sit perfectius. *Et cum dicitur*, quod obiectum ipsius est bonum & finis, *distinguo*, bonum & finis prius ab intellectu apprehensum & mediante ipso regulans *concedo*, non apprehensum *nego*: bonum autem apprehensum perfectius in ratione obiecti attingitur ab intellectu, quam a voluntate, quia attingitur sub ratione quidditatis, & consequenter altiori, & abstractiori modo, & sic bonum non est perfectius verò in ratione immutandi obiectiue potentiam. Quare non est existimandum, quod bonum & finis & essentia non pertineant etiam ad intellectum, sed pertinent altiori modo, quatenus in ratione cuiusdam quidditatis attinguntur, non sub eo modo, quo attinguntur a voluntate, sci-

licet sub exercitio mouentis finaliter, qui motus cum sit allectiuus, & ordinatus ad assequendum rem in esse minus immaterialis & abstractus est. Vnde cum etiam bonum & finis attingantur ab intellectu, modo tamen altiori, non potest fieri ex hoc argumentum ad probandum quod voluntas sit perfectior potentia intellectu. Et hoc expressit S Thom. *prima parte, questione 82. articulo. 3.* vbi inquit: *Quodd obiectum intellectu est ipsa ratio boni appetibilis, bonum autem appetibile cuius ratio est in intellectu, est obiectum voluntatis.* Vbi dicendo quod ratio boni est obiectum intellectus, significat, quod secundum rationem, & quidditatem attingitur ab intellectu, qui est modus altior & abstractior, a voluntate verò non attingitur ratio boni, id est quidditas, sed motio & exercitium boni. *Nec obstat dicere*, quod verum est quoddam bonum particulare & sic est minus in ratione boni ipsa ratione boni vniuersali. Dicitur enim, quod etiam bonum est quoddam verum, & sub eo continetur, vnde ad innicem se continent & continentur, sed tamen etiam ipsa ratio vniuersalis boni ab intellectu attingitur, vnde ex hac parte non est inferior ipsa voluntate, quia totum quod attingit voluntas, vniuersaliter etiam attingit intellectus sub altiori ratione obiectiua, scilicet sub ratione veri, licet ipsum verum vt res quædam est, contineatur sub bono, sicut etiam bonum continetur sub vero.

Ad secundum respondetur, probare, quod voluntas sit altior intellectu in vi causæ motiue, & applicatiue quoad exercitium, non in vi causæ obiectiue, & specificatiue, in hoc enim semper est eleuator modus specificandi in obiecto intellectus, quia modo magis immateriali immutat, & hoc est maioris nobilitatis in vi obiectiue specificationis. Et idem dicitur de formali libertate, vel necessitate, hoc enim non pertinet per se ad perfectionem obiectiue specificationis, sed ad modum mouendi ex parte subiecti. Et tamē ipsam formalem liber-

tatem habet voluntas ab intellectu, ut a radice participare. Unde ex hoc non est imperfectior intellectus, sed perfectior radicaliter.

Ad tertium quoad primam partem de actu charitatis. Respond. in primis ex Caietano 1. p. quaest. 6. art. 2. et quaest. 82. art. 3. quod charitatis actus non est excellentior perfectissimo actu intellectus qualis est visio beata, oportet autem comparationem ipsam actus ad actum semper fieri ex aequo, id est perfectissimi actus vnius potentie ad perfectissimo actu alterius, non autem cum alijs actibus minus perfectis quos potest vincere charitas. Secundo dicitur, quod actus charitatis est perfectissimus ratione rei attractae, & coniunctionis ad ipsam, non ratione modi specificandi obiectum, hic enim in intellectu semper est altior, & abstractione, vnde dictum est. Sed tamen non est dici aliquis actus voluntatis simpliciter perfectior actu intellectus, non in modo obiective specificationis, sed in aliquo effectui particulari, quia scilicet a quod obiectum prout in se contingit esse perfectius, quam in modo intelligendi, & voluntas modo affectivo tendens ad rem vivit obiecto, & tangit illud vnde est in re, & sic in ratione coniunctionis, & vnius affectivae, perfectior dicitur actus voluntatis, quam intellectus, quando in obiecto ipso voluit invenire in re tantam immaturationem, & perfectionem vel maiorem quam intellectus. Sed hoc non est ex ipso modo proprio, & intrinseco potentiae, quo tendit ad obiectum, sed ex perfectione ipsa quam obiectum habet in se. Unde si talis obiectum immediate vivitur intellectui, ut sit in visione beata, etiam in ratione vnius esset excellentior actus, ut quando D. Th. dicit de aere rerum superiorum esse nobiliorem cognitione ipsarum, loquitur in sensu vnde formaliter scilicet de rebus superioribus, quare pariter et in illa respectu ad ipsum intellectum, ut quia non immediate intellectus non tangitur illa,

tene enim licet ex modo intrinseco potentiae, ut. Natus altior & nobilior, modo procedat, tamen quia non adequat in coniunctum ad obiectum ita modum, ut quod in obiecto est, quia sibi non tantum esset apparet, id est in ratione coniunctum, non manet inferior voluntas, sique simpliciter ille voluntatis actus est nobilior, quia coniunctio ad rem nobiliorem & superiorem, semper praeminet reliquis coniunctis: sicut etiam vno hypothetica simpliciter est nobilior quocumque actu intellectus, vel voluntatis, quia ad supremum ordinem eleuat & lumine Deo coniungit.

Ad secundam partem arguit. de effectibus scilicet. quod attinet ad primum effectum, scilicet red. lere hominem simpliciter bonum, quod facit voluntas non intellectus, dicitur, quod ille effectus est in genere morali, non in genere specificationis obiectivae physicae in quo intellectus supereminet, & de quo solum hic agimus. *Vel secundo,* quod istum effectum moralem rectificantem non habet voluntas ut contra. officia intellectus, quia quia ratione solum debet fieri comparatio, sed et subiecta regulae rationis, & in a ratione participat rectificationem vna perfectionis principio. Unde non rectificat sola voluntas, sed etiam ratio, idque tantum perfectus principium, licet non decomponitur aliqua simpliciter rectificatione ipsa voluntate, in qua est unum effectum rectificationis, ut voluntas, licet in hoc ut a ratione ut a regulante. Quoad ad alium effectum de ordine superiorum, dicitur de nominari ab excessu amoris non inquit a perfectione simpliciter, & in se, sed a perfectione quam obstat in alios, vel in quo specialiter excellens in via. Demonstratio enim ordinis hierarchici, potest funditur ab obiecto, & tunc est quod excedit in alios, quam ab eo, quod in se sunt. In alios autem modo posuit in se, & in se beatam, seu lumen gloriae, quia per istum Deus dat. Extra visionem autem habet perfectior

fectior est charitas, quam quilibet alia scientia, vnde cum Seraphim ministrant Deo in perficienda ista virtute in alijs, hinc est quod denominantur ab isto perfectissimo ministerio, quasi ardentes & incandescentes.

Ad ultimum dicitur, quod odium Dei potest considerari, vel in esse physico vt opponitur amor, vel in esse morali, vt importat specialem auersionem a Deo in ratione charitatis. Primo modo non est pessimum odium physicè, sic enim peior est priuatio glorie & perpetua damnatio, quæ est maxima elongatio a Deo in termino. At verò secundo modo, pessimum est odium, quia magis directè opponitur conuersioni Dei, quam facie charitas, & sic est magis directè auersio, sed hoc est in genere moris potius, quam in genere amoris physicè considerati, nos autem solum loquimur in genere physico, & obiectiuo, non de perfectione in esse morali.

ARTICULVS VI.

Vtrum voluntas moueat alias potentes impellendo aliquid realiter in illas.

ETI si in hac diffinitione multi sunt modi dicendi, præcipue tamen possunt educi ad tres sententias. *Prima*, si inquit quod quando dux potentie in eadem anima existentes, ita se habent, quod vna subordinatur alteri, & mouetur ab illa, non requiritur aliqua motio physica, & realis impressa a potentia mouente in motu sed sufficere radicationem, & coniunctionem in eadem anima, ratione cuius per naturalem sympathiam, vna potentia operante, aut appetente, alia ei subordinata operatur & exequitur. Hanc sententiam, aut tenent, aut probabilem reputant plures Auctores etiam ex Thomisticis, *Conim. 7. Physic. cap. 2. q. 1. ar. 7.* Idque dicitur a multorum Philosoph. huius temporis. Idem docent *1. Physic. c. 1. q. 7. & Vazq. 1. 2. disp. 34. c. 3. de celestinos 1. ar. 2. q. 2. ar. 1. q. 1. nr. 92. & 1. Nauar. 2. tom. in 1. p. q. 14. ar. 2. cont. 10. v. q. ad 2. pariter arg. ex M. Ledelm. *Philos. auxilij, q. 2. artic. 3. pag. 82.* quamuis oppositam, vt*

probabiliorem admittat *pag. 152. & M. Torre, tom. 1. de Reig. q. 8. ar. 7. disp. 3.* Fuit autem hæc sententia olim Scot. in 2. disp. 42. q. 2. *conc. 3.* Imò influxum Dei in causas secundas vult Scotus esse per sympathiam, non per qualitatem ingressam, sed ex mera subordinatione causæ secundæ ad ipsam. Hanc sympathiam aliqui influxum seu motionem moralem vocant, solummodo moralitatem pro extrinseca subordinatione, qua nihil potestur in remota.

Secunda sententia solum agnoscit cōcursum simultaneum voluntatis cum alijs potentijs, ita quod ex voluntate & potentia inferiori sit quasi vna integra causa, quæ operatur illam effectum, non autem quod aliquid primum motione sua imprimat voluntas in alijs potentijs ad operandum. Ita Commendat, in 10. *Et in eadem disp. 1. quest. 1. & ar. 1. 1. & 3. de anima cap. 13. quest. 5. ar. 2.*

Tertia sententia fatetur per motionem vnius potentie in aliam, quæ effectiue mouet aliquid reale imprimi in potentia morali, ratione cuius operatur vt subordinata alteri. Hanc sententiam ex Caiet. 2. 2. *quest. 23. artic. 3.* docet M. Ledelm. *vbi supra pag. 152.* & pro ea etiam videri potest M. Martínez 1. 2. *quest. 9. artic. 1. dub. 3.* Idem sentit M. Torre, *vbi supra* loquendo de actibus elicitis ab vna virtute existente in alia potentia, vt cum religio elicit orationem, fides confessionem vocalem & similia, secutus in hoc Caiet. 2. 2. *quest. 81. artic. 4.* ac denique posse vnam potentiam, vel habitum vnius potentie aliquam impressionem in realem ponere per suam motionem in alia potentia vel habitu, valde commune est inter Thomistas, modo si qui ponunt motionem per sympathiam, seu radicationem in eadem anima, non tam ex proposito ad tractat, quam ponunt differentiam inter motionem Dei in causas secundas, & voluntatis in suas potentias, quod licet ista fiat per inuicem am & radicationem, illa non nisi per realem motionem.

Yt resolutionem ex mente Dñi Thom. tradamus, aduertendum est; quod motio vnius potentie in aliam potest dupliciter intelligi. Primo sic, quod ex tali motione recipiat potentia mota aliquam maiorem virtutem ad producendum effectum aliquem, seu perfectionem, ultra id quod potest ex propria virtute, sicut cum ex motione charitatis eleuatur fortitudo, vel temperantia, non solum ad operandum temperate vel fortiter, quod est propriæ virtutis, sed etiam propter Deum supernaturaliter amatum seu cum habitudine ad illum, quod ex se nõ poterat, de quo etiam plura exempla statim afferemus. Secundo sic, quod potentia mouens solum applicet, & determinet potentiam motam inferiorem ad operandum actum sibi proprium, non tamen perfectiorem, aut eleuatiorem, quam sit in se, sicut si voluntas applicet visum ad videndũ, & auditum ad audiendũ, & nihil amplius; & tunc inquirimus, an potentia mouens imprimat aliquid potencie motæ, vt manceat applicata.

Dico ergo primo: quando potentia inferior, vel virtus operatur aliquidã vitra proprium modum suum nõ quæsi habitualiter & permanenter, sed in aliquo actũ ex actuali participatione superioris potentie, non potest hoc fieri per solam sympathiam, & transmutationem in eadem: anima sed per impressionem realem, & physicam à voluntate, vel virtute superiori derivatam ad inferiorem. Hæc sententia perpetuo docetur à D. Thom. qui nunquam mouit illius sympathie, seu radicationis, sed solum impressionis, diffusionis, virtutis relictæ ex potentia superiori, quæ omnis immutationem realem explicat: sicut à potentia superiori in inferiorem. & aliquid reale in ea relictum quod ad effectum aliquem realem ordinatur. Et imprimis pondero illum locum Dñi Thom. 1. de veritate articulus. 13. vbi inquit: Quandoquunque sunt duo agentia ordinata, secundum agentis dupliciter potest agere. Vno modo secundum quod competit sue natura, alio modo secundum quod competit naturæ superioris agentis, impressio enim

superioris agentis manet in inferiori, & ex hoc inferioris agens non solum agit ad more propriam sed actione superioris agentis, sicut si solus mouetur proprio motu, qui spatio vnius anni expletur, & motu etiam primi mobilis, qui est motus vnius diei. Similiter aqua mouetur motu proprio tendente in centrum, & habet quendam motum ex impressione lune, quæ mouet ipsam, vt patet in fluxu, & refluxu maris. Ratio autem, & voluntas sunt quoddam potentie operatiue ad inuicem ordinata. Unde voluntas potest habere duplicem actum, vnum qui competit ei secundum suam naturam, in quantum tendit in proprium obiectum absolute, & hic alio attribuitur voluntati simpliciter vt velle, & amare, quantum ad hunc actum præsupponatur alius rationis, à quo proponitur obiectum. Alium vero actum habet, qui competit ei secundum id, quod est impressione rationis relinquuntur in voluntate, cum enim proprium rationis sit ordinare, & conferre, quandoquunque in actum voluntatis apparet aliqua collatio, vel ordinatio, ita ut actus eius voluntatis non absolute, sed vt motus, & directe à ratione. Idem docet & commentum de actu intellectus vt motus à voluntate, & ex eius impressione speciali operante, in 1.2. quæst. 17. art. 1. vbi docet imperium esse actum rationis vt motus ab efficacia voluntatis. Et hanc virtutem, seu motionem docet esse sicut impulsivum, & alterationem in 1. part. quæst. 1. et. artic. 1. Dicitur, inquit, aliquid mouere per voluntatem agentis, si aut alterius mouet alterationem, & impellere impulsivum & hoc modo voluntas mouet intellectum. & orbes vires anime vt Anselmus dicit. Ita D. Thomas.

Quæ res aliqui respondentem, quod voluntas efficax dicitur impellere, quia eo modo quod ponitur eius in obiectum efficax, siquidem proprio sympathiam de necessitate operationis in alio parentem. Dicitur etiam voluntas mouere quasi alterius, quia per propriam operationem alterius potentie quæ à voluntate mouetur, est quædam alteratio per se fieri. Sed contra est; quia si voluntas dicitur alterans

alterans vel impellens, quia operatio potentiae motae ab ea est alteratio, vel quia sequitur effectus in potentia inferiori posita voluntate, sine alia motione, ergo relinquit D. Thom. in explicatum id, quod intendebat explicare, scilicet, quomodo ipsa voluntas sit mouens, si enim voluntas dicitur alterans, quia eius effectus in potentia mota alteratio est, restat videre an hunc effectum in potentia mota, voluntas facit alterando, id est, motione aliqua physica vel non, & hoc intendebat ibi D. Thom. & proponebat explicare, ergo diminuit procedit, & ab intento diuertit, si proponendo explicare quomodo voluntas moueat, solum explicat quod eius effectus ponatur in potentia inferiori, vel quod sit alteratio in potentia mota.

Secundò videndus est D. Thom. in 3. dist. 2. q. 1. art. 2. ubi docet virtutes motas à voluntate ab ea recipere formam aliquam ipsius, secundum quod omne mouens & agens imprimit suam similitudinem in motis & patientibus. Et ibidem distinct. 27. q. 2. art. 4. quest. 3. ad 5. inquit: *Quod vnaqueque virtus quae est in inferiori potenti, habet quandam formam, quae est virtus ex participatione superioris potentiae, sed formam, quae est huius virtutis, habet ex natura propria potentiae per determinationem ad proprium obiectum, & hanc formam & modum ponit virtus superiora seum actum, & iterum illam formam, & modum quem habet ex superiori. Quod verò illud, quod habet ex superiori, sit aliquid intrinsecum, & reale in inferiori, aperte dicit D. Thom. quest. 14. de Verit. art. 5. ad 4. ubi inquit: *Quod id, quod ex charitate relinquitur in fide, est fidei intrinsecum, constat autem charitatem mouere fidem, ergo morio ista, & impressio potentiae mouentis in potentiam motam, non potest apud D. Thom. explicari per sympathiam & colligationem potentialium in anima, quia nihil imprimit intrinsecum in potentia mota, nec formam aliquam participatam à superiore, ut in effectu suo illam imprimat, ergo secundum**

Part. III. Physic.

D. Thom. motio potentiae superioris per impressionem nouam fit, non per sympathiam.

Den. que D. Thom. 1. p. q. 56. art. 2. dicit: *Quod una virtus pertinere potest ad plures potentias, ita quod in una sit principaliter & se extendat ad alias per modum diffusionis, vel per modum dispositionis, secundum quod una potentia mouetur ab alia, & secundum quod una potentia accipit ab alia. Ergo non ex colligatione in eadem essentia, sed ex extensione per modum alicuius diffusionis vel dispositionis dicitur una potentia mouere aliam.*

Fundamentum conclusionis sumitur ex dictis, quia ut constat in exemplis allatis à D. Thom. quest. illa 25. de Verit. aliquando virtus inferior habet elicere actum physicum & realiter, non solum secundum virtutem propriam & connaturalem, sed etiam secundum virtutem participatam à superiori potentia, sed ad hoc non sufficit sympathia, & colligatio naturalis potentialium in una natura, nec sola extrinseca coniunctio, & assistentia potentiae superioris ad inferiorem, ergo necessaria est motio, seu impressio realis de nouo facta. Maior constat exemplis illis D. Thom. de mari fluente & reuolvente ex impressione Lunae, de sphaeris interioribus raptis à primo mobili de voluntate non simplici modo volente, sed cum aliqua collatione & comparatione ex participatione dictentis. Non vero probatur, quia illa sympathia & colligatio potentialium, quae immutat potentiam inferiorem in se, aliquid de nouo illi addendo & confortando ipsam, neque in sua radice, hoc est in ipsa natura, quia ut supponit huiusmodi sententia, quando superior potentia operatur, nulla realis mutatio fit in inferiori potentia ex tali operatione, & multò melius in ipsa natura, quae est eius radix, aut in vnione potentialium, si enim natura, vel vnio mutatur realiter, cur non multò minus ipsa potentia seu virtus? Solum ergo fit mutatio in ipsa potentia superiori

Vu operan-

operante, cuius actu posito sine alia mutatione, sed solum per naturalem colligationem alterius potentie sequitur actus inferioris. Sic actus superior pure concomitantur se habet, non vero realiter perficit naturam vel inferioris potentiam. Sed potentia, quae nec in se, nec in sua radice immutatur, non potest perfectiorem & excellentiorem effectum elicere quam ante, siquidē causa creata eodem modo se habente, sequitur idem effectus, ergo si realiter & physice maior & excellentior effectus progreditur ab inferiori, quam eius conaturalis virtus posuit ex se, necessario a superiori debet perfici & immutari realiter.

Confirmatur hoc quia virtus inferior ex colligatione in eadem natura & radice cum potentia superiori, vel habet maiorem perfectionem permanentem & perpetuam, sicut calor in animali habet generare calidum imaginativum in homine distendere, & tunc non ex colligatione ad potentiam superiorem vel operantem hic & nunc, sed ex ipsi primadivinatione à natura, accipit illa maiorem virtutem & perfectionem. Vel potentia inferior non ex ipsa prima divinatione, sed ex operatione, & motione superioris hic & nunc facta, habet perfectius operari, in quo casu loquimur in presenti. Et ad hoc non sufficit sympathia seu colligatio potentiarum, sed requiritur nova aliqua immutatio, & impressio in potentia inferiori, quae illi virtutem addat, seu ad perfectiorem actum trahat, virtutemque reddat, eo quod, si ipsa ipse perficiat, debet ex se habere virtutem inferioris, non illam autem potentiam, a quo exit immutatio illius, ut aliquis operari esse proportionem cum aliis. Quae ex eorum sola autem virtute vel colligatione potentiarum in eadem natura, non habent maiorem proportionem in potentia, quia huius effectus determinatus, quia illa virtus & colligatio semper manet eadem de se & eadem est, ut ad omnes effectus necessarios, ergo ea virtute potest non potest reddi naturalis po-

tentia inferior, quando solum existit in motione, & operatione causae superioris inferioris perfectius operatur, et non ex divinatione prima a tali natura redditur potentia illa potentia illa perfectior. Denique haec sympathia non potest intelligi iudicem pro potentia, quae non desinit sed vivit voluntari, sed cum aliqua sensibilibus, ex sola enim colligatione & communicatione ad ipsam non delectantur eius imperia, sed resistere possunt, ergo indigent motione aliqua, & impressione vincente eam in obedientiam.

Dico secundo: *Etiā motio superioris potentia, quae tantum applicat inferiori, addendum secundum eam virtutem proportionalem ad maiorem superaddit, non sic per se, sed per sympathiam* & illa virtutem potentiam in sua natura, si debet realiter inperfectioris sympathiam habere. Haec enim loquimur ex eodem, siue locis, siue thronis, arguitur, quia in pluribus eorum, quibus haec potentia superori applicatur & impellit se tantum inferiori non virtutem ad maiorem operantem communem, ut, & per se videri potest. *Ex quo, si, ut dicitur, in loco supra citato, ubi loquitur de motione charitatis in perperam, dicitur, in fundamentum est, quia dicitur modo ex actione ab inferiori potentia, quando non ordinatur in sua applicatione, & ex eorum voluntari, quam si non subordinetur, ergo non solum quando, ostendit, sed virtutem, sed quando virtus propria non habet & applicatur ad actum, operari non potest, & non per se perfecti potentiam, virtutem operari actus. Consequenter per, quia hoc in modum adfigitur ad maiorem virtutem, in deo, sed cum illa virtute ex qua virtus & ita presupponit in potentia inferiori non sufficit ad perfectionem, ergo hoc autem non habet virtutem superiorem virtutem applicatam, ergo, in eadem virtute, quae per se, quia in alio modo, virtutem, cum hoc actus, ut operari, & per se, potentia superiori, ex eorum in potentia*

habitudine, cum ad finem potentie imperantis, cum ad ipsam efficientiam potentie imperantis. Ad finem quidem, quia iste actus imperatus & procedens à potentia inferiori, hoc ipso, quod ex illo imperio procedit, subordinatur illi fini superioris potentie, sicut cum actus temperantia sit propter charitatem, subordinatur fini charitatis, & recipit mercedem charitatis, induit ergo habitudinem aliquam ad talem finem, & sicut respicit realiter obiectum suum, ita & finem sibi appositum, qui ut circumstantia finis se habet, illique subordinatur obiectum. Ad efficientiam autem potentie imperantis, quia egreditur ille actus, ut voluntarius & mobilis ad actum voluntatis, vel virtutis imperantis, a quo potest cohiberi vel emitti, quod non habent alij actus ei non subiecti, ut actus nutritivus, vel augmentativus ergo diversa habitudine respicit iste actus voluntatem imperantem & applicantem, quam actus qui ei non subduntur, nec ab ea possunt cohiberi vel emitti. Et iste respectus non est rationis, sed realis, vere enim & in re detinet voluntas aliquos actus aliarum potentiarum & ad libitum virtutis, quibuslibet despotice & ad nutum quibuslibet eum efficientia, ergo non est cur ista habitudines non sint reales, fundamentum enim & terminus reales sunt, scilicet potentia illa & actus, usus & detentio, vel cohibitio voluntatis quæ in re sunt, cur ergo non fundabunt respectum realem? & sic actus progrediens cum tali respectu, vel sine illo, diverso modo immutatus exit à sua potentia.

Nec potest hic locum habere illa sympathia seu colligatio potentiarum, hæc enim unio potentiarum non est sufficiens ad determinandum potentiam inferiorem magis modo quam ante, ad efficiendum voluntarie actus suos & dirigendum ad talem finem potius, quam ad alium, siquidem unio illa naturalis est, & eodem modo semper se habens & perseverans, & communis seu indifferens ad omnes potentias, quæ sunt in a-

nima & ad actus earum, ex quo ergo principio determinatur ista potentia & actus ad faciendum actum tali modo, & cum habitudine ad talem finem, & quod fiat cum tali applicatione, aut intentione vel impulsu, &c. si ipsa operatio voluntatis nihil immutat in potentia illa inferiori, nec realiter determinat, cum tamen indifferens sit? Nec unio illa & colligatio potentiarum ad positionem actus potentie superioris est principium determinandi & applicandi inferiorem potentiam, quia cum ipsa unio & colligatio etiam communis, & indifferens sit de se ad omnes actus & potentias, restat de ea eadem difficultas, à quo principio determinetur, siquidem actus potentie superioris non ponit aliquid, nec determinat ipsam unionem, sicut neque potentiam, est enim eadem ratio de potentia inferiori & de unione ipsa. Denique sympathia ista non operatur nisi per modum naturalis sequentia & connexionis ut dicunt Authores oppositi. & specialiter Montefinos loco cit. Naturalis autem sequela non habet locum in his, quæ sunt ex libero imperio voluntatis, siquidem actus potentie inferioris non se habet ut brovia passio cõsecuta ad positionem superioris, nec egreditur ab ipsa superiori potentia per emanationem, sed elicitur ab inferiori potentia ex applicatione superioris, non ergo habet hic locum naturalis sequela non enim procedit ille actus ut consecutus naturaliter, sed ut ortus & elicitus ab inferiori, convenientius ergo ponitur ex impressione, & motione superioris oriri, quam naturalis sequela consequi.

Quod vero dicunt aliqui sufficere concursum simultaneum voluntatis cum potentijs inferioribus in effectum suum, nec requiri motionem illam applicantem, non habet locum in presenti, primo ex generali ratione, quia simultaneus concursus non est in causam, sed in effectum, unde potest convenire etiam causis non subordinatis, sicut duportantes lapidẽ habent simultaneum concursum in ipsum motum, non unus subor-

dinatur & applicatur ab alio operante. Itaque aliud est dependere causam, ut consequatur effectum, seu ut effectus ponatur ab alia causa, aliud est subordinari alteri causæ, & esse inferiori illi in causando. Ad primam dependentiam sufficit concurrere simulta reus diversarum causarum, inob etiam dependet causa ab applicatione & reliquis conditionibus sine quibus non causat, nec tamen subordinatur illis, ut causa inferior sed ad hoc requiritur, ut causa superior moueat, & applicet inferiori ut causet, non in effectum solummodo influat. Deinde, ille simultaneus influxus non habet locum in presenti, quia voluntas non potest partialem influxum habere in actum intellectus, aut appetitus, cum eius influxus & actus solum sit volitio, non autem partia- liter potest intellectum actum elicere. Si ergo nihil intellectiois etiam partialiter est a voluntate, sed totum ab intellectu, quomodo intelligi potest, quod simultaneo concurrente influat in actum intellectus, vel alterius potentie, quam mouet, sicut duo portantes lapidem, quorum uterque aliquid motus elicit? Multo minus potest intelligi, quod voluntatis influxus simultaneus, non sit partialis cum influxu aliarum potentialium, sed identificatus cum illo, ita ut sit totaliter ab intellectu, & totaliter a voluntate. Hoc non esse non potest, nisi sit sicut causa prima, quæ est intima cuilibet causæ creatæ, ut potest dæi illi esse, & tanquam prima eius radix in operando. Unde nihil etiam partialiter potest esse a causa secunda, quod non sit etiam a prima. Nulla autem causa creata potest ita sibi subordinare causam inferiorem, ut nec partialem concurrere habere possit, qui non egredietur ab inferiori, quia nulli causæ creatæ subordinatur alia in omni ratione entis. Quod si talis dependentia datur in causâ inferiori respectu superioris, multo magis oportet sit determinari a causâ superiori, & applicari ad agendum, per motionem in ipsam causam, ut potest sibi omni modo subordinatam ad operandum. Unde per

hunc modum simultanei concursus non conueniatur proximius, sed fundatur.

Soluntur Argumenta.

Primo arguitur, ex P. Vazquez *diff. ill. 1. 24. in supra.* Quando aliqua causa secunda habet propriam virtutem sufficientem & concursum causæ primæ, nec noua ratio in effectu resultat, quæcumque alia causa accedat superuacanea est, nec omnino conducit ad eam actionem; sed in alijs potentijs est integrum principium ad producendas suas operationes secundum omnem rationem quæ in illis reperitur, ergo quantumcunque voluntas velit in eas physice influere, superuacue se habebit. *Mior est per se nota*, quia quod integrè fit ab vna causâ secunda, non potest naturaliter fieri simul ab alia, superuacue ergo est illa causa accedere ad producendum talem effectum, nec oppositum in aliquo exemplo constare potest. *Mior probatur*, quia intellectus, v. g. aut sensus politico lumine & spe, id est integrum principium producendi suas operationes, ergo tales potentie possunt integrè suas operationes producere. *Confirmatur*, quia plures potentie sunt in nobis, quarum vna sine alia non potest, et intellectus non potest operari sine sensu, nec sensus exterior sine interiori, ut patet in dormientibus, aut non attendentibus ligatis enim sensibus interioribus, nihil per externos sentimus, & tamen nihil reale influunt istæ potentie in alias, postquam sunt actuata suæ virtute requisita & specie, ergo neque oportebit voluntatem influere in alias potentias, etiam si sine illa operari non possint, a loqui vbiusque vna potentia sine alia non potest operari, acberet primum resistere, & non fluere in eam.

Respondetur distinguendo maiorem et minorem argumenti. Ad maiorem; quod sit integrè ab vna causâ non potest ab alia naturaliter fieri, *distinguo*, quod sit integrè in omni genere, tam quoad specificationem, quam quoad exercitium. *concedo*: quod sit integrè in suo genere, sed non quoad aliquam

conditionem, v. g. quoad applicationem, vel quoad aliquem modum, aut perfectionem alterius virtutis, non indiget altera causa, vel mouente vel perficiente, aut eleuante, aut applicante, *negō*. Ad *minorem*, potentia inferior habet sufficiens principium ad operandum, *diffinquo*, ad operandum intra suum genus ex parte specificationis, *concedo*, ex parte exercitij seu applicationis ad operandum, vel ad operandum iuxta participationem alterius potentie, *negō*. Et licet concursus diuinus sufficiat ad applicandum causam secundam, tamen quia non tollit leges, & subordinationem aliarum causarum quas non venit soluere, sed adimplere, ideo etiam alie cause superiores; quae mouent inferiores ad operandum sua motione & influxu aliquid imprimunt causis inferioribus, vt applicant eas ad operandum. *Nec videt restrictio* v. *sequer.* quod coelum solum insit in hac inferiora tollendo ea, quae impedire possunt operationem causarum secundarum, & applicando ea quae dispondere possunt, non autem per se attendendo in ipsas causas inferiores. *Sed ratio hoc inuenit* est, quod coelum potest applicare causas disponentes, & remouere impediētes, & applicare non possit per se operantes? Nam illa applicatio in causas disponentes, quomodo est à coelo nisi motu suo imprimat aliquid in ipsas. Si verò imprimit, cur etiam non possit imprimere aliquid in causas per se operantes? praesertim in illis effectibus, qui excedunt propriam virtutem causae inferioris, & ex particulari virtute coeli procedere debent, vt quod mare fluat & refluat ex impressione lunae, quod aquae ascendunt ad montes, quod fiant cometae, vel aliae similes impressiones à coeli virtute productae, quae non solum sunt per remotionem impedimentorum, sed per positam communicationem virtutis ad illos effectus occultos & excedentes.

Ad *confirmationem* reuatur minor in eo, in quo vna causa dependet ab alterius opera-

tionem. Et ad probationem discimus, quod intellectus ad intelligendum non oportet, quod accipiat à phantasmatibus nisi in eo genere, in quo dependet, scilicet obiectiue, efficienter enim dependet ab intellectu agente producente species ex phantasmate tanquam ex obiecto, & in isto genere aliquid imprimitur intellectui, scilicet species, & rursus vt intellectus actus intelligat, requiritur quod conuertatur à phantasmate, sed non indiget alio influxu, quia nec aliam habet dependentiam à phantasmate. Similiter sensus exteriores dependent ab interioribus non absolute, vt applicentur ad operandum, sed quantum ad subministrationem spirituum animalium, sine quibus non exercetur sensatio, vt patet in dormientibus; sed communicatio istorum spirituum, quae realis est, non fit per actum sensus interni, qui est cognitio, sed per subministrationem à virtute naturali effectiua eorum, quae illos distribuit ad sensus. Vel dependent sensus externi ab internis, non in ipsa eliciencia sensationis, sed in iudicio, quod formatur de illis in sensu communi, vbi consummatur tota sensatio externa. vnde qui est distractus, reuera videt & sentit externè, sed non aduertit, quia non iudicat, & ita quantum ad hoc iudicium dependent sensus externi ab internis, non quantum ad ipsam visionem, vel sensationem, quam eliciunt.

Secundò arguitur: Quia voluntas solum habet operationem immanentem, ergo extra se non efficit aliquem effectum, patet consequentia, quia alias illa actio esset transiens, & non immanens in ipso agente. *Ante, edens autem probatur*, quia non potest voluntas operari aliquem actum, qui non sit velle, seu appetere, volitio autem, seu appetentia solum est actus immanens denominans volentem, ergo solum potest operari operatione immanente. *Quod si dicatur*, illam volitionem denominare volentē ipsam voluntatem, in qua existit, & à qua elicitur, ceterum effectiue posse aliquid imprimere

per modum transeuntis in alia potentia, quo non reddatur volens, sed voluntarie applicata ad operandum. *Contra est*; quia ista virtus non est explicabile quid sit, ut sequenti argumento ponderabimus. Et deinde *respondeo* argumentum, quia ista virtus derivari debet media voluntione, illa autem voluntio est actus immanens & sic non potest operari in alias potentia, solum enim operatur ubi est, ad operandum autem extra se requiritur actio transeuntis.

Respondetur aliqui tenere, quod voluntas non solum est electiva actus immanentis, sed etiam transeuntis ab eo distincti, ut sentit Ciceron. 3. de amicis, cap. 6. Oppositum vero sequi ferat 2. contra Gent. c. 22. & Capreol. in 2. d. 2. in 1. q. 1. ad argumenta Aristoteli contra primam conclusionem. Et hoc probabilius videtur. Distinguitur ergo actio immanens virtualiter esse transeuntem, & posse habere aliquem effectum extra se, eo quod actus immanens est eminentior transeunte, cum naturaliter sit directus illius, actio enim transeuntis est actio executiva immanens vero imperativa & directiva, per voluntatem enim, & intellectum dirigimus ea, quae agenda sunt, unde potentia immanenter operantes naturaliter sunt digniores potentia operantibus transeuntibus, illaque subordinant sibi. Quare actus immanens eminentior est transeunti in dirigendo, & sic eminentior & virtualiter potest transeuntibus agere, ut conuenienter possit potentia inferiores mouere directione sua. Et hoc sumitur ex D. Thoma in opusculis in articulo 2. ubi dicit: Quod angelus non possunt mouere aliquid corporis per contactum quantitatis, cum sint incorporei, sed per contactum virtutis: nihil autem in angelis actus, quam eorum intellectus, et sic & ipsi dicuntur intellectus, vel mentes nominantur. Unde eorum motiones a virtute intellectus procedunt: ipsi autem conceptus intellectus secundum se non habet effectum actum transiendum aliquid, imperium nominatur. Unde si mouent, nullo modo nisi per imperium mouere

possunt, in 12. Thoma, qui locus satis manifestus est, idem probatur operari in aliis solum interiorum videtur, & ad contrarium non tenet appetitus, immutari sensibilibiter corpus, vel componi, et loqui, vel aliter, ergo in operari non habet immutandi, seu mouendi spiritus, qui mouet sensum in ista genere mouetur. Nec, offerunt sensus emittit species in alios, nisi exteriorius, qui immutari non vult habere, & perducendi transeuntis tales species, & mouendi spiritus animales quibus in se species spiritus immanens alius. Quare & non potest immutari, & de reddis potentia voluntatem, sed habet pro effectum virtutis illius voluntionis motum aliquem, seu impressionem causam in potentia inferiori, quae non reddit illam voluntatem, si mouetur, sed immittit aliter, id est, subiectum, tam & immittentem a potentia seu voluntari in suis actibus.

Ad Resp. an vero effectus datur, illam virtutem seu impressionem emanare media actio voluntionis, qui licet habeat terminum immanens in se, tamen quia virtualiter est transiens potest exteriorius habere effectum in aliquo extra se, nec enim impugnetur vnam actum habere quibus exteriorius ordinare et habere. Et sequitur seu tangit voluntas potentiam, quoniam mouet virtualiter, nam cum non habet effectum aqualem dicitur esse in potentia inferiori quam voluntas, & sic potest datur mouere ipsam. Et sic licet in temporalis modo habent effectum, & sic in ista habent appropinquat, hoc fit in potentia spiritibus animalibus, qui mouentur per sensus sensibus, non solum in se, & in exterioribus species intentionibus, sed etiam per appetitus sensibiles, & quoniam in istis spiritibus mouentur tangit, & sic potest tangit mouere illa alia in appetitus, quod est in se, & vel in se.

Tertio arguitur, quod non potest explicari quid sit illa impressio realis, quoniam potentia superior possit in inferiori, nam in

primis non est qualitas, præsertim in motione, quæ solum applicatur potentia inferior ad exercitium operationis, nam qualitas non inclinatur nisi ad qualitatem similem, ergo ponere qualitatem solum pro exercitio operis, & non pro aliqua specie faciendæ, omnino fictitium est. *Pater consequenter*, quia illa qualitas cum sit derivata à voluntate, v. g. intellectu, debet in intellectu ponere aliquid simile ipsi voluntati, seu modo voluntatis; quiddam autem in operatione intellectus relucet siue quoad speciem, siue quoad individuationem, siue quoad vitalitatem vel intentionem, totum est generis apprehensum non volitivum. Secundò non potest esse aliquis modus, quod denominetur ille actus voluntarius aut liber, quia hoc solum pertinet ad extrinsecam denominationem, pendet enim ex hoc solum quod datur ad hoc tentum in ratione, quæ posita, actus qui antea non erat liber, redditur liber, hoc autem nihil intrinsecum in eo ponit. Nec est modus aliquis applicationis vel coniunctionis, aut, reproximitatis, quia semper illa potentia fuit coniuncta, & applicata in eadem anima, & super hoc additur alius modus, & non explicatur quid sit. Nec est aliqua relatio, tum quia hæc per se non est activa, tum quia requirit novum fundamentum ut contingat, & hoc oportet explicare quid sit. Nec denique ponit solum influxum simultaneum in effectum, hic enim non est in potentiam, ut reddat eam motam & applicatam, sed in effectum ut reddatur productus.

respondetur, virtutem illam, seu motum causæ superioris in inferiorem, nunquam se habere per modum qualitatis permanentis & habitualis, quia potentia inferior non manet permanenter & habitualiter ordinata ad illam operationem vel applicationem, sed quamdiu causa superior voluerit, & ita solum per modum transeuntis potest illa motio illi dari, quamdiu scilicet applicaverit causa superior, & duraverit eius motio. Est ergo illa motio qualitas aliqua

per modum transeuntis, sicut causa prima imprimit in causas secundas, & causa principalis in instrumentalem, idque vocat S. Thom. quod sit aliquid per modum diffusionis & dispositionis, secundum quod una potentia movetur ab alia, & accipit ab alia, sicut dicitur 1. 2. *quest. 56. art. 1.* Et hæc dispositio seu diffusio respicit aliquam peculiarem rationem in actu potentie inferioris & motu relucens, verbi gratia, voluntas movetur ab intellectu, & participat ab ipso non solum elicere volitionem quoad substantiam ipsius velle, sed etiam quoad modum, v. g. quod modo collatio velit. & similiter intellectus motus a voluntate, non solum habet producere intellectionem, sed cum tali modo, scilicet cum efficacia movendi & applicando in exercitio, quod ex se non habet intellectus, sed participat à voluntate, quæ est primum in genere moventium efficaciter quoad exercitium, & sic imprimit intellectui, unde producat actus suos, cum efficacia movendi alia, ut docet D. Th. 2. 2. *de Verit. art. 13.* Quod si tantum applicet voluntas potentias inferiores ad actus proprios, tunc motio voluntatis non ponit aliquid in potentia inferiori, pertinet ad virtutem pro nouo effectu faciendo, qui excedat propriam virtutem, sed ad faciendum proprium suum actum, cum nouo modo, id est, cum subiectione ad potentiam superiorem, seu ad voluntatem, & similiter cum habitudine & ordine ad finem aliquem determinatum sibi præstitum à superiori, & hæc subiectio seu actualis subordinatio aliqua nova habitudo est in inferiori actu respectu superioris, requiritque aliquem novum modum seu mutationem in tali actu, qui modus seu habitudo, cum afficiat ipsum actum intrinsece oportet, quod cum egrediatur & pariat a potentia, à qua immediate exit, & sic supponat in ipsa potentia inferiori sufficiens principium & rationem præbendi illas habitudines & formandi actus cum illis, & hoc à superioris potentia motione debet haberi.

Utrum darguitur; quia voluntas non mouet, nec applicat alias potentias nisi per imperium, sed imperium non potest aliquid reale imprimere potentis imperatis ergo. *Minor a nobis conceditur*, voluntas enim mouet, ut superior, & ut imperans. *Minor probatur*, quia imperium formaliter est actus intellectus non voluntatis, ut docet S. Thomas *prima secundæ, quæst. 7. art. 1.* actus autem intellectus nihil reale ponit in alijs potentis, solum enim denunciat, & aduertit, quid agendum sit, hæc autem aduertentia nihil reale ponit in alijs nisi rem esse cognitam & denunciatam. *Et confirmatur*, quia in brutis non datur imperium ut ibidem determinat S. Thom. *art. 2.* ergo non poterunt applicari aliæ potentia ab appetitu sensitivo mediante phantasia, immediate autem non apparet, quomodo ex ipso actu appetitus deriuatur virtus aliqua ad alias potentias.

Respondetur, admittendo quod voluntas non mouet nisi mediante imperio, unde dicit S. Thom. *quæst. 17. cit. art. 2. ad 1.* *Quod ut appetitus datur imprimere motum*, in quantum mouet rationem imperantem: imò illæ solum potentia mouentur a voluntate, quæ ex apprehensione natæ sunt moueri. Et videmus quod deficiente aduertentia etiam postquam quis voluit & elegit, nulla potentia inferior mouetur ad executionem. *Ad motum ergo negamus*, quod imperium seu actus practicus intellectus non habeat vim mouendi alias potentias, & imprimendi aliquid in illas, non ut præcisè cognitio est & aduertentia, sed ut efficaciam habet ex motione voluntatis sibi adiuncta, & ex motione voluntatis sibi communicata, rem enim ut diximus ex D. Th. 14. de Verit. *art. 5. ad 2.* constat quod charitas quæ est in voluntate imprimit aliquid in intellectu fidei, quæ est in intellectu, & ex his quæ docet 22. de Verit. *art. 16. & a his locis supra aliter etiam constat voluntatem mouere intellectum, & aliquid illi imprimere.* Dein de vero intellectus motus a voluntate po-

test mouere alias potentias, tum voluntatem ipsam, quæ sibi conuicta, & immediata est in anima; tum imaginariam, quæ intellectui subordinatur, sicut particulare agens vniuersali. Sic et corpus egredi motui Angel, & per imaginariam corporali modo mouetur appetitus, deinde membra; sic enim ab intellectu per imperium moueri sentituum appetitus docet S. Thom. 1. 2. *quæst. 17. art. 7. præterea id secundum*, & ex illa motione per imperium rationis, & motionem imaginariam in appetitum sequi aliquam qualitate, quæ est motu locali cordis consequitur, aperte affirmat.

Ad confirmationem respondetur. Quod bene, licet non habeant imperium, quantum ad id, quod imperium dicit de cellatione, & ordinatione vnius ad alterum, quod rationis est, bene tamen quantum ad id quod dicit de efficacia, & impetu mouente, & ita appetitus sensitivus in eis mouetur ab apprehensione faciente imperium ex instinctu naturæ, non ex ordinatione rationis illæ autem apprehensioni efficaci non potest resistere appetitus, sed statim mouet eor., & mouet alias vires, quæ ad motum pertinent.

ARTICVLVS VII.

Utrum detur potentia loco motus distincta ab appetitu, & quomodo inueniatur in anima separata?

Loquimur de potentia loco motus quæ tum ad motum progressum, qui totus ab apprehensione dependet, motus enim naturalis ut fit in corde, vel in gravi & leui, non dependet ab appetitu, neque ab apprehensione. De potentia ergo loco motus secundum motum, progressum est duplex sententia etiam inter Thomistas. *Prima affirmat* motum hunc eius actus ab ipso appetitu, non verò ab ipsis membris, sed in illis recipi, si recte sint disposita ad recipiendum motum, & sic membra non mouent, sed mouentur a principali membro, in quo

est appetitus nempe à cordo. Quæ sententia sumitur ex Caiet. 3. de anima. c. 6. alias 10. & Ferret. 2. cont. gent. c. 82. & probabiliorem reputat M. Bañez 1. p. q. 78. art. 1. dub. 1. *Fundamentum sumitur tñm ex auctoritate, tñm ratione.* Auctoritate, quia ita sentire videtur D. Tho. 1. p. q. 75. art. 3. ad 3. ubi inquit: *Quod alia vis motiua est exequens motum, per quam membra redduntur habita ad obediendum appetitui, cuius actus non est mouere, sed moueri.* Et 2. contra g. cap. 1. 82. in fine inquit: *Quod virtus, qua dicitur exequens motum, facit membra esse obediencia imperio appetitui, vnde magis sunt virtutes perficientes corpus ad moueri, quam virtutes mouentes.* Consonat Aristot. 3. de anim. text. 48. & 54. ubi docet: *Quod appetitus est illa, qua animal mouet, id verò quod mouetur est animal, organum vero motus aliquid corporeum est.* Et de eodem videri potest in lib. de motu animal. lect. 4. apud D. Tho. ubi dicit: *Principia mouentia esse phantasiam, intellectum, electionem, voluntatem, & concupiscentiam.*

Ratione probatur: quia ad motum progressiuum non requiritur aliud principium eliciens motum, quam principium impellens, impulsus autem quædam inclinatio est, & appetitus, nec requiritur adhuc aliud principium, elicitium, ex parte autem membrorum sufficit habilitas ad recipiendum hunc impulsu, his enim duobus positis, sequitur motus, & quodcumque aliud principium eliciens superfluum videtur. Ad hæc videmus var. ari. motum ad quamlibet variationem appetitus siue quoad vehementiam impulsus, siue quoad remissionem, siue quoad modum, & figuram motus. Conueniens etiam est quod eadem potentia, quæ est inclinatiua ad motum sit affectiua eius, ad quod inclinat, affectio autem fit per motum, ergo motus est effectus potentie inclinantis, quæ utique est appetitus.

Oppositum tenent plures authores, ut Nazarius 1. p. q. 54. art. 5. qui citat Zumel.

Caiet. Ripam & alios sequitur etiam P. Suar. lib. 5. de anim. c. 10. *Fundamentum sumitur etiam ab auctoritate, & ratione.* Auctoritate D. Th. qui semper distinguit potentiam executiuam motus à potentia appetitiua, illique aliquam actionem tribuit, licet cū subiectione, & obedientia ad appetitum, quas potentias in illis ipsis locis proposita sententia citatis agnoscit distinguens vnā ut imperantem, alteram ut exequentē, licet hæc, quia mouet ut mota, magis videatur moueri, quam mouere. Et expressius 1. p. q. 78. art. 1. ad 4. dicit; quod sensus, & appetitus in quantum huiusmodi non sufficiunt ad mouendum, nisi superaddatur eis virtus aliqua, nam in immobilibus animalibus est sensus, & appetitus, non tamen habent vim motiuam. Hæc autem vis motiua non solum est in appetitu, & sensu, ut imperante motum, sed etiam est in ipsis partibus corporis, ut sint habilia ad obediendum appetitui animæ mouentis. Et eandē virtutē distinctam à voluntate videtur agnoscere in Angelis q. 6. de pot. art. 3. ad 3. & in quest. de anima art. 13. ad 12. Et actionem distinctam ei tribuit in 2. contra gent. cap. 35. In nobis, inquit: *actio virtutis motiua est media inter actum voluntatis, & effectum, ut in precedentibus ostensum est.* Denique opusc. 43. c. 5. distinguit vim exequentem motum ab imperante, & dicit: *Quod vis exequens est vis exterior, quæ diffusa est in musculis, & lacertis, & nervis membrorum.* Aristot. etiam loci citati ab opposita sententia, aliquod organum corporeum ponit pro principio motus distincto ab appetitu.

Ex ratione etiam sumitur fundamentum: Quia virtus illa, quæ ponitur in membris ad obediendum appetitui, licet illi subordinetur, verè tamen vitalis est, ergo non potest esse mere passiuā, sed oportet quod sit actiue mouens, seu eliciens. *Anteced. prob.* quia illa virtus non requiritur præcise, ut motus recipiatur passiuè, & inhæreat in subiecto, ad solam enim inhærentiam

nam impulsus, non requiritur virtus aliqua, & qualitas cui immediatè inhæreat, sicut in lapide videmus recipi inhæsiuè impulsu sine hoc, quod præsupponatur virtus aliqua in lapide ad recipiendum, requiritur ergo illa, tanquam virtus vitalis eliciens, & produciens motum. Undè & communiter actiones istæ, quæ motu membrorum fiunt, vt ambulare, scribere, pingere, & similia, motus vitales dicuntur, & ex illis maximè discernimus viuientia non viuientibus. Si autem passiuè se habent membra in isto motu, non magis moueretur animal in illis, quam mouetur iaculum vel lapis impulsus, quæ à proiectante recipiunt vim impulsivam passiuè.

Adhæc videmus motus istos externos vitaliter fieri, & tamen præuenire appetitum; vt cum aliquis mouet pedes aut oculos inaduerter, nec tamen tunc mouet vt res inanimata cum non moueatur motu grauitatis deorsum, sed eleuando pedem, vel conuertendo oculos retrorsum. Postremo appetitus dicitur frequenter à D. Th. *locis allegatis* principium motus vt imperans, non vt exequens, nihil autem imperat sibi ipsi, sed virtuti distinctæ, ergo oportet, quod virtus executiua & obediens, non sit mere passiuæ, patiens enim vt patiens non mouetur imperio sed actione, eliciens autem actionem mouetur ab imperio.

Hæc secunda sententia sine dubio apparet probabilior, & inhærentior menti S. Th. meliusque explicat quomodo vna pars organica mouet aliam, quod stare non potest si solum est virtus passiuæ in membris seu partibus organicis, non verò motiua alterius partis & eliciuiua motus, nam appetitus non est in omnibus membris sed in vno tantum, ergo si in membris non est virtus actiua motus, omnia membra præter illud in quo est appetitus, mouebantur passiuè, quomodo ergo vna pars organica mouet aliam?

Ad 1. opposita sent. ex authorit. D. Th.

Resp. in 1. loco aptè distinguere in isto motu duplicem potentiam, alteram imperantem, alteram exequentem. Cum autem dicit, per hanc exequentem, reddi membra habilia ad obediendum appetitui, & eius actum esse moueri, non mouere, sensus est quod reddit membra habilia hæc potentia motiua vitaliter & animaliter, licet ex subiectione ad appetitum, cuius est pars organica, & ministerialis. In virtutibus autem ministerialibus magis relucet moueri, seu obedire alteri quam mouere & agere, licet agendo obediat & moueatur, sicut mobile vitale, non vt mouens principale, sed vt organicum & ministeriale. *In 2. loco contra gent.* non dicit absolute D. Th. quod actus potentie motiue est moueri, sed quod magis perficit ad moueri, eo quod facit membra obedire appetitui. Vbi ly *facit*, actiuitatem & elicientiam dicit, quia vitali actione facit obedire, & subijci appetitui, sed vt mouens organicum & motum, non vt primo mouens. Et ad Aristot. dicitur quod præter appetitum & phantasiam, quæ sunt principalia & impertinentia in hoc motu, etiam admittit principium organicum, & ministeriale, quod in libro de motu animalium dicit, non solum esse cor sed etiam nervos & iuncturas, & spiritus, quibus de vna parte fit motus ad aliam, sicut in rotis horologii, quibus istas organicas partes comparat Philosoph. & de illis late ibi dissertat, vt videri potest apud D. Thom. *ibi text. 6. 7. & 8.*

Ad 1. rationem Resp. quod impulsus per modum amoris est elicitivus ab appetitu, sed impulsus per modum executionis est imperativus ab appetitu, & elicitivus a potentia motiua membrorum, indeque derivatur ad proiecta externa & ad aerem deferentem illa, vt differimus 7. *Præterea* quæst. 13. Quare posita efficacia appetitus imperantis, & habilitate membrorum vitaliter obediens, id est per aliquam actionem, quæ ex subiectione, & motu appetitus agat, sequitur motus vitalis membrorum, non me-

re passiuè se habentibus membris. Quare non est superflua ista vis actiua, vt motus ille sit vitalis, etiam in executione membrorum.

Ad 1. resp. variari motum ad variationem appetitus directiuè, non elicitiuè, eo quod variatio illa fit etiam in membris exequentibus vitali modo, & sic non merè passiuè se habentibus ad appetitum, sed etiam elicentibus motum. Similiter vt potentia inclinatiua, & intendens assequatur suum finem sufficit quod medijs instrumentis & organis sibi subiectis, & elicentibus executiuè motum, assequatur ad quod intendit, non passiuè se habentibus.

Circa secundum punctum, de potentia motiua animæ separatæ, *suppono*, hanc quā habet in corporeis organis, non manere in anima separata, quia hæc omnino corporea est, vtpotè à corporeis organis dependens. *Sed d. ssi ult. est in duobus.* *Primum*, an reuera anima separata habeat vim se mouendi actiuam sicut Angelus. *Secundum*, an ista vis sit aliquid distinctum à voluntate, & imperio practico efficaci. Et circa primum luitur difficultas, quia anima separata non potest se mouere, nisi ad modum Angeli per contactū virtutis non quantitatatis, quia caret illā, sed anima separata non potest habere contactum virtutis, quia non potest habere motum erga alia corpora, vt docet S. Tho. 1. p. q. 117. art. 4. & q. 16. de malo, art. 10. ad 1. eo quod virtus animæ est determinata ad mouendū corpus proprium & viuificatum à se, & solum mediante illo poterit alia mouere; cuius signum est, quia non potest mouere anima membrum aridum, quia non est viuificatum à se, si autem haberet in se vim motiuam, posset illud mouere, nec enim impediretur eius exercitium à corpore, sicut nec impeditur exercitium intelligendi: posset etiam anima recedere à corpore vincendo dispositiones eius, & iterum motiua virtute corpus intrare & informare, sicut informat alimentum de nouo. Quæ omnia

cum absurda sint, non possumus ponere vim motiuam in anima, nisi mediante corpore, eo verò remoto nullum aliud corpus per se mouet, ergo neque se mouet per contactum virtutis actiua, mutando loca.

Propter hoc fundamentum existimant aliqui, animam separatam se non mouere, sed moueri ab Angelis, quod aliquibus Thomistis suppresso nomine attribuunt Conim. tract. de anim. separata disp. 6. art. 2. Vt rursus vero existimant Durandus in 3. dist. 22. q. 1. animas, neque se mouere, neque moueri, eo genere motus, quo corpore, neque eo genere motus quo Angeli, quia non possunt mouere corpora. De anima vero Christi, solum dicit descendisse per effectus, quos causauit in inferno, quamuis, neque hoc pertinaciter asserat, sed fatetur se alium modum probabiliorē ignorare. Alij vero authores, qui non possunt negare animam Christi descendisse realiter ad limbum Patrum, licet per alios effectus descendere it ad infernum terrendo damnatos, dicunt tamen descendisse virtute diuina, quasi motam à Verbo, sicut instrumentaliter potest mouere alia.

Ceterum vtraque sententia stare non potest. Et quidem Durandi sententia præterquam quod non saluat in proprietate descensum Christi ad inferos, ex se ipsa redarguitur, quia vel animæ sanctorum erant in limbo seu inferiori parte terræ, vel non; si non erant, ergo neque per præsentiam neque per effectum eò descendit anima Christi, quod est totaliter negare articulum Fidei de descensu animæ Christi, contra illud ad Ephes. 4. *Quod autem ascendit, quid est nisi quia descendit primum in inferiores partes terræ?* Et fuisse animas in inferno dicitur 1. Petri 3. *In quo & his, qui in carcere erant spiritibus veniens predicauit, qui aliquando fuerant increduli, quando expectabant Dei patientiam in diebus Noe, qui vtrique spiritus animæ erant separatæ: ergo erant in carcere, id est in aliquo certo loco, vbi ante non erant.* Si vero dicatur, ibi realiter

Ut resolutionem ex mente Diui Thom. tradamus, aduertendum est; quod motio vnius potentie in aliam potest dupliciter intelligi. Primò sic, quod ex tali motione recipiat potentia motu aliquam maiorem virtutem ad producendum effectum aliquem, seu perfectionem, vltra id quod potest ex propria virtute, sicut cum ex motione charitatis eleuatur fortitudo, vel temperantia, non solum ad operandum temperare vel fortiter, quod est propriæ virtutis, sed etiã propter Deum supernaturaliter amatum seu cum habitudine ad illum, quod ex se nõ poterat, de quo etiam plura exempla statim asseremus. Secundò sic, quod potentia mouens solum applicet, & determinet potentiam motam interiorem ad operandum actum sibi proprium, non tamen perfectionem, aut eleuatiorem, quam sit in se, sicut si voluntas applicet visum ad videndũ, & auditum ad audiendũ, & nihil amplius; & tunc inquitur, an potentia mouens imprimat aliquid potetie motæ, vt maneat applicata.

Dico ergo primo: quando potentia inferior, vel virtus operatur aliquid vltra proprium modum suum nõ quæsi habitualiter & permanenter, sed in aliquo actu ex actuali participatione superioris potentie, non potest hoc fieri per solum sympathiam, & viciatorem in eadem anima sed per impressionem realem, & physicam à voluntate, vel virtute superiori derivatam ad inferiorem. Hæc sententia perpetuo docetur a D. Thom. qui nunquam meminit illius sympathie, seu radiationis, sed solum impressionis, diffusionis, virtutis relictæ ex potentia superiori, quæ omnia immutationem realem explicat: scilicet a potentia superiori in inferiorem, & aliquid reale in ea relictum quod ad effectum aliquem realem ordinatur. Et in primis pondero illum locum Diu. Thom. 1. de veritate artic. 13. vbi inquit: Quandoque sunt duo agentia ordinata secundum agentem dupliciter potest agere vno modo secundum quod competit sua natura, alio modo secundum quod competit natura superioris agentis, impressio enim

superioris agentis manet in inferiori, & hoc inferius agens non solum agit actione propria sed actione superioris agentis, sicut si intra solis mouetur proprio motu, qui statim vnius anni expletur, & motu etiam primi motus, qui est motus vnius diei. Similiter aqua mouetur motu proprio tendente in centrum, & habet quendam motum ex impressione lune, quæ mouet ipsam, vt patet in fluxu, & refluxu maris. Ratio autem, & motus sunt quædam potentie operaturæ ad inuicem ordinate. Vnde voluntas potest habere duplicem actum, vnum qui competit ei secundum suam naturam, in quantum tendit in proprium obiectum absolute, & hic actus attribuitur voluntati simpliciter vt velle, & amare, quantum ad hunc actum presupponatur alius rationis, à quo proponitur obiectum. Alium vero actum habet, qui competit ei secundum id, quod ex impressione rationis relinquatur in voluntate, cum enim proprium rationis sit ordinare, & conferre, quandoque in actu voluntatis, & parat aliqua collatio, vel ordinatio, talis erit voluntatis non absolute, sed vt motus, & directus à ratione. Idem docet è conuenio de actu intellectus vt motus à voluntate, & ex eius impressione speciali operante, in 1. 2. quæst. 17. art. 1. vbi docet imperium esse actum rationis vt motus ab efficiacia voluntatis. Et hanc virtutem, seu motionem dicitur efficere sicut impulsium, & alterationem in 1. part. quæst. 82. artic. 1. Dicitur, inquit, aliquid mouere per motum agentis, sicut alterans mouet alteratum, & impellit in impulsu, & hoc modo voluntas mouet intellectum, & omnes vires animæ vt Anselmus dicit. In D. Thom. 1.

Quo iure aliquid respondent quod voluntas efficax dicitur impellere, quia eo modo quod panis etiam non efficax, siquidem propter sympathiam de necessitate operatur in aliq. potentia, i. dicitur etiam voluntas mouere quædam aliam, quia propter potentiam alterans potentiam quæ voluntate mouetur, est quædam alteratio perfecta. Sed contra est, quia si voluntas dicitur alterans

alterans vel impellens, quia operatio potentie motus ab ea est alteratio, vel quia sequitur effectus in potentia inferiori posita voluntate, sine alia motione, ergo relinquit D. Thomas inexplicatum id, quod intendebat explicare, scilicet, quomodo ipsa voluntas sit mouens, si enim voluntas dicitur alterans, quia eius effectus in potentia mota alteratio est, restat videre an hunc effectum in potentia mota, voluntas facit alterando, id est, motione aliqua physica vel non, & hoc intendebat ibi D. Thom. & proponebat explicare, ergo dimittit procedere, & ab intento diuertit, si proponendo explicare quomodo voluntas moueat, solum explicat quod eius effectus ponatur in potentia inferiori, vel quod sit alteratio in potentia mota.

Secundò videndus est D. Thom. in 3. dist. 1. q. 1. art. 1. ubi docet virtutes motas a voluntate ab ea recipere formam aliquam ipsius, secundum quod omne mouens & agens imprimat suam similitudinem in motis & patientibus. Et ibi de n. distinct. 27. q. 2. art. 1. quest. 3. ad 5. inquit: *Quod vnaquaque virtus quæ est in inferiori potenti, habet quandam formam, quæ est virtus ex participatione superioris potentie, sed formam, quæ est virtus, habet ex natura propria potentie per determinationem ad proprium obiectum, & hanc formam & modum ponit virtus eius, cuius auctum, & iterum illam formam, & modum quem habet ex superiori. Quod verò istud, quod habet ex superiori, sit aliquid intrinsecum, & reale in inferiori, aperte dicit D. Thom. quest. 14. de Verit. art. 5. ad 4. ubi inquit: *Quod id, quod ex charitate relinquatur infidei, est fidei intrinsecum, constat autem charitatem mouere fidem, ergo motio ista, & impressio potentie mouentis in potentiam motam, non potest apud D. Thom. explicari per sympathiam & colligationem potentiarum in anima, quæ nihil imprimat intrinsecum in potentia mota, nec formam aliquam participatam a superiore, ut in effectu suo illam imprimat, ergo secundum*
*Part III. Physic.**

D. Thom. motio potentie superioris per impressionem nouam fit, non per sympathiam.

Denique D. Thom. 1. p. q. 56. art. 2. dicit: *Quod vna virtus pertinere potest ad plures potentias, ita quod in vna sit principaliter & se extendat ad alias per modum diffusionis, vel per modum dispositionis, secundum quod vna potentia mouetur ab alia, & secundum quod vna potentia accipit ab alia.* Ergo non ex colligatione in eadem essentia, sed ex extensione per modum alicuius diffusionis vel dispositionis dicitur vna potentia mouere aliam.

Fundamentum conclusionis sumitur ex dictis, quia ut constat in exemplis allatis à D. Thom. quest. illa 2. de Verit. aliquando virtus inferior habet elicere actum physicum & realiter, non solum secundum virtutem propriam & connaturalem, sed etiam secundum virtutem participatam à superiori potentia, sed ad hoc non sufficit sympathia, & colligatio naturalis potentiarum in vna natura, nec sola extrinseca coniunctio, & assistentia potentie superioris ad inferiorem, ergo necessaria est motio, seu impressio realis de nouo facta. Maior constat exemplis illis D. Thom. de mari fluente & refluente ex impressione Lunæ, de sphaeris interioribus raptis à primo mobili de voluntate non simplici modo volente, sed cum aliqua collatione & comparatione ex participatione discernimus. Minor vero probatur, quia illa sympathia & colligatio potentiarum, quæ immutat potentiam inferiorem in se, aliquid de nouo illi addendo & confortando ipsam, neque in sua radice, hoc est in ipsa natura, quia, ut supponit hæc sententia, quando superior potentia operatur, nulla realis mutatio fit in inferiori potentia ex tali operatione, & multò melius in ipsa natura, quæ est eius radix, aut in vnione potentiarum, si enim natura, vel vnio mutatur realiter, cur non multò minus ipsa potentia seu virtus? Solum ergo sit mutatio in ipsa potentia superiori

Vn Operan.

habitudine, tum ad finem potentie imperantis, tum ad ipsam efficientiam potentie imperantis. Ad finem quidem, quia ille actus imperatus & procedens a potentia inferiori, hoc ipso, quod ex illo imperio procedit, subordinatur illi fini superioris potentie, sicut cum actus temperantia fit propter charitatem, subordinatur fini charitatis, & recipit mercedem charitatis, induit ergo habitudinem aliquam ad talem finem, & sicut respicit realiter obiectum suum, ita & finem sibi appositum, qui ut circumstantia finis se habet, illique subordinatur obiectum. Ad efficientiam autem potentie imperantis, quia egreditur ille actus, ut voluntarius & mobilis ad nutum voluntatis, vel virtutis imperantis, a quo potest cohiberi vel emitti, quod non habent alij actus ei non subiecti, ut actus nutritivus, vel augmentativus, ergo diversa habitudine respicit iste actus voluntatem imperantem & applicantem, quam actus qui ei non subordinatur, nec ab ea possunt cohiberi vel omitteri. Et iste respectus non est rationis, sed realis, verè enim & in re detinet voluntas aliquos actus, aliarum potentiarum & adhibitorum virtutis, quibusdam despotice & ad nutum, quibusdam cum consensu, ergo non est cur illa habitudines non sint reales, fundamentum enim & terminus reales sunt, scilicet potentie illæ & actus, virtus & detentio, vel cohibitio voluntatis quæ in re sunt, cur ergo non fundabunt respectum realem? & sic actus progrediens cum tali respectu, vel sine illo, diverso modo immutatus exit à sua potentia.

Nec potest hic locum habere illa sympathia seu colligatio potentiarum, hæc enim unio potentiarum non est sufficiens ad determinandum potentiam inferiorem magis modo quam ante, ad eliciendum voluntarie actus ipsos & dirigendum ad talem finem potius, quam ad illum, siquidem unio illa naturalis est, & eodem modo semper se habens & perseverans, & communis seu indifferens ad omnes potentias, quæ sunt in a-

nima & ad actus earum, ex quo ergo principio determinatur ista potentia & actus ad faciendum actum tali modo, & cum habitudine ad talem finem, & quod fiat cum tali applicatione, aut intentione vel impulsu, & si ipsa operatio voluntatis nihil immutatur in potentia illa inferiori, nec realiter determinatur, cum tamen indifferens sit? Nec unio illa & colligatio potentiarum ad positionem actus potentie superioris est principium determinandi & applicandi inferiorem potentiam, quia cum ipsa unio & colligatio etiam communis, & indifferens sit, ut ad omnes actus & potentias, restat de ea eadem difficultas, à quo principio determinetur, siquidem actus potentie superioris non ponit aliquid, nec determinat ipsam unionem, sicut neque potentiam, est enim eadem ratio de potentia inferiori & de unione ipsa. Denique sympathia ista non operatur nisi per modum naturalis sequelæ, & connexionis ut dicunt Authores opusculi. & specialiter Montesinos loco cit. Naturalis autem sequela non habet locum in his, quæ sunt ex libero imperio voluntatis, siquidem actus potentie inferioris non se habet ut propria passio consequens ad positionem superioris, nec egreditur ab ipsa superiore potentia per emanationem, sed elicitur ab inferiori potentia ex applicatione superioris, non ergo habet hic locum naturalis sequela non enim procedit ille actus ut consecutus naturaliter, sed ut effectus & elicitus ab inferiori, convenientius ergo ponitur ex impressione, & motione superioris oriri, quam naturalis sequela consequi.

Quod vero dicunt aliqui sufficere concursum simultaneum voluntatis cum potentijs inferioribus in effectum suum, nec requiri motionem illam applicantem, non habet locum in presenti, primò ex generali ratione, quia simultaneus concursus non est in causam, sed in effectum, unde potest convenire etiam causis non subordinatis, sicut duportantes lapidē habent simultaneum concursum in ipsum motum, non unus subor-

dinatur & applicatur ab alio, in operando. Itaque aliud est dependere causam, ut consequatur effectum, seu ut effectus ponatur ab alia causa, aliud est subordinationem causam, & esse inferiorem illi in causando. Ad primam dependentiam sufficit concursus simultaneus diversarum causarum, imò etiam dependet causa ab applicatione & reliquis conditionibus sine quibus non causat, nec tamen subordinatur illis, ut causa inferior sed ad hoc requiritur, ut causa superior moveat, & applicet inferiorem ut causet, non in effectum solummodo influat. Deinde, ille simultaneus influxus non habet locum in presenti, quia voluntas non potest partialem influxum habere in actum intellectus, aut appetitus, cum eius influxus & actus solum sit volitio, non autem partialiter potest intellectum actum elicere. Si ergo nihil intellectus etiam partialiter est à voluntate, sed totum ab intellectu, quomodo intelligi potest, quod simultaneo concursu influat in actum intellectus, vel alterius potentie, quam movet, sicut duo portantes lapidem, quorum uterque aliquid motus elicit? Multo minus potest intelligi, quod voluntatis influxus simultaneus, non sit partialis cum influxu aliarum potentiarum, sed identificatus cum illo, ita ut sit totaliter ab intellectu, & totaliter à voluntate. Hoc non esse non potest, nisi sit sicut causa prima, quæ est interna cuilibet causæ creatæ, ut potest dāsi illi esse, & tanquam prima eius radix in operando. Unde nihil etiam partialiter potest esse à causa secunda, quod non sit etiam à prima. Nulla autem causa creata potest ita sibi subordinare causam inferiorem, ut nec partialem concursum habere possit, qui non egrediatur ab inferiori, quia nulli causæ create subordinatur alia in omni ratione entis. Quod si talis dependentia datur in causa inferiori respectu superioris, multo magis oportet determinari à causa superiori, & applicari ad agendum, per motionem in ipsam causam, ut potest sibi omni modo subordinatam ad operandum. Unde per

hunc modum simultaneus concursus non concurratur proximius, sed fundatur.

Solvantur Argumenta.

PRIMò arguitur, ex P. Vazquez d. 1. p. 1. l. 1. c. 24. p. 1. supra. Quando aliqua causa secunda habet propriam virtutem sufficientem & concursum causæ primæ, nec nova ratio in effectu resultat, quæcumque alia causa accidat superuacanea est, nec omnino conducit ad eam actionem; sed in alijs potentijs est integrum principium ad producendas suas operationes secundum omnem rationem quæ in illis reperitur, ergo quantumcumque voluntas velit in eas physice influere, superuacue se habebit. *Minor est per se nota*, quia quod integrè fit ab una causa secunda, non potest naturaliter fieri simul ab alia, superuacue ergo t. 1. s. causa accedit ad producendum talem effectum, nec oppositum in aliquo exemplo constare potest. *Minor probatur*, quia intellectus, v. g. aut sensus posito lumine & spe, i. e. est integrum principium producendi suas operationes, ergo tales potentie possunt integrè suas operationes producere. *Confirmatur*, quia plures potentie sunt in nobis, quarum una sine alia non potest, et intellectus non potest operari sine sensu, nec sensus exterior sine interiori, ut patet in dormientibus, aut non attendentibus ligatis enim sensibus interioribus, nihil per ext. nos sentimus, & tamen nihil reale influunt istæ potentie in alios, postquam sunt actualiz. suā virtute requisita & spec. i. e. ergo neque oportebit voluntatem influere in alias potentias, etiam si sine illa operari non possint, a quoque vbiusque una potentia sine alia non potest operari, deberet præmoneri illa, & influere in eam.

Respondetur dist. 1. quærendo: *minor est per se nota*: quod si integrè ab una causa non potest ab alia naturaliter fieri, *distingo*, quod sit integrè in omni genere, tam quoad specificationem, quam quoad exercitium, *concedo*: quod sit integrè in suo genere, sed non quoad aliquā

conditionem, v. g. quoad applicationem, vel quoad aliquem modum, aut perfectionem alterius virtutis, nō indiget altera causa, vel mouente vel perficiente, aut eleuante, aut applicante, *neq.* Ad *minorem*, potentia inferior habet sufficiens principium ad operandum, *diffin.* ad operandum intera suum genus ex parte specificationis, *concedo*, ex parte exercitij seu applicationis ad operandum, vel ad operandum iuxta participationem alterius potentiae, *neq.* Et licet concursus diuinus sufficiat ad applicandum causam secundam, tamen quia non tollit leges, & subordinationem aliarum causarum quas non venit soluere, sed adimplere, ideo etiam alie cause superiores, quae mouent inferiores ad operandum sua motione & influxu aliquid imprimunt causis inferioribus, vt applicent eas ad operandum. Nec vlt. *responsio* V. *squez*, quod coelum solum influit in haec inferiora tollendo ea, quae impedire possunt operationem causarum secundarum, & applicando ea quae disponere possunt, non autem per se fluendo in ipsas causas inferiores. Sed *tauten* hoc *inim* est, quod coelum potest applicare causas disponentes, & remouere impediētes, & applicare non possit per se operantes? Nam illa applicatio in causas disponentes, quomodo est à coelo nisi motu suo imprimat aliquid in ipsas. Si verò imprimit, cur etiam non possit imprimere aliquid in causas per se operantes? praesertim in illis effectibus, qui excedunt propriam virtutem causae inferioris, & ex particulari virtute coeli procedere debent, vt quod mare fluat & refluat ex impressione lunae, quod aquae ascendant ad montes, quod fiant cometae, vel aliae similes impressiones à coeli virtute productae, quae non solum fiunt per remotionem impedimentorum, sed per constantem communicationem virtutis ad illos effectus occultos & excedentes.

Ad *confirmacionem* *negatur* minor in eo, in quo vna causa dependet ab alterius opera-

tionem. Et ad probationem dicimus, quod intellectus ad intelligendum non oportet, quod accipiat à phantasmatis nisi in eo genere, in quo dependet, scilicet et obiectiue, efficienter enim dependet ab intellectu agente producente species ex phantasmate tanquam ex obiecto, & in isto genere aliquid imprimitur intellectui, scilicet species, & rursus vt intellectus actu intelligat, requiritur quod conuertatur à phantasmate, sed non indiget alio influxu, quia nec aliam habet dependentiam à phantasmate. Similiter sensus exteriores dependent ab interioribus non absolutò, vt applicentur ad operandum, sed quantum ad subministrationem spirituum animalium, sine quibus non exercetur sensatio, vt patet in dormientibus; sed communicatio istorum spirituum, quae realis est, non fit per actum sensus interni, qui est cognitio, sed per subministrationem à virtute naturali effectiuorum, quae illos distribuit ad sensus. Vel dependent sensus externi ab internis, non in ipsa elicentia sensationis, sed in iudicio, quod formatur de illis in sensu communi, vbi consummatur tota sensatione externa, unde qui est distractus, sensatio videt & sentit externè, sed non aduertit, quia non iudicat, & ita quantum ad hoc iudicium dependent sensus externi ab internis, non quantum ad ipsam visionem, vel sensationem, quam elicunt.

Secundò arguitur: Quia voluntas solum habet operationem immanentem, ergo extra se nō efficit aliquem effectum, patet consequens, quia alias illa actio esset transiens, & non immanens in ipso agente. *Antecedens autem probatur*, quia non potest voluntas operari aliquem actum, qui non sit velle, seu appetere, volitio autem, seu appetentia solum est actus immanens denominans volentem, ergo solum potest operari operatione immanente. Quod si dicatur, illam volitionem denominare volentē ipsam voluntatem, in qua existit, & à qua elicitur, ceterum effectiue posse aliquid imprimere

per modum transeuntis in alia potentia, quo non reddatur volens, sed voluntarie applicata ad operandum. *Contra est*; quia ista virtus non est explicabilis quid sit, ut sequenti argumento ponderabimus. Et deinde sedet argumentum, quia ista virtus deum debet media voluntate, illa autem voluntas est actus immanens & sic non potest operari in alias potentias, solum eam operatur ubi est, ad operandum autem extra se requiritur actio transeuntis.

Respondetur aliquos sentire, quod voluntas non solum est elicita actus immanens, sed etiam transeuntis ab eo distincta, ut sentit Caietan. 3. de anima, cap. 6. Oppositum vero sentit Ferrar. 2. contra Gent. c. 12. & Capricol. in 2. sentent. 1. quasi. 2. ad argumenta Averrois contra primam conclusionem. Et hoc probatibus videtur. Dicitur ergo actionem immanentem virtualiter esse transeuntem, & posse habere aliquem effectum extra se, eo quod actus immanens est eminentior transeunte, cum naturaliter sit directior illius, actio enim transeuntis est actio executiva immanens vero imperativa & directiva, per voluntatem enim, & intellectum dirigimus ea, quae agenda sunt, unde potentiae immanenter operantes naturaliter sunt digniores potentis operantibus transeuntibus, illaque subordinantur sibi. Quare actus immanens eminentior est transeunte in dirigendo, & sic eminenter & virtualiter potest transeuntis agere, ut conuenienter possit potentia inferioris mouere directione sua. Et hoc sumitur ex D. Thoma in 1. q. 11. artic. 2. ubi dicit: *Quod angelus non possunt mouere aliquid, corpus per contactum quantitatis, cum sit in corpore, sed per contactum virtutis: nihil autem in Angelis aliud, quam eorum intellectus, cum sit ipsa distinctio intellectus, vel mentes nominantur, unde eorum motus a virtute intellectus procedunt: ipsa autem conceptio intellectus, seu eorum quae habet esse, cum transmutandi aliquid, imperium nominatur. Unde si mouent, nullo modo nisi per imperium mouere*

possunt, ita D. Thoma. quia intellectus est actus sensibilis est. Idem probatur, quia virtus est in finis interiorum, videmus enim ad considerationem et appetitibus immutari sensibilibiter corpus, vel concupiscit, quod, vel se accedendo, ergo immutatio non habet terminandum, seu mouendi spiritus, qui motus est etiam in gustum mouent. Nec, illi sensus emittit speciem in alios, nisi accedens, qui immutatio non habet terminandum transeuntis tales species, & mouendi spiritus animales quibus immutatio species ipsa lapsum alios. Quare ista voluntas non habet, de reductio potest, de voluntate, sed habet pro effectu aliter in talis voluntatis motum aliquem, seu impressionem cuiusdam in potentia inferiori, quae non reddit illam volentem fortissimam, sed ministerialiter, id est, subordinatam & immutabilem a petitiu seu voluntati in suis actibus.

Ad Reprehensionem veros effectus datur, illam virtutem seu impressionem emanare a deo actu voluntatis, qui fecit habere terminum immanens in materia, nam quia virtutis effectus est transiens, potest virtus habere effectum in aliquo extra se, nec enim repugnat vniui actum habere plus & minus ordinis & habere. Et conuenienter tenet inquit voluntas potentia, quod mouet virtualiter, & mouet in intellectu aqua, & medietas est in intellectu sensibilis quam voluntas, & sic potest mouere ipsum. Quia si mouet in materiali modo, hoc tenetur, & mouet in spiritualibus animalibus, qui mouentur in sensibilibus, non solum in corpore, & mouet in specie operantibus, sed & mouetur appetitus sensibilibus, & mouet in spiritibus mouentur spiritus, & sic potest mouere motu illi a deo appetitus, qui est in corde vel in corpore.

Tertio arguitur, quia non potest operari quid sit illa impressio realis, quam potentia superior ponit in inferiori, & mouet

primis non est qualitas, præsertim in motione, qua solum applicatur potentia inferior ad exercitium operationis, nam qualitas non inclinatur nisi ad qualitatem similem, ergo ponere qualitatem solum pro exercitio operis, & non pro aliqua specie faciendæ, omnino illicitum est. *Pater consequenter*, quia illa qualitas cum sit derivata à voluntate, v. g. in intellectum, debet in intellectu ponere aliquid simile ipsi voluntati, seu modo voluntatis; quidquid autem in operatione intellectus relucet siue quoad speciem, siue quoad individuationem, siue quoad virtualitatem vel intensiorem, totum est generis apprehensibile non volitive. Secundò non potest esse aliquis modus, quo denominetur ille actus voluntarius aut liber, quia hoc solum pertinet ad extrinsecam denominationem, pendet enim ex hoc solum quod datur aduentus in ratione, quæ posita, actus qui antea non erat liber, redditur liber, hoc autem nihil intrinsecum in eo ponit. Nec est modus aliquis applicationis vel coniunctionis, aut propinquitatis, quia semper illæ potentia sunt coniunctæ, & applicatæ in eadem anima, & super hoc additur alius modus, & rō explicatur quid sit. Nec est aliqua relatio, tum quia hæc per se non est æterna, tum quia requirit novum fundamentum ut confurgat, & hoc oportet explicare quid sit. Nec denique ponit solum influxum simultaneum in effectum, hic enim non est in potentiam, ut reddat eam motam & applicatam, sed in effectum ut reddatur productus.

respondetur, virtutem illam, seu motum causæ superioris in inferiorem, nunquam se habere per modum qualitatis permanentis & habitualis, quia potentia inferior non manet permanentiter & habitualiter ordinata ad illam operationem vel applicationem, sed quædiu causa superior voluerit, & ita solum per modum transeuntis potest illa motio illi dari, quædiu scilicet applicaverit causa superior, & duraverit eius motio. Est ergo illa motio qualitas aliqua

per modum transeuntis, sicut causa prima imprimit in causas secundas, & causa principalis in instrumentalem, idque vocat S. Thom. quod sit aliquid per modum diffusionis & dispositionis, secundum quod una potentia movetur ab alia, & accipit ab alia, sicut docet 1. 2. *quest. 56. art. 2.* Et hæc dispositio seu diffusio respicit aliquam peculiarem rationem in actu potentia inferioris & motus relucens, verbi gratia, voluntas movetur ab intellectu, & participat ab ipso non solum elicere volitionem quoad substantiam ipsius velle, sed etiam quoad modum, v. g. quod modo collatio velit, & similiter intellectus motus à voluntate, non solum habet producere intellectionem, sed cum tali modo, scilicet cum efficacia movendi & applicando in exercitio, quod ex se non habet intellectus, sed participativè à voluntate, quæ est primum in genere moventium efficaciter quoad exercitium, & sic imprimit intellectui, unde producat actus suos, cū efficacia movendi alia, ut docet D. Th. 2. 2. *de Verit. art. 13.* Quod si tantum applicet voluntas potentias inferiores ad actus proprios, tunc motio voluntatis non ponit aliquid in potentia inferiori, pertinens ad virtutem pro novo effectu faciendo, qui excedat propriam virtutem, sed ad faciendum proprium suum actum, cum novo modo, id est, cum subiectione ad potentiam superiorem, seu ad voluntatem, & similiter cum habitudine & ordine ad finem aliquem determinatum sibi præstitum à superiori, & hæc subiectio seu actualis subordinatio aliqua nova habitudo est in inferiori actu respectu superioris, requiriturque aliquæ novum modum seu mutationem in tali actu, qui modus seu habitudo, cum afficiat ipsum actum intrinsecè oportet, quod cum egrediatur & pariat a potentia, a qua immediate exit, & sic supponat in ipsa potentia inferiori sufficiens principium & rationem præbendi illas habitudines & formandi actus cum illis, & hoc a superioris potentia motione debet haberi.

est appetitus nempe à corde. Quæ sententia sumitur ex Caiet. 3. de anima. c. 6. alia 10. & Ferret. 2. cont. gent. c. 82. & probabiliorē reputat M. Bañez 1. p. q. 78. art. 1. dub. 1. *Fundamentum sumitur tū ex auctoritate, tū ratione. Auctoritate*, quia ita sentire videtur D. Tho. 1. p. q. 75. art. 3. ad 3. ubi inquit: *Quod alia vis motiua est exequens motum, per quam membra redduntur habilia ad obediendum appetitui, cuius actus non est mouere, sed moueri.* Et 2. contra g. cap. 1. 82. in fine inquit: *Quod virtus, qua dicitur exequens motum, facit membra esse obedientia imperio appetitus, vnde magis sunt virtutes perficientes corpus ad moueri, quam virtutes mouentes.* Consonat Aristot. 3. de anim. text. 48. & 14. ubi docet: *Quod appetitus est illi, quo animal mouet, id verò quod mouetur est animal, organum vero motus aliquid corporeum est.* Et de eodem videri potest in lib. de motu animal. lect. 4. apud D. Tho. ubi dicit: *Principia mouentia esse phantasiam, intellectum, electionem, voluntatem, & concupiscentiam.*

Ratione probatur: quia ad motum progressiui non requiritur aliud principium eliciens motum, quam principium impellens, impulsus autem quædam inclinatio est, & appetitus, nec requiritur ad hoc aliud principium, elictiuum, ex parte autem membrorum sufficit habilitas ad recipiendum hunc impulsus, his enim duobus positis, sequitur motus, & quodcumque aliud principium eliciens superfluum videtur. Ad hæc videmus variari motum ad quamlibet variationem appetitus siue quoad vehementiam impulsus, siue quoad remissionem, siue quoad modum, & figuram motus. Conueniens etiam est quod eadem potentia, quæ est inclinatiua ad motum sit affecutiua eius, ad quod inclinat, affectio autem sit per motum, ergo motus est effectus potentie inclinantis, quæ utique est appetitus.

Oppositum tenent plures auctores, vt Nazarius 1. p. q. 54. art. 5. qui citat Zumel.

Caiet. Ripam & alios sequitur etiam P. Suar. lib. 5. de anim. c. 10. *Fundamentum sumitur etiam ab auctoritate, & ratione. Auctoritate* D. Tho. qui semper distinguit potentiam executiuam motus à potentia appetitiua, illique aliquam actionem tribuit, licet cū subiectione, & obedientia ad appetitum, quas potentias in illis ipsis locis proposita sententia citatis agnoscit distinguens vnā vt imperantem, alteram vt exequentē, licet hæc, quia mouet vt mota, magis videatur moueri, quam mouere. Et expressius 1. p. q. 78. art. 1. ad 4. dicit; quod sensus, & appetitus in quantum huiusmodi non sufficiunt ad mouendum, nisi superaddatur eis virtus aliqua, nam in immobilibus animalibus est sensus, & appetitus, non tamen habent vim motiuam. Hæc autem vis motiua non solum est in appetitu, & sensu, vt imperante motum, sed etiam est in ipsis partibus corporis, vt sint habilia ad obediendum appetitui animæ mouentis. Et eandē virtutē distinctam à voluntate videtur agnoscere in Angelis q. 6. de pot. art. 3. ad 2. & in quest. de anima art. 13. ad 13. Et actionem distinctam ei tribuit in 2. contra gent. cap. 35. In nobis, inquit: *actio virtutis motiua est media inter actum voluntatis, & effectum, vt in præcedentibus ostensum est.* Denique opusc. 43. c. 5. distinguit vim exequentem motum ab imperante, & dicit: *Quod vis exequens est vis exterior, quæ diffusa est in musculis, & locertis, & nervis membrorum.* Aristot. etiam loci citatis ab opposita sententia, aliquod organum corporeum ponit pro principio motus distincto ab appetitu.

Ex ratione etiam sumitur fundamentum: Quia virtus illa, quæ ponitur in membris ad obediendum appetitui, licet illi subordinetur, verè tamen vitalis est, ergo non potest esse mere passiuā, sed oportet quod sit actiue mouens, seu eliciens. *Anteced. prob.* quia illa virtus non requiritur præcise, vt motus recipiatur passiuè, & inhaereat in subiecto, ad solam enim inhaerentiam

re passiuè se habentibus membris. Quare non est superflua ista vis actiua, vt motus ille sit vitalis, etiam in executione membrorum.

Ad 2. resp. variari motum ad variationem appetitus directiuè, non elicitiuè, eo quod variatio illa fit etiam in membris exequentibus vitali modo, & sic non merè passiuè se habentibus ad appetitum, sed etiam elicientibus motum. Similiter vt potentia inclinatiua, & intendens assequatur suum finem sufficit quod medijs instrumentis & organis sibi subiectis, & elicientibus executiuè motum, assequatur ad quod intendit, non passiuè se habentibus.

Circa secundum punctum, de potentia motiua animæ separata, *suppono*, hanc quā habet in corporeis organis, non manere in anima separata, quia hæc omnino corporea est. vtpotè à corporeis organis dependens. *Sed d. ff. ult. est in du. bus.* *Primum,* an reuera anima separata habeat vim se mouèdi actiuam sicut Angelus. *Secundum,* an ista vis sit aliquid distinctum à voluntate, & imperio practico efficaci. Et circa primum luitur difficultas, quia anima separata non potest se mouere, nisi ad modum Angeli per contactū virtutis non quantitatis, quia caret illā, sed anima separata non potest habere contactum virtutis, quia non potest habere motum erga alia corpora, vt docet S. Tho. 1. p. q. 117. art. 4. & q. 16. de malo, art. 10. ad 1. eò quod virtus animæ est determinata ad mouendū corpus proprium & viuificatum à se, & solum mediante illo poterit alia mouere; cuius signum est, quia non potest mouere anima membrum aridum, quia non est viuificatum à se, si autem haberet in se vim motiuam, posset illud mouere, nec enim impediretur eius exercitium à corpore, sicut nec impeditur exercitium intelligendi: posset etiam anima recedere à corpore vincendo dispositiones eius, & iterum motiua virtute corpus intrare & informare, sicut informat alimentum de nouo. Quæ omnia

cum absurda sint, non possumus ponere vim motiuam in anima, nisi mediante corpore, eo verò remoto nullum aliud corpus per se mouet, ergo neque se mouet per contactum virtutis actiua, mutando loca.

Propter hoc fundamentum existimant aliqui, animam separatam se non mouere, sed moueri ab Angelis, quod aliquibus Thomistis suppresso nomine attribuunt Conim. tract. de anim. separata disp. 6. art. 2. Vltius vero existimant Durandus in 3. dist. 22. q. 2. animas, neque se mouere, neque moueri, eo genere motus, quo corpore, neque eo genere motus quo Angeli, quia non possunt mouere corpora. De anima vero Christi, solum dicit descendisse per effectus, quos causauit in inferno, quauis, neque hoc pertinaciter asserat, sed fatetur se alium modum probabiliorē ignorare. Alij vero authores, qui non possunt negare animam Christi descendisse realiter ad limbum Patrum, licet per alios effectus descendere it ad infernum terrendo damnatos, dicunt tamen descendisse virtute diuina, quasi motam à Verbo, sicut instrumentaliter potest mouere alia.

Ceterum vtraque sententia stare non potest. Et quidem Durandi sententia præterquam quod non saluat in proprietate descensum Christi ad inferos, ex se ipsa redarguitur, quia vel animæ sanctorum erant in limbo seu inferiori parte terræ, vel non; si non erant, ergo neque per præsentiam neque per effectum eò descendit anima Christi, quod est totaliter negare articulum Fidei de descensu animæ Christi, contra illud ad Ephes. 4. *Quòd autem ascendit, quid est nisi quia descendit primum in inferiores partes terre?* Et fuisse animas in inferno dicitur 1. Petri 3. *In quo & hi, qui in carcere erant spiritibus veniens predicauit, qui aliquando fuerant increduli, quando expectabant Dei patientiam in diebus Noe, qui vtrique spiritus animæ erant separata: ergo erant in carcere, id est in aliquo certo loco, vbi ante non erant.* Si vero dicatur, ibi realiter

fuisse animas ad quas Christus misit effectus suos, ergo sicut illæ animæ eo deportatæ, aut motæ sunt, potuit etiã anima Christi eo moueri. *Alia vero sententia ex eo improbat, quia secundum fidem anima Christi realiter descendit & fuit mota ad loca inferiora, & non merè passiuè deportata aut descendens, sicut lapis, vel res proiecta, neque instrumentaliter mota, sed vitaliter, ergo habet potentiam se mouendi. Non fuit passiuè deportata tantum, quia absolute dicitur descendisse, quod rei portatæ non adaptatur propriè, sicut neque ascendisse verificabitur, nisi propria virtute ascenderit. Dicitur etiam penetrasse omnes inferiores partes terræ Ecclesiast. 24. non penetrat autem propriè, qui solum deportatur ab alio. Non fuit instrumentaliter mota, quia vitaliter descendit, id est perse, non vt lapis per grauitatem, nec sicut res proiecta, quæ impulsu fertur vt instrumentum; si autem vitaliter descendit, habet potentiam vitalem intrinsecam se mouendi, & ista non potuit sibi ab extrinseco superaddi à verbo, alias vitale principium non esset, debuit ergo ex se eam habere, si nē hæc potentia sit ipse intellectus practice operans siue alia vis distincta. Ad hæc S. Th. 1. p. q. 3. art. 1. in argumento sed contra, probat Angelum moueri: Quia de fide est animā beatam moueri vt patet in descriptu Christi ad inferos, & in 3. p. q. 52. ar. 1. ad 2. dicit: Quidā anima Christi descendit ad inferos, eogeneremotus, quo Angeli mouentur, constat autem Angelos mouere se vitaliter, ergo & anima Christi.*

Quare simpliciter hæc sententia tenenda est quod anima separata vitaliter mouetur in loco, cum enim habeat intellectum & voluntatem, & non vbique existat sed in parte determinata vniuersi, potest habere voluntatem existendi in alio loco propter aliquam convenientiam, sicut anima Christi voluit esse in limbo patrum, & animæ Purgatorii voluit esse in cælo, & diues ille in inferno petiuit, vt Lazarus mitteretur

ad se Luc. 16. & anima Samuelis apparuit Sauli Ecclesi. 16. & 1. Reg. 28. ergo si potest habere appetitum, mutandi loca, debet ei esse prouisum à natura de virtute, qua possit acquirere locum. *Patet consequentia, tūm quia Aristot. tribuit potentiam motus progressiui illis animalibus, quæ habent vim cognoscendi res distantes & appetendi illas, frustra enim daret illis appetitum, si negaret, vnde possent consequi, quod appetunt; tūm etiam quia si anima appetit alibi esse per se loquendo, maneret immobilis, & frustrata omni illo appetitu, vel solū per accidens & fortuito posset id consequi, si aliquis Angelus vellet illam deportare, quod quam in congrue dicatur in illis nobilissimis substantijs, quod res istæ solū fortuito eis prouisæ sint, de se satis patet. Et hanc sententiam tenet Caietanus, 3. part. quest. 52. art. 1. § quoad 3.*

Ad fundam. oppositæ resp. Ad 1. conceditur animam contactum virtutis moueri. Et præterquam quod potest aliquam qualitatem vel effectum occultum operari in corpore, nam de anima Christi dicit S. Th. in 3. dist. 22. q. 2. ar. 2. operatam fuisse aliquam lucem in illis partibus terræ; loquendo de motu locali, dicendum est alquem posse producere in corpora, licet multo debiliorem naturaliter, quam Angeli. Et cum oppositum adducitur ex D. Th. q. illa 117. resp. quod D. Tho loquitur de virtute animæ in vi formæ non in vi spiritus, & de virtute motiua organica, quia loquitur de anima virtute lux naturæ per quam determinatur ad viuificandum corpus, hæc enim vti non potest anima separata. Subdit vero D. Th. Quidā super hoc aliquid potest ei conferri virtute diuina. Quod non est idem, quod conferri per miraculum & supernaturaliter, sed ratione status separationis, vt bene explicat Caiet. vbi sup. 2. p. sicut enim animæ separatæ conferuntur species infusæ virtute diuina ratione status sine miraculo, sicut & Angelis ita confertur vis motiua, nõ quantum ad ipsam potentiam mouendi,

quæ

quæ naturaliter ab intrinseco conuenit, sed quoad expeditionem huius potentia, quia cum motus fiat per dictamen practicum intellectus, non possunt fieri ista dictamina ad mouendum localiter per modum spiritus, & non per modum formæ informantis, nisi per intellectum independentem à phantasmatibus, & modo purè spirituali intelligentem, & hoc accipit ex vi status separationis, & specierum infusarum à Deo, potestque perfici virtute diuina, vt fortius moueat corpora quam naturaliter, possit, aut quod etiam dæmones cohibeat.

Cum verò instatur, quia alias posset mouere anima membrum aridum, & à corpore recedere. *Resp.* non posse animam vti illa potentia motiua nisi pro statu separationis, aut nisi totaliter dominetur corpore vt anima beata reunita corpori, quæ independentem à virtute organica mouebit illud. Nunc autem sicut intelligit dependentem à phantasmate, ita mouet dependentem à virtute organica, & appetitum sensituum regulato per phantasmam, anima verò separata mouet independentem ab omni virtute organica, & consequenter debet regulari per cognitionem independentem à phantasmate. Sicut autem in hac vita diuinitus aliquando communicatur raptus, quo intellectualis cognitio independentem à phantasmate fiat, ita aliquando anima eleuat se cum corpus virtute motiua non organica, quæ ad illam cognitionem sequi potest anima recedere à corpore statibus dispositionibus, quibus informat illud, quia non potest vti, nisi virtute organica, quando non intelligit vt separata, sed dependentem à phantasmate, per virtutem autem organicam non potest à suo corpore separari cum organum corpus sit: Nec in partes alimenti utret motu locali, quia id non fit per apprehensionem, à qua necessario dependet localis ille motus, vnde valde ru-

ditur imaginantur, qui informationem in nouas partes alimenti, aut recessum ab illis, motu locali animæ fieri æstimant, sed naturali informatione, aut corruptione corporis.

Circa 2 an vis motiua animæ sit distincta ab intellectu & voluntate, supposito quod non est organica neque indiget anima, quod partes seu membra obediant appetitui, cum careat partibus, res est magis pertinet ad Theologos, qui id tractant agendo de Angelis; solum enim videtur requiri potentia distincta, vt producat motus per actionem transeuntem, quia intellectus, & voluntas sunt potentia immanentes. Quare si actus immanens non est virtualiter transiens, omnino oportet ponere distinctam potentiam ab intellectu, & voluntate, quæ actionem transeuntem motus localis producat. Si verò actus immanens virtualiter est transiens, cessat ratio multiplicandi istas potentias in spiritu separato, qui non mouetur organice, nec in eo membra obedire debent appetitui, sed solum transeuntem motum ponere in re mota. Certe D. Th. opus. 11. art. 3. dicit: *Angelos conceptione intellectus quæ est imperium celos mouere.* At vero *questione sexta, de potentia articul.* 3. ad 2. dicit: *Quod in Angelis mediante voluntate, & voluntas mediante virtute, & virtus immediate mouet motum localem;* vbi ly *virtus* condistinguitur à voluntate. Quod utique verum est, sed possumus respondere, quod virtus illa distincta à voluntate est intellectus practicus, vt habens efficacem conceptionem imperij, nec aliam tertiam virtutem cogunt illa verba nos ponere. Et hac sufficiant pro *Commentarijs in Libros de Anima, & in totam Philosophiam*, ad laudem Saluatoris nostri Dei,

Beatissimæ Virginis, & S.
Thomæ Aquinatis.

SVMMMA TEXTVS

LIBRORVM DE ANIMA.

IN LIBRO PRIMO.



CIRCA hunc librum, non est quod textum per capita distinguamus, quia in eo Aristoteles solùm facit duo. In primo capite ponit proœmi-um, in quo proponit dignitatem vtilitatemque huius scientiæ, & quo ordine de anima agendum sit. In reliquis quatuor capitibus varias re-ferre Phylosophorum antiquorum sententias circa naturam animæ. eas-que refutat. Præsertim recitatis in cap. 2. varijs opinionibus. In 3. ostendit animam non esse substantiam, quæ se ipsam mouet vt aliqui dicebant. In 4. ostendit animam non esse harmoniam, seu temperationem contrariorum. In quinto ostendit ani-mam non esse corpus subtilissimum, vt dicebant alij.

SVMMMA LIBRI SECVNDI.

IN hoc libro tradit propriam sententiam de anima, & potentijs eius. per 12. ca-pita. In quibus potissimum quatuor tractat. Primum de natura & definitioni-bus animæ cap. 1. & 2. Secundum de diuisione potentiarum animæ in commu-ni cap. 3. Tertium de potentijs animæ sensitiuæ à cap. 5. vsque ad 12.

SVMMMA CAP. I.

INtendit Arist. in hoc cap. tradere primam definitionem animæ, secundam verò cap. sequent. Et facit tria in hoc cap. Primo præmittit quasdam diuisiones. Secundo quibusdam quæ ad animæ naturam pertinent, probatis, tradit definitionem ipsam animæ. Tertio explicat quos-dam animæ condiciones in definitione inclusas.

Circa 1. quatuor diuisiones præmittit. Prima est, entis aliud substantia, aliud reliqua ge-nera accidentium. Secunda, in substantia, aliud est materia, aliud forma, & materiam dicit esse potentiam & non esse hoc aliquid, formam verò esse actum quo constituitur hoc aliquid III. diuilio actus alius est primus, alius secundus: primus vt scientia, secundus vt contemplatio. IV. diuilio, naturalium corporum alia sunt viuentia, alia non viuentia. Viuere autem dicuntur quæ per mutationem, accretionem & diminutionem mouentur. Quare omne corpus naturale par-ticeps vitæ debet esse substantia.

Circa 2. probat primo tres particulas seu condiciones conuenientes animæ, deinde ex illis de-finitionem animæ colligit. Prima conditio. est, quod anima est actus. 2. quod est actus primus non secundus. 3. quod est actus primus respectu corporis organici. Primum probat, quia anima est actus viuentis, non verò corpus ipsum, siquidem corpus non est in alio vt receptum, anima au-tem est in corpore, ergo est actus eius. Secundum probat, quia anima aliquando cessat ab ope-ratione vt in somno, ergo non est anima ipse actus secundus qui est operatio, ergo actus primus. Tertium probat, quia imperfectior anima, scil. vegetatiua vt in arbore habet corpus organi-cum, videmus enim in arbore radices, fibras, ramos, folia, &c. quæ sunt tam varia partes, ergo
à for-

à fortiori alia anima que perfectiores sunt, corpora organica habebunt. Ex his colligit definitionem anima, quod est Actus primus corporis phylici organici.

Circa 3. colligit tria. Primum, quod anima & corpus non sunt vnum per aliquod medium; quia actus & potentia immediate ordinantur inter se. Secundum, explicari posse, quod anima sit actus exemplo arte factorum vt in securi, quia si esset compositum physicum figura illa esset eius forma substantialis, & exemplo oculi, qui si esset animal, eius forma esset visus. Tertium. quod colligit est, quod anima non est separabilis à corpore quantum ad eas partes, quae sunt actus corporis, bene tamen quoad illas, quae non sunt actus corporis, v. g. intellectus.

SVMMA CAP. 2.

Intendit Arist. in hoc cap. secundam animae definitionem tradere, per quam manifestat & demonstrat priorem. Et facit tria. Primo quasdam suppositiones praemittit. Secundo tradita definitione secunda, mouet duas dubitationes. Tertio resoluit quomodo per hanc secundam definitionem, demonstretur prima:

Circa primum praemittit tria. Primum, non esse inconueniens de eadem replures dari definitiones, & ex vna aliam demonstrari, quia vna explicat aliquam causam rei, quod alia non. II. est, animatum differre ab inanimato per vitam, hac enim inanimatum caret. III. est, multipliciter dici vitam, sunt enim plura genera vitae, scil. vegetari, sentire, loco moueri, intelligere & cuiusque aliquid horum inest, viuit.

Circa 2. colligit in primis definitionem animae ex praedictis, ostendens animam debere completi omnia illa genera vitae & sic definit animam secunda definitione sic: Anima est principium quo viuimus, sentimus, mouemur, & intelligimus primo. Qua definitione tradita, proponit duo dubia. Primum verum ista sint ipsa substantia animae vel potentia eius, ratione quarum dicatur sensitua, vel vegetatiua: &c. 2. an distinguantur ratione, seu definitione, an subiecto, seu loco. Respondet primo ad hoc secundum dubium, manifestum esse quod ista potentia sentiendi, vegetandi, intelligendi, &c. definitione seu specie distinguantur. Siquidem earum actus specie distinguuntur. An verò distinguantur subiecto seu loco id est quod vna potentia sit in vna parte seu organo, alia in alio, dicit in quibusdam distinguuntur scil. in illis quorum partes abscissa non viuunt, in alijs verò, quae abscissa viuunt, oportet in eadem parte potentias habere vitales. De intellectu verò adhuc non constat petere partem organicam, determinatam sed esse à corpore separabilem. Ad primum dubium respondet, illa quatuor esse partes seu potentias animae, quia designant principia formalia operationum, quod non prohibet radicaliter esse substantiam animae, & in diuersis, diuersos gradus speciesque constituere.

Circa 3. ostendit primam definitionem per istam secundam tali demonstratione, id quo primo viuimus, sentimus, loco mouemur, &c. est actus primus corporis organici, sed anima est talis, ergo anima est actus primus corporis organici, quae est prima definitio. Minor constat, quia in viuente sunt tria, corpus, anima, & compositum, sed compositum non est quo viuimus, sed quod viuit, corpus etiam seu materia, non est quo viuimus, quia est in potentia ad viuendum, ergo sola anima est id quo viuimus, &c.

SVMMA CAPITIS 3.

Ex praedictis definitionibus anima incipit agere Aristotel. de eius potentijs. Et in hoc cap. agit de potentijs animae in communi, deinde in sequentibus de eis in speciali. In quo cap. tria facit:

facit Arist. Primo enumerat potentias anima & gradus à quibus emanant. Secundo, declarat quomodo anima definitionibus precedentibus explicata sit communis ad istos gradus, & animas. Tercio comparat istos gradus inter se, secundum quod vnus includit alterum, & secundum quod conueniunt viuentibus.

Circa I. potentias anima docet esse quinque loquendo in genere. Primo est potentia vegetatiua. Secundo, sensitiua. Tercio, appetitiua. Quarto loco motiua. Quinto, intellectiua. Gradus autem anima secundum quos constituuntur & differunt anima, sunt quatuor videlicet, gradus vegetatiuus, sensitiuus, loco motiuus & intellectiuus.

Circa II. docet non definiri definitionibus antecedentibus animam in communi separatam, vt posuit Plato, sed rationem communem anima ab omnibus illis gradibus non distinctam nisi per rationem.

Circa III. docet primo, istos gradus ita se habere vt perfectior includat inferiorem sicut sensitiuum continet vegetatiuum, & intellectiuum vtrumque, sicut vna figura, v. g. quinque angelorum continet aliam quæ est trium angelorum. Deinde docet qualiter in vnoquoque viuente sit anima, & quomodo distinguantur gradus viuentium attentis eius potentijs & actibus nam in plantis est sola anima vegetatiua. 2. in animalibus imperfectis sensitiua imperfecta habens solum tactum. 3. In animalibus magis perfectis sunt alij sensus præter tactum. 4. In perfectioribus quinque sensus sunt cum motu progressiuo 5. In perfectissimo animali est intellectiuum, id est in homine.

SVMMMA CAP. 4.

IN hoc cap. incipit agere Arist. de potentijs anima determinate. Et primò agit de potentijs anima vegetatiua: & facit tria. Primo explicat potentias, seu operationes partis vegetatiua. Secundo docet, quod anima exercet triplex genus respectu corporis, scilicet formalis causa & efficiens. Tercio agit de obiecto potentialium partis vegetatiua, quod est alimentum.

Circa 1. supponit in primis vitam vegetatiuam communem esse omni viuenti, quia secundum ipsam omnibus inest viuere. Deinde assignat ei duplicem actum, scilicet generare, & nutrire. Quod enim generare sit actus viuentis probat, quia naturalissimum est viuentibus perfectis, non orbatis, id est mutilis, nec sponte genitis, id est ex putri materia, generare sibi simile, quia per hoc consequuntur quandam perpetuitatem.

Circa 2. explicat illam triplicem causalitatem anima, est enim causa formalis, quia est actus corporis: est finalis, quia est finis proximus generationis seu terminus eius: est efficiens, quia est principium actionum vitalium. Ex quo reprehendit duos errores antiquorum. Alterum, qui dicebat ignem & terram esse causam nutriendi, vt in plantis pars inferior haret terra, rami verò sursum, & dicebant ferri ab igne tendente sursum. Alterum, qui dicebat, ignem esse simpliciter causam nutritionis, quia inter omnia corpora maxime videtur nutriri. Elementa enim non possunt actu esse in viuente, nec forme elementorum, sed anima.

Circa 3. explicat rationem alimenti inquirendo an debeat alimentum esse simile viuenti vel dissimile, seu contrarium? Respondet alimentum à principio debere esse dissimile viuenti, quia debet transmutari in ipsum, in fine autem debere esse simile, quia in ipsum conuersum est. Vnde considera, quod in alimento sunt tria. Primum quod sit substantia, & sic est obiectum nutritionis, quæ per conuersionem substantia deperditum restauratur. Secundo quod sit quantum, & sic est obiectum

obiectum augmentationis. Tercio quod relinquat superfluum, & sic prabet materiam generationi faciendo semen.

SVMMA CAP. V.

AB isto cap. vsque ad 12. agit Arist. de anima sensitiua & potentijs eius. Et primo quidem agit de potentijs eius, & obiectis in communi, de potentijs in hoc cap. de obiectis in sequenti, deinde à cap. 7. de quolibet sensu in particulari vsque ad finem libri.

In hoc ergo cap. duo facit: Primum ostendit sensum esse potentiam passiuam. Secundò excitari ac reduci in actum à suo obiecto. Primum probat ex duobus, 1. ex actu, quia sensus cum sentiunt alterantur, & mutantur, quia vt sentiat aliter se habere debet quàm ante, ergo debet pati & recipere, siue speciem siue proprium actum. Secundo ex obiecto, quia sensus non sentit se ipsum, sicut oculus non videt se, ergo alterum, ergo patitur ab alio, estque potentia passiuæ.

Circa 2. ad explicandum à quo excitetur, & reducatur in actum potentia ista sensitiua præsupponit duo; alterum, quod dupliciter potest dici aliquid potens sentire, scilicet potentia proximâ & remotâ. sicut dicitur potens scire potentia proximâ, qui habet scientiam, nec impedimentum aliquod adest: potentia vero remotâ, qui nondum habet habitum scientia, sed potest acquirere, sic qui habet potentiam sensitiuam dicitur proxime potens sentire, remote verò qui nondum habet illam. Alterum est, quod passio dupliciter dicitur. Vno modo pro receptione alicuius disconuenientis seu tendentis ad corruptionem, alio modo pro receptione cuiuscumque etiam perfectientis, & in hoc secundo sensu dicitur sensus potentia passiuæ. Quo supposito, respondet potentia sentiendi remotâ, qualis est in semine, vel corpore organizato, reduci in actum à generante introducente animam & potentias. At verò potentia proximâ sentiendi reducitur in actum ab obiecto sensibili, sicut intellectus ab intelligibili, cum hoc tamen discrimine quod obiectum sensus est sensibile extra positum, obiectum verò intellectus est vniuersale intra intellectum representatum & formatum, & ideo intelligimus cum volumus, quia intus species habemus, non verò sentimus cum volumus, sed cum obiecta occurrunt.

SVMMA CAPITIS VI.

Agit in hoc cap. de sensibili, seu de obiecto sensus in communi, & duo facit. 1. Diuidit ipsum 2. Comparat membra diuidentia.

Circa 1. diuiditur primo sensibile in per se & per accidens. Per se quod ratione sui sentitur, vt color, sonus. Diuiditur rursus sensibile per se in sensibile proprium & commune. Proprium dicitur, quod est vnius tantum sensus obiectum, vel illud circa quod non errat sensus, vt color erga visum. Commune est, quod à pluribus sensibus percipitur, vt motus à visu & tactu. Numerat ergo quinque sensibilia communia, figura, magnitudo, numerus, motus & quies. Sensibile per accidens est quod non immutat sensum per se, nec ab eo patitur sensus, sed ratione alterius adiuncti, vt substantia videtur ratione coloris.

Circa 2. facit duas comparationes. Prima sensibilis proprii & communis ad sensibile per accidens, qua differunt in hoc quod sensibile commune, & proprium per se immutant sensum, sensibile autem per accidens ratione alterius cui coniungitur. Secunda, sensibilis proprii, & communis inter se, quod licet vtrumque sit p. r. se sensibile, perfectius tamen sensibile proprium, quia illi magis proportionatur temperamentum cuiusque organi.

PLICAT instrumenta quibus ista vox efficitur. Ex quo colligit duo, alterum quod aer respiratione attractus duo habet officia, scilicet refrigerare cor, & formare vocem accommodatam ad explicandum affectus internos: alterum est quod pisces, & animalia non respirantia vocem non edunt, licet alijs instrumentis sonum aliquem efficere possint.

SVMMA CAPITIS IX.

Agit in hoc cap. de odore & odoratu. Et facit tria. Primo explicat naturam odoris & species eius. Secundo medium per quod immutatur. Tertio organum in quo residet olfactus.

Circa 1. supponit difficile nobis esse indicare perfecte de odoribus, eo quod homo imperfectissimi odoratus est inter animalia, ideo que minus discernit odorū species & naturam, de illisque agit per analogiam ad saporē, quorum optimum gustum habet homo, quia gustus quidam tactus est, tactus autem habet optimum temperamentum in homine, sicut requiritur ad prudentiam & acumen ingenij, vnde & molles carne ingeniosiores sunt. Sic ergo explicat species odoris ad similitudinem saporum, dicens quod sunt duae species extremae admodum saporis dulcis & amari, quae possunt dici grati odor, & ovis odor, sub quibus aliae mediae species continentur. Odoramus enim non solum odorabile, sed etiam inodorabile. Dicitur autem inodorabile tripliciter, aut quia nullum habet odorem, aut quia valde parum & tenuiter, aut quia pessimum habet odorem.

Circa 2. ostendit quod medium per quod transit odor est non solum aer, sed etiam aqua. De aere satis constat experientia; de aqua probat, quia pisces sub aquis accurrunt ad cibos, qui sibi projiciuntur, quod esse non posset nisi odorem sentirent. Ex quo inferunt omnia fere animalia odorari, tam aquatilia, quam terr. firma, tam exanguia, quam sanguine pradita, tam respirantia, quam non respirantia. Ne tamen videretur alicui, quod odorari respirando, vel non respirando, diversitatem, faceret odoratus, aduertit potentiam olfaciendi in omnibus esse eiusdem rationis, quia respuunt idem obiectum, scilicet odorabile, quod vero fiat cum respiratione vel sine illa, pertinet, ad modum accidentalem ex parte potentiae, non ad modum diversum obiecti.

Circa 3. docet, quod quia saporē humiditate constant, & odores siccitate predominantē, oportet organum carere illa qualitate seu temperamento odoris, & oppositam habere quod est humidum.

SVMMA CAP. X.

IN hoc cap. agit de gustu & gustabili quod est sapor. Et breuiter agit quatuor. Primo ostendit gustabile debere esse tangibile. Secundo sensum gustus attingere gustabile & ingustabile. Tertio quale sit organum gustus. Quarto quot species saporis.

Primum probat, tum quia sapor non sentitur nisi tangatur sine medio, tum quia non percipitur nisi humectetur salua, humidum autem est qualitas tangibilis.

Secundū ostendit, quia gustus etiam percipit ingustabile. Sed ingustabile dicitur tripliciter. Primo per negationem, quia non habet saporē aut parum ita ut non sit perceptibilis. Secundū quia habet illum vehementem & excessiuum. Tertio, quia prauum. Et non sumitur hic ingustabile propere negatiuo, sed pro priuatiuo, quod scilicet si capax saporis sub gustabili autem dicit etiam includi potabile, quod aliquid saporis participat.

Circa 3. docet organum gustus debere esse humidum in potentia, quia carere debet sapore qui humido constat, vnde illo humido quo redditur res saporosa carere debet, si autem infecta est lingua prauo humore, non sentit alium saporē externum.

Circa 4. docet esse duas species saporis extremas, scilicet dulce, & amarum, sicut in coloribus album & nigrum. Alias duas species esse propè illas, scilicet pingue & salsum, quæ iam non sunt ita simplices. Alias quatuor medias inter istas, scilicet sapor acer, austerus, acerbus, & acidus, & ita omnes species sunt octo.

SUMMA CAPITIS II.

Agit de 5. sensu qui est tactus. Et proponit quatuor dubia, in quæ totum caput diuiditur. Primum est an sint plures sensus tactus, vel vnus tantum. Quod dubium non plene soluit, licet inclinet in eam partem quod sint plures, eo quod vnus sensus est vnus contrarietatis ad quam cetera illius sensus reducuntur, sicut visus est albi & nigri, gustus amari & dulcis; in tactu autem sunt plures contrarietates prima, non reducibiles in vnam, vt calidum & frigidum, humidum & siccum, voluptas & dolor, &c. Ex alia verò parte, cum sit in toto corpore vna caro, per quam sentimus tangibilia, videtur nobis esse vnum sensum, quod tamen non sufficit, quia caro est medium sensus tactus, quod licet sit vnum sensus possunt esse distincti, sicut auditus & visus sunt distincti, licet medium quod est aer sit vnus.

Secundum dubium. An sit aliquod medium externum in tactu sicut in visu & auditu, id est aliquod corpus non continuum ipsi tangenti, sed contiguum per quod sentiatur. Ad quod disputatiue respondet, non resolutiue, nam si duo corpora se tangant in aqua, mediat aqua inter tangibile & tactum siquidem sentitur manus humectata ab illa, ergo etiam erit medius aer inter tangibilia, licet ob sui raritatem non discernatur.

Tertium dubium. An omnes sensus externi conueniant in hoc, quod sentiant per medium externum. Respond. conuenire, cum duplici tamen discrimine. Primum, quod in prioribus tribus, scil. visu, auditu, & odoratu obiectum percipitur per medium externum, magnum & notabile; gustus autem & tactus per modicum. Secundò quia in tribus prioribus obiecta prius immutant medium, quàm potentiam, in tactu verò simul patitur potentia ab obiecto & medio, sicut si quis percutitur super arma, simul patitur ab armis & à percutiente.

Quartum dubium, an sensorium tactus sit ipsa caro, vel aliquid sub ea latens, vt nervus? Respond. carnem non esse ipsum sensorium tactus, sed medium, non externum & discontinuum ab organo. Numerat deinde obiecta tangibilia, scil. calidum & frigidum, siccum & humidum, durum & molle, asperum & lene, dolor & voluptas, &c. debet ergo sensorium tactus esse liberum ab his qualitatibus, non quidem omnino, alias non esset mixtum, sed habet eas temperatas, sentit vero solum excessiuas.

SUMMA CAPITIS XII.

In hoc ultimo cap. comparat Arist. sensus externos inter se, & facit tria. Primum proponit duo in quibus conueniunt. 2. Soluit duo problemata. 3. Proponit vnum dubium & soluit.

Circa primum dicit conuenire omnes sensus in duobus. Primo, quod omnes sensus suscipiunt formas sine materia hoc est species intentionales, sicut cera suscipit figuram sigilli, & non materialitatem ferri. Secundo, quod omnes sensus sunt in aliquo materiali subiecto, v. g. in sensorio seu organo, potestque diuidi organum in proximum, seu particulare, in quo potentia residet, & in commune seu mediatum, scil. illud in quo primum, seu immediatum continetur.

Circa 2. primum problema est, quare sensibile vehemens vt nimia lux offendit sensum. Respond. quia fit vehemens alteratio in organo, quod certam requirit mensuram temperamenti

& si

& si illa exceditur offenditur sensus. Secundum problema. quare non sentiant planta cum habeant animam. Resp. quia carent illis sensorijs seu organis tali temperamento dispositis, sicut requiritur ad sentiendum.

Circa 3. proponit hoc dubium; an plantæ & alie res non sentientes pati. ntur ab obiectis sensuum vt à colore, sono, &c. Videtur enim solum potentias sensitivas ab illis pati posse, quia relative se habent potentia, & obiectum, deinde quia carent sensu, ergo non patiuntur à sensibili, denique quia species albi non imprimi albedinem in ligno vel in alio insensibili. Respond. Phyl. non pati ab obiectis sensuum omnia insensibilia, sed solum illa quæ deseruiunt tanquam medium ad deferendum species, sicut fere sunt corpora diaphana, recipiuntque illas species, non vt effectus permanentes, sed per modum transeuntis.

SVMMA LIBRI TERTII.

AGGREDITVR in hoc libro Phyl. explicare naturam animæ intellectiue. Ad quod agit tria. Primum præmittit ea quæ ministrant intellectui, scil. sensus internos, & propterea in principio recolligit numerum sensuum exteriorum, proceditque ad explicandos sensus internos. In 2. parte agit de ipso intellectu. In tertia de consecuto ad ipsum, scilicet appetitu & loco motiuo. Et hæc per 13. capita.

SVMMA CAPITIS I.

In hoc cap. colligit numerum sensuum exteriorum. Et facit duo. Primò probat non esse nisi quinque sensus. Secundò soluit dubium illud cur sint plures sensus externi.

Circa primum, probat esse tantum quinque sensus externos. Et ratio eius reducitur ad hanc formam, vt S. Th. notat hoc lib. lect. 1. Quicumque habet aliquod organum sensus per quod cognoscuntur sensibilia, cognoscit per illud organum quacumque sensibilia pertinent ad talem sensum, sed animalia perfecta habent omnia organa sensus, ergo cognoscunt omnia sensibilia, sed non habent nisi quinque sensus, ergo non sunt plures respectu propriorum sensibilium. Maior constat, quia qui habet sensum tactus, per illum cognoscit omnes qualitates sensibiles, ergo similiter in alijs sensibus. Minor etiam prob. quia necessario proportionantur media per quæ mouentur sensus, & ipsa organa; sed non datur nisi medium internum vel externum; internum conuenit tactui, & gustui, qui sine externo medio sentiunt, si verò loquamur de medio externo, illud solum est aer vel aqua, ignis enim propter summam actiuitatem non patitur à sensibilibus, neque terra propter nimiam densitatem, sola verò aqua & aer facile patiuntur à sensibilibus. Hoc autem medio aeris & aqua vtuntur visus, auditus, & olfactus, ergo non sunt plures sensus externi, quia nec plura media immutantia. Quantum ve ò probet ista ratio, videri potest apud D. Thom. 1. p. q. 78. art. 3.

Circa secundum proponit difficultatem, quare plures sensus dati sunt à natura? Et respondet, quod vt non confundantur sensibilia communia cum proprijs, datis enim pluribus sensibus, quedam apprehenduntur à pluribus, & sunt communia, quedam à quolibet sensu, & sunt propria sensibilia.

intellectus, quia intellectus est circa prima principia, circa qua non est falsitas, imaginatio verò sæpe fallitur nec primis principijs innuitur.

Circa 3. concludit quid sit phantasia, quam definit per proprium actum, dicens quod Phantasia est motus factus à sensu secundum actum, id est esse actum internum, qui causatur à motione obiecti sensibilis acta cogniti per sensum. Imaginatio enim non versatur circa obiecta ad extra immediate, sed ut cognita seu sensata à sensibus externis, indeque alia non sensata elicit, obiecta autem sensata & cognita possunt potentiam interiorem mouere. Et sic phantasia, quæ interior potentia est, ab exteriori sensu non à sensibili ipso immediate mouetur. Dicitur tamen phantasia, quasi apparitio, sumpto nomine à præcipuo sensu mouente qui est visus & ab eius lumine.

SVMMA CAPITIS IV.

AB isto cap. incipit agere Aristot. de intellectibus potentijs earumque actibus, quæ est secunda pars huius libri, & hoc per quinque capita à 4. vsque ad 8 hoc ordine. In hoc 4. cap. agit de potentia intelligente quæ dicitur intellectus possibilis, in seq. de intellectu agente, in 6. cap. de duplici acta eius, scil. simplici apprehensione & compositione, in 7. de alijs duobus actibus, scil. practico & speculativo. In 8. colligit quedam, quæ conueniunt anime intellectiua ex prædictis.

Igitur in hoc 4. cap. agit de intellectu possibili, & diuiditur in duas partes. In prima explicat, quid sit potentia intellectiua cognoscens seu intellectus possibilis. In secunda soluit quædam dubia.

Circa primum explicat naturam potentie intellectiue per id in quo conuenit cum sensu, & per id in quo differt. Conuenit enim sensui, quia est potentia passiva seu receptiua specierum non quidem passionis proprie dictæ quæ est immutatio corruptiua, sed receptione intentionali. Unde colligit intellectum, licet non sit capax passionis proprie dictæ esse tamen receptiuum specierum & rationem ex se habere, sicut materia prima ex se nullam habet formam. Differt verò à sensu in duobus. Primo, quia intellectus non est potentia organica seu corporea, alias non posset omnium corporum naturas percipere. Secundò quod sensus ratione organum laditur ab excellenti sensibili, intellectus verò perficitur à maximo intelligibili.

Circa 2. proponit quatuor dubia. Primum circa obiectum intellectus an per eandem facultatem cognoscamus vniuersale & singulare, & distinguit singulare ab vniuersali, quia illud habet aliquod determinatum ad hanc materiam & has conditiones materiales, vniuersale verò solam quidditatem ipsam seu naturam sine conditionibus illis naturalibus. Et sic respondet, singularia materialia (de his enim tantum est sermo) cognosci per sensum, vniuersale verò per intellectum, in cognitione vero singularium se habere sicut lineam rectam & reflexam.

Secundum dubium, quomodo intellectus sit passiuus, cum sit immaterialis, omne vero receptiuum ratione natura recipit. Resp. receptionem naturalem seu materiale sicut ratione materia, intentionalem vero quæ est passio impropria in immaterialibus debet fieri.

Tertium dubium, an intellectus sit per se ipsum intelligibilis an per aliquod superadditum? Resp. intellectum per se esse immateriale, si est immaterialis, non potest esse per se intelligibilis, quia est pura potentia intelligibilis, & non in actu, ut patet ex his quæ prædictis obiectis, an intelligantur illorum obiectorum intelligitur & non immediate.

Quartum dubio, cur id quod est intellectus non sit intellectus. Resp. quod si existens, immaterialis sunt intelligibiles in potentia, immaterialis autem in potentia non est idem in actu, nec illi conuenit intellectus.

IN hoc cap. agit de intellectu agente. Et facit tria. Primo probat debere dari intellectum agentem prout possibilem. Secundo ostendit in quibus conveniat cum intellectu possibili, & in quo differat. Tercio explicat quid sit intellectus in actu.

Circa 1. probat debere dari intellectum agentem, ex eo quod datur intellectus possibilis, qui non semper est in actu, sed aliquando in potentia, aliquando in actu, ergo oportet quod sit aliquid per quod reducatur in actum, alioquin semper erit in potentia, reducitur autem in actum primum per species intelligibiles, ergo oportet dari aliquam potentiam, qua producat istas formas seu actus primos, & tamen non cognoscit quia cognitio supponit species.

Circa 2. conuenit in tribus cum intellectu possibili, primo quia est separabilis à corpore, cum non sit potentia organica, sed spiritalis agit enim in intellectum possibilem. 2. Quod est impassibilis. 3. Quod est imixtus, id est non compositus ex naturis corporeis, neque actus organi corporei. Differt in vno, quia intellectus agens est in actu cum sit potentia actiua, possibilis in potentia ad recipiendas species.

Circa 3. numerat tres condiciones intellectus in actu. Primo quod sit res ipsa intellecta non in esse rei, sed in esse representatiuo. Secundo, quod intellectus in actu sit prior tempore & natura intellectu in potentia ordine perfectionis, quia potentia non reducitur in actum, nisi per id quod est actu, nec scientia aliqua fit, nisi ex praesistente aliqua cognitione, vt 1. Post. dicitur. Tercio quod intellectus in actu semper est in actu, possibilis vero aliquando est in potentia, aliquando reducitur in actum. In calce cap. colligit quod intellectus est separatus, id est sine organo corporeo, quod incorruptibilis, quia caret corpore, quod perpetuum. Quomodo vero intelligat anima separata? Respond. non remissis, seu intelligere scilicet eo modo quo nunc quia corrumpitur intellectus passiuus, id est phantasia à qua hic dependet intellectus cognitio, & sit eminencia.

SUMMA CAPITULI VI.

Agit de duplici actu intellectus, & facit duo. Primo diuidit actum intellectus in simplicem & compositum. Secundo explicat vtrumque.

Circa 1. diuiditur actus intelligendi in simplicem apprehensionem, qua intelligimus res simplici modo, vt hominem, equum, &c. & in compositum, qua ista simplicitas coniungitur vel separatur, vt faciendo propositionem, homo est animal, vel homo non est lapis. In prima nec est veritas nec falsitas, in secunda vero vtrumque. Deinde simplex praecedit compositam, & ad illam ordinatur.

Circa 2. explicat operationem simplicem seu cognitionem indiuisibilem ex obiecto suo, dicitur. Nihilque triplex indiuisibile seu incomplexum. Primum quod solum est indiuisibile ex parte modi, licet non sit ex parte rei, vt si aliquid complexum in se per modum vnius accipitur, accipiendo illud per modum vnius extremi, vt si dicatur homo albus ambulat ly homo albus sumatur per modum vnius. Secundo dicitur indiuisibile quod habet vniam speciem sui, licet alias habeat partes, vt domus, homo, lapis, &c. Tercio dicitur indiuisibile secundum modum & rem, quod nec actu habet partes nec in potentia, vt punctum.

Secundum autem operationem, quam dictionem vocat, hoc est affirmationem vel negationem, dicitur esse semper veram vel falsam, intellectum autem non semper esse verum vel falsum, intel-

intellectus enim versatur circa quidditatem rei, in qua non contingit falli, sed in applicatione huius ad illud, quod est in compositione.

SVMMA CAP. VII.

IN hoc cap. agitur de alia diuisione actuum intellectus, scilicet in practicum & speculatiuum. Et facit duo. Primo repetit diuisionem supra positam cap. 5. de intellectu in actu & in potentia, ponitque inter illa duplex discrimen: primum quod intellectus in actu est idem cum obiecto non in esse rei sed in esse representatiuo, intellectus autem in potentia caret illa specie, & sic est rei diuersa ab obiecto: secundum, quod intellectus in potentia ordine generationis in eodem homine precedit intellectum in actu, proceditur enim de potentia ad actum.

Secundo diuidit intellectum in practicum & speculatiuum, & vtrunque explicat. Explicare autem intendit circa intellectum practicum & speculatiuum duo, scilicet quomodo à phantasmatibus moueatur practicus intellectus, & quomodo differat à speculatiuo. Ad hoc autem explicandum praeiungit, quomodo se habeat sensus in mouendo, huius enim motus assimilatur motum intellectus. Et dicit quod sensus habet tria. Primum moueri ab obiecto à quo reducitur de potentia ad actum, non per motum physicum & corruptiuium sed per motum intentionalem, in quo assimilatur sensus intellectus, qui etiam non patitur physice. Secundo inuenitur in sensu cognitio conuenientis aut disconuenientis, quod natum est causare delectationem, vel tristitiam. Tertium sequitur ex tali sensu in appetitu fuga vel prosecutio. Simili ergo motus conuenit intellectui, quia & mouetur à phantasmatibus sicut sensus à sensibilibus, & apprehendit rationem conuenientis & disconuenientis altiori modo, id est affirmando & negando, & sequitur deinde appetitus vel fuga. Et sicut omnes sensus externi terminantur ad sensum communem, ut ad quoddam medium & centrum, ita ad intellectum omnia sensibilia & phantasmata.

Ex hoc ergo explicat illa duo de intellectu practico, primum quod mouetur à phantasmatibus tam in presentia, ut cum aliquid terribile per sensus videtur, quam in absentia ut quando disturrit circa futura, & deliberat de illis. Secundum, quod practicus intellectus & speculatiuius non differunt ex parte potentiae, sed ad idem genus pertinent, quia vterque versatur circa verum & falsum, speculatiuius quidem absolute, practicus verò ut conueniens vel disconueniens ad operandum.

SVMMA CAPITIS VIII.

IN isto cap. colligit in summam tria corollaria. Primum circa illud quod communiter dicebant antiqui quod anima est omnia; & dicit verum esse, sed non in sensu quo ab illis dicebatur. Est enim anima omnia, quia omnia cognoscit, per intellectum quidem est omnia intelligibiliter, & vniuersaliter, per sensum sensibilibus, & non est omnia realiter in se, sed representatiue & per species.

Secundum est quod intellectus in omni sua cognitione dependet à phantasmatibus & sensu, eo quod res quas intelligimus non sunt subsistentes sine sensibili magnitudine & accidentibus ut Plato ponebat. Unde qui speculatur res, mouetur & speculatur phantasma, quia per illud verificatur, quod cognoscit intellectus in abstracto.

Tertium est quod differunt inter phantasiam & intellectum, quia intellectus habet verum vel falsum in sua compositione & diuisione, phantasia autem non respicit verum vel falsum.

SVMMA TEXTVS LIBRI III.

SVMMA CAP. IX.

AB isto cap. incipit vltima pars libri 3. in qua agit de potentia motiua, & appetitiua per quinque cap. hoc ordine. Primo agit de facultate motiua cap. 9. & 10. per ipsam vñ notificat de appetitiua, qua ad motum concurret. Deinde comparat potentias, seu principia anima quoad duo, primo quomodo insint animalibus perfectis, & imperfectis cap. 11. Secundo quatenus eorum sint necessaria, quatenus viles solum. Tandem in vltimo cap. comparat animam ad corpus, ostendens quomodo non possit esse corpus simplex, quod informatur ab anima.

Igitur in hoc cap. 9. agit de potentia loco motiua, motu scilicet, progressiuo ostendendo quid non sit, in cap. seq. ostendendo quid sit. Diuiditur ergo hoc cap. in duas partes: In prima indicat dubitationem quandam circa potentias animae, quomodo distinguantur & quot sint. nam aliqui videbantur ponere illas indeterminatas & sine huius numero, alij dividebant in partem rationalem & irrationalem, contra quas diuisiones agit disputatiue, non autem resolutiue.

In 2. eigo parte ostendit, quod potentia loco motiua de qua in praesenti agitur, nec est vegetatiuum, nec sensitiuum, nec intellectiuum, nec appetitiuum. Non est vegetatiuum, tum quia motus progressiuus non sit sine imaginatione, vegetatio autem ut nutriti & augeri, ab imaginatione non pendet, tum quia in plantis est vegetatiuum & non progressiuum. Non est sensitiuum, quia in multis animalibus inuenitur sensus, & tamen sunt immobilia, ut quae adhaerent saxo, & hoc ex natura sua, non ex privatione alicuius potentiae debita. Non est intellectiuum quia nec est intellectus speculatiuus, cum hic non tractet de agendis, sed de naturis rerum in se considerandis, motus autem solum est de agendis, quia sit prosequendo vel fugiendo; nec est intellectus practicus, quia sapē proponitur & praecipitur aliquid fugiendum vel prosequendum, nec tamen sequitur motus ut patet in incontinentibus. Nec denique est appetitiuum, quia continenter concupiscunt & appetunt, nec tamen mouentur ad operandum.

SVMMA CAPITIS X.

Assignat in hoc cap. quid sit potentia loco motiua, & quae principia ad motum concurrant, & sunt tria. 1. Assignat principia dirigentia, seu imperantia motum, scilicet cognitionem & appetitum. 2. Distinguit duos appetitus. 3. Assignat omnia quae concurrunt ad ipsum motum, non solum potentiam directiuam sed etiam organiam.

Circa Primum, nomine cognitionis seu intellectus comprehendit non solum intellectiuium, sed etiam imaginatiuum, multi enim sequuntur phantasiam potius quam rationem, & in brutis nihil esse rationem constat. Similiter non intelligitur cognitio speculatiua, sed practica; quia speculatiua quae ut rationatur propter se, ut actiua autem propter operari, seu moueri. Sicut ergo ista duo principia motus progressiuus, quia non mouetur aliquis, nisi propter aliquam finem vel consequendum, vel fugiendum, & hoc est appetibile, appetibile autem mouet appetitum in quantum cognoscitur, ergo cognitio & appetitus sunt principia motus, & hoc adducitur in vnum principium, scilicet in vsum appetibile cognitum, quod est principium & mouens motus intellectus & appetitus.

Circa secundum, dicitur esse duplitem appetitum, scilicet voluntatem, qua mouetur ad apprehensum per intellectum, & sensitiuum, qui mouetur ad apprehensum per sensum, & hos esse distinctos appetitus patet, quia contrariis motibus mouentur, quod enim placet vno, displicet alteri.

alteri, & è conuerso, vt patet in continentibus, & in incontinentibus.

Circa 3. docet tria concurrere ad motum progressiuum, scilicet id quod mouet, id quod mouetur, & instrumentum motus. Id quod mouet est duplex, scilicet mouens immobile, & hoc est ipsum appetibile, & mouens motum, & hoc est appetitus motus ab appetibili cognito intentionali-ter. Id quod mouetur & non mouet est corpus. Instrumentum, quo mouet, est pars organica vs-que cor, quod in se habet principium & finem motus, quia pulsa & tracta quasi circulatione mouet.

SVMMA CAP. XI.

Dividitur hoc cap. in duas partes. In prima ostendit quomodo conueniant principia mo-
tus progressiui animalibus imperfectis. In secunda quomodo perfectis.

Circa 1. docet etiam imperfectissimis animalibus conuenire appetitum & imaginationem
que sunt principia motus. Nam appetitum in eis esse constat, quia dolent retrahendo se si pungan-
tur, & delectantur dilatando se si aliquid delectans sentiant, hi autem sunt actus appetitus. Est
etiam imaginatio, quia appetitus non mouetur nisi à propositione conuenientis vel disconue-
nientis, sed in aliquibus hoc proponitur valde confuse & indeterminate & ita non mouentur
in distans.

Circa 2. affirmat perfectissimo animali quale est homo, conuenire perfectissime principium
mouendi, quia per appetitum deliberatum mouetur, comparando scilicet & conferendo vnum
ad aliud quod proprium est rationis. Addit Arist. aliquando appetitum inferiorem non delibera-
tium vincere deliberationem, vt in incurmentibus, aliquando è contra deliberatum vin, ergo
appetitum inferiorem, sicut conueniens, & hoc est magis naturale, quia inferior naturaliter debet
moueri à superiori. Cum autem ratio practica mouet oportet quod non solum concurret ratio vni-
uersalis quæ parum mouet, sed etiam particularis, quæ dicit hic & nunc. Et potest peccare ex hoc
solum, quod particularis male applicet.

SVMMA CAP. XII.

Comparat facultates seu potentias anime inter se, & ad diuersa genera viventium vt osten-
das, quam sine necessaria, quæ viles. Et ponit duas conclusiones. 1. Omne viuens quan-
diu vitat, necessario debet habere nutritiuam potentiam, sed non omne viuens debet ha-
bere sensum. Prima pars constat, quia in tota vita vel est augmentum, vel status, vel decre-
mentum, quorum nullum fit sine nutritione. Secunda pars patet in plantis quæ viuunt & non
sentiant.

Secunda Conclusio: Animalibus sensus actus, & gustus sunt simpliciter necessarij, reli-
qui solum viles. Prima pars probatur, quia sine tactu & gustu non possunt querere alimen-
tum, & sentire noxium vel sonnentens, sine hoc autem non potest conservari vita. Neque
potest hoc supplere intellectus, non est enim possibile quod aliquod corpus habeat intellectum
sine sensu, vultur enim anima intellectiua corpori ad acquirendam cognitionem rerum sensu-
bilium, hæc autem per sensus attinguntur. Secunda pars patet, quia gustus & tactus suffi-
ciunt ad conservandam vitam, reliqui ergo non propter necessitatem, sed propter utilitatem
conducunt, quia ordinantur solum ad sentiendum res distantes, non se tangentes.

IN hoc ultimo cap. probat Philosoph. non posse corpus animalis esse simplex sicut in elementis. Ad quod inducit duas rationes supponendo quod omne sensitiuum debet habere tactum, ut ostensum est. Prima ratio est, quia organum tactus non videtur medio externo quod est corpus simplex ad tangendum, v.g. aere vel aqua. sed immediate sentit rem attactam, ergo corpus tangens non potest esse simplex, sed organicum, quia debet percipere qualitates tangibiles, & sic esse in aliquo temperamento, seu medio ad eas percipiendas, ergo debet esse mixtum & temperatum non simplex. Secunda ratio: quia tactus non est perceptiuus vnius tantum qualitatis sed plurimum, quia a multis ei potest nocivum venire, ergo est in potentia ad omnes, & sic debet consistere temperamento earum, non vna tantum, est ergo corpus temperatum non simplex.

Ex quo colligit tria. 1. Destructo tactu destrui animal, quia dest utitur sensui alimenti. 2. Sensibilia excellentia corrumpentia tactum, etiam corrumpere animal. 3. Quod simpliciter solus tactus est necessarius simpliciter animali, nam gustus, quem supra dixit esse necessarium, id habet propter tactum adiutum. Etum, nam secundum se solum est propter vniuersatem cibi.



1.004754

INDEX

INDEX. IN LIBROS DE GENERATIO- NE ET CORRUPTIONE ET METEORORVM.

In quo numerus primus paginam & littera sequens columnam designat.

A & B

- A**ccidens quod fuit in corrupto nequit manere in genito. 35. a.
- Accidentia supponunt formam: sicut vegetatum sensetur & a forma emanat. ib.
- Accidentia possunt denominare subiecta vel totum vel secundum partem & quando. 179. a. b. & seq.
- Accidentia nullo modo in materia prima sed semper in composito subiectari necesse est. 181. b. & seq.
- Accidens disponens non necessario educitur ex subiecto quod disponit. 187. a.
- Accidens per separationem a subiecto quid acquiritur. 191. a.
- Accidenti separato non superadditur nouum modum positurus. ibid. b.
- Accidentia conseruatio in subiecto & extra illud vtrum sit distincta. 192. a.
- Accidentia solo numero distincta nequeunt esse in eodem subiecto. 211. b.
- Accidentia indiuiduantur a subiectis. 210. b.
- Accidentia solo numero distincta quare non simul bene tamen successive possint esse in eodem subiecto. 214. a.
- Accidentium multiplicatio quare non aequibene desumatur a termino quam a subiecto. 215. a. b.
- Actio debet esse eadem si effectus debeat esse idem. 215. a.
- Actio reflexa quare intendat qualitatem & non rem antiperistasis. 215. a. & seq.
- Actio Dei sola potest esse eadem respectu omnium producendorum. ibid. b.
- Actio Dei quae produxit Adamum quomodo maneat & iam transierit. 248. a.
- Actio productiua rei permanentis & productiua rei successiuae licet vtrique contineatur in potentia Dei implicat illam reproduci & hanc non. 249. a. & b.
- Actiones vitales quomodo possint a Deo reproduci. ibid. b.
- Actio instans aha potest a Deo reproduci. 16.
- Actio immanens licet recipiatur a agente non ideo tamen est idem mouens & motus. 4. a.
- Aer diuiditur in tres regiones earumque natura explicatur. 166. b.
- Aeris varij colores vnde & quomodo causentur. 180. b.
- Agens non potest agere in plano sibi simile. c. b.
- Agens potest esse simile passio in specie non autem in omnibus alijs. 100. a.
- Agens eo quod agit formaliter superius est. 119.
- Agens minus altum potest agere in magis altum debilitando eum virtutem. ibid.
- Agens requirit determinatam virtutem supra passum. 121. a.
- Aggenerationis definitio ponitur. 181. b.
- Aggenerationis non postulat determinatam partem. 170. a.
- Aliquid se ipsum generare & corrumpere impossibile est. 104. a.
- Alimentum varijs subiectionibus ante nutritionem. 160. a. & seq.
- Alimentum quomodo desinat ultimo. 172. b. &
- Alterationis variae acceptiones recensentur. 62. a. & b.
- Alteratio stricte sumpta definitur. 63. a. & seq.
- Alterationis strictae sumpta species explicantur. 66. b. & seq.
- Alteratio physica per se primo tantum datur ad certam speciem qualitatis. 64. b. & seq.
- Alteratio in ratione motus est vnus includens duas mutationes. 72. a.
- Alteratio est motus continuus prout opponitur discreto & quomodo. 73. & seq.
- Alterationis ratione subiecti indiuisibilia explicantur. 75. b.
- Alterationis ratione motus indiuisibilia. 76. a.
- Alteratio continua quomodo habeat vnum terminum. 77. b.
- Alteratio licet duraret per annum non faceret infinitam qualitatem. 78. a.
- Alteratio incipit per vltimum non esse. ibid. b.

Fulgura & tonitrua unde causentur, & quomodo fiant. 273. b.
Fulgur quid sit. ibid. b.
Fulmē distinguitur à fulgure & tonitru. 274. b.
Fulmen quid sit, à quo & unde generetur. 278. a. & b.
Fulmen virū possit esse aliquando lapis. ibid.
Fulmina varia reperiuntur. ibid.
Fulminum effectus sunt varij & mirabiles. ibi.
& seq.
G.
Generationis variae acceptiones explicantur. 5.
Generationis definitiones explicantur. 5. 6. a. b.
Generatio creata ex causa materiali facta, est essentialiter mutatio. 6. b.
Generaciones viuientium definitio explicatur. 8. & 9. a. b.
Generationem substantialem dari probatur contra antiquos. 10. b.
Generationis substantialis actio quid producat. 12. & 13.
Generationem esse actionem distinctam ab alteratione precedenti probatur. 14. & 15.
Generans hominem quid circa genus operetur. 16. a. b.
Generationis substantialis formalitates & respectus exponuntur. 17. & 18. a. b.
Generationis terminus multiplex est. 19. a. b.
Generationis terminus adequatus & totalis assignatur. 20. a.
Generationis terminus formalis quis sit. 21. b.
Generatio non necessario de nouo terminum suum formalem producit, licet totalem necessario producat. 25. a.
Generationis substantialis subiectū quod nā sit. 26.
Generatio quomodo differat à creatione. 28.
Generatio petit resolutionem omniū formarū usque ad materiam primam. 35. a.
Genus nō habet eadem accidentia quae corrupta. 36. & s. q.
Genus à quo effectiue procedat in instanti generationis. 43. & seq.
Generante à genito distante virtus eius in instanti generationis vbi sit. 16. & seq.
Glacies quid sit & unde causetur, & ex quo. 29.
Grando quid sit & unde causetur. 288. b.

Ignis resistentia quare possit debilitari cū resistentia lipidū non possit debilitari. 120. b.
Ignis licet re. ipiat in se frigus, non tamen denominatur frigidus. 127. a.
Ignis non proprie nutritur. 154. a. b.
Ignis reperitur in loco suo naturali supra aerem prope lunam. 210. d.
Ignis supra aerem non lucet, nec indiget pabulo quo nutriatur. 16. a. b.
Ignes qui dicuntur capra saltantes quid sint, & unde causentur. 276. b.
Ignes in infima regione aeris unde caus. 277. a.
Individuatio quoduplex & quid sit. 193. b.
Individuationem substantia materiali variē volunt fieri diuersi autores eorundem sententiae referuntur. 194. b. & seq.
Individuationis principium non potest natura specifica. 195. b.
Individualis unitas quomodo conueniat natura. 197. a.
Individuatio quomodo spectet ad gradum metaphysicum. 199. a.
Individuatio quomodo fiat ab accidentibus. 6. b.
Individuationis principium quare non sit forma. 100. a.
Individuationis principium nō potest esse haecceitas ab extrinseco adueniens. id id. & seq.
Individuationis principium nō potest esse summa substantialis vel accidentalis. 202. b.
Individuationis principium est materia signata quantitate, & quid sit materia signata quantitate exponitur. 103. b. 204. b. & seq.
Individuatio accidentiū sumitur à subiecto. 110.
Individuationis accidentium principium non potest esse materia prima etiam vi quo. 211. b.
Individuatio ipsius quantitatis quae sit accidentis & principium aliorum accidentium à quo desumatur. 212. a.
Intensio & remissio qualitatum quid sint. 80. a.
Intensio & remissio inueniuntur in sola qualitate non tamen in omni eius specie. 81. b.
Intensio non fit per additionē nouae qualitatis. 88. a.
Intensio per quid & quomodo fiat. 90. & seq.
Intensio non fit per hoc quod forma accipiat maiorem vim informatiuā. 92.
Intensio fit per maiorem & perfectiorem unionē ad subiect. 97.
Intensio.

I N D E X.

Intendente qualitatem remote à quo gradus
remissior ipsius producat. 101. b.
Iris quid sit & unde causetur & quomodo
277. a. b.
Iridis colores in quoniam subsistentur, & à
quo cœntur. 278. b.
Iridis colores primum sunt veri vel apparen-
tes & de eorum multiplici figura. 279. a. b.
Iridis significatio duplex est. 280. a.

L

Lac animalis informatur eadem anima qua
totum. 104. a.
Lac post diem iudicij non resurget in numeri-
bus & quare. 104. b.
Lac quoniam gradu informetur, estque pars
animalis. 105. a. b.
Lacteus circulus siue galaxia quid sit & multa
poetarum de ipsa signata & vultus an-
dus. 267. a.
Lancea quid sit & unde fiat. 277. a.
Lapis quomodo à gutta conteratur. 119. b. &
seq.
Lignum vite quid prestiterit homini. 252. a.
Loquela beatorum post diem iudicij. 65. a. b.
Lumen duplex non potest recipi in eodem sub-
iecto. 211. a.
Lux est qualitas perfectior omnibus corporeis
qualitatibus. 218. b.
Lux reflexa quare & quomodo intensior sit
quam non reflexa. 114. b.

M

Mariæ virgo vere est mater Dei. 23. a. b.
Macula lune quid sit & à quo causetur. 209.
a. b.
Manna quid sit & unde causetur. 201. b.
Mare maximum & vastissimum est oceanus.
292. a.
Mare omnia utrum habent ex oceano. ibid.
Mare varia enumerantur & eorum natura
investigatur. ibid. i. & seq.
Mare vitæ sit altius terra. 293. a. b.
Mare motus unde causetur & qui principa-
lis. 294. a. b.
Mare quare concitatus in una parte quam
alia fluat. 295. a. b.

Maris salbedo unde causetur qua causa ex
qua & à qua. 296. a. b.
Mare quare tot fluminum accessibus non au-
getur. 301.
Mare de qua tractant hi libri de generatione.
2. & 3.
Mare quæ est subiectum generationis substan-
tialis non habet partialem existentiam. 11.
a. b.
Materia non convenit creari sed concreari 30.
& seq.
Materia quæ esse requirat ad receptionem
formæ substantialem. 101. a.
Materia prima est subiectum quo accidentium
132. b.
Materia qualiter respiciat quantitatem me-
dia forma. 204. a.
Materia qualiter signetur à quantitate ibid. b.
Materiam cometarum locum & causam ex-
pliciter reprobantur & veritas aperitur
271. & seq.
Mel quid sit & à quo causetur, non sit ex ali-
mento apum. 291. a.
Mel siue stre quale comedit S. Ioannes unde
causetur. ibid. b.
Meteorologicarum impressionum materia
quæ sit & ex quibus elementis fiat & quæ
causa efficiens. 265. a. b.
Meteororum aliquod de nouo in cœlo genera-
ri est impossibile. 270. a. b.
Mixtionis definitio explicatur illa quæ vere
datur & proprie. 118. a. & seq.
Mixtio quomodo diffirat à generatione sub-
stantiali. 130. a.
Mixtum qualiter retineat miscibilia 131. a.
Mixtum à quo generetur estque naturalis
mixtio. ibid.
Mixtio in quibus desur. 133. a.
Mixtum componitur ex omnibus quatuor ele-
mentis. 134. a. b.
Mixtum non retinet formam substantialem sed
tantum accidentalem & quomodo. 133. &
299. a.
Mixta alia perfecta alia imperfecta & ex qui-
bus consistunt. 233. a.
Mixtorum qualitatem componentium in

Circa 4. docet esse duas species saporis extremas, scilicet dulce, & amarum, sicut in coloribus album & nigrum. Alias duas species esse propè illas, scilicet pingue & salsum, quæ iam non sunt ita simplices. Alias quatuor medias inter istas, scilicet sapor acer, austerus, acerbus, & acidus, & ita omnes species sunt octo.

SUMMA CAPITIS II.

Agit de 5. sensu qui est tactus. Et proponit quatuor dubia, in quæ totum caput diuiditur. Primum est an sint plures sensus tactus, vel vnus tantum. Quod dubium non plene soluit, licet inclinet in eam partem quod sint plures, eo quod vnus sensus est vnus contrarietatis ad quam cetera illius sensus reducuntur, sicut visus est albi & nigri, gustus amari & dulcis; in tactu autem sunt plures contrarietates prima, non reducibiles in vnâ, vt calidum & frigidum, humidum & siccum, voluptas & dolor, &c. Ex alia verò parte, cum sit in toto corpore vna caro, per quam sentimus tangibilia, videtur nobis esse vnum sensum, quod tamen non sufficit, quia caro est medium sensus tactus, quod licet sit vnum sensus possunt esse distincti, sicut auditus & visus sunt distincti, licet medium quod est aër sit vnus.

Secundum dubium. An sit aliquod medium externum in tactu sicut in visu & auditu, id est aliquod corpus non continuum ipsi tangenti, sed contiguum per quod sentiatur. Ad quod disputatiue respondet, non resolutiue, nam si duo corpora se tangant in aqua, mediat aqua inter tangibile & tactum siquidem sentitur manus humectata ab illa, ergo etiam erit medius aër inter tangibilia, licet ob sui raritatem non discernatur.

Tertium dubium. An omnes sensus externi conueniant in hoc, quod sentiant per medium externum. Respond. conuenire, cum duplici tamen discrimine. Primum, quod in prioribus tribus, scil. visu, auditu, & odoratu obiectum percipitur per medium externum, magnum & notabile; gustus autem & tactus per modicum. Secundò quia in tribus prioribus obiecta prius immutant medium, quàm potentiam, in tactu verò simul patitur potentia ab obiecto & medio, sicut si quis percutitur super arma, simul patitur ab armis & à percutiente.

Quartum dubium, an sensorium tactus sit ipsa caro, vel aliquid sub ea latens, vt nervus? Respond. carnem non esse ipsum sensorium tactus, sed medium, non externum & discontinuum ab organo. Numerat deinde obiecta tangibilia, scil. calidum & frigidum, siccum & humidum, durum & molle, asperum & lene, dolor & voluptas, &c. debet ergo sensorium tactus esse liberum ab his qualitatibus, non quidem omnino, alias non esset mixtum, sed habet eas temperatas, sentit vero solum excessiuas.

SUMMA CAPITIS XII.

In hoc vltimo cap. comparat Arist. sensus externos inter se, & facit tria. Primum proponit duo in quibus conueniunt. 2. Soluit duo problemata. 3. Proponit vnum dubium & soluit.

Circa primum dicit conuenire omnes sensus in duobus. Primo, quod omnes sensus suscipiunt formas sine materia hoc est species intentionales, sicut cera suscipit figuram sigilli, & non materialitatem ferri. Secundo, quod omnes sensus sunt in aliquo materiali subiecto, v. g. in sensorio seu organo, potestque diuidi organum in proximum, seu particulare, in quo potentia residet, & in commune seu mediatum, scil. illud in quo primum, seu immediatum continetur.

Circa 2. primum problema est, quare sensibile vehemens vt nimia lux offendit sensum. Respond. quia fit vehemens alteratio in organo, quod certam requirit mensuram temperamenti & si

& si illa exceditur offenditur sensus. Secundum problema. quare non sentiant planta cum habeant animam. Resp. quia carent illis sensorijs seu organis tali temperamento dispositis, sicut requiruntur ad sentiendum.

Circa 3. proponit hoc dubium; an planta & alie res non sentientes patiuntur ab obiectis sensuum vt à colore, sono, &c. Videtur enim solum potentias sensitivas ab illis pati posse, quia relative se habent potentia, & obiectum, deinde quia carent sensu, ergo non patiuntur à sensibili, denique quia species albi non imprimit albedinem in ligno vel in alio insensibili. Respond. Phylol. non pati ab obiectis sensuum omnia insensibilia, sed solum illa qua deseruiunt tanquam medium ad deferendum species, sicut fere sunt corpora diaphana, recipiuntque illas species, non vt effectus permanentes, sed per modum transeuntis.

SVMMA LIBRI TERTII.

AGGREDITVR in hoc libro Phylol. explicare naturam animæ intellectiue. Ad quod agit tria. Primum præmittit ea quæ ministrant intellectui, scil. sensus internos, & propterea in principio recolligit numerum sensuum exteriorum, proceditque ad explicandos sensus internos. In 2. parte agit de ipso intellectu. In tertia de consecuto ad ipsum, scilicet appetitu & loco motiuo. Et hæc per 13. capita.

SVMMA CAPITIS I.

IN hoc cap. colligit numerum sensuum exteriorum. Et facit duo. Primò probat non esse nisi quinque sensus. Secundò soluit dubium illud cur sint plures sensus externi.

Circa primum, probat esse tantum quinque sensus externos. Et ratio eius reducitur ad hanc formam, vt S. Th. notat hoc lib. lect. 1. Quicumque habet aliquod organum sensus per quod cognoscuntur sensibilia, cognoscit per illud organum quacumque sensibilia pertinent ad talem sensum, sed animalia perfecta habent omnia organa sensus, ergo cognoscunt omnia sensibilia, sed non habent nisi quinque sensus, ergo non sunt plures respectu propriorum sensibilium. Maior constat, quia qui habet sensum tactus, per illum cognoscit omnes qualitates sensibiles, ergo similiter in alijs sensibus. Minor etiam prob. quia necessario proportionantur media per qua mouentur sensus, & ipsa organa; sed non datur nisi medium internum vel externum; internum conuenit tactui, & gustui, qui sine externo medio sentiunt, si verò loquamur de medio externo, illud solum est aër vel aqua, ignis enim propter summam actiuitatem non patitur à sensibilibus, neque terra propter nimiam densitatem, sola verò aqua & aër facile patiuntur à sensibilibus. Hoc autem medio aëris & aqua vtuntur visus, auditus, & olfactus, ergo non sunt plures sensus externi, quia nec plura media immutantia. Quantum veò probet ista ratio, videri potest apud D. Thom. 1. p. q. 78. art. 3.

Circa secundum proponit difficultatem, quare plures sensus dati sunt à natura? Et respondet, quod vt non confundantur sensibilia communia cum proprijs, datis enim pluribus sensibus, quedam apprehenduntur à pluribus, & sunt communia, quedam à quolibet sensu, & sunt propria sensibilia.

intellectus, quia intellectus est circa prima principia, circa qua non est falsitas, imaginatio verò semper fallitur nec primis principijs innuitur.

Circa 3. concludit quid sit phantasia, quam definit per proprium actum, dicens quod Phantasia est motus factus à sensu secundum actum, id est esse actum internum, qui causatur à motione obiecti sensibilis actum cogniti per sensum. Imaginatio enim non versatur circa obiecta ad extra immediate, sed ut cognita seu sensata à sensibus externis, indeque alia non sensata elicit, obiecta autem sensata & cognita possunt potentiam internam mouere. Et sic phantasia, qua interior potentia est, ab exteriori sensu non à sensibili ipso immediate mouetur. Dicitur tamen phantasia, quasi apparitio, sumpto nomine à præcipuo sensu mouente qui est visus & ab eius lumine.

SVMMA CAPITIS IV.

AB isto cap. incipit agere Aristot. de intellectibus potentijs earumque actibus, qua est secunda pars huius libri, & hoc per quinque capita à 4. vsque ad 8. hoc ordine. In hoc 4. cap. agit de potentia intelligente qua dicitur intellectus possibilis, in seq. de intellectu agente, in 6. cap. de duplici actu eius, scil. simplici apprehensione & compositione, in 7. de alijs duobus actibus, scil. practico & speculativo. In 8. colligit quædam, que conueniunt anime intellectiva ex prædictis.

Igitur in hoc 4. cap. agit de intellectu possibili, & diuiditur in duas partes. In prima explicat, quid sit potentia intellectiva cognoscens seu intellectus possibilis. In secunda soluit quædam dubia.

Circa primum explicat naturam potentie intellectiva per id in quo conuenit cum sensu, & per id in quo differt. Conuenit cum sensu quia est potentia passiva seu receptiva specierum non quidem passione proprie dicta qua sunt immutatio corruptio, sed receptione intentionali. Unde colligit intellectum, licet non sit capax passionis proprie dictæ, tamen receptionem specierum & naturam ex se habere, sicut materia prima ex se nihil habet formam. Differt verò à sensu in duobus. Primo, quia intellectus non est potentia organica seu corpora, alias non posset omnium corporum naturas percipere. Secundo quod sensus ratione organici aditur ab excellenti sensibili, intellectus verò perficitur à maximo intelligibili.

Circa 2. proponit quatuor dubia. Primum circa obiectum intellectus an per eandem facultatem cognoscamus vniuersale & singulare, & distinguit singulare ab vniuersali, quia illud habet aliquid determinatum ad hanc materiam & has condiciones materiales, vniuersale verò solum quidditatem ipsam seu naturam sine conditionibus illis naturalibus. Et sic respondet, singularia materialia (de his enim tantum est sermo) cognosci per sensum, vniuersale verò per intellectum, in cognitione vero singularium se habere sicut lineam rectam & reflexam.

Secundum dubium, quomodo intellectus sit passivus, cum sit immaterialis, omne vero receptivum ratione nature recipit. Resp. receptionem naturalem seu materialem, sicut ratione materialem, intentionalem vero qua est passio impropria in immaterialibus debet fieri.

Tertium dubium, an intellectus sit per se ipsum intelligibilis an per aliquid superadditum? Resp. intellectum per se esse immaterialem, sed non per se intelligibilem, quia est in pura potentia intelligibili, & non in actu. Unde non intelligitur obiectis, an intelligatur illorum obiectorum intelligitur & non immediate.

Quartum dubium, cur id quod est intellectus non sit intellectus. Resp. quod intellectus, in materia sunt intelligibiles in potentia, in actu vero intellectus non est intellectus, nec illi conuenit intellectus.

intellectus enim versatur circa quidditatem rei, in qua non contingit falli, sed in applicatione huius ad illud, quod est in compositione.

SVMMA CAP. VII.

IN hoc cap. agit de alia diuisione actuum intellectus, scilicet in practicum & speculatiuum. Et facit duo. Primo repetit diuisionem supra positam cap. 5. de intellectu in actu & in potentia, ponitque inter illa duplex discrimen: primum quod intellectus in actu est idem cum obiecto non in esse rei sed in esse representatiuo, intellectus autem in potentia caret illa specie, & sic est res diuersa ab obiecto: secundum, quod intellectus in potentia ordine generatiuum in eodem homine precedit intellectum in actu, proceditur enim de potentia ad actum.

Secundo diuidit intellectum in practicum & speculatiuum, & vtrumque explicat. Explicare autem intendit circa intellectum practicum & speculatiuum duo, scilicet quomodo à phantasmatis moueatur practicus intellectus, & quomodo differat à speculatiuo. Ad hoc autem explicandum præmittit, quomodo se habeat sensus in mouendo, huius enim motus assimilatur motui intellectus. Et dicit quod sensus habet tria. Primum moueri ab obiecto à quo reducitur de potentia ad actum, non per motum physicum & corruptiuum sed per motum intentionalem, in quo assimilatur sensus intellectui, qui etiam non patitur physice. Secundò inuenitur in sensu cognitio conuenientis aut disconuenientis, quod natum est causare delectationem, vel tristitiam. Tertium sequitur ex tali sensu in appetitu, fuga vel profusio. Similis ergo motus conuenit intellectui, quia & mouetur à phantasmatis sicut sensus à sensibilibus. & apprehendit rationem conuenientis & disconuenientis altiori modo, id est affirmando & negando, & sequitur deinde appetitus vel fuga. Et sicut omnes sensus externi terminantur ad sensum communem, ut ad quoddam medium & centrum, ita ad intellectum omnia sensibilia & phantasmata.

Ex hoc ergo explicat illa duo de intellectu practico, primum quod mouetur à phantasmatis tam in presentia: ut cum aliquid terribile per sensus videtur, quam in absentia ut quando d scurrit circa futura, & deliberat de illis. Secundum, quod practicus intellectus & speculatiuus non differunt ex parte potentie, sed ad idem genus pertinet, quia vterque versatur circa verum & falsum, speculatiuus quidem absolute, practicus verò ut conueniens vel disconueniens ad operandum.

SVMMA CAPITIS VIII.

IN isto cap. colligit in summam tria corollaria. Primum circa illud quod communiter dicebant antiqui quod anima est omnia; & dicit verum esse, sed non in sensu quo ab illis dicebatur. Est enim anima omnia, quia omnia cognoscit, per intellectum quidem est omnia intelligibiliter, & vniuersaliter, per sensum sensibiliter, & non est omnia realiter in se, sed representatiue & per species.

Secundum est quod intellectus in omni sua cognitione dependet à phantasmate & sensu, eo quod res quas intelligimus non sunt subsistentes sine sensibili magnitudine & accidentibus ut Plato ponebat. Vnde quis speculatur res, oportet & speculari phantasma, quia per illud verificatur, quod cognoscit intellectus in abstracto.

Tertium est quod differt inter phantasiam & intellectum, quia intellectus habet verum vel falsum in sua compositione & diuisione, phantasia autem non respicit verum vel falsum.

SVMMA TEXTVS LIBRI III.

SVMMA CAP. IX.

AB isto cap. incipit vltima pars libri 3. in qua agit de potentia motiua, & appetitiua per quinque cap. hoc ordine. Primo agit de facultate motiua cap. 9. & 10. per ipsam vero notificat de appetitiua, qua ad motum concurret. Deinde comparat potentias, seu principia anima quoad duo, primo quomodo insint animalibus perfectis, & imperfectis capi. 11. Secundo quanam earum sint necessaria, quanam viles solum. Tandem in vltimo cap. comparat animam ad corpus, ostendens quomodo non possit esse corpus simplex, quod informatur ab anima.

Igitur in hoc cap. 9. agit de potentia loco motiua, motus scil. progressiuo ostendendo quid non sit, in cap. seq. ostendendo quid sit. Diuiditur ergo hoc cap. in duas partes. In prima indicat dubitationem quandam circa potentias anima, quomodo distinguantur & quot sint, nam aliqui videbantur ponere illas indeterminate & sine fixo numero, alij diuidebant in partem rationalem & irrationalem, contra quos diuisiones agit disputatiue, non autem resolutiue.

In 2. ergo parte ostendit, quod potentia loco motiua de qua in presenti agitur, nec est vegetatiuum, nec sensitiuum, nec intellectiuum, nec appetitiuum. Non est vegetatiuum, cum, quia motus progressiuus non sit sine imaginatione, vegetatio autem vt nutriri & augeri, ab imaginatione non pender, tum quia in plantis est vegetatiuum & non progressiuum. Non est sensitiuum, quia in multis animalibus inuenitur sensus, & tamen sunt immobilia, vt quae adhaerent saxis, & hoc ex natura sua, non ex priuatione alicuius potentiae debita. Non est intellectiuum quia nec est intellectus speculatiuus, cum hic non tractet de agendis, sed de naturis rerum in se considerandis, motus autem solum est de agendis, quia sit prosequendo vel fugiendo, nec est intellectus practicus, quia saepe proponitur & praecipitur aliquid fugiendum vel prosequendum, nec tamen sequitur motus vt patet in incontinentibus. Nec denique est appetitiuum, quia continentes concupiscunt & appetunt, nec tamen mouentur ad operandum.

SVMMA CAPITIS X.

Assignat in hoc cap. quid sit potentia loco motiua, & qua principia ad motum concurrant, & facit tria. 1. assignat principia dirigentia, seu imperantia motum; scil. cognitionem & appetitum. 2. Distinguit diuersos appetitus. 3. Assignat omnia quae concurrunt ad istum motum, non solum potentiam directiuam, sed etiam organitam.

Circa Primum, nomine cognitionis seu intellectus comprehendit non solum intellectiuiam, sed etiam imaginatiuam, multi enim sequuntur phantasmata potius quam rationem, & in brutis nullam esse rationem constat. Similiter non intelligitur cognitio speculatiua, sed practica; quia speculatiua quaerit ratiocinari propter scire, practica autem propter operari, seu mouere. Sunt ergo ista duo principia motus progressiui, quia non mouetur aliquis, nisi propter aliquem finem vel consequendum, vel fugiendum, & hoc est appetibile, appetibile autem mouet appetitum in quantum cognoscitur, ergo cognitio & appetitus sunt principia motus, & haec reduuntur in vnum principium, scilicet in ipsum appetibile cognitum, quod est primum unde motus incipit in intellectu & appetitu.

Circa secundum, dicitur esse duplicem appetitum, scilicet voluntatem, qua mouetur ab apprehenso per intellectum, & sensitiuum, qui mouetur ab apprehenso per sensum, & hos esse distinctos appetitus patet, quia contrariis moribus mouentur, quod enim placet vni, displicet

alteri

alteri, & è conuerso, vt patet in continentibus, & in incontinentibus.

Circa 3. docet tria concurrere ad motum progressiuum, scilicet id quod mouet, id quod mouetur, & instrumentum motus. Id quod mouet est duplex, scilicet mouens immobile, & hoc est ipsum appetibile, & mouens motum, & hoc est appetitus motus ab appetibili cognito intentionaliter. Id quod mouetur & non mouet est corpus. Instrumentum, quo mouet, est pars organica vber, quod in se habet principium & finem motus, quia pulsus & tractus quasi circulatione mouet.

SVMMA CAP. XI.

Dividitur hoc cap. in duas partes. In prima ostendit quomodo conueniant principia motus progressiui animalibus imperfectis. In secunda quomodo perfectis.

Circa 1. docet etiam imperfectissimum animalibus conuenire appetitum & imaginationem que sunt principia motus. Nam appetitum in eis esse constat, quia dolent retrahendo se si pungantur, & delectantur dilatando se si aliquid delectans sentiant, hi autem sunt actus appetitus. Est etiam imaginatio, quia appetitus non mouetur nisi à propositione conuenientis vel disconuenientis, sed in aliquibus hoc proponitur valde confuse & indeterminate & ita non mouentur in distans.

Circa 2. affirmat perfectissimo animali quale est homo, conuenire perfectissime principium mouendi, quia per appetitum deliberatum mouetur, comparando scilicet & conferendo vnum ad aliud quod proprium est rationis. Addit Arist. aliquando appetitum inferiorem non deliberatum vincere à liberationem, vt in incontinentibus, aliquando è contra deliberatum vin. ergo appetitum inferiorem, sicut continentes, & hoc est magis naturale, quia inferior naturaliter debet moueri à superiori. Cum autem ratio practica mouet, oportet quod non solum concurrat ratio vniuersalis que parum mouet, sed etiam particularis, que dicitur hic & nunc. Et potest peccare ex hoc solum, quod particularis male applicet.

SVMMA CAP. XII.

Comparat facultates seu potentias animæ inter se, & ad diuersa genera viuentium vt ostendas, quam sint necessariae, quæ viles. Et ponit duas conclusiones, i. Omne viuens quando viuunt, necessario debet habere nutritiuam potentiam, sed non omne viuens debet habere sensum. Prima pars constat, quia in tota vita vel est augmentum, vel status, vel decrementum, quorum nullum sit sine nutritione. Secunda pars patet in plantis quæ viuunt & non sentiunt.

Secunda Conclusio: Animalibus sensus tactus & gustus sunt simpliciter necessarii, reliqui solum viles. Prima pars probatur, quia sine tactu & gustu non possunt querere alimentum, & sentire noxium vel conueniens, sine hoc autem non potest conservari vita. Neque potest hoc supplere intellectus, non est enim possibile quod aliquod corpus habeat intellectum sine sensu, viuunt enim anima intellectiua corpore ad acquirendam cognitionem rerum sensibilium, hæc autem per sensus attinguntur. Secunda pars patet, quia gustus & tactus sufficiunt ad conservandam vitam, reliqui ergo non propter necessitatem, sed propter utilitatem adducunt, quia ordinantur solum ad sentiendum res distantes, non se tangentes.

INDEX. IN LIBROS DE GENERATIO- NE ET CORRUPTIONE ET METEORORVM.

In quo numerus primus paginarum & littera sequens columnam designat.

A & B

Accidens quod fuit in corrupto nequit manere in genito. 36. a.
 Accidentia supponunt formam: sicut vegetatum sensum & a forma dimanat. 1b.
 Accidentia possunt denominare subiecta vel totum vel secundum partem & quando. 179. a. b. & seq.
 Accidenti nullo modo in materia prima sed semper in composito subiectari necesse est. 181. b. & seq.
 Accidentis disponens non necessario educitur ex subiecto quod disponit. 187. a.
 Accidentis per separationem a subiecto quid acquiritur. 191. a.
 Accidenti separato non superadditur novus modus possibilis. ibid. b.
 Accidentis conferuatio in subiecto & extra illud virum sit distincta. — 195. a.
 Accidentia solo numero distincta nequeunt esse in eodem subiecto. 112. b.
 Accidentia indiuiduantur a subiectis 110. b.
 Accidentia solo numero distincta quare non simul bene tamen successiue possunt esse in eodem subiecto 214. a.
 Accidentium multiplicatio quare non aque bene desumatur a termino quam a subiecto 115. a. b.
 Actio debet esse eadem si effectus debeat esse idem. 215. a.
 Actio reflexa quare intendat qualitatem & non item antiperistasis. 115. a. & seq.
 Actio Dei sola potest esse eadem respectu omnium producendorum. ibid. b.
 Actio Dei qua produxit Adamum quomodo maneat & iam transiit 218. a.
 Actio productiua rei permanentis & productiua rei successiua licet utraque contineatur in potentia Dei implicat illam reproduci & hanc non. 249. a. & b.
 Actiones vitales quomodo possint a Deo reproduci. ibid. b.

Actio instantanea non potest a Deo reproduci 16.
 Actus immanens licet recipiatur in agente non ideo tamen est idem mouens & motus 10. a.
 Aer diuiditur in tres regiones earumque naturae & explicationis. 156. b.
 Aeris varij colores unde & quomodo causentur. 180. b.
 Agens non potest agere in plano sibi simile. 108. b.
 Agens potest esse simile passio in specie non autem in omnibus alijs. 109. a.
 Agens eo quod agit formaliter superius est 119.
 Agens minus actiuum potest agere in magis actiuum debilitando eius virtutem. ibid.
 Agens requirit determinatam virtutem supra passum. 121. a.
 Aggenerationis definitio ponitur. 181. b.
 Aggenerationis non possunt determinatam partem. 170. a.
 Aliquid se ipsum generare & corrumpere impossibile est. 104. a.
 Alimentum varijs submutationibus ante nutritionem. 160. a. & seq.
 Alimentum quomodo desinat ultimo 172. b.
 Alterationis variae acceptiones recensentur 62. a. & b.
 Alteratio stricte sumpta definitur. 63. a. & seq.
 Alterationis strictae sumpta species explicantur 66. b. & seq.
 Alteratio physica per se primo tantum datur ad certam speciem qualitatis 65. b. & seq.
 Alteratio in ratione motus est vnus includens duas mutationes. 72. a.
 Alteratio est motus continuus prout opponitur discreto & quomodo. 73. & seq.
 Alterationis ratione subiecti indiuisibilia explicantur. 75. b. Alterationis ratione motus indiuisibilia 76. a. Alteratio continua quomodo habeat vnum terminum. 77. b. Alteratio licet duraret per annum non faceret infinitam qualitatem 78. a. Alteratio incipit per vltimum non esse. ibid. b.
 Zz 3 Antiqua

Fulgura & tonitrua vnde causentur, & quomodo fiant. 273. b.
 Fulgur quid sit. ibid. b.
 Fulmē distinguitur à fulgure & tonitru. 274. b.
 Fulmen quid sit, à quo & vnde generetur. 278. a. & b.
 Fulmen virū possit esse aliquando lapis. ibid.
 Fulmina varia reperiuntur. ibid.
 Fulminum effectus sunt varij & mirabiles. ibi.
 & seq.

G.

Generationis varia acceptiones explicantur. 5.
 Generationis definitiones explicantur. 5. & a. b.
 Generatio creata ex causa materiali facta, est essentialiter mutatio. 6. b.
 Generationes viuentium definitio explicatur. 8. & 9. a. b.
 Generationem substantialem dari probatur contra antiquos. 10. b.
 Generationis substantialium actio quid producat. 12. & 13.
 Generationem esse actionem distinctam ab alteratione precedenti probatur. 14. & 15.
 Generans hominem quid circa genus operetur. 16. a. b.
 Generationis substantialium formalitates & respectus exponuntur. 17. & 18. a. b.
 Generationis terminus multiplex est. 19. a. b.
 Generationis terminus adequatus & totalis assignatur. 20. a.
 Generationis terminus formalis quis sit. 21. b.
 Generatio non necessario de nouo terminum suum formalem producit, licet totalem necessario producat. 25. a.
 Generationis substantialis subiectū quod nā sit. 26.
 Generatio quomodo differat à creatione. 28.
 Generatio petit resolutionem omniū forme vsque ad materiam primam. 35. a.
 Genium nō habet eadem accidentia quæ corrupta. 36. & s. q.
 Genium à quo effectiue procedat in instanti generationis. 41. & seq.
 Generante à genito distante virtus eius in instanti generationis vbi sit. 46. & seq.
 Glacies quid sit & vnde causeatur, & ex quo. 29.
 Grando quid sit & vnde causeatur. 200. b.

Ignis resistentia quare possit debilitari cū resistentia. l. p. d. non possit debilitari. 120. b.
 Ignis licet re. ipiat in se frigus, non tamen denominatur frigidus. 127. a.
 Ignis non proprie nutritur. 154. a. b.
 Ignis reperitur in loco suo naturali supra aerem prope lunam. 220. a.
 Ignis supra aerem non lucet, nec indiget pabulo quo nutriatur. 16. a. b.
 Ignes qui dicuntur capra saltantes quid sint, & vnde causentur. 270. b.
 Ignes in infima regione aeris vnde caus. 273. b.
 Individuatio quod duplex & quid sit. 193. b.
 Individuationem substantia materialis variè volunt fieri diuersi autores, eorumq; sententia referuntur. 194. b. & seq.
 Individuationis principium non potest natura specifica. 195. b.
 Individualis unitas quomodo conueniat naturæ. 197. a.
 Individuatio quomodo spectet ad gradum metaphysicum. 199. a.
 Individuatio quomodo fiat ab accidentib. b. b.
 Individuationis principium quare non sit forma. 200. a.
 Individuationis principium nō potest esse haccitas ab extrinseco adueniens. ibid. & seq.
 Individuationis principium nō potest esse summa substantialis vel accidentalis. 202. b.
 Individuationis principium est materia signata quantitate, & quid sit materia signata quantitate exponitur. 203. b. 204. b. & seq.
 Individuatio accidentium sumitur à subiecto. 210.
 Individuationis accidentium principium non potest esse materia prima etiam vt quo. 211. b.
 Individuatio ipsius quantitatis quæ est accidentis & principium aliorum accidentium à quo desumatur. 212. a.
 Intensio & remissio qualitatum quid sint. 80. a.
 Intensio & remissio inueniuntur in sola qualitate non tamen in omni eius specie. 81. b.
 Intensio non fit per additionē nouæ qualitatis. 86. a.
 Intensio per quid & quomodo fiat. 90. & seq.
 Intensio non fit per hoc quod forma accipias maiore vim informatiuā. 92.
 Intensio fit per maiore & perfectiore unionē ad subiect. 97.
 Intensio

Intendente qualitatem remoto à quo gradus remissior ipsius producat. 101. b.
 Iris quid sit & unde causetur & quomodo 227. a. b.
 Iridis colores in quoniam subsistent, & à quo continentur. 228. b.
 Iridis colores prout sunt veri vel apparentes & eorum multiplex figura. 270. a. b.
 Iridis significatio duplex est. 280. a.

L.

Lac animalis informatur eadem anima qua totum. 104. a.
 Lac post diem iudicij non resurget in numeribus & quare. 104. b.
 Lac quoniam gradu infirmetur, estque pars animalis. 105. a. b.
 Lacteus circulus siue galaxia quid sit & multa poetarum de ipsa signenta & vni collocandus. 257. a.
 Lancea quid sit & unde fiat. 257. a.
 Lapis quomodo à gutta conteratur. 119. b. & seq.
 Lignum vite quid prestiterit homini. 252. a.
 Loquela beatorum post diem iudicij. 69. a. b.
 Lumen duplex non potest recipi in eodem subiecto. 211. a.
 Lux est qualitas perfectior omnibus corporeis qualitatibus. 118. b.
 Lux reflexa quare & quomodo intensior sit quam non sit. 114. b.

M.

Maria virgo vere est mater Dei. 23. a. b.
 Macula luna quid sit & à quo causetur. 209. a. b.
 Manna quid sit & unde causetur. 201. b.
 Mare maximum & vastissimum est oceanus. 192. a.
 Maria omnia ortum habent ex oceano. ibid.
 Maria varia enumerantur & earum natura investigatur. ibid. b. & seq.
 Mare vitatum sit aliud terra. 293. a. b.
 Mare motus unde causetur & quis principalis. 294. a. b.
 Mare quare concitatus in una parte quam alia fluat. 295. a. v.

Maris salsedo unde causetur qua causa ex qua & à qua. 296. a. b.
 Mare quare tot fluminum accessibus non augetur. 301.
 Maria de qua tractant hi libri de generatione. 2. & 3.
 Maria qua est subiectum generationis substantialis non habet partialem existentiam. 11. a. b.
 Materia non convenit creari sed concreari 30. & seq.
 Materia qualem esse requirat ad receptionem formae substantialis. 101. a.
 Materia prima est subiectum quo accidentium 103. b.
 Materia qualiter respiciat quantitatem materiae prima. 201. a.
 Materia qualiter signetur à quantitate ibid. b.
 Materiam cometarum locum & causam explicanter reprobantur & veritas aperitur 271. & seq.
 Mel quid sit & à quo causetur, non fit ex alimentum apum. 201. a.
 Mellis uesire quale comedit S. Ioannes unde causetur. ibid. b.
 Meteorologicarum impressionum materia qua fit & ex quibus elementis fiat & qua causa efficiens. 256. a. b.
 Meteorum aliquod de nouo in caelo generari est impossibile. 270. a. b.
 Mixtionis definitio explicatur illa qua vere datur & proprie. 116. a. & seq.
 Mixtio quomodo differat à generatione substantiali. 130. a.
 Mixtum qualiter retineat miscibilia 131. a.
 Mixtum à quo generetur estque naturalis mixtio. ibid.
 Mixtio in quibus datur. 133. a.
 Mixtum componitur ex omnibus quatuor elementis. 136. a. b.
 Mixtum non retinet formam substantialem sed tantum accidentalem & quomodo. 138. & 299. a.
 Mixta alia perfecta alia imperfecta & ex quibus consistunt. 293. a.
 Mixtorum qualitatum componentium in

temperamentum explicatur. *ibid.* & seq.
 Mixta prater primas qualitates habent quas-
 dam proprias. *239. b.*
 Mixtorum temperamentum aliud secundum
 proportionem aliud ad pondus, quid sint,
 & quodnam mixta habeant. *240 & seq.*
 Mixtorum viuentium partes heterogenea
 quare diuersum temperamentum petant.
242.
 Mobile potest moueri motibus contrarijs &
 quomodo. *224. a. b.*
 Monstra & similia aliquando intenduntur et-
 iam ab agente particulari. *60. b.*
 Motus terminus potest esse indiuisibilis in se.
77. a.
 Mors est homini naturalis & debita & se-
 cundum quem statum. *251. b.*
 Montem Olympum in Tessalia ob altitudinem
 tam tenuis occupat aer vt nec homines in
 eo esse possint. *256.*
 Mundus celestis ex quibus constet, & elemen-
 tares ex quibus constent. *ibid. a. b.*
 Mutationes consecuta ad generationem re-
 censeantur. *1. & 2.*
 Mutationis in generatione substantiali subie-
 ctum quodnam sit. *16. a.*
 Mutatum esse non potest naturaliter fieri nisi
 precedat moueri. *74. a.*
 Mutationes alimenti antequam animal nu-
 triatur varia explicantur. *160. & seq.*
 N.
 Nebula quid sit ex quo & a quo causetur. *289.*
b. ribus matius fieri potest nisi vel per rarefa-
 ctionem vel additionem noua quantitatis.
149. b.
 Nix vnde generetur & quae materia eius &
 causa efficiens. *283. a. b.*
 Nubes quid sint & earum materia inuesti-
 gatur. *286. a.*
 Nutritio definitur. *151. b.*
 Nutritio datur tantum in viuentibus. *152. a.*
 Nutritio potest reparare imperfecte humidum
 radicale. *153. a.*
 Nutritio distinguitur ab augmentatione.
154. b.

Nutritio terminatur ad formam substantia-
 lem. *156. b.*
 Nutritio & augmentatio versantur circa
 eandem materiam. *157. a.*
 Nutritionem terminari ad partes substan-
 tiales quomodo intelligatur in nostra sen-
 tentia negante partes substantia. *ibid. b.*
 & seq.
 Nutritio in quam actione sit constituenda.
162. a.
 Nutritiva virtus vbi in animali resideat.
ibid. b.
 Nutritio durat toto tempore vite. *166. b.*
 Nutritio est mutatio continua prout conti-
 nuum opponitur discretis, admittens ta-
 men irregularitatem. *170. a.*
 Nutritio qualiter possit fieri absque penetra-
 tione. *175. b.*

P

Partes in condensatione non penetrantur sed
 comprimuntur & quia sit comprimuntur par-
 tes. *142. a.*
 Partes aliquotae licet habeant eandem entita-
 tem cum proportionibus possunt crescere,
 illa vero non. *175. a.*
 Partes viuentis licet materialiter mutantur,
 non tamen formaliter. *177. a.*
 Generans plures filijs vnica tantum relatio-
 ne respicit. *224. b. & eq.*
 Parely quid sint, vnde & quomodo cauantur.
281. b.
 Pluuia quid sit, & vnde causetur. *286. a. b.*
 Pluuia quare aliquando maximo imbri, ali-
 quando sine vlllo strepitu descendat. *ibid.*
 Pluuia tanta naturaliter loquendo non dabi-
 tur vt inueniat diluuium. *287. a. b.*
 Praeter quid sit & vnde causetur. *285. b.*
 Procremum in secundam partem philosophiae
 naturalis. *1. & seq.*
 Processus filij in diuinitate quare sit generatio &
 non processio Spiritus sancti. *2. b.*

Q.

Qualitas quomodo sit diuisibilis & indiuisibilis
 & successiue acquiratur. *66. a. b.*
 Qua-

Qualitas p
 Qualitas
 est res
 & seq
 Qualitas
 di.
 Qualitas
 man.
 ibid
 Quali
 rui
 Quali
 su
 Qua
 si
 i
 Qu
 Q
 Q
 S

INDEX.

Qualitas potest intendi & remitti 79. b.
Qualitatis augmentum extensuum non solum est respectu subiecti sed etiam obiecti. 83. a. & seq.
Qualitatu intensio est tantum respectu subiecti. 86. a. b.
Qualitates separate à subiectis sunt magis vel minus intensae per ordinem ad subiectum. ibid. b.
Qualitates primae sunt prima contraria, earumque natura explicatur. 217 & 218.
Qualitatum istarum aliae sunt actiuae aliae passivae earumque definitiones explicantur.
Qualitates contrariae mutuo se expellunt à subiecto & unde oriatur ista contrarietas & in quo consistat 221. a. b. & 222. a. b.
Quantitas quare non terminet plures motus cum tamen hoc faciat qualitas 67. a. b.
Quantitas est incapax augmenti intensiois. 81.
Quantitas maior quomodo fiat & quid sit. 155. & seq.
Quantitas non est principium quo recipiendi accidentia. 184. b. & seq.
Quantitatem sequi materiam quomodo intelligatur. 189.

R

Rarefactio quid sit, & quid importet. 141. & 142.
Raritas quid sit exponitur. 143. b.
Raritas ad quam speciem qualitatis pertineat. 144. a.
Raritas non est qualitas actiua sed tantum passiva. 145. a.
Rarefactio non requirit motum localem & quomodo. 149. a.
Reactio & actio inveniuntur quando sunt istae conditiones etiam secundum easdem partes & eandem contrarietatem qualitatum. 122. b.
Reactionis conditiones explicantur. 121.
Reactio quomodo possit esse absque eo quod subiectum moveatur motibus contrariis. 124. a. & seq.
Relatio est incapax augmenti intensiois. 80. a.

Relatio materiae primae cui inhaereat. 187. b.
Res permanens corrupta potest diuinitus redire non tamen successivè. 244. & 246. a. b.
Res corruptibiles habent omnes terminum determinatum suae durationis. 265. a. & seq.
Resistentia quoduplex sit & quid omnes sint. 116. & seq.

S

Sanguis multiplex est. 163. a.
Sanguis verus informatur animae rationali. ibid. b.
Sanguis quomodo contineatur in alijs membris, & quale sit nutrimentum. 165. & 166.
Semen animalis informatur animae totius. 164. a.
Semen non resurget post diem iudicij in hominibus. ibid. b.
Sensuum omnium perfectissimus in homine est tactus. 140. b.
Stella in aere volitantes quomodo fiant subiectum librorum de generatione assignatur 4.
Subiectum accidentium duplex est. 279. a.
Subiectum inhaesionis quales habeat conditiones. 180. & 182.
Substantia partialis quomodo acquiratur in aggeneratione. 172. a.
Summa textus viriusque libri de generatione & corruptione à pagina 13. vsque ad 164.

T

Terra motus causa, effectus & signa assignantur. 303. & 304.
Tropheo seu typho quid sit & unde causetur. 285. a. b.
Tonitruus causa & natura, materia ex qua fiat inuestigatur. 273. & seq.
Turbines quid sint, & unde causentur 285. a.

V

Vapor, materia, inpressionum meteorologicarum quid sit. 265. a.
Vapor quousque ascendat & in quid resolvatur. ibid.
Venti quid sint & eorum materia & causa efficiens assignantur 282. & 283. a. b.

Venti duplices sunt alij generales & provinciales, omniumque natura & numerus investigatur. 28. & seq.
 Vermes ex hostia consecrata geniti quomodo in eis saluetur mutatio. 7. & 8.
 Vinentiam generatio quomodo distinguatur à generatione non vinentium. 8. b.
 Vinentis primus motus à quo causetur. 13. a. & seq.

Vivens nutritur secundum omnes suas partes aliquotas, non proportionales. 17. a. b.
 Visio duorum individuum eiusdem speciei virum sit una vel multiplex. 215. b.
 Veritas quomodo sequatur ad rationem entis. 128. b.
 Vorago quid sit & unde causetur. 231. b.
 Virgarum genitarum circa latera solis natura & nomen explicantur. ibid. b.

INDEX RERVM SUPER TRES LIBROS DE ANIMA.

Numerus Paginam, A priorem, B verò posteriorem paginam notat.

Absens physicè non potest à quocunque sensu externo cognosci. 139. a.
 Actio an semper petat terminum productum. 139. a. b. 100. a. b.
 Actus secundus virum sit perfectior actu primo & an sit finis operantis. 9. a. b.
 Actus tam transeuntes quam immanentes, specificantur ab obiectis. 60. b. ab ipsis actibus immediate specificantur potentia & habitus. ibid.
 Estimativa definitio assignatur. 210. a.
 Estimativa in homine non distinguitur à cogitativa. 21. b.
 Anima definitio duplex assignatur. 4. a. explicantur particule prioris definitionis. 16. & seqq. explicantur particule definitionis secundae. 16. & seqq. utraque definitio est essentialis. 12. b. quomodo ista definitiones inter se differant. 14. b. prior definitio demonstratur per philosophiam. 14. b.
 Anima ut dicitur alius corporis & non materiei prime. 11. a. b.
 Animam rationalem esse formam hominis esse de se. 16. a. eadem in quantum rationalis verè statuta. ibid.
 Anima rationalis quomodo attingatur à generatione. ut exemplum illam à prole. 23. a.
 Anima dicitur assignatur. 25. b. illa anima sit ex veritate. 35. a. b.
 Anima ut genera aliunde deservuntur, & anima gratiæ modis. 27. b.
 Anima rationalis continet gradum vegeta-

tivum formaliter emittere sicut & sensitivum. 31. b. ad ipsum magis ex latetur. 3. b.
 Anima an & quæ sit divisible. 3. a. b. & seqq.
 Anima rationalis, & etiam perfectiorum animalium, est tota in toto & tota in qualibet parte. 12. a. b. & seqq. quomodo per accidens intrinsece sit in loco. ibid.
 Animalia imperfecta si dividantur in partibus divinis res tantum diversa anima. 44. a. b.
 Anima si divinis ab illa separarentur potentia maneret tantum rationaliter intellectiva vel sensitiva & non formaliter seu proxime. 53. b. 54. a.
 Anima intellectiva est immortalis. 124. b. & seqq. 124. b.
 Anima intellectiva unita corpori dicitur non sui sapere ad rationem sensu in quo non sententia dicitur incommensurabilis. latens non tamen quatinus subsistentia dicitur esse per se contra positam modo inbarentem. 276. a. b.
 Anima intellectiva existens quomodo communicetur corpori cum illa sit spiritus. 227. a.
 Anima intellectiva in et emittit a. spiritus sitis bonum esse corporeum & spiritus non perfectus. 21. b.
 Anima separata quomodo cognoscatur spiritus separata corpore. 228. b.
 Alimentum deseruit & potentia nutritiva & augmentativa & generativa sed duobus modis. 29. b.
 Anima rationalis dicitur oritur ex amabili-
 bus a. b. quomodo recipit intelligendum. 62. a. b.
 Appen-

Appetitum
 tunc
 Appetitum
 dicitur
 Aqua
 m.
 An
 f.
 a.
 An

Ca
 Co

Co
 co

Co

Co

Co

Co

Co

Co

Co

Co

Co

Co

INDEX.

Appetitus communiter sumpti diuisio a. b. c.

Appetitus Irascibilis & Concupiscibilis sunt diuersi secundum speciem potentie. 312. a.

Aqua calefacta quomodo se reducat ad formam cornaturalem. 55. a. b.

Auditio potentia subiectum seu organum assignatur 117. b. 118. a. triplex est illius modus. 118. d.

Animi fabrica seu structura describitur. 115. b. & seqq.

C.

Calidiora an sint omnia eiusdem speciei 22. a.

Cogitatio in Homine non distinguitur ab a. b. c.

Cognitio eorum qua infra nos sunt est perfectior a nobis eorum, respectu autem rerum qua supra nos sunt praestantior est a nobis cognitione. 331. b.

Cognoscitua potentia patitur a. b. c. obiecto per se & in genere cognoscitua & non tantum per accidens & in genere conitativo. 31. b. est tamen actua respectu ipsius cognitiui. 33. b.

Cognoscens secundum D. Th. in hoc differunt a non cognoscentibus quod haec non habeant nisi formam propriam, illa vero nata sint habere etiam formam alterius. 81. b.

Coloris duplex definitio assignatur. 161. a.

Color vnde & quomodo causatur. 162. a. b.

Color an ex se sit visibilis independentem a luce 170. a. b. 171. a. b.

Continentia triplex est, alia formalis tantum, alia virtualis tantum, alia formalis & virtualis simul. 31. b.

D.

Dictio seu expressio productiua Verbi quid sit 253. a.

Dicere & intelligere quomodo differant 84. b.

Diminutio quae proprie perficitur dum inani a effectu a se propter 146. a. 147. a. b. item quid sit tam diminutio. 50. a.

E.

Echo quid sit 182. a. b. quoniam corpora reddunt eho. 181. d.

Echo an solum generetur ex reflectione ipsius soni an vero etiam per generationem ex reflectione solam specierum audientium 183. a. 184. a.

F.

Formas substantiales pures esse in eodem composito est impossibile. 176. & seqq.

Forma superior continet gradus inferiores formaliter eminenter. 31. b.

G.

Generare an & in quo sensu sit opus naturalissimum virentibus sicut perfectis. 66. a. 67. a. b.

Generatiua potentia realiter distinguitur a alijs potentijs vegetabilis. 76. a. b. quis sit eius effectus & terminus principalis. 114. b. Item qua potentia ei describitur ibi. & 79. b.

Generatiua Virtutem masculi & feminam non differre specie probatur ne est 76. l.

Gustus & sensus dist. Alius a tactu, quod quidam moti auhoritatibus Aristotelis negant. 122. a. b.

Gustatiua potentia obiectum assignatur. 109. a.

Gustatiua potentia non habeat motum extrinsecum sed tantum intrinsecum & quodnam illud sit. 131. a.

L.

Illuminatio alia dicitur formalis alia obiectiua. 247. a.

Imaginatiua non solum est retentiva specierum sed etiam est proprie cognoscitua a. 238. a. cognoscat oculus in specie distat a cognitione sensus communis & estimatiua. 209. a.

Imaginatiua definitio assignatur. 210. a.

Imaginatiua in somno operatur, & quomodo hoc contingat. 221. b.

Imago qua videtur in speculo non generatur praeter ex speculo intentionalis obiecti sed ex restrictione lucis tanquam principio & ex extractione specierum tanquam ex modificante. 143. a. b.

Imperfectio fundatur in potentiitate & materialitate 122. a.

Imperfectio a prius attingitur a generatione considerata ad finem & inferi, si tamen eadem generata consideretur perfecte considerata, tunc fit de conuerso. 83. a.

Indifferentia libertatis in quo consistat. 37. a.

Intellectus nostrus ne effari possit productio nem verbi & qualiter sit hoc necessarium. 29. b.

Intellectus operatus est triplex, vide operatio intellectus. Ad 3 Intel-

Intellectus non cognoscit directe & primo singulari. 275. a. b. 276. a. & 262. a.
Intellectus recordatur non solum res ipsas, sed etiam actus suos. 278. a.
Intellectus agentis proprium officium assignatur. 238. b. & 245. b. & seqq.
Intellectus agens est vera potentia Anima. 239. b. est potentia distincta ab intellectu possibili. 241. b.
Intellectus agens an in anima separata sit officiosus. 245. a.
Intellectus agens secundum quid est nobilior intellectu possibili. 245. b.
Intellectus agens reddit obiectum actu intelligibile quod antea erat intelligibile solum in potentia. 246. a. & seq.
Intellectus agens an prater productionem speciei intelligibilis habeat alios effectus realiter ab illa distinctos. 250. b. 251. a. b.
Intellectus possibilis adequatus & etiam terminatum obiectum assignatur. 254. a. & 258. a. quodnam sit eius obiectum proportionatum & connaturale pro quolibet statu. 254. b. 258. a. quodnam sit obiectum specificatum intellectus Angelici. 255. b.
Intellectus an possit plura cognoscere per modum plurimum. 205. b.

L.

Libertatis definitio assignatur. 327. a. b.
Libertatis indifferentia in quo consistat. 317. a. quae sit radix libertatis in Voluntate, 318. b.
Lingua fabrica describitur. 129. a.
Luminis seu lucis definitio assignatur. 161. a. examinatur & approbatur. 169. b.
Lux est qualitas non intentionalis sed realis sine naturalis. 168. b. specie distinguitur a colore. 169. a. an requiratur ex parte medij vel ex parte obiecti ad hoc ut obiectum reddatur actu visibile. 170. a. b. & seq. an inhaesive informet colorem vel potius tantum effectum illi imprimat. 172. a.

M.

Masculi & **femina** virtutem generatiuam non differre specie probabile est. 76. b.
Membra abscissa v.g. caput, nasus &c. an adhuc viuunt. 44. b. 45. a.

Memoria est potentia non tantum retentiu sed etiam cognoscitiua, 210. a. assignatur illius proprius modus cognoscendi. 211. a. non distinguitur in homine a reminiscetia 211. b.

N.

Nasi structura describitur. 122. a. b.
Necessarium obiectum quo ad exercitium intellectus est solus Deus clare visus. 329. a. 330. b.
Necessitas quo ad specificationem & quoad exercitium quid sit, & quae veriusque distinctio. 328. a. b.
Necessitas quoad exercitium in visione clara Dei a quo formaliter proueniat. 328. b.
Necessarium obiectum voluntatis quoad specificationem est beatitudo in communi, in quantum est ratio formalis appetendi bona. 329. a.
Necessitati non potest voluntas stante iudicio indifferenti. 319. b.
Nutritiu potentia quid sit. 68. a. b. quod sit eius obiectum. 69. a. b. in nutritione sunt tria scilicet quod alitur, quo alitur, & alens primum. id id. quod & quaeam sint facultates deservientes potentia nutritiu. 70. a. b. an potentia nutritiu, augmentatiua & generatiua realiter distinguantur. 70. b. 71. a. b.

Nutritiu potentia an habeat speciale aliquod organum 69 a

O.

Obiectum librorum de Anima quod sit 1. & 2.
Obiectum coniungi debet potentia cognoscitiua, & concurrere cum illa in ordine ad eliciendam operationem 80. b.
Obiectum respectu potentia cognoscitiua non se habet tantum terminatiue, sed etiam motiue 81. a. 82. b.
Obiectum intellectus est ipsa ratio appetibilis, ipsum autem bonum appetibile, cuius ratio est in intellectu, est obiectum voluntatis. 333 b.
Obiectum cuiuscunque intellectus creati assignatur. 355. a. & 358. a.
Obiectum proportionatum nostri intellectus

pro quo

INDEX.

- pro quocunque statu seorsim assignatur. 255. b. & 255. a.
- O**bjectum proportionatum intellectus Angelici assignatur. 255.
- O**culorum fabrica seu contextura describitur. 106. a. b. & seq.
- O**donis definitio traditur. 186. b.
- O**dor non est exhalatio ipsa, sed subiectatur in exhalatione. 186. a. 187. b.
- O**dor non semper diffunditur realiter vsque ad sensum olfactus, sed quandoque tantum intentionaliter, & etiam si realiter ad olfactum perueniat, non tamen sentitur quatenus est ibi realiter, sed quatenus intentionaliter est ibi. 124. a.
- O**doratiua potentia quodnam sit obiectum 122. b. quodnam sit eiusdem medium & quotuplex. 223. b. 124. a.
- O**doratus non conuenit eodem modo omnibus animalibus odorantibus. 125. a.
- O**peratio intellectus triplex est. 299. b. in quo consistat simplicitas operationis. 301. a. in quo consistat compositio. ibid. an secunda operatio sit idem quod iudicium. 303. a. an per istas tres operationes fermentur distincti conceptus. 304. a.
- O**ppositio seu destructio alicuius est tanto deterior quanto id quod destruit est excellentius 331. b.
- O**rganizatio quid sit & quotupliciter sumatur. 6. a.
- O**rganice partes eiusdem corporis differunt etiam differentia aliqua substantiali & non tantum accidentali. 6. b.
- O**rganum potentie v. g. sensitivae aut alterius requirit inter ipsum scilicet organum & inter obiectum potentie non similitudinis, sed receptionis proportionem. 125. b. & seq.

P

- P**artes Heterogeneae non differunt specie essentiali saltem completa, & explicatur auctoritas Aristotelis & D. Thome quae contra hoc militare videntur. 250. b.
- P**erspicui definitio assignatur. 161. a.
- P**erspicuum aliquando inuenitur coniunctum

- luci, aliquando coniunctum suo contrario id est opacitati, aliquando inuenitur perspicuum secundum se, id est nec coniunctum luci nec opacitati. 162. b.
- P**hantasia saepe sumitur confuse pro omnibus sensibus interioribus praeter sensum communem, & illius ut sic sumpta definitio assignatur. 207. b.
- P**hantasia vide Imaginativa.
- P**hantasma concurret ut instrumentum intellectus agentis ad productionem speciei intelligibilis. 247. b. & 249. b.
- P**lura an possint cognosci simul per modum plurium. 305. b.
- P**otentia augmentatiua in planta non differt specie a potentia augmentatiua animalis, propter idem utriusque obiectum, tamen potentia Nutritiva, & etiam generatiua planta specie differt a generatiua & nutritiva animalis propter diversitatem obiecti. 305. b.
- P**otentia Animae omnes realiter distinguuntur ab ipsa Anima substantia. 4. b. & seqq. eadem ab anima dimanant. 48. b. & seqq. talis emanatio non est per transmutationem sed per naturalem resistantiam 49. b. tamen non semper dimanat immediate ab essentia sed quanaeque via potentia dimanat immediate ab altera. 50. b.
- P**otentia animae non omnes manent in anima separata. 47. a.
- P**otentia Vegetativa & nutritiva Hominis non immediate dimanant ab Anima sed adhuc alia potentia mediant. 31. a. Item quanam & quot mediant. ibid.
- P**otentia in quo causandi genere specificetur ab actione & obiectis. 56. b. & seqq.
- P**otentia quae sunt communes Homini & bruto, v. g. potentia visiva Homini & bruto, an sint eiusdem vel diuersae speciei. 63. b. 64. a. b.
- P**otentia sensitiva sine sensus passiva se habet respectu specierum ac per consequens est potentia passiva. 80. b. eadem tamen respectu generationis est potentia activa. 83. b.
- P**raedicativum physica extrahit voluntatem ab

Indifferentia potentiali seu si spensiva non
ab activa seu denominativa. 321. b.
Promotio diuina propter suam vniuersalitatem
virtutem non solum habet mouere &
determinare ad actum faciendum, sed et-
iam communicare ipsum medium quo cau-
sa debet illum facere. 323. a.
Promotio qua Deus mouet voluntatem, & de-
terminat eius potentiam indifferentiam
non est moralis sed physica. 325. b.
Propria passiones an dimanant ab essentia per
veram efficientiam sine per actionem pro-
prie dictam, vel quomodo dimanent. 49. a.
b. & seq. Non tamen semper immediate
demanant ab essentia, sed vna propria pas-
sio potest dimanare immediate ab altera.
50. b.
Propria passio si impediretur quo minus statim
sequeretur ad agentiam, quomodo postea
cessante tali impedimento ponatur in esse
talis passio sine potentia. 55. a. b.

R.

Reminiscentia non distinguitur à Memoria in
homine 211. b.

S.

Saporis definitio. 188. b.
Saporis species extreme contraria sunt acri-
intermedia principales sunt sex. 139. b.
Seminis virtus non est virtus Nutritiva sed
specie differt ab illa. 76. a.
Sensuum quodnam sit principium radicale.
135. b.
Sensus omnes requirunt medium aliquod per
quod species intentionales deferantur ad i-
psos: duo autem scilicet Gustus & Tactus tantum
requirunt medium internum; alij autem
tres prater medium internum etiam requi-
runt externum. 130. b. 131. a. b.
Sensus tam interni quam externi dimanant
ab intellectu vi unito corpori. 31. a. 32. b.
Sensus seu potentia sensitiua passiuè se habet
respectu à seipsum ac per consequens est po-
tentia passiuè. 80. b. est tamen potentia ac-
tiva respectu ipsius sensationis 83. b.
Sensibile externum dividitur in sensibile

proprium, commune, & per accidens. 82. a.
Sensibile commune & proprium in vno con-
sistent & in tribus differunt. 83. b.
Sensibile commune, & sensitiue, per accidens
in quamdam speciem repræsentantur. 89. b.
Sensitiue per accidens si substantia cui tan-
quam subiecto inherens sensitiua propria &
communis. 90. b.
Sensibile commune quomodo per se conducat
ad sensationem, non autem sensitiue per ac-
cidens. 91. a.
Sensibile possum supra sensum non sentitur.
96. b.
Sensibile vehemens laedit organum sensus. 98.
a. b. & seqq.
Sensibus externis an conueniat falsitas seu de-
ceptio. 101. a. b.
Sensus exterior non est reflexiuus supra suum
proprium actum. 102. a.
Sensuum externorum obiectum debet esse præ-
sens physice ad hoc vt sentiatur. 139. a.
Sensus omnes tam interni quam externi re-
quirunt species impressas intentionales. 146.
b. & seqq.
Sensus agens non datur. 151. a.
Sensus externi non producant speciem expres-
sam in qua obiectum suum cognoscant. 158.
a. b.
Sensuum internorum officia sine munia enar-
rantur & specificantur. 1. 8. e. b. 199. a.
Sensus interni sunt quatuor. 200. a. b. non om-
nes inueniuntur in omnibus animalibus.
211. b. Sensus communis tamen in omnibus
animalibus inuenitur. 101. d.
Sensus compositi & diuisi vna explicatio
proponitur & rejicitur. 326. a. vera expla-
natio declaratur. 116. h.
Singularia corporea quomodo cognoscantur ab
anima separata 261. b.
Singularium materialium cognitio requirit
reflexionem ad phantasmata licet non ri-
gorose dictam. 269. b.
Sens species ac passus deferri per quodcum-
que corpus etiam solidum & densum ad au-
ditum. 118. b.
Sons definitio assignatur & explicatur. 175. a.
b. quod-

b. quodnam sit illius. bi. Etur 176. a. b. an
 deferatur usque ad aliquam distinctionem.
126. b. 177. a. v. de incipienti emitti species
 intentionales fori. 172. b. 178. a.
 Soni species non deferuntur in instanti sed suc-
 cessive. 178. a.
 Sonus reflexus vide Echo.
 Specificatio potentiarum non suntur à prin-
 cipio v. g. effectus non aut fiat quomodoque
 sumpto, sed certo modo specio. 56. b. 58. a.
 Specificatio diversarum potentiarum vel ha-
 bituum quomodo possit provenire ab eo-
 dem re alter obiecto. 60. a.
 Specificatio potentiarum & habituum unde
 immediate proveniat. 60. b.
 Species impressa an sit formalis an vero tan-
 tum virtualis similitudo obiecti. 142. a. b.
 item quomodo sit similis obiecto. 150. a. b.
Dupliciter informat potentiam. 150. a. b. ab-
 strahit ab hoc quod sit substantia vel acci-
 dens. 151. b. 152. a. ex quali subiecto edu-
 catur. ibid. qua sit causa efficiens eiusdem.
ibid. a. b. & 153. a. b. efficitur concurrat
 eum potentia ad elicendam cognitionem.
154. a. non semper subordinatur potentia,
 sed aliquando potentia subordinatur ipsi
 speciei. 154. b. 155. a.
 Species impressa sensuum interiorum qua vir-
 tute & à quo agente generentur. 219. b.
 Species expressa sensuum interiorum à quo
 agente producantur. 221. a.
 Species impressa rerum singularium non re-
 presentant illas adaequate & directe. 268. a.
 Speculum quomodo se habeat in ordine ad vi-
 dendum obiectum in ipso relucens. 142. a.
b. 143. a. b.
 Subsistentia duo importat, semel dicit esse per
 se prout ly per se opponitur modo inhaerentia,
 secundo dicit existentiam per se ut oppo-
 nitur omni comunicati in a. 150. 236. a. b.

T

Tactus est sensus unicus secundum speciem a-
tomam. 131. a. quodnam sit eius subiectum-
 item quodnam sit v. edium illius internum.
131. a. b. 5. a. non habet medium exte r-

num. 135. b.
 Tactus percipit solum excessivas qualitates.
191. b. an sentiat qualitatem realem pro-
 ductam in nervo sensorio, an vero tantum
 qualitatem intentionalem. 196. b. alteratio
 physica non omnino necessario requiritur
 ad sensationem Tactus. 196. a. b. Tangibi-
 les qualitates enumerantur. 192. a.

V.

Vegetativum in planta, & vegetativum in
 animali differunt specie; non tamen phan-
 tasia hominis dicitur specie à phantasia bru-
 ti. Ratio utriusque assignatur. 32. b. 33. a.
 Vegetativa anime definitio traditur. 65. b. hac
 definitio non est communis omnibus viven-
 tibus. ibid. Magis lata & communis defi-
 nitio assignatur. 66. a.
 Vegetativa potentia circa quid operentur. 64.
a. item quot sint. ibid. b.
 Verbum necessario requiritur in intellectu ad
 intelligendum. 290. b.
 Virtus aliqua cum est superior in agendo re-
 spectu alius mobilis, oportet quod mobile
 non solum subijciatur virtuti moventi, sed
 etiam motui eius. 314. b.
 Visiva potentia obiectum assignatur. 108. a. b.
 id ipsum pulchre explicatur. 118. a. quod-
 nam sit eiusdem medium. 112. a. b.
 Visio seu actus videndi quid sit. 112. a. b. An fiat
 per potentiam emittendo aliquid extra se,
 an recipiendo ab obiecto, & immanente re-
 parando. 113. a. b.
 Viventium gradus seu modi quot sint. 25. b.
 declaratur cur nec plures sint nec pauciores
28. a. b. & duabus seqq. paginis.
 Voluntas cur non dicatur etiam potentia pas-
 siva sicut cetera potentia cognoscitiva, cum
 tamen & ipsa moveatur ab obiecto. 88. a.
 Voluntas resistere non potest fiante iudicio
 indifferenti 319. b.
 Voluntas divina est origo & causa necessita-
 tis & contingentiae in rebus. 323. b.
 Vox animalis definitur. 152. a. quonem instru-
 menta ad vocem efformandam requiran-
 tur. ibid.









